



15
5
395

BIBLIOTECA NAZIONALE
CENTRALE - FIRENZE


5-11

ST. LOUIS

11/11

11/11

11/11



INSTITUTIONES THEOLOGICO DOGMATICO CANONICO HISTORICO MORALES

*Iuxta Sacram Scripturam, Canones, SS. Patres, Celebratissimae D.D.
& Ecclesiasticae Historiae & Disciplinae Scriptores exaratae.*

A PATRE

ANTONIO MARIA BORANGA

ORD. S. HIERONYMI

CONGREG. B. PETRI DE PISIS

S. THEOL. LECT. IUBIL. EX PROV. ET TRIBUNALIS
S. INQUISITIONIS CONSULTORE.

T O M U S I I I.

*Completens Tractatus de Iustitia & Jure, de Restitutione, de Contractione,
de Praeceptis Decalogi, & Ecclesia, de Decimis, de Sepulchris,
& portione Canonica, seu quarta Funerum.*



VENETIIS MDCCLXVI.

APUD SIMONEM OGCHI
SUPERIORUM PERMISSU, AC PRIVILEGIO.

*Bella Libreria
di S. Maria*

15

5

22

*Harold H. Rogers
15 Aug 1877*

7. 11. 1914. 3. 1. 1915.



Handwritten text in the bottom left corner, possibly a signature or address.

Handwritten text in the bottom right corner, possibly a signature or address.

I N D E X

TRACTATUUM, CAPITUM, ET PARAGRAPHORUM

IN HOC TERTIO TOMO CONTENTORUM.

TRACTATUS

De Iustitia, & Iure, & Iniuriis &
Restitutione.

P A R S P R I M A.

De Iustitia, & Iure.

C A P U T I.

De Iustitia.

- | | |
|--|--------|
| §. 1. D E natura iustitia | pag. 1 |
| §. 2. De divisione iustitia. | 2 |
| §. 3. De iustitia particularis divisione | 3 |
| §. 4. De subiecto iustitia. | 5 |
| §. 5. De causis iustitia. | 6 |

C A P U T II.

De Iure.

- | | |
|---|------|
| §. 1. De iuris natura. | 7 |
| §. 2. De iuris divisione. | 8 |
| §. 3. De variis speciebus iuris in re. | 9 |
| §. 4. De dominio, eiusque divisione. | 10 |
| §. 5. De subiecto domini. | 11 |
| §. 6. De dominio filiorumfamilias. | 13 |
| §. 7. De dominio uxorum. | 16 |
| §. 8. De dominio servorum, seu mancipio-
rum. | 18 |
| §. 9. De obiecto domini | ibi. |
| §. 10. De origine dominiorum. | 19 |
| §. 11. De modis acquirendi domini. | 21 |
| §. 12. De primo modo acquirendi domini,
nempe per Occupationem. | ibi. |
| §. 13. De occupatione gemmarum, venarum
auri, & argenti, de pastione in pascuis, &
lignatione in Sylva. | 25 |
| §. 14. De secundo modo acquirendi domini,
nempe per Inventionem, seu de acquisitione
domini rerum inventarum. | 27 |
| §. 15. De occulta depositione pecunie non
antiqua in aliqua domo inventa. | 29 |
- Iustit. Theol. Moral. Tom. III.

- | | |
|--|------|
| §. 16. De bonis inventis, ac de bonis debitis
incertis. | ibi. |
| §. 17. De acquisitione domini in bona deteli-
ta & vacantia. | 31 |
| §. 18. De tertio modo acquirendi domini, nem-
pe per Usucapionem, & prescriptionem. | 33 |
| §. 19. De natura seu definitione prescriptio-
nis. | ibi. |
| §. 20. De variis causis, quibus introducta sunt
prescriptio. | ibi. |
| §. 21. De iustitia prescriptionis seu usucapio-
nis in utroque foro, externo scilicet, & in-
terno, seu conscientia | 34 |
| §. 22. De obiecto prescriptionis. | 35 |
| §. 23. De conditionibus requisitis ad prescri-
bendam. | 36 |
| §. 24. De possessione. | 37 |
| §. 25. De titulo requisito ad prescriptionem. | 38 |
| §. 26. De bona fide ad prescribendum | 40 |
| §. 27. De tempore requisito ad prescriben-
dum. | 44 |
| §. 28. De remedio contra prescriptionem,
quod est restitutio in integrum. | 45 |
| §. 29. De aliis modis acquirendi domini in-
ter Gentium. | ibi. |
| §. 30. De aliis speciebus acquirendi domini;
nempe de Usu, Usufructu, Habitatione, Su-
perscie, Servitute, ac Possessione. | 51 |

P A R S S E C U N D A.

De Iniustitia, seu Iniuria, & eius Restitu-
tione in genere.

C A P U T I.

De Iniustitia, seu Iniuria.

- | | |
|---|----|
| §. 1. De iniustitia, seu iniuria natura, divi-
sione & obiecto. | 55 |
| §. 2. De iniustitia, seu iniuria contra iusti-
tiam distributivam, sive de acceptione per-
sonarum, quae est culpa iustitiae distributivae
opposita. | 56 |
| §. 3. De venditione officiorum publicorum. | 61 |

a CA.

CAPUT II.

De Restitutione.

- §. 1. De nomine, & essentia restitutionis. 61
 §. 2. De necessitate restitutionis. 62
 §. 3. De radice obligationis restituendi. 64
 §. 4. De culpa quæ parit obligationem restitutionis. 65
 §. 5. De diversa conditione precarii a com-
 modato. 69
 §. 6. De perditione rei commodata in eius mis-
 sione per suam nautium ad ipsius rei do-
 minum. ibi.
 §. 7. De sufficientia, & requisito culpa le-
 vis ad contrahendum restitutionis debitum,
 supposito contractu in utrinque utilitatem.
 ibi.
 §. 8. De culpa invidica, quæ requiritur ad
 contrahendam obligationem restituendi, sup-
 posito quasi contractu, seu officio. 70
 §. 9. De obligatione restitutionis in possessore
 bone fidei. 71
 §. 10. De possessore male fidei. 74
 §. 11. De possessore dubia fidei. 76
 §. 12. De restitutione facienda ab eo, qui al-
 terius rem iniuste accepit, aut damifica-
 vit. 77
 §. 13. De debito faris, ac cuiusque iniqui
 possessoris, aut damificatoris restituendi rem
 alienam, quæ apud ipsum petiit, petiitque
 etiam si fuisset apud dominum. 78
 §. 14. De debito restitutionis pro actione pos-
 sita, ex qua damnum alteri secutum sit. 79
 §. 15. De debito refarciendi damnum illatum
 proprio mancipio, animali, vel filio. 81
 §. 16. De debito circa restitutionem eorum,
 quæ accepta sunt ab opus malum. ibi.
 §. 17. De obligatione restituendi accepta ob opus
 bonum iam abutim. 84
 §. 18. De eo quod restituendum est ratione rei
 acceptæ. 86
 §. 19. De obligatione, quam quis habet resti-
 tuendi quando res aliena quam accepit ini-
 iuste, & detinet, apud ipsum etiam ex ca-
 sa fortuito pereat aut deterior fiat. ibi.
 §. 20. De obligatione quam contrahunt resti-
 tuendi qui alterius damno moraliter coop-
 rantur. ibi.
 De iniuria, seu de mandante. 88
 De consensu. 90
 De consensu, seu consentiente. 91
 De Paupere, seu Adulatore. 92
 De Recursu, seu Receptore. 93
 De Participante. ibi.

- §. 21. De causis negativis iniuste damifica-
 tionis, quæ sunt mutas, non obstant, non
 manifestans. 95
 §. 22. De obligatione impediendum aliquem a
 boni consecutione. 97
 §. 23. De iis, qui tenentur compensare da-
 mna illata bello contra Principis ordinatio-
 nem. 99
 §. 24. De culpa, & debito compensationis ex
 mora in restituendo, seu solvendo debito ex
 contractu. 100
 §. 25. De affectionibus, seu circumstantiis re-
 stitutionis. 101
 §. 26. De ordine servando in restitutione re-
 spectu creditorum. 104
 §. 27. De Creditoribus hypobecoriis, ac de
 eorum prelatione in debitorum solutione.
 107
 §. 28. De creditoribus personalibus privilegia-
 tis, & non privilegiatis. 108
 §. 29. De creditoribus mere personalibus. 109
 §. 30. De culpa ob dilationem solutionis 110
 §. 31. De loco, & quorum expensu facienda
 sit restitutio. ibi.
 §. 32. De causis excusantibus a restitutione.
 111
 §. 33. De restitutione mediante munere. 116
 §. 34. De bonorum cessione quoad debiti res-
 titutionem impendam, nec non de Assignatio-
 ne, ac Transfatione. ibi.
 §. 35. De exemptione a solutione debiti per in-
 gressum in Religionem. 118
 §. 36. De debitoribus morte multatis quando
 a restitutione eximantur, & nam excommu-
 nicatio eximat ab huiusmodi debito. ibi.
 §. 37. De debito restituendi hereditibus quod de-
 betur Creatori defuncto. ibi.
 §. 38. Causæ excusantes a restitutione non ex-
 cusant a furto. 119
 §. 39. De causis excusantibus dilationem so-
 lutionis, seu restitutionis. ibi.

PARS TERTIA.

CAPUT UNICUM

De Iniuriis in particulari, & necessaria
Restitutione.

- §. 1. De modis, quibus particularis iniuria
 inferri potest. 122
 §. 2. De iniuriis in corpus proximi per homici-
 dium, mutilationemque, & necessaria re-
 stitutione. 123
 §. 3. De causis excusantibus a restitutione ra-
 tione homicidii. 125
 §. 4.

CAPITUM ET PARAGRAPHORUM.

VII

- §. 4. De iniuriis in corpus proximi per statum, ac de eius compensatione. 126
- §. 5. De iniuria, ac restitutione propter adulterium. 128
- §. 6. De iniuriis contra proximi famam, & bonorem, & de huiusce damni Restitutione. 130
- §. 7. De causis excusantibus a restitutione fame. 131
- §. 8. De iniuriis in bonis fortuna & necessaria restitutione. 132
- §. 9. De debito restitutionis inter coniuges si de eorum bonis alter alteri sarrapiat, nec non filiorumfamilias pro eorum factis in re domestica. 134
- §. 10. De debito restitutionis famulorum, & artificum aliquid surripientium dominis in compensationem maioris mercedis, quam iudicant mereri sua opera dominis prestita. 135
- §. 11. De debito ementis a fure erga dominum rei emptæ. 135
- §. 12. De debito restitutionis pascientium in alienis pascuis, ac ligna eadem in alieno fando. 136
- §. 13. De debito restitutionis venantiam vel piscantium in fando alieno. 136
- §. 14. De obligatione restitutionis pro defraudatione relictivum. 136
- §. 15. De debito resarciendi lucrum cessans, & damnam emergent, ex quavis iniusta retentione rei alteri debita, sive ex contractu, sive ex delicto. 137
- §. 16. De obligatione, quam contrahunt heredes defuncti restituendi aliena ab ipso de sena, & damna ab ipso illata resarciendi. 137
- §. 17. De eorum obligatione restituendi, qui pauperes se fingunt ad extorquendas elemosinas. 137
- §. 18. De obligatione parentum filios suos in Hospitali, aut alio pio loco exponendum; pium locum compensandi. 137
- §. 4. De causa efficiente contractus, seu de his, qui contrahere possunt. ibi.
- §. 5. De potestate uxorem ad contrahendam. 142
- §. 6. De habilitate filiosfamilias, pupilli, & minoris ad contrahendum. ibi.
- §. 7. De beneficio restitutionis in integrum, & de his, quibus hoc conceditur. 145
- §. 8. De causis contractus, tam materiali, id est de rebus quibus contrahi potest, tum formali, id est de consensu. 146
- §. 9. De sufficientia consensu eliciendi ex errore, vel dolo ad contrahendam. 147
- §. 10. De validitate, ac firmitate contractus ex nota celebrati. 151
- §. 11. De obligatione, quam parere habet contractus. 155
- §. 12. De obligatione illius, qui habuit animam contrahende cum expressa voluntate se non obligandi. 158
- §. 13. De obligatione contractus sine solemnitatibus a iure requisitis celebrati quoad forum consentientie. 157
- §. 14. De firmitate, quam contractus invalens iure naturæ, vel positivo accipit a iuramento, & de obligatione, quæ ex iniuria inde emergit. 158
- §. 15. De contractibus non puris, & quasi conditionatis. 162
- §. 16. De obligatione contractus conditionalis. 164

CAPUT II.

De Contractibus in specie.

- §. 1. De emptione, & venditione. 167
- §. 2. De his, qui possunt vendere & emere. 168
- §. 3. De re vendibili. 169
- §. 4. De Pretio iusto rerum venalium. 170
- §. 5. De causis, quæ possunt excusare si res pluries vendantur, vel minus quam valeat emantur. 175
- §. 6. Ad quem pertineant fructus rei vendita. 178
- §. 7. Ad quem pertineat periculum & deterioratio rei vendita. 179
- §. 8. De obligationibus venditoris & emptoris. 181
- §. 9. De re duobus vendita, quarum altero sit tradenda. ibi.
- §. 10. De ~~restitu~~ gentilitio, seu de recuperatione bonorum venditorum ratione consanguinitatis. 182
- §. 11. De venditionis rerum defectuosarum, &c.

TRACTATUS

De Contractibus

CAPUT I.

De Contractibus in genere.

- §. 1. De natura contractus. 139
- §. 2. De contractibus divisione. ibi.
- §. 3. De his quæ requiruntur ad naturam, & valorem contractus. 141

VIII INDEX TRACTATUM

- vel mixtarum nullitate. 183
 §. 12. De debito quod habet venditor manifestandi defectum, seu vitium rei venalis. 184
 §. 13. De eo qui ignoranter das monetam falsam pro vera. 186
 §. 14. De debito venditoris erga emptorem pro evizione. ibi.
 §. 15. De divisione emptionum, & venditionum, ac precipuis eorum speciebus. 188

CAPUT III.

De Emptione, & Venditione factis cum pacto.

- §. 1. de contractu cum pacto retrovendiitionis, seu redemptiois. ibi.
 §. 2. De contractu subarra. 189
 §. 3. De venditione facta cum pacto legis commissoria, & additionis ad diem. 190

CAPUT IV.

De Negotiatione, quæ sit per emptionem & venditionem.

- §. 1. De variis modis, quibus negotiatio per emptionem, & venditionem peragi potest, & de eorum natura. 191
 §. 2. De prohibitione Clericis, & Religiosis negotiationem exercenti. 192
 §. 3. De culpa vendentium falsi, aliave similia sola Civili lege vestita. 193
 §. 4. De venditione, qua fit credito, vel anticipata solutione. ibi.
 §. 5. De emptione crediti, chirographi, & annui census pretio minori. 195
 §. 6. De venditione facta per prouentus, de ea qua fit accepta arba. 197
 §. 7. De Monopolio. 199

CAPUT V.

De Mutuo.

- §. 1. De mutui natura, & Mutuam, ac Mutuatarii obligationibus. 202
 §. 2. De iis, qui pro diversitate circumstantiarum modo non tenentur, modo restituere tenentur mutuum. 203

CAPUT VI.

De Usura.

- §. 1. Quid & quæduplex sit Usura. 206
 §. 2. De iuribus qua usuram vetant. 207

- §. 3. De simulis, ex quibus aliquid omni potest supra forem. 210
 §. 4. De lucro accipiendo ex mutuo ratione periculi. 211
 §. 5. De vi legis Principis, statuti, vel consuetudinis locorum tantummodum moderatum consensum in favorem mutuantium; & hoc agunt quoad forum conscientie. 216
 §. 6. De titulo lucris cessantibus, & damni emergentis ad aliquid supra forem in mutuis accipiendum requisitis. ibi.
 §. 7. De sufficientia tituli gratie donationis ad accipiendum ex hoc capite aliquid in mutuo supra forem. 220
 §. 8. De requisitis supra forem a divitiis, qui ex pecuniis mutuatæ valde lucrantur, ut sunt mercatores, & Iudæi. 221
 §. 9. De eo ad quem spectent fructus producti a re data pro asscuracione mutui. ibi.
 §. 10. De contractu vulgo dicto a godere. 222

- §. 11. De usura, quam parere possunt pacta contractui mutui addita. 223
 §. 12. De pacto remunerandi. 225
 §. 13. De pacto pæna conventionalis quæ mutuo apponitur. 226
 §. 14. De auxilario, quod exigunt tutores pro pecuniis mutuatæ pupillorum. 227
 §. 15. De iis, qui ratione usurarum restituere tenentur. ibi.
 §. 16. De obligatione, quoad restitutionem, eorum qui ad usuras cooperantur. 230
 §. 17. De panis usurariorum. 231
 §. 18. De peccato mutuatarii potestis, & accipientis sub usuris. 232
 §. 19. De Mortibus Peccatis. ibi.

CAPUT VII.

De contractu Societatis.

- §. 1. Quid sit Contractus Societatis, & quando licitus. 234
 §. 2. De contractu vulgo dicto trium contrahentium. 236
 §. 3. De contractu societatis animalium. 240

CAPUT VIII.

De Cambio.

- §. 1. Unicus. De Cambii natura, & divisione. 242

CAPUT IX.

De Censibus.

- §. Unicus. De natura, & divisione census. 245

CAPUT X.

De Emphyteusi, Feudo, Libello, Habitatione, Superficie, & Servitute.

- §. 1. De emphyteusi. 248
 §. 2. De feudo. 250
 §. 3. De libello, habitatione, superficie & servitute. 253

CAPUT XI.

De Locatione, & Conductione.

- §. 1. Quid sit locatio, & conductio, & ad quid teneantur locatores, & conductores. 253
 §. 2. De iis, quae observanda sunt circa locationem, & conductionem opusculorum & famulorum. 258

CAPUT XII.

De Deposito, Sequestro, Commodato, Precatio, & Mandato.

- §. 1. De Deposito. 259
 §. 2. De Sequestro. 260
 §. 3. De Commodato, & Precatio. 261
 §. 4. De Mandato. 262

CAPUT XIII.

De Fideiussione, Affecuratione, Pignore Pacto, Antichresesi, Hypotheca, & Transactione.

- §. 1. De Fideiussione. 263
 §. 2. De Affecuratione. 264
 §. 3. De Pignore, & Pacto Antichresesi, & Hypotheca. 264
 §. 4. De obligationibus dantis, & accipientis pignus. 264
 §. 5. De Transactione. 265

CAPUT XIV.

De Ludo, Sponsionibus, & Sorte.

- §. 1. De Ludo. 266
 §. 2. De Ludis prohibitis. 266
 §. 3. De modis ludendi illicitis & restitutioni obnoxiiis. 267
 §. 4. De debito restituendi lucratum ex ludo venite, & solvendi quae in eodem amissa sunt. 268
 §. 5. De sponsione, & requisitis ad eius institutionem. 268
 §. 6. De Contractu Sortis. 269

CAPUT XV.

De Tributis, & Vestigalibus.

- §. Unicus. De natura Tributi, & Vestigalis. 269

CAPUT XVI.

De Promissione.

- §. 1. De natura, & divisione promissionis. 270
 §. 2. De promissionibus secundum omnes iure positivo irritis. 272
 §. 3. De cessatione obligationis in promissione, ac de eius irratione. 273

CAPUT XVII.

De Donatione.

- §. 1. De natura, & divisione donationis. 274
 §. 2. De revocabilitate donationis acceptata. 281
 §. 3. De irratione donationis facta ob certum finem. 282
 §. 4. De irratione donationis gratuita ab eo-rem & dolum circa causam finalem. 283

CAPUT XVIII.

De ultimis Voluntatibus, seu Testamentis.

- §. 1. De Testamenti natura, & divisione. 283
 §. 2. De valore Testamenti ad causas pro-

phanas, quando ei deficiat aliqua requisita
solemnitas in foro interno, idest conscien-
tia. 287

- §. 3. De Testamentis validis sunt solemnitati-
bus, quae privilegiata dicuntur. 289
- §. 4. De iis, qui possunt Testamentum facere. 292
- §. 5. De codicillo. 294
- §. 6. De Legatis. 296
- §. 6. De Legatis conditionatis. 299
- §. 7. De Fideicommissis. 301
- §. 8. De Heredibus institutis vel substitutis
in Testamento. 302
- §. 9. De herede ab intestato. 304
- §. 10. De Heredibus ex Testamento. 305
- §. 11. De substitutione. 307
- §. 12. De substitutione fideicommissaria, re-
ciprocata, & compendiosa. 308
- §. 13. De Consiliariis Testatoris. 310
- §. 14. De Testamentis executoribus, qui in iu-
ra vocantur Testamentarii, vulgo commissari-
arii. 311
- §. 15. De renuntiatione, & Cessatione heredi-
tatis. 312
- §. 16. De revocatione Testamenti, ac ipsius
annullatione. 313

TRACTATUS

De Præceptis Decalogi.

De Præceptis Decalogi in Genere. 314

CAPUT I.

De primo Decalogi Præcepto.

- §. Unicus. De iis, quæ spectant ad hoc pri-
mum præceptum. 318

CAPUT II.

De secundo Decalogi Præcepto.

- §. Unicus. De his, quæ pertinent ad hoc se-
cundum præceptum. 320

CAPUT III.

De Tertio Decalogi Præcepto.

- §. Unicus. De his quæ spectant ad hoc ter-
tium præceptum. 322

CAPUT IV.

De quarto Decalogi Præcepto.

- §. 1. De obligationibus filiorum erga Paren-
tes. 323
- §. 2. De obligationibus parentum erga filios. 328
- De mutuis patrinorum, filiorumque obligationi-
bus. 324
- §. 3. De mutuis coniugum officiis. 335
- §. 4. De mutuis obligationibus fratrum, &
sororum. 337
- §. 5. De mutuis consanguineorum obligationi-
bus. 338

CAPUT V.

De quinto Decalogi Præcepto.

- §. 1. De natura & divisione Homicidii. 338
- §. 2. De Homicidio ex publica auctoritate. 340
- §. 3. De legibus, quæ permittunt patri, &
marito filiam, aut uxorem in turpi actione
inventas occidere, & de occasione proscriptio-
rum a Republica. 344
- §. 4. De innocentis occisione. ibi.
- §. 5. De abortu. 344
- §. 6. De homicidio facto privata auctoritate. 347
- §. 7. De homicidio, privata auctoritate Ty-
ranni. 348
- §. 8. De occisione facta a famina Principe
aut nobili privata auctoritate concubina pro-
prij mariti. 349
- §. 9. De Suicidio. ibi.
- §. 10. De Suicidio indirecto. 350
- §. 11. De illicita sui ipsius mutilatione. 352
- §. 12. De occisione invasoris, propria vita
& honorum. 353
- §. 13. De occisione facta in defensionem bono-
rum fortune. 356
- §. 14. De occisione iniqui invasoris famæ,
bonorum, & pudicitie. 357
- §. 15. De occisione Iudicis, Advocati, Accu-
satoris, falsi testis vitam iniuste oppugnan-
tium. 359
- §. 16. De causis moraliter concurrentibus ad
homicidium. 360
- §. 17. De patribus veterantibus filios, & do-
minis servas, ac de aliis incurantibus. 361
- §. 18. De duello. 363
- §. 19. De parris contra duellantes. 365

CAPITUM ET PARAGRAPHORUM.

XI

- §. 10. De homicidis, qui gaudent, vel non gaudent Ecclesiastica immunitate. 366

CAPUT VI.

De Sexto Decalogi Præcepto.

- §. Unicus. De his que pertinent ad hoc sextum præceptum. 367

CAPUT VII.

De septimo Decalogi Præcepto.

- §. 1. De furti natura, & divisione. 368
 §. 2. De gravitate peccati furti. 370
 §. 3. De culpa, quæ committitur in furtis levioribus. 372
 §. 4. De factis levioribus, quæ ad notabilem quantitatem aliquando perveniunt. ibi.
 §. 5. De dominio furti in re furata. 374
 §. 6. De occulta acceptione rei propria apud alium inventa. 375
 §. 7. De occulta compensatione contra debitum. ibi.
 §. 8. De necessitate, quæ licitum reddit aliena surripere. 376
 §. 9. De furtis filiorumfamilias, & Uxorum. 377
 §. 10. De furtis famulorum, operariorum, artificum, ac de occulta eorum compensatione. 381
 §. 11. De furtis Religiosorum. 382
 §. 12. De aliis personis, quæ furtum committunt. ibi.
 §. 13. De rapina. 383

CAPUT VIII.

De octavo Decalogi Præcepto.

- §. 1. De mendacio. 385
 §. 2. De proximi diffamatione. 388
 §. 3. De iudicio temerario, opinione, suspitione, dubitatione. 389
 §. 4. De externa proximi diffamatione, idest de detractione, contumelia, calumnia &c. 392
 §. 5. De culpa detractionem audientium. 397
 §. 6. De manifestatione Criminis publici. 400
 §. 7. De culpa revelantis crimen notorium notorietate tantum facti. 401
 §. 8. De casibus in quibus licitum est crimina alterius revelare. ibi.

- §. 9. De iniuria detractionis, aut calumnie alia detractione, & calumnia non repellenda. 403

- §. 10. De naturali secreto non revelando. 404

- §. 11. De culpa inquisitoris secreta alterius, & litteras ad alios missas aperientis. 408

CAPUT IX.

De nono Decalogi Præcepto.

- §. Unicus. De iis que spectant ad hoc nonum præceptum. 409

CAPUT X.

De decimo, & ultimo Decalogi Præcepto.

- §. 1. De iis, qui peccant contra hoc præceptum. 412

- §. 2. De desiderio mali, & displicentia boni proximi. 413

TRACTATUS

De Præceptis Ecclesiæ.

CAPUT I.

De Festorum Observantia.

- §. 1. De dierum festorum institutione ac divisione. 413
 §. 2. De præcipuis festivitatis, quæ in Ecclesia catholica celebrantur. 415
 §. 3. De Adventu & Nativitate Domini, Circumcisione, Epiphania, aliisque similibus festivitatis. 416
 §. 4. De Festis in honorem Virginis Mariæ. 420
 §. 5. De Festis Sanctorum. 422
 §. 6. De iis, qui festa instituere possunt. 423
 §. 7. De Festorum observantia. 424
 §. 8. De causis excusantibus ab obligatione omittendi opus servile, vel forense, vel mercatorium. 428
 §. 9. De violatione, quæ fieri possit diebus Festis per mortalia peccata. 430
 §. 10. De operibus, quæ diebus festis exercere debent fideles. ibi.

GA.

XII INDEX TRACTATUUM &c.

CAPUT II.

De Præcepto audiendi Missam.

- §. 1. De obligatione audiendi sacrum diebus Dominicis; & aliis festis de præcepto. 431
- §. 2. De tempore, seu horis, in quibus audiendum est sacrum. 433
- §. 3. De presentia, & adfistentia sacrificio missæ ad implendum præceptum. 434
- §. 4. De integritate auditiouis Missæ necessaria ad satisfaciendum præcepto. ibi.
- §. 5. De intentione, & attentione in audiendo sacro necessaria, ut præcepto satisfiat. 436
- §. 6. De causis excusantibus a Missa auditiua. 438

CAPUT III.

De Ieiunio ab Ecclesia præcepto.

- §. 1. De divisione ieiunii. 440
- §. 2. De essentia, & obligatione præcepti ieiunii. 441
- §. 3. De abstinentia a carnibus. 442
- §. 4. De abstinentia a Lacticiniis. 444
- §. 5. De unica refectioe, quæ est secundum requisitum ad ieiunium. 445
- §. 6. De canula, seu collationcula serena. 446
- §. 7. De violatione ieiunii aliquid fumendo vel bibendo extra consuetam refectioem, & canulam. 448
- §. 8. De hora refectiois in die ieiunii. 449
- §. 9. De præceptis ab Ecclesia ieiuniorum. 450
- §. 10. De tempore, quo sola præcipitur abstinentia a carnibus. 452
- §. 11. De hora qua incipit, & completur obligatio ieiunii. 453
- §. 12. De iis, qui ad ieiunium tenentur. 454
- §. 13. De causis & ieiunio excusantibus. 455

CAPUT IV.

De annua Paschali Confectione, & Communione faciendâ.

- §. 1. De annua Confectione. 460
- §. 2. De annua Communione Paschali. 462
- §. 3. De paucis emittentis Communionem Paschalem. 466

CAPUT V.

De Decimis Ecclesiæ solvendis.

- §. 1. De institutione & natura decimarum. 467
- §. 2. De eo cui solvenda sunt decima. 470
- §. 3. De rebus in quibus decima sunt solvenda. 473
- §. 4. De iis, qui ad decimas tenentur. 476
- §. 5. De tempore, & modo, quo decima præstandæ sunt. 478
- §. 6. De præscriptione decimali. 479
- §. 7. De præscriptione passiva decimarum. 480
- §. 8. De Decimis infensatis. 481

TRACTATUS

De Sepulturis.

CAPUT UNICUM

- §. 1. De natura sepultura, & facultate eas construendi. 482
- §. 2. De iis, qui sepeliendi sunt in loco sacro. 487
- §. 3. De culpa, & pena sepeliendum in loco sacro eis, qui prohibiti sunt ab Ecclesiastica sepultura. 489
- §. 4. De non impedienda sepultura. 490
- §. 5. De loco, in quo quisque sepeliendus sit, an scilicet in Parochia, an alibi. ibi.
- §. 6. De iis, qui sepulturam eligere possunt. 497
- §. 7. De prohibitione facta Clericis omnibus tam Secularibus, quam Regularibus inducendi aliquem in voto, vel iuramento ad eligendam sepulturam in propria respectiva Ecclesia. 500
- §. 8. De exactionibus, quæ fiunt a Clericis apud heredes Desinctorum occasione funeris ab utroque iure vetitis, & de ritibus Funerariis. 501
- §. 9. De iuribus Ecclesiæ Parochialis ad exequias, & oblationes, dum alibi sepultura electa est, seu de portione Canonica, quæ dicitur quarta funeris. 503
- §. 10. De portione Canonica seu quarta funeris debita Parochæ, quando quis extra Ecclesiam Parochialem sepeliatur. 504
- §. 11. De ritibus sepulture, & exequiis. 508

TRACTATUS

DE IUSTITIA ET IURE, ET INIURIIS, ET RESTITUTIONE.

PARS PRIMA.

De Iustitia & Iure.

CAPUT PRIMUM.

De Iustitia.



UM Iustitia una sit ex cardinalibus virtutibus, quæ non secus ac aliæ eiusdem generis suas habet adnexas virtutes, ac veluti potentiales eius partes, hinc dum de eius sociis ageremus, sicuti relictus poscebat ordo, de hac quoque, quatenus saltem satis esset ad eius naturam præ oculis lectoris ponendam, breviter quidem aliquid dicere censuimus, & eo vel maxime quia alibi, non sicut ibi, proprie ad sensum occurrere poterat virtutes illi adnexas recensere & explanare. Hoc profecto non ita feliciter fieri contigisset absque eo quod de principalis ratione aliqua summam prælibarentur. Summam quidem, quia ob affirmativitatem, quam Iustitia habet cum Iure, tunc locus non erat, ut omnimoda consideratione super his omnibus, quæ ad eandem spectant, occurreretur; quod nunc quidem, quando de Iure agendum obicitur, apposite, non tamen sine ea brevitate qua fieri poterit, accuratius implebitur, ut ac Iuris examen, & eorum quæ idem Ius respiciunt, via commodior aperiatur.

S. I.

De natura Iustitiæ.

Definitio
iustitiæ.

Iustitia igitur strictè sumpta, sicuti antea iam expositum fuit, est virtus, qua disponitur voluntas & inclinatur ad ius suum servato æqualitatis ordine cuique reddendum. Unde ex his patet medium proprium iustitiæ, in quo virtutis ratio consistit, esse medium rei, idest rei æqualitatem, quæ ex rerum natura pendet, ac ab ipsa petitur, ad differentiam aliarum virtutum, quæ me-

Instit. Theol. Moral. Tom. III.

dium habent rationis, illud nempe quod recta ratio decernit, ac præfigit, ut ex D. Th. 2. 2. q. 5. art. 10. Et quidem ratio, quare temperantia præscribit Cæso pro congrua alimonia libras duas refectionis, Ioanni tres, non petitur præcise ab ipsis cibis, sed ab humana prudenti ratione comparante cibos ad homines reficiendos, qui cum non omnes sint eiusdem, sed diversæ complexionis, valetudinis, ac ætatis, idcirco non æqualia omnibus opus sunt alimenta. Ex opposito vero causa cur iustitia det Franciscò sex vel octo, non alia plane est, nisi quia ipsi sex debentur, vel octo, ita ut talis creditor sex vel octo satisfieri nequit nisi tantumdem recipiat absque eo quod ulla habeatur consideratio, num creditor pauper sit, vel dives, nobilitate conditionis, vel vilis, infirmus, aut bene valens. Medium igitur in virtutis Iustitiæ exercitio servandum, est medium rei possum scilicet in ipsa exteriorum rerum æqualitate. Medium autem cæterarum virtutum illud est quod rectificat, seu rectos, nempe iustos facit homines relative ad se ipsos, & est a ratione iuxta circumstantiarum considerationem constitutum, ac est variabile pro circumstantiarum personæ &c. varietate ad differentiam medi, quod servat iustitia, quæ hominem rectum seu iustum reddit in ordine ad alterum, ut videlicet tantum eidem præstet quantum ei debet. Ceterum tamen cum istud medium rei quod iustitiæ convenit, sit rectæ rationi consonum, & quandoque opus sit recta ratione ad statuendum quænam res inter se æquales sint, ideo medium rei medium est etiam rationis, & sic in Iustitia quoque ratio virtutis moralis servatur. Quare si quis eliciat actum iustitiæ ex malo fine, puta ob vanam gloriam, licet talis actio sit materialiter iusta, non est tamen formaliter & ius iustitiæ.

▲

Dj-

Dicitur *ius suum* non sumptum formaliter prout est lexima facultas ad aliquid, sed obiective, seu prout est debitum rigorosum, seu res alteri debita propter illam, quam habet facultatem de re ea in proprium commodum disponendi, ut nemo alius illo invito possit rationabiliter de ea dispo- nere, quin teneatur ad restitutionem. Et hic non solum intelligitur actus primarius iustitiæ, sed etiam secundarius, qui est non lædere quemquam, & necessario coheret cum priori. Non enim quis voluntatem habere potest reddendi alteri quod eius est, si aliquem lædat, aut lædere velit.

Tria
continet
iustitia.

Tria igitur præcipua continet Iustitia, nempe debitum legale, ad alterum, & æqualitatem. Dixi *debitum legale*, idest debitum non utcumque, & morale, quale exurgit ex pietate, observantia, gratitudine, amicitia, &c. sed debitum stricte & rigoro- se sumptum, quod fundatur in datis, & acceptis. Dixi *ad alterum*; nam cum iustitia dicat æqualitatem, ut iura illius serventur, certe alteram requirit partem, idest alterum suppositum, cui suum reddatur, cuiusve ius quod id tenet in suis bonis, non lædatur. Et enim debita obedientia, quam inferiores potentie reddunt rationi, licet in tali actu aliqua exerceatur iustitia, teste S. Aug. de Civit. Dei l. 19. c. 21. hæc non est tamen vera iustitia proprie dicta, sed metaphorica dumtaxat, cum sit inter vires eiusdem suppositi. Dixi *ad æqualitatem*, quia dum redditur, & solvitur debitum legale, seu stricte sumptum, servatur iustitia proprie dicta, quæ inter alia requirit æqualitatem inter datum & acceptum.

De requi-
sitis ad
veram
iustitiam.

Ex dictis autem sequitur, nempe quod cum iustitia proprie dicta exigit ut ius suum alteri reddatur, unde ordinem dicit æqualitatis ad alterum, ad veram iustitiam non solum requiritur quod adsint distinctæ personæ, inter quas exerceri debet iustitia, sed requiruntur insuper distincta iura, videlicet quod ius quod redditur, sit ius distinctum a iure reddentis. Quare cum inter Deum & creaturam, patrem & filium, servum & domi- num non dentur distincta iura, eo quia quod habet creatura sit Dei, & quod habet filius sit sub iure & dominio patris, quod servus sub iure domini; hinc inter Deum & creaturam, patrem & filium, servum & domi- num dari nequit stricta & proprie dicta seu perfecta iustitia, sed ad summum impro- pria, & imperfecta.

S. II.

De divisione iustitiæ.

Iustitia primario dividitur in generalem, quæ etiam publica & legalis dicitur, & particularem. Iustitia enim habet ordinare hominem ad alterum, quod dupliciter fieri potest, vel ad personam singularem & priv- atam, vel ad totum quoddam bonum com- mune. Iustitia quæ hominem ordinat ad personam privatam, eamque inclinat ad red- dendum ius unicuique, ut est persona pri- vata ac facit æqualitatem inter illos ut par- ticulares cives, est particularis, & ad hanc pertinent emptiones, venditiones, locatio- nes, restitutiones mercium, solutiones, alii- que similes contractus. Quæ vero ordi- nat ad bonum commune, generalis est, ut ex D. Th. qui de una ait loco cit. art. 7. *Quæ ordinat hominem immediate ad bonum commune*, de altera vero art. 5. *Quæ ordi- nat hominem ad alterum singulariter confi- deratum*.

Divisio
iustitiæ.

Iustitia generalis est *virtus quæ firmat privati voluntatem ad retribuendum Commu- nitati quod ratione alii iuris, quod in priva- tis personis tenet Communitas, ei debitum est*. Ius Communitaris dicitur altum, quia prædominatur iuribus privatorum, necnon il- lis derogat quatenus non obstante iure, quod particulares habent in sua bona, potest Communitas, aut qui ei præest, secundum quod Reipublicæ postulat utilitas bonis pri- vatorum, & fortunis uti. Communitas enim, & eius Princeps verum ius habent in subditis ad exigenda quæ necessaria sunt vel utilia ad bonum commune; & e con- versio subditis est rigorosum debitum ea præ- standi quæ a Communitate, aut Principe pro iure suo exigitur in ordine ad bonum commune, & hoc est ex natura rei, quæ extare nequit sine tali iure in subditos. Hu- iusmodi ius dicitur quoque generale, & le- gale, non secus ac iustitia de qua nunc agi- tur, generalis dicitur & legalis. Generalis quidem tum a fine, & obiecto, eo quia res- piciat commune bonum quod est generale, tum ab effectu, quia virtutes earumque actus in bonum commune dirigit. Et enim ea est, ait Sylvius, quæ ordinat in bello fortiter agere propter bonum patriæ, abstinere ab alieno thoro propter eiusdem boni conservationem &c. Legalis vero, & quia ad bonum multitudinis refertur sicuti lex, & quia se extendit ad omnia quæ pro bono commu- ni legibus statutum est. Sylvius cum aliis.

Divisio
iustitiæ
legalis.

Iusti-

Divisio
iustitiarum
legalis.

Iustitia legalis dupliciter adhuc distinguitur, imperans seu menothetica, quæ residet in Principe Communitatis prout dirigit actus civium sibi subditorum ad commune bonum, & ministerialis quæ extat in civibus, prout ea, quæ ad bonum commune pertinent, exequuntur. Nunc vero hæc ab invicem specie distinguantur, controversitur inter Doctores. Utraque certe idem habet obiectum & motivum, scilicet commune bonum ob amorem Communitatis.

Iustitia legalis secundum S. Thomam 2. 2. q. 58. art. 6. specie ab aliis distinguitur virtutibus, cum habeat obiectum formaliter speciale, idest speciale bonum commune, prout a parte in gratiam totius Communitatis est procurandum. Item licet iustitia legalis in aliquibus casibus deficiat a ratione strictæ iustitiæ, quia cum detur in partem & totum non est æquale alterum, in aliquibus tamen accedit ad rationem iustitiæ strictæ, sumptus & versatur circa debitum strictæ sumptum, ut in exigendis tributis, quæ ad decentem statum Reipublicæ, & tranquillitatem necessaria sunt, circa quæ & Princeps verum ius habet ad ea exigenda, & subditi tenentur in conscientia ad ea subministranda, ut S. Augustinus in expositione quarundam questionum in epistolâ ad Rom. Hinc ut seditiosa, & Apostolicæ doctrinæ contraria damnata fuit a Clero Gallicano anno 1700. hæc propositio: *Subditi possunt iusta tributa non solvere.*

Hinc quamplurimi graves Theologi iure merito docent ac sustinent eos qui vestigia defraudant, vulgo *far contrabbandi*, contra Principis gravissimas leges, teneri ad restitutionem, sicuti etiam qui ab iisdem emendo scienter cooperantur damno publici patrimonii, salvo tamen si esset in parva quantitate, & vestigialia nimis essent gravia, huiusque in vestigialibus augmenti ipsimet vestigialium conductores in causa fuissent, & ageretur de rebus ad victum & vestitum necessariis. Et hoc etiam fieret si in mediocri quantitate, hoc est in minori parte, & sensibilibet minori quam quæ eis ad usum opus est, a defraudatoribus, vulgo *de contrabbandieri*, provideantur, quia in hoc genere rerum in talibus circumstantiis, & cum tali moderatione non video quomodo emptores gravari possint in conscientia. Imo si emptor dubitet non sine fundamento num venditor iura seu vestigialia solverit, puta quia villi pretio vendit, tunc qui sic emit, nullum incurrit debitum restituendum.

di, ut ex lege 10. de iure Fisci. Sed de his melius ubi de lege pœnali.

§. III.

De Iustitiæ particularis divisione.

Iustitia particularis dividitur in commutativam, & distributivam. Commutativa dirigit privatorum mutuas commutationes, ut in his statuatur perfecta æqualitas, v. g. inter merces & pretium &c. Hæc enim species iustitiæ est virtus quæ firmat privatum hominem, ut reddat alteri privato quod ei debitum est vi dominii, aut proprietatis, vel pacti, aut contractus, alteriusve particularis tituli, ratione cuius ius habet in re vel ad rem. Idcirco hoc genus iustitiæ respicit ius, quod fundatur in titulo particulari, & æqualitatem rei ad rem, & ita vocatur, seu definitur Iustitia commutativa, quia versatur etiam circa alias actiones, quas ipsa moderatur, puta commutationes, idest mutuas utriusque donationes, acceptiones, simplices tributiones, cum datur v. g. quod ex liberalitate promissum est cum intentione conferendi ius ad rem, quando acceptata sunt promissio.

Iustitia vero distributiva dirigit distributiones; ideo definitur *Virtus firmiter inclinans Communitatem, vel Superiorem, qui ei præest, vel quemcumque qui eam repræsentat ad servandam debitam proportionem inter bona communia, officia, munera, onera quæ distribuuntur, & merita, dignitatem, facultatem, & vires civium seu personarum, quibus fiat distributio, sive collatio.* Unde hæc iustitia distributiva non respicit æqualitatem rei ad rem, sed proportionem rerum ad personas, seu ad personarum merita, dignitatem, vires, & facultates. Quare sicut in iustitia commutativa servatur proportio arithmetica, idest æqualitas rei ad rem, v. g. domus cum nummis quibus venditur, seu dati & accepti: ita in distributiva servatur proportio geometrica, quæ est adæquatio proportionis rerum distribuendarum cum proportionis conditionis personarum, quibus eæ res sunt distribuendæ. Unde proportio geometrica tria saltem requirit extrema; primum quorum se habet ad secundum ut secundum ad tertium, ita ut plus tribuatur uni quam alteri, quanto maior est dignitas unius præ altero, quando agatur de distributione bonorum Communitatis. Quocirca si lex recipiat nummos, qui dignus est ut duo, duodecim recipere debet qui dignus est ut quatuor. Ex opposito vero in distributi-

Divisio
iustitiarum
particularis.

Officium
iustitiæ
distributive.

butione onerum communium, scilicet impositionum ad Reipublicæ necessitatem, respici debent fortunæ, & facultates: nam plus debet correspondere ad communes Reipublicæ necessitates qui maiora habet prædia, copiosiores fortunas, minus qui minores.

Iustitia
commu-
tativa &
iustitia
proprie
dicta.

Iustitia commutativa est iustitia propriæ & strictæ sumptu, ex cuius transference sequitur obligatio restituendi. Distributiva vero non est talis, quia intercedit inter Communitates, eiusque partes; idcirco non est perfecte ad alterum, nec in partibus, id est civibus quibus faciendæ est distributio, supponitur ius vere, ac strictæ sumptum. Superior enim qui uni digno vel officium, vel beneficium confert, non avertit alteri digno quod suum est, ideoque nihil hic conqueri potest de eiusdem Superioris agendi ratione. Verum quidem est Superiorem seu Principem Communitatis plerumque teneri si inordinate distribuat, ad restitutionem, non quia iustitiam lædit distributivam, sed quia hanc violando lædit simul & commutativam. Et primo qui indignis beneficia confert, cum hoc fieri nequeat quin Reipublica ruinam & damnum patiatur, quam avertere tenetur qui Reipublicæ præest. Hoc enim saltem tacite & virtualiter Reipublicæ sponponderunt, & super hoc virtualiter cum ipsa contraxerunt: unde si huic pacto defint, iustitiam violant commutativam, quæ pro læsione rigorosam exigit compensationem.

2. Qui ob vindictam, vel defectum examinis, vel ut finis coniunctis parcant, vel ut Potentum gratiam sibi concilient, alios privatos super id quod iustum est, & supra vires variis aggravat oneribus, ut in annuis imponendis tributis, quia ius habent privati ne supra quod iustum est, & super vires suas graventur. 3. Qui in concursu digniori præferunt minus dignum, cum in tali casu sit veluti pactum initum a Superiore cum concurrentibus se collaturum beneficium ei qui bene omnibus inspectis alios superaverit: Patroci qui in distributione elemosynarum, quæ singulis loci pauperibus legatæ sunt, ex affectione, vel aliquo titulo cum aliquibus minus egentibus partialiter se gerunt cum detrimento aliorum multo magis egentium: Duces, qui contra Principis mentem victorum spolia dividunt nullo habito respectu eorum qui magis aut minus decertarunt; & ropterea ii Duces agunt qui spolia omnia sibi arrogat, ut nihil militibus largiantur; iudices qui intuitu favoris humani beneficium, aut officium adjudicant alteri ex contententibus cui ius magis est dubium: Præ-

sidentes qui beneficia in Collegio, vel Seminatio pro tali personarum conditione seu originis, seu fortunæ a fundatoribus vel benefactoribus assignata aliis conferunt, ad quos fundatoris vel institutoris mente nullatenus spectant. Ita Tournelius.

Utraque tandem hæc iustitia tum commutativa tum distributiva dividitur ulterius in præmiativam, quæ pro meritis reddit præmia, & in punitivam seu vindicativam, quæ pro delictis reddit supplicia. Nam iustitia distributiva præmiativa est, quando honores, officia, & talia huiusmodi in præmiis præstitorum beneficiorum distribuit inæqualiter tamen iuxta inæqualitatem status, & conditionis singulorum dando plus personis in maiori dignitate constitutis, & minus constitutis in minori, prout communiter fieri solet. Porro tunc iustitia distributiva est punitiva seu vindicativa, quando nocentes, seu malefactores afficit supplicii iuxta gradum demeriti, ita ut tanto unus patiatu præ altero, quanto plus intulit detrimenti, habito tamen etiam sub tali ratione accepta iustitia, id est vindicative, respectu dignitatis, seu status personarum. Sic adulterium alicubi punitur pro prima vice statuendo reos ante fores Ecclesiæ; in personis autem dignioribus punitur poena pecuniaria, & similia in multis aliis punitionibus observari solent. Iustitia vero commutativa tunc præmiativa est, quando præmia æqualiter distribuit secundum meritum æqualitatem; absque eo quod ullus habeatur respectus ad statum personæ, seu conditionem ipsius, & dignitatem. Contra est punitiva, seu vindicativa, quando servatur æqualitas, seu proportio poenæ ad culpam, id est poenæ inferuntur æquales reatibus, qui graviore esse censentur prout dignior est persona offensa.

Item vindicativa iustitia est commutativa etiam ex hoc capite, quod decernendo vindictam actum elicit iustitiæ commutativæ; quia tenetur ex officio ratione stipendii quod accipit a Republica pro tali officio exercendo prospicere non solum bono communi, sed etiam privato civium, curando ut personis læsis reddatur satisfactio. Unde ex violatione iustitiæ vindicativæ non raro sequitur debitum restitutionis sive privatis, qui plerumque quod amiserunt recuperare nequeunt, nisi Princeps, aut Magistratus puniant malefactores, sive toti Communitati, quæ propter gravem Principis incuriam in puniendo, damno subicere potest. Et sane cum index impunitos relinquit qui insi-

Iustitia
præmi-
tiva, &
punitiva.

diantur vitæ, & bonis civium, non minus tenetur ad restitutionem quam teneatur cultus horti seu vineæ, sicuti omnes sentiunt, qui accepto stipendio ut evellat noxivas herbas, hoc negligendo permittit quod semina ab his suffocentur, infructuosaque cum domini damno pereant.

§. IV.

De subiecto iustitiæ.

Subiectum iustitiæ illud quod duplex.

Subiectum iustitiæ illud nempe in quo extare potest virtus, duplex est proximum, & immediatum, remotum ac mediatum. Subiectum proximum, & immediatum iustitiæ, illud nempe in quo iustitiæ virtus residet iuxta D. Thomam loco cit. art. 4. est voluntas, non vero intellectus, nec sensitivus appetitus: cum enim virtus in ea potentia sit, ac resideat, ut in subiecto, cuius actus recte fiat, iustitia procul dubio in sola voluntate, ut in suo subiecto extat, & residet, dum ipsius actus habet rectitudinem, seu rectus efficere, non autem actus intellectus, & passionum seu sensitivi appetitus. Non enim quis dicitur iustus, qui recte intelligit, sed quia recte agere vult, cum rectissimum sit velle alteri præstare quod ei debetur. Dixi *nec passionum*, quia earum actus, ut docet Doctor Angel. restituantur ab aliis moralibus virtutibus, puta temperantia, fortitudine, &c. quæ idcirco principaliter occupantur circa passiones, & iustitia circa actus exteriores, & res circa quas tales actus versantur. Rectificat enim voluntatem, ut ponere velit æqualitatem in rebus secundum quod aliis est debitum. Et hoc probat laudatus Doctor art. 8. & 9. ex eo quia rectificatio passionum est perfectio subiecti in ordine ad bonum proprium; iustitia autem ad alterum ordinatur.

Subiectum vero remotum seu mediatum iustitiæ sunt personæ in quibus dari potest vera iustitia, & circa quasdam earum relationes non leves difficultates excitantur, nempe de homine erga seipsum, de patre respectu filii, & e converso, de Deo respectu creature, de domino respectu servi, de uxore respectu mariti.

Et quoad primum, nempe quoad hominem erga seipsum, certissimum est non dari veram iustitiam, seu iustitiam proprie dictam, quia iustitia proprie dicta debet esse ad alterum: nam debet constituere æqualitatem, quæ necessario dicit relationem ad duo, quod fieri nequit in homine respectu sui, cum idem non

Instit. Theol. Moral. Tom. III.

sit alter ad seipsum. Et eo magis hoc patet ex eo quia homo iniustitiam pati nequeat a semetipso, ac proinde iniuriam, quia eam plane volens pateretur, quod repugnat, cum iniuria non fiat nisi invito.

Iustitia vere & proprie dicta, imperfecta tamen datur in creaturis respectu Dei, quia cum, ut asserunt Patres, creatura suis peccatis iniuriam Deo inferre possit, ideoque violare iustitiam, censuerunt inter Deum & hominem aliquam esse posse iustitiam. In Deo autem respectu creature dari nequit iustitia commutativa, nec stricte distributiva, quia cum Deus perfectissimus habeat dominum super omnia, quæ sunt creature, hinc Deus obligari nequit ex commutativa iustitia suis creaturis: nam sine ulla eorum iniuria, ac ideo sine ulla iniustitia pro libitu suo disponere potest de rebus omnibus, quæ sunt cuiuscunque creature.

Datur iustitia in filio respectu patris, quia filius lædere potest iura patris, puta nocendo patris vitæ, honori, aliisque patri debita denegando. Idem dicitur de patre respectu filii, si huic detrahat, quod iure naturæ tenetur pater filio præstare, vel hunc occidat, aut mutilet.

Cum autem maritus etiam, & uxor possint sibi ad invicem iura violare, hinc inter ipsos dari potest vera iustitia. Uxor enim ius habet in tuam vitam, & samam, in quædam bona sibi propria, quæ dicuntur paraphernalia, in corpus mariti, aliæque similia. Unde si vir lædat uxori hæc iura, iniustitiæ sit reus; & ita etiam uxor si marito violet ius quod maritus habet in ipsius corpus, disponat de rebus mariti, ultra quod ei conceditur, lædat iura mariti, & iniustitiæ culpam committit.

Inter servum pariter & dominum datur iustitia proprie dicta. Servus enim violaret iura domini, & iniustitiæ peccaret, si invito domino fugeret, si aliquid domino furcetur, quia raperet aliena domino rationabiliter invito. Dominus item iniuriam inferret servo, & esset iniustus, si eum occideret, aut mutilaret, si servum privaret bonis, quæ ipse dominus ex liberalitate servo remisit ac donavit; quia in his ex ipsa heri concessione verum acquirit dominium, ideoque non sine iniustitia spoliari potest.

Quod vero non detur perfecta, & stricta iustitia in filio respectu patris, in uxore respectu mariti, in servo respectu domini, generativum loquendo, patet evidentem ex ipsa ratione iustitiæ, quæ primo debet esse ad alterum, secundo debitum strictum supponit,

nit, tertio aequalitatem constituit. Unde cum primum, & tertium non reperiatur inter filium & patrem, uxorem & maritum, servum & dominum, deficit in his ratio strictae iustitiae. Nam filii sunt partes parentum, uxor cum bonis dotalibus est ligata marito, servi sunt instrumenta dominorum, ideoque nec pater, nec maritus, nec dominus sunt perfecte aliud ab eisdem: igitur nec filii patribus, nec uxor marito, nec servus domino reddere possunt aequale. Haec autem intelligenda sunt iuxta ius naturale, vel gentium; quia secundum ius civile dari potest stricta iustitia inter filium & patrem, uxorem & maritum, servum & dominum respectu bonorum, quorum filius, uxor, servus ex lege, vel pacto verum habent dominium.

Verum quidem est quod obici potest de Deo respectu creaturae, Scripturam, ac Patres saepe saepius Deo iustitiam tribuere, ut 2. Timoth. 4. *In religio posita est mihi corona iustitiae, quam reddet mihi iustus iudex*. Et S. Aug. lib. de natura & gratia cap. 1. *Non enim iniustus Deus, qui iustus fraudet mercedem iustitiae*. Sed respondent Theologi Scripturam & Patres ita attribuisse Deo iustitiam, ut explicent Deum facere quod bonum & iustum est, imo eum teneri ad id faciendum ex fidelitate, non ut significant Deum teneri ad id agendum ex stricto creaturarum iure, ac proinde ex rigorosa iustitia. Iustus igitur Deus cum suis sanctis, primo quia fidelitatem servat, ut ait D. Aug. Serm. 16. *de verbis Apostoli cap. 1. Debitor factus est non aliquid a nobis accipiendo, sed quod ei placuit promittendo*. 2. Ratione aequalitatis, quam servat retribuendo iuxta mensuram meritum, imo etiam supra merita, ut Rom. 8. *Non sunt condigna passionibus huius temporis ad futuram gloriam, quae revelabitur in nobis*. Idcirco Deus non dicitur iustus, quod quidpiam stricto iure, seu ex rigorosa iustitia debeatur suis creaturis, ut iniustus esset si deficeret, ut ex S. Aug. 1. 4. *Confessi* cap. 4. ubi ait: *Reddis debita nulli debens*.

S. V.

De causis Iustitiae.

Iustitia quadruplex causa Sicuti rerum omnium, ita virtutum, idcirco etiam iustitiae quadruplex est causa, nempe causa efficiens, quae est principium influens in effectum, & haec in iustitia est Deus, a quo omne bonum, & homo prout Deo cooperatur; causa finalis, idest finis,

seu ratio ob quam aliquid fit, & in iustitia, est ipse finis iustitiae, seu huiusce actus per quos suum cuique tribuitur; Formalis, idest forma, est ratio rei alicuius constitutiva, & iustitiae huiusmodi causa comprehenditur in definitione; Materialis, & haec alia est circa quam, idest obiectum circa quod versatur virtus, alia in qua, idest subiectum in quo residet; & haec causa in iustitia, prout est in qua, idest subiectum in quo versatur haec virtus, iam vidimus proximum esse voluntatem, in qua haec virtus residet, remotum vero personas inter quas potest esse iustitia. Prout vero est causa materialis circa quam idest obiectum circa quod versatur iustitia licet in hoc fit aliqua difficultas, communis tamen sentiunt Doctores obiectum materiale iustitiae esse rem seu actionem reddendam ut debitam, formale vero ipsam rem, quatenus alteri stricte debita & ad aequalitatem ei reddendam. Nam circa rem reddendam ut debitam praeter iustitiam possunt aliae quoque virtutes versari, ut religio, pietas, gratitudo circa res debitas Deo, patriae, parentibus, & proximis, & hoc proprie est obiectum materiale. Circa vero rem reddendam sub speciali respectu, nempe praecise ut stricte debita, non versatur nisi sola iustitia proprie, ac stricte sumpta, ita ut qui non reddit, teneatur restituere ad aequalitatem, ad quod non tenetur qui non reddit quando debet ex sola religione, pietate, ac gratitudine, quae non obligant ad refundendum aequale pro praeterito tempore quo huius virtutibus defecit.

Obiectum igitur formale iustitiae secundum communem Theologorum est ius proprie dictum, seu ius alteri obstrictum, nempe quod proprie, ac stricte alteri debetur, eo quia iustitia principaliter ordinatur ad tale ius constituendum, alterique reddendum, ut clare ex eius definitione colligitur. Nam illud est obiectum formale virtutis, ad quem virtus principaliter ordinatur. Quare notandum est in iustitia quoque non secus ac in omni virtute, quae est ad alterum, distingui posse ipsius obiectum formale in obiectum quod, & in obiectum cui. Obiectum quod illud est quod ipsa virtus intendit, & praestat exterius, & in iustitia est redditio rei aequalis quatenus debita, seu redditio debiti ad aequalitatem iuris alterius. Obiectum cui est is, cui praestatur, & in hoc proposito est proximus quatenus ius habet ratione cuius aliquid ei debitum est. Nam ex iure quod ipse habet, oritur in me debi-

Obiectum materiale iustitiae.

Obiectum formale iustitiae.

debitum præstandi quod illud ius impleat & exbauriat. Unde ius est ratio obiectiva in obiecto cui, a quo tota ratio iustitiæ pendet. Hinc patet officium iustitiæ esse facere æqualitatem inter debitum, & illud quod ad ipsum debitum solvendum datur, id est disponere, ac movere debitorem ut tantum alteri, seu creditori præstet quantum ex iure eidem creditori debet, nempe ut cui certum debentur, vel ex mutuo ab ipso alteri credito, vel ex aliquo contractu puta, venditionis, locationis inito, iustitiæ est efficere ut centum a debitore ei tribuantur.

Cum autem obiectum iustitiæ proprie dictæ sit ius proprie dictum, seu ius alteri debitum, ad quod constituendum, alterive reddendum principaliter iustitia versatur, hinc prælibatis quæ iam satis sunt ad iustitiæ intelligentiam, ordo postulat ut de tali iure modo agatur.

CAPUT II.

De iure.

§. I.

De iuris natura.

Iuris
multi-
plex no-
men.

Ius, seu nomen iuris late consideratum sub variis diversisque acceptionibus, id est pro diversis significationibus usurpatur ab auctoribus. Aliquando enim accipitur ad significandam facultatem aliquam legitime, & inculpate agendi, & in hoc sensu intelligitur quod dici solet, ut iure meo, quando quis agit quod licite agere potest. Interdum pro arte, seu disciplina ac facultate, seu sciencia iuris, id est sciencia, non secus ac iuxta D. Thomam 2. 2. q. 57. art. 1. *ars seu sciencia medendi dicitur medicina*. Hinc studiosi, qui ius civile, aut canonicum addiscunt, dicuntur iuri operam dare. Item sumitur pro sententia iudicis, aut pro loco ubi ea sententia fertur; & ita iudex, dum eam pronunciat, dicitur ius dicere, & reus dicitur in ius vocari. Aliquando pro lege quæ est regula boni ac legitimi, & in tali significatione ius dividitur in naturale & positivum. Quandoque accipitur pro actione vel re iusta, seu pro eo quod stricte & rigorose alicui debitum est, in quo sensu res nostra dicitur ius nostrum, & in hoc sensu ius est obiectum iustitiæ, ac ideo obiective acceptum, ut antea dictum est. Item sumitur potestative pro legitima actione, seu facultate rem aliquam possidendi, ac in tali significatione nomen iuris nunc accipitur;

hoc enim est ius formale cui respondet debitum rigorosum, & legale, cuius violatio est formalis iniustitia obligans ad restitutionem, seu satisfactionem, & poenam, quam pars læsa requirere potest.

Quare ius de quo modo loquimur, est *factus, seu legitima potestas ita obtinendi, ac retinendi rem aliquam, ac de ea tanquam propria disponendi iuxta modos lege præscriptos, ut obtentio huius rei, retentio, ac dispositio licite impediatur, & a nemine de ea nobis rationabiliter invitis disponi valeat*. Dicitur potestas quæ est habitudo ad id circa quod ius habere dicimur, & est quid morale, quantum secundum hominum æstimationem sufficit ad varios pariendos effectus, quorum aliquis apprehenditur per modum potentie activæ, ut cum agitur de iure quod habet iudex ad ferendam sententiam, vel per modum potentie passivæ, ut quando dicitur filius ius habere ut a patre alatur, vel per modum potentie resistendi, sicut est ius quo quis alium impedire potest ne in tali loco altius ædificet, ne fenestram aperiat, unde prospicere possit in sua domo. Dicitur *legitima*, quia legi conformis, alias vis esset & iniuria, vel quæ a lege conceditur sive naturali, ut ius tuendi propriam vitam, sive divina, ut ius percipiendi Sacramenta, aut tandem humana, quale est ius præscribendi, ius hæreditatis &c. Dicitur *disponendi de re tanquam sua*, & hic rei nomen late sumitur pro eo nempe quod utcumque ad nos spectare potest, sive sit substantia ipsa boni, in quo sensu filius dicitur ius habere in bona paterna, ut illorum sit hæres, sive sit simplex rei usus, uti dicitur ius habere in prædium qui habet solum usum sine proprietate, sive sit mera functio, v. g. exercendi mercatorem, medicinam, advocatiam, vel iudicaturam in foro, aut quasi functio, pura retinendæ conditionis, in qua sumus, vel functionis negatio, ut non militandi, non solvendi tributa, ad quod alii tenentur. Per verbum autem disponendi intelligitur omne quod quoquo modo possidemus, sive actuali possessione facti, sive possessione iuris, id est quod prosequi possumus ut debitum nobis & obligatum. Dicitur *ut a nemine* &c. nam quando revera res nostra sit, nemo sine iniuria nobis impedire potest ne eam obtineamus, & retineamus, & non nisi nobis consentientibus de ea valet dispo-

Definitio
iuris.

§. II.

*De iuris divisione.*Divisio
iuris.

Cum iuris nomen apud Iuristas, & Theologos principaliter adhibeatur ad significandas tum leges, tum actiones, de quibus nunc acturi sumus, quæ ita strictam habent inter se coherentiā, ut leæ sint actionum regula, imo vis omnis & ratio actionum, seu iurium in ipso iure seu lege fundetur: hinc aptum mihi visum est de iure loquendo, simul cum divisione iuris quatenus dicit actionem, divisionem iuris etiam prout dicit legem (licet suo loco ubi de legibus egisus, posita fuerit) hic quoque innovare.

Ius igitur acceptum generaliter pro lege dividitur in ius naturale quod a natura est animo nostro insertum, & ab omni libera voluntate tam divina quam creata prorsus independens; & ius positivum quod libera legislatoris voluntate constitutum est, & hoc dividitur in divinum quod est a Deo, & in humanum quod ab homine statutum est. Humanum dividitur in ius Gentium, quod veluti naturale Gentes omnes observant, in canonicum quod respicit ecclesiasticas personas, & continetur in corpore iuris canonici, & civile, quod respicit sæculares personas, quatenus sunt sæculares. Ius civile aliud est Cæsareum, quod dicitur etiam Imperiale & Romanum, quod continetur in corpore iuris Cæsarei, & Municipale, quod sibi particulariter statuerunt singula regna, provinciæ, & civitates. Præter hæc genera iuris, quod dicitur etiam ius scriptum, extant consuetudines, quæ sunt ius particulare, quod institutum est per longum usum, qui in particularibus provinciis invaluit, & cum esset rationabilis, ac legitime præscriptus, vim legis continuit, & appellatur ius non scriptum. Iura huiusmodi sen consuetudines, quæ vim legis obtinere, extant tam in Statu civili quam ecclesiastico. Ab omnibus autem his iuribus, seu legibus iura quæ actiones sunt, suam omnem vim hauriunt vel percipiunt, & ideo eorum scientia seu cognitio necessario requiritur tanquam præcipua regula ad calus conscientie in tali materia resolvendos.

Ius autem prout dicit actionem, de quo acturi sumus, dividitur in ius ad rem, & ius in re, seu reale. Ius ad rem est ius, seu potestas legitima, quam quis habet, ut obtineat, sibi obligetur, ac fiat sua res quæ

nondum est sibi affecta, seu obligata; ideoque habet tantum ius ad acquirendam possessionem domini, antequam hæc possideatur. Tale est ius illius, cui res promissa fuit, vel vendita, nondum tamen tradita, & hoc ius non dat ius in rem, sed in personam, actionemque parit personalem, seu est facultas, qua non res, sed persona nobis est obligata ad rem aliquam tradendam, vel eius æstimationem præstandam. Et hæc actio est ius prosequendi in iudicio. Ius autem in re seu reale e contra est legitima potestas circa rem, quæ sibi devota est, & obligata, sive est ius quod quis tenet in re aliqua, cuius dominium ac possessionem actu sibi comparavit. Et hoc ius dat actionem in rem ipsam, seu actionem realem, quæ dicitur rei vindicatio, ut quocumque res transeat, repeti possit, & vindicari ab eo qui re ipsa tale ius tenet. Res enim transit cum onere suo, quod onus rei est ut eius sit cui tradita sit. Tale ius illud est quod acquiritur, & habetur per emptionem aliove contractus secuta rei traditione. Hinc revocantur ad ius in re dominium rei, usus, & usufructus, servitutes, ius hypothecæ, & pignoris, omne tandem ius quod rem aliquam sive corporalem, sive incorporalem ita nobis obligatam tenet & affectam, ut ex ea percipere valeamus fructus, emolumenta, honores &c. Exempla utrinque iuris facile habentur in Beneficiis. Nam electio, postulatio, præsentatio, imo collatio ipsa ante præsentationem dat solummodo ius ad rem. Actualis vero ipfius collatio per investituram dat ius in re.

Et ut clarius res innotescat, addendum tale, & tantum esse discrimen inter ius in re, & ius ad rem, ut ius in re ita faciat rem propriam illius, qui tale ius tenet in ipsa re, ut ubicumque, ac apud quemque sit, ac inveniatur, habet hic potestatem eam accipendi, repetendi, salvis tamen debitis modis procedendi. Imo quisque eam receperit, tenetur ex iniuria ipsam eidem restituere: Sic si vestis vel equus Titii furto fuit Titio ablatas, poterit Titius eum repetere ubicumque invenerit, licet aliis vestem, vel equum bona fide emerit: Ut autem quis dicatur ius habere in re, tres requiruntur conditiones a lege appositæ, videlicet quod res existat, quod adit iustus titulus eam possidendi, puta emptionis, donationis, &c. & quod iam tradita fuerit, & actu possessa. Ab hac tertia conditione excipiuntur res incorporæ (quæ secundum stylum legalem dicuntur tactum effuge-

Conditio.
nec ad ius
in re.

fugere, & mente seu animo percipi, ac sunt quid reale,) nempe iura, beneficia, officia, huiusmodi similia, quæ ut quis dicatur habere, non requiritur quod actu tradantur, sed plerumque sufficit, ut sibi collata fuerint, ac ab eo acceptata exteriori signo acceptationem significante. Ita ex cap. *Si tibi absenti sit. de benef. in 6.* Hoc similiter dicendum de hæreditate sive ab intestato sive per testamentum, & de legato. Legatum tamen non acquiritur nisi hæreditatem hæres acceptaverit, sed de hoc melius suo loco. Ius vero ad rem non confert tantam facultatem in rem ipsam, sed solummodo iustum titulum, & ius aliquod inchoatum, & dominium illius rei adipiscendum, ita ut si impediatur ab eiusdem rei consecutione, non potest rem hanc vindicare, nec in iudicio repetere, quia sicut diximus, non habet nisi ius & actionem personalem, seu ius quoddam ei actionem contra personam, quæ iniussu eum impedit, vel impeditur a re illa obedienda. Sed ut melius hoc intelligatur

Quid sit actio. Notandum actionem generatim sumptam esse ius prosequendi in iudicio quod sibi debetur, ut §. 1. *Institutionum de actionibus.* Dicitur in iudicio, quia iuxta commune estatutum nemo potest esse iudex in propria causa, neque accipere sua privata auctoritate quod sibi est debitum, sed hoc petere debet a Magistratibus, qui ad hunc finem sunt instituti. Excipe tamen casum, in quo locum habeat secreta compensatio, vel periculum sit in mora. Quilibet enim repetere valet rem a fure in furto deprehenso.

Divisio actionis. Hæc autem actio communiter dividitur in actionem realem, seu vindicationem, & personalem, ut in iure vocantur, *instituta de ac. & §. appellamus.* Actio realis, quæ dicitur actio in rem dicitur ea, quæ rei ita inhæret, eandemque persequitur, ut ad cuiuscunque manus deveniret res nobis devicta, ab ipso eam reposcere possimus, & vindicare, ita ut quando offendamus rem nostram esse, reluctare non valeat possessor, quin etiam in iudicio eam nobis restituat. Instituta §. *omnium de actionibus, & leg. offe. de rei vindic.* Hæc autem actio in rem, ut notavimus, dicitur etiam rei vindicatio. Rem enim vindicare, vel secundum alios vindicare idem est ac rem sibi appropriare, ac suam esse dicere; & ideo postulare ut iudex sua sententia rem nostram esse declaret, ac in eius dominio constituatur. Actio personalis, seu actio in personam ea est quæ versatur erga personam,

quæ ex aliquo contractu vel delicto nobis obligata est & devicta. Dicitur personalis, quia tametsi hæc actio sit de se ordinata ad aliquod recuperandum ab alio, a quo petis hoc tibi dari, vel fieri, actio tamen illa ita personam prosequitur, ipsique inhæret, ut talis actio institui nequeat contra alium, licet rem forte detineat; & hoc contingit vel circa res quæ ulu consumuntur, vel circa contractus nondum completos, id est dum sistant in sola mutua conventionis pretii, & promissione, re nondum tradita, ut v. g. si Titio mutuo dederis centum ducatos, quos ille donavit Sempronio, vel contractum inieris cum Paulo, qui equum suum tibi vendidit, & antequam eum tibi tradat, illum vendat Hieronymo, tunc nullum ius habes contra Sempronium pro repetendis ab ipso ducatis, nec contra Hieronymum, ut equum tibi prius venditum, non tamen traditum ab eo repetas, sed solum contra Titium, ut tibi reddat in alio æquivalenti centum ducatos, quos mutuo a te accepit, & contra Paulum, ut stet promissis contractus venditionis equi, damna si quæ passus sis, tibi compensando, quia actio in huiusmodi casibus erat duntaxat ad rem, id est personalem, non vero in rem, vel realis.

Explicata natura iuris tum in genere, tum quoad præcipuas suas species, realis videlicet & personalis, nunc varias species exponemus iuris realis, de quo non pauca dicentur non minus perutilia scitu quam necessaria.

§. III.

De variis speciebus iuris in re.

Iuris realis variz sunt species numero novem, dominium nempe, usus, usufructus, servitus, emphyteusis, feudum, pignus, hypotheca & possessio. Ex his vero aliz ad rem ipsam, aliz ad rei usum pertinent. Dominium est ius gubernandi rem aliquam, vel de ea disponendi tanquam sua, & propria auctoritate. Ulus est tantum ius utendi re aliena, salva eius substantia. Usufructus est ius utendi & fruendi aliena re, salva pariter illius substantia. Unde usufructus rem sibi ad usum concessam alteri locare nequit, bene quidem usufructuarius. Servitus est ius acquisitum in aliena re, puta in muro alieno, ne altius erigatur. Emphyteusis est ius ortum ex contractu, quo res immobilis quoad dominium utile alicui conceditur sub onere realis pensionis statuto tempore domino proprietatis & directo ea de causa persolvenda.

vendit. Feudum est ius acquisitum ex concessione rei immobilis vel equipollentis translato in feudatarium domino utili, dominio proprietatis seu directio apud concedentem reservato cum onere ut fidelitas ac obsequium personale eidem concedenti retribuantur. Pignus est ius rem sibi datam quousque satisfacti debito pro quo data est, retinendi. Hypotheca est ius acquisitum in re alicuius particularis, vel in omnibus illius bonis, quae obnoxia remanent creditori pro securitate sui crediti, donec debitum extinguatur. Possessio, si iuris sit, ius est inhiendi alicui rei tanquam suae non prohibita possideri; si sit facti, est ipsa rei apprehensio, & detentio. De his tamen suffus sermo habebitur suo loco, agendo de contractibus.

§. IV.

De dominio, eiusque divisione.

Definitio
tio, &
divisio
dominii

Dominium generice sumptum, sicuti supra breviter innuimus, non est nisi ius seu facultas disponendi de re aliqua tanquam sui sibi prorsus subiecta. Ita quippe in hoc communi conceptu ille dominum habere censetur, qui aliquid habeat, de quo auctoritate propria independenter ab aliorum arbitrio & ordinatione pro arbitratu suo disponere valet, quod proinde dicitur suum esse. Dominium sic generaliter sumptum in primis dividitur in dominium divinum, quod Deo convenit per essentiam in omnes creaturas, & in dominium humanum, quod homini competit per participationem, seu per potestatem quam Deus ei consulit in alias creaturas, ut Genesios 1. *Crescite & multiplicamini, & replete terram, & subicite eam, & dominamini piscibus maris, &c. & universis animantibus quae moriuntur super terram.* Et de hoc dominio, quod etiam politicum vocatur, nunc agere instituimus.

Dominium humanum seu politicum, quia generatim acceptum, est facultas gubernandi, vel disponendi de re aliqua tanquam sua, idcirco duplex est, scilicet iurisdictionis, & proprietatis. Dominium iurisdictionis est potestas gubernandi suos subditos in illorum commodum, idest aliquid eis praecipiendo, vel prohibendo, eos indicando, puniendo, & praemiando. Hi enim sunt quinque actus gubernandi. Dominium vero iurisdictionis dividitur in saeculare, quod est potestas gubernandi subditos in temporalibus negotiis, qualis est in Imperatoribus, Regibus, Ducibus, &c. & in Ecclesiasticum, quod est potestas gubernandi subditos quoad bonum spi-

rituale, qualis est in Papa, Episcopis, aliisque ecclesiasticis Praelatis.

Dominium proprietatis est contra, de quo solo hic agitur, est ius seu potestas disponendi de re aliqua tanquam sua, seu suo nomine, libitu & auctoritate, nisi lege prohibeatur. Dominium proprietatis dividitur in altum, quod habet Princeps & Respublica disponendi de bonis, & actionibus privatorum ad bonum commune, & humile, quod habet quilibet privatus disponendi de bonis suis in proprium sui commodum, idest quod potest ius uri & abuti abique eo quod alteri cuipiam homini iniuriam faciat. Hoc vero dominium proprietatis humile dividitur in plenum seu perfectum, & in non plenum seu imperfectum. Dominium plenum, seu perfectum est ius disponendi de re, & fructibus eius, ac utriusque uti pro suo arbitratu, ipsam servando, vendendo, donando, commutando, vel etiam destruendo, nisi lege prohibeatur. Additur nisi lege prohibeatur, quia licet dominium de sua natura tale sit, ut potestatem tribuat de re disponendi pro libitu, interdum tamen lege aliqua, vel pactione ius eius impediri potest. Sic pupillus, licet dominus rerum suarum, non potest eas alienare, nec debitor pignus, quamvis sit ipsius dominus ob initam cum creditore pactionem. Hoc dominium olim dicebatur mancipium, quod manu caperetur, estque dominium in substantiam rei, eiusque commoda, quia non solum habet proprietatem, unde dicitur dominium directum, sed etiam commodum, & usum rei, propterea quod dicitur dominium utile. Dominium proprietatis non plenum seu imperfectum est ius disponendi, vel de sola re, vel de solis eius fructibus. Hoc pariter dominium dividitur in directum, & utile. Dominium directum habet solam rei proprietatem sine iure percipiendi eius fructus, & tale dominium habet Princeps in feudis, dominus in praediis quae dedit ad emphyteusim, & omnis alius qui dicitur dominus cuiuscumque rei, cuius usufructus alteri concessus est. Dominium vero tantum utile est ius disponendi de fructibus solummodo, & de emolumentis rei, non de ipsa re; & tale est quod habet feudatarius, emphyteuta, usufructuarius respectu rei illius, quam ab alio accepit in feudum, emphyteusim, &c. vel cuius habet usufructum. Ex his ramen non sequitur dominium directum carere omni utilitate. Nam licet privetur dominium directum fructibus, qui a re produci solent, ac proinde distinguatur ab utile, multas tamen habet com-

Definitio
& divisio
dominii
proprie-
tatis.

com-

commoditates. Dominus enim proprietarius, seu directus rem alienare potest. Insuper accipit canonem, seu pensionem ab usufructuario, vel emphyteuta. Tandem sæpe dominium utile reddit ad proprietarium. Et quando medio novo contractu cum licentia proprietarii fit alienatio fundi, ipsi laudemium solvendum est.

Conditiones porro variae sunt ad dominium acquirendum, videlicet si agatur de acquirendo dominio rei, quæ nullius erat, sufficit sola apprehensio, seu occupatio animo faciendi illam suam, ut infra dicitur, nisi aliter aliqua lege, vel consuetudine statutum sit. Si vero agatur de dominio ab uno in alium transferendo, iure naturæ sufficit mutuus consensus signo exteriori expressus; at iure positivo duo ordinarie requiruntur, scilicet titulus, & traditio. Titulus radix est domini, seu ratio & causa propter quam dominium alicui convenit, & debetur, ut emptio, donatio, successio hæreditaria. Titulus dividitur in verum & præsumptum. Titulus verus est ille, qui vere dominium transfert, ac confert, ut si quis a vero domino emerit prædium, domum, habet hic pro titulo veram emptiorem. Titulus vero præsumptus est ille, a quo præsumitur verum dominium transferri, re ipsa tamen non transfert; ut si ematur vestis, equus, aliaque a fure qui præsumatur esse legitimus vestis, vel equi possessor.

Traditio pariter requiritur ad dominium; nam, ut ex lege traditio. 23. eodem de pactis traditio. dominia rerum nonnullis pactis transferuntur, ita ut ante traditionem titulus det tantum ius ad rem, non vero in re. Traditio porro duplex est, alia realis qua res ipsa datur in manus, & alia ficta seu civilis, quæ fit per instrumentum, traditionem clavium, aut aliquid aliud lege, vel consuetudine institutum. Diximus ordinarie, cum quidam sint casus, in quibus ius Romanum traditionem non exigit, ut acquiritur dominium; quia primo in Beneficiis ius in re acquiritur per solam collationem & acceptationem; ex cap. Si tibi absenti de Præben. in 4. Secundo in hæreditate, cum hæres sive ab intestato, sive ex testato, ex lege Cum hæres §. de amittenda vel acquirenda possess. sine traditione dominium acquirat, adita tamen hæreditate. Aditur vero hæreditas dum verbo vel facto acceptatur. 3. In legatis, in quibus statim ac hæres hæreditatem acceptat, legatarius evadit dominus. 4. In donatis, venditis, aut ad pias causas relictis, v. g. in favorem Mo-

nasteriorum, Hospitalium, aut in redemptionem captivorum. 5. Si fundum, vel domum alteri quis tradat eo pacto ut ab illo alimenta recipiat, si hic pacta non servet, statim sine ulla traditione ad eundem revertitur dominium rei suæ, idest domus vel fundi, quod prius in his habebat, lege 1. cum de donat.

§. V.

De subiecto domini.

Pro subiecto domini omne illud intelligitur, cui dominium habere convenit. Et primo certum est titulo creationis & conservationis Deo competere dominium; nam res illi debetur, a quo suum esse recepit; & Domini est terra, & plenitudo eius, ait Propheta. Unde ex hoc convenit Deo suprema illa potestas, qua ad nutum de rebus omnibus disponere valeat, ac re ipsa disponit. Certum est secundo quod soli & omni intellectuali creaturæ dominium convenire queat; quia cum dominium sit facultas de rebus pro libitu suo disponendi, atque in tali arbitraria dispositione ratio requiritur & libertas; ideo sola intellectualis, creatura quæ huicemodi dotibus pollet, capax censeri potest domini. Bruta igitur animalia nullum habent dominium in terræ pascua, ac proinde qui eisdem hæc prohibeat, eorum quidem domino, sed nullam eis prorsus inserit injuriam. Item certum est homini etiam post lapsum dominium remansisse, ut psalm. 113. Terram autem dedit filiis hominum.

Quare ex hoc sequitur quod in quacunque conditione peccati, etiam infidelitatis, homo constituatur, adhuc capax remanet domini contra errorem Wicleffi, & Ioannis Huss, qui contrarium sentiebant, ut in art. 15. Nullus est dominus civilis, nullus Prælati, nullus Episcopus, dum est in peccato mortali. Et hoc evincitur ex Sacra Hystoria, ubi notantur Pharaon, Nabuchodonosor, Saul etiam, quando fuit a Deo reprobatus, Cæsar, ac alii permulti huius generis, qui in suis Regnis verum dominium habebant, ut de facto iustitiam læsissent, qui eis reddere reluctassent quæ ratione domini quæ pollebant, ipsi erant debita: Sic uti de Cælare iussit Christus Dominus: Reddite ergo quæ sunt Cæsari Cæsari. Et S. Aug. l. 5. de Civit. Dei c. 21. ait. Deus dat felicitatem in Regno caelorum solis piis, regnum vero terrenum & piis & impiis, sicuti ei placet, cui nihil intus placet. Et ratio ipsa clare hoc comprobatur. Nam si fide deficientes & lan-

conditio-
nes ad
domini-
um ac-
quirere.
Aum.

Subie-
ctum do-
mini.

& sanctitate iure privaretur domini, liceret dominis improbis resistere, eis denegando tributa, si sint Principes, legalia debita si privati, eorumque bona usurpare liceret contra Decalogi præceptum, in quo sine ulla differentia fidelis, vel infidelis, iusti vel improbi universaliter vetitum est ne cuique eius bona auferantur.

Nec suffragatur illud Osee 8. ubi de impiis regibus habetur: *Ipsi regnaverunt, sed non ex me*, quasi dicere vellet Propheta quod eo quia impii, legitime non regnarent ob defectum potestatis, qua Deus, a quo omnis potestas, eos expulisset. Nam ibi Propheta dicit impios non regnasse ex Deo, quia non regnaverunt secundum eius voluntatem, non quia revera legitime, ac iuridice non essent reges. Hinc statim subiungit: *Principes extiterunt, & non cognovi*, idest eorum regimen ob illorum iniustitiam non approbavi: vel hoc intelligendum est de iis qui tyrannice regnum invaluerunt, ut Amri, & Sellum ad quos forsitan potuit alludere Propheta.

Infantes pariter, & amentes apti sunt ut ius habeant & dominium. Hoc patet & ex communi usu apud quascunque Gentes, & ex Apostolo ad Galat. 4. *Quanto tempore hæres parvulus est, nihil differt a servo, cum sit dominus omnium*. Hæres enim & dominus concipi nequeunt sine dominio. Licet enim ad domini usum, seu ad res suas administrandas rationis usus requiratur, ad dominium tamen habituale, & in actu primo factus est natura intellectualis, ac libertas innata, & potestas exercendi ius suum, seu disponendi de re, ac eam administrandi sive per se, sive per alios, idest per eos qui illorum curam gerunt, puta per parentes, rempublicam, aut tutores.

Unde inserunt amentes quoque habere capacitem iuris; & hoc patet ex usu communi omnium Gentium, quia nemo sine eorum iniuria, seu nonnisi iniuste infantis, & amentis potest bona usurpare, & eorum bona cum non sint nec Principis, nec Curatoris, sequitur quod infantibus ipsis, & amentibus competat eorumdem bonorum proprietates. Verum quidem est ob defectum, quem infantes & amentes in rationis usu patiuntur, proviſum fuisse a Republica, ne ipsi de iisdem bonis disponderent, sed per Curatorem administrarentur. Quia tamen Curator ea bona non ut sua, sed ut eorumdem bona administrat, evidenter hoc indicat ipsos esse dominos, cum ad verum dominium sufficiat potestas disponendi de re sua

vel per se, vel per alium, qui de ea non suo sed alterius nomine disponit.

Religiosi, idest Regulares certissimum est quod in communi, idest Ordines Religiosi, possunt dominium habere tam mobilium quam immobilium, non autem in particulari, idest privati Religiosi professi. Quod Religiosi in communi possidere possint, patet ex Christi Domini exemplo, quem constat ex Evangelio, una cum suis Apostolis unde quodam constitutum erat Collegium, bona aliquam possedisse. Etenim ex communibus bonis legitimis sibi necessaria emisse, ac ideo certum est rerum quas habebant transfuisse in eos qui ipsis illa vendebant, verum dominium.

De Religiosis vero in particulari quod domini sint proſus incapaces hoc probat ius canonicum, quod definit Monasterio acquiri quæcumque Monachus acquirit. Idem pariter definit Concilium Trid. sess. 21. cap. 1. Quia concessit quidem Monasteriis tam virorum quam mulierum etiam Mendicantium exceptis Cappucinatorum & Minorum de Oblervantia, ut in communi etiam mobilia possidere possent, non vero alicui Religioso in particulari.

Episcopi assumpti ex aliquo Ordine Religioso docet D. Thomas quod sint incapaces cuiuslibet domini acque ac erant antea in Religione, in qua professi fuerant. Ita S. Doctor 2. 2. q. 88. art. 1. ad 4. Quod hac comprobatur ratione; quia nempe sicut Religiosus, cum sit Episcopus, non absolvitur a voto continentiae, ita nec a voto paupertatis; unde nihil habere debet tanquam proprium. Dominicus vero Soto cum aliis bene multis contrarium sentit; quia in Canone, dicunt, *statum 18. q. 1. asseritur*, quod Monachus qui canonica electione a iugo monasticæ professionis absolvitur, & lacra ordinatione de Monacho fit Episcopus, veluti legitimus hæres ius habet liti paternam hereditatem vindicandi. Sed notant alii, ut Iuveninus, in hoc attendendas esse locorum consuetudines. Nam ibi antiqua vget consuetudo, sicut in Gallia, ut Monachi quando fiunt Episcopi, adeant contanguineorum hereditates, acquirant ac possideant dominia, tuta conscientia hoc facere possunt, eo quia antiqua illa consuetudo sit dispensatio, seu relaxatio legis ecclesiasticæ, vicinus inhabiles erant ad dominium. Sic Iuveninus. Sed de his suis loco, quando de statu Religioso.

Circa Clericos sæculares nulla occurrere potest dubitatio quod ipsi habere possint do-

Culus do-
minici
puces in-
fantes &
amentes.

De Rel-
gioſorum
capacita-
te domi-
ni.

De domi-
nio Cl-
ricorum
Sæcular-
ium.

minium in bona temporalia tum mobilia tum immobilia, quæ iure civili quicumque modo ad ipsos spectare queant ac omnes personæ simpliciter seculares, cum hoc nullo iure eis vetitum sit. Sola igitur difficultas vertitur quoad res ecclesiasticas, nempe si habere possint dominium, & habeant in redditus ecclesiasticos. Verum antequam quid statuatur pro clariori intelligentia,

Norandum est 1. redditus ecclesiasticos in triplici genere considerari posse. Alios enim percipit Clericus titulo Beneficii, & hi vel superfluit honestæ sustentationi, vel ad eam necessarii sunt. Alios recipit propter laborem, ut funt, distributiones, quæ dantur præsentibus choro in Cathedralibus, & Collegiatis, honoraria Concionatorum. Alios tandem ex elemosynis fidelium, ut stipendia Misarum, administrationis Sacramentorum.

Omnes tum Theologi tum Canonistæ conveniunt redditus perceptos ex Beneficiis, qui honestæ superfluit sustentationi, impendendos esse in pios usus, ac exinde graviter peccare clericos beneficiatos, qui abutuntur redditibus suorum beneficiorum in usus non solum iniquos, idest spectacula, secularem fastum & luxum, ut vestium, ciborum delicatarum, lautorum conviviorum, in itinera meræ curiositatis, voluptatis, in lusus, sed etiam prophanos ditando consanguineos non egentes, debita solvendo quæ non in usus pios contraxerunt, quando aliunde ex bonis patrimonialibus, quæ possident, huiusmodi onera implere valeant. Et hoc ex duplici capite deducunt, idest ratione fidelitatis, quia redditus ecclesiastici clericis eo sine crediti sunt, ut quæ ipsis superfluit ex honesta sustentatione pauperibus elargiantur. 2. Ratione Religionis, quia nempe census ecclesiastici sunt res sacræ, unde in usus prophanos converti nequeunt.

Licet tamen convenient Doctores quod si re culpa in prophanos usus converti non possint, non conveniunt postea circa speciem peccati, videlicet an sit contra iustitiam, ac proinde in tali abusu incurratur debitum restitutionis. Et enim cum hoc dependeat a iure quod inest clericis in talia bona, si qui sentiunt ac sustinent clericos dominium habere in redditibus ecclesiasticis, sentiunt etiam ac sustinent, si iidem redditibus abutantur, eos non peccare contra iustitiam, ac ideo non teneri ad restitutionem. Qui vero clericis tale dominium denegant, resolvunt hi, & probant, si bonis iidem in pravis, & prophanos usus utantur, illos reos esse iniustitiæ, ac debito restitutionis adstringi. Sed

de his iam fusius actum est suo loco, agendo de Beneficiis ecclesiasticis; unde satis sit obiter hic iuxta exigentiam ordinis hæc attingisse.

§. V I.

De dominio Filiorumfamilias.

Filiisfamilias tamen si a patria potestate dependant & quoad se, & quoad eorum bona, nihilominus super aliquibus bonis dominium habere possunt, quandoque plenum, quandoque non plenum. Verum pro clariori intelligentia

Quarum rerum habeant filiifamilias dominium.

Advertendum 1. filiusfamilias eum vocari qui a patre non est emancipatus, sed perseverat sub patria potestate: patria vero potestas ius est inductum a lege civili in favorem patris & avi paterni super personis, & bonis filiorum legitimorum, vi cuius quatenus & quantum leges permittunt, de illis disponere possint.

Advertendum 2. bona filiorum non emancipatorum quadrupliciter considerari, videlicet ut castrensis, quasi castrensis, adventitia, & profectitia. Et hoc idipsum est quod Romani peculium dicunt. Castrensis ea sunt, quæ in militia, vel occasione militiæ, sive mari sive terra a filiis acquiruntur, ut sunt stipendia militaria, hostium prædæ, seu spolia, Ducum, vel commilitonum dona, hæreditates & legata occasione militiæ, mobilia omnia data a parentibus filio ad militiam proficiscenti animo militandi. Item ea quæ in obsequio Principis in eius aula exhibitio, vel ex Principis largitione, sive propria industria filio obveniunt. Item ea omnia quæ etiam ab aliis filio pergenti ad militiam vel ad obsequium Principis, vel in Castelli aut Arcis custodia tempore pacis, seu quocumque modo filio militiæ adscripto, & ob militiæ motivum ipsi dantur. Similiter lucra omnia quæ ex talibus bonis interventus aliquius legitimi contrausus ipsi proveniant, ut si filiusfamilias ex iis fundum frugiferum emat, si iniisset contractum lucroculum, si negotietur, ludat, & ex his lucratur: non vero recensentur inter bona castrensis, quæ in bello iniusto ac privato, sive illius intuitu acquiruntur. Quasi castrensis sic dicuntur quæ privilegiis castrensiis fruuntur, & ea sunt quæ filio adveniunt post susceptum statum clericalem, idest quæ filius comparat ratione status clericali, sive ea recipiat ex beneficio ecclesiastico, sive aliunde, titulo tamen clericali, dummodo alicui intersit Ecclesiæ, ita ut

quæ

quæ in aliis filiis bona essent adventitia, in clericis post clericatum rationem habent quasi castrensiū. Authent. *Presbyteros cod. de Episc.* Non gaudent tamen hoc privilegio bona, quæ ante clericatum possidebat, quia hæc remanent eiusdem conditionis ac antea. Sunt item quasi castrensia bona acquisita ex aliquo publico officio non mechanico, nempe iudicis, Assessoris, Notarii, Advocati, Cancellarii, &c. aut ratione professionis alicuius ex artibus liberalibus, & a fortiori ratione alicuius scientiæ, præcipue Theologiæ, Iurisprudentiæ, ac Literarum humanarum. Tandem quæ filiofamilias obveniunt ex liberalitate alicuius Principis, necnon quæ ei dantur, ut ipse, & nullatenus pater, habeat usufructum.

Bona adventitia ea sunt quæ nec ratione militiæ, nec ex exercitio artium liberalium, nec ex alio titulo ex recentis in castrensibus & quasi castrensibus, neque collata a patre, nec eius causâ vel intuitu, sed aliunde Filio proveniunt. Huiusmodi sunt quæ filio proveniunt successione in matris bona, aut donatione seu legato sibi factis ab amico, vel ab alio non intuitu patris. Similiter quæ ipsi fortuito adveniunt, puta inveniendi thesaurum nulli legi obnoxium, acquisita propria industria & labore, puta negotiando pecunia mutuo accepta, ex arte fabrilis, aut lutoria &c.

Profectitia tandem sunt ea quæ filius acquirit ex bonis patris, vivente patre, puta in administrando, illis negotiando, aut quæ ipsi intuitu patris, nempe gratia patris, quocumque titulo adveniunt, puta si filio donata sint ob amicitiam, quam donans contraxit, vel contrahere vult cum patre. Secus vero dicendum si hæc darentur intuitu ipsius filii, quia v. g. hic egerit negotia patris &c. Nam tunc pater ellet causâ nimis remota, ut bona intuitu filii donata ipsi patri adjudicaretur. Hicce positis.

Filiofamilias non emancipatus bonorum castrensiū & quasi castrensiū plenum habet dominium, & directum, idest quoad proprietatem, & indirectum, seu usufructus aut utile, liberamque eorum administrationem, ita ut sine ullo consensu patris pro toto libitu suo de illis disponere possit per contractus donationi, venditionis, ac etiam per testamentum, dummodo annum 24. impleverit; ita ut si pater ex his aliqua sibi appropriet invito filio, tenetur ad restitutionem. In bona vero adventitia filius habet tantummodo proprietatem, seu dominium directum, pater vero indire-

ctum seu usufructum. Quare filius non potest sine patris consensu de illis libere disponere; ita ut sicuti si pater dilapidaret huiusmodi bonorum substantiam, vulgo *capitale*, teneretur vel perse, vel per hæredes ad restitutionem, quia proprietas remanet penes filium; ita si filius de fructibus talium bonorum contra patris voluntatem partem aliquam male insumeret, teneretur ad compensationem, quia usufructus spectant ad patrem. Dantur tamen aliqui casus, in quibus pater non habet ususfructus in bona filii adventitia. Et 1. si bona filio relicta sint hac lege expressa & conditione, ut ad solum filium, & nullatenus ad patrem usufructus pertineat, idest ut filius gaudeat dominio tam directo quam indirecto. 2. Si pater cum filio succedat alteri filio, & fratri in bonis adventitiis, quia tunc portio bonorum adventitiorum filii demortui, quæ filio supersit obveniunt, est filii supersitis etiam quoad dominium utile, ita ut usufructus partis quæ ad filium spectat, patri non debeatur; ex Authent. *item redditus*. 3. Si filius aliquid adipiscatur titulo donationis, aut successionis, & pater irrationabiliter contradicat, quia æquum non est, ut inde pater commodum reportet. 4. Si pater incestuosas nuptias contrahat. 5. Si fiat ludæus, hæreticus, vel schismaticus. Circa hoc tamen attendendæ sunt locorum consuetudines. 6. Si filio relictus sit tantummodo usufructus, quia sicuti servitus servitutem non habet, ita nec usufructus alterum usufructum habere potest. 7. Si pater, aut filius fiat captivus ab hostibus, cum patria potestas tunc suspendatur, si pater in captivitate obeat, extincta censetur patria potestas a prima die captivitatis: si vero a captivitate liberetur, nunquam patria potestas interrupta censenda est. 8. Si pater profiteatur in aliquo Religioso Ordine. 9. Si filius promoveatur ad episcopatum, vel ad cardinalatum, statim ac facta est ipsius electio, patria potestas in ipsum expirat. Sic ex variis iuribus, quæ Doctores hic afferunt.

Molina & Sanchez, quos sequitur Cardinalis de Lugo *disp. 5. sect. 2. n. 24. docent* quod semel acquisito dominio indirecto a patre in bonis adventitiis filii, integrum & totale ipsi patri remaneat etiam post mortem filii, licet in eisdem bonis succedat etiam mater. Respondet tamen huic opinioni quidam recentior, quod si leges ita statuunt, sunt observandæ, secus vero nimis durum videri matrem dicto usufructu privari: nam illud

illud bonum tunc evadit paraphernale, cuius dominium ad uxorem spectat, & eo vel maxime, quia tunc cessat patri onus alendi filium iam demortuum, propter quod onus conceditur ipsi patri dominium utile quod a bonis adventitius filii provenit.

Tametsi pater dissimulet perceptionem quam filius usurpat fructum in bona adventicia, cum non sit cessio iuris expressa, non tollitur patri facultas interdicens filio talem perceptionem: non potest tamen petere a filio fructum consumptorum compensationem, quia dissimulando tacite concessisse aestimatur.

In bona vero profecticia filiusfamilias non habet nec proprietatem, nec usumfructum, sed solam administrationem, quia talis est legum dispositio, quæ ab omnibus acceptatæ fuere.

Bona vero, quæ a patre dantur filio clerico in patrimonium pro Ordinibus suscipiendis, vel filiæ in dotem, vel filio adnuptias, non computantur inter bona profecticia, quia dominium quoque utile horum bonorum ad ipsos spectat. Ipsa tamen bona computanda sunt in portione hæreditatis fraternali cum aliis fratribus. Dixi ista bona, non fructus ex ipsis bonis percepti, quia isti computandi non sunt in partitione. Bona pariter, quæ a patre valide filio donantur, nequiquam deduci debent in portione.

Quoad vero difficultatem, quæ hic moveri solet circa bona quæ filiusfamilias lucratur in paterna domo, videlicet num ipsi, vel patri sint adiudicanda. Item dum laborat præ cæteris aliis, filius, num possit aliquid ad instar salarii sibi appropriare, sententiam sequendo Cabassutii lib. 6. cap. 4. *Theoria* &c. & Tournely, dicam 1. lucra, quæ proveniunt ex operibus artificialibus, recensenda esse inter adventicia, ac ideo posse filium post patris mortem ea recuperare, deductis tamen expensis, quæ factæ sint a patre pro filio alendo, quia pater non est obligatus alere filium, qui propria habet bona castrensia, aut quasi castrensia, vel adventicia. Et in hoc testatur citatus Cabassutius omnes convenire unanimes Doctores ducti a lege penultima §. *de obsequ. parent. præb.* ubi ita habetur: *Pietatem liberi parentibus, non operas debent; dummodo tamen parentes non egeant tali eius obsequio, quia filius ex pietate debet huiuscemodi obsequia utrique parenti indigenti, ut ait Pater Antoine.*

Si vero filius artificis patri operam suam tribuat absque eo quod ullam nec tacite nec

expresse petat mercedem, hic præsumitur hanc patri suo pietatis titulo condonasse. Unde audiendus non esset, si mortuo patre eam a fratribus repetere tentaret. In foro tamen interno hæc præsumptio cessaret, quando filius certus esset talem non fuisse ejus voluntatem, sed ob timorem, vel reverentiam patris non aulum fuisse suam apud patrem explicare intencionem.

Bona vero, quæ filii lucrantur ex arte vel negotiatione, vel aliquo alio industriali exercicio, si filius degat extra domum paternam, ita ut a patre non alatur, tunc lucrum censendum est bonum adventitium, non profectitium, cum ex paternis rebus non proveniat. Ideo vero filius negotiando acquirit patri, quatenus a patre alitur. Unde si non alatur, nec lucratur ex bonis paternis, lucrum patri non est tribuendum. Si vero moretur in domo patris, ac ab eo alatur, & non ex rebus paternis, sed aliunde negotiatione lucratur, nec desit muneribus sibi a patre commissis, lucrum pariter huiuscemodi adventitium erit, non profectitium, cum profectitium a paternis bonis provenire debeat, non ex mera filii industria. Nam licet a patre alatur, correspondet tamen sedula attentio ad munera sibi a patre commissa in officio, mercatura, &c. Sic P. Cuniliatus.

Circa bona autem, quæ ex bonis paternis, vel ipsius patris nomine, & auctoritate lucratur filiusfamilias, puta fabri, cauponis, mercatoris, asserit laudatus Cabassutius cum aliis permultis contra Laymannum & Cuniliatum filium ius habere in huiusce lucri partem, ita ut si etiam ex metu reverentiali ius suum petere non audeat, aut videat se passurum repulsam, ac patris indignationem movere, si reposceret, nec ius illi sibi iam computatum iri, posse clam sibi assumere quantum sit satis ad compensationem, & etiam vivente patre, cum hoc genus peculii non sit prorsus profectitium, sed participans quoad paternam bona de profectio & de adventicio ratione industrie, & laboris. Ita enim resolvunt qui hoc tenent, ducti hilce non levibus rationibus, quod filius non debet esse deterioris conditionis quam extraneus, qui sine dubio non privaretur stipendio, quod pro opere præstato ei iuste daretur; & quod non teneatur filius iure naturæ pro patre non indigente laborare. Unde nisi filius ius suum patri gratuito tribuere velit, & pater nullam lucri partem veluti societatis titulo ei impartiat, debet ei tantum salarii quantum extraneo de-

buis-

buisset; ac ideo si filius in hoc defraudetur, tuta conscientia potest clanculum sibi æquivalens retinere pro compensatione. Ita etiam Pontafius verb. *compens.* casu 5. Ad hoc tamen ut talis compensatio iusta sit, suas addunt citati Doctores conditiones, nempe ut 1. deducantur omnes expensæ, quas habuit pater in eo alendo, & vestiendo. 2. Ne filius sibi arroget ulumfructum, qui ex tali lucro provenire potuisset ante suam emancipationem, vel patris mortem. 3. Ne pater vel per se, vel per alium minori pretio facere potuisset quæ fecit filius.

Si filius ex bonis patris, quæ pater, ut solet dici, mortua & inoperta tenet, negotietur, & lucrum ex sola sua industria reportet, puta ex pecunia, frumento, aliisque usu consumptibilibus, quæ pater otiosa retinet, lucrum huiusmodi iudicandum est filio, utpote fructus solius eiusdem industrie, peccabit vero contra reverentiam, & forsan contra obedientiam patri debitam id clam a notitia patris agendo, non tamen contra iustitiam, dummodo habeat bona castrensia, aut quasi castrensia, quibus securum reddere possit patris capitale, si forte in negotiando periclitetur, aut aliud damnum emergat, & dummodo in cæteris sibi a patre commissis deserviat. Alias si non habeat unde securum reddat patrem in casu periculi, peccabit mortaliter ob periculum gravius damni, cui patrem exponit. Si tamen res prosperum sortiatur eventum, & lucretur; lucrum suum erit, utpote proveniens ex sola ipsius industria, nec ullum lucrum bona illa patri erant allatura. Sic putat citatus Cuiusius in huiusmodi casu resolvendo, salvo, ait ipse, meliori iudicio, & ita sentit de filii negotiatione super bonis mobilibus, frumento scilicet, pecunia, aliisque huiusmodi. Nam si negotiaretur super re immobili, v. g. locando domum quam pater morans Romæ tenet. Mediolanis, & locare non vult, lucrum illud non esset adventitium, sed profectum, ac ideo spectans ad patrem, quia tunc lucrum non esset solius filii industrie, sed rei paternæ, nempe domus, quæ ex se habet valorem suæ locationis.

§. VII.

De dominio Uxorum.

Nota tria bonorum genera computari posse Uxor, alia quæ dicuntur paraphernalia, alia dotalia, alia communia, quorum duo priora etiam iura particularia, seu Municipi-

palia eis adjudicant; certium vero ius commune, quod non ubique eis faver. Bona paraphernalia sunt ea quæ ab uxore adferuntur cum animo saltem implicito ea sibi reservandi, eisdemque obveniant ex liberalitate mariti, vel aliorum hæreditate, legato, necnon ea, quæ proprio officio, sive alia industria ipsa lucratur, dummodo tamen debito suo servitio familiam non defraudet, ac tempus illud, quod familiæ debeat impendere, non subtrahat, ut diutius suis lucris incumbat. Nam si ex sua lucrandi aviditate aliquid pateretur domus, illud compensare teneretur. Dotalia, quæ uxor tradit marito ad onera matrimonii supplenda. Communia quæ tempore matrimonii acquiruntur, ab utroque coniuge eorum labore, industria, &c. Hic prænotatis.

In bonis paraphernalibus uxor plenum habet dominium, eorumque administrationem prorsus a marito independentem, dummodo in maritali contractu præcipue quoad ea, quæ in nuptiis contrahendis secum attulit, explicite, vel implicite ea sibi reservaverit. Dixi *quæ in nuptiis attulit*, nam ea quæ ipsis postea adveniunt, procul dubio inmixta censeri nequeunt cum dote. Dixi *dummodo explicite, vel implicite ea sibi reservaverit*, quia seculæ orni reservatione bona omnia dotalia reputantur, cum nisi aliter appareat, censetur mulier nubens omnia in dotem marito assignare. Super dotalibus vero, & communibus uxor non habet nisi dominium directum, seu proprietatis, cum utile seu usufructus ad maritum pertineat ad onera matrimonii sustinenda. Nam defuncto marito tum bona dotalia, tum portio, seu medietas bonorum communium, si ve mobilium, si ve immobilium tempore matrimonii acquisitorum iure communi obveniant uxori & quoad proprietatem, & quoad usufructum, secluso omni contractu, & testamento. Hæc omnia quoad bona communia obveniant uxori, ut diximus, de iure communi. Unde & quoad bona huiusmodi, & donata a marito standum est legibus, & consuetudinibus locorum, quæ nonnullis in locis dispositioni iuris communi sunt contrariæ, & hæc in praxi quilibet consulere ac sequi tenetur.

Cum igitur utriusque generis bonorum si ve dotalium, si ve communium usufructus spectet ad maritum, ut circa id, quid uxores in conscientia disponere possint erga bona mariti, res elucidetur, notandum ex communi non satis esse ad grave furtum uxoris, seu filiorum in bonis domesticis eorum

Quorum
recum ha-
beant U-
xores do-
minium.

rum quantitatem, quæ sufficeret alteri extraneo, cum patrefamilias non credendus sit prudenter invenire respectu filiorum, & uxoris, sicuti respectu extraneorum. Insuper pensanda sunt qualitates rei acceptæ, si nris accipiendi, videlicet num ad proprios usus, aut ad dandum aliis, an consanguineis, an extraneis, conditio, & status mariti, an divitis scilicet, vel pauperis, an mediocri fortune, ipsius status an nobilis, an mercatoris, vel artificis, animus eiusdem an liberalis, an avarus, conditio familiaris, an multis filiabus collocandis sit pergravata, an pluribus filiis adhuc alendis, sine fructu, & aliquid aliud fortasse animadverti oportebit, priusquam circa accepta ab uxore ex bonis mariti acceptio mortalis iudicetur. Advertendum ulterius uxorem sustentandam esse a marito iuxta conditionem sui status, cum hæc tibi viri loca, ac administra familiaris, non famula, aut mancipium, licet viro subordinata. Idcirco ea dispositio competit uxori super bonis viri, ac familiaris, quæ minime famulis, & maior quam filiis.

Sed factis his etiam prudentibus considerationibus adhuc certa regula firmari nequit quoad quantitatem quam inscio marito, idest sine expressa sua consensione sibi arrogare possit uxor pro arbitrario usu in bonis mariti, dum relative ad omnes memoratas circumstantias pensari debet. Uxor igitur facere potest de bonis mariti aliquas moderatas elemosynas, donationes remuneratorias (nam circa donationes mere liberales cautius se gerere debet) necnon aliquas discretas expensas sive pro se, sive pro familia, habita semper ratione ad dictas circumstantias, & secundum quod alie uxores sue conditionis facere assuescunt. Hæc enim facultas accipiendi moderate aliquid de bonis mariti præcipue ad elemosynas, aliaque pia opera est una ex his conditionibus, quæ uxori ut tali debetur ut distinguatur a filiis familiaribus, & famulis; cum enim maritus eam cognoscere debeat ut uxorem, esse non debet quoad exposita invitatus. Multo magis poterit uxor accipere de bonis mariti pro distrahendo grave aliquod malum familiaris imminens, sicuti etiam aliqua clam recondere, ac reservare pro familiaris sustentatione, præsertim si maritus comeffationibus, ludis, aliisque inordinatis modis bona domestica dissipet cum gravi familiaris detrimento, & periculo quod eidem necessaria deficiant. Uxor enim, ac familia ius habent, ut sustentationem a marito, &

Instit. Tocol. Moral. Tom. III.

patrefamilias recipiant, ita ut si ille deficiat, potest sibi sumere quæ ei, & familiaris opus sunt ad victum, & vestitum. Si tamen vel ob mariti amentiam, vel longam eius absentiam teneat rei domesticæ administrationem, tunc expendere poterit prout ei melius prudentia suggesserit, quandocumque occurrat occasio.

Quod si forte contingat maritum adeo tenacem esse, ut expresse interdicit uxori omnem prorsus suorum bonorum administrationem, docet Cuiuslibet cum S. Raymundo, & Antonino lib. 2. tit. de furtis §. 9. hoc non obstante posse supra recensitis casibus de bonis mariti sibi sumere. Uxor autem ibi S. Antonin.) de rebus viri, de pane, vino, & aliis, quæ bono, & approbato modo solent ad dispositionem uxoris pertinere, potest, & debet sacre elemosynas, moderate tamen secundum facultatem viri, & maiorem, vel minorem multitudinem, & necessitatem pauperum, & debet semper sibi confirmare conscientiam quod non displiceat marito in corde, licet aliquando prohibeatur ore, &c. Quando tamen maritus expresse, & serio id vetet, omnino abstinere debet uxor a suprascriptis dispositionibus, salvis tamen iis, quæ necessaria sunt ad sui filiorumque sustentationem.

Si uxor filios habeat ex priori marito, vel genitores graviter indigentes, nec habeat bona propria, quibus eorum indigentia succurrat, (quia si habeat, bona propria, non mariti impendere debet,) erogare poterit consanguineis elemosynas, quas de prudenter mariti præsumpta consensione facere solet, consanguineos aliis pauperibus præponendo. Poterit pariter filio viventis mariti missa a patre ad studiorum Universalitatem, vel ad bellum mittere de bonis mariti, quæ ipsi opus esse possint ad honestam sustentationem, si a patre non curante, avaro, & vitioso non sufficienter provideatur, cum hæc filio sint debita. In hoc vero, & in priori casu cum consanguineis cavere debet ne nimius amorem in utraque largitione ad excessum inducat. Aliquammoderatas elemosynas poterit dispensare etiam invito marito ad impetrandam a Deo ipsius sanitatem a corporali infirmitate, qua laborat, & multo magis eius conversionem, si sit ita perditis moribus, ut non appareat certa spes eius salutis æternæ. Sic Navarrus cap. 17. n. 154. cum aliis bene multis, dummodo tamen uxor hoc ex propriis bonis, si habeat, facere non possit. Multum enim consistit decori familiaris, & præcipue

B

UXO-

uxoris, & filiorum patris correctio, dum ipsius valde noxiæ sunt illius ignominie. Nequit tamen uxor sibi retinere elemosynas, donationesve remuneratorias, quas ex prudenti præsumptione voluntatis mariti facere potest, desistendo ab iisdem elemosynis, & donationibus, tum quia illæ elemosynæ, & donationes utpote actus misericordie, & gratitudinis multa divina beneficia ad familiæ profectum impetrare valent, tum quia ab illis deficere obscuraret familiæ splendorem, qui maxime effulget in erogationes elemosynarum, ac in donationibus, quæ habent acceptos favores remunerari.

§. VIII.

De dominio servorum, seu Mancipiorum.

Servi quoque, & Mancipia habent rerum aliquarum dominium, idest non habent revera dominium lucri & fructuum suorum operum, & laborum, cum hæc omnia de iure spectent ad dominum; habent tamen ius, seu dominium, & hoc perfectum non solum vitæ, membrorum, famæ, spirituumve bonorum, sed quorundam etiam rerum temporalium. 1. Quæ dominus eis concessit; 2. quæ servo dantur ad compensandam iniuriam eidem illatam in bonis, quorum est dominus, ut in fama. 3. Quæ eis data sunt, ea conditione ut non acquirantur domino. 4. Quæ lucrantur ludo, aut negotiatione sine domini præiudicio. Nam ex iure servi non redduntur incapaces domini, nec convenit humanæ imbecillitati, ut talia imponantur onera invictis. Hoc enim gravis esset eis peccatio peccandi. Imo ipsa iura supponunt in servis capacitatem domini; nam lege *vix §. de iudice servis* actio contra dominum conceditur, si probent se proprio ære a servitute redemptos. Unde quando iura definiunt servos quidquid quavis causa vel occasione acquirunt dominis acquirere, regulariter intelligenda sunt, & de lucro sui laboris, aut saltem consuetudine iam fuit mitigata; idcirco servus differt a Religioso solemniter professo, qui domini prorsus est incapax.

§. IX.

De obiecto domini.

Circa rem hanc de homine prius loquendo, iam constat, nullum privatum, imo nec Principes ipsos, & Respublicas adipisci posse, ac habere nec in se, nec in alios domi-

nium plenum & directum quoad vitam, & membra tum sui ipsius, tum aliorum; tale enim dominium soli Deo competit, & illis qui in supremo Principatus regimine ipsius Dei vices gerunt tanquam ipsius ministri, & publicæ tranquillitatis custodes respectu solummodo nocentium, seu malefactorum, quia non secus ac quisque etiam privatus licite potest sibi amputare membrum putridum, ita istos uti aliis noxios interimere valent, ac exponere, seu tollere de medio partem pro totius conservatione. Imo ita exigente publico bono ratione talis domini possunt Principes periculo belli proprios subditos subicere. Dixi non habere dominium plenum & directum; quia hoc importat ius utendi, & abutendi re aliqua, prout libet absque ulla cuiusvis iniuria, quale ius nulli profecto homini competit, nec quoad se, nec quoad alios, idest nec in sui ipsius, nec in aliorum vita, & membris, cum Deus huiuscemodi dominium sibi specialiter reservaverit iuxta illud Sap. 16. *Tu es Domine qui vitæ, & mortis habes potestatem.* & hoc non solum Christiani, sed etiam Ethnici Doctores, ut Aristoteles, Cicero Pythagoras, &c. agnovere. Dixi insuper dominium plenum & directum, quia nemo ambigit homines habere dominium imperfectum & indirectum, seu utilem, ita ut quisque sine cuiusvis iniuria uti possit vitæ, & membris ad omnem usum lege non vetitum, gravemque iniuriam fieri homini libero, si talis usus ei impediatur. Hinc homo potest seipsum vendere, hinc per matrimonium in corpus uxoris potestatem acquirit, & vicissim &c.

Omnes vero consentiunt hominem habere dominium directum & plenum suorum actuum, saltem in eo sensu quod liberrime eos eliciat, non tamen omnium eo sensu est dominus, quod omnes sine Dei, vel alterius hominis iniuria elicere queat.

Huiuscemodi pariter dominium tenet homo in ea, quorum a Deo factus est dominus, cuiusmodi sunt agri, montes, aquæ, metalla, quæ vel in toto, vel in parte ab aliis alii homines possident, ut Palm. 8. *Omnia subiecisti sub pedibus eius.* Nam etiam post lapsum remanet in humano genere dominium quod Deus homini contulerat in statu innocentie in res omnes sublunares, licet non remanserit omnibus in individuo hominibus, & ita perfectum sicuti erat prius, cum post peccatum facta sit rerum divisio, quam consuetudo, & leges humane confirmarunt; & aliæ creature non ita nunc homini obsequantur, sicuti si in igno-

De do-
minio ho-
minis in
se, & in
alios.

innocentia permanisset, imo aliquæ sint etiam homini inest. Ridicula porro esset controversia an homo dominus sit cælorum, aliorum &c.

Homo dominus propria fama.
Propria itidem fama est homini materia ipsius domini, quia in hanc ei competunt primarii actus domini, cum enim homo propria industria, virtute, ac labore famam sibi acquirit, & augeat, ablatam in iudicio proprio nomine ut rem suam repetere potest, necnon sine alterius iniuria eiusdem restitutionem condonare. Idcirco ex D. Thoma *quest. 73. art. 4.* homo liber est ut iusta causa voluntarie subeat detrimentum suæ famæ, dummodo non vergat in alterius præiudicium, v. g. ad petendum consilium, ad sui humiliationem, ad coercendam superbiam, ad restituendam alteri famam, ad divinam misericordiam commendandam, iuxta exemplum D. Pauli, qui se blasphemum confessus est, & D. Augul. qui se diu turpiter inmersum perhibet in libidinum coeno; tandem ut imminens effugiat peccatum. Non licet tamen sine rationabili causa seipsum infamare, quia id est contra rectam rationem, & illud Ecclesiastici cap. 41. *Curam habe de bono nomine.* Aliquando tamen dominium in suam famam homini ligatur, videlicet cum cedat in alterius damnum, ut fieret 1. si qui diffamatur esset pater, Superior, Prælati, quia paterentur ex hoc etiam filii, & Communitas. 2. Quando ex læsione famæ sequitur scandalum in proximis, ut si diffamatus esset Sacerdos, quos præcipue respicit citatus illud Ecclesiastici textus: *Curam habe de bono nomine.*

Quamvis tamen homo non habeat iure naturæ dominium in alterum hominem, quia omnes homines sunt eiusdem naturæ ab eodem Authore, & in eundem finem conditi, ideoque iure naturæ pares in iure; potest tamen homo habere dominium in alium hominem iure Gentium, & civili: unde unus fit alteri servus, & mancipium, quod contigit vel ex propria voluntate, vel ex iusta necessitate.

Quatuor autem modis acquiritur dominium in homines, ut servos, & mancipia. 1. Iure belli iusti. 2. Nativitate, ita ut qui nascitur ex serva, servus fit. 3. Iusta condemnatione, ut cum ob aliquod grave crimen quis damnatur servitute a Iudice. 4. Emptione: cum enim homo dominus fit suæ libertatis, seipsum vendere potest; imo parentes etiam ob gravissimam necessitatem possunt vendere filios non emancipatos. Nam quamdiu filii sunt sub patris potestate, ius

habent percipiendi ex illis omnia emolumenta, quæ ipsi de se percipere possent, si essent sui iuris. Iure tamen civili solus pater, & solum propter nimiam pauperatatem & victus causâ prolem vendere potest, quod tamen aliquibus in locis, præcipue in Gallia, non conceditur, non obstante quacumque patris necessitate, Unde

Non licet servis fugere, & præcipue si nativitate, aut venditione facti sint servi, dummodo necessaria alimenta eis tribuantur, nec vi impellantur peccare, quam alio modo vitare nequeant: nam fugiendo se ipsos furantur domino, ideoque iniuriam ipsi faciunt ipsum privando invitum iure quod in ipsos habet, leg. 1. *cod. de serv. fugit.* Controvertitur inter Doctores an iusto bello capti, & servi facti vi ab infidelibus licite fugere possint ad suos, & iam constat quod nequeant si promiserint non fugere, quia fides data iure naturæ servanda est. Sic P. Antoine, Azotius, & alii. Sotus inter alios in hoc diversam statuit conditionem servorum, qui capti sunt in bello ab illis, qui seervi sunt nativitate, condemnatione, & emptione; quod illi, quando aliter non promiserint, sine iniustitia fugere possint, non isti. Item quod bona, quæ quomodocumque illis obveniunt, sua non sint, sed dominorum; non vero ea, quæ obveniunt captis in bello.

Quoad servitutes vero & captivitates respectu Christianorum hæc plane tenent, ait Habertus, non solum si eas contrahant apud Infideles, ut habetur ex D. Petro ep. 1. cap. 2. vers. 18. ubi præcipit, ut servi subditi sint propriis dominis, non bonis tantum, imo etiam discolis; sed apud Christianos quoque, sicut ex *distinct. 54.* ubi multa habentur Decreta de servis Christianis. Invaluit tamen consuetudo, ut Christiani facti captivi in bello iusto, non fiant servi, sed soluta pecunia in redemptionis pretium remittantur.

S. X.

De origine dominiorum.

De particularium dominiorum initio, & origine differere volentes, ut certissimum supponendum 1. particulare rerum dominium, seu earum divisionem, nec a natura, nec a Deo inductum fuisse. Non quidem a natura, seu iure naturali, quia tamen homo oritur cum ingenito iure, ac dominio propriæ voluntatis, sui honoris, famæ &c. non oritur tamen cum particulari dominio agrorum,

Rerum
divisio
nec a na-
tura, nec
a Deo, sed
iure gen-
tum est
introduc-
ta.

B 2 præ.

prædiorum, divitiarumque, dum natura omnibus communia illa relinquit, nec secundum se ad rerum divisionem inclinat; ac proinde stando iuri naturali omnia sunt communia; ita ut si status innocentie processisset, nulla profecto contigisset eorumdem bonorum divisio. Non pariter a Deo, cum nullibi legatur in divina Scriptura Deum hanc divisionem in fecisse ac iussisse: sed hoc factum fuit ex iure Gentium post primorum parentum lapsum, quia corrupta per talem lapsum hominum natura, ac exinde mutata illorum indole, statim iure Gentium, quod consistit in omnium populorum aliqua de re consensu, introducta fuit rerum divisio, ac proinde diversa constituta dominia in primis illis hominibus Cain scilicet, & Abel per Adam, & post diluvium per Noe, in Filiis suis qui in eam divisionem unanimi consensu conspirarunt.

Quid ius Gentium.

Ius autem Gentium est ius quod naturalis ratio constituit inter homines, quodque usu exigente, & humanis necessitatibus, Gentes sibi constituerunt. Unde ius gentium patricipat & de iure naturali, quatenus ab ipsa naturali ratione inspiratum est, & de positivo, quatenus etiam a voluntate hominum pendet, nempe universi homines unanimi consensu in ea quæ de tali iure sunt conspirarunt.

Dixi statim post lapsum, quia ex facto comprobatur primos huiusce status homines Cain, & Abel fratres propria, seu distincta habuisse bona, & dominia. Nam & Cain obtulit de frugibus terræ, Abel de optimis ius gregibus, qui propter oblata specialem laudem est adeptus, quod fieri non potuisset, nisi quisque sua distincta possideret bona. Quod vero ius Gentium induxit quoad rerum divisionem, ius quoque civile, ac politicum comprobavit, confirmavit, & extendi curavit. Nam ius civile instituit primogenituras, iura præscriptionis, ac multa particularia statuta, seu leges, quæ in diversis locis diversas constituunt dominiorum divisiones. Hoc tamen ius positivum, seu civile institutum non est nisi post constitutas civitates, quas præcessit rerum divisio.

Supponendum 2. posita conditione hominum post lapsum, idest humanæ naturæ corruptione, ex quo vigere cepit in homine superbia, cupiditas, avaritia, desidia, torpor, &c. sicuti necesse erat, ut unusquisque suum particulariter possideret, ita ratio prudenter, ac sapienter hanc rerum divisionem inspiravit.

Supponendum 3. ius Gentium non in re-

bus omnibus divisionem constituisse, cum plurima nunc quoque sint omnibus communia, ut viæ publicæ, flumina, mare, &c. imber, gemmæ, & quamplurima alia, quæ ante occupationem nulli sunt determinatæ. His præmissis

Divisio rerum iure Gentium facta iusta est, & conveniens pro communi bono, & felicitate humani generis post naturæ corruptionem per priorum hominum lapsum contractam. Iusta quidem est rerum divisio, cum Scriptura loquatur tum de tali divisione facta inter viros iustos, v. g. Abraham & Loth, tum de emptionibus, donationibus, aliisque huiusce generis, quæ rerum divisionem supponunt. Item quia iustum est quod communi Gentium consensu inductum est, sicuti rerum divisio, quæ idcirco iure Gentium dicitur inducta. Hinc ab Ecclesia damnati fuerunt ut hæretici qui aliter sentierunt, ut illi qui dicebantur Apostolici.

Fuit quoque conveniens post peccati infectionem rerum divisio, & ita docuit ipsa ratio, ut per eam paci consuleretur, & concordie, litium tolleretur occasio, & iurgium, quæ alias multo maiora oriri potuissent, sicuti factum fuit inter Abraham & Loth viros cæteroquin pios; ac simul provideretur, ne terra inculca remaneret. Nam si homo, utpote natura segnis, & tardus ad laborem non raro propria non curat, tanto magis communia negligeret. Eadem ratione evincitur inductam hæreditariam successionem filiorum in bona patris. Etenim ratio naturalis omnes edocuit concordare aequitati, ut ad eos, in quibus transfusa fuerat natura patrum, eorum etiam bona hæreditario iure transirent.

Ex dictis sequitur 1. in extrema necessitate omnia esse communia, eo quia Deus eo fine res inferiores condidit, ut hominis conservationi subserviant, & ex hoc resultat ius naturale, quod habet quilibet homo rebus propriæ vitæ necessariis utendi. Quocirca divisio rerum iure Gentium, seu hominum voluntate inducta non iuste fieri potuisset, nisi salvo cuiusque naturali iure, quod equidem salvatur, quando quis ad extremam redactam indigentiam necessariæ vitæ emendo, mutando, petendo accipere possit; alias in foro externo ut reus de furto multaretur, si propria manu, & autoritate aliena sibi arripere.

Sequitur 2. iniustitiam committere disponendo de propriis rebus contra municipalia statuta, seu consuetudines regionis, ac

In extre-
ma ec.
cessare
omnia
sunt
commu-
alia.

cod-

contra Regni Constitutiones; quia quæ possidemus nostra non sunt nisi iure humano, ut ex S. Aug. tract. 6. in Ioan. *Quod hæc villa sit mea*, ait S. Doctor, *est ex iure Imperatorum*, in quantum scilicet reges divisionem rerum ab initio factam ratam habent, & suis legibus eam observandam declarant. Quare ubi leges prohibent donationes inter maritum, & uxorem, vel ne parentes plus uni quam alteri filio de paternis substantiis tribuant, tum coniuges, tum parentes, qui aliter faciunt, iustitiam mortaliter lædunt, & recipientes tenentur ad restitutionem. Idemque dicito de iis qui in contractibus solemnitates omittunt a lege præscriptas, quando contractus illis deficientes irriti per leges declarantur.

§. XI.

De modis acquirendi domini.

Quia non unum, sed multiplex est rerum genus, quæ acquiri possunt, neonon varii modi, varique iura, quibus ad earundem dominium pervenire possumus; hinc

Notandum 1. bona seu res, quorum dominia a nobis comparari possunt, triplicis esse generis. Alia sunt quæ nunquam habuerunt dominum, vel saltem nunquam habuisse censentur, cuiusmodi sunt quamplurimæ feræ, insulæ, quæ adhuc non fuerunt habitatæ, gemmæ, metalla &c. & eiusmodi bona acquiruntur ea occupando, ac ideo eorum dominium acquiritur per occupationem. Alia quæ dominum habuere, vel multo ante, ut sunt thesauri, vel paulo ante, ut bonafestum hæredum, vel testamenti vacantia, bona derelicta, vel recentem amissa, & hæc acquiruntur inventionem, unde eorum dominium dicitur acquisitum per inventionem. Alia tandem dominum habent, & nihilominus absque eius consensu in alterius dominium transferuntur, & cum talis translatio, qua bona unius sine eius consensu deveniunt in alterius potestatem, fiat legali seu civili, vel canonico beneficio præscriptionis, dum bona hoc modo acquiruntur, dicuntur præscripti, & proinde illorum dominium dicitur acquisitum per præscriptionem, seu usufruptionem. Primarii igitur modi acquirendi dominium sunt 2. per occupationem, 2. per inventionem, 3. per præscriptionem. Alii etiam sunt modi acquirendi dominia, & præcipue per translationem ex dominorum consensu, ut contractus, emptiones, donationes, &c. de quibus iam iuxta eorum ordinem suo loco differemus.

Instit. Theol. Moral. Tom. III.

Notandum 2. rerum dominium triplici iure obtineri posse, nempe iure naturali, seu Gentium, & hoc iure acquiruntur res, quæ nullius sunt. Iure civili, atque canonico, & hisce iuribus acquiritur dominium rerum, quæ quidem alicuius sunt, sed præfixo per leges ac canones tempore possidentur. Iure particulari, ac privato alicuius contractus, seu conventionis, & hoc iure acquiritur dominium rerum, quæ quidem sunt alicuius tanquam domini, & possessoris, sed in alium transferuntur per donationem, venditionem, aut alium contractum. Iure naturali rerum dominium multipliciter obtinetur, videlicet occupatione, alluvione, specificatione, accessione, confusione, commixtione, ædificatione, plantatione, cultura, satione, nativitate, fructuum perceptione, &c.

Notandum 3. ad acquirendum dominium rerum, quæ domino carent, sufficere illas manu apprehendere animo illas suas faciendi; earum quæ habent dominum, iure naturali sufficere mutuum consensum dantis, & accipientis significatum, iure vero positiva requiritur titulus, & traditio. Titulus est ratio, seu fundamentum, quo dominium alicui competit, puta donatio. Traditio alia est realis, qua res datur in manus, alia civilis, quæ dicitur ficta, quæ fit per instrumentum, ut per traditionem clavium, aut per quid simile lege, aut consuetudine statutum. Quædam tandem non requirunt traditionem ad eorum dominium assequendum, ut iura.

§. XII.

De primo modo acquirendi domini, nempe per Occupationem.

Primo igitur acquiritur dominium per occupationem, quæ fit in rebus, quæ cum nullius sint, iure naturali, seu Gentium hunc primo occupantis, textu expresso §. *instit. de rer. divis.* Ex inter hæc præcipua sunt bestię, volucres scilicet, pisces, & omnia animalia, quæ mari, cœlo, & terra nascuntur. Animalia autem in quadruplici genere considerantur a Theologis, & Iuristis. Alia enim natura sua sunt feræ, ut cervi, lepores &c. alia mansueta, & domestica, ut oves, gallinæ, equi, boves, asines, &c. alia ex feris facta domestica, ut cervi &c. alia ex domesticis facta feræ, ut capræ, quæ feræ evadunt.

Animalia naturaliter mansueta, & domestica, ut oves, boves, equi, gallinæ, &c.

B 3 quan-

Tria bonorum genera quorum dominium acquiri potest.

Dominium rerum triplici iure acquiritur.

Requisita ad acquirendum dominium.

quantumvis aberrent, & longe a domino potestate fugiant, remanent semper sub iure prioris domini, nec possunt occupari. Nam etiamsi dominorum suorum potestatem evadant, nunquam censentur naturalem adeptam esse libertatem, cum natura sua mansueti sint, & domestica; unde remanent prioris domini, & qui hæc animalia retinent dum effugiunt, dicuntur furari & ad restituendum tenentur non solum hæc animalia, sed quæcumque simul etiam ex iis, puta pelles, ova, lanam, plumas, provenire solent, si illa appropriare sibi attentaverint; imo ad hoc tenerentur qui ovem, aut ovis partum e faucibus lupi eriperent, quia donec res subsistat, semper est proprii domini. Ita omnes ex *institut. de rerum divis.*

Animalia ex natura sua sylvestria, & fera, ut cervi, lepores, &c. quæ custodia, ac loco conclusio detinentur ab eo qui ea accepit, ut pisces in vivario, aut feræ in seipis, vel quæ facta usu domestica solent ex libera vagatione reddere in potestatem domini, qualia sunt columbæ, cuniculi, cervi, falcones, &c. si forte ab aliquo capiantur, priori domino sunt restituenda, quia cum quamdiu careant sua naturali libertate, suum habeant dominum, non sunt primo occupantis. Eiusmodi enim feræ, non minus quam domesticæ a dominis possidentur.

Porro cum licitum sit, utpote iam indutam ex consuetudine, imo ex iure ipso concessum alere columbas, & cuniculos, & ad hoc columbaria erigere, garenam instituire, nemini proinde licet sine culpa, & restitutionis debito capere alterius columbas, & cuniculos, vel illecebris, vel fraude in suum columbarium trahere, ac eos occidere nequidem, quando videamus hæc animalia nobis nocere, ut si videamus alterius columbas, vel cuniculos pascentes in proprio agro cum fegetum, ac aliorum seminorum detrimento, quia non grave iam afferunt nocumentum, cum bonis & malis velcantur seminibus, quæ bona suffocarent. Sed potior ratio est, quia cum hæc animalia Reipublicæ, idest publico bono utilia sint, privati refugere nequeunt pati ex his damna, quæ afferunt publicum bonum, & eo magis quod dum reipublica vel ex consuetudine, vel ex privilegio concessit columbaria erigi, & garenas institui, censetur aliis imponere onus damni, quod ex animalibus, quæ ibi aluntur, pati possunt. Nihilominus tamen hic attendendæ sunt leges municipales,

consuetudinesque locorum pro columbariorum erectione; cum aliquando fieri possit ob certas conditiones iuris, aut consuetudines particulares talis loci in hoc genere animalium alendo, ut alii iniussu damnificentur, ac ideo illorum dominus ob tale damnum culpam incurrat, & tenetur ad restitutionem. Licet enim columbæ spectent ad publicum bonum, ideoque privati aliquid ex his damnum sustinere cogantur, non cuique tamen, & cum aliorum detrimento licet habere columbaria, ac columbas sine ulla limitatione alere: hinc peccant qui habent columbaria in locis, ubi hoc a lege vetitum est, præcipue si non habeant agros, in quibus illæ pascant, aut nisi agrorum cultores consentiant, aut sufficientia alimenta domi columbis præbendo, caveant ne alicui grave afferant damnum. Quocirca in locis etiam, ac personis, quibus a lege concessum est habere columbaria, peccant, & ad restitutionem tenentur, si in his animalibus alendis non observent præscriptas legum conditiones, quibus ali concedantur, ita ut grave alicui damnum inferatur, videlicet si non habeant agros columbariis proximis, in quibus pascant columbæ, & hoc a lege præscriptum in columbariis concedendis, vel alant plusquam ipsi nutrire possint, vel necessaria alimenta illis non præbeant, ut exinde fiat ut alantur ex alienis cum gravi eorum detrimento. Nam quia utiles sunt bono publico, debent quidem alieni damna aliqua pati, non tamen gravia, cum hoc nullatenus præsumi possit esse secundum intentionem reipublicæ, vel Principis columbaria concedentis, qui ex æquitate, cuius sunt ministri, & executores, providere tenentur, ne cuiquam sine gravi publici boni necessitate grave damnum inferatur. Et quod statuit de columbis, idem pariter intelligendum de aliis huiusmodi conditionis animalibus, ut sunt gallinæ, oves, anseres, agni, porci, & similia; ita ut si domini, qui hæc alunt, non valeant, ea ex proprio nutrire, ac ideo cum aliorum gravi præiudicio nutrantur, peccant, & damna resarcire tenentur. Quare peccant, & restitutioni sunt obnoxii rustici, alique pauperes, qui cum agros non habeant, nec alia media, quibus nutrantur huiusmodi animalia, hæc alunt fere ex integro ex aliorum frugibus, ac bonis adeoque cum notabili proximi detrimento.

Quod si animalia sylvestria mansuetata, & facta domestica amittant consuetudinem ad dominum redeundi, censentur recuperari

se libertatem, & sic sunt primo occupantis, ac si nunquam sub alicuius fuissent dominio, ut avis, quæ ex cavea in liberam aream evasit, piscis qui ex vivario in fluvium transiit, *ex institut. de rer. divis.* Quando autem censentur hæc animalia animum ad dominum revertendi exuisse, hoc prudentum iudicio definiri debet. Columbar, quæ tribus, aut quatuor continuis diebus ad suum columbarium non revertantur, videntur animum revertendi amisisse. Et licet hoc fiat, quia ubi remanserunt, præbeat dominus suis columbis meliora pabula, vel columbarium in loco hisce animalibus commodiore ædificaverit, quando hoc nullam prorsus fraudem contineat, non tenetur columbas, quæ suis sunt immixtæ, priori domino restituere, quia censentur suam recuperasse libertatem, ac ideo non secus ac nullius essent, sunt primo occupantis.

Alia vero animalia, ut cervi, apes, &c. qui per dies aliquot prope domum vagantur, etsi sponte non redeant, quando facile reduci possint, non censentur pristinam libertatem recuperasse, sed adhuc sub dominio illius, qui ea coeparat, remanere. Quod si ita longe a domo abierint, ut non minus quam si prima vice occuparentur, sit eorum persecutio difficilis, tunc suam censentur recuperasse libertatem, nullius esse, & fieri primo ea capiuntur. Hinc ibidem Iustinianus de apibus ait examen apum, quod ex alveari tuo evolaverit, eo nique illud esse tuum, donec in conspectu tuo versatur, nec difficultis eius persecutio est, alioquin occupantis sit, idest si difficile sit illud sequi, & recuperare, potest a quocunque capi.

Animalia vero fera & sylvestria, ut bestiæ, feræ, volucres, pitees, omniaque alia quæ coelo, terra, mari nascuntur, si antea nullius fuerint, vel si fuerint, & pristinam recuperant libertatem, iure Gentium sunt primo occupantis: quod enim ante nullius est, id naturalis ratione occupanti conceditur, *instit. de rer. divis.* Hoc tamen intellige, nisi specialis lex, aut consuetudo limitet, & obstat, ut leg. 39. *5. ad Legem Aquiliam.* Apposita exceptio additur, nisi specialis lex, aut consuetudo obstat, cum inter alia, quæ propria sunt particularium dirionum, ac locorum esse possit illa de venationibus reservatis.

Certum est posse Principes etiam sine populorum consentu in locis publici iuris ad solam recreationem venationem sibi reservare, quia æquissimum est Principem, qui

tot gravissimas curas, ac labores pro publico suorum populorum bono suscipit, possit proprio speciali modo fatigatum animum recreare & præcipue venatione, utpote quæ ad Principis dignitatem pertineat. Crudeliter tamen se gereret Princeps si totam venationem sibi reservaret, ac ideo expoliaret subditos omni recreatione & utilitate venationis, nam iura naturali & Gentium hæc ipsis est concessa.

Non solus vero Princeps, imo hi etiam, quibus vel Principis privilegium in eorum compensationem meritorum, vel consuetudo iam legitime præscripta, concessere, venationem sibi reservare possunt. Qui tamen huicmodi ius habent, cavere debent ne feræ ita multiplicentur, ut aliorum agris nimium inferant nocumentum, quia tunc tenerentur rationem damnificationem refarcire, nisi forsitan incolæ cupi tali onere arva recepissent; imo obnoxii essent restitutioni, etiam si permitterent, ab iis, in quorum agros feræ devenirent, eas occidi, nam a feris occidendis, quæ arva devastant, vix, ac ne vix quidem, pauperes russici abstinere possunt.

Nam vero peccent, qui contra prohibitionem venantur, ut clarius res innoteat, pro solutione difficultatis, notandum: Venationem quinque modis interdici posse, primo ratione status, ut clericis, ac Religiosis vetitum est venari; 2. ratione temporis, ut scilicet non fiat diebus festis, vel quando feræ pariunt, & suos educant sætus. 3. ratione publicæ utilitatis, ne feræ, aves, pisces, nimia venationis frequentia prorsus tollantur, ut fieret, si omnibus pro sibi suo permissum fuisset venari, aucupari, piscari. 4. ratione instrumenti, ut vetitum est propter publicam utilitatem, ne piscatores maritimi utantur retibus nimis strictis, quæ etiam pisciculos apprehenderent, vel elcis quibus pisces interficiuntur. 5. ratione loci. Locus autem triplex distinguitur 1. proprius ipsius domini muro circumvallatus, 2. proprius ipsius domini, sed non circumclusus muro, 3. tandem publicus, & communis.

Peccant igitur clerici, & Religiosi venando, quia ipsis vetita est venatio, ut ex cap. 1. de cleric. venat. ex Innoc. III. quia operantur contra decemiam sui status, ac contra legem ecclesiasticam, qua eis interdicitur venatio. Hic tamen sacri Canones loquuntur de venatione clamorosa, idest facta cum strepitu canum, & armorum, ut ex cit. cap. nam omnes cæteroquin conveniunt,

non peccare clericos, & Religiosos ponendo liqueum vel retia in silentio, dummodo tamen non distraherent a divino officio, lectione Scripturæ sacræ, Theologiæ, aliisque christianæ pietatis operibus. Sed de his suis suis loco, quando de clericali honestate, & de statu Religioso.

Peccant item qui venantur, quando venatio verita est ratione publicæ utilitatis, quia non licet communi bono nocere, ideoque si iudicio republicæ in hoc eis damnum inferatur, tenentur ad restitutionem, ac proinde ad hoc teneretur qui veneno magnam piscium quantitatem inficeret, qui magnam ferarum multitudinem occideret, vel eas ex sylvis, agrisque arte magica, vel alio pravo artificio extraheret. Peccat item mortaliter & feras ibidem captas restituere tenetur, qui venatur in fundo alieno muris ac sepe circumcluso, quia dominus fundi est vere dominus huiusmodi animalium, quæ quodcumque velit, facile capere potest, & ea moraliter loquendo libertatem amiserunt. Quare dicendum cum Sylvio piscari non posse sine gravi culpa in alieno stagno, vivario, vel loco alio clauso, necnon in aquis quibuscumque fluminum, vallium &c. etiam communibus, quarum piscationem, Princeps qui locorum communium dominus est, alicui particulari personæ locavit.

Idem peccant qui invito domino, qui ius habet in eius loco non clauso, venantur, quia alteri rationabiliter invito iniuriam faciunt; & quia se exponunt periculo gravium poenarum, ut triremis, exilii, &c. quæ comminata sunt venantibus in locis reservatis, necnon vel occidendi, vel saltem vulnerandi custodes saltuum, vel ab ipsis vulnerari, aut etiam occidi ob graves rixas, quæ in hisce casibus oriri solent inter custodes, & venatores. Huiusmodi tamen venatio non astat debitum restitutionis, ut vult Sylvius, alique passim Theologi, quia animalia quæ ex uno in alium fundum, & locum quotidie transeunt, quod facile videre est in coturnicibus, turdis &c. reipsa nullius domini sunt, utpote quæ nec sunt fructus sylvarum, aut agrorum, nec expensis ius habentis venationis aluntur, unde sunt primo occupantis. Excipiendæ tamen sunt columbæ, cuniculi, fasanæ, alique id genus, quia hæc a domino magis aluntur impensis, & æque ac columbæ a suo columbario procul a dumetis suis abeunt. Quocirca iniustum est illa capere tam infra, quam extra circuitum illum clausum, eo quod sint volatilia, quæ licet avolent alio, eo redire

confuescunt, ut de columbis dictum est. Quare de hisce animalibus notat Pontas cum aliis intelligendum esse quod dicitur in multis consuetudinibus venatores fures esse, ret alienæ invasores, ac proinde restitutioni obnoxios.

Peccant pariter, & damnum, si aliquod inferant, resciscere tenentur qui venantur tempore, quo segetes arvorum, vel herbarum pratorum pati possunt, ut sit a mense Maii usque ad completam messem, & vindemiam. Imo qui quocumque alio anni tempore venando nemora, vineas, prata depopulantur aut notabiliter lædunt. Illicitum est tandem venari in locis publicis venationi Principum dicatis.

Quæri hic solet circa feram læsam, vel laqueo captam, num ei adjudicanda sit qui eam vulneravit, vel laqueum tetendit, an ei qui primus illam invenit, aut cepit. Licet Iustinianus de fera vulnerata dicat eam esse primo capientis, nihilominus docent & meo videri multo verius ac æquius Theologi, quod si quis feram vulneravit, ac licet quantum satis sit ad eam capiendam, & sic læsam inlequatur vel per se, vel per suos canes cum morali certitudine eam capiendi, ad ipsum spectet, nam tunc per vulnus acceptum censetur amisisse libertatem, & quali capta ab eo qui illam vulneravit; ideo si alter eam capiat, reddere tenetur; si vero fugiendo illa vulnerata incideret in alterius laqueum, & vulnerator etiam aliter eam occupaturus erat, ipsius esse non desinit. Et hoc a vulnere inflicto iudicari poterit. Si vero non erat occupaturus, ad eum spectat, cuius est laqueum. In dubio vero melior est conditio occupantis; at secundum alios debet feram cum altero dividere, utpote quæ in dubio, tam unius sit quam alterius, de quorum dominio vertitur controversia. Fera vero laqueo ita capta, ut non sit evasura, illius est, cuius est laqueus, in quo est capta; nec ideo ab alio licite e laqueo extrahi potest, sicuti nec piscis ex alterius rete, a quo captus est: nam & qui per laqueum feram cepit, & qui per rete piscem, adimerunt hiis animalibus libertatem, & per propria instrumenta hæc animalia occuparunt. Etenim non minus ac manibus, instrumentis etiam rem apprehendere possumus, & in nostram potestatem redigere. Sed si fera facile ex laqueo esset evasura, vel ab eo, qui leviter eam vulneravit, cum ita nondum censeret possint libertatem esse feræ amisisse, sunt primo occupantis, ex *Instis. de rer. divisi.*

S. XIII.

*De occupatione gemmarum, vendarum auri,
& argenti, de pastione in pascuis,
& lignatione in sylva.*

Certum est apud omnes Doctores gemmas, corallia, lapillos, aliaque huiusce generis, quæ in promontoriis inveniuntur, iure naturali esse primo occupantis, ac inventoris *Inst. de rer. divis.* nam hæc nullius sunt. Excipe tamen si in aliquo Regno super aliquam ex his extaret lex, qua hæc Principi reservarentur, ut maritima in Gallia ex edicto Ludovici XIV. an. 1681. Circa vero lapidinas, carbonarias, cretarias, fodinas ferri, & plumbi, venas metallicas auri, & argenti, spectato iure naturali, ac Gentium, etiam si in fundo alieno inveniatur, ad dominum fundi non pertinere, sed ad inventorem, quia, ait Habertus, æquum non est res pretiosas accedere fundo vilissimo §. *Litteræ Instit. de rer. divis.* Secundum vero alios domino fundi sunt adiudicandæ. Nam hæc vel sunt pars fundi, qui non consistit in sola superficie, sed in tota profunditate usque ad centrum, vel sunt fructus fundi, cum in eo nascuntur, seu formentur. Iure tamen civili aliquibus in locis venæ auri, & argenti in fundo privatorum inventæ ex ipsius iuris dispositione partim sunt Principis, partim inventoris; in aliquibus aliis vero locis cum Principes ob publicum bonum possint sibi vindicare ius effodiendi hæc metalla, & concedere privatis ius ea ubique inquirendi, idest etiam in agris alienis, ubi libet inveniantur, erunt hinc applicanda ad sustinenda Reipublicæ onera. Idecirco hisce in locis spectant hinc, nempe Principi, qui tamen compensare debet damnum quod infertur loco, ubi huiusmodi venæ metallicæ inveniuntur. Sed iam tunc sere in omni ditione venæ metallicæ, præcipue auri, & argenti sunt de iure regio.

Circa pastionem attendendæ sunt consuetudines, & statuta locorum. De pastione in alieno fundo, idest qui pasceret pecora in alienis pascuis muro aut sepe circumseptis, ambigi non potest quin hic reus esset furti, & restitutionis obnoxius; idemque censendum de eo, qui pasceret in pascuis etiam apertis, quæ scirent non esse communia, sed propria alicuius, aut particularis, aut regis, vel principis, quia auferret fructum illius loci proprio domino rationabiliter invito. Si autem quis pascat in pascuis sibi aliisve incolis communibus non obstante iusta prohibi-

itione, non tenebitur restituere, nisi notabile damnum attulerit. In locis vero, ubi est consuetudo, ut in agris apertis post sublatam primam herbam, vel post tale datum tempus liberi maneant communi pastioni, post tale tempus quisque hisce in locis pascere potest gregem suum tuta conscientia; nulli enim ob consuetudinem tunc fit iniuria, cum domini in tali casu nequeant nisi irrationabiliter esse inviti. Respublica tamen, & Princeps potest prohibere pastionem in pascuis ad urbem aut rempublicam pertinentibus, quia aliquando id expedit publico bono. Hic tamen notat Lessius quando pascua sunt urbis & pagi, & hi non soleant exigere damni reparationem, sed solum multam impositionem, si damnificantes comprehendantur, restitutio in tali casu non est facienda. Herbæ, quæ in proprio alicuius agro post collectos fructus remanent, vel de novo nascuntur, num sint communes: omnibus civibus illius territorii, hoc pendet a consuetudine, vel legibus locorum; plerumque tamen censentur communes.

De lignificatione vero, priusquam aliquid statuatur, notandum sylvas alias esse communes, idest reipublicæ, Principis, vel alicuius loci, seu Communis; alias particularium personarum, quia ipsi sylvam plantarunt, vel quia a Principe, seu Communitate eam receperunt, vel per emptionem, vel alio titulo. His positis.

Sicuti iam diximus de pascuis publicis, ita etiam dicendum de sylvis, quæ sunt reipublicæ, vel alicuius loci, aut Communitatis, posse rempublicam, ac principem prohibere quod nemo in eis ligna, seu arbores cædat, ac eius ramos, ne auferendo nimiam lignorum multitudinem sylva, ac lignatio cum gravi communi damno destruat, & pereat. Nam reipublica, & princeps id possunt, quod publico bono inservit, sicuti est ne aliquando fiat lignatio in sylvis communibus: unde illi, qui cædunt ligna sylvæ Communitatis, eius sunt membra ad usum sibi, suæque familiæ necessarium, nempe iuxta præscriptam qualitatem, & quantitatem, nec peccant mortaliter, nec tenentur ad restitutionem. Neque refert quod prohibita sit talium lignorum cæctio; quia ideo tales sunt prohibitiones, ne aliquin sylvæ destruantur. Ita Salonijs, Tolerus, Sylvius; alias illicite ageret Communis id vetando suis membris, quando eisdem aliunde non provideret, ita ut cum usus lignorum quotidianus sit, si aliunde non provideretur, non peccarent, sibi de communi sylva providendum.

De lignatione
scilicet
ne.

Pastio
nima.
lium in
pascuis

videntes. Qui autem caderent contra qualitatem, & quantitatem præscriptam ulque ad stragem, five una vice, five paulatim, ut iudicio prudentum censentur grave damnum intulisse, graviter peccarent contra iustitiam, & tenerentur ad restitutionem, & post iudicis sententiam ad solvendam multam quæ inobediens imponi consuevit, qua sola etiam fieri potest ut absolvantur sine restitutione, sicuti tenerentur pro damno illato Communitati, si respublica, vel illi qui damnificantes invenerunt, nihil aliud præter poenam, seu multam exigant. Si cædens non indigeat lignis, sed alimento, & vendat cæla non in magna quantitate, probabilius non videtur iniuste agere iuxta plures, quia si cædens moderate, (iam intelligitur de incolis, seu oppidanis) ad proprium usum, & si non eget, non tenetur restituere, cur peccabit? & tenebitur qui non cædit ad usum, sed ad victum comparandum. Intellige tamen quando isti non habeant unde sibi consulere possint. Oppidani vicini ligna cadentes & sylvis alterius civitatis, nempe oppidis vicini peccarent mortaliter, & ad restitutionem tenerentur, nisi tamen & ipsorum Communitas sylvam haberet, ex qua vicissim soleant alii incolæ ligna cadere, unde per hunc reciproculum obligatio restitutionis intelligeretur sublata, vel quod vicini contenti essent poena, quam exigunt ab iis, qui in furto deprehenduntur. Ita Azorius, Sylvius cum aliis.

Qui caderet ligna in sylva communi, quam alicui particulari respublica locavit, aut vendidit, peccaret mortaliter, & teneretur ad restitutionem; quia cum respublica, & princeps ob publicum bonum locare possit, ac vendere bona communia, cum ista locatio, vel venditio valida sit, heret iniuria emptori, & locatario, si ipsi invito aliquid notabile ex ipsa sylva eripiat. Sic Azorius citatus a Sylvio. Hinc dicendum est quod etiam cædens ligna in sylva, quam aliquis privatus possidet etiam titulo plantationis, & peccat, & est obligatus restitutioni, quia alienum furtim invito domino. Et licet alii aliter sentiant, dicendum tamen graviter peccare, ac restitutioni obnoxium esse cædens ligna in sylvis particularium dominorum, in iis etiam, quæ sunt regum & principum hæreditariæ, aut aliter acquisite, quia cum ligna sint fructus sylvæ, non minus ac sylvæ ad dominum spectant, eo quod dominus fundi sit etiam dominus fructuum; uno ipse solus ius habet præcipuum in fru-

ctus, cum ius fructuum fundetur in aliquo titulo iuris five proprietatis, five locationis, quod habeatur in fundo. Quod si in talibus sylvis quis cædat ligna secca, non est arguendus peccati mortalis; quia intercedit tacitus dominorum consensus, dum huiusmodi ligna parvi æstimari solent, & permitti ut cædantur.

Maior difficultas est quæ circa lignorum cætionem in sylvis oritur ex parte pauperum, & est calus gravis momenti, & sere quotidie contingens, num salvi sint in conscientia dum pro necessario usu sui foci cædunt ligna in fundis particularium. De viridibus in sylvis, aliisque locis, quæ non sunt reipublicæ, vel communitatis, sed privatorum, licet aliqui super hoc ambigant, alii tamen, & melius, quos sequens censeo, sentiunt indubitanter non posse rusticos tuto conscientia, & sine restitutionis onere licet pauperes auferre huiusmodi ligna, nisi contraria, & ea legitima vigeat consuetudo. Ut autem hæc consuetudo legitima censeri possit, fundari debet in expresso, vel tacito dominorum consensu, qui supponitur 1. cum domini videant hanc lignorum appropriationem, & silent. 2. Quando domini obfissere valeant tali appropriationi sine quadam nimis crudeli lævitate. Sæpe vero, Pontasius, & cum istis Tourmeleins colligunt hominibus in tali necessitate constitutis, ut non habeant ex alia parte unde se calefaciant, & calidos sibi cibos parent, licitum esse colligere ligna minuta, quæ iacent humi, vepreta, ginestæque. Et Sylvius concedit ut licitum quoad omnia ligna arida, ut etiam ea cadere possint ex truncis in usum proprii foci. Et si talis necessitas urgeat ut vix aliter possit ei subveniri, sentit quod cadere possint viridia: quoque, hac ratione ductus, quod in tali casu domini non sunt inviti, vel invitati sunt irrationabiliter.

Nota ex iure gentium dominium pascuorum & sylvarum adiudicandum esse populo, cui sunt vicina. Poterit tamen aliis populis, vel particularibus personis ex venditione, donatione, locatione, & aliis titulis, ut iam vidimus, convenire. Cæterum iudicandum est aliquem in talia dominium possidere hoc ipso quod iurisdictionem civilem, aut criminalem in populum habeat, sitque dominus illius: quia sylvæ, montes, & pascua sunt communia, nisi ex aliquo titulo alicui particulari adjudicentur, *L. omnes cap. de operib.*, *L. in tantum ff. de rer. divis.* & ita tradit Covarruvias cum aliis. Tenetur ille tamen,

Quid de pauperibus cædentibus in sylvis.

tamen, si ufum ratione fuz iurifdictionis in populum convenientem excedat, reftituere damna quæcunque fecerit, non minus ac alii oppidan, licet illi timore ac reuerencia domini non audeant compenfationem repetere. Ipfe ergo folum potest (ficut alii cives) pascere in his locis, ut lignare etiam cum aliquo excessu pro eius maiore dignitate, vi cuius Covarruvias, & Logo asserunt ipsum posse lignare, & pascere pecora in duplo quam finguli ex præcipuis oppidanis.

§. XIV.

De fecundo modo acquirendi dominii, nempe per Inventionem, seu de acquisitione dominii rerum inventarum.

Quia inventum est quedam species occupationis rerum, quæ aliquando quidem fuerunt alicuius, sed ita eise defierunt, ut nunc quando inveniuntur, omni actuali careant possessore; cum hæc triplicis sint generis, hinc tria hic discutienda occurrunt, idest ad quem spectet thesaurus, quem aliquis detegit, 2. ad quem res in via, vel alibi inventæ, 3. bona derelicta, vel vacantia.

Nomine thesauri non intelligitur quicumque pecuniæ cumulus in aliquo secreto loco metus, vel custodiæ causa ad instar depositi in futurum reconditus; ut interdum in tali sensu hoc nomen accipitur, sed prout describitur l. 31. §. ff. de acquiren. dom. thesaurus est vetus quedam depositio pecuniæ, cuius non extat memoria, ut dominum iam non habeat. Dicitur vetus, ut per talem vocem excludantur res nuper depositæ, quæ dominum habent, a quo reconditæ fuere, vel eius hæredes, ut l. nunquam de acquiren. dom. Nomine vero pecuniæ intelliguntur omnes etiam aliæ res mobiles, ut cætenulæ, monilia, vasa &c. ex auro constructa, vel argento, gemmæ, aliæque huiusce generis pretiola.

Circa thesaurum, qui ab aliquo invenitur, omnes Doctores conveniunt, quod iure naturali, & Gentium in foro interno fiat inventoris primo illum occupantis, nec refert utrum in fundo proprio, sive alieno, sive casu, sive industria, sive mediis illicitis, sive licitis inventus sit. Ratio est, quia ut patet ex §. feræ 12. & §. item lapilli 18. Instit. de rer. divis. universim quæ in nullis sunt dominio, per se, & iure gentium sunt primo occupantis, cuiusmodi censetur thesaurus, utpote iuxta iam allatam ipsius definitionem in iure sit vetus pecuniæ depositio, de cuius domino nulla extat memo-

ria; ac proinde cum inventor prior fuerit, qui illum inveniendū occupavit, iure naturali, & gentium integre ad ipsum spectare debet.

Secundum vero dispositionem iuris civilis communis, idest Romani, ut Instit. l. 2. tit. 1. §. 39. si thesaurus inveniatur a domino fundi, quomocunque illum inveniat, idest sive fortuito, live ex proposito illum quærens, modo non quæserit arte aliqua legibus odiosa, puta magica, totus est inventoris, l. 10. cod. tit. 15. Quod si invenierit in loco, cuius inventor non sit perfectus dominus, dividere debet ex æquo cum eo, qui cum ipso tenet fundi dominium, sive inventor habeat dominium directum, sive utile, idest sive inventor sit dominus proprietatis fundi, in quo invenit thesaurum, sive creditor in domo sibi oppignorata, sive conductor in agro, sive in domo sibi conductâ, quia thesaurus non est fructus fundi; & hoc probatur ex leg. 7. §. 12. ff. soluto matrimonio, ubi maritus in fundo dotali thesaurum repperit pro dimidia tantum parte lucratur. Ita Sylvius cum recentioribus.

Si thesaurus invenitur in fundo feudatarii & emphyteutæ, ad feudatarium pertinet, & emphyteutam, quia hi in omnibus substituantur, tanquam veri domini, nisi in casibus per emphyteusim & feudum expressis, inter quos tamen non est inventio thesauri. Ita Harnauldus, Lugo, & alii. Alii vero, & perique Iuriscoonulti censent totum pertinere ad proprietarium, seu ad dominum directum, eo quod hic solus sit simpliciter dominus talis fundi. Alii vero cum Molina, & Lessio censent inter utrumque esse dividendum, eo quod uterque communiter dominus fundi appellari solet.

Si quis fortuito thesaurum inveniat in loco sacro, vel publico, qui proprie nullius sit, totus est inventoris lib. 2. Instit. tit. 1. §. thesaurus. Si autem hic locus sive sacer, sive publicus ad aliquem pertineat, v. g. ad Principem, ad civitatem seu Communitatem, ut sunt Monasteria, quæ sunt sub dominio alicuius Regularis instituti, aut ad aliquem alium, tunc thesaurus adiudicandus est, ut infra dicemus.

Si quis casu invenit thesaurum in fundo alieno, eius dimidium dare tenetur domino loci, sive sit Princeps, sive privatus, antequam omnem iudicis sententiam, quia hæc dimidietas danda est non in pœnam, cuius obligatio oriri debet ex iudicis sententia, sed acquiratæ naturali ita exigente, Instit. de rer. divis. quæ iuris dispositio non est poenalis, sed definitiva proprietatis rerum. Ha-

8c-

Quid no-
mine
thesauri.

Quid de
inventio-
ne the-
sauri.

Genus in inventione thesauri addita fuit conditio *si fortuito, casu*, quia si non casu, & fortuito, sed industria, idest studio adhibito querendi quis thesaurum invenit in alieno fundo, quando dominus fundi consenserit iuxta Sylvium, totus thesaurus erit inventoris, nisi aliter inventor & dominus inter se convenierint. Quod si nullum interceperit pactum, secundum aliquos tutius erit, quod inventor thesaurum ex æquo dividat cum domino, qui non ita facile præsumi potest cedere prorsus iuri suo in gratiam inventoris. Si autem non consenserat, vel fuerit prorsus inscius de tali inquisitione, integre thesaurus debetur domino loci soluta duntaxat inventori sui laboris mercede, *Leg. nemo cod. de thesaur.* Similiter dicendum, nempe totum thesaurum debetur domino fundi, quando quis sciens esse thesaurum in fundo, seu in agro alieno, facultatem fodiendi petat, nihil significans domino fundi de thesauro. In his tamen casibus dandus non est thesaurus integer domino, nisi post iudicis sententiam, quia lex ista non est penaliter, sed ex naturalis æquitate ante iudicis sententiam non est tradenda nisi medietas.

Si thesaurus per magiam inveniat, totum id, quod debebatur inventori cedit fisco, sed post iudicis sententiam, domino tamen (si thesaurus inventus fuerit in fundo alieno) adhuc pars, quæ ei contingit, danda est.

Cæterum in his non focus ac in aliis attendendæ sunt, & servandæ speciales leges, & consuetudines locorum. Nam cum eiusmodi bona nullius sint, hinc Respublica & Princeps supremo iure, seu auctoritate, quam tenent in bona omnia proprii domini ad commune bonum suorum subditorum suis particularibus statutis disponere possunt circa thesauros, eos sibi servando pro bono communi, & privilegium privatis personis concedere, ut certis in locis eos querant, ut eorum fiat, vel in totum, vel in partem, vel aliorum, & præcipue dominorum fundi, ut in totum vel in partem hisce debeatur &c. Hinc præter ea, quæ sunt de iure naturali, gentium, & positivo communi, ad iuste stabiliendum, & in conscientia, quibus thesaurus, quem aliquis inveniat, debeatur, attendendum est etiam quid consuetudines, & leges particulares, quæ in particularibus provinciis statutæ sunt, & observantur, in tali materia disposuerint, ac ordinaverint, cum diversa diversis in locis disposita sint, & observentur.

Vertitur controversia inter Doctores de eo qui sciens thesaurum latere in agro alterius, agrum emit, an agri emptione acquirat dominium super thesaurum in agro latentem, & non pauci ex celebrioribus, ut Sylvius, Habertus, Tourneleius partem sustinent affirmativam, nempe si antequam thesaurum inveniat, seu e terra aliquid effodiat, agrum emat, dominium eum acquirere totius thesauri latentis, quia reuera in proprio fundo thesaurum invenit: sicut si antequam agrum emerit, fodiendo eundem inveniat, cum in alieno fundo illud inveniat, tunc medietas thesauri ei qui adhuc dominium habet in fundo, tradi debet, ut iam supra dictum est. Quod vero dominium acquirat thesauri, si priusquam hunc effodiat, agrum emat, patet etiam ex Christi Domini testimonio: *Simile est regnum celorum thesauro abscondito in agro, quem qui invenit homo, abscondit, & præ gaudio illius vendit, & vendit universa quæ habet, & emit agrum illum*, ut videlicet ius habeat thesaurum hunc integrum possidendi. Quia Christus hic non loquitur nisi secundum ius naturale, secundum quod, ut fatentur qui contrarium sentiunt, ut de Lugo, totus thesaurus est inventoris, quia nullus est in bonis.

Quidquid vero in contrarium dicant adversarii, certum est & efficaciter hoc nostrum probat assumptum pretium agri, & rei cuiuslibet non sumendum esse præcisè ex maiori eius utilitate, sed secundum hominum æstimationem, & secundum hanc æstimationem, & non aliter pretium agri, vel cuiuslibet alterius rei solvitur ab emptore. Et hoc confirmat exemplum periti pharmacopœ, qui cognoscens magnam utilitatem in herba cæteroquin vili, & iam in falce cum aliis herbis ligata, ut pro iumentorum usu vendatur, potest tuta conscientia emere falcem hunc pretio communi quo ab aliis emitur, vel emi possit.

Obiiciunt tamen peccare in hac hypothesisi contra iustitiam agrum emendo pretio statuto ab hominum æstimatione in suppositione simplicis terræ, sicuti peccaret, qui a rudi viro emeret vili pretio gemmam magni valoris a tali rudi homine ignorati.

Resp. magnam esse disparitatem inter emptorem gemmæ, & agri, quia dum vili pretio hæc emitur, non compensatur eius valor secundum hominum æstimationem, bene, quidem quod ita solvatur in agri emptione. Ulterius qui vendit gemmam vili pretio decipitur quantum ad rei propriæ substantiam.

stantiam, non autem qui vendit agrum pro communi hominum æstimationis pretio, licet in eius viscibus pretiosus celestis thesaurus, quia thesaurus non spectat ad agri substantiam, nec est eius fructus; idcirco dominus fundi non est dominus thesauri, nisi quando eum invenit, aut occupat. Quod de thesauro in viscibus terræ invento, valet etiam si alibi invenitur. Unde sarcinator, qui in veteri defuncta veste gemmam inveniat, & velit ad alium pertinere, qui ignoret originem huius thesauri, media pars est inventoris, altera media spectat ad eum cuius est vestis. Nihil enim refert, quod thesaurus occultetur in terra, vel in re mobili, aut etiam alicubi, quia donec lateat nullus est in bonis. Tournely cum de Lugo.

Lex tandem, quæ præcepit ut inventor partem thesauri tribuat fisco aut proprietario, obligat in conscientia ante omnem iudicis sententiam, quia non est lex poenalis, idest non est instituta pro punitione inventoris, sed ad ius, seu actionem statuendam fisco, vel proprietario, idcirco statim implenda.

§. XV.

De pecunie occulta depositione non antiqua in aliqua domo inventa.

Si in aliqua domo inveniat pecunia occultata, cuius depositio non sit antiqua, non cadit sub natura, & conditionibus thesauri, qui est vetus depositio, de cuius domino est immemorialis oblitio, ideoque nullatenus spectare potest ad inventorem, cum nulla lex eidem illam tribuat: sed si homines eiusdem familiæ in illa domo habitaverint continuo, & diuturno tempore, hæredibus illius familiæ restitui debet: nam potest efformari prudens præsumptio aliquem illius familiæ eam occultasse. Quod si plurimi successive in illa domo habitaverint, ideoque nulla haberi possit certa præsumptio ad quam familiam pecunia inventa pertineat, tunc applicanda est vel in elemosinas pauperibus, vel in aliud pium opus utile proximo, cum sit bonum alienum, & incertum, ac proinde de natura Inventorum, quæ cum eorum dominis, vel ipsius hæredes cognosci nequeunt, in pios usus impendi debent.

§. XVI.

De bonis inventis, ac de bonis debitis incertis.

Bona, quæ debita incerta dici solent ea sunt, quorum dominus, vel creditor, vel eius hæredes post inquisitionem diligentem, quæ pro rei gravitate prudentum iudicio satis sit, cognosci, ac inveniri non possit; unde non sunt incerta, dum constat esse debita certæ Communitati, vel maiori eius parti, idcirco conservari debent, donec sit spes dominum inveniendi. Si vero solum dubitetur cui ex pluribus res debeatur, tunc si dubium prudenter resolvi non potest, dividenda est ex æquo inter ipsos iuxta dubii quantitatem, ut æqualitas servetur.

Bona aliena inventa, idest nuper amissa, quorum dominus, vel hæredes ipsius, etiam post diligentem inquisitionem inveniri nequeunt, & cognosci, nullatenus spectare possunt ad inventorem, sed impendenda sunt in pauperes, vel alia pia opera, nisi exeat lex aliqua municipalis, quæ illa tribuat domino territorii in quo inventa sunt; ita ut si ea sibi appropriaret inventor, esset reus furti non secus ac si ea rapuisset, iuxta illud D. Augusti. cap. Si quid 14. q. 3. Si quid invenisti, & non reddidisti, rapuisti, & ex leg. 44. de furtis ex Authent. Omnes ubi habetur: Si peregrinus intestator decesserit, ad hospitem nihil perveniat, sed bona ipsius per manus Episcopi loci, si fieri potest, hæredibus tradantur, vel in causas pias erogentur. Et hæc est sententia communis cum D. Thoma, qui unanimes docent hoc esse de iure naturali, ut patet ex ipsa ratione. Nam res, quæ est in dominio alterius, impendi debet secundum eius voluntatem. Unde cum res inventa maneat semper sub dominio illius, qui eam amisit, licet inveniri nequeat, cum eo ipso, quod inveniri non possit, non amittat dominium rei perditæ sed semper ius in ea servet, & quandocumque inveniat, ei restituenda sit, sequitur quod si alio modo reddi nequeat, eidem reddenda est eo meliori modo quo potest, nempe in spirituales ipsius utilitatem, eam in pios usus pro ipsius spirituali beneficio impendendo. Quod vero dominus rei perditæ nunquam dominium ipsius amittat, evidenter patet. Nemo enim amittere potest rei suæ dominium, nisi vel propria sua voluntate, vel lege aliqua, vel iusto iudicio, non casuali eventu. Quare cum dominus rei inventæ ius suum ex nullo horum

titu-

titulo amiserit, idest non voluntate propria, nec iusto iudicio, ut supponitur, quia de hoc nullatenus constat, non ex aliqua lege, quia nulla invenitur nec Municipalis, nec de iure Gentium, nec naturalis, quæ rem amissam faciat inventoris, cum cæteroque ius naturale & gentium statuerint pro thesauris, ad quos spectare debeant, quando, & quantum dandum sit inventor, sicuti etiam circa mobilia & immobilia dantur leges decernentes beneficio præscriptionis eorum dominium ad illum transferri, qui per certum statutum tempus ea possederit. Igitur cum ius nullum rei deperditæ stet pro inventore, sed semper pro domino qui eam amittit, si eidem restitui nequeat, in elemosynas aliove pios usus est impendenda, ut saltem cedat in spirituales domini utilitatem, & legitime præsumitur hanc esse domini voluntatem, videlicet ut res quam recuperare nequeat, ita expendatur, idest apriori modo sibi, & reipublicæ utiliiori.

Nec valet dicere potius posse præsumi voluntatem esse amittentis, ut res maneat penes inventorem ob spem eam aliquando recuperandi, non alias distrahi, & impendi in pios usus, quod ei tollitur omnis spes eam amplius habendi; quia in re tam incerta certior & rationabilior est præsumptio de eius consensu in tali usu suorum bonorum, dum hæc sunt ipsi penitus incerta, ac nullam eorum probabilem habet spem, cum per talem usum certum eorum profectum percipiat: eo vel maxime quod quotidiana experientia demonstrat hanc esse communem hominum intentionem, ut ex eorum testamentis colligitur quibus solite cavent ne bona sua fiant primo occupantis, sed in pios usus distribuantur, quidquid sit quod aliquis contrariam possit habere intentionem, cum in moralibus non ex unius aut alterius dispositione, sed ex communi usu sapientum argumentandum sit. Vix autem reperietur homo sapiens qui patiatur bona sua apud hominem forte belluonem sine aliqua sua utilitate remanere potius quam apud Ecclesiam, & pauperes cum magno spirituali sui ipsius beneficio. Non est tamen necesse quod res inventa detur pauperioribus, sed satis est si detur vere pauperibus, amicis, & consanguineis. Quod si inventor sit pauper, dummodo vere sit pauper, potest etiam pro se de hisce bonis retinere. Sed in tali casu ne quis ab avaritia decipiat, satius erit consulere Confessarium, qui iudicet de veritate paupertatis, quam patitur inventor, & de quantitate horum bonorum sibi

retinenda, videlicet num in totum, vel in partem iuxta naturam suæ paupertatis, ut si fieri possit, etiam alii pauperes aliquantulum hoc beneficio fruantur.

Porro quæ dicta sunt de rebus inventis, dici etiam debent de bonis incertis sive ex delicto, sive ex contractu, videlicet hæc quoque naturali iure in pauperes, alioque pios usus esse distribuenda. Nam bona, vel debita incerta sunt ad instar rerum inventarum, quarum dominus cognosci nequit, & eadem pro illis est ratio, idemque de illis debet esse iudicium. Bona enim, quæ tradi nequeunt proprio domino, aut creditori, vel eius hæredibus, naturali iure impendi debent secundum voluntatem eius rationabilem prudenter præsumptam, & meliori modo quo potest eidem reddi; ideoque distribui in elemosynas pauperibus, alioque pios usus, qui ei, vel hæredibus, vel reipublicæ proflint. Cum autem hæc applicatio, sive inventor eam sibi fecerit, sive aliis pauperibus &c. hanc includat conditionem, si dominus non compareat, alias non satis consultum esset bono domini, sequitur quod domino comparante, si res extet vel in se, vel in pretio, ei restituenda sit.

Certum est apud omnes, quod si dominus rei inventæ compareat, cum adhuc res exiit, sive in toto, sive in parte, sive in se, sive in pretio, sive apud emptores, sive apud pauperes, vel apud pium locum, eidem restitui debet. Et si impensa fuerit ante debitam inquisitionem, tenetur inventor eam domino in pretio saltem pro compensatione restituere, quia inventor iniuriarum fecit domino rei, qui ius habet ne bona sua sine prævia diligenti inquisitione quovis modo alienentur, & sua culpa factum est quod dominus inventus non sit, & ei reddita sint bona, quando reddi poterant. Si vero impensio in pauperes, aliove pios usus facta fuerit, post diligentem domini inquisitionem, ad nihil tenetur inventor. Non enim tenetur ratione rei acceptæ, cum nihil apud se inveniat, non ratione iniuriæ, quia rem restituit eo modo quo potuit ac debuit. Non ex lege, aut contractu, dum nihil horum restat, imo nulla ratione consentaneum est, ut ex actu misericordiae detrimentum patiatur, præsertim cum videatur negotium gessisse prioris domini.

Si autem ratione rei inventæ intercesserit labor aliquis aut sumptus ad inquirendum dominum, vel eius hæredes, de his est compendandus ad mensuram æquitatis. Quod si nullus fuit labor vel insumptus, in-

inventor quidquam retinere non potest, nec exigere, quia ad id nullum habet titulum, sed rem totam domino gratis reddere debet, vel eius loco ipsius hæredibus, vel in eorum defectu pauperibus. Inventor enim nullum habet ius retinendi quidquam ex re aliena, & iniustum est, ut quis rem suam pretio comparet. Potest tamen accipere quicquid ex liberali gratitudine ipsi donatur:

Circa pretium vero quod aliquando dominus promittit inventori, si rem perditam deferat, communiter censetur involuntarium secundum quid, ideoque invito domino, quia solum timore rem prorsus amittendi allicet tali modo inventorem ad eam reddendam. Unde præmium hoc se habet non secus ac lucrum oblatum pro mutuo ab eo qui mutuo indiget. Idcirco si mutuans oblatum lucrum acceptare nequeat, nisi sibi constet ex mera gratitudine offerri, ut suo loco dicitur, ita nec inventor acceptare potest in conscientia præmium oblatum, nisi relinquat plenam libertatem gratificandi, vel non. Et hoc comprobatur exemplum a D. Aug. relatum serm. 21. de verb. Apost. de quodam paupere, qui cum marsupium cum quibusdam nummis invenisset ac publice notitiam exposuisset de tali re inventa, cum dominus marsupium donare ei vellet numerum aliquem solidorum, fortiter resistit ne acciperet, sed cum vi eos ipsi dominus reliquisset, licet esset pauper, omnes in alios pauperes erogavit, ut nullum quidem pro se reservaret. Proponit hoc exemplum D. August. ut omnes talem hominem imitentur.

Iure igitur merito notant aliqui, quod si res inventa sit magni momenti potius dandam esse Xenodochio, vel Monasterio pauperi, quam aliis pauperibus cum debito eam restituendi, si dominus comparuerit, cum ita facilius possit dominus rem suam recuperare. Nihilominus tamen si inventor bona hinc in pauperes erogavit, ad nihil amplius tenetur, cum debitam diligentiam adhibuerit, ut domino restituatur, & iam restituit secundum eius intentionem rationabiliter præsumptam.

Censent aliqui quod res incerta, si sine conditione absolute pauperi, vel pio loco dispensetur, non teneatur pauper, vel pius locus domino comparente eam reddere, quia cum data eis non fuerit sub conditione, absolute dominium acquisierint. Alii tamen contrarium sentiunt, & melius ac probabilius, quia donatio facta est sub conditione tacita, si dominus comparet; alias e-

ius negotium non bene actum fuisset.

Cum igitur certa sit sententia, ut contraria prorsus adverteretur naturali rationi, nempe teneri inventorem ad restitutionem rei inventæ, si domino, si in pios usus eam erogando, iam patet quid agere debeat Confessarius, quando pœnitens huiusmodi ad ipsum se præfentet, qui quorundam laborum opinione ductus prælumeret se ad restitutionem non teneri, scilicet si peristeret in hac opinione improbabilis, & legi naturali opposita, post paternam admonitionem eum sine absolutione dimittere debet, donec ad restitutionem huius rei se determinet.

§. XVII.

De acquisitione domini in bona derelicta, & vacantia.

Bona derelicta ea sunt quæ dominus eo animo abiecit, ut sua amplius esse nolit, & talia censentur, quando ex signis, & circumstantiis colligitur nolle amplius dominum res illas inter bona sua computare, ut cum facile rem suam possit recuperare, & negligat, ac taceat etiam, si eam videat ab aliis occupari. Quod si dubium sit de eius voluntate, non est præsumendus rem suam abdicare. Quare bona, quæ a naufragantibus vel quæ per incendium efficiuntur, vel ad sublevandam navem in tempestate proiciuntur, non sunt habenda pro derelictis. Nam cum dominus non sponte & voluntarie ea se proiecerit, sed coactus a tempestate, vel incendio, vel ab impetu fluminis, vel torrentis retinere non valuit, licet ea proiecerit sine intentione illa recuperandi a naufragio, semper tamen voluntatem servat illa habendi ut sua, quia quod non habeat intentionem recuperandi id, non ex voluntate, sed ex apprehensione impotentiae provenit. Quocirca sunt ipsi restituenda, etiam alias peritura, non secus ac ovis a fera rapta, vel spolia illius, ut caro, pellis, si post occisionem a faucibus eripiantur; ita communiter ex *Instit. de rer. div. vif.* Res enim si in periculo, si extra periculum semper est proprii domini, unde etiam faccharum, farina, frumentum, aliave similia ei reddi debent, licet in tali periculo apprehendantur, ut certe alias perissent, quia ramdiu res eius est, quamdiu non est consumpta. Hinc illa ac merces omnes, & quævis alia bona reperta in litore maris, aut fluminis post naufragium, non

Servanda
naufragio
vel incen-
dio sem-
per sunt
sui domi-
ni.

non sunt primo occupantis, aut fisci, sed domino restituenda sunt, *L. Navigia cod. de furtis*, & est communis. Quamobrem iniquæ sunt leges municipales aliorum locorum, quæ bona naufragantium applicant domino loci, ad quem appulerunt. Ideo in Bulla Cœnæ excommunicantur, qui bona Christianorum naufragantium inventa in littore surripiant, quando id faciant animo ea sibi retinendi. Non incurreret tamen culpam, nec excommunicationem qui ea servaret animo inquirendi dominum, & ea non comparente haberet ut derelicta. Quod autem dicitur de inveniente in littore maris spolia naufragantium, idem dicitur de illa expiscantibus, & eripientibus ex incendio, ac vastationibus, sive peritura essent, sive non. Quisque tamen potest tuta conscientia sibi de rebus his retinere quantum iudicio prudentis, & discreti viri satis sit ad compensandum laborem suum, aut periculum, quod in re alterius a periculo extrahenda, & conservanda incurrit. Merces vero hostium, & prædonum, aut illarum, quarum vetitus, est comestus, vulgo *contrabando*, per leges addictæ sunt fisco. Tourneius.

Quæ sint
bona va-
cantia, &
quibus
applican-
da.

Bona vacantia ea ita appellantur quæ relinquit aliquis ad intestato decedens sine hæredibus, qui ei iuxta legem ad intestato succedant. Hæc bona *ex cap. vacantia cod. de bonis vacantibus* fisco applicantur; & ideo fisco restitui debent, utpote ad ipsum pertinentia. Bona tamen mobilia peregrinorum per Episcopum loci in pios usus sunt distribuenda, *ex Authent. omnes peregrini*, *cap. communia de success.* dummodo tamen Xenodochium, in quo mortuus fuerit, non habeat privilegium talia bona sibi applicandi, ut aliquibus in locis habere testantur Navarrus, Covarruvias &c.

Bona vacantia sive certa, sive incerta sint, ex delicto acquisita, retineri non possunt, sed sicuti omnia alia bona incerti domini vacantia, vel incerta per se, eroganda sunt in pauperes, vel alias pias causas: & quidem iure naturæ, & ita docet etiam Alexander III. cap. 5. *de usuris*, ubi dicit usuras, si domini, vel hæredes non amplius sint superfluentes, vel pauperibus esse erogandas vel in alias pias causas. Idemque dicendum de aliis bonis omnibus ex delicto; cum sit paritas rationis, ut patet & ex communi sensu Doctorum, qui idem ius agnoscunt. Hinc sequitur usuras deficientibus hæredibus restituendas esse pauperibus; & quidem sub peccato. Quæ ratio urget universaliter

In bonis omnibus incertis ex delicto, sive extet aliqua lex positiva, sive non.

Bona vero incerta, quæ tantum constat ad unum aliquem pertinere ex paucis, v. g. ex duobus, vel tribus, restituenda sunt illi Communitati, ad quam creduntur pertinere, ut vel ipsi ea inter se dividant iuxta probabilitatem iuris, quod quisque habet, vel totam rem forti committant, prout ipsis placuerit. Idemque dicendum de bonis pertinentibus ad aliquam Communitatem, ita ut tamen ignoretur quantum ad quemlibet in particulari pertineat, ut si quis in bello iniustus pagum integrum spoliasset, tunc enim talia bona restituta distribuenda essent a præfecto loci iuxta æqualitatem, aut probabilitatem iuris. Sic Lessius, Lugo cum aliis.

Qui bona habet vacantia & incerta ex delicto, sive ex iniusta acceptione, per se loquendo posset ea sibi applicare, quando ipsemet vere esset pauper, & quidem etiam ex autoritate propria, dummodo absit periculum fraudis, non quidem titulo boni derelicti, sed titulo piæ causæ. Sic docent cum D. Thoma Theologi communiter. Nam si ipsa paupertas est sufficiens ratio, ut ea bona sibi ab alio applicari possint, sequitur quod etiam poterunt a semetipso sibi applicari.

Si vero fur studiose, aut per affectatam negligentiam animo evitandæ restitutionis in statum paupertatis se coniecisset, non posset talia bona sibi retinere. Nam dignus non est favore legis, qui fraudem committit in legem, nec est bonum Republicæ, ut impunitas scelorum hoc modo foveatur. Si vero alicubi particulari lege aliter statutum fuerit, sicuti testatur Bonacina esse in Diocesi Mediolanensi, illud omnino servandum esset. Verum etiam in tali casu ordo charitatis observari debet, ut videlicet talia bona distribuatur aut indigentioribus, aut misericordia dignioribus, ita ut in casu quod quis ob pauperatatem posset sibi talia bona applicare, non sufficeret qualiscumque paupertas, qua vexaretur, maxime cum natura dicat nulli esse relinquendum iudicium in causa propria. Idcirco ne quis in re hac vincibiliter erret, iudicium relinquendum est Confessario, vel alteri viro prudenti.

§. XVIII.

De tertio modo acquirendi domini nempe per usucapionem, & præscriptionem.

Hactenus egimus de modo acquirendi domini super bona sua res, quæ nullius, aut quasi nullius sunt. Ut recte procedatur, nunc loqui operæ pretium est de acquirendo dominio earum rerum, quæ cum alterius essent, nostræ sunt. Sed multis modis res, ac earum dominium a legitimis suis dominis, & possessoribus ad alios transferri possunt, scilicet 1. per Dei voluntatem, & dispositionem, sicut Terra Chanaan ad Israelitas translata fuit. 2. per voluntatem, & dispositionem reipublicæ, quæ non alias acuta, qua in certis circumstantiis cives suos privare potest, alienando, ita publico bono exigente, eos expoliare potest suis bonis, ac illa in alios transferre. 3. per voluntatem, & arbitrium legitimi domini, & possessoris, quem valde æquum est posse de rebus propriis per donationem, venditionem, aliove modo disponere. 4. sine voluntate, aut culpa proprietarii, seu proprii domini, & nunc agimus de hoc postremo modo acquirendi domini, qui præscriptio appellatur. Idcirco successively exponetur. 1. quid sit præscriptio. 2. quodnam sit eius obiectum. 3. quæ eius condiciones, nempe qualis titulus, quæ fides, & quale tempus ad legitimam præscriptionem requiratur.

§. XIX.

De natura, seu definitione præscriptionis.

Vocabulum præscriptionis dupliciter accipitur, scilicet generatim, seu late, & magis proprie, seu stricte. Præscriptio late sumpta idem est ac exceptio, sive ratio quæ opponitur ad excludendam actionem ab actione, seu accusatione intentata in reum. Sic accipitur præscriptio in lege sed est §. ult. §. de iudiciis. Idcirco in hoc sensu duplex statuitur genus præscriptionis, sicut & exceptionis, videlicet dilatoria una, ut si opponatur iudicem non esse competentem, testes esse infames, actorem excommunicatum. Peremptoria altera, ut quando in ius vocatus opponit se debitum solvisse, sententiam fuisse executam. Præscriptio stricte sumpta ea est exceptionis species, qua quis contra alterius petitionem defendit id quod per certum tempus legitime possedit. Unde præscriptio, sumpta in tali sensu idem est cum usucapione, & communiter definitur.

Inst. Theol. Moral. Tom. III.

ri solet a Doctoribus: *acquisitio, seu adiectio domini rei alienæ, vel alieni iuris peremptio per continuationem possessionis tempore, & modo legibus definita.* Notanter ponitur in definitione, *vel alieni iuris peremptio*, ad denotandum quod per præscriptionem, seu usucapionem eliditur etiam ius alienum, seu acquiritur ius aliquod, quod antea alteri competeat, cum etiam aliena iura præscribi possint, ut usufructus, servitus, officia, & beneficia, imo etiam liberatio a debito aliquo.

Licet præscriptio, & usucapio nomina sint idem significantia, ideoque nihil inter se differant, aliqui tamen volunt præscriptionem & usucapionem in eo differre, ac distingui, quod usucapio dicatur de mobilibus, præscriptio vero de immobilibus. Sed ex *Inst. Lustin. de usucapionibus*, & ex communi Theologorum more, qui promiscue utramque usurpant, patet frustra inter eodem terminos distinctionem statui.

Præscriptio, seu usucapio primitus introducta fuit per ius civile, deinde per ius canonicum approbata. Patet 1. ex lege 1. & seq. ff. de usurpationibus & usucap. & in leg. 1. & seq. cod. de præscript. longissimi temporis cum similibus, ubi plurimæ leges usucapionem, seu præscriptionem introducunt reperuntur. 2. approbatio præscriptionis a iure canonico constat ex lib. 2. Decretalium tot. tit. 26. de præscript. ubi fuerunt approbatæ, & ex cap. *Vigilanti* §. de præscript. Alexand. III. Quoniam præscriptio introducta fuit lege humana, idcirco non præscribere potuit contra legem divinam, aut naturalem, cum ad illas se extendere non valeat humana potestas utpote inferior, ut eas abroget, aut in eis dispenset.

§. XX.

De variis causis, quibus introducta fuit præscriptio.

Præscriptio, seu usucapio varias ob causas introducta fuit, 1. scilicet ob publicum bonum, ne rerum dominia diu, & fere semper essent incerta, leg. *bono publ.* 1. ff. de usurpat. & usucap. 2. ut præciuantur innumerabiles, ac perpetuæ lites, quæ cæteroquin oriri possunt leg. *usucap.* §. *Pro suo*. 3. ne eorum possessores prope continuo timore tenerentur leg. *Cum notissimi* 7. in principio cod. de præscript. 30. vel 40. annorum. In perpetuo enim timore essent possessores ne res ab ipsis possessæ evincerentur, unde in præiudicium boni publici fieret, ut

C. nemo

Definitio præscriptiois stricte sumpta.

Quo iure introducta præscriptiois laus.

nemo fundos suos colere auderet. 4. Ut hoc modo segnities, ac desidia hominum, qui res suas, ac iura in iudicio prosequi negligunt, exaceretur, dum ea ponitur ademptione domini iuxta *L. ut perfectius de annali except.* & *cap. Vigilanti §. de præscript.* Unde sibi imputare debet negligens *L. quod quis de regulis iuris.* Iura enim subveniunt vigilantibus, non dormientibus, ut in *L. Pupillus ff. de iis que in fraud. cred.*

§. XXI.

De iustitia præscriptionis, seu usucapionis in utroque foro, externo scilicet, & interno, seu conscientia.

Ut sensus definitionis melius percipiatur, prius examinandum censui, num revera dominium rei per præscriptionem acquiratur tum in foro externo, tum interno conscientia, circa quod discrepant auctores. Nam affirmant alii, alii negant, distinguunt alii putantes valere præscriptionem quando quis rem titulo oneroso obtinuerit, ut si emerit, & solverit pretium domus, quæ non erat venditoris; negant autem valere, si quis rem habuerit titulo gratuito. Verum hodie pene omnes Theologi, & Iuristæ affirmativam sustinent, quam ut communior, probabiliorve sequi censuimus, hinc dicimus

Per legiti-
mum præscrip-
tionem acquiri-
tur domini-
um rei ali-
ena.

Per præscriptionem legitimam acquiritur dominium rei alienæ tam in foro exteriori quam interiori conscientia; ita ut qui legitime præscripsit non teneatur restituere priori domino repetenti rem præscriptam, & probanti certis rationibus rem olim ad se pertinuisse. Hoc clare ostendunt, ac probant utraque iura tum civile tit. *de usucap. tum canonicum*, quod præcipue bonum animæ respicit tit. *ad aures de præscript.* ubi stabilitur, ac firmatur ius mediante præscriptione bonæ fidei acquisitum. Unde cum tutos nos reddat ius civile, & multo magis canonicum in foro conscientia, circa id, quod eadem iura ut legitimum approbant, ac iustum, procul dubio securi sumus in interiori foro conscientia quoad dominium rerum, quod per legitimam præscriptionem adepti sumus, dum eadem iura illud approbant ut legitimum.

Ratio pariter hoc comprobatur, quia certum est rempublicam, ac Principes transferre posse dominium unius privari in alterum, quando bonum publicum id exigat. Is enim est usus alicuius domini quod tenet Princeps in bona privatorum. Legitimum est igitur etiam in foro interno conscientia

dominium in re aliena adeptum per legitimam præscriptionem, cum hoc factum sit iuxta exigentiam boni communis, cuius ratio vult ut politis quibusdam conditionibus dominium unius per diâam præscriptionem in alterum transferatur. Etenim *L. 1. ff. de usucap.* dicitur, quod bono publico introducta est usucapio, ne diu, & fere semper incerta essent rerum dominia, & *L. ultima* præscriptio concessa dicitur ut aliquando litium esset finis, necnon in odium negligentis repetere rem suam, quam scit ab alio possideri.

Hinc licitum est retinere rem legitime præscriptam, etiam si postea cognoscatur fuisse alterius, nisi tamen prior dominus restituatur in integrum, quæ restitutio in integrum conceditur minoribus, qui habent ius petendi toto quadriennio a die, quomaius facti sunt. Item ius idem conceditur Ecclesiæ aliisque piis locis per quadriennium a die, quo Ecclesia novit præscriptionem suorum bonorum, ex cap. *1. de restit. in integrum in 6.* Et interdum conceditur etiam maioribus ob iustas causas. Post sententiam autem iudicis est obligatio in conscientia res præscripseris restituendi, quia iusta est, nec niteatur falsa præsumptione, sed legum dispositione.

Dixi nisi prior dominus restituatur in integrum, quia hoc seculo non solum res legitime præscripta retineri potest tuta conscientia, sed si quis etiam ex ignorantia iuris, & domini a se acquisiti eam priori domino restituerit, poterit illam repetere iuxta communem Doctorum, quia talis nunquam habuit absolutam voluntatem transferendi dominium illius rei in alterum, sed tantum conditionatam, si videlicet res non sit sua. Igitur cum conditio non impleatur, dominium absolute non transferret.

Obiicies 1. nemo potest iuste acquirere dominium rei alienæ invito illius domino, sicuti contingeret per præscriptionem; igitur præscriptio tamen legitima tutum non reddit in conscientia alienam rem per tale ius possidentem. Respondetur acquiri dominium præscriptione volente, & sic statuenti Principe, qui alium habet dominium in bona subditorum, vi cuius servata proportionem potest de his disponere ad bonum commune sine consensu privatorum, qui dominium non habent nisi subordinatum. Insuper prior dominus non est rationabiliter invitatus, dum lex præscriptionis iusta est, & expedit bonum commune semper privato præferendum.

Obiices 2. iniustum est aliquem privari re sua sine ulla sua culpa, ut ex *reg. 23. iuris* in 6. Resp. hoc iustum esse quando bonum commune id postulat, cui iure merito cedere debet privatum, idest quando addit iusta causa. Sic enim habetur in allata *reg. iuris: Sine culpa, nisi subitis iusta causa, non est aliquis puniendus.*

Obiices 3. Lex præscriptionis fundatur principaliter in præsumptione negligentie prioris domini, cum initio sit instituta propter evitandam miserorum segnitiam. Qui igitur caruit negligentia, re sua inconscientia privari non potest. Resp. negando antecedens; nam præcipua ratio præscriptionis fuit tollere incertitudinem dominiorum, & ut plurime impediatur lites, quarum alioquin finis non esset. Et licet minus principaliter, & partialiter nitetur præsumptioni negligentie prioris domini, Princeps tamen per illam legem potest, & vult transferre dominium absolute, & efficaciter propter alias rationes spectantes bonum commune quod translationem domini rei alienæ aliquando postulat, quamvis nulla intenterit negligentia prioris domini. In hoc autem differt præscriptio a iudicis sententia fundata in falsa præsumptione; nam iudex per suam sententiam non intendit, nec potest transferre dominium, sed tantum vult, & potest declarare ad quem pertineat. Ad probationem vero negatur consequentia; nam aliud est excitare diligentiam, ut intenditur per præscriptionem, aliud punire negligentiam. Unde dum intenditur per præscriptionem excitare diligentiam, & vitiationem negligentie, non est velle punire negligentiam, præterquam quod hæc, sicuti vidimus, non est unica, ac principalis ratio legis præscriptionis.

§. XXII.

De obiecto præscriptionis.

Pro præscriptionis obiecto illud omne intelligitur, cuius dominium præscriptione potest acquiri. Quorum vero bonorum præscriptionis beneficio dominium comparatur, sufficienter intelligemus, si ea recensamus bona, quæ sub præscriptione non cadunt.

Non præscribuntur 1. nec in totum, nec in partem res deputatæ publicis usibus, ut forum, pontes, viæ publicæ, &c. Alicubi tamen arbores in viis publicis plantatæ præscribuntur. 2. Quæ Principi ratione superioritatis debentur, ut tributa, functiones publicæ, census, ius appellationis, &c. nam

nihil præscribitur nisi secundum leges, & voluntatem Principis, quas certe iuri suo contrarias non ferret. 3. a fortiori quæ ad Deum pertinent, puta res sacræ immobiles ad Dei cultum dicatæ, ut templa. Item res religioſæ, ut cæmeteria, quia hæc sunt extra commercium, unde alienari non possunt, nisi prius Episcopi autoritate & sacris factæ sint prophane. Res vero aliæ sacræ, sicuti bona alia immobilia ecclesiarum, cœnobiorum, xenodichiorum, &c. vendi possunt & obligari gravissimis de causis, præcedente tamen autoritate, & consensu regis, episcopi, & ipsius ecclesiæ patroni, si quis sit, Res vero sacræ mobiles, ut vasa sacra, sicuti alienari possunt sine Episcopi autoritate, ita etiam possunt præscribi. 4. Non præscribuntur a laicis iura decimandi, seu percipiendi decimas, primitias, aliave eiusmodi generis spiritualia, quia hæc a laicis possideri non possunt, *sic de præscript. cap. causam.* De ratione autem præscriptionis est legitima possessio rei præscriptæ: unde hæc iura præscribi possunt ab ecclesiasticis, qui hæc legitime possidere possunt. Verum laici præscribere possunt ius quasi feudale colligendi decimas, quatenus hoc præsumitur autoritate Papæ separatum fuisse a titulo spirituali, prout semper præsumitur post immemorabilem possessionem, nisi aliunde constet de contrario. Item ab iisdem laicis præscribi potest immunitas. 5. Non præscribuntur quæ iuris sunt naturalis, ut obedientia Episcopo debita. Ita nec subditi præscribere possunt adversus Prælatum, ut ab eis non visitentur, vel ut non solvant ipsi procurationem tempore visitationis debitam, quamdiu iurisdictioni Superioris subsunt, ex *cap. cum ex offic. 16. de præscript.* Potest quidem ex eodem cap. Prælati præscribere adversus alium Prælatum, ut ad ipsam eius subditi pertineant. Similiter Ecclesia collegiata adversus Archidiaconum, ut ab eo non visitetur, quia eius dignitas est iuris humani, contra quod præscribi potest. Sic præscribi potest exemptio a potestate, & iurisdictione talis Superioris, ut illi subditi desinant esse subditi. Nullatenus tamen præscribi potest exemptio a spirituali iurisdictione Summi Pontificis, quia voluit Christus Dominus quod omnes Christiani eius Vicario essent semper inibi.

An autem possit dari, & valeat præscriptio contra onera, & fundationes Beneficiorum, & contra onus, & numerum Missarum, variant Doctores. Partem affirmativam tenent permulti, ut Laymannus, Pe-

De præscriptio-
ne con-
tra fundationes
benefic.

Recen-
sentaz
bona non
subiecta
præscri-
ptioni.

ciorum,
& onera
mista
tum.

lizzarus, Gobat, Ancharanus, Sylvestre, & alii, & ex Canonistis Barboia num. 4. Rebutius in praxi Beneficiorum. Alii vero contrarium sustinent, inter quos Felix Potestas tom. 1. part. 2. num. 2345. dicens sibi probabilius esse non posse dari prescriptionem contra Missarum onus, & hoc probat ex paritate rerum pupillarum, quæ ex iure durante statu pupillari præscribi nequeunt L. bonæ fidei iuncta Glos. verb. pupil. ff. de acquirendo rerum dominio, & L. sicuti in rem cod. de præscript. 30. vel 40. annor. Etenim cum animæ Purgatorii quoad suffragia, & debita sint pupillæ, utpote quæ sicuti pupilli ob defectum ætatis, ita ipsæ ob defectum status causam suam agere non valent. Hinc sicuti negligentia, aut carentia tutori cedere nequit in detrimentum pupilli, sic negligentia, aut carentia hæredum, &c. in eorumdem animarum detrimentum, ac proinde contra eas non datur scriptio, cum præscriptio introducta sit contra voluntarie negligentes proprium ius ad eorum excitandum diligentem pro sui iuris prosecutione L. ut perfectius 2. de annual. except. & cap. Vigilanti de præscript. Nulla autem negligentia imputari potest illis animabus, quæ alia voce clamare nequeunt, nisi illa lob cap. 19. Misereamini mei &c. Et huic opinioni favet definitio sacre Congregationis Concilii in Lucan. 18. Februar. 1702. relata a Monacelli part. 4. Suppl. ad 2. tom. num. 53. Declaravit enim sacra Congregatio contra Capellanum, qui contra mandatum cuiusdam testatoris in erectione Capellæ commissa suis executoribus ordinantis Capellanum illi Capellæ destinandum ad quædianam-Missæ celebrationem, semel in hebdomada omiserat ipse, & sui prædecessores eiusdem Missæ celebrationem, nempe ipsum teneri ad talem celebrationem, non obstantem descriptione contraria facta in Tabella occasione Visitationis Apostolicæ a centum annis circiter, & condemnavit prædecessores Capellanos de tali omisione. Igitur ex definitione sac. Congreg. Concilii non datur præscriptio super Missarum oneribus.

6. Non præscribuntur fines provinciarum, Episcopatum, Parochiarum ex cap. dilecti. 16. q. 3. quando tamen spatia fuerunt olim definita, & de finibus conficit. 7. Non præscribitur adversus hominem liberum, ut fiat servus, Justinian. l. 2. tit. 6. §. sed aliquando Infitus. de usucap. Licet etiam possessor bona fide illos emerint putantes esse servos. 8. Non præscribitur servus fugitivus, quia sui ipsius furtum facit. Non enim præ-

scribuntur res furtivæ, quæ vi possessæ sunt Infit. ibid. Verum de his infra, ubi de bona fide. 9. Non præscribuntur res illius, qui adeo impotens est, & impeditus ut rem suam in iudicio repetere non valeat. Sic non præscribitur contra mentem captum, aut eum, qui ratione amentiæ, dispositionis causa interdictus est, contra minores 25. annis, contra filium sub potestate patris existentem, contra uxorem, cuius bonorum administratio est penes maritum. Item præscribi nequeunt res indivisim pluribus ab aliquo socio, etiam si longissimo tempore eas retineant, sed semper dare tenebunt suis sociis eorum portionem, quia non sui tantum, sed omnium sociorum, seu hæredum nomine, rem seu hæreditatem possidere dicitur. Sic communiter ex Leg. si communem 10. ff. quemadmodum servitutes amittuntur.

His exceptis, generatim loquendo præscribi possunt aliæ res omnes, ac solæ, quorum dominium hominibus convenit, nisi specialiter ut supradictæ sint exceptæ. Idcirco pro obiecto præscriptionis illud omne intelligitur, cuius dominium beneficio præscriptionis acquiri potest. Sic communiter ex §. 1. & seq. Infit. de usucap.

Nota, dicitur in Leg. Rom. aliisve municipalibus multa alia non præscribi, sed hoc intelligendum de præscriptione, quæ fit ordinario tempore, nempe spatio 10. aut 20. annorum. Nam hæc præscribuntur præscriptione longissimi temporis, puta 30. aut plurium annorum. Tales sunt res fisci, fundus in dotem collatus, & res furtivæ Leg. Omnes, & L. sicuti in rem cod. de præscript. 30. annorum.

§. XXIII.

De conditionibus requisitis ad præscribendum.

Quia nonnisi per prescriptionem, quæ legitima sit, dominium in re aliena acquiri potest, ut præscriptio vera, & legitima sit, variæ concurrere debent conditiones, nempe ut res, quæ sunt obiectum præscriptionis, capaces sint ad præscribendum, ff. de usucap. & usurpat. & tit. de præscript. Sed de hac priori iam antea vidimus agendo de obiecto præscriptionis. 2. Ut res quæ præscribitur, possideatur, nam sine possessione præscriptio non procedit ex reg. 3. de regul. iuris in 6. 3. Ut adit legitimus titulus, sive verus, sive probabiliter præsumptus, idest qui bona fide putetur validus, licet revera talis non sit. 4. Bona fides, cum possessor malæ fidei nullo tempore præscribat, ex reg.

Conditio
non re-
quisita
ad præ-
scriben-
dum.

2. iuris in 6. 5. Denique tempus legitimum seu sufficiens ad præscribendum ex ff. de usurpat. & usucap. & ex tit. præscript. in Decretal.

§. XXIV.

De Possessione.

Definitio
& divisio
possessio-
nis.

Possessio, quæ prima est conditio ad præscribendum, definitur *rei detentio actualis, vel iuridica, seu actus aut ius detentionis rei*. Actus detentionis dicitur possessio facti; ius detentionis vocatur possessio iuris; idcirco possessio duplex est, alia iuris, alia facti. Res autem detenta vel est corporea, ut ager, domus, &c. vel incorporea, ut Beneficium, census, servitus &c. Possessio facti definitur, *rei detentio corporis, animi, ac iuris adminiculo*. Sic communiter. Molina tamen, Lugo, & alii addunt in definitione *rei corporalis*, per quod influant in rigore, dari tantum possessionem rei corporeæ. Dicitur 1. *Detentio*, idest apprehensio vel prima, vel continuata. Secundo *rei*, quo nomine intelligitur quicquid possideri potest. 3. *Adminiculo corporis*, quia ad hoc ut res incipiat possideri, necesse est, ut aliquo modo capiat vel manibus, ut seræ, gemmæ, & thesauri, vel pedibus, ut insulæ, vel oculis, ut si prior possessor prope vel procul ostendat alicui suum fundum, & eo acceptante ius possessionem eidem tradat: nam oculi sunt veluti longæ manus, quibus res visæ quasi tanguntur. Apprehensio, quæ fit manu, aut pede, vera appellatur possessio & quæ fit vel oculis, vel cum alteri præbatur scriptura, seu instrumenta, in quo res ipsa contineri videatur, & ipsa quoque videtur apprehendi, dicitur ficta, seu quasi possessio. 4. *Animi*, quia rem non possidet nisi qui eam apprehendit, & occupat animo seu intentione possidendi. Quare depositarius, qui depositum non detinet animo sibi retinendi, non dicitur possidere depositum. 5. Denique dicitur *adminiculo etiam iuris*, quia ad possessionem requiritur, ut ius, seu leges eidem possessioni non resistant, seu ut leges non ventent, & impendant ne detentio rei consecratur eius possessio, sicuti fit in laico detinente rem sacram, cui ob legis prohibitionem talis detentio non est ne quidem possessio facti. Detentio autem re iurivæ prophana licet iniusta est tamen vera possessio, quia ius non impedit ne talis rei detentio sufficiat ad possessionem.

Possessio iuris est *ius rei detinende cum insistentia tanquam sue, quam ius non ex-*
- *Insit. Theol. Moral. Tom. III.*

tat possidere. Ius autem debet esse verum, vel præsumptum, prout nimirum oritur ex possessione facti, quæ possessio facti vel iusta est in se, vel quæ iusta præsumitur in foro externo, licet in se iusta non sit. Et hanc secundam aliqui vocant possessionem facti, & priorem seu iustam, possessionem iuris. Alii tamen, qui hos terminos aliter accipiunt, per possessionem facti intelligunt omnem possessionem sive iustam, sive iniustam, sicut supra; per possessionem vero iuris intelligunt ipsum ius rem sic detinendi, ac possidendi. *Ius detinende rei cum insistentia* idest rem ut propriam perseveranter detinendo contra quoscunque, qui tale ius contendere, ac possessionem perturbare vellent, quam ius possidere non vetat; nam per iuris dispositionem, prohibetur v. g. ne locus publicus a privato possideatur, sacer a laico, sive iuste, sive etiam vere.

Possessio subdividitur insuper a Doctores; Alia dicitur visio possessionis.
alia est enim, quæ fit proprio nomine, ut in proprietario, alia nomine alieno, ut in depositario. 2. Alia iusta est, quæ fundatur in titulo, qui iustus sit vel in se, vel in bona fide; alia iniusta, cui deest iustus titulus, vel bona fides. 3. Et præcipue alia est civilis, alia naturalis. Civilis est detentio rei solius animi adminiculo: licet enim ad civilem possessionem inchoandam requiratur adminiculum corporis simul & animi, ad eam tamen continuandam sufficit solus animus, seu intentio retinendi rem, & non desistendi ab eius possessione. Idcirco vere possidet is, qui absens corpore a propriis rebus, eas tamen animo retinet, & occupat, & possessio civilis dicitur, tum quia fundatur in iure civili, ubi dicitur quis possidere rem a qua procul distat, tum quia parit effectus civiles, idest usucapionem rei, & dominium fructus. Possessio naturalis ea est, quæ res corpore, & animo simul occupatur, sicuti quando quis rem de facto, ac realiter, per se, non per alium occupat, quam etiam retinere cupit. Possessio naturalis sæpe separatur a civili: sicut v. g. possidet naturaliter rem meam, & hanc ego civiliter possideo. Tamen naturalis possessio infirmior sit civili, ad hoc tamen valere potest, ne possessor ab extraneo exturbati possit, & interdum nequidem ab ipso domino, nisi publica autoritate.

Addunt aliqui tertiam possessionis speciem quam civilissimam appellant, & hæc sola dispositione iuris seu legis acquiritur etiam ab eo, qui est prorsus ignorans, ac ideo sine adminiculo corporis, & animi. Ita hæ-

reditas possidetur ab hærede defuncti parvulo. Hisce positis

At præscribendum quæ requiritur possessio.

Ad præscriptionem requiritur possessio, quæ sit tempore a iure constituto legitime continuata. Ita communiter ex Leg. *sine poss.* 25. ff. de *usurp. & usucap.* & ex reg. 3. de *regul. iuris* in 6. *sine possessione præscriptio non procedit*. Requiritur talis possessio, ut quis rem proprio nomine possideat, non autem alieno; quia is qui alieno nomine possidet, revera non est proprius possessor, sed alter qui per ipsum possidet, cap. *cum venissent* 9. de *resist. spolias.* & Glor. ibid. verb. *cuius nomine*: cum pluribus iuribus ibi ab ipsa citatis. Quare Tutor, Curator, ac Monasterii Procurator, quia non possident sibi, sed aliis, non sibi, sed aliis præscribunt. Item dicto de omni alio, qui proprio nomine rem non possidet, quia omnis & solus qui capax est rem proprio nomine possidendi, præscribere potest. Quare præscribere nequit Religiosus professus, utpote domini incapax: e contra præscribere potest minor, pupillus, cum nullibi excipiantur. Qui vero rationis usu, & libertate destituti sunt, neque præscriptionem inchoare possunt, utpote qui nequeant habere animum rem possidendi ut suam: possunt tamen præscriptionem tempore sanæ mentis inchoatam continuare, quia censentur persister habituali- ter in priori voluntate. Sic Palao hic citatus a recentiore. Insuper non sufficit possessio precaria, dum illud quod precario accipitur, non ut proprium possidetur. Pariter non sufficit possessio pure naturalis sine civili, ut communiter, quia ad præscriptionem requiritur talis possessio, ex qua sequi possit translatio, seu acquisitio domini, ut ex cit. lege *sine* 25. de *usurpat. & usucap.* Translatio autem, seu acquisitio domini sequi non potest ex mera actuali possessione, cum desit animus possidendi rem. Hinc depositarius, colonus, creditor habens pignus, imo fur ipse, naturaliter possident, & tamen non præscribunt. Igitur ad præscriptionem saltem inchoandam non sufficit possessio mere naturalis, sed simul requiritur civilis, alias duo possent eodem tempore rem ipsam præscribere, dum unus haberet possessionem naturalem, alter civilem. Deinde possessio civilis non vero naturalis vocatur simpliciter possessio, ut ex leg. *clam possidere* 6. §. 1. ff. de *acquirenda & amittenda poss.* Ad continuandam vero præscriptionem sufficit solum possessio civilis, quia alias vix ullus posset præscribere, cum non semper rem corporaliter possidere valeat,

nunquam egrediendo ex fundo, nec semper loco sui constitueret administratorem.

Possessio ad præscribendum necesse est, ut sit continuata per totum tempus a lege præscriptum, quia præscriptio, quæ acquiritur iure solum positivo, acquiri nequit nisi cum conditionibus in iure expresse positis, quarum una est, ut res præscribenda quodam certo tempore possideatur. Unde si quis iuste privaretur re, quam per aliquod tempus legitime possideret, & de novo in posterum eam possideret, non possunt ei computari anni prioris possessionis, ac eos annis sequentibus coniungi quia possessio non esset continuata, sed interrupta.

An vero sufficiat ad præscriptionem possessio civilissima, non conveniunt circa hoc Doctores, dum contrarium sentiunt Felinus in cap. *illud column.* ult. de *præscript.* Baldus, & alii. Verum affirmativa sententia est probabilior ex Leg. *raptores* cod. de *episc. & cleric.* Et hanc tenent Glor. *Finalis* in cap. *contingit* 9. de *dolo & contumacia*, Covarruvias cum Reinfestuel allegantes communem Doctorum. Et ratio potissima est, quia possessio civilissima censetur ministerio legis vera possessio, ut ex cit. leg. *raptores*. Leitur eundem sortitur effectum ac possessio civilis.

Non est tamen necesse ut possessio continuetur ab eadem persona, cum possessio continuari possit a diversis, modo eorum quilibet possit rem præscribere. Sic potest hæres, vel emptor coniungere annos suæ possessionis cum annis, quibus suus præcessor possedit.

§. XXV.

De titulo requisito ad præscriptionem.

Titulus, ad præscriptionem requisitus prout hic sumitur, est fundamentum, & causa possidendi rem alias idonea ad acquirendum dominium, quia non sit translatio domini sine causa ad ipsius domini translationem sufficienti, cuiusmodi est titulus, qui ideo dicitur ratio aliqua legitima propter quam quis censetur iuste rem aliquam possidere; & huiusmodi titulus potest esse multiplex, scilicet *donatio, emptio, permutatio, transactio, legatum, hereditas, dos*, & similia, quibus si tradens rem, sit eius domini, transfert dominium: si autem non sit dominus, præbet saltem usufructu conditionem. Hinc qui bona fide possidet rem alienam pro donato, pro emptore, pro transactio, pro hærede, pro legato, pro dote,

&

& huiusmodi, licet non acquirat verumdominium ex quo non acceperit a vero domino, acquirit tamen conditionem ulucapiendi, cum tales tituli ex natura sua tendant ad translationem domini. Alii vero tituli, qui ad translationem domini non tendunt, sicuti commodatum, depositum, precarium, & huiusmodi, neque etiam ulucapiendi conditionem præbent, nihilque proficiunt ad præscriptionem. Sic communiter Doctores.

Titulus insuper alius est verus, ut si rem emerim a vero domino, alius coloratus, & apparens, ut si emeris ab eo quem probabiliter putas esse verum dominum. Alius existimatus, ut quando res donata, aut empta non sit, putatur tamen esse empta, aut donata. Alius præsumptus, quando ipsius causa determinate assignari nequit, & forte re ipsa non extat; a iure tamen existere præsumitur.

Ad præscriptionem legitimam requiritur iustus titulus, ut communiter ex cap. si diligenti 17. de præscript. & alibi. Non tamen requiritur titulus verus, alias non opus esset præscriptione, & venditor, idest ille, a quo res datur, deberet eam possidere post emensum tempus præscriptionis, ad hoc ut haberetur verus venditor, donator, &c. quod esset destruere civile commercium, si tanto tempore expectandum esset ad vendendum, locandum, donandum. Sufficit igitur, ut titulus sit coloratus, apparens, & prudenter putatus verus, videlicet quod ille qui vendit, dat, &c. sit verus illius dominus. Imo sufficit etiam titulus existimatus, quando falsa existimatio procedit ex errore iusto, sena legibus tolerato. Ille autem solus error a legibus toleratur, qui versatur circa factum alienum, non vero circa proprium; v. g. si probabiliter error putas quod servus, vel procurator, cui litem demandasti, rem emerit quam tibi tradidit, dabitur error a legibus toleratus, utpote versans circa factum alienum. E contra vero si putas te emisisse, error non toleratur a legibus, utpote de facto proprio. Hinc ulucapias rem quidem in casu priori, ob titulum saltem existimatum, scilicet emptio-nem a servo, aut existimas, celebratam, non vero in casu posteriori, ut ex L. si existimans si. de usucap. Igitur in omnibus aliis possessionibus excepto solo contractu emptio-nis sufficit titulus existimatus, quia exceptio firmat regulam in casibus non exceptis, ut ex L. quod vulgo 11. ff. pro emptore, & Leg. Usucapio 3. ff. pro suo.

Titulus vero coloratus & existimatus necessarius est ad præscriptiones ordinarias, idest temporis ordinarii, nec sufficit præsumptus, quia in præscriptionibus ordinariis titulus non præsumi, sed allegari debet Leg. nullo 24. C. de rei vindicatione. In præscriptionibus vero temporis extraordinarii, quæ solent nominari longissimi temporis, quale est tempus 30. annorum, & ultra sufficit præsumptus, quia tunc opus non est allegare titulum, sic ex L. Omnes 4. C. de præscript. 30. & 40. annor. Quandoquidem temporis adeo longi decursu evenire potest quod titulus aut oblivione, aut alio modo perierit, & in tali casu possessio adeo longa supplet. Hoc tamen intelligendum regulariter, quia si aliunde præscriptionis ius resistat, aut aliunde detur præsumptio in contrarium, tunc titulus non præsumendus, sed etiam in memoriali præscriptione probandus.

Titulus specialis, v. g. emptio-nis, donationis, transactionis requiritur 1. ut præscriptio impleatur breviori suo ordinario tempore: cum aliquo enim ex his titulis bona immobilia privatorum præscribuntur solo spatio 10. annorum inter præsentem, & 20. inter absentes, textu expresso §. 1. Instit. de usucap. Sine ullo autem ex dictis titulis talia bona non præscribuntur nisi spatio 30. annorum Leg. sicut in rem cod. de præscript. 30. & 40. annor. 2. Requiritur titulus, quando præsumptio iuris non est contra præscribentem. Unde si Episcopus vellet præscribere decimas sibi dandas, vel parochias sibi acquiritas, quæ sunt extra fines suæ Diocesis, non iusticeret si ostenderet possessionem etiam 40. annorum, sed necessarium esset, ut vel titulum ostenderet talis possessionis, aut probaret possessionem ab immemorabili. 3. Requiritur titulus, quando ius commune relisit præscribenti, vel alias habetur præsumptio contra ipsum; sic in cap. 1. de præscript. in 6. Quando vero res aliena transit ab illo, a quo mala fide possidebatur ad hæredem universalem: numquam præscribi potest. Unde qui titulo hæreditatis bona fide possidet rem a defuncto mala fide possessam, si sit hæres universalis, nunquam præscribit. Ita habetur Leg. ut hæres si. de diversis temporibus præscript. cum hæres in omne ius defuncti succedat, ignorance sua defuncti vitia non excludit. Et ratio est, quia cum hæres universalis succedat in iura omnia, & onera defuncti, ita ut eius personam repræsentet, unde definitur defuncti successor in universum ius eius, hinc efficitur una persona cum

cum defuncto, ac proinde fisione iuris mala fides censetur in tali successore, sicuti in eo, cui ille succedit. Dicitur *hæres universalis*, nam legatarius, seu hæres particularis potest præscribere, quando tamen habeat bonam fidem, non quidem sui præcessoris possessionem computando, sed incipiendo præscriptionem a sua possessione. Et ratio est, quia hæres particularis cum non succedat in omni onere & honore præcessoris, non censetur idem ac præcessor, ac proinde illius personam non repræsentat sicut hæres universalis; ideoque error præcessoris ei non nocet, ut ex Leg. *an vitium* §. 5. de *diversis temporibus præscript.* Denique aut lex ulucapere possum quod auctor meus ulucapere non potest, & hæc, ut hic notat cum de Lugo Tournely, intelligenda sunt non de hærede universalis, cum lex aliter de eo loquatur supra, sed de particulari. Nomine vero successoris particularis intelligitur, qui in re succedit quocumque titulo sine gratuito, sive oneroso, sive ex testamento, sive inter vivos, dammodo verus hæres non sit, idest universalis, quia huic solo titulus hæredis convenit.

Præscriptio immemoralis quæ etiam dici solet temporis longi ea est, cuius contrarii vel initii memoria non extat, & contra quam nihil unquam actum, aut visum, vel auditum fuerit, Leg. *in summa* 2. §. 7. ff. de *aqua, & aqua pluvie arcenda*, & alibi sæpe. Præscriptio immemorabilis habet vim veri & legitimi tituli, ac privilegii. Hæc autem præscriptio immemorabilis probanda est per testes, qui saltem per 40. annos testentur de visu & sensu proprio, ac de cætero, etiam a suis maioribus semper audierint rei statum sic fuisse, & sic tales testes debent habere ætatem saltem annorum 54. ita ut de principio visus habuerint saltem annos 14. Rota part. 1. decif. 234 num. 1.

§. XXVI.

De bona fide ad præscribendum.

Bona fides in casu nostro est sincera rei alienæ ignoratio, idest prudens credulitas, aut fundata suspitio, seu prudens iudicium, quo quis probabilius, & prudenter existimat rem, quam aliquo iusto titulo, v. g. emptionis, successionis ab intestato, donationis, incipit possidere, ad se pertinere, suamque esse, ac licite a se retinere posse, quamvis reapse sit aliena, quod tamen nullatenus cognoscit. Ut cum quis sine ulla suspitio-

ne emit equum quem nescit furtivum esse, ex Glos. cap. *si diligenti* 17. de *præscript.* Unde mala fide e contra possidere dicitur, qui scit, vel credit, seu iudicat etiam ex invincibili errore rem quam possidet, non esse suam, sed alienam. Dicitur *qui prudenter iudicat rem esse suam*; nam ut notat P. Antoine cum Lessio, si quis ex ignorantia crassa aut affectata, vel ex inordinata cupiditate existimat rem esse suam, vel non esse alienam, non est bona fides.

Bona fides potest esse directa aut reflexa. *Directa est*, quando quis positive probabilius credit rem esse suam, idcirco obiectum huiusce fidei, seu iudicii directi materiale, est ipsa rei proprietas, motiva vero seu rationes sibi asserendi proprietatem obiectum formale. *Reflexa* (quam alii *theologicam* vocant quia formata est per reflexionem theologicam super dictam directum) illa est, qua non obstante dubio speculativo, attamen iudicio saltem moraliter certo se hic & nunc resolvit sibi licitum esse, ut inchoet, vel continuat possessionem rei. Ex hoc constat obiectum materiale huiusce fidei, idest iudicii reflexi esse licentiam pro foro interno inchoandi, & continuandi possessionem, ac dominium transferendi per præscriptionem, obiectum vero formale esse motiva, seu rationes asserendi sibi hanc licentiam, & ius stante dubio speculativo. Porro si inculpabiliter iudicat rem esse suam, vel licitum possessionem, simpliciter dicitur bona fides: si vero, aut iudicat se licite non posse possidere rem suam, aut culpabiliter & ex ignorantia vincibili iudicat suam esse, dicitur mala fides. Ignorantia autem vincibilis censetur, si in inquisitione veri domini non adhibita sit ea diligentia, quæ homines in re magni momenti adhibere consueverunt, vel quam spectatis regulis prudenter adhibere tenebatur.

Item distinguitur bona fides in positivam, & ea est cum quis prudenter iudicat rem esse suam, & negativam, qualis est cum quis post diligentem inquisitionem veritatis nescit, nec iudicat rem quam possidet esse alienam; ideoque iudicat se posse ut suam retinere.

Bona fides deficere potest vel ab initio, vel in decursu præscriptionis, & circa utrumque casum videamus modo an præscriptio locum habere possit.

Ad inchoandum præscriptionem requiritur fides positive bona sive directa sit, sive reflexa, dammodo probabilius, seu inculpabiliter iudicat homo rem esse suam, seu licitam

Quid bona fides, aut quæto plex.

De bona
fide ad
inchoan-
dam pre-
scriptio-
nem.

tam suam possessionem, ut patet ex cap. *finali de præscript. defuncto* ex Conc. Lateran. ubi ita habetur: *Quoniam quod ex fide non est peccatum est, Synodali iudicio definimus ut nulla valeat alique bona fide præscriptio tam canonica, quam civilis; unde oportet ut qui præscribit, in nulla temporis parte habeat conscientiam alienæ rei* Et ex Reg. 2. *Iuris in 6. Possessor mala fidei ullo tempore non præscribit.* Quibus iuribus abrogantur leges civiles admittentes præscriptionem longissimi temporis 30. aut 40. annorum cum mala fide live in actionibus realibus, quando res usu non consumuntur, sive in actionibus personalibus, quando res ipso usu consumuntur, ut ex Leg. *si quis cod. de præscript. 30. aut 40. annor.* Leges igitur civiles aliter disponentes tanquam nutritivæ peccati, utpote quæ animarent homines ad desiderium præscribendi ad continuandam iniustam possessionem correctæ, & abrogatæ fuere a iure canonico, ut ex cit. locis. Et hæc iuris canonici dispositio in præsentiarum est observanda. Peccat igitur mortaliter qui cum mala fide utitur præscriptione, licet per leges civiles antiquitus permessa in actionibus live realibus, sive personalibus. Etenim si valeret præscriptio etiam incepta cum mala fide, posset limoniacus, usurarius, fur res ablatas, & diu possessas retinere, quod est contra omnem omnino æquitatem, contra commune & æque privatum bonum, ac idem contra ius naturale, quod vetat ne cui fraus, vel dolus patrocinetur.

Quare constat ex cit. canonibus non solum necessariam esse bonam fidem ad inchoandam præscriptionem, sed etiam ad continuandam. Verum ad continuandam præscriptionem potat Antoine cum multis quos hic citat sufficere bonam fidem etiam negative; quia ut quis post inchoatam bona fide possessionem perleveret esse possessor bonæ fidei, sufficit quod post adhibitam sedulam veritatis inquisitionem non habeat conscientiam rei alienæ, ex Concil. Later. citato, & ex S. Aug. in cap. *si virgo 34. q. 1. Tandem quisque bonæ fidei possessor rectissime dicitur, quamdiu se possidere ignorat alienum: cum vero scierit, nec ab aliena possessione recesserit, tunc malæ fidei possessor perhibetur.* Dubitans vero num res sit aliena, vel sua, non habet conscientiam rei alienæ, & ignorat se alienum possidere. Insuper possessio, quam quis bona fide inchoavit, præbet sufficientem rationem ad rem sibi retinendam, donec probetur esse aliena, quia iuxta regul. 65. *iuris in 6. in pari causa potior est com-*

ditio possidentis. Possellor autem quando dubitare incipit, tenetur exquirere diligenter veritatem, qua diligenter investigata si dubium perduret, potest, ut multi sentiant, determinate, & prudenter iudicare le posse rem ut suam retinere, eo quod in tali dubio melior est conditio possidentis. Seculo tamen tali iudicio rem illam neutiquam retinere valet, quia si dubitet rem esse suam, simulque ambigat, num licite possit eam sibi retinere, non continuat possessionem bona fide, Leg. 32. §. *de usurcap.*

Mala fides auctoris nocet ut supra diximus successori universali, non tamen successori particulari v. g. emptori, legatario, donatario, nisi res sit furtiva, quia hi sunt eiusdem conditionis ac hæres particularis qui cum non succedat in omnibus actionibus auctoris, ut eius personam repræsentet, sic nec eius succedit vitii, & obligationibus. Item mala fides Prælati, aut Rectoris in ordine ad præscriptionem non nocet Monasterio, aut Ecclesiæ, ut docet Anoultus & alii, quia Prælati ad bona Monasterii se habet eodem modo ac Tutor, vel Curator ad bona pupilli. Igitur sicut mala fides tutoris, aut curatoris non nocet pupillo, quin possit præscribere; ita nec mala fides Prælati Ecclesiæ nocebit. Observandum hic tamen Prælatum in tali calu teneri monere Capitulum quod res sit aliena; alias si Prælati sit secularis, tenetur ad restitutionem domini ipsi compensando rem, quæ præscribitur.

Num vero mala fides quoad unam partem rei possessæ v. g. fundi noceat bonæ fidei quoad alteram partem fundi, volunt aliqui non nocere, quando agatur de bona fide quoad usufructum, & de mala fide quoad proprietatem rei, ita ut possit præscribi usufructus, de quo habetur mala fides, quin præscribitur ius proprietatis, de quo habetur mala fides, quia in ordine ad illam partem præscribitur, in ordine ad quam habetur bona fides. Impeditur quidem præscriptio per malam fidem, quæ habeatur unius personæ respectu alterius, v. g. Si quis putet rem esse Titii, cum revera sit Cui; in tali enim calu non potest eam rem præscribere, quia adhuc simpliciter habet conscientiam rei alienæ, quamvis erret quoad personam.

Obiici potest quod si cuius bona per legem penalem addita sunt fisco, potest statuto tempore præscribere; igitur potest dari præscriptio cum mala fide. Resp. negando consequentiam: nam in eo est bona fides, quam-

Ma's f.
des au-
thoris cui
noceat.

Peccat
qui cum
mala fide
utitur
p'm' cri-
ptione.

quandiu bonis suis per sententiam iudicis non est expoliatus. Nam leges penales non obligant, nisi post iudicis sententiam.

Obicies 2. Dari pntest præscriptio contra eum qui habet ius servitutis rusticæ in alterius prædio, v. g. transiendi per suum prædium, quamvis qui subiaceret ei servituti sciat eum ius illud habere. Leg. hæc autem ff. de servitutib. urbanor. prædior. In hoc casu plane est mala fides. Resp. negando. Nam quamvis sciam illum ius habere transitus per meum prædium, non sum tamen in mala fide, si ipse non transiat; quia nihil illicitum facio, nec aliquid omitto ad quod teneor. Non enim mihi incumbit illum monere. Non iure suo utatur, ac proinde bona fide relinquo illum iure suo non uti; & sic agro meo libertatem acquiri.

Ex his colligitur leges municipales, quæ præcipiunt, ne mercenarii alique elapso certo tempore æqua laboribus suis stipendia repetere possint, quando ante tale definitum tempus non petierint, valere tantum in foro externo, idest actionem in hoc foro iis denegari. Et merito, ut solliciti sint mercenarii, alique in legibus expressi stipendium finito tempore petere, ne debitores periculum repetendæ solutionis propter oblivionem minorum debitorum incurrant. Unde si quis habeat conscientiam debiti, quod sua sponte tenetur solvere, solvere tenetur quocumque tempore elapso, cum careat bona fide ad præscribendum. Si quis vero ignoret invincibiliter debitum, vel prudenter putet solum esse, illud præscribere potest spatio 30. annorum.

Si quis autem esset in mala fide ex errore, vel ignorantia iuris, ut si putaret sibi non licere usucapere quod possidet, dum tamen ei licitum est; hic certe non præscriberet; quia cum præscriptio non valeat nisi secundum leges, hæc profecto nihil valeret, eo quod possessor non bona fide videatur possidere, ideoque contra leges, quæ nullam esse volunt præscriptionem sine bona fide, ut habetur lege si sur ff. de usucap. &c. Si quis id quod possidet, non putat sibi per leges licere usucapere, dicendum est etiam si erret, non procedere eius usucapionem, vel quia non bona fide videatur possidere, vel quia in iure erranti non procedat usucapio.

Qui cepit possidere bona fide, quæ postea defecit, hic, ut patet ex dictis, non habet quod satis sit ad præscribendum. Nam ad legitime præscribendum, non sufficit quod fuerit bona fides quando possessor cepit pos-

sidere, sed talis perseverare debet, & esse continua toto tempore lege statuto ad præscriptionem. Hoc extendit Covarruvias, etiam si postea recedat mala fides: Nam, ait, mala fides interruptit possessionem: interruptio autem inducit necessitatem usucapiendi, seu incipiendi usucapionem. Unde si quis iuste re aliqua privaretur, & eadem postea illi redderetur, inchoaretur de novo tempus præscriptionis; ita ut si lex requirat decennium ad præscribendum, & finito quinquennio res alienetur, non præscribitur, etiam si per alterum quinquennium possideatur. Dicitur apposite si iuste re aliqua privaretur. Nam si privaretur iniuste re sua, tempus non interrumpitur præscriptionis; quia in illo casu civilis possessio permanere censetur.

Verum quia bona fides requisita ad præscribendum debet esse talis persuasio, ut qui præscribere debet super rem, aliquam iudicet rem illam suam esse, idcirco licite possit eam sibi retinere; hinc exurgit difficultas circa eum, qui dubitat num res, quam possidet, sua sit, vel aliena, ac proinde num talis dubitatio impediat bonam fidem necessariam ad præscribendum. Tamen hæc anxia attingeretur, ut res tamen melius elucideretur, juvat nunc hæc fusius pertrahere, ut facilius quæcumque difficultas, quæ circa rem hanc oriri potest, resolvi queat.

Ad propolitam igitur difficultatis resolutionem videndum est an dubitatio omnem præcedat possessionem, vel possessioni bona fide inchoare superveniat. Si dubitatio præcedat omnem possessionem, idest superveniat, antequam inchoetur possessio, impedit profecto bonam fidem, & in hoc conveniunt omnes ex cit. Later. Concilii sententia, quod non est ex fide percatum est. Et ratio est quia non est bona fides ubi quis debet iudicare rem esse alienam, cum iuxta regulam iuris in dubiis potius favendum est reo quam actori. Qui autem incipit possidere, est actor, & qui possidere desiit, rei figuram gerit; unde huic potius favendum est, ac ideo iudicandum rem illius esse. Sic Habertus, Tournely cum M. Grandin. Quod si dubitatio oriatur post inceptam possessionem, dissentient Doctores in definiendo num adhuc bona fides perseveret, necne. Sed quando in tali dubio adhibita diligenti ac debita veritas inquisitione nihil relevare possit possessor ex quo habeat conscientiam rei alienæ, idest cognoscat rem alienam possidere, videtur probabilius perseverare bona fides in possessione.

fiore; Idcirco tale dubium legitimam præscriptionem minime impedire, ut ex cit. Later. Concilio, & S. Aug. in cit. cap. si virgo q. 1. Deinde possessio bona fide inchoata est sufficiens ratio ad rem sibi retinendam, donec probetur esse alienam. Nam iuxta reg. cit. 65. iuris in 6. in pari causa potior est conditio possidentis. Debet quidem possessor, ex quo dubitare incipit diligenter exquirere veritatem, qua diligenter investigata, si dubium adhuc perseveret, iuxta multos, ut antea iam diximus, potest determinare, & prudenter iudicare se posse rem ut suam retinere. Non potest tamen sine tali iudicio illam retinere, quia cum dubio an res sit sua, & simul an liceat eam sibi retinere, non perseverat possessio bona fide, ut ex cit. leg. 32. ff. de usurap.

Vtrum pro maiori conscientie securitate mihi arrijet illorum sententia qui existimant attendendum esse circa tale dubium, si leve sit & temerarium, idest sine ullo rationabili fundamento conceptum, vel grave & probabile. Nam dubitans an res, quam possidet, sit sua, dubio levi, ac temerario, non amittit bonam fidem suæ possessionis: amittit quidem, si dubitet dubio gravi, & probabili, tametsi adhibita diligentis inquisitione non deprehendat se rem alienam possidere; ideoque dicunt illi rem totam sibi retinere non posse, sed debet vel dividere pro ratione dubii, vel aliquam cum altero compositionem inire, vel controversiam ex arbitrorum mutuo consensu electorum iudicio definire. Et sententiam suam hisce confirmant rationibus, nempe 1. quia ad bonam fidem requiritur, ut quis tranquille, & quiete iudicet rem esse suam, quod iudicium fieri nequit cum dubio gravi, & probabili, quo stante iudicium semper erit vacillans. 2. Quia non licet se exponere periculo rem alienam retinendi, quod fit retinendo rem cum dubio gravi, cum sit aliena. 3. Quia non satis explicatur cur non liceat possessionem inchoare cum dubio, & eam cum dubio liceat prosequi, quando momenta dubii in primo & secundo casu sint eiusdem naturæ.

Quoad regulam vero iuris obiectam de meliori conditione possidentis, hanc ita expli- cant, nempe regulam non dicere in pari causa tutum esse possidentis. Nec obstat pariter canen Si virgo; quia probabiliter dubitans an rem alterius possideat, non ignorat se possidere alienum, sed dubiam de hoc habet conscientiam; unde non potest se gerere quasi ignorans: qui enim dubitat se pec-

catum mortale commississe, confiteri tenetur peccatum dubium, nec gerere se potest quasi qui ignoret se peccasse. Item ut ex cit. can. si virgo virgo quæ dubitat, an maritus suus alteri sit coniugatus, non potest censeri coniugium hoc prorsus ignorare, ita ut peccet, si stante tali dubio, debitum petat, ut patet ex cap. inquisitioni 44. de sent. excommunic. sic a pari in casu dubii gravis de possessione rei alienæ. Ita hic Tourneleius pag. 230.

Impedimentum bonæ fidei & præscriptionis exurgere potest etiam ex ignorantia. Unde ne quid deficiat quod opus sit ad rem enucleandam, restat ut hoc quoque elucidetur. Porro certum est omnem præscriptionem fundari in aliquo errore. Nam fundari in bona fide, qua per errorem existimamus nostrum esse quod revera nostrum non est.

De errore, seu ignorantia vincibili sive iuris, sive facti nulla esse potest controversia, quod tollat bonam fidem, ac proinde viam ad præscribendum. Nemo enim censetur bona fide ignorare id quod scire potest, & debet. De sola igitur invincibili ignorantia potest esse difficultas. Hæc dupliciter distinguitur, scilicet ignorantia iuris, cum ignoramus ipsam legem, ut si quis nesciat requiri auctoritatem Tutoris, ut aliqui valide a pupillo accipiantur; & ignorantia facti, cum scimus quidem legem, sed ignoramus hoc factum esse legi contrarium; ut dum cognoscimus illicitum esse aliquid emere a fure, nescimus tamen eum, a quo emimus, esse furem.

In hoc proposito Doctores ius quoque dupliciter distinguunt, scilicet in ius clarum, seu evidens, & certum, quando nempe ita communiter patet, sive talem legem extare, sive eius sensus sit ita clare cognoscibilis, ut neutrum ignorari possit nisi ignorantia crassa, & affectata; & in ius dubium seu obscurum, & incertum, ut quando dubitatur esse vel non esse illam legem, vel eius sensus est ita obscurus, ut etiam adhibito diligenti studio, & consideratione, adhuc adeo hæsitans & suspensus remanet animus, & incertus, ut prudenter iudicare nequeat num hoc vel illud præcipiat, aut veter, num talis lex extet, vel non.

Error, seu ignorantia invincibilis facti non tollit bonam fidem, ac ideo præscriptionem non impedit; imo utramque facit, quia & ignorantia invincibilis non reddit illicitam possessionem, & natura ipsa præscriptionis semper errorem aliquem supponit.

An error, & ignorantia tollat bonam fidem.

Ignorantia invincibilis facti non tollit bonam fidem, quod tollit quidem ignorantia iuris.

Error tamen, seu ignorantia etiam invincibilis iuris clari & evidenter, impedit præscriptionem saltem ordinariam, ut si quis aliquid acceperit a pupillo sine tutoris auctoritate, vel aliquid contractu usurario acquirerit, vel munus a Religioso acceperit invincibiliter ignorans iura contraria, quæ hoc prohibent, ideoque licet supponatur bona fide eum credidisse illa non esse illicita; & hoc ex legum dispositione, quæ ad legitimæ præscribendum hanc ignorantiam licet inculpatam iuris clari admittere renuunt, ut præcipue ex lege iuris §. *de iuris facti ignorantia in usucapione negatur prodesse*; facti vero ignorantiam prodesse constat ex lege nunquam §. *de ulucap. Nunquam in usucapionibus iuris error possessoribus prodest*. Igitur tota vis præscriptionis pendet ex legum auctoritate, & lex adeo clare excludens a bona fide, quæ ad præscribendum requiritur, ignorantiam iuris, plane saltem de iure clari, & evidenti intelligenda erit.

Addunt tamen Doctores quod si possessio esset temporis longissimi, idest 30. aut 40. annorum, huiuscemodi ignorantia iuris clari, non esset noxia, cum leges loquantur de possessione relativa ad præscriptionem ordinariam, cuiusmodi est trium, decem, vel viginti annorum, dum hæc solummodo cognita sit iure digestorum, unde accipiuntur citata iura.

Quoad ignorantiam invincibilem vero iuris dubii controversitur inter Doctores. Verum quamplurimi sunt qui sustinent ignorantiam invincibilem iuris dubii, & inter Doctores controversi non impedire bonam fidem requisitam, & sufficientem ad legitimam præscriptionem. Abbas in cap. *de quarta n. 12. de præscript.* Covarruvias, Reiffelsuel cum aliis; quia ipsa ambiguitas iuris, circa quod sunt diversæ Doctorum sententiæ, utramque partem facit probabilem, ita ut utramvis in præxi sequi quis possit. Igitur non impedit bonam fidem requisitam ad legitimæ præscribendum.

Nota possessionis bonæ fidei sex esse effectus, primus nempe, quod pariat præscriptionem statuto tempore elapso; 2. quod in casu dubii non puniatur conditio possidentis melior reddatur. 3. quod possidens non teneatur in iudicio rem suam actionemque probare, dum probatio spectat ad illum qui vult eum expoliare. 4. quod possidenti ius est, ut possessionem suam naturalem, & civilem armis defendere valeat, inculpatæ tamen tutelæ moderamine servato. 5. quod possidens, si a possessione sua enciatur, eam

statim possit armis repetere, quod intelligendum est moraliter consideratis circumstantiis. 6. quod expellens iniuste aliquem a sua possessione, amittit illius dominium, si forte ad ipsum spectaret. Huiuscemodi privilegia leges humanæ possessioni bonæ fidei concessere.

§. XXVII.

De tempore requisito ad præscribendum.

Cum ad præscribendum requiratur possessio cum bona fide continuata per totum tempus a lege definitum, priusquam res etiam ex hac parte enodetur,

Notandum 1. res quæ præscribi possunt, alias esse mobiles, alias immobiles. Pro rebus mobilibus veniunt res illæ omnes quæ loco moveri possunt, ut pecunia, vestis, navis, & huiusmodi; pro rebus autem immobilibus res omnes corporeæ, quæ loco moveri nequeunt, ut domus, agri, vineæ, & huiusmodi, quæ certe sicuti res corporeæ mobiles & suo loco moveri nequeunt. Nominæ rerum immobilium veniunt etiam Beneficia, census, redditus, iuspatronatus, usufructus, servitutes, privilegia, & alia huiuscemodi. Ista enim omnia fixa manent, & ad instar immobilium afferunt fructum, & commoditatem suam, & hæc in iure incorporalia dicuntur. Sic Reiffelsuel cum aliis communiter per textum in Clement. *cxvii §. cumque annui redditus de verbor. significat.* ubi sic habetur: *Cumque annui redditus inter immobilia censentur a iure.*

Iura autem & actiones, si sint erga res immobiles, veniunt nomine immobilium; si vero sint ad res mobiles, veniunt nomine mobilium, ut in cap. *accessorium 42. de regulis iuris in 6. ubi sic: Accessorium naturam sequi congruit principalis.*

Nota 2. tempus quod sufficit ad præscribendum rem unius v. g. privati non temper sufficere ad præscribendum rem alterius, puta Ecclesiæ, Principis, &c. Item non sufficere inter absentes tempus, quod sufficit inter præsentes. Præsentes quantum ad propositum dicuntur illi, qui habitant in eadem civitate, ut in eiusdem territorio; absentes vero dicuntur illi, qui habitant in diversis civitatibus, seu in territoriis diversarum civitatum. Ita communiter ex lege *cum in longi temporis præscriptio 12. cod. de longi temporis præscript.* Si quis quibuldam annis fuit præsens, & quibuldam aliis fuit absens, tunc unus annus præsentis æquivaluit duobus annis absentis, & vicissim.

No-

Efficiat
bonæ fidei.

Quæ res
præscribi
possunt.

De tem-
pore ad
præscri-
bendum.

Præscrip-
tio domi-
nialis.

Nota 3. præscriptionem dividi in eam, quæ est longi, & in eam, quæ est longissimi temporis. Prima est 20. annorum, vel infra; secunda 30. annorum, & supra. Illa requirit titulum; hæc ordinarie non requirit nisi in casibus a iure expressis, ut si Episcopus per annos 40. decimas alterius diocesis possederit, non tamen præscribit, sed necessarius est titulus, qui possessori causam eribuat præscribendi; nisi tanti temporis allegerit præscriptio, cuius contrarii memoria non existat. Ita habetur cap. 1. de præscript. in 6. Ex quo patet quod supradictis præscriptionibus longi, & longissimi temporis ea addi possit quæ est temporis immemoralis.

Præscrip-
tio domi-
nialis, &
iur. sup.

Nota 4. plus aliquando, aliquando minus temporis ad rem eandem præscribendam exigi; quia præscriptio nonnunquam dormit, vel interruptitur. Præscriptio dormire dicitur, quando iam inchoata currere definit; ita tamen ut finita causa, propter quam dormiebat, de novo currat, sicut antea, adeo ut posteriores anni cum prioribus iungantur, licet non numerentur ii, quibus dormivit. Eadem vero præscriptio dicitur interrupti, quando postquam inchoata est, ita cessat, ut si rursus reviviscat, posteriores anni cum prioribus continuari non debeant. Dormit autem præscriptio 1. tempore pestis, vel belli, quando ius non dicitur, vel homines in alium territorium defugiunt. 2. cum Ecclesia vacat Restore cessat contra Ecclesiam. 3. Cum is, contra quem præscribitur, agere non potest, ut pupillus donec celsset esse pupillus, absens ob publica negotia regni, ut Legatus, item captivus &c. Interruptitur vero præscriptio vel naturaliter, ut si possessor a rei possessione etiam per vim deturbatus intra annum non postulet restitui, leg. 3. cod. unde vi, vel civiliter, hoc est per actum iuridicum, ut per litis contestationem; si tamen actor rem non prosequatur, præscriptio non interruptitur, quia qui litem sponte deserit, censetur eius iniustitiam agnovisse.

Notandum 5. quod si dicamus, possessionem ratione longioris temporis præscribere sine titulo, intelligimus haberi titulum apparentem, & coloratum, qui non possit probari, non vero quod possit præscribi sine ullo prorsus titulo, quod saltem præsumi possit ex titulis, & ob longissimum tempus omnem memoriam de eodem titulo evanuisse, ut ostendi, & probari nequeat. Et equidem in tali sensu dicitur aliquando posse præscribi sine titulo, id est sine titulo quod possit probari; sed ta-

men fieri præscriptionem titulo præsumpto, quia ad omnem præscriptionem requiritur titulus coloratus vel præsumptus. His positis

Res mobiles alicuius privati, vel etiam alicuius Ecclesiæ, etiam Romanæ, Religiosorum cum titulo per possessionem triennalem bona fide continuatam præscribuntur Instit. lib. 2. tit. 6. §. 1. de usucap. & hæc est communis. Fuit quidem olim hic in Italia mos ut annuali possessione bona fide continuata, res mobiles præscriberentur, sicuti & immobiles biennio, sed hoc iuribus fuit correctum. Dixi cuiusvis Ecclesiæ, ut habetur Authent. si quas actiones cod. de sacrosanctis Ecclesiis, & refertur cap. placuit caus. 16. quæst. 3. Dixi cum titulo; nam sine titulo, id est non ostendibili, sed præsumpto, 30. annorum spatio præscribuntur, ut docent communiter; colligitur ex leg. sicuti in rem cod. de præscript. 30. & 40. annor. Nam etiam immobiles 30. annis sine titulo præscribuntur, multo magis mobiles.

2. Res immobiles privatorum inter præsentem decennio, inter absentes 20. annis præscribuntur ordinarie, ex Instit. de usucap. ubi dicitur inter præsentem decennio, inter absentes 20. annis res immobiles usucapi. Dixi cum titulo, quia si desit titulus inter præsentem requiritur possessio 30. annorum, inter absentes 40. lege si quid emptiois §. quod si quis cod. de præscript. 30. vel 40. annorum; ex Authent. autem quod si quis cod. de præscript. longi temporis, si quibusdam annis præsens sit dominus, quibusdam vero absens, addiuntur et supra decennium tot annis, quot ante decennium fuit absens, nimirum si per triennium absuerit, præscriptio tredecim tantum annis absolvitur. Dixi res immobiles privatorum, quia ex cap. ad aures de præscript. requiruntur 40. anni ad præscribendum contra Ecclesiam distictam a Romana. Nam citata Authent. si quis actione cod. de sacrosanctis Ecclesiis adversus Ecclesiam Romanam non præscribitur nisi per possessionem centum annorum. Res autem illæ, quæ tantum centum annis præscribuntur, debent immediate pertinere ad Romanam Ecclesiam. Nam si spectent ad inferiorem, quamvis aliquo modo præiudicetur Ecclesiæ Romanæ, 40. annis præscribuntur. Ad Ecclesias revocantur Hospitalia, monasteria, & quæcumque alia pia loca, quæ bona possident ad pias causas relicta. Non desunt quedam monasteria, & Collegia Regularium, quorum res immobiles nisi in 60. annorum spatio præscribuntur. Hæc privilegia concessit Eugenius IV. Ordini S. Benedicti;

sed

sed hic attendenda sunt regna, ubi fuerunt firmata. Et hoc privilegium concessum fuit ab Eugenio IV. & Julio II. etiam Congregationi Salvatoris; & a Leone X. & Pio IV. concessum fuit præscribi non posse contra Monasteria Cisterciensia in Germania, nisi centum annorum spatio. Huicemodi privilegia etiam concessa fuere, ut Ecclesiæ immobilia non præscriberentur nisi spatio centum annorum, ut colligitur ex *Leg. ut in divinum cod. de sacrosanctis Ecclesiis*; sed ista præscriptio limitata est ad annos 50. ex citatis tum Canonica tum Authentica.

Advertendum 1. si res immobilis incipiat esse Ecclesiæ, & iam adversus privatum præsentem cucurrerunt anni quinque præscriptionis, sufficere 20. annos ad complendum præscriptionis tempus contra Ecclesiam inferiorem, & contra Romanam annos 40.

Advertendum 2. a generalibus regulis adductis pro tempore præscriptionis nonnulla excipienda esse; quia 1. Beneficium ecclesiasticum per tres annos a pacifico possessore titulum saltem coloratum habente præscribitur. Dico *saltem titulum coloratum habentem*, quia sine titulo præscribi nequit Beneficium, cum nonnulli Institutione canonica acquiri possit eius possessio. Quare si quis post possessionem completam deprehendat titulum adhuc coloratum revera nullum esse, puta datam fuisse pecuniam ipso nesciente ad idem Beneficium obtinendum, recurrere debet ad ordinarium, vel ad Papam, qui defectum suppleat, quamvis opus non sit novam inire possessionem. 2. Res oppignorata possessa a debitore, vel eius hæredibus præscribitur tantum 40. annis. Requiritur vero in debitore bona fides se non debere, & ut tanto tempore post diem solutionis assignatum creditor non exegerit. Quod si res oppignorata possideatur ab eo, qui non est debitor, nec hæres eius, ut si fuit vendita ei, qui ignorabat esse oppignoratam, extinguatur decennio inter præsentem, & vicennio inter absentes, *Leg. cum novissimi cod. præscript. 30. annor. 3. Legata*, & fideicommissa non præscribuntur adversus legatarium, & fideicommissarium ex *Leg. ult. cod. de communia de legat.* ubi dicitur nec usufructu, nec longi temporis præscriptione contra legatarium, & fideicommissarium procedere. Additur tamen a Lessio communiter sentire Doctores præscriptionem longissimi temporis, puta 30. annorum posse procedere.

Bona tam mobilia quam immobilia contra civitates sine titulo præscribuntur cen-

tum annis, si illis legata, vendita, vel donata, sed nondum tradita sint, ita ex *Leg. ut inter 23. cod. de sacrosanctis Ecclesiis*. Privilegium huicemodi communiter ab auctoribus extenditur ad pagos, & oppida, imo ad provincias quoque ac regna saltem quod ea bona, quæ Principatui, aut Coronæ sunt incorporata.

Quoad servitutes vero distinguendum est inter personales, & reales. Nam servitus personalis præscribitur inter præsentem cum titulo decem annorum spatio; inter absentes vero tempore 20. annorum; sine titulo autem 30. annis, sicuti antea dictum est de rebus immobilibus. Huicemodi autem personales servitutes tres tantummodo recensentur, nempe usufructus, usus, & habitatio, idest ius utendi alterius domo, horro, fundo, &c. Servitutes vero reales continuæ v. g. aquæductum per alienum fundum, non secus ac personales præscribuntur inter præsentem decem, viginti inter absentes annorum spatio. Si autem discontinuæ sint, puta servitus eundi, aut agendi currum, aut ducendi animalia per prædium alienum non præscribuntur nisi tempore immemoriali, ut constat ex communi Doctorum sensu, & præxi Tribunalium. Hic tamen notandum quod licet huicemodi servitutes discontinuæ usum continuum non habeant, habent tamen causam continuam, scilicet ius, & facultatem utendi.

Immunitas item a servitute eodem temporis spatio præscribitur, quo servitus ipsa, 10. annis scilicet inter præsentem, 20. inter absentes; ita ut tempore hoc elapso servitutem activam v. g. ius utendi agro, aut horro alterius, vel ducendo pecus per agrum alter amittat. Ad præscribendum immunitatem a servitute alterius rustica, cuiusmodi est iter, via, aquæductus, aquæ haustus, pecoris ad aquam appellus, ius pascendi, &c. concurrente bona fide, seu opinione iuris ad alium excludendum a servitute, sufficit solus non usus illius servitutis ex parte dominantis, si scilicet alter, contra quem præscribitur, suo illo iure v. g. pascendi, aut ducendi pecus per alienum agrum non utatur. Ad præscribendam vero immunitatem a servitute urbana, cuiusmodi sunt v. g. tigni immittendi stillicidii, alius non tollendi fluminis, cloacæ proliciendi, &c. requiritur actus aliquis contrarius ex parte servientis, videlicet ut is, qui bona fide præscribit, agat aliquid, quo usu illius iuris, puta stillicidii immisionem impediatur, ut docent Doctores. Immunitas a servitute reali, ubi u-

fus alternis tantum temporibus v. g. hebdomadis, mensibus, aut annis exercetur, non præscribitur nisi tempore inter præsentis duplicato, scilicet 20. annis.

De tempore ad præscribendum iuspatronatus. Ecclesie, quæ subiciatur iuripatronatus, potest iuspatronatus præscribi a laico contra laicum tempore 10. annorum inter præsentem cum titulo, & 20. inter abentes; sine titulo vero tempus 30. annorum requiritur. Sic ex permixtis iuribus.

Officia, seu ius percipiendi certos redditus ex certo Officio, ius illud possidendi, eoque defungendi, &c. præscribuntur cum titulo inter præsentem 10. & inter abentes 20. annorum (spatio); sine titulo autem requiritur spatium 30. annorum, dummodo præscriptio non verletur contra Ecclesiam, aut Civitatem. Et ratio est, quia talia Officia, & Beneficia rebus immobilibus æquiparantur.

Bona privata, & patrimonialia clericorum præscribuntur tempore ordinario sicuti bona laicorum, Gloss. in cap. possessiones 16. q. 4. verb. *Episcopos*. sic etiam Covarruvias, Abbas, Reiffenstuel, & alii.

De tempore ad præscribenda bona vacantia contra Fiscum. Bona vacantia tam mobilia, quam immobilia addita fisco seculari propter delictum, & per sententiam iudicis incorporata, præscribuntur contra Fiscum spatium 40. annorum sine titulo; si vero eidem nondum sunt tradita, aut denunciata, præscribuntur sine titulo 30. annis; cum titulo autem mobilia præscribuntur triennio, & immobilia decennio inter præsentem, & vicennio inter abentes, ex Leg. omnes 4. & Leg. competit. 6. cod. de præscript. 30. & 40. annor. Bona vacantia fisco debita, nempe quæ vacant ob mortem alicuius decedentis sine legitimo hærede, si nondum sint denunciata ex quo vacant præscribuntur tempore ordinario sicut alia bona privatorum cum bona fide, & titulo, mobilia scilicet spatium trium annorum, immobilia decem, vel viginti annorum; & sine titulo cum sola bona fide spatium annorum triginta Leg. *quomvis* 18. iuncta Gloss. ibidem verb. *Distina* ff. de usucap. Si autem talia bona sint Fisco denunciata, & tamen nondum ab eo occupata, tunc præscribuntur adversus Fiscum quadriennio cum titulo, vel etiam sine illo, sed cum bona fide Leg. 1. cod. de quadriennii præscript. Ex hoc autem patet quam falsa, & iniqua sit usurpatio quorundam fiscalium, præcipue in Romano Imperio, qui prætendunt contra Principem ne quidem tempore mille annorum præscribi posse, cum Fiscus Principum Romani Imperii certe non sit melioris conditionis Fiscus Romanorum Imperatorum.

Aktionen civiles tam reales quam personales, & obligationes, seu debita rerum mobilium & immobilium, ortæ etiam ex contractibus, quæ per actiones exigi possunt, regulariter præscribuntur spatium 30. annorum contra creditores cum bona fide. Est communis per textum *sicuti in rem cod. de præscript. 30. & 40. annor. & Leg. 1. cod. de annali exceptione*, ita ut quod actiones personales elapso illo tempore actor nequeat convenire reum coram Iudice de contractu, nec reus ex illo contractu obligabitur in conscientia. Excipitur tamen actio hypothecaria, quæ illi competit, cui res oppignorata est, quia si res hypotheca possideatur ab ipso debitore, qui eam oppignoravit, hæc actio non præscribitur contra creditorem nisi 40. annis. Si vero res hypothecata possideatur cum titulo & bona fide ab aliquo alio, qui nec debitor est, nec hæres debitoris, tunc si vendita fuisset alicui ignoranti quod fuisset hypothecata) tunc actio hypothecaria præscribitur spatium 10. annorum inter præsentem, & 20. inter abentes; sine titulo autem spatium annorum triginta.

Excipi etiam debet actio *redhibitoria*, & actio *quanti maioris*, quæ utraque ad rescindendam venditionem, vel saltem ad restituendum excessum pretii competit emptori, qui si novisset vitium mercis, eam non fuisset empturus, vel saltem non tanto pretio; actioni enim redhibitorie præscribitur a venditore de iure communis per sex menses, & alicubi de iure municipali per minus etiam; actioni vero quanti maioris præscribitur intra annum.

Item excipiuntur actiones etiam & obligationes competentes Ecclesiis, & locis piis, quæ non præscribuntur, nisi tempore eodem quo earum res, seu bona, idest non extinguuntur nisi spatium annorum 40. & sic quæ competunt Ecclesie Romanæ non nisi annorum centum.

Actio doli in contractibus commissi extinguitur biennio, ut ex quodam Recentiore.

Actiones criminales ordinariæ præscribuntur & tolluntur spatium 20. annorum computando tempus a die criminis commissi. Ita communiter ex Leg. *Querela falsa* 12. cod. ad Legem *Corneliam de falsis*. Danitur tamen quædam delicta, quorum actio ad accusandum minori tempore extinguitur, seu præscribitur, ut actio iniuriarum, quæ præscribitur lapsu unius anni. Ita communiter ex Leg. *si non convici* 5. cod. de iniuriis. Actio ad accusandum crimen peculatus extinguitur, seu præscribitur lapsu quinquennii, ut ex Leg. *peculatus* 7. ff.

7. ff. *ad Iuliam peculatoris*. Item actio ad accusandum adulterium, vel alia peccata carnis eodem quinquennio extinguitur, seu præscribitur. Ita ex Leg. *mariti* 29. §. 5. & seq. ff. *ad Legem Iuliam de adulteriis*. Excipitur tamen hic stuprum per vini illatum ex cit. Leg. *mariti* §. 9. Pariter excipitur adulterium cum incestu, ut ex Leg. *vini passum* 39. §. 5. ff. *ad Legem Iuliam de adulteriis*. Item excipitur raptus ex Leg. *qui cætu* 5. ff. *ad Legem Iuliam de vi publica*, ubi sic: *Qui vacantem mulierem rapuit vel nuptam ultimo supplicio punitur*.

Ad præscribendum, aut quasi præscribendum contra Legem civilem requiruntur, & sufficiunt decem anni. Ita communiter sentiunt Doctores. Contra tamen Legem canonicam licet videantur requiri & sufficere 40. anni, probabile tamen est ad præscribendum contra hanc quoque non secus ac ad præscribendum contra civilem decem annos sufficere. Ad præscribendum contra utramque legem non requiritur saltem ab initio bona fides, cum talis præscriptio inchoet cum mala fide.

Præscriptio principaliter differt a consuetudine, eo quod præscriptio præcipue detur inter privatos, ac a privatis indicatur: consuetudo vero non inducitur nisi a Communitate, cum consuetudo sit lex, & ius non scriptum, Leg. *de quibus* 32. ff. *de Legibus* §. *sine scripto* 9. Infit. *de iure naturali*.

§. XXVIII.

De remedio contra præscriptionem, quod est restitutio in integrum.

Contra præscriptionem habetur, seu conceditur a iure remedium in favorem illius, contra quem res sit præscripta, quod beneficium dicitur *restitutionis in integrum*, idest ut res quæ iam erat præscripta, interveniente recurso ad iudicem, huius auctoritate restituatur, ita ut huius iuris beneficio, qui per præscriptionem læsus erat, in eundem statum, ac ius, in quo erat ante præscriptionem, reducat Leg. 1. *cod. de sententiam passis*. Hoc autem privilegium aliis quibus duntaxat, non omnibus conceditur. Et 1. conceditur minoribus, idest iis, qui nondum pervenerunt ad annum 25. completum, cum hi usque ad hoc tempus degant sub Curatore; his conceditur potestas reclamandi per quadriennium post expletam suam minoritatem, idest usque ad annum 29. suæ ætatis. 2. Conceditur Ecclesiis, &

aliis piis locis, etiam si præscriptio sit 40. annorum, quia Ecclesia, & Loca pia sunt ad instar minorum. 3. maioribus etiam iussis de causis concedi solet hoc Beneficium, quod credunt multi, & volunt ipsis non concedi contra præscriptionem 30. aut 40. annorum, idest extraordinariam longi, vel longissimi temporis, sed in præscriptione ordinaria annorum decem, aut viginti, dummodo probent præscriptionem omnino sine sua negligentia, aut cum probabili sua ignorantia fuisse peractam. Causæ autem iustæ quibus beneficium hoc maioribus conceditur, sunt si in captivitate erant, si ob Reipublicæ servitium aberant, si invincibiliter hoc ignoraverint, & id probent. Hisce igitur de causis conceditur maioribus facultas reclamandi contra præscriptionem, postquam resciverint eam esse completam, & hoc conceditur per quadriennium post sublata impedimenta, & noticiam acquiritam, si provenierit ex ignorantia, intra quod spatium iudicis autoritate restitui possunt in dominium & possessionem rei amissæ. Sic ex pluribus legibus quas hic Doctores asserre solent.

§. XXIX.

De aliis modis acquirendi domini iure Gentium.

Præter rationes, seu modos hactenus recensitos, alii quoque a Doctoribus traduntur speciales modi acquirendi domini iure gentium, cuiusmodi sunt alluvio, specificatio, accessio, confusio, commixtio, edificatio, plantatio, satio, piscio, scriptura, nativitas, alveus, insula, ac fructuum perceptio. Sic ex Institut. *de rerum divisi.* & lib. 7. §. *de acquirendo rerum dominio*.

Alluvio alia est latens, ac proprie dicta, & ea est, qua pars prædii unius paulatim, & insensibiliter, ut vix notari queat, uno fundo detrahitur, & alteri adicitur. Tale incrementum factum per alluvionem spectat ad dominum fundi cui adicitur. Alia est patens, & ea est, qua pars aliqua nobilis fundi unius vi rapiditatis fluminis in alterius fundum patenter transfertur, & in tali casu ea pars adiecta remanebit domino fundi, a quo fuit detracta. Verum cum in hoc attendendæ sint municipales leges locorum, ac consuetudines, hinc ubi utraque alluvio asserit dominium partis adiectæ domino fundi, cui sit adiectio, si latens sit, accrescit usufructuario, quia censetur manere idem fundus: si vero adiectio sit patens,

Dominium
per Allu-
videtur.

De acti-
one ad
præscri-
bendum
contra le-
ges.

Differen-
tia præ-
scriptio-
nis a con-
suetudine

tem, accrescit dumtaxat proprietario, quia adiectio æstimatur fundus universus. Feudatarius tamen, & emphyteuta utriusque incrementi commodum capere debent, quia proprietarii vicem gerunt.

Per specifi-
cationem.

Specificatio est cum aliena ex materia fit opus aliquod diversæ speciei ab opere, in quo materia prius occupata erat. Quare per specificationem intelligitur nova formatio, seu introductio novæ formæ in materiam, ita ut dicatur producti quali nova species, ut quando ex lana aliena fit pannum, ex argento vas, ex uvis vinum, & huiusmodi. Hoc vero in casu est definitum, quod si materia eiusdem novæ speciei operis reduci possit ad priorem statum, vel ad eandem materiam, ut vas argenteum in nudam massam argenti, id est omni artificiali forma carentem, ad eum pertinere cuius est materia, qui tenetur tamen solvere officium artificis, nisi hic mala fide materiam illi subripuerit, ut circa eam operaretur, quia in tali casu suum officium amittit; sicuti etiam si artifex domino tamen materiæ consentiente vellet sibi opus retinere, ei materiam solvere deberet, imo æquitati consonum videtur, ut qui aliquod opus ex tali materia efformasse pretium totum materiæ solvendo illud sibi relinqueret. Verum ut res pro conscientia melius circa hoc elucidetur, dico attendi debere ad eum qui plus contulerit, ut deprehendatur quinam plus habeat iuris, quia ad hunc potius secundum naturalem æquitatem spectare videtur. Plus enim iuris habere censetur, qui magis de suo confert. Unde si ex uvis alienis fieret vinum, ex alieno argento non certæ elegantie vas, cum plus in huiusce catibus dominus uvarum, & dominus argenti contulerint, quam qui ex uvis vinum expressit, vel qui ex argento vas conflavit, & vinum spectat ad dominum uvarum, & vas ad dominum argenti. Itaque regula videtur tutior, ac iuri naturalis magis consona, quod quando specificatio est facilius & quasi sine arte ut rei substantia superet laborem, res ei cedere debeat, cuius est substantia. Ridiculum enim esset ait Iustinianus *lib. 2. Institut. num. 34.* picturam Apellis in accessionem vilissimæ tabellæ cedere. Secus vero si opus superet substantiam; tunc tamen artifex tenetur satisfacere ipsius domino.

Per Accessionem

Accessio, seu adiunctio dicitur quando res unius alterius rei accedit, vel adiungitur per humanum laborem, vel industriam; ut hic in ornatu, ædificatione, plantatione, facione, pictura. Unde quando res unius acce-

dit, seu coniungitur rei alterius, totum ex utraque re compositum iure accessionis spectat ad dominum rei præsuppositæ, & principalis, ut ex lege cum annum 19. §. *perventamus 13. de auro, & argento*. Ratio autem potissima est, quia ex Regul. 42. iuris in §. *accessorium naturam sequi congruit principalis*. Hinc si annulo accedat, seu coniungatur gemma, si vestis intextetur purpura, gemma & purpura spectant ad dominum annuli, & vestis, licet adiecti sine pretiosiora, ut in §. *si tamen* Institut. de rer. divif. Remanet tamen ipsi obligatio reddendi æstimationem rei alterius, siue bona, siue mala fide usurpat, ut de cent communiter auctores. Imo addunt, si res adiecta sit separabilis, separandam esse, & domino suo restituendam.

Sic iure accessionis si quis ex aliena re ædificaverit, is fit dominus ædificii, quia omne quod solo inædificatur, solo cedit tanquam principali. Diruto tamen ædificio materiæ dominus eam vindicare poterit, nisi antea pro ipsa fuerit ei satisfactum. Sic in Institut. de rer. divif. §. 19. E contra vero si quis in alieno solo sua materia inædificaverit, ædificium erit illius, cuius est solum; & si talis ædificans neverit solum esse alienum, nihil in foro externo pro opere, & materia sua repetere poterit, etiam si ædificium diruatur, quia aut donasse, aut temere ædificasse censetur. Sic in cit. Institut. de rer. divif. §. 30. Verum tamen si mala fide in alieno fundo ædificaverit, potest repetere pretium materiæ, & expensarum, ut ei conceditur leg. 18. ff. de petit. heredit. & inuito magis tale ius ei conceditur, qui bona fide ignorans solum esse alienum ædificavit; ipsa enim bona fides, vel æquitas non patitur, ut fundi dominus cum alterius ædificans detrimento fiat locupletior; quare pretium materiæ, & operarum solvere tenetur, ut ex cit. Leg. 38. §. *de petit. heredit.*

Sic etiam iure accessionis si quis in suo fundo alienam plantam posuerit, & ea radices egerit, statim illa fit sua, cum plantæ licet aliena accedat solo quod suum est. E contra vero si quis plantam suam in solo alieno posuerit, statim ac radices ibi egerit, fit illius cuius est solum, ut in §. *Si Titius 31. de rer. divif.* Ita si arbor posita in confiniis in fundo duorum dominorum radices egerit, communis erit ambobus, ut ex §. *cit. si Titius 31.* ac proinde fructus colligendi æqualiter dividi debent; sponte vero decedentes in fundo erunt demini fundi, ut

D

pal-

passim Doctores. Ex quo vero arbor egerit radices aliquas in tuo fundo, vel etiam aliquos ramos in fundum tuum proiciat, satis non est, ut fiat tua, sed requiritur ut truncus in tuo fundo crescat, *Leg. 6. §. 2. ff. arborum sursum casarum*. Quare tibi non licet radices, vel ramos nimium se porrigentes succidere, sed tibi datur actio contra alterum, ut vel ipse tollat, vel damnum compenlet. Et si monitus facere neglexerit, tunc tu poteris succidere, & tibi tollere *Leg. 1. & 2. de arboribus cadendis*.

Sic eodem iure accessionis frumenta, quæ in alieno fundo sata sint, ad illum spectant cuius est fundum, ut ex §. 2. *Institut. de rer. divis.* Si autem bona fide severit, imo etiam mala ex æquitate repetere poterit pretium materię, & expensarum iuxta æstimationem utilitatis, ut vult Haunoldus de Iust. & Iure num. 145. cum aliis. Similiter iure accessionis, scripturæ, seu literæ etiam si aureæ sint, chartis, seu membranis cedunt. Hodie tamen, quia charta est vilis pretii, invaluit consuetudo, ut charta cedat scripturæ. Item iure accessionis pictura vilior quam tabula valde pretiosa, ut argentea in accessionem tabulæ venit, ita ut tabula picta ad dominum tabulæ spectet, soluto tamen pretio picturæ ipsi pictori, si bona fide pinxit, secus de iure nihil. Ita pariter si quis picturam cuiusque rei quamvis viliori ornamdi causa adiciat, pictura mensuræ cedet, quia eius gratia facta est, ut ornator compareat, & sic de similibus. Paulus Iurisconsultus *lege 23. §. 3. ff. de rei vindicat.* & alii Doctores, & Theologi permulti. Quod si pictura pretiosior sit quam tabula, ut plerumque accidit, tunc tabula cedit picturæ, quia quod est minus principale sequi debet quod est principalius. *Institut. de rer. divis. §. 34.* Adest tamen obligatio restituendi domino pretium tabulæ.

Confusio, seu commixtio, quod iamdem sonant, & promiscue accipiuntur, ea est quæ res unius rei alterius ita coniungitur, ut pars unius a parte alterius discerni nequeat, ut cum vinum unius vino alterius miscetur. Confusio tamen, & commixtio in hoc differunt, quod quæ confusa sunt, novam quandam speciem, sic ex vino & melle confusis nova species efficitur quod nullum vocant: mixta vero eandem speciem servant quoad substantiam, ut grana tritici, vel oves, aut pecunia, quæ licet commisceantur, semper tamen sunt quod erant antea. Si igitur materię quæ ad duos dominos spectent, sive casu, sive ex communi con-

sensu confundantur vel commisceantur, tertia species, quæ resultat, utrique pro rata materię sit communis; sed si uno volente, altero nolente, aut nesciente materię utriusque confusa sit, dominium totius constati erit illius, qui operam posuit, maioremque partem materię quia maior pars minorem ad se trahit *Leg. 23. §. 4. ff. de rei vindicat.* & ex regul. 42. iuris in 6. *Accessorium naturam sequi congruus principalis*. Remanet tamen obligatio reddendi æstimationem pretii illius materię. Si res autem separari possint, ut oves in grege permixtæ, separandæ sunt. Verum si alienam pecuniam, domino infcio, vel invito, tibi hoc ignoranti datam misceas tuæ, volens totam habere, nec iam discerni possit a tua, acquiris eius dominium *Leg. 78. §. 6. de solutionibus*, ubi sic habetur: *Si alieni nummi infcio, vel invito domino mixti essent, ita ut discerni non possint, eius fieri qui accepit, in libris Gaii scriptum est: ita ut actio domino cum eo qui dedisset, furti competere*. Ubi, ut vides, determinatur quod pecunia etiam infcio, vel invito domino cum alia mixta transeat in dominium alterius volentis totam habere ut suam. Quare autem determinetur in Legge, ut pecunia etiam infcio, vel invito domino commixta, per commixtionem transeat in dominium accipientis, dum aliter statutum invenitur a Iustiniano in §. quod si frumentum *Institut. de rer. divis.* circa grana frumenti, & alia mixtilia, non parum laborant Doctores in assignanda disparitate, ac ratione. Congruentia tamen esse potest, quia maius periculum est in nummis, quæ sunt in quotidianis commerciis, unde multæ oriri possent difficultates, si eorum dominium, quando miscerentur, ita incertum maneret. Tum quia nummi a publica æstimatione suam habent valorem, atque statim ac expenduntur, & commiscuntur, intelliguntur consumpti, quia ex Gloss. in *Leg. si alieni nummi*, eorum mixtio vim habet consumptionis; non sic autem de granis frumenti aliis permixti, aliique huiusmodi mixtilibus. Et hæc est communis Doctorum. Tenetur tamen ille cui adjudicatur dominium pecuniæ mixtæ, restituere rem æqualem, quia nemo locupletari potest ex aliena cum damno eius domini, ut ex reg. 18. iuris in 6.

Edificatio est constructio ædificii in alieno fundo, vel in proprio fundo ex aliena materia. Sed de hoc satis iam vicimus, ubi supra de accessione.

Quod spectat vero ad plantationem, seu seminationem, ut supra, ubi de accessione, per Plantationem & Satio-

Per Confusio nem & Commixtio nem.

Per Edificatio nem.

Per Plantationem & Sationem.

CCI

certum est ex cit. Iustiniano ibid. n. 31. arbores, plantasve in aliquo fundo a quolibet collocatas, eo ipso quod radices egerint, cedere domino fundi. Idemque dicto de similibus in agro alieno sparsis. Nam sicuti aedificia solo cedunt, ita multo magis plantæ & arbores, quæ a terra sustentantur, ac alimentum, incrementumque recipiunt. Antequam vero radices egerint, eius permanent cuius fuerant. Qui tamen arborem alienam in proprio fundo transplantavit, tenetur de damno, ut supra loco cit. ubi de accessione.

Per Fidu. ram & Scriptu. ram. Pignus, si facta sit in tabula aliena quid agendum, iam expositum fuit supra, ubi de accessione.

Per Nat. vitalem. Nativitas, idest quod ex animali femineis sexus nascitur, spectat ad dominum animalis faminae parientis. Sic Iura, ut Leg. 5. §. de rei vindicat. Dicitur ex animali, eum hic sermo sit de partu bruti femineis sexus.

Per Alveum. Alveus, idest si fluxus alveo derelicto priori, per aliam partem, idest per novum alveum fluat, alveus antiquus spectat ad dominos prædiorum, quæ vicina sunt alveo, ac ideo inter ipsos dividendus est. Alveus vero novus fit communis, siue publicus, siue uti flumen, vel eius cuius est fluxus; ut si fluxus post longum tempus redeat ad primum suum alveum, hic quoque novus alveus cedat vicinis prædiis, licet videatur quod ex æquitate restituendus esset priori domino, ut in §. 20. & l. i. Instituit. de rer. divis. Et equidem cum novus alveus factus sit bonum commune, & publicum, ius omne in illud anstet; ideoque sicut primus, ita & secundus ob rationem quam inducit boni publici, & communis, iisdem conditionibus debet subiacere. Et eo vel maxime, quod sicuti domini prædiorum propinquorum subiecti sunt incommodo inundationum, & gravamini impositionum ad aggeres servandos, ita & commodum sentire debent acquirendi alvei dominum, si a flumine deleratur. Tourneleius.

Per Insulam. Insula de novo nata, si nata sit in alto mari, quod sub nullius dominio sit, est primo occupantis. Si vero nata sit in medio fluminis navigabilis, pertinet ad Principem. Si vero in aliis fluminibus inferioribus, eorum sit qui utrinque e regione prædia habent, & sic inter eos dividenda est. Si vero insula fuerit propinquior uni ripæ quam adversæ, tota erit domini illius ripæ propinquioris. Si fluxus autem ita dividatur, ut ex uno agro, qui erat in ripa, insulam faciat, talis insula illius erit, cuius erat ager.

Iure gentium acquiritur dominium rerum etiam per fructuum perceptionem. Possessor enim bonæ fidei iure gentium fructus suos facit, nec eos consumptos tenetur restituere vero domino, si is postea compauserit, & fundum evicerit, seu recuperaverit, tamen si secus sit de possessore malæ fidei, nam is fructus etiam perceptos restituere tenetur, & cogitur, ut habetur in §. si quis a non domino Instituit. de rer. divis.

Per Fru. duum perce. ptionem.

§. XXX.

De aliis speciebus Iuris dominii acquirendi, nempe de Usu, Usufructu, Habitatione, Superficie, Servitute, ac Possessione.

Expositis superioribus modis rerum dominia acquirendi iure naturali, seu Gentium, nunc agendum occurrit de rerum dominio quod acquiritur iure civili, quo iure non solum acquiritur dominium per præscriptionem, sed etiam per usum, usufructum, habitationem, superficiem, servitutem, quibus etiam affinis est possessio.

De Usu.

Ufus est ius utendi re aliena in proprium usum, salva eius substantia. Unde sequitur quod usufructuario minus iuris competat quam usufructuario, de quo infra. Nam qui habet solum usum, v. g. domus, vix hospitium recipere potest, & multo minus alteri suum ius cedere; ideoque qui usum accepit in aliquo fundo, ad summum uti potest illius fructibus ad solum proprium victum, & usum, ut pomis, oleribus, lignis, feno &c. Et qui ovium usum haberet, his solummodo uti posset ad stercoreandum agrum, non vero uti agnis, lacte, quia hæc sunt in fructu. Hinc dicitur, *ius utendi*, ut contradistingatur a cæteris iuribus, nempe depositarij respectu depositi, creditoris respectu pignoris; nam isti uti nequeunt deposito, aut pignore. Dicitur *utendi simpliciter*, ut simplex usufructus distinguatur ab usufructuario, qui non solum ius habet ut usufructus, utendi re aliena, sed ulterius etiam percipiendi, & alienandi fructus ex re aliena collectos, ut infra videbimus. Dicitur *salva substantia*, quia usufructus, sicuti etiam usufructuarius tenetur rem totam, seu integram suo domino directo conservare, quando tamen non esset ex illis, quarum substantia usu ipso consumitur, ut sunt panis, vinum, quia in his cum usu conceditur etiam dominum. Verum circa hoc olim excitata, ac simul acriter agitata fuit controversia num in rebus,

Domini. um per. Usu m.

bus, quæ usu consumuntur, usus distinguatur a domino; sed de hoc videbimus infra.

Uius duplex, ut in & f. d. i.

Ulus autem generaliter loquendo duplex est, scilicet usus facti, & usus iuris. Usus facti est ipsa actualis rei usurpatio sive iure facta sive iniuria, adeoque usus facti habet omnis qui re aliqua actualiter utitur, sive iure sibi assistente, sive iure resistente. Usus iuris est ipsum ius, sive legitima facultas utendi re aliqua; ideoque usus iuris habet omnis, qui & utitur, & potest ad libitum licite re aliqua uti; & de hoc solo iure tractant Iuristæ. Alius quoque dari potest usus quasi iuris permissivi, vel potius usus facti simplex, ac licitus, & omnino dependens a libera voluntate domini proprietarii, quo nempe fit alicui facultas utendi re etiam usu consumptibili, sed prorsus dependenter a libera voluntate concedentis, ita ut pro libito eius revocari queat.

Huiusmodi usus simplex facti, ac omnino dependens, separari potest, & revera separatur a dominio rei etiam unico usu consumptibilis, ut iam docet communissima etiam ab his, qui non sunt ex schola Scoti, ut habet Lugo de Iustitia, & iure, ubi pro hac opinione asserunt quamplurimos celeberrimos notæ auctores, ac dicit ceteros recentiores ita communiter tenere. Et hoc d. cuerunt etiam Summi Pontifices Nicolaus III. cap. *Exist qui seminat* §. *ne quisquam*, Clemens V. Clementina 1. §. *perinde cum vir sanctus* eod. tit. Alexander IV. Constit. quæ incipit *Sberes fructus*, Martinus V. Eugenius IV. Nicolaus V. alique, qui expresse sententiam hanc tradidere, & exinde affirmarunt Fratres Minores habere tantum usus facti simplicem rerum etiam unico usu consumptibilium, earum dominio vel penes donantes, vel penes Sedem Apostolicam existente. Et talis est usus, quem habent Religiosi omnes utendi vestibus, alimentis, cæterisque sibi concessis, nempe usus quasi iuris permissivi, sive potius usus facti simplex.

Obligatio U. iurid.

Usuarius tenetur 1. rem, cuius habet usus, & quæ usu non est consumptibilis, integram eam proprietario diligenter conservare, cum, ut vidimus, ius non habeat ea utendi nisi salva eius substantia. 2. Ei non licet percipere ex illa re nisi fructum, qui in concessione usus rei fuit conventus. Imo non potest usus sibi concessum alteri donare, locare, vendere, quia non habet ius utendi, nisi ad suum usus, & commodum.

Usufructus est ius utendi, & fruendi re aliena salva eius substantia *Ley. Usufructus* 1. ff. de usufructu. Ideo est ius non solum sicuti in usu re aliena utendi, sed insuper fructus ex ea percipiendi. Simplex usus ut iam vidimus est acceptio rei ad aliquem ipsius usus, ut equi ad equitandum, domus ad habitandum. Fructus vero est id, quod provenit ex re, id est quod res fructificat, ut agnus, vel lana ex ove. Hinc ius usufructus distinguitur etiam a cæteris aliis iuribus, nempe depositarii respectu depositi, creditoris respectu pignoris, cum ipsi dum non possunt his uti, multo minus inde frui.

Domus. n. ut per Usus. fructum.

Dicitur in definitione *re aliena*, & in hoc tum usus tum usufructus distinguuntur a dominio proprietatis, ratione cuius utitur quis re tanquam sua. Dicitur tandem *salva rei substantia*; & ideo non potest contitui usufructus in rebus unico usu consumptibilibus, ut sunt vinum, cervisia, panis, oleum &c.

Quare usufructuarius percipere potest fructum omnem rei, & utilitatem; in fundo v. g. quicquid in eo nascitur, scilicet fœnum, legetes, lapides, metalla, &c. quæ crescunt in fundo: ita etiam proventus vegetationum, aucupiorum &c. fructus arborum, in animalibus vero fœtus, lanam, lac &c. In silvis cædnis potest se gerere ut paterfamilias cædendo tantanis certam portionem; non potest tamen cædere arbores grandiores, nisi multum vetulas, & fere iontiles, & multo minus frugiferas; ac non acquirit dominium in fructus, nisi postquam eos collegit. Habet etiam facultatem vendendi omnem utilitatem usufructus, & usus iuris vendere, locare, vel donare, manente apud ipsum usufructu, quem non potest alteri cedere sine consensu proprietarii.

Porto usufructuarius ex Instit. de rer. d. r. & ff. de usufructu tenetur 1. uti re, cuius habet usufructum, non secus ac bonus paterfamilias rebus suis utitur, qui sibi, & posteris optat ea conservare. Ideo non potest cedere arbores non cædendas, reddere agrum sua incuria deteriorem, ut alias teneatur damna domino proprietario illata compensare. 2. Si teneat usufructum animalium, puta ovium, tenetur in locum capiti mortuorum, vel inutilium alia capita e fœni substituere; & hæc substantia pertinet ad proprietarium; & ita loco vitium,

Obligatio. U. iurid. Usus. fructus.

tium, arborum demortuorum alias ferere, non tamen pro iis, quæ ab aliqua tempestate fuerunt eradicatæ. 3. Debet rem integram suo domino diligenter conservare etiam faciendi moderatos sumptus pro illius conservatione: tenetur v. g. ad modicas refectiones domus, ut integra permaneat. Non tenetur tamen ad magnos sumptus, imo etiam meliorando non potest qualitatem eius in mutare, ut si domus sit, altius eam tollere non potest sine proprietarii concessione. Tenetur ad omnes necessarios sumptus pro fructuum perceptione, & solvere tributa, quæ pro re frugifera solvi consueverunt.

Ususfructus dupliciter acquiritur. 1. Dispositione legis, & huiusmodi est quem pater acquirit in peculo adventitio filii sub sua potestate constituti. 2. Hominum arbitrio, ut testamento, venditione, stipulatione, & hic dicitur conventionalis, & in huius institutione attendendæ sunt consuetudines, ac municipalia iura locorum.

Terminatur autem ususfructus 1. per mortem usufructuarii. 2. si res, in qua constitutus est, pereat, puta si domus incendio consumetur: nam tunc *ne arce quidem ususfructum debere constat* Instituit. L. 2. tit. 4. §. 3. Et licet domus ædificetur, non reviviscit ususfructus. 3. Si usufructuarius tanto tempore ius derelinquat, ac eo non utatur quanto opus est ut dominus directus contra eum præscribat, idest triennio si agatur de mobilibus; si vero de immobilibus, decennio inter præsentem, vicennio inter absentes. 4. Si ususfructum usufructuarius domino proprietatis cedat (nam cedendo extraneo nihil agitur) vel ex contrario si usufructuarius proprietatem rei acquisierit, quæ acquisitione *consolidatio* appellatur. Iustinian. ibid. l. 5. §. Si relinquatur Ecclesie vel civitati absque ulla temporis determinatione, completur post centum annos, quia *is finis vite longæque vi hominis est* L. 36. §. de usufructu 6. per prioris status, seu conditionis mutationem, quæ vocatur capitis diminutio, non tamen minimam, sed mediam, & maximam. Quod ut melius intelligatur

Notandum quod apud Romanos tribus modis hæc status mutatio, seu capitis diminutio contingebat, nempe cum aliqui amittebant libertatem, civitatem Romanam, & familiam, & dicebatur maxima capitis diminutio, seu familie mutatio, & hoc fiebat quando poena servi plebebantur, quia damnati erant ad metalla, bestias, &c. aut ad aliud genus, mortis, nam sæpe executio

Inst. Theol. Moral. Tom. III.

sententiæ mortis differebatur. Quando autem aliqui amittebant civitatem, & familiam, non vero libertatem, dicebatur media, ut quando in aliquam insulam relegabantur. Quod si per arrogationem in aliam familiam relictæ propria transfererebantur, dicebatur minima familie mutatio. Per maximam, & mediam habebantur pro mortuis, ideoque usufructus quoad ipsos definebat, & loco eorum succedebat filius. Nunc pariter iura quoad aliquem cessant morte naturali, & civili; sed quoad secundam non in locis omnibus eadem habentur leges, & consuetudines, ideoque in quolibet loco ex attendendæ sunt. Tournelæus.

De habitatione, & superficie.

Habitatio definitur *ius habitandi in alienis ædibus salva eorum substantia*. In iure civili ius habitationis dicitur distingui per usu domus; nam qui habet solum domus usum, tenetur eam per se habitare, nec in alterum quovis titulo usum transferre potest. Qui vero ius tenet habitationis, non solum in ea domo per se degere, sed alius etiam locare potest ex Instituit. n. §.

Unde nemo non videt habitationem esse actionem multum ususfructui affinem. Ius habitationis, quod marito concessum sit extenditur ad uxorem quoque, filios, domesticos, dum ab his seorsim vivere non præsumuntur. Idem dicitur, si ius idem concessum sit uxori, aut viduæ, quæ ad ultiores nuptias transeat. Sed si legata pars domus a marito toti eius familie non sufficiat, non ideo alias domus partes ei non legatas occupare poterit. Ius habitationis tota legata rei vita perdurat, nisi aliter conventum sit.

Superficies est *ius, quo quis alieni fundi superficiem possidet, & in ea ædificare potest*; qui hoc ius habet, superficialius dicitur, habetque dominium utiæ domus superficialiaris, cuius proprietates apud dominum loci, seu fundi remanet; cum ædificium, ut iam antea dictum est, cedat solo in quo constituitur.

De servitute.

Servitus active sumpta est *ius quod quis habet in re aliena, ut sibi serviat*, scilicet ut in ea aliquid fiat, aut non fiat in suum commodum, salva tamen rei substantia. Sumpta vero passive est ipsa rei alienæ subiectio, vel obligatio, ut aliquid fiat in ea, vel non fiat in commodum alterius, semper intellige salva rei substantia. Unde sequitur quod et duobus super aliquam servitutem contententibus unus sit qui libertatem

D 3

Domini per habitationem de iure sciens.

Domini per servitutem, rem, & possessionem.

Triplex capitis diminutio.

alterius fundo adimere velit, alter vero qui rei suae libertatem vult indemnem servare, sibi animum vindicare.

Servitus generatim dividitur in realem, & personalem. Realis ea est, per quam res rei servit, ut domus domui, cuius stillantes aquas excipit, ita ut a re immediate alteri rei debetur. Sic ager meus tuo servit, quatenus ager tuus dat tibi ius transfundendi per meum. Personalis vero ea est, quares personae obligatur, vel persona rei. Res quidem, ut si ius habeam non propter agrum, sed aliunde, hac transfundendi persona vero, ut si Caius agrum meum excolere teneatur. Usus, usufructus, & habitatio sunt proprie servitutes personales. Servitus realis dividitur in urbanam, quae debetur praedio urbano, & rusticae, quae praedio rustico est debita. Nomine autem praedii urbani intelligitur quodcumque aedificium a patrefamilias habitandum, sive sit in urbe, sive in villis, & vicis, & hortum amenitatis causa adnexum, quia *urbanum praedium non facit locus, sed materia ex Leg. 192. de verbor. significat.* Per praedium vero rusticum intelligitur praedium quod ne ab humano habitaculo distinctum, ut ager, vinea, pratum, pecorum stabulum, horreum a domo sequestum; haec enim omnia constituunt praedium rusticum, quamvis sint in urbe.

Servitutes urbanae, sive praediorum urbanorum, & iura talia sunt ut altius non tollatur aedificium, fenestra in muro aperiatur; item ut stillicidium recipiatur in tectum, vel aream tuam, item ut lignum immittatur in murum tuum &c. Leg. 2. §. de *servit. praedii urb. & Institut. l. 2. tit. 3.*

Servitutes rusticae, idest praediorum rusticorum sunt iter, actus, via, acqueductus, & haec dicuntur servitutes nominatae. Iter est ius, quo quis pedes vel eques per alterius fundum transire, & deambulare potest. Qui autem ius tantum habet itineris, etsi super iumentum transire possit, non potest tamen per illum ducere iumentum, aut vehiculum. *Actus* est ius ducendi iumentum, vehiculum, & armenta per praedium alterius. *Via* utrumque continet, idest iter, & actum. Idcirco est ius cundi, ambulandi, armenta quoque ducendi per fundum alterius. *Acqueductus* est ius ducendi aquam per alienum fundum. Sunt vero aliae servitutes rusticae, quae dicuntur innominatae, & sunt ius aquam hauriendi, pecora adacquandi,

pascendi, calcem coquendi, arenas fodiendi, cretam eximendi, pedamenta ad vineam ex vicini praedio sumendi, quae omnia exprimuntur §. *toto tit. de servitut.* ubi varia etiam describuntur onera eorum, ad quos spectat tum fundus *dominans*, seu ius cui alter servit, tum fundus *serviens*.

Servitutes vero aliae acquiruntur, quia libere alicui conceduntur, & haec comparantur modis omnibus, quibus quaecumque alia bona, nempe venditione, donatione, testamento; aliae quae necessario constituuntur, ut si quis sepulchrum habeat, viam autem ad sepulchrum non habeat, vicinus eo-
gi potest a iudice; qui tale ius habet ut iusto pretio tale ius illi praestet. Servitus autem, sicut libertas a servitute comparari potest etiam titulo praescriptionis.

Servitutes omnes iisdem non utendo amittuntur, ideoque praescribuntur decennio contra praesentes, & viginti annorum spatio contra absentes Leg. 14. cod. de *servit.* Servitus activa potest ex parte mitti, & ex parte retineri, v. g. si habeat quis ius aquae in alieno fundo nocte dieque hauriendae, nocturnam perdit servitutem, si per noctem ea non utatur tempore ad praescribendum statuto; sed hic attendendae sunt locorum consuetudines.

Servitus vero finitur non solum praescriptione, sed & contrariis pactis, ac conventionibus, item reductione praedii ad dominum, cui serviebat, aut destructione vel destructione praedii, in cuius gratiam constituta erat servitus, vel rei quae occasionem dederat servituti. Item si fons, in quo ut aquam haurires, per fundum meum transire poteras, arefeat: Quod si fons reviviscat, etiam ius tuum reviviscet, quamvis transactum sit tempus ad praescribendum Leg. 54. de *servit. praedii rustici* §. de *servit. praedior. rusticor.* De possessione quae est alter modus huiusmodi acquirendi dominium in re aliena, iam satis actum est, ubi de praescriptione.

Cum rerum dominium acquiratur etiam iure particulari privati alicuius contractus, seu conventionis, quod fieri contingit per varios speciales contractus, seu conventiones, ut per emptionem, donationem, emphyteusim, feudum, & huiusmodi; cum hi modi potius pertineant ad rationem contractus, hinc de his agere remittimus, quando de contractibus pertractabitur.

Modi
quibus
acquiruntur
servitutes.

Servitutes
omnes
amittuntur
per
decennium
non
utendo.

Servitus
finitur
praescrip-
tione,
contra-
riis pactis
&c.

De iniustitia seu iniuria, & eius Restitutione in genere.

CAPUT I.

De iniustitia seu iniuria.

Hilce expeditis, quæ ad iustitiæ naturam, eiusque obiectum, ac iura acquirenda pertinent, rectus doctrinæ stylus expostulat, ut nunc de officio, seu munere iustitiæ agatur. Cum enim iustitia constans, perpetuæque sit voluntas, ut cuique ius suum tribuatur, sequitur manifestissime officium esse virtutis iustitiæ, ut impediatur, caveaturque quod minus alterius iura lædantur; & si forte læsa fuerint, integre in pristinum statum restituantur. Impedit autem, ac caveret iustitia ne ius alterius lædatur, si iniurias vetet; in integrum restituit, si imperet eas reparari.

§. I.

De iniustitiæ seu iniuriæ natura, divisione, & obiecto.

iniustitia
ita late
& stricte
accipitur. Si iniustitiæ seu iniuriæ (idem enim sonant hæc duo vocabula) nominis sensus attendatur, dupliciter accipi potest, nempe 1. late pro quavis legis violatione; & in hoc sensu divina Scriptura peccatores omnes cuiuscumque generis iniustus vocat, ut prima Ioannis 3. *Omnes qui faciunt peccatum, & iniquitatem faciunt, & peccatum est iniquitas*. 2. Stricte, ac proprie, quatenus opponitur iustitiæ stricte sumptæ, de qua iam supra locuti sumus. Iniustitia autem sic accepta, si respiciatur ut actus, est *voluntaria alieni iuris violatio*, ac proinde non sine alterius iniuria. Nam sicut per actum iustitiæ ius suum alteri tribuitur, ita per actum iniustitiæ ius suum alteri violatur. Dicitur *voluntaria violatio*, ut excipiat a ratione formali iniustitiæ, & iniuriæ actio illa, quæ quamvis alieni iuris læsiva, deliberate non fit. Si vero iniustitia consideretur ut habitus, est prava voluntatis dispositio ex iniuriolis actibus, idest ex frequentis alterius iuris violatione orta, & ad huiusmodi actus inclinans. Quare iniustitia prout consideratur in eo, qui iniustitiam patitur, dicitur iniuria; in eo vero qui hanc facit, dicitur iniustitia. Iniuria gravis censetur, & mortalis, quando per se apta sit

excitare magnam tristitiam, & animi aversionem difficiliter impedibilem & celabilem, spectata communi hominum naturali conditione, & dispositione. Hæc enim iniuria graviter opponitur fini iustitiæ, puta paci, tranquillitati, mutuo amor per æqualitatis & iurium conservationem, quæ omnia intenduntur a iustitia. Num vero iniustus aliquis dicendus sit eo quod iniustum aliquid facit, explicat ad evidentiam quod hic notat Sylvius, nempe differre facere iniustum, facere iniuste, & esse iniustum. Iniustum enim fit materialiter, quando aliquid fit contra debitam æqualitatem; & hoc fieri potest etiam sine mala, & iniusta intentione, v. g. si quis rem alienam accipiat putans esse suam. Fit aliquid iniuste quando libere fit id quod per se est iniustum, licet fiat non ex plena & deliberata intentione; ut si quis ex violento iræ impulsu aliquem occidat. Ille vero est simpliciter, & absolute iniustus, ac ut talis denominatur, qui non tantum sciens, & volens, sed etiam ex habitu iniustitiam facit. Nam eo ferme pacto, quo unus virtutis actus non facit, nec denominat hominem simpliciter virtuosum; ita nec unus vitii actus generaliter loquendo, facit, & denominat hominem vitiosum, sicut nomen vitiosi sumitur a Philosophis, idest prout habitum exprimit. Cum tamen plerumque vocabula, quæ interveniunt ad habitus, ad actus quoque virtutis, vel vitii exprimendos adhibeantur, hinc fit ut communiter iniustus appelleretur quicumque peccat iniustitiæ peccato, sive ex habitu iniustitiæ hoc faciat, sive non.

Iniuria, seu iniustitia, quia est voluntaria alieni iuris læsio, seu violatio plane hæc fieri nequit volenti & consentienti iuxta regulam 27. iuris in 6. *volenti, & consentienti non fit iniuria*, dummodo tamen consensus nullo modo sit involuntarius, idest nequidem secundum quid, ut heret si consensiens indueretur ad consensum ex dolo, vi vel metu iniuste incusso, quia talis moraliter non cedit iuri suo saltem sufficienter ad tollendam iniuriam. Etenim vera cessio iuris ad iniuriam tollendam debet esse omnino voluntaria, nempe ex voluntate libera ab omni iniusta coactione, & deceptione. Idcirco qui dat pecuniam latroni ad vitam

D 4 *ferre*

servandam, tamen eam dare velit, patitur infirmitatem, quia non consentit in illam dationem nisi per iniustitiam vim. Idem dicitur de eo, qui per ignorantiam consentit, & solvit nulle putans se ea debere, cum debeat tantum conscientia. Nam non vult dare, nisi quod, & quantum debet. Unde ambo patiuntur iniuriam, quia unus ex vi, alter ignorans dat quod alias sponte non daret. Fit pariter iniuria consentienti, audiendo consensus ut moraliter nullus; ita fit iniuria solvendi usuras, pretium iusto maius pro mercede &c. Quia cum dans ista solummodo dare velit tanquam pretium iuste debitum, consensus in illam dationem nullus est, utpote de re impossibili. Impossibile enim est pretium pro nullo, dum mutuum essentialiter est gratuitum, & pretium maius pro mercede, quia hoc essentialiter est quid meriti æquale, unde excessus pretii non est pretium.

Quoad iura autem abdicabilia consentienti omnino voluntarie nulla profecto fit iniuria, si consentiens his expolietur iuxta cit. regulam iuris in 6, quia eo ipso quod sponte consentit, hinc iuribus efficaciter cedit, ideoque actio non est contra ius, sed secundum ius alteri concessum, ac proinde nulla iuris violatio, nulla iniuria. Fit quidem vera iniuria, si alicui licet consentienti iura prædicentur quæ sunt inabdicabilia, & hoc patet ex cap. 36. de sentent. excommunicat. ubi Innocentius III. ostendit non servari ab excommunicatione, qui clericum etiam volentem percutit; quia canon hanc violentiam actionem in clericum, & monachum vetans constitutus est non tam in favorem cuiuslibet singularis personæ, quam in gratiam totius clericalis ordinis; unde illi iuri, ac privilegio clericus cedere non potest; ideoque inlicita est eius consensus ad tollendum ius quod habet, ne actio illa fiat. Licet tamen dei posset percutientem in tali casu magis esse iniuriolum in totum clericalem ordinem, quam in clericum percussioni assentientem. Et hoc confirmat censura lata ab Innocentio XI. contra propositionem, quæ numero est 30. *Copula cum coniugata consentiente marito non est adulterium; adeoque sufficit dicere in confessione quod fornicavit; quia ius mariti est inabdicabile, eo quod ius copulæ ex natura matrimonii sit essentialiter affixum coniugibus, & consensus mariti ad summum remittit iniuriæ reparationem.*

Obiectum vero iniustitiæ, seu id circa quod iniustitia versatur, est oppositum ob-

iecto iustitiæ. Oppositum oppositæ sunt rationes; ideoque sicuti iustitia versatur circa ius alterius, ut ipsi ad æqualitatem reddatur, ita iniustitia versatur circa iniuriam seu damnum, quo ius alterius violatur, ideoque iniustitia est iuris alieni violatio. Hinc differt iniuria ab offensa, quia iniuria est contra ius, offensa autem sæpe incurritur etiam sine iuris læsione: ut si quis denegat alteri officium, quod facie præstare potest.

Cum igitur iniustitia sit iuris alieni violatio, quæ præcipue iustitiæ commutativæ adversari videatur, utpote quæ habeat pro obiecto ius strictè dictum, cuius violatio constituit debitum strictè tale, quod dicitur legale, ac obligationem affert restitutionis ad æqualitatem, quia etiam iustitia distributiva iundat, ac supponit suum ius in distributionum subiectis, cuius iuris violatio plane si non tantam, quantam commutativa, suam tamen iniuriam parit: hinc priusquam exponantur obligationes, quas imponit iniustitia commutativa, breviter exponere censui debita quoque, quæ exurgunt ex iniustitia distributiva, expendendo quomodo iura, quæ ex iustitia distributiva oriuntur, violari queant, quæ culpa talis iniustitiæ violatio, & quod debitum patiat.

§. II.

De iniustitia, seu iniuria contra iustitiam distributivam, sive de acceptione personarum, quæ est culpa iustitiæ distributivæ opposita.

Licet iustitia distributiva secundum strictam iustitiæ rationem non sit iustitia rigore sumpta, dum officia, ac bona communia iustitiæ distributivæ non semper saltem sunt stricto iure debita, quod præcipue, ac principaliter respicit iustitia, utpote quæ tota sit ut quod alteri debetur, eidem complete, seu ad æqualitatem reddatur, ac proinde violatio iustitiæ distributivæ non ita facile asserat obligationem restitutionis, nisi cum eidem commutativa, ut sæpe contingit, iungatur: nihilominus tamen quia distributio quoque Reipublicæ munerum, & officiorum æquitatem exigit, & proportionem, seu æqualitatem, si non arithmeticam, saltem geometricam, quod ad iustitiam plane spectat; hinc iustitia distributiva quoque est iustitia quæ ideoque a Philosophis consideratur, & statuitur, ut alterum virtutis iustitiæ membrum, ac proinde iustitiam principaliter distinguunt in commutativam, &

distributam, quæ posterior relidet in Principe, & Magistratibus, quorum est munera & officia Reipublicæ distribuere. Verum quia iustitia distributiva non versatur circa rem & rem, unam cum altera conferendo, sed inter personarum merita & dignitatem, merita & dignitatem unius cum meritis, & dignitate alterius prout comparando: hinc violatio huius iustitiæ fit per personarum acceptionem, nempe quando in bonorum communium distributione non attenditur causa, seu titulus cur aliquis plus minime recipere debeat, sed ipsius personæ conditio, nihil ad prædictam distributionem faciens; ut si Princeps, aut Prælati onus dignioribus conferat minus dignis officia Reipublicæ, vel Ecclesiæ beneficia, quia sunt consanguinei, aut amici, vel in gratiam alicuius consanguinei, amici, vel Magnatis. Num vero, & quando talis iniustitia, seu personæ acceptio peccatum sit, & quando possit restitutionis obligationem asserere, ut facilius deprehendatur,

Advertendum ad peccatum acceptionis personæ duo requiri, 1. ut officiorum, munerum, beneficiorumque distributor teneatur ex iustitia vel erga Rempublicam, vel erga subditos distribuere, quia bona quæ distribuit, non sua sunt, sed Reipublicæ, idest communia; & huiusmodi aliquo modo fieri possunt bona distribuenda etiam ex destinatione eius, qui illa distribuit, ut si quis ludos institueret propositis præmiis, tunc certe ex iustitia præmia victoribus essent distribuenda. 2. Ut in distribuendo spectetur aliqua personæ conditio nihil ad distributionem faciens, & quæ non reddat eum, cui beneficium, vel officium datur, digniorem Ecclesiæ vel Reipublicæ utiliore; vel in provocatione ludorum non fuerit victrix. Quare in Deum non potest cadere acceptio personarum, licet ex duobus æqualiter dispositis, imo indigniori conferat maiora gratiæ auxilia, 1. quia nemini quidquam debet, 2. quia semper habet iustissimam causam cur alteri unum præferat, ut gratiam suam magis commendet, 3. quia præferendo indignum facit illum digniorem: maior enim, vel minor bonitas provenit ex maiori, vel minori gratia.

Distributiones vero, in quibus præcipue locum habere potest personarum acceptio sunt distributiones, 1. onerum, seu impositionum Reipublicæ, 2. eiusdem officiorum, 3. iurium, 4. beneficiorum ecclesiasticorum, 5. in honoris exhibitione.

1. In distributionibus onerum Reipublicæ

committi potest personarum acceptio; & hoc fit, quando illa quæ æquali proportionem, idest iuxta cuiusque fortunarum conditionem imponenda sunt, plus nempe minusve, quatenus plus, aut minus, vel æqualiter gravandi possent bonis fortunæ, plus unus quam alter æqualis, aut inferioris commodi gravetur, ut alteri, quia ei amicus, consanguineus, familiaris leviora contingant. Quisque enim ius habet ne plus æqui ipsi gravamina imponantur, quod necessario plane continget, quando non servetur æquitatis proportio viribus cuiusque æqua lance librat. Et huiusmodi personarum acceptio si fiat cum gravi detrimento eorum quibus plus æquo onera imponuntur, est mortalis cum debito restitutionis illatum damnum compensando.

Nota 1. onera & tributa imponi possunt suis subditis a Principibus omnibus, qui Superiorem non agnoscunt, ut Imperator, Reges omnes, quædam Reipublicæ, ac cæteri huiusmodi; omnes illi qui feuda ab his accipere cum facultate imponendi tributa ad terminos concessionis, ut Duces, Marchiones, alique Principes, qui vel ut dicebam facultatem a supremo Principe recipere, vel ex legitima consuetudine tale ius præscribere. Item omnes Communitates pro necessariis expensis in Communitate, puta ad restaurandos muros, pontes &c. dummodo tamen aut omnes, aut maior pars conveniat. Sic Papa per totam Ecclesiæ, per totam Diocesium Episcopus, si id opus sit pro spirituali bono Ecclesiæ, v. g. ad reparandas Ecclesias, ad ministros alendos.

Nota 2. nomine subditi, cui onera imponi possunt, censentur non solum ii, qui domicilium in ditione tenent, sed illi etiam, qui intra eiusdem confinia bona possident, vel contractus ineunt, vel illic pertransiunt, cum tributum imponi queat ratione domicilii, possessionis, contractus, & transitus.

Nota 3. ut tributa iuste imponi queant, multa concurrere debent, 1. nempe causa sufficiens, idest publica necessitas, quæ semper talis est quando agatur de publico bono, puta pro reparandis mœnibus, & urbibus, pro retributione tribuenda Legatis a Principe, iudicibus ad lites, aliæve subditorum controversias dirimendas, Gubernatoribus in urbibus, designatis ducibus belli, militiæ ad defensionem status contra hostium aggressiones, pro honorifica ipsius Principis sustentatione. 2. Debita proportio, videlicet iuxta subditorum vires, idest facultates, alique commoda utilia quæ possident. Et huiusmodi tri-

Qui onera & tributa subditis imponere possunt.

Acceptio personarum quando culpabilis.

tributa, seu gravamina secundum communem gravissimorum auctorum imponi possunt etiam super necessaria ad usum familiarē, quia iam communiter in ditionibus omnibus huiusmodi consuetudo invaluit, nec exinde plus gravantur divites quam pauperes, utpote qui plus quam divites indigeant plurā horum emere & vendere ad suam sustentationem, dum divites fere omnia ad vitium necessaria ex suis prædiis colligunt: nam si ex una parte plus pauperes incommodum ex gravaminibus patiuntur quam divites, ex alia divites plus onerantur obtributa pro immobilibus, quæ possident, ipsis imposita, & sic in aliis quæ eorum victui ac vestitui sunt necessaria; præter quam quod sine talibus gravaminibus quæ pauperibus non nisi leviter sunt incommoda, non alio modo provideri posset Reipublicæ necessitati, cui quælibet privata necessitas cedere debet. Si vero absque illa publica necessitate gravarent Principes suos subditos, proculdubio lethalius peccarent, & restitutioni essent obnoxii, utpote qui violenter iustitiam distributivam in casu, in quo hæc ad commutativam transit, qui transiit in hoc consistit, quod ex violatione iustitiæ distributivæ in imponendis tributis indebite, subditos bonis suis indebite spoliant, quod utique est contra iustitiam commutativam.

Acceptio
personarum
in
distrib.
bonendis
officiis
Reipublicæ.

2. Occurrere potest personarum acceptio in distributione officiorum Reipublicæ, si magis aptis, ac Reipublicæ utilibus non distribuuntur, quia bona illa, vel officia non sunt distribuentium propria tanquam in privatos eorum usus destinata, sed sunt Reipublicæ, Regum, aut Principum, in quos Reipublica ius suum transiit; sed ita ut semper maneat per se ordinata in communem Reipublicæ, eisque civium utilitatem. Igitur distribuenda sunt magis idoneis; alioquin nec queritur bonum Reipublicæ, neque servatur fidelitas, qua cuiusmodi distributores obstricti sunt erga Rempublicam.

Bona
Reipublicæ
dupli-
cis gene-
ris.

Nota bona Reipublicæ duplicis esse generis; quædam directæ, & immediate ordinata in bonum civium, ut proventus alicuius civitatis, & Communitatis ad hoc legati, ut in solis singulis civibus distribuuntur secundum proportionem indigentię, meritorum, vel dignitatis unicuique; alia directæ, & immediate insinuatæ sunt in bonum Communitatis, ut officia publica, & stipendia his adnexa. Priora debita sunt ex iustitia commutativa iis, quibus sunt distribuenda; præterea male distribuens plus uni quam alteri sine iusta causa conferendo tenetur ad re-

stitutionem. Quæ sunt posterioris generis non debentur huic vel illi licet digniori ex iustitia commutativa, sed solum distributiva, ac ideo male distribuens peccat quidem, si sint officia magni momenti, sed non tenetur ad restitutionem iis, quos prætermittit faciendam; tenetur tamen refarcire mala Reipublicæ, si eidem aliqua damna proveniant. Quia in re magna facit contra fidelitatem Reipublicæ debitam, cum agat contra iustitiam etiam commutativam, dum lege iustitiæ procurare tenetur bonum Reipublicæ, eique quantum fieri potest providere de bonis Ministris. Quando Reipublica damnum aliquod patiatur, quia minus habeat quam debeat habere, causa huius incommodi est malus distributor; hinc qui præficiunt receptores maligne solventes, ac munera extorquentes, qui prætores, aut Balivos plus æquo exigentes, damnum passis restituere tenentur. Cuiusmodi autem hi ministri esse debeant, brevier indicat lethro dicens Exodi 18. Moysi, *ut provideas viros potentes*, hoc est strenuos, ac magnanimos, qui Magnatum vultum non timeant, nec personas in iudicio accipiant: *Noli querere fieri iudex*, ait Sapiens Ecclesiasti. 7. 6. *nisi valeas virtute irrumpere iniquitatem, ne forte extimescas faciem potentis, & ponas scandalum in iniquitate tua, & timeas Deum*, ait lethro, *in quibus sit veritas*, non solum vitæ, & doctrinæ sed etiam iustitiæ, & qui odere avaritiam, non studentes scilicet opibus cumulandis, nec munera accipientes. Requirit etiam ut sint sapientes, indultri, seu prudentes, Deuteronomii 1. *Date ex vobis viros sapientes, & gnaros, & quorum conversatio sit probata, ut ponam eos vobis principes*.

Acceptio
personarum
in
distrib.
bonis
quibus
Reipublicæ.

3. Acceptio personarum locum habere potest in distributionibus iuris, nempe in iudicio ferendo, ut Proverb. 18. *accipere personam impii non est bonum ut declines a veritate iudicii*, & ibidem 28. *Qui cognoscit in iudicio faciem, non bene facit; iste pro bucella panis deserit veritatem*. Hoc vero contingit, si iudex in iudicio ferendo dignitatem potius personæ, quam merita causæ respiciat, ita ut favorabilius iudicet pro prima quam pro secunda, quorum exigentia debetur, vel hoc faciat propter aliquem humanum affectum, amoris, vel similis.

Circa ea vero, quæ relicta sunt arbitrio iudicis supponendum hæc duplicis esse generis. Quædam relinquuntur in solum ipsius Communitatis favorem, puta quando aliquando possit audire, aut non audire causas in

die

die festo; alia in favorem litigantium, ut causæ ipsorum veritas magis appareat, ut tunc vel tempus probationis, vel alios iuris terminos prorogare. In primis non contingit vitium acceptionis personarum, licet iudex uni concedat, non alteri, modo neutri desit in necessariis; quia in iis quæ sunt in eius favorem, cedere potest iuri suo, & licite alteri concedere; dummodo scandalum non oriatur, & nulli ex hoc præiudicium infatur. In iis autem, quæ sunt secundi generis peccat iudex vitio acceptionis personarum, si concedat uni quod alteri negat, nisi rationabilis causa id exigat, quia non servat æqualitatem partibus debitam. Lex enim talia committit arbitrio iudicis, non in ipsius, sed in litigantium favorem, quatenus merita causæ videbunt postulare. Igitur quando uni concedit non secundum merita causæ, sed intuitu amicitie, vel alia simili indebita causa, quod alteri negat, committit acceptionem personarum.

Ut hoc effugere possit iudex dum opiniones contrariæ sunt æque probabiles, debet in hoc casu, sive agatur de facto, sive de iure parem utrique parti se exhibere, & pronunciare quod res, seu eius pretium ex æquo dividatur inter partes, cum ipse sit constitutus ad dicendum ius, quod in proposito utrique parti est æquale. Hinc Navarrus in cap. si quis autem de penitent. dist. 7. n. 130. & 134. docet non posse in hoc casu ius dici pro amico, & ei consentire Banneus ad prælationem articuli, quia iudex, qui tunc videtur liber, non est liber cum præiudicio alterius. Unde sicuti non est liber, ut neutri litigantium adiudicet rem, de qua agitur, sic non est liber, ut totum uni adiudicet, cui ei placuerit, sed utrique, ut ex æquo dividatur, aut partes amicabiliter componantur.

Quando vero una est probabilior altera, certe in civilibus sequi debet probabilior, nisi forte questio sit iuris, & altera opinio sit communior, magisque recepta in praxi, cum iudicare debeat secundum merita causæ: maiora autem sunt pro eo, pro quo facit opinio probabilior, aut aliquin communior, & magis recepta. Iniquum videtur non iudicare pro illo, qui melius probat, sicuti qui offendit partem quam tueretur esse probabilior, aut aliquin communior magisque receptam. Dixi in causis civilibus, quia in criminalibus potest iudex, imo debet sequi minus probabilem reum absolviendo iuxta regulam iuris in 6. Cum enim sunt partium iura obicere,

reo est potius succedendum, quam auctori. Ita Sylvius.

4. Personarum acceptio contingere potest in Beneficiorum ecclesiasticorum collatione, nec non in iis, qui ad illa eligunt, & præsentant, quando ex æstimatione, vel affectione erga personam, puta quia potens sit, dives, consanguinea, amica, vel literis commendatitiis munita, minus dignus in electione, collatione, præsentatione digniori præferatur. Huiusmodi personarum acceptiones ordinarie, & ut plurimum sunt mortale peccatum, imo sine ulla controversia semper mortale, si agatur de Beneficio, cui cura animarum incumbit, ut ex Concil. Trid. sess. 24. cap. 18. de reformat. ubi advertit Concilium, ut sine humano respectu, & affectu, sed gloria tantummodo Dei, populorum utilitas, meritorum exigentia præficientorum Ecclesiæ Parochiales de pastore provideantur. Quod decretum verbis tam claris conceptum ne quis suis explicationibus obscurare posset, ac depravare, obstitit, ac cavet S. Pius V. sua Constitut. quæ est 33. in qua sic habetur: *Ut non solum dignis, sed etiam magis idoneis reperitis iuxta Concilii Trident. decretum Parochiales Ecclesiæ conferantur, volumus, & eadem auctoritate decernimus, quod si Episcopus minus habilem possibilibus magis idoneis elegerit, possint ii, qui relictii fuerint, a mala electione huiusmodi ad Metropolitanum appellare.*

Dixi de Beneficiis generatim loquendo ordinarie, & ut plurimum est mortale, quia datur aliqui casus quando Beneficia non curata etiam sine mortali peccato conferri possunt minus digno, ut v. g. si opus sit ministrare alimenta pastori infirmo, & minus idoneo ad officia pastoralia obeunda, ideoque ab animarum cura removendo. Pariter si alicuius Sacerdotis, vel Clerici indigentia aliter subveniri nequeat, nisi ei conferendo Beneficium simplex, quia ex huiusmodi dispositione Ecclesia commodum percipit, ac exinde digna potius est ut commendetur talis provisto, quam reproberetur, nec non videtur dari etiam aliqua exceptio, ut alias cum graviorum sententia dictum fuit quoad beneficium iurispatronatus, in quorum collatione non tanto rigore observanda est, lex de digniori respectu eligentis, præsentantis, & conferentis. His tamen exclusis casibus, erit mortale si aliter fiat; quia si patroni, alique ordinarie non curent digniores præferre, deficerent in re magni momenti contra intentionem fundatorum, & fidelitatem, cui tenentur erga Ecclesiam.

Et

Acceptio Personarum in dist. buendis Beneficiis Ecclesiæ.

Et enim magni refert ad Christianam Religionem decus, ut officia quam decentissime ac devotissime celebrentur. Quapropter Canonici præsertim Cathedralium Ecclesiarum doctrina & pietate præfulgeant, ut cooperatores Episcopi esse valeant, ac merito Ecclesie seorsus vocentur, sicuti notant Patres Trid. Concilii *sess. 24. cap. 12.* ubi peroptat Concilium, ut dimidia pars saltem Canonizarum Cathedralium, & insignium Collegiarum conferantur tantum Magistris, & Doctoribus, aut etiam Licentiatis in sacra Theologia facultate, vel in iure Canonico. Porro huiusmodi bonum ita Ecclesie necessarium, tamque expetendum nunquam consequi poterit Ecclesia nisi quovis humano favore, ac carnali affectu deposito digniores omnino præferantur. Quare non difficile erit deprehendere, eos, qui postpositis dignioribus eligunt minus dignos, teneri ad restitutionem, quia sunt causa damni quod Ecclesia ex eo patitur, eo quod non habeat beneficiarium dignissimum quem poterat habere. Beneficia enim sunt instituta propter Ecclesie utilitatem, ut D. Th. *quæst. 85. art. 3. in corpore.* Igitur dispensatores tenentur ea dispensare in Ecclesie utilitatem; & si aliter fecerint, ac Ecclesia damnum inde patiatur, &c. tenentur compensare & utpote qui gesserunt etiam contra iustitiam commutativam.

Nam vero restitutio faciendi sit digniori, controversatur a Theologis, & secundum Navarum *cap. 17. num. 13.* probabilis non debet fieri, quia dispensator circa digniores peccat solummodo contra iustitiam distributivam, cuius violatio non inducit onus restituendi, cum ex illa stricto iure non debeantur eis, quibus faciendi esset distributio, sed solummodo, quia in ipsis inventiatur maior aptitudo, & proportio. Beneficia enim non debentur dignioribus tanquam res præiæ, ac primo propter ipsos, & per se instituta, sed tanquam bona communia, & non illorum, sed ordinata in communem utilitatem. Hoc tamen intelligendum est de Beneficiis quibus cura animarum non est annexa, & speciatim de iis, quorum provilio non fit per concursum; quia in Beneficiis curæ quorum collatio fit per concursum aliter sentiunt Doctores, ut suo loco, ubi de Beneficiis iam notavimus. Nam provocatio, quæ fit a Prælato invitando ad concursum est quidam inordinatus contractus, idest do ut des, quem init Prælati cum clericis concurrentibus continens implicitum pactum dandi Beneficium ei, qui in examine dignior

apparuerit. Unde quando cæteris paribus talis sit etiam respective ad prudentiam, & pietatem, dignior acquirit erga Beneficium ius strictum iustitiæ commutativæ, quod est ius ad rem erga Beneficium, ut ipsi sit conferendum. Igitur si Prælati in conferendo tale beneficium, huic digniori dignum præferat, peccat mortaliter, & tenetur ad restitutionem, quia violat iustitiam commutativam. Sic communiter Doctores.

5. In exhibitione tandem honoris, ac reverentiae adesse potest acceptio personarum, ut si quis in publico consensu non assignet locum cui ratione gradus est debitus: & hic supponendum cum D. Thoma honorem quoddam testimonium esse de virtute eius, qui honoratur, ut quis possit honorari non solum propter virtutem propriam, sed etiam alterius, ut Principes, & Superiores, qui quamvis pravi, honorandi sunt propter personam quam gerunt Dei, & Communitatis, cui præstintur. Qua ratione honorandi sunt etiam parentes, & domini propter participationem dignitatis Dei, qui omnium pater est, & dominus. Ita atque proventus propter signum virtutis, quod est senectus, sive quia in agnem Dei gerunt, tum ipso ævo, tum prudentia, quam eis attulit longus usus, tum denique cura quam gerunt minorum, sive quia maiorem locum in Communitate obtinent. Quare cum sola virtus sit honoranda, vel propria, vel personæ, cuius vices gerunt, vel similitudinem, si quis ob nullam similem causam honoratur, sed tantum ob aliquod, quod non facit honore dignum, idest solo divitiarum intuitu, quod vitium est in epistola Catholica D. Iacobi *cap. 2.* peccatum est acceptio personarum mortale, & multo magis si fiat cum notabili contemptu alicuius, quibus honor diviti exhibitus magis debetur; vel si eo tantum nomine, quia quis est dives, ad sacri ministerii gradus Ecclesiasticos, vel ad secularia officia, quæ pauperibus multum in idoneitate excellentibus deberentur, assumatur. Veniale vero, si quoad consensum, & salutationes quotidianas dives honoretur præ paupere, atque ita humano affectu respectus quidam habeatur ad divitias. Si vero hoc fiat, quia divites ob eorum divitias in locis & Communitatibus locum obtineant altiorum, & ex divitiis facultatem habeant multa agendi, quam alii non habent, honor hoc intuitu, qui ad civilem convictum pertinet, sine peccato maior quam alii, eis exhiberi potest, & sic advertit etiam S. Iohannes Chrysostomus, nempe non ex vitio acceptio personarum.

Acceptio personarum in exhibitione honoris ac reverentia.

sonum, sed ex mera charitate divitem a-
liquando præferri pauperibus, quia fragilior
est, minuique fert alios sibi præferri, quam
pauperes. Igitur si quis eo motivo ne scan-
daliæz divitem prius illum aloquatur quam
pauperem, concludit Habertus, exercebit
actum charitatis, & comparandus est medi-
co sapientissimo, qui primo loco subvenit iis
æris quos sine magno eorum incommodo
disserere non potest.

§. III.

De venditione officiorum publicorum.

S. Thomas Opusculo de *regim. iudicis* in
tali proposito sic respondet Ducissæ Braban-
tiæ: Cum Balivis & Officialibus vestris nihil
committatur nisi temporale officium potestatis,
non video quare huiusmodi officia vendere vo-
bis non liceat, dummodò talibus vendantur, de
quibus possit præsumi quod sint utiles ad ta-
lia officia exercenda, & non tanto pretio ven-
dantur officia, quod recuperari non possint sine
gravamine vestrorum subditorum: sed ta-
men talis venditio expeditis nominetur, quia
contingit frequenter, quod illi, qui essent ma-
gis idonei ad huiusmodi officia exercenda,
sint pauperes, & emere non possint, & si sint
divites, illi qui meliores sunt, talia officia
non ambiunt, nec inhiunt ad lucra ex officio
acquirenda. Quare tametsi absolute licitum
sit vendere secularia officia, quia sunt res
mere humanæ, & pretio æstimabiles, ut
tamen licite vendi possint, hæc requiruntur
conditiones. 1. ut vendens habeat auctorita-
tem vendendi. 2. Ut quantum fieri potest,
igniori vendantur. 3. Ut talis venditio fiat
pretio moderato. 4. Ut vendere hæc officia
censeatur necessarium, vel utile bono publi-
co, cum hæc officia non sint bona propria
Superioris, sed Republicæ communia, quo-
rum administrationem ei commisit, quia caus-
sa publicæ utilitatis præsidet.

CAPUT II.

De Restitutione.

Quia iniustitiæ indoles propius habet sar-
tata, servare alterius iura, ac iniu-
rias, quæ iuri alterius fieri contingat, ad
æqualitatem reparare, quod fit per commuta-
tivam, cuius obiectum, ut vidimus, est stri-
ctum alterius ius ab iniuriis illæsum servare,
& læsum in pristinum statum reducere, quod
in morali disciplina non levis est momenti;
hinc ea quæ ad strictam iniusticiam pertinent,

resumere volentes quæ ad restitutionem per-
tinent discutere aggredimur. Et ut omnia,
aut saltem præcipua, quæ hanc restitutionem
respicunt, facilius intelligantur, & intel-
lecta serventur, explicandum erit 1. quid sit
restitutio, 2. an sit necessaria, 3. unde na-
scatur eius obligatio, 4. quænam ad eam
culpa requiratur, 5. quænam ad eam tenean-
tur, 6. quo ordine, cui, quantum, & quan-
do facienda sit restitutio, seu, ut aiunt, quæ
sint iustitiæ affectiones. 7. quæ causæ tan-
dem exculant ab onere restitutionis.

§. I.

De nomine, & essentia restitutionis.

Restitutio, seu reparatio iniuriæ, hoc est
reintegratio iuris, quod per iniuriam læsum
fuit, si ad vim nominis attendatur iuxta
Sylvium, nihil aliud est quam rei in priti-
num statum statuto, seu reductio alicuius
iterato in possessionem, vel dominium rei
sux, ita etiam communiter. At cum quæ-
dam sint bona, in quæ hono, qui ea deper-
dit, iterum statui nequeat, ut vita, mem-
bra abscissa, ideo restitutionis nomen usur-
patur a Theologis, iurisque consultis pro
qualibet compensatione, sive fiat rem eam-
dem restituendo, ut si reddatur alicui pec-
unia ipsa, quæ furto ei fuit ablata, sive
per aliud æquivalens, aut per aliquam com-
pensationem, ut cum familiaræ, cui hominem
aliquis occiderit, aliquid ei reddit quo da-
mnum ex tali occasione ei resultans utcum-
que compeniet.

Defini-
tio Resti-
tutionis.

Restitutio definiri potest *reditio rei alie-
ne in se, sive in æquivalenti, vel damni il-
lati compensatio debita ex iniustitia ad æqua-
litatem, vel actus iniustitiæ commutativæ, quo
vel suum domino redditur, vel damnum il-
latum reparatur; quia per illam dominus in-
demnis redditur in rebus suis, ad quod incli-
nat iniustitia, quæ est virtus tribuens cuique
quod suum est. Dicitur commutativæ, quia
versatur circa æqualitatem rei ad rem,
idest constituit restitutio æqualitatem rei ad
rem inter datum, & acceptum, inter ius per-
sonæ, & rem quæ illi personæ redditur; ita
ut tantum reddatur, aut reparatur, quan-
tum ablatum fuit, & damnicatum. Idcir-
co etiam contingere potest quod in resti-
tuendo proportio servetur geometrica, ut
si quis bona Communitati subrepta eidem
restituatur uni dando præ alio quantum iuris
hæc præ altero tenet. Dicitur quod suum est,
quia restitutio, uti iam diximus, fit rei de-
bitæ, sive tamen res debita sit ex iniuria,
fur-*

Conditio-
nes requi-
sita ad
vendenda
officia pu-
blica.

furto, rapina, sive alio titulo, puta commodati, depositi, &c. Dicitur in definitione restitutionem faciendam esse *in se, vel in æquivalenti*, idest vel reddendo illud ipsum, quod fuit ablatum, vel in æquivalenti, quod præcipue contingit in rebus quæ usu consumuntur. Sic qui pecuniam subreptit, vel commodato accepit, sufficit ut restituatur pecunia valoris eidem æquivalentis.

Restitutio differt a simplici satisfactione.

Quia tamen ad faciendam restitutionem in æquivalenti, attendendum est num in rei alterius detentione, ille, cui detenta fuit, passus sit lucrum cessans, vel damnum emergens, quod ad integram, seu æquivalentem restitutionem plane compensandum est: hinc restitutio differt a satisfactione sive late, sive stricte sumpta, quia satisfactio late accepta est quid generalius, & includit tum restitutionem, tum quamlibet reparationem, & pænæ peremptionem pro offensa alteri illata: stricte autem est in honorariis, ac contumeliæ illatæ reparatio, & ita ad personam pertinet; unde satisfactio eo maior esse debet, quo dignior est persona offensa. Restitutio vero est rei alienæ redditio, vel damni compensatio, vel debiti solutio. Et restitutio nec supponit iniuriam, ut patet in redditione mutui, & depositi, nec respicit personam, sed rem; ideoque maior esse non debet restitutio, quæ sit nobiliori quam plebeio.

Ne a solutione.

Restitutio insuper rigore loquendo differt a solutione, 1. quia solutio semper fit in re diversa ab ea, pro qua solvitur; & restitutio potest etiam esse eiusdem rei. 2. Solvi dicitur quod debetur ex voto, & iuramento, non dicitur vero restitui; cum etiam depositum, & commodatum dicatur restitui, non solvi. Tandem solutio fit ex proprio solventis; restitutio vero ex proprio recipientis, quia ille, cui fit solutio, aut solutionem non erat dominus rei solventis, bene quidem ille, cui fit restitutio, saltem ubi restituitur res in sua specie. Ex quo fit usu consumptibilia in rigore non restitui, sed solvi. Cum tamen eadem sit ratio, & regula tam pro restitutione quam pro satisfactione late sumpta, reparatione famæ, honoris, aliorumque bonorum, & etiam pro solutione debiti stricte sumpti, hinc quæ dicuntur de restitutione, applicari possunt etiam satisfactioni, & solutioni. Dicitur *vel damnum illatum reparatur*, quia cum non tantum violetur iustitia in auferendo, sed etiam alienum detrimentum quoquo modo afficiendo, vult æquitas, ut proximus compensetur non minus in illius damnificatio-

ne, quam in ablatione, ac retentione eiusdem bonorum.

Collige ex dictis ex violatione charitatis, religionis, alteriusve virtutis nunquam oriri obligationem restitutionis, quia cum restitutio sit actus iustitiæ, necessario supponit huiusce virtutis violationem. Hinc qui negligit succurrere indigenti, ad quod non tenebatur ex iustitia; sed ex charitate, non est obnoxius debito restitutionis.

S. II.

De necessitate restitutionis.

Restitutio vel in re, vel in voto est omnino necessaria ad salutem, necessitate non quidem mediæ, sed præcepti naturalis divini, ecclesiastici, & civilis. Necessarium enim necessitate mediæ illud est, sine quo salus æterna obtineri nequit, ut Baptismus in parvulis, Pœnitentia in lapsis, &c. Potest quidem obtineri sine eo, quod necessarium tantum est necessitate præcepti, ut si inculpabiliter omittatur Continentio, Eucharistia. Sic ignorans invincibiliter esse obligatum restitutioni, vel ad illam factus sit impotens, salvari potest. Necessaria est plane restitutio necessitate præcepti, utpote quæ variis in locis divinarum Scripturarum præcipiatur, ut præceptum naturalis iuris & divini, & præcipue Roman. 13. *Reddite omnino quæ debita*; & Iacobi 5. v. 4. Et hoc etiam inculcatur in Reg. 4. Iuris can. in 6. cui pluribus in locis concordat ius civile: *non remittitur peccatum, nisi restituatur ablatum*. Dixi *in voto*, quia licet possit excusare impotentia, vel iusta causa differendi ab actuali restitutione, tamen necesse est ut habeatur firma voluntas restituendi statim ac possumus, quia ut ait Aug. ep. 54. & refertur in cap. si res 14. q. 6. ibi: *si res aliena, propter quam peccatum est, cum reddi possit, non redditur, non agitur pœnitentia, sed fingitur*, quia qui non restituit, dum potest, nec rationabilem causam habeat differendi, voluntarie lædit, & iniuriam facit proximo, quia violat ius, quod ille tenet, ut rem illam nunc possideat, ac proinde eum privat possessione. & usu rei sibi debitæ, quod lege naturali prohibetur, præsertim illo generali præcepto, *quod tibi non vis, alteri ne feceris*. Et regula hæc valet live res debita sit ex iniuria, live ex inflo contractu, cum in utroque casu eadem currat ratio, & creditor suum ius habet rem sibi ex contractu debitam possidendi. Hic non afferuntur iuris civilis statuta, ne

Restitutio necessaria, non necessitate mediæ, sed præcepti.

res plusquam par sit in longum protrahatur, maxime quia facile supponi possunt, cum totum corpus huius iuris in eo versetur, ut cuilibet ius suum servetur indemne, & si quovis modo violatum fuerit, per compensationem in pristinum statum restituatur. Et revera omisso restitutionis est virtualiter perpetuum furtum, quia est continuata ablatio rei alienæ. Quare si fur salvari nequit, ita nec ille, qui rem alienam non restituit.

Præceptum restitutionis est etiam negativum.

Præceptum autem restituendi iuxta ait D. Th. 9. 62. art. 8. ad 1. *Quamvis secundum formam, sit affirmativum, implicat tamen in se negativum præceptum, quo prohibemur rem alienam detinere.* Ratio autem huius negativæ præcepti est in præcepto restitutionis: nam primario vetat ne res aliena detineatur, vel alteri debita invito rationabiliter domino, tum deinde ex consequenti præcipit ut ideo restituamus. Unde hoc præceptum obligat semper & pro semper, nam semper illicitum est rem alienam domino rationabiliter invito retinere. Et equidem cum furtum sit contra præceptum negativum, non furtum facit, & omisso restitutionis virtualiter sit continuata rei alienæ acceptio invito rationabiliter domino, & ideo continuum furtum, nemo non videt præceptum non furandi, & præceptum restituendi unum idemque esse. Hinc Concilium Later. 4. cap. 69. ita habet: *Non multum interesse præsertim quoad periculum anime detinere iniuste, ac invadere alienum.* Et Concilium Trid. sess. 25. cap. 12. ait: qui decimas non solvunt, res alienas invadere dicuntur. Peccat idcirco mortaliter, qui notabili tempore restitutionem, vel debitam solutionem negligit, imo etiam brevi tempore, cum exinde grave damnum Creditor patiat, eo quod tunc graviter alienum ius violatur, nec excusatur qui ita agit a sua culpa, quod suis hæredibus obligationem reliquerit restituendi, utpote qui nunc talem ipse habeat obligationem, ac ideo per seipsum hanc adimplere tenetur. Imo cum ut plurimum hæredes soleant non restituere, grave imminet periculum. Quod si forsitan nunc restituere nequeat, debet tamen habere saltem implicitam voluntatem restituendi, cum primum facultatem habuerit, ad quam comparandam morali sollicitudine niti debet. Nam qui tenetur ad finem, ad media pariter ad eum necessaria tenetur, & qui totum restituere non valet quod debet, saltem debet restituere partem, quam potest, ac solvere, cum circa illam partem nulla exagratio eum salvet.

Dices præceptum negativum cum obliget semper, & pro semper obligat ad statim, sed præceptum restituendi ad statim non obligat, cum si quis media nocte recordetur rem alienam se habere illico surgere non tenetur ad restituendum ergo &c. Resp. negando min. nam præceptum restituendi tametsi quoad ædualem executionem non obliget statim quoad omnes circumstantias temporis præcipue, & loci, ut in allato casu de eo qui media nocte recordatur se rem alterius retinere quando surgere non teneretur tali tempore ad restitutionem cum tanto incommodo, & suo, & illius, cui restitutio esset facienda, obligat tamen statim quoad animi præparationem, nempe qui rem alienam retinet debet habere animum quamprimum fieri potest eiusdem rei restituendæ. Illud enim statim non intelligitur mathematicè, quasi consistat in indivisibili, sed moraliter, & civiliter, nempe quamprimum commode fieri potest, cum alias dominus censeri non possit invitatus si per levem moram ei differatur restitutio.

Hinc intelligitur præcepta negativa duplicis esse generis, alia quorum circumstantiæ ita in quovis momento cum substantia præcepti obligant, ut qui secus agit in omni circumstantia peccet, cuiusmodi sunt præcepta non mentiendi, non blasphemandi, alia quorum circumstantiæ non ita semper in omni momento obligant unde non considerata præcepti superbie, ipsa substantia præcepti satis impleri potest, sicuti est præceptum non retinendi rem alienam.

Præcepta negativa duplicis generis.

Cæterum communis est cum Sylvio a primo momento quo quis cepit rem alienam iniuste detinere nempe sine iusta causa, & dum id quod debet potest etiam restituere, non restituat, continuo eum peccare. Eius tamen peccatum per eundem Sylvium semper est unum, & idem numero, dummodo non renovet expresse, vel tacite propositum non restituendi. Expresse, ut si positive determinet rem alienam detinere; tacite vero, ut cum advertat, aut facile advertere possit se rem alienam detinere, non statuat eam reddere. Talis enim omisso toto eo tempore est ei imputabilis, quia omisso solutionis vel restitutionis rei debitæ toto eo tempore quo fieri potest est iniuriola proximo, qui continuo per illam læditur in iure quod habet rem suam vel sibi debitam possidendam, eaque utendi & cum talis omisso sit voluntaria, omittens habet continuum voluntatem, saltem interpretativam detinendi rem alienam, vel alteri debitam, nam hæc voluntas

moraliter permanet quamdiu non retractetur, vel interrumpatur, & hæc iniustitiae voluntatis diuturnitas est circumstantia notabiliter aggravans. Quare etsi quoad n. ores non multum interit scire an differens restitutionem unum, vel multiplex peccatum committat, debet tamen penitens manifestare in confessione 1. a quo tempore rem alienam detineat. 2. an semper eam restituere poterit. 3. an voluntatem eam retinendi pluries renovaverit, ut tota ratio peccati, & extensio facile queat deprehendi.

Quod vero dicitur de eo qui notabili tempore differit totam restitutionem, idem quod de eo dicendum, qui dum totum restituere potest partem solum restituit, vel qui licet brevi tempore differat, grave nihilominus damnum infert creditori, & peccatum crescit prout detrimentum augeatur.

Caute cum his procedant Confessarii. Etenim 1. absolvi nequeunt nisi firmum habeant propositum restituendi, quo facile dignoscuntur carere, quando non curant media adhibere necessaria ad comparandam facultatem restituendi; nam qui vult finem vult etiam media. 2. ne hi quidem, qui cum pares sint ad solvendum totum, solum partem solvere volunt vel restituere hoc praetextu quod domini cum divites sint nullum detrimentum patiuntur. Nam eo ipso quis peccat quod rem alienam detinet, aut rapit sive damnum patiatur dominus sive non. 3. qui cum in aliis confessionibus restituere, vel solvere promiserint non tamen restituerunt vel solverunt, hi nisi cessant, vel solvant non sunt ordinarie absolvendi. Ita Sylvius. Taur. P. Anto. aliique. Dixi ordinarie; quia hoc relinquendum est Confessoriorum prudentiae qui iudicant num revera dilatio contra propositum praecedentium confessionum oriatur ex malitia, vel ex legitima impotentia, cum in casu impotentiae penitens cogi nequeat ad restituendum sine mora, quia dantur suae causae ab hac aliquando excusantes de quibus iam infra.

Si dominus non magis gravetur sive rem suam otiosam detineas, sive ea utaris non magis est culpa utendo, quam retinendo, sed si dominus plus gravetur ex usu, quam ex sola detentione, vel quia usu res fiat deterior, vel quia periculum sit quod pereat, tunc gravius peccas utendo, quam retinendo. Nam ceteris paribus plus est certe re aliena uti, quam eam tantum detinere, ac ideo maior est etiam iniuria. Si res tamen apud te facta sit deterior ut prudenter cre-

dere possis eam dominum amplius non vel-
le, sed praetium ipsius, tunc inculpae ea uti
potes; quia hoc facis non invito domino.
Peccas quidem si eius praetium quamprimum
potes ei non restituas.

Voluntas seu propositum detinendi rem alienam cessat virtualiter perseverare. 1. cum detentor vere se poeniteat de tali detentione cum animo sincero, seu proposito eam restituendi & sinceritas propositi ab exitu dignoscitur. 2. cum rei alienae detentio desinit esse peccatum, puta cum detentor factus est impotens ad restituendum, sed in tali casu ad hoc ut peccatum cesset ex omni parte necesse est, ut detentor semper sit tali sincero animo affectus ut si forte aliquando posset, restitutionem statim efficaciter proponeret.

Nota errorem esse vulgi, & corrigendum circa Animas eorum, qui non impleto suo onere restitutionis lunt in Purgatorio penam suae negligentiae ibi tantum detineti, quamdiu restitutor, ad quam tenebantur per haeredes exeuntur. Nam puniuntur quidem ob earum negligentiam, non vero pro negligentia haeredum, dum ibi constituta sunt ad expianda peccata propria non aliena. Postunt quidem haeredes mediante restitutione eas citius liberare, quatenus nempe restitutio est actio meritoria, ac proinde liberationis impetratoria. Hinc cap. 5. de Passorib. monentur haeredes incendiarii satisfacere pro incendiario ut hic liberetur. Sic P. Herno.

S. III.

De radice obligationis restituendi.

Cum iniustitia sicuti iam alias diximus sit Radix obligationis iuris violario aequalitatem tollens ligatio. quae intenditur a iustitia, ac proinde restitutionem exigens, ut per hanc reddendo alteri quod ei est debitum restituatur aequalitas quam iniustitia eriperat; patet ad evidentiam radicem ex qua omnis obligatio restituendi exurgit esse iniustitiam. Restitutio igitur aequalitatem reponit, quae aequalitas est ipsa iustitia commutativa in commutationibus servanda, videlicet inter opera, & mercedem, inter mercem, & praetium, inter datum, & acceptum. Unde nulla occurrat restituendi obligatio ubi nulla iniustitia, & nulla reponenda est aequalitas, quamvis ex alio titulo grave adit peccatum. Tot igitur sunt restitutionis radices, quot sunt modi quibus tollitur aequalitas, ac violatur iustitia.

Non conveniunt Theologi in assignandis
nono-

De utro-
que re ali-
qua quam
detinet.

Quando
voluntas
detinendi
rem alie-
nam ces-
sat vi-
tualiter.

Radix ob-
ligatio-
nis resti-
tutionis
est iniustitia.

Tribus
modis
commu-
niter vi-
olatur iu-
stitia.

modis, quibus violari possit iustitia: alii plures recensent, alii pauciores, sed communiter tres assignantur, & sunt 1. res accepta, qua quis bona proximi possidet. 2. iniusta ablatio, detentio, ex qua iniustus dicitur, qui culpabiliter non solvit debita iuste contracta, aut non restituit bona inventa, vel iniqua actione puta furando, rapiendo acquirit vel quaecumque alia ut aliena cognoscit se habere. Unde & graviter peccat, & restituere tenetur summam nedum quam surrepit, vel non solvit, sed etiam omnia exinde damna creditorum sequuta, quia actio illa iniusta est causarealis omnium illorum damnorum, quæ ex privatione rei suæ creditori subsequuntur: hoc tamen discrete intelligendum est, respectu lucrorum, quæ creditor facere potuisset ex re sua si ei redita fuisset. Etenim cum lucrum quod percipere poterat sit incertum, varisque expositum periculis, hinc non totum restitui debet quod percepturus esset si omnia prospere ei contigissent, sed tantummodo pro rata spei consideratis periculis, iuxta eorum multitudinem, & qualitatem ut ex S. Tho. 2. 2. q. 62. art. 4. 3. Iniusta damnificatio, qua damnum alicui quis intulit: ut si agrum alterius vallaverit, vel domum proximi incenderit, ac quodecumque aliud ad ipsum spectans directe, vel indirecte damnificaverit, vel aliquam personam occiderit, vel mutilaverit. Ab aliquibus vero duo alii adduntur quorum unus est contractus explicitus, vel implicitus seu quasi contractus ut assumptio officii, vel muneris ab eo qui ob suam inaptitudinem ad ea exercenda causa sit alterius præiudicii. Nam quidquid sit contra pactum, vel officium ad aliorum commodum spectans est contra iustitiam commodum spectans obligat ad restitutionem. Alter vero lex positiva & iusta iudicis sententia. Etenim quoad legem positivam, hæc habetur in certis casibus in quibus ius obligat ad restitutionem, licet nec sit res accepta, nec iniusta acceptio, nec damnum iniuste illatum, nec contractus. Ius enim positivum pluribus in locis statuit ut quis reparet damnum, quamvis causatum sit abique omni eius culpa. Sic Infit. Si quadrupes pauperiem fecisse dicatur; & alibi statuitur id quod si alicuius animal pauperiem fecerit idest damnum alicui intulerit teneatur dominus vel dare totum illud animal vel totum damnum reparare, & sic alia huiusmodi. Quoad iustiam vero iudicis sententiam patet in obligatione quæ vi eiusdem contrahitur compensandi damnum ex culpa

Infit. Theol. Moral. Tom. III.

iuridica illatum, quod ante eam compensare in conscientia non tenemur ut infra.

Iniusta autem acceptio tripliciter fieri potest: 1. occulte & hæc dicitur furtum. 2. palam & est rapina. Hoc posteriori modo rei sunt, qui usuras accipiunt, qui maiori pretio vendunt, aut minori emunt, quam merces valeant; qui pro officio stipendium, aut honorarium exigunt ultra quam lege statutum est. 3. dolo, & fraude, ut si quis mercem vitiaaram pro integra vendat, misceat aquam cum vino, paleas cum tritico, malis artibus circumveniat in ludo, contractibus &c.

Damnum dupliciter fieri potest physice nimirum, cum quis propria manu interficat vastat, &c. & moraliter quando non per se sed per alium iniuriam facit, quod iterum dupliciter contingere potest vel positive influendo in damnum, vel negative non impediendo damnum cum ex officio teneatur. Causæ tandem positivæ damni sex sunt & tres negativæ, quæ in sequentibus verbis continentur, & D. Thom. de his habet 2. 2. q. 62. art. 7.

lussio, consilium, consensus, palpo, recursus.

Participans, mutus, non obstant, non manifestans.

Diximus obligationem restituendi oriri ex iniustitia, quia si proximus damnum patiat ex nostra culpa contra charitatem, quia scilicet non curavimus impedire ipsi damnum, quod impedire ex sola charitate tenebamur, non sumus obnoxii compensare tale damnum restitutione, quia folum tenemur quando negligentes sumus contra bonum proximi debitum ex iustitia, ita ut debitores sumus proximis ex culpa contra iustitiam, non ex culpa contra charitatem.

§. IV.

De culpa quæ parit obligationem restitutionis.

Culpa aliter sumitur a Theologis, aliter a Iuristis. Theologi sumunt culpam prout est offensæ Dei, iuristæ vero pro quadam incircumspetione, seu negligentia ex qua damnum oritur proximo. Quare culpa hic distinguitur in Theologicam scilicet, quæ veram habet rationem peccati sive mortalis sive venialis, seu quæ admittit seculæ ignorantia invincibili, ac inadvertentia idest voluntarie, & libere; & in iuridicam quæ est omisso alicuius diligentie debitæ ad cognoscendum, cavendum, vel providendum per ignorantiam, incuriam, & inadvertentiam,

E

ex

Quid cul-
pa iuristi-
ca & quo-
modo iuristi-
ca.

ex quo damnum alicui exurgit. Nihil tamen interest an hæc omisso peccatum sit vel non, cum hoc id non sit de quo in præfenti quaeritur.

Culpa iuridica triplex distingui solet *lata, levis, & levissima*, quibus ut gradatio completa sit addunt aliqui *latissimam, & latiorum*. Culpa *latissima* est communis diligentiae quam ceteri adhibere solent omisso damno, ea intentione, ut alter decipiatur, & damno afficiatur. Talis est negligentia militis excubias agentis qui dormit aut dormire sinxit, ut faciliorem hosti accessum præberet. Hæc culpa est etiam theologica, & valde gravis nec non vere dolus: dolus enim est quodvis artificium, seu machinatio ad decipiendum. Culpa *latior* est dolus præsumptus, ut si sciens, & valens impedire non impedit tamen quominus fur apud me depositam pecuniam auferat vel ne hostis urbem ingreditur. Hæc pariter est simul culpa theologica. Culpa *lata* est omisso diligentiae quam passim homines eiusdem conditionis adhibere solent; est scilicet non intelligere id, quod omnes intelligunt: *ff. de verb. signif.* Unde qui librum commodatum foris ante ostium propriæ domus vel rem magni momenti homini ignoto committit, vel ostium propriæ domus per noctem claudere negligit, vel officium aliquod publicum Patroni scilicet, Advocati, Iudicis, Confessarii, ac alia huiusce generis munia sumplit, tametsi ignoret, quæ periti communiter norunt, reus est culpæ latæ; ex quo patet huiusmodi culpam æque, ac superiores ut plurimum concurrere cum culpa theologica, quia hoc est contra communem omnium prudentiam, & procedit ex ignorantia vincibili, quæ non exculat a peccato. Dixi *ut plurimum*, quia potest etiam contingere, quod quis contra propositum, & ex inadvertentia omnino involuntaria librum commodatum ante fores relinquat.

Culpa *levis* est omisso sollicitudinis, quam diligenter non omittunt. Huius culpæ reus est, qui perdit rem commodatam in cubiculo repositam, sed ferris non recluserat, vel domesticum admisit cuius probitas non satis erat ei notæ, qui male consulit in re difficulti, idest male resolvit difficultatem sibi propositam in moralibus, circa quam doctiores non errant. Culpa *levissima* est omisso eius diligentiae, quam prudentissimi, & solertissimi, in rebus eiusdem naturæ adhibent. Talis est diligentia eorum, qui cum cubiculo clauderent ferra, manu reitane num clavis erraverit, sicuti aliquando contingit;

item qui antequam secretum magni momenti alicui committat, exquirat, num propianum, aut ante fenestras sit aliquis, qui auscultare possit. Ex his multa sunt ut dictum est de culpa lata, quæ sine ullo peccato theologico contingere possunt, puta ex involuntaria distractione ex naturali oblivione, &c.

Hicce suppositis nunc examinandum occurrit ex qua culpa exurgat obligatio restituendi. Sed priusquam hoc aggrediamur accurate observandum est non esse omnes eiusdem conditionis res, quæ alicuius culpa pereunt. Nam quædam sunt quæ non supponunt contractum, ut si bestia tua de se stabulum meum ingrediatur ibique cum aliis, quæ meæ erant subripiatur. Quædam supponunt contractum, ut quali contractum. Contractus autem vel transfert dominium, ut emptio mutuum &c. Vel non transfert, ut locatum, conductum, depositum. Contractus quilibet aliquando utilis est solo recipienti, ut commodatum; aliquando utilis est solo danti, ut depositum; aliquando tandem utilis est utrique ut locatum, conductum emptio. Quasi contractus sunt alienorum negotiorum administratio, ut tutela, Cura; officium iudicis, Advocati, Medici, & alia huiusce generis.

Extra casum igitur contractus vel quasi contractus non nisi ex culpa theologica, minime vero ex mera iuridica oritur obligatio restituendi ante sententiam iudicis; cum talis obligatio non occurrat ex damnificatione peccaminosa, puta ob inconsiderationem, distractionem, mentis oblivionem prolix involuntariam, quia cap. 2. *de constit. rem*, quæ culpa caret in damnum vocari non convenit: qui enim damnus extra contractum, & officium intulit ex nullo capite tenetur restituere; idest non ratione iniuriæ cum non peccaverit, non ratione rei acceptæ, aut contractus, vel legis, vel sententiæ cum nihil horum interveniat. Insuper, qui damnus sine ullo peccato extra contractum, & officium intulit se habet ad instar possessoris bonæ fidei, qui non tenetur restituere rem alienam quam bona fide consumpsit, nec ex ea factus sit ditior. Tandem tale damnus factum non fuit domino rationabiliter invito, quia nemo rationabiliter potest nolle malum, quod cum ei inferatur involuntarie, & necessario, idem esset ac velle impossibile, quod qui vellet irrationabiliter vellet. Dixi *ante sententiam iudicis*; quia tunc index obligat ex consideratione particularium circumstantiarum quæ fundant saltem

Ex qua culpa obligatio restituendi.

tem prudentem præsumptionem levis culpæ theologicæ. Iustum enim est, & Reipubl. debitum legi ex præsumptione generali prudenti iubenti parere, etiam in foro interno, ubi disponit de bonorum dominio. Igitur si haberi nequeat prudens præsumptio ex circumstantiarum consideratione de culpa saltem veniali theologica ne quidem ex sententia iudicis fiet ut restitutionis obligatio instituitur. Unde relinquens ex pura naturali oblivione ignem, aut candelam accensam in loco ex quo comburatur domus ad nihil tenetur quia nulla intervenit culpa theologica. Sic a fortiori restituere non tenentur amens, vel dormiens si aliquem occidunt, suppellectilem destruant, vestes lacerent &c.

Ad obligationem restitutionis extra casum contractus & officii sufficit culpa theologica saltem venialis & hoc probatur ex cap. 9. de iniuriis ubi sic; *Si culpa tua datum est damnum vel iniuria irrogata, vel alius irrogantibus opem forte tulisti, aut hæc imperitia tua, vel negligentia evenerunt tunc super his te satisfacere oportet.* Quocirca cum etiam per veniale peccatum iniuria formalis alicui inferri possit, eo quia iniuria inferatur ab eo, qui sciens, & volens comitit, aut saltem per ipsum fiat, quominus sciat, & velit, sequitur quod per culpam etiam venialem contrahi possit obligatio restitutionis. Et equidem si culpa venialis non sufficeret ad inducendum restitutionis debitum, nullum esset veniale furtum, nulla lex restituendi iis imponenda, qui per levia furta magnam pecuniæ summam cumulascent, quod quam fallum sit nemo non videt, quia non restituendo, iniussu privaretur dominus iure suo; idest usu rei sibi debitæ sufficientis ad materiam culpæ, & alterius iniuriæ, & ideo iniustitiæ levis quidem, & venialis, sed quæ non liberat a debito eam tollendi. Dicitur extra contractum; quia supposito contractu aliter discurrendum est, ut cito patebit. Item si ex alterius damno factus sit dior tenetur restituere æqualiter quantitati rei quam habet alienæ.

Qui ex culpa tantum veniali grave damnum alicui intulit secundum probabiliorē & communiorē doctrinam non tenetur ad integrum totius damni reparationem extra contractum, aut quasi contractum, quia iniuria venialis extra contractum, aut quasi contractum tantam parere non debet obligationem, quantum iniuria gravis & plene voluntaria; nam obligatio restituendi minus sumitur tam ex parte obiecti quam ex

parte iniuriæ formalis, seu culpæ theologicæ; unde sicuti ubi damnum grave est, & culpa theologica nulla, nullam parit obligationem restituendi, ita ubi culpa levis est, & venialis, licet damnum sit grave, non potest tantam parere obligationem, quantum parit culpa mortalis. Idcirco si per culpam mortalem contrahitur obligatio ad integrum restituendum pro damno illato, culpa venialis citra contractum, & officium minus debitum pariet, ac proinde ad restituendum solummodo partem; & eo vel maxime quod tunc damnum leviter peccantis, leviter est ipsi imputabile, unde non debet esse obnoxius ad totum compendandum. Imocum obligatio restitutionis sit poena saltem improprie, seu quodam onus habens rationem poenæ iure naturali impositum delinquenti culpæ correspondens; debet esse culpæ proportionata; quocirca cum levis sit culpa, quæ est solum venialis levis debet esse etiam poena.

Cæterum in praxi quando damnum est grave, ordinariè censendum est etiam peccatum grave intervenisse. Etenim iuxta Lessium generaliter loquendo in externis actionibus præsertim gravioribus, in quibus periculum inest, cum rarius eveniant ideo fortius animus pulsant, suisque cognitionem ingerunt; idcirco perraro contingit in hisce casibus advertentiam esse imperfectam, seu leviadvertentiam; nempe opera ipsa suggerunt periculum, animus ad sui considerationem excutitur, ac proinde sæpe sæpius mortale non effugiunt. Insuper ut mortale incuratur satis est cognitio confusa periculi, aut diligentiae maioris adhibendæ, seu debiti accuratius advertendi, quam facile gignit actus exterior notabilis; & ideo nisi constet de contrario, præsumendum est ordinariè loquendo, actionem graviter damnificativam fuisse mortalem. Sic P. Henno, Tounele. P. Antoi. Quare hic

Notandum 1. quod in dubio an culpa in tali casu mortalis sit an venialis tantum, iudicandum est eam esse mortalem, ideoque imponendam esse totius damni reparationem. Et quia potior est conditio possidentis, & innocentis, & quia ut notat Lessius in operibus externis quæ graviter periculose sunt raro contingit, excepto vehementi, & repentino passionum impetu, ut quis non tantum attendat seu advertat quantum factis sit, & necessarium ad lethale peccatum. Nam opus graviter periculofum naturaliter, & quasi sponte sua mentis advertentiam incitat, ut ipsa experientia facile deprehendi-

In praxi
damnum
grave sup-
ponit ut
culpam
gravem.

Quid
in dubio
de gravi-
tate vel
levitate
culpæ.

tur. Unde quando in praxi dubium aliquod occurrit, resolvendum est ex his quæ communiter, non ex his, quæ raro obveniunt.

Notandum 2. quod licet ex veniali culpa quis non teneatur nisi ad partem damni illati reparandam, ad id tamen posse teneri sub periculo peccati mortalis; quia tanta potest esse quantitas damni, quod illatum sit, ut pars peccato veniali correspondens sit gravis momenti. Unde cum non restituens aliquid gravis momenti peccet mortaliter, sequitur fieri posse ut mortaliter peccet, qui damnum veniali culpa illatum non reparat.

Nulla adest obligatio restituendi damno dato ex culpa iuridica levi, & levissima extra contractum, & officium commissa, quia citra contractum, & officium nemo tenetur maiorem diligentiam adhibere in suis operibus, ne alteri noceat, præ ea quam in casibus huiusmodi homines eiusdem conditionis diligentes & prudentes consuecunt habere. Nemo enim tenetur esse diligentiorum & prudentiorum cæteris hominibus diligentibus & prudentibus eiusdem conditionis, nisi specialiter se ad id obligaverit. Notat tamen Lessius constare esse obligationem restituendi damnum secutum ex culpa lata, nisi conflaret eam esse omnino inculpabilem in conscientia, cum quisque teneatur ex iustitia ne alteri noceat eam adhibere diligentiam in actionibus suis, quam in huiusmodi actionibus adhibere solent diligentes, ac prudentes: quisque enim ius habet ne sine iusta causa, & auctoritate damnum ei inferatur. Unde si non adhibet, omittit id ad quod tenetur ex iustitia, & sic damnum secutum censetur ei voluntarium meritoque ei imputatur, idcirco ad restitutionem tenetur. Sic P. Antoine.

Ad obligationem restituendi supposito contractu requiritur culpa lata quando contractus sit in commodum solius dantis ut in deposito; sufficit vero culpa levissima si cedat in utilitatem solius recipientis, ut in commodato; sufficit levis si respiciat utilitatem utriusque, tum dantis, tum accipientis. Et patet quoad primam partem ex institut. l. 3. tit. 15. §. 3. ubi sic, *apud quem res aliqua deponitur ex eo solo tenetur si quid dolo commiserit*. Nomine autem doli consentiunt omnes apud Glossam culpam latam intelligi; & vere in iure lata culpa, dolo æquiparatur l. 32. §. *Depositi*; pro culpa autem levi vel levissima non tenetur: & ratio est quia nemo tenetur ad maiorem diligentiam erga rem alienam, quam sine ullo suo commodato recepit, quam erga res proprias, sicuti te-

neretur si ex culpa levi aut levissima obnoxius esset restitutioni. Quisque enim censetur rem suam prudenter curare cum in eius cura culpam omnem latam devitat, ut ex natura ipsius culpæ latæ patet. Unde qui servabat depositum quod ablatum est, nec de levi culpa, nec de casu fortuito regulariter loquendo tenetur ad restitutionem. Dixi *regulariter loquendo* quia plures effingi possunt hypothèses in quibus depositarius ex culpa levi restitutioni teneatur, scilicet si seipsum pro deposito obtulit, vel si aliquid pro eius custodia recepit. Ita habetur cap. 2. de *deposito*, quia tunc vel contractus tendit in utilitatem utriusque, vel qui se depositarium obtulit censetur maiorem solito diligentiam promittere; imo tenetur etiam ex culpa levissima, si se exhibuerit tamquam diligentissimum custodem quia tunc diligentiam quam maximam pollicetur fuisse. Iuxta ita tenetur etiam de casu fortuito, si ex pacto ad casum fortuitum se obligaverit & depositum in locum periculosum transfulerit, vel si fuerit in mora non reddendo, cum reddere poterat, & debebat, quia contractus ex conventionem legem accipiunt ex l. 1. r. §. *depositi*. & quia ita decernitur in iure canonico. *Pactio* (ait Greg. 9.) *culpa vel mora præcedentibus casus etiam fortuitus imputatur*. Quod dicitur de deposito hoc intelligendum etiam de commodato, quando commodatum sit in solius commodantis utilitatem, puta si quis alteri sua arma commodet ut ab ipso defendatur, aut librum, ut salubre consilium recipiat.

Sufficit culpa levissima, ut iam antea, si contractus sit in commodum solius recipientis quod communiter contingit in commodato ut cap. unico de *commodato* ubi Gregorius IX. sic loquitur: *Cum gratia sui tantum quis commodatum accepit, de levissima etiam culpa tenetur*. Æquitas enim postulat quod qui pro sua solummodo utilitate rem alienam accepit, ne dominus detrimentum patiarur, summam in re illa custodienda diligentiam adhibeat, alias restitutioni, si periret, teneretur; & licet non teneretur generatim loquendo si periret ex casu fortuito, eo quod ubi nulla culpa vel pactio intercedit res domino suo perire debet; nihilominus vari sunt casus in quibus de casu etiam fortuito quis restitutioni fiat obnoxius, scilicet 1. si casu fortuito causam præbuerit, ut si equum Mediolanum usque acceptis cum promissione ulterius non transeundi, & tamen ultra progressus in Latrones incideris. 2. Si præcellerit pactum de te, quo-

quocumque modo periret, restituenda. 3. Si commodatarius non restituerit rem præfixo tempore, ob quam moram res perierit aut deterior evaserit, quod verisimiliter sine hac mora non contigisset. Sic communiter DD.

§. V.

De diversa conditione Precarii ac commodati.

Cum Precarium habeat hoc onus annexum, ut semper revocari possit ad nutum concedentis merito Legibus statutum est ut in precarii contractu non teneatur quis ad restituendum, nisi ex dolo, aut culpa lata. Aliiter tamen dicendum est in commodato. Nam commodans non potest rem commodatam repetere nisi post usum, & tempus de quibus conventum est. Unde cum ex hac parte plus habeat oneris, ex alia parte minus sustinere debet.

Si res autem commodata pereat apud commodatarium dum æque peritura fuisset apud commodantem v. g. communi incendio quod ædes utriusque devoraverit, nulla tunc occurrit obligatio restituendi; quia commodatarius ut supponimus non fuit causa incendii. In casu vero quod commodatarius res suas & sibi commodatas liberare nequit a ruina, puta ab incendio alioque gravissimo, & res commodata ut solet cedat in utilitatem solius recipientis idest commodatarii debet ille præferre rem alienam sibi commodatam suis propriis minoris, aut æqualis valoris, non tamen suisque notabiliter pluris valent. Si tamen agatur de commodato improprie dicto, quod magis vergat in utilitatem dantis, potest res suas etiam minoris valoris rebus alterius præferre. Si autem contractus sit in utilitatem utriusque potest quisque cæteris paribus res proprias maioris, aut æqualis valoris præferre alienis non vero viliores. Idemque dicito de res deposita, conducta, in pignus tradita &c.

§. VI.

De perditione rei commodatæ in ipsius missionis per fidelem nuntium ad ipsius rei dominum.

Qui rem commodatam per aliquem nuntium remittit qui eam deprædat aut eiuldem culpa alio modo perit, nec se obligat ad illam per seipsum restituendam & elegit personam de cuius fidelitate & diligentia certus erat, restituere non tenetur, eo quia sine sua culpa deceptus sit: tenetur

Instit. Theol. Moral. Tom. III.

quidem si talem cautionem non adhibuerit: eo quod tunc magnæ negligentie reus est ut ex l. 1. §. de oblig. & act. ubi sic: *magnam negligentiam placuit in doli crimine cadere.*

Nec valet dicere, quod sicuti mutuatarius, qui rem, pecuniam, vinum &c. remittit per nuntium etiam fidelissimum tenetur ad restitutionem si res illa pereat, ita teneri in iisdem circumstantiis, etiam Commodatarius; nam lata inter hos disparitas intercedit, eo quia mutuatarius habeat dominium rei mutuo acceptæ, ideoque donec non sit in manu mutuantis perire debet mutuatario, qui interim semper est dominus, quia res domino perit, non vero commodatarius, utpote qui non sit dominus rei commodatæ. Igitur ob oppositam rationem quando ex nulla culpa ex parte commodatarii pereat res suo domino perit, ideoque commodanti.

§. VII.

De sufficientia & requisito culpe levis ad contrahendum restitutionis debitum, supposito contractu in utriusque utilitatem.

Supposito contractu in utriusque utilitatem, ad incurrandam obligationem restituendi, sufficit ac requiritur culpa levis & lata, non autem levissima ex l. 5. §. Commodat. & l. 23. de regul. iuris, & ratio est, quia cum contractus cedat in utilitatem etiam dantis, æquum non est, ut recipiens ad tantam teneatur diligentiam, ac si contractus tenderet in solam suam utilitatem: idcirco ad nihil tenetur, si fecerit quod diligentiores facere solent in simili res propria conservanda. Ita etiam habetur ex l. 3. institut. tit. quibus modis contrahatur oblig. ubi dicitur, quod accipiens pignus teneatur ad exactam illius custodiam, non autem ad exactissimam, ut in Glossa ibidem. Pignus autem cedit in utilitatem creditoris in asssecurationem sui crediti, & debitoris in quantum pignus tenet locum pecunie,

Nautæ tamen, caupones, Stabularii tenentur de culpa etiam levissima licet gratis apud se receperint ita habetur ff. l. 4. tit. 9. l. 1. Ne quisquis putet (ait Vulpianus) graviter hoc adversus eos esse constitutum. Nam est in ipsorum arbitrio ne quem recipiant, & nisi hoc esset statutum, materia daretur tum furibus, adversus eos, quos recipiunt coeundi. Sic Tourne.

Debitum vero restitutionis in recensitis casibus exurgens ex culpa iuridica levi, vel

levissima iusta non laudatum Theologum non est de iure naturæ. Etenim ex iure naturæ nemo fit obnoxius restitutioni nisi propter damnum quod iniuste alicui intulerit & coram Deo culpabile quale non est illud quod oritur ex iuridica culpa levi, idest ex omissione diligentie proprie prudentioribus, vel levissima idest ex omissione diligentie prudentissimorum. Nam iure naturæ satis esse videtur ut in rebus alienis, quis eam adhibeat diligentiam, quam ipse earum rerum dominus adhibuisset, quæ talis est ut culpam latam nempe omissionem diligentie quam homines eiusdem conditionis communiter adhibent, excludat.

Neque ex hoc inferri potest non teneri ad restitutionem ante sententiam iudicis, qui tale debitum vi contractus ex culpa levi, vel levissima contraxit, quia unusquisque dum contrahit implicite saltem se obligat ad eam diligentiam præstandam, quam requirunt leges ac ideo ad subeundam penam, ab ipsis impositam. Quare cum leges obligent ut qui reus est in certis casibus culpæ levis, & levissimæ restituat, etiam ante iudicis sententiam est obnoxius restitutioni.

Observandum in foro externo præsumi diligentiam in contractu requisitam non fuisse adhibitam nisi in contrarium probetur; imo non admittitur probatio quando sit difficilior, ut si in domo quam contractu locationis quis inhabitat incendium per aliquem e domesticis operariis &c. contingat iudex te ad totum damnum reparandum condemnabit. Item si ex illa domo lapis proiectus in plateam aliquem transeuntem vulneraverit, damnum tamen tibi refundere debent, qui cum culpa damnum intulerunt. Similiter nautæ, stabularii, & vectores lege civili restituere coguntur quicquid apud se receperint, quocumque modo perierit, nisi vis illata sit ab extrinseco puta a fulmine, irruentibus latronibus &c. Habertus.

§. VIII.

De culpa iuridica quæ requiritur ad contrahendam obligationem restituendi supposito quavis contractu seu officio.

Non solum ex contractu seu explicita conventionione, sed etiam ex quasi contractu seu pacto implicito quod contingere possit cum his qui aliquod officium exercent contrahi potest obligatio restituendi ex culpa iuridica, ac proinde de hoc quoque dilucidandum occurrit circa culpam latam nempe, levem, vel levissimam, qua fieri possit ut debitum

huiusmodi officiales incurrant. Nominis vero Officialium hic intelliguntur Curatores, Tutores, Advocati, Consiliarii, Pastores, Confessarii, Concionatores, Theologi, Medici, Chirurghi, Pharmacopolæ, Artifices, quorum aliqui id muneris exercent pro stipendio, alii gratis, alii ex iustitia, alii ex charitate. Hi porro aliquando tenentur ex culpa lata tantummodo, aliquando ex levi, aliquando etiam ex levissima.

Quando aliquis ex suo officio aliquid operatur in alterius commodum tantum, seu utilitatem non accipiendo mercedem ex solo titulo charitatis amicitie restituere tenetur ex sola culpa lata. Nam qui aliquid facit gratis non censetur maiorem frondere diligentiam, quam quæ a prudentibus in eodem casu communiter adhibetur, & expectatur. Ita sentit Sylvius, qui putat cum Sylvestro huiusmodi hominem teneri de culpa levi idest de diligentiori attentione si sponte se obtulerit, dum alter ipso diligentior, ad talem operam præstandam se exhibeat; quia tunc censetur spondidisse diligentiam, quam diligentior promitteret.

Qui ex officio aliquid faciunt mercede conducti restitutionis debitum incurrunt ex culpa levi, ut sunt Tutores pupillorum, Curatores Minorum, Advocati, Medici, Chirurghi, Artifices, Architecti, alique eiusdem generis; tunc enim contractus seu quasi contractus, cum cedat in utilitatem etiam ipsius officialis, hinc debitum maioris diligentie ei incumbit: etenim qui lucrum ex suo officio reportat, ad plus plane tenetur, quam ille, qui nullam retrahit utilitatem. Tenentur tamen aliquando ex culpa etiam levissima idest si non fuerint diligentissimi, quando quis se profiteatur aliis profitentibus peritiorum, & exinde præ aliis ipse ad operam eligatur, tunc enim non satisfacit suo oneri nisi illam operam præstet, non quam præstare solent diligentiores, sed diligentissimi; quia dum talem se professus est, implicite ad curam diligentiamque accuratissimam se obligavit, ita ut si ab illa deficiat, suum fideliter onus non implebit, ideoque reus erit damni securi. Quare Advocatus ratione solius stipendii non tenetur esse tam diligens sicuti diligentissimi, sed sicuti diligentiores, ita ut si bona hodie præstiterit, non tenebitur si causa cadat ad restituendum si omiserit quod præstare consueverunt diligentissimi; tenebitur tamen si se vendiderit aliis peritiorum.

Quandoque vero contingit, ut officialis præter casus mox expositos hanc exquisitissimam

Ex qua
si contra-
ctu con-
trahi pos-
set cui-
gat. o. co-
munitio,
211.

finam diligentiam curamque præstare teneatur, quia scilicet rei gravitas ex sua natura sic exigit; ut si de infamia agatur alicuius honestæ gentis, de mortali infirmitate paritæfamilias necessarii ad familiæ sustentationem, de stabiliendo fundamento sumptuosi ædificii, de gemma singularis valoris & in aliis huiusmodi casibus requiritur in officiali exactissima cura rei gerendæ, eoquod ipsamet rei gravitas sic exquirat.

Consiliarii quando ratione officii sui ad eos spectat dare consilium, cuiusmodi sunt Pastores animarum, Confessarii, Concionatores, Theologi, Iuristæ, ac ii qui pro idoneis Consiliariis se gerunt, si suo consilio nocent dum gratis consulant, tenentur de culpa lata, de levi vero si mercede conducti, & de levissima in negotio magni momenti.

Nec ullatenus officit huic sententiæ regula illa inris in 6. n. 62. *Nullus ex consilio dummodo fraudulentum non fuerit, obligatur*; quia secundum Theologos, & Canonicos allata regula intelligitur de iis, qui consilium dant de non pertinentibus ad suum officium, ac ideo ratione sui status, ac muneris peritiam non profitentur. Hi enim respondent potius quod rationi suæ congruum magis videtur, quam id de quo sint valde certi. Quocirca sibi imputare debent suum errorem qui eorum consilio sunt decepti; & concessio etiam quod ius de professoribus intelligendum esset, non excludit tamen in his culpam latam, quæ in iure fraudi æquiparatur. Nam nomine consilii fraudulentum non illud dumtaxat intelligitur quod formalem fraudem continet, sed illud etiam quod culpam latam complectitur, hæc enim dolo sæpe æquiparatur, ut communiter post Glossam ad citat. regulam iuris, & ex l. 226. *de verbor. significat.*

Hinc Confessarius tenetur ad restitutionem si ex ignorantia crassa aut gravi negligentia obligat ad restituendum qui non tenetur, vel non obligat eum, qui tenetur.

Eximuntur tamen ab onere restitutionis Consiliarii. 1. Si Consiliarius ex officio in consilio dando indicet se accipitem esse in casu proposito, nec pro certo præbere suum consilium, sed cum formidine de eius veritate, ac insinuet petenti ut ita non agat nisi prius adeat alios magis peritos, ut melius veritatem exploret. Qui ita caute se gerit non videtur obligandus restitutioni, si petens non ulterius exquirere curans secundum incertum consilium agit & damnum sequatur, quia in tali casu hoc petenti consilium imputandum esset, qui videns dubietatem,

& audiens insinuationem primi Consiliarii, alium adire debebat. 2. Si Consiliarius non sit professor, idest non sit ex his, ad quos ratione officii spectat consilia aliis præbere, sicuti etiam si suam opinionem solummodo prout sibi videtur dicat se exponere; si enim tunc damnum sequatur non imputandum est Consiliario, sed imprudentiæ petentis, qui peritos consulere debebat. Non eximitur tamen si agatur de damno tertii, puta si suadeat alteri ut non restituat, in quo casu Consiliarius graviter quoque peccat, & multo minus eximitur a debito restitutionis, si suadeat petentem ut consilium suum exequatur, aut retrahat dictum petentem ab inquirendo alio consiliario; quia nimis imprudenter ac presumptuose se gerit, præsertim si res notabilis est momenti; ac illi tertio iniuste damnum infert. Neque cum excusare potest quod inculpatæ veritatem ignorat; nam semper presumptuose, & imprudenter se gerit audens præbere consilium & agere cum petente ut illud sequatur in rebus quas non intelligit.

§. IX.

De obligatione Restitutionis in possessione bonæ fidei.

Indigitavimus supra §. 3. tribus præcipue modis iustitiam violari, nimirum ex re accepta, ex iniusta acceptione, & ex iniusta damnificatione. Nunc prolixius de his agere volentes, & de obligatione restitutionis quæ inde exurgit, observandum venit, ex re accepta (de hac enim imprimis agimus, æturi postmodum de reliquis) debitum restitutionis oriri, siue quis rem possideat bona fide, putans rem possessionem non esse alienam, siue mala fide, sciens rem possessionem alienam esse. In hoc §. de possessore bonæ fidei agimus, reliqua ad §. sequentem remittimus.

Ille dicitur possessor bonæ fidei, qui rem aliquam possidet sine dolo & fraude, idest ignorantia invincibili, ideoque iuste & prudenter putans esse suam. De tali autem possessore duo sunt certissima: 1. quod non peccat rem alienam retinendo, quamvis ipsius bona fides perdurat; 2. quod etiam si rem illam emerit, statim ac cessat in eo bona fides, restituere tenetur, nisi tamen tandiu illam retinuerit, & bona fides in eo perduraverit, ut locum habeat legitima præscriptio, quæ ipsi a iure conceditur, & quoad rem possessionem, & quoad fructus peccet totius l. *bona fides* §. 1. *de aquirend. rer. domin.*

Quod possessor bonæ fidei rem alienam
E 4 quam

quam possidet, quomocumque ad eum illa obvenit sive donatione, sive permutatione, sive hereditate, sive etiam emptione, statim ac cognoscit rem illam suam non esse, nec adhuc facta sit legitima præscriptio restituere teneatur patet ex l. 22. de pretis. hered. Quia dominus ius habet rem suam recuperandi ac possidendi ipsaque utendi, & tunc eam tenentem non amplius excusat bona fides, imo quando cognoscit rem esse alienam, si quam primum commode potest illam domino non restituit, sit possessor malæ fidei, ac ideo reddere tenetur tum ratione rei acceptæ, tum ratione iniustæ detentionis, quæ iniustæ acceptioni æquivallet. Hinc si quamdiu est in culpabili mora res percat, etiam casu, restituere debet eius pretium. Insuper dominus sine iniuria cogi nequit ut rem suam vendat, ideoque rem eandem in individuo si adhuc extet non pretium, aut aliud æquivalens, restitui debet, nisi forte ipse consentiat, quia res in individuo est domini, ac proinde ius habet illam possidendi, ac retinendi ex l. 3. Regum cap. 21. ubi de vinea Naboth.

Si autem possessor bonæ fidei rem consumpserit, amiserit, vel quomocumque alienaverit, nihil restituere tenetur nisi ex tali eiusdem alienæ rei consumptione, aut alienatione aucta sit res eius domestica, scilicet nisi factus sit ditior; ex *inst. de offic. iudicis*. Cumenim solum teneatur ad restitutionem ratione rei acceptæ & possessæ, non plus restituere tenetur quam id quod possideat, sive in se, sive in æquivalenti. Tenetur vero id restituere, ex quo factus sit ditior, quia id in quo factus est ditior succedit in locum rei acceptæ, quæ tunc in æquivalenti apud ipsum extat; ac ideo rem alienam possidet in æquivalenti: quare cum ex re aliena cum domini iactura fieret locupletior contra regulam 48. juris in 6. *Locupletari non debet aliquis cum alterius iactura* idcirco in tali conditionis statu restituere eam tenetur. Hinc restituere debet si rem donavit, secus aliam ex suis donaturus, vel consumpsit ad proprios usus, ac interim propriæ pepercit, quia tantumdem ex suis bonis servavit, & ita ex re aliena plus habet in re domestica, quam aliquando haberet. Item si rem alienam sibi donatam vendidit & ex eius pretio percepto factus sit ditior, restituere tenetur, quia in singulis dictis casibus habet rem illam in æquivalenti idest in pretio, & ideo rem alienam possidet.

Quid de
fructibus
perceptis

Circa vero fructus perceptos a possessore bonæ fidei ex re aliena, de quibus quæti

potest circa debitum tali possessoris eos restituendi, quando contingat cum deprehendere talem rem esse alienam, pro faciliore intelligentia huiusmodi obligationis

ex re pos.
sessa bo.
na fide.

Advertendum quod nomine fructuum intelligi solet quævis utilitas quæ ex re possessa percipi possit, deductis expensis, quæ ad fructus percipiendos fieri oportet. Fructus vero rei alii sunt naturales, alii industriales, alii mixti. Fructus naturales sunt illi, quos sola operante natura res sponte producit, nullo, seu vix ullo humano labore, ac industria cooperante, ut sunt fœtus animalium, hæræ prætorum, sylvæ cædunt, & eiusmodi l. *fructus 45. de usuris*. Fructus industriales sunt illi, quos sola humana industria proleat, & nullo modo ex sola natura rei producuntur quamvis ea concurrat ut instrumentum hominis industrii operantis, vel negotiantis, ut est stipendium quod quis accipit, dum implet ad aliquod opus, seu arresfactum utitur alieno instrumento, ut penicillo, & coloribus ad pingendum. Item lucrum quod quis reportat & pecunia, frumento, vino, oleo &c. ad negotiationem positis l. *Bonæ fidei ff. de acquir. rer. domin.* Fructus mixti illi sunt, ad quos producendos notabiliter concurrunt tam natura rei, quam industria hominis, cuiusmodi sunt segetes, uvæ, omnesque fructus ferendo & colendo producti: quia hæc omnia producit quidem rei natura, sed ad ipsam industriam hominis notabiliter concurrente. Addunt alii quamdam aliam speciem fructuum, quos fructus civiles vocant; huiusmodi sunt pensiones domorum, navium vecturæ, mercedes, salaria, usuræ pretia rerum elocatarum, & huiusmodi; quæ omnia in foro civili habentur ut fructus, non quia propriæ fructus sint, sed quia ad instar fructuum iure civili constituta sunt l. *Prædiorum 36. ff. de usuris*.

Advertendum 2. Fructus alios esse percipiendos & adhuc pendentes, alios perceptos. Fructus pendentes ii dicuntur qui nondum sunt collecti. Et tales fructus cedunt fundo, fundumque sequuntur. Fructus percepti alii adhuc extant, idest non sunt consumpti; alii iam consumpti non amplius extant, utpote qui conversi iam sint a possessore in proprios usus.

Advertendum tandem a possessore rei alienæ tum bonæ tum malæ fidei varias fæpe fieri expensas sive pro re conservanda vel melioranda, sive pro fructibus ex ea percipiendis; & huiusmodi expensæ possunt esse triplicis generis; alix nempe necessarix

Triæ nec.
nata ex
penis.
tum cie.
ca res.

riæ, aliæ utiles, aliæ voluptuariæ seu voluntariæ. Impensæ necessariæ eæ sunt quæ necessariæ sunt ad rem alienam conservandam: itaut si non fierent res sit peritura, aut deterior futura sit; ex l. 79. *de verb. signif.* vel fructus ex ea non perciperentur, vel saltem non ordinarii; ut lunc reficere domum, agrum, vel vineam e tribulis mundare, ferere vites aliavæ arbores ad vitas sustentandas &c. Expensæ utiles, l. 3. & 6. *de expens. in res dot. fact.* illæ sunt quæ tamen necessariæ non sunt, rem tamen meliorem faciunt, ac eius redditus adaugent, uti esset v. g. agros, & vineas ampliari, extraordinariæ meliorare, novas arbores ferere, & huiusmodi. Expensæ vero voluntariæ seu voluptuariæ illæ sunt, quæ sunt tantummodo arbitrarie & ad solam voluptatem, & rem tantummodo exornant; ut sunt fontes, viridaria, statuae, picturæ, & huiusmodi, quæ licet reddant rem præstiosiorē, ac extimabiliorem, non tamen fructuosiorē, idest copiosiores fructus utilitatelque afferentem.

Insuper res aliena apud possessorem sive bonæ, sive malæ fidei crescere potest, & decrecere dupliciter, 1. intrinsece, scilicet in se, & secundum suam substantiam, ut si vitulus fiat Bos, &c. de macro fiat pinguis; vel e contra de pingui fiat macer, & de iuvene & robusto senex, & debilis, & sic minus valens. 2. extrinsece quoad solum valorem, ut si modius critici modo valeat quatuor scutis, postea ob penuriam, vel multitudinem ementium valeat sex aut octo, & deinde propter penuriam ementium vel annonæ abundantiam valeat solum quatuor, vel quinque. His notatis

Possessor bonæ fidei restituere tenetur fructus naturales, civiles, & mixtos, quando isti adhuc extent, aut id in quo factus sit ditor. Quoad mixtos tamen restituere tenetur quoad illam partem solummodo, qua sunt naturales non vero quoad alteram, qua sunt industriales: quia sicuti naturales & Civiles domini sunt utpote qui proveniant ex eo quod est domini, ita industriales cum procedant non a re sed ab industria, ad eum qui sua industria usus est ad tales fructus percipiendos, spectare debent.

Quod si fructus non extent, restituere debet possessor bonæ fidei id quo ex his factus est ditor, quia aliquin rem alienam possideret in æquivalenti, & nemo ut supra diximus ex regula iuris in 6. *locupletior fieri debet cum alterius iactura*. Hoc confirmatur ex l. 1. *Cod. de petitione hereditatis*,

ubi hæc habentur: *Fructus bonæ fidei possessores reddere cogendi non sunt, nisi ex his locupletiores extiterint.*

Nec obstat leges iuris Romani interdum alias aliis adversari, cum illud immensum opus collectum sit ex variis iuris consultorum sententiis, qui non raro contraria sapiunt, & quia vix fieri poterit ut talium operum Collectores, temper eorum meminerint, quæ alibi scribere, & quia quæ certo tempore vitandi gratia maioris mali tolerantur, alio tempore cessante talis mali formidine non tolerantur.

Ille vero ditor factus censetur, qui 1. adhuc habet valorem rei alienæ, quam vendidit, & hunc reddere debet. 2. qui rem alienam infumendo suæ pepercit, quam consumpsit, & reddere debet quantum rebus suis pepercit. Quod si quis occasione rei alienæ, quam suam esse putabat, maiores tegerit sumptus, quam aliquin fecisset, si se creditisset minus divitem, secundum Caietanum, aliove restituere non tenetur, ac proinde peccare potuit contra liberalitatem, non contra iustitiam. Imo iuxta multos restituere non tenetur fructus naturales, mixtos, & Civiles quos bona fide, & titulo colorato possedit per triennium, etiam si inde factus sit ditor, cum res mobiles possessione triennali præstribantur quando possessio titulum habeat coloratum. *Instit. de Usucap.* Qui rem bona fide vilius emit a Fure, & bona Fide carius revendit, aliquando tenetur excessum præti reddere, quando nempe excessus præti non censendus sit fructus meræ industrie, sicuti non esset illius, qui transiit rem vendibilem equum v. g. ubi plus valet; cum talis excessus præti non sit fructus solius industrie, sed etiam rei quæ ibi plus valet; unde pars excessus præti reddenda est domino. Aliquando vero non tenetur; idest quando excessus præti est fructus meræ industrie emptoris. Ideo vero tenetur reddere excessum præti quod ex iudicio prudentum videtur procedere ex re, non ex labore & industria vendentis, quia æquum est ut qui sentit onus sentiat & commodum. Unde sicuti si equus ille perisset, aut deterior factus fuisset in manu possessoris bonæ fidei, onus illud in damnum domini evenisset, tamen si in manu domini non periturus, nec deterior evasurus fuisset, ita deductis deducendis dominus de eius augmento particeps esse debet.

Possessor bonæ fidei restituere non tenetur fructus meræ industrie, quia nemo alteri

Qui fructus restituendi sunt a possessore bonæ fidei.

teri reddere tenetur, quod suum proprium est, non alienum, sicuti sunt fructus mere industriali, qui non sunt fructus rei alterius, sed laboris, ac industriz illius a quo prodire. Unde qui alterius instrumento ulus est ad opus aliquod artificiale peragendum opus illud potest sibi retinere, ut ad se ipsum spectans nec alias ad dominum instrummenti; & ideo illud ei dare non tenetur. Et hoc extenditur ad possessorem quoque malæ fidei: itaut si quis ex alterius pecunia etiam inique obtenta aliquid lucratur, puta ludendo, mercaturam exercendo, non tenetur ad restitutionem huius lucri. Similiter restituere, seu compensare non tenetur possessor bonæ fidei fructus ex sua negligentia non perceptos, licet dominus rei eos percepisset; quia non tenetur dominum indemnem reddere, nec in pristinum statum restituere cum ab eo illum culpabiliter non deturbaverit; ideo non tenetur nec lucrum cessans nec damnum emergens compensare. Imo ne quidem compensare teneretur dominum pro re ipsa aliena quam bona fide suam putabat, etiam si sua culpa eam perire fecisset; quia disposuit de re quam prudenter iudicavit esse suam.

Circa vero expensas quas possessor bonæ fidei a domino rei exigere potest, certum est dominum rei quando a possessore bonæ fidei rem suam recuperat teneri illum compensare pro omnibus expensis ab eodem factis ad rem conservandam, vel meliorandam, idest pro expensis necessariis, & utilibus. Imo possessor bonæ fidei repetere potest eas etiam ex his expensis, quæ perierunt. Hæc enim est differentia inter possessorem bonæ, & malæ fidei, quod possessor bonæ fidei omnimode impensas deducas licet res non existat in qua eas fecit; prædo autem, seu malæ fidei possessor, non aliter eas deducas, quam si res melior esse perseveret l. 38. §. de hæred. pet. Tourn.

Verum licet dominus qui rem suam repetit teneatur compensare valorem expensarum meliorationis, non tenetur tamen compensare valorem meliorationis. Sæpe enim melioratio rei plus valet quam expensæ factæ in re melioranda. Ille autem maior valor ad dominum spectat rei. Igitur debet dominus refundere ad æqualitatem pro expensis, non vero pro ipsius rei valore. Sic ex l. in fundo §. de re vindic. Si expensæ superent valorem meliorationis, dominus rei non tenetur retribuire aliquid pro hoc excessu, alias teneretur dominus rem suam emere super eius valorem, quod absurdum est. Si domi-

nus meliorationem rei fecisset pretio minori puta dimidio, non tenetur rependere nisi summam expensarum, quas ipse fecisset, quia tantum incommodum ex aliena imperitia sentire non debet. Si possessor bonæ fidei ex fructibus rei tantum perceperit, & consumplerit quantum expendit, pro huiusmodi expensis factis nihil exigere potest in compensationem cum censetur per hoc quod percepit compensationem recepisse.

Quoad expensas vero voluntarias seu voluptuosas videndum an impensæ idest melioramenta removeri possint a re sine ipsius rei detrimento, sive deterioratione, aut rei ita cohereant ut ab ea sine gravi læsione separari nequeant. Quoad priores certe dominus cogi nequit ut eas solvat ideoque ipso non repugante possessor cum bonæ, tum malæ fidei eas repetere seu removeere potest; & si dominus rem suam cum talibus ornamentis redimere velit, easolvere debet; quia sicuti dominus ditior fieri nequit cum alterius iactura, sic nec novam debet commoditatem sine suo onere cum alterius expensis reportare. Quoad alteras vero, si tales expensæ augeant rei valorem, & æstimationem, uti heret dono cuius viridarium vel hortus fuerit plantatus, ex qua melioratione valor donus plane augetur, tales expensæ secundum DD. deducendæ essent iudicio prudentum a possessore rum bonæ, tum malæ fidei. Non omnes tamen dominusolvere teneretur cum cogendus non sit vel suam rem onere, vel talem voluptatem prætio comparare. Si autem valorem rei non augeant, possessor etiam bonæ fidei damnum hoc pati debet, cum dominus cogendus non sit eam voluptatem prætio comparare ut ex l. 27. §. de negot. gest. ubi sic. Non enim tenetur dominus rei sumptus nulla re urgente, sed voluntatis causa factas aquibus ipse abstinuisset,olvere.

§. X.

De possessore malæ fidei.

Possessor malæ fidei ille intelligitur, qui rem alienam iniuste accepit, ac retinet, aut consumpsit, vel alienavit putans esse alienam, vel re eam legitime non possidere, vel ex ignorantia graviter culpabili iudicans esse suam. Possessor malæ fidei teneretur rem ipsam restituere si extet, vel si consumpsit, vendidit, vel donavit prætium eius æquivalens, & ad hoc teneretur etiam si perierit, aut ab alio ei rapta sit, & ratio est manifestata, quia nemo ex re aliena idest cum alterius

Qui possessor malæ fidei & ad quid tenetur.

gerius iniuriâ locupletari debet, & quia qui inæqualitatem posuit sua culpa in alterius bonis, eandem reparare tenetur, licet nihil inde perceperit emolumenti. Si quis frumentum, aliaque eiusdem generis, lex aut octo ab hinc annis furatus sit, nec potest recordari quid tunc valerent, fieri enim potest ut tunc multo pluri, aut minoris valuerint, quam nunc valent, hic restituere debet prærium non quidem supremum nec infinitum, sed medium quæ res vendebantur, quando furto sublata sunt; iam prætia rerum huiusmodi colligi possunt ex publicis actis ubi memoria illorum servatur. Quod si agatur de his rebus quorum prærium non reuertitur in acta publica ut sunt gemmæ & huiusmodi, tunc consulendi sunt Mercatores, qui in suis libris rationum prætia singulorum annorum uniuscuiusque rei notant, unde eorum prærium facile colligi potest; quia secundum suum valorem pro eo tempore solvi debent, licet nunc imminutum fuisset. Quod si res subrepta servanda erat a domino ad præsens usque tempus, restituenda est secundum valorem præsentem, cum res domino suo crescat, & decreascit. Hinc qui furatur alicui rem tempore quo crescens est, & crescat apud furem, v. g. animal, triticum, monetam, tenetur hæc reddere cum omni suo incremento; ut extat nunc quando redditur; ita ut non sufficiat reddere ei prærium, quod tempore subreptionis habebat; quia res donec extat semper manet sub dominio prioris domini, ac ideo ad eum spectat eius incrementum, & melioratio. Unde si fur sit in mora & secundum illud incrementum pereat apud ipsum, secundum illud prætii incrementum reddere debet. Sic cum Less. Bonac. aliisve Salmat.

Item qui rem furatus est in statu viliori, & postquam apud furem melioravit in statum deteriorem decidit, vel statim eam vendidit, dum erat in statu viliori, & dominus eam servaturus erat usque ad tempus incrementi, & tunc eam venditurus, vel consumpturus, vel decrementum factum apud furem factum non fuisset apud dominum, tenetur fur eam ad valorem illius incrementi restituere; quia fur tenetur restituere domino damna emergentia & lucra cessantia. Unde qui furatus sit pullum equinum aut vitulum, quem verus dominus usque ad annos perfecti valoris custoditurus erat, & fur statim vendidit, vel apud ipsum post incrementum deterior factus sit, dum deterior factus non fuisset apud dominum, tenetur ad re-

stitutionem equi perfecti valoris, alias non esset vera æqualitas inter damnum illatum & restitutionem. Imo licet dominus rem consumpturus fuisset tempore vilioris prætii, fur qui eam retinuit usque ad maioris prætii incrementum, & tunc consumpsit, vel vendidit, tenetur eam reddere secundum illam maiorem æstimationem, sive illud incrementum ab intrinseco, sive ab extrinseco recipiat, quia status optimus rei ipsi adheret, idcirco sicuti res est domini; ita cum eius statu optimo est ipse dominus; unde per iniquam furis consumptionem, non est privandus dominus iure suo. Præter quam quod cum pretium rei sit ipsa res; quia æquivalenter pro illo statu rem domino restituere tenetur, etiam æquivalens prærium si eam consumpsit restituere debet. Sylv. Lugo, apud Salmati. Nota tamen quod deducendæ sunt expensæ, quas dominus pulli facturus fuisset; quia quod est in spe non æquivaleret ei, quod est in re. Et hæc restitutio firmari debet ad arbitrium viri prudentis.

Item possessor malæ fidei restituere tenetur fructus omnes Civiles, naturales, & mixtos, & hoc verum est tamen si dominus eos percepturus non fuisset; quia licet dominus eos non percepturus fuisset, tamen eo ipso quod producti sunt, in solius domini commodum producti sunt. Deducendæ sunt tamen expensæ necessariæ. Si possessor autem malæ fidei fructus seu utilitates non percepit quos dominus percepturus erat, hosce compensare tenetur. Secus vero probabilius dicendum si dominus non erat eas percepturus, ut Caiet. cum Soto; quia tunc nec possessor malæ fidei lucratus est quod suum non erat; nec amisit dominus, quod suum erat. Insuper restituere tenetur possessor malæ fidei fructus consumptos licet ex his non sit factus ditior. Nam qui rem alienam mala fide consumpsit, eam restituere tenetur. Tenetur pariter restituere, seu compensare damna emergentia, & lucra cessantia, quia alioquin non constitueretur debita æqualitas. Dominus autem tenetur in foro interno conscientie restituere possessori malæ fidei expensæ vere utiles si ipse dominus rei eas fuisset factururus, aut si sine detrimento rei ab ea separari queant, quod intelligendum etiam de voluptuosis, ut antea iam dictum est, quia dominus locupletari non debet cum alterius iactura.

§. XI.

De possessore dubie fidei.

Qui pos-
sessor du-
bium fidei
& unde
oriator
ratio du-
bitatio?

Posseffor dubie fidei ille appellatur qui prudenter dubitat, an res, quam possidet vere sit sua. Et huiusmodi hæsitantia oriri potest, vel in ipsa rei acquisitione nempe an res illa sit furtiva, vel si postquam eam acquisivit bona fide, incipit hæsitare an ille a quo rem acquisivit esset legitimus rei dominus; an eam ex iniuria seu iniusta actione furto scilicet, vel usurpatione possideret. Certum est in hac re eum mortaliter peccare, qui rem alienam acquisivit cum dubio num furata sit; quia mortaliter peccat, qui se exponit periculo rem alienam invito domino possidendi; & tenetur sufficienti diligentia inquirere veritatem, nempe an aliena sit & invito domino teneatur & invento domino rem eidem restituere debet nihil exigendo pro prætio, quo eam emerit; cum legitimus dominus nihil pro re sua solvere teneatur, ne quidem bonæ fidei posseffori. Imo si hic sit in mora vel in adhibenda sufficienti diligentia, ut veritatem deprehendat, dominumque rei inveniat, vel in reddenda re domino invento, tenetur de casu sortuito, idest si quamdiu est in mora res alterius pereat, sibi perit, si nihil certi habebatur, quod apud suum dominum æque perisset, ideoque ad restitutionem tenetur, mediante eius prætio vel aliquo rei æquivalenti, iuxta regulam 25. iuris in 6. *mora sua culilibus est nociva.*

Si tamen adhibita debita diligentia adhuc de certo domino saltem dubium prudenter vincere nequeat, mihi videtur æquior illorum sententia, qui volunt non totum reddendum esse personæ de qua dubitat an sua sit, posito quod dubitet circa determinatam personam, seu in individuo: sed quando hæc talis persona nulla ratione demonstrare possit suam actionem super re illa, dividendam esse cum hac persona, de qua dubitat an sua sit, sine ulla detractioe prætii soluti in rei emptione. Vel si dubium suum versetur circa indeterminatam personam, talis pars distribuenda esset in pauperes. Quia cum ipsius rei posseffio inceperit cum mala fide, idest dubitans rem illam acceperit, ei non favet talis posseffio ut rem totam sibi retineat, sed cum dato prætio eam acquisierit, cum altero, vel cum pauperibus plus minusve dividere debet. Quod si post adhibitam diligentiam celsset dubium, totam sibi tuto conscientia retinere potest; quia iam

est bonæ fidei posseffor. Hæc fere omnia tenent Lugo, Lessius cit. hic a Salmatic.

Si quis autem emat rem, quam putat esse furtivam non ut sibi eam retineat, sed domino quando compareat reddendam, non peccat, quia domini negotium utiliter gerit, nec tenetur de casu sortuito, nisi apud ipsum pereat per culpam latam, vel quia omittit debitam diligentiam inquirendo domino, cum in tali casu se habeat, ut depositarius in commodum domini, & domino per sollicitam diligentiam invento rem suam sicuti debet, ei tradendo, potest recipere, & exigere tum prætium quod pro illa dedit, tum impensas, si aliquæ factæ sint pro ipsa re domino servanda, quia cum utiliter rem domini gesserit, æquum non est ut damnum subeat amissionis prætii in ea servanda, donec dominum invenit. Non enim tenebatur proprii boni dispendio alterius iacturam avertere, & hoc ius ei competit in utroque foro. In his tamen habenda est ratio circumstantiarum. Quod si rem domino reddendam, qui huiusce non multum fatageret seu anxius non esset pro ea recuperanda, æquali, aut maiori prætio emerit a fure, vel culpabiliter negligens fuerit in ipso domino inquirendo, ex quo factum fuit ut expensæ in ea servanda redditz sunt maiores, tunc nec pro re posset exigere a domino totum rei pretium, nec integras expensas, ed solam partem utriusque prudentum arbitrio; quia nec in uno nec in alio egit utiliter eius negotium, & hæc est communis Theologorum. Quod si dominus re illa indigebat, vel eam habebat valde caram, tunc iusto prætio imo etiam maiori, si hoc opus fuisset ut a manibus latronum eriperetur teneretur dominus eam emere, quia in tali casu eius negotium utiliter, & prudenter actum fuisset. Sic Covarruv. Leis. & alii.

Quoad illum vero qui cum bona fide emerit, incipit dubitare num res sit furtiva, debet veritatem inquirere omni meliori modo quo potest, & durante inquisitione si res sit usu consumptibilis, ea uti nequit, alias frustra dominus inquireretur. Si vero non sit consumptibilis, ut equus, mancipium, potest ea uti paratus solvere vero domino pretium usus, si non sit modicus, sed gravis, & perniciosus, deductis semper expensis alimentorum. Sed si facta diligenti inquisitione adhuc dubium permanet, tunc tuto conscientia rem sibi retinere potest, quia tunc proprie valet illa regula generalis iuris cap. 6. *In dubiis melior est conditio possidentis*, ac proinde uti rem suam, potest illam

veto.

vendere, distrahere; quia cum moraliter loquendo nulla spes remaneat quod dominus componere possit, rem sibi inutilem retineret: & si vendat dum perdurat talis spes, monere debet emptorem de tali conditione, ne domino comparante damnum sequatur emptori, & quia ratione talis vitii res illa minus valet, & si non moneat, rescindere tenetur ei damnum, si aliquid ei ex hoc sequatur. Ita D.D. communiter. Quod si cesset omnis spes quod dominus inveniri possit, non tenetur possessor monere emptorem eo quod tunc non exponit emptorem morali periculo damni. Ita Sanchez, & alii. Si vero negligit dominum diligenter inquirere, est semper cum tali dubio possessor malæ fidei, & tenetur ad restitutionem tum rei, tum fructuum ex ea perceptionem in toto, vel in parte pro qualitate dubii, quia tunc non manet dubius de damno alteri illato quod plane eidem inulit, dum iniuste eum privat illa spe, ut cum diligenti inquisitione inveniri posset, quæ spes censenda est præcio æstimabilis, ac promitte rescindenda. Sic Sanch. Lessi. alique cit. hic a Salmatic.

§ XII.

De restitutione facienda ab eo qui alterius rem iniuste accepit, aut damificavit.

Tamen si aliqua circa hoc attingimus, dum sermo habebatur de possessore bonæ & malæ fidei; quia tamen in re tanti momenti satis esse nequit pauca incidenter delibasse, operæ præcium dixi rem hic accuratius pertractare. Idcirco pro certo, & generaliter statuitur in hoc proposito, quod qui iniuriam alteri intulit, ipsius rem iniuste seu culpabiliter furripiendo aut retinendo, vel damnicando, tenetur in conscientia rem eandem si adhuc exret, & secus præcium eius, vel aliud æquivalens restituere, sicuti omnes fructus eisdem sive naturales, sive mixtos sive perceptos, sive non perceptos, sed quos dominus percepturus erat, necnon compensare damnum omne emergens, ac lucrum cessans. Sic communiter sentiunt DD. Nam ob illatam iniuriam contrahitur obligatio reddendi omnino indemnem iniuriarum eum cui iniuria illata est, ac eum in statum eundem restituendi in quo esset si iniuria illata ei non fuisset, alias penitus iniuria non tolleretur, nec redderetur æqualitatis mensura, quam exigit iustitia, & ita iniustitia non omnino cessaret. Unde regula restitutionis faciendæ ob iniustam acceptionem, & damnificationem, est quantitas boni quod al-

teri ablatum est, & quantitas damni illati, aut lucri impediti, licet nihil emolumentum læsor inde retulerit. Sic ex cap. Gravis de restit. spoliator. ubi Cælestinus III. sic ait: *Mandamus ablata cum integritate restituere, damna plenarie rescindere, & de illatis iniuriis competenter satisfacere compellatis: provisuri ut non tantum fructus a novo, & violento possessore perceptos, sed quos possessores veteres perciperent, reddi faciat is eisdem.* Furigitur, vel malæ fidei possessor, vel iniustus damnicator tenentur rem alienam quam iniuste possident suo domino restituere, quia donec retinent, eum iniuria afficiunt, ius suum eidem violando quod habet rem suam possidendi, eaque utendi. Si res autem non amplius exret, tenentur eam compensare vel præcio, vel re altera æquivalenti ad mensuram eius valoris; omni enim meliore modo, quo potest res domino reddenda est, ac debet rescindere de iniusto damno quod patitur in rei suæ privatione. Item compensare debent omne damnum emergens & lucrum cessans, quia cum sint iniusta causa utriusque, tenentur dominum indemnem reddere ut iniuria illata removeatur: etenim impedire alteri iustum lucrum idem est ac damnum illi inferre. Sic restituere tenentur fructus omnes perceptos sive naturales sive mixtos ab ipsis perceptos licet eos dominus non percepisset, etiam si non amplius extent, nec ex illis facti sint ditiores ex l. 22. Cod. de rei vindic. quia cum res domino suo fructificet, eo in fructus omnes ab ea producti ipsius fiunt. Ubicumque enim res sit, domini est, & domino valet quod ibi valet. In eo tenentur restituere domino fructus ipsos a se negligentia sua non perceptos, non solum naturales & mixtos, quinimo etiam mere industriales, quos dominus sua singulari diligentia licite percepisset; & si fructus quos iniustus detentor percepit, dum est in culpabili mora pereunt, ad damnum ipsius pereunt. Nam omne damnum ex tali iniusta detentione domino proveniens, ei compensari debet. Fructus tamen industriales tantum quos dominus rei non percepisset restituendi non sunt cum sint fructus non rei alienæ sed propriæ industriæ. Ude quæ pecunia furtiva negotiatus est non tenetur lucrum suum restituere, sed duntaxat pecuniam ablatam & damnum si ex tali subreptione domino emerit, vel lucrum cessaverit.

Nora r. quod semina, aliæ similia si aliena sint non fructificant domino suo, sed domino agri l. 22. §. de usur. ubi sic; *omnis fructus*

fructus non iure feminis, sed iure soli percipiuntur; quia sunt magis soli, quam feminis quod mortuum est & ab agro vivificari ac ali debet. Quare qui triticum furtivum feminavit in agro suo, tenetur solum restituere aliud triticum in eadem mensura cum damno emergente & lucro cessante, si quod dominus tritici ex tali furto passus est.

• Nota 2. Restitutionem fructuum faciendam esse deductis prætorio operis, & laboris, ac expensis, quas dominus ipse facere debuisset ad illos percipiendos, ad eius conservationem, ac ad eius melioramenta, quibus rei valor crevit domino ex l. 7. §. *soluta matris*. Nam hæc deductis dominus dampnum non patitur, & reductur aequalitas.

Iniustus damnificator non tenetur ante sententiam iudicis aliquid supra dampnum solvere in penam pro culpa; quia punitio ad iudicem spectat. Tenetur quidem post sententiam, quia iudex ius habet eam infligendi, & iuxta sententiam obligat in conscientia. Ita S. Thomas 2. 2. *quæst.* 61. *art.* 3.

§. XIII.

De debito furis, ac cuiusque iniqui possessoris aut damnificatoris restituendum rem alienam quæ apud ipsos perierit, peritura etiam si fuisset apud dominum.

Iniustus possessor tenetur rem domino restituere quæ apud ipsum perierit non peritura apud dominum nisi per iniuriam alterius v. g. per furtum. Ita communiter DD. Quia sicut ille alius teneretur restituere; sic præveniens tenetur dampnum rescire utpote qui fuit iniusta causa totius damni.

Nota quod si res pereat iniuria vel dolo iniusti possessoris, quia vel amisit culpa lata, vel scienter eam destruxit, consumpsit, alienavit &c. tenetur prætorium eius domino restituere licet casu apud hunc peritura fuisset: sic communiter. Talis enim detentor hic & nunc est iniusta causa perditionis rei, quæ vere perierit per iniuriam eius, ac ideo per iniustam læsionem statim contrahit iniustus possessor obligationem restituendi, quæ casu subsequente fortuito non extinguitur. Unde interimens Ioannem hodie, qui alioquin cras occidendus erat a fera est iniusta causa mortis Ioannis ac tenetur ad restitutionem pro tali homicidio faciendam. Et hoc eo magis patet, si tempore quo res aliena ex culpa perierit, seu destructa est, nulla habebatur noticia interitus, vel periculi futuri. Nam cum illud periculum ef-

fet prorsus ignotum, res illa tantum habebat valoris apud homines, ac si postea non fuisset peritura. Iniustus igitur possessor totum illum valorem per iniuriam a re abstulit, ac ideo totius debiti illius factus est reus; & ita traxit in se onus, & obligationem totius illius debiti solvendi. Nec a tali debito eximitur ex eo quod subsequens eventus ostendat rem postea perituram fuisse, minusve valituram; quia hoc non facit rem minus valuisse, tunc quando iniuste destructa est, pro quo tempore taxari debet valor damni illati. Sic ex Lugo P. Antoine.

Tenetur iniustus possessor ad restitutionem rei alienæ, quæ casu etiam apud ipsum perierit, quando non sit omnino certum perituram fuisse apud dominum, quia in dubio melior est conditio innocentis, & domini possidentis ius certum recipiendi rem suam vel prætorium eius. Imo in multis tenetur ad restitutionem etiam si res certo peritura fuisset apud dominum casu, vel iniusta spoliatio. Nam eo ipso quod rem alienam quis iniuste auferit, aut retinet, iniuriam inserit domino, quæ iniuria semper secum affert debitum restitutionis. Per accidens autem est, quod casu pariter peritura fuisset etiam apud dominum. Insuper qui iniuste accipit, incipit iniuste detinere, & qui iniuste detinet, semper est in mora restituendi, quæ mora cum trahat ad se periculum rei, ut iura definiunt, efficit ut qui est in mora teneatur etiam de casu fortuito. Item casus subsequens non facit quod fur, sive quis alter iniustus possessor re ipsa non inulerit dampnum, sed solum ostendit quod ab altera causa processisset, & alteri causæ fuisset imputatum. Similiter qui ratione rei iniuste acceptæ semel obligatur, nequitiam per subsequentem casum sortitum censeri potest absolutus a contracta obligatione restituendi.

Nec valet dicere nullum fieri dampnum rei domino eum per iniuriam illa expoliando, quando constat iam, ex casu tortuito æque ea privandum; ideoque nihil minus habeat, quam alias fuisset habiturus nec ex eadem pariatur dampnum, quod in iniuria illata est sola ratio obligans ad restitutionem. Nam inspecto statu in quo dominus privatus fuit per iniuriam re sua a qua iniuria est inseparabile debitum restitutionis, sine dubio in tali iniuria dampnum fuit ei illatum, quia spoliatus fuit re quam certe, & sine præfenti periculo possidebat, quidquid sit de fortuito futuro eventu, ex quo re eadem fuisset expoliandus.

Obiici insuper posset exemplum de nauta qui ex navi, quam mercator conduxerat ad merces suas vehendas eadem transferens invito mercatore in navim deteriorem, si hæc, & non altera pereat: cum mercibus conductoris tenetur nauta compensare mercatorem de damno; non autem si utraque navis ex navigatione pereat; quia æque merces perissent reliquæ in priori navi a mercatore conductæ ut statutum fuit *l. ultim. §. ad Legem Rhodiam*. Sed respon. hoc nihil facere ad rem, cum ibi non agatur de iniusto possessore, qui rem alienam habeat per iniuriam, seu per iniustam acceptionem sicuti in casu nostro.

Si quis vero alienam rem, quæ incendio vel alteri peritura erat apud dominum, auferat in ipso etiam actu periculi, & post elapsum periculum non restituat, & apud ipsum dectentorem pereat non iam peritura apud dominum, unanimes consentiunt DD. hunc teneri prærium eiusdem restituere, quia cum sit inseparabilis conditio rebus quibuscumque, ut sive pereant sive maneant, semper domino æque pereant, ac maneant; hinc sicuti res illa si peribat suo domino peribat; ita facta liberta, & secuta quocumque ad periculo, domino suo servata manet, ac ad ipsum pertinet; idcirco statim ac liberata fuit a periculo domino reddi debuerat. Quare eam retinens iniuste retinuit, & sic iniuriam intulit domino per iniustam detentionem quæ fuit causa damni idest perditionis rei, quæ iam apud dominum non amplius perierat, unde tenetur prærium eius restituere; utpote qui per iniustam detentionem factus sit debitor. P. Anto. cum aliis.

§. XIV.

De debito restitutionis pro actione posita, ex qua damnum alteri secutum sit.

Qui actionem facit otiosam inutilem & malam quæ siue ex natura sua, siue ratione circumstantiarum periculum alterius damni secum afferat, si ex tali actione damnum alicui eveniat, tametsi diligentiam adhibeat ne damnum alteri sequatur, ideoque ita agendo minime tale damnum intenderit, nihilominus tale damnum retarcere tenebitur; quia in tali actione iniuste egit erga personam, quæ damnum subire, quæ ius habebat ne abique ullo rationabili motivo fieret a quovis actio periculosa ex qua damnum ipse pateretur; & tale damnum actionem ponenti est sufficienter vo-

luntarium in causa, nempe in actione illa periculosa ac mala, voluntarie posita, per quam damnum illud evenit, eo vel maxime quod talis damni periculum perfectum habebat, nec rationabile ei aderat motivum illam periculolam actionem ponendi. Hinc qui de nocte pergit ad domum Ioannis ut illi furetur aliquod pecus, & stabulum cum lumine ingressus fortuito, licet diligentiam cautelamque adhibuerit, accendatur palæa, unde incendium & stabuli, & domus Ioannis sequatur, tenetur sur ad totius damni reparationem, eo quia Ioannes ius habebat ne quisquam cum faculis suum stabulum abique rationabili causa ingrediatur, ob incendii periculum iuxta *l. 30. qui occasione præstat, damnum secisse videtur*. Item, qui præviderit alios suo exemplo probabiliter excitandos ad damnum alteri inferendum, tenetur retarcere damnum totum nempe illud etiam quod alii suo exemplo præstiterunt, si forsitan illi retarcere renuant; quia dans exemplum cum prævisione huiusmodi probabilis periculi, violavit ius proximi qui passus est damnum, quod erat ne quisque aliquo iniusto modo alterum provocaret ad sibi damnum inferendum sicuti fecit prævidens suo exemplo alios probabiliter ad huiusmodi damnum inducendos. Exemplum enim illud fuit iniusta actio, ac modus iniustus unde revera alii excitati fuere ad damnum inferendum ac proinde contra ipsum facit cit. lex; qui occasione præstat damnum secisse videtur. Idem dicendum est de eo, qui non prævidit damnum hoc eventurum, potuit tamen aut debuit prævidere.

Ex opposito vero secus dicendum si damnum eveniret alteri ex actione quam quis faceret ad quam ius habet, honesta sibi que utilis quamvis periculosa, dummodo omnem diligentiam ad illud malum seu damnum impediendum adhibeat quam adhibere consueverunt homines cauti, & prudentes: si damnum enim aliquod ex tali actione honesta seu licita sequi contingat præter eius intentionem, nullam omnino contrahit obligationem, cum utatur iure suo & cum illa cautela, quæ ab actionis natura exigitur, ac proinde damnum alteri sequutum ei non est imputandum iuxta legem 93. §. de regulis iuris; nemo damnum facit, nisi qui id facit quod facere ius non habet. Teneatur quidem de damno si diligentiam, debitamque cautionem non adhibuisset; quia tunc iniuste egisset quoad modum: nam quisque ius habet ne sine iusta causa, & legitima auctoritate malum quocumque modo ei inferatur;

tur; sicuti contingeret si quis in via frequentis itinerantium transitus ioveam aperiret ad feram capiendam; in tali enim casu iuxta *leg. Aquil.* quæ ita decernit, tenere de damno si quid ex ea quis incurreret. Qui autem in actione sua mala ac inutili quam fecit intenderit ut ex ea damnum, seu malum alteri sequatur, licet ex ea plerumque damnum non eveniat, si ex illa forte aliquid mali seu damni contingat, resarcire tenetur; quia damnum illud tunc est in se voluntarium agenti, & merito agens censetur illius causâ; cum re ipsa intentione directâ illud procuraverit per ipsius malam actionem, & inutilem eisdem sufficienter effectivam. Imo tenetur tale damnum resarcire quando alteri evenire contingat ex sua actione mala, & inutili, quanvis plerumque nemini malum ex ea sequatur, nec agens prorsus intenderit, sed tamen prævidit probabiliter secuturum. 1. Quia damnum illud est ei voluntarium in illa actione mala tamquam in causâ, vel saltem tamquam in occasione, quæ æquivalet causæ. 2. Quia fecit iniuriam alteri, qui ius habebat ne actio illa fieret in talibus circumstantiis utpote sibi periculosis, licet diligentia adhibita sit, ne malum eisdem sequatur. Ita D. Thom. 2. 2. q. 64. art. 8. Qui vero in sua actione mala non tamen periculosa, nec intendit, nec prævidere potuit damnum alteri ex ea eventurum; quia nunquam, vel sere nunquam ex tali actione in talibus circumstantiis evenire solet, non tenetur resarcire damnum si a tali actione forte obveniat. Quia damnum illud nec in se, nec in alio ita agenti est voluntarium. Unde qui alienam arborem ascendit ad fructus turripandos, & casu decidens supra suum locum præter intentionem eum interimit, non est reus homicidii, nec restitutioni ob damnum in morte socii obnoxius erga eius heredes; quia talis ascensus tametsi illicitus, non erat ita periculosus; hinc non est reus nisi furti. Et si S. Thom. dicat dantem operam rei illicitæ ex qua mors alterius sequatur reum esse homicidii, supponit rem illam esse aliquo modo periculosam, saltem ex circumstantiis.

Dubitans vero an ex actione sua mala ex se lucri impeditiva, vel alio modo damnicativa quam iniuste posuit, lucrum alicui cessaverit, vel damnum emergerit, tenetur restituere pro rata dubii, seu prout periculum damni illius subeundi vel lucri amittendi æstimatur prudentem iudicio, a quo taxari debet mature consideratis cir-

cumstantiis gravitatis damni, & lucri desperiti, ac gradus periculi. Quia cum talis agens certus sit de positione, quam ipse fecit actionis malæ & periculose damni quod alter passus est, licet ipsi non constet, sed solummodo dubius sit an ex tali sua damnicativa actione damnum alteri obvenierit; si ad nihilum teneretur, inequalities intercederet inter sui causam, & causam innocentis, de cuius reali damnificatione dubitat; quia contra ipsum qui actionem posuit militat actio iniusta quam certo posuit; dum nihil militat contra innocentem, ac proinde contra præscriptum iuris, melior esset conditio, rei quam innocentis, qui totum periculum subiret amittendi sua, cum tunc contra quem utpote certum de positione actionis damnificantis stat præsumptio, immunitas fieret ab omni onere, quod plane repugnat æqualitati requisitæ a iustitia. Igitur saltem pro rata dubii restituere tenetur ad damni secuti compensationem. Multo magis ad hoc tenetur qui cum certus sit de iniusta actione facta, quæ per se satis est ad damnum inferendum, ac de damno secuto licet dubitet an ex illa actione secutum sit, restituere tenetur saltem pro ratione dubii & æstimationis periculi. Dico saltem pro ratione dubii; quia Lessius, alique non pauci volunt hunc teneri de toto damno, tum quia possessio est pro actione iniusta quod talem effectum produxerit, nisi constet oppositum, tum quia præsumptio iuris valet, donec non constet de opposita veritate; tunc autem iuris præsumptio est, damnum ex illa actione, prout consilio malo processisse iuxta regulam iuris 45. in 6. *Inpicipimus in obscuris quod est verosimilius vel quod plerumque fieri consuevit.*

Nec valet dicere æquum non esse quod æquale sit debitum restitutionis ei, qui tantum ex probabili præsumptione, ac ei qui ex certa scientia damnum intulit. Nam iustum hoc est, cum constet positam esse iniustam causam ad damnum secutum. In dubio enim ad damnum revera ex illa causa secutum sit, melior est conditio domini innocentis.

Quod autem de actione iniusta, idem dicto de iniusta omissione idest de omissione rei debita ex iustitia, dum qui omisit versatur in dubio, an damnum ex ea processerit; quia in moralibus actio iniusta, & omisso iniusta sunt ad invicem quid æquivalens.

§. XV.

De debito refarciendi damnum illatum a proprio mancipio, animali, vel filio.

Dominus aut Pater familias, quibus incombit cavere ne servi, animalia, filii aliqui qui sub eorum potestate, ac cura veriantur damnum alicui inferant, si in hoc negligenter se gesserint, ut eorum incuria, quis ab aliquo eorum præiudicium patiat, ante omnem Iudicis sententiam restituere tenentur, quantum damno æquivalet; ex cap. 3. 4. & ult. de iniuriis; quia ex diligentiae debitæ omissione damnum fuit eis voluntarium, ac ideo merito eis imputatur, utpote qui teneantur ex iustitia præcavere ne sui, vel eorum animalia aliis damnum inferant. Quod si damnum illatum sit a fera vel mancipio abique ipsius domini culpa, tenetur nihilominus dominus vel refarcire damnum, vel cedere domino læto feram seu animal, vel mancipium pro noxa quam alteruter horum intulerit. Sic statutum est tum iure Civili *Instit. digest. & cod. de noxalibus actionibus*, tum ex iure Canonico cap. ultimo de iniuriis. Hæc autem leges non sunt penales, sed dispositive ac æquitate, & iuri naturali consentaneæ. Cum enim animal, vel servus non sint sui iuris, sed id totum quod sunt domini sint, leges æquissime disponere ut sicuti omnis utilitas ab eo toto proveniens domini est, damnum quoque domini sit, nisi ea pro damno tradere velit; quia qui sentit commodum, debet sentire & onus, ut in reg. 55. iuris in 6. idcirco obligare dicunt alicui hæc leges ante iudicis sententiam in foro conscientie, nisi ex consuetudine legitime præscripta sententia iudicis requiratur. Verum sentiunt alii permulti, & communis quod nisi præcesserit gravis domini culpa Theologica ob vigilantie defectum, nihil restituere teneatur ante iudicis sententiam; quia sic usu receptæ sunt illæ leges, nec id necessarium est ad illarum finem. Post sententiam vero tenetur in conscientia parere eidem sententiæ iudicis, quia hæc non fundatur in presumptione culpæ, sed in legibus, quæ ad bonum communis ac ad pacem publicam ita statuere ut domini vigilantiores, cautioreque redderentur in cavendo ne aliquis a suis damnum patiat.

§. XVI.

De debito circa restitutionem eorum quæ accepta sunt ob opus malum.

Ut pro faciliiori intelligentia negotiorum hoc aliquatenus elucidetur. Notandum 1. quascumque promissiones, vel pacta inita ob turpem causam, antequam opus ipsum prævum sequatur minime obligare, imo iure ipso naturali, & positivo esse prorsus irrita, siue verentur in materia iniustitiæ, siue cuiuscumque alterius vicii; quia talia pacta ac promissiones ad malum provocant, ideoque non obligant; imo nec impleri possunt etiam si iuramento fuerint firmata. Nam tunc temere iuratur, & impie quando quod iuratur implatur: ait S. Augustinus term. 10. in novis sermonibus loquendo de impio iuramento Herodis facto puellæ salutate.

Notandum 2. quod ille, qui pro opere malo patrando præteritum recepit, si opus promissum ob tale præteritum non posuit, restituere tenetur; quare nequit Meretrix pecuniam pro meretricio acceptam sibi retinere si forte copiam facere sui corporis recuset, quia pecuniam solvens noluit ipsius pecuniæ donum transferre nisi effectu secuto. Quæstio igitur versatur circa restitutionem præteriti præstito malo opere promisso.

Notandum 3. Promissiones, aut contractus ob turpem causam alios esse absolutos apparenter, sed implicite conditionatos, ut si dicatur, occide Ioannem, & dabo tibi 50. aureos; alios vero expresse conditionatos, ut si dicatur, si traxeris mihi copiam corporis tui dabo tibi hunc annulum.

Notandum 4. Condiciones turpes apponi posse & ut obligatorias, & ut non obligatorias: 1. modo quandoquodammodo vult alium obligare ad opus illicitum perpetrandum. 2. modo dum non intendit alterum ligare, sed seipsum, si alter prævum opus exequatur; ut si dicas, dabo tibi filiam meam in uxorem, si falsum dixeris testimonium. His prænotatis

Accepta ob turpem causam ante opus malum patratum ex contractu siue absoluto, siue conditionato obligante ad talis operis executionem restituenda sunt, siue opus malum peractum sit, siue non, ut si quis accepit 10. aureos ad patrandum homicidium, veneficium, maleficium, stuprum, adulterium, & quodcumque aliud prævum opus promissum, siue exequatur siue non; semper accipiens tali pacto accepta restituere

F re

re tenetur ex l. 26. ff. de verborum obligationibus ubi sic: *Generaliter novimus turpes stipulationes nullius esse momenti*: & l. 123. *Si plagii faciendi vel facti causa concepta sit stipulatio ab initio non valet*: & ratio est manifesta, quia ista data non sunt, nisi ea lege ut accipiens se obliget ad opus malum, ad quod se obligare nequit; cum contractus non possit esse vinculum iniquitatis, ac proinde talis obligatio nulla est & nulla datio, & sic dominium translatum non fuit si ve pactum executum sit, si ve non, iuxta Regulam 18. iuris in 6. *Non firmatur tractu temporis, quod de iure ab initio non subsistit*. Et equidem contractus illi utpote onerosi debent obligare tam promissarium, quam promittentem; alias si solum promittentem essent gratuiti: unde cum non obligent promissarium, eo quod nemo obligari possit ad peccandum; igitur nec promittentem obligant, ac ideo ex omni parte nulli sunt. Navarr. Adrian. P. Antoi. Henno, aliique communiter tum veteres, tum recentiores.

Ex oppposito autem communiter sentiunt DD. quod accepta post malum opus patratum puta homicidium, adulterium &c. attentio iure naturæ (quidquid sit de positivo in aliquibus casibus, de quibus iam erit sermo ubi de donatione illicita) de quo committendo initus erat contractus conditionalis, sine intentione tamen obligandi ad opus malum, non tenetur recipiens restituere, sicuti neque quæ accepit ex sola liberalitate: & ratio est quoad primum, quia nisi prohibeatur per aliquam legem, recipiens habilis est ad acquirendum, & qui dat, dat omnino voluntarie, quia dat non ut pretium pravi operis, sed ut solutionem quam promissit posita conditione. Licet ergo in hoc casu sponso quoad tempus præcedat opus ipsum, tamen sequitur quoad vim, efficaciam & obligationem, unde tenet talis promissio, & ac proinde accepta vi talis promissionis iuste retineri possunt, nec sunt restitutioni obnoxia. Quare per hoc conciliari possunt DD. qui contrarii videntur prioriter sententia, cum volunt præteritum ob turpem causam acceptum naturali iure esse restituendum, eo quia promissio ac contractus obligans ad opus pravam valet: conciliari, inquam, possunt, si intelligant de promissione seu contractu conditionalis, quo spondens se obligare non intendit, nisi opere posito, ut fert natura conditionis, scilicet vero si intelligant de promissione absoluta obligationem afferente ante operis consummationem.

Quoad alteram partem vero, nempe quoad tributa ex sola liberalitate seu gratuito hic distinguendum cum P. Stenno inter data ob opus meretricii, & data ob aliud opus pravam. Data liberaliter ob meretricii opus sentiunt communiter DD. si ve ante si ve post dictum opus paucis c. libus exceptis tum iure naturali, tum positivo in conscientia retineri posse, ut habetur ex D. Thoma 2. 2. q. 61. art. 5. ad 2. ubi sic ait, *Cum quis dat meretrici ob fornicationem, mulier sibi potest retinere quod datum est*: hic enim non dilinguit S. Doctor, an donatio fiat ante, vel post peccatum opus.

Quilibet enim rei suæ dominium in alium transferre potest quando per leges hoc ei non prohibeatur. Nulla autem lex proferri potest quæ irritet in nostro casu dictam dominii translationem. Non lex profecto naturalis quia licet naturalis ratio dicat donationes huiusmodi esse illicitas tam ex parte dantis, quam accipientis utpote provocantes ad inchoandum, vel prosequendum meretricii scelus, non dicat tamen eas esse invalidas. Non leges pariter civiles, quinimo potius illis favent, eas confirmando ut l. idem, si supram 4. ff. de conditione ob turpem causam in qua sic habetur. *Meretricem turpiter facere quod si Meretrix, non turpiter, id est inultu, accipere, cum sit Meretrix*. Et l. Affectionis ff. de donationibus dicitur: *Affectionis gratia, neque honeste, neque inhoneste donationes sunt prohibita; honeste erga benemerentes, inhoneste erga meretrices*. Et hoc confirmant leges quæ irritant tales donationes factas multis, & minoribus; unde cum exceptio firmet regulam in contrarium, evidenter sequitur quod donationes huiusmodi factæ ab aliis sint validæ. Cum autem leges non distinguant, num ad earundem donationum valorem fieri debeant ante vel post opus, nec nos distinguere debemus. Immo hæc retinere potest nempe gratuito donata mulier quæcumque si ve meretrix si ve honesta etiam non impleta conditione, tamen Amalius ea dedit animo alliciendi mulierem ut sibi ad turpia consentiret, sine tamen ullo pacto expresso, vel tacito, in tali enim casu sibi imputare debet Amalius, quod nimis fuerit credulus, & plus quam debuit speravit. Quia mulier quæ sine tali pacto tacito, vel expresso consensit ad prava munera accepit, non peccat contra iustitiam ea retinendo, quia fuit donatio mere gratuita, ac liberalis inducens moralem obligationem ad licita, & honesta. Sic Lugo alique. Peccant quidem feminae pec-

peccato scandali, hæc munera accipiendo; quia reddunt Animum aulaciorem & audentiorem, & ipsa facilius te reddit ad ruinam. *Matrona* ex D. Hieronymo ait D. Thomas I. 5. de erudit. Principis non est casta, quæ cum regatur munera accipit.

De illis
qui ex
lege in-
habiles
sunt ad
dandum

Dixi quando per leges hoc ei non prohibetur, quia aliqui dantur casus in quibus per leges inhabiles redditur ad dandum quod datur, & accipiens consequenter ad recipiendum; quia cum dans inhabilis redditur ad transferendum dominium, inhabilis eo ipso redditur accipiens ad dominium in re a tali dante accepta acquirendum, ac ideo annuatur adhuc a quo pender ius accipiendum iustitia & retinendi; unde res accepta restitui debet. Inhabiles autem ad dandum redduntur per leges milites, minores, servi, filii familias, liceat quoad quædam munuscula videtur consuetudo contrarium induxisse. Multoque magis irritæ redduntur huiuscemodi retributiones si fiant a Religioso professo, ac ideo Monasterio in toto rictore conscientie restituentæ sunt, cum Religiosus nihil queat expendere sine expresse vel tacita superioris licentia, quam nec Superior, nec totum Monasterium in hisce casibus ei concedere valet. Si tamen Religioso concessa esset facultas disponendi de aliquibus, posset si forte in tale probum incidisset ut etiam prolem susceperet, posset inquam ea impendere in subsidium femine, & prolis titulo elemosinæ, dummodo omnino cessasset animus meretricis; quia donationes illæ piæ sunt, & fere necessariæposito peccato.

Uxoratæ, filizfamiliz, ancillæ non tenentur unæ restituere marito, aliæ patri vel domino, seu reponere inter bona domestica præteritum turpitudinis, vel munera quomodolibet ab Amalio eis donata, & est probabilius, quidquid in contrarium dicant alii: quia sicut alia, quæ acquirit propriis manibus infimo marito, potest clam in propriis usus convertere, idemque dicito de filia respectu patris, de ancilla respectu domini, ita poterit ea quæ per turpe lucrum acquisivit. Et hoc multo magis constat; quia maritus in rebus turpibus, & inhonestis ius non habet, cum hæc sint illi valde odiosæ & molestæ. Insuper quia donata a consanguineis & amicis constante matrimonio non communicantur inter coniuges, eo quod presumuntur præstari ex affectu, & voluntate, ut ea sibi mulier retineat, sicuti de donatione facta filiofamilias sub patris potestate existenti. Sic Palatus, Bonac. Graff. aliique non pauci.

Verum in praxi tribunales poenitentis circa huiuscemodi parta ex iniquitate consultissimum est quod Confessarii, quando rei talis pravi, ac sordidi lucrî accedunt, imponant his pro poenitentia præter alia etiam obligationem erogandi talia bona in elemosynas pauperibus, vel in alia pia opera, si adhuc apud eos extant, sive in se, sive in æquivalenti, dummodo forte ipsi quoque illis non indigeant; & quia talia crimina poenam merentur, & ne lucrum ex iniquitate reportetur, & sic receptor affectum ad culpam non retineat, & ad turpia huiuscemodi iteranda non alliciatur.

Expósito & comprobato primo allatæ distinctionis membro, nempe quod liberaliter seu gratuito data ob opus meretricis possint valide sine ulla iniustitia a recipiente retineri, restat videndum de datis ob aliud opus prævum quod non sit meretricium, & de his resolvitur & statuitur cum laudato P. Henno non posse ab accipiente valide retineri, ac proinde eum teneri ad eorumdem restitutionem. Et ita tenet etiam S. Thomas 2. 2. q. 62. art. 3. ad 2. & alibi. Nun licet tales donationes ex iure naturali valide sint, reddantur tamen invalidæ a iure positivo, ut censat ex l. iuris gentium 7. ff. de Pactis. l. si plaris de verbor. oblig. l. Generaliter 26. & seq. ubi nullæ declarantur, irritæ nulliusque valoris obligationisve huiuscemodi donationes. Et valde æque per hoc a iure cautum fuit, ut tollatur occasio ne mores corrumpantur, lædatur iustitia, ruat charitas, triumphet iniquitas, miseri opprimantur, divitum iniquitas extollatur. Hinc D. Angelicus, quia vim dictarum legum novit, ait *supracit. loco* Et quia etiam ille, qui accipit non debet sibi retinere. Autoritatem D. Thomæ firmat ipsa ratio. Ex enim cum leges illæ invalidas nullasque huiuscemodi donationes statuunt, eo ipso inhabilem reddunt dantem ad donandum, ac proinde ad dominium rei donatæ in donatarium transferendum. Variæ sunt donationes quæ ob turpem causam a iure positivo reiciuntur, seu reprobandur, nempe quæ fiant sicario pro aliquius interfectione, quæ fiant ut aliquis ad peccandum provocetur, sive præcepta omitendo, sive verita perpetrando, puta ut detrahatur, ut falsum iuret, ut blasphemet &c. Item quæ fiant Procuratoribus, Advocatis, ut in causa iniusta defensionem præbent, testibus pro falso testimonio dicendo, Iudicibus ut iniustum proficiant iudicium.

Data ad turpem causam restitui debent Fisco quando per sententiam iudicis Fisco adiudicatur.

Vatim
donatio
non a iu-
re pos-
siva re,
probat.

centur. Quando autem fisco non adiudicentur a iudice, cum dominium a dante transferri non poterit, ac ideo dominium apud ipsum remaneret, ut proprio domino eidem restitui debent, dummodo tamen illa non statuerit Ecclesia expendenda in pia opera ut contingit in simoniacis datis, & acceptis, ac de iis intelligendus est S. Thomas ubi docet, donationes ad turpem causam factas reddendas esse per earundem erogationem in pauperes, cum iam expresse dicat D. Augustinus in *epist.* 133. alias 154. ad Macedonium, inique accepta ab Advocato, Clienti esse reddenda. Et circa hoc, idem dicendum etiam de acceptis ob turpem causam tamquam eius præteritum.

S. XVII.

De obligatione restituendi accepta ob opus bonum iam debitum.

Quæ
motus
possit
etiam
esse
debita.

Nota 1. actionem posse debitam esse vel ex iniustitia, vel ex alia virtute a iustitia distincta puta ex Charitate, vel gratitudine. Sic tenetur ex charitate succurrere proximo indigenti, benefacienti grato animo saltem retribuere, & ex iniustitia eum non lædere.

Nota 2. accepta pro actione debita dari posse vel per modum præstii, vel per modum alienationis, vel sub conditione si facta fuerit actio sub conditione posita.

Nota 3. veritum esse iudicibus iure tum naturali, tum positivo Civili; & Canonico recipere munera quæcumque oblata a litigantibus licet gratuito ante prolationem sententiæ, ut habetur pluribus in locis divinæ scripturæ ubi reprehenduntur talia munera recipientes ut Deuter. 16. Isa. 1. Quia ut Ecclesiast. 10. *excitant munera oculos iudicum.* Unde impossibile est ut in proferenda sententia non propendant in favorem munerantium.

Nota 4. Omnes alios ministros, qui a Republica vel a Principe iustum habent stipendium pro sui muneris exercitio, vel qui saltem stipendium ab aliis accipiendum habent a lege taxatum, non posse in primo casu quid a quovis recipere intuitu sui muneris quando contingat quod illud exercere debeant, nec posse quidquam supra taxam legis pro sui muneris exercitio exigere in secundo casu; alias in utroque contra iustitiam ageretur, præcipue si nulla occurrat nova ratio plus exigendi. His prænotatis

Qui titulo præstii aliquid præstio æstimabile accipit pro opera quam ex iniustitia

præstare tenetur iuxta communem quidquid accipit restituere debet. Vendit enim in tali casu alteri, quod est invendibile, cum ille qui solvit ius habeat ad actionem illam independenter ab omni solutione, ita ut ex iniustitia ei debeat opus sine ullo suo sumptu; ac ideo talis venditio iuxta D. Thom. 1. 4. cap. 4. de erud. Princ. non secus se haberet ac ea qua quis mihi venderet vestem, equum, domum, dum hæc mea sunt. Sic ut enim (ait S. Doctor) iniquus esset, qui cassam meam mihi vendere vellet; ita iniustus est, qui iustitiam quam debet gratis ex officio, facere non vult, nisi accepto præstio. Idcirco donans non donat in hoc casu, nisi involuntarie, coacte, & rationabiliter invitatus. Hinc recipiens utpote qui cum alterius seu dantis iniuria recipiat, iniuste recipit ac retinet quia cum ex iniustitia opus suum dare teneatur, nullum habet titulum, seu ius recipiendi ab eo cui opus tribuere debet, neque scilicet ex contractu oneroso, qui mutuum parit obligationem, quæ nulla supponi potest in dante ut consequatur quod ei ex iniustitia debetur, neque ex pacto gratuito cum donanti non sit animus liberaliter, & gratiose donandi, sed coacte ex timore iniuriæ ne in iure suo defraudetur, ac proinde nullam facit domini translationem rei datæ in donatarium. Igitur cum sic accipiens minime excusari queat de iniuria, & iniustitia quam facit tunc in accipiendo, plane censeri nequit liber ab onere restituendi donatori id quod cum eiusdem iniuria iniuste ab eo recepit. Sic Salmatic. P. Antoi. Henno cum alia communiter.

Hinc non solum iudex pretium recipiens ut iustam erat sententiam, vel ne iniustam proferat pro parte, cui favet, vel, ut quando pro utraque parte iniustitia incerta, seu dubia apparet, parti faveat pro qua iustitia est minus probabilis, dum iudex probabilioris sequi teneatur; iuxta Innoc. XI. qui contrariam propositionem quæ numero est 3. proscriptit: *Probabiliter ex primo passu iudicem iudicare iuxta opinionem etiam minus probabilem.* Sed Tellis etiam ut veritatem dicat, vel non dicat fallum; elector vel suffragium ferens ut stent pro digniori, ac inde omnes hi ac alii qui ut pretium pro suo opere ex iniustitia debito quod recipiant, reddere tenentur. Propterea vix dicit P. Cuenelatus iniquis illis ministris, qui in solvendis publicis rationibus a Principe stat ut et cum suis stipendiis, diu desistant accedentes ad exigendum pecuniam sibi debitam, ut tali iniquo artificiolucentur, fœs inducant.

cant illos ut eis strenam, vulgo *mancia* eribuant. Ministri huiusmodi non discrepant a furibus utpote qui vendant creditoribus eam sollicitudinem quæ ratione sui officii ipsis est debita. Et hoc intelligendum etiam a tertia persona huiusmodi iniquam remunerationem recipiant, ut accelerent creditoribus debitam solutionem. Quod si minister nulla adhibita dolo arte prompte suum officium exequatur, idest sine ulla studiosa defatigatione faciat quod debet, & a creditore potius opulento fiat aliqua liberalis donatio; & huiusmodi liberalitates exercere soleat præsumi potest in talibus quoque circumstantiis ex liberalitate, & prout voluntarie donasse, præcipue si hoc contingat postquam Minister debitam sui officii operam præstitit; quia si prius detur semper locum habet suspicio quod voluntarie omnino datum non sit; & in tali casu sit licita ministri acceptio si se declarat paratum sine tali largitione ad agendum quod ex suo officio tenetur, ut qui dat deprehendere queat nihil eum exigere pro opera quam debet.

Si quis vero aliquid tanquam prætinum pro opere non debito ex iniustitia, sed ex Charitate vel alia virtute reciperet aliquando secundum aliquos teneri potest ad restitutionem, aliquando non, & secundum aliquos nunquam teneri. Dicunt enim auctores certæ sententiæ ac sustinent quod solum vendere quod est debitum ex iniustitia, vel spirituale, utpote non prætinum æstimabile ac ideo invendibile, ut si quis reciperet tanquam prætinum pecuniam, aut quid æquivalens pro missa audienda, actus fidei, ac spei exercendos, ut ieiunet, ne se inebriet, ut ministret, ac recipiat sacramenta, parit obligationem restitutionis, tametsi opus propter quod acceptum est, non sit debitum ex iniustitia, sed ex charitate, vel religione, quia est opus invendibile, & venditio in aliquo ex his casibus simoniaca, nisi forsan in omnibus, foret. Alii vero qui dicunt accepta tanquam prætinum pro opere bono alteri præstando interdum obnoxia esse restitutioni aliquando huic oneri obnoxia non esse, non distinguunt inter opera debita ex iniustitia & debita ex sola Charitate seu alia virtute, sed inter magis & minus gravem exigentiam charitatis proximo subveniendi, & quatenus intervenire debet labor, sumptus, vel periculum in huiusmodi operis executione, & hæc verior videtur ac ut magis rationi consona probabilior. Unde secundum horum sententiam recipiens pecuniam, seu æquivalens ut proximum eripiat ex naufragio, du-

Inst. Theol. Moral. Tom. III.

num vicini ab incendio præservet; infirmo succurrat, socium a peccato removeat, aut graviter indigentem panem, pharmacum, ut alia subministrat, licet ex solo charitatis titulo hoc subsidium præstare debeat, & in tali executione nullum incommodum laboris, sumptus, periculi subeat, taliter accepta restituere debet, quia quando charitas maxime urget subvenire proximo, gratuito, nullo exhibitio prætinio charitas præcipit, & dans in tali casu, dat coacte, & rationabiliter invitatus, timens ne alias fieret quod ei deberetur. Quod si tale opus exequi nequeat sine nostro labore, sumptu & periculo; vel vita, salus, fortunæ proximi non sint incerto gravi discrimine, licet aliquid accipi potest etiam tanquam prætinum pro tali opere quod nisi ex Charitate deberetur.

Cæterum si inspectis omnibus aperte constaret aliquid datum fuisse liberaliter, & gratiose præcipue ad alliciendum, seu inclinandum accipientem ad bonum opus præstandum sive illud debitum sit ex iniustitia, sive ex Charitate, aut alia virtute accipiens cogendus non esset in foro conscientie ad restitutionem accepti, cum in tali casu vere ad hoc non teneatur. Quia donatio prorsus voluntarie gratuita, est nullus titulus ut retineatur quod spontaneæ & gratuite largitum fuit, dummodo tamen non inhabilis esset ex dispositione legis positivæ ad acquirendum dominium rei etiam gratiose ac liberaliter donatæ, cuiusmodi est iudex circa munera magni saltem momenti, quavis voluntarie & gratuito eidem a Cliente exhibita, accollata. P. Antoine cum aliis.

Quod si quis acceperit aliquid pro actione aut omissione quæ cedat in solum commodum accipientis vel ad cultum, & honorem Dei, puta ut missam audiat, elemosinam elargiatur, desinat peccare, ieiunia præcepta servet, non se inebriet &c. licet retinere potest dummodo datum non intendatur tanquam prætinum, ita ut fiat vera & stricta emptio stricte ad tale opus obligans: & ratio est, quia, hoc prætinum, quod donatum fuit, ex causa, vel sub conditione, voluntarie omnino, ac liberaliter donatum fuit. Nemo enim ab alio, actiones, vel omissiones liberas & solum ipsi agenti utiles emit. Qui tamen aliquid recepit ne scelus quod perleget puniri solet committeret, cogitur in iudicio ad restitutionem, & post sententiam quando iusta sit, ac legibus conformis restituere tenetur.

Nota quod recipiens, quando donum receptum efficiat ut actio aliqua debita non

ponatur in toto vel in parte secundum substantiam, tunc tenetur donum restituere: quare qui ex voto offerre debet duo candelabra centum argenteorum &c. id ægre adimpleat, non potest recipere a Confanguineo, vel amico quinquaginta, ut libentius id præstet, idcirco restituere tenetur quod accepit, quia non implet in toto secundum substantiam de suo id ad quod est obligatus ex suo voto. E contra vero se tenearis ex voto ieiunare, &c. cum non libenter hoc facias aliquis vel amicus, vel confanguineus donat tibi aliquid, puta vestem ut libentius ieiunares, retinere potes, quia tunc totam substantiam poneris rei promissæ cum totum ieiunium promissum a te impleatur.

§. XVIII.

De eo quod restituendum est ratione rei acceptæ.

Circa debitum restitutionis ratione tantum rei acceptæ conveniunt DD. omnes obligationem esse tantummodo rem ipsam alterius si adhuc apud eum extet, qui illam recepit, restituendi, & si non amplius apud eundem in se extet, quia illam consumplerit, venderit, vel donaverit, aut commutaverit, restituere tenetur illud in quo ex ea factus est ditior, quia tantum, & non plus habet ex re aliena, seu in æquivalenti. Hinc regula, ac mensura restitutionis faciendæ ratione tantum rei acceptæ, est quantitas rei alienæ, quæ in se, vel in æquivalenti possideatur, itaut tantum alteri restituendum sit, quantum de re ipsius, vel de æquivalenti possideatur, l. 25. §. de pet. hered. Ille vero rem alienam in æquivalenti possidet, qui rem alienam donando, vel insumendo res proprias servavit, vel ex eius alienatione aliquid acquisivit & tali modo rem propriam auxit. P. Antoi.

§. XIX.

De obligatione, quam quis habet restituendi quando res aliena quam accepit, iniuste & detinet apud ipsum etiam ex casu fortuito pereat, aut deterior fiat.

Huiusce negotii discussio utiam patet valde coherens est iis quæ antea exposuimus quoad obligationes, quæ incumbunt possessori bonæ fidei, malæ, vel dubiæ; nam ab huiusmodi modis possidendi pender resolutio difficultatum quibus subiaci potest præsens dissertatio. Nam qui rem alienam recepit ac detinuit si hoc contigerit cum mala fide

idest scienter, ac ideo malitiose, voluntarie ac ideo iniuste, cum tali modo rem alterius occupans ac retinens teneatur illius rei dominum indemnem reddere de quocumque damno, etiam fortuito, quomodocunque res apud illum pereat vel deterior fiat, tenetur eum refarcire cum æquivalenti, tamen si casualiter pereat aut deterioretur, quia ob iniuriam illatam domino eundem re sua iniuste expoliando obligationem contraxit servandi eum immunem, in ipsius re, ac liberum a quovis damno, seu detrimento. Si vero e contra rem alienam quis bona fide possideat, vel ex contractu &c. non tenetur restituere, si ex casu fortuito pereat, vel fiat deterior, dummodo non interfit culpa, mora, aut pactum ex l. 23 §. de regul. iuris & cap. unico de commodato. Nam his exceptis res proprio domino perit, ac villior sit l. 9. cap. de pignor. ad.

Lacet casus fortuitus sit extra humanam prudentiam, cum sit inopinatus rei eventus quem homo nec prævidere nec vitare potest, ut incendium, vis latronum, mors &c. tenetur quis nihilominus iuxta communem de casu fortuito, si pactum præcesserit de illo præstando, cum pacta obligent ex iustitia, si sit in mora culpabili restituendi, puta quando tempore statuto rem non restituit cum posset, & postea res pereat; quia ex regnl. 25. iuris in 6. mora sua cuilibet est nociva. Si enim restituisset forsitan non perisset, & per moram culpabilem fit iniustus detentor. Insuper si ex culpa dedit causam casui fortuito, non observando pactum, v. g. si re ulus sit in alio loco, vel tempore quamquo conventum est, & magis periculoso, & in eo res periit, vel si contra pactum ignem accendit in re locata, quæ postea casu combusta est; quia peccavit contra iustitiam. Etenim si hoc non fecisset, damnum secutum non fuisset. Qui enim occasionem damni dat, damnum dedisse videtur, in cap. ult. de iniust. Hæc autem habentur cap. 2. de deposit. Pacto culpa vel mora præcedentibus casus etiam fortuitus imputatur. Sic P. Antoi.

§. XX.

De obligatione quam contrahunt restituendi qui alterius damno moraliter cooperantur.

Præter executores idest principales ac proximas causas operis mali moralis puta Furti Homicidii alteriutve iniuriæ, quæ proximo in eius vita, fama, ac fortunam inferri possunt, dantur alii etiam qui ad tale damnum effici-

Quid casus for-
tuitus.

Concurr-
rentes ad
damnum
causam
proximam
tenentur
ad resti-
tutionem.

ciendum aliqua sua actione concurrunt: hinc iure merito non secus ac causæ principales in medium hi quoque proferuntur expendendo eorum obligationem, quam ex proximi damnificatione contrahunt, unde & ipsi pro damno secuto mediante restitutione refarcire tenentur. Nam Apostolus iudicat dignos morie non solum eos qui malum perpetraverunt, sed eos etiam, qui malum facientibus quouomodo consentiunt, idcirco pro certo tenendum, obnoxios esse restitutioni, non tantum eos qui per se proxime & directe alicui damnum inferunt, verum illos pariter, qui ipsis cooperantur, manum aliquo modo eis præbendo in proximi damnificatione. Et hoc docet Gregorius IX. *cap. ultim. de iniur.* ubi ait: *Si culpa sua datum est damnum vel iniuria irrogata &c. iure super his satisfacere se oportet.* Idemque confirmat Innocentius XI. in sua sententia contra propositionem, quæ n. est 39. *qui alium movet, & inducit ad inferendum grave damnum Tertio, non tenetur ad restitutionem illius damni utilati.*

Nomine autem cooperatorum hic non intelliguntur hi qui physice per semetiplos iunctis cum alio viribus, idest simul cum alio facinus aliquod exequuntur, ut si duo simul hominem occidant, furentur &c. sed intelliguntur ii, qui moraliter solummodo facinorari cooperantur, iubendo scilicet, consulendo &c. Et hoc novem modis contingere potest, qui duobus versibus sequentibus comprehenduntur apud D. Thomam 2. 2. q. 62. *art. 7.* ut iam supra transeunt innotuit.

Iussio, Consilium, consensus, palpo, recursus.

Participans, Mutus, non obstants, non Manifestans.

Primi lex directe, & positive concurrunt; tres alii solum negative idest omittendo id ad quod ex officio & iustitia tenebantur. Qui dato præterito alterum invitavit ad inferendum damnum proximo, reduci potest ad mandantem; sed quia alium sibi subiicit ut ministrum, & executorem voluntatis suæ potest etiam revocari ad consulentem. Sive tamen ad unum, sive ad alium revocetur, nihil interest; quia semper habetur debitum restitutionis. Verum primumquam de cooperatoribus huiusmodi agatur, aliqua pro faciliiori intelligencia sunt prænotanda. Igitur

Nota 1. cum Silvio cooperatorum non omnes ordine eodem & modo teneri ad restitutionem. Nam iubens cæteris est anteposendus utpote principalis causa damni.

Nota 2. neminem ex his teneri, nisi qui

fuit efficax causa damni. Unde si quis consulendo tantum, non tamen iubendo, vel non obstando cum non teneatur, concurrat ad damnum alterius, cum executore paratissimo prorsus determinato, imo proximo ad inferendum malum secundum D. Thomam 2. 2. q. 62. *art. 7.* in corpore non teneatur ad restitutionem, quia per ipsum S. D. Consilium, adulatione, vel aliquid eiusmodi non semper est causa efficax, sicut iubere quod est causa principalis, & non obitare quando sit debitum obstandi, quæ semper sunt causa efficax, ac proinde si per hæc cooperetur ad damnum proximi cum quovis semper est obligatio restituendi, non vero in aliis, subiungit cit. D. Angel. ut in casu Consilii &c. quia non sunt semper causa efficax. Quare cum consules nequeat probabiliter æstimari efficaciter moville paratissimum prorsusque determinatum idest efficaciter per se motum ad damnum inferendum, se habet non secus ac si nihil in opus noxium influxisset. Idcirco nihil censendus est ab onere restitutionis. Et hoc habetur in *cap. Nuper de sententia. Excommunic.*

Nota 3. suadentem minus malum omnimode paratum maius malum exequi, cum animo ut meliori modo quo possit proximi malum impediatur, puta si parato furari centum suaderet ut solum quinquaginta furetur &c. non teneri ad restitutionem; quia hoc non est tam malum consulere, quam a maiori malo dissuadere per minoris electionem & exinde nulli fit iniuria, imo favor. Quod si ipse consulens minus malum, adiuvaret etiam ad illud minus malum exequendum idest inferendum, tunc quia vere influeret, esset efficax causa talis damni, ac ideo obnoxios restitutioni. Item si ipse eligeret facere minus malum dum paratus esset ad maius, quia liberum erat eius voluntati utrumque relinquere.

Nota 4. quod si quis partem dumtaxat consuluit, vel mandavit, non vero totum ut si Titius mandavit Arnulfo ut furaretur quinquaginta, & furatus sit centum, illam partem solummodo quam consuluit restituere tenetur. Sic Bonac. Lugo, & alii.

Nota 5. Consulens, mandans, aliove ex dictis modis movens iam paratissimum ad damnum, ut illud celerius, libentius, atrocius, vel gravius exequatur, tenetur ad restitutionem seu satisfactionem totius damni quicquid in contrarium aliquem sustineat. Tum quia hic, & nunc fuit causa actionis non solum quoad modum, & accidentia, sed etiam quoad substantiam. Tum quia hoc ipso

quod suadeat ut nunc faciat damnum, causata est totius damni, cum ille per illud tempus, quo facere decreverat, animum mutare potuisset, & ad meliorem sensum reduci, vel impediri a damno inferendo, & sine cooperantis consilio, vel opera fieri potuisset ut damnum non inferretur. Quare si ad hoc ut quis restituere teneatur sufficit quod sit causa influens in alterius damnum, hic sine dubio censeretur nequit immunis a tali onere cum vere in tale damnum influxerit.

Dubitans an in alterius damnum influxerit per suum mandatum, consilium, aliumve ex aliis modis, præcipue non obstando, non manifestando dum ex iniustitia ad id tenebatur, hic quoque non eximitur a debito restituendi saltem secundum naturam dubii quod tunc ei occurrit. Et hoc valde consonum est æquitati, ac rationi quia innocenti potius favendum est quam reo; reus est autem qui damnum consuluit. Qui enim posuit actionem per se aptam ad malum inferendum potius iudicare debet eam effectum suo non vacasse quam e contra. Insuper in dubio nemo præsumitur malum sua sponte facturum, & cum possessio flet pro debito restituendi (ait P. Antoine) quando constat actionem positam esse causam ex te damni illativam, sequitur contractam fuisse obligationem restituendi cum damnum ex ipsa actione allatum supponatur, iuxta regulam 45. iuris in 6. *Inspicies in obsecris quod est exorsimilius, vel quod plerumque fieri consuevit.*

Si vero damnificator testaretur se motum non fuisse alieno consilio & aliunde fide dignus sit, in foro conscientie itari potest eius testimonio. Nec desunt casus in quibus graviter præsumi potest damnificatorem proprio motu & neutiquam alterius suasionem fuisse determinatum ad crimen parandum; puta si homicida priusquam consilium quaereret, arderet odio contra inimicum, cui vitam abstulit, & iam mortem ei minaverat nec non omnia executioni paraverat. Item si post acceptum consilium non amplius velit eius mortem licet commoda occasio non semel sibi obtulerit facinoris exequendi, quam paulo post ob novas, quæ inter ipsos exortæ sunt odii causas, vel ob vetera quæ nova excitavit occasio, eidem intulit.

De iniustione, seu de mandante.

Mandans seu iubens actionem quæ habet damnum proximo inferre cum prior sit non solum ordine inter recensitos alterius damni

cooperatores sed principaliter inter huiusmodi causas, siue directas & positivas, siue indirectas & negativas, qui post executionem efficacius in alterius damnum influunt; hinc primario de hoc agimus, qui per eius actum idest eius iussuionem in superiore harum causarum enumeratione explicatur.

Nomine iussuonis & mandantis veniunt, seu intelliguntur, hi omnes, qui explicitè vel implicite iubent, & iubendo movent ad executionem operis, unde inissum damnum alteri inferitur. Dixi explicitè, vel implicite. Quia aliquid præcipi potest non tantum verbis expressis, sed notibus quoque, & signis; imo etiam manifestando inferiori gratum sibi fore si tale opus exequatur. Hinc iubens, seu mandans siue explicitè hoc faciat, siue implicite tantum, siue potestatem habeat præcipiendi, siue non, tenetur ad restitutionem totius damni in quod per eius mandatum efficaciter influxit. Talis enim est vera, & præcipua causa damni illati, & quidem principalis & magis influens in damnificationem quam plerumque mandatarius, idest mandati executor ut ex cap. 6. de sentent. excom. in quo sic habetur; *cum is committat vere, cuius auctoritate vel mandato delictum committi probatur.* Hic enim imprimis quædam necessitatem moralem executori qui, veluti eius instrumentum, ex efficaci eius impulsu damnum infert. Quare tenetur non solum ad damnum, quod de facto iussit, sed ad illud quoque ex mandato præter eius intentionem contingit, si res præcepta tale periculum secum afferebat, & ratione circumstantiarum prævidere poterat. Unde si famulo præcepit combustionem domus Arnulphi cui aliæ domus proximæ erant, & comburantur, & hanc combustionem attentis circumstantiis, loci, temporis, venti, incendi &c. poterat, ac debebat prævidere, nempe plures domos contiguas comburendas, tenetur ad hæc damna omnia compensanda: est communis apud DD. ex cap. de homicidio in 6 ubi Innoc. IV. ait de iubente alicui ut levaret talem venibere, tametsi expresse inhibeat ne occidatur vel membro aliquo mutiletur, si ex iracundia mandatarius præter mandantis intentionem mors in tali verberatione contingat, teneri mandantem de tali morte. Is qui mandat (ait Pontifex) aliquem verberari licet expresse inhibeat ne occidatur ulcetur, vel membro mutiletur, irregularis effectus, si mandatarius fines mandati excedens, mutilat, vel occidat; cum mandando in culpa fuerit, & hoc evenire posse debuerit cogitare. Sic &c.

Si

Si iubens Superior fit, tenetur casu quo executor damnum aliquod ob talem executionem pariat, puta si mulsetur exilio, carcere, bonorum privatione, de tali damno executorem compensare, ut sentiunt DD. Nam iussio Superioris habet respectu subditi quamdam vim, qua moraliter cogitur, & sere invitus operari censetur. Imo mandans contractum cum mandatario tacite inire videtur, de eo reddendo omni sibi possibili modo innumen a damno, & hic sub illa conditione ut mandans subeat onus securum in suæ iussionis executione mandatum suscipere. Si vero mandatarius non sit subditi mandantis, sed ab illo vi stipendii conductus, putant DD. mandantem non teneri ad executoris indemnitatem; cum tunc mandatarius voluntarie periculum in se suscipiat dum prorsus sit illi liberum se tali periculo non exponere. Idcirco sibi imputare debet damnum quod patitur. Volenti enim nulla fit iniuria.

Mandans non tenetur de excessu damni facti ultra ipsius mandatum a sola voluntate executoris, puta si hic iussus comburere tantum domum Ioannis, comburatur etiam segetes, exterminet vineam; talem enim excessum plane refarcire non tenetur mandans, sed executor, quia secutus est ex huius malitia non ex iussu mandantis. Est communis inter DD. Teneretur quidem mandans ad compensationem totius damni etiam si loco Petri quem iusserat occidi, interficiatur Andreas, quia ex ipsius mandantis imperio secuta est. Sic communiter.

Mandans si ante mandati executionem mandatum suum revocet ac seculo curet ut hoc innotescat mandatario verbo, scripto, vel nuntio, & revera ad mandatarium talis sua revocatio, seu retractatio, perveniat, tunc ex communi liber est ab omni debito restitutionis, licet non obstante tali revocatione damnus a mandatario inferatur; quia revocata iussione mandatarius in tali casu non amplius agit mandantis nomine, & damnum non sequitur ex mandantis iussione, sed ex mera mandatarii voluntate ac malitia. Revocatio autem mandati fieri potest, & formaliter per expressam eius revocationem verbo, scripto, vel nuntio, sicuti antea dixi, & æquivalenter puta si mandans cum adversario amicitiam contrahat, aut aliter secum reconcilietur, & in suam gratiam eum recipiat, dummodo tamen mandatarius iudicem nimis dolosum sui mandantis agnoscens hanc reconciliationem non crederet fœditatem & ad facilius securusque

inidias alteri tendendas, quia in tali casu mandans adhuc teneretur de damno, cum vi ipsius mandati actio damni illius iussiva poneretur. Et hoc dicendum, est secundum communem Doctorem etiam si veram crederet seriamque talem reconciliationem, sed postea invincibiliter oblitus mandatum executus sit; quia tunc non obstante tali revocatione adhuc damnus ex vi sui mandati secutus est.

Quod si revocatio mandati non fiat nota mandatario id est non pervenerit ad ipsum ante executionem seu damni illationem, incuria, oblivione, seu etiam malitia illius cui commissum fuit talis notificatio facienda mandatario, vel alia causa, mandans non eximitur ab onere restitutionis; quia non non obstante tali revocatione adhuc damnus secutus est ex vini quæ suæ iussionis; tametsi fieri possit quod mandans si debitam adhibuerit diligentiam ut revocatio sui mandati ad executorem perveniat non amplius peccet; ita qui alicui præbuit venenum, cuius effectum postquam se penituit, impedire, sed in vanum, conatus est, non eximitur ab onere restitutionis. Nec pariter a tali debito levaretur etiam revocata iussione si non efficaciter obstaret, ac pro viribus impediret ne mandatarius damnus quod ei commiserat, alteri inferendum, non inferat, vel si eius voluntatem sic depravaverit & potenter commoverit, ita ut mandatum ipsius influat in damnum saltem per modum consilii, & simplex mandati revocatio non sit remedium sufficiens ad hoc ut mandatarius ab opere sibi commissio removeatur.

Quando mandatarius moneri nequit de mandati revocatione, tunc ille nonendus est, cui iniuria damnusque est inferendum, ut sibi invigilet ac studeat tale periculum evitare; quia qui damnus cum illatum est refarcire debet, priusquam inferatur teneatur quantum potest illud impedire. Si autem hoc fieri nequeat sine mandantis longe graviore detrimento v. g. morte, gravissima infamia, &c. sicuti non tenetur restituere hic, & nunc cum tantis incommodis, qui hoc onere gravatur; sic nec mandans cum eisdem periculis alterum monere.

Sciens alterum paratum esse suo nomine damnus alicui inferre si ut ex iustitia tenetur, non impedit, dum possit cohibendo, vel significando le prorsus hoc nolle, tenetur ad restitutionem; quia censetur saltem tacite mandare, aut saltem eius taciturnitas habetur pro consensu, & approbatione talis iniussu damni.

Qui

Qui vero nec expresse nec tacite iussit alterius damnum, tamen si ratum habeat illud, dum factum est suo nomine, non fit obnoxius restitutioni ut communiter tenent DD. quia quod est posterius non potest esse causa influens efficaciter precedentis effectus, ideoque non potest esse causa illius damni. Nec officit in casu nostro Regula 10. iuris in 6. nempe *ratihabitioem retrahat, & mandato comparari*; quia hæc regula intelligenda est præsertim de contractibus, qui celebrati nomine alterius nescientis, & ab eius consensu dependentes subsequente ratificatione confirmantur. Ratihabitio comparatur etiam mandato, quoad culpam, & etiam quoad penas in iure expressas; non autem quoad debitum restituendi; quia hæc supponit causalitatem in debitore.

Mandans non liberatur ab onere restitutionis licet si ipse non iussisset damnum inferendum, alter nihilominus tale damnum inuulsisset, nempe alius iam domum Caroli combussisset etiam si tu non iussisses tuo famulo ut domum illam combureret. Quia tamen si non mandando inferri tale damnum, hoc illatum fuisset; cum tuo mandato vere efficaciter in tale damnum influxisti, ac proinde tibi tamquam causæ efficienti est imputandum; quia ad causam efficacem sufficit verus influxus, nec est necesse quod sine illa damnum non fuisset causatum.

De Consulente.

Consulens is dicitur, qui consilio, vel precibus, promissis, suasionem, exhortationem motiva suggerendo, facilitatem ostendendo, &c. aliquem ad alterius damnificationem inducit. Hic profecto, sicut communiter docent Theologi, cum suo consilio & suasionem sit efficax moralis causa alterius damni iniuste illati, tale damnum rescire tenetur. Hinc Innocentius XI. hanc proscripsit propositionem n. 39. *Qui alium movet, & inducit ad inferendum grave damnum tertio non tenetur ad restitutionem damni illati*. Si plures vero sint consulentes, cum omnes in damnum influant singuli tenentur ex æquo ad restitutionem. Idemque dicito de pluribus mandantibus, seu iubentibus.

Si consulens antequam suum consilium malum, ac damnificativum seu nocivum consultus exequatur retrahat, dummodo consilium non constituerit in ostensione utilitatis, aut delectationis inde percipiendæ vel modi exequendi, sed in falsa doctrina v. g. quod talis contractus esset licitus, dum est illicitus, talis medicina salubris, dum est

noxia &c. ita ut ante executionem consilii aperiat consulens ei cui ita consuluit eiusdem consilii falsitatem, tamen si non audiat, liberatur a debito restitutionis; quia tunc consulens revocans datum consilium confitendo se fuisse deceptum efficaciter tollit totam causam quam dedit pro dampno inferendo. Idemque dicito de eo qui precibus blanditiis promissis ad damnificandum induxit quando ante executionem offenderit sibi hoc displicere, propositum mutare, ac promissa revocare: quia ita non est amplius causa damnificationis postea illatæ etiam si alter adhuc contra revocationem agere velit, tunc enim hic sua dumtaxat malitia vel privata sua opinione ad executionem movetur. Quod si e contra consulens suum consilium præbendo proposuerit damnificationis facilitatem, utilitatem, delectationem, securitatem, & huiusmodi, tunc licet revocet consilium antequam executioni mandetur si consultus a tali sibi utilitate, facilitate &c. antea sibi propositis a consulente, motus, & impulsus adhuc operetur, ac damnum inferat non eximitur consulens a debito restituendi; quia tunc illa facilitas, utilitas, delectatio quam proposuit ac docuit consulens resultare ex illo opere uti revera resultat, prosequitur adhuc movere consultum ad illius operis executionem non obstat revocatione eidem facta a consulente, ac proinde cum consilium adhuc causa maneat efficax damni, consulens adhuc remanet obnoxius restitutioni. Sic communiter DD. contra paucos qui contrarium & minus probabiliter sentiunt. Idcirco si mandans iussionem talem addiderit consilio, etiam revocato mandato tenebitur ratione huiusmodi consilii damnum illatum a consulto rescire.

Nec valet dicere quod sicut mandans per revocationem sui mandati serio & sufficienter factam mandatario eximitur licet executor damnum adhuc inferat, ab obligatione restituendi pro tali damno, ita retractationem consilii liberare debere ab huiusmodi onere, consulentem cuiusvis rationis sit consilium quod dederit: lata enim est disparitas inter mandantem & consulentem cum propositione utilitatis. Mandatarius enim non agit suo nomine, sed nomine mandantis, idcirco revocata iussione mandans non amplius influit in actionem mandatarii. Consultus vero non agit consultoris nomine, sed proprio ob motivum utilitatis, commodi &c. a consulente in actione iniusta faciendi sibi propositum, puta propter fugam infamiae in vindicta patranda, in consulto homi-

homicidio, in consilio abortu, & huiusmodi, ac ideo quantumvis consultor curet tollere ex animo consulti bonum eidem propositum in suo consilio, cum adhuc perlevere propositum motivum dicti boni alterius menti impositum, adhuc repleta facta etiam consilii revocatione consultor efficaciter inest in opus iniustum parandum, ac damnum per tale opus tertio inferendum, ac proinde adhuc tenetur ad restitutionem per compensationem damni vi sui consilii illati.

Consulens ex stipendio, & officio suo, non solum tenetur de malo consilio, ex dolo, vel culpa lata, sed etiam levi. Inter consulentes enim, & eum qui consilium accipit intercedit quidam contractus in utriusque utilitatem quam percipit consulens ex stipendio & consulens ex consilio. In contractibus vero, qui cedunt in utriusque commodum oritur obligatio etiam ex culpa levi. Sic communiter DD. ex l. contractus 23. ff. de regul. iuris in 6.

Qui malum consilium ex bona fide praebeat si consulens sit idiota, rusticus, mulier, hi per bonam fidem & ignorantiam excusantur a restitutione iuxta regulam 62. inter regulas iuris in 6. *Nemo tenetur ex Consilio alteri praestito id est ex consilio non fraudulento, ut regulam explicant DD.* Secus vero dicendum, si consulens sit iurista, Theologus, Confessarius, animarum Pastor, ex his scilicet qui ex doctrinae professione, vel ratione ministerii imperitorum consiliarii esse debent. Hi enim si per culpam, negligentiam, ignorantiam crassam per liberiora consilia causam damni praebent, ut non raro contingit per eorumdem imperitiam dari causam iniustitiae, & plerumque facilius decidunt, quo plus sunt imperiti, tenentur ad restitutionem. Tales enim Consiliarii culpabiliter consulendo, suo falso consilio sunt causa damni quod vi illius intertur. Siquidem actiones quae ex ignorantia crassa procedunt in his, quae pertinent ad proprium statum, & professionem si damnosae sint imputantur ignorantiae seu consulenti illas, cum ex vi professionis, status proprii, teneretur scire, & in consulendo seu respondendo errorem, vel negligentiam vitare, ita ut si secus se gesserint damni ex sua ignorantia vel negligentia in consulendo secuti, obnoxii fiant restitutioni. Attendant igitur huiusmodi consultores suae sufficientiae & dum non sunt instructi in re circa quam eorum consilium exquiritur, non sint tantae audaciae ut ne quidem aliquantulum haerent ubi sapientiores Theologi haerent frequenter

meditantes illud D. Thomae opus. 73. de ulur. *Invoco sapientiam ne me errare permittat in periculum animae meae & in laqueum aliorum.*

Quando consulens ad hoc ut maius malum avertat parato iam alteri inferre, minus consulit, puta furi efficaciter parato auferre Ioanni 100. consulit, ut ab eodem auferat solum 50. nihil restituere tenetur; quia tale consilium directe non concurret ad damnum inferendum, imo praecile ad gravius damnum impediendum; ac ideo utiliter damnificandi, rem agit. Tenetur quidem si furi ad maius malum Ioanni inferendum parato, consulat ut hoc minus damnum potius inferat Paulo, vel si parato furari alicui indeterminato consulat ut furetur tali, puta Titio; quia eius consilium in utroque casu est causa iniusta damni illati Paulo, ut in primo, vel Titio ut in secundo. Quivis enim innocens ius habet ne contra ipsum damnum consulatur. Licetum est autem furi determinato furari pauperi vel diviti consuleri, ut potius furetur diviti, quam pauperi non determinando ullum divitem in particulari, quia sic non determinatur voluntas furis ad damnum alicuius, sed tantum avertitur a maiori peccato, & damno, cum ceteris paribus, maius sit peccatum furari pauperi, quam diviti. Sic communiter.

De consensu, seu consentiente.

Ut ambiguitas omnis circa naturam consensu de quo hic agitur tollatur censeo advertendum, quod cum consensus sit aliquando simplex complacentiae, quae versatur in actionem ita ratam, ac determinatam, ut nullatenus in eam influat, puta cum quis humano respectu annuit facinori de quo suum consilium ei aperit vir potens iam iam profecturus ad executionem, dummodo ille annuendo non palpet, aut adulatione iniqua reddat hominem alacriorem ad damnum inferendum, quia hoc feculo in tali approbatione non censetur efficaciter influere in malum ideoque non esse efficacem ipsius causam, hic non est ille consentiens de quo nunc loquimur. Item cum puramentalis assensus influere nequeat in damnum alterius, nomine consentientis hic non intelligitur qui simplicem interiore assensum praebet, sed ille cui cum incumbat ex officio dissentire circa actionem, quae est illicita, seu causativa alterius damni, externe approbando, favendo, vel suffragium ferendo efficaciter movet ad inferendum alicui detrimentum. Talis consensus, seu consentiens.

sententia ille est, de quo hic agitur, ac simul statuitur quod præbendo talem suum consensum in alterius damnum, si talis consensus efficax sit ut sine eo alii non possint vel non vellent tale damnum inferre, teneatur simul cum aliis cooperantibus ad restitutionem, ac compensationem huiusmodi iniustæ damnificationis, ut communiter sentiunt DD. quia cum influant ita consentientes efficaciter in actionem damnificativam, sunt vera causa damni. Huiusmodi sunt Consilarii Regii, qui in capitulo vel Collegio habent suffragium in electionibus graduum, & officiorum &c. Ex his enim si ex humano respectu suffragari omittunt vel tacent aliqui in Senatu Regio, ex quo fit ut non avertatur damnum quod avertere poterant, & ex officio tenebantur; ut si non loquantur ad hoc ut excludantur indigni, & digniores eligantur; vel suffragium ad alterius damnum conferunt, puta ad iniustam legem condendam vel iniustum iudicium ferendum ad bellum iniquum, &c. tenentur hi omnes ad restitutionem non solum si in ipsis requiratur plenitudo votorum, cum in tali casu omnes sint causæ efficaces illius damni; sed etiam si solum ut in similibus evenit non requiratur nisi maior votorum pars, & ignorent an vota sint sufficientia; nam tunc vere voluerunt esse cum aliis causa iniusti damni per iniuriam. Imo si dederit aliquis votum suum post sufficientia suffragia, dum poterat abducere priores ad revocanda sua iniusta suffragia; tunc quia tenebatur ex officio adunere, & suum revocare suffragium, tenebatur de damno secuto, non solum ut mutus, & non obstant, sed etiam ut causa positiva; quando tamen suffragia sint revocabilia, ut quando feruntur in consilio; quia damnum non est adhuc efficaciter illatum ante ultimum suffragium, quo maior pars suffragiorum compleatur. Quando vero maior pars iniustum suffragium irrevocabiliter iam dedit, ita ut non amplius damnum impediti possit desistendo, aut resistendo, postremo consentientes per suum suffragium cum conscientia iniusta quando iam sufficiens numerus suffragatus est iniuz sententia, bello iniusto, electioni personæ indignæ, aut minus dignæ, & aliis huiusmodi iniustis actionibus iuxta multos peccant quidem, sic suffragando, non teneantur tamen ad restitutionem. Navarr. Caietanus, Molina, Vasquez, Laymannus & alii. Juxta alios vero teneantur ad restitutionem, quia nomine etiam posterorum consentientium per sua suffragia damnum

executioni mandatur. Sic Henno, Medina, Corduba.

Priores peccant suum ferentes suffragium pro sententia, aut electione iniqua & huiusmodi, & peccant graviter, & ad restitutionem tenentur; quamvis certo sciant etiam sine suo suffragio talem iniquam sententiam, electionem & huiusmodi posteriores esse conclusuros. Sic Henno, Caietanus, Lessius, Lugo, & alii, quia ipsi priores de facto influunt ad damnum nondum positum, & licet sine priorum suffragio alii subsequentes iniquam conclusissent sententiam & electionem, iniustumque damnum causassent, non tollitur tamen quin ipsi priores quantum fuit ex se iniuz sententiæ electionis &c. causam efficacem contulerint ac iniustæ damnificationi, concurrerintque positive ad eam læsionem quæ tamen sine ipsis contigisset, sine ipsis tamen facta non fuit.

Nolens suffragari in his circumstantiis in quibus prævidetur defectu sui voti aliquem iniuste damnandum esse, aut indignè promovendum, peccat graviter, ac tenetur ad restitutionem; quia dum illa incommoda per suum votum impedire possit, non impediendo per suum votum concurrere censetur indirecte, & consentire tali iniustæ condemnationi, indignæ electioni &c. ut ex cap. Qui tacet 43. de regul. iuris in 6. ubi sic. *Qui tacet consentire videtur.*

De Palpone, seu Adulatore.

Palpo nomen est quo adulatores exprimuntur, unde Palpatus nomine veniunt hi omnes, qui laudando, adulando, plaudendo, extollendo alicuius nobilitatem, generositatem, excellentiam, vires, & eiusmodi, aut acceptam iniuriam, dedecus, contemptum, aliaque huiusce generis exagerando, seu alterius vecordiam, pusillanimitatem, ignaviam irridendo, arguendo, exprobando, aliaque huiusce modi agendo efficaciter provocant, movent, incitant ad actionem iniustam, ad capiendum ex inimico vindictam, vel aliud alterum damnum alicui tertio inferendum, quod sine tali palpatione non ingulisset. Hinc taliter palpans si efficaciter influat, id est causa sit quare alter moveatur, incitetur, seu inducatur ad iniustam alicuius damnificationem peccat graviter contra iustitiam & sit obnoxius restitutioni seu compensationi damni, cuius efficax causa fuit per suam palpationem.

Advertendum hic iuvat cum Theologis necessarium non esse ut hi adulatores dire-

As

Re intendant alterius damnificationem, cum sufficiat ut præviderint, aut prævidere debuerint eam ex hoc iniquo agendi modo sequi posse. Et utinam hoc perpendere tale hominum genus, qui fusuiones dicuntur. Nam isti falsa perinde ac vera referendo innumerorum sunt venetica causa, radix, ac leturigo malorum. Unde Prover. 26. sic habetur. *Suffragane subtrahit iurgia conquiescit.*

Si autem adulter hominem laudat de iniustitia iam commissa, non tenetur ad restitutionem; quia non fuit causa damni quod iam factum erat; nisi forte alter ex his laudibus ad alia damna impellatur, & ad non refarcienda præterita quæ intulit.

De Recursu, seu Receptore.

Recurus, seu Receptoris nomine veniunt, hi omnes, qui aliquo modo dant manum alicui proximi damnificatori puta fur, viarum grassatoribus, ficanis, aliisque huiusmodi malefactoribus eos hospitio recipiendo transitum ad furandum eis concedendo defendendo furta rapinae emendo, custodiendo &c. vel præbent securitatem aut commoditatem ad opera iniusta perpetranda; unde sunt efficax causa quare damnum proximo inferatur, seu ne pro iniuste illato restitutio fiat, seu compensatio. Quare recursum talem præbentes si ob eundem recursum, seu receptionem damnum alicui reapse sequatur, alias non secuturum graviter peccant contra iustitiam & obnoxii sunt restitutioni; cum hi vere sint efficax causa iniustæ actionis, utpote qui efficaciter, ac positive in damnum influunt, cooperando ad damnum iniuste illatum & ut exigat stricta iustitia non compensatum. Si quis autem reciperet furem fugientem ab eo qui eum vulnerare aut percutere vult, manifeste constat quod hic tunc illum non reciperet ut furem.

Qui vero titulo amicitiae, consanguinitatis, Patriæ &c. furem a Lictoribus questum occultat præcisè ad eius vitam servandam, non censetur cooperari eius furtis, tametsi soras elapsus a periculo aliquando hic fur aliis damnum illaturus sit, cum damnum illud si prorsus casuale, & per accidens respectu talis occultantis. Fieret vero cooperator furi in suis furtis illum in tali casu occultans, & teneretur de damno, si sic occultet, ut ei spem faciat in posterum simili auxilii, ita ut eo auxilio fretus postea furetur, vel hoc faciat solum cognoscens ex experientia præteriti, vel aliter furem ex hoc

benigno modo agendi occasione arrepturum incidendi in nova furta; tunc enim esset vera causa subsequeutis furti. Item de damno teneretur occultans, si per occultationem quam furi præstitit causa fuit ut non heret restitutio. Si vero nec det spem refugii in posterum, neque sit causa iniustæ detentionis rei alienæ non tenetur; quia censeri nequit causa damni; & si quid possea sequatur, hoc est per accidens. Multo autem minus teneretur, qui bona fide reciperet nesciens esse furem. Et quod dicitur de fure idem intelligendum de Receptore cuiusvis noxii malefactoris.

De Participante.

Participans dupliciter intelligi potest, nempe aut pro eo qui participat in præda, seu re furtiva, aut pro eo, qui participat etiam in crimine scilicet in furto, tamquam socius furti, sive alterius malefici; ut qui scalam apponit, vel sustinet ut fur ascendat, qui excubias agit, vel furem comitatur ut eum defendat, qui ad confringendum & alportandum adjuvat.

Procurator Usurarii, Notarius usurarium instrumentum sciens, Testes qui illud subscribunt, qui venenum præbet ei quem cognovit usurum, ut suum inimicum vel alium interimat, seu ministrans arma parato ad vulnerandum, vel occidendum: hi omnes etiam si damnum sine eorum cooperatione factum fuisset, tenentur ad restitutionem. Participans tantummodo in præda, seu re furtiva, nec ullatenus cooperatus ad iniustam actionem, tenetur ad restitutionem illius partis solummodo, quam habuit, & scienter participavit, & tenetur illam restituere etiam si eam consumpserit. Si vero ignorans participaverit restituere debet partem solum, quæ adhuc extet, vel id in quo factus sit ditor, qui autem participavit in crimine, tenetur ad restitutionem in solidum; utpote qui sit causa & concausa iniustæ acceptionis.

Rustici qui a militibus apprehensi coguntur alportare prædas iniuste acceptas; imo effringere ianuas, armenta e stabulis abstrahere, instrumenta præbere ad depredationum executionem &c. num peccent ac restitutioni obnoxii fiant in hac coacta damni cooperatione, discrepant in hoc statuendo Theologi; alii enim eos prorsus ab omni onere excusant, alii prorsus damnant, alii media via incedendo dicunt aliquid his licitum esse si iusto mortis metu sive alterius gravis mali coacti id agant, quia præsumi pot-

potest, dominum cuiusmodi rerum non esse rationabiliter invitum, cum isti non nisi evitandi causa maioris mali id faciant quod iam de se non est malum, nec subserviant nisi post factum, cuiusmodi est praeda vehere, cum hoc dominum non lædat nisi ex iniqua militum intentione. Nam vehere prædam furtum non facit, sed factum supponit, nec in his dominus potest esse rationabiliter invitus, nec legitime exigere ut alter eius bonis consulat cum propriæ vitæ dispendio. Non eodem modo tamen ob meritum videntur excusari posse si domos effrangent, per fenestras intrent, armenta et stabulis abducant; quia in his gerunt tamquam principales causæ iniuriæ. Gravis remanet difficultas an licite domo mors aliquin illis intentatur, præbere valeant scellas, iuvare ut alcendant, instrumenta dare ad fures effringendas. Leffius tenet etiam hæc facere eos posse, eo quia non sint actiones per se malæ. Sylvio tamen difficile videtur quod in his excusari possint; quia actiones humilioris hic & nunc a talibus factæ sunt cooperationes ad rapinas.

Christiani captivi apud Turcas in eorum triribus, aut aliorum inhaelium contra Christianos metu mortis remigantes, a peccato, & onere restitutionis immunes sunt. Nequeunt vero iussi prædari, tormenta bellica explodere, militares machinas gubernare, navigia eo modo constituere, ut melius consilii queat. Nam sicuti bellum ex parte infidelium est iniustum, sic iniustum est quoque eis cooperari in tali bello quod fieret pugnando, tormenta bellica explodendo, aliaque supradicta arendo. Neque refert quod mors eis intentetur. Nam debent mortem potius subire, quam ad iniustam Christianorum perniciem Turcis obtemperare. Numquam enim licet opem præstare aliquem opprimere, vel occidere volenti. Unde si latrones volentes aliquem interficere ac in auxilium duos aut tres vocarent mortem eis minitandis, si venire renuerent, non liceret eis tale auxilium præbere: non solum peritendo, sed nec aliter iuvando; unde nec Christianis licet pugnare contra Christianos in bello Turcarum. Neque patitur eis licere furripere & prædari, vel incendio bona Christianorum consumere, tametsi compellantur metu mortis, seu gravis læsionis. Sic Sylvius cum Turriano. Quia directe prædari aut incendere aliorum bona iniustum est, & contra legem naturæ, ideo nullo metu hoc excusari potest.

Circa vero excommunicationem Bullæ Cœ-

næ, contra quemodolibet auxilium Infidelibus contra Christianos tribuentes, excusantur captivi Christiani, si remigant contra Christianos, sic iussi a Turcis cum mortis minitatione si renuant, quidquid in contrarium dicant aliqui; quia sicuti alii dicunt præceptum Ecclesiasticum non obligat ipsos in tali statu constitutos, quia leges Ecclesiasticæ non obligant cum tanto incommodo, & periculo, & multo magis quia ut iam diximus excusantur in tali sua remigatione a culpa, sine qua non incurritur excommunicatione.

Nota quod participantes in crimine non omnes subiacent eidem regulæ. Nam qui ita participat, ut alius sit author maleficii ipse tenetur tamquam principalis, & ceteri in eius defectum. Quod si omnes de communi consensu convenerint, id est cooperati sint in damnificatione, mutuo se adiuvantes tamquam una manus iniustam actionem perficiens, singuli æque tenentur in solidum, quia singuli sunt causa seu concausa iniustæ actionis damni secuti. Sic Dominicus Soto, Caiet. Covarruv. cum aliis. Hinc qui communi consilio vineam expoliant alienam, milites qui in bello iniusto Civitatem, vel oppidum depopulantur; singuli in solidum tenentur; cum omnes tamquam focii, alii unam partem, alii alteram damnificantes simul concurrunt ad crimen parricidii damnumque inferendum; unde; omnes ut concausæ talis iniustæ actionis in solidum illatum damnum compensare tenentur; tametsi per impotentiam minus unus, quam alter damnum intulerit? Si autem plures vineam expolient, sed non de communi mutuo consilio, tunc attendendum est, num quilibet ipsorum viderit alios multos singulos singulas partes accipere, & sic magnum securorum damnum, quia tunc singuli mortaliter delinquant, & sub gravi singuli tenentur restituere suam partem tametsi fuerit exigua, & ratio est quia unusquisque videns magnum darum securorum, tenebatur a damnificatione quicumque se abstinere. Licet enim singuli non sint causa actionis illorum, scienter tamen cooperantur ad notabilem proximi læsionem suæ propria actione. Ita Sylvius cum Medina, Navarro, Covarruv. & aliis. Si autem singuli eorum, qui aliquid exiguum capiunt ex vinea nihil sciant de altero, non peccant mortaliter, nec si materia levis est tenentur ad restitutionem; quia neque scienter cooperantur ad grave damnum postea securum, neque causa sunt iniustæ acceptionis rei alienæ.

Non o.
ma
partes in
crimine
sub a-
vnt ei-
dem re-
guæ.

Levi-

Levitas enim materiæ excusat a gravi culpa, & ab onere restitutionis.

§. XXI.

De causis negativis iniustitiae damnificationis, quæ sunt mutus, non obfians, non manifestans.

De causis negativis damni, id est damnum non impeditur.

Iam notavimus antea modos omnes enumerando, quibus possit aliquis ad alterius damnum concurrere quod mutus, non obfians, non manifestans, suo modo huic iniustitiæ cooperantur. Et hi dicuntur communiter causæ negativæ damni, utpote qui damnum non impediunt, cum possint & ratione officii, quod exercent, vel contractus iniustitiæ impedire tenentur. Non enim impeditur damnum tripliciter, 1. tacendo, nempe non reprehendendo, non prohibendo, non clamando. 2. Non obstando, id est omittendo subsidium, custodiam, auxilium, vel operam ad impediendum damnum. 3. Non manifestando damnificationem domino, sive ante ne fiat, sive post datum factum ut refarciatur, & etiam non monendo ipsum damnificatorem de sua obligatione restituendi.

Mutus nomine veniunt illi omnes qui tacent, cum loquendo, consilium, aut præceptum dando, reprehendendo, dissuadendo, prohibendo impedire possent ac ex iniustitia tenentur, ne quis damnum alicui inferat. Dixi ac ex iniustitia tenentur id est ratione officii, muneris, pacti, contractus. Et hi non impediendo aliquo ex allatis modis tenentur ad restitutionem, dummodo tamen re ipsa non impederint seu pro viribus impedire non curaverint damnum quod secutum est, & rationabiliter impedire potuerint. In moralibus enim, is qui potest, & debet malum impedire, si ipso non impediende evenit, illius causa censetur evenisse. Dixi potest & debet si enim non possit abique notabili detrimento, excusatur tum a restitutione, tum a peccato. Si autem possit, & non teneatur ex iniustitia, excusatur a restitutione, non vero a peccato. Sylvi.

Non obfians ille intelligitur, qui ex officio, vel pacto cum possit, de facto obstando impedire tenetur, præbendo v. g. subsidium, & operam ne proximus lædatur. Huiusmodi sunt Principes, Duces belli, Ministri iustitiæ, Custodes nemorum, vinearum, gabbellarum, alive qui quovis officio, contractu, pacto expresso, vel virtuali tenentur invigilare aliorum indemnitati, seu impedire alterius læsionem, siye Publicam Regni, aut Reipublicæ, sive subditorum, ut

qui præfunt tamquam Principes, aut constituti sunt in publico Reipublicæ officio; si ve privatam, ut qui ex pacto vel contractu onus susceperunt gerendi alterius negotia, cuiusmodi sunt Tutores, Curatores relictu pupillorum, & minorum, administratores bonorum Ecclesiæ, vel Collegii, aut alicuius particularis ut Nobilium Factores, Custodes vinearum agrorum sylvarum montium, Advocati, Procuratores qui non impediunt damna suis Clientibus obvenientia, Assesores, Canonici electores, Consiliarii, qui tacendo, vel se abstando, cum possint non impediunt iniquam constitutionem, iniquam, & indignam electionem. Nam hi omnes tenentur ex proprio munere ad inconvenientia damnaque alterius præcavenda; ac proinde si dum possint non impediunt, ad restitutionem tenentur, quia censentur causæ morales, & iniustitiae damni.

Restitutioni ex eadem ratione sunt pariter obnoxii famuli, domestici, ancillæ, quibus cura specialis, & custodia domus, aut rei familiaris concedita est, si non impediunt furta, aliaque damna, quæ dominis inferuntur, sive ab extraneis sive a conservis, vel condomesticis. Sic communiter. Ipsi enim ex suo officio idcirco ex iniustitia tenentur quantum possunt talia damna impedire, utpote qui ad hoc sunt conducti. Nec solum, onus huiusmodi, id est impediendi domini sui damna & si negligant dominum de damno compensandi incumbit famulis, & ancillis quibus rei domesticæ cura specialiter commissæ est, sed aliis quoque famulis &c. quibus talis custodia non est demandata secundum probabiliorem quam tenent Lugo, Navarrus, Azor., Bonac., Henno, cum aliis. Nam eo ipso, quo in famulatum recipiuntur, obligati censentur ad res dominorum ab iniuriis præcipue extraneorum defendendas, ac custodiendas, cum conducti sint ad utile, & commodum suorum dominorum. Omnes enim hæri famulum accipiunt, & conductum cum pacto saltem tacito ut cum possit bona eius custodiat, & servet. Igitur peccant graviter si dominorum damna dum possunt non impediunt: & quia vi ipsorum conductionis ad hoc tenentur ex iniustitia, obnoxii sunt restitutioni. Dixi præcipue extraneorum; quia secundum probabiliorem servus cui non est specialiter commissæ rei domesticæ cura tenetur, vi sui famulus impedire damna quoqueque a conservis, vel condomesticis inferuntur. Itaut si talis servus videns alios conservos, bona domini damnificare, nec impediat si possit, tenetur

De famulis, ancillis &c. non impediunt furta domesticæ.

ad damni compensationem, quia hoc etiam passio, saltem virtuali servi omnes conducuntur. Et quanto facilius, ac diutius damnum inferri potest eo maior adeit averdendi obligatio vel obistendo vel domino manifestando.

De obli.
per one
custo.
dum vi.
neum vi.
procurum
&c.

Custodes vinearum agrorum sylvarum nontium vestigialium quoad multas constitutas in eos qui in aliena sylva lignantur, vineas agrosque diripiunt, aliorum pascua in pratis, vel montibus damnificant, qui asportant merces & vestigalia defraudant, si non denuntient eos, qui delinquant, secundum Sylvium huiusmodi Custodes non tenentur ad restitutionem pro tali multa: quia non tenentur ex iustitia accusare delinquentes ad eum finem ut dominus, vel Respublica detur multas; sed solum invigilare ut impediatur damna, & solvantur vestigalia, quia officii eorum est curare ut vestigalia non fraudentur, ac insuper res suae custodire commissas servare, non autem multas procurare. Unde si in isto suo officio peccent, tenentur damna illata rescire, & vestigalia per eorum culpam fraudata rescire; multas vero solvere non debent. Ita Sylv. cum Navarro, Sylvest. aliique, quos citat. Eademque ratione dicendum est nec iudicem teneri ad compensationem multas ex hoc quod reos ad illam non condemnet. Alii tamen probabilius contrarium affirmant, cum solutio multarum multum expediat ad impediendas damnificationes. Antoine.

Custodes, qui se abscondunt ne videantur ab his qui loca verita ingrediuntur, ut ipsos in actuali furto deprehendant non tenentur ad restitutionem. Non enim tenentur domino, quia damnum quod inferunt in vinea, in sylva, vel in agro satis superque compensatur per eos, qui deprehenduntur. Non pariter illis deprehensis, cum nullis hac iniuria. Imo tales custodes etiam a peccato excusari possunt, si ideo intrare permittant & furari, ut semel in peccato deprehensi efficacius corrigantur, & impollem abstinant. Navar. Sylv.

Custodes si praetium a fure accipiant, ut sinant ipsum furari, tenentur ad restitutionem talis pretii damnorum, quae a iure inferuntur si res ipsae ablatas non amplius exent apud furem; illis autem deficientibus tenetur fur; quia utrique sunt causa damni; custodes tamen in hoc casu videntur esse causa praecipua, utpote qui sine velut defensores, sub quorum tutela fur surripit. Nihilominus tamen si res furtivae maneant

adhuc apud furem, ipse primo tenetur, cum ratione rei prius teneatur, qui rem habet, eo tamen non restituyente tenentur omnes qui causa, vel concaussa fuerint iniustas actionis. Si vero huiusmodi praetium recipiat qui non est custos ex officio, sed tenetur ex sola charitate impedire damnum quod videt inferri proximo, licet praetium illud restituere non teneatur, nisi illud sit pars furti, tenetur tamen damna per furem illata compensare, si fur per hoc fiat animosior ac audacior ad furandum; quia sic positive concurrat ad damnum. Imo secundum Sylvium teneatur ad illata damna rescarienda etiam si pecuniam non receperit, sed tantummodo promississet se taciturnum, eo quod talis promissio animosum, audacemque redderet furem ad de novo furandum. Sylvi.

Qui ex officio tenentur damnum impedire, & non impedire, si mercede conducti sunt obligantur ex culpa levi, qui autem ex officio tenentur sed non mercede conducuntur tenentur tantum ex culpa lata, id est ex omissione diligentiae quam adhibent homines eiusdem conditionis.

Qui ex sola Charitate tenentur impedire alterius damnum, quod loquendo, obstando, manifestando sine suo magno incommodo impedire possent, licet Caietanus velit quod si non impediatur ad restitutionem teneantur de dampno non impedito dampno poterant, & debebant; communior tamen est, & haec sententia ut vera tenenda, quod non teneantur, cum haec obligatio oriatur ex solo debito ex iustitia, id est si solummodo tenentur qui ex iustitia ratione officii, pacti, vel contractus tenentur damnum alterius praeravere.

Confessarius ex ignorantia vel negligentia seu culpa lata, non monens, & obligans suum poenitentem respectu sui debiti pro restitutione, cui tenetur, praecipue si putet poenitentem non eam iustitiam, est obnoxius restitutioni, quia tunc Confessarius est causa damni, quod impedire potest & debet; Confessarius enim restitutionem non praecipiendo se habet non secus ac si negaret esse faciendam.

Qui promulgat Monitorio Malefactorem non manifestat, ad restitutionem tenetur. Quia impedit ne a malefactore malum rescariatur. Sed silius de hoc cum de Censuris.

§. XXII.

De obligatione impediendum aliquem a boni consecutione.

Quot
modis
positum
pediri
aliterius
bonum.

Bonum alterius multiplici modo impediri potest, & aliquando culpabiliter, & cum onere restitutionis, aliquando sine tali onere, tamen culpabiliter; & aliquando etiam inculpabiliter. Nam aliquando hoc fieri potest cum vi, fraude &c. aliquando sine talibus modis, sed ex odio, & sine iusta causa, aliquando sine mala affectione, & etiam ex iusta causa, aliquando contra iustitiam & Charitatem aliquando contra solam Charitatem.

Impediens aliquem a consecutione boni ad quod ius habet questum *in re* vel *ad rem*, idest ex iustitia ipsi debiti quocumque modo hoc fiat etiam solis precibus aut consilio saltem abique iusta causa graviter hoc agens peccat contra iustitiam & tenetur ad restitutionem. Sic communiter DD. cum S. Thoma 2. 2. q. 62. art. 4. quia quocumque modo impedit, est iniusta illius causa, idcirco illius boni sublatione, ius alterius violando, quod habet in re, vel ad rem, iustitiam violat, ac lædit. Quare si alter ius habet in re, tenetur impediens valorem illius rei compensare; si vero solum ius ad rem puta per iustam promissionem acceptatam, electionem, præsentationem &c. non tenetur compensare totum, damnum v. g. totum beneficium promissum, & præsentatum, sed nondum Collatum, nec totum valorem ipsius, sed solum partem iuxta æstimationem iuris & spei habitæ illud consequendi bonum. Sic communiter cum cit. D. Angelico.

Idem quoque dicendum de eo qui alterum impedit ne iure suo utatur, puta artem suam vel officium exercendi, operam locandi, aliquid petendi &c. Quilibet enim ius habet utendi iure suo, ac ne a tali usu impediatur sine iusta causa, uti fiet si a sua arte, vel officio impidiretur, ad quorum exercitium ius habet.

Si quis vi fraude, dolo, minis, mendacio, calumnia, detractioe, aliove modo iniusto impedimentum ponat alicui consequendi beneficium, officium quodvis erat, vel aliquid aliud bonum, puta legatum, hæreditatem, donum, &c. idest bonum aliquid ei ex iustitia non debitum, teneretur restituere iuxta spei proportionem, probabilitatis, seu certitudinis, quam habebat illius boni consequendi, idest quantum prudentium iudicio talis

Iustit. Theol. Moral. Tom. III.

spes ei valebat. Est communis teste Card. de Lugo & Sanchez. Quia licet impeditus non habeat ius strictum, & absolutum ad illud bonum, beneficium scilicet, legatum, officium &c. habet tamen ius absolutum, ne per vim, fraudem, vel quavis aliam iniuriam artem via ei ad illius consecutionem recidatur, idest ne spes ad illud, vel probabilitas impediatur, ut cum communi docet cit. de Lugo. Talis igitur iniuria compensanda est, siue fraudis aut vis versetur circa eum, qui impeditur a bono obtinendo, ut si vi quis eum detineat, vel ei minas intenet ut a petendo eum deterreat, vel fallaciis eum decipiat; siue circa Collatorem minitendo ne conferat, vel fraudulenti persuasione demonstrando eum esse indignum. Dixi *quantum prudentium iudicio spes* &c. Cum impediens non teneatur ad æqualem compensationem ac si gratiam adeptus esset, cum hæc potuerit multipliciter, ait S. Thom. q. 62. art. 2. ei impediri. Et si forte nulla esset spes, nullum debitum curreret restitutionis damni; cum re ipsa nullum ei inferatur. Elset tamen compensanda si aliqua esset licet exigua proportionate eius levitati prudentis iudicio.

Impediens aliquem ne bonum consequatur occultum eius crimen revelando tametsi verum, dummodo id non faciat ex iusta causa, peccat graviter & obligationem incurrit compensationis, utpote qui non solum peccat contra proximi famam, sed etiam contra ius quod ille habet ne inique per talem detractum impediatur a boni consecutione. Sic DD. communiter.

Hinc Advocati, Medici, Chirurgi, Ludi Magistri, artifices omnes, Mercatores alique huiusce generis, qui vi, fraude, mendaciis, criminationibus, aliisque iniquis artibus curant trahere ad se cum aliorum damno qui alios solebant frequentare, res sunt gravis culpæ & restitutioni obnoxii secundum præiudicii quantitatem quod aliis intulerint, idest quatenus bonum aliis impediunt, cum tales delinquant non solum contra charitatem, sed etiam contra iustitiam. Est communis. Quod si id faciant sine vi, fraude, mendacio &c. sed solis communibus mediis persuasionis, consilii, precum, & huiusmodi abique intentione illos offendendi; tunc quia tales utuntur iure suo, quod habent ad alios persuadendos in sui utilitatem, nec alii habent ius strictum ad illos clientes, discipulos se frequentantes, nam illi poterant sine iniustitia sponte sua recedere, sic possunt sine iniustitia persuaderi.

G Imo

Imo Lugo excusat eos etiam a mortali licet eurent cum aliorum præiudicio inducere ad suam officinam, vel operam eos qui alios frequentare solebant. Si enim peccarent isti, peccarent quoque Ludi Magistri, Concionatores, qui ut ad se auditores trahant, sua media artefque adhibent, & suæ maiori attribunt gloriæ ac decori, quando ex aliorum audientia vel schola ad suam aliquos attrahunt. Idemque faciunt Advocati, Medici, Artifices, Mercatores, & tamen nisi hoc faciant iniquis artibus non habentur culpabiles. Et ita etiam dicendum de iis, qui hoc in eorumdem favorem curarent.

Quid de
impe-
dientibus
re Advo-
catus ali-
cui af-
suat.

Impediens vi, fraude, minis Advocatum, Procuratorem, &c. vel ex industria v. g. venando, prandendo, & huiusmodi aliis negotiis occupat ne alterius causæ assistant, ac ita victoriam eis impedit, peccat contra iustitiam ac debitum restitutionis incurrit, proportionate malo causato, seu bono impedito; quia talibus iniquis artibus fuit causa damni. Et debitum huiusmodi incurreret non solum si Advocatus vel Procurator deberet ex officio, vel contractu eidem causæ operam suam præstare, sed etiam spontaneæ ac gratuito se in illius defensione occupaturus fuisset; quia taliter eum fraudulenter occupando causa fuit quare non interviret sicuti paratus erat bono clientis. Fraus enim, & dolus nemini patrocinari debent *cap. ex litteris 2. de dolo, & contumacia*.

Impediens sine vi, dolo, aliove huiusmodi iniquo artificio, ne aliquis vere indignus beneficium, Cathedralam, vel officium consequatur, ut si eius vera crimina occulta, & inaptitudinem ipsius Collatori manifestet, non peccat nec ullum ei debitum restitutionis incumbit; imo laude, & merito dignus est, cum multo publico Reipublicæ bono, & Ecclesiæ intersit, ne beneficia, officia, Cathedralæ &c. indignis, ac ineptis conferantur, nec ius ullum ad illa habent indigni. Peccaret tamen contra Charitatem sine ullo autem debito compensationis, ex quo indignus, & ineptus ius ad illa non habeat, si impediret ex dolo, fraude, invidia. Quod si iniuste hoc faceret, illam personam apud alios infamando, peccaret etiam contra iustitiam iniusta eiuldem famæ læsione & teneretur ad illius restitutionem, non teneretur tamen ad boni impediti compensationem; sed personæ quam diffamavit ut patet ex ante allata ratione.

Qui sine vi, dolo &c. impedit dignum a con-

secutione beneficii, officii, Cathedralæ, ut digniori conferatur, nimis peccat, ac proinde non est obnoxius restitutioni; quia dignus relative in concursu dignioris nullum ius habet erga ea quæ ipsi impediuntur. Et ita agens se conformat genio, & indigentia Ecclesiæ, & Reipublicæ, ac iustitiæ distributivæ præscripto. Peccaret quidem gravissime & heret debitor restitutionis, qui mala ac indigna arte, & affectu impediret ne beneficium conferatur digniori, vel vere digno, curando ut manifeste indigno conferatur, & restitutio facienda esset digniori, vel digno iuxta proportionem iuris, si quid ad ipsa sibi impedita habebat. Sin autem Ecclesiæ, vel Reipublicæ pro damnis quæ passæ sint. Primo vero loco restituere teneretur ipse indignus habens Cathedralam, vel beneficium, seu officium. 2. loco Collator. 3. suorum & promotorum, seu cooperarum. Sic communiter ex *cap. Quia per ambrosianum 15. de Rescript.* & alibi. Et eo magis ille culpam, cum debito restitutionis incurreret, si hoc ageret in casu beneficii conferendi per concursum; ut ex *cap. Metropolitanano 19. dist. 63.* & alibi in iure canonico, & Concil. Trid. sess. 24. cap. 1. & 18. de reform. ex Constit. S. Pii 5. quæ incipit *In conferendis beneficiis*, & ex propos. inter damnatas ab Innocen. XI. n. 47.

Quamvis autem consultus sit etiam in beneficiis simplicibus, quæ scilicet annexam non habent curam animarum, præscriptum, seu regulam servare de digniori, non desunt tamen DD. celebrioris notæ docentes in his ordinem sine ulla culpa inverti posse, dignum videlicet digniori præterendo, præcipue in his quorum electio aut præsentatio est de iure patronatus, ut iam suo loco vidimus. Hinc non peccaret nec ideo ad restitutionem teneretur, qui sine fraude, vi &c. sed solis suasionibus, precibus &c. impediret ne beneficium simplex, Cathedrala &c. non conferatur digniori sed digno. Et contra vero culpabilis heret ac restitutioni obnoxius proportionabiliter ad certitudinem spei, ac probabilitatem, quam dignior haberet beneficium simplex &c. consequendi, qui fraude vi &c. impediret ne illud sequeretur, quia dignior ius habet ne iniquis artibus ab illius consecutione impediatur. Ita communiter DD.

Iniuste aperiens alterius litteras, ex quibus cognoscit ipsum aliquid pingue beneficium certo medio consecuturum, certa negotiatione multum lucraturum, ac alia huiusmodi & præveniendū impedit beneficii consecutionem.

secutionem, peccaret & ad restitutionem teneretur. Ratio est quia iniusta illa litterarum aperiit, ac lesio, fuit boni impeditiva. Similiter peccat & ad restitutionem tenetur, qui dolose retinet alienas litteras, quas ex officio, vel contractu aut promissione tradere debebat. Item qui fraudulentum litterarum distrabit, seu divertit nec cito eas deferat, si ex tali morosa litterarum consignatione fuit alicui impedimento, ne bonum aliquod consequeretur. Nam talis dolosa litterarum retardatio graviter fuit iniuriola & mittenti, & ei cui erant directæ & præiudiciales ei, in cuius favorem missæ fuerant. Unde retardatio litterarum fuit culpabilis contra iustitiam ac ideo obligans ad restitutionem. Sic Delugo & alii. Mandatarius enim ius habet ut Procurator, Tabelarius, sive famulus moram vitet ad quod tenetur ex iustitia, & ne quis scienter eum a tali executione retardet; igitur talis retardatio a quocumque scienter obvenerit impedit usum iuris alterius, & id ad quod ius habet; idcirco iniuriola utpote alterius iuris læsiva & sic inferens debitum refarciendi damnum secutum.

Qui sine vi, fraude, vel alia via iniusta impedimentum posuit ne aliquis legatum seu donationem obtineat non contrahit onus restitutionis utpote qui iniuriam non faciat cui impedit ne tale bonum ei obveniat cum nullum ius ei competat supra tale bonum; & impediens, libertatem nemini tollat, ei gratificandi, si velit, nullaque iniqua arte tale obstaculum ponat. Nec refert quod alter donare vel legare statuerat, cum hic possit semper absque ulla iniustitia suum propositum mutare; igitur etiam modo non iniustus ad illud induci. Nam nocere ex odio, seu voluntate nocendi per medium non iniustum ac in negotio in quo quis aliquin obesse potest sine iniustitia, non est crimen iustitiæ oppositum sed dumtaxat charitati. Non tenetur igitur ad restitutionem, quia sine vi, fraude, & sine alia ratione iniusta, sed solis præiudiciis, & obsequiis aliquem avertit ab instituendo tali hæredo aut relinquendo legato, vel bono aliquo donando, vel qui curavit revocari testamentum, ac alium hæredem institui: quia nemo ius habet ad successionem vel legatum, donec vivit testator, cum sit semper in suo libitu testamentum revocare, seu mutare. Impedire tamen aliquem sine iusta causa bono sibi non debito via non ceteroquin iniusta est contra Charitatem, qua tenemur cuicumque proximo bonum velle, & prohibemus alteri fac-

re, quod nobis non placet rationabiliter fieri.

Qui supradictis iniquis artibus, vi scilicet, fraude, vel dolo aliquem retraxerit ab ingressu in Religionem vel ingressum ad eam defendendam, quando vigeat in ea regularis disciplina, peccat graviter contra iustitiam, unde compensare deberet Religionem de damno ei inde secuto, & sic sentiunt communiter DD. Nam licet Religio nullum ius in aliquem teneat ut ipsam ingrediatur, eidem tamen ius competit ne ullis malignis artibus ab ea amplexenda distrahatur. Non fecus ac sicuti Arnulius, qui tamen nullum ius habeat super bona Claudii, habet tamen ius ne Claudius ab ullo iniuste avertatur a constituendo Arnulfo suorum bonorum legatario vel hærede; ita ut qui minis, mendaciis, aliisve huiusce generis iniquis mediis averteret voluntatem Claudii a tali legati, vel hæreditatis beneficio erga Arnulium, contraheret obligationem refarciendi Arnulium de tali damno iniuste ei illato: similiter fieret obnoxius refarciendi Religionem seductor, sive qui volebat ingredi non amplius ingrediatur, sive ingressum pium mutet propositum, quia fuit causa suis fraudibus, quod voluntatem mutaverit, ut docet super hunc casum De Lugo, pro rata spei de proveniendis, qui ex illa persona Religioni advenissent actenta habilitate & eius iuribus hereditariis, eo quod his proveniendis eam iniuste privaverit. Si tamen sine fraude, vi, dolo &c. id fecerit, non tenetur ex iustitia ad restitutionem, sed solum tenetur ex charitate curare suasionibus, quando Religio non sit laxatæ disciplinæ, ut qui volebat ingredi, ingrediatur.

Idemque dicendum si persona seducta erat professus sive ex suasionem fraudolenta sive non Religionem deseruerit, id est iniquus suaverit tenetur curare omni diligentia ut redeat, & si noluit, cum tunc dupliciter damnum passa sit Religio, nempe & personale ob privationem personæ, & reale id est proveniunt, qui ipsi ex prædicatione, Lectura &c. proveniebant, pro his tenetur seductor ad tantumdem certum pro incerto compensandum.

§. XXIII.

De iis qui tenentur compensare damna illata bello contra Principis ordinationem.

Inter condiciones requisitas quoad incommoda quæ iure belli a bellantibus inferri possunt, cum præcipua sit quod non inferantur

De distrahente aliquem ab ingressu in Religionem.

tur nisi Principis præscripto, cuiusmodi sunt repretalias, ruinæ civitatum per obidionem &c. hinc Duces vel milites &c. damna inferentes contra Principis præscriptum, quæ cæterisquin necessaria non sunt pro reportanda contra hostes victoria hunc respective obnoxii huiusmodi damnorum compensationi ut communiter sentiunt DD. Nam hi sunt causæ iniuriæ earumdem damnificationum, utpote qui propria privata auctoritate hæc inferant. *Respective* quidem contrahitur hæc obligatio, quia si milites huiusmodi inferant damna ita supremo Generali cui morem gerere debent præcipiente, damna omnia taliter illata Dux qui præcepit relaxare tenetur; & hoc idem debitum incurritur ab aliis etiam inferioribus Officialibus, quibus milites gregales parere debent. Si autem milites sine tali iussione damnificantur ex se per spoliaciones populorum, & per repretalias, ipsi sunt debitores compensationis talis damni eadem regula qua relaxare tenentur damnum illi qui alicui hoc in solidum intulerunt. Quod si Duces quibus a Principe mandatatum est regimen & cura militum, negligentes fuerint in deterrendis militibus ab huiusmodi damnificationibus, & milites damna a se illata non compensent, relaxare tenentur eorum loco ipsi Duces, utpote qui deficiendo suo muneri militum damnificationi virtualiter cooperati sint.

§. XXIV.

De culpa & debito compensationis ex mora in restituendo, seu solvendo debito ex contractu.

Quænam culpa, quodve debitum contrahatur ex mora restituendi seu solvendi debitum ex contractu ut melius deprehendatur, observandum, num restitutioni, seu solutioni in contractu seu quasi contractu præscriptus sit terminus, vel non; num ob eam moram restitutionis obveniat creditor periculum aliquod, seu damnum, vel si in contractu conventum fuerit quod debitor teneatur ad interesse non solum pro mora culpabili, sed etiam inculpabili; num debitor factus impotens ad solvendum incidit in impotentiam antequam expiret tempus præfixum solutioni, vel post elapsum talem terminum. His præmissis

Debitor, cui ex contractu præfixus est restitutionis terminus restituere seu solvere tenetur, tametsi non moneatur seu requiratur a creditore, quatenus creditor esse potest in-

vitus de tali mora, & si tali tempore statuto non solvat sic reus culpæ etiam mortalis, si creditor agere ferat talem moram, quia tunc incipit reus alterius iniuste, scilicet invito domino retinere. Si autem nullus terminus fuerit præfixus & creditor prosequatur filere eo quia tacite moræ seu dilationi solutionis assentiat, in tali casu mora censenda non erit mortalis. Quod si prudenter suspiceretur creditorem non loqui seu potere sibi debitam solutionem ex quodam metu, ita ut non contentiat animo tali dilationi, tunc dilatio præcipue notabilis excusare nequit profecto a gravi peccato, cum in tali casu sit detentio rei alienæ invito domino.

Si ex tali dilatione cogatur creditor aliquid incommodum subire ut sibi provideatur, puta accipere pecuniam sub usuris, & de hoc præsumitur fuerit debitor a creditore, & adhuc solvere differat, proculdubio relaxare tenetur creditori tale damnum, quod in solutione usurarum pati cogitur. Quod si debitor de hoc præsumitur non fuerit ex incuria Creditoris, videtur non esse debitorum obnoxium compensationi pro usuris, quæ a creditore solvuntur. Nam si fuisset de hoc admonitus probabilissimum est quod studuisset solvere suum debitum, ne cogere- tur illas usuras solvere, idest ne sua mora magis suum debitum augetur. Quod si creditor forsitan non monuit retentus a prudenti timore serventis indolis debitoris, qui facile & præcipitanter indignatur, ne iniuncte se alicui exponeret iniuriæ; in tali casu plane tenebitur debitor usurarum compensationi, tum quia solvere debebat tempore statuto, vel ad primam creditoris petitionem, tum quia suum ingenium nimis iracundum ac læsivum causa fuit quod non moveretur a creditore, qui damnum usurarum subire non debebat ob defectum solutionis pecuniæ creditæ, quam præinito tempore debitor solvere tenebatur.

Quando autem mora non sit culpabilis, quia provenierit ex inculpabili oblivione, neque conventum fuerit in contractu quod teneatur de interesse etiam pro mora mere inculpabili, communius sentiunt DD. quod non teneatur ad damna quæ ex tali mora sublequantur compensanda.

Si debitor autem ex contractu antequam expiret tempus solutionis statutum ex sua ipsius culpa fiat impotens ad solvendum, tunc censendus videtur impotens ex delicto, utpote qui nec debebat ante solutionis tempus se impotentem reddere, ne fieret impotens

tens ad solvendum (intellige tamen si ipse fuerit voluntaria causa cur talem impotentiam contraxerit, non ex infortuniis hæc ipsi obveniret) neque prorahere debebat post completum tempus debiti solutionem. Proinde impotentia superveniens cum eum reperiat in culpabili mora eundem reum facit ex delicto, idcirco culpabilem causam cuiuscumque damni creditoris emergentis. Licet tamen factus impotens sine sua culpa ante expirationem temporis solutioni præstiti non censendus sit obnoxius ad refarcienda damna emergentia lucraque cessantia Creditori, utpote qui non sit voluntaria eorundem causa, si tamen Deo dante in bonis fortunæ restituatur ut ne dum sortemolvere possit verum etiam damna creditoris refarcire, esset valde rationale quod ita ageret, nempe ut cum forte incommoda quæque quæ creditor ob talem dilationem passus esset restitueret, immo dici posset etiam iustum, & debitum ita facere, cum in contractu mutui præcipue hoc implicite intelligatur, videlicet debitorem quoque inculpabilem morosum teneri ad compensationem damnum, quæ creditor ex sua morositate sint secuta.

§. XXV.

De affectionibus, seu circumstantiis restitutionis.

Circumstantiæ restitutionis expressæ habentur a Tourneleio in hoc distico quæ sigillatim cum tali ordine exponuntur.

Quis, quid, restitutus, cui, quantum, quomodo, quando

Quo ordine, quove loco, quæ causa excuset iniquum.

Facile ex hæcenus dictis deprehendi potest quis restituere teneatur, nempe is qui ex contractu, vel delicto factus alicui ex stricta iustitia debitor, rem alienam iniuste detinet. Nemo enim restitutioni ex iustitia est obnoxius, nisi qui sine iusto titulo rem alterius possidet, non sine proprii rei domini iniuria. Quid autem sit restituendum ita hoc patet ut nulla indigeat nec expositione, nec probatione. Ex iustitia enim commutativa restituendum est quod cum tali onere ex aliquo contractu acceptum fuit, vel iniuste alteri ablatum, vel damnificatum, per æqualem damni compensationem. Circa vero accepta ex aliquo oneroso contractu restitutio fieri debet iuxta rationem contractus, nempe restitui debet vel res eadem ut in commodato, deposito &c. vel aliud æqui-

valens, ut in mutuo, quod cum fiat de re usu consumptibili & ad hunc finem, idest ut mutuatarius in suum commodum, vel negociando vel necessaria sibi providendo consummet, res mutuata reddi non potest eadem in individuo, sed ad summum in eadem specie, & in æquivalenti. Ablata vero si adhuc extet, eadem in individuo restitui debet. Sic communiter ex lege Manifesti iuris 17. Cod. de solutionib. Nam re eadem manente domino suo manet, qui cum in alium dominium rei non transfulerit, ius in illa retinet. Unde nisi contentus sit dominus ut illa ei in specie restituatur, ac eiusdem bonitatis, res ipsa si extet in individuo restituenda est. Si vero non amplius extet, facienda est ut prius dicebam restitutio in æquivalenti, idest ad æqualitatem debiti, vel damni illati. Communiter ex Authent. Hæc nisi Cod. de solutionib. De eo vero quod restituendum est a possessoribus bonæ, vel male fidei, a Commodatario, Conductore, & Locatore, ab Emphyteuta, ab eo qui aliquid ob opus malum, vel bonum debitum ex iustitia five ex alia virtute vel a Religioso, pupillo, Minoreno &c. de aliquibus iam ante dictum est, & de aliis suo loco dicitur.

Cui Restitutio faciendi non sit difficile, res solvi potest, dum manifestissimam est, restitutionem faciendam esse, ordinarie loquendo, ei a quo aliquid acceptum, vel ablatum est, seu cui damnum fuit illatum, si adhuc vivat, vel eius hereditas si forte mortuus sit. Sic communiter cum D. Thoma 2.2. q. 62. art. 5. ubi loquens de eo, cui restituendum est, docet Per restitutionem fit reductio ad æqualitatem commutative iustitiæ, quæ consistit in rerum adæquatione; huiusmodi autem rerum adæquatio fieri non potest, nisi ei qui minus habet quam quod suum est suppleretur quod deest, & ad hanc satisfactionem necesse est ut restitui fiat ei, a quo acceptum est. Hic tamen notandum alios quoque præter dominium rei habere posse ius ad rem, ut Commodatarius, Depositarius, usufructuarius, Tutor, Curator &c. qui respective ius habent rem illam detinendi, custodiendi, administrandi, ea utendi, ac proinde ipsis non domino restituenda est.

Dixi notanter ordinarie loquendo; quia aliquando restitutionem non licet facere vero ipsius rei domino, nempe quando ex hac restitutione ipsi, vel alteri grave detrimentum damnum seu nocumentum spirituale, aut temporale, quod quis sine gravi detrimento impedire potest. Sicut quoque damnum alterius quatenus potest vitare tenetur & quia præci-

Restitutio
ordinarie
loquendo
facienda
est domi-
no rei ab-
latæ.

pit Deus unicuique de proximo suo; & quia eo petissimum tendit lex Christianæ charitatis seu dilectionis ut proximi ruinam impediatur. Non averteret autem quantum potest vel in spiritualibus, vel in temporalibus damnum qui domino rem restitueret quam prudenter iudicat ipsi aut alteri fore noxiam. Sic docet etiam D. Thom. loco cit. *Quando res restituenda apparet esse graviter nociva ei, cui restitutio facienda est, vel alteri, quia restitutio ordinatur ad utilitatem eius, cui restituitur. Nec tamen, subiungit S. D. dicit ille, qui detinet rem alienam tam sibi appropriare, sed reservare ut congruo tempore restituant, vel etiam aliis tradere iustus conservandam.* Item res accepta a possessore bonæ fidei ipsi non domino est restituenda, ut in casibus antea dictis de commodatario, depositario, oppignoratorio, locatario &c. quia cum illi iuste possideant rem, & custodiant, vel ipsa utantur, propriæ eisdem iniuriæ inferuntur per eiusdem rei fureptionem, cum iniuste possessione, & usu eiusdem rei priventur, ac proinde ipsis restituenda est: alias si suo domino restitueretur & iustus possessor aliquod damnum ex hoc pateretur, indemmandus esset de omni interesse. Item ob eandem rationem qui furatur a Tutori vestem, a Molitori farinam, pannum a Fulloni, ipsis & non domino hæc restituere debet, ne exponantur periculo perendi præmium laboris, & quia eorum officina ob suspicionem eorum ignaviæ in custodiendo forsitan deferretur, ita ut si rem domino reddendo hoc eis eveniret, docent communiter DD. quod ipsi essent indempiandi. Item si furetur quis a Tutoribus, Curatoribus, restituere deberet ipsis furata, non pupillis minoremibus & furiosis, dum isti non habent rerum suarum administrationem. Surripiens pariter a Religioso, Filiofamilias, & similibus res ipsorum usu legitime concessas, tenetur ipsis restitueret, non Patrifamilias, Marito, vel Monasterio, nisi certus esset postea reddendis ipsis usufruariis; quia usufructu iniuste privantur iure, quod legitime habebant ad usum rerum illarum. Si autem Religioso, Uxori, Filiofamilias aliquid auferatur quod ipsis non sit legitime concessum ad usum sed administrationem, tunc non ipsis sed Monasterio est reddendum, Patri, Marito: alias si supradictis restituatur, & inutiliter dissipetur esset facienda secunda restitutio. Est communis.

Insuper non est restituenda domino, quando est multum distans adeo ut res restituenda

da nequeat ad ipsum transmitti, nisi cum excedentibus expensis, vel ipsis rei valorem adæquantibus. Nam tunc expectanda est commodior occasio restitutionis. Quando non constat de vero domino, facienda est diligens inquisitio ad eum inveniendum iuxta bonorum qualitatem, seu maiorem, vel minorem eorundem valorem; quia antiquam facta sit talis, inquisitio dominus non habendus est ut ignotus.

Quantum, idest ut tantum recipiat creditor, quantum ius habet recipiendi, vel ex a se datis, vel ab ipso ablati vel damnis; quia hæc est æqualitas arithmetica, quam exigit iustitia commutativa ut ponatur inter creditorem, & debitorem.

Quomodo circa hanc circumstantiam nulla occurrere potest difficultas. Nam optimo modo restituit, qui quod alteri debet reddit ad æqualitatem sive per se, sive per alium; & nihili refert sive palam, sive occulte fiat restitutio, nisi agatur de restitutione famæ; quæ si palam ablata fuerit palam quoque est restituenda.

Quando, importat tempus quo restitutio facienda est. Et circa talem circumstantiam communiter sentiunt DD. statim ac quis cognoscit alicui ex iustitia esse debitorem seu iniustum rei alienæ detentorem, ordinario loquendo teneri ad restitutionem. Dixi statim non quidem physice, sed moraliter, idest quam primum sine gravi suo incommodo hanc facere possit, sive debitor talis sit ex re accepta, sive ex contractu, sive ex delicto, dummodo tamen respectu debitoris ex contractu non præsumitur sit, aut conventum inter contrahentes tempus solutionis. Quia ut ex cap. *Contrahens* 85. de regulis iuris in 6. Contractus ex conventionem legem accipere dignoscitur. Unde si inter contrahentes conventum, ac præfixum sit tempus, hoc tempus, si sine notabili incommodo fieri potest, servandum est, tamen creditor non adnoteat debitorem; cum dum præfixa interpellat pro homine ut in cap. *potuit de locato, & conducto*. Quoad possessorem vero bonæ fidei postquam hic cognovit le esse rei alienæ debitorem, idest rem alienam possidere, vel rem ipsam, si adhuc ageret, vel si non extet, id ex quo factus est ditior statim moraliter, nempe quam primum commode potest, restituere debet; alias si ulterius rem ipsam, aut id ex quo factus est ditior voluntarie detineat, evadit possessor malæ fidei, culpabiliter damnum inferens creditori, seu domino.

Qui-

Quilibet debitor, five ex delicto, five ex te accepta, five ex contractu potens commode solvere simul totum debitum, non satisfaciit suae obligationi solvendo successively. Communiter DD. quia debitor in tali casu alienum derinet invito domino.

Quo ordine. Hic ordo cum non solum recipiat creditores verum etiam quosdam debitores ex delicto, nempe concausas iniustae damnificationis, seu eos qui simul concurrunt ad damnum alicui inferendum, antequam ordo exponatur, qui servandus est in restitutione creditoribus facienda, quando quis nempe pluribus aliquo titulo sit debitor; censui prius explanare ordinem quem tenere debent in damni compensatione illius concausae, seu qui in solidum damnum alicui iniuste intulere. Sed pro facilitiori huiusce negotii intelligentia

De culpa
ac debito
causae
sui con-
curren-
tium ad
alicuius
damnum
causam
accipit.

Notandum 1. Constat omnes, qui quovis modo, ut concausae concurrerint ad alicui grave damnum iniuste inferendum peccare mortaliter ut Roman. 1. *Digni sunt morte non solum qui faciunt peccatum sed etiam, qui consentiunt faciendis;* huiusmodi omnes modo inferius explicando ad restitutionem teneri, dummodo tamen unus ex concurreribus non satisfecerit totum damnum ei; qui iniuriis passus sit, in quo casu alii satisficere non amplius teneantur, damnificato plene iam satisfacto, ut D. Thom. 2. 2. q. 62. art. 7. ad 2. cum aliis communiter. Tenentur tamen alii damnificatores iuxta quantitates, ad quam quisque illorum tenetur, refundere ei qui totum satisfecit perionae damnificatae.

Notandum 2. Inter damnificatores alios concurrere inaequaliter ut cum unus mandat, alter exequitur, alter consulit, aut palpat; alios concurrere aequaliter, five sint causae principales, five minus principales. Causae vero principales ac primariae illi intelliguntur qui ratione superioritatis imperarunt ac iusserunt; item qui mandatum exequitur comparatur inrer principales causas. Minus autem principes, & secundariae sunt Consultor, adulator, consensus praebens, vel recurus, & participans; quando tamen alterius nomine hoc faciant, ac in alterius gratiam.

Notandum 3. eos, qui in alterius damnum confuxerunt alios primo loco, alios 2. loco teneri ad restitutionem. Is primo loco teneri dicitur, qui ita est obligatus ut ipso restituente alteri proorsus a tali onere liberi reddantur; & si alter restituat ipse eidem, qui totum solvit restituendo, fundere tene-

tur. Secundo loco dicitur ille, quo restituente nihil alii rependere debent, id est liberi sunt a debito restituendi, salvo tamen primo, qui totum solumum ei rependere tenetur, seu ei compensare, qui loco ipsius primi restituat.

Inter eos qui in solidum restituere tenentur sentiunt communiter DD. hunc ordinem esse servandum: nempe primo loco, & ante omnes eum teneri, apud quem res aliena pervenit, five extet, five non, five sit principalis damnificans, five secundarius tantum, quia si extet, cum obligatio ratione rei acceptae sit omnium maxima, qui in individuo eam habet ipsam in individuo reddere tenetur; res enim aliena semper clamat ad dominum: si vero non extet, quia consumpta sit, adhuc primo loco ipse restituere tenetur, tamen si etiam sine sua utilitate eam consumpserit, eo quod tunc ipse sit principalis causa exequens destructionem iniustam rei ablatae & consummans de facto damnum illarum. Quod si iussu alterius eam consumpserit, ita ut exequens fuerit tantum instrumentum destructionis rei ablatae nec ex tali consumptione ullam reponeretur utilitatem, nullumve commodum, tunc non ipse sed iubens est causa principalior, ac ideo huic onus incumbit primo loco restituendi, cum eius influxu instrumentum iniuste egerit. Nihilominus tamen in defectu mandantis tenebatur qui destructionem executus est. Et re consumpta, facienda est restitutio in aequivalenti.

Post mandantem proprie talem, & exequentem, si alterutra istarum causarum non satisfaciit, tenentur, ut docet communior & probabilior, causae secundariae, id est alii cooperatores damnificationis, nempe consilarii, laudantes, receptantes, consentientes, adiuvantes, singuli pro rara, id est proportionabiliter, seu quarens influxerunt in alterius damnum; & in casu, quo alii deficiant, singuli tenentur ad totum damnum immediate compensandum; in his enim cooperantibus ad malum nulla dari videtur subordinatio unius ad alium, cum quisque secundum sibi proprium influendi modum, ac vim operetur; quare cum eorum influxus erga damnum totum verteretur; hinc singuli si ceteri conurrere nolint, obnoxii sunt oneri integre solutionis. Non eximuntur tamen remittentes solvere portionem damni sibi debitam, & compensandis qui pro ipsis suppleverunt seu solverunt. Huiusmodi cooperatores a tali debito absolventur, si causae principalis to-

tam damnificationem compenſet, vel eius loco minus principalis, ſeu executor; cum nonniſi in defectu iubentis, & exequentis teneantur cooperantes ad reſtitutionem. Reſpectu tamen executoris hoc intelligendum eſt quando executor non intulerit damnum ex influxu harum cauſarum; quia ſi iſtæ tanquam principales cauſæ ad illum inferendum induxerint; ita ut hic ſe habuerit tantummodo ut inſtrumentum, id eſt ut ſimplex executor, illæ prius debitum habent ſatisfaciendi, & executor teneatur ſolum in earum defectu. Si vero executor ſuit cum aliis ſimul concauſa, tunc una cum iſtis teneretur ad totum damnum; imo ſtrictiori iure: quia non exiſtiſſet conſultor dumtaxat, vel conſentiens, ſed executor. Quod ſi contingeret plures eſſe æqualiter authores iniuſtæ damnificationis, deberent convenire inter ſe pro integra reſtitutione, quiſque ſuam portionem ſolvendo; & ſi unus integrum damnum reſtituat, cæteri debent ſuam quotam ipli reſpondere. Si autem damnum paſſus remitteret debitum damna ſibi compenſandi cauſis principalibus damni ſibi illati, iubenti nempe, & executori, omnes aliæ cauſæ eiufdem damni liberæ manerent ab onere reſtitutionis; cum iſtæ non teneantur niſi in defectu cauſarum principalium, unde hiſce abſolutis abſolutæ intelliguntur illæ etiam, quæ cauſis principalibus erant ſubſtituendæ. Non ita tamen res ſe haberet ſi remitteret alicui cauſarum ſecundariarum; ita ut non deobligarentur aliæ huiuſce generis concauſæ a ſua portione, & multo minus principales a reliquo toto ſecula tamen portione remiſſa uni cauſæ ſecundariæ.

Cauſæ negativæ quoque damni quod alicui inferitur ſubſunt oneri reſtitutionis poſito quod a poſitivis talis obligatio non impleatur. Nam & cauſæ negativæ indirecte ſuo modo cooperantur damnificationi. Non tenentur equidem niſi ſatisfacere omittant poſitivæ cum hæ non ſint huic debito obnoxie niſi quia poſitivæ a quibus damnum directe illatum eſt reſtringere nolint. Verum tenerentur poſitivæ eas reſarcire. Hoc tamen intelligitur ſimpliciter loquendo; nam ſi cauſæ negativæ eorum omiſſione in malo impediendo motivum præberent ut damna augerentur, & hoc adverterent vel advertere deberent, tunc non eſſent amplius, nec haberentur ut cauſæ negativæ, ſed poſitivæ ac reducerentur ad conſentientem.

S. XXVI.

De ordine ſervando in reſtitutione reſpectu creditorum.

Tota ratio huius diſcuſſionis fundatur in præſumptione quod bona debitoris non paria ſint ad ſolvendum æs totum alienum quo erga plures creditores diverſi ordinis graveſcit. Si enim ſatis eſſet ad omnes integre ſolvendos nullum opus eſſet ſervare ordinem. Quare præmittendum eſt primo, debita alia certa eſſe alia incerta, certa quando liquido conſtat Ioannem v. g. centum debere Ubaldo; incerta, quando quis ſcit ſe debere centum, ſed ignorat cul, vel prudenter hæſitat an alicui quid debeat. Debita alia ſunt certa iure naturæ, ea ſcilicet, quibus ſine cuiuſvis legis humanæ adminiculo debetur creditori præ omnibus creditoribus cuiuſcumque generis ſint, prælatio in ſolutione; alia quibus ex legis favore talis præſentia debetur; & hæc dicuntur privilegiata, quia ex iure privilegium habent ut horum creditores ante alios ſolvantur. Debita non privilegiata alia ſunt rerum, quarum iam quis dominium aſſecutus eſt, ut pecunia mutuo accepta, merces &c. alia ſunt rerum quarum poſſeſſor dominium non obtrinit, puta depoliti, commodati, & multo magis rei furto ſublata. Inſuper alia ſunt perſonalia quæ perſonam tantum habent deſictam, idell quando creditor ius habet in perſonam non in bona creditoris, nonniſi indirecte, cum non habeat hypothecam, nec pignus in illis; alia realia, quando bona debitoris obligata ſunt creditori per hypothecam ſive generalem, ſive ſpecialem. Dicuntur autem realia; quia non ſi obligata eſt perſona debitoris, ſed potiori actione obnoxia eorum ſolutioni iplius creditoris bona, & hæc ubicumque ſint onus talis debiti ſolvendi ſecum afferunt, quia oppignorata ſunt, & hypothecata creditori, ac illi ſemper obligata manent, donec ſolutum ſit debitum. Hæc autem hypotheca vel pignus quod idem iam ſonat, alia eſt tacita quæ ex lege tantum vel conventionem facta habetur, ut res dotales, quæ bona mariti habent hypothecata, alia expreſſa, quæ habetur ex conventionem contrahentium; alia pariter generalis, quia bona omnia præterita, & futura obligata remanent, & alia ſpecialis, quæ talis vinea vel domus eſt obligata, ſeu oppignorata creditori. Et hæc inter has hypothecas intercedit differentia quod ſpecialis re ad alium poſſeſſorem tranſeunte non perit,

perit, sed semper remaneat ac cum tali onere transit; generalis vero transeundo bona debitoris ad alium possessorem perit, quia afficit debitoris bona non prout in se, sed quatenus debitoris sunt, & sic ad alium transeundo liberantur a tali onere. Sic Salmat. cum aliis. Tandem alia sunt ex delicto, alia ex contractu, quæ ex contractu, alia gratuita puta procedentia ex liberali promissione, alia onerosa orta ex titulo oneroso, puta ex emptinne rei.

Adverte, quod debita aliis præferenda ea intelliguntur quæ solvenda sunt quoad totum debitum. Et hæc omnia cæteris aliorum generum præferenda sunt. Quando vero debitor impar sit, ad omnia illa debita solvenda, explicabitur infra quomodo se gerere debeat.

Debita certa cæteris paribus præferenda sunt incertis; itaut plura habens debita, prius ea quæ certa sunt restituere debet id est debitoribus notis in totum, & postea si aliquid ei super sit debita incerta quousque se extendunt suæ facultates: est communis cum S. Antonin. Caiet. Sylvest. Lessio, Lugo, alii; quia debita certa magis proprie sunt debita, & specificæ, quam incerta. Nam cum incerta non certum habeant dominum eroganda sunt in Ecclesiam vel pauperes, qui non habent tantum ius ad bona debitoris sicut Creditores certi. Actio enim pauperum, & Ecclesiæ est generica ita ut si pauperibus tribuantur non Ecclesiæ, non inferat præiudicium Ecclesiæ, & e contra. Cæterorum vero actio creditorum est specifica naturalis, & civilis. Dicitur notanter, cæteris paribus, quia si bona debiti incerti extent in sua specie, & non sic bona certa, restitui debent in tali casu prius bona incerta, quam certa, itaut si dominus non inveniar, danda sunt Ecclesiæ vel pauperibus potius quam ex ipsis satisfiat creditoribus certis; quia creditoribus certis debitor obligatus est restituere ex bonis propriis, non alienis, aliena autem sunt bona creditoris incerti, si adhuc extent; quia semper manent proprio domino.

Res aliena adhuc in se extans indubitanter docent DD. omnes dandam esse eius domino, neque posse per eam satisfieri cuiusque alio creditori etiam privilegiato; quia quoadusque res maneat, ac pro ea prærium non sit solum, itaut nullum dominum translatum sit in debitorem, ut contingit præcipue in rebus pignoris, depositis, commodatis, per furtum, rapinam, vel usuram surreptis, de iure naturæ ante omnes

alios reddenda est domino sub cuius iure perleverat, & ad quem clamat. Non enim fieri potest alteri restitutio de eo quod est alienum, cum de propriis facienda sit. Quod si forte ignoretur dominus rei quæ manet in sua specie, ut hæc vestis, hoc vas, &c. tunc expendenda est in pauperes, aliaque pia opera.

Quare, inter Creditores primum locum tenet venditor quando sua res vendita emptori iam maneat & illius prærium solum non sit, nec pro ea datum sit pignus, nec fideiussio præstita, nec venditor se manifestavit contentum de eius promissione; in tali enim casu dominus non transiit dominium in emptorem, sed illud apud se retinuit, ut ex ea vel eius prærio ante quemcumque percipere possit solutionem; ideoque si emptor fiat impotens ad solvendum, venditor cuiusque alio creditori præferendus est in solutione per rem suam extantem; nec potest ex ea fieri solutio seu restitutio alteri creditori, alias talis restitutio fieret a debitore non ex re propria, sicut tenetur, sed ex aliena. Hoc valde congruum æquitati visum fuit Caietano, Sylvestro &c. Quod si venditor vel pignus, aut fideiussorem obtinuerit vel securus de fide emptoris contentus fuit de ipsius promissione loco præti, sustinent multi graves DD. ut Covarruv. Navarr. Azor. Lugo, alii, ex recentioribus contra Bannez, Caiet. Sylvest. tunc venditorem ius non habere prælationis super alios creditores. Et hæc sententia verior videtur. Quia per contractum venditionis perfectum, quod fit quando res tradita est emptori, & prærium ei creditum, licet non solum transfertur dominium in emptorem, ut de illa sicut de cæteris suis bonis censendum sit, ex quibus certum est singulis creditoribus non privilegiatis & hypothecariis pro rata esse solvendum, & non uni prius quam aliis.

Nec valet dicere quod quousque solvatur prærium res vendita extans hypothecata virtualiter maneat pro venditore. Nam hoc falsum est præcipue in casu nostro exposito, quando venditor habuit aut pignus, aut fideiussionem, vel voluntarie ac libere consensit expectare solutionem præti ab emptore. Etenim omnis hypotheca vim habet vel ex consensione partium, vel a lege; in hoc casu nulla extat lex, nulla partium consensio intercessit; imo, ait quidam Recentior, venditor pignus, aut fideiussionem accipiendo, vel fidem emptoris sequendo, ac promissionem, cum hæc pro soluto prærio

Inter
credito-
res qui
primum
locum
tenent.

tio acceperit, ut videtur exclusisse etiam virtutem illam intentionem rem hypothecandi, cum pignus, fideiussio &c. æquivalent hypothecæ, & quod statuitur de venditione idem sit intelligendum de contractu permutacionis.

Quod si venditio fiat ab Ecclesia Fisco, vel minore, tunc pratio non solummodo dissentit illam repeti posse a tali venditore ante quoscunque alios creditores, quia talium rerum dominia non transferuntur per solam venditionem solitione non fienta.

Debita ex delicto & contractu onerosa præferenda sunt gratuita: est communis inter DD. ex l. 19 §. de re iudic. ubi sic habetur: *qui ex causa donationis convenitur in quantum facere potest condemnatur, & quidem is solus deducto ere alieno*. Nam in omni donatione, & legato hæc conditio subintelligitur *si rei executioni mandari possit sine præiudicio tertii*, vel nisi rerum mearum status mutetur, alias enim donatio foret iniqua cum respectu tertii, qui præiudicium patere-
tur, tum respectu dantis, qui ex tali liberalitate in ecessitatem posset redigi.

Hinc colligendum r. illicitum esse acceptare donata, vel legata illius, qui ex huiusmodi largitionibus importens redditur ad solvenda debita ex delicto, vel ex contractu oneroso.

Colligendum 2. quod licet legata sint acceptata, prius solvenda esse debita defuncti. Idemque dicto de votis, quæ a Deo prestantur, quando exequi nequeunt sine damno tertii. Cum tamen per vota persona voventis ligetur, ante legata adimplenda sunt.

Debita ex delicto v. g. furto, rapina, usura, contractu fraudulento & huiusmodi, quando non amplius extent in sua specie, præferenda non sunt debitis ex contractu sed æqualiter solvenda. Sic Lugo, Sylvest. Petr. Navarr. Lessius, Bannez, Arago. Azor. Bonaci. cum aliis, qui dicunt hanc esse communem contra paucos alios, inter quos affertur S. Thom. *Opuscul.* 73. c. 18. quamvis Sylvius, quem refert, & sequitur Henno dicat, opusculum illum non esse S. Thomæ, cum in editione Romana habeatur litteris distinctis. Et ratio huius sententiæ est manifesta, quia talis prælatio, nec ex iure naturali colligi potest nec ex iure positivo. Non ex iure positivo cum tale ius nullibi distinguat inter debita ex delicto, & debita ex contractu iusto; ubi autem lex non distinguit nec nos distinguere debemus Cap. *quia circa 22. de privileg.* Non pariter de

lege naturæ; quia de iure naturæ debitum unum non fortius obligat, quam alterum, ex quo utriusque generis debita æqualiter sunt ex iustitia. Tum quia si debitor requisitus, & a creditore habente ius ex delicto, & a creditore habente ius ex contractu iusto alteri solverit prius potenti non solum iuste, & licite solvit, sed etiam hoc præstare tenetur? ita in l. *pupillus ff. quæ in fraudem creditoris*.

Nec efficit quod contraria sententiæ afferat, videlicet quod Creditor ius habens ex delicto debitoris magis invitus sit si debitor suum, aut res ablata ei non reddatur, quam creditor habens ius ex iusto contractu, cum ipse voluntarie rem suam alienaverit. Nam licet creditor, qui ius habet ex delicto debitoris sit magis invitus ex parte subiecti, obligatio tamen iustitiæ non oritur ex maiori, vel minori repugnancia, quam habeat creditor, sed ex illa quæ in obiecto fundatur. Iustitia enim quantum ad restituendum non respicit alterius idest Creditoris animum, an sit magis, vel minus invitus, sed solum alterius ius, ac quantum ipsi debeatur. Utrique autem creditori scilicet creditori ex contractu iusto, & creditori ex delicto res sua simpliciter debetur. Quare inter debita ex delicto, & debita ex contractu iusto ordo nullus prælationis ex genere suo in restitutione necessario servandus.

Debita realia sive hypothecaria præferenda sunt personalibus in solutione, quia hæc iure maiori debita sunt quam personalia, quorum solutione persona tantum debitoris est obnoxia, & illorum, seu realium non solum persona sed eius bona specialiter sunt obligata. Quocirca eadem ratione Creditores reales, & hypothecarii præferendi sunt Creditoribus chirographariis. Ita ex *Leor.* qui acceperunt Cod. qui possit in pigno. Et ex regula 25. iuris in 6. *plus cautions in re est quam in persona*. Cæterum dantur aliqui casus, in quibus posteriores hypothecarii præferendi sunt, ut videbimus inferius.

Creditor pauper cæteris paribus Creditori diviti præferendus non est in solutione, quia paupertas non est specialis ratio ab ullo iure statuta, ne pauper plus iuris habeat, quam dives. Hoc tamen intellige, nisi pauper laborem extremum necessitate, quia in tali casu debet, vel saltem potest iuste præferri diviti in solutione sui crediti, ut cum Sylvest. alii sentiunt. Nam cum dicitur aliquem alteri non debere præferri, subintelligitur salvo ordine Charitatis, quæ est principis

ceptis ac regulis cuiuscunque virtutis. Tournelcius.

§. XXVII.

De Creditoribus hypothecariis, ac de eorum praelatione in debitorum solutione.

Creditorum hypothecariorum sive speciali, siue generali expressa, vel tacita hypotheca rem obligatam habentes ordinarie loquendo praeferendi sunt quibuscunque aliis creditoribus chirographariis, seu personalibus etiam privilegiatis, licet publico instrumento vel debitoris confessione, constet de debito contracto & fuisse etiam anteriores; est communis ex l. eos, Cod. qui possit in pignore. Et ratio est manifesta: quia nempe Creditores hypothecarii directe actionem habent non solum in personam debitoris, sed etiam in eius bona, quae manent eis obligata, oppignorata, & quali ex parte alienata, ideoque praefendi sunt aliis qui actionem non habent, nisi in personam, & non nisi de consequenti, & indirecte in eius bona. Item quia ius hypothecae non alio fine institutum est, quam ut creditores hoc privilegio gaudentes aliis anteponeatur. Circa hypothecas tamen, & privilegia sequenda sunt iura municipalia, consuetudinesque locorum.

Dicitur potenter, ordinarie loquendo, quia in iure excipiuntur certi casus in quibus ex privilegio hypothecae quaedam posteriores anteponuntur prioribus creditoribus non privilegiatis; quia ut in cap. Privilegia 32. ff. de rebus, auctoritate iudicis possidendis habetur, Privilegia non ex tempore aestimantur, sed ex causa. Generaliter enim loquendo triplex est Creditorum ordo. Primus eorum qui privilegia habent, & ceteris etiam hypothecam habentibus praeferuntur. Secundus eorum qui hypothecam habent, & creditoribus mere personalibus, seu chirographariis sunt praeferendi. Tertius denique est chirographariorum qui aequali in gradu assimulantur.

Inter creditores privilegium habentes ut ceteris etiam hypothecam habentibus praeferendi sint hi reeulcentur 1. qui creditum habent pro funere; id est ante omnia credita etiam hypothecaria solvendi sunt sumptus funeris: est communis ex l. scimus 22. §. 9. Cod. de iure deliberandi, & l. impensa funeris 45. ff. de Religiosis & sumptibus funerum ubi sic. Impensa funeris semper ex hereditate deducitur, quae etiam cum creditum solet praecedere, cum bona solvendo non sunt. Pro sumptibus autem funeris venit

quidquid ratione corporis erogatum est, est communis ex l. Funeris sumptus 36. ff. de Religiosis & sumptibus funerum. Sumptus funeris praeferuntur probabilibus circumspecte expressae aut tacitae hypothecae anteriori etiam illi quam habet mulier pro dote. Sic Angelus Bosius de dote cap. 18. n. 87. ubi hanc sententiam ut communem profert, Gomez, Angelus de Arezio Inst. de l. Falcid. §. finali in 2. nota & alii in cit. l. scimus 22. §. 9. Cod. de iure deliberandi. Et ratio est, quia naturalis pietas pro praestandis spiritualibus obsequiis eiga defunctorum corpora ipsa natura impellente praevalere debet omni iuri positivo, adeoque sumptus moderati, & conlucti funeris probabilibus praeferendi sunt cuique hypothecae anteriori etiam expresse, imo & dotis causa.

2. Privilegio huiusmodi gaudent debita tempore ultimae infirmitatis apud Pharmacopolas, Medicos, & Chirugos contracta ut solvenda sint, non secus ac sumptus funeris ante omnia alia credita anteriorem hypothecam habentia. Communis ex l. in restituenda 4. Cod. de Petitione hereditatis. Et ratio eadem quae pro funere in his etiam militat, scilicet pietatis esse, ac simul aequitatis ne videlicet infirmi variis gravati debitis defectu medicinalium, ac Medicorum necessario perire debeant: frenim hi qui talia subsidia eis praebere debent, non habent praelationem, timentes, seu melius dicam praevidentes impotentiam solutionis, auxilia, ac remedia eis denegarent. Dixi notanter tempore ultimae infirmitatis: quia debita huiusmodi contracta in aliis infirmitatibus non gaudent tali privilegio. Ita DD. communiter.

3. Ante alia credita anteriorem hypothecam habentia solvenda sunt expensae factae pro inventario conficiendo, vel pro aperitione & insinuatione Testamenti, vel pro aliis necessariis causis hereditatis. Communis est ex l. Sancimus 22. Cod. de iure deliberandi. Huiusmodi enim expensae taliter sunt necessariae, ut sine ipsis adiri nequeat hereditas, ideoque cum factae sunt in favorem quoque creditorum, qui pariter sine illo rerum ordine non possent agere contra haeredes merito praeferendae sunt.

4. Ante alia credita similem habentia anteriorem hypothecam, solvi debet pecunia mutuata pro conservanda ac reparanda re hypothecata. Et ratio efficax assignatur in l. Huius 6. ff. qui potiores in pignore ubi sic: Huius enim pecunia salvam fecit totius Pignoris causa.

5. Talem praelationem anterioris hypothecæ habet pecunia mutuata pro vectura mercium & conductione ædium, pro eorum conservatione vel pro constructione vel emptione domus, agri, seu alterius rei, cum pacto expresse quod talis domus, agrum, aut alia res remaneat sibi hypothecata: & ratio prioris est quia ipsæ merces manent hypothecatæ mutuantium pecuniam, pro eorum vectura, & collocatione cum omnimoda praelatione ad alios Creditores hypothecarios. Et ratio alterius habetur in l. *Quamvis* 17. Cod. de pignoris, & in l. *Licet* 7. Cod. qui potiores in pignore.

6. Ex tali privilegio anterioritatis aliis hypothecis solvenda est pecunia data a Tutore nomine Pupilli impuberis ad emptionem prædii, domus, & huiusmodi, etiam si non pacificatur in hypotheca; & hoc speciali privilegio status pupillaris l. *denique* est 7. ff. qui potiores in pignore, ubi sic: *In re empta per Tutorem pecunia pupilli, præfertur pupillis anterioribus Creditoribus*, quatenus ex eius pecunia sit solum.

7. Vi talis privilegii præferendus est in solutione cuiuscumque anteriori Creditori hypothecario qui pecuniam dedit pro causa militiæ idest pro sustentatione in castris, pro emptione armorum, equi, &c. reservata sibi per instrumentum testibus subscriptum hypothecam. Novella cap. 97.

8. Idem privilegium praelationis habent hypothecæ Fisci, nam qui contrahit cum Fisco obligat omnia bona sua per modum hypothecæ cum privilegio praelationis huiusce debiti cuius prior Creditori habenti hypothecam tacitam, non vero expressam l. *Si his* qui §. de iure Fisci.

9. Ante omnes Creditores habentes hypothecam tacitam in bonis mariti, Uxor ac filii eius habent privilegium ut dos praelationem gaudeat in solutione. Bona enim mariti ita sunt obligata uxori suæ eiusque filiis descendens ex eodem matrimonio, ut dicta Uxor, dictique eius filii præferantur Creditoribus habentibus anteriorem tacitam hypothecam; dico *tacitam* non vero anteriorem hypothecam expressam. Inter Fiscum autem, & Uxorem non habetur dotis praelatio, sed inter utrumque servatur ordo prioris, & posterioris temporis, ut ex l. *quamvis* 2. Cod. de privilegio Fisci. In dubio tamen quis fuerit prior, mulier est præferenda, ut colligitur ex l. *in ambiguis* de regulis iuris l. *in ambiguis* §. de iure gentium.

10. Inter alios creditores, qui antio-

rem habent hypothecam Locator quoad investita ac illata mobilia bona a conductore in domum conductam absolute præferendus est pro pensionem conventa. Nam Locator ex speciali privilegio Locationis dicitur pro pensionem conventa possidere investita, & illata in domum suam a conductore l. *Possessio* 1. §. 21. ff. de acquirenda possessione. De iure enim melior est conditio possidentis. Ad aures 6. de præscript. & l. *In pari causa* 12. ff. de regul. iuris.

11. Hypotheca instrumento publico comprobata anterioritatem habet, seu praelationem hypothecæ privata scriptura connectæ eo quod in privatis suspicio sit fraudis, qua seclusa, nulla inter hæc datur praelatio; sed quæ fuerit prior in tempore erit potior in iure. Excipe tamen si privata scriptura subscripta sit a tribus testibus fide dignis, & ab ipsis contrahentibus l. *Scriptura* 21. Cod. Qui potiores in pignore habentur.

Excipitur a communi regula hypotheca ex liberali & gratuita promissione; scilicet creditor ex contractu gratuito cedere debet cuiusque creditori, qui habet hypothecam ex contractu oneroso; quia quæ debentur ex contractu oneroso, ut iam diximus habent praelationem debitæ ex contractu gratuito: sic Salmatic. & alii.

Generaliter loquendo solutio, seu restitutio faciendi est prius Creditoribus hypothecariis quamvis posterioribus, quàm Creditoribus chirographariis.

§. XXVIII.

De Creditoribus personalibus privilegiatis, & non privilegiatis.

Post Creditores hypothecarios solvendum seu restituendum est prius Creditoribus chirographariis, seu personalibus privilegiatis, quam creditoribus non privilegiatis seu nemine personalibus. Creditores chirographarii seu personales hi sunt, quibus ut iam antea notavimus non immediate obligatæ sunt res debitoris in genere, vel in specie, sed ipsius persona, & ex hoc personales vocantur. Ex his autem alii sunt privilegiati, alii non privilegiati. Sit igitur

Inter Creditores chirographarios, seu personales privilegiatos recententur 1. Republica creditrix; creditum enim Reipublicæ præfertur omnibus aliis privatis non hypothecariis: l. *Bona venditis* ff. de privileg. creditor. 2. Sponsa de futuro matrimonio pro repetitione dotis traditæ sponso, non secundo matrimonio l. *quæsum* 17. §. *Sponsa de pri-*

privilegiis creditorum. Hæc pro recuperatione lue dotis præteritur aliis omnibus creditoribus personalibus non habentibus exceptam, aut tacitam hypothecam; sed hoc privilegium non tranſit ad hæredes niſi ſint filii, vel alii deſcendentes. 3. Deponens pecuniam ſine uſuræ, ſeu lucri perceptione apud publicum numularium, ſeu depoſitarium a Republica conſtitutum, qui ſi conſumpta ſit hæc pecunia, præteritur quibulvis aliis Creditoribus perſonalibus eiuldem numularii l. *ſi ventri* 24. ff. *de privileg. Credit.* l. *ſi bonum ff. depoſiti*; quod privilegium extendunt aliqui ad quamlibet rem depoſitam quando uſura, ſeu lucrum ex ea non percipitur. Quod ſi res huiusmodi conſumpta non ſint, cum earum dominium non ſit apud numularium præſertur deponens ſive cum lucro ſive ſine lucro dederit omnibus etiam depoſitariis, propter rationes antea allatas in caſu, quo res exet in ſpecie apud debitorem cuius imple dominium non habet. Sic Salmatic. cum aliis quos citant.

§. XXIX.

De creditoribus mere perſonalibus.

Poſt Creditores chirographarios ſeu perſonales privilegiatos reſtituto, ſeu ſolutio facienda eſt Creditoribus chirographariis mere perſonalibus, qui poſteriorem locum obtinent inter Creditores, utpote qui ex titulo ſui crediti nullo gaudent privilegio prælationis, licet ipſi quoque ſi ſint Creditores ex contraſtu oneroſo ſint præferendi Creditoribus omnibus ex contraſtu gratuito. Creditores igitur ſimpliciter perſonales ex contraſtu oneroſo, nempe exemptione, mutuo, locato, cenſu perſonali vel mixto, & huiusmodi prius ſolvendi ſunt quam Creditores ex contraſtu gratuito tantum, videlicet ex promiſſione, donatione, legato, & huiusmodi. Ita communiter docent DD.

Tota difficultas, quæ circa hoc verſatur & inter DD. controvertitur, eſt an debita paria ad eiuldem generis mere perſonalia ſolvenda, ſeu reſtituenda ſint iuxta regulam, *potior in tempore prior in iure*, ita ut quæ prius ſunt debita prius etiam ſolvantur, quam quæ poſteriora? Non pauci inſignis notæ DD. tenent rem ita agi debere. Sic S. Thom. opus. 73. cap. 8. Gabriel, Medina, Suarez, Valentia, & alii.

Contrarium vero ſuſtinent alii graviffimi pante Theologi inter quos S. Antoninus, & hoc habetur expreſſe in l. *Pro debito* 6. de bonis auctoritate iudicis poſſidendis & ex re-

centioribus præcipue Reiffenſt. & Pontas v. *Debitum caſu* 12. & 17. Imo recentiores hanc tenere communiter ſateetur De Lugo, & iſtam probabiliffimam vocat, tanecti idem contrariam propugnet. Nec iura Civilia, quæ alia habentur præcedentia ſupra allatum *Pro debito* 6. correctæ ſunt a iure Canonico per illam regulam 54. iuris in 6. *Qui prior in tempore poſtor in iure*. Nam illa regula locum habet dumtaxat inter illos, qui ius habent ad rem eandem determinatam, ex pacto ſibi obligatam, ut in venditione eiuldem rei abique traditione pluribus facta, prior emptor, conductor, hypothecarius præferendus eſt poſteriori. Non ſic autem in debitis mere perſonalibus, quia cum in his prior Creator nullum ius ad rem aliquam determinatam habeat, ſed ſolum ſicuti quilibet alius poſterior Creditor indiſſerenter ius habeat ad petendum ſuum debitum; ideo debitor valide ſe potuit obligare ſecundo Creditori, quia ei promiſit id quod ſine peccato lervare poterat; ſupponitur enim quod tempore contraſtus par eſſet utrique ſatiſſacere, adeoque ſi debitor ad inopiam vergat nec ſit amplius potens omnibus creditoribus perſonalibus ſatiſſacere in totum, debet omnibus ſatiſſacere pro parte ſeu pro rata ſecundum proportionem debitorum, ac facultatem ſuam dividendo in partes maiores, vel minores proportionaliter reſpondentes debitis iſtis maioribus vel minoribus, itaut qualis eſt proportio debiti ad debitum quoad quantitatem, talis ſit proportio eius quod quilibet recipit ad id quod alii accipiunt, nulla habita ratione, utrum tempore priora, vel poſteriora ſint talia debita, cum ius prioris Creditoris perſonalis præiudicare non poſſit iuri poſterioris ad exigendum ſuum creditum mere perſonale; quia ut dixi Creditores mere perſonales habent æquale ius in perſona debitoris immediate, & in eius bona mediate, & indeterminatæ tantum. Idcirco debitor Creditoribus mere perſonalibus æqualiter ſatiſſacere debet pro rata ſecundum proportionem debitorum, & iplius facultatem, itaut cui plus imple debet plus tribuat cum æquitate poſtulet, ut hic maiorem partem accipiat, qui maiorem perdere debet. Sed cum altera etiam ſententia non careat ſua magna probabilitate, & æquitate convenientia hinc in hiſce caſibus conſultius eſt recurrere ad locorum leges aut legitime præſcriptas conſuetudines.

Verum in dubium eſt apud omnes utriuſque ſententiæ DD. inter creditores mere perſonales poſſe cum aliis præferri qui prius debi-

Num qui prius poſtior in ſua dicto alio debi-

Quid de ordine ſolutorio dictum, quæ paria ſunt.

creditori-
bus præ-
ferri pos-
sit.

debitum suum petit in iudicio, ac sententia a iudice ad hunc effectum obtrinit. Huiusce-
modi enim Creditor vigilando, & exigendo,
suam meliorem reddidit conditionem. Nam
ius Civile vigilantibus scriptum est, idcirco
vigilantiæ ac sollicitudini prius petentis ad-
scribitur ut in *Cap. Quod autem* 6. §. 7. ff.
Quæ in fraudem Creditorum, & l. pupillus
24. ff. eod. Vigilant, meliorem meam condi-
tionem feci. Ius Civile Vigilantibus scriptum
est; ideo quoque non revocatur quod percep-
it. Non potest vero debitor sciens se non
habere unde integre sua debita, seu Credi-
tores suos solvat præferre aliis suis credi-
toribus parentem, vel amicum seu familiarem
non petentem; est communis, quia cum ille
suis amicus seu consanguineus, aut familiaris
non aliis potior sit in iure, cum in hoc om-
nes huiusmodi Creditores sint æquales, ut
inter ipsos non detur titulus, qui priores,
ac posteriores eos reddat; sic nec priorita-
tem habere debet in solutione amicus; sola
enim amicitia &c. non est legitimus huius
prælationis titulus, iusque exigit si non suf-
ficiant debitoris bona ad omnium Creditorum
solutionem, ut omnia eadem bona inter illos
proportionabiliter dividantur, prout fert lex,
vel legitima consuetudo. Unde si debitor a-
liter se gerat, tenetur de omni damno quod
per hoc inferret, refarcire, si ad favorabi-
liorem fortunam perveniret.

§. XXX.

De culpa ob dilationem solutionis.

Differens solutionem debiti, si firmum ha-
beat propositum solvendi, & Creditor per
aliquam dilationem damnum non pariat,
licet multoties solutionem petat præcipue si
debitor ægre & difficileolvere possit, non
ita facile damnandus est lethalis culpæ, nec
a Confessario deneganda absolutio; benequi-
dem si vel cum non possit, non firmum ha-
beat propositum, si aliquando possit satis-
faciendi; quia tunc non accedit cum debita
dispositione, ad confessionem, vel si possit
differat usque ad mortem, & eo magis quan-
do pluries in confessione satisfacere promi-
serit. Imo ne quidem in mortis periculo ab-
solvendus est qui vult solutionem seu res-
titutionem differre post mortem remittendo so-
lutionem in testamento ad hæredesum sine
ulla nota vel scandalo aliove incommo-
do antea satisfacere potest, quia in tali ca-
su indicat se non habere propositum firmum
solvendi, vel restituendi si supervivat, sed
solum se velle hoc sub conditione si moria-

tur & quia sine rationabili causa exponit
Creditores periculo suum debitum non recu-
perandi; cum sæpe hæredes, & præcipue
Magnates id non faciant, vel saltem non
nisi sine magna difficultate, & ut plurimum
sine litium incommodis. Ex ista tamen cau-
sa differens post mortem, non multiplicat
suam culpam, & est absolvendus, puta quia
nimirum, esset nota infamie, rerum per-
turbatio, scandalum &c. si restitutio tunc
esset facienda; tunc enim Creditor iudicare-
tur irrationabiliter invitus, si vellet sibi
protinus restitui. Unde sufficit quod relin-
quat in testamento, vel alia prudenti via
debita sua declaret committatque hæredibus
restituenda, si prudenter credatur restitu-
tionem faciendam per hæredes, & testa-
mentarios. Cæteroque certissimum est ut
docet Sotus differens solutionem debiti seu
restitutionem dum restituere valent, versari
in continua mortali culpa, cum manifeste
indicerent nullum habere verum propositum
solvendi vel restituendi. Ira communiter DD.

§. XXXI.

De loco & quorum expensis faciendæ sit restitutio.

Circa locum restitutionis faciendæ viden-
dum, num debitum restitutionis oriatur ex
delicto, an ex re accepta, an ex contractu.
Circa restitutionem faciendam ex delicto, id-
est ratione iniustæ acceptionis, detentionis,
vel damnificationis resolvit S. Thomas in 4.
dist. 25. q. 1. art. 5. quæstionem 4. ad 2. quod
si res sit magni valoris debet ei transmitti
(id est domino) si potest commode. Nec obstat
si damnum, ex transmissione patitur; quia
ipse sibi fuit causa iniuste auferendo. Nam
dominus servandus est indemnus, cum iustum
non sit ut innocens ex alterius culpa sentiat
damnum & penam cap. cognoscens 2. de Con-
stitutionib. Damnum autem sentiret dominus
seu Creditor, idcirco non omnino indemnus
servaretur, nisi a debitore fieret ei restitu-
tio in loco in quo rem suam haberet si ei
iniuste ablata detenta vel consumpta non
fuisset, quandoquidem pari deberet damnum
in expensis pro translatione, & incommoda
ad ipsa necessaria. Quod si debitor trans-
mittere non valeat vel res sit levis mo-
menti, id est non magni valoris potest eam da-
re (per Confessarium) propinquis illius si
habeat, vel alicui cænobio cum protestatione
tali, quod ei reddere teneatur si requisierit,
vel unquam comparverit. Si autem domi-
nus alio translaturus fuisset, posse iniquo
de-

detentorem detrudere expensas, quas dominus pro tali translatione facere debuisset dicunt Bonacina, Henno, alique, quia, sicut ipsi, debitor iniquus solummodo tenetur dominum servare indemnem, & dominus ex tali restitutione lucrum reportare non debet. Negant vero alii posse iniquum debitorem tales expensas detrudere, quia non debet iniquus debitor lucrum ex suo delicto reportare ut in *cap. intelleximus* & *l. non fraudant ff. de regulis iuris in 6. Nemo ex suo delicto meliorem suam conditionem facere potest*.

Restitutio ex re accepta a possessore bonæ fidei extra contractum facienda est in loco ubi deprehenditur rem esse alienam, nempe ubi possessor bonæ fidei eam habet: est communis, ita ut nullis expensis subiacere debeat. Ita ut si transferenda esset ad dominum absentem, hoc expensis ipsius domini fieri debeat, quia sive ius Civile sive Canonium non aliam obligationem imponunt possessori bonæ fidei, nisi restitutionem rei bona fidei possessæ, quando cognoscit rem eam esse alienam ac ideo suam implet obligationem si eam restituat in loco ubi cognoscit, quod sit aliena, cum restituere non teneatur nisi tantum, quantum de alieno se possidere cognoscit, alias sine culpa pœnam lucret: debet tamen monere dominum absentem, ut sibi significet, cui illam tradere debeat. Quod si negligat inquirere si forte eum ignoret, aut eo cognito incipiat esse in mora culpabili restituendi, tunc incipit esse possessio malæ fidei, ac debitor ex delicto, ac proinde si dominus in tali sua mora fiat absens, tenetur eam restituere propriis expensis. Sic communiter. Quod si facta debita diligentia dominum non inveniatur, tunc regulam observare debet quæ alias traditur quoad rem inventam, cuius dominus ignoratur.

Restitutio facienda ex contractu, fieri debet in loco de quo in contractu expresse, vel tacite conventum fuit inter contrahentes. Sic communiter *ex cap. contractus* & *de regulis iuris in 6. Contractus ex conventionem legem accipere dignoscitur*. Et huic concordat *l. Contractus 23. ff. de regulis iuris*. Quod si nihil de loco restitutionis, seu solutionis conventum sit a contrahentibus in contractu, tunc solutio, sive restitutio fieri debet in loco ubi secundum praxim, & consuetudinem regionum solet fieri restitutio pro aliis eiusmodi contractibus; quia talis censetur esse tacita conventio inter partes contrahentes. Et si regulam circa hoc

nec praxis præscribat, & debitum sit ex contractu oneroso, sive transferente rei dominium, ut in emptione, mutuo, censu, & huiusmodi, in quibus non eadem res, sed pro una accepta altera æquivalens reddenda est, sive non transferente dominium, ut in deposito, commodato, locato, & huiusmodi in quibus res eadem restituenda est; generaliter loquendo, nisi inter partes aliter conventum sit, restituenda sunt in loco ubi tradita fuerant ac accepta. Sic communiter. Nam attentata contractus iniustitia, & contrahentium voluntate assignari nequit convenientior locus quam locus ubi initus est contractus. Si enim locum alium intendissent contrahentes, profecto illum in contractu apposuissent. *Cap. Ad audientiam de decimis*.

Debita ex contractu gratuito, puta donationis, Institutionis Testamentariæ, Legati, & huiusmodi restituenda sunt in loco ubi res erant quando donatæ fuere, vel legatæ in Testamento, & semper sumptibus donatarii Legatarii &c. dummodo tamen Donator, Legans, seu Testator aliter non disposuerint. Ita communiter, quia qui rem gratis alicui donat, legat, &c. prælium nequit, nec se, nec suum heredem ad quid amplius obligare, quam ad simplicem rem donatam, legatam &c. idcirco nec iple, nec suus hæres alio propriis expensis illam transmittere tenetur ad Donatarium, vel Legatarium, sed transferenda est ipsius Legatarii, vel Donatarii expensis a loco in quo donata fuit, vel legata.

Similiter si pro restitutione, seu traditione res alio transferenda sit ut perveniat ad manus illius, cui est dada ex contractu, qui in alterius partis utilitatem initus est, proculdubio talis transmissio fieri debet illius expensis in cuius gratiam, & commodum factus sit talis contractus: quare in contractu cedente in utilitatem solius accipientis ut in commodato, mutuo, gratuito & aliis huiusmodi, rei translatio facienda est expensis commodatarii, vel mutuatarii; cum æquum non sit, dominum subite incommodum expensarum pro beneficio alteri præstando. In casu vero quod dominus si rem non commodasset, vel mutuasset, illam secum transfuisset vel cum nullis, vel cum paucis expensis, sine ulla expensa, vel deductis tantummodo illis paucis, quas subsisteret, sua res illi restituenda in loco ad quem se transiit. Quod si contractus initus sit in gratiam, & utilitatem solius dantis, ut in deposito, transmissio fieri debet ipsius domi-

mi-

nilii expensis; quia depositarius ex favore domino rei prælitio damnum pati non debet.

Quando restitutio facienda sit debitoris onere ita fieri debet ut sufficienter provideat ad hoc ut res ad manus domini perveniat. Sic communiter. Nam quocumque modo res ad dominum perveniat, satisfiat debito restitutionis, & iniustitiæ commutativæ quæ æqualitatem vult, ac præscribit, nempe ut tantum dominus habeat, quantum ex iure habere debet, nihil referens an per se, vel per alium hoc debitor exequatur iuxta regulam iuris in 6. *Qui facit per alium, perinde est, ac si faciat per se ipsum.*

Solutio census realis, cum facienda videatur in loco ubi sunt bona stabilia super quibus fundatus est; dum census est quædam portio fructuum illius fundi; hinc si dominus cui census solvendus est absens esset, solutio ut tantum dominus eisdem expensis transmittenda esset. Idemque dicito de annuis proventus sive in pecunia, sive in frugibus, sive in alia quacumque re ex testamento procedente; eroganda hæc enim sunt in loco illo in quo hæres obtinuit hæreditatem, nec alio nisi suis expensis transferenda essent; cum hæc sint onera hæreditati annexa & hæredi relicta, idcirco in eo loco, non aliunde, cum debitoris gravamine, in in quo hæreditas accepta fuit solvenda sunt, cum ibi contracta fuerit obligatio.

De loco pro restitutione debiti ex delicto secreto.

Restitutio ex delicto occulto secreto facienda est per tertiam secretam fidelemque personam & signanter per Confessarium ad evitandam propriam infamiam ut communiter cum D. Thoma 2. 2. q. 62. art. 6. ad 2. Restitutio vero ex delicto publico puta; per rapinam, & violentiam publicam fieri debet non solum per redditionem rei acceptæ, verum etiam cum petitione veniæ de tali publica iniuria, & offensa. Sic Petrus Navarr. cum aliis, inter quos allegat etiam D. Thomam 2. 2. q. 66. art. 9. Glossam, ac S. Raimundum in sua summa Confess. l. 1. tit. 5. q. 24. Quia per rapinam & violentiam publicam non solum damnum alicui infertur in bonis fortunæ, sed etiam in honorificentia per quamdam ignominiam in persona, quæ proinde pro utraque læsione reparanda est. Imo restitutio ex delicto publico publicæ quoque est facienda ad emendationem scandalum, & aliorum essentia; ut contingit in Ufurariis qui a Confessario urgendi sunt, ut huic debito si non iustitiæ saltem Charitatis satisfaciatur. Si tamen hi secreta restituerint non tenentur ad illam iterum publice fa-

ciendam, sed solum ad scandalum reparandum indicando se iam restituisse.

Quicumque debitor live ex delicto, seu iniusta acceptione, sive ex re accepta, sive ex contractu rem debitam transmittens per delegatam personam a creditore designatam eximitur ab onere novæ seu ulterioris solutionis, si forte illa tertia persona designata rem non restituerit, sed forte perierit. Sic communiter: & ratio est manifestæ, quia res in tali casu non perit debitori, sed Creditori, in quem debitor eo ipso quod rem debitam personæ missæ seu delegatæ a Creditore tradidit, dominium eiusdem rei transiit in Creditorem, non secus ac si eam in manu ipsius creditoris tradidisset, cum persona missa, seu delegata eundem creditorem repræsentet, eidemque Creditori æquivalcat. Idemque dicito in casu quo Creditor, & debitor communi consensu signum aliquod pacti sint, ita ut per illam personam a qua tale præsentetur signum res debita mittenda sit. Nam tunc si aliqua persona etiam alio simili ficto signo exhibito rem sibi traditam domino non restituat; sive, quovis alio modo post traditionem factam tali personæ a debitore sine ipsius culpa pereat, domino perit; quia debitor consignando vi pacti rem debitam tali personæ conventum signum præstanti, censetur rem ipsius Creditori consignare, idcirco liberatur ab onere ulterioris restitutionis.

Debitor generatim loquendo qui inconsulto Creditore seu domino rem debitam per personam non satis fidem seu perviam non facis tutam transmittat in casu quo talis persona eam sibi retineat seu non restituat, sive in itinere ei auferatur a latronibus, non eximitur ab onere restitutionis, sed tenetur iterato restituere, ut communiter, quia in tali casu res perit debitori, cum ex eius culpa, & imprudentia perierit, eam inconsulto creditore mittendo, idcirco Creditor damnum pati nequit ex cap. *Cognoscetes* 2. de constitutionib.

Si debitor ex contractu, sive ex re accepta inconsulto creditore rem ei debitam ad ipsum mittat per personam, quam fidelem credit, & talitiam illius personæ non perveniat ad dominum, vel quomodolibet pereat, ad definiendum cui pereat, videndum an res debita sit determinata in individuo sicuti sunt res commodatæ, depositæ &c. an solum determinata sit in specie aut æquivalenti, ut si debitor mutuata fuerit pecunia, triticum venditum, vinum &c. Nam si res debita determinata sit in indivi-

duo

duo ut hic equus locatus, vas commodatum, hæc res deposita, tunc perit ipsi domino, minime vero debitori; idcirco hic liberatur ab onere reiteratæ restitutionis. Et hæc est sententia communis; quia res sic debita in individuo seu singulariter spectat ad dominium actuale domini, seu Creditoris, cum per tales contractus dominium a domino rei in alium non transferatur. Omnis autem res domino suo perit, idcirco debitor sic rem transmittens non tenetur ad ulteriorem restitutionem, ut de commodato expresse habetur in l. *argentum 20. ff. commodati*. Si autem res debita non sit determinata in individuo, sed tantummodo in specie, & alia æquivalenti iuxta exempla supra allata de pecunia mutuata &c. tunc debitor licet eam mittat per personam habitam etiam fidelissimam, si eius malitia, vel quocumque evenitu pereat, perit debitori, & teneretur reiterato restituere. Sic communiter DD. Quia ubi non idem numero, seu in individuo, sed idem tantum in genere, seu specie reddendum est, ut fit in mutuo, emptione &c. dominium rei missæ tamdiu manet apud debitorem, donec ad manus creditoris perveniat: unde si antequam ad eundem perveniat perire contingat, iuxta generalem regulam domino perit idest debitori, ac proinde hic denuo remillam reddere tenetur.

Circa debitorem vero ex delicto, seu iniusta acceptione communis & probabilis sentiunt DD. quod si res determinata sit in specie, si in individuo, si transmissa ad Creditorem per personam quantumvis habitam fidem puta per Confessarium, quocumque eventu domino non restituatur, seu pereat, perit ipsi Debitori. Sic contra paucos Lessius, Lugo, Navarr. Sylvius, Henno, Toletus, & alii communiter. Et ratio potissima est, quia in tali debitore ex delicto adhuc perseverat radix obligationis ad restituendum, nempe iniusta acceptio: nec Creditor ex debitoris delicto damnum subire debet; cum non debeat alius alterius odio pergraviari, ut expresse statuitur in *Cap. Non debet 22. de regulis iuris in 6.* Insuper si res periret in manu debitoris ipsi debitori periret, ut omnes fatentur, idem est igitur, si pereat apud Confessarium, aut aliam personam habitam a debitore fidem, dum ipsius debitoris personam gerunt.

Nec dici potest Creditorem in tali casu tacite consentire idest quod res sibi debita per fidem nuntium ad eum mittatur, cuiusmodi Confessarius habendus est; quia li-

Instit. Theol. Moral. Tom. III.

cet censendus sit assentiri ut potius per fidem, quam per infidelem personam res sibi debita ad ipsum transmittatur, non consentit tamen tacite quoad hoc, quod si transmissa pereat, sibi non debitori debeat perire, cum non consensit tacite consentire quod ea ad ipsum mittatur, nisi cum conditione, quod cum effectu vere, & realiter res sibi transmissa ipsi reddatur. Et hoc probatur ex *cap. Significante 7. de pignoribus*.

§. XXXII.

De causis excusantibus a Restitutione.

Causæ quæ prorsus excusare valent a restitutione, quinque generantur, & præcipuè recententur videlicet interitus seu consumptio rei in specie debita sine ulla culpa debitoris bonæ fidei; legitimæ expressæ, vel tacitæ Creditoris remissio, seu condonatio; Cessio bonorum; Compensatio facta; Superioris auctoritas. Sic communiter tradunt DD.

Prima igitur causa quæ legitime excusat a restitutione est interitus seu consumptio talis rei in specie, seu potius dicam in individuo apud possessorem bonæ fidei. Nam quandocumque res apud talem possessorem pereat sine ipsius culpa, sive a tali possessore consumetur, nec ex ea factus sit ditor liberatur ab omni restitutionis debito. Ita communiter ex *cit. cap. Cognoscetes*. Cum enim debitoris culpa contra iustitiam res illa non perierit, nullum est fundamentum unde oriatur obligatio restituendi. Dixi *nec ex ea factus sit ditor*; quia in tali casu uti alias iam diximus, id domino restituere deberet, ex quo factus est plus habens, quod est rei quid æquivalens; cum æquum non sit aliquem ex alieno divitem fieri iuxta regulam alias allatam iuris in 6.

Secunda causa a redditione omnino excusans est si Creditor expresse, vel tacite debitum remittat, seu condonet dummodo tamen in tali remissione, seu condonatione requiritæ conditiones concurrant, quia restitutio facienda est ne dominus iniuriam patiat. Non patitur autem iniuriam, qui libere remittit *Cap. scienti, Et consentienti 27. de regul. iur. in 6. Unusquisque plane iuri suo cedere potest*.

Tacita remissio fieri censetur a Creditore si instrumentum, seu cartam crediti laceret, sive ante solutionem libere & voluntarie ultro illud reddat debitori. Quia hoc facere censetur animo condonandi, nisi ex iudiciis & circumstantiis fecus resultet.

H Ita

Ita communiter. Item secundum quamplurimos, quando debitor prudenter præsumere possit talem in Creditore animi dispositionem, quod si per se vel per alium debitum suum, quod est occultum eidem Creditori manifestaret seu ipsum pro remissione etiam cogniti rogaret, talis Creditor debitor ei liberaliter condonaret, vel obligare nollet debitorem ad restitutionem, Rignal. Lessi. Lugo, S. Anton. Sylvel. & alii, qui addunt etiam non contrahere onus restitutionis, qui accipit rem non petitam; quam si accipiens petiisset, dominus certo dedisset, quia nunc adest voluntas domini præsumpta ut rei detentio non fiat, illo quoad substantiam invito. Secus vero dicendum si debitor de tali Creditoris voluntate dubitet.

Condi-
tiones re-
quisitas
in remis-
sione de-
biti.

Dixi antea dummodo tamen in tali remissione requisitæ conditiones concurrant. Nam ut remissio prorsus excuset iuxta communem tres requiruntur conditiones; nempe, ut remissio debiti libere fiat, seu non sit extorta, vi, fraude, aut dolo, cum remissio debiti sit quædam species donationis, quæ essentialiter debet esse liberalis, & gratuita, liberæ, & nullo modo coactæ voluntatis. Hinc securi non sunt in conscientia mercatores illi seu alii debitores, qui prætextu impotentiae solvendi totum concordata exquirunt a creditoribus pro aliqua debiti remissione, qui timore totum amittendi consentiunt, ut una pars eis solvatur, altera debitori condonata, qui cum illam quoque solvere valeat, eam invito domino retinet, qui nonnisi sub conditione impossibilitatis, quam finxit, debitor ad totalem parrem solvendam, hanc ei condonavit; idcirco debitor utpote possessor malæ fidei rei alienæ non eximitur in foro interno idest conscientie ab onere restitutionis. Sic Lugo cum aliis passim. Secunda conditio requisita ad valorem remissionis est ut remissio facta non sit in casibus a iure exceptis, alias remissio nulla est. Hinc 1. nulla est remissio iudici Ecclesiastico de eo quod ultra recepit quam a iure ei permittitur. Cap. statum 11. §. de Rescriptis. 2. Nulla est remissio, quæ fiat Episcopo de illis, quæ ultra necessarios sumptus in S. Visitatione receperunt Cap. exigit 2. de censibus in 6. 3. Condono pecuniæ, quam ratione officii extorquerint Hæreticæ pravitatis Inquisitores clement. Nolentes 2. de Hereticis. 4. Remissio distributionum facta Canonici absentibus a residentia Concil. Trident. sess. 24. de reform. cap. 12. Tales enim alizve hu-

iuse generis remissiones sunt omnino invalidæ; quoniam ipsis non obstantibus adhuc tenentur supradicti, ad integram respectivè solutionem. Tertia conditio ad legitimam remissionem est ut fiat ab eo qui ius habeat condonandi. Hinc minime tenet remissio facta a filiisfamilias, impubere, Pupillo, Religioso, & huiusmodi, utpote qui cum careant dominio, ut iam vidimus suo loco, de rebus domesticis disponent nequeunt, idcirco nec credita domestica debitoribus condonare, seu remittere. De tertia causa excusante, scilicet de Cessione bonorum arebimus infra §. 34.

Tertia causa, quæ omnino excusat a restitutione est compensatio, nempe debiti, & crediti inter se contributio, ut definitur in l. 1. ff. de Compensat. Et hæc contingit inter eos qui sunt sibi ad invicem debitores, ut si Cæsar debeat Torquato 10. propter emptum frumentum, & Torquatus totidem debeat Cæsari. Hæc profecto quando debitum, ac creditum sit utrinque æquale præterquam in casibus a iure exceptis locum habet ad excusandum a restitutione; cum per compensationem extinguatur debitum restituendi; nec iudicis, aut utriusque partis consensus requiritur l. Si ambo ff. supra l. ultim. Cod. de compensat. Et hoc idem dicendum de duobus, qui damna, aut convicia eiusdem generis, & mensuræ sibi invicem intulerunt. Si enim Sergius nolit in talibus circumstantiis restituere Sylvio, nec Sylvius restituere tenebitur Sergio; sed illa debita sibi mutuo compensabunt. Iura tamen hanc compensationem excipiunt 1. in his, quæ debita sunt Regi, Reipub. titulo pensionis in publicam utilitatem. l. in ca. Cod. supra 2. Quando quid debetur titulo depositi l. Si quis vel pecunias 11. Cod. depositi 3. Si debitum sit titulo commodati l. Final. Cod. de Commodat. 4. Res aliena si debita sit uni in certa specie non satisfit solutione illius præti, vel rei alterius; quia iniuste rem suam permutare cogerebatur. 5. Si res aliena debita sit titulo furti l. Finali, Cod. de Compensat.

Quarta causa excusans generaliter a restitutione est Superioris, vel legis auctoritas, seu dispositio per quam debitor ab omni debito restitutionis, seu solutionis eximitur. Et quidem liberatur debitor a reddendi obligatione per iura præscriptiōnis, seu usufructus, quæ ut vidimus supra est acquisitio iuris, & domini per possessionem bona fide cum titulo, & tempore debito continuatam. Nam per legitimam præscriptionem ita dominium rei alienæ in possessionem bonæ fi-

dei transferatur, ut deinceps talis debitor etiam cognito domino penitus immunis remaneat in furo conscientiae a gravamine restitutionis. Sic communiter ex utroque iure, tum Canonico, tum civili. Item liberatur debitor a dicta obligatione restituendi per iustam iudicis sententiam, ut si iudex 9. in poenam delicti, ex praesumptione vera imponat Augusto multam Hortensio solvendam, potest hic non solvere tantundem quod aliunde debet Augusto. 1. Si Hortensius per sententiam iudicis cogatur refarcire damnum sine gravi culpa theologia Augusto illatum, Augustus acceptare potest, & retinere; quia auctoritate legis, & iudicis dominium unius potest in alium ob bonum commune transferri. 3. Si Petrus iuste secundum allegata, & probata, sed reapse iniuste privatus sit officio, vel beneficio, qui bona fide illud accepit licet sciat posse Petrum iniuste privatum fuisse, dummodo hic alter non aliqua iniuste arte ad talem exspoliationem cooperatus sit, non tenetur illud dimittere, vel aliquid pro eodem restituere. Sic DD.

Huc spectat compositio cum Papa, quae est conventio illa in qua Pontifex indulget debitori, ut maior quantitas debiti incerti, nempe debiti, cuius dominus ignoratur, in minore mutetur statim solvendam pauperibus, puta ut pro 20. aureis dentur 20. solidi ad pium usum, & reliquum sibi retineat debitor: & huiusmodi compositio facta cum Pontifice super debitis incertis liberat debitorem ab alio onere restitutionis. Sic Less. Lugo, & alii. Nam debita incerta ex communiori, ac tutiori Doctorum consensu applicanda sunt in pauperes, aut alium pium usum *Cap. cum suis de usuris*. Quare cum debita incerta debeantur pauperibus ex iure positivo secundum Lessium, & Pontifex sit supra quodcumque ius positivum; *Cap. proposuit 4. de concess. Praebend.* poterit Pontifex facta compositione de plenitudine potestatis dispensare iusta interveniente causa, ne illorum pars pauperibus distribuat, sed possint debitores eam sibi retinere. Hoc ordinarie concedi solet per Bullam Cruciatæ sic dictam; quia data est in favorem militiæ cruciatæ idest rubrae crucis in dextera scapula insinuatæ, quam Rex Aragoniæ ducit contra infideles & tunc portio illa minor assignatur isti bello. Volunt aliqui quod si etiam non sufficiens interfit causa ob quam Papa talem facit compositionem, adhuc compositionem validam esse, ac tutum reddere in conscientia debitorem. Communius tamen, ac probabilius negant

Navarr. Covaruv. & alii. Quia Papa (aut ipsi) nequit sine causa rem alienam invito domino alteri applicare.

Si post compositionem, & perolutam partem designatam compareat dominus, & compositio facta sit post diligentem domini inquisitionem, cum Papa ex praesumpta domini voluntate quod eius bona erogentur in pios usus ius habeat de illis disponendi in ipsius domini utilitatem supponendo pro tali dispositione ex thesauris Ecclesiae pro ipsius anima, ad nihil ultra tenetur debitor, cum hæc compositio æquivalcat praescriptioni. Secus vero dicendum si talem compositionem non præcedat sedula domini inquisitio. Lugo cum aliis.

Circa debita certa idest ea quorum dominus innotescit quamvis de his Papa de facto non concedat compositionem, loquendo tamen de possibili, seu de iure, si talis iusta interveniat causa hanc compositionem concedere posset, & sic debitorem ab obligatione restitutionis liberare: Lessius, Lugo cum pluribus aliis; quia sicuti leges civiles mediante praescriptione legitima transferunt dominium post legitimam possessionis tempus a vero domino in possessorem bonæ fidei; ita lex ecclesiastica propter spirituale commune bonum idem facere posset contra certum dominum, seu creditorem praescribit contra Creditores Hæreticos, quorum bona per leges applicari possunt *Fisco Cap. Vergentes 10. de Hæretic.* & alibi, licet nunc per impotentiam non applicentur, posset tamen iure merito eorum debitoribus condonare debita imposita eis aliqua compositione ad pias causas. Ita quoque si aliqui Creditores graviter, enormiterque delinquerint, poterit Pontifex in poenam delicti eosdem privare iuribus suis, & postea cum suis debitoribus super illis bonis certis componere, seu convenire.

Huiusmodi compositionem concedere nequeunt Episcopi neque pro debitis incertis. Ita Sylvest. Lugo cum aliis pluribus, & praxis ipsa communis hoc comprobatur; Episcopi enim non habent ius altum in res temporales, nec potestatem indirectam disponendi de rebus temporalibus subditorum, quæ solo competit Romano Pontifici, utpote qui sit supra ius positivum a quo pendet talis compositio, ac prinde plenitudine pollet potestatis quæ ad talem actum requiritur.

Hæc compositio conceditur 1. pro fructibus Ecclesiasticis male perceptis, licet sciatur cui Ecclesiae debeantur 2. pro medietate legatorum si ignorentur legatarii 3. pro acquisitis

ex contractu iniusto ex utraque parte 4. pro acquisitis illicite ex una parte 5. pro aliis bonis incertis etiam licite acquisitis. Lugo.

Mercatores vero, pillores &c. qui defraudant ementes ex eadem communitate qui nunc ignorantur, secundum communione contra aliquos petere nequeunt compositionem cum Papa, & dare pauperibus, sed faciendi est restitutio hominibus eiusdem communitatis, quae defraudata fuit.

De Debi-
tore, qui
solva
Credito-
ri sui
Credito-
rit.

Debitor qui solvit creditori sui Creditorem ex rationabili causa quando debita sint eiusdem rationis, nec sit alius Creditor preferendus, liberatur in conscientia a debito aliam restitutionem faciendo, Sylvest. Henno cum aliis communiter; quia tali modo agendo adhuc servatur aequalitas ut quique nimirum tantum habeat, quantum habere debet; nec ereditor tali solutione rationabiliter facta debet, ac potest esse rationabiliter invitatus, quia ex tali rationabili causa censetur Creditor distam solutionem ratam habere; idcirco eximi ab omni debito restitutionis, non secus, ac si eadem Creditori solvisset.

Ex l. *Invito Cod. de solutionibus*. Imo ex tali solutione ab alia restitutione facienda liberaretur, non tantum in foro interno conscientiae, sed etiam in foro externo, quando tamen debita sint aequae privilegia, ex eadem causa procedant, ac sint eiusdem rationis: ut si conduxerim vineam ab Antonio, qui eam a Ioanne conduxerat, satisfacio in utroque foro dando solutionem Ioanni l. *Utrum praesente 27. ff. de pecunia constituta* & sic tenet Lessius, Sylvest. Henno cum aliis passim. Quinimo aliqui volunt talem debitorem liberari in utroque foro licet debita ex diversa causa procedant, dummodo sint aequalia. Quod si debitor sine ulla rationabili causa, & rationabiliter invito suo immediato Creditore, hoc faciat, non eximeretur in foro externo a restitutione cit. l. *Invito cod. cod.* Et hoc iure merito statutum est pro foro externo ad lites vitandas, quae exinde oriuntur. Talis tamen restitutio quod forum internum conscientiae semper est valida, dummodo tamen nullum damnum ex hoc Creditori sequatur.

S. XXXIII.

De restitutione mediante munere.

Debitor, qui immemor sui debiti aliquid Creditori donavit v. g. si quis donet Flavio centum, & centum eidem Flavio donec non cogitans de suo debito, nisi ex mani-

fellis circumstantiis colligi queat intendisse tali munere debito suo satisfacere, revera non satisfacit. Et hoc patet in beneficiario, qui ob omissionem Horarum Canoniarum factus debitor restituendi per elemosinas in pauperes, vel alios pios usus portionem fructuum correspondentem horis omissionis, non liberatur a tali onere per elemosinas, quas eroget in pauperes, quando in tali elemosinarum largitione non intendat satisfacere debito contracto restituendi de fructibus beneficii ob horarum divinarum omissionem. Implicet quidem debitor onus suum restitutionis donando aliud aequivalens Creditori, quando in donatione memor sui debiti intendat implicite tali munere suo debito satisfacere.

S. XXXIV.

De longum cessione quoad debiti restitutionem implendam, nec non de Assignmente, & Transactione.

Debitor, qui non valens omnibus suis Creditoribus satisfacere bonis suis ac iuribus quae ei supersunt actu iuridico cedit exitur quidem in foro externo a poena carceris, sed in foro conscientiae, nisi revera sit impotens ad totum solvendum, a tali onere non liberatur: cit communis ex l. *qui bonis cesserint 1. Codic. qui bonis cedere possint* & alibi. Sic enim ibi concluditur. In eo enim tantummodo hoc beneficium eis prodest, ne iudicati detrahantur in Carcerem. Quare si debitor, qui bonis cedit, fiat postea melioris fortunae, tenebitur in utroque foro ad integram solutionem, ut ex cap. *Osardo 3. de solutionibus*; quia tota ratio privilegii cessionis ducta est ab impotentia debitoris, unde per illam cessionem debitum non extinguitur, sed loquimur intelligitur: cap. *cum cessante 60. de appellat.* Cessante autem ratione & causa legis, cessat ipsa lex. Et ideo in cit. cap. *Osardo* cedens bonis obstringitur de re cautionem de integra solutione si melior fortuna ei in posterum ardeat. Imo ita bonis cedens tenetur in utroque foro ut cogi possit in foro externo quantum eius conditio, ac status personae patiat ad faciendum, ac laborandum quantum ex se potest, ut acquirat ex quo solvere valeat. Sic Lugo, Henno, alique communiter. Nam obligatus ad finem obligatus est ad media quoque saltem ordinaria ad finem illum necessaria.

Nec ullatenus suffragatur tali debitori ut liber fiat a sua obligatione in conscientia, iudicem

dicens illi cessione solemnitate ignominiosam addidisse; cum hæc sit pœna imposita propter culpam præsumptam Contrahentis debita supra suas vires, alioque deterrendos, ne prodigalitate, ac negligentia ad talem conditionem reducantur, minime vero ad tollendum naturale debitum solvendi debita; cum per illam penam nullum Creditoris dampnum refarciatur.

Cessio igitur bonorum iuridice facta, non solvit debitorem ab onere solutionis, sed ei tantummodo confert ne ulterius molestari possit in foro externo pro integra solutione; videlicet ne mancipari possit Carceri, nec expoliari bonis, quæ post cessionem acquisivit quatenus ei opus sunt ad necessariam sustentationem, secundum statum quem iussit acquisivit: bene quidem cogi potest in his quæ tali sustentationi superflua sunt. *l. I. qui h. Sabini & Cap. qui bonis ff. de cessione bonorum.* Et hoc salvat etiam in foro interno conscientie, cum sit privilegium, a iure concessum, & contractus iuxta iura celebrati, ac ideo iusti etiam in conscientia. Ita communiter.

Quamvis debitor cedens bonis in foro externo de rigore iuris, ita de acquisitis ante cessionem expolietur ut ei non relinquantur congrua sustentatio; cum ad fraudulentas cessiones vitandas bonis omnibus cedere debeatur; in foro tamen interno, seu conscientie omnes DD. conveniunt, talem debitorem, qui ex infortunio bonis suis cedit, & ipso defuncto illi uxorem filiosque eiusdem bonis etiam ante cessionem acquisitis, seu habitis, quæ ad omnia debita extinguenda satis non sunt posse occulte detrudere, ac detinere quantum eis sufficiat, ad vitam suam sustentandam, ac statum iuste acquisitum honeste, & parce servandum. Si tamen in iudicio requiratur non possunt ut volunt aliqui cum congrua equivocatione iurare se nihil occultasse, sed subtraxisse, intelligendo; nihil ipsis non debitum iure naturali: cum ut iam vidimus suo loco in tali casu locum non habeat quævis equivocatio; ita ut talia iuramenta sint periuria: cæterum ideo talis bonorum occultatio posset excusare a culpa, quia quisque ius habet ad propria alimenta &c.

Hactenus dicta de debitore respectu cessionis bonorum intelligenda sunt de debitore ex contractu, qui rem suam prudenter, honesteque gerens ex adversa fortuna sine sua culpa factus est impar ad debita omnia sua solvenda non vero de debitore ex delicto imo ex contractu etiam, qui prodigie, & lu-

Instit. Theol. Moral. Tom. III.

xuriose vivendo, nempe culpabiliter, factus est impotens ad solvendum. Iura namque benigne infortunius debitorum consulunt quos calamitas, naufragium, aliaque hoc genus adversa sine sua culpa deprælerunt. Non autem malitiæ iniustorum debitorum, qui ex crapula, prodigalitate, studioque dissipatione facti sunt impotentes ad solvendum. Non enim præsupponi debet velle iura beneficium cessionis concedere his qui potius pœnæ severitatem merentur. Illi enim merito in carcerem detrudi possunt donec integre persolvant.

Debitor illius, qui bonis suis cessit, debitum suum manifestare tenetur, & solvere officialibus iustitiæ, ut inde restituantur Creditoribus secundum æquitatem; non enim tutus est in conscientia nisi debitum solvat.

Tamet si debitor principalis bonis cessit, adhuc eius fideiussor manet ligatus ad integram pro eodem solutionem. Nam cessio prodest debitori, minime fideiussori; qui ideo datur, ut ipse solvat casu quo principalis non sit ad solvendum. Est communis ex *l. Exceptio 3. Instit. de replicationibus.*

Bonorum cessio non est necessaria illis debitoribus, qui propter debita Civilia non subiiciunt pœnæ carceris cuiusmodi sunt mulieres honeste viventes, Milites in actuali bello, & in Provinciis quibuldam Nobiles, Doctores, Clerici gaudentes privilegio canonis, & fori, nisi tamen fugam capere molirentur.

Assignatio debiti in iure appellatur delegatio: Quid assignatio debiti, dicitur delegatio. delegatio autem hic importat designationem, qua debitor alterum vice sua dat Creditori, vel cui iusserit, a quo debitum Creditori solvatur. *l. Delegare ff. de novationibus.* Ad delegationem satis est si quis ex quacunque causa etiam erronea verum alterius debitum in se recipiat iuxta Molinam aliove. Et ita verus debitor solvitur ab obligatione restitutionis, seu solutionis.

Transactio secundum iuristas est pactio, Quid transactio. seu mutua partium litigantium conventio non gratuita supra rem dubiam lite, seu controversia iam mota sive pendente. Transactio eximit ab ulteriori restitutione. Transagens vero non debet esse certus rem alteri debitam, aut adiudicatam esse per iudicis sententiam, a qua non detur iusta appellatio *l. In summa 65. de condit. indeb.* Si unustamen sine onere a sua præteritione se removeat, non erit Transactio, sed amicabile compositio Moli. Laym. & alii.

§. XXXV.

*De exemptione a solutione debiti per
ingressum in Religionem.*

Controvertitur inter Theologos num ingressus, & professio Religionis sit sufficiens ratio quæ eximere valeat Debitorem a debito reddendi, seu solvendi debita contracta sive ex delicto, sive ex contractu. Quocirca variaz circa hoc sunt sententiaz. Prima absolute affirmat, utpote quæ absolute teneat debitis gravatum, qui par non est ad solvendum facta cessione bonorum, quæ habet statim ingredi posse Religionem etiam immanendo in sæculo esset in casu lucrandi, & Creditoribus satisfaciendi. Ita S. Thom. 2. 2. q. 189. art. 6. ad 3. S. Antonin. Palud. Caiet. & alii. Secunda media via procedit, statuendo nempe quod si debitor gravatus speret manendo in sæculo brevi soluturum, differre debet ingredi Religionem. Si vero longo tempore deberet expectare, tunc facta suorum bonorum cessione statim licite ingredi possit. Sic Lessi. Navarr. cum aliis. Tertia tandem, & hæc statuitur ut probabilior, negat absolute debitorem licite ingredi posse Religionem si manens in sæculo possit tamen per longum tempus Creditores solutos reddere. Sic Gerson, & cum ipso permulti DD. Parisienses Henno, qui dicit sententiam hanc approbatam fuisse a Sixto V. & Gregorio XIII. Et equidem ut fatentur ipsi adversarii non facienda sunt mala ut eveniant bona. *cap. Super eo 4. de Usuris.* Unde cum prætermittere debitum satisfactionis malum sit utpote legi naturali oppositum, debitor plane antequam debita solvat licite Religionem ingredi nequit. Ingressus enim Religionis est tantum consilii, obligatio vero solvendi debita est iuris seu præcepti naturalis. Hinc Sixtus V. Constit. quæ incipit *Cum de omnibus* expresse vetat ne debitis gravati, & rationis obligati priusquam debita solverint, & a rationis expediatur, possint Religionem ingredi, & a Superioribus admitti sub pœna privationis vocis activæ, & passivæ, & oranium officiorum, ac dignitatum, & perpetuæ inhabilitatis ad illa ac ad alia quæcumque respectu Superiorum, qui illos ad habitum, & professionem admittant. Et quamvis Clemens VIII. nullitatem professionis sustulerit, non abtulit tamen prohibitionem, & pœnas; unde tamen tales debitores valide, illicite tamen ad habitum, & professio-

nem admittuntur. Sed de his alibi iam diximus.

§. XXXVI.

De debitoribus morte multatis quando a restitutione eximantur, & num excommunicatio eximat ab huiusmodi debito.

Si debitor ad instantiam partis læsæ morte plectatur, non ideo eximuntur hæredes illius a debito refarciendi damna ab ipso per delictum illata, ut docet Iugo cum multis; quia Respublica per iustitiam vindictivam punie illud delictum in exemplum aliorum ob publicum bonum; idest ob publicam tranquillitatem, subditorumque securitatem, sine præiudicio stricti iuris, quod ex iustitia commutativa habent damnificati sive creditores. Quod si hæredes non exigant compensationem damnorum propter quæ damnificator multatur, probabile est eam posse omitti; quia illi cui iniuria illata est censentur acquiescere, & condonare. Sic cit. Iugo cum aliis.

Excommunicatio Creditoris, vel debitoris eo quia non liceat communicare seu agere cum excommunicato, nec ipsi cum aliis, non liberat a debito restitutionis. Non utique ex parte Creditoris; quia licet excommunicato denegetur actio iudicialiter petendi, *Cap. Pia de excommunicationibus*, ei tamen privatim petere permittitur, nec prohibetur communicare cum aliis, ubi necessitas, vel magna utilitas id exigat, ut ex *cap. quoniam multis*, & sicut ei liberum est excommunicato communicare cum domesticis, ita etiam cum debitoribus; & ideo *cap. Si vere* ei permittitur abolvere, seu consummare contractus inchoatos. Quoad debitorem pariter certum est non liberari per censuram, qua innodetur a restitutionis debito, ut deditur *cap. si vere*. Et ratio est, quia debitor cogi potest per excommunicationem ad debitum solvendum. Excommunicatio igitur eum a tali onere non liberat. Ite dicitur etiam *Cap. intelleximus de iudiciis*. Quod excommunicatus in iudicio conventus teneatur per procuratorem ad comparandum, unde per illum quoque satisfacere potest, & debet.

§. XXXVII.

De debito restituendi hæredibus quod debetur Creditori defuncto.

Mors Creditoris, cui facienda erat restitutio, non exculat debitorem a tali obligatione.

tionem, quando defunctus Creditor habeat hæredes; quia isti succedunt in iuribus omnibus, & oneribus defuncti, ita ut in omnibus ipsius defuncti personam repræsentent, ac proinde non minor est obligatio restituendi ipsius hæredibus, quam erat antea erga Creditorem defunctum. Quod si non habeat hæredes, nec disposuerit de bonis suis per testamentum, non secus ac dicitur de re inventa vel accepta quando ignoretur dominus, vel locus suæ habitationis eo quod in longinquis regiones profectus sit, quod ipsi defuncto debebatur erogandum est in pauperes, vel alios pios usus; quia ius suum per mortem ille non amittit, & censetur velle ut eo meliori modo quo potest in eius utilitatem impendatur, seu ei profit. Nam ita ius suum in propriis bonis post mortem servat, ut si miraculose revivisceret, & ipsi debita nondum erogata fuissent in pauperes, eidem restituenda essent, seu solvenda.

S. XXXVIII.

Causæ excusantes a restitutione, non excusant a furto.

Propositio ex variis rationibus manifesta redditur. Nam si res restituenda sit sub dominio debitoris, potest hic in gravi necessitate eam sibi retinere, & in tali necessitate ei non liceret alienam eiusdem rationis surripere. Item etiam res restituenda sit aliena, adhuc iuxta graves DD. licite eam ad tempus potest retineri a debitore in gravi necessitate constituto, cum ut antea dicitur non liceret in huiusmodi necessitate eam auferre. Pariter ne quis gravem infamiam subiret excusaretur a restitutione rei alienæ donec sine tali infamia eam reddere posset; non posset tamen ad evitandam infamiam aliena furari. Sic Lugo. Nec tentio superveniens rationabili causa est alienæ rei moraliter continuata surreptio; nec præceptum restituendi obligat sicut præceptum non furandi. Rationem disparitatis dat cit. Lugo. Quia præceptum restituendi imitari videtur præcepta affirmativa, & requirit quod saltem moraliter actus ponatur; præceptum autem non furandi est negativum, ac ideo ut alia huiusmodi generis præcepta, obligat non solum semper pro semper, sed plus etiam quam præcepta affirmativa: quia nempe negativa cum actionem tantummodo vetent, minus exigunt, quam affirmativa, quæ requirunt ut actio saltem moraliter ponatur; ac proinde cum plus dif-

ficultatibus occurrat in positivis quam in negativis, transgressio præcepti affirmativi est magis excusabilis quam negativum. Nam facilius est non spoliare alterum sicut ne furando, quam spoliare seipsum ut fieri debet in restituendo; ac proinde dominus non est ita invitatus si non restituas, quam si furipias. Insuper plus infuit qui primo, & positive cavilatur damnum, quam qui illud iam positum permittit, seu non impedit. Surripienti autem primo, & positive infuit, non restituens tantum negative non tollendo damni causam. Igitur facilius hic quam ille est excusabilis. Lugo.

S. XXXIX.

De Causis excusantibus dilationem solutionis, seu restitutionis.

Causæ, quæ excusare valent a restitutione. Tres sunt ne tres præcipuæ recententur, quæ donec perdurant licitam reddunt restitutionis dilationem. Nemp Ignorantia, damnum Creditori aut tertio secuturum, & debitoris impotentia. Ignorantia inculpabilis, bonæ fidei coniuncta, sive iuris sit, sive facti est prima causa excusans a culpa dilationem restitutionis. Quamdiu enim perdurat talis ignorantia debitor excusatur a restitutione facienda, quia pro tunc possessor est bonæ fidei. Et ita aperte docet S. Augustinus lib. de fide, & operibus cap. 7. Bonæ fidei possessor (ait S. D.) rectissime dicitur quamvis se possidere ignoret alienum. Secunda causa excusans est damnum Creditori, vel tertio secuturum, nempe quando debitor faciendo restitutionem Creditori rei suæ prudenter prævideat grave malum spirituale, vel temporale illi, vel tertio obventurum. Christiana enim Charitas dicitur in tali casu differendam esse restitutionem. Quocirca reddenda non est pecunia Creditori dum prævidetur ea abuturus sive in luxuria, sive in crapula, alitve intemperantiis; sive in uluris, simonia, & aliis huiusmodi; non gladius si prævidetur homicidium, vel vincictam patratum. Debitor enim restituendo in huiusmodi casibus malo cooperaretur. Idcirco differre debet donec talia pericula renoventur. Tertia tandem causa, quæ dilationem excusat restitutionis, est ipsius debitoris impotentia sive physica, sive moralis. Physica quidem, nempe quando nihil tunc penitus habet debitor, quo restitutionem, seu solutionem facere possit; nulla enim impossibile datur obligatio, cum ad impossibile nemo tenetur.

tur l. *impossibilium* 185. ff. de regulis iuris; & cap. *Nemo potest de regulis iuris* in 6. *Nemo potest ad impossibile obligari.*

Impotentia moralis itidem excusat debitorem in restitutionis dilatare, nempe quando nequit restituere nisi cum notabili, ac maiori incommodo quam sustineat creditor ob restitutionis dilationem, puta quando non valeat restituere absque damno vel periculo salutis animæ, corporis, famæ, libertatis, si-ne mutatione status honesti ac iuste acquisiti, ac sine detrimento multo maiori in temporalibus quam sit detrimentum Creditoris ex sibi dilata restitutione seu solutione. Sic communiter DD. Unde excusaretur in differenda solutione qui eam statim faciendo, cum traditione in eadem omnium bonorum, fame esset periturus, morbos gravissimos defectu comparandæ medicinæ passurus; cum vita & sanitas corporalis sint bonum superioris ordinis quam bona fortunæ creditoris; vel cogeretur mediis illicitis curare propriam suorumque sustentationem, puta se, & filios ex latrocinis sustentare, uxorem fœdialique prostituere; vel subire deberet famæ iacturam, & libertatis, ut si pro restitutione faciendâ veniret in suspicionem gravis occultæ criminis, indeque inevitabiliter deberet diffamari; vel seipsum vendere vel filios ad comparandum pretium pro restitutione. Vel ex nobili conditione in vilem, cum gravi suo & suæ familiæ dedecore, & infamia descendere. Nam fama, libertas, deus status honeste & iuste acquisiti, bona sunt conditionis longe maioris quam sint externa bona fortunæ creditoris. Debitor enim in casibus huiusmodi reperitur in gravinecessitate, quapropter Creditor illa perdurante rationabiliter velle nequit debitum sibi solvi eum tanta proximi iactura. Unde tametsi ralem inopiam propriis vitis sibi comparaverit, puta luxuriose, & sumptuose vivendo, ludendo, & huiusmodi, tunc ne decidat, ne cogatur tam gravia incommoda subire, differre potest restitutionem quando tamen res aliena non extet in individuo; nam si adhuc res eadem extaret, docent communiter DD. quod omnino eam restituere teneretur.

Licet tamen non teneatur debitor, ob restitutionem seu solutionem faciendam notabiliter cadere a statu suo honeste & iuste acquisito; videlicet non teneatur vir nobilis omnes dimittere quadrigas, famulos, totam prætiosam suppellectilem vendere, omnes pretiosas sibi competentes vestes, & huiusmodi, seu artes mechanicas, aut actio-

nes suo statui indecentes exercere, ut lucra percipiat ad solvendum, teneatur tamen superfluum sumptuositatem in mensa; vestibus, famulis, equis, ludis ad honestam mendocritatem reducere; sicuti etiam a conviviiis, itineribus supervacaneis se abstinere; tandem statum suum quoad pompofitates, & splendidos apparatus moderare. Debitores qui ita non se gerunt Confessarii absolvere nequeunt; etenim irrationabile, ac iniustum est ut a re alieno pergravatos sanguinem ulterius a mercatoribus ac operariis extorquere velint ad hoc ut luxuriarent, pompofiores gestent vestes, lautiores decorationemque mensam parent, & huiusmodi. Ita enim DD. admonent & debitores, & Confessarios ut serio circa hæc reco-
gitant.

Diximus antea notanter quod non teneatur debitor ad restitutionem faciendam notabiliter cadere a statu suo honeste, & iuste acquisito. Nam qui notabilem statum iniuste sibi acquisivit puta ulvis, furtis, usurpationibus, rapinis, & huiusmodi, restitutionem differre nequit, ne notabiliter a tali statu decidat, sed restituere debet etiam cum iactura huiusmodi status, quia cum de alienis inique ea bona acquisiverit, non decidit a statu suo, sed ab eo qui suus non erat ad suum statum descendit ac reddit, nec minor est iniquitas statum ex alienis conservare, quam ex alienis illum sibi adipisci. Quocirca qui non habet nisi iniuste acquisita, teneatur totum restituere, quantum citra extremam necessitatem eo carere potest, etiam usque ad mendicitatem, nisi periculum infamiae excuset. Sic communiter DD. ex cap. *cum tu 5. de Usuris*, ubi Pontifex expresse præcipit Usurarios etiam sub excommunicationis poena cogendos ad restitutionem ac ad id implendum vendere debere domus, & possessiones quas usuris acquisiverit. Et quod dicitur de debitore hoc quoque intelligendum quoad eius hæredes, respectu quorum quando consocii sint de statu iniuste acquisito ab eorum auctore, currit ratio eadem, & obligatio restituendi. Mala enim fides possessoris defuncti nocet etiam immediato heredi vivo l. *Ultim. Cod. communia de usucapionib.* Si autem hæres possideret coempti bona fide, & postea deprehendat talem rem a suo Patre iniuste fuisse acquisitam, non teneatur in tali casu notabiliter descendere a tali statu bona fide accepto ut statim restituat, sed poterit licite differre donec fine notabili suo detrimento satisfacere queat, sicuti antea iam.

iam dictum est de debitore, qui statum suum honeste, ac iuste acquirit. Nam huic aequivalet hæres qui bona fide suum statum cum hæreditate acquirit. Sporè cum aliis.

Differre pariter potest Debitor restitutionem si forte ut eam statim impleat subire deberet notabile suorum temporalium bonorum detrimentum, puta si nequeat debitor statim restituere nisi vendendo domum, vineam, merces & similia multo minoris quam sit eorum valor, & aliunde spes certa habeatur faciendi postea restitutionem commodius sine tali præiudicio. Quia tunc Creditor esse nequit rationabiliter invitus, quod ob talem iustum honestumque finem, ei dilata sit restitutio. Sic communiter apud DD.

Si contingat debitorem, & Creditorem versari in æquali necessitate gravi ut si dilata solutio æquale emergat damnum Creditori, tunc docent communiter DD. Debitorem teneri ad restitutionem; quia in pari causa melior est conditio creditoris qui strictum ius habet ad exigendum sibi debitum, & Debitor habet solam licentiam Charitatis ad debiti restitutionem differendam. Et hoc verius est quando debitum sit ex delicto, cum ratio dicat favendum esse potius innocenti, quam nocenti. Iniquum enim est quod debitor ex sua malicia commodum reportet contra innocentem *cap. intelleximus 7. de iudiciis*.

Quod si debitor & Creditor versentur in æquali necessitate extrema, videndum nunc prius inciderit debitor vel Creditor, vel inciderint ambo in talem necessitatem eodem tempore. Si enim prius inciderit debitor cum hic in puncto extremæ necessitatis contrahat dominium rei necessariæ prius adeptus sit iure poli, non tenetur restituere Creditori, qui postea in talem extremam necessitatem incidit. Et equidem debitori qui prius in tali necessitate versaretur Creditor quia iam non esset in huiusmodi indigentia teneretur ei subsidium præbere, igitur eo magis debitor antea in tali necessitate existente non potest Creditor ab eo restitutionem exigere. Sententia hæc est communis. Si vero Creditor prius talem necessitatem incurrat, debitor differre non potest, sed statim facere restitutionem Creditori rei suæ utpote quæ duplici iure tunc ei sit debita & ratione domini, quod ad illam habet creditor, & iure poli ob extremam necessitatem in qua reperitur. Sicuti etiam, quia licet debitor nihil ei deberet, teneretur eidem in huiusmodi necessitate subveni-

re, dum ipse non esset ab eadem gravatus; ergo multo magis debet rem suam eidem reddere a tali indigentia prævento; & a fortiori teneretur debitor statim restituere si Creditor propter dilationem huiusce restitutionis in hanc necessitatem incidisset tamen ipse debitor in eadem extrema necessitate versaretur, quia non licet in extrema necessitate rem alterius arripere; quando hic in pari sit indigentia, quia in pari causa necessitatis melior est conditio possidentis ut ex *cap. Ad aures 6. de prescriptionib. § l. in pari causa 128. ff. de regulis iuris*.

Quando autem debitor & Creditor simul eodemque tempore parem incurrunt extremam necessitatem, in tali casu Debitor restituere debet præsertim si Debitor rem ipsam adhuc in specie teneat, cum res illa adhuc maneat sub dominio Creditoris, ut tenent Scotus, Paludanus cum aliis insignis notæ Doctores. Tunc enim Creditor sive dominus illius rei Dominium habet sicuti antea habebat, & ratione iuris poli in puncto necessitatis extremæ novum ius seu dominium acquirit supra illa re. Quocirca duplici iure ei est debita ideoque in tali casu Debitor iniuste eam retinet & reddere tenetur. Dominus enim rei hic & nunc sibi necessariæ plane præferendus est extraneo, qualis est Debitor qui rei dominium nunquam habuerit.

Nec ullatenus sententiæ huic officit quod opponere solent qui contrarium sentiunt, nempe quod in extrema necessitate omnia sint communia, ideoque Debitorem posse in conscientia eam sibi retinere, & consummare; eo quia ratione extremæ necessitatis facta sit res communis, nec sit plus alterius quam sua; nam licet in necessitate extrema omnia reddantur communia, quando tamen cum alterius necessitate concurrat pars domini necessitas, in tali casu cessant esse communia, & eo vel maxime quod dominus seu Creditor in tali circumstantia duplex ius ad rem illam tenet, ius nempe extremæ necessitatis, par ad illud Debitoris, & ius domini illius rei quod non est in Debitore.

Nec valet inflare meliorem esse conditionem possidentis, ideoque Debitoris qui eam rem possidet; quia tamen melior sit conditio possidentis quando dominus incertus est, & possessor non sit malæ fidei, locum tamen non habet illa regula quando dominus est certus, & Debitor est possessor malæ fidei, ut in nostro casu. Ius enim do-

domini prævalet iuri possessionis etiam iniustæ & multo magis iniustæ.

Duximus ante notanter præsertim si *Debitor rem ipsam adhuc in specie teneat*; quia si res illa consumpta esset iam a Debitore, & ita non amplius maneret sub dominio ipsius Creditoris, videtur tunc Debitor præferendus Creditori; quia in tali casu hic non am-

plius alienum, sed proprium cum onere restitutionis seu solutionis, quando opportunitas aderit, possideret. Unde notat hic B. Henno Doctores, qui contrarium sentiunt, intelligendos esse in casu nunc expósito idest quoad rem a Debitore consummatam, non vero adhuc in specie apud Debitorem existentem. Ferraris in sua morali Bibliot.

P A R S III.

CAPUT UNICUM.

De Iniuriis in particulari, & necessaria Restitutione.

§. I.

De modis, quibus particularis iniuria inferri potest.

Quatuor
genera
bonorum,
quæ ab
homine
possideri
possunt.

Bona, quæ homini conveniunt quadruplicis sunt generis, videlicet animæ, corporis, famæ, & fortunæ. Bona animæ duplicis sunt generis nempe alia naturalia, ut potentie naturales, idest intellectus, voluntas, memoria. Alia acquisita ut scientiæ, artes earumque usus. Alia supernaturalia quæ vel immediate ad animæ salutatem, & salutem ordinantur, ut gratia, virtutes iniustæ, earumque actus, merita, Sacramenta; vel mediata vel Religio. In his omnibus proximus lædi potest. His prænotatis sit.

Qui philtro, veneno, noxia potione vel alio modo aliquem memoria, vel usu rationis aliave potentia naturali privavit, aut maleficiis dementem reddidit, seu vi, fraude ad aliquid sumendum induxit ex quo tale damnum secutum sit, graviter deliquit contra iustitiam, & tenetur ex iustitia curare huiusmodi mala, & tollere si possit, alioquin, licet ad nihil pecuniæ teneatur ratione potentie lætæ, tenetur tamen rescire damna omnia, quæ inde secuta sunt. Sic communiter; quia iniuste violavit ius, quod habet proximus ad bona naturalia sicuti ad externa, quæ possidet: unde si homicida reparare debet familiæ damna ex homicidio eidem consecuta; sic indemnizandus est damnum passus in amissione facultatis, seu naturalis potentie libi iniuste ablatæ.

Idem qui iniusta causa est alteri damni in scientia, vel arte, sive qua vi, fraude, aliave iniusta via aliquem impedivit a consecutione vel earum usu; sive qua dum ex

officio, aut pacto alios edocere tenebatur, notabiliter negligens fuit in docendo, aut non satis peritus munus docendi suscepit, sive quia culpabiliter falsa pueris docuerit, tenetur & retrahere quæ falsa docuit, & reparare damna omnia inde ipsis aliisve secuta; quia sua temeritas, ignorantia, negligentia, aut malitia fuit iniusta causa damni; alioquin nec tolleretur, nec resciretur iniuria, ut iniustitia exigit. Hinc si Hæretiarca, Concionator, Confessarius, Advocatus, Medicus, Magister, aut quisvis alter live contra Religionem, sive contra artem aut scientiam quam ex officio exercent vel docent disseminaverint errores proximo noxios, sive scientes, sive etiam dubitantes, aut suspicientes hoc fecerint, & quando etiam non ex officio in aliquo hoc fieri contingat, tenentur retrahere apud eos qui audierunt falsas doctrinas, quas evulgarant; alias damna quæ inde sequerentur ex iniustitia compensare tenerentur. Si autem hoc fecerint ex invincibili ignorantia, & inadvertentia, tenentur ex sola charitate respectu mali præteriti, ex iustitia vero respectu futuri.

Qui vi, fraude, dolo aliave iniqua arte alterum impulit ad peccandum, vel a bono opere abduxit, aut decepit falsis doctrinis contra fidem aut bonos mores, debet ex iniustitia vim, fraudem, seductoremque tollere, errores aperire, causam ultionis lapsus removere, ac curare quantum fieri potest ut seductus in pristinum statum redeat, puta eum ad penitentiam inducendo, ad Deum orando pro eius conversione &c. Ita communiter, quia hic iniuste violavit ius quod quisque habet ne a quovis in spiritualibus bonis noxa afficiatur; idcirco si forte in his lædatur, ex iustitia compensandus est. Si quis vero sine vi, fraude, metu, vel deceptione alterum in peccatum inducat, non peccat contra iustitiam, sed tantummodo contra charitatem, ideoque non tenetur ad resti-

restitutionem, nisi sit Prælati vel quis alius, cui incumbat ex officio spirituale bonum suorum promovere; quia his exceptis non fit iniuria ita seducto volente, & consentiente; cum volenti, & consentienti nulla fiat iniuria. Teneatur ille quidem plura quam alii ex ebaritate curare meliori modo quo possit ut alter ad frugem reducatur meliorem. Quod si quis consilio, & precibus aliquem ad peccandum induxit peccato iniustitiæ contra tertium, peccavit contra iustitiam quæ est virtus opposita, & si inductus damnum non satisfaciat, ad hoc tenetur qui ad tale damnum alterum induxit ob ius quod quisque positive habet, ut nemo nec per se, nec alteri cooperando sine suo consensu, vel causa, & autoritate damnum ei inferat.

§. II.

De iniuriis in corpus proximi per homicidium mutilationemve, & necessariam restitutionem.

Homicidium, idem dicito de mutilatione aliud est casuale, aliud volitum. Homicidium prout casuale quod non est volitum nec in se nec in causa non est culpabile, nec verum homicidium, nisi piblice, & naturaliter, quia de essentia peccati est quod sit voluntarium, idcirco non affert debitum restitutionis. Unde si quis in inculpabili ebrietate aliquem occidat non incurrit reatum homicidii, nec ideo onus restitutionis damni, quod homicidium huiusmodi consequatur, quia talis occisio non est voluntaria nec in se, nec in causa, nec directe, nec indirecte, cum facta sit sine usu rationis, ac proinde sine ulla voluntatis deliberatione: secus vero dicendum si ebrietas fuit culpabilis, & calus prævisus fuit, aut prævideri potuit. Tunc enim occisio est vere voluntaria in sua causa, idcirco imputabilis ad culpam, ac damni compensationem.

Qui actum etiam licitum facit id est dat operam rei licitæ sed periculose sine debita diligentia ad mortem alterius vitandam, & aliquem interficiat, sit reus homicidii, & tamen præter intentionem occidat est obnoxius restitutioni quia ob debita diligentia omissionem homicidium iuxta D. Thom. 2. 2. q. 64. art. 8. est ei voluntarium.

Dans operam rei illicitæ periculose, si in huius illiciti actus & periculosi executione alterum occidat etiam præter intentionem, incurrit in homicidii culpam, & onus restitutionis quantavis diligentia usus sit ad

occisionem alterius vitandam; quia occisio est eidem voluntaria non cavendo adumilicium ex quo sciebat causari posse aliusius interfectionem; & interfectus ius habebat ne daretur opera illi rei illicitæ sibi periculose. Ita cit. S. D. loco eodem.

Qui aliquid omittit ad quod tenetur ex iustitia, & ex tali omissione, quæ periculosa est mors sequatur alterius, puta si Princeps vel Gubernator non expellat latrones viarum publicarum, grassatores qui viatores enecant, & expoliant; Medici imperitus vel negligens, deliciens in his quæ periti, & diligentes medici facere solent, & sic dicto de Advocato, Iudice, Procuratore, &c. si ex omissione diligentie quæ eorum officia requirunt sequatur mors alterius, culpabiliter sunt rei homicidii, & damna omnia quæ ex tali respectu eorum culpabili morte oriatur refarcire tenentur; quia ob defectum ipsorum peritiæ, vel diligentie mors alterius iniuste secuta est.

Occidens in duello utrique voluntario volunt multi non teneri ad ullam restitutionem. Nam (dicunt ipsi) occisus in lethale certamen consentiendo censetur in mortem consentire, ac proinde in damna ex morte procedentia, ac concedere alteri agere quod possit in tali actione contra ipsum; cum natura duelli hoc ordinarie loquendo importet. Et eo minus incurrit debitum refarciendi provocatus si provocantem interficiat: cum provocans invitet alterum ad sui internecionem, si forte prævaleat, & in damna omnia suum libere præbet consensum; scienti enim, & consentienti non fit iniuria. Verum probabilior plane est contraria sententia quod teneatur compensare damna consequentia morti succumbentis respectu ipsius Creditorum, Uxoris, filiorumque si indigeant eius sustentatione, cum suis lucris eos aleret, horum enim iuribus occidere non poterat. Nulla tamen est dubitatio circa provocantem; hic enim tenetur ad damnum compensationem faciendam ipsi, vel sui hæredibus si contingat provocatum succumbere; cum ipse involuntarie ad vim solum repellendam pugnaverit. Provocans enim est iniustus aggressor, cui sponte non condonatur restitutio. Verum etiam provocatus voluntarie in pugnam descendere, non vi ut se defenderet, sed ut etiam offenderet, ac ideo uti aggressor nullam pateretur iniuriam; semper tamen iniuria heret hæredibus, idcirco nunquam erga ipsos superstes eximetur ab onere restitutionis.

Cæterum quocumque modo sive in duello, sive

five extra duellum contingat homicidium seu mutilatio læsor reatur refarcire damna omnia quæ ipsi, aut hæredibus, ex tali cæde seu mutilatione sublequentur. Idcirco si aliquantum supervivat mortaliter vulneratus sicuti etiam in mutilato, tenetur læsor ad expensas omnes in curatione læsi, & compensare omne lucrum cessans, & damnum emergens in mutilatione ipsi læso & in homicidio hæredibus interfecti: idest ipsis compensare, ac refarcire damna omnia realia quæ ex tali occisione eos pati ac subire contingat; cum homicida fuerit iniusta causa omnium damnorum, eo vel maxime quod hæredes succedunt in omnia iura defuncti. Non debet tamen læsor refarcire totum lucrum quod ex officio, vel industria occisus retrahebat, dum hoc est incertum, & variis modis impediri potest, sed quatenus secundum iudicium prudentum valere potest spes lucri spectatis omnibus circumstantiis læsi, valetudine, robore, pericia, modo vivendi, detractis expensis ordinariis, ac quidquid ipse consumpsisset, quia hæc ad hæredes non pervenissent. Ex communi vero deducenda non est æstimatio laboris, quia ad lucrandum labor iniuste fuerit impeditus. Nam plerique laborant potius quam orientur; alias ut plurimum nihil esset reddendum, dum sæpe lucrum laboris æstimationem non excedit.

Tenetur itidem homicida aliquid prudentum arbitrio restituere pro anima occisi per eleemosynas, missas, preces, &c. nisi constet defecisse in mortali peccato, & præsumatur si vixisset satisfactorius pro suis peccatis; quia ex hac parte eidem illatum est per iniuriam damnum spirituale ei tollendo facultatem satisfaciendi. Sic S. Antonin. De Lugo, Navarr. cit. ab Antoi.

Nec solum tenetur homicida compensare hæredes de damnis quæ ipsi ex tali cæde consequuntur, lucra scilicet cessantia, damna emergentia, alendo eius Uxorem, liberos, parentes, tamen totum ab oculo fuisset condonatum, quia non potest cedere eorum iuri, quod habent fundatum in specialissima connexionione, & speciali debito ad invicem ut alantur Uxor a marito, filii a parentibus, parentes a filiis; sed etiam Creditores occisi. Id tamen quod Creditoribus redditur detrahendum ex his quæ hæredibus reddenda sunt, qui tanto minus ex bonis occisi post naturalem eius mortem accepissent: ita ut ipsis compensetur totum damnum emergens, & lucrum cessans spectat ad eos satisfacere Creditoribus.

Non tenetur tamen interfector compensare expensas funeris, urpote quæ iam aliquando faciendæ erant, dummodo tamen funus factum non fuerit alio in loco, ubi maiores, quam domi fieri deberent.

Occidens Claudium dum putat occidere Leandrum, quem inviolabiliter credebatur esse Claudium, tenet multi illum obnoxium esse restitutioni ex l. 28. §. de iniuriis. Quia intendebat iniuste hominem occidere, & revera occidit. Unde sicuti teneretur si ut intendebat Claudium occidisset, æque tenetur pro occisione Leandri, quem loco Claudii interfecit, non secus ac teneretur, qui purans incendere domum Cati, Titii domum combussisset.

Nota. Si occisor five alius damnificator decedat e vita priusquam debito satisfecerit restitutionis in homicidio contracto, tenetur hæredes interfectoris huiusmodi onus ex eius bonis implere. Etenim hæredes non minus succedunt in omnibus bonis, & iuribus quam in eius oneribus, scilicet debitis & obligationibus quibuscunque onerosis. Nec ab ulla exceptione iuris Civilis liberari potest hæres in conscientia, neque etiam ante mortem occisoris causa non fuerit contestata; & etiam si aliqua temporalis poena etiam morte, ut alias notatum fuit, nullitatis sit læsor. Quia damna privati quæ debitum privatum statuunt implendum ab hæredibus non compensantur per Reipublicæ punitionem, quæ est satisfactio publici debiti cum Republica in tali iniuria contracti. Imo non eximuntur a tali debito tamen si, ut incidenter antea diximus, læsus debitor omne quantum potuit læsori dimiserit, quia cum hoc debitum erga hæredes, uxorem, filios, parentes occisi oriatur ex iniuria per talem cædem illis illatam, quæ non nisi ab ipsis remitti potest, non potest læsus cedere iuri quod suum non est, sed aliorum. Præterquam quod remissio, quæ fit ab occiso suo occisori est remissio tantummodo iniuriæ, & ita intelligenda est de odio, vel quoad poenam fori, non vero quoad poenam compensandi realia damna ex cæde lecuta. Hinc ipse, vel eius loco si non satisfecerit, eius hæredesolvere tenentur in conscientia multam quoque pecuniarum a iudice impositam. Nam iudex ius habet puniendi iniurias, & iusta sua sententia obligat ex iniuria; idcirco in conscientia. Hægenus ut plurimum cum P. Antoine, Tournelle, aliisque.

Quod autem dicitur de iniusto, ac voluntario homicida, hoc intelligendum est quod de iniusto mutilatore, nempe hunc quoque teneri ad refarcienda damna omnia, quæ

quæ mutilato, seu vulnerato, tum personæ læsæ, tum aliis etiam intulisset. Unde non secus ac homicida si mors vulnerati non statim sequeretur teneretur ad omnes rationabiles expensas pro ipsius curatione factas, & omnia alia incommoda ut iam diximus homicidium subsequenter, teneretur mutilator ad omnes expensas occurrentes ad curam mutilati pro cibis extraordinariis, pro medico, medicinis, linteaminis, aliisque ad talem medicationem necessariis, iis tamen deductis, quæ ipse si sanus esset in sua ordinaria vita consumpsisset. Item compensare lucra cessantia damnaque consanguineis emergentia ratione mutilationis manus, vel pedis ut si mutilatus esset artifex, putator, faber &c. non amplius apertus esset ad consuetam suæ artis agere, & lucra pro sustentatione suæ familiæ ut ex §. institut. de obligationibus quæ quasi ex delicto. Quare mutilator ex hoc debitor fieret cum onere compensationis debitoribus etiam mutilati si hic aliud non haberet, unde ipsis satisfaceret.

Hoc idem dicito de puella, quæ ob fornicatorem ex mutilatione, seu cicatrice contracta nubere non potest suo pari, videlicet læsofem teneri illi tale damnum iuxta prudentum æstimationem compensare; & ita dicendum in quovis huiusmodi casu; quia semper læsor est iniusta causa talis damni, ac proinde semper ipsi imputatur iuxta regulam alias allatam iuris; qui occasionem, seu causam damni dat, damnum dedisse videtur.

Nam vero occisor & mutilator debitores fiant personis etiam, quæ ex sola Charitate ad occiso, vel mutilato alebantur, contrahitur inter Theologos. Probabilior tamen est eorum sententia, qui negant tale debitum ab illo contrahi, quia nullum eorum ius violarunt ex quo solummodo oriri potest obligatio, utpote quæ spectet ad iustitiam commutativam cuius est iubere compensationem inter iura, ac æqualitatem ponere inter datum, & acceptum.

§. III.

De causis excusantibus a restitutione ratione homicidii.

Eximi videntur homicida, & mutilans a debito restitutionis, quando reducendi essent pro tali onere implendo ad summam egestatem, decidendo a suo statu iuste acquisito, ita ut non possent amplius familiam alere,

filias collocare, &c. si quibus faciendi esset restitutio ratione occisionis mutilationis &c. ex defectu talis restitutionis adeo gravia incommoda non paterentur; sic docet communior, & rationalior sententia, quia naturalis lex & maxime Christiana Caritas vetare videtur ne creditores non indigentes credita sua cum tam gravi debitorum damno repetant. Dixi, non indigentes; quia si alias æquali circiter indigentia gravandi essent, in hoc casu eorumdem innocentia prævalere deberet debitorum reatui. Semper tamen teneretur debitor curare per mediations reconciliationem cum personis læsis & ab eisdem non indigentibus remissionem, vel dilationem in sui debiti solutionem. Quare excusat a tali restitutione indigentia absoluta, vel respectiva sive facienda, sive differenda, mature attentis a prudenti Confessario personarum circumstantiis.

Vulnerans, ac mutilans cum moderamine inculpatae tutelæ ob defensionem propriæ vitæ, vel proximi, sicuti eximitur a gravi culpa, ita ab onere liberatur restitutionis, quando iniustus aggressor vitæ, vel impudicus honestatis damnorum in se secutorum est sola causa. Idemque dicito de vulnerante aut mutilante cum debito moderamine inculpatae tutelæ ob defensionem bonorum temporalium magni momenti, quæ necessaria sint pro status iustæ acquisiti conservatione, iuxta sententiam, quæ euidam recentiori videtur probabilior, S. Antonini, Caiet. Soti, Navarri aliorumque; quia cum talis vulneratio seu mutilatio non sit iniusta, minime obligat ad damna reparanda; & hæc vera præsupponitur etiam a D. Thoma 2. 2. q. 64. art. 7.

Si quis vero, puta Afcianus aliquem verbis tantummodo contumeliosus impeteret, qui ira ob talem iniuriam incensus armis Afcianum aggrederetur, & hic cum alia via ei non suppetere evadendi pro sui defensione cogeretur suum aggressorem interficere; licet graviter peccaverit Afcianus alterum contumeliis afficiendo, non tamen peccavit alterum ad sveram, meramque sui defensionem occidendo, idcirco non teneretur ad damnorum secutorum compensationem, quia contumeliis impetitus iniuste privata auctoritate factis Afcianum aggressus est, ac proinde iuste Afcianus se defendit, & cum, ut supponitur, alio modo non poterit se rueri, iuste aggressorem occidit, vel mutilavit. E contra vero res se haberet, si Afcianus prior factis rixam movisset alterum aggre-

aggrediendo, a quo utpote valentior ut se defenderet compulsiis fuisset illum occidere, quia se posuisset voluntarie in causa alterum occidendi, unde teneretur Alcanius ad damnum inde fecutorum compensationem, dummodo hic alter moderamen in se defendendo non excessisset, ita ut ex tali excessu compulsiis fuisset Alcanius illum interficere. Verum quia non est moraliter possibile clare deprehendere num aggressus in se tuendo exceiserit, ut necessarium factum sit aggressori pro sui defensione aggressum occidere, & certum sit Alcanium fuisse primum iniustum aggressorem, ideo in tali casu dubio Alcanius tenetur ad damna ex tali occasione secuta. Quod si exculabilem reddere posset hoc unicum esset, si in fervore pugnae, seu rixae voluisset desistere & hoc alteri significasset, qui desistere nolens pugnam fuisset persecutor. Tunc enim desinere esse iniustus pugnae persecutor, unde si alio modo propriam vitam nisi alterius occasione tueri non valuisset immunis esset a culpa acque proinde ab onere restitutionis pro patrata occasione.

§. IV.

De iniuriis in corpus proximi per stuprum, ac de eius compensatione.

Qui sine vi, fraude, importunis precibus, vel nuptiarum promissione, sed vel se offerentem, vel facile petenti assentientem Virginem defloravit, ad nihil eidem tenetur; quia volenti & consentienti, iuxta regulam 27. iuris in 6. nulla fit iniuria. Si tamen sit illa sub potestate parentum, ac cura, tenetur erga illos ad aliquam honorariam satisfactionem per signa doloris, submissionis, petitionis venire, si hoc fiat manifestum iuxta Caiet. Navarr. alioque, quia violavit ius custodiae quod habet erga illam pater & familiam inhonoravit. Imo si ob talem defectum aut auctenda esset dos, aut nubere non posset, deflorator utpote realis causa horum damnum quae iam praevide-re debuit, ea rescire tenetur, & iidem cedere non poterat puella utpote iuribus suorum parentum, & custodum. Tenetur pariter post tres annos per quos tres annos tenetur mater, aut prolem, donec proles possit sibi providere, imo ad impensas parvus si impotens sit mater adeas supplendas, aut ipse ad id se obligaverit. Et si duo cum eadem rem habuerint, ut dubitetur cuius sit proles, uterque haec onera subire tene-

tur. Quia uterque actionem posuit per se generativam. Sic communiter. Et si Hospitali exposita sit proles tenentur parentes si satis ad id sint rescare impensas; cum Hospitalia fundata sint ad alendos tantummodo pauperes.

Si autem deflorator vi, dolo, minis, importunis precibus, falsis suasionibus, (pe Matrimoni promissi virginem ad stuprum induxit, compensare debet omnia damna Virgini, & parentibus inde obvenientia; quia iniuste illa eis artulit, & tenetur vel eandem ducere, vel si nolit, vel ob aliquam gravem causam puta ob disparitatem conditionis vel dissidia, quae ob tales impares nuptias orirentur, ducere nequeat, debet eam compensare addendo saltem doti quae aliquin danda esset. Nec ab hoc onere eximeretur ex eo quod damnum non lequeretur, nec parentibus quia res mansit secreta, nec puellae; quia aequae commodas nuptias inveniret ut volunt alii; quia bona superioris ordinis compensanda sunt per bona inferioris ordinis idest per pecuniam aut aliud aequivalens, & maxime si damnum patiatur mulier ex eo quod defloratio illa marito innotuerit. Si autem puella inisset pro matrimonio, nec illud damnum, aut inconveniens ex talibus nuptiis praevideatur, vel ob conditionis disparitatem &c. probabilius, ait quidam gravis Recentior, videtur defloratorem obligandum esse matrimonio.

Si deflorator qui solis precibus, & quidem urgentibus stuprum a puella obtinuit sit vir magnae auctoritatis gravitatis &c. quod quamdam speciem metus reverentiae incutere solet, cum tunc puella non plena voluntarietate assentitur, tenetur deflorator damnum rescare. Quia consensus mixtus ex involuntario temper supponit iniuriam, iniustumque damnum, ac proinde ex iustitia debetur compensationis. Secus vero dicendum si homo talis sit ut nullam valeat incutere subiectionem, vel etiam si talis sit, sed solis blanditiis ac precibus nullum metum incutientibus, vel muneribus eam ad voluntatem suam duxerit; haec enim non minuant voluntarium, ac ideo ita consentienti nulla fit iniuria. Unde homo in tali casu solum teneretur si stuprum fieret publicum compensare iniuriam parentibus, & damnum quod pati deberent in ea, cum majori dote alteri in tali defectu iam evulgato nubenda.

Qui vero Virginem promissione etiam facta matrimonii defloravit, ex communi tenetur eam ducere, quia cum haec promissio

ut

fit contractus onerosus adimpleta ab una parte conditione, tenetur altera promissionem implere, quando licite præstare id possit. Nec officii quod fiste promiserit; quia tali fista promissione eam decepit, ideoque violavit ei ius, quod quisque habet ne per deceptionem aliquid ab eo exigatur: eo vel maxime quod iuxta regulam iuris in 6. *nemini fraus sua patrociniari debet*. Nec satis est quod damna resarciat præcipue eam dotando; cum illa non consenserit, nisi cum pacto ut seductor eam deduceret. Creditori enim invito unum pro alio solvi nequit.

Dantur tamen aliqui casus, in quibus exigitur deflorator a sua promissione implenda corruptam ducendi, & tunc solum damna secuta resarcire tenetur. Et 1. si puella se finxerit Virginem, nobilem, divitem, cum reveras talis non sit; quia iniuste decepit. Imo si ipse etiam talem eam crediderit; cum hæc firi causilla sufficiens ad dissolvenda sponsalia, damna tamen sunt resarcienda. 2. Si mulier corrupta, defloratori nubere renuat volenti adimplere suam obligationem; imo in tali casu secundum multos liberatur ab omni onere etiam dotandi ex regula iuris 41. in 6. *Imputari non debet ei per quem non fiat si non facit quod per eum fuerat faciendum*. Quia quando paratus est implere quod promiserat, non videtur ulterius teneri. Si namque recuset femina nubere defloratori eo quod sit valde melioris conditionis, vult Panormitanus ipsum in tali casu teneri ad eam dote compensandam. Talibus enim dedecus & danum non resarciretur, sed augeretur, intellige respectu familie idest de dedecore, & damno quod ex tali violatione ei sequeretur. Nam respectu corruptæ si sine vi, & dolo, sed sola promissione matrimonii deflorata fuerit, consentiendo in copulam cessit iuri suo; idcirco quoad hoc si corruptori nubere renuat, nihil aliud ei reddere ille tenetur. 3. Si ex contrahitis nuptiis a defloratore cum puella corrupta timerentur prudenter gravia mala proleptura, ut infelices exitus, discordiæ graves inter familias, gravia scandala &c. Quia in tali casu, mulier nequit esse rationabiliter invita. 4. Si aliquid grave impedimentum interveniat, ut si suscipisset sacros ordines, tametsi illicite. Si autem impedimentum est dispensabile, & puella insistat, debet impetrare dispensationem, ac eam ducere, quia fraus nemini suffragari debet: ut si quis votum habeat simplex castitatis aut religionis, sive eum fecerit post deflorationem, quod cum sit de re tunc illi-

eita iam non teneret, non secus ac votum dandi pauperibus quod alteri ex iustitia debetur; sive ante deflorationem, & secundum communioem tenetur petere voti dispensationem, & eam ducere, quia ut sapienter ait De Lugo, obligatio voti provenit ex libera voluntate ita voventis, & in votis simplicibus includitur tacita conditio, si potero sine præiudicio iuris alieni; obligatio autem ducendi hanc mulierem in talibus circumstantiis est obligatio ex iustitia. Quare sicuti si quis vovisset dare omnia bona sua pauperibus, si postea grave damnum alicui inferret, damnum illatum non obstante voto, compensare teneretur. Sie qui votum habet castitatis non eximitur a debito contracto ex iustitia cum puella, quam defloravit, dispensatione petita eum ducendi. Si autem impedimentum sit indispensabile, sicuti fit per ordinem sacrum susceptum, aut per matrimonium cum alia contractum, tunc sufficit si eam pro aliis nuptiis provideat secundum S. Thom. in 4. *dist.* 28. q. 1. a. 2. ad 4. 5. Si femina deflorata eum alio fornicetur ante secutum Matrimonium; quia in tali casu promittenti fecit iniuriam, & iustam dedit causam recedendi a promissione. 6. Si promissio fiste facta fuerit, & aliquo modo potuit puellæ innotescere ut notat D. Angel. cir. loco ad 4. præcipue si vi opulentus sit, vel nobilis, quia tunc puella se ipsam stulte decepit, & hibi deceptionem imputare debet. Nilominus tamen deflorator resarcire debet damna, præcipue ut alteri æquali nubat, & si nubere nolit, ut decenrer vivere possit, quia semper verum est puellam iniuriam aliquam passam esse.

Si autem vir nobilis idest superioris conditionis puellæ quam sub spe matrimonii ad stuprum induxit, vere nuptias promisit, & etiam impotens sit ad eam dote sufficienti providendam, nec ex contrahendo cum eadem nuptias periculum sit probabile gravis scandali ob dissidia ac alia incommoda secutura ex tali matrimonio, ut notat P. Antoine eum aliis tenetur eam ducere; quia tunc iuri suo cessit. Nam ratione promissionis acceptatæ debitus est excessus, ad quem reddendam, eo ipso quod voluit deflorationem non obstante meliori sui status conditione, se obligavit.

Vir qui putans puellam esse virginem, volensque carnaliter eam cognoscere ut facilius eam inducat ad consentiendum suæ voluntari serio matrimonio ei promittit, ipsa prorsus ignorante falsa illius opinione de sua virginitate, quam revera amisit, &

in copula sibi a puella concessa deprehendit eam non esse virginem sicuti eam existimabat, & communiter habebatur, non teneatur in foro conscientie stare promissioni de matrimonio; quia cum ad hoc se obligaverit in compensationem violatæ virginis hac per eam copulam non amissa, non subicitur oneri adeo gravi; non absolvitur tamen a debito compensationis debitæ usui carnali personæ non virgini. Verum si communiter habebatur ut virgo, & ex tali carnali usu infametur, vel quia concipiat, vel ex alio motivo, ut æstimationem virginis decoris amittat, infamiam puellæ, quam ex suo carnali congressu prævidere poterat futuram, aliquo honesto modo reparare tenetur, videlicet non revelando defectum suæ virginis, qui erat apud omnes incognitus, ne magis infametur, sed vel sufficienti dote ut alteri nubere possit eam providendo, vel nuptias cum ea contrahendo; nam supponitur eam se virginem finxisse.

Quod autem dicitur de virgine hoc intelligendum quoque de quacunque alia honesta femina. Unde sollicitans honestam viduam ad carnalem copulam sub promissione matrimonii sive vera, sive ficta, tenetur ad compensationem iniuriæ vel inundo cum ipsa matrimonium, vel si tali contractui aliquid adveniret puta ob disparitatem gradus; unde gravis incommoda ex impari matrimonio oriri possent, sicuti iam notatum est in casu de Virgine, per aliquid aliud compensando iniuriam ipsi illatam vel eam dotando, vel eam providendo, ut decenter vivere queat secundum eius conditionis statum.

Si quis violasset consanguineam, copulam carnalem, sub spe matrimonii sive vere, sive fictæ extorquendo & si hæc fictio deprehendere illa non potuisset, ac sint in gradu dispensabili, sicuti antea dictum est de eo qui antecesserit ad copulam sub tali promissione cum virgine votum habeat simplex castitatis, teneatur dispensationem impetrare ac eam ducere. Quod si gradus Consanguinitatis non esset dispensabilis, nec mulier hoc prævidere potuisset ac ex hac copula aliquod incommodum vel quia gravida remaneret vel ex alio capite ei sequeretur, teneatur eam dotare, vel ad honeste decenterque vivendum providere.

Debita autem recensita incurrit qui a virgine sub matrimonii promissione non solum copulam, verum etiam alios impudicos actus extorquet, si sit æqualis circiter conditionis gradus; ita ut nullum prævideri posset

eventurum inconveniens ex tali nuptiarum contractu; quia nulla adeit iusta ratio seu causa, quæ a tali debito eum absolvat. Quod si conditione mulierem notabiliter excedat, satis erit ut eam, sicuti alias diximus de defloratore, compenset; & ita pariter dicendum si hoc tentet cum honesta vidua. Imo talem contraheret obligationem quæ erga virginem, vel honestam viduam gestus tales coram aliis saceret, ipsa renuente, ægre ferente, ac serio reprobande, ut ex talibus gestibus videntes concipere possent suspicionem de aliquo crimine commisso, vel committendo, & exinde propter præiudicium quod subiret carumdem fama, damnum quod ipsis, vel suis sequeretur; nempe utpote iniusta causa talis damni teneretur vel matrimonio, vel alio modo gesticulato compensare. Secus vero dicendum si femina illdem gestibus corresponsderet ac in illos conspiraret. Nam in tali casu, cum nulla ei volenti, & consentienti fiat iniuria, nulla idcirco ei debetur compensatio, bene vero parentibus sub quorum cura ac custodia degit.

§. V.

De iniuria ac restitutione propter adulterium.

Circa obligationes quæ in tali iniuria proximo inferenda contrahi possunt, videndum an adulterium innotescat marito, &c proles etiam sequatur. Si enim proles non sequatur, sed tantummodo iniuria nota fiat marito, tunc tenentur solum adulteri ad honorariam satisfactionem, veniam per congruos mediatores petendo; ad nihilum vero, si ab illo ignoretur, nec damnum ullum sequatur, nisi ut a Deo veniam petant, & orent pro innocente, & procurent ut innocens maritus in bonis augeatur, sive in officiis, sive in dignitate, cum alteri compensationi locus non remaneat. Si vero proles ex adulterio oriatur adultero incumbit eam alere post annum tertium, donec alimenta sibi providere valeat.

Licet vero per triennium sit obligata mater de alimonia prolem hanc spuriam providere, in defectu tamen illius tenetur pater, & vicissim. Sic ex iure Canon. *ex cap. de convers. Infidel. Adulter, & Adultera* relaxare tenentur ex æquo damna quæcumque ex adultera prole marito obvenire possint in prole illius sustentatione ac legitimis filiis in bonorum partitione cum illegitimis necnon in legatis, ac donationibus

pro

provenientibus a consanguineis patris putativi, ac in aliis, quæ legitimis spectant ac spectare possunt modo quocumque, iure, & ratione. Sic communiter. Quia uterque est æque principalis iniusta causa huiusmodi damnorum: & tenentur singuli in solidum ex alterius defectu *ex cap. ultimo de iniuriis*. Neque si alteruter sine vi, dolo, &c. alterum ad adulterandum induxit alter qui fuit inductus esset excusabilis in conscientia quoad onus compensationis. Quia uterque libero ac voluntario consensu causam dampnorum illicita, & iniusta sua actione posuit. Si alteruter vero vim aut metum respectu grave vel etiam reverentialem tantummodo, qui gravi iam comparatur; qui inculcasset teneretur de omni damno utpote qui tunc esset sola principalis causa adulterii, idest iniuriæ ac proinde cuiuscumque damni ex tali iniuria provenientis. In huius tamen defectu teneretur altera pars licet minus principalis, & minus voluntaria, utpote quæ per iniuriam ab altero sibi illatam huic iniuriæ consenserit. Teneretur quidem, quia licet secundum quid, tamen voluntarie simpliciter consentiendo facta est realis causa iniuriæ, & cuiusvis damni quod ex ea processit. Cæterum quomodocumque res se habeat circa talis iniuriæ positionem, idest circa adulterium patratum, certum videtur quod si probabilis sit prolem genitam esse ex adulterio tenentur Adulteri malum ex hoc proveniens rescire, quia prudenter ipsis non constat prolem non esse suam.

In dubio vero prudenti an proles sit spuria, probabilius est teneri Adulteros pro rata dubii, videlicet pro maiori, vel minori, ratione dubii iudicio prudentum. Sic Layman cum aliis. Quia uterque est iniusta causa periculi præcio æstimabilis; & in dubiis iniquum est, ut totum periculum subeat innocens. Licet enim dubitent de effectu, certi tamen sunt de actione mala a se posita malum inferente. Unde cum rationabile non sit quod qui est certus de actione, quæ habet de se malum seu damnum inferre, a se iniuste posita, & solum dubitat de effectu, ab omni debito absolvatur, & sic totum incommodum subeat, seu poenam qui nullum habet culpæ reatum; hinc Adulteri eximendi non sunt ab onere quod affert actio mala quam iniuste posuerunt, ne totum ruat super innocentem, casu quo damnum reapse fuisset illatum.

Nec valet dicere quod in dubio proles supponi debeat legitima; quia hoc verum est
legiti. Theol. Moral. Tom. III.

in foro externo; & etiam in interno, cum possit iuste hæreditatem dividere cum legitimis, quia leges sunt pro puero, quæ ita statuerunt ad tuendam pueri innocentiam. Verum respectu genitorum dubiæ proli qui poluerunt, & marito & proli certo legitimæ periculum certum damni, in foro interno non valet; idcirco tenentur ad restitutionem. Crimen enim ab adultero postulat, ut se debitorem credat, nisi contrarium probet. Idemque dicito, si mulier cognita fuerit a pluribus; ita ut omnes teneantur ad damni compensationem dubiæ proli.

Adultera pariter citra periculum infamiæ & vitæ procurare debet ne maritus, & filii legitimi dampnum subeant, ut communiter DD. compensando cum propriis bonis dotalibus si possit disponere & dimissorialibus si habeat. Quod si bona non habeat compensare curet cum diligentiori administratione rei familiaris, & detrachere quantum potest de propriis solitis sumptibus spectata tamen status conditione, valetudine &c. Quinimo religiosum statum, secundum multos, spurio persuadere debet, si vocationi sit dispositus, ut temporalia bona legitimi consequantur.

Si vero hisce modis compensare nequeat non tenetur revelare suum crimen ob periculum vitæ, gravilque scandali, perpetui odii mariti, infamiæ totius familiæ, & propriæ, saltem si non sit suspecta, vel alterius mali multo maioris, ac dampnum hæreditatis. Sic communiter. Tunc enim maritus, & filii seu hæredes legitimi non sunt rationabiliter inviti, & restitutio est moraliter impossibilis. Præterquam quod inuulter crimen suum manifestaret tamen si firmaret manifestationem iuramento; quia fides non habetur a tribunalibus huiusmodi mulierum testimonio. Et hoc idem dicendum si loco alterius veri filii suum supposuisset, ne hæreditas ad alios transeat. Volunt tamen aliqui quod si spuris esset indolis adeo mitis, mariti adeo affectus amore, & conscientiæ adeo timoratus, ut prudentem moraleque securitatem haberet mater, ut si hoc filio revelaret perpetuo sub secreto teneret, matri fidem haberet, & se removendo tot mala tolleret maxime ubi sunt fidei commissæ magni momenti ac amplæ hæreditates. In tali casu mater pati teneretur hanc infamiam apud hunc filium. Filius vero credens matri suum crimen revelanti & variis monumentis probanti, sive in mortis articulo sacramentis munitæ iureiurando con-

firmanti teneretur sub mortali ei fidem habere ac suæ conscientie providere, se gerendo non secus ac possessor bonæ fidei, cui tamen non faveret respectu bonorum quæ ante agnitionem suæ illegitimitatis possedit ulla præscriptio. Verum si hoc contingeret in familia nobili & fortunæ bonis satis provisum, non obligandus esset, meo videri, discedere, ut cogeretur vilem ac miserrimam vitam ducere, cum periculo suspitionis contra bonam matris famam, dum semper habitus erat legitimus filius, & hæres cum aliis illius familie, sed deberet permitti ut ibi maneret contentus de sola sustentatione moderata, quam secundum familiæ illius statum a putativis eius fratribus reciperet, nihil de bonis eiusdem disponendo, ac a matrimonio se abstinendo, ut tandem tota hæreditas apud legitimos hæredes perveniret.

§. VI.

De Iniuriis contra proximi famam & honorem & de huiusdamni Restitutione.

Nomine famæ, ut alias notabimus infra in exponendo octavo decalogi præcepto, communiter intelligitur bona opinio sive æstimatio de excellentia alicuius personæ, quæ opinio efficit ut illa persona habeatur pro bona, vel absolute in quovis genere morali scilicet, litterali, & Civili, vel respectu, puta in aliquo ordine puta scientifico, oratorio &c. vel in aliqua particulari facultate, puta medicina, theologia &c. Honor vero est quædam testificatio excellentiæ alterius personæ aliquo exteriori signo reverentiæ seu submissionis expressa. Unde patet famam in hoc ab honore differre quod fama sit in interiori iudicio, honor in exteriori æstimationis signo; ac proinde fama & honor diversimode lædi possunt tam per actus internos, quam externos, verbis, vel factis, videlicet detractione, calumnia, contumelia, sulurracione, iudicio temerario, temeraria suspitione ac dubitatione, & tandem mendacio, quod proximo nocet, ipsiusque famam honoremve lædit. Verum cum de his agendum dum occurrit infra expositio octavi præcepti, satis erit pro præsentis instituto differere de debito, quod subit restitutionis quicumque aliquo ex recentis modis præcipue exteriori proximum in fama vel honore lædit. Sit igitur

Sive phy
sice, sive
moralit.
ter læ.

Communiter DD. sentiunt quod si iniuste physice, vel moraliter offendatur alterius fama sive salum crimen ei imputando, sive

verum sed occultum sine iusta causa evulgando, exurgit obligatio iustitiæ ex genere suo gravis ipsam restituendi tum vivis, quam defunctis, cum etiam defuncti ius retineant ad famam, utpote quæ post mortem quoque eloriosum, ac memorabilem hominem reddat. Quia cum quilibet ius habeat, ne privata auctoritate ob crimen licet verum, a se commissum, sed occultum ipsum manifestando ei auferatur, iniuria ipsi illata est damnoſa, quæ proinde tolli debet a læsore, ac rescari. Fieri tamen potest infamatio publica auctoritate ob publicum bonum, ut frænum effugiendi gravia scelera aliis imponatur. Quare, qui famam alteri læsit falso crimine, tenetur omnem moralem diligentiam adhibere voce vel scripto ut falsa illa opinio ex animis omnium tollatur etiam cum propria infamia, idest aperiendo si opus sit se mentitum fuisse, adhibito etiam iuramento, & testibus si iudicet non aliter posse id obtineri: quia tenetur omni morali efficacia per media ad id necessaria iniuriam illatam reparare, & æqualitatem constituere meliori modo, quo potest etiam cum aliquo suo incommodo.

Si quis vero grave crimen verum alterius vel notabilem defectum iniuste prodit, licet non teneatur dictum suum retractare asserendo se falsum dixisse, ne hoc faciendo mentiantur; non sunt enim facienda mala, ut eveniant bona, tenetur tamen alio licito modo ad illius famæ reparationem, prout potest sine mendacio, dicendo v. g. se deceptum fuisse, se perperam locutum fuisse, se illum iniuste infamasse, & similia: & si suspicetur quod non credent, debet quantum fieri potest sine mendacio infamatum laudare in aliis virtutibus apud eos, apud quos detraxerat, ut ex hac parte bonam æstimationem recuperet. Sic S. Thom. 2. 2. q. 62. art. 2. ad 2.

Infamans alterum libello famoso sine iusta causa sit obnoxius debito hanc infamiam reparandi contrariis scriptis, vel publica revocatione.

Cum autem infamatio præter læsionem famæ alia quandoque simul afferat damna, sive in corpore sive in aliis bonis; hinc qui sive crimen verum sed occultum detegendo; sive falsum imputando impedivit sine iusta causa aliquem a consecutione utilis matrimonii, vel officii, vel beneficii quo dignus erat, vel fuit iniusta causa, quare privata reſtitutio officio, vel beneficio quo possidebat, tenetur restituere uni quanti spes illius obtinendi valet arbitrio prudentum, alteri va-

dat
proximi
fama, ex
urgit ob
ligatio
restituendi.
alioq.

lorem officii aut alterius boni quod tenebat. Ita communiter ex cap. ult. de iniuriis. Gregor. XIII. ibi tale debitum expressit. Et enim quisque resarcire debet damna omnia, quæ mortali culpa alteri iniuste intulit utpote qui fuerit iniusta illorum causa. Imo qui falso crimine proximum infamando, in vitæ periculum iniecit, tenetur ex iustitia se retrahere etiam cum periculo vitæ; cum in pari causa aut discrimine melior sit conditio innocentis, quam nocentis qui est causa culpabilis periculi.

Qui innocentem quomvis inculpabiliter puta correctionis gratia infamia affecit narrando de ipso bona fide rem falsam quam veram credebatur, vel occultam, quam publicam censebat, ubi primum errorem suum deprehendat tenetur ex iustitia famam restituere & damnum ex infamia imminens avertere. Iustitia enim cuilibet iniungit curare ne per suam actionem malum seu damnum alicui sequatur sine iusta causa; & si sequatur ut illud pro viribus reparare studeat, causamque damni quoquomodo possit removere.

Narrans crimen de aliquo publice infamato v. g. de Ioanne, aliumve auditores intelligunt puta Iacobum, si enarratio habebat tale periculum, tenetur ex iustitia ad restitutionem etiam cum pari damno, utpote qui tunc censetur iniusta causa moralis infamæ suæ enarratione. Si autem narratio non habebat tale periculum, tenetur si possit sine gravi suo incommodo innocentem putgare, & ex charitate, quæ exigit ut avertamus sine gravi nostro incommodo damnum proximi; & ex iustitia quoque, quæ vult ut caveamus ne ex nostra actione sine iusta, ac rationabili causa damnum sequatur, ut sit in hoc casu in quo ex tali revelatione occasionaliter sequitur iste error audientium, & ideo Iacobi infamatio.

Detrahetor qui alicui crimen alterius revelavit sub secreto, vel probabiliter credens illum aliis rem non esse manifestaturum cum sit timorata conscientia, & notæ probitatis, iussit quod apud immediatum suum auditorem tantum famam restitueret. Secus vero dicendum si non revelaverit sub tali secreto, nec cum tali probabilitate. In tali enim casu teneretur ad famæ reparationem tam apud suos auditores immediatos, quam mediatos. Quia tunc sua manifestatio censetur causa efficax infamæ apud omnes. Sic quamplurimi.

Qui aliquem infamavit, nec vivens iniuri-

am reparaverit; cum hæc reparatio sitONUS respiciens personam & non rem, affirmant Theologi non teneri hæredes ad famæ reparationem; tenentur quidem ex iustitia resarcire damna realia ex infamia subsequita; cum hæc obligatio afficiat bona infamatoris. Idcirco sicuti succedunt hæredes in iura bonorum defuncti, succedunt quoque in realia eius onera.

6. VII.

De causis excusantibus a Restitutione famæ.

Varie sunt causæ quæ excusare valent a famæ violatæ reparatione. Et 1. condonatio facta talis restitutionis ab eo qui diffamatus est, dummodo non redundet in alios, cum quisque dominus sit propriæ famæ, illicite autem condonaret si eius fama necessaria esset ad proximi ædificationem vel ad tollendum scandalum, quia tunc peccaret contra charitatem. In tribus vero casibus fieri nequit talis remissio, idest r. si infamia remittentis redundet in alios, ut ex eius infamia remaneant infamati, ut contingeret in Religioso & multo magis in Superiore, dum non reparata infamia ipsi imposita alios pariter de communitate infamatos redderet vel saltem suspectos. Nam in diffamatione unius ex Religiosa præcipue communitate tota communitas aliquam læsionem patitur in bona estimatione. 2. Si personæ diffamatae bona opinio necessaria sit ad rectam sui officii administrationem, nisi deponat officium, vel alio modo eius fama resarciatur. Subditi enim ius habent ut suum munus ille apud eos recte, & utiliter exerceat. 3. Si ex infamia talis personæ damnum sequatur tertio, quia tunc infamatus ex iustitia tale damnum removere debet.

Excusat 2. si fama aliunde sit reparata puta per iudicis sententiam per rei evidentiam, vel testes, aut aliter, cum iam totum damnum illatum reparatum. sit 3. Excusat si restitutio sit impossibilis. 4. Si revera nulla ex detractione occurrerit infamia, cum ullum damnum tunc non intervenerit. 5. Quando talis reparatio heri nequeat sine periculo vitæ infamatoris, quæ prudenter iudicio famam diffamati excellit. Nam obligatio non est reddendi cum damno longe graviori, omnibus spectatis, nec tunc læsus est rationabiliter invitus; nisi tamen infamato aut aliis periculum imminet, aut grave damnum in spiritualibus, seu grave scandalum, vel magnum publicum malum, quæ

Quæ excu-
la excu-
sare pos-
sunt a fa-
mæ resti-
tutione.

in huiusmodi casu non eximeretur infamator cum periculo etiam vite a famæ restitutione. 6. Si crimen verum occultum quod aliis aperuisti, alia via fiat publicum publicitate, qua infamia passus amiserit ius ad famam, ut multi sentiunt. 7. Si infamia penitus in oblivione abierit, nec periculum adfit quod reviviscat; quia tunc cum tali oblivione damnum illatum omnino evanuisset, ac probabilius esset, eius memoriam tali restitutione innovari. Si tamen reviviscat, aut etiam periculum sit quod reviviscat, satisfacere debet semper detractor famam reparando honorem, ac laudem erga diffamatum adhibendo, imo & dicta revocando, si crimen sit falsum.

Si duo mutuo se infamant & infamia utriusque æqualis sit, si unus alteri famam restituere nolit, alter non tenetur iuxta multos ad restitutionem, dummodo infamia prioris non reducat in alios, ut ex cap. *alter de adulter*. Cum paria crimina mutua compensatione deleantur, quia in rebus temporalibus quando iura sint paria si unus nolit alteri servare ius, & debitum solvere, nec hic tenetur præstare quod eidem debet.

Qui nequit tollere alteri infamiam a se iniuste eidem illatam secundum multos non tenetur pecunia compensare, quia bona superioris ordinis reficiri nequeunt per bona ordinis inferioris. Hoc enim adversaretur iustitiæ commutativæ quæ æqualitatem vult, ac præscribit. Non desunt tamen qui contrarium sentiunt, imo ut probabilius doceant, inter quos S. Thom. 2. 2. q. 62. *art. 2. ad 1. & 2.* & eo magis insistent hoc esse faciendum, si infamatus sit pauper qui non videtur merorem aliter depositurus, præcipue si ille qui eum infamavit sit dives; idcirco hoc faciendum esset non solum ex iustitia, sed etiam ex charitate, utraque quarum exquiri ut tollatur tristitia quæ in proximo iniuste causata sit, quod in tali casu apte fieri potest per pecuniæ compensationem, vel alio æquivalenti suffragio prudentum iudicio; cum huiusmodi pecuniaria compensatio fiat in damnis quoque vite vel membris illatis. Et eo magis eroganda est talis compensatio iuxta communem Doctorum, si infamator per iudicem ad eandem damnatus sit. Iudex enim ius habet pro tali iniuria huiusmodi compensationes imponendi.

Honor
dupli-
tes viola-
ti potest

Quoad honoris vero reparationem supponendum honorem dupliciter violari posse, privative videlicet per honoris debiti omis-

sionem, ut si Prælatum non salutes, & responsive per verba, iacta, aut signa contumeliosa, ut si cornua ad domum alterius appenderes, si virum nobilem fuisse, aut alapa percutias. Inhonoriatio privativa rigore loquendo non videtur restitutionis debitum asserere; quia per talem inhonoriacionem non læditur virtus iustitiæ sed obliquantur; nisi tamen honoris denegatio fiat in talibus circumstantiis, in quibus omisso conferretur virtualis contumelia, ut si Prælatum, Gubernatorem, Parochum, cæteris salutantibus non salutaes ac arroganter subdiles.

Positiva inhonoriatio obligat revera ad restitutionem, quia qui positive alterum inhonoravit, maiori eum affectit iniuria, ac si pecuniam ei abstulisset, cum honor divitiis prævaleat, quod verum est sive in publico, sive in privato hoc fiat; & si cum positiva inhonoriacione simul illata sit infamia, vel aliquid aliud damnum, tunc hæc quoque sunt refarcienda.

Pro honoris læsione adhibenda est illa satisfactio quæ prudentum iudicio omnibus spectatis circumstantiis personæ videlicet lædenti læsæque dignitate, iniuriæ gravitate &c. satis sit ad honorem violatum reficiendum. Iustitia enim obligat ad satisfactionem quæ offensæ sit æqualis.

Variis autem assignantur a Doctoribus modi satisfaciendi, videlicet externa honoris retributio, amica ac honorifica salutatio, invitatio & impulsio ad commendandum, significatio displicentiæ, veniæ petitio, aliæve doloris signa, ac reverentiæ &c. Raro tamen Superiores tenentur veniam a subditis expostere ut notat D. Augustinus: *sed contumeliam demonstratione maioris honoris ac benevolentie & favoris reparare possunt.*

Nota, omissionem honoris qui superiori debetur esse culpam non tantum contra obliquantem, verum etiam contra iustitiam. Idcirco obligat ut aliqua eis reddatur satisfactio; quia tale debitum intelligendum est in toto rigore, & omisso honoris stricti debiti est contumelia interpretativa gravis, vel levis, prout gravis, vel levis est gradus honoris omisso. P. Antoi. Tourn. aliquæ communiter.

S. VIII.

De iniuriis in bonis fortune & necessariæ restitutione.

Nota 1. nomine bonorum fortune intelligi ea omnia, quæ homo possidere solet ad vitam fortunæ.

Quid no-
mine bo-
norum
fortune.

vitz suæ sustentationem, & ornamentum, sive in arvis, & domibus, quæ dicuntur bona stabilia, & immobilia, sive in pecunia, vestibus, re familiari, pecoribus, mercibus &c. quæ mobilia dicuntur. In bonis huiusmodi diversissime pati possumus ab altero iniuriam, seu iniustitiam, nempe per eorumdam subtractionem, ac retentionem. Unde exurgit iniusto rei alienæ raptor, ac detentori debitum ex iustitia restitutionis. Quamobrem iniuriæ in bonis fortunæ complectuntur omnes quascunque in iisdem bonis damnificationes.

Nota 2. furtum tripliciter sumi a Theologis: 1. magis late pro quavis iniusta damnificatione in alienis bonis sive commissione, sive omissione fieri contingat: 2. minus late pro omni iniusta rei alterius acceptione, sive cum dolo, & fraude ut fit in iniuris contractibus, sive sit occulta ut fit per furtum strictè sumptum, sive sit violenta ut per rapinam: 3. strictè, & furtum in tali acceptione est occulta rei alienæ subreptio, domino rationabiliter invito, vel eius iusto detentore, ut falsus diceatur in explicatione septimi Decalogi præcepti ubi ex professo rem hanc pertractabimus.

Nota 3. ad hoc ut iniuria in bonis fortunæ proximi obliget ad restitutionem, necesse esse quod sit culpa mortalis; quia culpa venialis supponit damnum leve, idcirco parvitate materiæ quæ non obstringit ad restitutionem. Sola ergo difficultas est circa quantitatem materiæ, nempe quantum quantitas censetur parvitas materiæ, ideoque damnum leve, & venialiter culpabile non obligans ad restitutionem. Et in hoc attendendæ sunt circumstantiæ; quia damnum quod respectu divitis est leve, parvitas materiæ, & veniale, respectu pauperis est materiæ gravis, & mortale. Quamobrem eadem quantitas in furtis omnibus statui nequit pro materia peccati mortalis.

Quare ad damni æstimationem iuxta P. Antoine quatuor distinguuntur a Theologis hominum genera, videlicet illustrium qui splendide vivunt ex suis redditibus: Aliorum qui licet ex redditibus, non splendide tamen vivunt, cuiusmodi sunt cæteri omnes qui ordinarias habent fortunas: Artificum quile propriis sustentant laboribus, & industrie: Pauperum, qui ostiunt panem emendicando necessaria ad sustentationem sibi provident. Unde non circa cuiuscunque horum statuum damnum una est æstimatio ad diiudicandum de culpa in damno illato. Hinc communiter statui potest furtum mortale respectu

Lysit. Theol. Moral. Tom. III.

personarum primi generis esse solidos 60. vel 50. respectu personarum secundi generis 40. respectu tertii generis si ars sit maioris lucri, qualis est mercatorum solidos 20. si minoris 10. Respectu personarum generis postremi solidos 5.

Dixi communiter; quia contingere potest ut qui ex redditibus multo minus commode vivat quam Mercator & sic minor summa maius detrimentum afferat. Sic fieri potest ut artificis ita exiguum sit lucrum ut etiam levissima ablatio ei detrahat de necessariis ad sui, ac familiæ sustentationem, ac proinde minima summa ei ablata sit mortalis, & præcipue si ei auferatur aliquod instrumentum suæ artis licet minimi valoris; quia si non ita facile invenitur, suspendere debet suam artem donec de ipso ex loco ubi talia instrumenta venduntur provideatur, vel si dum cito & commode invenitur, deficiat ei pecunia, qua illud emat. In utroque enim casu esset grave damnum, ac ideo mortale & ex iustitia compensationem exigeret.

Pluribus, vel uni plures leves summas tollens, quæ simul iunctæ notabilem summam constituunt, si ab initio animus fuerit per plurima minuta furta notabilem quantitatem auferendi, aut ita rem suam multum augendi, peccat mortaliter, & debitum incurrit restitutionis vel propriis dominis si furripens eos agnoscit, ac possit sine infamia restituere, vel in pauperes, alique pia opera erogare tenetur. Sic communiter DD. Hic enim parvam rem auferet, ut auferat magnam quantitatem; hinc Innocentius XI. hanc damnavit propositionem n. 38. *Non tenetur quis sub pœna peccati mortalis restituere quod ablatum est per pauca furta, quantumcumque sit magna summa totaliter.* Imo secundum communem tenetur licet non habeat intentionem prosequendi leviam illa furta, sed hoc faciat data tantum occasione, quia semper ultimum furtum notabilem quantitatem constituit. Hinc famulii, huiusmodi, qui faciunt identidem levia furta, præsertim de poculentis, & esculentis completa notabili quantitate peccant mortaliter, & refarcire tenentur. Sed ad hoc requiritur maior quantitas in his, quam in aliis, quæ semel sunt, quia dominus non est in talibus tam invitatus, nec tantum damnum patitur, sicut in illis, quæ simul sunt. Insuper requiritur ut minuta furta moraliter continuentur, ad quam morale contuminationem quantum temporis requiratur difficile est definire. In dubio sentiendum est

coniungi, & furem reum esse peccati mortalis.

Si quis compleat materiam mortalis peccati furando ab eo, a quo novit alios modice furatos esse, si hæc fiant communi consilio, peccat, & tenetur ad restitutionem; quia eil causa concurrens ad grave damnum & in solidum tenetur ad restitutionem eo ordine, quo alias dictum est. Secus vero si sine communi consilio hoc fecerit, quia non cooperavit ad damnum illatum ab aliis.

§. I. X.

De debito restitutionis inter coniuges si de eorum bonis alter alteri furtivis nec non filiorumfamilias pro eorum furtis in re domestica.

Uxor sine iusta, ac rationabili causa scilicet ut providcat sibi, filiis, aut familie iuxta eorum conditionem, & domesticas facultates, aliquid furripens contra expressam mariti voluntatem de rebus dotalibus, vel communibus, vel propria industria acquisitis, vi legis Coniugalibus marito spectantibus, aut de iisdem propria auctoritate impendens peccat mortaliter & tenetur ad compensationem marito, aut ipsius hæredibus vel ex paraphrenalibus si aliqua possideat, vel alio modo, quo possit, quia auferit quod est sub dominio mariti; ideo cum eius iniuria. Non peccaret vero si aliquid dispensaret in moderatas donationes & elemosinas, si a marito hæc sine causa ei denegarentur. Maritus similiter peccat contra iustitiam & restituere tenetur uxori, vel eius hæredibus si dissipet eius dotem, cuius proprietas est penes uxorem; si accipiat, vel impendat bona paraphrenalicia quæ uxor non attulit in dotem, nec voluit communia; ideo cum eius ipsius iniuria.

Filiifamilias auferentes, vel impendentes aliquid notabile ex bonis parentum, vel ex his quorum Parentes habent dominium, vel usufructum, contra eorumdem parentum voluntatem, peccant mortaliter; ut Provcr. 28. *Qui subtrahit aliquid a Patre suo, & a matre, & dicit non esse peccatum particeps homicidæ est.* Hi enim accipiunt rem alienam notabilem invito domino. Filii habent quidem ius ut alantur a Parentibus, non tamen ius habet in bona Parentum eorumdemque administrationem, donec vivant Parentes, ut ex D. Thoma in 4. dist. 25. q. 2. art. 3. q. 1. ad 2. qui ait: *Quævis filiusfamilias sit hæres, non tamen est adhuc dominus rerum, & ideo dare non potest.* Igitur

non possunt de iisdem bonis dispendere. Quare si filiofamilias habeat bona Callrenia, aut quali Callrenia tenetur bona omnia, quæ contra voluntatem Patris furripuit, impendit, dissipavit, ex illis compensare: & si non habeat, in partitione hæreditatis cum cohæredibus post Parentum mortem computare debet in suam partem, quod de re domestica dilapidavit, nisi forte constaret alios quoque hæredes rantum consumpsisse, vel Pater expresse, vel tacite condonaverit.

Filiusfamilias, qui supra alios fratres elaboravit pro Patre, ita ut lucrum ex suo opere superet expensas pro ipsius sustentatione, si pater egeat eius obsequio, quod iam filius ei præstare tenetur, vel nihil pretierit a Patre pro hoc suo labore, se declarando nolle gratis elaborare, nihil pro tali labore inicio Patre furripere potest, quia censetur in utroque casu sine ullo iure ultra expensas elaborare. Nam in primo latissimè suæ obligationi quam habet erga patrem; in altero vero ut gratuitus haberet ipsius labor, dum nihil pro eodem petit a Patre; si enim petivisset, potuisset Pater cum reuere, ac alium vocare, qui viliori prætio, aut melius servivisset. Præterquam quod Pater non debet filio salarium, & si etiam deberet, quia hoc lucrum computatur inter bona adventitia, quorum dominium, & usufructus spectat ad Patrem donec filius emancipetur, non posset illud furripere.

Cæterum volunt non pauci DD. etiam ex gravioribus filiofamilias laborantem cum voluntate mercedem aliquam ex suo labore percipiendi, quam parentum metu petere non audeat, aliquid suo congruens labori retinere posse, quod patre mortuo furripuit, deductis expensis, quas a Patre recepit & usufructu qui ad Patrem pertinebat; quia filius (aiunt) esse non debet deterioris conditionis extraneo, cui eiusmodi merces debetur. Sic Navarius, Caballutius, & alii.

§. X.

De debito restitutionis famulorum, & artificum aliquid furripientium dominis in compensationem maioris mercedis quam tulerant mereri sua opera dominis præstita.

Famuli, Famulæ & Artifices, nec non mercenarii omnes, si aliquid furripiant, aut retineant iis pro quibus operantur in compensationem maioris prætii quod supra mercedem conventam eis videntur opera sua mereri restituere tenentur; quia iniuste receptum,

ptum, aut retentum, ut docet Innocentius XI. qui damnavit contrariam propositionem n. 37. *Famuli, & famulae domesticæ possunt occulte beris suis surripere ad compensandam operam suam, quam maiore indicant salario, quod recipiunt.* Cum enim prærium, sive mercium, sive operum non consistat in indivisibili, illud dumtaxat iustum censetur, de quo partes æquo, & bono inter se convenerunt per contractum, qui vim habet eos obligandi. Si autem lætio sit manifesta, recurrendum est ad Superiorem ut contractum rescindat; nec secundum proprium iudicium compensatio occulte recipi debet, cum unusquisque plus æstimet opera sua, quam alii, & sit non leve periculum quod possint excedere. Verum cum iam antea de his actum sit, supervacaneum censeo ulterius in his immorari.

§. XI.

De debito ementis a fure erga dominum rei emptæ.

Emens mala fide rem surreptam a fure statim ac dominus rei compareat eam domino restituere tenetur; & hoc ita per se patet ut nulla indigeat probatione. Si autem agnoscens rem illam esse furatam exiguo emit prætio, animo illam suo domino restituendi quando hic compareat, reddere debet cum fructibus, si fructifera sit, quos ex ea perceperit. Potest tamen exigere a domino prætium datum furi in illius rei emptione, & expensas si quas fecerit in ea conservanda, & dominus totum rependere tenetur. Est communis; quia rem domini utiliter gessit rem ex quo prætio emendo, ne eam perderet. Quod si rem prætio emerit æquivalenticum tali intentione, tunc non tenetur dominus ad totum prærium; sed solum quantum iudicio prudentium negotiorum eius utiliter gerendo impendere potuisset.

Si quis autem rem furtivam emit bona fide prorsus ignorans, imo nec dubitans esse furtivam, restituere eam debet sine ulla repetitione pretio, etiam domino non repescenti. Nec eam reddere potest furi ut datum prærium recipiat, nisi vel sciat hunc redditurum, vel operari queat ut res domino certo restituatur. Sic Covart. Azor. Sotus, & alii; quia dominus ius habet, ut a quocumque possessore res sua restituatur, etiam cum iactura præti l. 3. *Cod. de rei vindic.*, & ex Regul. 11. *iuris in 6. id quod nostrum est sine pacto nostro ad alium transferri non potest.* Unde patet emptorem, licet bonæ fidei, rei futaræ, eam suo domino red-

dendo, prærium repetere non posse, non solum quia ita in iure statuitur l. 2. *Cod. de furtis*, sed præcipue quia cum fur ius nullum circa rem in eum transferre poterit, nullum ius habet in re emptæ; non poterat enim fur ius quod non habebat in eum transferre, ut definitur in *regula iuris in 6. & l. 54. §. de diversis regulis.* Nemo plus iuris ad alium transferre potest, quam ipse haberet. Sed de his iam antea satis superque dictum est.

Fur qui vendidit villi prætio rem, quam dominus summo vendidisset tenetur sur prætium hoc restituere summum; quia fuit causa iniusta tanti damni. Habetur.

§. XII.

De debito restitutionis pascentium in alienis pascuis ac ligna cadentium in alieno fundo.

Pascentes gregem suum in alienis pascuis, vel in alieno loco ligna cadentes sive loca illa sint alicuius privati, vel suæ Communitatis, vel alteri locata, sive non, aut in loco alterius communitatis, peccant contra iustitiam, & tenentur ad compensationem damni illati, quod aliquando multo maius est, quam res consumpta vel recisa valeat; quia ius alterius violant. Ita Sotus, Lessius, alique. Quando tamen herbarum recisæ sunt, & fructus collecti, nec dominus herbarum de novo succrescendam venditurus sit, nec ea pro grege suo aut alio modo sibi utili usus, licet in ea loca mittere oves ad pasendum; quia tunc non aufertur res aliena invito domino. Verum de his quoque alias diximus, unde super his non longius immorandum.

§. XIII.

De debito restitutionis venantium, vel piscantium in fundo alieno.

Venantes, piscantes, aucupantes non solum in locis privatorum, sed etiam in publicis ut antea notavimus contra Principis interdictionem, quia tales venationes, piscationes, &c. sibi reservavit, vel alicui particulari locavit, si grave damnum inferant peccant mortaliter, & obnoxii sunt restitutioni. Currit autem tale debitorum in venationibus sibi a Principe reservatis, quando ipse nullatenus aliorum venationi assentiatur, quod facile deprehenditur ex gravitate poenarum, quas indicit in suo interdictione contra violatores sui mandati. Non tenentur ta-

men nequidem Locatori feram captam restitueret, quæ libertati naturali fruebatur, sed solum resciret damnum illatum si grave sit, & quoad feras captas & eo magis, quoad illatum in bonis venando; & hoc etiam venatio contra prohibitionem iuste fiat; ut si segetes, vel sepimentum dissipaverint. Venantes vel piscantes in loco publico non prohibito, nec ulli speciatim addicto, sed modo, seu medio, vel tempore vetito, peccant mortaliter si grave damnum inferant extinguendo magna ex parte serinam sobolem, vel aquas inficiendo; quia graviter talis modus lædit ius venandi, & piscandi, quod habet communitas, & spem lucri, ac oblationis aliis eripit, vel saltem notabiliter minuit, ideoque tenetur ad damni compensationem.

Certum ulterius est neminem posse privata autoritate alterum impedire a venatione, & piscatione ad quam hic ius habet, abique eo quod peccet mortaliter, & obnoxius fiat restitutioni probabilis lucri, quod deductis laboribus, & expensis facturus erat; quia iniuriam ei inferit cum damno.

§. XIV.

De obligatione restitutionis pro defraudatione vectigalium.

Tributa, id nempe quod exigitur a Principe, & Republica, ut statum dignitatemque suam tueri, & communibus necessitatibus, aut commodis providere possit, ac id quod exigitur pro rebus in Civitatem, vel Provinciam, vel extra evectis vulgo *Gabellæ*, ex iustitia solvenda sunt, & tenetur ad restitutionem, qui non solvit; ut ex Matth. 22. *Reddite quæ sunt Cæsaris &c.* Et Rom. 13. *Reddite omnibus debita, cui vectigal vectigal, cui tributum, tributum &c.* Sed de his quoque satis antea actum est.

§. XV.

De debito rescarciendi lucrum cessans, & damnum emergens ex quavis iniusta retentione rei alteri debita sive ex contractu, sive ex delicto.

Debens aliquid tertio ratione iusti contractus tenetur quidem compensare lucrum cessans, & damnum emergens pro dilatione reddendi Creditori seu domino quod ipsi reddere seu solvere debebat si eius mora fuit sine iusta causa, seu culpabilis, non verosi ex iusta causa & ideo inculpabilis; quia dilatio restitutionis, sive solutionis in tali casu non est causa iniusta, ne quidem media-

te lucri cessantis vel damni emergentis, quod Creditori, seu rei domino contingat iuxta Regul. 42. iuris in 6. *Imputari non debet ei per quem non fiat, si non faciat, quod per cum fuerat faciendum.* Id quod præcipue reddere potest inculpabilem dilationem restitutionis sive solutionis est tantummodo necessitas extrema vel gravis debitoris; non vero aliquod grave quod statim reddendo, aut solvendo pateretur; nam tunc ex dilatione huiusmodi, tametsi iusta, non eximeretur debitor restitutionis seu solutionis ab obligatione compensandi lucrum cessans vel damnum emergens; quia in pari casu potior est conditio Creditoris seu possidentis ius rem suam habendi; & æquum non est quod debitor servet se ipsum indemnum cum detrimento Creditoris; dum ei reddere vel solvere potest.

Debitor e contra qui talis est ex delicto, etiam sine sua culpa differens reddere, vel solvere statim ac potest & debet, compensare tenetur lucrum cessans & damnum emergens, quod ex sua dilatione domino aut Creditori obveniat; quia iniuria quæ præcessit est causa illorum sine qua non contingerent.

§. XVI.

De obligatione quam contrahunt hæredes defuncti restituendi aliena ab ipso detenta & damna ab ipso illata rescarciendi.

Hæredes quicumque sint etiam extranei restituere tenentur bona alterius quæ iniuste detinebat defunctus, cuius sunt hæredes & damna omnia quæ alicui iniuste ipse intulit; & hoc constat 1. ex cap. ultimo de sepult. & cap. 9. de usur. necnon ex cap. 5. de raptore. Omnis enim restituendi bona alterius affixum est bonis ipsius defuncti, qui iam eo ipso censebatur totum id minus in suis bonis habere, ac proinde uti non suum, reddere, seu solvere tenebatur ei cuius sunt. Cum autem hæres substituatur in locum defuncti, istiusque personam repræsentet, tale onus transit ad hæredem, sicuti ad ipsum transeunt omnia defuncti iura realia; ideoque omnia etiam debita realia quæ ex contractu implicito per acceptionem hæreditatis in se suscipit. Quod si plures sint hæredes omnes secundum portionem hæreditatis pro rata tenentur; quia sicuti iura & bona, sic debita inter hæredes defuncti partienda sunt.

Si autem res aliena exet in se apud unum hæredem ipse restituere tenetur, salva huic tamen actione erga ceteros hæredes, qui tenentur

mentur pro rata, æqualem compensationem rependere.

Legatarii tamen non universales minime obligantur ad restitutionem si reliqua hæredibus sufficiant ad solvenda debita omnia a defuncto relicta, salva singulis hæredibus sua portione, quia legatarii non succedunt in onera testatoris sicuti hæredes, nec eius personam repræsentant. Si vero bona hæreditatis non sufficiant, tenentur etiam legatarii pro rata ad restitutionem; quia prius, solvenda sunt debita quam legata.

Nota. Hæredes tenentur etiam contractibus a testatore initis l. 3. *Cod. de contrab.* quia ut iam supra dictum est hæredes repræsentant personam defuncti, & sicuti in bona, & iura; sic in onera, & debita realia succedunt.

S. XVII.

De eorum obligatione restituendi, qui pauperes se fingunt ad extorquendas elemosynas.

Certum est quod, cum intentio fideiium in pia eorumdem elemosynarum largitione sit egentibus subvenire, qui fides paupertate eas ab ipsis extorquent peccant mortaliter, & tenentur ad restitutionem; quia sic iniuste auferunt elemosynas aliis indigentibus, & per dolum, & deceptionem extorquent pecuniam ab iis, qui seclusa deceptione eas non darent, Idcirco saltem virtualiter inviti eas impartiuntur; causa enim finalis elemosynarum est succurrere necessitati pauperum; unde si poscenti elemosynam non adsit paupertas, quia est fictus pauper, donatio illa non subsistit, ac proinde fictus pauper tenetur ad restitutionem vel danti, vel pauperibus. Sic Vasquez, Navarrus, alique passim. Quod si nunc petens elemosynam pauper non sit, sed paupertas ei imminet, potest licite nunc petere elemosynas easque retinere; quia quod de proximo spectatur, præcens censetur, ut ex l. 2. *cap. de Transact.* ubi Barbosa, & de Lugo ita sentiunt. Sic puella carens dote exposcere potest elemosynas ad comparandam dotem suo statui congruentem, tamen necessaria ad victum ei non desine. Sic dicendum etiam de filiis, qui habent necessaria pro suo victu, non tamen sufficientia ut succurrant indigentiae suorum Parentum, Fratrum, vel Sororum, quibus tenentur præbere alimenta.

S. XVIII.

De obligatione Parentum filios suos in Hospitali, vel alio pio loco exponendum, pium locum compensandi.

Parentes proprios filios in Hospitali, vel alio pio loco exponentes ut eximantur ab onere eos alendi, num peccent si extra casum indigentiae hoc faciant, ut hæc pia loca refarcire teneantur pro onere expensarum, non conveniunt Theologi. Sed pro resolutione attendenda est, ut volunt permulti, mens Fundatorum pii loci; quia vel fundarunt Hospitalia simpliciter pro infantibus expolitibus sine alia expressione seu declaratione, vel expresserunt, aut ex eorum verbis clare colligitur voluisse, ut reditus illi expendantur liberaliter in alendis expolitibus. Si primum certe Parentes non pauperes, & multo plus divites exponentes filios suos in tali pio loco tenentur compensare impensas; quia præsumuntur fundasse pium locum pro egenis, ut opus magis pium, ac Deo gratius. Si secundum, Parentes etiam divites ad nihilum teneantur; quia cum talis pius locus fundatus sit pro infantibus expolitibus cum sola inspeccione ad solam eorumdem præsentem necessitatem sine ulla consideratione ad Parentum statum sine divitum nempe, si pauperum, expensæ in illis infantibus alendis censentur liberaliter eisdem donatæ, & præcipue si Hospitalia est valde dives ut nulla indigeat compensatione.

Parentes divites exponentes filios in locis ubi aluntur filii pauperum pro eorum educatione expensis Reipublicæ seu Communitatis cuiusmodi sunt Collegia, Seminaria ad hunc finem erecta, tenentur omnino ad expensas illas refarciendas omniaque damna reparanda, quia tenentur Parentes pro viribus alere suos filios sine aliorum gravamine, & illis præbere quæ necessaria sunt ad illorum sustentationem, educationem, & disciplinam l. Si quis a liberis s. ff. de agnoscendis, & alendis liberis.

Parentes divites exponentes filios ad ostium alterius, qui ideo facere debet expensas, tenentur ad earumdem restitutionem; qui autem infantem invenit ad ostium suum, & ponit ad ostium alterius non tenetur ad earumdem expensarum restitutionem, utpote qui non peccet contra iustitiam, cum hic non teneatur ex iustitia providere tali infanti, neque contra charitatem, dum illum remittere potest ad publicum Hospitalia pro talibus infantibus erectum, vel

ad Ecclesiæ cunabula. Et licet si non esset hospitale teneretur ex charitate ei providere de alimentis, tamen non peccaret contra iustitiam dando alteri occasionem quod deberet opera Charitatis ex necessitate exer-

cere. Imo non peccaret, ne quidem contra Charitatem, quando timeret infamiam, ut contingeret si esset Sacerdos, aut altera persona gravis; quia maligni dicent, talem infantem expositum esse eius filium.

T R A C T A T U S DE CONTRACTIBUS.

Restituto, ac in immensas fere gentes iterum propagato ex generationibus filiorum Noe humano genere, ac per omnes fere orbis plagas producto, inita inter eos rerum divisione, ex diverso, ac particulari iure *mei ac tui*, quod ex tali partitione exortum est, factum fuit ut non amplius, quæ ad vitam humano modo traducendam opus erant, facile omnia quisque haberet, nisi unus ab altero reciproca rerum commutatione, quæ ipsis deerant, mercaretur. Imo cum paulatim ad molliorem vitam, ac ambitiosiores declinarent homines, non contenti de iis, quæ unicuique genti in proprio solo necessario eorum vestitus, ac indumentum provida præbebat natura, studiose exquirere cœperunt ex aliis regionibus, ut gustui delicatioribus in cibis, splendidioribus in vestibus, in domestica suppellectili vanitati satisfacerent. Verum cum hæc inter remotas Nationes rerum commutatio sis qui in huiuscemodi exercitio versabantur, suam afferret utilitatem, contigit, ut etiam studium lucri rerum commercio, seu mercaturæ maximum præbuerit impulsus, & incrementum. Quare pro certo habendum commercia esse paulo minus vetustas ac ipse mundus. Quæ initio necessitas induxit, commodiorum rerum appetitus auxit, superbia tandem, luxus, & avaritia ad tantum fastidium ut ubique nunc cernitur traduxere. Commercia prioribus mundi sæculis fieri cœperunt lola rerum commutatione, quæ ad victum requirebantur. Agricola segetem, ac legumina dabit Pallori, & pro his vicissim recipiat a Pallore agnus, lanam, & lac, qui mos nunc etiam viget apud quosdam populos Septentrionales, Sibiæ nempe, & Lapponiæ, item apud alios Asiæ, & Africæ, necnon apud quamplures Americæ, ut ferunt ii, qui hæc perlustrant regiones. Incertum est omnino quando cœperint commercia per captiones, & venditio-

nes numerata pecunia, cum etiam ignoretur quando pecunia cudi cœperit, ac diversæ eius species, auri scilicet, argenti, æris, cum primi nummi fuerint ex ligno, & corio. Prius huiusce generis negotiationis exemplum habetur ex divina Scriptura temporibus Abrahæ, & apud prophanos statuitur hæc epoca sub regibus Saturno, & Iano apud Italos. Græcorum pariter veteres Historiæ mentionem faciunt de negotiatione, quæ gerebatur tempore Imperii tum Asiatici, tum Græci; sed maxime florere commercia tempore Romanorum. Labente vero Romano imperio, per varias Nationes & simul, & successive ad hæc usque tempora commercia acta sunt, & ex his regna ac respublicæ maximum commodum, & ornamentum reportant.

CAPUT PRIMUM.

De contractibus in genere.

Cum inter ea, quæ relationem habent ad iustitiam, eiusque legibus subiciuntur, præcipue veniant Contractus, res Contractuum est censenda, & cum propter ferme innumeros scopulos, inter quos hæc materies versatur, non levis discrimini expolitæ sint contrahentium conscientiæ, & negotium sit hoc magni momenti: non immerito postquam egerunt Theologi de iustitia in communi, eiusque effectibus, & maxime de actu iustitiæ commutativæ, qui est restitutorio, elaborant in materia contractuum, commutationum, pactionum, quæ sunt exteriores actus eiusdem virtutis, ut in his quoque (prout tamen res tam ampla, totque involucra difficultatibus permittere potest) non desit Confessariis quantum saltem satis sit ad iudicandum quid illicitum sit in tali re, quidve licitum, ac proinde in sacro Tribunali Pœnitentiæ quid concedere debeant, quid-

quidve interdicere suis poenitentibus ad ipsorum conscientiae rectitudinem, & securitatem. Quare aliorum semitas sequentes, nos itidem de Contractibus hic agere statuimus. Imo ut res qua maiori fieri potest claritate exponatur hanc materiem in duplici classe dividimus: prima quarum erit de Contractibus in genere, secunda de diversis contractuum speciebus, cum operæ pretium sit ad faciliorem intelligentiam, ut una per alteram elucidetur.

Ad hoc ut quæcumque spectant ad naturam contractus generationi accepti deprehendamus, inspicere debemus 1. quid, & quodplex sit contractus, 2. qui contrahere possint, 3. qualis consensus requiratur ad contrahendum, & an huic consensui adversetur dolus, error, ac metus, 4. quam & quando contractus obligationem inducat.

§. I.

De natura Contractus.

Definitio
contra.
Dus late
sumpti.

Contractus si late consideretur coincidit cum pacto; idcirco ab aliquibus consundi solent, cum cæteroquin vere inter se differunt, sicut superior, & qui magis late patet, & inferior, qui minus late patet. Nam omnis quidem contractus est pactum, non omne vero pactum est contractus; & contractus sumptus in hoc lato sensu, seu in genere, prout videlicet idem est cum pacto definitur l. 1. §. de pactis, *duorum, pluriumve in idem placitum consensus*, obligationem scilicet pariens vel in utraque parte, ut venditio, vel solum in una, ut promissio gratuita. Hinc dupliciter accipitur a Iuristis contractus in genere. Unus qui est semper contractus sumptus late, improprie, secundum quid, & imperfecte, qui idem est cum pacto obligationem pariens ut plurimum solummodo ex parte unius, ut sit in promissione, donatione, deposito, pignorat, &c. Alter qui sumitur stricte, absolute, proprie, & perfecte, ex quo in utraque parte oritur obligatio, & remanet, idest utramque partem obligat, ut in venditione, conductione, mutuo &c. & hic est vere contractus, qui Leg. 19. §. de verbor. significat. ita definitur: *Est ultro citroque obligatio*, idest actus iustitiae commutativæ reciproce contrahentes obligans, non quod contractus sit obligatio, sed ipsius obligationis causa; & ideo contractus ita acceptus differt a pacto, quod a mutua obligatione præcendit, quia, ut diximus, licet omnis contractus sit pactum, non omne tamen pactum est contra-

ctus. Hinc contractus in tali sensu dehinuit ab aliquibus actus externus inter duos, aut plures ex mutuo eorum consensu ultro citroque obligationem pariens, vel ut alii, *duorum, vel plurium consensus mutuus signo sensibili expressus in uno saltem obligationem inducens*. Dicitur *consensus*; idcirco si quis extrinsece contractum simulat, ut interius illum non intendat, seu nolit se obligare, nihil efficit in foro conscientiae, ac solum obligationem incurrit dampnum reparandi, si ex tali simulatione aliquid proveniat, eo quod sit illius causa; nam obligatio non oritur ex nudis verbis, sed ex animo profertentis; alias etiam surdus, & amens contraherent. Hinc si alieni deficiat mens contrahendi, deest voluntas quoque se obligandi. In foro tamen externo teneret contractus simulatus; eo quod homines non ex internis, quæ penetrare nequeunt, sed ex externis iudicare consueverunt. Dicitur *reciprocus*, nempe ex parte utriusque contrahentis; quocirca donatio, & promissio ante acceptance non sunt contractus ne quidem late sumpti, ac ideo nullam pariunt obligationem in donante, & promittente, nisi accedente donatarii aut promissarii acceptance, sive consensu. Dicitur *duorum aut plurium*, quia actus iustitiae, qualis est contractus haberi nequit nisi inter duos. Dicitur *signo sensibili expressus*, quia homines cum pro hoc statu sola sensibilia percipiant, solis sensibilibus inter se communicare valent. Dicitur *obligationem inducens*, quam si in utroque contrahente pariat, est contractus stricte sumptus, ut emptio, locatio; si in uno tantum est late sumptus, ut donatio, promissio.

Contra.
Dus si
mutatus
tenet in
foro ex-
terno.

§. II.

De Contractus divisione.

Contractus dividitur 1. in formalem, seu expressum, & virtutem, seu implicitum. Formalis est ille, in quo duo, vel plures verbis, aut signis consensum experimentibus conveniunt cum mutua obligatione, si contractus sit stricte sumptus, iuxta regulam 83. iuris in 6. *contractus ex conventionem legem accipere dignoscuntur*, vel cum obligatione unus ad alterum, si contractus sit late sumptus. Virtualis vero, seu quasi contractus, est ille, in quo cum aliquis implicite, scilicet sine ullo pacto expresso, sed interpretativo tantum ex legis videlicet dispositione conveniat, tacite obligationem assumit, ut iudex, superior, medicus, tutor, advocatus, curator, ac alii huiusmodi; qui cum

Quint.
pluribus
dividi-
tur con-
tractus.

Definitio
contra.
Dus stric-
te sum-
pti.

cum hæc officia suscipiunt, eo ipso erga alterum sine ulla expressa pactione virtualiter, & implicite se obligant ad ea omnia præstanda, quæ alii eiusdem conditionis homines exhibere consueverunt erga eos, in quorum gratiam hæc munera gerunt. Nam qui officio alterius commodum spectanti se submittit, eo ipso in se onus recipit curandi bonum illius, in cuius gratiam illud gerit, & sæpe alter vicissim erga illum obligatur vi legis, aut consuetudinis, ac pacti saltem impliciti. Huiusmodi autem conventiones vim habent obligandi ex iustitia, non secus ac contractus formalis & explicitus.

1. Dividitur in nominatum, qui proprium ac specificum nomen habet, ut venditio, emptio, locatio, mutuum, societas, pignus, commodatum, quibus additur emphiteusis, & in innominatum, qui caret proprio & specifico nomine, sed gaudet solo generico pacti, aut contractus. Et contractus innominati quatuor sunt species, nempe, *do ut des*, *do ut facias*, *facio ut des*, *facio ut facias*, Leg. 1. §. de verb. signif. *Do cibum v. g. ut des mihi pecuniam, vel merces; do boves, ut labores, & opus facias in agro meo; facio & laboro in vinea tua, ut des mihi boves &c.*

Circa vero hos contractus innominatos nota 1. in his sub affirmatione negationem comprehendendi. Quare si equum do Petro ne aliquid faciat, idem est ac si dicam, do ut facias; si ab aliquo opere abstineas, ut Petrus det tibi bovem, idem est ac si dicas, facio ut des. Nota 2. si id quod datur sit pretium, tunc esse contractum nominatum emptionis, puta si des Caio pecuniam, ut oleum tibi præbeat. Quod si partim pecuniam, partim rem aliam dederis, tunc contractus erit mixtus, qui a parte excedente nomen desumet, ut si des mille aureos & equum pro fundo, hic contractus erit emptio. Si vero des mille equos, & paucos aliquos nummos aureos, hic erit contractus innominatus, ut ex cap. *Ad questiones ff. de rer. permut.* Nota 3. contractum innominatum regulandum esse iuxta nominatos sibi similes, v. g. do ut des, iuxta emptionem, & venditionem, facio ut des iuxta conductionem; do ut facias, iuxta locationem. Contractus autem facio ut facias non habet sibi similem in nominatis. Nota 4. hæc duo genera contractuum in hoc differre, quod in contractibus nominatis non licet a contractu rescire, altera parte non consentiente, ut ex Leg. *Sicnt 3. cod. de actione, & obligat.* In contractibus vero innominatis quantum est de iure civili licet a contractu recedere,

etiamsi pars recedens ex sua parte contractum impleverit, si ex altera parte nondum impletum sit, dummodo tamen altera pars indemnis servetur, ne scilicet damnum aliquod occasione talis revocati contractus incurrat, puta quia fecit certas expensas pro impletionem talis contractus, ex quo postea alter recessit. Dicitur *speciato iure civili*, quia inspecto iure canonico, & in conscientia in contractibus innominatis non licet recedere, si pars altera parata sit fidem servare, & contractum adimplere, neque sit in mora illum adimplendi, nec res sint notabiliter mutatae, & in conscientia, ut supponitur, se vere obligaverit, & altera pars cum onere se obligandi acceptaverit.

3. Dividitur contractus in contractum bonæ fidei, & stricti iuris. Primi sunt ii, in quibus non solum id servandum est, de quo facta est conventio, sed illud etiam quod bonum videtur, & æquum iudici, qui idcirco multa moderari potest, tamen expressa non fuerint in contractu, cum in his bona fides spectetur in ordine ad aliquid restituendum, relinendum, compensandum, vel præstandum. Tales sunt venditio, emptio, locatio, conductio, commodatum, mandatum, pignus, permutatio, negotiorum gestio, de quibus loquitur Iustinianus §. 28. *de actionibus*. Secundi, idest stricti iuris ii dicuntur, in quibus agitur in stricta verborum significatione, idest iuris scripti, ita ut obligatio secundum verba pensetur, & non amplius, & extendatur prout scilicet in contractu, vel dispositione fuit expressum, & de quo conventum est. In his enim contrahentes solent omnes particulares actiones apponere, secundum quas & præscripta verba contractus, & non aliter, debet iudex restricte in his iudicare. Huiusmodi sunt stipulatio, emphiteusis, census, donatio, mutuum, promissio liberalis, legatum, testamentum, &c. Vota Deo facta sunt velut contractus stricti iuris, qui ultra voventis verba, & intentionem non extenduntur.

4. Dividitur in nudum & vestitum. Nudus est mera conventio nullum habens firmitatem, quod actionem civilem parere possit in foro exteriori; cuiusmodi sunt contractus omnes innominati, antequam altera pars eos adimpleverit, nisi accedat formula stipulationis, & iuramenti. Vestitus ille dicitur, qui præter conventionem pure verbalem aliquid habet iuris adminiculum, idest aliquid additur, unde iure civili, vel canonico robur acquirit, ex quo oritur actio

civilis in foro etiam externo, & tales sunt omnes contractus nominati, qui etiam solo consensu perficiuntur. Imo contractus imple nominatus fit contractus vestitus, si accedat formula stipulationis. Emis equum? Imo. Spondes centum? Spondeo: vel si fiat simul cum contractu vestito, aut nominato; ut si cum quis locaverit vineam Caio, simul cum eodem conveniat de commutatione bovis cum equo: tunc enim talis contractus vestitur propter adnexionem cum contractu nominato, nempe locationis.

5. Dividitur in contractum gratuitum, & onerosum. Gratuitus, qui etiam lucrativus dicitur, ille est, in quo propter accepta nihil rependitur, seu in quo nullum intercedit pretium, aut merces reddenda loco eius quod datur; ut promissio liberalis, donatio, mutuum, commodatum &c. & contractus huiusmodi est late sumptus non pariens in utroque reciprocam obligationem. Onerosus vero ille est, in quo quidat, pretium, vel mercedem recipit pro eo quod dat, ut est emptio, locatio, &c.

6. Dividitur in eos qui re, aut traditione perficiuntur, ut mutuum, commodatum, precarium, & in eos qui perficiuntur solo consensu, & huiusmodi sunt emptio, venditio, locatio, conductio, societas, mandatum, emphyteusis.

7. Tandem dividitur in purum, cui nullum accedens, vel conditio adiungitur, seu qui fit sine ullo modo, conditione, sine solutione ad diem, & in non purum, cui accedens adicitur; & hic quintuplex est. 1. Dicitur ad diem, & est quando assignatur dies, antequam nulla oriatur obligatio solvendi, aut tradendi, seu actionem promissam ponendi; ut si quis dicat alteri, promitto tibi centum, sed non solvendum ante diem 10. Maii. 2. Dicitur cum conditione, idest cum ponatur aliqua conditio, puta do tibi centum, si Romam perrexeris. 3. Sub modo, cum modus adicitur, sub quo contractus obliget, puta dono tibi hoc horologium cum obligatione ut vendas tuam vineam Paulo. 4. Ad causam, cum sit ob aliquam causam, ut do tibi pecuniam, quia rem meam custodisti. 5. Ad demonstrationem, cum signum aut nota aliqua apponitur ad rem, vel personam designandam, puta do tibi centum nummos repositos in tali arca, vel quos mihi debet Andreas.

Porro contractus quatuor modis perfici possunt, & compleri, re scilicet, verbis, literis, seu scriptura, vel saltem consensu:

ita communiter Doctores, ut in §. finali Instit. de obligation.

§. II.

De iis, quæ requiruntur ad naturam & valorem contractus.

Ad rationem, & valorem contractus quatuor requiri solent, videlicet 1. ut qui contrahunt, habiles sint ad contrahendum. 2. Ut materia, circa quam contrahunt, apta sit ut cadat sub contractu, idest ut res subiecta sit contractui. 3. Consensus mutuus contrahentium, & quidem expressus signo externo, idest ut hoc per aliquam externam demonstrationem significent. Nam per contractum homo homini obligatur more humano, qui est ut explicet alteri signo sensibili inum internum consensum, qui ab eo acceptetur. 4. Ut contrahentes formam servant contractus, si aliqua a iure præscripta sit.

§. IV.

De causa efficiente contractus, seu de iis, qui valide contrahere possunt.

Certum est, & omnes generatim in hoc conveniunt Doctores, quemvis, solumque qui usu rationis pollet, liberamque tenet bonorum administrationem, seu legitimam habet facultatem, quæ a nullo iure ei impeditur de rebus aliquibus pro libitu suo disponendi, contrahere posse.

Contractus cum sit pactum, seu actus humanus, quo unus alteri se obligat, & alterum sibi obligat humano modo, nempe cum advertentia, deliberatione, ac libertate, ulum rationis exigit; ac proinde ab eo, qui eodem usu rationis careat, contractus omnino fieri nequit. Et cum contractus sit actus quo de re aliqua disponitur, transfendo in alterum rei ipsius dominium, non nisi qui libera bonorum administratione potitur, bonorum eorumdem dominium in alterum transferre potest.

Hinc clare colligitur contrahere non posse ex defectu rationis usus, ita etiam iure positivo disponente, infantes, surdulos, phreneticos, insanos, ebrios, dormientes. Et ex defectu legitimæ facultatis de re aliqua disponendi, omnes quocunque saltem circa ea bona, quorum a iure libera eis interdicitur administratio, vel circa omnia, si circa omnia eis administratio generaliter per ipsa iura impediatur, ut sit in prodigio, qui licet ulum habeat rationis, & ex iure natu-

natu-

naturæ bonorum dominium, dispositio per legem positivam ei tollitur. Religiosi vero multo minus contrahere possunt, utpote qui redduntur inhabiles ad huiusmodi actus sine Superiorum suorum licentia, non solo iure politico, sed etiam naturali, quia nulum habent dominium, & administrationem bonorum, quia dominium se tenet vel penes sanctam Sedem, ut in Franciscanis; vel penes totam Communitatem Religiosam, ut in aliis Ordinibus. administratio vero penes Prælatum Monasterii. Item prodigi, idest qui indilcrete, vane, & inconsulto patrimonium suum dilapidant, postquam iudex, qui facere hoc potest, eis interdixerit bonorum suorum administrationem, non possunt contrahere, ex Leg. 1. & seq. ff. de *curatore, furioso, prodigo*; quia prodigus iuris fictione comparatur furioso, & amenti, Leg. iis qui §. sine ff. de *tutorib. & curatorib.* Servi, quamdiu existant in hoc statu civiliter contrahere nequeunt, bene quidem naturaliter, ita ut servare teneantur quod promittunt, quando hoc facere possint sine domini præiudicio, ut Leg. *quod attinet ff. de regulis iuris*: unde non possunt quidem cogi actione civili, sed tenentur in conscientia. Contrahere tamen possunt cum domino, ut vi talis contractus servo dominus obligetur obligatione saltem naturali, & ex iustitia, cum praxi receptæ sint tales conventiones, & pacta; quæ oblat servitus, quia censetur dominus cedere iuri suo. Ita Lugo & alii.

Principes supremi contrahere valent cum suis subditis, & naturaliter sunt eis obligati. Nam licet non possint ab ullo cogi, & iudicari, possunt tamen per iudicem declarari esse obligatos per contractum ad aliquid præstandum, quæ obligatio dici potest plulquam naturalis.

Tutor, aut Curator durante cura, aut tutela contrahere nequeunt cum pupillo, & minore, Leg. non licet, Leg. si *emptioe de contrahenda emptioe*. Hoc dicitur iuxta dispositionem iuris communis, cum alicubi forte poterunt vi municipalis statuti.

Executores testamentorum recipere non possunt res sui defuncti emptioe, aliove contractu, nisi auctoritate iudicis, vel co-executoris. Et generaliter omnes negotiorum gestores emere, aut alio contractu res habere nequeunt, quarum negotiationem pro suo principali gerunt, Leg. non licet ff. de *contrahenda emptioe*. Ita advocatus lite durante rem emere, vel alio contractu accipere nequit a suo cliente; Leg. quisque

cap. de *postulando*; imo nec medicus durante infirmitate ab infirmo, Leg. medicus ff. de *varis, & extraordinariis*.

§. V.

De potestate uxorum ad contrahendum.

Uxores, cum multo minus quam maritus ius habeant in bonis familiæ, ut ex iure communi, & præcipue ex lenatus consulto Velleiano, in quo eis interdicitur fidem habere, seu spondendo sese pro aliis obligare, non possunt contrahere, quia disponere nequeunt de bonis familiæ, de dote, eiusque fructibus sine mariti consensu, qui dum præstans est, & potest ministrare, est rationabiliter invitatus de uxoris contractibus. Nam etsi totius dotis, & dimidiæ partis bonorum familiæ secundum ius commune proprietatem habeat uxor, tota tamen administratio & bonorum communium familiæ, & dotis spectat ad maritum, ut familiæ caput. Quod si uxor dum nupsit præter dotem consultit alia bona, quorum liberam administrationem sibi reservavit, de iis disponere, & circa hæc per se solam contrahere potest. Item si postquam nupsit, ipsi adveniente bona, quæ dicuntur paraphernalia, seu dimissoria, in locis, ubi de his conceditur uxoris libera administratio, circa hæc quoque sine marito inire potest contractus.

Diximus præsentem marito, nam si sit absens, furiosus, vel fatuus, tunc uxor liberam habet administrationem, & dispositionem bonorum familiæ; idcirco valide contrahere potest. Item si maritus expresse, vel tacite consentiat in uxoris impensis, & contractus, vel irrationabiliter sit invitatus, puta si recuset dare ea, quæ necessaria sunt ad decentem uxoris, & familiæ sustentationem: in tali enim casu prudenter tamen, & moderate bonis familiæ uti potest. Sicuti vero uxor, quæ solam habet proprietatem, & non administrationem bonorum dotialium, non potest circa talia bona contrahere, ita nec maritus, qui solam habet administrationem bonorum dotialium, & non proprietatem, ea idcirco ea alienare non potest, utpote qui huiusmodi bonorum administrationem omnimode absolutam non habeat.

§. VI.

De habilitate filifamilias, pupilli, & minoris ad contrahendum.

Filifamilias nomine intelliguntur cum filii, cum filiæ legitimæ, quamdiu sunt sub patris.

Filifamilias legitimæ sunt.

denec emancipatus contrahere nequeat, patris potestate, aut avi paterni, quod verum est, tamen annum excefferit 25. sintque uxorati, imo etiam si filios legitime procreaverint, qui pariter omnes erunt in potestate avi, si filius non fuerit antea emancipatus. Dicitur filii legitimi, quia spurii, & naturales generaliter loquendo non censentur habere parentes: unde hi non sunt sub patris potestate; idcirco aliquibus in locis non succedunt parentum hereditati, nec parentes hereditati ipsorum.

Infantes illi dicuntur, qui nondum annum septimum compleverunt: Impuberes vero qui non compleverunt annum 14. si sint mares, vel 12. si sint feminae. Quare autem hæc citius, ait Tourmeleus, ab aliquibus asserti pro ratione, quod mala herba citius crescat. Proximi pubertati illi dicuntur qui viciniore sunt termino, in quo pubertas incipit, quam in quo infantia definit. Sic filii, qui habent decem annos ætatis cum dimidio, proximi dicuntur pubertati; filii vero satis est eas habere novem annos cum dimidio. Impubes, qui desit esse sub patria potestate, quia pater mortuus est, vel a patre emancipatus, dicitur pupillus. Post pubertatem completam filiofamilias utriusque sexus dicuntur minores, donec ad annum 25. pervenerint, quo completo vocantur maiores. Filius minus annis 25. constituitur extra patriam potestatem per literas emancipationis, quæ obtineti possunt ab anno 14. communiter tamen non obtinentur nisi annum 18. ætatis attigerint. Emancipatio reddit minorem aptum ad disponendum de rebus suis mobilibus, immobilia locanda, eorum redditus percipiendos. Hæc tamen vendere nequit, nec oppignorare, ac de eisdem transigere, nisi de Curatoris consensu, qui ad hunc finem ei assignatur, & dicitur Curator ad causas.

Tutela quoque dicitur. Iure Romano pupillis, & impuberibus dantur Tutores sic dicti a tuendo, vel tutando, qui assignantur pupillo ad curam ipsius, custodiamque, ac ipsius bonorum administrationem. Minoribus pariter ad eundem finem dantur Curatores.

Qui pupillus. Pupillus & impubes ille dicitur, ut antea notavimus, qui desit esse sub potestate patris propter eius mortem, vel emancipationem.

Tutela triplex. Tutela ex iure Romano triplicis est generis, testamentaria nempe, seu cum a patre, non a matre tutor in testamento filio designatur; legitima, & huius varietates sunt species, quarum prima vocatur legitima agnatorum tutela quæ nempe in defectu testa-

mentarie defertur ac statuitur in proximioribus agnatis; secunda vero Datus quæ cum utraque ex dictis desit, alicui idoneo a iudice committitur. Tutores, ac Curatores statim ac electi sunt, tenentur conficere inventarium bonorum nobilium pupilli, deinde curare, ut bona immobilia ipsis fructificent, & pecunia in annuos redditus in commodum pupilli convertatur; & hoc facere tenentur inter duos menses, Leg. Tutor §. 2. ff. de administ. tutoris. Et licet quæ tempore depereunt, vendi debeant iuxta citatas leges, ea tamen sunt servanda quæ servari possunt, puta in villis pecudes, instrumenta ruralia, aliaque, quibus pupillus pubertati proximus indigere potest. Notandum pariter Tutores, ac Curatores cogi posse ad tutelam Leg. 1. ff. & Tutorem, quem iudex a tutela non liberavit, teneri ad restitutionem, si propria auctoritate dimissa tutela bonorum pupilli curam non egit. Hic prænotatis, sit

Filiofamilias adhuc impubes civiliter non obligantur ex quocumque contractu de bonis etiam castrensis, tamen initio cum ipso patris consensu, & hoc ex Institut. §. 10. de inutilit. stipulat. Civiliter tamen obligaretur pupillus, si contractum iniisset cum tutoris consensu, dum is recursus habet ad tutorem, si male præstiterit consensum, & auctoritatem, quam actionem non habet filiofamilias contra patrem ob naturalem obedientiam, & virtutem pietatis, Leg. cum oportet §. sub hac tamen. Quod si filiofamilias sit pubes, contrahere valet sine patris auctoritate, & civiliter etiam obligari quoad bona castrensis, vel quasi castrensis, quia cum huiusmodi bonorum sit absolutus dominus, liberam habet plenamque eorumdem administrationem. De adventitii veto ac profectitii sine patris consensu, sicuti de his disponere, ita nec contrahere potest, utpote qui liberam eorum non habeat administrationem. Potest tamen naturaliter, puta si per contractum initio patre commoda sibi acquirat, quæ ipsi pater inique negat. Tunc enim ita legitime contrahit, ut pater non possit obfistere filii contractibus, sicuti ex Lege quod si servus ff. de in rem verso §. proinde.

Pupilli, infantes, pubertati proximi, minores etiam de tutoris, aut curatoris auctoritate, & consensu res immobiles, ac mobiles, quæ servando servari possunt, puta aurum, & argentum, gemmæ, vestes, aliaque mobilia, non possunt valide alienare sine iudicis licentia, & probatione causæ exi-

Dr. obli-
gatione
Tuto-
rum, &
Curato-
rum.

Filiofa-
milias
impubes
non obligan-
tur ex
quocum-
que con-
tractu.

exigentis, ut fiat alienatio, ita ut ostendatur eam necessariam esse, ut v.g. res alienum solvatur, ut præbeantur alimenta patri, vel matri, &c. Sic in *Leg. de administr. tutoris vel curatoris*; ideoque circa hæc obligari non possunt nec naturaliter, nec civiliter, ut flent contractui. Bona vero mobilia, quæ servando dari nequeunt, idcirco non possunt per triennium custodiri, secundum Glossam in *Leg. unica si adversus usufructualem*, ut sunt vinum, vestes usu detritæ, &c. valide pupilli, & minores alienare possunt bona mobilia non prædita sine tutoris, vel curatoris consensu, & secundum multos obligantur naturaliter tantum, sed non firmiter, quatenus talis obligatio tolli potest beneficio restitutionis in integrum, ita ut qui aliquid ab eo acceperunt, restituere non teneantur ante iudicis sententiam. Alii tamen probabiliter negant eos obligari naturaliter, nisi quatenus facti sunt ditiores; imo in hoc casu obligari possunt etiam civiliter, ex *Instit. quibus alienare licet*. Quotiescumque vero contractus per leges simpliciter sine ulla expressa limitatione quoad forum externum irritantur, irrita intelligenda sunt etiam quoad forum internum conscientiæ, ac proinde nulla ex his oritur obligatio. Insuper ad valorem contractus etiam in foro interno conscientiæ requiritur libera bonorum administratio, qua pupilli, minoresve carent. Idcirco Leges, quæ irritum declarant pupilli contractum sine tutoris auctoritate, intelligendæ sunt de pupillo, qui ex contractu factus est ditior, & prout factus est ditior.

De con-
tractu pu-
puli pu-
berrati
proximi
de mino-
rennis.

Pupillus pubertati proximus, & minorennis valide contrahunt cum maiore in suum commodum obligando alterum etiam sine tutoris, vel curatoris auctoritate, non vero in suum incommodum, seu obligando se alteri sine auctoritate tutoris, aut curatoris. Ita *Instit. de auctoritate tutoris aut curatoris*. Iura enim proviserunt in favorem ætatis illorum, nempe ut minoribus ætas in damnis subveniret, & in favorabilibus actis non obesset. Hinc si pupillus sine auctoritate tutoris, vel minorennis sine auctoritate curatoris aliquid emerit, venditor illum cogere nequit ad retribuendum pretium. Si vero pupillus, seu minorennis stare velit contractui, compellere potest venditorem civili actione ad dandam mercem cum pretio convento. Si autem venditor mercem tradiderit pupillo, nec pretium receperit, mercem suam repetere potest, & pupillus, aut minor tenetur in conscientia eam

restituere, quia nemo licite locupletari potest cum alterius læsura, ut ex reg. iuris qd. in 6. Et si dolo, vel culpa pupilli, aut minoris res petierit, non solum naturaliter, sed etiam civiliter cogi potest, ut eam solvat. His tamen exceptis casibus pupillus, & minorennis, seu minor 25. annis tutorem, seu curatorem habens non obligatur civiliter ex ullo contractu sine tutoris, aut curatoris auctoritate inito. Sic in §. *admonendi Instit. quibus alienare licet*.

Pupillus, minor, qui pecuniæ summam mutuo accipere, & expendere, restituere non tenentur, & tuta conscientia obtinere possunt literas rescissionis, quibus in integrum restituuntur, quia facilitas dandi mutuo pupillis, & minoribus pecuniam reprobata fuit a Iure Romano, & Senatusconsulto Macedoniano, sic dicto a quodam Macedonio celebri Usurario; sed nunc attendendæ sunt leges municipales locum.

Filiusfamilias non tenetur in conscientia ad restitutionem pecuniæ, quam mutuo accepit, si mutuo dans præviderit, ut prævidere potuerit eam a mutuario turpiter, aut inutiliter esse expendendam, & hoc intelligit etiam de fructibus, qui eis dati sunt ad pecuniam comparandam. Quia mutuo dans se subiecit oneri a lege imposito, videlicet ut sua pecunia privetur, si filiusfamilias nolit eam restituere. Iuste enim unus hoc lex imposuit eo fine, ut filii nec debitis onusti fiant, nec vitam parentibus insidiant, ut ea solvant, ex *Leg. 1. eodem tit. ad Macedonianum*. Tenentur tamen pupillus, minor, & filiusfamilias pecuniam mutuo acceptam restituere, si inde facti sint locupletiores, si mutuant mutuatarium patremfamilias esse crediderit, non vana necessitate deceptus, nec iuris ignorantia, sed quia publice paterfamilias plerisque videbatur, sic agebat, sic contrahebat, sic numeribusungebatur. Tunc enim cessabat Senatusconsultum Macedonianum ex *leg. 3. ff. de Senatuscons. Macedon.* Item si mutuant mutuum dederit bona fide, & ea intentione, ut illorum bonum procuraret, ideoque si male expensum fuit, hoc factum fuit contra mutuantis intentionem. Cessat pariter supradictus Senatusconsultus Macedonianus, si sciente patre pecunia mutuo data fuit filio, *Leg. 12. ibid.* si paterfamiliasolvere cepit quod filiusfamilias mutuo accepit, quia solvendo quaturum habuit. *Leg. 15. cod. sed & filius solverit, non repetit; Leg. 9.*

Quando
restitutio
mutui
facienda
a filio-
familias
pupillo
&c.

§. VII.

De beneficio restitutionis in integrum, & de iis, quibus hoc conceditur.

Cum facta sit aliqua mentio in agendo de contractibus pupilli & minorennis de beneficio restitutionis in integrum, licet alias quid sibi hoc velit expoluerimus, in proposito aliquid breviter de hoc beneficio explanare censuimus, ut deprehendatur quando in ordine ad contractus hoc beneficium pupillis, & minoribus concedi soleat.

Supponendum 1. beneficium restitutionis in integrum fieri posse ratione prescriptionis, vel ratione lententiae, vel ratione notabilis laesionis in contractu, vel quasi contractu valido. Siquidem cum contractus ab initio fuit per se irritus, ut iam per se res patet, non indiget remedio restitutionis in integrum, sicuti etiam quando laesio fuit levis, utpote quae in iure pro nulla reputatur.

Varii
modi
quibus
fit resti-
tutio in
inte-
grum.

Supponendum 2. multipliciter fieri posse restitutionem in integrum, 1. nempe rescissione contractus, vel quasi contractus, sive gratuiti, sive onerosi, 2. restitutione aequivalenti detrimento laesionis, vel etiam cassatione sententiae, vel revocatione prescriptionis, sed de his duobus postremis satis superque iam antea dictum est, dum rationem huius beneficii exponeremus.

Huiusmodi beneficium restitutionis in integrum, nempe reductio rei ad priorem statum, in quo extabat priusquam de ea haberet contractus, praecipue, ut iam alias vidimus, conceditur pupillis, ac minoribus, si priusquam annum 25. compleverint, damnum acceperint in aliquo contractu inito sine sufficienti prudentia, & circumspectione, *Leg. 3. & 5. cod. de in integrum restitut. minor.* quod verum est, quamvis contractus factus esset etiam cum auctoritate tutoris, aut curatoris, imo etiam & iudicis ex *Leg. 1. & seq. ff. de minor. & ff. de in integrum restitut.* Ex enim illorum auctoritas facit quidem contractum ratum, sed non tollit beneficium restitutionis in integrum. Haec autem restitutio fieri potest vel contractum rescindendo, vel quod altera pars pretium reddat, in quo minor laesus fuit, etiam si sit infra dimidium. Hoc autem beneficium, ut alias notavimus, perdurat adversus contractus omnes, in quibus minor laesus fuit, & celebravit ante annum 25. completum, & hoc gaudet quatuor annis post completum, idem tempus, nempe ulque ad

Instit. Theol. Moral. Tom. III.

annum 29. *Leg. finali cod. de temp. in integrum restitutionis.*

Ad hoc igitur, ut beneficium istud locum habeat, requiritur ut minor sit laesus ex vi contractus, non aliunde per accidens, in notabili, non in levi quantitate, ideoque quod contractus factus appareat nec prudenter, nec recte, ita ut minor nullam possit reportare utilitatem, sed damnum ex tali contractu *Leg. scio ff. de restitut. in integrum.* Notabilis vero, vel levis quantitas pensanda est & absolute, & etiam respective ad totam quantitatem, & laesio iudicanda est tum ex damno emergente, tum ex lucro cessante, quae omnia prudenter pensanda sunt. Minor autem non censendus est laesus ex venditione, quia alter pro re vendita plus exhibuerit, cum vendita sit iuxta pretium loci, quod prudentes vendunt. Licet tamen detur ex *Leg. tale privilegium minori laeso in contractu, quia hoc solum ei conceditur, non ei licet se occulte compensare.*

Hinc colligitur minorennem uti posse hoc beneficium, si ex venditione sit laesus, si laesus sit in mutuo accepto, quia pecuniam mutuo acceptam amisit, aut inutiliter consumpsit, si debitor pecuniam ei solvat sine auctoritate aut interventu tutoris, aut curatoris, quia tunc solutio inutilis est civiliter. Quia tamen valida fuit naturaliter, debitor non tenetur iterum solvere nisi post iudicis sententiam. Quod si solutio facta sit curatoris, vel tutoris auctoritate, & pecunia deperdatur, vel inutiliter consumetur, si minor recurrat ad beneficium restitutionis in integrum, ius habet contra tutorem, vel curatorem. Si vero compulsus fuerit a iudice ad solvendum, tunc debitor liber manet, nec locum habet restitutio in integrum. Datur insuper hoc beneficium, si minor laesus sit in quasi contractu, vel quia lucrosam hereditatem repudiavit, vel quia damnosam accepit, vel si laesus sit in electione deteriore partem eligendo.

Non potest tamen minorennis frui tali beneficio, si contractum prudenter celebraverit, id est sicuti prudentes celebrare solent, quia tunc non est laesus vi contractus, sed aliunde, puta si equis debito pretio fuit emptus, & postea moriatur. Si contractum faciat ex quo aequaliter sit expositus periculo perdendi, & lucrandi, quia tunc prudenter celebratur contractus. Item si contractum initum in minori aetate factus iam maior ratificaverit, vel in minori aetate iuramento firmaverit *Leg. 1. & 2. cod. si maior factus ratum habuerit Astenb. Sacra-*

Quando
minor
ut possit
ut bene-
ficio re-
stitutionis
in in-
tegrum.

K

men-

menta puerum cod. si adversus venditionem, quia tunc contractus fit ad instar maioris, dummodo tamen vi, aut dolo non fuerit coactus ad iuramentum, vel impulsus iuraverit, quia talia iuramenta non firmit contractum, & tota minoris ætate possunt irritari a curatore. Item si ante professionem religiosam bonis suis renuntiaverit iuxta formam Concilii Trid. sess. 25. cap. 16. de Regular. nequit postea petere restitutionem in integrum, cum civiliter, idest iuris fictione mortuus sit. Quoad alias vero personas, & casus, quibus concedi solet huiusmodi beneficium, iam antea suo loco dictum est.

§. VIII.

De causis contractus tum materiali, idest de rebus, quibus contrahi potest, tum formali, idest de consensu.

Causa materialis, seu materia idonea contractus sunt bona omnia, quorum quis dominium habet, liberamque administrationem, & quæ cadunt sub contractu, idest subici possunt commercio, ut iure nullo divino, vel humano veritum sit fieri super illa conventionem, & contractus; idcirco invalidus est contractus, & conventio de rebus sacris, vel publicis: §. 2. *restitut. de inutilit. stipulat.* Ubi ita idem iuris erit (& stipulatio erit inutilis) si fiat conventio circa rem sacram, aut religiosam, quam humani iuris esse credebat, vel publicam.... vel cuius commercium non habuerit, quia ista non possunt transferri in dominium directum, vel utile, idest in potestatem, administrationem, vel usum alterius. Idcirco invalidus est contractus, quo sine beneplacito Sedis Apostolicæ alienantur, vel commutantur bona ecclesiastica, immobilia, vel mobilia prætiosa, quæ servando servari possunt, *Extravag. Paul. 3. in cap. ambitiose.*

Causa formalis contractus est contrahentium consensus, non tamen quivis consensus indiscriminatus, sed consensus, qui verus sit, internus, & mutuus, ita ut nullatenus sit fictus consensus fictus, & mere externus. Ita communiter Doctores, quia cum contractus, ut constat ex ipsius definitione, sit duorum, vel plurium circa rem aliquam contrahibilem conventio ultrocitroque obligatoria, hoc indubie importat, ut hæc conventio in unoquoque contrahentium voluntaria sit, & libera, idest procedens a libera contrahentium determinatione. Nam in iis, quæ pendunt a libera alicuius dispositione,

nulla in eo censeretur obligatio, nisi ea quam ipse voluntarie contrahat. Quare nullus est contractus, sive contrahentium voluntas sit negative se habeat, quia tunc nullus est voluntatis actus, ac proinde nullus consensus, & a fortiori sit positive renuat consentire, sive consentire fingat, quia consensus fictus non est magis consensus quam homo fictus sit homo. Et hoc patet etiam ex Leg. 1. §. *Conventionis ff. de factis*, ubi dicitur esse nullam obligationem, quæ non valeat in se consensum, nam & stipulatio, quæ veritas sit, si non habeat consensum, nulla est: idem Leg. 3. ff. de obligat. & act. Hinc, ut iam diximus, invalidi sunt contractus celebrati ab infantibus usu rationis carentibus, ab amentibus, furcibus, & ebriis, &c. cum ob rationis defectum elicerere nequeant prudentem, ac rationabilem, seu humanum consensum, sicuti requiritur ad actum cuiuslibet contractus etiam late sumpti, quia humano modo, idest rationabiliter, seu cum libertate, deliberatione, & advertentia fieri debet. Insulper cum sit de essentia contractus, ut res quæ nostra erat in alterius dominium transferatur, hoc plane fieri nequit sine nostro consensu, non secus ac sine nostro consensu nostrum fieri non potest quod erat alienum. Hic autem consensus aliquo externo signo, puta verbis, nutu; vel scripto exprimi debet; alias consensus unius necuit ab alio cognosci, atque acceptari, & vicissim, ac proinde in idem convenire non possunt.

Cum vero, ut iam diximus, consensus ad contractum requiritur debeat esse voluntarius, pro clariori intelligentia ad tollendas controversias, quæ circa hoc oriri possent, notandum, voluntatem aliam esse formalem, ut cum quis expresse aliquid vult, aliam virtualem, quæ includitur in formali voluntate alterius rei, ut si equum emis, vis etiam eo uti posse, aliam denique debitam, quæ legitimam, ut cum quis debet velle, etiam si forte non velit. Formalis est sufficientissima ad dictum consensum, non semper tamen requiritur; virtualis est sufficiens, & sæpe semper requiritur. Debita, vel legitima aliquando sufficit, ut si quis positus in extrema necessitate panem ab homine invito accipiat; hæc enim acceptio valet, quia ille homo debet consentire, ut panem in tali casu talis egens ab eo accipiat, & si repugnet, est irrationabiliter invitatus.

Nec inferas, ex dictis de contractu inito ficto consensu sequi ad nihilum teneri, qui hunc contrahit, idest sine animo vere contrahendi, sive se obligandi. Nam talis pec-

Voluntatis forma
malis,
virtualis,
debita.

Ad quid
tenetur
fictus con-
trahens.

cat

cat mortaliter in re gravi contra iustitiam, & reus sit mendacii perniciosa; quia in quovis contractu utrimque obligatorio, lex & iustitia præscribit ut uterque vere contrahat, & ne alter alterum decipiat. Quamvis autem sic contrahens non obligetur directè, & ex vi contractus fidei, qui nullus est, tenetur tamen in conscientia ratione iniuriæ alteri factæ damnum impedire, quod ex tali fidei contractu alteri oriri potest, illatumque rescire, quia posuit eius causam per iniustam deceptionem. Imo deceptionem ipsam tollere tenetur, & vere contrahere, contractumque ut verum implere, quia cum teneretur ex iustitia vere contrahere, iniuriam intulit alteri fidei contrahendo. Idcirco per verum contractum talem iniuriam tollere debet, nisi tamen aliqua alia iusta causa excusetur, in quo casu semper tenetur damnum ex deceptione ortum rescire.

Nota 1. consensum, qui ad contrahendum requiritur, debere esse promissorium, idest elictum cum animo se obligandi, & qui cum tali intentione contrahit, tamen intentionem non haberet adimplendi, hoc non obstante validus est contractus: nam cum animo non observandi contractum stare potest voluntas efficax se obligandi.

Intenc.
promit.
tendi ob.
ligatio.
nem pa
sit.

Nota 2. eum, qui intentionem habuit promittendi sine ulla alia intentione opposita, res ipsa manere obligatum, quia promissio, si nihil obstat, ex se obligationem parit. Qui enim vult causam, vult etiam effectum, qui ex ea necessario sequitur. Quod si promittens prorsus nesciret obligationem sequi ex promissione, videretur obligationem non contraxisse, quia nihil factum nisi volutum, & nihil volutum nisi præcognitum, dummodo tamen promittens promittere non intendisset eo modo quo alii in iisdem contractibus promittere solent.

Quid de
promissio-
ne facta
cum ani-
mo se
non obli-
gandi.

Si quis autem promittendi veram haberet intentionem cum animo tamen etiam positivo se non obligandi, num valide hic contraheret, & fieret vere obligatus, discrepant super hoc Theologorum sententiæ; Sorus, de Lugo cum aliis volunt ex tali promissione sequi veram obligationem, five promittens velit, five non; quia effectus (ajunt hi) naturaliter sequens ex aliqua causa, cuiusmodi est obligatio respectu veræ promissionis impediri nequit, cum eadem ponitur causa, ita ut per ipsos opposita voluntas se non obligandi inefficax sit, quæ statim ac vere promittere intellexit, nec habet, nec habere potest ullum effectum. Alii vero ut Henriquez negant ullam hic esse

obligationem, ac proinde contendunt promissionem huiusmodi nullatenus subistere, quia nulla (ajunt) adest obligatio sine consensu, & nullus est consensus in obligationem, ubi quis se obligare non intendit. Insuper conditio, quæ contractus substantiæ opponitur, contractum irritat, vel destruit, ut ex cap. de conditionib. Talem autem conditionem ponit qui vult quidem promittere, non autem se obligare; quia renuendo ex sua promissione se obligari, eo ipso nullam reddit promissionem suam, de cuius substantia est obligatio, ac exinde nullus est contractus initus cum tali infirma promissione, cum spectet ad essentiam contractus mutua contrahentium obligatio.

Tota tamen huius controversiæ in eo sita est difficultas, videlicet an sincera voluntas causæ importet de consequenti effectum non volutum, quia eo ipso quod eundem causam vere voluta sit, ipse quoque sit efficaciter volutus, ut contraria voluntas eiusdem effectus non adeo sit efficax, ut annullare, ac tollere valeat sinceram causæ voluntatem, sine cuius annulatione, ac remotione tolli nequit effectus. Ad huius difficultatis solutionem notat hic Tourneleus, quod quando duæ simul concurrunt oppositæ voluntates, ea prævalere debeat, quæ magis efficax est, & absoluta. Unde in proposito casu ait videndum an nolens se obligare qui promisit, voluisset potius non promittere, quam obligari. Nam in primo casu promissio est nulla, ut vult prima sententia: in secundo autem consensus est promissionem valere, ut opposita sententia tradit. Cum autem quædam sint, quæ tamen voluntarium destruere nequeant, valde tamen ipsi repugnant, ut error, dolus, & metus, non incongrue de iis hic differunt Theologi, ut aperiat quidam per hoc vitari possit consensus, qui ad validitatem contractus requiritur. Sic igitur

§. IX.

De sufficientia consensus elicti ex errore, vel dolo, ad contrahendum.

Cum ad validitatem contractus, ut hactenus diximus, requiratur consensus, nempe quod cum cognitione, & libertate contrahatur, idcirco necesse est, ut in contrahendo nullus intercedat error, aut dolus, ut ex reg. 16. §. de regulis iuris, ubi non videtur qui errant consentire: nihil enim ita opponitur consensui, sicuti error, dolus, vis,

aut metus. Verum ut pro faciliori difficultatum enodatione res elucidetur.

Notandum 1. *errorem esse iudicium falsum*, eum iuxta D. Augusti. relictum canonem in quibus causis 22. *quæst. 2. errare est unum pro alio putare*. Dolus vero hic sumitur non ut bonus prout est pars prudentiæ, quæ secundum D. Th. 2. 2. q. 118. art. 8. dicitur *solertia ad invenendum de repente quod congruit*, sed prout malus, & dolus in hoc sensu est calliditas, fallacia, machinatio ad circumveniendum, ac decipiendum alterum adhibita. Ita debetur Leg. 1. §. *dolus* ff. de dolo malo lib. 4. tit. 3. Calliditas autem est *in animo fallacia in verbis rem aliter ac in se proferendo, & perfectam asserendo quæ vitiosa est*. Machinatio sit *verbis artificialibus ad decipiendum ordinatis*. Hinc pro dolo hic intelligitur quæcumque fraus in contractu inventa, sive calu hat, sive ex industria, & proposito. Et in hoc differunt error & dolus, quod error est fraus, quæ accidit in eunte, dum per ignorantiam putat rem, quam emit esse bonam, quæ reipsa est vitiosa, & hic contractus dicitur ex errore factus, tamen non intercedat dolus ex parte vendentis, qui pariter credebat rem illam vitio carere. Dolus vero, seu calliditas, & fallacia fe tenent ex parte vendentis, qui sciens vitium rei dissimulat, ac calide tegit. Et quia error, & dolus parigressu procedunt ad tollendum liberum consensum, hinc dictum de uno de altero quoque erit intelligendum.

Notandum 2. errorem, & dolum esse posse & circa substantiam, & circa accidentia rei, de qua contrahitur, & circa naturam contractus, & circa motivum substantiale, seu principale contractus. Error vel dolus circa substantiam est quando rem unam vendis & emis putando esse aliam, ut si emas farinam hordei, vel siliginis, putans esse farinam tritici, vel in matrimonio si cum Maria contrahas ratus esse Ioannam, ex Leg. 14. de contr. empti. Circa vero rei accidentia, si rem quidem emere velis, sed non tanto pretio, vel in matrimonio si contrahas cum corrupta putans esse virginem, vel cum ignobilis quam credebas esse nobilem &c.

Error autem, & dolus circa accidentia, seu qualitates rei accidentales, alter dicitur dans causam contractus, seu antecedens, alter vero incidens in contractu, seu concomitans. Error dans causam contractui, seu antecedens dicitur quando ille, qui contrahit, non contraheret si cognosceret tunc

illum defectum rei, de qua contrahit, v. g. emis equum rardum, quem velocem putabas, non empturus, si eum tardum agnovisses. Error vero est incidens in contractu, seu concomitans, quando est causa, non quod emas simpliciter, sed quod libentius, & carius emas id quod sublati errore, & deceptione adhuc emeres, non tamen tanti.

Error & dolus circa naturam contractus dicitur, quando consensus in unum contractum, quem putabas esse alium, ex. gr. si sit contractus locationis, dum putabas esse commodationis. Error tandem, & dolus circa motivum substantiale, seu principale contractus intercedit, quando ratio, seu condicio unius personæ pro conditione alterius personæ accipitur, ut si Titio promittas mille aureos, quia putas esse tuum sanguineum, cum revera non sit. Ratio autem personæ in multis contractibus se habet tantum accidentaliter, ut in venditione &c. in quibusdam vero habet rationem, vel motivi substantialis, & principalis, ut in dotatione, & promissione liberali, vel substantiæ obiecti, ut in matrimonio.

Notandum 3. illud pertinere ad substantiam rei in contractibus, ad quod ex communi hominum usu, vel dispositione legis præsumitur saltem implicite, & virtualiter restricta contrahentium intentio, ita ut illo sublato tollatur intentio contrahendi.

Notandum 4. motivum contractuum esse duplex, unum intrinsecum & substantiale & est id, in quod primario voluntas fertur, dum contrahit, ut in matrimonio acquisitio domini in corpus coniugis, in emptione acquisitio rei venditæ, &c. & aliud extrinsecum contractui, & est causa impulsiva tantum ad contrahendum, ut nobilitas, divitiæ in matrimonio. Hisce prænotatis, fit

Quilibet error, vel dolus circa substantiam rei, vel naturam contractus, vel motivum intrinsecum, & substantiale contractus, reddit contractum iure naturæ, & ex ipsa natura rei irritum, & nullum; quia cum deficiat consensus in aliquod substantiale contractui, quod ignoratur (nihil enim volitum nisi præcognitum) absolute, & simpliciter deficit consensus ex natura rei ad contrahendum requisitus, ex Leg. 12. & 41. §. de contr. empti. & ex Leg. 9. cod. de iure & facti ignorantia, ubi dicitur: *cum nullus sit errantis consensus*. Unde sicuti matrimonium contractum ex errore circa substantiam personæ iure naturali, & positivo ex natura rei est nullum, ita fit in omni alio contractui, ut D. Th. in addit. 1. ad 3. part. q. 32. art.

Error alius est antecedens, alius concomitans.

Motivum contractuum duplex.

51. art. 7. ad 7. Quare si quis vitrum putans esse genuinum venderet, &c. re comperta tenetur rescindere contractum, vel pretium reddere in conscientia, in quo alium decept, qui consensit in emptiorem gemmarum, non vitri, &c. et contra, si quis aurum emit putans esse argentum, tenetur vel reddere, vel pretium æquivalens ad arbitrium eius qui rem vendidit, quia hic consensit in venditionem argenti, & non auri: ita communiter Doctores. Imo hoc verum est, etiam si error, vel dolus non det causam contractui; id est non sit antecedens, sed solum concomitans, & incidens, quia in similibus contractibus semper deficit in eo, qui decipitur, actualis consensus substantia- liter ad contractum requisitus. Nam consensus, qui tunc datur, est semper habitualis, ac proinde non actualiter, & positive voluntarius ob defectum cognitionis, quæ ex natura rei ad voluntarium actuale, & positivum requiritur. Item, (& hoc quoad errorem circa naturam contractus) si quis falsis putans matrimonium esse solubile, vellet facere tantum contractum solubilem, & potius non contrahere, nullum est matrimonium. Si tamen non intendit facere contractum solubilem, sed habet simul voluntatem generalem faciendi contractum, quem alii faciunt, tunc matrimonium tenet vi generalis illius consensus, qui censendus est absolutus, & efficax. Si autem error, & dolus sit circa qualitatem rei, & non antecedens, seu dans occasionem contractui, sed incidens, & concomitans, puta si quis sciens rei qualitatem, adhuc eam emeret, licet non tanto pretio, non irritat contractum, sed validus hic remanet, quia cum tali errore ad- est simpliciter consensus circa substantialia contractus, cum talis contrahens non habeat animum huic contractui expresse, vel tacite repugnantem, sed velit actu, seu vere consentiat contrahere, id est rem hanc emere, licet decipatur circa pretium rei, vel circa eius accidentia; non enim ad valorem contractus requiritur, quod contrahens omnes rei qualitates norit, & in omnes consentiat, ut communiter sentiunt Doctores, alioquin vix ulli validi forent contractus. Unde validus permanet contractus, etiam si ultra dimidium decipiaris in pretio rei, id est si rem emeris pluris quam valeat, quia dolus suus solum causa maioris pretii, non contractus, ac proinde talis contractus non potest rescindi ad arbitrium emptoris, sed ad æqualitatem reduci debet, cap. cum dilecti de empt. & vendit. id est venditor restitue-

Instit. Theol. Moral. Tom. III.

re tenetur excessum pretii non solum supra summum, sed supra illud iustum, quo, sublato dolo, res vendita fuisset, quia excessus fuit dolo extortus, ideoque quoad illum facta fuit iniuria emptori, quæ tollitur per restitutionem excessus pretii, & deceptus constituitur in eo statu in quo fuisset sublato dolo. Et in tali casu datur actio etiam in foro externo repetendi si ultra dimidium emptor sit deceptus, non vero si infra dimidium, id est infra pretium medium. Ad tollendas tamen lites in foro conscientie, etiam si deceptio fuerit infra dimidium, restitui debet æquivalens, quia hæc respicit ut compensetur iniuria, quæ dolo facta est decepto, ita Molin. Covarruvias, Less. Sanch.

Porro etiam si error, vel dolus circa accidentalia, seu causas, quæ alliciunt, aut advocant a contractui, det causam contractui, non tamen invalidat contractum, ex Leg. 5. cod. de iust. stipul. & Leg. 5. Cod. de rescind. vendit. Nam huiuscemodi contractus iure nullo irritantur. Non quidem iure naturæ, quia dolus non versatur circa substantiam contractus, sed solum circa causam contrahendi; & accidentia contractus, utpote extrinseca, & accessoria rei, rei substantiam non tollunt, ac idcirco non impediunt quin consensus sit substantialis, & simpliciter voluntarius, solumque est involuntarius secundum quid, ut sit in eo, qui amicum occidit putans occidere inimicum, cuius actus est voluntarius simpliciter, & involuntarius secundum quid. Quare cum in hiis contractibus, etiam si error, & dolus circa accidentalia det ipsi causam, habeatur cognitio rei, & consensus simpliciter voluntarius in eam accipiendam, vel tradendam, habetur id quod intrinsece, ac essentialiter eos constituit, ideoque essentialiter perficiuntur. Dissentiant enim hæc duo, contrahere noluisset, & nolui contrahere. Hoc posterius, non prius consensum tollit, alioquin sicuti alias notavimus, pene omnes contractus infirmi forent, cum fere semper post eorum consumationem aliquæ occurrant circumstantiæ, quæ si prævisæ fuissent, deterruissent a contrahendo. Sic Tournel. Sed tales contractus non irritantur ne quidem a iure positivo, ut constat ex Instit. lib. 4. tit. 13. de exception. ubi ita habetur: Si metu coactus, aut dolo inductus, aut errore lapsus stipulanti Titio promissisti quod non debueras promittere; parum est iure civili te obligatum esse, & actio, qua intenditur dari te oportere, efficax est. Item Leg. si dolo 5. cap. de rescind. vendit.

K 3

Et

Et Leg. si dolo si. de iust. stipul. cap. cum contingit 28. de iurjurando. Nec aliqua datur lex, quæ contrarium evincat, quia tamen in aliquibus iuribus huiusmodi contractus irriti dicantur, nulliusque valoris, ac momenti, solum ita dicuntur, quia deceptor nihil ex eis solidi iuris acquirit, nisi altera pars contrahens eos ratificet. Hinc validus est contractus, si quis equum emeret credens fortem esse & strenuum, quem postea debilem, & pigrum reperiat, quamvis eum non emisisset, si talia nosset, vel ex errore fortitudinis motus sit ad illum emendum, quia deceptio est circa accidentia, non circa substantiam. Ita validum est matrimonium contractum cum corrupta, vel paupere, quam virginem, aut divitem putabat, etiam si ab hęc qualitatibus indutus sit ad contrahendum, ita ut si contrarias nosset, non contraxisset. Nam actus iste voluntatis, qui sub conditione talis cognitionis futurus fuisset, non est actus, nec virtualiter, & sic nihil efficit, nec actualement consensum absolutum, ac sufficientem impedit; alias, ut iam antea dicebam, tere omnes contractus irriti forent. Fieri tamen aliquando potest errorem circa qualitatem, & accidentia irritare, ac invalidare contractum, nempe si contrahens expresse, aut implicite contrahere nolit, nisi res, de qua contrahit, tales qualitates habeat, & non sit contrariis affecta, quia talis qualitas licet in se accidentalis, tamen ex intentione contrahentium ingreditur substantiam rei, seu sit veluti substantialis, quatenus ipsi contrahere nolunt, nisi res sit ita affecta, idest non est voluntas contrahendi nisi posita illa qualitate, tanquam conditione sine qua non.

Quando autem error, vel dolo circa qualitatem rei dans causam contractui provenit a parte contrahente. & contractus sit ex natura sua rescindibilis, seu dissolubilis, rescindi potest pro voluntate, seu libitu illius, qui deceptus est, etiam si deceptio proveniat ab errore ipsius decepti. Quocirca tamen si validus sit talis contractus, non est tamen prorsus firmus, & est communis, & hoc patet ex cit. Leg. Institut. lib. 4. tit. 13. Sed iniquum est te condemnari, ideoque datur tibi exceptio quod metus causa, aut doli mali &c. quia decipiens cum suo dolo iniuriam facit alteri contrahenti, quam tollere tenetur dolum removendo, ac restituendo deceptum in integrum, idest in eum statum, in quo erat ante contractum, & sic si deceptus ita velit reddendo omnia infecta;

fraus enim. & dolo quisquam patrocinari non debent, cap. 5. de empt. Idcirco qui deceptionem patitur, si consensum revocare voluerit, ius habet dissolvendi contractum, seu tollendi obligationem ab eodem exortam. Hinc talis contractus obligat decipientem absolute & irrevocabiliter, quia cum sit validus, ius non habet eum rescindendi, idest ab eo resiliendi altero illi stare volente, dummodo error non fuerit circa substantiam, quia tunc cum ex natura sua invalidus sit, ac ideo nullam pariens obligationem, recedere potest damnis alteri parti satisfactis eidem ex contractu provenientibus; deceptum vero obligat revocabiliter, & solum conditionate, idest si nolit contractum rescindere; & si contractui hic stare velit, tenetur deceptor pretii excessum pro merce viciosa reddere. Imo iuxta aliquos, & præcipue de Lugo si deceptio dans causam contractui proveniat non solum ab errore decepti, sed etiam a dolo inculpabiliter decipientis, potest deceptor dissolvere contractum, quia contrahentes censendi sunt in tali mutuo sensu contraxisse, ut nolint se irrevocabiliter obligare, nisi stante veritate eorum, quibus alter contrahens ad contrahendum movetur. Dixi si contractus sit ex natura sua rescindibilis, & hoc dixi propter matrimonium, & professionem religiosam: hæc enim semel valide facta, rescindi nequeunt, quia hi sunt contractus ex natura sua indissolubiles; cum tales contractus id habeant proprii, ut voluntas in eos sine omni prorsus restrictione consentiat, adeo ut tollat sibi facultatem postea resiliendi, quod ita fieri debuit, ne incerta forent matrimonia, incertæ professiones, quod repugnat certitudini status; ita Salmaticenf. Tournely, P. Antoine.

Si error autem, vel dolo dans causam contractui proveniat non ab alterutro contrahentium, sed aliunde ipsis hoc ignorantibus, tunc contractus non solum est validus ob consensum circa substantialia, sed etiam rescindi nequit a decepto, ut plurimum sentiunt, quia pars contrahens non fecit iniuriam decepto, idcirco non tenetur eum in priorem statum, & libertatem restituere, sed solum rem ad æqualitatem reducere. Tenetur quidem deceptor rescircire damnum illatum, cum sit illius iniusta causa.

Excipienda est tamen gratuita promissio, & liberalis donatio, quia istæ revocari possunt pro arbitrio decepti, si error, vel dolo dederit causam circa notabilem quantitatem, tamen si dolo non proveniat a donatario, vel

Error
circa ac-
cidentia.
Illa pot.
est ali-
quando
hæc tamen
contra-
ctum.

vel promissario, quia in huiusmodi pactis unus tantum sponte se obligat, & ex propria liberalitate, ac ideo a sola ipsius voluntate pendet, ut pacto conditionem apponat, & limitationem, quæ ipsi liberet, qualis est hæc ut nolit irrevocabiler se obligare, si notabilis intercedat error, vel mutatio.

Aliter res se habet in contractibus onerosis, seu reciprocis, qui a voluntate saltem duorum mutuo se obligantium dependent, qui ita volunt vicissim obligari, ut secluso errore circa substantiam rei, vel contractus, & quovis dolo causam dante contractui, & ab alterutro contrahentium proveniente; ab alterutro rescindi nequeunt; alias nulla foret contractus securitas, & via pene innumeris libris aperiretur, quia facile alteruter contrahentium sibi persuaderet se fuisse deceptum. Excipiuntur tamen sponsalia, quæ ad mutuum amorem referuntur, & ad indissolubile matrimonii vinculum contrahendum; in quibus proinde maior desideratur libertas.

§. X.

De validitate ac firmitate contractus ex metu celebrati.

Metus
quid &
quatenus
plex.

Nota 1. metum secundum Vulpianum est futuri & instantis periculi causa mentis trepidationem, seu inquietudinem, ac perturbationem. Metus autem, ut alias diximus, duplex est, alius absolute gravis, alius gravis respectivo. Metus gravis absolute, qui ideo dicitur cadens in virum constantem, est apprehensio vehemens mali in se gravis, quo vir fortis commoveri solet, ut metus mutilationis, diuturni carceris, exilii, iacturæ bonorum omnium, amissionis status, & præsertim vicinæ mortis. Nam licet sciant omnes se morituros; non tamen ea se cruciantur, quia eam non ita proximam coniciunt, & mors distans non ferit; sive mala hæc imminere timent, sive eius liberis, parentibus, consanguineis, vel coniugi. Ad metum gravem revocatur metus reverentialis, seu timor habendi parentem, vel Superiorem insensum, si hæc offensio putetur magna, & diuturna, ac molesta, vel cum gravibus iniuriis, aut verberibus coniuncta sit.

Con li.
riones so
quæ sit
ad in ju.
cendum
metum
gravius.

Ad metum gravem quatuor concurrere debent conditiones, quod malum, quod timetur grave sit in se, nec solum in vana metuensis æstimatione. 2. Quod cum rationabili fundamento, non leviter, & im-

prudenter timeatur. 3. Ut metum incutiens potens sit ad minas exsequendas. 4. Quod is, qui timet, nequeat ullo modo minanti resistere, seu effugere malum, quod timet. Si enim alterutra harum conditionum deficiat, metus erit levis, seu non cadens in virum constantem, cap. cum dilectus 6. de iis quæ vi, metu & causa sunt.

Metus gravis respectivo est timor mali alicuius, quod etli virum constantem non commoveat, merito tamen formidandum videtur quibusdam personis, quales sunt senectutis, senes, pueri, aut homines ex natura timidi, seu meticulosi. Metus vero levis, & cadens in virum inconstantem ille est, quo timetur malum leve a viro pusillanimitatis, vel grave quidem, sed immerito, irrationabiliter, & imprudenter, quia non verosimiliter impendens.

Metus
respectivo.
vix.

Nota 2. metum omni posse vel ab intrinseco, seu a causa intrinseca, idest si ab ipsomet metuente suscipiatur, vel ex propria passione, seu infirmitate, vel ex causa naturali, ut est metus nuptis imminentiæ, ob morbum, naufragium, bestias; item metus inferni, & huiusmodi; vel ab extrinseco, scilicet si a causa extrinseca incutiat. Extrinsecus vero vel necessarius est, & naturalis, ut naufragium, incendium, &c. vel liber, ut homo. Homo autem vel iuste metum incutit, ut iudex, qui stupratori exilium, vel carcerem minatur, nisi ei quam corrupt, certam pecuniæ summam eroget, vel iniuste, ut dum facilius gladium intendit nisi bursam ei præbeas.

Causa
metus.

Nota 3. metum ab extrinseco vel incuti ad obtinendum contractum, vel alia de causa, & in alios fines. Hisce prænotatis sit.

Metus gravis ab intrinseco, idest proveniens ab intrinseca complexione hominis, vel incussus a causa naturali, ut est metus mortis imminentiæ ob morbum, naufragium, serpentes, feras, &c. non invalidat contractum, quia homo tunc non impellitur ab alio, sed ipse libere in eum contractum se inducit, Leg. si mulier 21. ff. quod metus causa, & colligitur ex cap. sicut nobis 17. de Regular. ubi votum Religionis emissum a constituto in lethali infirmitate validum censetur.

Metus
ab intrinseco
non invalidat
contractum.

Item nec metus gravis ab extrinseco iuste incussus ab alia causa libera, Leg. 3. & 21. ff. quod metus causa, & colligitur cap. ex literis de sponsal. ubi dicitur eum valide contrahere matrimonium, qui post

Metus
gravis ab
extrinseco
non invalidat
contractum.

validet
contra-
ctum.

intra sponsalia metu excommunicationis cogitur ad matrimonium quod promissit cap. 10. de sponsal. & ex cap. de Regular. 25. Et simonia ubi Monachus ob crimen simoniæ dicitur posse compelli ad strictiorem Regulam. Quilibet enim præsumitur libere facere quod iure debet. Et insuper quia metus non solum relinquit, imo causat voluntarium simpliciter, ita ut si irritetur contractus iniustus ex metu iniuste incusso, non irritatur ratione involuntarii, sed ratione iniuriæ. Quare contractus ex metu iniuste incusso licet iniustus sit secundum quid, reapse tamen vere est liber pro electione, nec rationabiliter conquiri potest de iniuria, dum per talem metum nulla ipsi inferretur.

Nec dici potest sententiam hanc adversari variis textibus iuris canonici, ut cap. ad audientiam 4. de iis que vi, ubi habetur facta causa vis ac metus carere suo robore, & cap. requisit 17. de sponsal. ubi de muliere, quæ renuebat sponsalia iurata implere dicitur, quod cum libera debeant esse matrimonia, mulier hæc potius monenda quam cogenda. Nam quoad primum textum iuris canonici respondetur ibi sermonem esse de metu iniuste incusso. Et si aliquando contractus huiusmodi dicantur in eodem iure nullius roboris, non ita tamen loquuntur iura, quia nullos eos esse iudicent, sed quia vel ab eo qui metum passus est, vel a iudice rescindi possunt. Quoad secundum vero non negat Lucius auctor cit. canonis de muliere nolente iurata sponsalia implere, non negat matrimonia ex metu facta valida esse, sed suadet ut quatenus fieri potest in plena libertate contrahentes relinquantur, eo quod ex coactione tamen iniusta difficles exitus, solent frequenter haberi. Igitur Pontifex non allegat in huiusmodi matrimoniis invaliditatem, sed eorundem exitus difficultatem.

Demon-
stratur
in
se
incul-
so
cum
invali-
det
con-
tractum.

Metus iniuste incussus, non tamen ordinatus ad extorquendum consensum in contractu, hunc non invalidat, ideoque talis contractus non est rescindibilis, quia substantialiter, & simpliciter est voluntarius, præcipue si fiat non cum eo, qui metum incussit, sed cum tertia persona, quæ cum sit innocens, non debet esse obnoxia rescissioni contractus. Et hoc idem iudicium fit de omnibus contractibus ac de promissionibus summæ pecuniæ, quam pollicitus sis Caio transeunti per viam, ut te a ficiariis mortem minitantibus liberaret, quæ promissio licet facta ob metum iniuste incus-

sus valida est, eamque implere teneris, quia metus tuus non fuit causa contractus, sed solum occasio, neque ficiarii tibi minitati sunt mortem sicut supponitur, ut talem pecuniam dares Caio. Quod si promissio facta sit ei, qui metum tibi incussit, non tamen eo animo, ut te ad contractum impelleret, puta si quis in aquam te proiecerit, non ut pecuniam a te extorqueret, quam tamen mortis metu ei promitteres, credunt aliqui promissionem hanc esse validam tum iure naturali tum positivo; imo hoc extendunt ad eos etiam, qui metum incuriunt, ad hoc ut alterius pecuniam, aut quemlibet alium contractum extorqueant, quia, aiunt ipsi, huiusmodi metus incussus relinquit actum promissionis pecuniæ voluntarium simpliciter, & involuntarium reddit solum secundum quid. Alii vero, inter quos P. Cuneiliatus, volunt hos contractus validos quidem esse, sed rescindibiles ad beneplacitum metum iniustum passi, quia metum iniuste incuriens gravem ei insert iniuriam, & quia illam non vult auferre, sicut tenetur, ideo eligit contractum venditionis, emptionis, aut promissionis pecuniæ, &c. ut de liberet, ac proinde nisi contractum venditionis, emptionis, &c. rescindere posset, iniustitia metum incurientis ei prodeiret, quod nunquam verum esse debet; sic laudatus P. Cuneiliatus. Hæc tamen sensus videri possunt in Cardinali de Lugo.

Nota quod actio redhibitoria, per quam scilicet metum passus ius habet rescindendi contractum, & rem suam vel pretium repetendi, ex iure communi perdurat tantum ad sex menses. Verum ille, qui metum incussit, nunquam securus esse potest in conscientia, nisi aut acquisita per talem metum restitnat, vel ab eo, qui metum passus fuit, libere prorsus, & voluntarie contractus ita iniustus raturus declaratur. Nota ulterius ex speciali iure invalidos, nulliusque roboris declarari contractus matrimonii, sponsaliorum, & professionis religiosæ initos ex metu gravi iniuste ad extorquendum consensum incusso, non vero si initi sint ex metu levi, vel reverentiali, uti loco loquor dicetur.

Quilibet metus iniuste incussus ad extorquendum contractum, ipsum contractum tum iure naturæ, tum positivo prorsus invalidum reddit, quod initium fuit cum iniusto vexatore, & solum habet pro obiecto liberationem ab iniusta vexatione, quia cum ex natura sua invalidus iudican-

Quantum ius metum passi ad rescindendum contractum. Num perducit?

Iure naturali, & positivo irritus est contractus si factus ex metu ini-

iste in-
cussio ad
extor-
quendum
eundem
contra-
ctum ab
iniusto
venatore
scilicet
ad obri-
nendam
liberatio-
nem ab
illius in-
iustia ve-
natione.

ius sit contractus, in quo res invendibilis venditur, hinc iure merito nullus dicitur, ex natura sua, ac per se irritus hic contractus, in quo cum habeatur pro obiecto sola liberatio ab iniusta vexatione, venditur res quæ vendi non potest, cum hæc liberatio iniustæ vexationis sit esse debita sit vexato, qui strictum ius habet ne iniuste vexetur, & vexator teneatur ex iustitia a tali vexatione desistere. Igitur non potest vendere vexato talem liberationem, utpote quæ ex stricta iustitia ei debita sit, & exinde est prorsus invendibilis. Unde iniuste fur burlam ab aliquo reciperet, dum ab eodem illam petiit, ut desisteret ab inferenda ei morte, vel eius domo comburenda, ac ideo id omne quod tali via recipit, teneretur ad iudicis sententiam restituere.

Nec valet dicere huiuscemodi contractus esse voluntarios non secus ac alios initos etiam ex timore iuste incusso, & forte plus etiam. Idcirco non minus ac illos, hos quoque censendos esse validos. Nam istorum invaliditas non desumitur ex ratione voluntariis, vel liberi, sed ex defectu materiæ vendibilis, cum negemus in his materiam reperiri, quæ aliis vendi possit. Ita Tourneleius.

Quid de
aliis con-
tractibus
ex metu
gravi in-
iuste in-
cussio.

Cæteri omnes contractus sive lucrativi, sive oneris ex metu gravi iniuste incusso ad extorquendum consensum celebrati (hic exceptis quos ius positivum irritos reddit) cum iure naturali, tum positivo validi sunt, qui tamen per sententiam iudicis rescindi possunt, & irritari: & quidem iure naturæ validi sunt, quia cum metus licet gravis non impediat sufficiens voluntarium, & liberum ad incurrendum peccatum mortale, hinc reliquit etiam in consensu vi ipsius ad contrahendum extorto, eundem liberum & voluntarium simpliciter, & absolute, ut D. Th. 1. 2. q. 60. art. 6. Et hoc voluntarium simpliciter, & absolutum est id quod solum requiritur ex natura rei ad validitatem contractus. Nam ut docent Doctores matrimonium ipsum metu gravi contractum iure naturæ non est irritum, sed validum, quia non obstante hoc metu ipsius consensum simpliciter & absolute est voluntarius, & liber, cum talis metus non tollat usum rationis, nec sufficientem deliberationem, dum voluntas cogi nequeat quoad actus elicitos. Sic mercator cum plena advertecia rationis, & deliberatione voluntatis eligit potius mercium profectionem, quam naufragium subire.

Nec ullatenus obstat quod contrahens secluso metu contrahere nolle, quia etiam cum metu, ut iam supponitur, vere consensit, & conditio nihil ponit in esse, sed absolutam electionem relinquit ad maius malum vitandum. Late differunt inter se, vollo contrahere, & nollem contrahere si metus abesset.

Primum est simpliciter, & absolute voluntarium, alterum vero est voluntarium secundum quid. Iure pariter positivo, tum canonico, tum civili, tales contractus non sunt irriti, sed validi, quibuscumque, ut iam dixi, exceptis. Nam in iure datur actio, & exceptio in eo, qui metum passus est adversus incussores, quæ actio dicitur metus causa, §. 1. *Institus. de except. Leg. si metus causa ff. de acquirenda heredit. Leg. 1. de eo quod metus causa, Leg. finali de iis quæ vi &c.* Et in iure præcipitur iudicibus, ut tales contractus rescindant, ut ex cit. iuribus. Igitur iura validos supponunt tales contractus, & eo vel maxime, quod consensum, in quo iam consilium substantia contractus, etiam si metu hic extortus sit, eadem iura verum consent consensum *Leg. si mulier & in Leg. obligat. subf. 3. ff. de eo quod metus causa*. Similia quoque habentur in iure canonico, præcipue in cap. 2. *de iis quæ vi & metu*, ubi sic: *Quæ metu & vi sunt, de iure debent in irritum revocari*. Sic Salmaricenses cum Rebello, de Lugo, Lessio, & alii.

Dixi hisce exceptis quos ius positivum irritos reddit. Nam quidam sunt contractus ex metu iniusto initii, qui iure positivo irriti sunt, & 1. matrimonium cap. 15. *de sponsal.* Nam si validum esset, cum natura sua sit indissolubile, iniuria tolli non posset, & ex illo non levia orirentur incommoda. 2. Professio religiosa cap. 1. *de iis quæ vi*, quia Professio religiosa est matrimonium spirituale, & vinculum ex parte Professi indissolubile, quod ideo oportet, ut tam perfecte voluntarium sit ac liberum quam carnale. 3. Promissio dotis, & eius solutio *Leg. 21. §. de iis, quæ metu causa*. Dos enim est accessoria ad matrimonium, ideo eius naturam sequi debet, & sic maximam requirit etiam libertatem. 4. Promissio, vel traditio rerum ecclesiasticarum cap. 2. *de iureiurando*. Ratio est, conservatio rerum ecclesiasticarum. Nam si alienatio rerum Ecclesiæ facta sponte sine solemnitatibus invalida est, multo magis erit invalida si metu, ac vi sit extorta. 5. Iurisdiclio, & absolutio a censuris, extortæ gravi metu, *ex*

Leg.

Leg. 2. §. de ind. 6. Secundum multos sponsalia metu extorta, quia sunt via ac dispositio ad matrimonium contrahendum, ac proinde non secus ac ipsum matrimonium perfectam exigunt libertatem. Non enim fieri potest, ut quis promissione sua obligetur ad actum invalidum, scilicet ad matrimonium, quod invalide contrahitur a persona, quae iniusto metu ad illud fuerit impulsus. Hoc pariter sustinent alii de renunciatione Beneficiorum, de votis simplicibus &c. ut precipue ex Glossa magna in cap. Abbas 2. de iis quae vi metusve causa fiunt. Ceteri vero contractus metu iniusto extorti, ut dictum est, si iure positivo non sunt irriti, sunt tamen eodem iure irritandi, & ut tam hos quam illos denotat citata Glossa in cap. Abbas sequentes versus exponit.

Tutor, iudicium, dos, sacrum, copula, votum,

Hec lex vi facta, de iure scias fore nulla,

Cetera ius patitur, sed postea restituentur.

De ceteris aliis contractibus iura loquuntur, ut de validis, & qui irritatione, seu rescissione indigeant. *Leg. finali de iis quae vi dicitur: Venditiones, donationes, transactiones, quae per potentiam extorque sunt, praecipimus infirmari.* Et in cit. cap. Abbas, de iis quae re, metusve causa fiunt. Ratio vero huiuscemodi Legum fuit partim ne iurgia, & lites multiplicarentur, si unicuique sine iudicis sententia liceret sua repetere, partim quia iniectio metus iniusti est delictum. Delicta autem non praesumuntur, sed sunt probanda. Hinc ius statuit non dari actionem, nec contractum rescindi, priusquam delictum probetur.

Circa vero contractus initos ex metu respective gravi, cum hic metus aequivaleat merui absolute gravi, quia id quod operatur metus gravis in viro constanti, hoc facit levis in femina. Hinc de his idem ac de illis secundum communem sentiendum est, videlicet firmos non esse, & arbitrio illius qui metum passus est, posse rescindi. Nam cum qui metum incussit, iniuriam alteri intulerit, quae fuit causa contractus, quia aliquin factus non fuisset, tenetur tollere, ac rescire iniuriam, simulque incommoda omnia ex illa secuta, laesumque in priorem statum reducere, omniaque etiam ante iudicis sententiam compensare; quia qui metum passus est ius habet libertatem suam independentem a forensi iudicio recuperandi. Potest tamen si velit stare contractui et-

iam invito eo, a quo iniuria illata fuit; quia talis contractus non est per se irritus, & solummodo iniuriator caret iure cum rescindendi; ita ut qui metu obstrictus aliquid ab altero emit, potest si velit retrahere contractum, aut venditorem cogere ut stet contractui. Ita P. Antoine.

Contractus, qui ex metu levi iniuste fuit extortus, si matrimonium excipias, & professionem religiosam, qui semel validi non amplius rescindi possunt, in foro conscientiae non tenent. Quia metus etiam levis infert iniuriam utpote cogens ad praebendum contentum medio iniusto; ideoque in quovis contractu obligationem infert in foro conscientiae illum rescindendi, ac tali medio accepta restituendi, aliquin metum iniuste incutiens ex alterius iniuria & damno commodum reportaret. Dixi in foro conscientiae, quia in foro externo ad evitandas frequentes lites non admittitur exceptio, nec actio datur metum passio ad rescindendum contractum, ac ideo in iure quoad hunc forum hic timor dicitur vanus, *Leg. nec timorem ff. de eo quod metus causa*. Salmaticenses & P. Antoine. Igitur, qui metu iniusto gravi, sive etiam levi contentum ad contrahendum extorserit, tenetur in conscientia restituere quodquid in tali contractu receperit, si coactus velit, imo totum lucrum cessans, ac damnum emergens compensare, utpote qui per iniustam suam coactionem causa illius fuerit. Si autem coactus renuat stare contractui, vicissim tenetur quae in tali contractu accepit restituere, quia caret iusto titulo ea retinendi.

Quod si factio iam contractui ex metu iniusto ille qui contractui causam dedit, rem acquisitam tali contractui transferat bona fide in alium tertium possessorem, metum passus potest ab illo tertio repetere, qui ceteroquin nullatenus fuit causa metus, & hoc eam restituere tenetur ex *Leg. 24. ff. de eo quod metus causa* &c. quia res illo vitio metus affecta transit cum suo vitio ad alium possessorem, & cum onere revertendi ad priorem suum dominum pro eius arbitrio, ad quem res illa, cuius dominum iam non amisit, revocato invito consensu, ut res illa pertinet. Hinc poterit, si velit, actionem incipere contra illum tertium possessorem, qui si contractu oneroso eam habuit, poterit postea agere contra venditorem, qui tenebitur de evictione non secus ac si rem alienam vendidisset. Sylvest. Lugo citati hic a Salmaticensibus. Hoc autem totum locum habet secundum multos, tamen si metus non

De contractibus iniuste ex metu re spectivè gravi.

Quid de contractibus iniuste ex metu re. si in auct incusso.

non incurratur a contrahente, sed incutere-
tur ab alia tertia persona, & id iure natu-
raz. Nam consensus per iniuriam extortus
non transfert dominium solide, & irrevoca-
bilitate, sed eo modo ut maneat ius in rem,
& non solum in personam, quæ iniuriam in-
tulit. Etenim æquum non est aliquem per
alterius iniuriam ius omne in rem suam a-
mittere. Insuper ratione iniuriæ res in pri-
stinum statum est restituenda. Unde ubi-
cumque fuerit, est obnoxia restitutioni. A-
litter enim res se habet de errore, vel dolo
circa qualitate accidentalem proveniente
a tertio, quia non impedit voluntarium per-
fectum circa substantialia: at metus a quo-
vis incus ad extorquendum consensum red-
dit illum minus voluntarium, idest involun-
tarium secundum quid quoad substantiam.
Constat tamen in tali casu rescindi posse
contractum, & irritum reddi iudicis aucto-
ritate, & dari actionem non solum in per-
sonam, quæ metum intulit, sed etiam in
rem ad quemcumque pervenerit, Leg. 9. §.
de eo, quod metus causa.

Contra-
hectis
per do-
iura, aut
metum
triplex,
Actio.
Quare notandum restat cum Molina dis-
put. 253. quod ei qui per dolum aut metum
contraxit, triplex competat actio in foro ex-
teriori. Prima dicitur *rehabitoria*, hoc est
ad rehabendum suum pretium & rem suam
alteri restituendam. Hæc iure communi per-
durat ad sex menses a die, quo celebratus
est contractus. Secunda dicitur *quanto mi-
noris*, & datur ad repetendum a debitore
excessum pretii illius quo rem illam fuisset
empturus, si defectum eius cognovisset. Hæc
actio per annum durat, & ideo intentari
ab eo potest qui actionis rehabitorie tempus
imprudenter effluere permisisset. Conce-
ditur etiam eadem actio iis qui decepti sunt
infra dimidium iusti. Tertia actio est in id
quod interest decepti non decipi, seu est ius
non solum reddendi rem & pretium obtinendi,
sed etiam habendi compensationem
damnorum omnium, quæ ex contractu sub-
secuta sunt, ut si venderis ovem insectam,
a qua aliæ insectæ sint, vel servum quem
sistem esse noveras, teneris ad compensan-
dum quicquid cessaverit lucrari, aut damni
emerlerit.

§. XI.

De obligatione quam parere habent contractus.

Nota 1. effectum contractus esse obliga-
tionem quæ definitur *Institus. lib. 3. tit. 4.*
de obligat. iuris, *vinculum, quo necessitate ad-*
stringimur alicuius rei solvende secundum no-

stra Civitatis iura; & generalius, meliusve
meo videri definitur ab aliis: *obligatio nempe*
vinculum quo adstringimur ad aliquid dan-
dum, faciendum, aut patiendum, vel non
dandum, aut non faciendum.

Nota 2. obligationem duplicem esse, unam obligationem
quæ fundatur in conventu, & dicitur
antidotalis, quæ debitum rigorosum non in-
ducit, cuiuscumque est obligatio, qua tene-
mur gratos esse in benefactorem, alteram fun-
datam in necessitate, & insert debitum ex
præcepto, vel charitatis, vel religionis, vel
iustitiæ, & hæc postrema est effectus con-
tractus.

Nota 3. obligationem ex iustitia triplicem
esse. Prima pure naturalis exurgens ex solo
iure naturali, & hæc semper inducit obliga-
tionem in conscientia, licet actionem non
pariat in foro externo. Secunda mere civilis,
quæ ob aliquam præsumptionem fallam
dat actionem in foro externo, licet obliga-
tionem non pariat in conscientia. Tertia
mixta dicitur, videlicet quæ naturalis est
& simul civilis, & hæc obligat tum in foro
interno, idest in conscientia, quam in foro
externo, in quo dat actionem.

Nota 4. obligationem ratione principii
quadruplicem assignari in *Instit. supracit.* vel
ex contractu, aut quasi contractu, vel ex ma-
leficio, vel quasi maleficio. Obligatio ex con-
tractu est ea, quæ oritur a quolibet contra-
ctu, & quatuor modis ea exurgit, re, ver-
bis, literis, consensu, quibus, ut antea no-
tavimus, perficitur omnis contractus. *Instit.*
ibidem. Et iam satis constat ex hæcenus di-
ctis. Obligatio ex quasi contractu ea est, quæ
citra conventionem oritur ex facto non turpi,
ut cum quis negotia absentis gessit bona
fide sine literis, ac mandato, ei obligatus
est dominus rei, ita ut administratori detur
actio contra dominum, quæ repetere potest
quæcumque insumptis. Si vero rem domini
male gesserit, tunc actio datur domino con-
tra administratorem pro damno illato, *Instit.*
lib. 3. tit. 28. Obligatio ex maleficio ea
est, quæ oritur ex ipso maleficio, sicuti ex
furto, rapina, damno, iniuria, *Instit. lib.*
3. tit. 28. Obligatio ex quasi maleficio, seu
ex quasi delicto, illa est quam contrahit v.
g. iudex, qui cum litem alterius suam fecerit,
male per imperitiam iudicavit, aut ille
ex cuius conaculo, vel proprio ipsius, vel
conducto, vel in quo gratis habitat eietum
desulumque aliquid est, quod alicui trans-
eunti nocuit, *Instit. lib. 4. tit. 1.*

Nota 5. contractus solubilis ex mutuo
contrahentium consensu dissolvi potest, cum
utrumque

Contra-
tus so-
lubilis.

uterque contrahens credere possit iuri suo, Leg. 35. §. de regulis iuris. Unus tamen obligatus seorsum ab alio resistere nequit, Leg. 5. cod. de obligat. quia alter ius habet in illum vi contractus. Hisce prænотatis sit.

Pañum
validum
affecto ob-
ligatio.
nem in
conscien-
tia.

Pañum quodcumque validum, etiam nudum, adest obligationem in conscientia, tamen si non det actionem in foro externo nisi firmeretur iuramento. Sic communiter sentiunt Doctores, quia ad incurrendum tale debitum, supposita capacitate materiæ, & personarum habilitate, satis est ex natura rei mutus consensus signo externo expressus. Nam per illum datur alterutri, vel utrique ius aliquod, quod licite violari nequit. Nec iure gentium ulterius requiritur. Quid enim tam congruum fidei humanæ, quam ea quæ inter eos placuerunt, servare? Leg. 1. ff. de pactis. Nec officit illud quod dicitur Leg. 1. Iuris gentium; nulla pactio obligationem non parit, quia ius hic loquitur de obligatione civili, quæ dat actionem in foro externo. Et hæc sententia confirmatur etiam a iure canonico cap. 1. de pactis, ubi generaliter dicitur pacta custodienda esse, & pacientes censuris compellendos esse ad id præstandum. Etenim ex cap. 3. dicitur, studiose agendum est, ut ea quæ promittuntur, opere complantur. Et hoc idem præcipitur a Lege naturali, & divina, scilicet ut data fides servetur. Idcirco, eam fallere per se, & intrinsece malum est. Tandem si ex pactis per se validis, licet nudis, non oriretur obligatio in conscientia, periret bona fides, sine qua societas humana subsistere nequit.

Dixi validum, quia quilibet contractus, qui iure positivo civili scilicet, vel canonico sit absolute irritus, nullam naturalem obligationem parit, ac proinde liberum est unicuique parte invita resistere. Ita communis, eo quod reapse nulla sint, ac ita se habeant, non secus ac si facta non fuissent, quia legitima potestas, cui subditorum voluntates, & bona subduntur, nulla ea reddidit. Sicut enim possunt particulares certas condiciones conventionibus suis apponere, quibus non stantibus, deinceps inter ipsos contractus non reputabuntur obligatorii, ita multo magis ob publicum bonum poterunt supremi Principes tum sæculares, tum ecclesiastici certos modos conditionesque statuere, sine quibus contractus nulli sint, ideoque non obligatorii. Hinc contractus matrimonii ubi receptum est Concilium Trid. sine solemnitate præsentia Parochi, & te-

stium nullus est. Nullum in conscientia testamentum sine essentialibus solemnitatibus quidquid in contrarium alicui dicant; quandoquidem Leges iustissimas de causis tales solemnitates requirerunt, & sic de aliis contractibus, quibus per leges municipales additæ sunt quædam condiciones ad eorundem contractuum valorem, ut varia caverentur incommoda, quibus subditorum iura variis periculis subiacerent. Si vero contractus non sit per se irritus, sed solummodo irritandus, obligat in conscientia, donec per iudicis sententiam irritetur.

§. XII.

De obligatione illius, qui habuit animum contrahendi cum expressa voluntate se non obligandi.

Circa hoc quidam recentior ait, ista duo, obligari ad aliquid faciendum, & revera id ipsum facere, esse omnino inter se distincta. Hinc potest quis absolute consentire in contractum, nempe externe demonstrare se vellet obstringere ad ea præstanda, quæ fert contractus, nempe serio verba contractus proferendo, dum interne in contractum non consentit. Et ait cit. Doctor, huiusmodi fictum contractum plane valere in foro externo hoc sensu, quod pro eius valore in foro isto debeat iudicari, quia ubi serio posita sint humanæ societatis iudicia, per quæ manifestari solet animus (& secundum quæ homines iudicant) præsumi potest, & debet quod adseruit interior consensus, & voluntas. In foro vero interno, seu conscientia, hic contractus non teneret, utpote qui a parte rei caretet interio consensu pro adimplenda obligatione, quæ affert contractus, qui ad sui essentiam desiderat consentium in obligationem. Insuper quia contrahens in hoc casu vult solum proferre verba externa, quibus si non correspondet interior consensus, imo ipsis opponatur, nullam vim habent inducendi obligationem: alioquin qui mente dissentiens externe tantummodo callitatem voveret, obligaretur in conscientia ad callitatem, quod tamen passim negant Theologi. Hinc nullum pariter est matrimonium, si desit consensus, tamen si exterior verba proferantur consensus in matrimonium, ut relævit Innocentius III. cap. tua nos de sponsalib. ubi de interio consensu in matrimonium sic ait: Sine quo cætera nequeunt hoc perficere conjugale.

Diversimode tamen in hoc proposito differit

Differe obligatio faciendi, ab ipso facto.

ferit P. Antoine. Ait enim de eo, qui in contrahendo animum haberet contrahendi, simulque oppositam, expressamque voluntatem se non obligandi ad contractum implendum; ut dignoscatur num vere in tali modo contrahendi obligatus remaneat, videndum num voluntas contrahendi prævaleat voluntati se non obligandi, idest illa sit hac efficacior, & absoluta: tunc enim vere obligatur, quia in tali casu sit verus contractus necessario obligationem pariens. Si vero voluntas posterior, seu voluntas se non obligandi ad præstandum quod fert contractus, prævaleat, idest efficacior sit voluntate contrahendi, vel utraque æqualis sit, tunc nullus est contractus, eo quod desit vera, ac efficax voluntas contrahendi, cum essentialiter sit ac substantiale contractui, ut iam diximus, parere obligationem. Nihilominus tamen cum in tali casu iniuria proximo inferatur, utpote qui iniuste ab eo, qui ita contrahit, decipiatur in bona fide, qua cum ipso contraxit, tenetur deceptor tollere talem iniustam deceptionem per sinceram voluntatem se obligandi, & ea, si alter velit, implendo, quæ exterius promissit.

l. XIII.

De obligatione contractus sine solemnitatibus a iure requisitis celebrati quoad forum conscientiae.

Nota 1. solemnitates esse quosdam ritus, seu condiciones, quas leges præscribere adhibendas in contractibus, v. g. certus numerus testium, &c. Hæc autem solemnitates alie sunt substantiales, quæ ad essentialiam substantiam contractus pertinent, ut sine ipsis contractus subsistere nequeat, puta præsentia Parochi, & testium in matrimonio, sine qua hoc nullum est; alie accidentales, quæ maiorem politiam securitatemque contractus, respiciunt, & si deficient, non invalidant contractum, cum sine perfectione accidentali res semper subsistere possit, uti sunt præcipue proclamationes in matrimonio, quod si hæc desint, alieque accidentales solemnitates, adhuc validum subsistit, licet tamen sine hisce illicitæ fiat, quia lege non irritante, sed prohibente ne hæc contractus absque accidentali solemnitate, ratus, & firmus habetur. Idcirco hic non agitur de contractibus a lege fieri prohibitis, nisi lex sit simul illorum irritativa: non enim idem est aliquid vetitum esse a lege, ac esse nullum; cum plurima sint quæ lege prohibentur, & tamen facta

tenent, ut matrimonium contractum ab eo, qui habet votum simplex castitatis, quod prohibitum est fieri, factum tamen validum remanet iuxta regulam iuris, multa facta tenent quæ lege fieri prohibentur.

Nota 2. in quæstione de valore contractus celebrati sine substantialibus solemnitatibus, quas ad eius validitatem leges præscribunt, non loqui Doctores de contractibus matrimonii, & professionis religioſæ, quos nemo iam ambigit nullius esse roboris, si fiant absque solemnitate substantiali, quia cum hi contractus perfecti sint, & irrevocabiles, ac magnam difficultatem præferant, noluit Ecclesia ut valide fiant nisi cum solemnitate ab ipsa designata, ut ita maturo consilio, & iudicio absque omni vi & fraude celebrarentur. Hisce autem positus sit

Contractus defectu solemnitatis irritus iure positivo, & invalidus non obligat in conscientia, utpote qui in utroque foro nullus sit. Ecclesia enim, & Respublica possunt sufficienti auctoritate ad invalidandos actus subditorum, & ad præscribendum certam formam in contractibus, qua deficiente non obligent. Et potestas hæc multum confert, ac potius necessaria est ad commune bonum, rectumque regimen, & iam voluntas, bonaque subditorum pendunt a legislatoris potestate in ordine ad bonum commune, rectamque illorum administrationem. Hinc ut videtur in praxi Ecclesia appoluit in matrimonio ad eius validitatem Parochi præsentiam, & testium, & Respublica edidit leges contrarias contractibus pupilli sine tutoris auctoritate, & donationibus inrer maritum, & uxorem, quæ leges non sunt mere pœnales, sed obligantes in conscientia. Et equidem non incongruum est posse Principes propter bonum commune quasdam condiciones contractibus apponere, quibus subiacis prorsus irriti sint, nec obligent, quando ut ante notavimus, hoc idem possunt etiam privati homines in privatis contractibus, quos inter se ineunt, nec iuri naturali hoc adversatur, cum ius naturale concedat, permittet, ac ordinet, ut debito, & congruentiori modo fiat in positivo particulari, ad hoc ut plura inconvenientia devitentur; unde patet ad evidentiæ contractus valide non perilsere, si absque debitis solemnitatibus celebrentur. Ita Covarruvias, Lessius, Lugo, Salmanticenses, & P. Antoine. Quare ius nullum acquirit possessores in rem, quam in huiusmodi contractibus receperit, eo quod prior dominus non potuerit rei

Quid
sunt so-
lemnita-
tes con-
tractus &
quæ?

rei dominium in eum transferre, cum de re dispoſuerit contra legem huiusmodi diſpoſitiones irritantem, & quando eius potestas circa eandem impeditur legitima potestate superiore. Cognoscitur vero contractum esse invalidum vel ex verbis legis, vel consuetudine, vel si iudici constaret nullam intervenire fraudem, & tamen cerneretur nullus.

Potest autem hic obici legem irritantem fundari in presumptione fraudis. Idcirco ubi censet fraudem nullam intervenire, valere contractum in foro saltem conscientiarum. Sed respondetur legem irritantem non fundari in particulari presumptione fraudis, ut saepe contingens, aut cui datur occasio per huiusmodi contractus, huius præscriptis toleminatibus destitutos. Finis enim harum legum est vitare periculum fauoris, non tantummodo ipsas fraudes, & quia periculum semper remanet, semper huius legis periculis saltem inadæquatus, & consequenter eandem legum obligatio; & cum non sint leges penales, sed in commodum Reipublicæ ordinatæ, necesse non est ad eorum effectum, qui est facere nullum contractum, exerceat iudicis sententiam.

Contractus contra legem positivam non semper irritus.

Notandum tamen non semper contractum contra legem positivam, invalidum esse, nullamque parere obligationem, quia, ut iam alias diximus, multa fieri prohibentur, quæ tamen facta tenent. Unde si contractus scilicet modo prohibetur propter quendam accidentales leci, temporis, vel personæ circumstantias, non desinet validum esse. Hinc valet matrimonium celebratum tempore Adventus, & Quadragesimæ, vel a persona, quæ simplex vetum emisit castitatis. Dignoscitur autem ante circumstantiæ, propter quas contractus a lege positiva prohibetur, sint tantum accidentales, an ad ipsius contractus substantiam pertineant, uno verbo an contractus sit tantum illicitus, vel etiam invalidus, dignoscitur inquam, primo ex verbis ipsius legislatoris; idcirco invalidus erit contractus, si legislator declarat eum esse omnino nullum, aut non posse ex eo debetum peti sive in iudicio, sive extra iudicium, aut si quod ex tali contractu acquisitum sit, restitui præcipiat. Secundo si posito quod constaret legislatori nullam in contractu interfuisse fraudem, v. g. in matrimonio clandestino adhuc vellet ipsum pro incestu haberi.

In contractibus obſervanda sunt, ut

Obſervandum pariter 1. in omni contractu servandas esse leges, consuetudinesque leci, in quo fit, ex cap. ult. de foro competentis,

& Leg. 6. §. de rei. 2. In contractu apponi posse overa, obligationemque ex natura sua ei non adnexas, dummodo non adveniant naturæ talis contractus, nec lege vetentur. Quisque enim cedere potest iuri suo, & se obligare ad id, ad quod aliquin non teneretur. Cum tamen overa illa sint precio æstimabilia compensari debent, alias non servaretur æqualitas, quam iustitia exigit. Apposita vero servanda sunt ex iustitia iuxta regulam 85. iuris in 6. Contractus ex conventionem legem accipere dignoscuntur, & Leg. 1. §. depositum.

§. XIV.

De firmitate, quam contractus invalidus iure natura, vel positivo accipit a iuramento, & de obligatione quæ ex iustitia inde exigit.

Nota 1. hic non agi de iuramento promissorio, quo nempe vel nova inducitur obligatio, vel obligatio præcedens confirmatur.

Nota 2. dupliciter intelligi posse contractum iuramento firmari, vel quia talis contractus validus erat, sed ad nutum contrahentis, vel alterius revocabilis, ut de contractibus minorum, & de illis, qui metu gravi dante causam sunt, & per iuramentum redduntur efficacis, & sic nequitiam revocabiles; vel quia contractus ipso iure nullus erat, sed addito iuramento firmatur, ut validus fiat, sicuti solutio usurarum. Neutrum horum habet ex iure naturali iuramentum, sed tantum ex iure positivo humano, ut supponunt Suarez, Sanchez, Lugo; & ideo antiquiori iure contractus iuramento non firmantur, ut asserunt plures iuristæ.

Nota 3. aliud esse, iuramentum esse validum, aliud contractum iuramento firmari. Iuramentum est præcise validum quando servari potest & debet ob honorem Dei vocati in testem, quamvis per illud nullum ius acquirat ille, in cuius favorem factum est. Unde non aliam asserit obligationem, nisi Religionis, quæ tota respicit Deum, nec transit ad hæredes utpote personalis, ac tollitur iuramenti relaxatione quæ obtineri potest absque præiudicio tertii, & contractus remanet validus, vel invalidus, sicut erat antea, nullum ei robur tribuens; ita ut relaxato iuramento, qui iuravit agere possit sicut ante iuramentum contra contrahentem: non potest tamen stare iuramento, quia vi illius obligatur ex Religione, ut illo

stans.

stante, si non adimpleat promissum, erit perius contra Deum, licet non iniustus contra proximum. Iuramentum vero firmat contractum, qui iure politico invalidus erat, & rescindibilis; iuramento enim validus fit, & firmatur, ut non sit amplius rescindibilis, ideoque non solum inducit obligationem religionis, sed etiam iustitiae, ut ius tribuat alteri. Quare obtemperatio iuramenti adhuc remanet contractus firmus, ac ideo obligatio iustitiae orta ex contractu factio valido per iuramentum, quae utpote realis transit ad haereditatem, ex *Leg. 8. de periculo & comm. rei vend.* & dispensatio a iuramento non potest repetere datum, sed tantummodo agere in iudicio circa validitatem contractus.

Quando dispensatio a iuramento in contra, si iuramentum.

Ex hoc igitur sequitur duplex discrimen inter ista iuramenta. Primum quod iuramentum validum firmans contractum tolli nequit seu relaxari etiam a Summo Pontifice, nisi ex urgenti, & extraordinaria necessitate, quia talis relaxatio cederet in praedictum tertii propter ius, quod sibi acquisivit, ob quod ius habet in foro externo contra iuramentum. Si vero iuramentum non confirmat contractum, licet validum ipsum maneat, relaxari potest, quia ius nullum, & actio nulla ex ipso acquiritur contra iuramentum. Secundum discrimen est, quod si iuramentum confirmet contractum, obligatio ipsius iuramenti, ut iam diximus, transit ad haereditatem, quia per talem confirmationem fit realis erga eum, cui fuit iuratum: si vero non confirmat, non transit, quia solum fit personalis erga proximum, & realis erga Deum. Hinc si quis iuravit solvere usuras, haec obligatio non transit ad haereditatem, quia erat solum obligatio erga Deum hoc iuramentum, quo confirmatus fuit contractus, & qui iuravit, obtinere potest relaxationem & sic ab omni obligatione relevari, cum usurarius ius nullum, nullamque actionem ex iustitia ratione iuramenti acquisiverit, & si iuras solverit, obtemperat relaxationem, repetere potest, vel eius haereditas, qui, ut diximus, non sunt obnoxii tali iuramento.

Nota 4. iuramentum, si firmet contractum, si non, esse validum, & obligare quando servari valeat sine peccato, & alterius damno ex *cap. 7. & 28. de iurando*, quia id exquirat reverentia erga Deum propter eius interpositam auctoritatem. Dixi *quando servari valeat sine peccato*, quia ut habetur ex *reg. 38. de regulis iuris in 6. non est obligatorium contra bonos mores, praestitum iuramentum*, & est receptum axioma,

iuramentum non esse vinculum iniquitatis; nec quemquam alium cogere posse ad iniuste, & male agendum. His praenotatis fit

Contractus vim, dolum, aliamve iniuriam continens ex parte illius, cui iuratur, non firmatur iuramento, ita ut rescindi nequeat; constat ex variis *cap. 28. de iurando*, in primo quorum praecipit Gregorius III. ut creditores ad iuramenta super usuris sibi solvendis praestita relaxanda ecclesiastica distributione compellantur. Et ratio est quia qui iniuriam alteri intulit, tenetur iure naturae eam reparare, ac eum, quem vi, aut metu ad iurandum impulit, in priorem statum, & libertatem restituere, ac ideo remittere ius, si quid sit ex promissione acquisitum. Quocirca talis non habet ius firmum, ac stabile: nam iuramentum non removet iniuriam acceptam, cum iurans ob iniuriam acceptam petere possit, & consequi iuramenti relaxationem, qua obtemperat omnis obligatio expirat. Unde qui iuravit se soluturum usuras, tamen si solvere eas debeat ob vinculum religionis, quod affert iuramentum *cap. 6. de iurando*, iuramentum tamen non firmat promissionem illam solvendi, nec usurarius ius ullum acquirit erga illas; imo si solutae sint, eas restituere tenetur, ut ex *cit. cap.* Et hoc idem dicendum de promissione, quae ex metu iniuste incusso facta sit latroni.

Si quis vero iuravit non solum aliquid dare usurario, vel latroni, sed ne quidem petere sui iuramenti dispensationem, nec rem datam unquam repetere, docet Tourneleus cum Laymanno & aliis validum esse tale iuramentum, ideoque adimplendum. Et hoc praecipue probant ex *cap. 4. de iis, quae vi, ubi Innocentius III. sic ait: Mandamus, quatenus si Titius ad resignationem confiteris vobis per talem metum fuisse coactum, qui potuerit, & debuisset cadere in constantem virum, non obstante praedicto iuramento, quo non ad repetendum, sed resignandum solummodo tenebatur, praestitam Ecclesiam ei restitui facias*. Igitur secundum Suarezium inferunt cum Gloffa, quod si ecclesiasticus ille iuramento se obligasset ad non repetendum, iam repetere non potuisset, sed stare debuisset suo iuramento: sic ergo dicendum esse quod qui iuravit se non petiturum dispensationem sui iuramenti, nec rem datam repetiturum si ab usurario, si ab latrone, suum iuramentum servare teneatur. Et equidem ait Tourneleus cum aliis laudatis iuramentum servandum est quando servari possit sine dispendio propriae salutis. Unde cum hoc iuramentum de non adeundo iudice ecclesiastico,

De contractu iuramenti, si firmato, quando rescindibilis.

Quando validum sit iuramentum, si iuramentum, si iuramentum, si iuramentum.

Iuramentum servandum sine dispendio salutis.

ficio, vel civili ad petendam ab uno dispensationem a tali iuramento, ad recuperandam per alium pecuniam, iuramento licet vi, ac metu extorto promissam, nullum spirituali animæ salutis præiudicium afferat, observandum est: nullum enim præiudicium affert spirituali salutis hoc iuramentum, ut supponitur (alias esset illicitum, ac ideo fieri non posset) quia nemo dicit nefas esse ad reparandum imminens grave periculum si pollicemur personæ ex qua tale imminet periculum, certam pecuniæ summam, nec unquam æsturos esse apud quemvis iudicem, ut talem summam recuperemus, sive obtemperantes dispensationi iuramenti, quo promissionem firmavimus, sive aliter: ergo ait laudatus auctor, iuramentum esset implendum.

Quid de
iuramen-
to non
denun-
tandi
quia la-
scentia.

Si quis vero intraverit quoque se non denunciaturum crimen, tunc iuramentum docent citati Doctores non obligat in casu, quo iudici id necessarium esse videatur ad publicam, & aliis etiam perniciosam iniuriam averte-
dam. Item si iniuriam passus iuridice postea in iudicio interrogetur, quamvis, ut ibidem docent laudati Theologi, indirecte, & consequenter pecunia, quam vim passus cum iuramento non repetendi solvit, eidem restitui debet. Huic porro decisioni qua parte agit de eo qui iuravit se non repetiturum quod metu, vel vi coactus tradidit, adhærent Theologi quamplures, iuxta quos si non licet repetere, neque etiam dispensationem petere licet ad repetendum, aut non solvendum, quia sic saltem virtualiter repe-
teretur. Ita Tournelcius.

Sed obiciunt patroni contrariæ sententiæ D. Th. qui 2.2. q. 89. art. 3. docet nos posse repetere in iudicio, quod coacti iuramento solvimus, vel denunciare, non obstante quod contra-
rium iuraverimus, quia tale iuramentum verte-
retur in deterierem exitum, & esset contra publicam iustitiam. Ergo &c. Resp. negan-
do consequentiam cum Suarezio, qui hic notat Doctorem Angel. non dicere quod quis repetere possit illud, quod dededit, tamen si non repetiturum iuraverit, sed quod possit Prælato denunciare, licet iuraverit se non denunciaturum, quia hoc vere, id est non denunciare, verteretur in deterierem exitum, & esset contra publicam iustitiam. At iuramentum de numerando & non repetendo pecuniam numeratam præiudicat in iuranti, & in iis quidem, quæ sine dispen-
dii salutis præstare potest. Ita etiam Syl-
vius. Verum cum D. Thomas disiunctive lo-
quatur de repetitione in iudicio rei solutæ, & de denunciatione Prælato, non obstante

contrario iuramento, quia tale iuramentum ob utrumque esset contra publicam iustitiam, hinc responso tum Suarezii, tum Sylvii vi-
detur non solvere argumentum. Unde mihi videtur potius dici posse, quod non obstan-
te hac D. Thomæ doctrina, bona venia tan-
ti Doctores, prævalere debeat supra citatus
canon Innocentii III. vi cuius ipse Suarez
cum Glossa tenet, obligatum iuramento se
non repetiturum repetere non posse, ipsique
suo standum iuramento. Et revera ait cit.
Sylvius ante solutionem posse petere dispen-
sationem, & si solverit, ad repetendum,
quia si iuramentum hoc servaretur non pe-
tendo dispensationem a solvendo, tunc tale
iuramentum reapse esset contra publicam ius-
titiam.

Contractus, qui naturali iure invalidus est, non firmatur iuramento, validum tamen est iuramentum si fiat de re licita. Et ratio primæ partis est, quia iuramentum utpote contractui extrinsecum, non immutat illius naturam, nec supplere potest defectum substan-
tialium, propter quem est irritus iuramentum enim sequitur naturam contractus, cui adhæret ut accessorium secundum pri-
mariam eius rationem, & naturam, quam habet. Unde si contractus per se, & inde-
pendenter a iure positivo irritus sit, aut irritabilis, iuramentum conformatur illius na-
turæ, & ideo illud non firmat. Ita Les-
sius, Lugo. Unde si quis iuret non muta-
re testamentum, licet ob debitum religio-
nis iuramentum implere teneatur, testamen-
tum tamen non firmatur iuramento, quia
ulque ad mortem ex natura sua est revoca-
bile. Ratio vero secundæ partis est, quia,
ut iam dictum est, terties iuramentum im-
pleri debet, quoties sine peccato impleri po-
est ob maiestatis divinæ reverentiam.

Contractus solo iure positivo irritus iuramento non firmatur, quando irritatio facta sit immediate, & principaliter propter com-
mune bonum; firmatur vero, si facta sit
principaliter, & immediate in gratiam boni
privati; & sententia est communis. Non
firmatur iuramento contractus irritus per
ius positivum immediate, & principaliter
ob publicum bonum, quia ius publicum tolli
nequeat ullo privatorum pacto; nullus enim
privatus renunciare potest privilegio con-
cesso in publicum bonum. Tale enim iur-
amentum, si fieret, esset de re illicita, id est
de tollendo bono communi, & inducendo
communi detrimento; & proinde nullum
pariens effectum, seu obligationem; imo il-
licite ageret qui ut staret huic iuramento,
huius-

Contra.
Aus de
natu-
ra
sua inva-
lidos non
firmatur
iuramen-
to.

hulufcemodi contractum impleret. Hinc vim nullam haberet, & illicitum esset iuramentum clerici, qui renunciatis foro suo competenti iuraret se compariturum coram iudice seculari, *cap. diligenti de foro competentis*. Sic non valet iuramentum metu extortum appositum matrimonio metu contracto, vel sponsalibus similiter metu initis. Talia enim matrimonia & sponsalia sunt prohibita ob favorem publicum, quia odia, lites, & pugnae, quibus Reipublicae quies perturbatur, ex illis sequerentur. Et hoc dicto etiam de iuramento, quo quis cogetetur iurare professionem religiosam, aut alia vota metu extorta. Tale enim iuramentum est etiam invalidum, quia vetitum est ob publicum favorem. Ita iuramentum, quo clericus confirmat promissionem sacram concubinæ, cum hoc vetitum sit in favorem publicæ utilitatis, & honestatis. Ita Covarruvias, quem citant hic Salmaticenses. Quod si irritatio facta sit immediate, & principaliter in favorem, & utilitatem privatam contrahentium, tunc dummodo nulla interveniat iniustitia ex parte contrahentis, cui iuratur, ut sentiunt multi, si iuramentum contraeui apponatur, ipsum confirmat, quia quilibet renunciare potest commodum pro se principaliter a lege introducto, dummodo aliunde hoc non prohibeatur, *ex Leg. 59. cod. de episc. & cler.* Et posita tali renuntiatione, qua cedimus nostro privato proprio bono, cui unusquisque utpote ipsius dominus cedere potest, res perinde se habet, ac si non esset ius positivum irritans. Sublato vero iure positivo contractus qui iam natura sua est invariabilis, ac firmus, & ideo per se obligans ex iustitia, dum ei apponitur iuramentum, quia hoc quoque suam religionis obligationem inducit, recuperat contractus obligationem, quam ex iustitia habebat ex se & natura sua, ideoque talis contractus firmatur iuramento, seu quod idem est, duplicem parit obligationem, aliam quidem ex religione, alteram ex iustitia. Iuramentum enim, aiunt hic Salmaticenses, adhaeret contractui secundum se considerato, idest prout præcise a privilegio iuris positivi, cui iurans cedit. Unde cum contractus secundum se consideratur, idest quatenus præcise a iure, sicuti iam dixi, per se validus sit, & invariabilis, obligationemque inducens iustitiæ, quam ab eo ius positivum sejungit, ac tollit, iuramento firmari potest, & firmatum eo magis validus efficitur, cum iuramentum signando confessionem, quam facit iurans favori iurispositivi, sejungit, ac sub-

Inst. Theol. Moral. Tom. III.

trahit contractum ab ipso iure eundem irritante, & ideo invariabilem, firmumque reddit, & obligantem ex iustitia, non secus ac si per legem non fuisset irritus. Salmaticenses, Tournelleius cum aliis.

Insuper tales contractus accedente iuramento transferunt dominium, dantque actionem in foro externo tum ex iure civili *Leg. Sacram. cod. si adversus vendit.* ubi dicitur: *sacramenta puberum sponte facta super contractibus rerum suarum non retractandis, inviolabiliter custodiantur*; tum ex iure Canonico *cap. 2. de pactis in 6. & ex cap. 28. de iureiur.* ubi statuitur contractum, quo uxor consentit in alienationem fundi dotallis, qui iure positivo esset irritus, servandum esse, si accesserit iuramentum sine vi, ac dolo præstitum, & *cap. de pactis in 6.* ubi Bonifacius VIII. statuit ut pactum patris factum a filia, dum nuptui tradebatur, ut dote contenta nullum ad bona paternæ regressum haberet, quamvis hoc improbet lex civilis, si tamen iuramento nec vi, nec dolo præstito firmatum fuerit, ab eadem omnino servari debeat, utpote quod non vergat in æternæ salutis dispendium, nec redundet in alterius detrimentum. Quare cum iura tunc negent ius repetendi, & reclamandi, quod concedunt quando iuramentum metu, vel dolo extortum sit, agnoscunt, tunc ius iustitiæ oriri, & volunt contractum ob iuramenti reverentiam valere. Antoine, Tournelleius.

Si tamen legislator ita irritaret contractum, ut vim nullam habere vellet in conscientia quantumvis contrahentes velint, iuramento non firmabitur; non potest enim subditus derogare potestati, & voluntati legislatoris, & iuramentum, cum sit accessorium contractui, efficere nequit ut valeat id, quod prorsus nullum est.

Actus qui talis est, ut ipse, vel promissio illum ratificandi, vel non revocandi, naturalem inducat obligationem, firmari potest iuramento, tametsi alias iure positivo irritus sit, vel irritabilis, dummodo vis, aut fraus non interceperit. Si vero fraus, vis aut metus interceperit, aut alias nulla naturalis obligatio exurgat ex contractu, utpote qui ob publicum commodum, & utilitatem a iure positivo est reprobatus, iuramentum contractum huiusmodi non confirmat, licet ob reverentiam divinæ maiestatis alias valeat, & impleri debeat. Et ratio præcipua primæ partis est, quia iuramentum tollit beneficium omne iuris, & facti, quibus talis obligatio dissolvi poterat, eo

L

quod

Contra-
ctus na-
tura sua
validus
iuramen-
to magis
firmatur.

Actus
natura-
lem in-
ducens
obligationem
firmatur
iuramento.

quod huiuscemodi contractus erant tantummodo revocabiles, quia a lege dabatur actio ad petendam eorum rescissionem. Hanc vero actionem negant iura, si adhibuitur sit iuramentum ad tales contractus firmandos. In eo volunt invariabiliter servandos esse, cap. cum contingat de iur. iur. eod. tit. in 6. cap. quamvis de pactis eod. l. Sic de Lugo, Sanchez, Suarez, alii. Item licet contractus sit omnino irritus, nullamque pariat obligationem promissio illum non revocandi, inducere potest naturalem obligationem, cum ex nulla lege talis promissio irritetur; & sic si accedat iuramentum firmans promissionem non recedendi a contractu, contractum firmat, ita ut nequeat ille contractus revocari sine iniuria illius, cui facta est promissio, non promissio non revocandi contractum, dat alterius non revocetur. Salmanticenses. Et contractus huiusce generis sunt omnes illi, circa quos in iure confertur potestas illos revocandi: hi enim omnes firmari possunt iuramento, cuiusmodi sunt omnia nuda pacta, contractus minorum de re mobili sine tutoris auctoritate, donatio inter patrem, & filium non emancipatum, inter virum & uxorem, licet aliquin invalida sint, per totum titulum ff. & cap. de donat. inter virum & mulierem. Fideiussio mulieris facta instrumento publico, nam si sine illi, & iuris solemnitate fiat, ne quidem naturalem obligationem inducit, & sic iuramento non firmatur.

Contractus vero, qui alias ne quidem naturalem obligationem inducebat, iuramento non confirmatur, nam cum nulla prorsus extet obligatio, non habet locum illius confirmatio, quia non confirmatur, nisi quod vim habet, vel debilem, vel infirmam. Quando vero non datur ex una parte obligatio, nullum ius datur in altera; unde nulla fit alicui iniuria contractum rescindendo, unde relaxato iuramenti vinculo, rescindi potest talis contractus, & sic illo iuramento non firmatur, licet cum iuramento servari possit sine culpa, propter divinum honorem, & reverentiam servandum sit. Hinc contractus rerum immobilium minorum, aut pupillorum, qui sine iudicis auctoritate celebrantur, neutiquam firmantur iuramento, nec contractus prodigi, cui assignatur curator, nec reliqui contractus, in quibus non observantur substantiales solemnitates a iure statutæ, quia cum omnes hi ipso iure irriti sint, nec obligationem etiam naturalem, & in conscientia inducant, iuramento minime firmari possunt. Sic tandem quilibet alius

contractus, per quem saltem naturalis obligatio non inducitur.

Cum vero præter contractus puros, eos nempe quibus nullum addicatur accidens, nullave conditio, alii dentur, ut iam diximus, qui vocantur non puri, illi scilicet quibus additur aliquid accidens, & in his alii sunt conditionati, alii ad conditionatos accedere videntur; ne quid desit ad plenioris huiusce rei intelligentiam, de his quoque operæ pretium est aliquid dicere, ut dilucideretur quando hi contractus teneant, quando non.

§. XV.

De contractibus non puris, & quasi conditionatis.

Contractuum, qui ad conditionatos accedunt, quatuor sunt classes, nempe ad diem, ad causam, ad modum, ad demonstrationem. Contractus ad diem est ille, qui ad diem certum determinatur, & hic statim parit obligationem, cui tamen non tenetur debitor satisfacere ante præfixum diem. Hinc qui promittit centum nummos die Paschæ solvendo, hic solvere non tenetur, nisi advenerit dies Paschæ. Si vero tempus incertum sit, ut si promiseris certam summam, cum navis ex Indiis venerit, suspenditur consensus, & obligatio, quia huiusmodi contractus resolvitur in conditionalem de futuro contingentem.

Advertas tamen si dies incertus adiectus fuerit promissioni in gratiam solius promissarii, vel legatarii, ut si promittas famulo propter obsequia ab eo tibi præstita centum aureos ei dando, cum matrimonium contraxerit, ne forte ante acceptos male consumeret, nec consensus, nec obligatio suspenditur.

Contractus ad causam dicitur, quando fit contractus ob aliquam causam, ut si detur pecunia alicui, quia est pauper, vel cognatus. Causa autem duplex est, alia finalis, alia impulsiva. Finalis est, quæ ita movet disponentem, ut sine ea non disposuisset. Impulsiva vero, quæ ita impellit ad disponentem, ut ea non subsistente adhuc fuisset ista dispositio, v. g. das elemosynam petenti quia pauper est, & nisi pauper esset non dares; Ecce causa finalis; das ei quia revera pauper est, sed insuper dicit se tuum esse consanguineum, cum tamen non sit; Si nihilominus dedisses ob pauperatam, quamvis non ita prompte, consanguinitas esset causa impulsiva.

Con-

Contractus ad diem.

Contractus ad causam.

Contractus non confirmatur de iure, non firmitur.

Contractus ad causam non valet, si causa, quæ finalis est, non subsistat. Valet vero etiam si non subsistat causa impulsiva. Et quoad primum ratio est, quia causa finalis ita movet contrahentem, ut sine ea actu ac de facto disponere nolit. Unde in eo, qui ita contrahit, aut disponit, non est voluntas dandi, vel disponendi, nisi sub conditione, si causa finalis subsistat, & sublata causa volendi, non est voluntas. Quare res, quæ data est ob talem causam, retineri nequit. Quoad alterum vero, ratio est quia dispositio non fit sub conditione illius, & subsistente principali, aut finali motivo volendi, subsistit dispositio. Nam causa impulsiva movet quidem ad aliquid faciendum promptiori animo, sed ita tamen ut res adhuc in se sit volita, tametsi hæc causa deficiat, ut patet exemplo iam allato de dante elemosynam petenti vere pauperi, promptius tamen quia se dicit eius consanguineum. In dubio vero præsumitur causam fuisse tantum impulsivam, quando disponens intendebat favere, & commodum præstare ei, pro quo disponit.

Notandum tamen donationem aliquando certis de causis fieri, quæ non impediunt quinominus ea valida sit, & absoluta. Sic si quid dederis Caio, ut tibi certum favorem præstet, valet donatio, licet Caius tibi non faveat, quamvis si hoc prævidisses, non fuisset daturus, quia cum donatio principaliter tunc facta sit ad alliciendum animum, non vero ab obligandum, causa finalis subsistit, & tunc donatio valida est. Nam tacita conditio facere nequit contractum irritum, alias nullus fere contractus validus esset, cum vix aliquis reperiri, qui si omnia futura contingentia prævideret, vellet consentire. Epilcopus v. g. nec ordinaret, nec beneficium conferret, si sciret clericum, quem promoveat, pietatis officia desititurum.

Contractus ad modum, seu sub modo ille est cui additur modus sub quo talis contractus obliget, ut si quis alicui cupienti promoveri ad Doctoratum dicat, do tibi centum nummos, ut expensas ad Doctoratum capessendum necessarias sustinere queas. Contractus ad modum obligat statim, & non est irritus, etiam si modus non impleatur, nisi appositus sit sub annulatione donationis, vel legati; ut si quis legaverit certam summam, ut Missæ celebrarentur, hæredes legantis non possunt rei legatæ possessionem sibi vindicare, eo prætextu quod non servetur modus, sed tantum habent ius ad cogendum legatum, ut Missas celebret, aut euret cele-

brari, quia modus dispositionem in genere suo perfectam supponit, ac eam consequitur, non autem illam suspendit, & in hoc differt a conditione. Modus enim est onus quoddam adiectum dispositioni, quo alter gravatur ad aliquid præstandum; obligatio est tamen gravis ex iustitia modum talem præstandi.

Advertas modum aliquando exprimi per verba conditionalia, quæ videntur conditionem importare, sed re ipsa non important, ut in allato exemplo de eo, qui legavit centum nummos, ut post eius mortem certus Missarum numerus celebraretur. Tametsi huiusmodi legatum exprimitur per verba conditionata, explicari tamen nequit tanquam modale. Verum quando dubitatur de intentione contrahentis, nec certo iudicari potest an ipsius verba importent conditionem, aut modum, interpretandum est importare conditionem, ex *Leg. a testatore ff. de conditionibus & demonstrationibus*.

Contractus ad demonstrationem ille est cum apponitur signum aliquid ad rem, vel personam ostendendam, puta donat quis centum nummos reconditos in tali arca, vel qui ipsi debentur a Caio. Circa huiusmodi contractus in praxi nonnullæ occurrunt difficultates, quas hic explanare operæ pretium est. Si error, vel falsitas occurrat in demonstratione circa substantiam, nullus sane est consensus, nec contractus, secus si sit solum in accidentibus. Utrique pars constat ex iam dictis, ubi de errore occurrente in contractibus actum est. Hinc si quis legat centum aureos, quos vel Paulus ipsi debet, vel repositos habet in tali arca; in suppositione quod Paulus nihil ei debeat, vel in tali arca nulla exeat pecunia, legatum nullum est, cum error ille versetur circa rei substantiam. Si vero Paulus debeat tantum viginti, vel pars summæ sit in arca demonstrata, legatum tenet, quia error est solummodo in accidente. Si autem quis dicat, lego Paulo aureos decem, quos mihi debet, cum ei debeat centum, num omnes centum aurei intelligendi sunt, attendendum est num demonstratio apposita sit cum expressione numeri, & tunc quantitas solum talis numeri consequenda est a legatario, vel donatario, & non plus, cum tunc constet mentem legantis, vel donantis fuisse, ut non plus tali personæ donaretur; vel demonstratio apposita est demonstrative tantum, & tunc totum debetur quod demonstratum est.

Ad dignoscendum vero num taxare solum,

L 2 vel

Contra-
ctus ad
demon-
strationem.

vel demonstrative apponatur demonstratio, hæc regula præscribi solet, videlicet quando incipit dispositio a numero, vel mensura, demonstratio apponitur taxate. Unde si quis dixerit, dono, vel lego Caio 100. aureos reconditos in tali arca, vel 50. iugera talis prædii, aurei 100. & 50. iugera ei debentur. Si autem dispositio incipiat a re ipsa, quæ datur, seu legatur, demonstratio apponitur demonstrative, ut si dixerit, do pecuniam, quæ est in tali arca, & constat ex aureis 100. vel tale prædium quod constat 50. iugeribus, tunc dandum est quicquid arca nummorum habeat, & ager iugerum, etiam si aurei essent pluraquam 100. & iugera pluraquam 50.

De contractibus alternati-
vis.

Si contractus sit alternativus, seu sub dis-
iunctione, ut dignoscatur quid in utroque
casu agendum sit, videndum si disunctio ca-
dat in res diversæ speciei, v. g. si dicam,
promitto tibi bovem vel equum, ambæ spec-
ies manent sub obligatione, sed disunctive
pro arbitrio promittentis ex *Leg. 10. cap. de
iure dotum reg. 70. iuris in 6. ubi sic: in
alternativis debitoris est electio, & sufficit al-
terum adimpleri*. Una autem perente pro-
missor dare tenetur quæ superest, nec suffi-
cit dare pretium rei destructæ, dummodo
creditoris culpa non perierit. Si vero al-
ternativa detur in rebus eiusdem speciei, seu
quæ differunt solum secundum plus & mi-
nus, v. g. 100. vel 50. aureos, aut secun-
dum tempus, v. g. post annum, vel bien-
nium, debetur solium, quod minus est *Leg.
309. §. de verbor. significat.*

§. XVI.

De obligatione contractus conditionalis.

Conditio,
num di-
versitas.

Nota 1. condiciones alias esse de præteri-
to, alias de præteriti, & alias de futuro; &
hæc postrema præcipue intelligitur nomine
conditionalis. Nam alias rigorose loquendo,
non sunt, nec possunt dici vere conditiones,
quia non suspendunt contractum usque ad
adventum conditionis, sed illum absolutum
faciunt, aut validum, vel invalidum, qua-
tenus conditio vere est, aut fuit, vel non;
& ideo reddunt contractum conditionatum.
Conditio iterum alia est impossibilis, ut pro-
mitti tibi mille aureos, si cælum manu te-
rigeris, alia necessaria vel ab intrinseco, ut
si Deus existat, vel ab extrinseco, a libero
posito Dei decreto, ut si futurum sit ge-
nerale iudicium; alia contingens, quæ vel
pendet ab eo, cui imponitur, ut promitto
tibi Villam, si hoc anno nupleris, & dicitur

potestativa, vel non est in eius potestate,
ut promitto tibi equum, si Itali Germanos
vicerint, & dicitur casualis; vel partim est
in eius potestate, & partim non, & dicitur
mixta, ut promitto tibi 20. aureos, si mihi
Paulum amicum reddas. Tandem conditio
alia est honesta, alia turpis, alia indiffe-
rens.

Nora 2. quando conditio consumatur, seu
impletur, dicitur purificari, & contractus
conditionatus dicitur fieri purus, atque ex
conditionato transire in absolutum.

Contractus sub conditione de præteriti,
vel præterito hic, & nunc validus est,
vel invalidus, obligat vel non obligat pro-
ut hic vel nunc conditio apposta est, vel
non; est communis iuxta regulam 37. §. *de
reb. cred.* quia talis contractus valor, aut
nullitas pendet ab actuali existentia, aut
præterita huius conditionis, a cuius positione
ita pendet consensus, ac eius alligatus, ut
sine illa censeri nequeat dari consensus.
Unde posita tali conditione, cum tunc ha-
beat consensus disponens, qui non est
amplius suspensus, contractus, seu dispositio
conditionata transit in absolutam, utpote
quæ eidem æquivalet. Hoc idem sentiunt
Doctores, si conditio sit de eo, quod ne-
cessario est futurum ex *Leg. 9. §. de donat.* quia
conditio de eo, quod necessario futurum est,
propter certitudinem eventus æquivalet con-
ditioni de re præteriti: *talia futura*, ait S.
Thomas in 4. dist. 29. art. 3. *tam sunt præ-
sentia in suis causis*. Nam cum in præsen-
ti verum sit quod hoc sit futurum, idcirco
conditio reputatur præteriti, ut si dicam do,
aut vendo tibi, si es mortuus, si Sol eras
oriatur. Quod si conditio de præteriti, vel
de præterito non est, nec fuit posita, ut
communiter docent Doctores, non valet con-
tractus, *Instit. de verb. obligat* quia non
præbetur consensus, nisi dependenter a po-
sitione illius conditionis, quæ contractui vel
dispositioni est apposta; & sine consensu
nullus est contractus, & dispositio. Hinc
conditione non posita nulla est hæc donatio,
puta dono tibi hanc domum, si fideliter
negotia mea gesseris, non potes domum
consequi, nisi a te posita sit hæc conditio,
nempe quod negotia mea fideliter gesseris.

Conditio honesta, & possibilis de contin-
genti futuro libero ordinare suspendit con-
tractum, ita ut non obliget ad implendam
promissionem factam sub tali conditione,
antequam hæc purificetur, seu impleatur,
ita ut tunc solum incipiat contractus valere,
dum conditio ponitur; contrahentes enim
sic

Conditio
de præter-
ito, vel
præteriti
posita
trahit
contra.
suum van-
lidum

Quando
conditio
licita &
possibilis
de con-
tingenti
futuro
suspendit
dum con-
tractus
incipit
valere

fic solent esse animo affecti, ut pendente conditione suspendant quoque consensum suum. Non possunt tamen contrahentes resilire a contractu ante tempus prænitum, sed expectare tenentur conditionis eventum. Conventio enim ad hoc statim obligat absolute, & in hoc omnes videntur convenire, ut notat de Lugo. Be si ille, qui sub tali conditione promittit, conditionis impletionem impedit, adhuc alteri obligatus manet ex *Leg. 82. & ex reg. 66. iuris in 6. cum non fiat per eum, ad quem pertinet quo minus conditio impleatur, haberi debet perinde ac si impleta fuisset.* Videndum tamen an qui conditionem apposuit, circa eam liber non remaneat. Nam si promittenti Titio aureos centum si nubam, non tenebor ad nubendum, ut ille promissam summam consequatur, nisi forte spondidissem ut mihi sponsam procuraret. Dixi *ordinarie suspendit*, quia fieri potest, ut etiam contractum non suspendat, puta si contrahentes communi consensu velint, ut contractus ab initio valeat supposito quod ponenda sit conditio, sive supposita huius veritate, *conditio erit.* Talis tamen contractus ab initio ex hypothesei validus, tamen expectandus sit conditionis eventus, hunc fortiterur effectum, quod posita conditione contractus ille deberet retrorahi ad tempus, quo fuit initus. Proinde si ita alicui sub conditione contingenti agrum tuum donasses, & post quinquennium tantum adimpleretur conditio, fructus toto illo tempore nati non deberentur tibi, sed donatario, cum ipse supponatur ab initio fuisse dominus agri.

Contractus sub conditione de futuro contingenti initus statim valet sine novo consensu quando ponitur conditio. Cum enim valor contractus, ut dictum est, a contrahentium consensu dependeat, ubi iste consensus ultra non suspenditur, non suspenditur etiam valor contractus: at vero ubi contractus ponitur, nulla est ratio, ob quam suspendatur consensus.

Igitur posita conditione contractus conditionatus sine ulteriori consensu statim transit de conditionato in absolutum, & absolute obligat absque eo quod novus præstetur consensus. Ita satis communiter Doctores, ex *Leg. 11. §. qui potiores in pign. & ex Leg. 7. de contractu empti. ubi conditionales venditiones tunc perficiuntur, cum impleta fuerit conditio.* Hic autem nullam novi consensus facit mentionem.

In contractu tamen matrimonii, aliove, *Instit. Theol. Moral. Tom. III.*

qui non perficiuntur solo consensu, sed etiam traditione, si ante conditionem impletam consensus revocatus sit, non erunt validi sine novo consensu. Nam fieri nequit traditio sine eius consensu, qui rem tradere debet, & cum consensus revocatus sit, antequam conditio impleatur, iam non amplius moraliter permanet.

Conditio, si purificata, seu posita non fuerit tempore præsignato, contractus non amplius obligat, cum contrahens sub tali conditione non intendat se obligare, & disponere, nisi posita sit conditio in circumstantiis mutuo consentis. Dispositio vero pendens ex libera hominum voluntate non aliter obligat, quam disponens vult. Aliqui excipiunt in hac sententia contractum matrimonii, quia ex natura sua est perpetuus, & semel valide contractus non potest amplius rescindi, quod tamen dici nequit de matrimonio inito sub conditione de futuro contingenti, quando potest adhuc rescindi. Nam si qui ita contraxit ante conditionis eventum, aliam ducat, hic secundus contractus est validus. Igitur primus consensus conditionalis ad prius matrimonium præstitus non sufficit; ideoque posita conditione opus est ut renovetur. Hinc Concilium Florent. requirit in matrimonio consensum de presenti. Idcirco iuxta regulam huiusce Concilii non sufficit consensus de futuro, idest a futura conditione dependens. Hæc tamen opinio a multis impugnatur.

Sola vero conditio expressa reddit contractum, ac dispositionem conditionalem, non vero conditio, quæ tacta est, & quæ est intrinseca contractui, ex *Leg. 99. §. de condit. & demonstrat.* Unde conditio tacita non suspendit obligationem. Sic P. Antoine cum aliis.

Contractus vero sub conditione impossibili, aut turpi initus iure naturali invalidus est, quando conditio turpis apponatur ut obligatoria. Nam cum validitas huiusce contractus iuxta intentionem contrahentium pendeat a tali conditione, si conditio esset impossibilis physice, vel moraliter, idest quod non possit, aut non debeat poni, certe contractus huiusmodi est per se nullus, & dicendum ita contrahentes potius iocari, quam vere contrahere, dum contractui apponunt conditionem, quam sciunt poni non posse. Quocirca valere non potest contractus sub conditione, quæ eum destruit; quia cum conditio ad valorem contractus præscripta debeat esse obligatoria, & nemo obligari queat ad id, quod vel ut prorsus vires suas

Contra.
Quæ sub
conditio.
re turpi
est iura,
nullus.

excedens, vel ob eius turpitudinem ut illicitum fieri nequeat, sequitur ad evidentiam contractum initum sub conditione siue physice, siue moraliter impossibili ab ipsa conditione destrui, nullumque reddi. Idemque dicito, si conditio adverteretur substantiæ contractus utpote inspectis substantialem consensum in ipsius contractum. Sic communi-ter Doctores.

Quando
conditio-
nes im-
possibi-
les habentur
pro
non ad-
iecta.

Dixi iure naturali, quia iure positivo in contractu nuptiarum, & in ultimis voluntatibus conditiones impossibiles, aut turpes habentur pro non adiectis. Dicit enim Gregorius IX. *cap. ult. de condit. apposit.* conditiones appositæ in matrimonio, si turpes, aut impossibiles fuerint, debent propter eius favorem pro non adiectis haberi. Igitur illæ non obstant quævis matrimonium validum sit secundum fori externi præsumptionem, dum hoc supponit huiusmodi conditiones serio non apponi.

Quod si conditio turpis, vel impossibilis esset contra substantiam matrimonii, declaravit idem Summus Pontifex in sua Decretali tale matrimonium invalidum, & nullum; quia in tali casu deesset voluntas etiam implicita revera illud contrahendi. Et enim non potest quis velle efficere verum matrimonium, & simul aliquid velle, quod illud destruit, sicuti esset impossibilis conditio circa eius substantiam, puta si quis contraheret matrimonium cum conditione, quod pro libitu suo illud dissolvere posset; & hæc habetur in matrimonio ad instar conditionis veræ, & proprie dictæ, & a qua efficacia consensus dependeat, ad differentiam aliarum conditionum, quæ, ut diximus, habentur pro non adiectis, idest tanquam non serio appositis, sed quasi iocose, & extra contractum; vel instar modi, ut vocant, siue per modum alicuius gravaminis, pactique distincti supra contractum iam initum posterius adiecti; & hoc significat conditionem haberi pro non adiecta.

Dixi huiusmodi conditiones impossibiles haberi pro non adiectis etiam in ultimis voluntatibus, seu legatis & donationibus causæ mortis. Nam in his etiam ex iuris dispositione pro non adiectis habentur, & dispositio testatoris absoluta manet, & valida, ex Leg. 1.6. & 14. §. de condit. & ex Inst. de hered. insti. §. 10. Et ratio discriminis inter alios contractus, & testamentum est, quia in aliis contractibus, qui conditionem impossibilem adiciunt, contrahere velle non creduntur, sed potius iocari, vel insanire, Leg. 31. si. de obligat. & action. In ultimis

vero voluntatibus conditio impossibilis apponitur habetur pro non scripta, sed quasi testatori exciderit vitio lingue, aut mendo scripturæ, quia nemo de morte cogitans ludere censendus est, Leg. 3. de condit. & demonstrat. Unde si quis legatum faciat alicui virgini sub conditione, si non nupserit, hæc conditio habetur pro non adiecta, ex cit. §. de condit. & demonstrat. Unde valet legatum factum, etiam si ea nubat, quia huiusmodi conditio censetur minus honesta, quatenus impedit libertatem matrimonii, ac proinde in illius favorem ita statuere iura, ut humanum genus propagetur, & res publica augeatur. Iure antiquo id verum erat etiam respectu viduæ, sed iure novo si nupserit vidua, legatum est irritum, nam licet secundæ nuptiæ sint licitæ, ius tamen vidui non facit, sicut virginibus, & revera aliquando interest familiæ, si vidua non nubat. Si legatum sit sub conditione quod legatarius nubat, & tamen Religionem ingressus est, valet legatum, quia conditio matrimonii tunc non est honesta, quatenus prohibet maius bonum, scilicet ingressum Religionis, ideoque habetur pro non adiecta, ex Authent. de sanctis. Episc. Si vero legati conditio expressa esset his verbis: lego centum ad puellas collocandas in matrimonium, legatum non est convertendum ad moniales dotandas, quia voluntas testatoris satis expressa observanda est. Ita hic Habertus. Si vero factum fuerit legatum determinatæ mulieri, si nupserit, et tradendum est, licet religionem ingrediatur. Ita P. Antoine. Si vero legatum factum sit sub hac conditione, si legatarius uxorem extranei famula non ducat, irritatur legatum, non impleta tali conditione, quia honesta est. Hæc autem legum civilium, & canonicarum dispositio valet etiam in foro interno conscientie, in quo nisi evidenter constet, merito præsumitur hominem in materia tanti momenti, qualis est matrimonium, & testamentum, nugari voluisse faciendo actum irritum.

Conditio distractiva contractus, si consensus non destruat, censetur pro non adiecta, ac ideo contractus non irritatur, sed manet validus, ut si quis in testamento promittat se illud non revocaturum, quod est contra testamenti naturam, valet testamentum. Si vero destruat consensum, ut si quis contrahat matrimonium ea conditione, quod si Maria iam nupta vidua fiat, poterit illam ducere priore relicta, nullum est matrimonium.

De con-
ditione
distrac-
tiva.

Nota, contractum validum fieri ex fictione iuris nihil aliud esse quam quod iura fingant, sive ex rationabili causa præsumant alicui contractui nihil deesse ex iis; quæ ad eius valorem necessaria sunt.

CAPUT II.

De Contractibus in specie.

Tanta est contractuum copia, & diversitas, ut non minus amplam, quam salebrosam percurrere debeamus provinciam; de singulis eorum speciebus disceptando; tot tantisque occurrentes graves difficultates, quibus huiusmodi materia est involuta, dissolvendo; unde ad hoc ut in re tam perdifficili meliori, ac clariori modo, quo fieri potest; procedatur, prius elucidabimus quæ pertinent ad contractus onerosos, qui magis proprie rationem habent contractus, ac maiorem contractuum varietatem negotiorumque continent, ut postea gratuitos expendamus. Ex contractibus autem onerosis alii dominium transferunt, ut permutatio, & venditio, alii retento rei dominio usum dumtaxat, vel usufructum conferunt, ut locatio, emphyteusis. Dominium autem tripliciter per contractus onerosos transferri potest; nempe dando rem pro re, v. g. vinum pro oleo, & talis contractus dicitur permutatio; dando pecuniam pro pecunia, ut argentum pro anro; vel monetam venetam pro germanica, & dicitur cambium, aut mutuum, aut rem dando pro pecunia, & vocatur venditio, vel pecuniam pro re, & est emptio. Ab hac postrema specie contractus onerosi exordiemur:

§. I.

De emptione, & venditione.

Emptio & venditio a quo nisi in hac dicitur. Origō emendi, & vendendi, ut ex Leg. 1. ff. de contrahenda emptione derivata est a permutationibus, a quibus cæpit contractus emendi, & vendendi. Olim enim non erat nutrimus, nec aliud merx, aliud pretium vocabatur, sed unusquisque secundum necessitatem temporum, aut rerum utilibus inutilia permutabat, quando, ut plerumque evenit, quod alteri supererat, alteri deerat. Sed quia non semper ac facile concurrebat, ut cum tu haberes quod ego desiderarem, invicem ego haberem quod tu accipere velles, electa est materia, cuius publica, ac perpetua æstinatio difficultatibus permuta-

tionum æqualitate quantitatis subveniret; unde cæpit contractus, qui nunc venditio, & emptio appellatur.

Emptio, & venditio, licet duæ diversæ actiones sint, diversosque habeant effectus, diversa ad invicem transferentes dominia, cum emptor commutet cum venditore dominium pecuniæ, hoc in eum transferens pro re, seu merce, quam ab ipso accipit; venditor vero commutet dominium rei cum emptore pro pecunia; quia tamen ita sunt simul vicissim coniuncta, ut una mutuo alteram includat; ac connoret, cum dari nequeat, ac intelligi emptio sine venditione, nec venditio sine emptione, ut realiter utraque non sit nisi unus mutui contractus; hinc cum integro amborum sensu ita simul definiti possunt emptio, & venditio est contractus mutuo consensu initus, ultro citroque obligatorius, de determinata merce pro determinato pretio, & e contra de determinato pretio pro determinata merce tradenda. Est in re communis, Leg. 1. ff. de contrahenda emptione & venditio. Unde patet quod si emptio, & venditio seu iunctim accipiantur, emptio est pactio pretii determinati pro merce, venditio est pactio mercis dandæ pro pretio determinato. Dicitur generali definitione contractus mutuo consensu initus, quia ad essentiam contractus, ut diximus, requiritur mutui consensus partium exterioris significatus, quo mutuo partes se obligant, & hic contractus aliquo sensu perficitur solo partium consensu signis externis manifestato, aliquando vero hoc solo non perficitur complete, nisi traditione rei. Prima pars habetur Instit. lib. 3. tit. 24.

emptio & venditio contrahitur simul ac de pretio convenerit, quodvis nondum pretium numeratum sit, ac ne arrha quidem data sit. Idemque repetitur Leg. 3. ubi emptio & venditio effici dicitur simul atque de pretio convenerint, cum sine scriptura res agitur. Unde ex his contractus venditionis efficitur substantialiter in genere contractus solo partium consensu exterioris expresso. Duo tamen hic noranda sunt.

Primum, si contractus venditionis a notario scribi debeat, non erit obligatorius antequam ab eo scriptus sit, & contrahentium subscriptione munitus. Unde: donec confectum est venditionis instrumentum, liberum est contrahentibus resiliire. Secundum, si emptor rem gustare, probare, aut videre velit, licet de pretio conventum sit, venditio adhuc non obligat, nisi postquam res, puta vinum degustatum sit. Gustus enim ad hoc

De emptione
emptio.
a. i. &
vendi-
tionis.

hoc proficit, ut improbare liceat, Leg. 34. §. de contractu empti.

Altero vero pars, nempe quod venditio complete non perficiatur nisi traditione rei, constat ex iure Leg. 20. cod. de pactis, ubi traditionibus, & utrapionibus dominia rerum non nudis pactis transferuntur. Unde patet ex traditione non sequi in emptore dominium, nisi post rei traditionem, ita ut ante traditionem habeat quidem emptor ius personale ad rem, non vero ius in re, quod indicat contractum aliquo sensu esse imperfectum, & hoc etiam Leg. 9. §. de publ. in rem act. statuitur rem duobus bona fide euentibus, venditionem eius esse, cui priori tradita est, licet alter ante eum emerit. Si enim venditio omnino perfecta esset ex solo partium consensu, res non posset esse illius qui primo tradita est, cum iam antea ab alio empti fuit, quia tunc traderetur posteriori emptori, quod perfecte bonumerat alterius. In hoc tamen standum est locorum consuetudinibus, vi quarum sita quadam traditione dominium rei mobilis transit in emptorem, statim ac confectum est venditionis instrumentum.

Obligatio
emptonis
est & ven-
ditricis.

Dicitur secundo *ultra citroque obligatorius*, quia uterque contrahentium ex tali contractu obligatur, emptor quidem ad tradendum pretium conventum, venditor vero ad tradendam mercem venditam Leg. exempto 11. §. 1. §. de act. empt. & Inst. lib. 3. tit. 24. ita ut simul ac de pretio conveniunt, absolute loquendo neuter resiliere possit altero invito etiam non facta traditione, Leg. 3. cod. de rescind. vendit. quia pacta obligant in conscientia, ut habetur in cit. Leg. exempto, ubi sic: Cum nihil magis bonae fidei congruat quam id prestare quod inter contrahentes actum est. Dicitur tertio *de determinata merce pro determinato pretio*, & *e contra*. Nam ad hoc ut valeat emptio, & venditio, oportet ut determinata merces pro determinato pretio vendatur, & ematur, alias nullus esset contractus, Leg. persape 35. §. 1. de contrahenda emptione; & res in tali casu perit, aut accrescit venditori, ut si quis vendidit indeterminatas decem oves ex toto grege, vel decem iugera in suo fundo, si haec perirent, vel fructificarent, perirent & fructificarent venditori. Venditio enim quomodo res determinata non est, censetur conditionalis, quae perfecta non est nisi impleta conditione. Hinc sicut non tenebatur venditor has oves, vel haec iugera determinate dare emptori, ita si quid sit in his exoluenti, aut detrimenti, ad ipsum solum spectat.

Num vero arrha cum datur liceat resiliere cum sola illius iactura, hoc pendet, ait de Lugo, ex consuetudine, quae cum sit optima lex, contrahentium intentionem optime declarat, quia si usus esset, ut cum sola iactura arrhae impune recedant, ea solum videtur intentio; alias arrha data censetur ad solam securitatem obligationis contractus etiam ex parte dantis, qui eam implere teneatur.

Iustitia utriusque horum contractuum consistit in aequali valore mercis, & pretii, nempe ut res tantum valeat, & non plus vendatur, & tantum, & non minus pro ea reddatur pretium, quantum valor eius importat.

Nota cum res venditur, censetur cum ea vendi id omne quod est pars illius, vel cum ea adnexum, & cum ea accessorium, nisi expresse excipiat. Sic fundo empto arbores quoque in eo consistae, & fructus pendentes venduntur, quia fructus rei coherentes censentur pars illius, Leg. 44. §. de rei vendit. secus vero de fructibus avulsis.

Nemo cogi potest privata autoritate ad rem suam vendendam, ut patet ex definitione domini, quod est facultas disponendi de re sua ut libet. Hinc iniustitiae arguitur Achab rex Israel 3. Regum 21. quod cogere voluerit Naboth ad vineam suam vendendam. Potest tamen cogi autoritate publica ob publicam necessitatem, vel utilitatem, ut si fundus privati necessarius sit ad constructionem Templi, ampliationem urbis, aut viarum publicarum.

Nemo cogi potest privata auctoritate ut rem suam vendat.

§. II.

De iis qui possunt vendere, & emere.

Ex iis, quae iam antea dicta sunt de contractibus in genere, manifeste colligitur qui sint qui vendere possunt, & emere, cum idem sit posse facere contractus, ac emptiones facere, & venditiones, quae sunt praecipuae species contractus. Unde omnes, ut iam diximus, qui lege non prohibentur contrahere, hi omnes pariter emere possunt, & vendere. Communis est, ac certa cap. iam nunc 8. causa 28. q. 1. cap. 7. de procurat. in 6.

Omnes valentes contra. hinc e. mere possunt, & vendit. re.

Advertendum tamen quod licet concessum sit & clericis in particulari, & Religiosis in communi eo suam, vel suorum necessitatem emere, & vendere, hoc tamen iis non permittitur solius lucri gratia, & negotiacionis cum clericis tum saecularibus tum Regularibus interdum sit negotiari, ut alias dicemus.

mus. Cæterum eum iam compertum sit quinam vendere possint, & emere, videtur ulterius super re hac non immorandum.

§. III.

De re vendibili.

Ex iis, quæ supra iam diximus de causa materiali contractus, manifestissime patet omnia quæcumque, quorum quis dominium habet, & liberam administrationem, & quæ pretio sunt æstimabilia, vendi posse, nisi forsitan venditio ob aliquam specialem iuris prohibitionem invalida fiat, vel illicita. Quare vendi possunt non quidem res spirituales, aut hiæ adnexæ, ut Sacramenta, sacra ministeria, beneficia, iurpatronatus, olea sancta, reliquæ &c. sed res corporeæ, & incorporeæ omnes, actiones, & bona tum præsentia, tum futura. Et licet omnia donari nequeant, ne quis intestatus maneat, omnia tamen vendi possunt, quia omnia vendens de pretio tessari potest. Licite hæres potest totam etiam hæreditatem vendere, vel illius partem morte testatoris secunda. Nam si antea venderit, statutum est *Leg. 1. de hæredit. vel auct. nihil esse auct.*, tum quia in rerum natura non fit quod venerit, tum quia esset periculum ne emptor vitæ infidetur illius, cuius hæreditatem emit; imo præter nullitatem contractus, venditor talis hæreditatis ipsa privaretur, (post tamen sententiam iudicis, notant Salmanticenses), & applicaretur filio *Leg. 2. de iis quibus ut in lignis*. Valeret tamen venditio, si hoc innolesceret testatori, *Leg. ult. cod. de pastis*. Item vendi potest res publica, forum, platea, a Principe, qui dominium habet, non autem a privata persona, ita ut non valeret venditio, licet facta tempore, quo bona huiusmodi erant privatæ personæ, *Leg. domum 56. ff. de contrah. empt. & 58. §. 1.*

Nam vero licite vendi possunt ea, quæ involvere queant ad malum usum, ad hanc solvendam difficultatem notandum est quædam esse ex se ita mala, & ad malum usum determinata, ut involvere non valeant, in usum bonum, aut indifferentem, ut maleficium, annulli, quibus dæmonia alligata sunt, libelli infamatorii, &c. quædam vero esse absolute indifferentia, ut arma offensiva, chartæ lutoræ, fucus, idola quibus ut Gentiles ad cultum, sic alii ad ornatum illis uti possunt. Sed hæc, quæ sunt absolute indifferentia, sunt respective mala, ut idolum respectu Gentilium, arma respectu illius, qui

omni studio inimicum insequitur. Hiæc præmissis sit

Res per se malæ, ac ad malum usum destinatæ, licite, idest sine culpa mortali vendi non possunt, quia hæc vendentes præbent aliis occasionem peccandi, ut ait S. Th. 2. 2. quæst. 169. art. 2. ad 4. Hinc graviter peccant, qui libellos famulos, turpes componunt, publicos reddunt, ac vendunt, iuxta canonem 32. Concilii Eliberitani, idemque intellige de cantilenis adversus proximi famam concinnatis, de libris hæreticorum, nisi vendant iis, quibus est concessa licentia eos legendi, aliisve qui iidem non male usuri dignoscuntur.

Res, quæ sunt indifferentes, quibus emptores possunt bene, vel male uti, vendi nequeunt sine gravi culpa, quando verisimiliter his creduntur abusuri, quia qui hæc vendit, alterius peccato cooperatur.

Fuco autem eum mulieres uti valeant, & ad finem & in usum non mortaliter malum, qui hunc vendit iis, quæ videantur usuræ in usum mortaliter malum, mortaliter delinquit; secus vero solum veniahter: *Non semper*, ait S. Th. ubi supra ad 2. *talis fucatio est cum peccato mortali; sed solum quando fit propter lasciviam, & in contemptum Dei*. Quare sequitur res indifferentes, vel quæ quavis malæ sint, aliis admixtæ humanis usibus involvere possunt, ut quædam venena in medicamentorum compositionem, licite vendi posse iis, quos non constat iidem male usuros. Hoc malum sine causa præsumere non debet venditor. Ita communiter Doctores. Cavendum tamen id venditori, ne nimio amore quæstus id non videat, quod præter ipsum cæteri vident.

Vendi nequit res aliena, talis enim venditio est prorsus invalida, quia rem alienam vendens non potest transferre eius dominium in emptorem, sicut ad venditionis contractum requiritur. Talis enim venditor transferre nequit in emptorem plus iuris quam ipse habet. Unde cum non sit dominus rei alienæ, huiusce dominium emptori conferre nequit, ac proinde res semper aliena manet, & per verum dominum evinci potest, idest cogere potest ad eius restitutionem quemcumque illam possideat. Hæc tamen venditio valida est quoad translationem domini pecuniæ in venditorem. Hoc patet ex *Leg. 28. & 34. §. item si emptor ff. de contrah. vendit.* & hoc præcipue ex *Leg. 48. §. ult. ff. de furtis, nummus qui educitur est pretio rei furtivæ, non est furtivus; & ratio est, quia licet venditor rei alienæ, quia huiusce*

Res indifferentes, uti usus quando venditur, quædam.

Vendi nequit res aliena.

Quare omnia vendi, non vero donari possunt.

De venditione interfectum ad malum usum.

rei non est dominus, non transferat dominium ipsius in emptorem, cum emptor contra dominum sit pecunie, quam pro re tribuit venditori, potest in hunc transferre dominium ipsius pecunie. Verum tamen est, dominium, quod venditor acquirere dicitur ex legibus in pecuniam, esse valde infirmum. Nam si res vendita evincatur, idest si iudicis auctoritate a suo proprio, veroque domino recuperetur, tenebitur venditor de evictione, & obligatus remanebit, ut vel rem faciat esse emptoris, aut cum ipsa totum interesse lucri cessantis, & damni emergentis restituat.

Quia obligatio venditoris rei in alienam bona est.

Si quis autem bona fide rem alienam vendiderit, idest putans invincibiliter esse suam, non tenetur restituere pretium nisi in quantum factus est ditior, neque damnum refarcire, utpote qui non fuerit iniqua, seu iniusta eius causa, & quoad hoc nec venditor malæ fidei tenetur, si emptor sciens, & volens rem alienam ab eo emerit; nam scienti, & volenti non fit iniuria. Quod autem dicitur de pecunia percepta ex venditione rei alienæ, idem valet etiam quoad rem acquiritam cum pecunia aliena, scilicet quod regulariter loquendo dominum super eam acquirat, suamque faciat, quia sicut emens ab iniquo venditore, eo quod dominus sit suæ pecuniæ in talem venditorem dominium transfert, ita qui rem ab aliquo emit cum aliena pecunia, quia venditor est ipsius rei dominus, iniquus emptor dominium rei acquirit; quia cum vendens dominium hoc habeat in rem venditam, ipsum transfert potest in emptorem. Sic habetur etiam ex *Leg. 6. de rei vindicat.* ubi statuitur eum, qui pecunia apud se deposita sibi possessiones comparavit, earum dominum fieri. Dixi regulariter loquendo, quia emptor pecuniis Ecclesiæ, populi, minoris, aut militis, transeunt in eius dominium, cuius sunt pecuniæ. Sic Salmanticenses.

Officia publica rum ven di pos. sat.

Officia publica temporalia, ut Præfetti, Cancellarii, Consiliarii, Iudices, Scribæ, Tabellionis, & huiusmodi, spectato iure positivo non possunt emi, nec vendi, ut ex *Novella 8. cap. 7. Leg. nemo cod. quæ res vendi non possunt, Leg. 14. cod. de re militari*; quia huiusmodi venditio, & emptio solent esse perniciosissima Reipublicæ, cum sic ad officia applicantur non qui idonei, ac digni sunt, sed plus offerentes, quamvis aliunde inepti, & incapaces existant, qui una semel quod officium per pecuniam sunt adepti, modis omnibus per fas, & nefas, student prætium expensum recuperare, quoti-

die iustitiam officii sui violantes. Ita Lugo cum aliis, quos hic citat. Non obstante tamen lege positiva tales venditiones vetante, ubi legitima consuetudo investita est, licite fit talis venditio, cui cæterorum nullatenus repugnat iustitia, quia hæc officia sunt pretio æstimabilia, utpote quæ & honorem temporalem, & multam lucri occasionem important. Verum tamen est, quod vendi debeant viris probis non nimio præcio, ne emptores ad prætium soluti compensationem vexationes populis iniustitiasque perpetrare cogantur. Imo si fieri potest taxandum est stipendium quod exercentes talia munia percipere debent, quod contempneat eorum labori, & præcio soluto, ne cum pauperum gravamine quantum poterit uniusquisque extorqueat.

Vendi etiam possunt officia Eleemosynarii, & Capellani recti, modo hæc officia nulla spiritualis functio sit annexa, ut quam plures eruditi censent; alias talis emptio, & venditio labe limoniæ commacularetur. Sic Pontalius verb. *simon. de infuso pretio casu 47.*

§. IV.

De Pretio infuso rerum venalium.

Nomine pretii venit solus nummus, seu numerata pecunia, alias non foret vera venditio & emptio, sed permutatio. Nummus sic dicitur a Numa rege, qui nummos primum apud Italos imaginibus notavit, & titulo nominis sui præscripsit vocari. Ita tradit *Isidorus lib. 16. Origin. cap. 17.* Pecunia vero ex *S. Aug. rel. in cap. tot. 6. caus. 1. q. 3.* sic dicta est a pecoribus. Ideo autem (ibi ait S. Doctor) pecunia vocata est, quia antiqui totum quod habebant, in pecoribus habebant. Unde nummi appellatio strictior est quam pecuniæ, *Leg. litigatores §. quod ait prætor de arbitris Leg. 1. de contrah. empt.* Cum enim antiqui nummos non haberent, sed totum tenerent in pecoribus, eorum negotia fiebant dando pecora pro aliis mercibus, quibus indigebant, & a tali negotiatione, quæ erat pura permutatio, invento postea nummo, origo cepit vendendi & emendi, & nummus accepit etiam nomen pecuniæ ab ipsis pecoribus, quibus antea negotia agebantur.

Præmium, ut ex Varrone, appellatur id, quod constituitur emptionis, & venditionis causa, & ita dictum est quasi pretium, quia statui debet ex opinione, & iudicio communium eorum, qui rerum periti sunt, non prout cuique videtur. Unde præmium definitur,

Quid si bi velit prætiū accipere.

quod

quod sit pecunia valoris rei commensa: nam pretium iustum est illud, quod valorem exæquat rei venalis.

Res venales dupli-
ci: con-
siderari
possunt.

Res venales duobus modis considerari possunt, 1. absolute secundum suum esse naturale independentem ab hominum æstimatione, quo modo vile animalculum excedit valorem auri, & argenti. Res enim vivens est quid excellentius in ordine naturæ re inanimata. 2. Relative, & per ordinem ad usum humanos, quo fit ut quædam sensu carentia quibuldam sentientibus præponamus. Quis enim, ait S. Aug. lib. 11. de Civit. Dei cap. 16. non domi suæ panem habere quam mures, nummos quam pulices malis? Hoc autem posteriori modo in contractibus pretium rerum venalium æstimatur.

Ex quo
pretium
rerum ve-
nalium
augetur,
& minus
fit.

Pretium rei venalis augetur, vel minuitur ex quibusdam circumstantiis, nempe 1. ex penuria, vel copia mercium, 2. ex pecuniæ abundantia, vel raritate, 3. ex multitudine venditorum, & paucitate vendentium, & e contra, 4. ex modo vendendi, nam res vilis venditur sub hasta, & voce præconis, quam apud mercatorem, 5. ex maiori, vel minori emptorum indigentia, modo communis sit. Unde equi carius venduntur tempore belli, quam pacis. Dixi modo communis sit; nam indigentia unius emptoris, & venditoris non mutat hominum æstimationem, nec efficit ut res carius vendenda sit, aut vilis emenda, cuius contraria doctrina damnata fuit a Parisiensi Academia an. 1665. tanquam falsa, scandalosa, iustitiam, & charitatem violans. Hinc mercator infortunatus augere nequit pretium suarum mercium ex eo quod domus eius, ubi servabantur, combusta sit, vel in his advehendis maiores quam alii mercatores subierit sumptus. Nam merces in illius officina non pluri æstimantur quam in officinis aliorum mercatorum.

Quale sit
iustum
rei pre-
tium.

Circa vero pretium iustum, aut iniustum, rei venalis, certum est ex constanti Theologorum omnium doctrina pretium rei illud iustum esse quod secundum hominum æstimationem valori ipsius rei est æquale; & e contra illud est iniustum, quod rei valori est inæquale. Et ratio est, quia iustitia, ut ex iam dictis patet, consistit in æqualitate, iniustitia vero in inæqualitate. Igitur ut contractus emptiois & venditionis sit iustus, & licitus, mensurandum est pretium cum merce. Secundum divinam legem, ait Doctor Angel. 2. 2. q. 77. art. 1. ad 1. illicitum reputatur, si in emptione, & venditione non sit æqualitas iustitiæ observata, & tenetur

ille, qui plus habet, recompensare ei, qui damnificatus est. Advertant igitur attente Pastores, & Confessarii, ut hic monet etiam Habertus.

Pretium generaliter loquendo duplex est, scilicet legitimum, seu legale, & naturale, seu vulgare. Legitimum, seu legale sic dictum a lege, est illud, quod a lege publica, seu decreto Principis, vel Magistratus ad id potestatem habentis omnibus prudenter, & attente consideratis pro communi totius Reipublicæ bono taxatur. Pretium naturale, seu vulgare est illud, quod non a publica lege, seu Principis decreto, aut Magistratus, sed communi, ac prudenti hominum æstimatione constituitur, considerata non solum ipsa physica rei natura, sed etiam eiusdem utilitate, ut iam prænotavimus, necessitate, abundantia, vel penuria mercium, pecuniæ, & emptorum, impenfis, venditorum periculis, labore; quin & modus vendendi efficit, ut res minoris æstimentur, nempe viliori pretio, ut iam diximus, vendi solent, quæ sub hasta, & voce præconis, vulgo all' incanto, venduntur quam quæ apud mercatores, quæ aversione emuntur, vulgo all' ingrosso, quam quæ minutatim, atque vetus est adagium, merces ultroneas, id est exhibitas vilescere; quæ tamen regula plerumque charitatis, & iustitiæ adversatur, ut dum pauperes vendere coguntur res suas, student emptores vilissimo pretio eas habere; ac ideo sæpe cum his non servatur æqualitas. Cæteroquin emens viliori pretio oblatam mercem, ut favorem præstet venditori, sicuti faciunt ii qui rem emunt qua non indigent, imo qui emendo aliquid patiuntur incommodi, fatendum est holce emptores pretio aliquantulum viliori emere posse.

Pretium
duplex: x,
naturale,
legale, & de-
gale.

Quia tamen diversa est hominum opinio, diversæ temporum, vel locorum circumstantiæ, idcirco diversa rerum æstimatione, hinc hoc pretium non consistit in indivisibili, seu in certa determinata pecuniæ quantitate, cuiusmodi est pretium legitimum, seu legale, quod licite augeri nequit a venditore, nec minui ab emptore, nisi venditor velit minus exigere, quia publica potestas ob vim, quam habet obligandi suos subditos in ordine ad bonum commune, restringit pretium ad aliquid determinate, ideoque indivisibile. Vulgare tamen, seu naturale, cum dependeat ab hominum æstimatione, a qua non statuitur aliquid perpetuo determinatum, non consistit in indivisibili, idcirco habet quamdam latitudinem, intra quam licet plu-

ris & minoris vendere, aut emere. Pretium enim legitimum statuitur ab uno, vel pluribus in idem consentientibus; vulgare vero pendet a multis non omnes idem iudicantes. Etenim quod quidam novem aestimant, aestimant alii decem, alii undecim.

Pretium naturale seu vulgare triplex.

Hinc ex communi sententia pretium vulgare triplex est, nempe infimum, seu pium, & est illud, infra quod res emi non potest; medium seu moderatum, & illud est, supra quod rem licite vendi potest usque ad pretium summum, & infra quod res iuste emi potest usque ad pretium infimum; summum, seu rigorosum illud intelligitur, supra quod res iuste vendi non potest. Sic iuxta communem sententiam, si pretium medium sit viginti, infimum erit novemdecim circiter, supremum viginti unum. Item si medium sit centum, infimum erit nonagintaquinque, supremum centum quinque, aut circiter, & ita cum proportionem de aliis secundum prudentem aestimationem: sic tamen ut latitudo sit maior, quando res sit pretiosior, & minor, si res minus sit pretiosa. In eo ipsum medium habet suam latitudinem, ne non infimum, & summum, & sic proportionem servata regulanda sunt pretia, sed semper cum dependentia a iudicio prudentis, considerationis circumstantiis, seu prout in foro, & communibus negotiationibus sine fraude appareat. Quodvis ex hisce pretiis licitum est, & iustum, ita ut licite, & iuste res vendi possit pretio summo, quae ab alio venditur pretio medio, vel infimo, vel emi pretio infimo, quae ab alio pretio medio, emitur, vel summo. Quilibet vero horum contractuum, qui non stet intra hos limites, id est si venditio notabiliter excedat pretium summum, aut emptio non attingat pretium infimum, seu pium, iniustus est, & illicitus in foro conscientiae, ac per restitutionem ad aequalitatem reducendus. S. Aug. lib. 3. de Trinit. cap. 3. S. Th. q. 77. art. 1. Sotus, S. Antonius, alii communiter.

Nec faciunt contra hanc sententiam Iuristarum placita, quibus dicitur licitum esse contrahentibus in emptione, & venditione se invicem circumvenire, ac denique quod res tanti valet quanti vendi potest iuxta eorumdem Iuristarum vulgare dictum; vel enim haec dicta consentur semper intra limites iusti pretii, vel etiam quoad forum externum, in quo iura tum civile, tum canonicum ad evitandas innumeratas lites, quae alias orientur, cum quasi naturale sit homini carius vendere, & vilius emere, permittunt, & tolerant rem quovis pretio vende-

re, & emere, dummodo ex parte alterius non fiat laesio, seu deceptio ultra dimidium, ita ut non concedatur actio contra deceptorem nisi ultra dimidium iusti pretii alter sit deceptus, ut scilicet neque dimidiam partem iusti pretii receperit. Tunc enim actio conceditur decepto adversus deceptorem, ut vel rescisso contractu mercem restituat restituto ei pretio, vel stante contractu, iusti pretii defectus suppleatur. Sed haec omnia respiciunt forum externum quoad substantiam, aut rescissionem contractus in hoc foro, cum in foro interno conscientiae quilibet deceptio extra limites iusti pretii, id est si infra infimum ematur, & supra summum vendatur, iniusta sit, & illicita, & obligans ad restitutionem.

Pretium legitimum, seu legale iuste taxatum obligat omnes in utroque foro, & qui hunc malitiose transgrediuntur in emendo, vel vendendo, peccant contra iustitiam, & tenentur ad restitutionem. Certa est, & communis sententia, quia lex a legitimo Superiore iuste lata obligat etiam in conscientia; ut Apostolus Romanor. 13. *Omnia anima sublimioribus potestatibus subdita sit; & mox: Subditi estote non solum propter iram, sed etiam propter conscientiam.* Ceterum lex Principis ex communi Doctorum sententia semper iusta praesumi debet, donec constet de contrario. Quaedam tamen sunt notanda; id est.

Pretium legale obligat in utroque foro.

1. Pretium legale, ut dictum fuit, consistere in indivisibili, unde qui plus accipit, tenetur ad restitutionem excessus. Liceret tamen emptori remissionem taxae obtinere, si posset, quia taxa imponi solet, non ut emptor minus solvat, sed ne a venditore ad plus solvendum cogatur. Qui tamen nulla taxati pretii obtenta remissione rem crediti accepisset, postea pretium legale solvere teneretur.

2. Pretium legale ad naturale quantum fieri licet, necesse est accedere. Sed quia merces non omnes sunt eiusdem conditionis, optime pretium determinabitur, si spectetur quantum vendi soleant res in eo genere merciores, non autem optime vel pessime. Quoniam vero edita Principum habere debent quandam certam firmitatem, hinc fit quod taxa semel constituta mutari non debet, nisi conditio mercium notabiliter, & ad tempus satis notabile mutetur.

3. Sicuti res, quae minus valet quam per taxam sit constitutum, vendi nequit pretio per Principem statuto, alias taxa, quae facta iam est in favorem emptorum cederet in nequa-

Quand res iuxta taxam vendi in nequa-

eorum detrimentum; sic etiam si res notabiliter excedat alias, quæ communiter vendi solent, licite vendi potest supra pretium legale, quia lex Principis cadit in res, ut ordinarie esse solent. Ad hoc tamen ut a lege communi tuto recedi valeat, necesse est ut excessus sit valde notabilis, alias lex inutilis redderetur, & frequentes exurgerent lites circa mercium qualitatem, dum emptor contenderet super conditione mercis emptæ. Dixi initio *pretium legale iuste taxatum obligare omnes in conscientia*. Nam si seorsus manifeste constet, videlicet pretium indebitum, irrationabiliter, ac iniuste taxatum esse, nemo in foro conscientie tenetur illud observare, ut si v. g. Magistratus, vel ab eo deputati ex odio, vel passione, vel muneribus corrupti, aut ex errore, & ignorantia seducti pretium iniuste determinent, puta si pistoribus pondus panis taxetur non secundum proportionem valoris tritici, vel lex iubeat ut frumentum superveniente sterilitate eodem pretio vendatur, quo vendebatur tempore, quo erat frumenti copia, aut aliqui ut Molina, Layman, Lessius, & de Lugo venditores posse in tali casu, quando alio modo iustum pretium obtinere nequeunt mercibus, rem aliam vel aliam speciem minus perfectam v. g. optimo tritico aliud mediocre immiscere. Ad hoc tamen requiritur quod certo, & manifeste constet de iniustitia pretii, nec sufficit dubium, cum in dubio præsumptio sit pro Superiore. Ita communiter Doctores.

Vendibilia, quæ nullum habent pretium legale vendi debent pretio naturali, seu vulgari, & qui aliter fecerit, tenetur ad restitutionem: quia cum omnis venditio iusta esse debeat, ut talis sit, necesse est, ut pretium sit cum rei valore commensuratum, ut habeatur æqualitas inter mercem quæ venditur, & pretium quo ea emitur, line qua omnis contractus est iniustus, cum iniustitia in æqualitate consistat, & qualitas sit sola iustitiæ intentio. Secunda vero pars patet ad evidentiam: nam qui æqualitatem, ac proinde iustitiam non servat in contractu, tenetur ad restitutionem, quia cum iustitiam violare, est iniquus possessor rei alterius, quæ proprio domino est restituenda.

Unde sequitur teneri ad restitutionem qui ultra iustum pretium vendunt extraneis, quod vetat Ecclesia *cap. de emptione*, quia violaretur æqualitas, quæ erga omnes indiscriminatim est observanda. Item qui fraude, & mendacio aliquem inducit ad emen-

dum maiori pretio quam alias emisset, quavis non ultra summum pretium, quia emptor ius habet, ut fraude, & dolo non adducatur ad rem rigoroso pretio emendam, ac proinde ad damnum aliquod patiendum, vel lucrum amittendum. Item qui postquam rem iniusto pretio vendiderunt, occulte supremum accipiunt, emptoribus decipiendo, vel in pecuniæ numeratione, vel aliquid de re subtrahendo, quia non licet agere contra conventionem, & contra ius alterius ex ea acquiritum. Ita Salmanticenses cum Navarro.

Nec dicas rem dari pretio commensurato, unde nulla sit iniustitia. Nam etsi merces pretio secundum se spectato sit commensurata, non est tamen commensurata pretio, de quo iuste, & legitime conventum fuit, adeoque in tali modo agendi ex hac parte vera intervenit iniustitia.

Similiter restitutioni sunt obnoxii qui pluris alicui rem vendunt ob maiorem emptoris affectum in ipsam, quia affectus, utilitas, & indigentia emptoris non subiciuntur dominio venditoris, utpote quæ sine aliquid ex conditione emptoris. Iniustum est autem rem carius vendere propter aliquid, quod non est vendentis. Ita D. Th. 2. 2. q. 77. art. 1. Nam pretium rei ex communi hominum æstimatione, non ex particulari alicuius affectu, aut eius necessitate repeti debet; alioquin nimis excessivo pretio vendi possent medicina, quæ ad salutem sunt necessaria; bene quidem communis ementium affectus pretium augere potest, quia communis hominum existimatio, unde pretium pendet, idem augere potest. Potest quidem pretium augeri ex affectu venditoris, quia tunc venditor non solum sese privat re sua, sed simul suo commodo, & delectatione, quæ sunt pretio æstimabilia: unde statua, quæ propter antiquitatem, gemma quæ propter raritatem, domus quia avita est, pluris a venditore æstimantur propter ipsius affectum, quem erga illas habet, pluris idcirco vendi possunt. A fortiori pluris vendi poterit, cum ex eius venditione lucrum cesserit, aut damnum emergat venditori, ut si rem certo reservaturus erat in aliud tempus, quo verisimiliter pluris vendenda esset, & hoc verum est, etiam si pretium rei a Principe taxatum foret, cum Princeps pretium constituerit super re ipsa nulla habita ratione damni, aut incommodi, quod venditor rem vendendo sustinere potest. Ita D. Th. 2. 2. q. 77. art. 1. Nullus, ait S. Doctor, debet alteri vendere quod non est suum, li-

Quid
quando
taxa sit
iniusta?

Non tæ.
zato quo
pretio
vendenda?

ces possit ei vendere damnum, quod patitur.

Hic tamen duo sunt notanda, 1. debere venditorem monere emptorem cur rem pluris ei vendat quam valeat secundum se, quia forte nolle emptor redimere augmento pretii venditoris incommodum. 2. Si venditor rem suam iusto vendendam offerat, non potest quidquam ex iustitia exigere pro damno emergente, quia non tenetur emptor avertere incommodum, cuius ipse non est causa, & quod alter sponte lubire vult. Sic Salmanticenses, Tournely, & alii.

Mercator sub prætextu particularis affectus mercem suam carius vendere non debet, quia ex eius officio tenetur esse paratus ad res suas iusto pretio alienandas. Qui vero non est publicus mercator affectum suum intra rationis ac moderationis terminos reducere debet, ne enormi pretio redimatur.

Quid de rebus maxime pretiosis, quæ non habent determinatum pretium nec a Principe, nec vulgare.

Difficultas non levis occurrit circa ea quæ non habent pretium taxatum a Principe, nec determinatum a vulgari æstimatione, ut gemmæ, equi pretiosi, canes, eximie veteres picturæ num vendi possint arbitrio domini, idem quanti hic voluerit. Multi ita sentiunt, ut Toletus, Sotus, Bannez iuxta Leg. 1. ff. ad Segutij cons. Trebellian. ubi sic: *Tantum valet res quantum valet potest*, quia pro his non extat pretium legale, nec naturale; unde tunc iustum pretium illud censendum est, de quo partes convenerint, quia cum huiusmodi res humanæ vitæ inutiles sint, emptor qui eas emere vult iudicatur sponte id dare velle, quod alter exigit, ac excessum gratis condonare.

Opposita tamen verisimilior videtur, & ita sentiunt Caietanus. Lugo, Lessius, alii-ve relati a Salmanticensibus, quos isti sequuntur. Nam ii docent res huiusce generis vendendas esse non pro arbitrio vendentis, sed iuxta communem hominum in rebus huiusmodi intelligentium æstimationem, alioquin incurri in debitum restitutionis. Etenim res quæcumque vendenda est non pretio sumpto ex domini arbitrio, sed ex iudicio prudentis, spectatis novitate, antiquitate, raritate, aliisque circumstantiis ad rei valorem concurrentibus: non ideo enim res tanti valet, quia emptor suo beneplacito iudicat tanti valere, sed quia peritorum iudicio tanti valere æstimatur. Nemo autem potest prudenter iudicare rem valere tanti eo quia venditor tanti eam potest vendere; unde pretii iustitia ea est quæ prudenter æstimatur, nec ullatenus suffragatur quod

vis nulla, aut necessitas inferatur emptori, alias & usuræ ex hoc possent retineri, quando mutuum petitur ad usum non necessarios, ut ad ludum &c. Immo posset venditor rem quam iudicat valere centum, vendere mille quando Princeps, cui hæc placeret, libenter, & sine ulla repugnantia quocumque pretio eam comparare vellet.

Nec ullatenus obstat primæ sententiæ momenta. Nam quoad primum lex allata intelligenda est intra latitudinem iusti pretii, cum excessus pretii in aliis legibus reproberetur. Quoad secundum vero, cum res naturalis pretium non habet in foro, recurrendum est ad eos, qui maiorem notitiam habent, ac securius eam æstimare possunt. Ad tertium tandem emptor id quod dat non gratis dat, sed ut pretium rei; perperam igitur putaretur excessum condonare, nisi signis evidentibus hoc demonstraret.

Nota tamen 1. convenire Doctores maiorem esse harum rerum pretii latitudinem, quam earum, de quarum valore communiter constat. Nota 2. res quasdam apud nos vilissimas, magni apud alios æstimari, ut apud Indos specula, cultelli, & vicissim. Hinc cum æstimationis communis pretium constituat, res huiusmodi pretio magno vendi possunt. Nota 3. cum Bannez, alii-ve, quod si tam vendens quam emens pretium ignorent, & se ignorare scientes de eo convenerint, valet contractus, & nulla est obligatio quidquam restituendi, licet aliquis eorum etiam in dimidio læsus sit, quia uterque ita contrahendo sorti se commisit, ac ideo se exposuit tam lucro quam damno. Si autem venditor solus ignoret pretium, seu valorem mercis suæ, communis est teneri emptorem illud ei aperire, si rogetur, alioquin iniuste deciperet; & si non rogetur, tenetur pretio iusto saltem infimo emere, tamen si ex ignorantia minus petatur, alias non servaretur æqualitas; & iniustum est rem emere, vel vendere minori pretio quam communi iudicio valeat, cum pretium hoc sit iniustum; nam venditor vult rem vendere suo iusto pretio, nec si minus ex errore venderet, intendit illud quod plus valet donare; ideoque manente ignorantia quævis relaxatio vi ipsius facti sui venditoris, non est voluntaria, nec proinde valida.

Nota, hoc tamen intelligendum esse, si valor sit rei intrinsecus, nec opus sit studio ullo, scientia, labore vel industria ad hoc ut res maiorem valorem acquirat, alias non teneretur emptor dare venditori pretium æquivalens valori, qui rei advenire pot-

potest ex studio, industria, vel labore circa eandem adhibito, & sic in tali casu non teneretur eum admonere de maiori valore, quem res ex eius qualitate in eius manibus acquirere potest.

De pretio rerum venditarum. *De pretio rerum venditarum. Circumstantia. De pretio rerum venditarum. Circumstantia.*

Circa res vero quæ venduntur sub hasta, vulgo *all' incanto*, pretio oblato ab emptoribus, ut sit in publicis auctionibus, emi & vendi possunt infra, vel supra pretium vulgare, quia emens & vendens sufficienter hoc pretio contenti sunt, cum quia potestas publica illud pro iusto pretio extraordinarii huiusmodi fori æstimari censet, quod in publico emptorum concursu tanquam in quodam examine approbatum fuerit. Cavendum tamen, ne interveniant fraus, aut dolus, quæ in hisce venditionibus multis modis adesse solent, ut si venditor occultos defectus rei exposcit; si mittat falsos licitatores, qui se emptores esse simulent, ut pretium augeatur; si proxenetæ res eo tempore vendendas proponant, quo præsentunt paucos futuros emptores, ut res iis adiudicentur quibus favere volunt; si monopolia faciant, simulque convenient, ne ullus tale pretium transcendat, ut res vili pretio vendatur. Non desunt tamen qui eos exculant, qui rogant amicos, ne plus certa quantitate offerant, ut ipsi iusto pretio, infimo tamen, aut mediocri rem consequi possint.

Vendens ultra pretium iustum non excusatur eo quod emens ultra tale pretium ei offerat. Est communis, quia emptor non vult liberaliter donare excessum pretii iusti, sed solum emere, & solvere iustum pretium. Quare non offert excessum nisi ex errore tollente voluntarium, vel ex necessitate, aut affectu emptoris erga rem illam, quæ augere nequeunt pretium mercis quoad venditorem, cum sint ex parte, & conditione emptoris. Si tamen constaret manifeste excessum illum liberaliter donari, ut faciunt aliquando Principes, licite retineri posset: nam liberalis donatio est iustus ritulus, ob quem emptor quoque possit minoris emere. Hoc tamen nunquam est præsumendum, nisi absint ignorantia iusti pretii, necessitas in emptore, fraus ac coactio in venditore, & aliqua adit causa ad præsumptionem, puta consanguinitas, affinitas, amicitia, vel liberalitas.

§. V.

De causis, quæ possint excusare, si res pluries vendantur, vel minus quam valent emantur.

Tamen nunquam liceat rem pluries vendere, vel minoris emere quam hic & nunc omnibus inspectis valet, alias non servaretur æqualitas iustitiæ inter mercem & pretium, aliquæ tamen, & variæ sunt causæ, ob quas pluries vendi, & minus res emi potest quam alioquin valet pretio vulgari, quin ob illas pluries, vel minoris æstimatur quam si non essent.

Causæ autem pluries vendendi iuxta communem, hæ sunt: prima ratio lucris cessantis, & damni emergentis, deductis deducendis, puta si in gratiam alterius, ut antea iam attigimus, vendas mercem, quam statueras servare in aliud tempus, quo plus probabiliter valitura sit, ex cap. ult. de usuris; aut si vendas mercem, quam postea carius emere cogeris, quia tunc præter pretium rei currens potest exigi compensatio iacturæ lucris sperati, & damni, quod ex rei alienatione sequitur. Nemo enim tenetur ex iustitia vendere cum suo damno, cum tamen a venditore mercis anticipata pretii maioris taxatione deducendæ sint expensæ, quas ipse facere debuisset ad merces servandas usque ad tempus, & computari debeat æstimatio diminutionis, deteriorationis, & periculi huiusmodi mercis ad hoc usque tempus servandæ, alias non servaretur æqualitas, ac proinde exigeret ultra suam indemnitatem, ac ideo plus quam ipsi debitum esset, quia exigeret totum lucrum cessans non compensando damnum, aut periculum, cui succumberet, si merces sua servata fuisset, ex quo immunis est eam vendendo.

Item is qui vendit ante tempus, ut iam antea diximus, quo vendere statuerat, convenire potest cum emptore, ut solvatur pretium sive maius, sive minus, quo res valebit eo tempore, quo vendere decreverat. Item quando sit copia multa emptorum, vel pecuniarum, & penuria mercium, ut contingit in adventu repentino aliquid magni Principis, vel exercitus, &c. Nam illud plus æstimatur, quod a pluribus quaeritur, & quod difficilius, vel minore quantitate invenitur. Item si adsint impensæ, labores, pericula in his rebus inquirendis, conservandis, transferendis, &c. communiter recurrentia, quia hæc sunt pretio æstimabilia, dummodo tamen merces non habeant

Causæ excusantes venditionem rei pluries quam valet.

Non excusatur vendens ultra pretium iustum eo quia offeratur ab emptore.

beant suum pretium, quo passim venduntur, quia tunc in pretii taxatione iam inspecta fuerunt labores, impensæ, omniaque alia quæ communiter fieri solent. Dico *communiter*, nam si per aliquod fortuitum accidens fiat, ut aliquis subiaceat maioribus incommodis laboris, periculi, damni, aut impensarum, &c. quam alii communiter, non ideo potest pretium augere, sicuti e contra minuire non tenetur, si ordinaria incommoda non subierit, quia infortunium, difficultas, felicitas, vel industria unius venditoris, ut res particularis, non est ratio, seu regula, quare varietur communis æstimatio, quæ sicuti omnis alia lex habet per regulam ea quæ ut plurimum, seu communiter fieri solent, seu evenire. Unde res plane tanti valet quanti communiter æstimatur.

Item modus vendendi, puta cum res venditur in parva quantitate, & minutatim: nam tunc propter laborem, impensas, operas, sollicitudinesque; quæ ad id exiguntur, potest pluri vendi quam si in magna quantitate simul venderetur.

Adiunt quoque ex communi sententia variaz causas, rationesve propter quas licet etiam minoris rem emere quam cæterisquin valeret, idest si res parum sit utilis emptori, ac eam non emat nisi in gratiam venditoris. Nam in tali casu res vilescit, tum ex eo quod non inveniatur emptores, tum quia emptori parum sit utilis.

Item si res ultro offerantur, & emptores exquirantur, ac etiam rogentur iuxta illud effatur: *merces ultronea vilescit*; hoc enim indicat paucitatem ementium, dummodo tamen charitas aliud non exigat: nam illicitum est viliori emere res pauperum, quas ipsi necessitate compulsi venales proponunt, eo solo prætextu quod exhibentur, & offerantur venales, & eo vel maxime quod quando ob necessitatem præcise cogitur proximus rem suam vendere, non minus iniussimul est pretium imminuere, quam illud augere propter necessitatem, seu utilitatem emptoris; quia sicuti emptoris necessitas rei valorem non augeat, ita necessitas venditoris, quando non adit aliquis alius titulus, idem non imminuit. Item emptorum paucitas, quia illud minus æstimatur quod minus queritur. Item copia superveniens mercium, quia tunc vere pretium minuitur. Id enim minoris æstimatur, cuius maior est copia. Item cum merces in magna quantitate simul emuntur; tunc enim minoris emi possunt quam si per partes minutatim emerentur, quia hoc modo

vendendi merces mercator liber sit a multis cutis, impensis, quibus pro eorum conservatione subiacere debuisset, & sit magis paratus expeditiorque ad nova lucra novæ merces comparando, quod ipsi non leviter utilis est quam si minutatim pretio ordinario eas vendidisset. Item cum venduntur merces publica auctione, seu voce publici præconis; tunc enim possunt minoris emi, & aliquando pluris vendi quam importat pretium, quod solet vendi a mercatoribus; sed de hoc satis antea iam diximus.

Emens merces Mediolani pretio minori iuxta loci huius taxam potest eas vendere pretio maiori Venetiis, ubi earum taxa maior sit; tum quia subit expensas, & laborem ad eas Venetias deportanda, tum quia contractus venditionis earumdem perficitur Venetiis, ubi maior est earum taxa, & æstimatio. Si vero talis venditio fiat a mercatore Mediolanensi mercatori, vel alteri personæ Venetæ, tunc videndum est qualis conventio inter ipsos intercesserit. Nam si inter ipsos expresse conventum fuerit, ut mercator Mediolanensis eas dare debeat pretio Mediolanensi detractis expensis pro earum deportatione, tunc etiam Venetiis pretium recipere debet venditor iuxta taxam, quam merces habet Mediolani, secus vero potest tuta conscientia recipere pretium taxæ Venetæ, quia in tali casu eas vendit Venetiis, non Mediolani, dummodo tamen ipse fecerit expensas pro earum deportatione: nam si expensæ factæ sint ab emptore, videtur quod hic rem emere voluerit Mediolani, ideoque pretio taxæ quam ibi merces habet.

Qui scientia privata cognoscit brevem ob aliquod accidens mercium valorem, seu pretium augendum, dummodo absit omnis fraus, licite emere potest pretio currenti, ita D. Th. 2. 2. q. 77. art. 3. ad 4. Covarruvias, alique passim, & res patet ex Genes. 41. ubi commendatur Joseph, qui sciens privatim fore magnam frumenti penuriam ex superventura sterilitate, & consequenter pretium frumenti augendum, magnam emit quantitatem frumenti pretio currenti Egypti, quod postea carius vendidit. Item qui sciens scientia privata pretium alicuius mercis ob copiam eiusdem mercis supervenientem, vel monetæ valorem ob ipsius prohibitionem minnendum esse, licite vendere potest mercem pretio currenti, & secundum monetæ valorem præsentem monetæ expendere, quia valor iustus est valor publice currentis secundum communem æstimationem.

Quid de emptorio, & venditione ob scientiam pri-
vatam.

tionem, vel secundum taxationem legis, & non secundum privatam cognitionem, & estimationem. Unde cum in tali calu periret valor communis antiquus, sive communis estimationis, sive legis taxationis; cum lex prior, & estimatio communis revocata non sit, licite sine ulla iniustitia merx vendi, & moneta expendi potest suo pretio.

Observe tamen 1. posse interdum peccari in hoc contra charitatem, ut si vendas pauperi magnam copiam rerum, quæ brevi sunt imminuendæ: vetat enim charitas ne inducas proximum in gravem necessitatem, ut ex hac lucrum percipias, sicuti iubet eum opitulari etiam cum aliquo bonorum tuorum detrimento. Unde si charitatem lædis non subveniendo proximo in gravi necessitate constituto, cum valeas sine gravi tuo incommodo, plane immunis non eris a culpa, si ob tuam utilitatem in huiusmodi necessitate concitias. Ita Reginaldus cum aliis. 2. Violaretur iustitia vendendo currenti pretio res, quarum pretium ob eius vitium minuendum est, cum eo ipso res ista iam tunc vitiosa censetur, ac ideo iam nunc minus valet. Est communis. Hæc qui occulte cognoscit suum debitorem aptum non esse ad solvendum, vendere nequit tale debitum pretio ordinario, utpote quod in se vitiosum sit, quia valor debiti, seu obligationis multum pendet a certitudine solutionis. 3. Si interrogatus an pretium minuendum sit, neges, & ideo indicatur alter ad emendum, peccat contra iustitiam, & teneris ad restitutionem, quia fraude, idest mentiendo, idcirco via iniusta inducis proximum ad contrahendum.

Sciens in alieno agro thesaurum latere an licite possit hic emere agrum pretio communi, ut hæc dominus thesauri, discrepant inter se Doctores. Quidam enim affirmant hoc fieri posse, & quia Matthæi 23. videtur innuere Christus hoc licere, quia thesaurus non est pars fundi, nec eius fructus, cum ibi non sit natus, sed positus fuerit, nec pertinet ad dominum agri, donec eum invenerit, cum thesaurus in nullius bonis sit, *Instit. de rer. divis.* Item quia iustum pretium repetitur ex communi estimatione, non ex utilitate soli emptori nota, quæ est per accidens, & extrinseca rei; nec tenetur emptor indicare, cum licitum sit cuique uti propria scientia ad id acquirendum, quod nullius sit. Alii tamen contrarium sentiunt. In favorem tamen sentit D. Th. 2. 2. q. 66. art. 5. Sotus lib. 6. de iustitia, Navarrus in *Instit. Theol. Moral.* Tom. III.

Manuali, Lessius, Lugo, Bonacina, Cardin. de Luca *drumpt. discuss.* 44. per totum, ubi asserit decisionem Rotæ. Sic emens v. g. piscem, in quo reperiatur gemma, vel aliud quidpiam pretiosum penitus ignotum venditori, illius sit, ita ut nihil teneatur restituere venditori, quia invenit in re sua: venditor enim non fuit dominus rei pretiosæ, cum ignoraverit ibi inveniri, ac proinde sit primo invenientis, seu primo occupantis, quo titulo, nempe inventionis rem pretiosam sibi acquirit, non tulo puræ emptionis, ut eait auctores.

Aliter tamen censendum est de venis, seu fodinis metallorum, vel alio minerali, quæ in visceribus agri celantur: nam hæc sunt pars fundi, qui non consistit in sola superficie, sed in tota profunditate usque ad centrum terræ; idcirco & spectant ad dominum agri, & in fundi emptione ea semper sunt consideranda, cum vere simul cum fundo emanant. Non desunt tamen qui sentiunt quod si emptor id ignoraverit, ac ideo bona fide emerit, non sit obnoxius compensationi, nam quæ nemo novit non sunt pretio estimabilia, sed sese habent in ordine ad hominum estimationem, non secus ac si non essent. P. Antcine. Sed de his satis dictum est, ubi de rerum dominio.

Emens rem suam, & communi estimatione vilem, si post emptionem cognoscat esse pretiosam, non tenetur aliquid restituere venditori, nam res tanti valet, quanti communiter estimatur, ac ideo qui rem emit pretio communiter iusto estimato, iuste, & licite tali pretio emit. Unde si quis emat aliquod vas, & quid simile communiter putatum esse ex vili metallo, & postea reperiatur ab emptore ex auro, vel argento, nihil tenetur restituere venditori, quia revera tanti emit quanti tunc valebat secundum communem estimationem, a qua desumitur iustum pretium naturale, & vulgare rerum; & sententia hæc videtur communis. Nihilominus tamen ego dicerem circa hoc observandum, nam talis error circa rem pretiosam sit immemorabilis, & res non transierit de hærede in hæredem, sed successive a plurimis empta fuerit; ita ut perditibile sit scire quisnam fuerit eius dominus; cum in hoc casu res se habeat non secus ac si nullius sit: si enim transierit ab hærede in hæredem, cum dominus cognosci possit, ignorantia venditoris non potest esse sibi nociva, nec unquam censeri potest huic contractui consensisse, ideoque emptor ipsum compensare teneretur, & hoc multa

Quid de
emene
rem pro
vili, quæ
est pre-
tiosa.

Vitiosa
non ven-
denda
pretio
currenti.

Quid de
pretio
thesau-
ri, quon-
iam
dominus
ignorat.

M

TRA-

magis dicendum, si emptor ante emptionem cognovisset pretiositatem rei penitus incognitam venditori simplici, & ignaro; nam tunc debet emptor rei pretiositatem venditori ignaro manifestare, & eum compensare pro minori pretio rei quo illam emit. Nam venditor licet actu ignoret rei suae pretiositatem, ac valorem, nisi tamen aliter exprimat, semper censetur intendere, & velle rem vendere secundum suam pretiositatem, & valorem ei correspondentem. Nec tutus manet in conscientia emptor, qui conscius est maioris valoris rei, quæ ignorat venditor ex hoc quod dicat venditori se velle emere rem in ullo scrupulo, ac ideo videat si tali pretio velit eam dare condonando ei si quid plus valeat, & venditor consentiat, quia in tali casu venditor non condonat libere, & spontaneè, sed ex pacto, quia emptor alias non vult emere, unde non est donatio gratuita, sed cessio onerosa, ut emptor rem emat, non secus ac mutuatarius promittit usuram, ut obtineat mutuum aliter sibi non dandum. Tum quia hoc modo excusari posset omnis emptio infra pretium minimum, interrogando venditorem num contentus esset tali pretio, condonando si plus res valeat. Imo excusari posset etiam usurarius interrogando mutuatarium an vellet gratis promittere, vel condonare usuram, quæ ob mutuum non debebatur, ut observat Lugo cum aliis,

§. VI.

Ad quem pertinent fructus rei venditæ,

Verfantur Theologi in aliqua difficultate circa hoc, quia non satis est compertum quando contractus venditionis periciatur, scilicet num per solum consensum partium, an per consensum, & simul rei traditionem. Certum est, ac prorsus extra omne dubium quod tradita res vendita emptori, qui pretium eius solvit, fructus omnes ad ipsum pertineant, utpote qui plene factus sit rei dominus. Imo hoc fieri docent Doctores, si emptori habita sit fides de pretio, id est dilatio ei concessa sit ad solvendum §. 41. *Instit.* Nam res domino suo fructificat, sicut ipsi perit, *Leg. lictor 12. Leg. quod si neque de periculo & commodum rei vendita.* Est communis. Conveniunt insuper Doctores quod fructus pendentes, id est nondum collecti, siue maturi, siue immaturi, & nati, ac producti post celebra-

tum, & absolutum contractum ex ipso contractu pertinent ad emptorem; ita Sylvester, Navarrus, Lessius, S. Antoninus, alii-ve, nisi aliter inter contrahentes conventum fuerit, ex *Leg. Julian. 13. §. si fructus ff. de actionibus empti.* Quia fructus pendentes censentur pars fundi, & æquissimum est ut ad eundem spectet commodum fructus, & accessio rei, ad quam eiusdem rei damnum, & periculum spectat, ut ex textu expresse in cit. §. 3. *Instit. de empt. & vend.* ubi sic: *Si post emptionem fundo aliquid per alluvionem adveniat, ad emptoris commodum pertinet; nam & commodum eius esse debet cuius periculum est,* & sic in aliis locis iuris. Conveniunt insuper ad emptorem pertinere damnum totum, & periculum rei venditæ, etiam ante traditionem, & pretium solum, adeo ut si absque venditoris culpa pereat, vel deterior fiat, nihilominus integrum pretium emptor solvere cogatur, ut ex cit. §. 3. *Instit. de empt. & vendit.* Quodcum enim sine dolo & culpa venditoris accidit, in eo venditor securus est. Fructus autem qui ante venditionem percepti sunt, ut si frumentum, lignave relictata sint, spectant ad venditorem, licet ea non exportaverit, quia donec peragatur venditio fundi, fundus pertinebat sub dominio venditoris.

Contraria sententia, scilicet ad venditorem spectare, & non ad emptorem fructus provenientes ex re vendita post celebrationem, & absolutum contractum, quando res nondum tradita sit, vel si tradita nondum pretium solum sit, nec fides habita, nec dilatio ad solvendum expresse concessa, defenditur communiter a Iuristis, necnon a Theologis non paucis, ut a Covarruvia, Navarro, aliisque; quia cum inter venditorem & emptorem dari debeat æqualitas, nec unus eorum teneatur implere contractum, nisi & alter vicissim impleat, si emptor per solutionem non implevit contractum transferendo in venditorem usufructum commodumque pecuniæ, vel saltem a venditore ei sit habita fides, vel dilatio concessa ad solvendum, non teneatur transferre dominium, usufructum, commodumque rei venditæ, sed potest sibi eam retinere, eiusque fructus, donec emptor solvat ei pretium, vel cautionem præstet, aut fides ei a venditore habita sit, vel solutionis concessa dilatio; quia venditor donec hæc præstentur, manet dominus rei venditæ §. 41. *Instit. de rer. divis.* Et plures aliae leges hanc sententiam confirmant, ut *Leg. curabitur*

bitur cod. de act. empt. Leg. Iulianus 13. §. 8. ff. de act. empt.

Notanter diximus supra nisi aliter inter contrahentes conventum fuerit, quia si circa perceptionem fructus ex re vendita facta fuerit inter contrahentes aliqua specialis conventio, omnino erit observanda, Leg. si in venditione 10. ff. de periculo & commodo rei venditæ, & alibi in iure, unde licitus est contractus cum fundus fructuosus, ut prædium, domus, horrus, aut aliud huiusmodi emitur eo pacto ut post tot annos dumtaxat solvere teneatur emptor pretium conventum venditori, & interim donec pretium solvatur percipiat venditor census fundi venditi Leg. Iulianus 13. §. ex vendito ff. de act. empti & venditi, & sic communiter Doctores cum Glossa in cap. conquestæ Extravag. de usuris ubi ultoræ possunt etiam peti secundum canones cum vendito tibi prædium, & trado, & percipis fructus, & tu mihi solvis pretium ad terminum.

Quæ-
do licet
vendito-
ri refer-
re sibi
fructus
fundus
venditi.

Item licitus est contractus, quando venditor per specialem conventionem tantum sibi reservat de fructibus rei venditæ, quantum ex dilacione solutionis prudenter sibi timet imminere damni emergentis, vel lucri cessantis, puta quia venditor pecunias negotiationi exposuisset, aut alio modo lucratus fuisset, si statim facta fuisset eorum solutio. Est communis, teste de Lugo. Ar postquam venditor dominium transfudit in emptorem, nec periculum apparere lucris cessantis, & damni emergentis, ob solam dilatam solutionem, fructus rei venditæ sibi reservare non potest. Item licitus est contractus quando vendens ita convenit cum emptore, ut dominium, & periculum rei venditæ ad ipsum pertineat ante pretii solutionem, ac ideo interim ad se pertineant fructus. Nam cum venditio censetur celebrata non absolute, sed sub conditione, ut rata non sit antequam pretium solvatur, & cum apud ipsum adhuc remaneat & dominium rei, & periculum, ad ipsum quoque spectare debet commodum percipiendi fructus ex ea provenientes, donec pretium sit solutum: nam commodum eius esse debet, cuius est periculum, §. 3. Inst. de empti & venditi.

§ VII.

Ad quem pertineat periculum & deterioratio rei venditæ.

Nota 1. Per periculum rei intelligitur rei

destructio, seu interitus, vel deterioratio.

Nota 2. Res vendita vel determinata est in specie, ut aiunt Iuristæ, seu quod idem est in individuo secundum Theologos, ut hic equus, hoc dolium vini, hoc agrum, vel solum determinata in genere, & indeterminata in specie, seu in individuo, ut si dicas vendo tibi decem oves gregis mei. Rursus res determinata vendi potest vel quoad corpus, vel quoad mensuram. Dicitur vendi quoad corpus, quando aliquid determinatum venditur unico pretio, ut si dicas, vendo tibi hoc dolium vini quinquaginta nummis. Dicitur vendi quoad mensuram, quando res venditur unico pretio, sed pro unaquaque mensura pretium assignatur, ut si dicam, vendo tibi hoc dolium vini, unamquamque mensuram tribus ducatis, hoc prædium nummis 20. pro singulis iugeribus. Venditio non desinet esse quoad corpus, etsi adderetur quantitas rei, ut vendo tibi hoc dolium, quod continet mensuras decem; quamquam exigeret æquitas, ut pretium auferretur, vel minueretur, si postea cognosceretur error in quantitate, qui fuerit causa constituendi maioris, vel minoris pretii, nisi tamen contrahentes aliter convenierint.

Advertendum, nos hic non loqui de venditione imperfecta, sed de perfecta & completa, a qua non licet partibus rescire, nec loquimur de re tradita: eam enim nemo negat perire emptori, cum emptor traditione plenum consecutus sit dominium. Igitur controversia versatur circa rem, quæ peccat ante traditionem. Unde fit

Res vendita etiam ante traditionem perire emptori, si sit determinata in individuo, ut hæc domus, aut si quoad corpus vendita sit, dummodo tamen perfecta, & absoluta sit venditio, nec sit culpa vel mora ex parte venditoris, ita ut teneatur solvere totum pretium, si nondum solvit, & si iam solvit, nihil potest repetere §. cum autem 3. Inst. de empti & venditi. ubi sic: cum emptio, & venditio contracta sit, quod effici dicimus simulatque de pretio convenierit, periculum rei venditæ statim ad emptorem pertinet tametsi ea res emptori non tradita sit. Est communis apud Doctores. Hinc colligit Pontas vinum, quod satuit, aut aliquod aliud vitium contraxit, emptori depernisse, Leg. si vitium ff. de periculo & commodo rei venditæ.

periculi
rei inter-
ligatur.

Esca-
prio quo-
rumdam
casuum
doctrinam
supra.
dida.

Expiendi tamen sunt ab hac conclusione plures casus. 1. Si emptor, & venditor specialiter inter se conveniant, ut periculum remaneat penes venditorem, donec res

Quid
conducit

empta tradita sit emptori; *Leg. qui fundo* 40. §. 18. ff. de contrab. empt. *Leg. si in vendit.* 10. ff. de periculo & commodo rei venditæ. Nec circa hoc dubium ullum oriri potest, quia habetur expresse in regula 85. iuris in 6. contractus ex conventionem legem accipere dignoscuntur. 2. Quando venditor est in mora tradendi, & res interea casu sortuito perit, vel deterior fit, nam periculum tunc est solius venditoris, *Leg. illud.* Quod si 14. de periculo & commodo rei venditæ, & alibi, quia ex reg. 25. iuris in 6. mora sua cuiuslibet est nociva. Si autem non solum venditor, sed etiam emptor, qui rem suam oblatam recipiendi fuit in mora, tunc periculum spectat ad illum, qui est in posteriori mora sive tradendi, sive recipiendi ex *Leg. illud* 17. ff. de periculo & commodo rei venditæ. Si autem res æque perierit, vel deterior facta fuisset apud emptorem, si ei tradita fuisset, ad nihil teneretur venditor ob talem moram, *Leg. si plures* 14. §. siue autem ff. de posuit, vel contra, ubi statuitur quod depositarius ratione moræ ad nihilum teneatur, si res deposita perierit etiam apud dominum, cum ratio quæ reddere potest venditorem culpabilem in sua mora, est, quod si emptori tradidisset, emptor eam forsitan distrahisset, & sic omne damnum evasisset: unde li. e contra æque perierit apud dominum, nulla culpa venditori imputanda est, quia in tali casu nullum damnum intulit emptori, sic Glossa in §. cum autem 3. Instit. de empt. & vendit. Sic Lugo. 3. Quando res vendita ante traditionem ex culpa lata, & levi venditoris vel perit, vel deterior facta est: *Leg. custodiam* 3. ff. de periculo, & commodo rei venditæ, ubi sic: Custodiam autem venditor præstare debet, quam præstant ii, quibus res commodata est, ut diligentiam præstet exactiorem, quam in suis rebus adhiberet. Unde si talem diligentiam in re vendita ante traditionem non adhibuit ut debuit, ipsi venditori periculum est imputandum. Ita communiter apud Doctores. 4. Res vendita ante traditionem ex delicto venditoris adiciatur, si: nam tunc periculum imputari debet venditori, & si iam receperit pretium, tenetur restituere *Leg. si fundo* 33. ff. locati. Ita communiter. 5. Quando venditio facta est conditionata, & antequam impleatur conditio, res penitus perit; ut cum emitur equus cum conditione prius experiendi eius qualitates, ut si placuerit emptori, censeatur facta emptio: si antequam experimentum fiat de equo, sine culpa emptoris a grassatoribus

auferatur, periculum imputatur venditori, *Leg. necessario* 8. ff. de periculo & commodo rei venditæ, ubi ita habetur: Si sub conditione res venerit, si quidem defecerit conditio, nulla est emptio, *Leg. apud* 20. §. 1. ff. de præscriptis verbis. Si vero res sub conditione vendita totaliter non pereat, sed tantum deterioretur, totum periculum conditione impleta ad emptorem spectabit, ita ut propter deteriorationem nec pretium imminuere possit, ita in cit. *Leg. necessario* 8. ubi sic: Si extes res (vendita sub conditione) licet deterior effecta, potest dici esse damnum emptoris, quia adimpleta conditione contractus retrahitur ad tempus conventionis, & venditio redditur absoluta, & perfecta *Leg. hæc conditio* 7. §. de contrab. empt. & vendit.

Quando res consistens in numero, pondere, & mensura, venditur ad mensuram, licet in tunc priusquam ipsa numerata, ponderata, aut mensurata tradatur, ratione eius periculum spectat ad venditorem, ita in *Leg. quod sepe* 35. §. 5. de contrab. empt. & est communis Doctorum. Sic etiam li. vinum, mel, vel quid simile, vendatur ad corpus quidem, non ad mensuram, attamen cum pacto ut degustetur, antequam rata sit venditio, aut perfecta, tunc ante degustationem factam periculum spectat ad venditorem. Ita communiter ex *Leg. si quis vinum* 4. §. 1. ff. de periculo, & commodo rei venditæ. Si tamen certus terminus mensurationi &c. vel degustationi præfixus fuerit, aut venditor coram testibus emptorem moneat, ut intra certum tempus ad mensurandum accedat &c. & res deterioretur post culpabilem eius moram, periculum ad emptorem spectabit, ut ex cit. *Leg. si quis vinum*.

Quod si vero res vendita sit ad corpus totum, puta venditur dicit vendit tibi totum cumulum tritici &c. line relatione ad mensurandum, tunc periculum spectat ad emptorem, *Leg. cum convenit* cod. de periculo & commodo rei venditæ, & communiter Doctores. Si tamen vendatur totum corpus quidem, sed ad mensuram, puta si dicas vendo tibi horreum frumenti, quod est 60. sextercia, & pro quovis sextercio dabis libras 12. cum talis venditio sit ad mensuram, donec facta non sit frumenti mensuratio, periculum stat contra venditorem *Leg. cit. quod sepe*. Item erit venditio ad mensuram, si ex toto grege vendantur decem oves, ex toto cumulo 10. modia tritici, &c. idest indeterminate, donec oves designatæ sint, modia tritici mensurata, periculum

Quid de re
quæ con
sistat in
numero,
pondere,
& men
sura, ad
perit.

lum stat contra venditorem; ita communiter ex cit. *Leg. quod sape*.

Quid de rebus disjunctive venditis.
Si ex duobus rebus una disjunctive vendita sit, v. g. ex duabus gemmis una, non determinando hanc, vel illam, si post venditionem absolute factam ambo pereant, emptor tamen nihil receperit, pretium solvere tenetur; ita ex *Leg. 34. ff. de contrah. empt. & vendit.* Si vero alterutra dumtaxat pereat, perit venditori, qui tenetur alteram tradere. Sic P. Antoine cum aliis.

§. VIII.

De obligationibus venditoris, & emptoris.

Inter præcipuas emptoris obligationes hæce censentur, 1. ut pretium integrum solvat statuto tempore. 2. ut restituat quantum minoris rem emit. 3. ut si venditor rei pretium ignoret, hunc moneat vel generaliter dicendo rem pluris valere, vel etiam si opus fuerit specialiter assignando iustum pretium, licet infimum assignare valeat, quia infimo emere potest: unde tenetur restituere quia rustico simpliciter gemmam emit multo minoris quam nosceret eam valere. Secus vero si quis emeret gemmam cuius miram aliquam virtutem cognosceret, aut herbarum fasciculum, in quo lateret herbæ pretiosæ, quæ statim nisi emanant, rusticus traditurus sit animantibus in pabulum, quia res emitur secundum hominum æstimationem, & insuper privata sua scientia, seu cognitio sibi nocere non potest, nec debet, & præcipue si talis scientia, & cognitio sit ita particularis quorundam studiosorum, ut difficillime pretio maiori ob talem virtutem res illas rusticus vendere posset, præterquamquod hoc potius est pretium scientiæ, quæ usum talis virtutis docet, quam rei, quæ talem virtutem habet, quæ cæteroquin nisi apud tales scientificos nihil valeret.

Obligaciones autem venditoris solent recenseri 1. ut rei venditæ dominium tradat, quatenus conventum est. 2. Ut quando eam servat, servet non alias ac si sua esset. 3. Ut rescindat venditionem vi, metu, aut dolo factam, aut emptori damnum debito modo compenset. 4. Ut emptorem de occultis rei defectibus admoneat. 5. Ut eversionis lege teneatur.

§. IX.

De re duobus vendita, quorum altero sit tradenda.

Communis est apud Doctores, quod si res pluribus vendita sit, ei debeatur, & sit tradenda. *Instit. Theol. Moral. Tom. III.*

denda qui prior emit, quia hic ins ad illam prius habet. Nam iuxta regulam iuris quæ est in tempore prior, est etiam in iure. Unde res uni vendita, sine huius iniuria, qui ius ad illam acquisivit, & habet, alteri vendi nequit, ex *Leg. 36. §. de locat.* Idcirco ad hoc ut talis iniuria reparetur, tradenda est primo emptori. Quod verum est tamen uterque assereret rem sibi traditam fuisse; nam seclusa traditione, quæ evidenter constet, ius prioris potius est, ideoque in dubio ei favendum. Quod si posterius pretium solvisset, tunc prior esset hic præferendus; quia legitime præsumeretur traditionem factam fuisse huic posteriori. Unde

Statuitur quod res vendita ad eum spectet, & ei sit adjudicanda, si prior, si posterior emptor sit, cui tradita fuit, quia ex *Leg. traditionis. cod. de pactis dicitur: traditionibus dominia rerum non nudis pactis transferuntur.* Unde etiam secundum emptor, si res ei tradita sit, sit rei dominus, ac proinde res eius est *Leg. 15. cod. de rei vindicta.* Nam communissimum est sine ulla controversia, contractum venditionis absolute perfici traditione; per illam enim acquiritur ius in re, cum per contractum nudum venditionis sine traditione acquiratur solummodo ius ad rem, seu personale contra venditorem, ut vel rescisso secundo contractu rem sibi tradat, vel compenset interesse, quia per solum contractum sine traditione iuxta legum dispositionem absolute loquendo non acquiritur dominium. Quod autem dicitur de venditione, idem valet etiam, & dictum intelligatur de promissione, locatione, donatione: nam licet is, cui domus locatur, non acquirat per traditionem verum dominium domus, acquirat tamen ius detentionis, vi cuius tueri se potest contra alium conductorem. Huic tamen non competit nisi actio personalis in locatorem.

Excipe tamen ab hac sententia, nisi res vendita sit, aut donata alicui Civitati, Ecclesie, aut loco pio, in quæ absque traditione dominium transfertur. Quare sit ut posterior emptor, aut donatarius nequeat huiusmodi rerum dominium acquirere, quia ei adversatur, & resistit privilegium Ecclesie, loci pii, &c. Hoc idem autem dicendum de emptoribus, quibus in securitatem contractus res hypothecata fuit, seu oppignorata, quia qui pignus habet simpliciter creditor saltem in pignore præferendus est.

Quod si res tradita sit priori emptori, hic eam evincere, seu recuperare valet a posteriore emptore etiam privilegiato, si tamen

iste mala fide emerit, conficius nempe primæ venditionis. Non tenetur tamen posterior emptor rem priori tradere ante iudicis sententiam, nisi forte induxerit venditorem ad rem secundo vendendam, semper tamen accepto pretio, quod pro re venditori solverit, cum in tali casu fuisset causa damni. Sic Salmanticenses cum Lessio, & alii. Potest recuperari, seu evinci res unitradita etiam privilegiato, ac infcio primæ venditionis, quando res data sit priori titulo oneroso, posteriori gratuito, seu titulo, ut aiunt Doctores, lucrativo. Non tenetur tamen donatarius qui bona fide accepit rem reddere, antequam petatur a creditoribus, & nisi petatur infra annum, ex Leg. 1. ff. *que in fraudem creditorum*, quia talis donatarius non tenetur nec ratione rei acceptæ, nec ratione iniustæ acceptionis. Sic Tournelleius cum aliis.

S. X.

De retractu gentilitio, seu de recuperatione bonorum venditorum ratione consanguinitatis.

Quid re-
tractus
gentili-
tius.

Retrahtus gentilitius est ius quod habet proximior consanguineus venditoris rescindendi, & ad se revocandi, seu retrahendi intra certum tempus venditionem rei immobiliæ eodem pretio quo ab extraneo vel remotiore consanguineo emptæ fuerit. Est communis inter Doctores. Iuris huius meminit Leviticus 25. & Leg. Ludum 24. cod. de contrah. empt. & cap. constitut. 8. de in integrum restitutione. Ratio inductionis huius iuris est ut possessiones paternæ, & avitæ facilius conserventur in proxima posteritate, & difficilius distraherentur ad extraneos, quod nimis lugubre esset hæc bona ad alienas manus devire, ut habetur in Leg. 22. §. nec vero cod. de administr. tutor.

Dicitur primo ius, ut ostendatur peccare contra iustitiam, qui consanguineum fraudibus impedit quominus rem venditam ad se revocet. Dicitur 2. *intra certum tempus*, quia Leges municipales terminum præbuerunt, extra quem ius non habent consanguinei rescindendi venditionem. Dicitur 3. *revocandi venditionem*, quia si per donationem, permutacionem, sive alium contractum res alienata fuerit, eam consanguinei retrahere nequeunt. Dicitur 4. *rei immobiliæ*, quia redhibitio gentilitia ad res mobiles non extenditur. Dicitur 5. *eodem oblato pretio*. Etenim non licet emptori exigere a con-

sanguineis, sicut posset ab extraneis plusquam solvit venditori.

Cum sola bona immobilia ea sint quæ retrahi possunt iuxta communem Doctorem ex Leg. 62. de contrah. empt. & Leg. Si in 35. minor. advertendum inter bona immobilia computari etiam annuos redditus, ususfructus, decimas, alique iura, ac res incorporales super re immobili constitutas Clement. extvi de Paradiso §. cumque annui de R. S.

Retrahere possunt consanguinei omnes non solum laici, sed etiam clerici. Sic communiter ex cap. constitut. 8. de in integrum restitut. Religiosi vero consanguinei non possunt, nec eorum loco Monasteria: nam per huiusmodi retractum eluderetur ratio finalis retractus gentilitii, quod nempe possessiones paternæ, & avitæ conserventur in proxima posteritate, nec divergantur ad extraneos Engel. lib. Decretal. tit. 17. n. 25. alique communiter.

Ius retrahendi competit ante omnes libris sive masculis, sive feminis, Leg. 1. ff. de verbis. significat. Leg. finali cod. quorum bonorum, dummodo tamen liberi sint legitimi, quia ab hoc iure excluduntur filii, & filiz naturales, & spurii, Leg. spurii 4. ff. unde cognati, & alibi. Liberi non extantibus hoc ius competit consanguineis collateralibus cum prælatione semper ad proximiorum venditori, Leg. pto 2. ff. de legatis. Si vero plures sint consanguinei eiusdem gradus, possunt omnes simul retrahere, & rem retractam possidere in communi, vel si dividi potest, dividere, aut forti committere §. optoris 25. Institut. de legatis. Cum fratre superflite liberi fratris, vel sororis defunctæ nequeunt simul retrahere, quia frater superflite est proximior fratri quam liberi. Si consanguineus vero proximior retrahere nolit, ius competit consanguineo post illum proximiori, semper tamen servato ordine gradus, & si unus ex æqualiter propinquis iuri suo cedat, admittendi sunt reliqui in solidum. Sic communiter.

Ad retrahendum vero quatuor potissimum requiruntur conditiones. 1. Retrahens retrahere debet intra annum & diem, dummodo non habeatur leges, & consuetudines in contrarium, cap. constitut. 8. de in integrum restitut. ubi ita: *intra annum, & diem*. Computatur tamen hoc tempus a die cogniti venditionis: Engel. loco cit. n. 24. aliqui communiter ex tit. tit. 9. §. finali. 2. Debet offerre integrum pretium ab emptore extraneo solutum una cum omnibus sumptibus, &

Quid no-
mize im-
mobili-
tium.

ex-

expensis ratione contractus necessario factis; ita ut emptor omnino indemnus servetur, *Leg. debet autem ff. de edilitate Leg. cum dubitatur 3. §. si quidem cap. de iure emptituitico*. 3. Debet refundere expensas interea factas ab emptore necessarias, & utiles, quas ipse confanguineus, & retrahens fecisset, *Leg. utilium 8. ff. de impensis in res dotales*. 4. Debet suo nomine, & in suum proprium, non in alterius commodum retrahere, quia ius retractus gentilitii seu sanguinis est personale, adeoque extraneus nequit esse, vel fieri eius particeps; aliter rueret natura retractus, qui ut iam diximus, iuductus est ne possessiones paternæ, & avitæ transirent ad extraneos. Ita communiter. Hinc peccant contra iustitiam 1. qui simulacra permutatione, aut alio contractu occultant venditionem in fraudem confanguineorum. 2. Qui fingunt se maiori pretio emisse quam revera emerint ad deterrendum confanguineum a repetenda possessione paternâ. Hic enim committit dolum, qui in iure dicitur *stellionatus*, nempe contractus fraudulentus) & iniuste impedit confanguineos venditoris a consecutione boni ad quem privative quoad ipsum extraneum verum ius habent. Unde si ex tali dolosa venditione, & fraudulenta consequatur confanguineis aliquod damnum, teneretur extraneus ad compensationem. 3. Qui nomine confanguinei precibus illecti ad emptorem vindicant rem emptam, & in hoc casu tam extraneus, quam confanguineus ad restitutionem tenentur, cum uterque sit causa iniustitiæ.

Si res viliori pretio vendita sit, confanguineus nequit illam retrahere sine animo eam retinendi, cum quia venditor cum sit dominus rei, ius habet illam vendendi quo voluerit pretio; nec in hoc læduntur confanguinei, sicut nec læderentur, si eam gratis donaret. Imo hoc favet ipsis confanguineis, qui si rem illam prius se ipsis volunt, ius habent illam viliori pretio retrahere, cum non teneantur dare emptori nili pretium, quo rem a confanguineo emit; tum quia confanguineus censetur extraneo vendere ius suum, quod tam alienare nequit. Hinc laudabilis est quorundam locorum mos, ubi ad evitandas fraudes, occurrente dubio de huiusmodi dolis, cogitur venditor, & extraneus emptor ad firmandum juramento quod revera solum sit tale pretium, & cogitur confanguineus retrahens ad iurandum quod pro se, & proprio commodum, non omnino pro alio retrahere velit.

§. XI.

De venditionis rerum defectuosarum, vel mixtarum nullitate.

Communiter sentiunt Doctores peccare contra iustitiam, ac obnoxium fieri restitutioni, qui rem vendit, quam viciosam, seu defectuosam cognoscit, sive in substantia, nam tunc contractus est etiam nullus ob defectum consensui substantialis, sive in quantitate, idest numero, pondere, & mensura, ut ex *Deuteronom. 25. non habebis diversa pondera, mais, & minus. abominatur enim Dominus Deus tuus cum, qui facit hec*; sive in qualitate sine pretii diminutione, tamen si vitium non sit noxium, quia in hisce casibus tollitur æqualitas, quæ requiritur ad iustitiam: nam cum res deficit, idest viciosa sit in quantitate, vel qualitate, minus valet quam integra, ac bona, ac ideo non stat æqualitas inter rem & pretium. Hinc non potest vendi nisi pretio minori, & si qualitas rei sit etiam noxia, venditor tenetur emptori de danno, cum fuerit iniusta illius causa. Item qui vendit rem mixtam alia viliori, puta vinum aqua mixtum, vel farinam triticicam cum hordeacea, si mixtio noxia sit, vel reddat rem deterioiorem, aut iniucilem, quia iniuste decipit emptorem, qui putat, & vult emere res puras, & non mixtas, & iniustum damnum contra bonam fidem ei irrogatur. Imo tamen si res mixta deterior non evadat, nec iniucilis, illicitum est eam vendere pretio eodem, ac si eilet pura, quia iniustum est vendere eodem pretio rem vilem quo pretiosiore, puta vinum aqua dilutum eodem quo vinum merum, cum illud hoc minoris valeat. Nam in his rebus mixtis est aliqua quantitas rei vilis: ita S. Antoninus, & alii. Nec excusat quod vinum sit mixtum æque & fortan plus quam purum placeat emptori; hoc enim est per accidens, & emptor poterat aquam vino miscere. Vinum quippe aqua mixtum minus æstimatur quam purum, ac ideo secundum se minus valet, & citius acescit, ac ad plures effectus est minus utile, unde pretium minus debet pro ratione mixtionis.

Similiter qui utitur aliquo artificio, ut mercis bonitas magis maiorque appareat, ac ideo vendit supra summum: nam cum ex tali artificio bonitas revera non augeatur, ideo nihil plus valet; necnon qui aliquo artificio pondus augeat, vel extensionem mercis, v.g. segetem aqua aspergat, lanam, li-

numve ponat in locis humidis, ut reddatur ponderosior, ita enim decipit emens in pondere, & mensura, & res vere minorem in se habet quantitatem.

§. XII.

De debito, quod habet venditor manifestandi defectum, seu vitium rei venalis.

Nota 1. vitium rei posse esse vel in substantia rei, v.g. si pro auro detur auricalchum, vel circa accidentia seu qualitates, ut si detur equus indomitus pro mansuetus, vel in equitate quoad numerum, pondus, & mensuram; ut si dolium vini detur ut continens decem mensuras, quando non continet nisi novem.

Nota 2. vitium rei vel esse patens, & manifestum, ut facile dignosci possit, vel occultum, ut difficiliter deprehendi queat. Utrumque vero reddere potest emptori rem periculolam, vel noxiam; periculolam quidem, cum, sicuti notat Sylvius, emptor vel nullatenus, vel saltem sine periculo ea uti nequeat, puta si militi vendatur equus eidem vitæ periculum allaturus in bello; noxiam vero, cum res, quæ quia vitiosa est minoris valet, tanti venditur, ac si nullum haberet defectum, ut si quis vendat vinum aqua dilutum. His prænotatis sit

Venditor
teneat
manifestare
vitium
rei
in
sub-
stantia.

Venditor tenetur manifestare emptori vitium vel defectum rei in substantia, puta indicare ei esse vitrum quod credit geminam, auricalchum, quod putat esse aurum, & huiusmodi; alias venditio non solum illicita esset, sed etiam invalida, quia error in substantia reddit contractum per se illicitum, cum errori substantiali desit consensus, qui est de essentia emptionis, & venditionis, ac ideo teneretur venditor reddere excessum pretii, & etiam totum pretium, si emptor cognito errore rescindere velit contractum rem vitiosam venditori restituendo, repetito pretio pro ea soluto, cum dolus causam dederit tali contractui, & error quoad substantiam, qui irritat omnem contractum. Ita communiter Doctores in *Leg. ex venditione*.

Quando
vitium
rei in
qualitate
manifestum
est.

Item patet facere debet vitium si sit occultum etiam in qualitate, licet de eodem non requisitus ab emptore, quando præcipue defectus rem faciat periculolam emptori, vel noxiam, aut inutilem ad effectum propter quem emit. Et hoc constat ex auctoritate, & etiam ratione D. Thomæ 2. 2. q. 73. art. 3. in corp. ubi sic ait: *Dare alicui occasionem periculi, vel damni semper est illicitum*.

... venditor autem, qui rem vendendam proponit, & hoc ipso dat emptori damni, aut periculi occasionem... unde si huiusmodi vitia sint occulta, & ipse non detegat, erit illicita, & dolosa venditio, & tenetur venditor ad damni compensationem. Ita etiam ex Leg. Labbeo 1. §. proinde si. de ædilit. edict.

Hinc tenetur venditor ad restitutionem pretii dati, & damni inde secuti compensationem, si vendat v. g. corium fragile, vel pannum adustum pro durabili, semina corrupta pro recentibus, ovem morbidam, ex qua grex morbum contrahat &c. Insuper si in sacci summitate triticum melius ponat, vel pisces meliores in summitate dolis, ut deceptus emptor iudicet ex iis, quæ apparent, & sic dicitur de tot aliis fraudibus, & ita cum cit. D. Th. & iure civili sentiunt omnes communiter, quia in tali casu emptor censetur involuntarius, & quasi dolo ad emendum inductus, cum putet mercem bonam, & sibi utilem offerri, & iuxta intentionem communem emptorum talem solummodo emere velit, & intendat, cum tamen noxia, & inutilis offeratur.

Imo si res sit in notabili gradu minus utilis quam rationabiliter optet emptor, tunc venditor eo magis debet defectum huiusmodi manifestum facere emptori. Tenetur enim contrahere cum emptore, ut rationabiliter vult hic, & intendit, quia hoc exigit bona fides, quæ servanda est in contrahendo: unde querenti res diu servandas, illicitè venduntur merces brevi tempore duraturæ. Si autem venditor bona fide, idest suæ merces occultum vitium ignorans rem sic vitiatam vendat, minime plane hic peccat, cum inculpabilis ignorantia excuset a peccato. Quando tamen conficius fiat de vitio huiusce rei venditæ, si res adhuc extet apud emptorem, tenetur rescindere contractum, vel quomodocumque sit, semper tenetur pretii inæqualitatem rescire; alias feret possessor malæ fidei, cum iniustum sit retinere pretium excedens valorem rei, quod ex cognitione defectus rei, suum non esse cognovit, cum suum pretium censere nequeat, nisi quod æquat rei valorem. Non teneretur tamen compensare damna exinde secuta, dummodo absit culpa lata, & levis, utpote qui non sit iniusta illorum causa ob ignorantiam invincibilem, quæ eum excuset, ac idcirco se habet ut possessor bonæ fidei, & aliunde tenetur ex contractu de sola culpa lata, & levi. Si tamen venditor penitus rei defectum ignorans dicat se vendere rem sicuti est, nec ullatenus velle in se suscipere

Qui ven-
dit rem
noxiam
&c. tene-
tur ad
restitu-
tionem
pretii
dati &c.

re periculum vitii occulti, si quid habeat, tunc censetur emptor eam emere suo periculo, & si quid vitii in posterum in ea detegat, actionem nullam habere potest contra venditorem: venditor tamen, ut opinor, in pretio saltem aliquantum descendat, quia imponit emptori onus subeundi periculi, quod est pretio æstimabile.

Quod si vitium rei ita manifestum sit, ut facile deprehendi queat, si non interrogetur, non est obnoxius ad eius manifestationem, & præcipue quando emens scientiæ suæ fidens nihil de rei qualitate interrogans eligit de mercibus sibi oblatis quæ magis ipsi placuerint. Sic D. Th. q. 77. loco supra cit., & eius doctrina ab omnibus communiter recipitur. Si vitium sit manifestum, puta cum equus est monocolus, & si venditor propter vitium huiusmodi detrahat quantum sit de pretio, non tenetur ad vitium rei manifestandum, quia forsitan ob tale vitium emptor vellet plus lubrari de pretio, quam esset subrahendum. Quocirca venditor licite indemnitati suæ consulere potest, vitium rei silendo, quia in tali causa venditor non decipit emptorem vel ex parte pretii, ut supponitur, vel ex parte vitii, de quo non loquitur, quia non tenetur partes agere emptoris ea ostendendo, quæ per se patent, quæque ipse facile dignoscere potest, si debitam adhibeat diligentiam, aut in casu dubii interroget. Verum si venditor deprehenderet emptorem non advertere vitium, licet manifestum, vel ob ingenii hebetudinem, vel ob vitium debilitatem, vel ob mentis distractionem, aut inadvertentiam, & vitium periculum esset emptori, tunc cum monere tenetur, non secus ac tepetur eum monere de vitio occulto, quamvis non interrogetur. Ita communiter, quia tunc tale vitium, licet in se manifestum, respectu tamen talis personæ tunc est occultum; idcirco error dat causam contractui. Insuper bona fides debita in contractibus ita exigit, & multo magis si vitium, ut notat cum aliis Valentia, opponatur intentioni, & fini, quem emptor actu habet in emendo, tamen ex incuria illud non advertat, quia incuria emptoris non dat ullum ius venditori, & verum est quod emptor non obstante sua incuria non vult nec intendit r. m. cum tali vitio emere. P. Antoine, Tournelleius. Imo notat Sylvius cum Lessio, & Valentia, aliusve, etiam si non esset contra iustitiam non monere emptorem, dum iudicio suo fidit, posset esse tamen, imo dico quod esset peccatum grave contra charitatem, si venditor

videat emptorem in sua simplicitate, vel inadvertentia, seu distractione decipi, ac rem quam emit, sibi inutiliter fore, licet aliis non futura esset inutilis. Nemo igitur non videt minime excusari posse a culpa contra iustitiam eos, qui nedum non admonent emptorem de vitio, imo quantum fieri potest, illud etiam celare student, vel quærendo angulos, & tenebras, vel res ita invertendo, & componendo, ne vitium defectusque detegatur, vel ita consule rei suæ defectus exponunt, ut potius influant rem suam omni vitio carere.

Si autem vitium rei non reddat rem noxiam, nec periculosam, nec notabiliter minus utilem, quam emptor rationabiliter expectet, non tenetur venditor vitium etiam occultum aperire, nisi interrogetur, dummodo pretium imminuat pro ratione vitii. Sic D. Th. tum loco cit. tum Quodlib. 2. art. 2. Si vitium (ait) non faciat rem minus valere emptori quam pretium impositum. ... tunc non peccat tacens vitium, & ex Leg. iam alias cit. *Labco §. proinde ff. de adilit. edit.* & Doctores communiter, etiam si venditor probe sciat rem ab emptore emptam non iri, si rei vitium agnosceret, quia in tali casu nulla iniuria, & damnum tunc fit emptori; alias servari non possent commercia in Republica, & negotiatio prorsus rueret, si defectus omnes non notabiles in se, nec relate ad usum emptoris opus esset aperiri. Nam mercatores coguntur emere merces cuiusque generis, aut qualitatibus, nec omnes semper conservare possunt ut vellent, & ipsi quoque decipiuntur, dum merces aliunde accersunt; unde si nonnisi merces infestuosas vendere deberent, prorsus deciderent ab eorum fortuna, quia vel emptores ab emendo detererentur, vel pretium iusto minus offerrent. Verum quidem est quod emptor etiam minuto pretio non emeret, si cognosceret defectum etiam si non sibi periculosum, & noxium, nec minus sibi utilem, sed hoc involuntarium conditionatum non impedit quin simpliciter consentiat; alias si res non ita se haberet, quisvis contractus fluctuaret, idest incertus esset. Et quamvis bona fides velit ne quis alterum circumveniat, hoc tamen intelligendum est cum benigna interpretatione, videlicet quantum patitur conservatio negotiationis in Republica, quæ profecto subsistere non posset, quando defectus omnes tamen si leves, nec periculosi, ac noxii aperiendi essent. Adde silentem non decipere eo quod non semper concurrat obligatio loquendi. Hinc patet ius

Quid de
merce
vitiosa
non pe-
culiosa?

Ne eos excusari posse, qui offerunt vinum minus exquisitum is, qui exsquisite vellent, dummodo venditor pretium imminuat, nec notabile discrimen occurrat in ordine ad humanam societatem. Si quis tamen quereretur vinum exquisitum, ac purissimum ad medicinam, haud dubie qui vinum simplicum ei venderet, de damno secuto teneretur. Idemque dicitur, si dum aliquis emere quazrat vinum, ut illud servet, detur vinum quod servari nequit, & in tali casu aut ille admonendus esset de vini qualitate, vel compensandus pro damno secuto, si forte sequi contingat. Imo multo magis certior fieri debet emptor de rei vitio, seu inferioritate, licet detur minori pretio, quando venditor probabiliter iudicat, quod emptor venditurus sit rem tanto pretio quanto si hoc defectu caretet; quia eo ipso quod rem venalem exponit cum vitio occulto ex lege sui officii, tenetur ex parte sua cavere nequis inde damnum aliquod subeat, secus occasionem praeberet damni aliis inferendi. Idemque dicendum si emptor emat sub conditione quod res tali vitio careat, tamen si non noxio, alias non empturus, & venditor huiusmodi emptoris intentionem, sive ex verbis ipsius, aut verisimiliter ex aliis signis, & coniecturis manifeste deprehendat quocumque pretio rem suam vendat, non eximitur ab obligatione vitium rei manifestandi, alias iniustitiam faceret emptori pretium accipiendo absque eo quod vitium aperiat; quia cum consensus emptoris fuerit conditionatus, deficiente conditione, cui erat alligatus, deest consensus, ac proinde contractus nullus redditur. Quod vero dicitur de vitio qualitatis rei, aequè dictum intelligendum de vitio etiam in rei quantitate, seu numero, pondere, & mensura, quando in aliqua ex his qualitatibus minor sit; alias venditor manifestam fraudem committeret, ac iniustum contractum redderet, cum deesse aequalitas, sine qua stare non potest iustitia, dum emptor ob errorem circa quantitatem pretium solveret rei quantitatis valorem excedens, & teneretur venditor excessum restituere, dummodo in revendendo in pretio non descendisset iuxta minorem rei quantitatem.

De fa.
gentibus
minus
vendere.

Venditor qui ad alliciendos frequentiores emptores fingit vendere merces pretio infimo, minori quam alii eas vendant, intergrum tamen non tradendo seu iustum pondus, vel mensuram, occulte se compensans pro communi pretio imminuto, peccat graviter contra iustitiam, & tenetur ad restitu-

tionem tum emptoribus, quia non stat pacto, ac contractui cum ipsis inito de tradendo integro pondere & mensura, tum aliis mercatoribus, qui ius habent ut emptores per talem fraudem a iustis officiis non abstrahantur. Sic Molina alii.

§. XIII.

De eo, qui ignoranter dat monetam falsam pro vera.

Qui ignorans falsam monetam pro vera tradidit, quando id noverit, veram tradere tenetur, & si nequeat, contractum rescindere debet, quia rem intrinsece, & substantialiter vitiosam dedit, dum tacite se obligaverat ipso contractu ad legitimam monetam tribuendam. Omnis enim contractus celebratur cum tacita mutua conditione, ne ad invicem fraudentur. Insuper error contigit circa substantiam monetæ, quæ est materia contractus dando, puta monetam stamineam pro argentea. Unde absque contractus rescissione, vel compensatione erroris per retributionem veræ monetæ haberetur inæqualitas in contractu, quæ ubi innotescit, statim tollenda est, ne altera pars iniuriam patiatur. Ita P. Antoine iuxta communem.

§. XIV.

De debito venditoris erga emptorem pro evizione.

Evizio est rei propriæ, quam alius iusto titulo acquisitam habet apud iudicem recuperatio, seu evizio est rei propriæ abductio per iudicem ab illo, qui eam emit, aut dono, aut ex contractu permutationis accepit. Non semel enim contingit, quod etiam res alienæ, v. g. furto ablatæ, vel ad alium iusto titulo acquisitionis, seu donationis, aut permutationis pertinentes ipso vero domino infcio, & invito vendantur, permittentur, vel alio modo alienentur. Hinc iura ad huiusmodi malitiis hominum obviam, & sic iniuste damnificatis succurrendum statuerunt, ut quicumque ita iniuste læsi fuerint, rem vere suam nondum præscriptam iudicis auctoritate iterum recuperare valeant; & hæc recuperatio dicitur evizio. Unde si agrum vendidisti Petro, a cuius potestate, seu possessione enim extraxit Titius probans te non potuisse illam vendere, quia tuum non erat, teneris Petro de evizione, scilicet vel iudicium, seu litem assumere ad eum defendendum, si revera.

Quia
evizio.

De dolo
in ven-
diti-
one
evizio-
nis

vera ager ille tuus erat, vel debes ei restituere pretium non quantum tamen ille dedit, quando agrum illum a te acquisivit, sed iuxta valorem, qui eum habere aestimabitur tempore evictionis iuxta meliorationem, vel deteriorationem quam dum eum possedit, contraxerit; imo debes eidem interesse refundere, quatenus eius intererat, idest lucrum cessans, vel dampnum emergens. Sic ex *Leg. 70. ff. de evict.* Et quia per talem evictionem is, qui prius rem acquisierat iusto titulo, puta emptionis, permutationis, receptionis pro debiti solutione, vel receptionis pro dote, & huiusmodi, eadem re iuste possessa privatur, statuerunt iura ipsum quoque posse indemnem se reddere agendo ex empto contra eum, qui talem rem alienam sibi vendidit, permutavit, dedit pro solutione debiti, vel pro dote, & huiusmodi; & sic possit cogere illum in iudicio, ut pretium, ac interesse sibi restituat, *Leg. 1. ff. de evict. Leg. non dubitetur 6. cod. de rer. permutat.*

Venditor bonæ fidei statim ac lis movetur emptori ad rem evincendam, tenetur eum defendere, litem in se assumendo, & prosequendo propriis expensis, tametsi specialiter ad hoc se non obligaverit. Dixi notanter quod venditor bonæ fidei teneatur litem assumere, & emptorem defendere, quia venditor bonæ fidei, seu qui scienter rem alienam vendidit, nequit tuta conscientia litem assumere, ac rem defendere, sed rem sine lite tenetur restituere proprio domino, & pretium ac interesse emptori decepto, *Leg. servus 30. §. si sciens ff. de action. empti.* Venditor tamen bonæ fidei non tenetur litem assumere, & emptorem defendere, nisi postquam emptor legitime ei denunciaverit litem sibi esse motam *Leg. emptor. & Leg. empti actio cod. de evict.* &c. Denunciare venditori litem esse motam in iure idem est ac laudare auctorem, idest venditorem *Leg. auctore laudato 7. cod. de evict.* Romani vocabant auctorem eum a quo quis ius aliquod seu causam possidendi aliquid habebat, *Reg. 165. de regul. iuris.* Legitime vero seu rite fit talis laudatio, seu renunciatio auctori, idest venditori, quando hic expresse requiritur ab emptore, ut veniat remque suam defendat, & liti motæ assistat; ita communiter cum Molina, Covarruvias, Abbas in cit. cap. si venditori num. 3. &c.

Venditor bonæ fidei pluribus in casibus non tenetur emptori de evictione, 1. quando non fuit laudatus, idest quando emptor non denunciavit litem motionem super re

illa, ut consideret si velit eam defendere emptori de evict. Hæc tamen denunciatio non requiritur, quando evidens est rem non fuisse venditoris, sed auctoris a quo ea repetitur, ut venditor nullatenus defendere valeat sibi competere, ut ex *Leg. emptorem in principio ff. de act. empti.* & Covarruvias testatur hanc esse communem. Item denunciatio non prærequiritur quando emptor est minor, *Leg. minor 3. cod. quibus casibus in integrum.* Hoc tamen intellige dummodo venditor aliunde sciverit litem moveri emptori. Item quando emptor sit Ecclesia, quæ gaudeat iure minorum, cap. requisit, & cap. audit. restitut. in integrum; & hæc quoque est communis. 2. Non tenetur venditor de evictione quando res evicta sit culpa iudicis sententiam per iniuriam ferendo cap. si venditoris 7. de empt. & vendit. Emptor tamen in tali casu procedere potest contra iudicem *Leg. 2. cod. de pona iudic. & principio Institus. de obligat. quasi ex delicto.* 3. Non tenetur quando emptor contumaciter abfuit tempore sententiæ promulgatæ ex cit. cap. si venditoris 7. quia, ait Vulcanius *Leg. si idem 55. principio de evict.* magis enim præter absentiam evictus videtur quam quod malam causam habuit. 4. Non tenetur, quando emptor rem præscribere potuit *Leg. si dictum 56. §. si cum posset ff. de evict.* 5. Non tenetur quando ipso absente emptor non appellavit a sententia *Leg. Herennius 63. §. quia ff. de evict.* Quod intelligendum est, nisi manifesta esset iustitia sententiæ prolatæ, & actoris. 6. Non tenetur, quando emptor litem motam definiri permisit per iudicem arbitrum, ad quem cognitio causæ non spectabat *Leg. si dictum 56. §. si compromisso ff. de evict.* 7. Non tenetur, quando emptor sua culpa amissit possessionem: unde ex reo factus actor cecidit in causam proprietatis *Leg. si rem quam ff. de evict.* 8. Quando emptor tempore emptionis sciebat rem esse alienam, nisi adhuc expresse conventum fuerit, quod venditor de evictione teneatur. 9. Non tenetur quando expressum fuit in contractu, ut de evictione ipse venditor non teneatur, quo unico casu tamen, si non de evictione, nec de damno & interesse teneatur, tenetur tamen facta rei evictione reddere pretium emptori, nisi etiam hæc obligatio expresse in contractu excepta fuisset, ut ex *Reg. 85. iuris in 6. contractus in conventionem legem accipere dignoscuntur.* Si venditor tamen esset malæ fidei, idest sciens rem esse alienam, tunc tenetur de dolo, & interesse & pretium totum restituere.

Quando
venditor
bonæ fidei non
teneatur

tuere, licet expresse convenierit non teneri de evizione, nec ad alia, quia iuxta Regul. 13. iuris civilis: *fraus & dolus alicui patrocinari non debet.*

§. XV.

De divisione emptionum, & venditionum a principis earum speciebus.

Emptio-
num, &
venditio-
num
multi-
plex divi-
so.

Venditio multipliciter dividitur, & 1. ratione rei, quæ alia est mobilis, ut libri, vestes, &c. alia immobilis, ut fundi; alia rei se moventis, ut equus, &c. 2. Ratione modi, quo perficiuntur contractus, alia enim est absoluta, alia conditionalis, alia cum pacto retrovendendi, additionis in diem, legis commissoriae, &c. 3. Ex parte loci, & modi, quo ad executionem reducitur, unde alia est quæ fit sub hasta voce præconis, seu per licitationem, alia quæ non fit palmam. Item vel fit mercibus minutatim, vel in cumulo venditis. 4. Ex parte finis: vel enim emittit res ut revendatur, sive mutata per artem, & est negotiatio, vel non fit ob hunc finem, & est pura venditio. 3. Ratione pretii dividitur in eam, quæ fit credito, & in eam quæ fit in præfenti numerata pecunia, ac in eam tandem, quæ fit anticipata solutione. 6. Ratione perlonæ, in eam quam venditor per se exequitur, & eam quam facit per alios, ut per proxenetas. 7. In eam quæ fit taxato ad autum venditoris pretio, & dicitur monopolium, & in eam quæ fit sine huiusmodi conventionem. Et quia hæc variet venditionum species multa in praxi includunt, quæ non minus difficultia quam scitu necessaria sunt; hinc reliqua non hactenus expolita diligentius.

CAPUT III.

De emptione, & venditione factis cum pacto.

UT autem omni meliori quo fieri potest modo procedatur, advertendum venditionem, & emptionem cum triplici pacto fieri posse 1. retrovenditionis, seu redemptionis, 2. legis commissoriae, 3. additionis in diem. Sit igitur

§. I.

De contractu cum pacto retrovenditionis, seu redemptionis.

Venditio cum pacto retrovendendi est contractus, quo venditur res aliqua cum pacto,

& conditione, ut cum venditor velit, ac requirit, teneatur emptor hanc illi retrovendere. Multis autem modis pacta huiusmodi fieri possunt, 1. pacificando, ut venditor quancumque ei placeat, rem suam venditam redimere possit. 2. Ut hoc facere nequeat ante certum tempus. 3. Ut non possit post certum tale tempus redimere. 4. Ut hoc possit certa data anni parte, puta in fine cuiuscumque anni, non vero quovis tempore ipse velit.

Venditio cum pacto redimendi, ut adhuc expolitum est, cedit in favorem solius venditoris, qui quancumque velit, idest pro libitu suo rem suam redimere, seu ad se retrahere valet. Duobus autem aliis modis pacta huiusmodi fieri possunt; primo in favorem emptoris, nempe cum venditor rem suam redimere, ac in se recipere debeat, quando emptori placuerit; secundo in favorem venditoris simul & emptoris, cum contrahentes inter se conveniunt, ut quoties venditor pretium reddat, ei reddatur res vendita, & e contra quoties emptor rem emptam venditori reddiderit, pretium solutum ei reddatur. His præmissis sit

Contractus intus cum pacto retrovenditionis in favorem solius venditoris, licitus est, si necessariae conditiones interveniant Leg. 2. cod. de pactis inter emptor. & vendit. Lelius, Lugo, & alii communiter & patet etiam ex Levit. 25. ubi præcipit Dominus, ut omnes terræ populi Israel sub conditione redemptionis venderentur: *Cuncta regio possessionis vestrae sub conditione redemptionis vendetur.* Verum quidem est quod iuxta hanc legem fructus interim ex possessione percepti in pretii partem essent computandi, quod tamen ex rei natura non est necessarium. Insuper hic modus vendendi comprobatur iure civili, & Pontificio, dum in utroque approbantur census redimibiles, de quibus suo loco dicitur, qui in favorem venditoris pactum adnexum habent redimendi, unde æque, nisi forte potiori iure idem pactum in aliarum rerum venditione fieri poterit. Ita enim habetur in iure civili est. Leg. 2. cod. de pactis, & iure Canonico cap. de nostram de empt. &c. ubi reprobat emptio cum pacto de retrovendendo, quia pretium modicum fuerat. Igitur a contrario non reprobaretur, si pretium iustum fuisset, ac sufficiens; & hoc innuitur etiam cap. illo lib. 3. tit. 21. de pignori. Et equidem dominus rei ita est illius arbitrer, ut imponere valeat emptori quancumque onus ei placet, dummodo & in pretium descendat iuxta gra-

Num. 11.
circum
pactum
retro-
venditio-
nis in
favorem
vendito-
ris.

gravitatem oneris impositi, & nihil faciat contra legem: unde si posset domum vendere ea lege, ut emptor eam nunquam alienare posset, sic & eam vendere posset hoc pacto, ut emptor non semper eam retineat, sed sibi, vel aliis certo tempore retrovendat.

Nec dicas contractum huiusmodi similem esse pignoratitio, per hunc enim qui pecuniam mutuo dedit alteri, recipit in pignus fundum frugiferum, nec fructus perceptos computat in partem sortis, ideoque sicut iste, ille quoque est usurarius. Nam respondetur latam esse disparitatem inter contractum pignoratitium, & contractum retrovenditionis; quia in mutuo potest mutuans sortem suam repetere etiam invito mutuatario, non ita in pacto retrovenditionis. Item in mutuo tenetur mutuatarius sortem reddere, etiam si quod mutuanti dedit perierit, nullo perierit sine sua culpa. In contractu vero cum pacto retrovenditionis res empta emptori perit, nec tenetur venditor pretium reddere, nisi res quam vendidit, sibi reddatur.

Dixi si adhiat conditiones necessarie, quarum prima est, ut contrahentes evitent omnem fraudem usurariam, ac habeant veram intentionem emendi, & vendendi. 2. Ut onus oneris compenfetur, cum omne onus extrinsecum contractui compensandum sit, utpote quod privet emptorem facultate rem emptam retinendi, vel rem alienandi, quod est pretio aestimabile; alias non servaretur æqualitas, ideoque pretium debet esse minus, quam si line tali pacto res venderetur; augeri vero debet pretium, si venditor teneatur rem suam redimere, si emptor velit, cum hoc pariter sit pretio aestimabile; non tamen vendi debet pretio minus vili, cum hoc reproberetur cap. ad. no. stram. 3. Ut res non redimatur maiori pretio ac vendita fuit, nisi emptor industria sua, vel opera eam meliorem effecisset. Nam vis pacti retrovendendi est, ut emptor restituito pretio pro re dato, eam restituat. 4. Ut dominium rei venditæ ad emptorem pertineat, ita ut vere fiat dominus rei emptæ, qui proinde fructus suos percipiat, & subeat rei periculum, sicuti unaquæque res suo domino perit. 5. Ut servetur identitas rei venditæ, ut si vendatur vacua, vacua reddatur, si cum fructibus, cum fructibus redimatur.

Quid ut
hinc sit
contra.
Aut re
retroven
tutis.

Cum igitur inter conditiones quæ requiruntur ad talem contractum retrovenditionis sit quod fiat cum vera intentione emendi, & vendendi; hinc contractus venditio-

nis cum pacto redimendi in favorem solius emptoris, ut est emptio rei frugiferæ, facta ea lege ut venditor teneatur postea rem suam recipere, totum pretium pro ea acceptum reddendo emptori, qui sibi retinet fructus perceptos, in praxi saltem est periculosa, & ad palliandas uluras intersit. Nam est verum mutuum virtuale cum lucro respectu eius, qui cum nolit mutuari alteri pecuniam quærenti, emit ab eo, puta vineam ea conditione, ut post duos, vel tres annos eodem redimatur pretio, quo empta fuit, retentis ab emptore fructibus ex ea perceptis; quia hic talis non habet sinceram intentionem emendi, sed solum intendit dare pecuniam præsentem ea lege, ut postea totam cum lucro recipiat, quod certe est usurarium. Talis igitur contractus procul eliminandus a fidelium commercio, ut notat de Lugo, qui ait talem contractum nunquam permitti solere. Nihilominus tamen circa talem contractum cum pacto redemptionis intra tale tempus attendendæ sunt leges municipales, ac consuetudines locorum. Unde ex his colligi potest, & debet etiam contractum cum pacto retrovenditionis in favorem utriusque, licet minus periculosum, habere tamen non parum mali, ita ut permitti non debeat, præsertim cum facilius sit emptori reddere rem quam emit, perceptis fructibus, quam venditori reddere pecuniam. Nam qui bona sic vendunt, vel vendere limulant, versari solent in gravibus angustis.

6. II.

De contractu Mohatra.

Contractus Mohatra, seu Baratta Hispanice, & Italice Stocco, seu Stocola, est contractus, quo aliquis pecunia præsentem indigens, nec mutuo cum inveniens emit credito a mercatore, seu alio venditore merces pretio summo, puta centum & decem cum pacto retrovendendi ipsimet venditori pretio infimo numerata pecunia, puta centum, ut sic per talem numeratam pecuniam suæ provideat præsentem indigentiam, cui per tales merces consulere nequit, utpote qui eis nunquam indigeat. Contractus huiusmodi vendendi mercem credito summo pretio cum pacto, ut sibi vendenti retrovendatur pretio infimo numerata pecunia, est contra iustitiam, ac proinde illicitus; ideoque merito damnatus ab Innoc. XI. in proscribenda propositione, quæ inter damnatas ab eodem est n. 40. *Contractus Mohatra licitus est etiam respectu eiusdem personæ, & cum con-*

Contra.
Aut Mo.
hatra
est con.
tra iustitiam.

tra-

gratum retrovenditionis praevis initio cum intentione lucri. In illis quidem est talis contractus, quia in pacto quod habent hi contractus, ut merx vendita certo pretio summo retrovendatur in eodem pretio, non servatur aequalitas, quam essentialiter exigit iustitia. Inponitur enim in hoc contractu praeter pretium iustum etiam onus retrovendendi emptori pretio initio, quod onus est pretio aestimabile, cum per hoc tollatur facultas retinendi mercem, vel eam alteri vendendi meliori pretio, summo scilicet, vel medio. Illicitus insuper est contractus initus cum tali pacto, cum palliatam usuram contineat, ac ideo sit usurarius, nam tale pactum facit, ut contractus sit mutuum virtuale, in quo ultra sortem aliquid exigitur. In hoc enim non fecus se habet venditor, ac si minorem pecuniae summam mutuo daret, ut maiorem reciperet, id est mutuaret centum, ut in satisfactione huius debiti reciperet centum & decem.

Quomodo
de con-
tractu
Mutuo
licitus.

Nam vero secluso tali oneroso pacto, & scandalo idem venditor licite emere possit ab emptore pretio infimo numerata pecunia eandem mercem, quas credito ei vendidit pretio supremo, non conveniunt inter se Doctores. S. enim Antoninus, Toletus, alii videntur pro parte negativa; alii vero communiter affirmant licite hoc fieri posse, dummodo non addit aliqua lex, ut est multis in locis, quae hoc prohibeat. Nam venditor merces vendidit iusto pretio, & iusto similiter pretio eandem emit, quando eas emit pretio, quo illi quoque iuste emerent, unde tunc nihil intervenit, quod iniustum illicitumque reddat talem contractum. Si enim non est illicitum aliis emere infimo pretio merces alicui venditas; nulla apparet ratio cur eodem pretio non possit eas licite emere ipse venditor, qui relinquit emptorem in plenissima, & absoluta libertate, ut eas sibi retineat, vel alteri quocumque pretio vendat. Nam in tali casu statim etiam emendo eandem mercem, ut iam supponimus, sibi oblatas ab emptore, venditor emptorem non gravat, sed potius eum liberat ab onere inquirendi, & forsan non sine gravi suo incommodo alios emptores.

§. III.

De venditione facta cum pactis legis commissoriae, & additionis ad diem.

Quid sit
pactum
Legis
commissoriae.

Pactum legis commissoriae, seu lex commissoria in venditionibus, & emptionibus

est vel mutua conventio inter contrahentes, vel conatus, seu lex etiam a solo venditore emptioni, & venditioni apolita ad hoc ut nisi intra certum tempus emptor solverit pretium, nulla sit emptio, & venditio, etiam si emptor a venditore ad solvendum non moneretur, & interpelletur, nisi tamen venditor, in cuius solius arbitrio est legem commissariam exercere, ei renunciare velit, & stare contractui. Ita communiter ex Leg. 1. & 5. ff. de leg. commiss. & alibi. Emptor autem soluto tali contractu non solum reddere debet rem venditori, sed etiam fructus interea ab ipso perceptos, & reliqua commoda, & eiusdem rei accessiones; Leg. si fundus. 4. ex Leg. fundo 5. ff. de Leg. commiss. quia, ut ibi ait textus, *nihil potest cum residere potest ex re, in qua fidem sesculisset.* Venditor tamen Legem commissariae, seu pretio per emptorem statuto tempore non soluto, habet in sua libertate vel pretium adhuc petere, vel rem venditam una cum fructibus repetere, dummodo statim se resolvat, & semel alterutro electo non amplius variet; Leg. si fundus 4. ff. de leg. commiss. Emptor tamen non habet hanc libertatem eligendi, sed hic praestare debet, quod venditor elegerit Leg. 3. & 4. ff. de Leg. commiss. quia quod est introductum in ius venditoris cederet in eius odium, & damnum contra regulam 61. iuris in 6. ubi sic: *Quod ob gratiam alicuius conceditur, non est in eius dispendium retorquendum.*

Venditio autem cum pacto additionis ad diem ea est, qua res aliqua venditur pacto ac conditione inter contrahentes mutuo conventa ad hoc ut liceat venditori intra certum tempus, si alter emptor meliorem conditionem offerat pro re, de cuius venditione iam initus est cum primo contractus, eandem rem vendere secundo emptori plus offerenti. Ita communiter ex Leg. 1. ff. de in diem addit. Ideo enim dicitur additio in diem, quia res non statim addicitur, seu datur, aut obligatur irrevocabiliter, & perpetuo primo emptori, sed in diem, id est ad certum tempus, intra quod si nullus alius emptor appareat qui meliorem offerat conditionem, id est quae magis utilis sit, & commoda venditori, addicitur tandem, seu datur eidem perpetuo, & irrevocabiliter Leg. quidquid 5. ff. de in diem addit. unde si venditione cum pacto additionis celebrata intra statutum tempus alius emptor meliorem conditionem offerat, ut eam venditor acceptet, statim ipso iure sine ulla alia actione res vendita iterum ad venditorem redit Leg. si

Quid sit
venditio
cum pa-
cto addi-
tionis ad
diem.

quis

quis hac lege 41. in principio ff. de rei vindicat. Tunc autem emptor debet restituere venditori nedum rem ipsam, sed simul fructus omnes interea ex illa perceptos, & illius commodi, & accessiones Leg. item 6. ff. cit. Potest tamen emptor deducere expensas, quas interea necessario in rem fecit, & venditor tenetur eas ipsi compensare Leg. Imperator 16. ff. cit.

Nam hinc duo leges licet sint
Venditio huiusmodi, sicuti etiam venditio legis commissoriae, iusta est ac licita, non obstantibus pactis iisdem additis, quia a iure civili ambae approbantur, imo statuuntur in eius favorem, & nemini iniuria inferitur, dummodo in utraque absit fraus, vel dolo. Nam ad hoc ut pactum additionis in diem licite suum sortiatur effectum, concurrere debent hae conditiones, 1. scilicet ut vere, & sincere, nempe sine dolo, & simulatione melior conditio offeratur venditori; alias secunda venditio iniusta esset, & nulla, & dolosus venditor teneretur ad omnia damna primi emptoris Leg. si venditor 14. ff. de in diem addit. 2. Si primus emptor velit ipse meliorem conditionem sincere oblatam praestare, vel adaequare, secundo emptori est praefertendus, Leg. scilicet ff. ut supra. 3. Venditor debet acceptare meliorem conditionem a secundo emptore oblatam, quia si recuset vendere huic offerenti meliorem conditionem, ut revera potest, tunc subsistit prima emptio etiam invito ipso emptore ex Leg. habetur 9. ff. ut supra, nisi tamen primus emptor expresse convenerit cum venditore ut sibi liceret resiliere meliore ei oblata conditione Leg. cit. quia ex Reg. 85. iuris in 6. Contractus in conventionem legem accipere dignoscuntur. 4. Ut intra diem, seu tempus additionis venditor non moriatur, vel si moriatur, absit intra illud tempus haeres idoneus, cui melior conditio offerri possit Leg. si praedio 15. ff. ut supra.

CAPUT IV.

De negotiatione, quae fit per emptionem, & venditionem.

§. I.

De variis modis quibus negotiatio per emptionem & venditionem peragi potest, & de eorum natura.

Trias sunt genera quae recenseri solent, negotiationis, quae fit per emptionem, & venditionem. Prima est quae emittit necessarium, & venditur superfluum. Haec

naturalis est omnibus, & licita, ac laudabilis, de qua intelligitur illud Proverb. ult. *Vidit quia bona est negotiatio eius: Et haec*, ait D. Th. 2. 2. q. 77. art. 4. *non est proprie negotiatio, nec pertinet ad negotiatores, sed potius ad economos, & politicos, qui providere debent domui, vel civitati necessaria ad victum*. Alia est quae emittit aliquid ut per industriam vel per artem melioratum aut immutatum carius vendatur, ut qui emit argentum, vel alia metalla, ut inde vasa, statuaeque conficiat, & vendat; qui emit animalia viva ut postea saginata carius vendat; nec ista pariter est proprie negotiatio aliquibus prohibita, ut inquit D. Th. supra cit. Tertia est negotiatio propria & rigorosa, & est propria mercatorum, quae negotiatores vocantur, & sic describi potest, quod ea sit quae rem aliquam comparamus eo animo ut integram aut non mutata vendendo lucrumur, ut colligitur ex D. Th. cit. Nomine vero emptionis venit etiam permutatio, quia etiam Barbari permutatione negotiantur, campiores non vendendo, sed pecuniam pro pecunia permutando, & de hac negotiatione sic expolita quaeritur num omnibus licita sit.

Negotiatio etiam rigorose sumpta, quae aliquid emittit, ut immutatum carius vendatur, si secundum se spectetur, ideo est rei natura, non est prava, nec illicita, tamen si aliquam turpitudinis speciem praefertat, ut ostendit D. Th. 2. 2. q. 77. art. 4. & cit. sed est indifferens, unde S. Aug. ait in psal. 100. *Negotiatio non facit hominem malum, sed iniquitas, & mendacium, & dist. 22. cap. fornicari ita habetur: Fornicari hominibus, semper non licet; negotiari vero aliquando licet, aliquando non licet*. Et ratio est, quia lucrum intendere ad finem honestum, v. g. ad sustentandam familiam, ut patria iuvetur rebus necessariis, per se est honestum, idcirco negotiatio ratione finis bona esse potest, dummodo in ipsa intendatur lucrum tantummodo labori correspondens.

Variis tamen praecipuis modis negotiatio vitari potest, & fieri illicita, 1. ratione finis, ut si fiat propter solum lucrum, & tunc potest esse solum peccatum veniale, & erit mortale, si in lucro constituatur ultimus finis, nam, ut ait Sylvius, tunc erit execrabile vitium, tamen si alia quavis iniustitia exerceatur; & tunc censetur mercator suum ultimum finem reponere in lucro, quando plus diligit lucrum quam Deum, dum paratus est Dei, & Ecclesiae praecepta pro lucro violare, ne lucrum amissionem patri-

ptio.
nem, &
venditio.
nem.

Defectio
tio ne-
gotiatio-
nis pro-
prie.

Nego-
tiatio
per se
licita
secun-
dam se.

Variis
modis
unde
negotia-
tio illi-
cita est.

Trias
sunt
genera
negotia-
tionis
per em.

tiatur. 2. Ratione materiæ, ut si vendantur res sacræ, vel res quæ licet ex se vendi queant, aliqua tamen iusta lege vendi prohibentur, ut si frumentum extra regnum evehatur; si vendantur infidelibus arma, ferrum, aut vasa sacra integra, locus si fracta sint, quia tunc sanctitatem amiserunt. 3. Ratione temporis, ut si vendantur carnes tempore Quadragesimæ sive catholicis, qui facultatem eas comedendi ab Ecclesia non receperunt, sive hæreticis, qui non agrotant, nam & hi ob acceptum baptismum legi Ecclesiæ subiecti sunt. 4. Ratione loci, ut si venditio fiat in Templo, cœmeterio, aliisque locis divino cultui mancipatis, ita ut abusus sit corrigendus, non consuetudo quorundam locorum, ubi in Templo venduntur cerei, sanctorumque imagines. 5. Negotiatio illicita est aliquando ratione personæ: sic aliquibus in locis personæ nobiles, iustitiæ Officarii saltem minutim mercaturam exercere prohibentur. Communiter tamen ratione personæ clericis & Religiosis vetitum est negotiari.

§. II.

De prohibitione Clericis & Religiosis negotiationem exercendi.

Negotiatio cæterum licita sub gravi Clericis interdicitur, & multo magis Religiosis. Varia sunt loca, per plurimi ac sæpe renovati Canones in iure canonico, unde aperte deprecanditur, & præcipue can. 10. dist. 88. *Negotiatio aliquando licet, aliquando non licet. Aequum enim Ecclesiasticus quis sit, licet ei negotiari, factum tam, non licet; & can. 6. de clericis, vel monachi &c.* Sic enim loquitur Alexander III. *Secundum instituta prædecessorum nostrorum sub interminatione anathematis prohibemus ne Monachi vel Clerici causa lucris negotientur.* Sic vetat Clement. 1. *de vita & honest. cleric.* Igitur clerici, & monachi negotiatores mortaliter peccant, quia gravissima excommunicationis poena semper percutiuntur, quæ poena non infligitur pro veniali tantum, sed pro mortali: nec diffidiliter deprehendi potest ratio, quare negotiatio personis huiusmodi a sacris canonibus interdicta fuerit, videlicet quia cum negotiatio sit quoddam commercium plenum periculis, ac hominem sæcularibus negotiis implicans, idcirco eum penitus a Deo avocans, merito clericis, Religiosisque, qui se totos suæque Evangelio consecrarunt, permittendum non erat tale perdifficile exercitium, quod vix

laicis licitum est. Poena tamen excommunicationis, suspensionis, depositionis iuncta a sacris canonibus contra inobedientes, & a Synodo Tridentina fell. 22. de Reform. cap. 1. confirmata semper intelligenda est non lata sententia, sed sententiæ ferendæ.

Hæc tamen non intelliguntur nisi de Clericis in sacris constitutis, aut Beneficiariis, ut notat Habertus cum aliis. Intelliguntur tamen de Religiosis omnibus, iis etiam qui nullo Ordine sunt insigniti, modo eos non excuset gravis necessitas. Quare si clericus sæcularis in sacris non constitutus mercaturam exercent, videtur non peccare lethali-ter, eum sacri canones loqui consentant de clericis statui clericali immobilitate addictis: nihilominus quia dedecus est quemvis clericum, etiam non constitutum in sacris in mercationibus versari, admonendus est ab Episcopo, ut desisteret; & si resisteret, a clericatu eum deponere deberet. Quod si esset beneficiarius, licet in sacris non constitutus, probabilis lethali-ter peccaret, quia cum teneatur ad horas canonicas, ac proinde de titulo beneficii divino cultui sit mancipatus, in ipso quoque locum habent motiva, propter quæ mercatura clericis prohibetur. Imo notant Doctores ex Bullis Summorum Pontificum ab huiusmodi negotioribus Beneficiarius auferri spolia nedum correspondentia ecclesiastico beneficio retento, verum etiam per negotiationem cumulatam. Igitur signum est manifestissimum talia bona male parta fuisse, ac illegitime conservata.

Licet non evidens sit allatos canones extendi ad clericos negotiantes non per se, sed per alios; quia tamen æque unus ac alter modus indecens est, quamplurimi fatentur saltem venialiter delinquere clericum, qui per alium negotiatur, præcipue si non totam negotiationem per laicum, sed in aliqua parte etiam per se ipsum exerceat, nempe sollicitando, dirigendo, instruendo, & quasi superintendendo, ut aiunt Salmon-ticenses, & talis superintendencia, suspicatur de Lugo, quod ad reatum lethalis culpæ perveniat. Clericus vero in sacris constitutus, qui semel, aut iterum negotiatur, probabilis iudicandus est non mortaliter culpabilis, cum clare non constet ex sacris canonibus, idcirco videtur quod talis eorum inobedientia non sit mortalis, quia cum canones loquentes de clerico negotiatore gravibus poenis eum mulctent, censendi sunt non actum aliquem transeuntem, sed habitum consuetudinemque permanentem repro-
bare,

Quid de clerico per alium negotiante.

bare, dummodo tamen talis rarissima clerici negotiatio non sit de re turpi, vel alicuius magnæ summæ, vel cum aliquo scandalo: nam alias in hisce actibus gravem culpam incurreret.

Quid de Clerico vendente, et alteri eodem pretio quo emit
Si clericus emit, & vendat rem immutatam sine lucro, puta dum quædam victualia, quæ vili pretio venduntur, procurat & emit, non pro se tantum, sed pro amicis quoque, Conventibus, &c. ut eodem pretio eisdem vendat, hic plane illicite non agit, neque revera mercaturam exercet, quæ intentionem lucri supponit, sed potius dicitur bonum curare in favorem eorum qui ipsi sunt amici, & benemeriti.

De Clerico suo opere ar. tisdentes vendente.
Clericus peritus in arte aliqua non vili, nec dedecente, emens materiam aptam suis officiniis, puta colores, telas ad pingendum, argentum, aurum, calibem ad horologia construenda, &c. ut hæc & similia artefacta vendat pretio iusto ad sui, vel familiæ sustentationem, consanguineorum, virginum collocacionem, pauperum per elemosynas sublevationem, hic profecto dici nequit mercaturam exercere, cum talia exercitia, artificia vocentur, a quo nomine denominatur artifex, qui rem emptam mutatam vendit, non mercatura, seu negotiatio, quæ rem eandem integram & immutatam, uti emit ita vendit. Pariter non dicitur clericus negotiacionem exercere, qui animalia emit pascuis suorum prædiorum faginanda, & faginata vendenda, quia hoc est vendere pascua propria, idest fructus suorum agrorum: non tamen licitum est agros conducere, ut fructus eorundem vendat, nec uvas emere, ut vinum per alios vendendum conficiat, neque greges alienos conducere, ut lac, lanam, castrum, &c. vendat: neque ex lana proprii gregis pannum per operarios texere ad vendendum; neque iumenta emere ad eandem lucrosè locanda. Verum circa hoc postremum non video graviter culpabilem clericum, dummodo non sint in magna quantitate, ut non levis exigentor eiuldem cura, & occupatio, vel ex hoc scandalum oriretur, cum in his alendis, & gubernandis nulla requiratur eius industria, labor, & occupatio: nam allatæ mercaturæ vetitæ sunt a sacris canonibus, præcipue a Conciliis Carthaginensibus 1. & 4. relatis in can. 21. q. 3. *canf.* 1. Aliter vero dicendum, si greges teneat in propriis pascuis, ut fructus eorum vendat, sicuti etiam fructus suorum agrorum, quia fructus propriorum fundorum venderet. Insuper licet id quod ante emerat ad proprium usum, si super-

Quid de Clerico emente animalia pro suis pascuis.

fluum illi reddatur, aut minus utile, vendere etiam carius, quia in his desset animus negotiator.

§. III.

De culpa vendentium sal, aliæque similia, sola civili lege vetita.

Vendentes sal, oleum, aliasque huiusce generis merces, quas vendere rigorosis multis Principes, & Respublicæ interdiciunt, esto quod leges vetantes essent mere penales, nihilominus affirmant Theologi peccare mortaliter, utpote qui se exponant periculo morali amissionis vitæ, libertatis, bonorumque omnium, non sive gravi familiæ incommodo, & quandoque etiam exitio. Etenim mortale est ad minus contra charitatem se, suasque bona, necnon familiam tam gravibus periculis exponere ob aliquod temporale lucrum, vel commodum longe inferius periculo, cui se exponit. Quare nec aliis est licitum hæc emere, quia dant occasionem peccatis vendentium, & saltem indirecte gravium eorum periculo cooperantur. Ita P. Antoine cum aliis.

Disputant Theologi super culpa eorum, qui talia vendunt, quæ immunes esse queant ab omni reatu, considerando solummodo huiusmodi venditiones, quatenus possint esse transgressiones legis mere penales, unde tales venditores non peccent saltem contra iustitiam. Verum si considerentur prout violant iura publica vestigialium, & præcipue si vestigialia locata sint alicui privato, nullum plane occurrere potest prudens dubium quin exercentes huiusmodi venditiones non solum peccent mortaliter contra charitatem ob pericula, quibus se exponunt, sed contra iustitiam quoque, & debito restitutionis sunt obnoxii, utpote quæ cedant in publicum damnum, & si vestigialia sint locata, etiam in damnum privatum tertii; sed de his iam satis alias actum est.

§. IV.

De venditione, quæ fit credito, vel anticipata solutione.

Duplex hic occurrit difficultas examinanda, nempe num possint res carius vendi credito ob dilatam solutionem, quam præsentem numeratam pecuniam, & num possit res vilius emi ob anticipatam solutionem, idest cum multo prius solvatur pretium, quam merces tradantur. Pro quarum solutione fir-

N

Ven-

Quid de
venditio-
ne ultra
iustum
ob dil-
ationem
solutio-
nis?

Venditor vendendo credito ob conventam solutionis dilationem, nempe ob solam dilatatam solutionem, nullo interveniente iusto titulo, licite vendere non potest merces supra pretium summum, sive naturale sit, seu vulgare, sive legale, seu legitimum, idest a Principe constitutum, *ex cap. 6. & cap. conclusus 10. de usuris*; idemque statuit Concilium Mediolanense primum 2. *part. tit. 61. de usuris*; & hic est unanimis Theologorum consensus cum S. Th. 2. 2. q. 78. *art. 2. ad 7.* Docent enim illud esse illicitum, quod est mera usura, sicuti est vendere carius ob dilatatam solutionem, quia idem est ac pecuniam, ex qua solvendum erat pretium, mutuum dare emptori, & pro ea maiorem pecunie summam accipere. Igitur patet evidenter huiusmodi venditionem iniustam esse, & illicitam. Insuper pretium iustum rei non debet aestimari ex dilatione solutionis; nam idem æque iustum est, si detur nunc, ac si detur post annum, dummodo sit secundum legem, si est legale, vel secundum communem estimationem, si est vulgare, & hoc solum est pretium iustum. Igitur sola ratio temporis nihil confert ad pretium, ut sit iustum, aliquo usura esset licita, & pecunia numerata esset pretiosior numeranda, quod damnavit Innocentius XI. unde solutio futura est æqualis estimationis cum præfenti.

Diximus *supra iustum pretium*, cum intra limites huiusce, idest intra fines summi, & infimi, licitum sit vendere, & emere. Etenim nunquam quis tenetur per se loquendo vendere infra summum pretium iustum, cum venditio usque ad summum iustum pretium etiam numerata pecunia iusta sit in utroque foro, unde multo magis erit iusta ad creditum, quod solet habere multa pericula, & incommoda. Dixi pariter *nullo interveniente iusto titulo*; nam omnes conveniunt, ultroque fatentur licitum esse carius vendere credito, si interveniat aliquis iustus titulus, puta lucri cessantis, damni emergentis, periculi perdendi pretium, vel gravis difficultas, incommoda, impensæ pro pretio postea recuperando, quæ incommoda sunt pretio aestimabilia, & expensæ locum habent damni emergentis, ut si emptor absens esse debeat, aut si non soleat solvere nisi post multa ad eum venditoris itinera, &c. Semper tamen pretium supra iustum in huiusmodi venditionibus, (ut evitetur usura) esse debet iuxta proportionem incommodi, periculi, vel damni, aut huiusmodi, &c. Ita Molina, Lessius, Henno, Valentia, aliiye

cum D. Th. loco cit. & *ex cap. in Civitate 6. de usuris*. Ad hoc tamen ut venditor possit ex his titulis aliquid recipere supra iustum pretium, dando mercem credito, idest cum dilatione solutionis, passim advertunt Doctores quasdam requiri condiciones, ut evincatur hos titulos iustos esse, & veros, ac legitimos. Hinc in lucro cessante primo requiritur, quod mercator revera venditurus merces alteri numerata pecunia; si credito non vendidisset, alias non habuisset pecuniam, qua negotiando potuisset aliquid lucrari, & sic nullum lucrum ei cessasset; unde sit, ut passim delinquant mercatores vendentes omnibus indifferenter credito dum carius vendunt, etiam cum pauci, aut nulli sint, qui numerata pecunia emissent. 2. Quod qui ad creditum vendit non habeat plus emptorum ac si venderet numerata pecunia, alioquin copiosiore venditione damnum suum compensaretur. 3. Ut revera pecunia illa statim impensa fuisset negotiaturus ad tempus, quo solvetur ea cui conventa est solutionis dilatio; alioquin si mansura erat otiosa, iam non ideo cessat mercatoris lucrum, quia mercem ad creditum vendidit. 4. Ut lucrum exigendo detrahatur quod iudicio boni viri expensurus fuisset ratione periculorum, & expensarum in negotiando cum tali pecunia, cuius solutio est differenda. 5. Ut Mercator de tali suo lucro cessante emptorem admoneat, maxime cum creditor aut suspicatur quod nolle emptor subire tale incommodum lucri cessantis, unde ipso non monito non potest ei rem vendere supra summum pretium ratione lucri cessantis in venditore ex sola dilatione solutionis, quæ conceditur emptori. Et hæc conditiones attendendæ, considerandæ, & observandæ sunt a mercatoribus vendentibus res credito pluri ratione solius huius lucri cessantis. Quod autem dictum est de titulo lucri cessantis, qui verus esse debet, non fictus, & idealis, ad hoc ut res vendita credito ob dilatatam solutionem licite vendi possit supra iustum pretium, hoc quoque intelligendum, quando hoc facere quis velit ratione damni emergentis, & periculi perdendi pretium, vel difficultatum, molestiarum, expensarumque, quæ probabiliter timeantur, seu acciderent, solent in exigendo postea pretio, idest quod hi tituli veri sint, nempe quod revera dando merces cum dilatione solutionis damnum emergat, & revera adit periculum perdendi pretium mercis, ac extet ratio, quæ prudenter, ac probabiliter timeantur difficultates, molestiæ, expensæ,

ac similia incommoda pro pretio recuperando.

Venditor, qui credebatur vendere numeratam pecuniam, cui tamen emptor non vult statim solvere, si venditio perfecta sit quando intentionem deprehendit emptoris, tunc non potest quidquam plus exigere supra pretium conventum. Si vero venditio non perfecta sit, potest pretium augere, quia venditio supponitur nondum perfecta; non potest tamen augere nisi intra latitudinem iusti pretii.

Quid sit, eas revenditurus est minutatim, non potest eas vendere pretio summo, quia ex communi mercatorum estimatione minus debet esse pretium rerum, quae venduntur in cumulo, quam quae minutatim. Excipe tamen nisi venditor ipse eandem merces minutatim venditurus erat, quia tunc ei cessaret lucrum. Emptor tamen in tali casu nihil lucri ex earumdem mercium revenditione percipere possit, quia non licet vendere supra pretium summum, seu rigorosum.

Illicitum est emere sine iusto titulo infra pretium legitimum, vel naturale propter anticipatam solutionem; quia, ut ait D. Th. ista anticipata solutio pecuniae habet mutui (ab emptore dati) rationem, cuius quoddam pretium est quod imminuitur de eiusdem iusto pretio rei emptae. Igitur illicita est huiusmodi emptio. Pretium vero sumi debet a tempore, quo res traditur, quia res tradendae aliquibus mensibus post venditionem non emuntur, prout actu sunt cum sit venditio, sed prout erunt quando tradentur. Hinc ut pretium iustum sit, debet constitui secundum estimationem, quam habebunt eo tempore, quo tradentur. Igitur si quid detrahatur de tali pretio ob anticipatam solutionem, usurarium est. Haec quaestio est acriter agitata inter Hispanos Doctores ob solutionem lanarum, quae fit mense Ianuario &c. quo valent triginta, & non traduntur nisi mense Martio, ita ut interim emptores non subeant periculum. Et qui fusius rem, & magis ex profecto agitatam videre cupit, percurrat Salmanticensis cap. 2. punct. 11. §. 2. ubi pro utraque opposita parte per plures afferunt Theologos, qui tamen ultro fatentur nostram sententiam probabilissimam, securiorem, & omnino consulendam. Et eundem hanc concordat doctrinam Gregorii IX. qui cap. finali de usuris ait; Qui dat centum solidos, ut alio tempore totidem grani, vini, oleique mensurae reddantur, quae licet tunc plus valeant, utram plus vel minus solutionis tempore fuerint valiturae, verisimiliter du-

bisatur; non debet ex hoc usurarius reputari. Ratione huius dubii etiam excusatur qui granum, vinum, oleum, & alias merces vendit, ut amplius quam tunc in certo termino recipiat pro eisdem, si tamen tempore contractus non fuerat venditurus. In textu hoc tria notant Theologi. Primo in dubio an merces tempore traditionis plus vel minus sint valiturae, vendi possunt iuxta pretium quod habent tempore contractus, & anticipatae solutionis, cum sic aequalis sit fors ementis, & vendentis. 2. Potest vendens plus vendere si statuerit merces servare usque ad tempus, quo verisimiliter plures vendentur, & ita declaravit emptori, deductis tamen expensis quae facere debebat pro eis conservandis, & computata frumenti, & olei diminutione. 3. Si e contra certum sit merces pluris valiturae tempore traditionis, iniustus, & usurarius censendus est qui ob anticipatam solutionem eas viliori pretio emit sine iusto titulo.

Dixi sine iusto titulo, qui si adsit, emere potest merces infra pretium infimum ob anticipationem solutionis, puta si adsit periculum nognis cum difficultate, & molestia, expensis, seu incommodo habendi merces emptam statuto tempore; si emptori propter expectationem meris emptae lucrum cesset, & damnum emergat, & huiusmodi. Nam si sine hiisce incommodis emi potest pretio infimo inter terminos iusti pretii, quomodo non poterit emptor emere infra idem pretium, quando concurrat aliquod ex dictis incommodis, quae sunt pretio aestimabilia, & praecipue quando emens aliquod damnum in lucro patiatur.

§. V.

De emptione crediti, chirographi, & annui census pretio minori.

Verfatur controversia inter Theologos circa emptionem crediti, chirographi, & census annui, ac sit eorum actio, & ius: v. g. Carolus dedit mihi chirographum, quo mihi obligatur ad solvendum centum nummos post mensem; quaeritur num Ioannes faciendo mihi in praesenti solutionem huiusce crediti, possit iuste emere hoc chirographum nummis solum 90. & sic etiam an censum ex contractu consignativo licet emere possit pretio minori quam creatus sit; & ut caute, ac securus consulat resolutioni huiusce non levis difficultatis, communiter distinguunt inter chirographa liquida, certa, facilis solutionis, sine ullo periculo, sine lucro cessante,

fante, & damno emergente; (idemque dicto de omni alio credito, & de censibus) & chirographa litigiosa, incertæ solutionis, & quæ nonnisi cum difficultatibus, molestiis, odiositate, lucro cessante, & damno emergente exigi possunt.

Chirographa, & alia quævis credita, ac census, quæ certa ac liquida sunt, quorum exactio suo tempore nulli penitus subiecta est difficultati, molestiæ, periculo, ubi nullum intervenit lucrum cessans, ac damnum emergens in expectanda statuto tempore solutione, non possunt licite emi pretio minori. Ita probabilius tenent Soto, Sylvestre, Molina, Gabriel, Bellarminus, Lugo cum aliis bene multis, quia cum ut ipsi iam sentiant adversarii, ad hoc ut emptio iusta sit, ac licita, necesse sit ut fervetur æqualitas inter valorem rei, seu mercis, quo eadem emitur, ut ex Leg. si servum 33. ff. ad Leg. Aquilam, & Leg. pretia rerum 63. ff. ad Leg. Falcidiam; hinc creditum, chirographa, seu census, quæ valent centum, si sine ulla difficultate occurrenti, periculo, damno &c. emantur minori pretio, puta 90. quia solummodo aliquo tempore expectanda sit eorum exactio, & eorum pretium ad præsens solvatur, in tali emptione æqualitas profecto non servatur: nam creditum, centum, & liquidum centum aureorum pro quo exigendo nulla profus exeat difficultas, periculum, vel damnum, revera valet centum aureos, nec dilatio solutionis minuere potest eorum valorem, alias pro dilutione solutionis, & præsentis numeratione pecuniæ licita fieret usura, quod expresse damnatum est ab Innocentio XI in propositione, quæ ordine est 41. *Cum numerata pecunia sit pretiosior numeranda, & nullus sit, qui non maioris faciat pecuniam præsentem, quam futuram, potest creditor aliquid ultra sortem a mutuatario exigere, & eo titulo ab usura excusari.* Et revera qui chirographum, aut aliud creditum centum nummorum post sex menses certe sine ulla oppositione solvendorum nunc emit sine ullo suo damno pro dilutione solutionis nonaginta præsentibus, idem facit ac si 90. daret mutuo ea conditione, ut post sex menses centum reciperet; quod quando non addit aliquis iustus titulus excusans, est mera usura.

Chirographa vero, alique credita, quantumvis certa, si sine molestia, difficultate, odiositate, lucro cessante, damno emergente exigi nequeunt, valide, ac licite emi possunt minori pretio iuxta tamen qualitatem difficultatis, periculi, damni, & huiusmodi.

Ita communiter Doctores cum Molina, Lugo, Lessio, aliique, Leg. minus 204. de regulis iuris ubi dicitur: *minus est actionem habere quam rem.* Unde addunt Doctores tantam aliquando esse posse difficultatem vel incertitudinem solutionis, ut huiusmodi credita, vel chirographa aliena interdum dimidio valore emi possint; & est communis. Et ratio est evidens, quia illud est iustum pretium naturale rerum, quod communis æstimatione statuitur, Leg. pretia rerum 63. ff. ad Leg. Falcidiam. Communis autem æstimatione minoris, ac in se, sunt pretii credita, & chirographa, quæ sine difficultate, expensis, periculo, lucro cessante, & damno emergente exigi nequeunt, & tanto minoris æstimatione, quanto maioribus subiacent periculis, difficultatibus, expensis, &c. Item sicuti quod tantum est in ipse minoris valet, quam quod est in actu, ita quod dubium est, minus æstimatur quam id, quod est certum.

Chirographa, & aliena credita huiusmodi licite minori pretio emi possunt etiam ab aliquo particulari, qui ob suam industriam, & Principis favorem, aut Officialium, vel ipsiusmet debitoris illa exigere potest sine difficultate, periculo, ac damno, sine quibus illa exigere nequit creditor ipse, aut alius alter. Sic Molina, Lessius, Lugo, Bonac. alique non pauci. Et ratio est quia valor rei non est desumendus a privata industria, favore, aut utilitate alicuius particulari, sed ex communis æstimatione, qua communiter æstimaretur si palam proponeretur venalis; quia maior utilitas, quæ nunc emptori accrescit, non ex ipsa re proficiscitur, nec per se nocet venditori, sed tota optur ex industria, vel fortuna emptoris, ac proinde hæc utilitas est proprium emptoris bonum, & ideo eadem vendi nequit ab eo, qui chirographum vendit, cit. Leg. pretia rerum. Unde cum aliena credita, ac chirographa ratione difficultatis, & incommodi in his exigendis minus communis æstimatione, ac iudicio æstimentur, sic minoris poterit illa emere talis etiam particularis, qui ob specialem suam industriam, vel favorem Principis, Officialium, seu etiam ipsiusmet debitoris exigere possit sine difficultate, & incommodo: hoc enim imputari debet suæ speciali fortune, & industriae. Et hoc idem illicitum non reputatur ne quidem ipsis Ministris, ac Officialibus, qui Principum, aliorumve debitorum pecunias administrant, nempe hi quod licite chirographa, ac credita erga suos.

prin-

principales emere possunt. Nam nulla apparet ratio cur in tali casu ipsi debeant esse deterioris conditionis quam alii, quando ab ipsis non dependet huiusmodi tollere difficultates. Ita Lessius cum aliis. Non possent tamen emere illa credita minoris, si ipsi ex dolo, negligentia, aliave ex culpa essent causata, quod creditorum exactio difficilis, periculosa, onerosa redderetur; alias ex suo dolo, & malicia lucrum reportarent, quod Leges vetant, ut *Leg. si legatarius cod. de legatis*, *Leg. cum hi ff. de transact. ubi sic: non debet via aperiri molestis*, & *capit. 12. de cleric. non resid. ubi ita habetur: cum fraus & dolo nemini debeant patrocinium impertiri*; neque ex tali malicia possunt ipsi ministri & Officiales suggerere amico, ut minus emat aliena credita erga regnum, & rempublicam, ut postea facta integra solutione emptori dividere debeant inter se, & emptorem lucra illius fraudulentæ emptoris. Ita Molina, aliique per ipsa iura mox citata.

Imo chirographa, & credita aliena in casu quo possunt ab alio tertio minoris emi, etiam ab ipso debitor minoris emi possunt, seu redimi, vel extingui, dummodo tamen ipse non sit causa minoris estimationis, & quod solutio præfixo futuro tempore non evadat ex sua negligentia difficilis, vel periculosa, sed difficultas, & periculum aliunde oriatur, v. g. quia ratione belli, aut fluminum emersione, aut huiusmodi aliorum periculi, & infortunii timendum est ne bona debitoris pereant, & sic tempore solutionis præstandæ ipse non sit aptus solvendo. Sic Navarrus, Lessius cum aliis. Secus tamen dicendum, si ipse debitor sit malitiosus, ac culpabilis causa cur solutio difficilis fiat, periculosa, & onerosa. Ita Doctores communiter cum cit. iuribus. Quare cavendum est a similibus emptioibus, quæ sunt pretio minori a debitoribus, vel a dictis ministris, & officialibus, quæ sunt valde periculosa, & suspecta, ut advertit Layman cum aliis.

Quod autem dicitur de chirographis, & creditis, inferunt Doctores, præcipue Habbertus sentendum esse de iis qui contractum census consignativi minori emunt pretio quam creatus est: in hoc tamen iuxta aliquos maior est difficultas quam in casu præcedenti: nam etiam chirographum emens non tam emat pecuniam, quam ius ad ipsam, certus tamen est futurum ut pecuniam illam definitio quodam tempore consequatur; at qui emit contractum census capitale nunquam forsitan consequetur. Deinde unus li-

bentius faciet contractum, cuius prævidet capitale post aliquot annos reddidurum, alter plurius æstimabit contractum, quem sperat non esse solvendum; placebit alteri potius contractus, cuius pensio a Principe, aut viro eximie nobilitatis quotannis solvenda est, horrebit alter negotium habere cum magnatibus.

Ex his colligunt Theologi iustum valorem census consignativorum, qui iam antea constituti sunt, non semper eundem esse secundum hominum æstimationem. Unde inferunt aliquando licitum esse huiusmodi contractus minori emere pretio quam creati sunt, tametsi non liceat eos creare alio annuo pretio, quam quod a Principe taxatum est. Fautentur tamen regulatiter loquendo pretium iustum census consignativi liquidi, facillime exactiois esse illud ipsum, quo constitutus est, idcirco a pluribus Sorbonæ Doctoribus declaratum fuisse usurariam emptioeum census consignativi factam minori pretio, quam idem census valeat secundum se, id est secundum pretium, quo fuit constitutus, & huic sententiæ, ut probabiliori adharendum. Variæ autem circumstantiæ, quæ efficiunt, ut quis hunc contractum malitiam quam alterum, possunt quidem efficere ne emas, non autem ut pretio minori emas, quando revera emere velis, alias emerens vilis iusto, cum pretium legitimum sit indivisibile, & census iam constitutus nulli periculo, aut difficultati expostus tanti valet quanti novus. Quod si lex sit abrogata per consuetudinem legitime præscriptam, vel revocata consensu saltem tacito Principis, ita ut census constitutus habeat pretium vulgare (ut multi dicunt ex consuetudine habere) census potest emi pretio infimo, qui summo venditus fuit, cum utrumque iustum sit. Non potest tamen redimi a vendente nisi pretio eodem, quo ipse vendidit, cum ad iustam venditionem cum pacto retrovendiendi requiratur, ut venditor idem pretium datum ipsi ab emptore eidem emptori reddat, quia hoc pactum simile est pacto rescindendi contractum. Sic P. Antoine, Tournel. & alii.

S. VI.

De venditione facta per proxenetas, & de ea quæ fit accepta arrha.

Nota 1. nomine proxenetae, seu factoris, & vulgo etiam *senjale* illi intelliguntur, quibus aliquid vendendum, vel emendum committitur nomine ipsius, qui committit.

N 3

Nota

Nota 2. nullum dubio esse locum hosce proxenetæ, qui supra iustum pretium res vendunt, obnoxios esse restitutioni excessus pretii, non domino illorum, sed emptori, quia huic, non domino iniuria illata suit, ei plus pretii furripiendo, quam ex iustitia respondere tenebatur.

Quando
proxene-
ta licite
lucratur
palliat.

Nota 3. quod si res meliorata suit eorum industria, & ob id altiori pretio eam vendant quam a domino fuit præscriptum, illud incrementum utpote suæ fructum industriae, sibi arrogare possunt, ex. gr. si dominus committeret rem suam vendendam in hac Civitate, & internuncius, sive proxeneta facta morali diligentia non inveniret nisi viginti, sed in alium locum re translata inveniret triginta (intra latitudinem iusti pretii) illa decem quæ supersunt, sibi reservare potest utpote fructum suæ industriae: etenim habita, sive acquisita sunt extra diligentiam sibi iniunctam.

Nota 4. quod si expresse, vel tacite conveniret cum domino idem interventor, ut sibi acciperet id, in quo ultra præfixum pretium venderet, illud sibi reservare posset. Expresse quidem talis conventio datur, ut si dicat dominus, rem tanti vende, & si plus venderis, tuum erit. Tacite vero cum eo convenire censetur, si dominus illi, qui non est suus famulus, venditionem committeret, nullo pro labore, & industria assignato stipendio; quia reputatur ei in stipendium assignari quod ultra præfixum pretium invenerit, nisi excedat diligentiam, & laborem. Dixi, qui non est suus famulus; nam si sit ipse famulus, extra omne dubium est non posse aliquid sibi retinere, quantumvis maiorem diligentiam, quam exigit dominus, adhibeat, quia omnis eius opera, & sollicitudo est domino debita, utpote qui eius famulatum suscipiendo omnem suum laborem, & industriam eidem locaverit. Idemque dicto de amico, qui onus talis venditionis susciperet titulo meræ amicitiae, quia in tali casu dominus operam eius gratuitam sibi fore merito præsumit. Hisce exceptis.

Famulo
suscipit
lucratur
contra.
An pro
domino.

Proxene-
ta nihil
retinere
potest
de præ-
tito.

Proxenetæ, seu factor, ac quicumque alius, cui aliquis committat rei suæ venditionem, aut emptionem alterius si vendat supra, vel emat infra pretium sibi constitutum, secundum communem Doctorum, non potest quod retrahit supra vel infra constitutum pretium, sibi retinere, quia nullum habet iustum titulum, quo huiusmodi incrementum sibi retineat: non certe ratione rei, quia sua non est, non ratione laboris, quia stipendium pro ea recepit, seu particulari-

ter, seu generaliter si sit famulus, cui respondetur a domino certa merces, de qua iam convenerunt; non etiam si se sponte obtulerit, ut tanquam amicus aliquid ei emeret, vel venderet; non denique quia dominus ei pretium hoc expresse, vel tacite assignaverit, quia dominus præscribens pretium suæ rei, solum intendit ne minus vendatur, non vero ne plus si iuste possit. Item totum rei iustum pretium pertinet ad dominum rei venditæ, unde nihil sibi retinere potest sine eius consensu. Sic Salmant. P. Antoine, Tournel. cum aliis.

Nec quid suffragatur quod dici posset excessum pretii fructum esse industriae vendentis. Nam ipsam industriam vel gratis se præstare exhibuit, & tunc sibi eam compensare nequit, cum eam donaverit, vel pretio locavit, & tunc nihil ei debetur ultra conventam mercedem, vel si est famulus, tunc ad eam tenetur ex suo officio absque nova mercede.

Si autem dominus dixerit proxenetæ, vende rem hanc, puta librum, vel vestem viginti libris, aut viginti duabus, quæ essent pretium medium, vel infimum, num. possit proxenetæ, sive famulus sit, sive alio modo ad sua negotia a domino conductus, sive amicus, qui sponte tali venditioni se exhibuit, sibi rem illam emere, & sic factam suam vendere aliis summo pretio, sibi augmentum servando, super hoc non conveniunt theologi. Lessius enim, Malderus, alique, quibus adhæret P. Antoine, volunt, posse hoc licite fieri, utpote quod nullum dampnum afferat nec domino, cui pretium a se præfixum tribuitur, nec aliis quibus vendendo summo pretio, venditio fit intra limites pretii iusti, ac ideo licite. Duas tamen notant iidem Theologi conditiones requiri ad iustitiam huius contractus, 1. videlicet quod deputatus quisquis sit ad rem illam vendendam, rem illam suam facere nequeat, eam sibi emendo pretio medio, & infimo a rei domino sibi constituto, antequam diligenter curaverit consequi iustum pretium qualecumque invenire poterit. 2. Quod proxenetæ, seu quisquis alter venditor deputatus sit, rei sic emptæ periculum in se suscipiat, & statuat in se pretium a domino taxatum eidem solvere, etiam si contingeret rem illam tanti vendere non posse quanti i est.

Unde ex his colligitur valde caute procedendum esse in permitiendo, ut sutores aliquid a mercatoribus, apud quos emunt recipiant, quia ut plurimum quod futuri cedit

Quid
circa
manera
facta Sar-
toribus
a mer-
cator

sol-

solvitur a domino, pro quo fit emptio. Nihilominus tamen si futuros iam fideliter perfectio contractû aliquid accipiant a mercatoribus, qui hac gratitudine, & liberalitate eos ad sua officinas trahere curant, non potest id reprehendi, imo nec culpandi sunt quod acciperent etiam ante completum contractum, dummodo aliunde fideliter peragant negotium illius, pro quo emunt. Sic P. Antoine, Tournel. cum aliis.

Circa vero venditionem, quæ fit accepta arrha, hæc est quædam species pignoris dati ab emptore venditori, vel ut ostendat se habere venditionem pro perfecta ac completa, vel ut pretium rei emptæ solvere incipiat, vel denique in multam, si forte, a contractû resiliere velit. Quocirca arrhæ prout partes contrahentes convenerunt, suum effectum habent. Nam licet regulariter arrhæ sint argumentum perfectæ emptionis, & venditionis, aliquando tamen sunt argumentum emptionis, & venditionis contrahendæ, ut *ex Inst. tit. 24.* Quod si quis esse debeat effectus arrharum, nulla expressa conventionione declaretur, is qui recusat adimplere contractum iam perfectum, si est emptor perdit quod dedit, si vero sit venditor, & a contractû resiliere velit, duplum restituere compellitur. Sic Iustinianus loc. cit.

S. VII.

De Monopolio.

Quid Monopolium sit dictum est a verbo græco *Monopo. monos*, quod est unum, & *posco*, quod significat vendere, ut observat Sylvester verb. *Monopolium*, aliique; unde monopolium proprie, & stricte sumptum est conventio unius, vel plurium mercatorum, qua inter se propria privata auctoritate statuunt circa mercem aliquam vel operam ut ipsi soli vendant, & emanet quo pretio voluerint. Hoc quam grave Reipublicæ præiudicium affert, nemo non videt, dum ita convenienter efficiunt, ut merx illa, aut opera vix alibi, nisi apud ipsos magno pretio inveniri possit. Ita committitur. Unde monopolii isti dicuntur, quia ratione conspirationis se habent vel ut unus venditor. Et hæc monopolia illicita sunt. Sic committitur.

Dixi *propria privata auctoritate*, nam verum est, & omnes fatentur licitum esse monopolium late sumptum, id est publica auctoritate constitutum, quando unus scilicet, vel pauci facultatem obtinent a Principe, ut ipsi soli certas merces, vel operas ven-

dant, quæ ab uno, vel paucis vendi Reipublicæ expedit, sive ob utilitatem, quam inde percipit Reipublica, qua indiget ut suppleat expensis, quas identidem facere oportet ob bonum commune, sive quia ut certæ merces comparantur, & excolantur, multi necessarij sunt sumptus, ut ob damni periculum nemo in se eos suscipere vellet, nisi privilegium haberet, ut solus venderet. Tunc tamen taxari debet moderate pretium talium mercium, nec secus illud relinquendo arbitrio privilegiati, nisi vir frugi & timoræ conscientie cognoscatur, præsertim si tales merces communiter sint necessariæ ad commodè civiliterque vivendum, alias daretur occasio privatis, ut immoderatam suam aviditatem explerent alios indilrecte pergravando cum magno istorum damno. In aliis autem rebus, quæ nonnisi ad luxum, voluptatem, ostentationemque inserviunt, ut sunt picturæ, gemmæ, aliæque varia ornamentorum genera, sive etiam ciborum, facilius venditori concedi potest aliqua laxior facultas circa pretii taxationem, ita tamen ut sciat quosdam esse terminos, intra quos iustum consistere debet. Cum hic tamen sermo sit non de monopolio late sumptum factio publica auctoritate, sed de monopolio stricte considerato, quod fit privata auctoritate, hinc notandum huiusce varia esse genera; primo nempe quando unus, vel pauci conveniunt emere merces omnes alicuius speciei, aut maximam earumdem partem vili pretio, ut consumpto residuo eiusdem mercis inducatur penuria, & carius vendatur ab ipsis pretio eorum libitu constituto. 2. Quando conspirant ad impediendum vi, metu, vel fraude ne merces talis generis in civitatem, in qua ipsi mercem habent, invehantur, ut ipsi soli merces a seipsis emptas, vel de suis prædiis desumptas carius vendant cum magno detrimento ementium, & Reipublicæ, quod fit etiam quando magnam copiam earumdem mercium abscondunt, ut ex penuria pretium augeatur, & carius vendere valeant. 3. Quando mercatores conspirant inter se conveniendo de mercibus vel opera vendendis pretio duntaxat ab ipsis determinato, & non amplius, sive etiam pretio solummodo rigoro, & summo. 4. Quando falsis expositionibus extorquent a Principe privilegium monopolii ad pretium vel augendum, vel non minuendum. 5. Quando prævidendo pretium talis mercis imminutum iri, quia v. g. naves iam tali merce onustæ feliciter navigant portum versus, ipsi falso evulgant

naves vel periisse ex aliqua tempestate, vel prædatis fuisse a piratis, vel vineas gelu exlicatas, vel oliveta decocta fuisse. 6. Quando artifices inter se conveniunt, ne officium aliquod, quod aliquis cepit, alter perficiat. Cum igitur in omnibus præfatis conveniendi modis manifeste appareat respective falsitas, fraus, violentia eo pravo fine, ut rerum pretia augeantur, aut non minuantur, manifestissime patet huiusmodi agendi modos iniustos esse, ac graviter Reipublicæ, seu publico bono noxios. Hinc merito etiam a iure civili vetiti fuerunt, ut in *Leg. iubemus 4. cod. tit. 59. de monopolis*, ubi sic habetur: *Iubemus ne quis... cuiuslibet ad vitium aut usum pertinentis speciei... pro sua auctoritate... monopolium andeat exercere, neve quis illicitis habitis conventionibus consuleret, aut paciscatur, ut species diversorum corporum negotiationis non minoris quam inter se conveniunt, venduntur. Adificiorum quoque artifices... aliorumque diversorum operum profectores penitus arceantur, partes inter se componere, ut ne quis, quod alteri commissum sit opus impleat.*

Si quis vero res suas nondum venditioni expolitas servet usque ad tempus, quo carius venduntur, modo hac suppressione, seu occultatione non inducatur inopia, in iniustitiam non incideret monopolii; nam tunc nemini fit iniuria.

Quodcumque genus monopolii factum privata auctoritate vetitum est non solum *Leg. civili*, idest humana, ut ex cit. *Leg. iubemus*, & ex regula iuris in cap. *si culpa de damno dato*, ubi ita: *Qui occasione damni dat, damnum dedisse videtur*, sed etiam divina, & naturali, quia monopolia adversantur charitati, quæ prohibet ne quis aliena commoda impediatur, & efficiat ut proximus rem carius emat, quam esset empturus, nemini enim plane placeret hoc sibi fieri. 2. Opponuntur bono communi, cum pluribus noceant. 3. Sunt contra iustitiam commutativam, ac ideo obligant ad restitutionem: tota enim Communitas ius habet ne rerum pretia ob bonum privatum, privataque auctoritate augeantur, & ne penuria, & caritas variis fraudibus inducatur. Et equidem peccant contra iustitiam qui impediunt privata vi vel fraude, ne alii merces suas invehant in civitatem; unde tenentur ad restitutionem tum civibus, qui ob tale artificium coguntur carius emere ex maiori mercium inopia, tum mercatoribus, quos prohibuerunt a suis necibus introducendis;

nam sunt iniusta causa damni quod tam cives quam mercatores patiuntur, cum ius habeant uni, ne per vim, aut dolum tollatur eis abundantia, ius habent alii ne prohibeantur mercaturam suam exercere, unde patet quam graviter sint culpabiles præfetti urbium, qui ut res suas, puta frumentum, vinum &c. carius vendant, vertant ne res alienæ ingrediantur.

Verum quidem est quod si introductio alienarum mercium causa esset cur merces civium & vicinorum vendi non possent pretio legitimo tunc liceret extraneos mercatores excludere, & quia postulat bonum commune, ut incolæ loci extraneis præferantur, & quia interest reipublicæ ut pecunia sua non transferatur extra suam provinciam. Pariter non peccaret nec contra iustitiam, nec contra charitatem, qui sine ulla vi, aut dolo, sed precibus solummodo, aut negotiatione prohiberet ne mercium copia in civitatem introduceretur, ut suas commodius vendere posset intra latitudinem iusti pretii, quod æquum est.

Peccant itidem contra iustitiam mercatores non solum qui conveniunt de non vendendo nisi supra pretium rigorosum, & emendo infra infimum, cum iam per se pateat tales contractus respectu cuiuscumque esse illicitos, dum pretia illa sunt reipsa iniusta; sed si etiam qui conveniunt de non vendendo nisi pretio summo, & emendo pretio infimo, licet stent intra limites pretii iusti, quia cum iuxta leges forum rerum venalium liberum esse debeat ad contrahendum intra latitudinem iusti pretii, ita ut vendi & emi possit tam pretio summo, quam medio, & infimo, cives privantur iure, quod habent, ut in emendo, & vendendo uti valeant quocumque gradu velint iusti pretii, idest summo, medio, & infimo, ac proinde per talem iniquam conventionem privantur iure quod habent ne emere cogantur a mercatoribus eorum merces pretio summo, & proprias eisdem vendere pretio infimo, unde talis conventio videtur omnino contraria iustitiæ, & obligare ad restitutionem, utpote quæ cedat in grave reipublicæ detrimentum; nam hac seclusa mercatores venderent, & respective emerent pretio medio, & alii interdum venderent pretio infimo, & emerent pretio summo, quod afferret magnum reipublicæ beneficium. Ita Sotus, Rebel. Navar. Medin. Arm. Corrad. de Lugo, & alii. Similiter, quando unus vel pauci merces omnes congerunt puta frumenta sere omnia tempore messis, ut

Quando licitum sit mercibus extraneis prohibere.

facta

facta mercium earum inopia, illas postea vendant ad suum libitum eo maiori pretio, ad quod eorum aviditas inhiat, monopolium committunt, peccant contra iustitiam, ac tenentur ad restitutionem, *Leg. unic. cap. de monopolis*, quia ita agendo non solum privant alios facultate emendi, & sic violentiam, iniuriamque faciunt Communitati, idest reipublicæ, sed etiam merces tali fraude emptas vendunt pretio maiori ac valent, nam vendunt ut rarum & deficient quod re ipsa est abundans: & equidem frumentum in horreum unius hominis inique collectum non pluris valet, ac si apud multos divisum esset, unde cum non vendatur ab uno uti venderetur a pluribus, venditur maiori pretio ac valet, & sic iniuste, ac cum debito restitutionis.

Similiter Mercatores qui suas merces supprimunt, seu occultant, ut earum pretium augeatur, peccant contra iustitiam, quia sunt causa quare hiic rebus pretium apponatur, ac si raræ forent, & deficientes, quando revera raræ non sunt, nec deficientes, ac ideo ut nimio pretio emanent, qui modus agendi nedum charitatis, sed iustitiæ quoque leges violat.

Non tamen iniustitiæ sunt culpandi, qui negotiationis gratia, non animo inducendi inopiam, & nimium lucrandi emunt merces, puta frumenta, ac servant ad illud tempus quo cariores fore præsumuntur, absque eo quod ulla fraude, aut dolo eorum augmentum ipsi inducant, id est dummodo ipsi caritatem nec intendant inducere hac arte, nec revera studiose inducant, quia tunc utuntur iure suo; & nemini iniuriam inferunt.

Ad iniustum monopolium refertur, si apponatur fictus licitator, ad hoc ut alter emptor plus offerendo augeat pretium; si artifices inter se conveniant ut opus quod unus inchoavit, ab altero non compleatur; item si conveniant de non locandis suis operis, de non edocenda sua arte, nisi pretio excelso, & iniusto, quæ utpote civibus noxia a legibus scripta fuer.

Inquiri hic P. Cunitiatius num licite monopolium alio monopolio repelli possit, & respondet, monopolium illicitum alio monopolio repellere, non ut actio illicita alia illicita actione repellatur (quod plane semper est illicitum) sed ut deficiente alio modo, via iustæ compensationis tentetur, rigoroſe loquendo, & mere speculative non esset peccatum, puta repellendo monopolium vendendi solo pretio summo, aut supra altero monopolio emendi dumtaxat pretio infimo; dum

modo tamen hæ conditiones servantur, videlicet quod damnum venditorum non excederet damnum ipsis illatum ab emptoribus, & quod nulla alia via moraliter pateret emptoribus se eximendi a tyrannide monopolii venditorum. Verum quia est moraliter impossibile, ut prædicta servetur æqualitas inter damna illata, & recepta, & quod non pateat recursus ad iudicem, qui aut monopolium dissolvat, si est iniustum, aut firmet, & approbet si sit iustum, ideo in praxi huiusmodi defensio vix libera esse potest a culpa. Si tamen neque a iudice æquitas obtineri posset, & pro viribus cura retus observantia dictarum conditionum, fatetur citatus theologus, quod in tali casu non auderet reprobare prædictum modum se componendi in damno monopolii alio monopolio.

Insuper inquiri potest num semel constituto monopolio a mercatoribus vendendi merces pretio iniusto per excessum, alii mercatores, qui istius monopolii non sunt participes, peccent contra iustitiam, si hoc iniusto pretio merces suas vendant. Salmanticenses cum Dian. Bonac. Reginal. sustinent non peccare; quia, inquit, quod pretium augmentum sit ex aliorum iniustitia, per accidens est. Alii vero absolute contrarium tenent. Mihi tamen videtur in hoc casu distinguendum esse, videlicet vel hic mercator, qui non conspiravit cum aliis mercatoribus ad tale iniustum pretii augmentum, conficius est de iniusta conspiratione, vel aliunde cognoscit, vel saltem prudenter suspicatur tale pretium esse iniustum, & tunc tali iniusto pretio res suas vendere nequit, quia ipse quoque participes esset de culpa iniustitiæ in hoc excessu pretii in vendendo; vel minime cognovit de tali monopolio, nec aliunde deprehendit, nec prudenter dubitat tale pretium esse iniustum, sed prudenter credit quod ex aliqua iusta ratione per aliquos mercatores hoc factum sit, & in hoc casu innocens esset circa venditionem rei suæ hoc pretio, licet per se iniusto, ac proinde ab omni culpa esset immunis, quia talis iniustitia nec directè, nec indirectè ab ipso est volita. Quod si post aliquod tempus deprehenderet excessum pretii processisse ab iniusto monopolio aliorum mercatorum, tunc plane tenetur ad restitutionem si in venditione cum hoc iniusto pretio factus esset ditor, quia tunc inciperet esse possessor malæ fidei rei alienæ.

N. n. re.
pelli que.
et mo no
poli cum
illicitum
cum a io
illicito.

CAPUT V.

De Mutuo.

§. I.

De Mutui natura, & Mutuantis ac Mutuatarii obligationibus.

Definitio
mutui.

MUTUUM, si consideretur iuxta nominis etymologiam mutatis literis idem sonat ac ex meo tuum, quia per mutuum concedo tibi quod meum est, ut tuum fiat, ita ut pro libitu tuo expendere possis, tibi pereat, creascit, & decreascit. Secundum vero nominis usum sumitur aliquando pro re ipsa, quæ mutuo traditur, & proprie dicitur res mutuatæ. Frequentius tamen accipitur pro actione ipsa mutuandi, seu pro contractu, quo res ea alteri traditur, & in hoc sensu idest in hac acceptione sumitur in præsentio, & definitur, quod sit *contractus in quo regulariter res usu consumptibilis physice vel moraliter numero, pondere, vel mensura constanti traditur alteri quoad dominium, & usum, ut statim fiat ipsius accipientis cum obligatione aliam similem in specie & bonitate post certum lapsum temporis restituendi*. Ita communiter ex Leg. mutuum 2. §. 3. de reb. cred. si certum petatur, & Inst. l. 3. tit. 15. ubi ita a Iustiniano contractus mutui definitur.

Dicitur 1. *contractus*, & hoc ponitur loco generis; sic mutuum concordat curq; aliis contractibus. Dicitur 2. *in quo regulariter res usu consumptibilis*, quia licet mutuum consistere possit in rebus etiam non consumptibilibus, ut si quis laminam auream, quæ unico usu non consumitur, alteri mutuodaret ad aliquid inaurandum cum debito alteram similem restituendi; regulariter tamen loquendo mutuum fit de rebus, quarum usus principaliter adiunctam habet rei consumptionem sive physicam, ut panis, vini, olei, & cæterorum, quibus ad victum utimur, sive moralem, quæ in alienatione, aut permutatione consistit, qualis est consumptio pecuniæ, quæ licet physice non pereat, dicitur moraliter consumi, quia ita definit esse alienantis, ac si in rerum natura non esset. Dicitur 3. *res numero, pondere, vel mensura constanti*, cum mutuum versetur (ut in Inst. quibus modis re contrahitur) circa res quarum aliæ in numero dantur, ut pecunia, oves, fructus; aliæ in pondere, ut panis, caro, æs, argentum, aurum &c. aliæ in mensura, ut vinum, oleum, segetes, aliæque li-

quida, & arida. Ut enim liquidis, ita etiam aridis est sua mensura, ut lignis, lapidibus &c. quæ ratio sufficiens numeri, & ponderis, quidquid in contrarium dicat Lelsius, habetur in uno pane, ovo, &c. quæ ideo mutuo dari possunt.

Hinc quia liber, equus, & similia, dari non soleant ad pondus, numerum, & mensuram, non censentur esse materia contractus mutui. Dicitur 4. *traditur alteri quoad dominium, & usum*, quia mutuum traditione perficitur, & per mutuum dominium rei transferretur; unde ex Inst. cit. mutuum appellatum est, quia ita a me tibi datur, ut ex meo tuum fiat; quocirca mutuatarius habet sub suo periculo rem mutuatam, ac ideo ad eum spectant fructus omnes, si quos ex ea percipiat, quia res perit, & fructificat Domino. Et sic mutuum distinguitur tum ab iis contractibus, quibus dominium non transferretur, quales sunt depositum, conductio, locatio &c. tum ab iis, qui non requirunt traditionem, cuiusmodi sunt illi, qui verbis perficiuntur, ut emptio, venditio, locatio &c. Dicitur tandem *cum obligatione aliam similem in specie, & bonitate restituendi*: quare mutuum prout adnexam habet obligationem reddendi differt a certis contractibus gratuitis, puta donatione, in qua nullum citius reddendi; quatenus vero alia res, non eadem est reddenda, differt a commodato, locato, conducto, in quibus quia usu tantum rei conceditur, non autem substantia, res eadem facto usu est reddenda: prout vero res hæc reddenda fit similis, idest licet alia in individuo, eadem tamen specie, discrepat mutuum a permutatione, in qua res unius speciei datur pro altera alterius speciei, ut vinum pro frumento, domus pro agro. In immobilibus tamen etiam permutatio fit in rebus eiusdem speciei, ut agnum pro alio agro. Item reddi debet res in eadem specie morali, idest eiusdem bonitatis, seu eiusdem valoris, ut servetur æqualitas. Dixi *eiusdem valoris*, non tamen extrinseci, qui pro temporum varietate variari solet, sed intrinseci. Licet autem regulariter loquendo mutuum solvi debeat in eadem specie, ut vinum pro vino, in pecunia vero non attenditur species physica, seu materialis, puta auri, & argenti, sed formalis consistens in valoris æqualitate, nisi de contrario contrahentes inter se convenerint. Additur denique *post certum lapsum temporis*, quia intrinsecum est mutuo, ut statim reddi non debeat, alias inutile foret mutuatario, & per hoc differt a cambio, ut promonetur.

neta aurea statim redditur moneta argentea eiusdem valoris.

De obligati-
bus inter
mutuan-
tem &
mutuata-
rium.
Porro inter mutuante[m], & mutuatarium nonnullæ obligationes intercedunt, nempe tenetur mutuator primo monere mutuatarium de vitio rei, si quid sit, alias teneretur de damno, utpote qui ei causam dedisset. 2. Non repetere rem mutuata[m] ante statutum tempus, quod si præfixum non sit, non potest adhuc repetere nisi post aliquod tempus iudicio prudentis præsumibile, spectatis circumstantiis, & sine ob quem datur, tamen teneatur antea recipere; 3. non plus exigere quam valeat res mutuata; mutuatum enim est contractus de essentia sua gratuitus; & alioquin iniustitia esset & usura.

Mutuatarium vero, uti iam ex ratione & natura ipsius mutui constat, debet 1. reddere mutuum præfinito tempore, & si non sit constitutus terminus, statim ac mutuantrationabiliter repetat. 2. Si ex sua culpa non reddat tempore statuto, & debito, compensare debet mutuanti damna inde secuta, & lucrum cessans, cum sit iniusta illius causa, nisi tamen ex eo quod mutuans non repetierit mutuum, prudenter iudicet, terminum prorogasse. 3. Tenetur de omni casu fortuito, ita ut non liberetur, nisi cum mutuator mutuum reip[s]a acceperit vel per se ipsum, vel per alium a se designatum, quia tunc res perseverat esse mutuatarii, & sic ei perit. 4. Tenetur restituere rem eiusdem speciei, & bonitatis, nec sufficit, si solvat eius pretium, nisi alter sponte consentiat. Mutuum enim reddendum est & eadem bonitate, & genere eodem, quo datum est, *Leg. 3. §. de reb. cred.* Nam mutuum non est venditio, nec permutatio.

Dixi rem mutuum reddendam esse eadem specie, & bonitate, qua mutuata fuit: hoc tamen intelligendum est de rebus aliis extra pecuniam; nam hæc seclusa speciali conventionis eadem iuste exigitur nequit in specie physica, sed solummodo moralis, in valore nempe quem habuit tempore mutui, sive interim valor monetæ auctus fuerit, sive imminutus, saltem si tempore mutui hæc mutatio prævisa non fuerit, nec peccata. Est communis, ut testatur de Lugo, quia cum in pecunia inspicitur solummodo valor extrinsecus, & neutiquam physica entitas, & ex usu consistit speciem monetæ præcipue desumi ex valore, non ex materia, dum reddis, valorem quem habebat, quando mutuo suæ tibi tradita; tantum reddis quantum accepisti.

Ideo enim res aliæ reddi debent in eadem

specie physica, imo & in eadem mensura, idest in eadem qualitate, & quantitate, sive pretium horum creascit, sive decreascit, quando tempore mutui talis mutatio nec prævideatur, nec ad eam attendatur, quia in hisce spectatur, & attenditur rei entitas: unde in rebus huiusmodi, in quibus spectatur entitas, & bonitas intrinseca, reddendo eandem mensuram eiusdem speciei physice & bonitatis intrinsecæ, tantum redditur quantum fuit acceptum, & sic servatur æqualitas. In moneta vero quia in hac spectatur valoris æqualitas, non substantia, non currit eadem regula ac in aliis rebus, si valor illius in utilem & damnum mutuatarii creascit, vel decreascit, & ideo non reddit eandem ad valorem, quo ei fuit tradita, sed reddit quantum accepit. Unde si quando dedit mutuum v. g. centum aureos, singuli aurei valebant viginti libras nummarias, & tempore restitutionis singuli valeant viginti duas, mutuator recipere non potest centum aureos, sed tot duntaxat quot satis sint ad complendam summam librarum quas dedit. Ita etiam e converso, si dum dati fuere, eorum valor erat viginti librarum, & tempore restitutionis valeant solummodo octodecim, tot restitui debent aurei, quot ad summam librarum receptarum sufficiant, quia tantumdem nec plus, nec minus restituendum est; tum etiam quia cum mutuatarium statim ac accipit mutuum, fiat dominus rei mutuo datæ, sibi crescit talis res, aut decrescit quoad valorem; hinc est etiam si post acceptam pecuniam, illam amittat, vel sibi furtim surripiatur, sibi perit, utpote vero domino eiusdem.

Num vero licitum sit pacisci de reddenda re mutuata in eadem mensura, & quantitate, vel pecunia in eadem specie physica. Pro resolutione difficultatis videndum, si dubitetur utrum res tempore restitutionis valitura sit pluris, vel minoris, quia si revera fuit tale dubium, licitum est pacisci, ut reddatur res in eadem mensura, eiusdemque in se bonitatis, & eam suo tempore licet accipere, tamen si eius pretium interim multum creverit, *cap. ult. de usuris*; nam tunc par est contrahentium conditio, & servatur æqualitas, cum ex utraque parte sit par spes lucri, & periculum damni; ideoque licite etiam exigere possunt tot in specie physica nummi, quot dati sunt, live valor immutetur, sive non, quando uterque æqualem habet probabilitatem. Si vero e contra certum sit, vel probabilius rem tempore solutionis plus valituram quam mu-

Quid de
pact. one
inter
contra-
hentes ut
moneta
reddatur
in specie
&c.

do, vel monetæ valorem augendum, tunc illicitum est æqualem mensuram, vel pærum numerorum numerum exigere; sed ea solum mensura exigi potest, quæ tunc æquet rei mutuæ valorem, vel pretium monetæ mutuæ: ita Lessius, de Lugo cum aliis bene multis, quia alias exigeretur ultra id quod æquivalet rei mutuæ, quod est usurarium; nam maior esset rei valor temporæ solutionis, quam illo, quo traditur. Unde si exempli gratia modii sex tritici valeant quando dantur, duodecim aureis, illicitum est totidem exigere, si tempore quo solvuntur, valituri sint quindecim. Excipiendum tamen est, si mutuator statuisset, vel habuisset in animo rem suam, vel monetam servare usque ad illud tempus, quia tunc licitum est pacisci ut monetæ in eadem specie physica, vel res mutuata cum eo incremento reddatur, deducta tamen æstimatione periculi, laboris, sumptus in ea re servanda usque ad illud tempus, quia tunc id exigitur ratione lucri cessantis. Hætenus P. Antoine.

Qui possunt dare vel accipere mutuum.

Circa vero personas, quæ dare possunt mutuum, vel accipere in hoc non multum immorari opus est, cum ex iam dictis circa eos qui contrahere possunt, manifestissime eos omnes qui mutuum dare possunt, vel accipere, qui possunt contrahere. Contrahere enim tanquam genus omnes quoscunque contractus sub se comprehendit, adeoque etiam mutuum.

§. II.

De iis, qui pro diversitate circumstantiarum modo non tenentur, modo restituere tenentur mutuum.

Quando non tenentur solvere mutuum.

Circa vero eos, qui mutuum solvere non tenentur, communiter docent Theologi civitates, oppida, Ecclesias, Monasteria, aliasque pia loca non teneri ad restitutionem, seu solutionem mutui accepti ab eorum rectoribus, vel administratoribus, nisi tamen creditor probet mutuum in utilitatem civitatis, oppidi, Ecclesiæ, aliorumque piorum locorum conversum, seu adhibicum fuisse; alias soli dicti rectores, vel administratores conveniri, seu obligari poterunt ad solvendum, & neutiquam civitas, Ecclesia, &c. Ita ex Authent. hoc ius porrectum cod. de Jacros. eccl. Sed advertendum quod si rectores, administratores, civitatis, oppidi, monasterii, &c. de consensu; ac nomine civitatis, oppidi, Capitulorum, Ecclesiæ, Monasterii, &c. mutuum acceperint, ad cuius

solutionem necessarium non sit res immobilis Ecclesiæ, monasterii &c. alienare, sicuti civitates, & oppida, Ecclesia quoque, monasteria &c. illud solvere tenentur, tametsi mutuum præbare nequeat in utilitatem Ecclesiæ, monasterii &c. conversum fuisse. Quando tamen necessarium sit ad solvendum mutuum alienare bona immobilia Ecclesiæ, monasterii, &c. non obstante consensu a Capitulo Ecclesiæ, monasterii præstito ad mutuum accipiendum, præbare debet mutuator tale mutuum in Ecclesiæ, Monasterii &c. utilitatem conversum fuisse, quia nisi constet de Ecclesiæ necessitate, & utilitate, huiusmodi alienatio esset prorsus invalida.

Pecuniam datam mutuo filiisfamilias sine parentum consensu, neque ipsi, neque ipsorum parentes restituere tenentur. Ita in Leg. 1. & seq. ff. & cod. ad macedon. & Instit. quod cum eo qui in alien. est potest. §. penult. Cum enim quidam Macedonius fenerator soleret mutuum dare filiisfamilias indigentibus, qui postea cum non haberent unde redderent, mortem moliebantur suis parentibus, ut in eorum bonis succederent, quibus satisfacere possent: ad occurrendum huic tam gravi malo promulgatum est Senatusconsultum dictum Macedonianum ab ipso Macedonio, quo iidem filiisfamilias eximuntur ab omni onere, seu debito restituendi.

Non sunt obnoxii filiisfamilias ad mutui restitutionem, tametsi exerceant annum 25. suæ ætatis, quia dictum privilegium factum est non tam in favorem filiorum, quam parentum, ut ita hi eximantur a periculo mortis, quam filiisfamilias ratione similis mutui ipsis intentare possent, sive annum 25. expleverint, sive non: unde non tenentur filiisfamilias neque post obitum parentum reddere mutuum, quod ipsis viventibus acceperunt; & quia militat eadem ratio legis Macedoniæ de reparanda morte intentanda per filios parentibus, & quia dicta lex penitus extinguit initio contractus obligationem restituendi huiusce generis mutua. Obligatio autem semel omnino extincta non amplius reviviscit. Ita Molina, Azorius, Lugo, aliique passim.

Hoc autem privilegium valet non tantum pro foro externo, sed etiam pro interno conscientie, quia lex hæc inducta est a publica auctoritate in communem bonum, ac ideo iusta est: nam quælibet lex iusta obligat in foro externo æque ac in foro interno. Sic expresse tenent Innocentius, &

De debito parentum circa pecuniam creditam filiis.

Quando filius solvere debet mutuum acceptum.

Panormitanus in cap. quia plerique de immunit. Eccl. n. 26. Gobez, Lessius, Lugo, aliive passim.

Quando filii vel parentes mutuum accipiunt restituere tenentur.

Hoc tamen non obstante filiusfamilias in quibusdam casibus, & quandoque eorum loco parentes mutuum acceptum restituere tenentur, eum in hisce casibus nihil suffragetur lex Macedoniana. 1. Nempe quando filiusfamilias habet bona castrensia, vel quasi castrensia, unde filius habeat ut solvat independentem a bonis patris, ut expresse habetur Leg. 1. §. ult. & in Leg. 2. ad Macedon. 2. Quando filiusfamilias mutuum accepit infcio quidem patre, sed hic postea ratum habuit contractum, ac approbavit, vel per expressum consensum, vel per solutionem partis mutui, & eo magis si filius acceperit mutuum iussu patris, vel ipso sciente, nec contradicente, & pater solitis erat solvere mutua filii, ut ex Leg. ult. cod. ad Macedon. 3. Si filiusfamilias, quando mutuum accepit, credidit esse sui iuris, nec levi fundamento sic mutuatur credebat, vel ex eo quod officium aliquod publicum exerceret, vel mercaturam, proinde ac si esset paterfamilias, Leg. si quis patrem, Leg. penult. ff. ad Macedon. 4. Si filius mutuum, quod accepit, insumptum in commodum & utilitatem patris, in quo casu pater ipse tenetur reddere debentem filio. 5. Quando filius mutuum accepit ob causas, propter quas pater rationabiliter tenebatur illo subministrare, puta propter necessaria studia, ad victum, vel ad negotiationem, in qua ipse pater eum implicavit: tunc enim pater in defectu filii restituere tenetur Leg. Macedoniani cap. ad Senatuscons. Macedon. 6. Quando filius, qui mutuum accepit, additus erat militiae, quia est privilegium speciale illius status, ut ita milites per mutuo accepta providere valeant suis indigentibus in bello, Leg. filiusfam. §. si in autem cod. ad Macedon. 7. Quando filiusfamilias mutuo accepit non pecuniam, sed rem aliam, ut triticum, vinum, similiaque, dummodo in fraudem legis data non sint ea conditione, ut per alios contractus ea convertantur in pecuniam, cum Decretum Macedonianum loquatur tantummodo de pecunia, adeoque ad alia non est extendendum, Leg. si Iulian. §. mutui ff. ad Macedon. Dicitur notanter, dummodo in fraudem legis data non sint, quia fraud & dolus alicui patrocinari non debet, cap. sedes 13. & cap. ex tenore de rescriptis. 8. Si filius non accipit mutuum, sed fideiubet pro mutuuario, dummodo in fraudem legis fideiussione non pal-

liet mutuum, quatenus pecunia mutuata ad ipsum fideiussorem perveniat; quia secundum cit. iura, fraud & dolus alicui patrocinari non debent: & ratio est, quia hic casus in iure non est expressus, & in hoc incuti in aliis omnibus haerens exceptis cessat omnis praesumptio periculi occisionis patris propter talem restitutionem; sic ex cit. Leg. si Iulianus.

Exceptis igitur hic supra positus casibus quod filiusfamilias non teneatur ad mutui restitutionem, sustinent communiter Doctores, quamvis renunciaverit beneficio Macedoniano, ut ex cap. si diligenti 22. de foro compet. Inno etiamsi iuraverit se redditurum tale mutuum, quia in fraudem legis posset quilibet filiusfamilias uti hisce remediis ad facilius mutuum obtinendum, & sic semper vigeret periculum intendendi mortem patris, pro quo periculo evitando, aut tollendo condita fuit, & promulgata lex Macedoniana, & eo magis quod haec lex obligat non solum in foro externo, sed etiam interno conscientiae; idcirco tale iuramentum esset contra bonos mores, contra bonum commune, & contra ius, quod habent parentes per hanc legem acquisitum, unde invalidum, & illicitum, cum servari nequeat sine peccato. Ita Panormitanus in cap. cum contingat de iureiur. num. 22. Innocentius in cap. quia plerique de immunit. Eccl. n. 26. Ita P. Antoine cum aliis.

Pupillus vero habens tutorem, & minor curatorem, si sine tutoris, aut curatoris consensu aliquid nomine mutui accipiant, de iure civili, & in foro externo non tenentur ad restitutionem, si illud amiserunt, vel imprudenter consumpserint. Tenentur tamen naturaliter, sive in foro conscientiae, ut ex communiori. Et communiter postea etiam civiliter, si ex tali mutuo ex aliqua parte facti sint locupletiores cap. locupletari 48. de regulis iuris in 6. ubi sic: Locupletari non debet aliquis cum alterius iniuria, vel iactura.

Mutuare indigentibus consilium est; est tamen praecipuum nihil exinde, idest ex ipso mutuo sperare tanquam debitum ex iustitia; & haec est communis apud Doctores, cum in divina Scriptura, praecipue Lucæ 6. hoc prohibeatur; ibi enim Christus ait: Mutuum date nihil inde sperantes. Et si aliquod accipiat, vel etiam solum speretur ut debitum ex iustitia, est manifesta usura, quæ iure omni strictissime vetita est. Unde cum haec oriatur ex mutuo, de hac statim agere statimur.

CAPUT VI.

De Usura.

§. I.

Quid & quotuplex sit Usura.

Quia valde confert ad rerum difficultates solvendas, ut ordine suo componentur; hinc ne in re tantumomenti, & tot involuta difficultatibus deficiamus, videbimus 1. quid, & quotuplex sit usura, 2. an, & quo iure vetita sit, 3. si aliquis detur titulus, ex quo licitum fiat aliquid in mutuo supra sortem accipere; 4. an pacta, quæ mutuo apponi solent, ut pactum commutandi, favorifice alterius præstandi, licita esse possint, 5. quinam ratione lucri usurarii restitutioni sint obnoxii, 6. quænam sint ululariorum pœnæ, 7. an culpabile sit petere, & accipere mutuum sub usura, 8. tandem quid sentiendum de Mosci Pietatis.

Quid im-
posset
nomen
usura.

Usuræ nomen sumptum est ab utendo, non alias ac cultus a cultura, sique usura in genere signi usum significat sive bonum, sive malum rei alicuius: unde fit ut a Scrip- toribus latius aliquando sumatur in bonum sensum, idest pro usu, & lucro etiam scielto. Communiter tamen ex uluinductum est, ut nonnisi in malum sensum usurpetur. Usuræ vocabulum in tali significatione acceptum, & quidem ad propositum nostrum, idem est ac conventio, seu contractus ulurarius, sive lucrum, quod ex contractu ulurario percipitur, quod lucrum a latinis fœnus appellatur, a Græcis vero partus, quasi sit fœtus & partus ope pecuniæ, vel alterius rei pretio æstimabilis genitus, dum ab aliquo mutuo impertitur. Nomen vero usuræ strictè sumptum, idest in malam partem, dupliciter accipi potest, 1. pro actu, seu mutatione, ratione cuius aliquid supra sortem, idest plus quam datum fuerit accipitur, 2. pro obiecto in quem hic actus intendit, idest pro lucro, quod ex mutuo procedit.

Definitio
usura
strictè
sumpta

Usura strictè pro ulurario contractu, & mutatione (& est id, de quo agimus) definitur: *Contractus mutui cum obligatione reddendi sortem, & aliquid supra sortem præstare vi mutui*; & hoc idem dicit ac lucrum temporale immediate ex lucro proveniens, & intentum: *Usura est si plus acceperis quam dederis*, ait S. P. Hieronymus in cap. 18. Ezechielis, cui concordat S. Aug. iidem fere verbis in plal. 36. *Usura est si plus quam*

dedisti, expetere accipere: Lucrum autem illud est quod aliquis acquirit quod ante sum non erat, nec ei ex iustitia debebatur. Dicitur 1. *contractus mutui*, quia usura necessario præsupponit mutuum sive expressum & formale, de quo expresse convenitur, sive tacitum, seu implicitum, ac virtuale, nempe quando sub titulo alterius contractus fit mutuario. 2. *Cum obligatione*, nempe civili, & stricta, sive expressa sit, sive tacita, idest inditæ signo, nutu, modo dandi, vel loquendi idem ac pactum expressum significantibus. 3. *Reddendi*.... *aliquid supra sortem*, ut alii dicunt accessorium ad capitale, alii luerum; & pro lucro intelligitur omnis solaque res pretio æstimabilis, qualiter sunt non ea solum quæ in foro venduntur, sed quodcumque munus, & onus, seu civilis obligatio. Unde ulurarius esset qui intentionem haberet obligandi mutuatarium, ut beneficium sibi conferret. Nam licet beneficium ut spirituale pretio æstimari nequeat, est tamen pretio æstimabile debitum illud conferendi, ut est pretio æstimabilis obligatio celebrandi, notat Sylvius, non omnis & sola res.

Usura autem dividitur iuxta regulam Iuriconsultorum in lucratioriam, compensatariam & punitoriam. Prima est qua percipitur lucrum ex mutuo; secunda qua aliquid supra sortem exigitur ad damnum creditoris compensandum, sive ob lucrum cessans, sive ob damnum emergens, &c. & hæc licita est. Tertia est, qua pœna imponitur mutuatario, si culpabiliter morosus sit in sorte reddenda, & hæc pariter, ut videbimus, licita esse potest.

Usura lucratoria, de qua sola ex professo agimus, dividitur 1. in realem & mentalem. Realis est quando expresse, & aperte lucrum deducitur in pactum, ut cum dicitur, do tibi centum cum pacto expresso ut post annum tenearis reddere mihi centum & quinque, vel saltem aliis externis modis indicatur non dari mutuum nisi sub spe, & voluntate recipiendi aliquid supra sortem, ut si dicat mutuans, scis iam me de more non dare pecuniam, nisi mihi fructificet; vel, spero memineris mei in reddenda mihi pecunia ne infructuosa mihi fuerit apud te, & similia. Mentalis vero ea intelligitur, qua lucrum ex mutuo intenditur tanquam debitum ex iustitia, & de facto percipitur, sed sine ulla conventionem exterius expressa. Unde constat usuram non dici mentalem, sicut mentalia dicuntur pleræque peccata, eo quia in solo animi interiori consumantur, sed sic-
uti

Divisio
usura

Divisio
usura
lucratoria

uti simonia, quæ tamen perficiatur exterius, dicitur mentalis; quando fiat sine ulla externa passione. Dividitur 2. in formalem, seu expressam, & ea est qua ex mutuo formali & simplici percipitur lucrum, & virtutalem, seu tacitam, & palliatam, quæ sub specie alterius contractus exercetur, & cum eo miscetur, ac quasi confunditur, seu palliatur, & regitur nomine alterius contractus, qui virtualiter mutuum includit, ut cum carius res venditur ob dilatam solutionem. Dividitur 3. in passionalem, donec lucrum est solum in pacto, & nondum recipitur, & exactionalem cum lucrum de facto recipitur. Dividitur 4. in usuram sortis, qua datur lucrum pro sorte, seu pecunia accepta, & usuram usuræ, qua pro interesse non soluto datur lucrum, quatenus nempe ex usurario lucro non soluto conficitur novum capitale, quod coniungitur primo capitali, ut hoc quoque pariat interesse, seu ut ex hoc quoque lucrum percipiatur.

S. II.

De iuribus quæ usuram vetant.

Non una circa materiam hanc usurarum, sed varia in lucem prodierunt Auctorum iudicia, opinionisque, præcipue ab iis, qui a recto tramite veræ Religionis descivere. Nam Græci schismatici, neglecta seu potius reiecta auctoritate Orientalis Ecclesiæ Patrum, putarunt, ut olim Hebræi, licitam esse ad societatem usuram, quamcumque, siue hæc a divitibus, siue a pauperibus exigatur; & sicut Hebræi lege Mosai- ca, isti nituntur legibus Imperatorum; qui Imperio iam labente non tam probarunt usuras quam tolerare.

Pleudo reformati pariter, qui tam acriter, ac toties declamarunt contra laxitatem Romanæ Ecclesiæ in doctrina usuræ, postea alii rationibus aliis ducti ut licitam comprobant, & præcipue Calvinus, qui in hoc errore dux præcipuus est & magister. Nam hic prior inter ipsos docuit usuram licitam esse, dummodo duplex conditio servetur, prima nempe ut hæc non exigatur a pauperibus; secunda ut dum a divitibus exigatur, non nimia exigatur, sed iuxta modum a legibus definitum; ita in suo Comment. ad cap. 18. Ezechielis.

Errori Calvini adhæsit Molinæus, qui in suo Tractatu de Usuris ait usuram veritam non esse, nisi prout charitati opponitur, ut huiusce casibus exceptis licite creditor ultra sortem recipiat. Hic enim tres ordines hominum statuit, pauperes videlicet quibus po-

tius danda est elemosyna quam mutuandum, indigentes pro tali dato tempore, & his, quamvis mutuum reddere possint, gratuito est mutuandum; tandem mercatores, & divites, qui negotiando rem suam amplificent, & ab his honeste, & licite usura moderata iuxta ipsum exigi potest.

Eiusdem opinionis, sed aliis rationibus ductus, fuit Salmasius, qui usuram pro se honestam reputavit, eam concipiendo ut premium, seu mercedem pecuniæ locatæ: *Qui lucrum, inquit, in commodato probant, cur in mutuo improbant, nescio. Locatio ædium, vestis, animalis, servi &c. licita erit; licita non erit saneratio, quæ proprie locatio est pecuniæ, tritici, bordet.*

Non desuerunt inter catholicos quoque, qui conati sunt hanc firmare sententiam, inter quos auctor libelli, cui titulus usus pecuniæ, vulgo *dell' impiego del danaro*, qui pariter duplex statuit mutui genus; unum, quo res ad consumptionem datur, quod ut plurimum fit cum indigentibus, alterum quo datur ad negotiationem, ut fieri solet cum mercatoribus, qui ex mutuo res suas agunt, & amplificent. In primo casu fatetur esse usuram quidquid ultra sortem exigatur; descendit autem in secundo casu a tali vitio quodvis aliud lucrum ultra capitale perceptum.

Ultima sententia est ea quam tenent, ac tuentur omnes sinceri catholicorum Doctores, nempe quod sine iusto titulo nihil supra sortem licite exigi possit, & hoc secundum ius tum divinum, tum ecclesiasticum, tum civile. Sit igitur.

Usura proprie dicta, idest lucratoria, omni iure vetita est, scilicet non solum iure naturali, & positivo divino tam veteri quam novo, sed etiam ecclesiastico, & civili. Et quidem de utroque iure divino positivo constat ex testimonio divini Scripturæ utriusque Testamenti, & præcipue Levitici 23. ubi sic: *Non accipies a fratre tuo usuras, nec amplius quod dedisti.* Item Deuter. 23. *Non sanerabis fratri tuo ad usuram. id quod indiget absque usura commodabis;* & psalm. 14. ubi de introducendis in tabernaculum Domini dicitur: *Qui pecuniam suam non dedit ad usuram.* Item Lucæ 6. *Mutuum date nihil inde sperantes,* scilicet ultra sortem, quæ verba Urbanus Papa III. in cap. consultiis 10. de usuris assert ad probandum usuram iure divino esse prohibitam. Unde in cap. 4. de usuris expresse dicitur, quod *usurarium crimen utriusque Testamenti pagina detestatur;* & concordat cyp. qui in omnibus

Usura
proprie
dicta o-
mni iure
vetita
est.

bus 3. eodem. Ecce ergo quomodo in divina Scriptura absolute, & indistincte erga omnes, idest sine ulla differentia divitis, vel pauperis prohibetur usura respectu uniuscuiusque sine quavis distinctione huiusce prohibitionis erga pauperes, cum de his in altis textibus nulla fiat mentio, sed captiose de pauperibus explicant, seu effingunt cum Calvino, Molinæo, Salsatio, Broederseño contrariæ sententiæ patroni, ut viam sibi aperiant ad usuræ defensionem, quam licitam volunt erga negotiatores, & divites. Dicitur quidem in cit. cap. Deuter. *fratri tuo id quo indiget commodabis absque usura*, sed hic textus restringi nequit ad pauperes, tum quia non exprimit nisi occasionem mutui: is enim solummodo mutuum petit, qui apud se non habet quod petit, ac proinde eo indiget, tamen nedum extremam, sed nec etiam gravem necessitatem patitur; tum quia verba eiusdem textus *id quo indiget* non leguntur nec in textu Hebræo, nec in Versione 70. Interpretum, nec in Versione Syriaca, nec demum in ulla alia; tum denique quia ex hoc loco concludere Patres nullum ex pecunia etiam negotiatoribus tradita percipi posse emolumentum cuiuscumque sit generis. Et ita inter alios explicat allatum textum Deuter. S. Ambr. lib. de Tobia: *Plerique, ait S. Doct. resurgentes præcepta legis, cum dederint pecuniam negotiatoribus, non in pecunia usuras exigunt, sed mercibus eorum tanquam usurarum emolumenta percipiunt. Fraus ista est circumscriptio legis, non custodia, & putas te pie facere quia a negotiatore velut munus suscipis. Quodcumque sorti accidis, usura est: quod vestis nomen imponas, usura est. Si illicitum est cur vocabulum refugis? Si licitum est cur incrementum requiris? Quid clarius desiderare possunt adversarii? Non loquitur S. Doctor de pauperibus, loquitur de mercatoribus, qui pecunia utuntur in negotiando, & ab his docet manifestissime S. Doctor expeti non posse emolumenta ob pecuniam ipsis traditam, nec ab istis accipi, quia fraus & usurarium est. Nec opus est ut negotium longe quam par sit protrahamus, seriem texendo doctrinarum aliorum SS. Patrum, cum omnes eodem tenore in hac materia loquantur.*

Quare ex cit. textibus Levitici, & præcipue Deuteronomii, qui de omni iniustitia cuiuscumque sceleris explicatur a D. Amb. unde ut usurarium & culpabile præscribitur indistincte omne lucrum ex mutuo cuiusque sive pauperi, sive diviti mutuatur, col-

ligitur ad evidentiam verba Christi Domini Lucæ 6. præceptum esse, non merum consilium, ut autumant adversarii ea significare, cum in tali sensu præcepti, & neutriusquam consilii antiquitas tota eadem & sumptis, & explanaverit; nec opus est ut hoc Patrum auctoritate comprobetur, cum tot Concilia, & Summi Pontifices vi huiusce textus, cuius verba pro præcepto habuere, usuras omnes, & scelerata interdixerint. Hinc eleganter S. Thomas 2. 2. quæst. 78. art. 1. ad 4. ait: *Dare mutuum non semper tenetur homo; ideo quantum ad hoc ponitur inter consilia; sed quod homo lucrum de mutuo non querat, hoc cadit sub ratione præcepti.*

Quod autem usura verita sit iure canonico, pluribus in locis expresse habetur, ut cap. *Quoniam* 2. dist. 47. cap. *Si saneraveris* 1. cap. *Putas* 2. & ex toto titulo de usuris tam 5. quam 6. Decretalium; necnon ex Clement. unica de usuris 9. sane, ubi sic: *Sane si quis in illum errorem inciderit, ut pertinaciter affirmare præsumat, exercere usuras non esse peccatum, decernimus eum velut hæreticum puniendum.* Et ita etiam docuere plurimæ Synodi, ut Rhemensis 1583. Burdigalensis anno eod. Tolosana, Narbonensis. Ita enim inter alias habet Rhemensis: *Quisquis præter sortem præcipuum ex mutuo aliquid amplius exegerit, vel acceperit, cuiuscumque generis illud sit, modo pecunia æstimari possit, usurarius esse censetur.*

Item iure ipso naturali verita est usura, seu sceleratio. Ius enim naturale, seu recta ratio, duo præcipue in humanis commerciis præscribit, nempe & ut inter dantem, & reddentem servetur æqualitas, & ne fructus ex re aliena percipiantur. Nam ex una ratio commutationis importat ex se, ut tantum, nec plus, nec minus reddatur quam fuit acceptum; ex alia vero cum res qualibet proprio domino fructificet, fructus rei ex natura sua ad rei dominum spectare debent. Quare cum per usuram aliquid accipiendo supra sortem plus exigatur, & accipiat, quam mutuo fuit concessum, ideoque non servetur æqualitas in contractu; idcirco contractus huiusmodi iniustus est, & illicitus. Nam accipere aliquid supra sortem, seu supra rem mutuo datam titulo mutui est plus accipere quam valeat res data, ut patet, quia sola fors reddenda est æqualis valori rei mutuatæ. Nec aliquid recipi potest supra sortem tanquam eius fructus, cum talis acceptio æque iniusta sit, & usuraria, utpote quæ perciperetur ex re aliena, quod est contra ius naturale: etenim per mu-

Usura
ver ta est
iure na-
turali.

mutuum dominium rei in mutuatarium transfertur: ideo enim talis contractus mutuum appellatur, eo quod per ipsum de meo tuum fiat, ut ex Leg. *mutuum* 2. §. 2. ff. de reb. cred. si certum petatur. Igitur si mutuans fructus percipiat ex ipsa re mutuata, eos ex re aliena percipit; ideoque contra ius naturale, & ideo iniuste, & illicite.

Usura ve
stra est
etiam tu
to civili.

Usura tandem vetita est iure etiam civili, seu politico. Nam licet Constantinus Magnus, aliqui Imperatores subsequeutes uluras non abrogaverint, tamen certum est nusquam ipsos eandem approbasse, sed maioris mali evitandi gratia eas tolerasse; & hoc evidenter colligitur ex Novella 83. Imper. Leonis, a quo in ipso Decreto, quo uluras permittit, agnitæ fuere iuri divino contrariæ, & ideo ab eius patre proscriptæ, quia lege divina interdictæ. Imo Gentiles ipsi solo naturali lumine uluræ malum iniquitatem agnovere, & præcipue antiqui Romani, qui odio maiori seneratores, quam fures infestabantur.

Nec valet obicere contra hæc dicta illud Deuter. 23. *Non faveris fratri tuo ad usuram, &c. sed alieno*; nec illud Lucæ cap. 19. *Quare non dedisti pecuniam meam ad mensam, ut ego veniens cum usuris utique exegissem illam?* Nam ad illud Deuter. resp. cum variis SS. Patribus & doctoribus iustitiam solum permissam fuisse, idest non specialiter punitas uluras erga alienos, tantquam minus malum ad vitandum maius malum. Unde non secus ac etiam inter Christianos ad graviora incommoda vitanda quibuldam in locis permittuntur meretrices, quia illæ non puniuntur, nec ii, qui cum eisdem fornicantur, sicut habetur etiam in eod. cap. 23. Deuter. *Non eris meretrix de filiabus Israel*, non quia meretrices alienigenæ approbarentur, sed quia non puniebantur lege ista, sicut meretrices Israelitæ: ideoque uluræ non erant concessæ ludæis ut licitæ, nec ipsi a Deo præceptæ, cum Deos approbare nequeat ut licitum, & multo minus præcipere quod est intrinsece malum, utpote rectæ rationi contrarium; sed solummodo permissæ erant ad tollendum ne a se invicem uluras acciperent propter avaritiam, cui erant dediti. Et ita inter alios respondet D. Th. 2. 2. quæst. 78. art. 1. ad 2. ac explicat dictum textum: *Quod autem ab extraneis uluras acciperent, non fuit eis concessum quasi licitum, sed permixtum ad minus malum vitandum, ne scilicet a ludæis Deum colentibus uluras acciperent propter avaritiam cui dediti erant.* In hoc autem statu

Instit. Theol. Moral. Tom. III.

gratiæ, in quo cæremonialia, & iudicialia legis Moisaicæ, cuius generis erat uluræ permissio cum alienigenis, expirarunt, nedum Christianis, sed nec ipsis ludæis, qui lege Evangelicæ, utpote divinæ tenentur, non amplius cum quovis uluræ permittuntur.

Vel cum aliis potest etiam responderi oppositioni inflaturæ ex allato textu, videlicet licitum fuisse ludæis, (ita Deo bonorum omnium domino disponente) uluras erga alienos exercere, ut occasione mutui acquirerent dominium rei additæ fortæ, sicut eis aliquando tradidit vasa Egyptiorum eisdem concedendo ut licite illis Egyptios expoliarent; non vero quia eis Deus permisisset uluram proprie dictam, idest lucrum ratione mutui; ac ideo auctarium accipiebant non vi mutui, sed vi divinæ donationis. Imo restringunt multi hoc ludæis concessum fuisse erga illos tantummodo alienigenas, cum quibus ludæi bellum iustum gerebant. Ita inter alios notat S. Ambr. lib. de Tobia cap. 15. *Quis erat tunc, ait S. Doctor, alienigena, nisi Amalech, nisi Amoræus, nisi hostis? Ibi, inquit, usuram exige. Cui iure inferuntur arma, huic legitime inducuntur usuræ ab hoc usuram exige, quem non sit crimen occidere.* Ita P. Antoine cum aliis.

Ad illud autem Lucæ 19. respond. quod ibi per uluram intelligitur lucrum licitum ex negotiatione: nam dare ad mensam non est dare mutuum, ex quo solo oritur usura vetita, sed est dare mercatoribus ad negotiationem, utpote ad contractum societatis, in quo dominium pecuniæ manet apud negotiantem, ac ideo licet periculum ad ipsum spectat, quod non currit in mutuo, ita fructus ad eum spectare debent. Unde metaphorice ibi accipitur usura; ut nempe bonis a Deo acceptis augeamus, multiplicemus merita, & bona spiritualia ad æternam nostram utilitatem. Præterquam quod in Parabolis non tam spectandum est id, unde deducuntur, quam id, ad quod significandum adhibentur, cum aliquando de rebus non laudandis quædam trahi soleant similitudines, quæ ad opera laudabilia conducunt. Sic laudavit Christus villicum iniquitatis, quia de bonis domini fecit sibi amicos. Unde ex allata docere nos voluit Christus, ut in bonis a Deo acceptis, sicut antea dicebam, semper proficiamus; & hoc solum, non primum Christus in tali parabola commendare volebat, idest non solum literalem Parabolæ, sed mysticam.

O

Alia

Alia autem varia solent hic opponi, nempe pretiosiorum esse pecuniam numeratam, seu præsentem pecunia numeranda & ablente: nam per primam negotiari potest, non vero per secundam. Et certe communiter plus æstimantur aurei centum præsentem, quam aurei centum habendi post annum: item mutuante se privare potestate utendi, seu fruendi re mutuata, quam non mutuando haberet. Insuper iniquum non videri, si lucrum quod partim ex pecunia mutuantis, partim ex industria mutuatarii proficiscitur, inter utrumque dividatur, ut eadem sit ratio lucri ad lucrum, quæ est industriæ ad pecuniam, aut pecuniæ ad industriam. Hæc enim negotiatio est quædam societas. Ad primum resp. hanc propositionem damnatam esse ab Innocentio XI. quæ numero est 41. *Cum numerata pecunia pretiosior sit numeranda, & nullus sit qui non maioris faciat pecuniam præsentem, quam futuram, potest creditor aliquid supra sortem a mutuatario exigere, & eo titulo ab usura excusari.* Et equidem aurei centum per se, & secluso omni lucro, quod ex eis fieri posset, non pluris hodie valent quam post annum, nec possidenti sunt utiles, si in area otiosi mansuri sunt. Quod si mutans ex his certo moraliter lucrum erit futurus, dubium non est quin ratione lucris cessantis aliquid supra sortem exigere valeat, nullatenus tamen ratione pecuniæ; alias cum in omni mutuo essentialiter pecunia tribuatur nonnisi reddenda in futurum, nullum esset mutuum, ex quo aliquid supra sortem recipi non posset, quod sicuti probavimus, Scripturæ, SS. Patribus, iuri naturali, positivo divino, & humano, ac rationi adversatur. Ad secundum vero; non ideo aliquid exigere licet supra sortem ex eo quod mutans pecunia sua se privat, quia sicut potestas illa utendi non habet æstimabilitatem distinctam ab ipsius rei æstimabilitate, ita privatio illius potestatis non habet æstimabilitatem distinctam ab æstimabilitate privationis illius. Privatio enim rei compensatur redditione eiusdem, & carentia illius donec reddatur cum mutuanti, ut supponitur, nullum tollat lucrum, quod ei cesset, nec pariter damnum patitur.

Nec valeret dicere: aliquid exigi posse propter usum rei mutuatae; nam iniustum est vendere alteri usum rei non suæ. Per mutuum enim dominium rei transfertur in mutuatarium; ideoque usus huiusce rei ex natura sua ad ipsum pertinet, ut ad proprium dominum, ad quem spectant omnia

commoda, quæ ex eadem re percipi possunt; & hæc omnia, præsertim usus in rebus consumptibilibus quoad æstimationem, & valorem non computatur diversus a re, nec distinctus, sicuti in vino, tritico non est diversa eorum æstimatio, & ipsorum usus. Nihil est igitur pro quo lucrum accipi possit supra sortem, ac ideo quando non adsit aliquis iustus titulus, omne lucrum ex mutuo est omnino iniustum.

Nec ullatenus officit sententiæ nostræ, quod opponi potest ex D. Thoma, qui docet posse aliquid accipi pro usu pecuniæ, quia D. Th. loquitur de usu pecuniæ locatæ, non autem mutuatae. Ita enim habet 2. 2. quæst. 78. art. 1. ad 6. *Usus principalis pecuniæ est distractio pecuniæ in commutationes; unde non licet usum eius vendere. Tamen potest esse aliquis secundarius usus pecuniæ argenteæ; puta si quis concederet pecuniam signatam ad ostensionem, vel ad ponendam loco pignoris, & talem usum pecuniæ licite homo vendere potest; quia scilicet vendens non mutat, sed locat; unde retinet dominium pecuniæ, & periculum.*

Ad tertium vero resp. iniquum non esse ut lucrum dividatur, si pecunia remaneat in dominio creditoris, seu mutuantis, ut accidit in contractu veræ societatis, non vero si pecunia transeat omnino in dominium debitoris, ut ad ipsum spectet illius periculum, sicut fit in mutuo: unde si totum periculum rei mutuatae ad mutuatarium pertinet ut ipsius dominum, omne pariter lucrum, & commodum ab ipsa proveniens ipsi mutuatario debetur.

Opponi tandem potest quod dare mutuum sit beneficium præstare, quod ideoque mereatur suam remunerationem. Resp. Non ideo licere propter hoc beneficium aliquid exigere: imo vero quia mutuum est beneficium, ideo essentialiter est gratuitum. Mutuum ergo est contractus essentialiter gratuitus, & institutus in solius mutuatarii commodum,

§. III.

De titulis, ex quibus aliquid exigi potest supra sortem.

Nota, quod nomine sortis secundum Iuristas intelligitur capitale, seu res quæ mutuo datur, & in tali sensu hoc nomen a Theologis etiam usurpatur. Cum igitur non liceat aliquid recipere supra sortem, idest super rem datam vi solummodo ipsius mutui, nisi aliquis alius interveniat titulus, seu ratio, quæ huiusmodi acceptionem iustam

Quod nomine sortis.

flam licitamque reddat, ne contractus mutui inficiatur usurae labe, quae utpote grave scelus a iure omni, ut vidimus, interdicitur, operae pretium est ad plenioris huiusce rei, quae tanti est momenti, elucidationem, ut discutiamus quinam sint tituli, quibus ex mutuo lucrum licite fieri queat, cum malitia hominum ad foenoris fœditatem simulata iustitia ac honestate palliandam non paucos titulos excoegitaverit. Inter præcipuos autem titulos recensentur labor in pecunia numeranda, carentia pecuniae, obligatio non repetendi fortem usque ad certum tempus, periculum ipsius amittendae, lucrum cessans, & damnum emergens.

Et primum de labore loquendo in pecuniae numeratione, certum est apud omnes non esse sufficientem titulum ac rationem aliquid supra fortem ex mutuo recipiendi, quia hic labor reperitur in omni mutuo ut ipsi intrinsecus, & necessarius, cum non detur nisi pecunia numerata, vel vinum, aut frumentum mensuratum; alia sequeretur quod plus pro longe minori summa tradita in monetis minutis, quam pro multo maiori paucis aureis monetis contenta percipi posset, quod profecto ridiculum esset. Quare leges, quae interdicunt ne aliquid supra rem in mutuo exigatur, voluerunt ut nulla huiusce laboris ratio habeatur, cum omnes præcipiant mutuum dandum esse gratuito. Nec inmerito, cum sine aliquo labore mutuum dari nequeat. Sed esto etiam quod licitum esset lucrum aliquod ob laborem in pecunia numeranda, cum hoc fiat semel duntaxat quando mutuum datur, non quolibet anno, non plus quam semel lucrum percipi deberet, non vero singulis annis, quibus dicta pecunia stet apud mutuatarium, ut faciunt usurarii.

Item carentia pecuniae non est sufficiens causa, seu ratio, ut aliquid ex mutuo supra rem mutuata exigitur. Nam carentia illa essentialiter communis est cuicumque mutuo: nullam enim rem mutuo dare possumus, nisi interim illa careamus. Ratio vero, quae in contrarium assertur a Casamuel, quod mutuator pecuniam mutuando privetur delectatione eam videndi, quae delectatio est pretio aestimabilis, ita inanis est, bona venia tanti auctoris, & frivola, ut supervacaneum sit tempus, & chartam perdere pro solutione, cum sola indignitas huius delectationis in homine Christiano utpote sordidam redolens avariciam satis superque difficultatem resolvat.

Obligatio pariter non repetendi fortem

ante certum tempus, puta annum, tamen si speciem aliquam iustitiae præferat, sentiunt tamen communiter Doctores non esse legitimum titulum, ut ex mutuo aliquid supra fortem licite recipiatur, eo vel maxime quod contraria sententia damnata est ab Alexandro VII. in propositione, quae numero est 42. *Licitum est mutuanti aliquid supra fortem exigere, si se obliget ad non repetendam fortem usque ad certum tempus.* Nam obligatio non repetendi fortem ante certum tempus est intrinseca mutuo requisito; ratio enim mutui, quatenus mutuum distinguitur a precario, communiter est quod mutuum repeti nequeat ad nutum mutuantis, sed post certum determinatum tempus, quae determinatio fit per ipsummet contractum mutui, vel per circumstantias necessarias ad finem mutui; ideoque varia est temporis determinatio pro mutuo iuxta varietatem & exigentiam causae petendi mutuum. Unde tempus illud sive longum sit, sive breve, est de ratione mutui ad eius finem, qui est gratis impendere subsidium utile proximo; alioquin si temporis determinatio non esset accommodata exigentiae petentis mutuum, ideoque ad mutui finem, mutuum quid inane esset, non beneficium. Hinc tam tempus longum debet censeri intrinsecum mutuo in ordine ad eius finem, quam magna quantitas intrinseca esse censetur in ordine ad exigentiam illius, qui magnam summam mutuo accipit. Igitur sicut nihil exigere licet pro mutuo etiam maiori quam mutuatario opus sit, quia mutuum mihi datum in magna quantitate aliud non est quam mutuum magnum, ita nihil exigere licet pro eo quoque mutuo, quod ad tempus longum concederetur, eo quod necessarium sit ad finem mutui, quia huiusmodi mutuum nihil aliud est quam mutuum longum. Obligatio igitur non repetendi fortem mutui ante tempus præfixitum, intrinseca est mutuo; idcirco nullum titulum, seu rationem confert ut pro ea aliquid ultra fortem ex mutuo exigatur. Hinc illicitum est pariter aliquid exigere eo quod mutuum tempus constitutum proroget, quia hoc nihil aliud est quam prerogatio mutui, quod ex natura sua est gratuitum.

§. IV.

De lucro accipiendo ex mutuo ratione periculi.

Nota 1. duplex in mutuo distingui posse periculum, unum generale, quod intrinse-

Varia periculo. cum genera.

nam vocatur, aliud particulare, seu extrinsecum. Periculum generale, seu intrinsecum est illud, quod reperitur in omni mutuo, vel secundum se spectato, ut quando bona illius, cui datur mutuum, perire possint incendio, alluvione, devastatione, aliisque huiusmodi casibus fortuitis, vel spectato secundum finem, ad quem mutuum ordinatum fuit a Deo, nempe quando mutuatarius sit pauper, ut fideiussionem invenire non possit, &c. Certum est autem ex Scripturis mutuum in gratiam & levamen pauperis præcipue institutum fuisse, ut cui per eleemosynam succurrere debemus, & per mutuum aliquando subsidium seramus. Periculum vero particulare, seu extrinsecum illud est, quod a mutuo separari potest, ut quando datur pecunia homini nullius conscientie, prodigo, iitium amanti, naviganti in mari procelloso, commercium periculo sum habenti, &c.

Nota 2. aliud esse periculum *facti*, aliud periculum *iuris*. Periculum *facti* illud est quando mutans non suscipit in se periculum fortis, sed remanet apud debitorem, seu mutuatarium, quatenus hic tenetur ex omnibus suis bonis in quocumque eventu etiam amissæ fortis, & lucri tantumdem restituere. Periculum *iuris* illud est quando mutans in se suscipit periculum fortis, ac veluti novum init contractum idem assurationis, quo sortem asscurat; ita ut si fors quocumque casu absque fraude, & culpa mutuatarii perierit, ipsimet creditori seu mutuatori pereat, ut nullum ius habeat repetendi compensationem.

Non licet aliquid accipere supra sortem ratione periculi; quod in omni mutuo secundum se spectato reperitur; quia cum non liceat accipere ultra sortem pro eo quod est de intrinseca ratione mutui, alias licitum esset aliquid accipere supra sortem vi mutui; idcirco non licet recipere ratione periculi generalis, quia hoc est de intrinseca ratione mutui. Si enim liceret mutuantem aliquid accipere supra sortem ex mutuo ratione periculi intrinseci secundum se spectati, melioris esset conditionis quam mutuatarium, quod contrarium est æqualitati in omni contractu servandæ: insuper hoc periculum subire posset ipse mutans, etiam si rem mutuo non daret, tum ea apud ipsum quoque perire valeat ob aliquem fortuitum casum, qui innumeri sunt, non secus ac apud mutuatarium.

Illicitem pariter est lûre saltem divino aliquid supra sortem exigere ratione periculi,

quod reperitur in mutuo spectato secundum finem, ad quem fuit a Deo ordinatum, id est ad pauperes sublevandos. Igitur nihil licet exigere ex mutuo dato pauperibus ratione periculi ex eorum inopia, quia Deus præcepit ut mutuum gratis pauperi daretur, ut Exodi 22. *Si pecuniam mutuo dederis populo meo pauperi, qui habitat tecum, non urgebis eum quasi exactor, nec usuris opprimes.* Unde si ob periculum fortis, quod est in mutuo spectato secundum finem, ad quem Deus illud ordinavit, seu secundum pauperis mutuum petentis inopiam, aliquid supra sortem liceret accipere, mutuum gratis pauperibus non daretur. Tale enim periculum est intrinsecum mutuo in individuo, seu ex natura sua tali mutuo accessorium. Accessorium autem naturam sequitur sui principalis, ex regula 42. *iuris* in 6. Igitur cum nihil possit exigi pro ipso mutuo, ita nec pro tali periculo; alias maxime opprimi posset pauperes, & eo plus ab his exigi, quanto plus sunt egentiores. Permittit quidem S. Congregatio, ut videbimus, aliquid supra sortem recipi ex mutuo ratione periculi, sed intelligit de periculo extrinseco, orto non ex inopia, sed ex culpa, infidelitate, & iniustitia mutuatarii.

Mutans periculum fortis in se recipiens potest hoc titulo aliquid supra sortem accipere, quia præter contractum mutui reperitur in hoc casu contractus assurationis. Quare sicut quilibet alius, qui sortem asscuraret, recipere posset aliquid pro sua assuratione, ita potest mutans pro isto assurationis contractu aliquid accipere. Unde si Apollonius Aurelio Smyrnas naviganti mutuo daret aureos mille, eorumque periculum in se susciperet, posset de aliquo lucro pacisci, sicut quilibet alius. Talis enim mutuatio est potius contractus societatis, quam simplex mutuum, cum in simplici mutuo ex nulla lege, & praxi fors, seu res mutuata exposta sit periculo, sicuti in hoc casu. Quocirca præter contractum assurationis est etiam quasi contractus societatis. Insuper si ita mutans pecuniam expositus est pati incommodum, istum videtur, ut participare possit etiam de commodo luxta illud commune effectum, qui sentit commodum debet sentire & incommodum, & e contra, cum oppositorum eadem sit ratio, & regula. Nec valet dicere, quod mutans se constituens fideiussorem, nihil potest accipere, ita neque dum se asscuratore constituit. Nam resp. latam esse disparitatem. Ideo non potest accipere mutans fideiussor,

Quando mutans possit aliquid supra sortem accipere.

qui

quia solum illud sub e periculum, quod subit qui dat mutuum simpliciter; cum aequae actionem habeat in mutuarium, qua eum ad restituendum obligat, ac si nulla flecta fuisset fideiussio. Mutuus vero a securans excidit a iure mutui repetendi, quod habuisset si non constituisset se asecuratorem; & ideo mutuians subiens onus rei suae non repetendae, si fortuito pereat, licite aliquid supra sortem accipere potest, non secus ac quisvis alius asecurator. Et revera si alteri asecudatori, qui non sit mutuians, conceditur ut licitum, aliquid exigere polse ob periculum, cui se exponit in sua asecuracoe; quare ex tali titulo asecurantis non erit concedendum etiam mutuantis ut ex tali titulo aliquid ob periculum cui se exponit, accipere possit; nam secuso omni dolo, vel fraude, non est maior, nec minor ratio in uno quam in alio.

Quod vero ratione periculi extrinseci possit aliquid recipi ultra sortem (posito tamen quod mutuatarius non dederit pignus) praeterquam quod haec sententia sit communior, & rationabilior, certior quoque redditur ex iudicio, & auctoritate sacrae Congregationis de Propaganda Fide, quae in hoc sensu super casus huiusmodi quaesita a Missionariis Synenlibus, respondit & definit. Ita enim expositus fuit sacrae Congregationi a Missionariis casus Synentium: *In praefato regno lege stabilitum est, ut in mutuo 30. per 100. accipitur absque respectu lucri cessantis, aut damni emergentis: quaeritur utrum . . . praedictam lege regni taxatam quantitatem sit licitum accipere. Et causa dubitandi est, quia in recuperanda pecunia est aliquod periculum, scilicet quod qui accipit mutuum fugias, vel quod tardet in solvendo, vel quod necessarium sit coram iudice repetere, vel propter alia huiusmodi.* Huic quaestioni responsum dederunt Theologi qualificatores S. Officii his verbis: *Consuit Sacra Congregatio &c. ratione mutui immediate & praecise nihil esse accipiendum ultra sortem principalem. Si vero aliquid recipiant ratione periculi probabiliter imminenti, prout in casu, non esse inquietandos, dummodo habeatur ratio probabilitatis periculi, & qualitatis eiusdem, ac servata proportione inter periculum, & id quod accipitur.* Quod responsum una cum aliis ad alia dubia, proposita ita confirmatum fuit a sac. Congreg. & approbatum a Pontifice Innocentio X. his verbis: *Die 22. Sept. 1645. Referente Em. Dom. Card. Genetto supra scripta quaesita una cum responsis, & resolutionibus Congreg. Theologorum.* In sit. Theol. Moral. Tom. III.

sum . . . Sacra Congregatio D. D. Cardinalium de Propaganda Fide praefata responsa, & resolutiones approbavit: & eadem sacra Congregatio supplicante S. S. Dominus noster . . . omnibus & singulis Missionariis . . . pro tempore existentibus, & futuris sub excommunicatione lata sententiae Sanctitati Suae, & Sedi Apostolicae specialiter reservata, divisim praecipiendo mandavit quatenus praefata responsa, & resolutiones diligenter observent, & in praxi utantur, &c. Inane est commentum, quod huic decisioni sacrae Congregationis a Summo Pontifice approbatae respondet adversarii, quod scilicet de hoc Decreto latius non constet, cum ex Registris Decretorum sacrae Congregationis de Propaganda non convineat tale Decretum in illis registris non inveniri, unde gratis illud in dubium revocant: & praecipue quod contra de veritate illius Decreti eos convincat Thomas Hurtadus qui ad calcem suarum resolutionum exhibet exemplar illius decreti authenticatum per Notarium Apostolicum qui in verbo veritatis testatur illud se ex Registro S. Congreg. transcripsisse. Idem non minus est inane aliud responsum, nempe posito etiam tali decreto, huiusmodi lucrum tolerari tantum, & permitti; cum certe, Pontifex, talem approbationem Congregationis non fasset cum praeccepto eam observandi sub poena excommunicationis, quando actum fuisset de sola permissione, & tolerantia; & eo vel maxime quod cum tali praxi exponeretur evidenti periculo damnationis conscientia illius gentis recesserit ad Fidem convertae, quis unquam hoc ne quidem suspicari posset in animo Pontificis supremi Ecclesiae capitis, & patris, ideoque vigilantissimi zelatoris de omnium populorum aeterna salute? Mira plane, & inaudita esset haec agendi ratio, si dum sacra Congregatio, & Pontifici Romano persuasum fuisset eos criminis usurae reos esse, qui aliquid propter periculum sortis, ut in proposito casu, acciperent, illos Christianae Fidei neophytos per dissimulationem cum manifesto periculo eorum perpetuae perditionis in tam gravi errore reliquisset; imo ulterius praecipisset eorum Directores sub poena excommunicationis ut ira se gererent hoc eidem concedendo, dum per tales tolerantiam, ac permissionem immunes non fuissent illae gentes a gravi usurae culpa cum debito restitutionis, sicut immanes non sunt a crimine luxuriae meretricis ubi meretricarii permittuntur. Tot concervationes ne iidem gentibus ad fidem con-

eholicam convenientibus permittantur quidam idololatrici ritus gentilitatis, & postea ipsis permittentur iniustitiæ, quæ non minus ac ritus idololatrici eos ad perditionem pertraherent! Nam permissio non facit ut id quod per se malum est, non sit malum, sed tantummodo quod committens illud, non subiaceat pœnis pro tali malo statutis.

Verum quidem est, ut adversarii adverteant, tale Decretum concludi hac clausula, *dumtaxat Sanctitas sua, vel Sedes Apostolica aliud statuerit*. At cum nec ideum Innocentius X. qui decretum firmavit, nec Summi Pontifices in S. Sede successores aliquid novi statuerint, adhuc plane tale iudicium sacre Congreg. & Papæ perversat, ac proinde iuxta tale iudicium ratione probabilis periculi sortis aliquid ultra sortem recipi potest.

Nec ullatenus infervit illud contrariæ sententiæ ad concludendum de sola permissione, & tolerantia in dicto sacre Congregationis decreto, quod non emendaverint lucrum 30. pro centum, quod illius sententiæ patronis valde exorbitans videtur; quia si revera in hisce nostris regionibus tale esset, non ita tamen erit in Sinarum provinciis ob valde pingues utilitates negotiationis, & redditus agrorum, qui illi percipi debent; alias non est ullatenus credibile, quod Principes earum nationum in suis statutis constituisent id quod esset iniustum, quia tamen desit Sinenfibus vera Religio, illis tamen non deest naturalis, seu rationabilis æquitas, eo vel maxime quod illæ gentes sunt ingenio valde perspicaces, ut referunt qui eas plagas perulstrant.

Et ratio ipsa assertum nostrum comprobat, idest quod tunc solummodo lucrum illicitum est in mutuo, quando vi, & ratione ipsius motui exigatur, videlicet pro eo quod est mutuo intrinsecum. Quare cum id quod exigitur ratione probabilis periculi non vi motui, seu ex eo quod sit mutuo intrinsecum exigatur, sed propter periculum sortis mutuatæ, quod eidem sorti extrinsecum est, ipsique per accidens adnexum, rationabilitè, ac ideo licite lucrum ultra sortem potest recipi, quando cum tali periculo sortis amittendæ, quia hæredita homini prodigo, cavilloso, infirmæ fidei, exercenti negotia periculosa, exposita aliorum furtis, &c. naviganti in periculosa navigatione, &c. ac proinde cum periculo etiam incommodorum, quæ incurri possunt ad sortem recuperandam, mutuum dare occurrat. Nam hæc omnia, sicut alias iam diximus, sunt pretio æstimabilia, non secus ac lucrum cæsans,

aut damnnum emergens. Quare si quando probabiliter timetur vel quod damnnum emergat mutuatori, vel quod lucrum cesset, omnes concedunt aliquid supra sortem exigere posset, quod periculo damni emergentis, vel lucri cessantis sit proportionatum: ita hoc licitum erit etiam quando est periculum sortis amittendæ.

Nec obstat quod habetur in cap. *Naviganti de usura* sub Gregorio IX. ait: *Naviganti, vel eunti ad mundinas certam mutuant pecuniam quantitatē pro eo quod suū scipit in se periculum, recepturus aliquid supra sortem, usurarius est censendus*. Nam resp. 1. hunc censeri usurarium, quia supponitur noluisse mutare, nisi ea conditione, ut ipse periculum sortis certo pretio in se susceperet, & sine ista causa imposuisset mutuario opus, quod est pretio æstimabile, tollendū ei libertatem, sortem assecurandi alio commodiori modo, nempe per pignus, vel fideiussorem. Alii vero non infirmæ notæ DD. putant mendum in textum irrepisse ita ut legendum non sit *usurarius est censendus*, bene vero *usurarius non est censendus*, ut indicare videntur verba immediate sequentia, *ille quoque qui dat decem solidos, ut alio tempore tanti sibi grati, vini, vel olei mensuram reddantur, quæ licet tunc plus valeant, utrum plus, vel minus tempore solutionis fuerint valitura, verosimiliter dubitatur, non debet ex hoc usurarius reputari*. Quis amabo hic ait P. Cuniliatus non animadvertat istam particulam *quoque* significare uniformitatem ad ante dicta? Cum enim sit particula copulativa debet vel duas affirmationes vel duas negationes denotare. Quia ubi non possunt antea dicta cum dictis sequentibus copulari, & connecti, ponenda non est particula copulativa *quoque*; proinde si in prima parte canonis non esset legendum, *usurarius non est censendus*, in secunda parte importune, & incongrue scriberet Pontifex, *ille quoque non debet usurarius iudicari &c.* Sed dicere debuisset *ille tamen aut ille contra &c.* quæ responsio fundatissima assertur a Barbosa, & aliis pluribus.

Reponit quidam Theologus legi in dicta Decretali duos contractus prorsus diversos, mutui in primo, venditionis in altero, proinde ex illa particula *quoque*, nullam colligi posse conformitatem, ut dici queat Ponethem uniformem pro utroque casu decisionem pronuntiasse, sicuti nos intelligendum contendimus. Verum quid refert quod in Decretali sint duo contractus diversi; cum Pontifex habeat pro obiecto non naturam, seu

spe.

speciem contractuum, sed eorundem moralitatem, seu iustitiam vel iniustitiam, definire? Unde si in secundo casu ait Pontifex ille quoque... non debet in hoc usurarius reputari; per illam particulam copulativam quos manifestissime ostendit rem se habere in hoc secundo casu sicut in primo, idest, si non est utra in hoc secundo casu, neque pariter in primo, ac proinde melius quamplurimi DD. insignis notæ, textum, qui circumfertur Gregorii IX. iudicaverunt mendosum. Nec ullatenus officit huic iudicio quod dicunt adversarii, textum hunc legi sine illa particula in omnibus non solum ferè Codicibus, sed & in S. Raymundo ad quem idem Pontifex eam Decretalem direxit. Etenim hoc manifeste ostendit, a primis exemplaribus transcriptis ex autographo huius Decretalis tale mendum in eius lectionem irrepsisse, unde contigit, ut omnia postea exemplaria, quæ iam supponenda sunt ab ipsis excerpta cum eodem mendo prodierint. Imo fieri potuit quod etiam per inadvertentiam Scribæ in ipsum Decretalis autographum hoc mendum irrepsit, & sic omnia exemplaria cum eodem mendo transmissa sunt.

Verum quomodocumque hoc in textu illo contigerit velint nolint adversarii, eius lectionem correxerunt Critici secundum sumum verum, ac genuinum sensum, ut secundum regularem communissimamque modum loquendi non alium habere possit sensum ac proinde certo tenendum est, Gregorium novum non ignorum verborum sensus, ita in sua Decretali se exponere voluisse. Sed dato etiam, non concessio, textum Decretalis non esse mendosum adhuc non infirmatur nostra sententia. Pontifex enim ait. cap. Naviganti non dicit absolute, est usurarius, qui certam pecunie quantitatem mutuat Naviganti, & pro eo quod in se suscipit periculum sortis aliquid supra sortem recipit; sed ait, quod usurarius est censendus, qualiter sentit eum non necessario esse usurarium, sed talem præsumi debere in foro externo, nisi probet se bona fide in se suscepisse periculum rei mutuatae non autem ut usuram palliaret. Ira non aliquis vulgaris Casuista Probabilistam sed excellentissimus Canonista Prosper Fagnanus in hanc Decretalem. Hinc sapientissime observationi, quam ex hac Decretali instaurant Adversarii respondet Tomineus, dictum mutuantem usurarium esse si noluerit dare mutuum nisi sub hac conditione, ut ipse sortis periculum certo pretio in se susciperet, non vero si aliquid

supra sortem recipit præcise ratione affectionationis. Usurarius esset in primo casu; quia mutuatario impositus onus pretio æstimabile, quatenus eum privat libertate affecurandi sortem alia, quæ sibi magis placuerit via, puta per pignus aut per fideiussorem; non autem in secundo casu; quia ille aliquid supra sortem accipit præcise ut eam periculum in se suscipiendo assecuret eodem pretio iusto, quo alter eam assecuraret.

Quod si obiiciatur auctarium non sufficere ad tollendum periculum sortis, imo potius illud augere, unde sequitur aliquid exigi pro periculo ipsius auctarii, & sic in infinitum, cum & illud periclitetur. Item mutuatarium teneri ad tollendum periculum illud sortem reddendo. Respondetur ad primum, auctarium illud non exigi ad tollendum periculum futurum, sed pro periculo præcise, & damno quodam actu existente, quod actu subit mutuum, dum pecuniam apud se certam expositæ manual periculose in qua est minoris valoris, quam in sua, nec auctarium augeat periculum sortis; cum mutuum recipiendo quotannis parum ob periculum ipsius sortis; quamvis postea eam amittat, minus damnum patietur, & interea mutuatarius poterit lucrari ex mutuo ad sortem solvendum; idcirco nihil potest exigi ob periculum auctarii sperati licet periculosum; quia ius ad ipsum, ipsiusque spes est sufficiens sibi ipsius periculi compensatio. Ad secundum vero dico, restitutione sortis non tolli periculum quod ante illam restitutionem subit mutuum, & erat præcise æstimabile, sed per restitutionem fit solummodo ut periculum amplius non continetur.

Ad hoc vero ut ex tali titulo aliquid iuste exigi possit; variæ requiruntur conditiones. Prima nempe ut mutuum non tenetur in se suscipere periculum sortis ex Charitate. Si enim mutuatarius constitutus sit in gravi necessitate, præsertim casu fortuito absque sua gravi culpa, si insuper sit persona industria, fidelis in servandis promissis, timorata conscientia, ac præterea cognationis, societatis, vel subiectionis & familiaritatis; præcipit enim Charitas ut quis subeat periculum dispendii quoad bona superflua ad sublevandum miseri ita sibi coniuncti gravem indigentiam. 2. Ut periculum non sit tantum possibile, sed etiam probabile, idest tale, quod stante prudenter timeri possit sortis amissio in toto, vel in parte. 3. Ut hoc periculum probabile non sufficiat excludatur per fideiussorem, vel per hypo-

theam, vel aliam assecurationem; ita ut si abique culpa mutuatarii pereat res, mutuatori pereat.

S. V.

De vi Legis Principis, statuti, vel consuetudinis locorum taxantium moderatum censum in favorem mutuantium, & hoc agitur quoad forum conscientie.

Lex, vel consuetudo loci quando alius non adit iustus titulus iustificare nequit Contractum, quo aliquid in mutuo supra sortem exigatur; nam cum perceptio lucri ex mutuo iure divino & naturali vetita sit, nullo alio iure licita fieri potest. Etenim in nulla est lex omnis, quæ iuri divino, ac naturali opponatur; cum inferior legem superioris irritare nequeat; unde ius divinum, & naturale nunquam legitime præscribi potest, nulla contra tale ius rationabilis consuetudo induci; ita ut si induceretur esset abusus graviter, vel leviter culpabilis, quatenus graviter, vel leviter ius divinum, & naturale per talem abusum violaretur. Idcirco lex quæ permittit ex quovis mutuo aliquid exigere ultra sortem v. g. quatuor, aut quinque pro centum, ac de eo pacisci, imo præcipit iudici ut mutuatarium compellat ad hoc auctarium persolvendum mutuatari, dicendum quod semper præsumat, ac supponat titulum interesse, puta lucrum cessans, aut damnum emergens, ita ut si ex his nullus sequatur titulus, nihil in conscientia exigi potest, aut recipi ultra sortem, & si aliquid receptum sit, omnino restitui debet. Imo illicitum est quod plus accipiat quam sit lucrum quod cessat, vel damnum, quod emergit, tamen illud a lege constitutum reperitur, quia tunc lex, vel sententia nititur falsa præsumptione; non enim est intentio legis, nec esse potest, ut aliquid ratione mutui percipiat.

Et hoc idem, quod de lege, dicendum est quoque de iudicis sententia, quia supra sortem aliquid mutuatori adiudicatur a tempore interpellationis huius in compensationem interesse, quia si nullus interveniat titulus lucri cessantis, vel damni emergentis, seu non tantum mutuantis patitur, tunc nihil, vel non tantum ab eo accipi potest, cum in tali casu sententia nitatur falsa præsumptione, idcirco ius vestrum non contrahat. Si postea vero aliquid adiudicaretur mutuantis in penam dilatae solutionis, & debitor in tali mora non fuit culpabilis, nihil pariter litite accipi potest, eo quod pena semper

culpam supponat, & eo vel maxime quod tamen debitor in tali mora fuerit etiam culpabilis; qui sunt simul requirunt, ut ex tali mora & dilatione mutuator damnum, vel lucrum cessans passus sit, qui putant legem, seu sententiam damnantem ad penam, supponere etiam interesse, seu præiudicium.

Obiici tamen potest quamlibet legem essentialiter esse iustam, alias non edere legem, utpote quæ de natura sua sit recta agendorum ratio, seu regula; igitur lex est iustus titulus aliquid accipiendi supra sortem. Respondetur hoc verum esse, si lex non fundetur in suppositione, seu vero si fundetur in suppositione eius, quod non sit. Lex autem, vel consuetudo, quæ aliquid in mutuo permittit supra sortem accipere, semper supponit unum de duobus sæpe notatis titulis, damnum scilicet emergens, aut lucrum cessans. Et si neutrum eorum, lex nequitiam hoc lucrum intendit, nec potest auctarium approbare, vel præcipere.

Obiicitur 2. Per legem illam tenentur iudices damnare, ac cogere debitorem ad aliquid solvendum præter sortem. Igitur mutuator illud iuste retinere potest. Resp. negando consequentiam, quia cum iudices non adiudicent illud auctarium nisi vi legis, & lex iustum titulum supponat, nempe lucri cessantis, vel damni emergentis, non potest mutuantis licite sibi retinere auctarium sibi a iudice adiudicatum, si non habeat verum titulum, quem lex, & iudicis sententia supponit.

S. VI.

De titulo lucri cessantis; & damni emergentis ad aliquid supra sortem in mutuis accipiendum requisito.

Nota 1. tunc æstimari, ac dici lucrum alicui cessare, quando nempe mutuantis ob mutuum privetur iusto lucro, quod certo, vel probabiliter facturus fuisset ex pecunia, quam mutuo alteri dedit, emendo scilicet merces, fundum, censum, aut quod simile, vel aliter negotiandis. Damnum vero tunc emergere dicitur, quando quis in bonis suis, quæ iam possidet, mutuando iacturam, detrimentumque aliquod patitur, puta si desinuat pecuniam, quam alter mutuo ab eo petit, ad ædium refectionem, ad culturam vineæ, ad sua debita solvenda, ad emendam domesticam annonam, &c. ita ut ex hoc quod eam mutuo dederit, eius res deterio-

Quid sit
lucrum
cessans.

Quid
damnum
emergeat.

res

res fiant, aut corrumpant, vineam colere nequeat, cogatur eunere carius annonam pro familia, pura vinum, aut frumentum, vi-
liori pretio aliqua sua bona vendere, accipere
sub ulura ad propria debita solvenda, &c.

Nota 2. hæc duo esse titulos mutuo ex-
trinfsecos, qui comprehenduntur nomine in-
teresse, propter quos licet in contractibus
mutui aliquid ultra fortem exigere, & per-
cipere, ut commupiter omnes sentiunt Do-
ctores iuxta doctrinam S. Thomæ, & hoc
quoad secundum; nam quoad primum res
plane non ita communitur habetur, cum So-
tus, alique de lucro cessante contrarium
sentiant. Ad hæc igitur difficultatem elu-
cidandam sic.

Mutuans ratione lucri cessantis, ut so-
re communitur, & probabilius tenent Do-
ctores, licite pacifice potest cum mutuario,
ut teneatur aliquid ei supra fortem prælla-
re, quia lucrum cessans est iustus titulus
extrinfsecus mutuo, ut in compensationem
iacturæ lucri probabiliter sperati quam ob
mutuum præstitum patitur mutuator, aliquid
supra fortem licite in mutuo exigatur, ne
mutuans ex beneficio alteri collato damnum
percipiat. Etenim æquum non est, ut quis
dispensum patiatur, unde videtur præmium
meruisse; ita deditur ex cap. pervenit 2.
de fideiuss. Nam nemo tenetur damnum
pati, ut alteri beneficium conferat, uti con-
tingeret, si mutuans ob iacturam lucri proba-
biliter sperati, quam mutuo subit, compen-
sationem exigere non posset, eo vel ma-
xime quia hæc probabilis spes lucri, qua in
gratiam alterius se expoliatur mutuans, est
pretio æstimabilis, ac ideo ius conferens ad
exigendam, & recipiendam huiusce da-
mni compensationem. Et eundem cessario
lucri in prudenti æstimatione est damnum
quoddam pretio compensabile, cum per il-
lam fiat, ut quis minus habeat quam habi-
turus esset. Hinc cap. 6. de usuris dicitur,
ratione lucri cessantis venditorem vendere
posse merces ultra currentis pretium, si vo-
luisse illas servare in aliud tempus, quo
verosimiliter plaris valiturae essent. Igitur
& mutuans, cui mutuum præstando lucrum
cesset, habet iustum titulum, ut in compen-
sationem iacturæ lucri probabiliter spe-
rati aliquid supra fortem licite a mutua-
rio exigere valeat. Nam tametsi in mutuo
nihil supra fortem vi mutui licite exigi que-
at, exigi tamen, & accipi potest vi alicuius
tituli, sicuti occurrit in casu nostro, qui
est lucrum cessans mutuanti causa mutui
collati.

Et hæc doctrinam confirmat etiam aucto-
ritas D. Thomæ, qui quæst. 63. art. 4. de
eo qui aliquem damnificare impediendo ne
adificatur quod erat in via habendi, quod
dicit teneri ad damni compensationem, non
tamen ex æquo, sed secundum conditionem
personarum, & negotiorum, sic habet: *Ali-
quis damnificatur dupliciter, uno modo, quia
aufertur ei id quod actu habet, & tale da-
mnum est semper restituendum, secundum com-
pensationem æqualis alio modo si damni-
ficet aliquem impediendo ne adificatur quod
erat in via habendi, & tale damnum non o-
portet compensare ex æquo, quia minus est a-
liquid habere in virtute, quam habere actu.*
*Qui autem est in via adificandi aliquid, ha-
bet illud solum secundum virtutem, vel po-
tēstatem, & ideo si redderetur ei ut haberet
hoc in actu, restitueretur ei, id quod est abla-
tum, non simpliciter, sed multiplicatum. Tenetur
tamen aliquam recompensationem facere
secundum conditionem personarum, & nego-
tiorum.* En ergo ex S. Doctore quod impos-
situm ne acquirat quod erat in via habendi,
& illud habet duntaxat secundum virtutem,
& potēstatem, aliquo modo secundum con-
ditionem personarum, & negotiorum com-
pensandus est. Cum vero pecuniam suam ne-
gotiationi exponens, sit in virtute & po-
tēstatē aliquid habendi, manifestissime se-
quitur ex allata doctrina S. Angel. Doctoris,
quod si aliquis eum impediat, ne illud ac-
quirat, hic plane tenetur compensationem
aliquam eidem facere proportionabiliter con-
ditioni spei, & negotiorum. Cum igitur mu-
tuatarius rogans sibi dari illam pecuniam,
qua mutuator viam sibi pararet ad aliquid
acquirendum, impediat ne mutuans illud ac-
quirat. Hinc si de hoc mutuatarius monea-
tur, & simul cum mutuantē conveniat de
aliqua iusta compensatione pro rata spei &c.
eroganda, hi plane se gerent penitus con-
formiter doctrinæ Angel. Doctoris hic adduc-
tæ. Tametsi vero nihil clarius, ac pressius
peroptari queat, pro maiori elucidatione tum
rei, tum doctrinæ S. Thomæ sit cum Soto
iuxta ex patronis contrariæ sententiæ hæc
difficultas.

Opponit Soto qui cum aliquibus aliis ex
veteribus contrarium fuisse, S. Thomæ
doctrinam decompensatam ex 2. 2. quæst. 27. &
hæc sunt verba citi S. Doctoris. *Recompensationem vero damni, quod consideratur in
hoc, quod de pecunia non lucretur, non potest
in passum deducere, quia non debet vendere
id, quod nondum habet, & potest impediri
multipliciter ab habendo.* Resp. quod nisi ve-
litis

limus immerito suspicari de tanto Doctore, cuiusmodi est Angelicus, eum sibi contradicere, ut facile colligeretur ex eius auctoritate paulo ante allata in probationem nostrae sententiae, dicendum S. Doctorem velle quod mutuator non possit deducere in pactum lucrum aequale lucro, quod sperat se reportaturum, sicuti eam exigit aequale damno, cui reapse subiaceret; non negat autem, quod aliquam compensationem exigere possit coequantem spem lucri reportandi attenta qualitate negotiorum, aliarumque circumstantiarum.

Condi-
tiones ut
supra
mutuum
accipia-
tur ratio
ne lucri
cessantis.

Ad hoc autem, ut iuste, ac licite exigatur huiusmodi compensatio lucri cessantis variae requiruntur conditiones. 1. Ut mutatio vera causa sit lucri cessantis, nempe quod ideo lucrum alicui cesset, quia mutuum dat, alioquin non cessaturum, ac proinde requiritur pecuniam mutuo dandam iam destinatam fuisse ad negotiationem, vel rem aliquam frugiferam emendam, & a tali designatione negotiationis, vel emptionis subtrahatur praecise, ut fiat mutatio; unde requiritur ut mutans non habeat aliam pecuniam otiosam, quam commodè applicare possit in negotiatione, seu emptione locomutatae; alias non potest ob lucrum cessans exigere, cum vere nullum lucrum cessaverit ratione talis mutatae pecuniae, qui illam aliam otiosam substituere poterat. Dicitur otiosam, quia si aliam pecuniam teneat necessariam ad alios eventus, puta ad dotandas filias, aut suos filios collocandos, ad suo statui, vel conditioni, provide consulendum, & huiusmodi necessitates quae inopinabile occurrere possunt, tunc licite exigere potest auctarium a mutuario, quia revera illa mutatio & causa esset cessationis lucri, cum de facto talis pecunia mutata sibi fructificatura esset, nec pro mutuo dando teneretur se illa privare ad supradictos eventus tanquam necessaria reservata. 2. Conditio est ut fervetur aequalitas, id est ne exigatur ultra sortem nisi quantum lucrum istud cessans valere potest, detractis expensis faciendis, vel aestimatione periculi, incertitudinis lucri, aliusve huiusmodi iudicio in tali re peritiorum, quia lucrum in spe incertum, periculosum, dispendiosum minus valet quam lucrum in re certum, securum, & sine dispendio. 3. Ut mutans mutuatarium praemoneat de tali lucro cessante compensando, quia ille forsitan nollet mutuum sub tali onere accipere. 4. Quod talis compensatio lucri cessantis non statim exigatur ac datur mutuum, sed postea tempore con-

venienti, quo scilicet mutuator fecisset illud lucrum, si non mutuasset. 5. Quod si mutans est mercator, malit negotiari; nam si vellet potius mutuari, mutuum ipsum daret spe lucri contra illud Evangelii, *Mutuum date nihil inde sperantes*; ita ut si mercator ultra pecuniam subtraheret negotiationi, ut eam daret mutuo, nihil ultra sortem exigere, & percipere posset, quia haec pecunia, utpote negotiationi non destinata, non plurius valet quam si per se aestimetur, neque est semen lucri distincti ab eo, quod ex mutuo percipiat. Percipere autem pliusquam per se valeat pecunia, & ex mutuo lucrum percipere, usurarium est: secus vero si pecunia negotiationi destinata sit, tunc egim esset semen lucri distincti ab eo, quod ex mutuo praecise oritur. Quare clare colligitur, ut quis excipietur in conscientia ratione huiusce tituli ab usura, requiri, ut mutuet animo praecise gratificandi proximo, non autem spe commodioris lucri; nam si mallet mutuari, quam negotiari, intenderet principaliter lucrum ex mutuo, & sic peccaret. Unde ut notat Sylvius, opus est ut non sponte subtraheret pecuniam suam a negotiatione, antequam mutuet, intendendo pro sui ipsius meliori commodo cum certo lucro mutuari potius quam negotiari cum incerta spe lucri; nam tunc scilicet conveniret cum mutuario de lucro cessante causa mutui, quia cum pecunia voluntarie subtrahita sit, a negotiatione, id est a potentia lucrandi, nec destinata ullo alteri lucroso contractui, lucrum perceptibile ex pecunia tunc vere non cessat ex mutuo, sed ex mera electione, & arbitrio ipsius mutuantis, quia non vult amplius negotiari, neque in ullum alterum questuosum contractum pecuniam suam convertere, ideoque non potest aliquid licite ob talem titulum, qui nunc deficit, percipere in mutuo supra sortem. Quare multo minus tale lucrum participare poterit qui non coactus, nec rogatus offert alteri suas pecunias mutuo, cum ipse sponte se continueat ab impendendo pecunia in aliis lucrosis contractibus ad hoc ut eam det mutuo.

Quod si mercator dicat, vellem negotiari nisi multi mutuum peterent, nec quidem in hoc casu, ait Habertus cum M. Grapdin citati a Tourneleio, posset quid supra sortem recipere, cum revera tali homini lucrum non cesset, dum, ut supponimus, nolit de facto negotiari; nec refert quod negotiari vellet, quia prima eius intentio est dandi mutuo, si possit, non negotiandi, nisi in casu quo nemo accedat qui pecuniam mutuo accipere

Quando
merca-
tor nihil
ceterum
posset ex
mutuo.

in-

inquirat. Nihilominus tamen si hic mercator esset in civitate mercantili, ut sunt maritimæ, p[er]ta Ulyssiponæ, Venetiæ &c. ubi ita necesse est, ut adint qui promptemutuo dent mercatoribus illud inquirentibus, ut si desit a quo de die in diem invenire queant, pro suis solutionibus, quibus non datur apud ipsos mora, grave damnum ex hoc pateretur Civitas, & hic animo vere liberali gratificandi in huius eventibus, nec alias ut commodius, securiusque tali modo lucraretur, sed vere liberali gratificandi gravibus aliorum negotiantium indigentis, & ob affectionem publico bono negotiationis, & negotiantium, præcipue si talis esset hic mercator, ut frequentius ad ipsum recurrere tollerent alii mercatores ad talia mutua inquirenda, mihi videtur quod in talibus circumstantiis non illicite exigere possit & percipere lucrum supra sortem, ex talibus mutuis, quod communiter curreret apud mercatores illius fori, quia hic non malleg mutuatorem, quam negotiari; imo mutuum vere esset causa, cur non negotiaretur, ac ideo careret lucro, quod negotiando perciperet.

Si autem mutuatarius auctarium promiserit pro damno probabiliter eventuro, quod tamen revera non evenierit, non tenetur mutuatarius auctarium illud solvere, quia mutuanus auctarium exigere nequit nisi ad suam indemnitatem, cui nullatenus opus est providere quando dampnum de facto non evenit. Ita Sylvius, Poptas, & alii. Docet tamen auctor Collationis Parisiensis tom. 1. lib. 6. pag. 263. quod si mutuatarius pacifici velit cum mutuate de certa pecunie summa, vi cuius velit quasi redimere periculum probabile, & non expectare eventum, hoc licitum esset; unde si nullum postea dampnum eveniat, poterit nihilominus mutuanus auctarium exigere, videlicet ratione periculi cui fuit subiectus, quod quidem periculum est pretio æstimabile. Et eundem contractus legitimi sunt, in quibus contrahentes commodo, & damno se exponunt, ut fit in casu præsentis, in quo etiam mutuanus commodo æque ac damno se exponit; unde & lucrari potest, & perdere, & si mutui dampnum patiat, nihil ultra pactam pecuniam exigere potest: pecunia tamen pacta minor esse debet, cum dampnum probabile tanti non sit quanti reale. Sic P. Antoine, Tourn. cum aliis.

Nota non licere id quod exigitur ob interesse in contractu mutui convertere in sortem, idest in capitale, & ex eo aliquid ultra summam ex quovis titulo exigere, cum

hoc vetitum sit in iure Leg. 28. cod. de uluris.

Damnum similiter emergens æque ac lucrum cessans, est iustus titulus, quare in mutuo sine ullo usurarum vitio pacifici possit, ut mutuatarius teneatur mutuantialiquid supra sortem tribuere, quia damnum illud emergens, quod mutuanus subit in favorem, & commodum mutuatarii secundum se est pretio æstimabile, adeoque mutuanus licite pacifici potest, & accipere aliquid pro tali damno a mutuatario sibi compensando; nam quilibet ius habet vitandi dampnum, & nemo tenetur cum proprio damno alteri beneficium præstare, nisi sit in tali necessitate, cui teneamur ex charitate cum tali damno ei subvenire. Et ita docet etiam D. Thomas 2. 2. quæst. 27. art. 2. ad 1. *Ille qui mutuum dat potest absque peccato in pactum deducere compensationem damni, per quod subtrahitur sibi aliquid quod debet habere: nam hoc non est vendere usum pecunie, sed damnum vitare; & est communis.* Postulat enim æquitas, ut si quis rebus alterius consulat, ille vicissim indemnitate eiusdem provideat, quod non contingeret, si dampnum quod alterius causa quis pateretur, per compensationem ei non relaceretur.

Ad hoc vero ut mutuator iuste, & licite aliquid supra sortem ob mutuum datum ratione huius damni sibi emergentis accipere possit, tres præcipue requiruntur conditiones. 1. Ut mutuum revera causa sit talis damni emergentis, quatenus ex tali mutatione sequatur quod mutuanus, qui dedit, vel dat mutuum, non possit hoc damnum sibi imminens reparare, nisi cum maiori damno, vel sua vilius vendendo, vel aliena carius emendo. Et enim si mutuator aliam tenet pecunie summam, qua tale dampnum reparare valeat, & impedire, præcipue absque suo notabili incommodo, caderet motivum damni ex mutuo emergentis, ac proinde hanc compensationem a mutuatario exigere non posset, dum revera mutuum in tali casu non esset causa damni. 2. Ut habeatur æqua ratio damni, & compensationis a mutuatario præstandæ, nempe ut servetur æqualitas, non exigendo supra sortem nisi quantum revera est dampnum, vel damni periculum. Nam si dampnum esset omnino certum, puta tanti valoris, quia ex mutuo dato, vel dando cogitur mutuator subire dampnum sex vel octo ducatorum, quod alio modo reparari nequit, manifeste patet quod mutuatarius pro sex, vel octo ducatis præsentis valoris dare tenetur mutuatori supra sortem.

Quid de
ultra de
tira mo
mutuatario?

Illicium
exatum
ob inter-
esse con-
vertere
in sor-
tem.

fortem. Si vero damnum non sit actu emergens, sed prudenter emeritum, tunc habenda est ratio huius periculi, & compensationis eiusdem, & tanti aestimandum erit, quantum vir prudens huiusmodi negotiorum peritus iudicabit. Si autem mutuatarius pro tali damno, quod prudenter timeatur de ulla summa pacifici nolit, sed dicat se reparaturum damnum totum quod emergere possit; ita ut si nullum damnum occurrat, nihil supra sortem præstare teneatur; tale pactum utpote iussissimum, reici nequit a mutuatore, sed solum potest pro sorte & dampno fideiussionem petere. Similiter si mutuatarius pacifici velit de aliqua summa eroganda iudicio prudenti taxata, siue contingat damnum emergere, vel non, sicuti sæpe sæpius fieri solet, mutuator hanc obligationem admittere non tenetur, sed ipse quoque prætereundum potest ut in toto damno re-integretur, si eveniat, aut nihil præter sortem, si non eveniat, ei tribuatur. Quod si istam conditionem acceptet, quia periculum illud iudicio prudentis tanti aestimatur, tametsi damnum non emergat, iussit illam retributionem retinere potest. 3. Ut mutans expresse, antequam mutuum det, mutuatarius præoneat de tali damno emergente reintegrando, quia forsitan mutuatarius mutuum cum tali onere suscipere nollit, sed minori cum dispendio alio modo rebus suis consulere vellet. Sic communiter.

Colligitur ergo ex dictis quod in quovis mutuo absque iusto titulo siue probabilis periculi extrinseci fortis, vel lucri cessantis, vel damni emergentis quidquid supra sortem exigatur, est usurarium. Et quia aliquando hæc palliate committi potest, hinc operæ pretium est pro maiori cautela hic adnotare in mutuo, usuram committi posse etiam quando lucrum, quod intenditur, non proficit immediate ex ipso mutuo, sed etiam necitate tantum: ex. gr. quando quis dat mutuum, ut immediate amicitiam, & benevolentiam mutuatarii sibi caperet, ut deinde ex benevolentia sibi interveniat ad lucrum aliquod eliciendum, siue saltem ad lucrum faciendum viam sibi aperiat, etiam ista est intentio usuraria eo quod non velit amicitiam, & benevolentiam propter seipsas, sed propter lucrum a mutuo dato mediate intentum, & a mutuo originative profecto; ita ut non daret, nisi speraret se mediante amicitia acquiritur lucrum tandem consecuturum. Et hoc confirmatur exemplo simoniacæ, quæ cum usura æqualem habet rationem. Qui enim intendit muneribus datis

aliqui beneficium etiam duntaxat mediate, id est intendendo immediate benevolentiam benefactoris, quia mediante viam sibi parat ad beneficium assequendum, apud omnes est simoniacus. Nemo igitur non videt eum, qui simili modo lucrum intendit ex mutuo, habendum esse usurarium.

§. VII.

De sufficientia tituli gratulæ donationis ad recipiendum ex hoc capite aliquid in mutuo supra sortem.

Nulla occurrit inter Doctores difficultas, imo omnes unanimes conveniunt quod si mutuatarius in reddendo mutuo ex mera sua gratitudine, & liberalitate donec mutuatore quidquam pretio estimabile supra sortem, præcipue quando absque nota ostensa donatori interrogata respere ipsa nequeat mutuator, hic certe peccare non videtur huiusmodi munera accipiendo, cum mutans censendum non sit deterioris conditionis quia mutuum dederit, ac si non dedisset, sed multo melioris, cum beneficium dignum sit ut ei respondeatur gratificationis signa. Idcirco sicuti si non dedisset, officia recipere posset beneficentia: per dona gratuita; ita multo magis accipere potest, quia dedit; & hoc docet etiam S. Thomas 2. 2. quæst. 78. art. 2. cuius hæc sunt verba: *Si vero accipiat aliquid huiusmodi non quasi exigens, nec quasi ex aliqua obligatione tacta, vel expressa, sed sicut gratuitum donum, non peccat; quia etiam antequam pecuniam mutuasset, iuste poterat aliquid donum gratis accipere; nec peccatis conditionis efficitur per hoc, quod mutuat.*

Vis tamen difficultatis circa rem huiusmodi in eo consistit, & non levis est momenti, an mutuatarii donatio sit propter sortem, gratuita, liberalis, & spontanea; & ad hæc deprehendendum non parum conferre potest 1. attendere ad circumstantias occurrentes, puta ad quantitatem rei donatæ, ad conditionem donantis, si amicus sit, consanguineus, dives, liberalis, si sacre consecutus huiusmodi donationes, si saltem a quibus beneficia, favoreque recipit. 2. Scire non esse præsumendum donationem mere gratuitam, si mutans signo aliquo indicaverit quod dando mutuum aliquid recipere intendat supra sortem. Item si mutuatarius mutuum exquirat, ut luxu provident gravi indigentia, sicuti etiam si munus ante mutuum, aut ante solutionem sortis retribuatur, quia tunc præsumendum est dari ut solu-

Quando
usura
prodest
palliat.

tionis

tionis terminus prorogetur. Quod si adint signa ex utraque parte, quæ dubiam reddant donationis libertatem, profecto gravis est suspicio de usura; ait enim S. Raymundus lib. 2. Summæ tit. 1. §. 3. de usuris: *Alii dicunt quibus assentio, quod sola spes, si de intentio facit hominem usurarium. Unde qui sub tali spe mutavit pecuniam, quidquid postea etiam gratis, id est sine sua exactione oblatum ultra sortem acceperis, usura est.* Idcirco quando spes lucri ratio fuerit, ac motivum saltem principale mutui, secundum S. Raymundum, cui concordat etiam S. Antoninus part. 3. tit. 1. cap. 7. §. 1. licet gratis munus offeratur, nec exigatur, licite retineri nequit. Imo hoc etiam dicendum si prudens suspicio oriatur minus oblatum non esse ex mera spontanea liberalitate, ex grato animo, sed ex aliquo alio motivo, nempe vel ex timore quod in posterum negetur mutuum, aut quia donum dans sit modicæ facultatis in bonis, aut scandalum aliquod in iis qui hoc sciant, gignendum prævideatur; & in his casibus abstinendum prorsus est a talis muneris receptione. Igitur ut huiusmodi munera licite recipi queant, necesse est, ut spes lucri non fuerit saltem principale motivum dati mutui, & certo moraliter præsumatur munus dari a mutuatario ex mera, & spontanea liberalitate sine alicuius involuntarietatis suspitione.

§. VIII.

De requisitis supra sortem a divitibus, qui ex pecuniis mutatis valde lucrantur, ut sunt Mercatores & Iudei.

Cum usura in sacris Litteris generaliter, & sine distinctione ulla pauperis, vel divitis prohibeatur, utpote quæ sit per se mala, ac iniusta, hinc a nemine, sive pauper, sive dives sit, licitum est exigere aliquid in mutuo ultra sortem, & hoc præcipue patet ex Evangelio, ubi Christus Dominus ipsam spem lucri ex mutuo ut iniustam prohibendo, nullam mentionem facit divitis, vel pauperis, cui tribui possit mutuum, adeoque sine differentia divitis, vel pauperis lucrum ex mutuo interdixit; ait enim Lucæ 6. *Mutuum date nihil inde sperantes.* Et iuxta hanc Christi Domini regulam ita statuit etiam Concilium Mediol. I. sub S. Carolo celebratum. Idcirco quamvis non tenearis restituere divitibus, posito tamen quod eis mutuo des, nihil ab ipsis exigere vales, nec accipere plus quam eis dedisti, & pecunia numerata, quam eis mutuo dedisti, non est

amplius tua, sed illius, cui eam mutuasti, ad quem proinde tanquam ad suum dominum spectat totum lucrum ex ea perceptum. Quod vero pecunia quam eis mutuo dedisti, ipsis perutilis futura sit, hoc proficitur ex eorum conditione, cura & industria, non a te, nec præcise ab ipsa pecunia, quæ de se sterilis est. Unde si omnis utilitas pecuniæ in mutuatario oritur ex ipsius cura & industria, est fructus curæ, & industriæ ipsius mutuatarii, ac proinde ad ipsum, ut ad suum dominum spectat. Hinc eadem ratione illicitum foret merces carius vendere ei emptori, qui sua ipsius industria ex eis magnum lucrum sit percipitur.

Obicit tamen Molinæus: Creditor, nempe mutuator mutuando dat causam propinquam & efficacem huius lucri, hoc est, ut vulgo dicunt, *sine qua non* perciperetur lucrum. Igitur dans pecuniam mutuo lucrum dare videtur; unde pars saltem lucri in eventum lucri ex legibus divinis, & naturalibus stipulari potest. Resp. creditorem seu mutuatorem id tribuere, quod non est causa instrumentalitatis lucri, nisi mediante industria mutuatarii, in quem iam dominium pecuniæ a mutuantem translatum est; ac proinde tota causa lucri, industria videlicet & pecunia res sunt mutuatarii, idcirco etiam lucrum, cum ortum sit ab eo, quod totum est ipsius. Dominium vero pecuniæ, quod mutuans in mutuatarium transiit, compensatur ad æqualitatem per obligationem reddendi mutuantem eandem, eiusdemque valoris pecuniam, quæ ipsi otiosa erat, & sterilis, cuius etiam periculum, donec eam reddat, subit mutuatarius: & equidem centum aurei seculo omni extrinseco non pluri valent hodie, quam intra duos annos, cum eorum valor per fluxum temporis non crescat, nec pecunia præsens utilior est possidenti si eam in arca otiosam teneat.

§. IX.

De eo, ad quem spectent fructus produciæ data pro affectuatione mutui.

Nota pignoris nomine licet ut plurimum intelligantur res mobiles, quæ traduntur creditori in debiti affectuationem, multoties tamen etiam immobiles, & frugiferae dantur in pignus pro mutuo, ut domus, ager, vinea, &c. Hinc queritur an fructus domus vel vineæ locatione, prodeuntes percipi possint a mutuantem, donec mutuatarius for-

Omnis pecunia fructus est fructus curæ, & industriæ mutuatarii.

Quædam denotant in pignus.

sortem mutuo acceptam restituat. Hic autem contractus dicitur *antichresis*, id est pactum, & conventio, qua expresse, vel tacite id agitur, ut creditor liceat uti pignore, id est percipere eius fructus, donec solvatur debitum.

Quid
mutuus
dicitur
dicitur
genus?

Mutuans accepto pignore a mutuuario cum pacto ut interim pignoris fructus percipiat, nisi adite iustus titulus, committit usuram, & tenetur tales fructus ex pignore perceptos computare in sortem. Est communis iuxta leges, quæ ita statuerunt, ut habetur in leg. *ex pign. 1. leg. quod ex opere 2. cod. de pignoratitia act. Leg. fundum pign. 5. 1. cod. de distract. pignor.* & sic alibi, & in iure canonico *cap. Conquestus 8. de usuris*. Et ratio est manifestissima, quia si creditor percipere posset fructus ex pignore productos, plus acciperet quam titulo mutui & interesse licite præstendere posset. Cum enim res omnis domino suo fructificet, & dominus pignoris sit mutuarius, non vero mutuans, fructus omnes ex ipso pignore procedentes nullatenus spectare possunt ad mutuante, qui nullum ius habet ad illos ratione mutui, quod debet esse gratuitum. legitur eos iuste, & licite percipere non potest, utpote qui debeantur mutuuario, qui dominus est fundi, in cuius favorem hoc fructificat; alias mutuans, ut supra dicebam, plus reciperet quam ipsi debeatur. Sic qui agrum sterilem, qui antea non colebatur, in pignus accepit, fructus, quos ex sua diligentia percipit, referre debet in sortis diminutionem, detractis impensis, laboribus, alias lucrum percipere ex mutuo.

Totum
tunc
quod
bus
mutuo
tamen
potest
percipere
fructus
vel
applicari
genus?

Dixi notanter, *nisi adsit iustus titulus*, qui quadruplex esse potest, 1. si creditor fundum oppignorandum, seu oppignoratum iusto pretio emerit cum pacto retrovendi, quoties debitor pretium ei datum refundere voluerit; tunc enim fundus, seu res alia pignoris naturam amittit, ideoque non ut pignus priori domino, sed ut res empta emptori, seu possessori tanquam novo domino fructificat, eiusque damno perit, donec reddito pretio redimatur. 2. iustus titulus est si fundus fructiferus acceptetur in pignus adiecto contractu censuali, per quem subministrans pecuniam ex fructibus talis fundi percipiat quantitatem pensionis iure census solitam percipi iuxta morem patriæ, donec fors, seu pecunia subministrata restituatur. Ita Lugo, Layman, Reiffenstuel, alique. 3. iustus titulus percipiendi fructus ex pignore est, si pignus detur in dotem ma-

rito, donec ei solvatur dos promissa. Hic enim non tenetur computare eius fructus in dotis diminutionem, ex *cap. salubriter 16. de usuris*, quia hoc pignus ei datur ad sustinenda onera matrimonii, donec solvatur dos, cuius usufructum vir habet. Unde fructus in nos habet pro interesse, ut ait Innocentius IV. in cit. *cap. Quod si gener onera matrimonii sustineat*, tenetur fructus pignoris dotalis in dotis sortem computare. 4. iustus titulus percipiendi fructus ex pignore, est si feudum, vel res emphiteutica detur in pignus eius domino directo. Tunc enim donatus fructus potest licite sine diminutione sortis recipere fructus talis sui fundi sibi a vassallo oppignorati, dummodo interim ab ipsius servitio abstineat *cap. 1. de feudis, cap. conquestus 8. de usuris*; & hoc vel quia per tales fructus compensanda sunt servitia a vassallo præstanda, quibus interim liberatur, vel quia feudi contractus habet tacitam conditionem, ut si res feudo subiecta tradatur domino directo in pignus, tunc eius fructus quoque ad ipsum pertineant, modo tamen feudatarius tunc liber sit a dicto servitio præstando, ut in *cit. cap. 1. de feudis*. Non debent autem fructus multum excedere valorem servitii, alias non servaretur aequalitas necessario observanda ad iustitiam contractuum. Idem dicto de re hypothetica data in pignus domino directo, id est quod dominus nequeat ex emphiteusi sibi oppignorata plus fructuum percipere quam eos qui correspondeant pensioni ab emphiteuta sibi solvendæ; & si plus percipiat, detractis labore, & impensis, computare debet in sortem in favorem emphiteute.

S. X.

De contractu vulgo dicto a godere.

Supradicto contractui est valde coherens alter contractus, quo scilicet aliquis dat sufficientem pecuniam alteri, ut ipse donec utatur dicta pecunia cedat illi domum, aliamve rem frugileram interim fruendam. Contractus huiusmodi, si interveniat lucrum cessans ut licitum approbant, ac defendunt Azorius part. 3. lib. 9. cap. 20. Sylvestre, Lugo, imo alii communiter, quia cum illa pecunia emere posset tot bona stabilia, vel loca montium, ex quorum fructibus posset solvere pensionem domus, aliusve rei frugiferæ, non secus ac eam quam accipit ad fruendum. Unde qui pecuniam dat relinquit mutuuario interesse illud lucri cessantis pro pensione, quam pro domo, seu re fru-

frugifera ab ipſo accepta ſolvere ei deberet ſingulis aonis. Quod ſi deſit titulus lucri ceſſantis, & qui dat domum, vel rem frugiferam capax ſit alienandi, ſeu vendendi, tunc contractus ille poteſt eſſe licitus, ſi dans pecuniam emat iuſto pretio domum, vel rem frugiferam cum pacto illam retrovendendi, quoties debitor voluerit pretium reſondere; alias contractus ſupradictus, ſi deſit titulus lucri ceſſantis, & res non ematur, uſurarius eſt, & illicitus.

Quid de pecunia data Ruſtico ſu. per eius dem ani. male, vel futuſam operam.
Si quis autem quaſitus a ruſtico de mutua ei danda certa pecuniae ſumma, nollens mutuum dare proponat ruſtico ſe empturum ſi velit decem eius vaccas, illas ei poſtea locuturum pro tali annua penſione eidem ſolvenda, dicunt Doctores quod ſi ruſticus revera habeat decem illas vaccas, & fruſtuosas proportionate ad penſionem concordatam, hanc recipere poſſit, dummodo aliae ſerventur conditiones requiſitae ad contractum iuſtae locationis, & haec praeteritum ut vaccarum periculum ſpectet ad locantem, tanquam earum emptorem, & dominum. Quod ſi ruſticus dictas vaccas revera non habeat, nec habiturus ſit, eſt manifeſta uſura ſub ſiſto nomine palliata. Item ab uſura excuſaretur ille ſecundum Doctores, qui nollens dare mutuum a ſe petitum, dat pecuniam petenti titulo anticipatae ſolutionis, qua conduci^{us} operam ad futuram meſem ſeu vindemiam, dummodo tamen ſit ſufficiens, & proportionata merces ad dictas operas iuxta loci conſuetudinem. Sic Molina cum multis.

Regulares non poſſunt accipere pecunias mutuo, vel ad cambium cum ſolutione aliquis lucri, vel cum obligatione ſuorum bonorum, quia Regulares etiam in communis ſine iuſta cauſa, & diſpenſatione S. Sedis obligare eorum bona, & eo minus ſe eisdem expoliare nequeunt.

§. XI.

De uſura, quam parere poſſunt pacta contractui mutui addita.

Illicita omnia conven. tio onc roſa ex iuſtitia in mutuo dando.
Nota ſtatueret S. Thomam 2. 2. quaſt. 78. art. 2. pro generali regula, & principio in re hac, & eſt communis recepta a Doctores omnibus, quemcumque, qui pro mutuo ex pacto tacito, vel expreſſo, ac proinde ut debitum ex iuſtitia quodcumque munus acceperit, vel onus impoſuerit pretio aeſtimabile, peccare contra iuſtitiam, uſuramque committere, quia ſecundum Philoſophum 4. Ethic. cap. 3. omne illud pro pecunia habe-

tur, cuius pretium poteſt pecunia menſurari. Hoc poſito ſit.

Non licet in dando mutuo gravare mutuatarium, ultra debitum ſortis quovis oneroſo pacto, ſeu obligatione, tanquam debita ex iuſtitia; alias contractus iniuſtus eſt, & uſurarius. Quælibet enim obligatio aliquid reddendi ſupra ſortem ex pacto inito cum mutuatario in mutui contractum, eſt pretio aeſtimabile, ac proinde pecuniae æquivalens: talis enim obligatio privat alterum libertate, quam alias haberet, & incommodum aliquod per ſe parit, ideoque eſt iniuſta, cum per ſortem compenſetur ad æqualitatem illud totum, quod mutans dedit mutuatario, ac proinde quod ultra exigitur, & imponitur, iniuſte exigitur, & imponitur ratione mutui, quod eſſentialiter, ideſt ex natura ſua debet eſſe gratuitum. Igitur vi huius contractus non aliam licet impoſuere obligationem, niſi ſortis reſtitutionem; hæc enim ſola ſufficienter, & integre æqualitatem conſtituit, & exequitur id, quod in omni contractu iuſtitia exigit.

Addo ulterius ad clariorem rei elucidationem, ut facilius omnis ſolvatur difficultas in hac materia, quod ea quæ alteri præſtare poſſumus, & per alium a nobis poſſunt exigi, quædam ſunt nobis prorsus libera, ut nullo titulo reneamur ea alteri præſtare; quædam vero ſunt a nobis alteri debita, vel ex titulo charitatis, vel iuſtitiae, vel ex utraque. Inſuper ex iis quædam ſunt pretio aeſtimabilia, ideſt habent quædam valorem pecuniae æquivalentem, ac ideo ut pecunia conſiderantur, & aeſtimantur, quædam non ſunt pretio aeſtimabilia, & ſunt ea, quæ ex natura ſua nihil habent, unde temporale damnum afferre poſſint. Unde ſit.

Amicitia in pactum deduci poteſt pro mutuo, & in hoc ſine ulla controverſia Doctores omnes conveniunt cum S. Th. art. 2. in fine corporis, quia hæc nec eſt nec computatur inter bona, quæ pretio, vel pecunia ſunt aeſtimabilia; & hoc dicendum quod de amicitiae, ac urbanitatis ſignis, quæ ſine ullo ſuo gravamine, ac moleſtia præſtari poſſunt a mutuatario. Nota igitur difficultas verſatur circa condonationem iniuriæ. Hic autem non loquimur de condonatione privata, ideſt quando mutans exigit a mutuatario, ut privatam vindictam ei condonet, quia cum mutuatarius ius ad illam non habeat, iuſte petitur ab eo id quod ex iuſtitia & charitate facere tenebatur, & ſic licite in pactum ſine labe uſuræ deduci poteſt, unde ſola remanet controverſia, ſi pro dan-

Amicitia poteſt deduci in pactum pro mutuo.

dando mutuo deduci possit in pactum condonatio iniuriæ, ad quam condonationem non tenebatur mutuarius nec ex iustitia, nec ex charitate, sed ius habebat exigendi vindictam, seu satisfactionem per publicam Potestatem: & equidem si quis condemnatus esset in pecuniis ob iniuriam alteri. illatam, procul dubio usura esset illarum condonationem ob mutuum exigere, quia hoc esset velle extinguere debitum pecuniarum, quod plane idem esset ac velle pecuniam propter mutuum, ut notat Socus, qui docet etiam licitum esse talem condonationem procurare non quidem immediate ob mutuum, sed titulo amicitie, quæ ratione etiam mutui contracta fuisset, & eo modo procurare remissionem iniuriæ, depositionem odii, & rancoris, & sic conciliantur contrariæ sententiæ Doctores in tali proposito, nempe quod obligare mutuarium præcise ob mutuum, idest ex pacto iustitiæ ad condonationem iniuriæ, seu satisfactionis, quam ius habet, exigendi ex publica iudicis potestate, & iudicio, illicitum sit, & usurarium, quia condonatio, quam hic mutuans intendit in dando mutuo, & pretio æstimabilis; procurare vero talem remissionem solo pacto, ac fœdere amicitie æstimationis, ita ut ex illa in eodem genere exigatur, amicitiam provocando, ut libere, & libenter iniuria condonetur, licitum est, ac ab usura vitio immune, quia tunc licet honor, & fama, cuius læsionis condonationem intendit, possint pecunia æstimari, tamen ex natura sua iure amicitie solent condonari. Et hoc valet etiam per iudicis sententiam adiudicata fuisset læsio pecuniaria satisfactio, quia cum quisque cedere possit iuri suo, sic mutuarius potest ab hoc quoque debito ob amicitie affectum, vel animi gratitudinem mutuante liberaliter, & gratiose absolvere, & exonerare, qui idcirco mutuans liber esset ab omni usurae culpa. Ita cum Lessio, aliusve Salmanticenses, qui tamen advertunt non ita facile recurrendum ad hæc amicitie pacta, quia sic faciliter palliatur usura, & simonia, ac ideo in foro externo huiusmodi actiones ut suspectæ puniuntur.

Insuper inquiri solet inter Theologos, num pactum in dando mutuo ut ei officium, vel beneficium conferatur, censendum sit usurarium, & sicuti de iniuriæ condonatione, de hoc etiam definiunt, idest quod si officium, beneficium, seu privilegium aliquod in dando mutuo deducatur in pactum, idest mutuans in dando mutuo paciscatur cum

mutuario, ut ei conferat, vel procuret officium, beneficium &c. in considerationem solummodo amicitie, quam init, nec secus ex debito iustitiæ ob mutuum quod ei tribuit, statuit tale pactum non esse speculative usurarium, licet in praxi regulariter loquendo perraro immune sit ab usura: ideo admonent abstinendum esse ab huiusmodi pactis, quia his frequenter palliantur usurae, & simoniae; quia tamen mutuarius exterius dicat se liberaliter, & ex amicitia donare, vere ut plurimum non confert, nisi necessitate coactus mutuum recipiendi. Quod si e contra officium sæculare, vel privilegium petatur, ut pretium mutui, & vi illius immediate ut debitum ex iustitia, tunc generaliter loquendo pactum istud est usurarium, quidquid in contrarium dicant Petrus Navarrus, Adrianus, alii. Audiatur D. Thomas, qui cum communi id clare docet *Opusc. 21. ad Ducissam Brabantie quæst. 3. dub. 2. ubi sic ait: Quod si hoc pacto mutuum dant ut officium accipiant, absque dubio pactum est usurarium, quia pro mutuo accipiunt officii potestatem, unde in hoc datur eis occasio peccandi, & ipsi etiam tunc tenentur resignare officio taliter acquisito, & non recte; præcipue si mutuarius officium illud sibi retinere possit, aut vendere, quia cogitur acceptare propter mutuum novum onus, & quamvis vellet illud gratis sibi conferre, privatur libertate sua ad libere conferendum cui vellet, quod pariter est magnus onus.* Sic Lugo, Lessius, Reginaldus, ac Salmanticenses.

Nota 1. quod si in mutuo fiat pactum de beneficio conferendo mutuanti, est peccatum usurae simul, & simoniae; & de simonia verum est, si verum mutuum sit aliquid pretio æstimabile, siue non, cum ad simoniam sufficiat, ut aliquid temporale sit, pro quo datur beneficium, & tunc beneficium cum fructibus relinquendum est, eo quia collatio simoniaca nulla sit.

Nota 2. esse etiam usuram cum pacto, ut alter munus præstet, aut officium a lingua, ab obsequio, a manu: a lingua, ut aliqui Principem pro eo, ipsumque laudare, & extollere; ab obsequio, ut exhibere officia vel signa particularia amicitie, comitari domum, discoopere caput, salutare, &c. a manu, ut colere illius agrum, luas operas illi dicare. Ita usuram committit, qui mutat medico hoc pacto, ut debeat curare, & mederi, advocato ut teneatur defendere, rustico ut teneatur iter facere etiam nullo pretio, si ad hæc obliget civiliter,

liter, & ex iustitia. Similiter qui dat mutuum sœmiae; cum intentione, vel pacto, ut ei faciat sui copiam in pretium mutui; sœcus vero si intendatur sola eius amicitia. Hæc et similia habet Bonacina cum aliis.

S. XII.

De pacto remutuandi.

Cum usura realis manifeste contingat quando aliquid pretio æstimabile erogandum supra sortem in pactum expressum, & formale deducitur, patens usura erit conventio, qua a mutuante obligatur mutuarius ad remutuandum quotiescumque mutans indigerit. Ita expresse S. Thomas loci iam cit. art. 2. ad 4. *Non licet mutuatariū obligare ad mutuum in posterum faciendum, quia etiam hæc obligatio est pretio æstimabilis.* Quocirca usura esset, si mutans onus imponeret mutuatario, ut hic iusto pretio ab ipso emat, ut in eius molendinis molat, ut illius agrum iusto pretio colat, ut eius scholas frequentet, ut domum, opera suæ artis, vel industria, semper tamen iusto pretio ei locet, aliaque huiusmodi quæ iam ex gratitudine facere debebat, nisi tamen huiusmodi pacta ut resolvunt Theologi uniformiter, ac antea de pacto iniuriæ condonandæ, officii, vel beneficii conferendi, sint solum sœcus amicitiae, quo intenditur alium per solam amicitiam, & benevolentiam movere ad ea præstanda. Nullum est dubium id fieri posse, rarissime tamen in aliquo casu particulari, sine labe usuræ, ut antea iam fuit notatum, at ut tutius agamus in re cæteroquin periculosa, & ut Summorum Pontificum decretis morem geramus, abstinendum est ab huiusmodi pactis, quæ faciem usuræ præferunt, & perarroy a tali contagione munda sunt. Si pactum vero sit obligatio iustitiæ, & ex parte utriusque ex æquo detur, id est si æque vicissim obligentur, non est usura, ut si mutans obliget mutuatarium ad remutuandum quoties indigerit; & ipse similiter æque se obliget eidem mutuandi mutuatario, quia obligatio ex utraque parte est æqualis, nulla occurrit iniustitia, quæ semper inæqualitatem supponit inter contrahentes, licet e contra iustitia æqualitatem inter ipsos exigit.

Hic tamen quæritur num sit usurarium si Titio mutuem pecuniam, ea lege ut ipse mutuet mihi frumentum, vinum, vel oleum, quibus indigeo, vel iusto pretio vendat mihi, aut locet domum, vel prædium, ita ut

Instit. Theol. Moral. Tom. III.

nolim ei dare pecuniam mutuo, si ipse ea mihi concedere recuset. Communiter respondent Theologi hic non subesse usuram, modo hoc non sit ei magis damnosum, quam illud mihi, quia postulant a me officium amicitiae, idem amicitiae officium ab eo postulare possum; & si præstare renuat, eum ut ingratum possum repellere; nec per hoc aliquid supra sortem recipio, cum pecunia reddenda correspondeat sorti, & obligatio de præstenti mutuandi amicitiae corripdet officio, quod de præstenti illi præsto. Dixi modo illi non sit magis damnosum, nam si eidem damnosum sit remutuare eo quod de facili habere nequeat remutuum, vel faciendæ sint ad aliud habendum alique expensæ, certum est tunc esse iniustitiam, ac idco usuram, cum non servetur æqualitas.

Difficultas igitur reducitur ad obligationem in posterum mutuandi, vel alia officia præstandi, ad quæ alias mutuatarius tenebatur ex gratitudine. De tali igitur pacto, & obligatione nunc quæritur, num iniusta sit & usuraria. Excusant aliqui tale pactum obligationemque ab usura, quia mutans in tali casu nihil petit quod sit indebitum, cum gratitudo suam pariat obligationem, quæ licet non sit ita stricta, ut charitas, & iustitia, vera tamen est obligatio, quæ virum probum ligat, & arctat. Nihilominus tamen verior est sententia eorum, qui improbant, ac rescindunt hoc pactum, & obligationem, sustinent esse contractum usurarium obligare mutuatarium ex vi mutui immediate civili obligatione, ut in suo molendino molat, ex sua officina iusto pretio emat, &c, quia tamen illæ actiones gratis præstari soleant, obligatio ad illas est pretio æstimabilis, & est onus quod sine usura alteri imponi nequit.

Nota quod si quis in huiusmodi conventionibus usuram vitare velit, non debet imponere mutuatario ullam civilem obligationem, quæ ex iustitia velit illum obligare, neque aliquid exigere, tamquam ex benevolentia, & gratitudine debitum, cum hoc damnatum sit ab Innocentio XI. in propositione, quæ numero est 42. *Usura non est dum ultra sortem aliquid exigitur tamquam ex benevolentia, & gratitudine debitum; sed solum sperare potest munus aliquod gratuitum, quod mutuatarii solent ex gratitudine multoties retribuere.* Nam talis gratitudo, ac beneficentia inest naturæ ipsi mutui. Obligatio autem civilis expressa, vel tacita ab eo est aliena, & extrinseca, quæ certe ab eo poneretur, qui titulo gratitudinis ta-

Quod ad
criticam
dam usura
ram in
mutuo?

lia munera, officia, vel beneficia ratione mutui exigeret, ac ideo usuram committeret.

Ex dictis autem inferitur usuram esse si mutuos hac conditione, quod mutuatarius recipiat mutuum, vel partem eius in eo quod alter tibi debet, & quod non nisi labore, & expensis recuperare potest, nisi eas compenses, quia ultra sortem tali onere pretio æstimabili aggravares mutuatarium. Item usurarium esse mutuantem dare triticum hoc loco, ubi solvendum, unde mutuatarius gravetur; secus vero si hic nullum sentiat gravamen. Item mutuae centum cum debito, ut mutuatarius partem in mercibus recipiat; quia ita agendo obligatur mutuatarius ad emptionem tibi sorte non necessariam. Item deducere in partem mutui, ut mutuatarius pro te faciat fideiussionem; quia obligatio, qua fideiussor adstringitur, est pretio æstimabilis.

Non est tamen usura dare mutuum ea lege, ut alter solvat tibi summam aliunde ex iustitia tibi certo debitam, vel ut debeat a vexatione iniussa, quia hoc non est lucrum, sed debitum iam ex iustitia, nec ei nova imponitur obligatio, ad quam antea non tenebatur. Nam lucrum dicitur quando quis acquirit id quod alias ex iustitia ad eum non spectabat. Item licet exigere pignus, vel hypothecam pro securitate mutui, quia hæc non requiruntur pretio mutui, sed in securitatem rei mutuatæ, quæ assicuratio debita est. Ita P. Antoine.

4. XIII

De pacto pæne conventionalis, quæ mutuo apponitur.

Quæstio versatur inter Theologos circa pactum, quo mutuos pacifitur cum mutuatario, ut si hic præfixo tempore sua culpa sortem non restituat, aliquid ultra sortem in pænam solvere debeat, etiam seculo lucto cessante, vel damno emergente. Hæc autem pæna dicitur conventionalis, quia constituitur inter contrahentes, ideoque differt a pæna tum iudiciali, quæ a iudice per eius sententiam decernitur contra mutuatarium, nisi statuto tempore satisfaciatur, tum a legali, quæ a lege, vel a statuto imposita est. Pæna conventionalis apponi potest mutuo sine usura, dummodo necessariae interveniant conditiones. Est communis; quia cum contrahentes sint rerum suarum domini, ad dandam maiorem firmitatem contrahibus; ut certior eorum executio reddatur,

possunt sibi imponere pænam conventionalem, & promittere ex cap. 4. de arbit. & lege 24. cod. de pactis; & ex iure Canonico cap. Dilectus. Unde nihil est iniqui in pæna conventionali, quæ imponitur contractui mutui, utpote quæ sit applicata ex mutuo contrahentium consensu, & ob finem bonum, ut contractus firmitati consulatur, necnon puniatur negligentia, vel iniquitas mutuatarii, qui invito suo beneficiatore mutuum retinet. Debitor enim, qui est in mora culpabili, dignus est pæna, quia peccat contra iustitiam non solvendo debitum præfixito tempore. Igitur nihil est iniqui in pæna conventionali, in qua nemini fit iniuria, cum de mutuo, & minime coactio consensu ob finem bonum sit imposita, & omne promissum libera electione acceptatum servari debeat, & quisque contrahentium cum sit dominus rei suæ iuri suo cedere possit, ut si deficiat ex culpa, sine ipsius iniuria pæna ab eo exigatur. Dixi sine ipsius iniuria, cum in tali calu non possit esse rationaliter iniurius, quia ab eo exigitur id, quod aliquando ei placuit, ut si fidem non servasset, exigeretur. Etenim iuxta reg. iuris in 6. quod semel placuit, amplius displicere non potest.

Ad hoc vero ut talis pæna licita sit, communiter sentiunt Doctores varias requiri conditiones, nempe 1. ut intentio mutuantis sit recta, & sincera, idest ne fiat intentio usuraria, sed sola voluntate, ut res mutuatæ condito tempore tibi restituatur, quia si non cures ut solvatur tali tempore, vel non, aut si optes non solvi, & mutuatarium esse in mora, ut austarium solvere cogatur, vel si constituas terminum, intra quem prævides debitorem aptum non esse ad solvendum, vel tempus ita breve de industria præfigas, ut ille solvere non valeat, tunc pæna imposita mutuo est palliatio usuræ. Ex revera lucrum ex mutuo principaliter intenditur. 2. Ut debitor vere sit in culpa non solvendo notabili tempore post transactum statutum terminum, cum sine culpa nulla iuste imponi, nec exigi possit pæna, ex Leg. 22. cod. de pactis, ubi ita: *Remque culpa caret in damnum vocari non convenit*. Unde si debitor sine sua culpa factus sit impotens, non est licitum quidquam ab eo exigere. Difficultas tamen, seu impotentia solvendi talis, tantæque esse debet, ut creditor censeatur irrationabiliter invitatus circa solutionis dilationem. 3. Ut pæna non sit nimia, qualis esset si fors dupliciter assignaretur in pænam, sed sit moderata, idest

Condi-
tiones
servandæ
in pæna
conventionali.

Quod si pæ-
na con-
ventionalis
in mutuo
apponitur.

secundum mensuram culpæ, reique mutuatæ, alias iniusta esset, ac inique alter cogeretur in eam consentire; ideoque peti nequit quoad excessum; unde pactum, ut pignus fiat creditoris, si tali dato tempore non solverit, est prohibitum *Leg. 1. cod. de pact. generat. & cap. 7. de pign.* Si autem pars debiti solvatur, tota pœna exigi nequit, sed tantum habita ratione partis non solutæ, *cap. 9. de pœnis.* Idemque dicito si mora non sit notabilis: nam si per biduum, vel hebdomadam ultra præfixum terminum solutio differatur, ordinarie non est reputanda culpa digna saltem tota pœna constituta.

Hiscæ autem conditionibus positis, pœna conventionalis, idest cum tali pacto mutuo imposita ante iudicis sententiam, a debitore qui fuerit culpabiliter in mora, in conscientia solvenda est, quia debetur ex vi pacti iusti, & hæc est unanimis contrahentium intentio, ut ipso iure transgressor teneatur pœnam solvere absque eo quod subeundi sint sumptus, ac molestiæ iudicem adeundo, saltem si petatur, quia iusta conventio iure naturali obligat in conscientia ante omnem iudicis sententiam, quamvis pœnæ iudiciales puniriæ, & involuntariæ iudicis sententiam expectent. Putant tamen non pauci talem pœnam solvi non debere, antequam petatur expresse, vel tacite, quia mutans si non petat solutionem pœnæ, cum facile possit, censetur eam condonare, & pœna videtur imposita sub hac tacita conditione, si petatur. Ita P. Antoine, Tourneleus, P. Fulgentius Cuniliatus, alique celeberrimi Theologi communiter.

§. XIV.

De auctario; quod exigunt tutores pro pecuniis mutuatis pupillorum.

Cum tutores cogantur per leges integra reddere bona pupillorum, & simul ex eis lucrum facere in eorum commodum sub pœna compensationis, occurrit aliqua difficultas, an hi, si dent mutuo bona pupillorum, auctarium, seu usuram licite exigere possint. Iure merito dixi aliqua difficultas, quia tametsi tutores rem pupillorum agere teneantur cum omni cura, ac sollicitudine, non tamen pupillorum utilitatem curare tenentur, (nec alias ac ulterius intendunt leges eos obligare) nisi intra limites iustitiæ, & honestatis. Hinc cum usuræ sint intrinsece malæ, absolute & indistincte vetitæ sint a lege divina, naturali, & humana, ob nul-

lam quamlibet causam possunt esse licitæ, ac proinde non tenentur tutores rem pupillorum angere via iniusta, & illicita, cuiusmodi esset exigere usuras ex pecunia pupillorum, quam mutuo darent. Ita docet Cœnilius Mediolanense primum, & multo ante Alexander III. cap. 4. de usuris, ubi sic ait: *Cum usurarum crimen utriusque Testamenti pagina detestetur, super hoc dispensationem aliquam posse fieri non videmus, quia cum Scriptura sacra prohibeat pro alterius vita mentiri, multo magis prohibendus est quis, ne etiam pro redimenda vita capivi usurarum crimine involvatur.* Tutores porro nullum subire possunt periculum, si ex consilio consanguineorum pupilli, & iudicis auctoritate has pecunias impendant aut fundi frugiferi emptione, aut in contractu censu, seu locietatis. Ita P. Antoine, Tourneleus & alii.

§. XV.

De iis qui ratione usurarum restituere tenentur.

In hoc proposito varia inquiri possunt, quæ feliciori elucidatione, ac faciliiori intelligentia singulatim, ac suo ordine examinanda sunt. Idcirco inquirendum est 1. de usurario, five realis sit, five mentalis. 2. de hæredibus usurarii. 3. de tutore, qui ex pupilli pecunia lucrum usurarium fecit. 4. de eo, qui bona fide contractum usurarium celebravit, vi cuius lucrum ausarius percepit, quod iam percipere potuisset alio titulo, puta lucri cessantis, nisi ex bona fide hæc sibi via contrahendi occurrisset. 5. demum de iis, qui usuræ cooperati sunt. Singula hæc breviter discutiamus. Sit igitur.

Usurarius restituere tenetur quidquid per Usuram accepit, five realis sit, five mentalis; & hoc constat ex titulo de usuris, in quo toto hoc debitum restituendi quod per usuras receptum fuit, passim demonstratur. Et eundem usurarium in acceptis per usuram alienam rem possidet domino rationabiliter invito, quod essentialiter, seu ex natura sua obligationem secum affert restituendi. Nam cum S. Th. 2. 2. quæst. 78. art. 3. Theologi omnes sentiant, & constat etiam ex Leg. nunquam ff. de acquir. rer. domin. quod contractus usurarius, quia in ipso non intervenit iustus titulus nec venditionis, nec donationis &c. idest nulla iusta causa domini præcedit, nisi nuda traditio, nullum dominum conferre usurarius in re per usuras accepta; idcirco usurarius ex tali contractu

nullum huiusce rei dominium acquirat. Ad acquirendum enim dominium non sufficit nuda rei traditio, sed requiritur, ut vel ex aliquo iusto titulo dominus illud in alterum transferre intendat, & velit, vel saltem quod ex validitate alicuius legitimi contractus transferre teneatur, ut nequeat esse rationabiliter invitatus; neutrum autem horum occurrit in contractu usurario, quia dans ulutam se habet non secus ac qui dat latroni pecunias, ne ab eo molesteretur, ita ut det invitatus, nec intendens transferre in mutuantem plus iuris, & domini in rem quam supra sortem ei dat, quam iuste & recte ipsi dare teneatur: & quia talis contractus iure divino, & canonico nullus est, ac ideo nequit usurarius in rem mutuatam dominium acquirere. Igitur cum in re usuraria res aliena possideatur, certe proprio domino est restituenda.

Contra-
ria usum
est.

Hinc sequitur 1. quod si res data sub usura crecat apud usurarium in valore, & pretio, talis valor pertinet ad mutuatarium, sicut si decrescat, aut pereat, quæ apud dominum esset peritura ipsi usurario pereat, & decrescat, quia est malæ fidei possessor, licet quæ a latrone surripuntur, ipsi latroni pereant, tamen rerum illarum dominium sit apud alium. Sequitur 2. usurarium non posse transferre in alios dominium rei usurariæ, idcirco qui aliquo titulo hæc accepit ab usurario, quia ipse non est verus dominus, restituere ea debet mutuatario ut vero domino; non secus ac ea quæ accipiuntur a latrone, dummodo adhuc extent in sua specie, idest dummodo qui ea accepit, eadem cum propriis non admiscuerit (quæ tunc etiam earum dominium acquirat, ut iam est dicendum) vero domino restituenda sunt. Unde clare patet non posse usurarium res per usuras acceptas alienare, modo non sint contumptibiles, ne per earum venditionem impotens reddatur usurarius ad eas restituendas. Si alia autem bona habeat, quas earum loco substituere possit, non est improbable quod possit usurarius usurarias res detrahere, ac earum dominium in alium transferre, quia parum interest mutuatario quod in re eadem, aut in alia in æquivalenti pretio fiat ipsi restitutio.

Si tamen res supradictæ per usuram acceptæ ita cum rebus usurarii sunt commixtæ, ut ullo modo alia ab aliis discerni nequeant, tunc quodcumque facta sit hæc permixtio, usurarius dominium earundem acquirit ratione commixtionis, seu confusio-

nis, vel specificationis. Ita communiter cum S. Th. ex §. si duorum 2. & seq. Infi. de rer. divis. & alibi. Unde in tali casu restitutio facienda est in æquivalenti, non secus ac quando res alterius est consumpta. Verum, tamen per talem commixtionem usurarius in re sub usura accepta dominium acquirit, hoc tamen est ita debile, & imperfectum, ut præter debitum quod tenet mutuatario restituendi vel per quantitatem ipsius rei mixtæ iuxta quantitatem valoris rei acceptæ, vel cum alia re in pretio æquivalenti, cumulus ipse coalescens ex re usuraria, & ex alia re ipsius usurarii, donec vel apud ipsum permaneat, vel apud alium, obnoxius remanet ipsi mutuatario, qui super tali cumulo ius habet in re, ac inde usurarium verum dominum; & ideo ius, ut ante omnes alios creditores ex ipso sit sibi satisfaciendum; imo ipse potest accipere, & detrahere ex illo iuxta id quod ei debetur Leg. Marcel. l. 3. §. Pomponius ff. de rei venditione.

Hinc usurarius restituere tenetur omnia acquisita per usuram usque ad æqualitatem damni illati, nempe ipsam rem sub usura acceptas, vel in se si adhuc discernibiles maneant, vel in æquivalenti, si cum aliis sint permixtæ. Item si talis res erat secundum se frugifera, restituere tenetur cum illa etiam ipsius omnes, imo ipsos etiam, quos dominus, idest mutuatarius non percepisset, si rem suam habuisset, detractis tamen expensis, & æstimatione laboris & industriæ, quia mutuatario ut domino cui res sua fructificat, debentur, §. si quis an non domino 35. Infi. de rer. divis. Imo restituere tenetur fructus quoque, quos ob suam incuriam non percepit, quia usurarius rem eam iniuste accipiendo, & retinendo fuit iniqua causa cur proprius dominus fructus amitteret, quos percepisset, nisi usurarius rem suam ei detinuisset. Non est tamen obnoxius in tali casu ad fructuum non perceptorum restitutionem, quos ob parem incuriam nec ipse mutuatarius percepisset, quia usurarius in tali casu factus non est ditor ex huiusmodi fructibus, nec per eorum privationem damnum intulit mutuatario, quia supponitur quod eos, rem suam possidendo non percepisset.

Quod si res per usuras accepta ex se, seu ex natura sua non erat frugifera, & ex illius detentione nullum damnum emerget, aut lucrum cesset mutuatario; fructus seu utilitates ex tali re provenientes sunt in ordine ad dominium ipsius usurarii, nec ullatenus mutuatario restituendæ sunt. Ita

De debi-
to usura-
rii circa
acqui-
situm
res usura-
ria

communiter ex Leg. *qui aliena* 8. *cod. si quis alteri*, vel *sibi*; quia quando res secundum se non est frugifera, fructus ex ipsa percepti non sunt fructus rei, sed industriae personae, ideoque non ad dominum rei, sed ad personam industriam applicantem spectant. Quare ipsae res, quas usurarius sibi emit ex pecunia usuraria, licet impmixtae & non confusae cum propriis rebus ipsius usurarii, transeunt in dominium usurarii, & communiter in hoc conveniunt Doctores etiam negantes usurarium dominum fieri rei sub usura acceptae; quia res per usurarium pecuniam emptae non sunt fructus pecuniae, utpote ex se steriles, sed fructus industriae, seu voluntariae emptionis, aut negotiationis susceptae, quae emptio, seu negotiatio cum sit tota ipsius usurarii, ideo ipsae res emptae transeunt in dominium ipsius usurarii, ut ex Leg. *qui aliena* 8. *cod. si quis alteri*. Unde etiam fur id quod ex re furtiva negociando acquirit, sibi acquirit, Leg. *qui vas* 48. §. 7. *ff. de furtis*. Similiter depositarius id quod ex re deposita adipiscitur negociando, sibi, non deponenti, adipiscitur, Leg. *si ex pecunia* 6. *cod. de rei vindicta*. Item uxor id quod ex re mariti defuncti ad filium pertinente negociando acquirit, sibi, & non filio acquirit, Leg. *si pecunia* 1. *cod. si quis alteri*, vel *sibi*. Similiter si usurarius vendat res acquisitas per usuram, non secus ac fur rem furtivam, pretium illarum quoad dominium sibi acquirit, non vero mutuario. Semper tamen remanet obligatio restituendi pro re usuraria, vel furtiva in aequivalenti, & damna inde secuta mutuario, vel domino compensandi. Ita communiter Doctores iuxta Legem *qui vas argenteum* 48. *ff. de sumis*, nisi sic: Quod enim de re furtiva redigitur, furtivum non esse nemini dubium est. Nummus ergo hic, qui redactus est ex pretio rei furtivae, non est furtivus.

Unde patet ex dictis Iudeos quoque teneri ad restituendas usuras extortas a Christianis, & ad id compellendi sunt per subtractionem a communione Christianorum, vel alias per Principes, & Potestates seculares. Ita communiter ex cap. *post miserabilem* 12. & cap. *quanto amplius* 18. *de usuris*.

Quod si usurarius ante mortem non restituat ea, quae sub usura accepit, eadem obligatio restituendi transit ad haeredes non tantum suos, sed etiam extraneos. Ita communiter, ut in cap. *tua nos de usuris*. Non tenentur tamen haeredes restituere ultra vi-

res hereditatis, ut ex cap. in litteris 5. *de raptorib.* Tenentur vero, licet res usuraria in natura sua ad eos non devenierit, nec per illam hereditas eorum sit aucta. Sic Engel libi 5. *Decretal. tit. 9. de usuris* §. 3. num. 3. quia haeredes ad exonerationem conscientiae tenentur pro viribus hereditatis satisfacere iis omnibus, quibus per defunctum damnum illatum est, tametsi ex tali damno hereditas aucta non sit, cap. *Parochiano tuo* 14. *de sepulturis*; quia onus restituendi affixum est bonis defuncti, ideoque transit ad eorum possessorem. Restitutio facienda est illis, a quibus usurae extortae fuere, vel eorum haereditas, si existeret, & si nullus aliquis sit superstes, facienda est pauperibus. Ita communiter ex cap. *tua* 5. *de usuris*. Paupertas autem usurarium, eiusque haeredes excusat a restitutione, donec ad pinguetorem fortunam pervenerint. Ita communiter ex Leg. *nam* is 6. *ff. de dolo malo*.

Nota si haeredes essent plures, puta tres, & hereditas inter ipsos in partes dividatur, secundum probabiliorum singuli haeredes non tenerentur ad debita defuncti usurarii solvenda, nisi pro rata perceptae hereditatis, & minime in solidum aliis deficientibus, quia sicut actiones, & credita defuncti dividuntur inter haeredes duntaxat pro rata hereditatis, ita & onera pro rata erunt dividenda, ut ex l. 2. *Cod. de pactis*; quia singuli dum sunt ab invicem divisi, non repraesentant singuli defunctum totaliter sicuti repraesentarent singuli sumpti idest non divisa hereditate, sed solum partialiter, ac proinde cum singuli ita eum non repraesentent quoad omnia credita, neque repraesentare debent quoad omnia onera, & prout sentiunt commodum pati debent incommodum.

Tutores restituere tenentur quod ex pupillorum pecunia usurarie comparaverint, quia usura est per se mala & illicita, ac proinde in gratiam cuiuscumque exerceri nequit. Restituere tenentur tamen ex bonis pupillorum, in quorum favorem usurarii lucrati sunt; & si res usuraria, vel aequivalens non haberetur in bonis pupilli, tutor de propriis bonis usurarie acquisita restituere tenetur, cum semper cadat in damnum tutoris. Ita Tournelleius.

Nota si quis daretur invincibiliter ignorans quod aliquid accipiendo in mutuo supra sortem, sit peccatum usurae, idest iniuste acceptionis, ita ut dici posset usurarius bonae fidei, & lucratus fuisset usurarie supra bonis frugiferis, quae in pignus a mu-

De debi-
to haer-
edum usur-
arii.

tuatario accepisset, quotiescumque hoc deprehenderet, dicerem, non secus ac rei alienae bonae fidei possessorem, quod fructus perceptos non teneri nisi eos restituere, ex quibus factus esset ditor, cum hoc sit privilegium bonae fidei.

S. XVI.

De obligatione quoad restitutionem, eorum qui ad usuras cooperantur.

Duplex
cooperatio
usur.

Nota dupliciter cooperari aliquem posse ad usuram in contractu mutui, proxime, quando opera cooperantium ita efficaciter influunt in lucrum usurarium, ut causa sint huiusmodi lucri, & remote, quando nempe ita inefficaciter operam suam praestant, ut iam sine eorum cooperatione lucrum usurarium mutuantis consequatur. His praemissis sit.

De debi-
to coop-
erantium
usur.

Omnes qui proxime agunt partes usurarii, ac inde sunt causa efficax cur hanc lucra usuraria, id est quod usurae requirantur, solvantur, vel non repetantur, tenentur in defectu usurarii restituere omnia damna ex usuris quibus proxime cooperati fuere, profuentia, & unusquisque in solidum, si alii desint, quia in solidum, & ad modum unius causae influxerunt in totum dampnum pro vicibus illis, quibus operam suam ad lucra generationis praestiterunt; quia omnes sunt causa efficax cur dampnum mutuatario iniuste inferatur; & huiusmodi sunt Notarii conscientiae instrumenta usuraria per modum contractus liciti, id est fingentes licitos contractus, vel falso scribentes, & cum dantur centum scribunt centum & viginti, &c. nisi id faciant ita postulante mutuatario, quia in tali casu licet peccent mortaliter, & sint perituri non tenentur tamen ad restitutionem, quia sponte rogati & volenti non fit iniuria. Ita S. Antoninus. Item testes qui talia scienter subscribunt instrumenta, seu usurarios contractus, peccant contra iustitiam, & saltem secundario si usurarius non possit, nec velint, tenentur ad restitutionem. Confulentes pariter, & persuadentes ad usuras exigendas. Qui scienter deponit pecuniam apud eum, qui ea esse abusus ad usuras, ut docet S. Thomas *quasi* 78. *art.* 3. sed cum S. Doctor dicat solum hunc peccare, nec explicet qualem culpam committat num contra iustitiam, vel non; hinc dici nequit hunc etiam teneri ad restituendum; & revera hic proxime non influunt in iniustam actionem contra proximum, cum depositio pecuniae apud usurarium sit prius id est a mutuatando, & multo minus quan-

do mutuatarius non indicat per hoc sibi iniuriam fieri, unde dicendum est peccare solummodo contra charitatem, quia dat usurario occasionem peccandi. Teneatur vero ad restitutionem, si eo animo pecunias dedisset, ut ex his exerceantur usurae. Item proxenetae ducentes personas indigentes ad usurarios, si ad alterum ducere possint. Item factores, seu negotiorum usurarii gestores, aliqui ministri, qui aut compellunt mutuatarios ad solvendas usuras, aut contractus usurarios nomine principalis ineunt; hi omnes in defectu principalis, utpote causas efficaciter per suas operas influentes in usuras, tenentur ad restitutionem. Iudices item, & domini compellentes ad usuras solvendas, vel impediens quo minus solutae non repetantur, vel restituuntur, in quos est excommunicatio latae sententiae in Clementina *Ex gravi unica de usuris*. Omnes denique, quicumque efficaciter cooperantur ad usuras exigendas ac faciendas, peccant graviter contra iustitiam, & obnoxii sunt restitutioni etiam quicquid in solidum in aliorum defectu. I. Doctores communiter ex cit. Clementina, cui concordat Concilium Mediolanense primum tit. *de usuris*, Concilium Rhemense celebratum anno 1583. & a Gregorio XIII. approbatum tit. *de senore* 9. §. 4. Et praecipue de tabellionibus rigidissima habetur poena in iure statuta *Leg. tabellanus* 13. §. 3. *cod. de sacros. Ecclesiis*.

Si vero qui sic remote cooperantur usuris, ne non aestimetur causa damni mutuatario illati, non tenentur restituere, cuiusmodi sunt secundum multos famuli, qui non exigunt pecunias, seu usuras, sed solummodo pignora recipiunt, numerantes pecuniam, reicientes omnia in librum rationum; quia cum sine illorum opera dampnum datum sit, non censetur causa damni, & circa illorum operam mutuatarius non est iniustus, nec potest rationabiliter de illa, ut iniuria sibi illata conqueri. Sic Habertus, Tourneleus, P. Antoine.

Hic autem inquiri potest num quis accipere queat ab usurario solutionem sui crediti faciendam ab eo, qui usurario pecuniae debitor est propter usuras, illasque exigere & retinere. Et resp. quod si ei constet pecunias illas deberi suo debitori ob usuras, non potest eas exigere, cum usurarius non habeat ad eas iustum titulum, ideoque nec illius creditor, quia eodem modo solutionem per tales pecunias reciperet ac si a fure ex turis reciperet; & licet solutionem recipiendo ex iis quae furis non sunt, teneretur ea

Remota
coop-
eratio
usur
non te-
netur
ad resti-
tutionem.

Creditor,
nequit
acceptare
solutionem
ex recogni-
ta usura.
ria.

pro-

proprio domino restituere, ita in dicto casu mutuatario, qui nullo iure tenetur eas usuras solvere; imo si solvat, usurarius eas illi restituere debet. Si vero tali creditori non conflet usurarium sibi creditum usurarium, ac ideo iniustum cedere, uti potest tali assignatione, ac tuta conscientia solutionem exigere.

§ XVII.

De penis usurariorum.

Usurarii ultra supradictas obligationes subiacent etiam variis poenis contra ipsos ab utroque iure tum civili, tum canonico statutis, quando tamen notorii sunt, seu publici, & manifesti. Nam usurarii alii publici sunt, seu notorii, alii occultati. Usurarii notorii, seu publici alii sunt notorii notorietate iuris, alii notorietate facti. Notorii notorietate iuris ii sunt, qui in iudicio hoc crimen confessi sunt, vel de eo convicti fuerunt, & condemnati cap. *questum est* 10. de cohabit. cleric. & mulier. ubi sic: Notorium per sententiam, seu confessionem factam in iure. Usurarii vero notorii notorietate facti sunt, qui ita palam, & evidenter usuras exercent, ut nulla tergiversatione id negare, & celare valeant, cit. cap. *questum est*, ubi sic: Aut per evidentiam rei, qua tergiversatione aliqua celari non possit.

Prima igitur poena est, quando usurarii sint publici, vel notorii, quod ipso iure infames sint cap. *infames* 2. §. porro in fine caus. 197. cap. *dilectus de excessib. Prælator.* & alibi. 2. Quod si clerici sint, vel monachi, & non desistant, ab officio & beneficio sunt suspendendi, cap. *Episc.* 1. cap. *quoniam* 2. & alibi; & a fortiori si clerici sint in minoribus, repellendi sunt a maioribus, seu sacris ordinibus suscipiendis, & ab officiis ac beneficiis obtinendis cap. de petito 4. dist. 47. & alibi. Nam infamibus portæ dignitatum non sunt aperiende, cap. *infamibus* 77. de rea. iuris in 6. Infamibus portæ non patent dignitatum. 3. Si laici sint, excommunicandi sunt usque dum debito satisfecerint cap. *præterea* 7. de usuris, & ipso facto irregulares existunt cap. *marit.* 2. dist. 73. & alibi. 4. Privantur communione altaris cap. *quia in omnibus* 3. de usuris, ex Concil. Later. 3. 5. Eorum oblationes non possunt recipi, cit. cap. *quia in omnibus* 3. de usuris: nam usurarii æquiparantur raptoribus cap. *si quis* 10. caus. 14. quest. 4. & oblationes raptorum non recipiuntur ab Ecclesia cap. *Minorum* 8. caus. 17. quest. 6. Nemo potest interesse

testamentis usurariorum, & eorum testamenta sunt ipso iure irrita, nisi ante mortem restituerint quæ per usuram recepta sunt, vel de restitutione cautionem dederint per pignora, aut fideiussiones cap. *Quamquam* 2. de usuris, 7. in 6. 7. Non admitendi sunt ad confessionem, nec absolvendi antequam satisfecerint, vel cautionem de satisfaciendo dederint cap. *ult.* de usuris in 6. 8. Si in eo peccato decellerint, privantur ecclesiastica sepultura cap. *Quia in omnibus* de usuris in 6. & cap. *Quamquam* 2. de usuris, ubi additur iuxta decretum cit. Concilii Later. contra usurarios, & ex decreto etiam Concilii Lugdunen. cit. in Clementina 1. de usuris poena suspensionis incurranda a Religiosis, aliisque, qui manifestum usurarium ad ecclesiasticam sepulturam scienter ausi fuerint admittere, nisi prius ad arbitrium diocesani Episcopi competentem satisfactionem exhibuerint.

Insuper præcipitur domnia omnibus locorum, ac Universitatibus, ne permittant alienigenis in terris suis conducere domos, aut conductas habere ad usuras exercentes, & ne quis domos eis ad hoc locet: qui autem contra fecerint, si sint ecclesiastici maiores, ut Patriarchæ, Archiepiscopi, Episcopi &c. suspensionis, si vero minores persone sint, poenam excommunicationis incurrant; si Collegium, vel Universitas, interdictionis sententiam ipso facto incurrant. Et si per mensem persisterint, ipsorum tægræ sit interdictæ, dum ibi dicti usurarii habitant. Laici compellendi sunt per censuras ab Ordinario ad cessandum ab huiusmodi excessu in cap. *Usurarum voraginem* 1. de Usuris in 6. Insuper Officiales Communitatium aut distantes, aut scribentes statuta super usuris solvendis, non repetendis, vel non restituendis, vel iudicantes secundum illa, vel non delentes illa si possunt intra tres menses de libris Communitatibus, vel illa servantes, sunt excommunicati. In Clementina ex gravi amic. de usuris.

Usurarii præter poenas a iure statutas puniri possunt etiam aliis poenis extraordinariis, præcipue pecuniariis, ut in quo peccaverint puniantur. Sic Tolos. Pirinck. Iudex criminis usurarum quoad censuras privationis officiorum, & beneficiorum ecclesiasticorum est solus Ecclesiasticus; ita communiter ex cap. *Decernimus* 2. cap. *Qualiter* & quando 17. de iudiciis, quia horum est iudex ille, ad quem spectat prædictas poenas imponere. Iudex vero criminum usurarum quoad alias poenas potest esse tam laicus quam

quam ecclesiasticus, & datur locus præventioni, non solum quando est questio facti, seu quando crimen liquido usurarium est, sed etiam quando est iuris, seu quando discutitur an hic vel ille contractus sit usurarius, vel non, quia crimen usurarum vetitum est tam iure civili, quam canonico, & naturali ac divino, ut ex dictis patet. Non enim plus spiritualitatis habet usura in se, quam homicidium, furtum, adulterium, & similia crimina, quæ sunt contra iustitiam, & lege tum divina, tum naturali vetita. Unde si de his criminibus potest cognoscere, & de facto, ut constat ex experientia recognoscit iudex secularis inter laicos, poterit etiam hic de crimine usurarum. Ex eo vel maxime quod usura si sit in multa quantitate, est prohibita etiam iure civili, ut patet ex lege eos qui cod. de usuris, & lege placuit. 29. ff. eodem.

§. XVIII.

De peccato mutuatarii petentis & accipientis sub usuris.

Petere sub usuris est cooperare alterius peccato.

Cum Charitas christiana sub mortali præcipiat non solum ut proximo non præbeamus occasionem spiritualis ruinae, idest peccandi, sed etiam ut impediamus peccatum ipsius, quando sine notabili nostro incommodo, & damno facere id possumus; hinc patet, quod quia usura est enorme scelus iustitiæ, simulque charitati omnino repugnans, illicitum est ad hoc grave facinus alium inducere, usurarium scilicet, mutuum ab ipso petendo, qui iam prævideatur non daturum nisi sub usura. Ita D. Thomas alias cit. art. 4. ubi sic ait; Nullo modo licet inducere aliquem ad mutuandum sub usura; licet tamen ab eo qui paratus est hoc facere, & usuram exercere, mutuo accipere sub usuris propter aliquod bonum, quod est subventio sue necessitatis, vel aliorum. Ex quibus verbis recte, attenteque perpensis facile inferitur cum communi nunquam licitum esse accedere ad usurarium, ut ab eo mutuum petatur; salvo tantum quando alium moraliter habere nequeas qui det sine usuris, dum aliqua nostra urget necessitas; quia cum ille licite hoc facere nequeat, æque illicitum est hoc ab eo expectare, ne ad malum inducatur, & provocetur. Dixi salvo quando alium moraliter habere nequeas, &c. quia ut communiter sentiunt Doctores, ob gravem, non vero qualemcumque necessitatem propriam, vel alterius, licitum est petere mutuum ab eo, qui non daturus est nisi

sub usuris, quando alter, qui dare velit sine usuris, haberi nequit, intendendo solum mutuum, & se habendo permissive ad usuras. Etenim licitum est petere ab alio id quod, si velit, licite præstare potest, quavis ex malitia sua peccaturus sit, dummodo ex iusta causa eius peccatum non impediatur, ut fieret in casu nostro, idest urgentis necessitatis; quia non tenetur mutuatarius impedire cum gravi lucro incommodo, & damno mutuantis malitiam, quam ex se ipso iam vincere potest. Ita citatus D. Th. loco cit.

Porro cum aliud sit accipere mutuum sub usuris, aliud petere sub usuris; hinc mutuatarius in primo casu passive se habet, & solummodo animum patiendi indicat in suppositione quod mutuanus non recedat a prava dispositione, & intentione dandi mutuum sine lucro supra fortem; in secundo vero directe ad malum inducit, quod non licet. Quare volunt aliqui Theologi, & præcipue Salmaticenses peccare mutuatarium etiam in necessitate positum, si alium inducat ad mutuandum sub usuris, dicendo absolute, da mihi mutuum, & tot solvam pro usuris, quia sic petendo alium ad malum inducit, quod fieri nequit sine peccato, quia absolute petere non licet id, quod ab alio absolute fieri non potest. Ex opposito vero iidem Salmaticenses, & Sylvius excusant a culpa mutuatarium, si hac, vel alia simili propositione utatur in petendo mutuum ab usurario, da mihi mutuum saltem sub usuris, si ut debes gratis dare nollis.

§. XIX.

De montibus Pietatis.

Ex quo quamplurimi usurarii, & præcipue Iudæi ex aliorum inopia occasione arriperent ut non minus immoderatam quam crudelem insatiabili eorum avaritiæ messem facerent suis usuris, quas ita excessivas mutuando supra pauperum pignoribus ab his extorquebant, ut brevi fere totam sortem absorbendo, ac ita eo magis miserorum sanguinem extinguendo usque ad extremum horte depauperabant, pietate, ac misericordia motus B. Barnabas Interamnenis ex Minoribus Observantibus Seraphici Ordinis primus, dum Persulis prædicaret, excogitavit, & promovit erectionem montium Pietatis regnante Pio II. Summo Pontifice, ut huiusmodi pietatis adminiculo tam favæ pauperum calamitati mederetur, & ita eorum provideretur indigentiae, ac proinde usurario.

Inst. theol.
Montium
Pietatis.

Quando licite possit peti sub usuris.

riorum immanitati subtraherentur. Eximium hoc pietatis institutum, quod brevi Perusianorum zelus stabilivit, non solum statim quam plurimæ Italiæ civitates, sed etiam aliæ postea Nationes amplexæ sunt.

Quid
mons
Pietatis?

Montes igitur pietatis sunt quidam notabilis cumulus pecuniæ, alteriusve rei mutabilis, ut farinæ, frumenti &c. ut indigentium subveniatur necessitati per mutuum, ne usuris opprimantur. Hi autem montes multiplici sunt generis; alii collecti sunt ex puris elemosynis, qui Itali dicuntur, quia Perusii in Italia initium habuere anno 1458. alii conflati ex pecuniis ad censum acceptis, & hi Belgici vocantur, quia in Belgio erecti fuere anno 1619. alii mixti de censibus & elemosynis fundationem habuerunt. In hisce autem montibus datur

Leges
montium
Pietatis.

mutuum sub certis conditionibus, idest 1. datur solis pauperibus, 2. datur ad certum tempus v. g. ad annum, 3. dandum est pignus ministris, ut si fors præfixo tempore non redimatur, vendatur; ita tamen ut residuum pretii reddatur mutuataris, detractis valore capitalis quod datum fuit super pignus. 4. Sive vendatur pignus, sive reddatur capitale, tribuendum est ministris montium aliquid supra sortem, tum pro eorum sustentatione, domus reparatione, &c. tum pro censuum solutione, quibus hi montes gravantur. Super hanc ultimam conditionem disputare solent Theologi num montes pietatis sint immunes ab usura: nam in primis tribus conditionibus cum nihil mali deprehendatur, & præcipue nihil quod vertatur in pauperum detrimentum, idcirco nullam patiuntur illæ difficultatem, bene quidem hæc postrema, ex qua in primæva eorumdem montium erectione, seu fundatione occasionem arripere Doctores disputandi num puri sint ab usura. Sit igitur.

Montes
pietatis
sub nota-
tis con-
ditioni-
bus liciti
sunt.

Montes pietatis erecti, ac ducti sub notatis conditionibus, liciti sunt, & ab omni usura innoxii, quia re hæc graviter, ac sapienter discussa a quamplurimis Theologis non minus scientia quam pietate insignibus, concluderunt illicita non esse lucra istorum montium in eorum mutationibus sub conditionibus supra recensitis. Montes pietatis approbati fuere a Summis Pontificibus Pio II. Paulo II. Sixto IV. Innocentio VIII. Alexandro VI. & solemniter a Leone X. in Later. Concilio sess. 10. eodem quoque Concilio ita consentiente, ut interdixit sub pœna excommunicationis, ne quis amplius auderet prædicare in contrarium, aut verbo disputare; & Concilium Tsid. sess. 22.

de reform. cap. 8. recensuit montes Pietatis inter pia loca, quæ ab Episcopo visitari debeant.

Et ratio intrinsece etiam demonstrat nihil intervenire illiciti, & usurarii in mutuis, quæ exercentur in montibus pietatis, aliquid supra sortem accipiendo, quia non sine legitima ratione huiusmodi lucra ab eisdem montibus exiguntur, & ob mercedem, quæ ministris, seu loci interventibus ad eorum conservationem, & administrationem retribui debent, cum hi digni sint ob servitium in loco præstitum hac mercede, tum ob curam, ac providentiam, quam habent hæc loca in servandis pecuniis, & sagtagendo ne unquam deficiant, sed semper pauperum indigentis paratæ sint, & promptæ; quæ cura utpote lucrum præcedens est pretio æstimabilis, & quia non sine magno labore pignora custodiunt, excutunt, expendunt, & alia huiusmodi multa in gratiam mutuatariorum præstant, nec his condigna merces retribui potest, nisi aliquid supra sortem recipiant, aut capitale montium infumetur, quod cederet in pauperum damnum; quia ex parte capitalis mercedem condignam ministris tribuendo capitale paulatim extingueretur; & extincto capitali non amplius esset locus pauperum subventioni per mutua a montibus in suis indigentis accepta. Et ut magis res pateat

Effingatur quod amicus, qui iter unius diei a me distet, mutuum a me petat, quod ad eum illud mittere cogar per hominem a me conductum, certum est quod in sorte mihi reddenda licite exigere possim expensas hominis a me missi. Sicigitur montes pietatis aliquid ultra sortem exigere possunt pro impensis quas necessario subire debent.

In his autem Montibus tres præcipue leges nunc habentur. 1. Ut mutuum usque ad certam quantitatem detur non divitiis, sed pauperibus. 2. Ut mutuarii dent pignus a ministris montium custodiendum, ac vendendum, si præfixo tempore mutuum non restituatur, ut ex pretio a tali venditione percepto montes sortem datam recuperent, & mutuarii residuum, si detractis etiam expensis in pignore vendendo supersit, ut suum recipiant. 3. Pro custodia, & conservatione pignorum, pro conductione domus, pro alimentis, & stipendiis ministrorum, & aliis huiusmodi, quæ continue fiunt, ne in illis capitale infumetur, exigatur a singulis mutuataris sine ipsorum Montium lucro aliquid exiguum ultra sortem, puta

Alia scilicet quæ nunc habentur in montibus Pietatis.

puta duo, vel tres in anno pro centum, dummodo pro mutando non habeant pecuniam ad censum acceptam, quia in tali casu exigere possunt illud etiam plus, quod solvunt pro censu, & hoc sæpe statutum fuit a Sum. Pontificibus, & a Sac. Concilii Congregatione declaratum, nempe quod non exigatur supra sortem nisi lucrum moderatum, nempe ter ad summum in anno pro centum, non computato tamen eo quod solvere deberent pro censu, si talem pecuniam pro mutando depositam Mons haberet.

Notat hic celebris e recentioribus P. Cunitiatus, quod si cumulus Montis vel legatis, vel donationibus, vel aliò modo ita augatur, ut in conscientia minui possit census a mutuatariis solvendus, id procul dubio fieri debeat, ut ab usuræ vitio immunis servetur: imò si ita augeretur, ut omnis census tolli possit, totus tollendus esset, ut mutuatarii indigentes omni onere levarentur, ut ratio iam per se manifesta clare demonstrat. Propterea, ait, vigilandum Principibus, & Episcopis est valde ne in luxum privatorum cedant montium augmenta, & non in levamen indigentium.

Ministri montis pietatis in necessitate aliis indigentibus præferendi sunt. Hoc tamen excepto, si ministri montis pietatis disponant de bonis montis pietatis in eorum præiudicium, tenentur ad æqualem compensationem ipsi monti reddendam, vel etiam pauperibus, qui ob distractionem talium pecuniarum non valentes habere mutuum in suis indigentis, damnum aliquod passi sint.

CAPUT VII.

De Contractu Societatis.

§ I.

Quod sit Contractus Societatis, & quando licitus.

Quid Contractus Societatis. *Contractus Societatis, seu societas in aliquo contractu est plurium, & duorum saltem honesta conventio conferendi aliqui prout aestimabile, ut pecuniam, mercem, operam, industriam pro negotiatione ad commune lucrum, vel damnum secundum proportionem rerum collatarum inter socios dividendum.* Ita communiter. Dicitur autem conventio honesta, scilicet in negotiatione licita, quia hac non posita, idest ubi non sit conventio, qua quis pecunia, vel industria non adiuvit, non potest venire, seu esse in partem lucri, vel damni, sed ad

summum si adiuvit industria, percipere potest stipendium labori suo debitum, & tunc est contractus locationis, seu conductionis, non societatis. Dicitur conferendi aliquid &c. ad commune lucrum, quod diversimode fieri potest, ut si unus pecuniam, animalia, naves conferat, alter industriam, & laborem, vel uterque conferat pecuniam, idest capitale, & industriam, seu partim pecuniam, partim industriam. Dicitur secundum proportionem rerum collatarum inter &c. quia finita societate qui in ea æqualiter contribuerunt, æqualiter dividere debent, qui inæqualiter, nonnisi inæqualem partem in lucro prætere, ac percipere possunt; & ita dicendum de damno, ut cum aliis docet Sylvius ad quest. 78. art. 2. conclus. 3. & hoc est legibus conforme, quæ statuere societatem talem componi non posse, ut alter lucrum tantum, alter damnum lentiat, & hæc societatem leoninam appellant a leonis apolo, qui abique eo quod ullum subiret periculum, de aliarum ferarum venatione participare voluit.

Contractus societatis licitus esse tum ex iure civili *Leg. si societas ff. pro socio*, tum ex iure canonico *cap. 7. de donat. inter virum* &c. ubi iubetur docem uxoris ad lucrum dari mercatori, nimirum in societatem. Insuper quia licet convenire ad lucrum ex pecunia, & industria recipiendum æqualitate servata: Nam est pecunia sit de se sterilis, non tamen sterilis est prout subicitur, & associatur industriæ, tanquam medium, seu instrumentum lucrosæ negotiationis: & maxime inter se differunt societas, & mutuum, quia conferens pecuniam in societate, dominium in eadem servat, ac ad ipsum spectat periculum, & damnum, quod non fit in mutuo. Quare merito recipere potest aliquid in societate tanquam fructum propriæ pecuniæ negotiationi, & ipsius periculis exposita, vel animalium de se frugiferorum. Sic P. Antoine cum aliis.

Inquiri hic solet quando finita societate nullum sit lucrum, & sola remaneat pecunia ab uno socio collata, an hæc dividenda sit inter ipsum, & alios, qui operas contulerunt, & industriam, quæ pecuniæ æquivalent. Et licet aliqui divisionem faciendam esse velint, quia, dicunt, is, qui posuit industriam, totum perdet, nihil vero alter, dum totum, quod posuit, idest integrum capitale recuperaret; verior tamen est contraria sententia, quia magis congrua iustitiæ ob æqualitatem in contrahibus ser-

Quid de pecunia posita in contractu societatis.

vandum; nam alias plus perderet qui pecuniam posuit, quam qui industriam, quia primo hic perderet lucrum, quo non plus perdit qui posuit industriam, & postea perdere deberet partem pecuniae, quod esset perdere aliquid plus quam ille qui solam industriam posuit; unde cum in contractibus aequalitas servanda sit, cum ponens pecuniam in hoc casu perdat lucrum, suam pecuniam sterilem recipiendo, hoc idem perdit nec plus nec minus qui industriam posuit. Idcirco ut aequalitas servetur, nihil perdere debet de pecunia, ne plus perdere debeat quam alter, qui solum lucrum perdit. Et eo vel maxime quod qui pecuniam negotiationi in societatem contribuit, semper obnoxius sit maiori periculo quam qui solam confert industriam. Nam ille se subicit duplici periculo, & perdendi lucrum, & etiam pecuniam, cum alter non subiciatur nisi soli periculo lucrum amittendi. Quare concludendum est cum Soto, Caietano, Toletio, Cabassutio, Pontasio, & Tourneleio unumquemque socii subire damnum, seu amissionem rei, quam contulit in societatem, id est qui industriam, amittit industriam, & pecuniam, si ipsa pereat, qui pecuniam contulit, nisi tamen in adeunda societate aliter conveniant; quia ut docet Doctor Angel. quest. 78. art. 5. ad 5. qui committit pecuniam suam vel mercatori, vel artifice per modum societatis cuiusdam, non transfert dominium suae pecuniae in illum, sed remanet eius, ita quod cum periculo ipsius mercator de ea negotietur, vel artifex operetur. Igitur dicit Cabassutius, si pecunia pereat, illi perire debet qui eam posuit, & si superfit, eidem servatur, idcirco ei reddenda, cum aequum sit ut qui incommodum patitur, sentiat etiam commodum. Si vero vel ob loci consuetudinem, vel quia socii inter se convenierint, quod lucrum cum sorte, seu capitale in quocumque eventu aequè inter eos dividendum sit, ut etiam comprehendi debeant qui solam industriam contulerunt, tunc licita est, & fieri debet etiam fortis divisio; & hoc saepissime evenit in societate inita de animalibus, qua finita dividuntur etiam animalia adducta in sortem societatis. Circa vero expensas, quae pro bono societatis ab eo fiunt, qui operas posuit, certum est eas communiter esse solvendas, nisi aliter statutum sit vel privata sociorum conventionem, vel loci consuetudinem. Et expensae huiusmodi sunt impensae itinerum, transvectionum, solutionis vestigialium, conservationis mercium, captivitatis, morbi, ex-

poliationis a furibus, in quorum manibus inciderit qui itinerabatur causa societatis, aliaque eiusdem generis damna, quae quis proxime ob datam rebus societatis operam passus sit, quae omnia ab omnibus ferri debent, & illi sumptus, praequam rationes lucri computentur, sunt detrahendi; nam lucrum non aestimatur nisi deducto gère alieno. Non tenentur tamen socii de damnis, quorum societas non est nisi causa remota, aut quae socius sua culpa proxime passus est; puta si dum est in itinere pro societate, detrimentum sentiat in re domestica, quae propter eius absentiam dilabitur, aut propter eandem absentiam cum haeredem constituere quis desisset, aut legatum amisset, ille solus hoc damnum pati debet, quia id non est impensum in societatem, quamvis propter societatem, seu eius occasione sit impensum: nam sicuti ex bonis, quae aliunde, id est extra societatem percipit socius, de his societas participare non debet, ita in detrimento, quod in his socius patiat, societas partem habere non debet; quia sicuti non incommodum, ita nec commodum in his sentire debet.

Ad hoc autem ut societas lucrosa iusta sit, & licita, quatuor praecipue conditiones concurrere debent. 1. Ut societas sit de negotiatione licita, & honesta, alias mala esset, & nulla. Hinc iniqua esset, & invalida societas inita ad illicitum, & inhonestum commercium, puta meretricium, lenocinium, furtum, usuram, fraudem, & quemcumque dolum, *Leg. ea vero* 3. §. 3. & *Leg. non praetermittendum* 17. ff. pro socio. 2. Ut quilibet socius conferat in communem societatem aliquid pretio aestimabile, id est pecuniam, aut mercem, aut operam suam ac industriam. Pauperiores enim plerumque conferunt suam operam & industriam, quod alii pecunia, vel mercibus suppleant, *Leg. societates* 5. & *Leg. si societatem* 6. 3. Ut servetur aequalitas inter socios tam quoad damna, quam quoad lucra, ita ut alius, praeter alio non laedatur, & lucrum, iactura, impensae, & detrimenta conficiantur inter omnes socios pro rata cuiusque sortis, nisi aliter conventum sit; ita ex cit. *Legib.* 4. Ut fors, sive capitale in societatem collatum subiacet periculo consentientis, ita ut si sine culpa socii pereat, ei qui in communem societatem illud contulit, perit, quia solus conferens dominus est dicti capitalis, & quilibet res domino suo stat, vel perit, nisi tamen aliter conventum sit per pactum asecurationis: quod si pereat ex culpa la-

Requi
sita ad
hoc ut
societas
iusta sit.

Expensae
pro so-
cietate
ab omni-
bus sub-
candae.

ta, vel levi focii, hic tenetur eam restituere domino per aequalem compensationem Leg. 72. §. pro socio : nam qui alterius rem accipit, tenetur ex culpa lata & levi, quando contractus cedit in utilitatem utriusque.

Licet in
contra-
ctu socie-
tatis pi-
gnus ac-
cipere.

Hic autem inquiri potest an licitus sit contractus societatis accipiendo pignus pro assecuratione capitalis, si culpa alterius forte pereat. Contractus societatis accepto pignore pro assecuratione capitalis nihil habet vitiosum, & ideo licitus est; nam qui confert pecuniam suam in societatem, tradere hanc potest ea conditione, ut alter socius non negotietur ex ea nisi tali loco, tempore, & in talibus circumstantiis, ut si alter huiusmodi conditiones non servet, & pecunia pereat, in eius damnum pereat. Licet igitur pro assecuratione pecuniarum etiam traditæ in societatem pignus accipere, illudque servare, ut assecutetur de pecunia, si fortuito pereat, quia insumpta non fuerit in negotiatione iuxta conditiones, quibus societas inita est. Sic P. Antoine, Tournel. cum pluribus aliis.

§. II.

De Contractu vulgo dicto trium Contractuum.

Occasione contractus societatis occurrit difficultas non levis momenti circa contractum, qui vulgo dicitur trium Contractuum, scilicet societatis, assecurationis capitalis, & venditionis lucri certi pro incerto. Dicitur vero triplex contractus, quia in eo tres contractus sive formaliter sive virtualiter in eo contineri dicuntur. Talis contractus, ut refert hic Tournelleius, est valde usitatus in multis Hispaniæ, Galliæ, aliarumque Nationum emporiis, & ut res facilius intelligatur, per aliquod exemplum hanc materiam elucidabimus. Supponamus igitur quod Ambrosius ineat contractum societatis cum Mauritio mercatore, apud quem deponit mille aureos ad negotiandum, ita ut unus pecuniam conferendo, alter industriam, uterque lucretur. Cum autem Ambrosius prudentum, & peritorum iudicio speret ex una parte ex tali negotiatione annum proventum, seu lucrum trecentorum aureorum, quorum centum quinquaginta, vi societatis ipsi debentur supra sortem; timeat vero ex alia parte sortis, seu capitalis periculum, ne per aliquem eventum, qui variis sunt in negotiatione hoc suum capitale pereat, init cum Mauritio alium novum con-

Exponi-
tur Con-
tractus
trium
Contra-
ctuum.

tractum, idest contractum assecurationis, videlicet quod ipsi suam pecuniam Mauritius assecuret, idest ut periculum illud sortis, & omne aliud onus in se suscipiat, & pro tali assecuratione onerisque suscepti compensatione, cedit ei maiorem partem lucri prudenter sperati, idest ducentos aureos, scilicet duas partes dicti lucri, ita ut in posterum sola tertia pars eiusdem lucri, idest centum aurei ipsi Ambrosio debeantur: & quia adhuc manet Ambrosio incertitudo lucri sperati, existimans sibi melius fore, si lucrum habeat certum, licet minus, init tertium contractum cum Mauritio, eique vendit tertiam illam partem lucri sperati, idest centum aureos in spe incerta pro dimidio circiter, idest 50. aureis certis sibi dandis, sive bene, sive male negotio succedat; & sic propter hunc triplicem contractum, societatis in primo, assecurationis sortis in secundo, & venditionis lucri maioris incerti pro minori lucro certo in tertio, contingit ut Ambrosius certo recipiat 50. circiter, aut 60. prout fuit in tertio contractu conventum supra sortem, seu capitale, quod in primo contractu ad negotiandum deposuerat, ita ut conferens in societatem mille aureos, per alios contractus hanc summam servat indemnem, & certum ex ea lucrum sibi facit; quia in secundo contractu assecurat sortem, & in tertio certum lucrum acquirit. Queritur vero utrum hic contractum circulus, seu hæc contractuum variatio pura sit, & immunis ab omni labe, & vitio ululæ.

Nota 1. pro solutione questionis tres contractus fieri posse vel inter eos qui societatem recipiunt, vel cum aliis personis extra societatem constitutis.

Nota 2. varias esse de re hæc sententias. Prima est eorum, qui supradictos contractus licitos esse credunt, sive cum diversis personis iniantur, sive inter eosdem societatis contrahentes. Secunda eorum, qui tres hosce contractus damnant non solum inter socios, sed etiam cum aliis personis. Tertia eorum qui nequidem duos ex hisce contractibus inter socios fieri posse existimant; unde illicitum statuunt vel contractum societatis cum assecuratione capitalis, & cum vendito lucro, vel eundem societatis contractum cum venditione lucri incerti absque assecuratione sortis. Quarta eorum est, qui hos tres contractus coniunctum sumptos, sive simul, sive successive inter socios celebrentur, malos esse putant. Si autem seorsum fiant, ut si assecutetur capi-

Varia
sententia
circa
hanc
rem.

pitale non vendendo fructus, vel si fructus vendantur, non assicurando capitale, volunt talem contractum nullatenus esse reprobandum. De his fit igitur.

Triplex contractus inritus inter socios procul dubio est illicitus, & hoc constat ex Bulla *Desolabilis*, quam in lucem edidit Summus Pontifex Sixtus V. anno 1586. in qua expressis terminis damnat, & vetat *pactiones omnes, & contractus, per quos caventur, idest assurentur pecunia, animalia, aut quelibet alia tradita, in societatem, ut etiam si fortuito casu contingat sequi iacturam, dampnum, aut amissionem; sors ipsa, seu capitale salvum sit, & integrum a socio recipiente restitatur, sive ut de certa summa, vel quantitate in singulos annos, aut menses, durante societate respondeatur.* Et sequitur in eadem Bulla, proscríbendo ac deñiñendo huiusmodi contractus utpote usurarios, ac prorsus illicitos, statuens, ac vetans ne ullatenus in posterum liceat societates cum huiusmodi conditionibus inire. Imo alias consultus idem S. Pontifex supernaturatus, & difficultates huius contractus, pro definitione huiusmodi controversiæ vivæ etiam vocis oraculo reprobavit tres supradictos contractus, ac ne in posterum celebrarentur enixe, ac severe prohibuit. Ut autem eludant sententiz oppositæ patroni doctrinam, ac definitionem expressam in supradicta Bulla contra dictos contractus, aiunt non reprobari in ipsa Bulla eosdem contractus ut illicitos naturali iure, cum Pontifex statuatur eos in futurum censeri debere illicitos, & solummodo ab eodem vetitam fuisse eam societatis speciem, in qua periculum summæ capitalis, & lucri alteri socio imponitur vi solius contractus societatis, non autem vi duorum qui eidem superadderentur contractui, nempe assicurationis fortis, ac venditionis fructuum.

Retunditur autem primum adversariorum commentum verbis ipsis Sum. Pontificis, qui de hisce contractibus dicit eos opponi *æquitati, & iustitiæ, contra æquitatem, & iustitiam societatis.* Quis ergo non videt tales contractus reprobari a Sixti oraculo ut naturali iuri contrarios, si eos definit oppositos æquitati, & iustitiæ, quæ ex se sunt de iure naturæ. Secundum vero ita levis est momenti, ut ex se decidat: nam Sixti Constitutio proscríbit contractus omnes, per quos *coredebatur personis pecunias societatis nomine tradentibus, ut etiam si fortuito casu amissionem sequi contingat, sors ipsa seu capitale semper salvum sit, ac proscríbit in*

sensu controversiæ, quæ tunc temporis verbebat, Navarrum inter & Sotum, & erat hæc eadem trium contractuum, de qua consultus fuerat Pontifex pro ipsius decisione. Et si in tali sensu non loqueretur Pontifex in sua Bulla, idest non loqueretur de assicuratione fortis prout fit in tribus contractibus, non respondisset in sensu controversiæ, de qua quærebatur, idest non respondisset quæstioni, ac ideo eius difficultatem non solvisset, quod minime dicendum est.

Porro iuxta mentem Pontificis iniustus, ac illicitus censendus est triplex contractus, de quo agitur, utpote usurarius, ac inde iuri naturali contrarius, sicuti etiam ratione probabimus; unde parebit capitale in hisce tribus contractibus proprie loquendo nonnisi vi ipsius societatis assicurari, cum re ipsa qui suam pecuniam in prædictam societatem confert, nullam aliam compensationem pro assicuracione retribuat allecuranti, nisi lucrum speratum, quod forte non erit, & facile contingit, ut qui assurent perdat simul & industriam suam quam posuit, & sortem seu capitale quod assurexit, & pretium talis assicuracionis, quod nullum erit, si nullum fiat lucrum: quæ sententia ita ratione probatur. Ille contractus vere est usurarius, in quo ex vi mutui aliquid supra sortem recipitur, ut revera fit in contractu trium contractuum, in quo quia non alias ac in simplici mutuo vi ipsius contractus dominium fortis in socium transiatur, quidquid qui sortem dedit ultra sortem recipiat, usurarie recipit ac illicite: nam cum res proprio domino maneat, & pereat, & ita ab eius libera dispositione dependeat, ut eidem ab alio illa impediri nequeat; hinc quia in hoc contractu vi novæ conventionis ipso ipso initæ periculum fortis a proprio eius domino transfertur in socium, in hunc quoque eiusdem fortis dominium transferri censendus est, cum semper verum sit quod res manere debeat eidem, cui perire dicitur, ac ideo is æque ac quilibet alius mutuatarius a libera ipsius fortis dispositione, quod dominium importat, impediri non valeat, cum quocumque modo de ea disponat, nihil aliud ad alterum spectet nisi ut suum capitale, & aliquid ultra recipiat, prout in variando primo contractu societatis conventum fuit. Unde clare videtur quod contractus societatis mutatus in contractum allecuracionis fortis, venditionis lucri incerti quod speratur pro certo, licet minori, sit contractus simplicis mutui, ac proinde usurarii, & illiciti. Insuper talis contractus

et

est simplex mutuum, ac proinde usurarium & illicitum lucrum, quod supra sortem in tali contractu exquiritur, quia cum per assecurationem tollatur societas, deficit legitimus titulus ut aliquid ultra sortem exigatur, & recipiatur. Tollitur quidem societas per sortis assecurationem, quia essentia societatis, ut est quædam fraternitas, ut ait S. Antoninus, essentialiter requirit, ut lucrum, & periculum sit commune, & æquale cuiusque, qui partem habet in societatis, contractu; unde cum nova assecurationis conventio tollat hanc communem, æqualemque participationem boni, & mali societatis, dum liberat unam partem ab omni periculo quod totum alteri imponit, uni parti lucrum certum assignat, incertum relinquit alteri, tollit, & penitus dissolvit societatem, quæ ex natura sua sine æquali communicatione lucri simul cum periculo nullatenus subsistere valet, ac exinde tollit ius omne lucrandi aliquid supra sortem in huiusmodi contractu. Nam tota ratio & ius lucrandi in societate per solam pecuniam sine opere, labore, & industria exurgit, ex periculo cui pecuniam suam quis exponit in negotiatione; quia pecunia otiosa domini, aiunt Theologi, non potest esse ei instrumentum lucrandi, nisi quatenus ea tali subicitur periculo, ut iam alias diximus cum S. Th. 2. 2. quæst. 78. art. 2. ad 5. Cum enim pecunia de se sit sterilis, non alia via fieri potest fructuosa, nisi per industriam utentis, vel per hoc quod in negotiatione periculo exponatur, ita, quod, ait cit. Doctor Angel. *cum periculo ipsius* (idest qui eam dedit) *mercator de ea negotiatur, vel artifex operatur.* Quare cum per assecurationem pecunia subtrahatur huic periculo æque ac in mutuo, ideo respectu dantis proflus est sterilis, ac nullum fructum ipsi parere potest, ut Leg. 51. §. *pro socio dicitur: sicuti lucrum, damnum quoque commune esse oportet, quod non culpa socii contingit.*

Obiicies 1. contractum trium contrahentium falsum est, ut supponitur, quod per sortis assecurationem reducatur ad verum contractum mutui, dum nullum dominium transferretur in socium, quod mutuo est essentialiter, eo quod consocius assecurans disponere nequeat pro libitu suo de pecunia sibi data in societatem, quod plane posset, si pecunia in eum translata esset dominium, sed tenetur vi contractus societatis eam ponere in negotiationem. Item falsum est quod tollatur æqualitas in hoc contractu, dum per cessionem maioris lucri sperati compen-

satur periculum tum sortis, tum minoris lucri solvendi, quod assecurans in se suscipit. Resp. verum esse hunc contractum reduci ad simplex mutuum, cum totum periculum sortis se habeat respectu assecurantis, quod repugnat contractui societatis, in quo socii debent esse expoliti omni periculo, damno, & incommodo; & hoc est essentialiter societatis contractui, quod tolli nequit per oppositum contractum, ut ponens pecuniam liberetur ab omni periculo, quod est essentialiter contractui mutui. Ex quo fit, ut mutuararius, si fors pereat, totam nihilominus restituere teneatur mutuanti, quia ob dominium sortis in eum translatum ipsi, & non mutuanti perit, & manet. Item resp. non subsistere in tali contractu æqualitatem, quam exigit iustitia, quia assecurans subire debet periculum tum sortis, tum minoris lucri stipulati, cum contingere possit, sicuri sæpe sæpius contingit, ut totum perdat, dum alter nihil ex opposito perdit; & minime damnum & periculum assecurantis compensari potest per maius lucrum speratum, quod valde est incertum, & fors ad minus lucrum assecuratum locio est omnino certa. Unde manifestissime patet in contractu trium contrahentium non servari æqualitatem, & iustitiam necessariam in quocunque contractu.

Obiicies 2. licet in contractu societatis necesse sit quemque socium subire periculum & damnum, quia de natura talis contractus debet esse commune inter socios, non repugnat tamen huic contractui redimere periculum per compensationem; & sicut contractus depositi, commodati, vel locati per assecurationem non destruuntur; ita nec contractus societatis, quia licet periculum depositi & commodati spectet ad dominum, potest hic tamen licite pacisci cum depositario, commodatario sub iusta mercede, ut hic totum periculum subeat. A pari igitur in contractu societatis; & hoc patet ex Leg. 29. §. *pro socio ubi fit: Ita coiri societatem posse ut nullius partem damni alter sentiat, lucrum vero commune sit.* Resp. latam esse disparitatem, quia contractus societatis essentialiter, idest ex sua natura importat communem participationem tam lucri quam periculi, tamquam quid inseparabile a tali contractu. Ex opposito vero in contractu depositi, & commodati redimi potest periculum rei, quod ad dominum spectat per iustam mercedem, quia assecuratio depositi, commodati &c. est solum præter naturam, non vero contra naturam depositi, & commodati, cum natura horum contractuum in hoc

con-

consistat, ut res alicuius alteri custodienda committatur, quod plane subsistit, quamvis illa assecurctur; ideoque natura horum contractuum est prorsus diversa, ut patet à substantia contractus societatis. Idcirco assecuratio facta in contractu trium contractuum penitus dissolvit, & destruit societatem, quæ sine tali communicatione periculi, & damni subsistere nequit. Ad legem vero 29. *Pro socio* dico intelligendam esse dumtaxat ratione socii, qui operas ponit; itaut si eius opera, & industria tanti valeat quanti pecunia quam alter contulit ille non debeat subire periculum ac damnum pecuniæ ab altero sibi communicatæ; quia alias plus participaret de damno quam de lucro, ac ideo inter illos non esset æqualitas; Subiceretur enim damno propriæ industriæ & partis pecuniæ communicatæ. Ad 3. vero dico quod lucrum maius speratum fundatur in societate, quæ destruitur per fortis assecurationem, ac proinde nihil exigi posse ob remissionem lucri maioris sperati. Ad 4. tandem dico incommoda neutiquam compensari æqualibus commodis; quia secuto ab altero periculo societatis idest absoluto altero per assecurationem a subeundo tali periculo amittit ius omne participandi de fructibus fortis; cum talis participatio sit inseparabilis ab obligatione subeundi etiam periculum. Quare cum non possit amplius sperare lucrum maiorem speratum a societate, quæ quoad ipsum est dissoluta ac destructa, non compensat socium nisi per lucrum chimericum, & ideale, ac ideo per chimericam compensationem. Imo etiam si daretur hæc compensatio, idest dato etiam & non concessio, quod revera ibi requireret maius lucrum, adhuc compensatio non esset æqualis; quia ubi pars compensans subiret damnum solummodo lucri maioris, alter si forte res in negotiatione periclitetur subiret damnum propriæ industriæ quam posuit in negotiatione, lucri quod non percipit, & fortis quam locio solvere debet.

Obicies tertio. Singuli tres contractus seorsim servatis servandis iusti sunt; ergo etiam coniunctim cum una eademque persona licite fieri possunt. Res. hos tres contractus licite celebrari inter personas diversas, imo etiam cum eadem, sed vel diverso tempore, vel per accidens tantum simul; sed non inde sequitur, quod de industria consilari possint in unum, & cum dependentia unius ab altero; nam & in contractu Mohatra interveniunt solummodo duo contractus seorsim iusti, & liciti, & tamen Innoc. XI. duplicem istum contractum simul, & de industria initum inter

easdem personas cum intentione lucri *prop.* quæ num. est 40. *inter 65.* damnavit. Et equidem hisce contractibus cum diversis, vel cum eodem diverso tempore celebratis contingere nequit tantum damnum socio aggravato, sicuti si cum uno eodemque tempore celebrentur, cum idem eodem tempore plura subire debeat damna, nempe fortis, industriæ, lucri conventi; unde servari nequit æqualitas. Nam quæ æqualitas verificari unquam poterit, si alter contrahentium totum damnum subeat nedum operam, & industriæ perdituram, verum etiam novo oneri obnoxius fiat reponendi integrum capitale, & alter nullo damno subiceat, imo etiam lucrum reportet; & quod peius est ac damnabilius, ipsum reportare lucrum, & nullum pari damnum titulo fundato in contractu societatis, qui, ut iam diximus, non amplius extat utpote qui destructus sit a passionibus; quibus novus contractus initus est. Hinc manifeste apparet iniuria socio illata, qui est socius solius nominis, & revera mutuatarius usura iniusta sub specioso pallio occultata gravatus. Non ita vero, quando contractus illi celebrentur cum tribus sociis, vel cum eodem diverso tempore, quandoquidem ita nemini irrogatur iniuria, dum revera servetur æqualitas inter datum, & acceptum; & licet tandem ita contrahens certum lucrum sine ullo suo periculo reportet, hoc est fructus suæ solertiæ, quia ex tali lucro nullus gravatur.

Contractus hic, nempe trium contractuum licitus videtur esse posse saltem naturali iure cum assecuratione capitalis, si lucrum non vendatur, vel cum venditione lucri sine capitalis assecuratione, quia iste duplex contractus est liber à vitis contractus trium contractuum, & maxime ab illo, quod non degeneret in mutuum quod est illud, quod præcipue redarguitur in tribus contractibus. In hoc enim duplici contractus socius alter, qui pecuniam assecurat, non sit dominus pecuniæ, quæ collata fuit in societatem, eo quod teneatur uti ea pecunia in negotiatione, de qua cum altero, qui pecuniam posuit, conventum est, ut nempe qui pecuniam dedit, ex ea fructus percipiat, si aliqui ex eadem pecunia proveniant. Quod si lucrum vendatur sine fortis assecuratione, multo minus alter dominus erit pecuniæ, cum in tali casu si pereat, ei peritura sit qui in societatem eam contulit.

Insuper contractus huiusmodi est, quod is cui fors sua assecuratur, periculum subeat. Ut autem periculum in utroque æquale sit,

facit

fatis est, ut summa, quam unus tradit ad obtinendam rei suae assecurationem plane aequivaleat periculo, quod alter subit in societate animalium: item ut summa hæc vere solvatur assecuranti, non fide prout fieri solet in contractu trium contractuum. Et ita res se habet: 1. enim, ut supponit Tournel. cum Sylvio, qui rem suam assecurari curat, iustum pro hac assecuratione pretium solvit. 2. Pretium illud non fide, sed vere solvitur, etiamsi nihil a societate percipiatur lucri, adeoque eo sensu perditur. 3. Si nullum ex societate sit lucrum, unusquisque sociorum damni huius partem sentit. Horum autem nihil reperitur in contractu trium contractuum; hinc ut iniuri, & illiciti redarguitur.

Quare ut hic contractus iustus sit, ac licitus, tres observandæ sunt conditiones. Prima videlicet quod pecunia tradatur pro exercitio, seu usu lucroso, nempe ei tradatur qui illa usurus sit in negotiatione, vel in exercitio alicuius artis; ut ait D. Th. de pecunia conferenda in contractum societatis: *Qui committit pecuniam suam vel mercatori, vel artifice per modum societatis cuiusdam ... ita quod mercator de ea negotiatur, vel artifex operatur*. Imo non est tradenda nisi ei, qui se obligat illam impendendi in negotiationis, vel in alicuius artis exercitio. Nam si ex pacto ita non destinetur, sed ad alium usum sterilem, puta ad solvenda debita, vel ad non lucrativam donationem, iam tunc est simplex mutuum, & lucrum ex ea perceptum est aperta usura, cum vera non sit societas, sed fide. Et ita dicito si pro quovis alio simili usu conferatur. Secunda, ut lucrum certum, quod exigitur, sit adeo moderatum, ut attentio capitali, quod confertur spe lucri maioris, omnia compen'sentur onera contractus societatis, & in hoc credo, quod regula securior sit loci consuetudo. Tertia, ut contractus assecurationis capitalis fiat ad instantiam alterius socii, qui ponit operam, taliter quod hic socius non solum demonstraret se voluntarie talem contractum assecurationis amplecti, sed sponte eundem cupiat, & exquirat, ita ut nullo modo ratione pecuniæ sibi collatae ad negotiandum videri possit impulsus ad assecurandum; alias tunc ratione virtualis mutui videretur contractus fuisse ad obligationem assecurandi capitale. Ita Tourn. cum Sylv. Salmat. & aliis.

§. III.

De contractu societatis animalium.

Contractus societatis animalium ita appellatur, quia in hoc contractu animalia locum tenent fundi, seu capitalis, & definitur potest, *duorum vel plurium conventio, quorum alii certum quendam numerum animalium in societatem conferunt; alii vero hæc animalia servant, & pascunt, ut ex fructibus lucrum percipiant*. Veri mo-
di inco-
di huc
contra.
Cum.

Huiusce autem societatis contractus multipliciter iniri potest. Nam fieri potest ut accipiens animalia in societatem solvat mediam partem capitalis, five ex novis sociis, five ex propria pecunia, vel ut hæc non solvat. In secundo casu periculum pertinet ad eum, qui dedit capitale, & hic totum capitale recipit, nisi casu fortuito perierit. In primo vero casu periculum pertinet ad utrumque, & cum in hoc casu capitale factum sit commune, simul cum lucro ex æquo dividitur. Hunc contractum esse licitum omnes conveniunt. Etenim non minus licet dare in societatem animalia villico quam pecuniam mercatori, unde si posterius non est illicitum, nec erit prius, dummodo debite serventur conditiones: Prima videlicet, ut cum animalia pereunt

fine culpa, vel dolo accipientis, idest villici, non pereant accipienti, sed ei qui animalia in societatem contulit, quia sicuti qui pecuniam tradidit in societatem, manet dominus pecuniæ, ita tradens in huiusmodi contractu animalia, manet dominus animalium. Unde si in casu pecuniæ ipsa perit domino, sic in casu animalium, animalia domino pereunt, cum semper verum sit rem domino suo perire, nec aliorum titulo ex animalibus in societatem collatis lucrum participare potest quam titulo domini, qui in istem animalibus ipsi servatur, & manet. Ita decidere possumus cum Concilio Mediol. I. & Burdigal. anno 1578. quod ab Apostolica Sede in omnibus fuit approbatum, videlicet quod circa sortem non semper fiat pactio ut semper sit salva, & semper domino pereat, dummodo perire non videantur dolo, vel negligentia alterius socii, qui ea custodienda & curanda suscepit, non fortuito. Addeque quod si animalia dentur æstimata, ita ut fors dantis salva sit, nihil omnino percipi possit. Et equidem sublata communione in damno, nulla communio esse potest, seu societas in lucro. Secunda conditio est, ut accipiens

villi-

Conditio
nes et
Contra
sus trium
contra.
duum si
cite fiat.

Conditio.
nes ad
iustitiam
tal' e con-
tractus.

villicus v. g. animalia, curet, pascat, & conseruet, & sincere rationem reddat cuiusvis lucri percepti. Nam hic solus titulus fidelis custodiæ dat ei ius, & rationem, ut suam in lucro partem ipse habere possit. Tertia conditio est, ut in divisione proventuum, seu lucri ferretur æqualitas; ita ut tradens, proportionatam capitali suo, nempe animalibus ab ipso positis in societatem, accipiens vero adæquatam labori, & industriae partem recipiat.

Et ne æquitas in tali contractu lædatur, & licitus sit, servanda sunt ea quæ proximè præscripta sunt in duobus contractibus ineundis, scilicet quod dans semper subeat suum periculum, nec ipse aliis contractibus eidem omnino se subtrahat, quia tunc proprius perit societas, & contractus transit in merum contractum mutui, in quo nihil supra sortem exigi potest; ideoque si fiat affectuatio sortis, non debet addi etiam venditio lucri; & si lucrum vendatur incertum maius, quod ex societate speratur pro minori certo, non debet intervenire sortis affectuatio; his enim positis modis, servabitur societas, & iustus erit contractus, licitumque lucrum; alias iniquus fiet contractus, quia dissolvitur societas, & lucrum quod percipitur, iniustum erit, & illicitum.

Circa vero locationem animalium servetur consuetudo loci, ea tamen quæ currit apud homines probos & timoræ conscientie.

Societas
quatuor
modis
finitur.

Societas vero quæcumque quatuor præcipue modis finitur, & dissolvitur, scilicet ex personis, ex rebus, ex voluntate, ex actione. Ex personis dissolvitur societas per mortem naturalem unius socii, licet cum pluribus contracta fuerit, & plures supersint, *Leg. Societatem 4. Leg. Verum 63. §. 10.* Nili tamen in coeunda societate secus convenerint socii, hæredes defuncti non succedunt, cum consensu electa industria personæ, vel novo consensu ineatur societas, *Leg. actione 65. §. 9. ff. pro socio & Leg. nemo potest 35.* Et hoc extenditur etiam ad mortem civilem alicuius socii, quæ contingit per exilium, vel professionem religiosam, *Leg. iuribus, & §. Minor 2. Instit. de capitis diminut. quia cum electa consecratur industria personæ, & ignoretur qualis futura sit industria hæredis exulis, vel prosceli, non potest hæres in eius locum succedere, nisi novo consensu ineatur societas *Leg. nemo potest 35.* Item dissolvitur societas per maximam & mediam capitis diminutionem, non vero per minimam, ex *cit. Leg. verum*. Capitis autem diminutio quid sit habetur in *Instit. in hoc**

tit. ubi ita: *Est autem capitis diminutio prioris status mutatio, eaque tribus modis accidit; nam aut maxima est capitis diminutio ... cum aliquis simul civitatem, & libertatem amittit, ut accidit iis qui servi pœna afficiuntur, vel libertis, & ingratiss contra dominos condemnatis, vel iis, qui se ad pretium participandum venduntur passii sunt: aut minor, cum civitas quidem amittitur, libertas vero detinetur, ut accidit ei cui aqua & ignis interdictum fuerit, vel ei qui in insulam deportatus est: aut minima, cum civitas detinetur & libertas, sed status hominis commutatur, ut accidit iis, qui cum sui iuris fuerint, caperunt alieno iuri subiecti esse, vel e contra, veluti si filius a patre mancipatus est, capite minuitur, quia nullum caput habet; servus autem manumissus capite non minuitur, quia nullum caput habuit. Quibus autem dignitas magis quam status mutatur, caput non minuitur.*

Ex rebus dissolvitur societas, quando fors capitalis perit in totum, vel conditionem ita mutavit, ut non amplius sit in commercio hominum, quia v. g. facta est religiosa, & Deo consecrata, *cit. Leg. verum §. 10.*

Item societas dissolvitur publicatione bonorum *cit. Leg. verum §. 10.* Item dissolvitur per cessionem bonorum, cum quis ære alieno, & egellate oppressus cedit bonis suis, §. *item si quis 8. Instit. de societate*.

Ex voluntate dissolvitur societas per renunciationem, *cit. Leg. verum §. 10.* ubi sic: *Voluntate dissolvitur societas renunciatione. Item finitur societas finita negotiatione *Leg. actione §. 10.**

Ex actione dissolvitur societas iudicio, & auctoritate, idest quando excitata inter socios controversia dirimitur per iudicem dissolvendo contractum *Leg. actione 65. in principio §. pro socio.* Item actione dissolvitur per stipulationem, idest per novationem seu delegationem, quando unus socius non renuens, sed potius altero acceptante, obligationem suam, quam contraxit versus ipsum in celebratione contractus, in tertiam personam transfundit, quam delegat, vel unam in aliam obligationem commutat, *cit. Leg. actione in principio.* Item quando socii non inter se separatim agere incipiunt, & unusquisque eorum sibi negotiatur, *Leg. itaque 64. §. pro socio.* Item quando ipsa actio petit, *Leg. cit. verum 65. §. 10.* Perit etiam actio temporis conventi lapsu, idest actione finitur societas finito tempore ad societatem constituto *Leg. actione §. 6.*

Q

Fi-

Instit. Theol. Moral. Tom. III.

Finita societate attenda natura contractus, si alter contulit capitale seu pecuniam, & alter suam meram industriam & operam, non maioris valoris dictæ pecuniæ, seu rei, capitale restituendum est ei a quo fuit collatum, solumque lucrum dividendum est inter socios ad æqualitatem iuxta tamen proportionem rei collatæ, ita ut qui plus contulit, maiorem, qui minus, minorem portionem lucri accipiat, ut in *L. societas 6. ff. pro socio*. Si vero finita societate nullum sit lucrum, adhuc capitale reddendum est ei, qui illud contulit, & si forsan hoc perierit, totum conferentis perit, dummodo perierit sine culpa lata, vel levi socii, cui collatum fuit. Ita cum communi Cambiis.

Advertendum tandem quod finita societate in dividendo lucro si nullam regulam præscribat ius pro tali divisione, nec pactum inter socios præcesserit, tunc divisio facienda est iuxta probatam consuetudinem cuiusque loci, seu regionis; quia quando nihil conventum est in contractibus, & iura nihil determinate præscribunt, illud actum esse præsumitur quod consuetum est, *L. quod si nollis 31. §. 20. ff. de adilit. edito*. Concludendum enim est ius non scriptum, (ut suo loco dictum est) seu ius quoddam moribus utentium comprobatum quod pro lege suscipitur quando lex deficit.

CAPUT VIII.

De Cambio.

§. UNICUS.

De Cambii natura & divisione.

Unde
nom-n
Cambii
& quid
impor-
tet.

Cambi vocabulum venit a verbo *cambiare*, quod apud omnes idem significat ac permutare; idcirco cambium late sumptum idem est ac permutatio: stricte vero, & prout ad præsens intentum spectat, sumitur pro sola pecuniæ permutatione; & secundum hanc acceptionem communiter definitur contractus, in quo pecunia pro pecunia secundam quantitatem, vel speciem, vel locum diversa commutatur cum lucro campariis. Unde dicitur 1. a quacunque alia permutatione, quia non pecunia, sed res commutantur, ab emptione & venditione, in qua pretium pro merce, & merx pro pretio permutatur, non pecunia pro pecunia. 2. Differt a mutuo, tum quia cambium non perficitur, nisi facta utriusque traditione pecuniæ, quæ etiam fieri potest tempore eo-

dem; in mutuo vero sors, seu pecunia, vel alia res datur necessario alio tempore reddenda; tum quia cambium fit tantum in pecunia, mutuum vero etiam in aliis rebus; tum etiam quia in cambio intervenit aliqua diversitas vel quoad pecuniam, vel quoad locum; in mutuo vero res eadem, & eodem loco reddi potest. 3. Differt a deposito, quia per depositum non transiuntur rei dominium in depositario; per cambium vero transiuntur a cambiario in campiosem, & e contra a campiosem in cambiarium. Omnis enim permutatio utrinque donationem requirit. Differt tandem cambium a censu, cum in censu detur pecunia pro iure ad annuam pensionem exigendam. Hinc campior ille dicitur qui in gratiam alterius pecuniam permutat, seu qui dat ad cambium ut lucretur; camparius vero dicitur ille, in cuius gratiam fit pecuniæ permutatio, seu qui recipit ad cambium, & dat lucrum.

Cambium duplex est, nempe reale scilicet seu verum, & siccum seu fictum. Cambium reale, seu verum est vera pecuniæ commutatio, idest cum realiter pecunia cum alia pecunia commutatur æqualitate servata inter datum & acceptum, puta monetarum aurearum cum argenteis, & infra, præsentium cum absentiis, unde iustus adit titulus lucri moderati, & taxati aut a lege, aut a consuetudine approbata, aut peritorum iudicio. Cambium vero siccum est quando datur quidem pecunia pro pecunia, sed absque ulla rei alteratione, loci, aut circumstantiarum; unde delit iustus titulus moderati illius lucri, & ideo dicitur siccum, quippe quod careat honore fructuum afferendi. Hoc autem contingit, quando campior dat pecuniam campario cum pacto, ut sibi talis pecunia solvatur in alio loco distanti eo solo pretio solito dari pro similibus locis distantibus, licet campior certo sciat camparium non habere pecuniam, nec correspondentem in tali loco distanti; adeoque certo credat pecuniam in eodem priori loco, ubi eam dat, sibi esse reddendam. Quare cambium siccum revera est fictum, quia hoc cambium pecunia non vere permutatur, sed permutari fingitur; ideoque in hoc cambio non habetur ulla alia ratio ad lucrum exigendum, nisi temporis, idest pecuniæ nunc datæ post certum tempus recipiendæ. Hinc patet hoc cambium apparet & fictum esse verum ac merum mutuum, & sic vera, meraque usura est lucrum, quod ab eo accipitur, idcirco iniustum, & restituendum, ut iam declaratum fuit a felic. record. S. Pio V. in sua Bulla

Cambium duplex, reale, & siccum, seu fictum.

Bulla edita Kalendis Februarii anno 1577. quæ incipit *In eam pro nostro*, in qua damnat eiusmodi cambia siccæ, ut in ipsa expresse habetur; & hæc sunt verba: *Dammamus ea omnia cambia, quæ siccæ nominantur, & ita confinguntur, ut contrabentes, ad certas nundinas, seu ad alia loca cambia celebrare simulent, ad quæ loca si qui pecuniam recipient, litteras quidem suas cambi tradunt, sed non mittuntur; vel ita mittuntur, ut transito tempore unde processerant inanes referantur; aut etiam nullis huiusmodi litteris traditis pecunia illi denique cum interesse recipitur, ubi contractus fuerit celebratus. Nam inter dantem & accipientem usque a principio ita conveniat, nec quisquam est qui in nundinis, aut locis prædictis huiusmodi litteris receptis solutionem faciat... quæ usuraria esse declaramus, & ne fiant districte prohibemus.* Cambium huiusmodi proscriptum fuit, & damnatum ut usurarium etiam multo ante Pium V. ab Urbano III. cap. consuevit 10. de usuris.

Cambium verum dicitur, quod duplex, manuale, & locale.

Cambium autem reale, seu verum dividitur in manuale seu minutum, & in locale seu per litteras, & temporale, seu ad certum diem. Manuale, seu minutum est quando prælens pecunia actu, & de manu ad manum pro alia diversæ speciei, & rationis commutatur, ut aurea cum argentea, maior cum minori, patria cum externa, & non currente, nova cum veteri, aut moneta deficiens iusto pondere cum alia iusti ponderis. Dicitur etiam cambium minutum, quia in eo frequenter pecuniæ grandiores commutantur cum minoribus pro usu commo- do ad res vulgares, necessariaque emendas, & minores cum magnis pro maiori facilitate ad alio transporandas, & recondendas. Locale cambium seu per litteras, est permutatio pecuniæ prælensis cum dilanti, ut si hic des campiori pecuniam, ut eam per litteras cambi amico tuo, vel correspondenti, vel tibi Romam eunti restituendam curet. Temporale vero illud est, quo hodie v. g. datur pecunia; puta centum nummi, ut post duos, vel tres menses reddatur eadem pecunia cum duobus nummis supra centum; & hoc celebre cambium, quod alij Lugdunenſe appellant quasi Lugduni in usu positum, alij Nannetenſe, alij Francofurtenſe.

Cambium, quando realiter fiat sive sit manuale, sive locale, licitum est, quia utile est reipublicæ, imo & necessarium, & nil mali in se continet. Utile quidem est reipublicæ, & necessarium, & ad finem

hunc talis negotiatio indulta est, cum reipublica maxime indigeat cambiorum usu, seu negotiatione, cuius ope subvenitur multorum indigentis, multorumque damna vitantur, & incommoda, cum multi indigeant pecunia minori, multi maiori, idest pretiosiori. Nemo enim non videt quantum prolit reipublicæ cambiorum usus pro sustinendis nundinis, mercaturis, commerciis commutando pecuniam pariam & currentem cum externa non currenti, quantum pro obsequiis in longinqua itineribus, aut prohi- contraſtibus peragendis, commutando per litteras pecuniam præsentem cum absente; idcirco ob hunc finem, idest commune reipublicæ bonum inter cæteros cambium approbavit S. Pius V. citata sua Bulla de cambiis *In eam pro nostro*, in qua declarat cambiorum usum legitimum, eo quod necessitas publica, & utilitas cambium induxit, & id etiam comprobatur per ius commune tum civile in cap. de usuris, tum etiam canonicum in cap. naviganti 19. de usuris, dummodo tamen servantur conditiones, quæ in cit. Bulla S. Pii V. præscribuntur. 1. Quod campior non pacificatur de aliquo lucro rationis dilatæ ultra terminum. 2. Quod non pacificatur de certo intereſſe sive a principio celebrationis cambi, sive ex post. 3. Quod cambia realia aliter non fiant nisi ad proximas nundinas. 4. Quod in terminis solutionum constituendis habeatur ratio longinquitatis, ac vicinitatis locorum, ad quæ solutio destinatur.

Quod vero cambium quando legitimum sit nihil habeat mali facile deprehenditur, nam si quid in eo redargui posset, hoc gerre esset, quod vi cambi aliquid a campfore supra datam summam recipiatur, sed hoc culpæ nequit eo quia id iusto titulo fiat, scilicet impensarum, operæ, incommodi, laboris in tali officio, sine quibus non potest campior omnis generis monetas colligere, ut satisfaciatur curibet eis indigentibus; pariter quia habet correspondentes, ministros, domum, aliaque huiusmodi generis hunc commercio necessaria conducit, ut iam dictum est de montibus pietatis: lucrum tamen debet esse moderatum, & secundum loci consuetudinem.

Negotiationem cambi licite exercere potest quæcumque persona privata, non destituta a republica ad hæc negotia, & aliquod lucrum percipere ex hoc contractu, quem ex libero suo arbitrio exercet, quia non Principis destinatio, vel permisso facit licitum, sed rei æquitas, idest si alterius ius cum eius iniuria, & damno non violatur. Unde

Conditiones ut Cambium sit licitum.

si licita sunt lucra ex cambio, quod exerceatur ex Principis destinatione, vel permissione, licetum erit etiam si cambium exerceatur sine publica deputatione, vel permissione, dummodo sine illius iniuria, & damno exerceatur. Imo etiam si res publica suo decreto cambium exercere privatis personis prohiberet, peccaret quidem privatus ea exercendo ob inobedientiam Principi, ac pœnas subire deberet indistinctas contra transgressores, non tamen eius contractus essent invalidi, & servata iustitia pretii obnoxii non essent restitutioni. Excipe tamen si cambia privatorum cederent in grave reipublice damnum. Ita Lessius cum aliis communiter.

Famulus, qui pecunias aureas acceptas a domino, ut ipsas pro solutione deferat ad aliquem ipsius domini creditorem, ante congnationem earundem creditori illas commutat cum argenteis cum acquisitione ex hoc cambio alicuius lucri, si cum illa pecunia argentea satisfaciatur integre creditori intra debitum tempus, nec graviter peccat, nec ad restitutionem tenetur, dummodo tamen hæc tria concurrant. 1. Quod dominus non teneatur ex pacto creditori solvere in specie pecuniam auream, ideoque plene satisfaciatur etiam per argenteam æqualis valoris solvendo. 2. Quod famulus non plus a creditoribus possit in utilitatem domini consequi, seu auream, seu argenteam monetam eis tradat. 3. Ut famulus nec exprellum, nec præsumptum mandatum habeat a suo domino, ut eandem pecuniam in specie tradat, aut forte eandem permittendo ipsi domino lucretur, sed proprio nomine, & periculo cambium illud instituat: nam per tale lucrum a famulo acquisitioni nullius ius læditur, id est non creditoris, quia sicuti illud exigit, ei solvitur ad æqualitatem, quantum ipsi erat debitum, nec potius in pecunia in uno genere quam in altero: non violatur intentio creditoris, qui sicuti ius non habet, ita nec intendit pro solutione sui crediti quod ei illud solvatur in una specie pecuniæ, vel in altera, sed tantummodo quod solvatur: non violatur intentio domini debitoris, qui dum alias non præcepit famulo, intendit solummodo ut debitum extinguatur, seu præcise ut extinguatur ius, quod contra ipsum habet creditor, quod æque extinguatur in moneta aurea ac argentea, dummodo sit ad æqualitatem quoad valorem legalem in tali loco, & tempore, quo solvitur, dummodo aliter non conventum sit. Unde patet quod ex tali lucro nullam

incurrat obligationem restituendi, utpere quæ non exurgat ex læsione iuris alterius, vel ratione rei iniuste acceptæ, vel iniuste acceptionis, eo quia nullus in suo iure, vel intentione lædatur; & eo vel maxime quia id quod acquiritur ex pecunia natura sua sterili, non est fructus rei, sed industria; ideo lucrum illud non acquiritur domino, nec creditori, sed famulo industriam suam applicanti, non secus ac commodatarius, & depositarius; imo & ipse fur, vel quilibet iniustus possessor alienis pecuniis negotiando lucrum non damno, sed sibi acquirit, dummodo alias dominum indemnem servet; & ita cum D. Th. 2. 2. *quæst.* 103. *art.* 3. Doctores communiter. Quod si dominus expresse committat famulo, ut pecuniam in illa specie auri deferat, & solvat creditori, tunc si famulus contra expressam domini, & præsumptam voluntatem creditoris eam quomodocumque commutet, peccat graviter, & tenetur ad omnem damni restitutionem inde creditori fecuti, quia creditor in hoc casu ius habet secundum domini voluntatem, & iustitiam recipiendi a servo pecunias aureas in tali specie sibi destinatas, & per consequens damnum emergens, & lucrum exinde cessans compensare famulus tenetur.

Cambium vero temporale, seu ad tempus solutionis, sive ut aiunt, ad nundinas ubicumque exerceatur, cum ipsi desine conditiones veri, & legitimi cambii, nempe permutatio pecuniæ vel quoad speciem, vel quoad locum, caret iusti titulis, quibus ad reportandum lucrum exerceri possit, sive fiat Lugduni, sive Francofurti, ac semper est usurarium ubicumque fiat, cum sit verum, & merum mutuum, quia in hoc cambio datur hodie pecunia cum obligatione eandem reddendi post aliquod tempus, puta tres menses cum auctario, & hoc auctarium fingitur exigi Lugduni, ut exigatur prout pecunia magis, vel minus valet per tres menses proxime elapsos, qui percurrunt inter singulas nundinas, ut cæteroquin pecunia recipiatur eodem loco, ubi data fuit; ideoque est illud cambium, quod siccum dicitur, cum non habeat nisi distantiam temporis, ac proinde est simplex mutuum, & usurarium est lucrum ex tali ficto cambio perceptum.

Nec ullatenus obstat contra cambium verum, & reale, in quo lucrum pro labore, & incommodo percipitur, interdum fieri quod campfor sine labore, & incommodo, imo cum suo commodo id efficiat, quia hoc provenit per accidens ex eius cura, industria,

Cambium
temporale
est ad
nundinas
ubi est
usurarium.

stria, & officio, pro quo sustinendo quamplures operæ, & impensæ præstandæ sunt, cum revera suscipiat campior onus laboriosum simul & periculosum. Sic Tourneleius, P. Antoine cum aliis.

CAPUT IX.

De Censibus.

§. UNICUS.

De natura & divisione Censuum.

Census nomen deducitur a censendo, ut habetur ex Leg. *Thoma ff. de censibus*, & diversimode hæc vox adhibetur, videlicet aliquando prout facultates singulorum civium recensendæ sunt, seu describendæ, aut æstimandæ, ut iuxta singulorum quantitatem proportionaliter tributa solvantur; & inde derivatum est, ut præcipue significet tributum, quod pro capite exigitur, id est dum Princeps iubet singulorum personarum capita in catalogo recenseri seu describi, vel ad distinguendos diversos status in ordine ad distributionem munerum seu pacis, seu belli iuxta singulorum habilitatem, ut notat *Buddæus Leg. ult. ff. de Senatu*; vel ut quantum sit eius imperium sibi innoscat, ut singulis onus tributum imponat, sicuti legimus factum fuisse a Cæsare Augusto. Hoc autem tributum dicitur census, de quo Christus interrogatus fuit a Iudæis Matth. 22. an liceret illud dari Cæsari: *Licet censum dare Cæsari, an non?* Unde Censores dicebantur, qui præficebantur ut talem conficerent populi descriptionem, & tributa in singula capita iuxta eorum facultates imponerent. Insuper sumitur pro omni eo, quod in signum subiectionis, & imperii alteri solvitur, ut in cap. *Quæstum 4. caus. 1. quæst. 3.* ubi sic: *Salvo utrique Episcoporum censu annuo, quem ab eisdem altaribus habere soliti sunt.* Tandem prout spectat ad nostrum propositum, proprie & stricte census sumitur in præsentem pro illa obligatione, qua quis alteri obligatur aliquos redditus annuos, vel mensiuos tribuere, & in hoc censu census est *ius percipiendi pensionem annuam ex re alterius, vel persona, quæ sit utilis, vel fructifera.*

Definitio
census.

Dicitur *ius percipiendi pensionem annuam*, quibus verbis indicatur census non esse rem ipsam, vel personam quæ censui subicitur, nec ipsam pensionem quæ solvitur, sed facultatem, seu ius, vi & ratione cuius emptor census potest annuatim exigere certam

Instit. Theol. Moral. Tom. III.

pecuniam, aut fructus ex alterius re, quia venditor pro certa quam mutuo recipit, pecunie summa, seu re alterius æquivalenti, constituit ei, ac vendit ius talem pensionem quotannis, vel alio definito tempore recipiendi. Dicitur *2. ex re alterius utilis*, &c. quibus verbis indicatur census differre ab emphyteusi & feudo, quia in emphyteusi, & feudo dominium directum manet penes dominum, utile vero transit in emphyteutam, & vassalum; secus vero sic in censu, in quo censuita, seu censuallista nullum habet dominium in re censuali (quæ proinde est alterius), sed solummodo ius habet percipiendi ex re, puta dono, vinea, agro &c. vel ex persona fructifera, id est si aliquid live ex officio, live ex labore, & industria lucrari possit, certam pensionem prout in contractu conventum fuit, unde venditor census, id est qui se obligavit ad solvendam annuatim certam pensionem, dicitur censuarius, qui vero pretium dedit, ac ideo census seu ius ad annuam illam pensionem ex re alterius emit, appellatur censuallista. Ita *Salas tract. de censibus* dicit hanc esse appellationem magis communem, cum cæteroquin hæc duo vocabula promiscue adhibeantur, id est tam pro vendente quam pro emente ius census, seu tam pro creditore quam pro debitore.

Census dividitur *1. in reservativum, & 2. in consignativum.* Reservativus est, quo quis transiit rei suæ utilis & fructiferae in alterum dominium directum & utile, reservans sibi super tali re ius, & facultatem certam pensionem annuatim percipiendi. De tali censu loquitur *Lex ult. cod. de rer. permutat.* & de hoc habetur *Geneseos 47.* quando Ioseph dedit Egyptiis terras prius dominio Pharaonis titulo permutationis cum tritico subiectas sub annuo censu præstando. Ad hanc autem speciem pertinent census Donucales, qui dominis competunt, eo quod translata in aliquos particulares fundorum quorundam proprietate, aliquam sibi ex eis pensionem relieraverint quasi recognitionem. Census vero consignativus, de quo hic sermo habetur, est ius percipiendi annuam pensionem ex re, vel persona alterius ex constituto pretio acquiritum, seu est ius quod quis dato & constituto alteri personæ pretio ac eadem emit, ut certam quotannis pensionem percipiat iuxta taxam Principis, & locorum leges. Unde hic census consignativus est quædam species emptionis & venditionis, de quo habetur in iure canonico in Extravaganti Martini V. &

Census
divisio.

summa erogata ei restituitur, hæc nihilominus iudicio prudentum non violant æquitatem, tum quia summa illa in tot portiones divisa, & tot annorum decursu eroganda tanti æstimatur quanti totum capitale simul datum, quamvis in summa longe minori, imo capitale pluri æstimatur, eo quod absque incommodis, periculis, eventibus totum simul recipiatur, cum alioquin in exigendis pensionibus singulis annis sæpe varia sint incommoda superanda. Et si ex hoc capite census realis esset illicitus, etiam emptio agri pro centum ducatis esset illicita, cum uterque contractus sit eiusdem conditionis.

Census irredimibilis naturalis laicus. Census irredimibilis iure naturali est licitus, quia sicuti licita est venditio rei irredimibilitate eiusdem adnexa, ita venditio iuris ad percipiendum fructus ex re, quæ est quedam partialis venditio rei irredimibiliter celebrata, erit licita. Notandum quod longe pluri emendus sit census irredimibilis quam redimibilis, ut patet, ad hoc ut fiat iusta æqualitas. De iure autem ecclesiastico, sive canonico per Martinum V. Callixtum III. vetitus fuit. In Bulla tamen Pii V. dummodo eius forma servetur, connumeratur inter bona immobilia, & servata eius forma, licitus est.

Census redimibilis ad beneplacitum censuarii, seu venditoris, iure omni licitus est. Etenim in hoc casu ita celebrato tollitur prorsus omnis usuræ suspicio. Tenetur tamen censuarius, ut monent Doctores, quandoque census redimere velit, tempore congruo, nempe aliquorum mensium censualistæ id notum facere, ut ipse quoque negotiis suis consulere valeat. Insuper advertunt esse valde indecens, si censuarius paucis mensibus, vel vix anno elapsis census redimere velit. Conditio aliquando apposita, ne redimatur v. g. ante quinquennium, vel nisi infra quinquennium redimatur, census irredimibilis fiat, si apponatur a censuario, dummodo iustum pretium interveniat, non est iure naturali iniusta; quia si secundum iura omnia redimere potest quando voluerit, potest pariter si ita velit conditionibus istiusmodi se obstringere. Si vero prælatæ conditiones apponantur a censualista, videtur rationabilius quod exigendo tali tempore irredimibilitatem illicite agat, & animum usurarium palliet. Si vero velit ut census fiat irredimibilis, si post longum tempus, puta saltem viginti annorum non redimatur a censuario, videtur quod hæc conditio non possit esse iniusta, dum-

modo tamen pensio solvenda proportionabiliter minuatur, quia, si ut iam antea probatum fuit, census institutus irredimibilis a suo principio, licitus est, certe etiam in tali casu adiectio huiusce irredimibilitatis facta pensionis imminutio, non erit illicita. Conditio vero redimibilitatis census ad nunc censualistæ secundum probabiliorem cum Soro, Covarruvias, & aliis, quos hic reterunt Salmanticenses, est illicita, quia talis contractus transit in contractum meri mutui sceneratiæ sub pallio census. Etenim usura aliud non est, nisi mutuum datum cum onere restituendi tantundem cum lucro, licet mutuator se obliget non repetitum sortem ad annos plures, dummodo lucrum ex vi mutui reportet. Idem plane omnino evenit in censu reali redimibili ad nunc censualistæ, quia est erogatio pecuniæ cum debito ut restituatur ad libitum erogantis præmonendo mutuatarium aliquibus mensibus ante, & cum pacto ut interim lucrum tot, v. g. quinque pro centum, solvatur. Nec ullatenus suffragatur quod hic responderi potest, nempe in mutuo lucrum reportari ex vi mutui; in tali vero censu ex vi emptionis iuris percipiendi tot fructus, qui tot ducatis annuis æquivalent. Nam in censu tali modo convento emptio est mere verbalis, nec alias vera, & realis iuris.

Census vero personalis, & mixtus, ubi recepta non est Bulla Pii V. ut in Gallia, Belgio, & alibi, vel per contrariam consuetudinem abrogata sit, iure naturæ licitus est, & nequaquam usurarius, ut communiter Doctores affirmant, dummodo tamen debitæ conditiones serventur, idest 1. quod ius pensionis exigendæ, quod in tali contractu emitur, iusto pretio quod a lege, vel a consuetudine constitutum est, ematur; 2. ut persona, vel res super quam emitur ius pensionis, sit fructifera ac lucrativa, idest persona talis, quæ sua arte, opera, vel industria fructum aliquem pariat, unde census solvere possit, sive possideat bona certa in re, vel in spe, ex quibus pensio retrahi valeat; 3. ne venditori obligatio imponatur census redimendi, tamen pretio eodem, quo emit, & quandoque velit liberum ipsi reddatur, ut census redimere possit. Et ratio eadem, quæ adducta est pro censu reali, valet etiam pro personali, & mixto, nempe quemquam etiam vendere posse, si pretio sit æstimabile, & vendibile sit, quod ut suum alteri legare, vel donare potest. Unde si quis titulo legati, vel do-

De Cen-
su per-
sonali.

nationis transferre potest in alterum ius percipiendi pensionem non solum ex re sua frugifera, sed etiam ex sua persona de lucris quæ ipsa facit suo labore, & industria, vel ex suis bonis saltem per alios, poterit etiam tale ius alteri vendere. Insuper super industria hominis constitui potest obligatio solvendi annuatim aliquid ex suis lucris per modum decimarum, vel tributorum, ex cap. *Ad apostolicæ & cap. Pastoralis de decimis*. Igitur videtur nihil obitare, quod similis obligatio etiam vendi possit, ac proinde si prima obligatio licita est, & hæc altera pariter licita esse debet. Et hoc comprobatur ex communi usu in Gallia, & Belgio, ubi census personales, ac mixti vigent, & neque a supremis Curis, & Prælatibus eorundem locorum reprobatum fuisse, nec a piis & eruditis viris unquam impugnati; sicuti procul dubio reprobandi fuissent & impugnandi, si usuræ, & iniustitiæ nota essent infecti.

Dixi in locis, in quibus recepta non est Constitutio, seu Bulla Pii V. vel si semel recepta, per usum, vel consuetudinem contrariam fuit abrogata; nam S. Pontifex ut ularis nomine census palliatis viam interdicere, suam Bullam edidit alias citatam, quæ incipit *Cum omnis* anno 1569. qua statuuntur quædam conditiones ad censum institutum, quibus non observatis declarat census esse usurarios, prima quarum est, ut census instituitur super re immobili, determinata, & fructifera; secunda ut tali re pereunte, vel sterili evasa, census pereat; tertia ut pretium a censuista in pecunia numeretur in ipso actu celebrationis contractus coram Notario, & testibus, ita ut solutio fieri non possit pecunia antea data & credita; quarta ne fiant pacta directæ, vel indirectæ ad casus fortuitos obligantia illum, qui alias ex natura contractus non obligatur; quinta ut non fiant pacta tollentia, vel restringentia facultatem redimendi aut alienandi rem censui subiectam; sexta, ut neque fiant pacta obligantia debitorem moralem ad interesse lucri cessantis, vel ad aliam poenam; septima, ne census augeatur ex non solutis pensionibus iam decursis; octava ne apponatur pactum, ut capitale a censuario invito repeti possit in poenam non solutarum pensionum, vel ob aliam causam. Conditiones hæc saltem quoad maiorem partem apostolicæ fuerunt antea etiam a prædecessoribus S. Pii V. scilicet a Ioanne XXII. lib. 3. tit. de *empt. & vendit.* a Martino V. & Callisto III. in suis Extra-

vagantibus relatis inter Extravagantes communes, ubi sequentes habentur præscriptæ conditiones ad hoc ut contractus census iustus censendus sit. Prima, ut determinata bona assignentur, & obligentur a censuario pro fundo census. Secunda, ut pretium pro censu constitutum perfolvatur a censuista totum & integrum. Tertia ut censuario relinquantur plena facultas redimendi sive in toto, sive pro parte quando, & ubi sibi placuerit. Quarta ut censuarius non possit compelli a censuista ad redimendum. Quinta, ut pereuntibus bonis assignatis pro fundo census hic extinguatur. Huiusmodi conditiones tametsi valde laudabiles sint, pariterque observandæ in locis, ubi diæ Constitutiones receptæ fuerunt, in locis tamen, in quibus non fuerunt promulgatæ, neque us receptæ, ut in Gallia, Hispania, Germania, Belgio, Sicilia, ut referunt Doctores, & præcipue Auctor *Æthicæ* Amoris, non obligant nisi tantummodo quoad conditiones a iure naturali requisiti.

CAPUT X.

De Emphyteusi, Feudo, Libello, habitatione, superficie & servitute.

§. I.

De Emphyteusi.

Emphyteusis a græco nomine *emponema* latine idem significat ac melioratio, ut voluit Speculator, & Accursius verbo *Emphyteusis Institus de locatione*, & iuxta Alciatum, aliove idem significat ac *implantatio*, seu *insitio*, quia ab initio nonnulli bona sterilia dabantur in emphyteusim, ut emphyteutæ eorum diligentia & labore per implantationem, insitionem, & culturam fructifera redderentur, ac undequaque meliorarentur *Leg. 2. 3. cod. de iure emphyteusis*. Verum usus postea invaluit, ut etiam bona fertilia, quæ non indigent melioratione, nemine reluctantæ traderentur in emphyteusim, ut constat quotidiana experientia. Qui rem in emphyteusim tribuit, dicitur dominus directus, seu proprietarius, & qui rem in emphyteusim accipit, appellatur emphyteuta, seu emphyteutecarius.

Emphyteusis est contractus, quo res immobilis conceditur quoad dominium utile, sub onere & obligatione annuæ pensionis proprietario retinenti dominium directum solvendæ; idque vel in perpetuum, vel ad unius vel plurium vitam, vel ad certum tempus, quod

Definitio
emphyteusis.

quod tamen non fit minus decennio. Emphiteusis differt a contractu locationis, 1. quia emphiteusis constituitur nequit nisi in rebus immobilibus, quæ cultura meliores effici possunt, locatio vero, etiam in rebus mobilibus; locatio conceditur infra decennium; emphiteusis vero ad tempus non minus decennio; in locatione maior exigitur pensio, quam in emphiteusi. 2. Quia per emphiteusim transferitur in emphiteutam utile dominium rei *Leg. 1. § 2. ff. si ager, vel fiscalis, vel emphiteusis*: per locationem vero non transferitur in conductorem utile dominium rei, sed usus tantum, seu commodum fructuum *Leg. non solum 39. ff. locati*. Item emphiteusis differt a venditione, quia per venditionem transferitur in emptorem dominium non solum utile, sed etiam directum, seu proprietatis rei venditæ, & non tantum res immobiliæ, sed etiam mobiles vendi possunt *Leg. si in emptione 24. § 1. ff. de contractu emptionis*, per emphiteusim vero transferitur solum dominium utile, & res tantummodo immobiliæ, non autem mobiles in emphiteusim concedi possunt, *cit. Leg. 1. § 2. si ager &c.* Insuper differt emphiteusis a mutuo, donatione, aliisque contractibus, per quos non solum usus, sed proprietates quoque transferuntur, nullumque ius in re tradita remanet penes tradentem. Item differt emphiteusis a feudo, quia in emphiteusi solvitur annua realis pensio; in feudo autem tantummodo personale servitium, ac fidelitas domino exhibetur, & præstatur a vassallo, si feudum sit verum nihil habens permixtum de emphiteusi.

Emphiteusis dividitur primo in ecclesiasticam; per quam bona quorum proprietates spectant ad Ecclesiam, monasterium, aliaque pia loca, colenda fruendaque conceduntur; & laicalem, per quam ita conceduntur bona, quorum proprietates pertinet ad laicum, vel laicalem potestatem. Emphiteusis ecclesiastica in hoc potissimum differt a laicali, quia in ecclesiastica requiruntur certæ iuris solemnitates, scilicet assensus Pontificis, in iis præcipue quæ non sunt solita concedi in emphiteusim, & necessitas, seu evidens Ecclesiæ utilitas iuxta dispositionem Extravag. *Ambrosia Pauli II.* quæ solemnitas non requiritur in laicali. Secundo dividitur emphiteusis in perpetuam, per quam res non ad certum tempus, vel certis personis duntaxat, sed in perpetuum colenda & fruenda conceditur; & temporalem, per quam res

colenda, & fruenda traditur solum ad tempus, vel ad unius, alteriusve vitam, aut generationem & familiam: unde dividitur ulterius in hæreditariam simpliciter, quæ facta est alicui cum facultate eam transfundendi ad quocumque hæredes in perpetuum five viri sint, five feminae, imo etiam ad extraneos; & in hæreditariam mixte, seu qualitate, quæ alicui concessa est pro se, suisque hæredibus non quibuscumque, & quomodocumque, sed solum qualitate hæredibus, ita ut sint hæredes, & simul etiam descendentes; & in non hæreditariam, seu ex pacto & providentia; & est illa, quæ alicui concessa est pro filiis descendentibus nulla facta mentione de hæredibus, ita ut pro successione ad hanc emphiteusim non requiritur, ut filius, & descendens sit hæres; idcirco potest succedere in hanc emphiteusim qui hæreditatem patris, vel ascendentis repudiavit. Emphiteusis igitur, ut ex dictis colligitur, debet esse perpetua, vel saltem ad decennium. Scriptura, seu instrumentum scriptum est de substantia contractus emphiteusis, ut ex *Leg. 1. cod. de iure emphiteutico*.

Emphiteusis laicalis, quando concessa est sine ulla expressione temporis, & personarum præsumitur perpetua, & transit ad hæredes omnes, etiam extraneos. Ita communiter teste Iulio Claro *§. emphiteusis quæst. 28. num. 1.* quia cum ex primæva emphiteusis institutione in perpetuum dari consueverit *§. adeo Instit. de locat. lib. 1. ff. si ager, vel fiscalis, vel emphis.* eidem institutioni conformari debet emphiteusis præsumptione iuris, quando in ipso contractu nihil in contrarium fuit expressum *Leg. ult. cod. de legatis*. Sic etiam præsumitur, & transit ad hæredes omnes etiam extraneos emphiteusis laicalis, quando concessa est eum clausula *pro se, & hæredibus suis*.

Circa vero Emphiteusim ecclesiasticam, quæ dari consueverunt in emphiteusim, si vel tempus elapsum est, vel defecerunt legitimi successores, potest Prælati Ecclesiæ, vel Monasterium ea de novo tradere in emphiteusim sine iuris solemnitatibus, dummodo eadem, vel similis utilitatis causa existeret, quia ut bona Ecclesiæ dicantur solita concedi in emphiteusim, requiritur unica concessio expressa solemniter & valida, ut *Rota part. 1. tom. 1. decis. 176. num. 42.* & eo magis quia bona semel facta alienabilia remanent perpetuo alienabilia, *Rota part. 16. decis. 155. num. 17.* Quod si bona Ecclesiæ solita dari in emphiteusim denovo in-

cor-

damno tenetur. In omni enim contractu in gratiam utriusque celebrato oritur obligatio ex culpa lata, & levi, *Leg. si ut certo 4. §. 2. ff. mandati. 2.* Tenetur certam pensionem in pecunia, vel in fructibus domino directo statutus temporibus solvere; alioquin amittit rem emphiteuticam cum omnibus expensis, quas subiit pro ipsius melioratione; & talem pensionem, si solummodo hanc solvat in recognitionem domini, ac inde modica sit, & tenuis, tenetur eam solvere, tamen obsterilitatem, vel hostium incursionem, aut casum alium fortuitum paucos, aut etiam nullos colligat fructus, quia modica pensio fructibus annorum praecedentium, & sublequentium facile, abundeque compensatur, unde non liberatur ab onere solvendi talem modicam pensionem, nisi fundus emphiteuticus pereat, aut in potestatem hostium deveniat sine spe brevi tempore recuperandi, *Leg. 1. cod. de iure emphiteutico, & §. adeo 3. Instit. de locat. & conduct.* Si vero emphiteuta magnam solvat pensionem non solum in recognitionem domini, sed etiam in compensationem, & ad proportionem fructuum, quos percipit, vel percipere potest, tunc si propter alium ex dictis casibus nullos, aut paucos fructus colligat, aequitas postulat ut ei fiat proportionaliter aliqua remissio, quia tunc emphiteuta parum differt a conducticio, cui pro rata partis fructuum, qui pereunt, fit remissio.

§. II.

De Feudo.

De origi-
ne Feudi. Controversatur inter Doctores, unde feudum originem ducat. Consent aliqui cum Lasio *lib. 2. verb. Curias ff. de origine iuris* Cuacii feuda originem habere ex antiquo Romanorum iure. Alii cum Luca de Penna in *Leg. quicumque cap. de omni agro deserto lib. 11.* volunt feuda coepisse tempore Iustiniani. Alii tale initium credunt a Gallis ad Germanos, Hispanos, Italos, & alias Europae Provincias venisse, ut apud Fachinet. *lib. 7. cap. 1.* Communior tamen, & probabilior tenet initium feudorum seu primævam eorum collationem provenisse a Longobardis, a quibus occupata fuit Italia diuque possessa, quorum feudorum consuetudines ab Oberto de Horto, & Gerardo redactae fuere ad eorum Legum feudalium formam, quae nunc habetur, & viget; & ita testatur Cardinalis de Luca *lib. 1. de*

Feudis dist. 2. num. 3. Fachinet. *lib. 7. cap. 1.* & alii non pauci, quia in libris Feudorum saepe fit mentio Longobardorum ac eorum Legum, ut in *lib. 2. tit. 1. de Feudi cognitione*; item *lib. 2. tit. 8. de Investit.* & alibi; tunc quia in multis vocabulis feudalibus lingua Longobardorum deprehenditur, ut sunt *Morgenatica, Marchio, &c.*

Feudi nomen derivatum est a fide, seu fidelitate *lib. 2. feudorum tit. 3. per quos fiat investitura ubi sic: Cum a fidelitate feudum dicatur, vel a fide*; quia natura feudi est obligare feudatarium, ut specialem fidelitatem erga suum dominum directum, cuius est vassalus, exhibeat *cit. lib. Feudorum tit. 3. per quos fiat investitura, ubi sic: Nulla investitura debet ei fieri, qui fidelitatem facere recusat.* Unde Feudum ut contrarius, est liberalis, & perpetua concessio rei immobilis, vel acquilientis quoad dominium utile sub onere fidelitatis, & obsequii personalis domino directo exhibendi. Dicitur res immobilis, ut denotetur rem mobilem non posse esse feudum *§. fin. lib. 2. Feudorum cap. 23.* Nomine vero rei immobilis non solum veniunt res corporeae, & solo cohaerentes, ut caltra, & praedia, sed iura etiam incorporalia, quae immobilibus accessentur, cuiusmodi sunt iura piscandi, venandi iurisdictionem exercendi, vestigalia accipiendi, ac similia *Leg. & §. fin. cod. de praescript. longi temp.* Sic etiam census, & redditus annui *Clementina exiit §. cumque annui.*

Differt feudum in hoc ab emphiteusi, quod domino directo praestari debet ab emphiteuta annua pensio. Unde si etiam in feudo annua pensio constituitur, tunc non est feudum proprium, sed improprium. Non est tamen de substantia feudi, ut mere gratuito fiat; nam feudum quoque emi potest, ut patet ex *cap. unico de beneficio fratris*, dummodo tamen minori pretio ematur, ut adhuc rationem beneficii retineat. Dicitur perpetua, ut denotetur feudum proprie dicta non praecise ad certum tempus, & generationem, ut aliquae emphiteuses; sed perpetuo concedi, ut feudatario eiusque haeredibus in perpetuum pertineant. Sic expresse in *cit. §. fin. lib. 2. de Feudis cap. 23.* Dicitur sub onere fidelitatis, & obsequii personalis praestandi, ut denotetur, quod principale onus, & obligatio feudatarii est ut domino directo, a quo tantum beneficium recepit, sit fidelis, & nunquam aliquid contra eum moliat, sed potius consilio, & auxilio opiteatur, praetertim cuncti ad bellum, vel dimidium redditus feudi unius anni domino pro belli expensis

In quo
differt
Feudum
ab Em-
phiteusi.

fit subministrat, *Leg. 1. cap. 55. §. 1. de Prohibita feudi alienatione.*

Divisio
Feudi.

Feudum dividitur 1. in feudum proprium, & improprium, Feudum proprium est illud quod veram naturam feudi in omnibus retinet, ut supra feudum descriptum, & simpliciter conceditur nulla facta determinatione temporis, aut servitiorum §. penult. & ult. cap. quæ sit investitura. Feudum improprium est illud, in quo per pacta specialia, seu per investituram specialem a propria feudorum natura recessum est. Feudum enim proprium censetur quod conditionibus & obsequiis nominatim definitis est alligatum cap. 1. de notis feudi, & §. fin. In dubio autem omne Feudum proprium præsumitur, & rectum. Dividitur 2. in regale, quod ab Imperatore, vel a Rege conceditur cum adnexa regali dignitate, idest iure regalium, cuiusmodi sunt Regnum, Electoratus, Ducatus, Principatus, Marchionatus, Comitatus, & alii id genus honores, & beneficia lib. 1. tit. 14. feud. cap. 1. & non regale, quod nobilitat quidem personam recipientis, sine tamen iure regalium cit. num. 1. tit. 14. feud. 3. Dividitur in nobile, & quod accipientem nobilitat, vel ostendit antea roborem fuisse, cum concedatur ab Imperatore, vel alio supremo Principe cap. 1. quis dicat Dux, & in ignobile, quod a plebe vel a privatis personis dari solet quæ ex defectu potestatis nullam nobilitatem dare possunt feudum ab ipsis accipientibus cap. 1. de iis qui feudum. 4. Dividitur in ligium, & non ligium. Ligium est illud, quo vassalus fidelitatem ita strictam iurat uni domino, ut ei contra quemcumque militare, & servire teneatur; idcirco nemo potest a duobus regibus feuda ligia accipere, cum sit impossibile duobus promittere fidelitatem contra quoscumque. Unde feuda ligia non nisi a supremis Principibus superiorem non agnoscantibus dari possunt, alias superior excipi deberet, sicuti censetur exceptus Summus Pontifex. Non ligium vero illud est, pro quo vassalus iurat, & debet fidelitatem domino, ita ut alteri etiam in eadem, & simili causa debeat fidelitatem promittere, & præstare valeat. 5. Dividitur in Ecclesiasticum, quod a Prælati Ecclesiastici de bonis, quæ sunt Ecclesiæ, datur alicui sive clerico, sive laico, Wulterus de feudis lib. 1. cap. 8. n. 19. & laicale, seu sæculare, quod a Principibus seu aliis dominis sæcularibus etiam clericis de bonis patrimonialibus, & sæcularibus datur. Quare ad discernendum num feudum ecclē-

sticum sit, aut sæculare potius attendenda est persona concedens, quam res ipsa in feudum concessa, num sit Ecclesiæ, vel laici. Multi enim Episcopi qui territoria specialia in feudum ab Imperatoribus recepere, ratione talium feudorum considerantur non secus ac alii vassali sæculares Imperatorum, & coram eis in causis feudilibus comparere debent, & iudicari. 6. Dividitur in feudum novum, & antiquum. Novum quod vassalus possessor non habuit ab aliquo anteriore vi lucceffionis, sed ab ipso domino primum accepit, & cœpit in sua persona; antiquum est, quod prius ab alio ascendentiū acq̄situm ad alios per successione transivit cap. 1. successione feudali, & alibi. 7. Dividitur in feudum hæreditarium & in feudum familiæ, seu ex pacto, & providentia. Feudum hæreditarium est illud in quo vigore investituræ non solum agnati primi vassali, seu acquirentis, sed etiam quicumque hæredes extranei, sive masculi sive femine, sive ex testamento, sive ab intestato venientes succedere possunt, & tale censetur, si in investitura habeatur hæc clausula concedo feudum pro te tuisque hæredibus quibuscumque, Rota part. 3. Recent. Decis. 397. num. 8. pag. 1. Feudum familiæ, seu ex pacto, & providentia illud est in quo soli masculi a primo vassalo descendentes per legitimum matrimonium iure agnationis, & sanguinis succedunt, quia ordinarie conceditur in favorem, & conservationem familiæ. 8. Dividitur in feudum masculinum, in quo vi investituræ soli masculi succedere possunt, & sæmineum, quia primo collatum est feminis, indeque feminas succedere non interdictur. In utroque tamen hoc feudo non succedunt femine deficiētibz masculis. 9. Dividitur in feudum francum seu liberum, pro quo vassalus nulla servitia præstare tenetur, & non liberum, pro quo vassalus ad certum genus servitiorum præstandum tenetur, prout determinatur in investitura, lib. 2. feudorum tit. 25. 10. Dividitur in feudum reale, quod cum primo acquirente non extinguitur, sed etiam ad hæredes regulariter est transitorium tam respectu domini quam vassali, & personale, in quo nullus hæres succedit, sed extinguitur cum primo acquirente.

Feudum vero personale diversimodo dividitur; nam aliud dicitur feudum de Camera, & est illud, cum ex ærario domini directi stipendium alicui solvitur quamdiu vivit lib. 2. feudor. tit. 1. §. solum. Aliud dicitur de Cavena, cum alicui dum vivit præstantur annonæ & cellatio, horteo, vel pennario do-

domini: *Catenæ* enim locus est, in quo frumentum, vinum, oleum, & similia servantur. Sic *Reffensuel* de feudis *num.* 30. & alii passim. Item feudum personale aliud est *Guardia*, quod datur alicui cum debito, ut vassalus caltrum, arcem, territorium, domum custodiat; aliud *Gastaldia*, quod datur alicui, ut domum, seu rem aliam domini gubernet, administrat, aut procuret; aliud *Soldatia* quod non est ex *Cameia*, nec ex *Cavena*, sed simpliciter annua quantitas pecunie, vini, seu frumenti, datur alicui sub obligatione fidelitatis, & servitiorum, ita ut non solum per mortem ipsius vassali, sed etiam per mortem dantis expiret *lib. 2. feudor. tit. 10.* Apud Romanos Soldatum in militia appellabant eum, cui stipendia ab Imperatore promissa erant, quia cum populus Romanus per 200. annos propriis militasset stipendiis, tandem decreverunt Patres, ut milites acciperet stipendium, & ultra pecuniam dabatur eis velis & frumentum, & equibus etiam equus. Hæftenus P. Ferraris in sua Bibliotheca morali.

Obligaciones Feudatarii.

Obligator igitur feudatarius 1. iuramentum præstare fidelitatis. 2. Requisitus debita reddere obsequia. 3. Non debet dispo-
nere de feudo sine consensu domini, seu feudatarii, qui sibi retinet in feudo, sicuti in emphiteusi proprietarius, dominium directam. Ude. sicuti emphiteuta rem emphiteuticam amittit, si non exequatur pacta in contractu emphiteusis, sic feudatarius feudum amittit neglectu obsequiorum, & servitii, quorum onere feudum obtinuit & ob crimen feloniz, idest si bella contra dominum directum gesserit.

§. III.

De Libello, habitatione, superficie, & servitute.

Qualis contra. datus libellus.

Libellus est contractus quo emphiteuta, aut vassalus rem suam emphiteuticam, aut feudalem cedit tertio in emphiteusim, aut feudum, adeo ut sit veluti subfeudum, & subemphiteusis.

Qualis contra. datus habitatio.

Habitatio est contractus, quo conceditur alicui ius habitandi in domo aliena nempe illius, a quo per talem contractum tale ius conceditur salva semper eiusdem domus substantia. Habitatio in hoc ab usu distinguitur, quia qui solum usum, seu ius habet domo utendi, eam per se habitare tenetur; qui vero ius habet habitationis, non solum in ea domo per se degere, sed etiam aliis

locare potest. Sic ex *Instit. lib. 2. tit. 4. ff. toto tit. 1. sed de hoc iam satis supra, ubi de modo acquirendi dominii.*

Superficies est veluti contractus, quo quis ius acquirit possidendi superficiem alieni soli, ut in eo ædificare possit. Qui tale ius habet dicitur superficialarius, & hic habet dominium utile, cuius proprietates penes dominum loci remanet, quin ædificium cedit solo, in quo constructur.

Quid ius possit. dicit.

Servitus activa est veluti contractus tacite initus, quo quis ius aliquod habet in re alterius, quæ servitus passive sumpta est ipsa rei subiectio, & hæc est vel realis, per quam res rei servit, vel personæ, qua res personæ obligatur, vel personæ rei. Res personæ, ut si ius habeam non propter agrum, sed aliunde hæc transeundi. Persona rei, ut si Ioannes agrum meum excolere reneatur. Hinc usus, usufructus, habitatio sunt proprie servitutes personales.

Quid res personæ rei. dicit.

CAPUT XL

De Locatione, & Conductione.

§. I.

Quid sit locatio & conductio, & ad quid tenentur locator, & conductores.

Locatio & conductio sunt unus idemque contractus, sicuti emptio & venditio, qui ex parte locantis dicitur locatio, & ex parte locatarii, seu recipientis dicitur conductio. Locatio est contractus, quo quis rem aliquam alteri utendam, vel fruendam concedit certo pretio, sive mercede constituta. Dicitur quo quis rem aliquam alteri utendam, vel fruendam concedit ad denotandum locari & conduci non solum res, quæ ad solum usum deserviunt, ut domus ad habitandum, equus ad equestrandum, & eiusmodi, sed etiam res quæ deserviunt ad fructus percipiendos, ut ager, vinea, pascua, iura, & redditus. Immo locari & conduci non tantum ipsas res, sed personas quoque, seu potius operas, & labores personarum, ut patet in famulis & ancillis, operariis, officialibus, & artificibus, & huiusmodi, qui se, aut suas operas aliis locant, & ab aliis conducunt, *Leg. 9. in principio ff. de locato & conducto, Leg. sed addes 29. §. 1. ff. de eodem, Leg. item 51. 22. §. 2. ff. de eodem.* Dicitur certo pretio, sive mercede constituta, quia pretium, seu merces in locatione necessario intervenire debet *Leg. si convenierit 23. in fine ff. communis dividendo.* Et in hoc differt locatio a commodato & precario, in quo

Definitio Locatio. n. 1.

quorum ad usum res gratis conceduntur.

Conductio vero est contractus, ut patet ex proxime dictis, quod usus, vel fructus rei alterius, aut ipsius opera pretio accipitur; & ex his duobus contractibus locationis & conductio varia contrahentes sortiuntur nomina. Qui enim rem suam utendam, vel fruendam, vel eius operam alteri pro statuto pretio vel mercede concedit, dicitur *locator*; qui autem usum, vel fructum rei alterius, vel eius operam pro pretio dando, vel mercede accipit, dicitur *conductor*. Qui pradium urbanum, vel domum in urbe conducit, dicitur *inquilinus* cit. *Leg. sed adde* 19. §. 4. & 3. ff. de eodem. Qui conducit agrum vel pradium rusticum, seu rurale, dicitur *colonus*, *Leg. lex pignoris* 37. ff. de *acquirenda possess.* Qui conducit operam personæ, dicitur *redemptor* *Leg. cum in plures* 60. §. 3. ff. de *loc. & cond.* Qui conducit vestigalia, dicitur *Publicanus*. Si res locata ante traditionem pereat, contractus dissolvitur, & conductor liberatur.

Locatio, & conductio proxima est emptio, & venditio, iisdemque regulis iuris consistit, *Ist. lib. 3. tit. 25.* Nam locatio, & conductio vere sunt emptio, & venditio usus, vel ususfructus rei, aut operæ personæ: unde temper illicitum est locare pretio maiore iusto, & conducere iusto minore. Bona ecclesiastica sine beneplacito, sive concessione Sedis Apostolicæ non possunt locari nisi ad triennium, seu ad tres annos fructiferos, ita ut si prædia alicubi locata fructificent solum singulo biennio; locari possunt ad sex annos; & ita si fructificent solo singulo anno trienni, possunt locari ad novem annos, & sic conductores possunt percipere tres fructus iuxta Extravaganantem *Ambitiosa* de rebus ecclesiasticis non alienandis; quæ Constitutio respicit tres fructus triennales, non autem temporis spatium sine fructu, quia tunc unum biennium, aut triennium fructiferum unico æquivalet anno. Et sic decisis fuit a Rota Rom. 19. Iunii 1648. in una Tiburtina. Locatio facta a Beneficiario antecessore in bonis ad proprios redditus suæ dignitatis, seu præbendæ pertinentibus non obligat successorem, nec ideo tenetur stare contractui, quia se habet non sicut a successor in maiori, cui præcessor præiudicare nequit, nec de eodem maiori disponere, nisi pro tempore, quo redditus ad ipsum pertinet. Et sic conductor etiam libere poterit a conventionem recedere. Ita Sylvest. Lugo, Covarruvias & alii cum Rota communiter; sic enim habet Rota

part. 10. decis. 219. num. 10. *Quod extincto successore terminetur omne ius locationis, licet agatur de locatione ad modicum tempus.* Locatio vero facta a Prælato antecessore servatis iuris solemnitatibus, & pro debito tempore bonorum ecclesiasticorum non pertinentium ad proprios redditus suæ dignitatis, seu præbendæ, sed ad Ecclesiam ipsam, seu Conventum, sive Monasterium, cuius Superior erat seu ministrator, obligat etiam successorem, quia cum Prælatus locaverit alia bona non proprio nomine, sed Ecclesiæ, cuius erat legitimus ministrator, talis locatio se habet ut locatio bonorum facta a tutore, vel curatore nomine pupilli aut minoris, cui hi stare tenentur *Leg. si tutela* 8. ff. de *administrat. tutor.* Locationi igitur factæ a suo tutore, vel curatore tempore tutelæ, vel curatelæ tenentur stare pupilli ac minores, imo etiam successores tutorum, & curatorum, quia facta intelligitur nomine pupilli, aut minoris, vel ex voluntate expressa testatorum, vel ex dispositione iudicis, *Leg. si tutela ff. de administrat. & periculo tutor.* & sic Molina, *Mantica de tacta & ambig. convent. lib. 5. cap. 10.*

Uxor pariter stare tenetur locationi factæ a marito nomine eiusdem uxoris, unde fieri hoc nequit, nisi in bonis, quorum uxor habet administrationem, qualia sunt bona paraphernalia, non vero in dotalibus, quorum administratio spectat ad maritum. Molina de iustit. & iure, Covarruvias.

Successor, seu hæres universalis tenetur stare locationi, seu conductio factæ respective a suo auctore, ut communiter ex §. *fin. Infit. de locat.* Successor tamen particularis, puta emptor, non tenetur stare locationi & conductio venditoris. Ita communiter ex *Leg. qui fundum ff. locati*, & *Leg. emptorem cod. de locato.* In hoc tamen casu conductor potest agere de suo interesse contra venditorem, & suos hæredes si fuerit ille præmortuus *Leg. qui fundum*.

Item neque legatarius, neque donatarius stare tenentur locationi factæ per legantem, aut donantem de re legata & donata, quia successor singularis, ut est legatarius, & donatarius, non tenetur stare contractui locationis initæ per suum prædecessorem in tali re, ex cit. *Leg. qui fundum*, nec successor in maiori tenetur stare locationi factæ per prædecessorem in maiori *Leg. si quis dominus §. hic subiungit*, nec quidem commissarius tenetur stare locationi factæ per hæredem gravatum *Leg. pto §. pradium ff. de legatis 2.* neque alius successor in legitima.

ma stare tenetur locationi factæ per patrem in ipsa; nam legitima debetur detracto quovis onere & obligatione *Leg. omnimodam ex Leg. quoniam Novell. cod. de inofficio Testamento.*

Locator efficere debet, ut conductor re conductæ libere uti, & frui possit, *Leg. 25. ff. locat.* ideoque tenetur eam cedere conductori iuxta modum & tempus per locationem conventum; alias si ipse per se impenderit, sive tollere non curaverit oppositionem, qua ab altero impediatur dum poterat, ut re conductæ uti, & frui non posset, eidem restituere debet pretium, & interesse, & damnum compensare, ut communiter ex *Leg. ex conducto 25. §. 8. ff. locati.* Non tenetur tamen de interesse, seu damni compensatione, sed solum pretium restituere, si non potuerit removere tale impedimentum, utpote proveniens a vi maiori, vel ea pereat, ut incendio, si domus, alluvione, si ager, *Leg. 23. ff. de regulis iuris.* Tenetur locator aperire conductori vias, & defectus rei locandæ, ut dictum fuit de re vendenda, puta si domus, aut navis sit ruinosa, si equus, aut mulus onera abicere, aut excutere consuevit; alias tenetur conductor de damno secuto, licet vitium ignoret, sed culpabiliter, cum cognoscere potuerit, ex *Leg. 19. §. locat.* quia locator tenetur examinare diligenter num res quam locat apta sit usui ad quem datur, nec noxia; hoc enim exigit æquitas ex natura locationis, quæ instituta est ad commodum utriusque contrahentis. Tenetur ad impensas necessarias tum pro reparanda re locata, tum pro constituenda ad convenientem usum, ad quem locatur: debet enim reddere rem aptam ad usum conductoris, & in eundem statum restituere, si forte amiserit, cum pretium propter usum recipiatur, *Leg. 25. §. locat.* Imo tenetur refundere expensas tam necessarias quam utiles factas a conductore in re locata, & duraturas etiam post consummatam locationem ad commodum ipsius locatoris, puta in restauratione domus, navis, curratione equi. Ita communiter ex *Leg. dominus 55. §. 1. ff. locati.* Quia si eiusmodi obligatio exurgit ex commodato, quod gratis fit, multo magis ex locato, in quo pretium accipitur. Tenetur pariter locator solvere tributa, aliæque onera publica, quæ ratione rei locatæ sunt præstanda, nisi tamen aliter conventum sit, tamen servata æqualitate. Ita communiter ex *Leg. Ediles studentes ff. de via publica.* Quod si locator refundere renuat tales ex-

penas, sive utiles, sive necessarias, duraturas etiam post finitam locationem ad commodum ipsius locatoris, conductor, si sint amovibiles sine læsione rei locatæ, potest eas secum asportare, ex *cit. Leg. sed addet;* vel si sint inamovibiles sine læsione rei locatæ, potest conductor tantum retinere rem locatam, ac ea uti, donec per decurrentes pensiones de factis expensis se compensaverit, ex *Leg. 5. principio ff. de expensis in rem dot.* nisi tamen aliter de impensis faciendis inter se contrahentes convenierint, vel consuetudine loci secus receptum sit. Tenetur item locator remittere pretium locationis pro toto eo tempore, quo conductor non potuit uti re, vel opera locata, si impedimentum processit ex parte locatoris, vel ipsius rei locatæ; ita ex *Leg. 27. C. 33. §. locat.* quia cum conductor rem, vel operam conducatur, & pretium spondeat, ut valeat uti, & frui re locata quantum est ex parte locatoris, & rei locatæ, nihil tunc esset quo pretium deberetur. Locator autem agrorum regulariter loquendo tenetur totam pensionem remittere colonis, si sine sua culpa ob sterilitatem, vel grandinem nihil recipiat, vel si vi hostium, depopulatione, incendio sine culpa coloni pereant legetes etiam collectæ in manipulis, *Leg. 15. §. locat.* Si vero colonus aliquid receperit, sed sterilitas, ac ideo iactura fuerit magna, tunc remissio facienda est in partem ad proportionem damni, nisi tamen ex ubertate præcedentis, vel subsequenter anni sterilitas, ac damnum præsentis compensetur; quia cum pensio, seu merces locationis constituitur in compensationem fructuum ex re, vel fundo conducto percipiendorum, ratio & æqualitas postulat, ut si conductor nullo omnino, vel nimis paucos percipiat fructus, pensio ex toto vel ex parte pro rata iuxta proportionem damni ei remittatur. Item si valde commodum rei locatæ lædatur, puta si vicino ædificante (ait *Lex 25. ff. locat.*) obsecratur lumina cœnaculi, tenetur locator inquilino, seu conductori pensionem pro rata imminuere; nam ut ex *Leg. eadem, cessario usus,* ad quem locatæ erant ædes, et si casu fortuito contingat, in locatorem cadit.

Dixi notanter regulariter loquendo; quia Quando Locator nihil de pensione remittere tenetur locator, si ab initio convenierit cum conductore, ut quovis eventu hic totam tenetur solvere pensionem, quæ ob hoc onus minor sit ex *Leg. 9. §. locat.* quia tunc conductor cessit iuribus, ut relaxarietur. Ita etiam si consuetudo regio-

nis aliter obtineat, quia sicuti passia obligant, sic & consuetudines, cap. cum tanto de consuetud. Item si sterilitas sit consuetudine vel oriatur ex vitio, seu intrinseca qualitate rei locatæ, quam iam cognovit, & prævidit, vel prævidere debebat conductor, puta si conducatur agrum prope flumen, quod sæpe sæpius excedat, vel conducatur prædium tempore belli, ubi adest periculum hostilium incursum; quia tunc sibi imputare debet conductor, qui hæc cum manifesto suo periculo conduxerit. Item si damnum sit modicum. Magnum autem, & modicum damnum quale censendum sit, regula communior est quam tradit Molina, scilicet magnum esse quando detracta semine, & expensis non colliguntur tot fructus, qui pensionis mediam partem adæquant. Remissio vero iuxta communior, & probabilior faciendæ, & æstimandæ est secundum communem vulgi opinionem, secundum quam pretium etiam rerum venalium æstimatur.

Remissio
bonis
regula
a quo del.
tamen.
de.

Si dominus rem locatam vendat, ea lege illam dividere debet, ut conductor, eadem conditione maneat apud emptorem, a quo si domo vel fundo pellatur, tenetur venditor conductori de damno.

Locator sine legitima & iusta causa ante finitum locationis tempus private nequit conductorem invitum re locata; secus teneretur de interesse, id est compensare conductorem de damno, si quod ei sequeretur, & pretium esset reddendum, si illud iam accepisset; quia conductor vi contractus locationis acquisivit ius utendi, & fruendi re conductæ usque ad constitutum tempus, & non tenetur de pretio, nisi quatenus re usus fuerit. Est communissima ex Leg. ade 3. cod. de locat.

Quatuor tamen sunt causæ, ob quas potest locator ante præfinitum tempus conductorem a re locata invitum expellere, eique usu, ac fructu privare, ut communiter. Prima, si casus improvilis eveniat, ut ipsemet locator indigeat re locata, puta domo ob incendium, matrimonium &c. quod prævidere non potuit locator, cit. Leg. ade. Secunda, si conductor per biennium pretium conventum non solverit cap. propter 3. de locat. & hoc biennium requisitum ad repellendum conductorem invitum intelligitur de locatione ad longum tempus celebrata, puta ad decennium, aut quinquennium; nam in locatione ad tempus brevius, v. g. duos, vel tres annos, si conductor non solverit pretium conventum, potest statim expelli, & est communis ut ex cit. cap. propter.

Tertia, si domus, seu alia res locata necessario indigeat refectione, seu reparatione, qua non indigebat tempore locationis, & quæ heri nequit nisi ad tempus conductor discedat, cit. Leg. ade. In tali vero casu remitti debet pensio pro talicurrente tempore, & si inquilinus, seu conductor, domo reparata, redire velit ad pristinam conditionem pro tempore, quo conduxit, tenetur locator permittere ut redeat: ita communiter ex Leg. si duo 3. §. cum inquilinus ff. uti possidetis. Quarta, si conductor re locata male utatur, vel contra bonos mores, vel eam deteriorando.

Tenetur tandem locator rem non locata ei qui male ea usus sit, præcipue ad meretricium, quia hoc esset eidem præbere occasionem, seu commoditatem peccandi, ac proinde cooperari peccato, non secus ac quiensem daret ei, quem sciret abuti vellet ad duellum. Limitat sententiam Sylvius quoad meretrices, si ita sint ad malum resolutæ, & ubi a republica tolerantur: ait enim: Si mulieres ille sint ad meretricandam resolutæ, & a republica tolerantur, in ea civitatis parte, in qua ipsi locatur domus, & peccatum displiceat locatoribus... tunc enim locatores illarum peccatum impedire non tenentur; & ita etiam Pontas.

Conductor tenetur ex communi sententia, 1. bene uti re locata iuxta boni viri arbitrium, & non ad alios usus præter conventos, & concessos; alias furтивæ actionis damnatur, ac ideo peccaret contra iustitiam, quia usurparet usum rei alienæ contra consensum domini, ut ex Leg. qui iumenta, & Leg. qui pignore ff. commodati. Unde qui conduxit equum pro itinere Mantuum versus, tenetur de fortuito periculo equi, id est si pereat, aut quis cum furetur, tenetur ad restitutionem, & ad omnia damna compensanda.

2. Tenetur pro illius conservatione eam curam adhibere quam diligentiores & prudentiores in re sua adhibere solent; unde tenetur refarcire damnum, si res pereat, vel deterior fiat sine propria culpa lata vel levi, sive famulorum, operariorum, aliorumve, quos apud se recepit, si negligens fuit in non impediendo, vel in eligendis, ac conducendis idoneis, id est bonis probatissime servis, operariis, aliisve probis hospitibus Leg. videamus 2. in principio ff. locati, nam contractus cedit in utriusque utilitatem. Similiter curare debet, ut nullum detrimentum patiatur dominus, sive quoad ius rei, sive quoad eius substantiam, & tenetur de casu fortuito, quando accidit eo quod

De oblig.
gatione
bus con-
ductoris.

ali-

aliquid ageret contra pactum; ex cit. *Leg. 11. 3.* Tenetur ad impenas modicas quotidianas necessarias ad rei conservationem, puta dare equo alimenta. 4. Tenetur conductor vi conditionis solvere pensionem conventam locatori tempore in contractu præfixo. Ita communiter ex *Leg. insulam 58. ff. locati*. Hanc enim tunc debet ex iustitia. Quare si sit in culpabili mora solvendi, tenetur locatori de pretio, & de interesse, seu ei compensare omnia damna, quæ ob talem meram patiatur, ex *Leg. præses 17. cod. de locato*. Tenetur item solvere pensionem etiam pro toto tempore, quo re locata uti non potest, & frui licet sine culpa. Non licet enim ut locator dampnum patiatur ob causam supervenientem ex parte conductoris. Si vero uti, & frui nequeat re conducta ex causa ex parte sua proveniente, puta ob bellum, vel quia domus ex parte corruat, vel equus morbo afficiatur, non tenetur solvere pro toto tempore, quo re locata sibi uti nequit: nam si solvere tenetur, quando ex parte sua impedimentum provenit, non tenebitur e contra, si illud proveniat ex parte locatoris, vel rei locatæ, aut aliunde. Ita P. Antoine, Tourn. & alii communiter.

Insuper conductor tenetur rem conductam sine rationabili causa non dimittere, antequam tempus conditionis, idest in locatione statutum transierit; alias si dimittat, solvere tenetur pensiones totius temporis conventi perinde ac si ea re usus fuisset, dummodo tamen dominus rem in se non receperit, & vel ad proprium usum, vel alteri per pensionem locaverit; ita communiter, quia tenetur servare contractum. Dixi notanter *sine rationabili causa*, quia si sine sua culpa aliqua interveniat causa, ob quam ei impediatur rei usus ad quem conductus, puta si nequeat habitare domum, quia ruinam minatur, vel infecta sit a peste, & eiusmodi, potest eam deferere, & non solvere pensiones, *Leg. balistores 27. §. 1. ff. locati*; sic communiter Doctores. Porro nisi aliter conventum sit, vel lex, aut consuetudo repugnet, potest rem conductam, seu sibi locatam alteri locare æque idoneo, qui primo conductori pensionem solvere tenebitur, & hic primo locatori, *Leg. 6. cod. qui supra*.

Licet periculum rei locatæ spectet ad dominum, tamen ex *Leg. 23. de regulis iuris* potest conventio, seu pactum apponi, ut conductor suscipiat in se pericula etiam casus fortuiti rei locatæ; sed ut servetur æ-

Instit. Theol. Moral. Tom. III.

qualitas, ac ideo iustitia, tale onus per pensionis imminutionem compensandum est. Conductor ramen, qui se obligavit de casu fortuito, non censendus est obnoxius ad casus penitus insolitos. Barrolus in *Leg. scio 5. medicos ff. de annuis legatis*. Ad hoc vero ut reputetur casus penitus insolitus, non sufficit quod a longo tempore, puta ab annis 40. non contigerit, sed debet esse talis, qui in huiusmodi regione nunquam saltem a memoria hominis contigerit; ita ut de illo nulla cogitatio, aut timor concipi potuerit a conductore, ut notant passim Doctores. Quod si conductor per pactum expressum se obligaverit ad quoscunque casus fortuitos, etiam penitus insolitos, tunc ad hos tenetur, ut communiter, ex *Leg. si quis 5. 2. ff. locati, cap. contractus 85. de regulis iuris in 6.* ubi dicitur quod *contractus ex conventionem legem accipere dignoscuntur*. Conductor suscipiens in se periculum rei, puta equi conducti, non tenetur de naturali eisdem morte, quia nomine, & appellatione periculi, non venit periculum naturale a causis naturalibus proveniens, sed illud quod ex causis extrinsecis obvenire potest, ut ex hostium incursionem, latronum aggressionem, viarum difficultate, ac similibus. Periculum enim naturale, ut mors, contingere potest, sive res locata sit, vel non, sive locata tali conductori, sive alteri, dummodo tamen talis conductor permodum insuetum causam non dederit naturali periculo, puta morti, &c. quia tunc ratione culpæ teneretur conductor de ipsa morte.

Conductor completo tempore locationis tenetur vi contractus rem conductam restituere locatori integram, nec ullatenus deterioratam, nisi ex ipso usu, & ex natura sua, non ex culpa conductoris; quia tunc deterioratio non est compensanda, ut communiter; quod contingeret, si deterioratio secuta fuisset ex culpa lata, seu levi conductoris, *Leg. si quis 9. §. 3.* Imo si ultra tempus illatum in locatione conductor rem locatam detineat, tenetur locatori de damno, cum ius non habeat eam ulterius detinendi; ita Doctores communiter. Conductor tenetur locatori ante alios de fructibus rei locatæ, & locator habet in dictis fructibus tacitam hypothecam contra quoscunque creditores anteriores conductoris: unde, locator, seu dominus fundi pro pensione sibi debita potest agere executive super dictis fructibus, ac ideo eorumdem fructuum appropriationem interdiciere potest.

R §. II.

De conventioni quod conductor suscipiat periculum rei locatæ.

De debitoris conductoris completo tempore obligationis.

§. II.

De iis, quæ observanda sunt circa locationem, ac conductionem operariorum, & famulorum.

Dominus, seu conductor solvere tenetur famulis, & operariis bene laborantibus suo tempore suum iustum stipendium; nam ius habent post opus præstitum illud prompte accipiendi, ut Tobias 4. & Iacobi 5. Iustum vero stipendium secundum communem Doctorum operæ famulorum, ancillarum & operariorum illud censetur, quod illis communiter in eis locis dari solet. Idcirco cum pretium operum, & obsequiorum spectetur ex communis æstimatione, sicuti rerum venalium, hinc æque ac pretium istarum stipendium quoque operarum, & obsequiorum potest habere suam latitudinem, puta mediæ, supremæ, & infimæ, quando non esset a lege taxatum. Unde si quis exigit stipendium maius summo, vel solvat minus infimo, peccat contra iustitiam, & tenetur ad restitutionem, non secus ac vendens supra summum, vel emens infra infimum, cum tunc tollatur æqualitas, ac ideo iustitia inter pretium, & operam. Similiter stipendium censetur iustum, quando plures alii reperiantur, qui libenter talem operam, officium, vel obsequium præstituri sunt pro tali stipendio, quia illud pretium communis æstimatione iustum censetur, quod non solet tanquam insufficienti recusari, aut quod uno recusante statim ab alio admittitur. Si nulla autem intervenerit conventio, & pretium relictum sit arbitrio conductoris, hic saltem pretium infimum iustæ mercedis dare tenetur: talis enim conductio se habet veluti quædam emptio obsequiorum, quæ semper exigit iustum pretium; & quamvis alter nullum pretium determinaverit, non intendit tamen hic totum obsequium, vel partem saltem gratis præstare, sed habet in animo, ut conductor retribuat quod secundum communem æstimationem iustum crediderit.

Si famulus, seu operarius ultro se offerat domino, & hic illius opera non indigeat, sed solum ex charitate ad illius preces eum conducatur, tunc tenetur dare ei alimenta, & si eius opera sit ita utilis conductori, ut superet valorem alimentorum, debet ei dare pretium, quod æquet utilitatem ex tali opera perceptam, quia alter non habet in animo operam donare, sed vendere iusto pretio statuendo non ex mera voluntate,

sed ex æquitate, & iure naturali; operarius dignus est mercede sua Lucæ 10. unde cum opera plus valeat conductori quam alimenta, tenetur eam ex iustitia compensare iuxta ipsius valorem. In tali autem casu opera æstimanda est ex utilitate, quam conductor ex ea percipit, quia in istiusmodi circumstantiis secundum communem æstimationem non plus valet.

Si operarius, vel artifex falso putans opus, v. g. ædificium fieri posse minori tempore, labore, & sumptu, conveniret de pretio, quod minus valeat quam eius opera, vel opus, in tali casu tenetur conductor supplere defectum, etiamsi læsio sit infra dimidium iusti pretii; nam alias pretium non æquaret operam, vel opus, & sic esset inæqualitas, & iniustitia, quia artifex non sponte, & scienter, sed ex ignorantia consensit in pretium minus iusto; unde sicuti qui emit aliquid pretio, quod vendens ex errore minus iusto proposuit, tenetur supplere pretium saltem innum; ita qui emit alterius operam, vel opus ex ignorantia sibi concessum minus quam valet, iustum pretium supplere tenetur, ut tollatur inæqualitas, & iniustitia.

Dominus si absque legitima causa servos conductos ante statutum tempus dimittat, tenetur dare eis integrum salarium, ut communiter ex Leg. qui opera 38. ff. locato, nisi tamen alium servitium statim inveniant famuli pro æquali mercede, cit. Leg. sed addes. Hinc generaliter tenetur conductor solvere personas conductas, etiamsi uti nequeat earum opera, si impedimentum proveniat ab ipso conductore, & nisi tales personæ conductæ interea aliis pro æquali mercede operam præstent, ac ideo damnum non sentiant. Quod si impedimentum proveniat ex parte personæ conductæ, licet sine sua culpa, merces ei non debetur, nisi pro rata tempore, quo dominus eius opera usus est, & si ultra locator receperit, eam restituere tenetur, quia conductor non se obligavit ad solvendum pretium pro opera, quæ ei præstari nequit ob impedimentum proveniens ex parte locatoris, unde non tenetur dominus dare salarium famulo pro longo, & notabili tempore, quo ægrotaverit, nisi id specialiter sit conventum, aut ita serat loci consuetudo. Sic Glof. communiter recepta in Leg. penult. cod. de conducto ab causis.

Famuli, operarii, artifices, & huiusmodi suas operas alius locantes tenentur iuxta rationem conventionis fideliter laborare, &

Operarius qui ignorat se de contrahendo compensandum esse a Conductore.

De do. mino dimittente famulo extra tempus.

Obligatio famuli sum,

in

Opera-
riorum
sua ope-
ra loca-
tium.

in casu negligentiae pro rata laboris omitti, vel non debite praestitae mercedem remittere, vel eam receptam restituere; ita, communiter ex *Leg. 15. §. 6. ff. locati*. Imo tenentur etiam ad interesse, & damna si quae ex eorum culpa lata & levi, non tamen levissima dominus patiat; quia in contractibus qui sunt in gratiam utriusque contrahentis ex culpa lata vel levi, non tamen ex levissima contrahentes obligantur *Leg. si ut certo ff. commodato*; quare si conductus ad opus aliquod faciendum, & illud sive ob suam imperitiam, sive quia debitam non adhibuit materiam, sive ob aliam causam sua culpa opus imperfecte, aut vitiose conficiat, tenetur ad interesse, & omnia damna rescarcienda. Ita communiter Doctores ex *Leg. locati ff. locati*. Famuli alique operas suas locantes, si ante finitum tempus locationis, sine legitima causa ex malitia, & culpa sua discedant, tenentur ad damna inde dominis secuta. Ita communiter ex *Leg. dominus §. ff. locati*.

CAP. XII.

De Deposito, Sequestro, Commodato, Precario, & mandato.

§. I.

De Deposito.

NOta Depositum hic sumi pro contractu, quamvis saepe sumatur pro eius materia, scilicet pro re deposita.

Depositum est *contractus, quo res alteri infodienda traditur, adeoque suscipitur, ut reddatur eadem non solum specie, sed etiam numero*. Perficitur solum dum res traditur a deponente, & recipitur a depositario: non enim sufficit tradere, sed requiritur ulterius ut significet alter se talem custodiam velle suscipere, nisi forte eam suscipere teneatur, ut sunt stabularii, caupones, nautae, aurigae &c. quia sufficit illis videntibus deponere rem in domo, curru, vel navi *Leg. 1. §. nauta*.

Depositarius esse potest quilibet, qui usum habet rationis seu pupillus sit sive femina, sive etiam Religiosus, nisi lex Ordinis vetet. Monasterium tamen rei huiusce, licet Religiosi dolo pereat, non censetur tale periculum in se suscipere. Depositarius ex communi tenetur 1. rem depositam servare, ac custodire ea cura, ac sollicitudine, quam homines diligentes solent in simili re propria habere, *Leg. 32. §. depositum*. Quod si

res deposita pereat, vel deterior fiat, tenetur solum de dolo, & lata culpa, *Leg. 1. cod. depositum*. Si tamen depositum cedat in commodum utriusque, ut si depositarius mercedem pro custodia accipiat, tenetur etiam ex culpa levi. Sic P. Antoine, & alii cum communi. Unde futores, molitores, caupones, aurigae, & similes, tenentur ex culpa levi, utpote qui teneantur ex officio sibi & aliis utili, cui officio annexa est custodia eorum, quae ipsis traduntur, & sic ex contractu implicito & virtuali cedente in commodum utriusque partis, tenentur ea custodire. Quod si depositio cedat in commodum solius depositarii, ut si pecunia apud ipsum deponatur eo solo fine, ut ea uti valeat, si egeat, hic tenetur de culpa levissima, ut alias dictum est. Item si seipsum oblitus ad maxima diligentia custodiendam.

Depositarius tenetur 2. non uti re deposita sine consensu expresso, vel tacito domini, vel saltem prudenter praesumpto, quia res est sibi commissa pro ipsius custodia, non alias concessa ut ea utatur, & illicitum est, ac ideo contra iustitiam usurpare usum rei alienae invito domino, cum quilibet ius habeat ne quis re sua sine suo consensu utatur; unde *Leg. 3. cod. de deposito* fur dicitur qui utitur re aliqua deposita sine illius domini placito. Quare si usus sit pretio aestimabilis, ut usus equi, vestis, &c. solvendum est pretium eius, cum usus & fructus rei ad dominum spectet, & pretium usus est quidam fructus. Quod si dominus rei usum concedat, & res sit usu consumptibilis, tunc depositum transit in mutuum, & si res non sit usu consumptibilis, & illius usus gratis concedatur, tunc depositum transit in commodatum, si gratis eius usus concedatur, aut in locationem, si pretium usus exigatur. Secundum vero multos praesumitur consensus domini circa usum pecuniae depositae, si eam tradit in saeculo non clauso, nec obligato, nec alio indicio ostendit se denegare facultatem utendi, dummodo utens sit moraliter certus se eam soluturum ut primo res exigatur. 3. Reddere tenetur depositum statim ac a domino depositante reposcatur, alias detineret rem alienam invito domino, dummodo tamen deponens non repetat in damnum proprium, vel aliorum, puta si ira furens reposcat eam, quia in tali casu non esset rationabiliter invitus, aut res deposita sit furtiva, & eam proprius dominus exquirat, quia tunc suo domino est reddenda *Leg. 31. §. depositum*. Quod si dominus eam non repetat, ipsi furi repenti est

R 2 red-

Defini-
tio De-
positi.

Qui pos-
sit esse
depositus
tutus.

De obli-
gatione
depositi.
titi.

reddenda : tenetur tamen depositarius hunc admonere, & hortari, ut suo domino eam restituat, admonendo ipsum dominum, si hoc facere renuat; imo notat Lessius semper domino esse reddendam, nisi credatur fur eam repetere, ut illam domino reddat. 4. Non potest quidquam retinere, vel exigere pro rei custodia, nisi dominus ei mercedem expresse promiserit, cum depositum sit in gratiam solius depositantis, ac ideo depositarius vi illius tenetur solummodo de culpa lata & dolo, idcirco non potest ei aliquid deberi, nisi vi alterius contractus, seu conventionis, & tunc depositum mutatur in locationem operæ ad rem depositam custodiendam, & depositarius tenetur de culpa levi, eo quia contractus vergat etiam in sui ipsius utilitatem. Si autem depositarius reddat alteri depositum, quem bona fide, & prudenter, licet falso, credit esse dominum, vel alium ab eo mistum, & depositum pereat, non tenetur ad restitutionem, quia tunc non intervenit fraus, nec dolus, nec culpa lata, ex quibus solis tenetur de damno.

§. II.

De Sequestro.

Contractus sequestri, est rei controversæ, seu fructuum eius apud tertium securitatis gratia legitime facta depositum ex Leg. licet 17. in principio ff. de positi. Sequester differt a deposito primo quia deponi possunt etiam res illæ, de quibus nulla est controversia. 2. Quia non solum plures, sed unus duntaxat apud depositarium deponere potest, apud sequestrem vero non nisi plures, Leg. propriæ 6. & alibi. 3. Quia illi qui rem communem deponunt, non singuli eam in solidum, sed pro sua quique parte, quam in re habet, deponere censetur Leg. 1. §. si duo. Si autem apud sequestrem rem litigiosam deponunt, singuli in solidum, non pro parte deponunt, ex cit. Leg. licet 4. Quia in deposito quoties libuerit, repeti res potest; in sequestro autem non nisi post decimam controversiam.

Hinc sequester duplex est, voluntarium unum, seu conventionale, quod fit non coacte, sed voluntarie, mutuo partium contententium consensu, ut lite pendente custodiatur, & post decisionem litis res sequestrata vincenti tradatur; alterum necessarium, seu iudiciale, quod fit auctoritate, seu mandato iudicis utraque vel alterutra parte invitæ; & hoc dupliciter, vel motu proprio,

aut ex officio, vel ut plerumque fit ad instantiam unius partis litigantis altera contradicente. Sequestrari possunt res mobiles, & immobiles, corporales & incorporales, seu iura, res prophane, & spirituales, Barbosa ad rubricas tit. 17. de sequestro tit. 7. Sequester voluntarius est permissum, quia est quedam species depositi; & hoc licet ab initio sit voluntarium, ut alii contractus approbati, non licet tamen partibus post factam conventionem recedere iuxta vulgatum: Quod ab initio est voluntarium, post factum fit necessitas, & sic ob eandem rationem sequestrarius ex quo rem in custodiam recepit, non potest recedere sua sponte a tali officio, nisi iusta de causa, & interveniente iudicis auctoritate Leg. et apud quem §. §. velis ff. de positi. Sequester necessarius regulariter est vitium, ex communi, Leg. unica cod. de prohibet. sequester, quia iudicium non est inchoandum ab executione, sed requiritur ut actor de suo iure doceat, & reus convincatur; nam ante præsumptio est favorabilis reo, ideoque non est turbandus in sua possessione, seu eius usu, cum lite pendente nihil sit innovandum. Dicitur sequester necessarius regulariter vitium, cum plures sint casus, qui videri possunt apud Iuristas, in quibus ad cautionem actoris licite fieri potest sequestratio iudicis mandato, a quo tamen facto, sive faciendo liberari potest reus data cautione, quæ est remedium iuris cap. dilectus 2. Leg. Senatuf. consulto 16. ff. de officio præsidis & alibi.

§. III.

De Commodato, & Precario.

Commodatum ex etymologia nominis sic dicitur, ex quo in eius cui fit, commodum cedit, Gloss. in cap. cum gratia unico de commodato. Commodatum est contractus, quo res alteri gratuito conceditur ad usum sine translatione domini pro certo statuto tempore, ante quod repeti non potest. Et differt primo a locatione, in qua pro rei usui pretium exigitur, 2. a mutuo, in quo non usus tantum, sed etiam dominium transfertur, 3. a deposito, in quo nec usus quidem ordinarie conceditur, 4. a precario, quod ad nutum revocari potest, cum commodatum repeti nequeat, nisi elapso tempore, ad quod datum est. Unde ut communiter sentiunt Doctores, commodans tenetur 1. aperire commodatario vitium rei commodatæ, si sit periculosum, alias teneretur de damno secuto, Leg. 18. & 28. §. commod. quia dedit illius occasione.

Obligatio commo-
dantis.

nem. 2. Tenetur ad impensas extraordinarias ex cit. Leg. 3. Tenetur rem non repetere ante tempus, de quo explicite, vel implicite conventum fuit cum commodatario Leg. 17. §. *commod.* & cap. unico de *commod.* quia ut ibi dicitur non oportet nos beneficio decipi, sed iuvare; & quia alter ex vi pacti ius acquiritur re utendi usque ad finem temporis conventi; idcirco si ante repetat, cum alteri iniuriam fecerit ius illi violando, quod ex conventionem adeptus est, tenebitur de interesse, seu damno quod eidem sequatur, nisi tamen commodanti simile damnum ex carentia rei suae inopinatio imminet: nam in tali casu ex communis iuste repetere potest rem suam ante statutum tempus etiam cum alterius damno, quia non censetur concessisse alteri usum reusue, nisi sub hac tacita conditione, ut in tali eventu eam repetere possit, cum in gratuita concessione non sit credibile tantum se obligare voluisse quantum in onerosa.

Obligatio
Commo-
datarii.

Commodatarius vero tenetur ex iustitia, ut communiter sentiunt Doctores 1. non uti re commodata nisi ad usum sibi concessum, aut saltem cui prudenter iudicet dominum consensurum, ex Leg. 5. §. *commodatum*, in qua secus agens damnatur ut reus furti, utpote qui rei alienae usum aliquem usurparet invito domino, cum ius non habeat nisi ad usum sibi concessum, ex *Instit. de obligat. quae ex delicto*. 2. Finito tempore quo illius rei usus tibi concessus est, rem domino restituere debet, licet ab eo non repetatur, cum dies statuta pro domino interpellat, cap. ult. de loc. alias compensare tenetur omne lucrum cessans, damnumque emergens, quod inde proveniat; quia ius non habet rem alienam retinendi ultra designatum tempus, quo tibi est concessa, sed transacto hoc tempore totum ius ea-utendi, & fruendi ad dominum suum spectat. 3. Tenetur ad expensas ordinarias, & modicas, quae necessariae sunt ad rei commodatae conservationem, puta ad alimenta equi, non tamen ad extraordinarias magnas, v. g. ad curationem magni pretii, ad domus reparationem ex cit. Leg. 18. 4. Adhibere debet maximam diligentiam, ac curam ad integre, & in bono statu rem commodatam conservandam, ex *Instit. quibus modis* &c. & alibi. Quare si res pereat, vel fiat deterior ex culpa etiam levissima, tenetur ad restitutionem, cum contractus cedat in eius tantum utilitatem, ex cap. unico de *commod.* Igitur tenetur etiam ad restitutionem si res commodata pereat, vel amittatur, *Instit. Theol. Moral. Tom. III.*

dum per tertium ad suum dominum eam remittit, si non ulus sit magna diligentia, prudentia, ut fidelem, ac idoneum inveniret, secus vero si accuratam praecautiorem adhibuerit, Leg. 20. cap. *commod.* vel si tertius electus fuerit ab ipso commodante, nam tunc certe res dormino suo perit. Si autem res commodata fuerit alteri in commodum utriusque, solum tenebitur de culpa levi; si vero in commodum solius commodantis, de culpa lata iuxta regulas alias expolitas.

Circa vero curam rei commodatae in concursu propriae, si propria sit pretiosior re commodata, vel deposita, potest propria praere aliena commodata vel deposita conservari, quia non exigit aequitas, ut quis maiore suo damno caveat, seu impediat minus damnum alterius, sed tunc si res erat commodata iuxta multos, eius pretium restitui debet ex Leg. 5. §. *commod.* ubi dicitur *commodatarius non teneri compensare damnum ex incendio vel ruina ortum, nisi cum possit rem commodatam salvam facere, suas praestulit*; nam iniustum est alterum sustinere damnum falsis eius rebus, cui gratiam fecit, & ob cuius solummodo commodum res sua periculo fuit exposta. Quod si res aliena commodata est propria pretiosior, est debitum ex iustitia, ut ea praere propriis conservetur, cum rei alienae ea debeatur cura, & custodia, quam quisque prudens propriis praestaret, idest servando pretiosiores praevilioribus. Quod si quis habeat rem alienam commodatam in commodum solius domini, exigere potest compensationem pro damno, quod in propriis subierit, ut res illius servaret; quia nemo tenetur rem alienam, quam non detinet in propriam utilitatem gratis, suo damno servare. Si autem commodata fuerit in utilitatem commodantis, & commodatarii, commodatarius, qui in periculo eam servavit, potest petere compensationem pro media parte damni, quia causa utriusque res periculum subiit, & iustum est ut qui commodum sentit, sustineat etiam incommodum; nihil vero repetere potest pro damno, quod passus est in perditione rei propriae rei aliena commodata servanda, si hanc commodatam habebat in sui solius utilitatem, & commodum, ut vult Lessius iuxta cit. Leg. 5. quia cum iactura propriae rei minoris valoris, vel aequalis tenetur quisque servare indemnem commodantem in re, quam ei commodando in eius commodum periculo expoluit. Si tamen res commodatarii sit aequae pretiosa ac aliena

R 3 quam

quam commodatam tenet, in periculo potest propriam alienæ sibi commodatæ præferre, quando rem commodatam teneat in commodum ipsius commodantis. Si vero sit in commodum solius commodatarii, iuxta multos alienam sibi commodatam tenetur præferre, ex cit. Leg. 5. quia res quam quis accepit in sui solius commodatam, eam diligentissime custodire, & conservare tenetur, nec tunc ille ullam ei debet compensationem, cum res sua solummodo causa commodatarii periclitaretur, & cum solus commodatarius sentiat commodum, solus etiam incommodum experiri debet id præstando, ad quod iam tenetur. Porro qui rem suam potius quam alienam conservat, dum alienam suæ propriæ antepone re tenetur, obnoxius est restitutioni domino rei faciendæ, quia damnosam iniuriam ei intulit.

Beneficium Precarii. Precarius dicitur quod ad preces petentis conceditur, & est gratuita solius usus rei concessio ad nutum concedentis revocabilis, unde non differt a commodato, nisi in hoc quod repeti potest quovis tempore a concedente, non tamen statim, alias inane esset, & illusorium, non beneficium. Solvitur ipsius rei alienatione, & morte recipientis, cap. ult. de precario.

§. IV.

De Mandato.

De beneficio mandati. Mandatum hic non accipitur active, sicut nomen sonare videtur, sed passive, & est officium gratis susceptum in gratiam alterius, sive est obligatio gratis suscepta agendi aliquid in alterius commodum, puta negotium aliquod pro altero gerendi, aliquid ipsi emendi, &c. Si enim preter onus suscipiatur, est potius operæ locatio. Mandatum vero non potest esse nisi de re licita, Leg. 6. §. mand. & re integra solvitur morte mandantis, Leg. 15. cod. mandat. Obligaciones vero mandatarii, seu cuiuscunque negotiorum gestoris, vel procuratoris ex communi sententia sunt 1. quod teneatur alterius negotia diligenter, & utiliter veluti propria gerere, quia mandatum acceptando ad tantum se obligavit, nec aliter negotium ei fuisset commissum, ex Leg. 21. cod. mandat. 2. Negotium susceperit conficere ex Leg. 17. §. commod. Voluntatis enim est suscipere mandatum; necessitatis consummare; ad id quæ se obligavit illud suscipiendo. 3. Tenetur saltem de dolo, & culpa lata, si mandatum in solius mandantis utilitatem gratis suscepit, Leg.

3. §. de negotior. gestor. De levi vero, si cedat etiam in sui ipsius utilitatem, vel si se obtulerit, dum alius diligentior erat in promptu; de levissima vero, si maximam diligentiam promiserit, vel res illa exquirat. Non potest operari ultra fines sui mandati ex cit. Leg. 5. ubi sic: *Diligenter enim fines mandati custodiendi sunt*; ideo non potest aliquid prius emere aut minores vendere, quam ei præscriptum fuerit. 5. Non potest exigere mercedem, nisi promissa ei fuerit, vel eam antea petierit, nec licite potest occulto surripere pro operæ compensatione, alias teneretur ad restitutionem, quia eo ipso quod suscipit mandatum nihil petendo, censetur se velle alteri gratificare, & ei gratuito amicitie gratia operam suam præstare, ex Leg. 1. §. mandatum, ubi sic: *Contrarium ergo est officio merces interveniente enim pecunia res ad locationem, & conductionem potius respicit*. Mandans vero præbere debet mandatario necessariam ad mandati executionem, & solvere sumptus ex cap. 6. de procurat. Si quis autem gerat sine mandato negotia alterius, & hoc ignorantis, non secus ac mandatarius, tenetur alterius negotium diligenter ac si suum esset administrare, & retarcire damna absenti illata ex eius culpa lata, imo levi, precipue si alter diligentior negotium illud fuisset suscepturus, Insti. de obligat. & Leg. 20. cod. de negotior. gestor. Nam qui negotium alterius suscipit, diligentiam suam, ac industriam promittere censetur, quam proinde saltem ordinariam adhibere tenetur. Absens vero debet ei compensare impensas, damna secuta ex negotii administratione, & solvere mercedem operæ congruentem, ita ut si recusaret, daretur actio contra eum, ex cit. Leg. 20. Et ad hoc tenetur, etiam si negotium male succedat, dummodo qui negotium gessit, debitam prudentiam adhibuerit ac diligentiam; quia cum res ipsa, & publicum bonum exigat, ut res negotiave absentium administrantur, æquum est ut impensæ, operæ, & damna secuta ei compensentur, qui negotii gerendi onus suscepit, Insti. de obligat.

CAPUT XIII.

De Fideiussione, Affecuratione, Pignore, Pacto
Antichrescos, Hypotheca, &
Transactione.

§. I.

De Fideiussione.

Fideius.
sionis de-
finitio.

Fideiussio est contractus, quo quis susci-
pit in se obligationem solvendi debitum
alterius, si ipse non solvat, seu contractus,
quo quis alienam obligationem implendam sus-
cipit, si debitor principalis eam non impleverit.

Varia Fi-
deius.
sionis con-
ditiones.

Varia autem sunt fideiussionis condi-
tiones, 1. nempe quod fideiussor non obliga-
tur, si debitoris principalis obligatio invali-
da sit, vel si extingatur; cessat enim obli-
gatio fideiussoria materiae defectu, quæ sem-
per supponit obligationem principalem, cui
est accessoria: non intendit enim fideiussor
se obligare pro eo, qui reipsa nihil debet.
2. Fideiussor plus in accessione esse non de-
bet, quam in principale, *Insit. de fideiuss.*
quia, ut ibidem dicitur, non potest ad plus
obligari sive ratione quantitatis, sive loci,
sive temporis, quam principalis debitor;
potest tamen maior esse eius obligatio ra-
tione vinculi, ut si eam iuramento confir-
met, vel hypothecam præbeat. 3. Fideiussor
non potest conveniri a creditore, nisi
debitum prius a principali debitore repeti-
tum fuerit, & is solvere non valeat. Hæc
enim est veluti conditio huius contractus,
nisi aliter consentum sit. Potest tamen an-
te debitorem conveniri fideiussor, si renun-
ciaverit iuri quod habet ne ante debitorem
conveniantur; sicuti etiam si debitor procul
absit, &c. 4. Fideiussoris obligatio transit ad
hæredes. 5. Tenetur solvere ante senten-
tiam iudicis, sicuti & ipse debitor, in cuius
locum succedit. Peccat graviter, qui certus
de sua impotentia ad solvendum pro alio,
eius fideiussorem se constituit, quia credito-
rem iniuste decipit, falsam ei securitatem of-
ferendo, & dat ei occasionem periculi, &
damni.

Præcipua
Fideius.
sionis lu-
ta.

Præcipua fideiussoris iura sunt, 1. quod
possit agere contra debitorem, ut sibi re-
stituatur tum illud omne quod solvit, tum
damna quæ passus est. Debitor enim vi con-
tractus fideiussorem indemnem servare de-
bet. 2. Cogere potest creditorem, ut sibi
cedat obligationem tum personalem, tum hy-
pothecariam contra debitorem. 3. Ut non ma-
neat obligatus, si creditor debiti petitionem

suo tempore neglexerit, & debitor postea
factus sit impotens, quia non tenetur fidei-
ussor damnum rescire, quod creditor sua
sola culpa patitur.

Nam vero liceat exigere pretium a debi-
tore pro fideiussione, non pauci affirmant
licitum esse pro ratione quantitatis debiti,
& periculi; 1. quia obligatio civilis, qualis
est fideiussio, solvendi alterius debita, est
onus iustitiæ pretio æstimabile, nec fideiussor
tenetur eam gratis præstare, nec talis
pactio est mutuum virtuale, quatenus fidei-
ussor quasi dare censeatur alteri pecuniam,
dum eidem illam procurat se fideiussorem
constituendo, cum in fideiussione nulla fiat
rei traditio, quæ in mutuo etiam virtuali
requiritur, sed præcie suscipitur aliena obli-
gatio implenda. Nec fideiussor aliquid exi-
git pro solvenda creditori pecunia loco de-
bitoris, quod revera esset usurarium, sed
pro obligatione solvendi debitum loco alteri-
us, idest pro eo quod suscipiat obligatio-
nem tali debito satisfaciendi. Si tamen fidei-
ussor sciat nullum subesse periculum, nec
molestiam; censent alii & probabilius, quib-
us idem mihi videtur assentiendum, eum
nihil posse exigere, quia tunc obligatio quam
suscipit, non potest censeri onus pretio æ-
stimabile. Sic DD. communius.

§. II.

De Affecuratione.

Affecuratio est contractus quo quis rei a-
liena periculum in se suscipit, obligans se vel
gratis, vel pacto pretio ad eam compensan-
dam, idest ad solvendum eius pretium, si pe-
rierit. Volunt aliqui contractum hunc esse
illicitum, si affecurans nullam sit adhibitu-
rus operam ad rei affecurationem conservatio-
nem, sed melius, probabilius, ac commu-
nius sustinent alii licitum esse, cum in hoc,
sicut ad legitimum contractum requiritur,
uterque contrahens æqualiter exponatur la-
cro, ac damno. Est equidem hæc obligatio
pretio suscepta est contractus similis vendi-
tioni, quia venditur obligatio præstandi do-
mino rem indemnem, quæ est pretio æsti-
mabilis.

Ad iustitiam vero huius contractus requi-
runtur ex communi sententia sequentes con-
ditiones, nempe 1. ut periculum subit sal-
tem probabiliter, vel ab utroque iudicetur
subesse, ita ut rei eventus sit utriusque in-
certus. Unde peccaret contra iustitiam, &
tenueretur ad restitutionem, qui affecuraret
navim, quam cognovit iam ad portum per-
venit.

Definitio
affecura-
tionis.

Condi-
tiones
requisi-
tæ ad
contra-
ctum af-
fecura-
tionis.

venisse, quia nullus est titulus accipiendi pretii, quando res assicuranda ad suum locum incolumis iam pervenit, & sola decemio assicurantis dat causam contractui, & sic dicto de eo qui pacifceretur cum altero de re sua assicuranda, quam scit iam perire. Impossibilis est enim assicuratio rei, cuius periculum non potest amplius caveri; ideoque deficit materia, quæ debet esse causa principalis contractus. 2. Requiritur, ut pretium respondeat quantitati periculi, & æstimationi rei assicurandæ, alioquin non servaretur æqualitas. 3. Ut ille, cui merces assicuratur, servet condiciones, de quibus iussu conveniri potest, v. g. ut navis talem viam teneat si fieri potest, aliis oneribus non gravetur, &c. 4. Ut assicurans habeat, vel habere possit unde solvar, alias esset iutignis nebulo, qui nihil habens quod perdat, agit ut lucretur, & tenetur restituere quidquid receperit, licet res ad metam incolumis devenierit.

§. III.

De Pignore, & Pacto anthicrescos, & Hypotheca.

Quid Pignus. Pignus est species quedam contractus, quo res mobilis a debitore traditur creditori pro securitate debiti, pro quo sic obligata remanet creditori, ut si debitor non solverit, petere, seu recipere possit ex ea sui crediti solutionem.

Quid pactum Anthicrescos. Pactum Anthicrescos est conventio, qua expresse, vel tacite id agitur, ut creditori uti liceat pignore, hoc est percipere eius fructus, donec debitum solvatur.

Quid hypotheca. Hypotheca vero est contractus, quo res immobilis obligatur creditori ad debiti securitatem, ita ut ius habeat creditor, si debitor non solvat, ex ea solutionem percipiendi. Licet tamen nomina pignoris & hypothecæ non raro in iure confundantur, valde tamen differunt inter se, 1. quod in pignore res tradatur creditori, in hypotheca vero res solo pacto, & conventionie obligatur sine traditione, imo ipsa bona mobilia aliquando hypothecantur sine traditione. 2. Quod pignus sit rei mobilis; hypotheca vero rei immobilis. Hæc nomina aliquando sumuntur pro ipsa re alteri obligata ad securitatem debiti, aliquando pro iure petendi solutionem ex re ita obligata.

Divisio Pignoris & hypothecæ. Pignus, & hypotheca dividuntur in prætoriam, quæ iudicis sileto, conventionalia, quæ ex partium consensu, & legitima, quæ ipsa legis vel consuetudinis positione consti-

tuta sunt. Sic bona tutoris sunt hypothecata pupillo. Hypotheca insuper alia est universalis, per quam bona omnia rem præsentia tum futura obligantur; alia particularis, qua una, vel plures res in specie obligantur, & hæc rem afficere & sequitur quocumque transeat donec debitum solvatur.

§. IV.

De obligationibus quantis & accipientis pignus.

Debitor qui assicurat debitum suo credituri pignore, vel hypotheca primo dare non potest rem eandem pluribus in pignus, vel hypothecam, nisi sufficiens sit pro omnibus debitis; alias omnes creditores non possent percipere ex ea sui crediti solutionem, cum pignus & hypotheca ad hunc finem creditoribus obligentur. Excipitur tamen si posterior creditor monetur de priori hypotheca, quia cum creditor in tali calu volens sit, & contentiens, nulla ei sit iniuria. 2. Tenetur debitor refundere impensas omnes quas hic fecerit pro pignoris conservatione; alioquin creditoris conditio peior fieret ex pignore. 3. Non potest rem hypothecatam cuiquam vendere, nisi prius emptorem monuerit, quia cum hypotheca sit onus rem afficiens, deciperetur emptor, dum rem emeret onere gravatam, quam liberam credebat, cum res transeat ad emptorem cum suo onere reali, nec emptor plus iuris acquirere potest quam habebat venditor, cui non erat dominium liberum a debitis in tali re iam aliis debitis obnoxia.

Creditor vero qui pignus accepit a suo debitore, tenetur habere diligentem curam de illo, ne pereat, aut deterius fiat, alias tenebitur de damno secuto ex culpa lata, vel levi, *Leg. 13. de pign. act.* non tamen levissima, quia contractus cedit in utriusque partis utilitatem. Potest tamen pignus acceptum alteri obligare, non tamen pro maiori summa, *Leg. 1. cod. si pignus.* 2. Non potest uti pignore sine debitoris consensu, alioquin fieret reus furti *Leg. 36. §. de furtis*, nisi utatur in gratiam debitoris, ne scilicet alioquin deterius fieret, cum habeat rem alienam non ad usum, sed solummodo ad securitatem. Potest tamen si debitor consensit, sed tunc tenetur compensare in fortem valorem talis usus, cum usus rei sit pretio æstimabilis, & veluti rei fructus pertinet ad dominum, aliqui committeretur usuraria, quia acciperet aliquid ultra fortem ob concessam solutionis dilationem. 3. Debet fru-

De obligatione debitoris in g.

De obligatione debitoris in accipiendi pignus pro accipiendi pignus.

fructus pignoris vel hypothecæ si quos acceperit, vel consumperit, in fortem computare, deductis tamen sumptibus suis, & laboribus, & extantes restituere debitori cui inestant ut domino, cui res fructificat. 4. Non potest vendere pignus, nisi domino statuto tempore non solvente, & ipso prius monito; & si plus vendat quam alter eidebeat, eidem excessus restituendus est, cum nullum habeat iustum titulum illum retinendi. 5. Non potest convenire cum debitore, ut si non solvat statuto tempore, pignus sit creditoris, sed semper ac debitor solvat, tenetur pignus totum restituere, cum hoc pactum utraque iura vetet *Leg. ult. cod. de pign. pign.* 6. Tenetur statim ac debitor integre solvat, pignus restituere.

S. V.

De Transactione.

Definitio
Transac-
tionis.

Transactio definitur solet *pactum inter plures utrinque onerosa de re dubia, & lite incerta.* Dicitur 1. *pactio onerosa*; si enim gratuita foret, esset potius donatio quam transactio. 2. *De re dubia*; si enimius alterius clarum esset, & apertum, ei qui ad transigendum cogeretur, fieret iniuria, dum iuri suo renunciare impelleretur. Ubi facta est transactio, vix datur locus restitutioni in integrum, quia ut in ludo aliique sortis contractibus, ita & in transactionibus paciscendis incerto eventui se sponte, & reciproce committunt; ideoque quæsi nequeunt de læsione, nisi ea tamen enormis sit, ut dolus præsumi valeat.

CAPUT XIV.

De Ludo, Sponsionibus, & Sorte.

S. I.

De Ludo.

Licet sæpe ludus & iocus confundantur, ac pro eodem sumantur; revera tamen, ut inter alios notat Sylvius, inter se differunt, quia ludus proprie dicitur in factis, iocus autem in verbis, & ludus sit magis voluptatis gratia quam spe lucris.

Definitio
Ludi.

Ludus generatim acceptus est *incundum aliquid dictum, vel factum ad animi relaxationem.* Proximus enim finis est, ut animus oblectatione relaxetur, aptiorque fiat ad necessarium applicationem, & attentionem, eo modo, quo per somnum corporis vires rescipiuntur; nam quæ, *anima est delectatio*, ait S.

Th. 2. 2. *quæst. 168. art. 2.* Idcirco ludus honestatem habet, sicut dormitio, dummodo exerceatur in debitis circumstantiis, & ob finem honestum, & ut talis pertinet ad virtutem, quæ ab Aristotele, & S. Thoma vocatur *eutrapelia*, quæ est species quædam temperantiz, qua homo dirigitur, & inclinatur ad modum in ludo tenendum. Tunc vero ludus honestus erit & licitus, si 1. sit in materia, quæ nihil habet illiciti, obsecrati, & si bonis honestisque moribus non repugnet, ut & ipsi ethnici agnoverunt, ut non sit occasio peccandi, nec scandalum, ac damnum ulli pariat. 2. Ne sæpius, ac diutius ludatur quam exigit necessitas rescindi vires animi, & cum expeditorem reddendi ad debita officia, ut advertunt Aristoteles, & S. Thomas. Necessitas enim est mensura ludi, sicuti cibis, & potus. 3. Ut serventur circumstantiæ omnes loci, temporis, & personæ; nam in talibus alicui deest, quod non deest alteri, ait cit. S. Doctor. Hinc clericis in publico multa dedecet, quæ prius licita sunt laicis, ut locari pilæ, quod ideo vetitum eis fuit a Concilio Sennonensi.

Quando
ludus
honestus
est & li-
citus.

Ludus sumptus pro contractu est certamen ad animi relaxationem institutum, quo ludentes inter se conveniunt, ut res aliqua ab ipsis deposita loco præmi cedat victori. Hic iure naturæ licitus est, dummodo tamen debeat conditiones serventur. Etenim sicuti quis licite potest rem suam alteri donare, ita & eam exponere potest, & dare sub conditione licita, puta si ludens ludendo victor exstiterit. Tria distinguunt ludorum genera. Alii pendunt a mera ludentium industria, ac ideo industriosi vocantur; ita ut nihil, aut fere nihil a fortuna seu casu, ut ludus pilæ, dependeat: nam in his maiorem partem habet ars, industria, robur, dexteritas. Alii pendunt a mera fortuna, & nihil, aut fere nihil ab industria, ut sunt ludi taxillorum, multi ludi chartarum, & hi dicuntur sortitui, in quibus exitus soli fortunæ, & casui, vel saltem pro maiori parte committitur. Alii tandem mixti sunt, quorum exitus partim ab industria, partem a fortuna pendet, ut sunt etiam plures chartarum ludi. Nullus ex his ludis vetitus est iure naturæ, modo requisitæ conditiones serventur, quas cæteroquin sæpe sæpius violari contingit: nam istæ requiruntur ad iustitiam huius contractus, qui utrinque onerosus est. In hoc enim spes lucranda emittit periculo perdedi.

Tria lu-
dorum
genera.

Conditiones autem requisitæ in contractu ludi, sunt 1. ut ludentes habeant dominium,

Condi-
tiones
requisi-
tæ.

in
contra.
dum ludi.

nium, ac liberam dispositionem eorum, quæ exponunt, & aliunde habeant, unde alant familiam, debita solvant, elemosynam erogent, cæteris officiis quæ ludentibus conveniunt, satisfaciunt. Hinc ludens cum damno notabili familie suæ, aut familie colludentis, aut cum quibus dubitat prudenter an de proprio ludant, quales sunt filifamilie, aut cum quibus erit non habere de proprio quod exponant, cuiusmodi sunt Religiosi professi, si quantitatem respective notabilem exponant, liberaliter peccat, quia cooperatur peccato illo mortali, & relinquitur tenetur. 2. Ut summa ludo expolita modica sit iuxta conditionem & facultates cuiusque ludentis, & non maior quam opus sit ad excitandum cum oblatione animum, & impediendum, ne ludus languescat. 3. Ne ludatur principaliter ob lucrum, cum finis proximus ludi sit animi levamen, & oblectatio, ut vegetior sit & aptior ad exercitia propter Deum rite obedienda, & ludus ulterius non possit esse finis honestus. 4. Ut abiat omnis fraus, & iniuria. 5. Ut sit æqualitas moralis quoad omnes in spe lucrandi, & periculo perdendi; hoc enim requiritur ad iustitiam huius contractus, qui utrinque est onerosus, cum in hoc ematur spes lucrandi periculo perdendi. 6. Ut abiat coactio, nempe ut alter alterum ad ludum vel incipiendum, vel continuandum non trahat per iniurias, fraudes, convicia, preces ita importunas, ut malit potius rem suam periclitari quam tantis affici molestiis.

§. II.

De Ludis prohibitis.

Iure divino, ac naturali veriti sunt ludi ex se mali ac turpes, & indecori, ac ad luxuriam provocantes, vel qui sunt proxima occasio peccati, aut aliis scandalum. Iure autem humano tam civili quam canonico veritus est ludus aleæ ratione status quibusdam personis, ut Clericis, Religiosis, & ratione ludi, vel alicuius periculose circumstantie etiam laicis; *Leg. 1. C. 2. cod. de aleat. C. Episcop. dist. 35. ex can. Apostol.* Et ratio talis prohibitionis est frequentius ludus periculum & occasio multorum peccatorum; & malorum, ut iræ, rixarum litium, blasphemiarum, periurii, iacturæ temporis, officiorum debitorum neglectio, eversionis fortunarum &c.

Pro ludo vero aleæ non intelligitur qui libet lusus, qui chartis luforis perficitur, in quo magnam partem sibi vendicat inge-

nium, industria, ars &c. sed intelligitur ludus ille, qui sive chartis, sive taxillis, sive quovis alio instrumento exercetur, victoria vero casu sortuito obinetur. Sic enim communiter semper intellecta fuit vox aleæ; & contra huiusmodi ludos constitutæ fuere leges tam civiles quam ecclesiasticæ, & graves pœnæ statutæ fuere contra aleatores, cum tales ludi maxime irritent humanam imbecillitatem ad prurupendum in blasphemias contra divinam Providentiam, cuius nutu etiam nobis sortuita iussio consilio disponuntur. Igitur quicumque, etiam laici, talibus ludis nomine aleæ expolitis frequenter deserviunt, graviter peccant, ut inter alios concludit S. Raymundus *lib. 2. Summa tit. 2.* cum ex gravitate pœnarum a iure interdictum aleatoribus, tum ex periculo, qui se exponunt aleatores irascendi contra Deum.

Quare graviter peccare censentur ii, qui domum suam ad ludendum commodant aleatoribus, utpote qui agant contra legum auctoritatem, quæ strictissime huiusmodi loca verant additis etiam pœnis eadem loca tenentibus, & quia præbent aliis in huiusmodi conventiculis occasionem plurimorum gravium peccatorum, & præcipue plurium familiarum extremi excidii. Idcirco iuxta doctrinam Seraphici Senensis *Serm. 33. in Domin. Quadrage.* absolutio his deneganda est, donec removerint domum a tali pessimo usu ludendi.

Peccant pariter tum Clerici ludentes non solum aleæ, sed etiam alio lufui, qui indecentiam aliquam mixtam habeat, vel si frequentius, ac longius in tali vana occupatione se exercent, vel hoc etiam contingat in officipiis, aliisque locis, quæ laicorum observationi patent. Clericis enim interdictus est huiusmodi alearum ludus ab omnibus iere Conciliis tum generalibus ac provincialibus, quam Diocesaniis, in quibus sermo habetur de Reformatione. Et huiusmodi prohibitiones innovavit Concilium Trid. *sess. 22. art. 1. de reformat.* cuius textus ab omnibus Synodis, quæ postea celebratæ fuere, citari consuevit, & solet ubi huiusmodi prohibitiones contra Clericos instaurant.

Item peccant qui ludunt cum aliquo, qui non potest alienare præcipue quoad certam summam, ut si ludant cum Religioso, cum filiofamilias, &c. quia tunc alienum obtinere volunt sine titulo, quod iniustum est, & cooperantur alterius iniustitie, ac ideo tenentur ad restitutionem. Etenim & Reli-

De his
qui in
dando
peccare
censentur.

giolus non potest exponere ludo nisi illam parvam quantitatem, quam ipsi suus Superior permittere potest, ut ludo moderato, & licito in debitis circumstantiis loci, temporis, & perlonarum animum recreet; & filiusfamilias non potest ludo exponere nisi illam determinatam quantitatem, quam illi pater concessit, vel eam, quam ex lucro forsan sibi acquisivit: ita exigente urbanitate erga colludentem, ne hic offendatur, si a ludo intempetive se removeat. Quod si finito iam ludo victor centum recedat, num post aliquot dies possit sine patris licentia iterum ludere cum eodem a quo vicit, vel ludere cum alio exponendo centum, quæ vicit sine licentia patris, alii volunt licite ludere posse cum eodem, a quo vicit de consensu interpretativo patris, non vero cum alio sine expreso patris consensu, ut Bannez. Alii vero concedunt ipsum posse ludere five cum eodem, five cum alio sine patris licentia, id absolute negante Armilla, quæ Armillæ sententia Patri Fulgentio probabilior videtur, & mihi etiam magis ardet, cum ratio sit manifestissima, nempe quia illa centum lucrata recensentur procul dubio in serie bonorum professionum, quæ proinde cadunt sub dominio patris, ac ideo si ludum præsentem discontinuet, & post intervallum sufficiens reassumeret five cum eodem, five cum altera, non potest uti illis centum sine novo patris consensu, si vicinum illum habeat; si vero longe absens sit, quia e. g. degat filiusfamilias in Collegio longe a patria distante; tunc sincere, & coram Deo examinanda est indeoles patris an liberalis ad filium, & benevola sit, an restricta & economizæ domesticæ non modice addita, & iuxta id resolvendum ut de consensu patris prudentem interpretationem facere possit. Ita perdoctus Theologus laudatus P. Fulgentius.

§. III.

De modis ludendi illicitis, & restitutioni obnoxiiis.

Qui ludens rem alienam exponens, puta furto sublatam, vel commodatam, vel depositam sibi commissam usu non consumpebilibem, si illam perdat, & a colludente id ignorante illam evincat verus dominus eiusdem rei, tunc iniuste perdens victorem reintegrare tenetur, ut patet; ita ut si ludus non sit a lege vetitus, perdentem per iudicem compellere poterit; si vero ludus sit vetitus, tunc quod sibi debetur meliori modo quo pot-

erit recuperet. Si vero iniuste ludens vicerit, tunc vel habebat alia bona, quibus si perdidisset, poterat victori solvere, & in tali casu retinere poterit quod vicerit, vel non habebat, aut si habebat, deerat ipsi intentio solvendi, & tunc non potest retinere quod vicit, quia deest æqualitas ab hoc contractu exacta, & quia per iniustam deceptionem illud obtinuit. Idemque dicito de ludente pecunia aliena aut moneta falsa. Ita cit. P. Fulgentius, qui tamen sententiam hanc sapientiori remittit iudicio.

Communiter docent Doctores victorem in ludo teneri ad restitutionem ante iudicis sententiam, si victor non habebat dominium, & liberam dispositionem. 2. Si victor minis, dolo, convitiis, vel simulatione imperitiz impulit alterum ad ludendum, quia ei fecit iniuriam, ac iniuste dedit ei occasionem damni: si tamen coactus lucretur, non tenetur ad lucri restitutionem, quia ludus ex parte ipsius est iustus, & omnem inæqualitatem circa spem lucri suffulit iniuria coactionis, & victor sponte in hoc periculum se coniecit. 3. Si fraude aliqua contra leges ludi usus sit, puta si chartas signo aliquo notaverit, aut per nutus circumstantias, vel ex industria agnoscat, vel artificiose ita componat, ut meliores ipsi obveniant, & tunc restituere tenetur, tum id quod ipse lucratus est, cum iniuste per iniuriam illud acquisierit, tum id quod alter iuste lucratus fuisset, quia hæc spes lucri erat pretio æstimabilis, & ei per iniuriam sublata fuit. Leges autem ludi sunt eæ, quæ communi ludentium consensu constitutæ sunt. Quædam vero fraudes, seu potius calliditates, quæ ex communi consuetudine adhibentur in lusu, non censentur contra ludi leges, nec sunt iniustæ; ut si quis cognoscens se meliores chartas habere, timorem fingat quo inducatur alter ad augendam sponsonem. 4. Si victor habuerit animum non solvendi, vel si non possit alienare id quod ludo exposuit, aut quidquam amittere, vel si arte ludendi sit notabiliter alteri superior, ita ut moraliter certus sit de victoria; quia tunc error dedit causam contractui; alter enim noluit ludere, nisi qui contrarium putavit. Hæc sunt enim contra iustitiam ludi exigentem, ut inter ludentes sit æqualitas moralis in spe lucrandi, & periculo perdendi, cum contractus sit utrinque onerosus. In hoc enim emittit spes lucri periculo perdendi, ideoque requiritur æqualitas inter spem, & periculum. 5. Iuxta aliquos si victor luserit animo repetendi solu-

Leges ludi.

lulum; quia non habebat ius lucrandi, & decepit alterum, qui noluit ludere nisi supposita spe lucrandi. Qui tamen ludit animo non solvendi, potest mutare animum peracto ludo, & solum repetere in iudicio.

§. IV.

De debito restituendi lucratum ex ludo vetito, & solvendi quæ in eodem amissa sunt.

Nota, hic agi non de modica sed de magna summa; qui enim modicum perdidit, solvere debet, quia contractus ludi fuit iustus, ac ideo naturaliter obligans, nec leges, quæ vetant ludum, vetant quid modicum ludis per se licitis exponere, ac proinde modicum solum licite retineri potest; nec ius conceditur ad illud repetendum.

Sentiant communiter Doctores quod, dummodo non extet lex loci irritans ludi contractum, magna pecunie summa iam acquisita ludo vetito, seu alea, servata aliumd iustitia, retineri potest in conscientia, donec per iudicis sententiam exigatur restitutio, quia contractus ludi iure naturali vim habet transferendi dominium ex libero ludentium consensu, & iure communi positivo, vel saltem ex consuetudine non est ipso facto irritus, nec ludentes inhabiles redduntur ad transferendum dominium, nec ad restitutionem obligantur nisi post iudicis sententiam. Ex hoc enim quod contractus est prohibitus, non ideo hoc ipso est irritus, quia ut ex cap. 16. de reg. iuris multa fieri prohibentur, quæ si facta fuerint, retinent robur, & firmitatem, ut patet in matrimonio contracto post simplex votum castitatis, in negotiatione clericis interdicta &c. Qui in aleæ lusu notabilem pecunie summam amisit, secundum ius naturale obligatur eam solvere; contractus enim habuit suam validitatem, ac ideo ex illo victor ius adeptus est ad id quod ludendo lucratus est. Insuper qui perdidit consentire debuit ludendo in solutionem si perderet, alias non potuisset acquirere ludendo ob malam fidem qua lussit.

Controvertitur tamen an vi iuris civilis communis seu Cæsarej lufor obligationem habeat in conscientia solvendi. Negant aliqui, quia *Leg. 1. cod. de aleat.* conceditur victo eiusque hæredibus ius repetendi in iudicio quæ solvit. Igitur lex quæ ius concedit, seu actionem repetendi solum, ius etiam concedit ut illud non solvatur, cum re-

tinere rem suam, ac illam datam repetere æquivalent, unde *Leg. 3. §. de compensat. intereff.* dicitur, *monstra potius non solvere quam solum repetere.* Sultinent vero alii debitorem solvere teneri, nisi expolletur a iudice, ut a suo debito absolvatur, quia 1. qui lussit valide lussit; igitur obligationem contraxit standi contractui valido, donec irritetur, & sic victor ius habet ad solutionem, donec tali iure per iudicem privetur. 2. Sicuti qui valide lussit, & perdidit, repetere nequit solum ante iudicis sententiam, similiter non potest ante sententiam non solvere. 3. Leges non concedunt ius repetendi solum nisi in iudicio; igitur non nisi per iudicium ius acquiritur non solvendi, ita ut cum dicunt leges, victus non cogatur solvere, subintelligitur a iudice: idcirco significatur eas non dare actionem victori, ut debitum repetere possit a victo. Diximus iure communi, quia dari potest quod alicubi extet, aliquid speciale statutum, vel consuetudo patriæ, quæ naturalem annullat obligationem ludo contractam solvendi debitum, ut revera extat aliquibus in locis, præcipue in Gallia. In hoc tamen standum videtur consuetudini.

§. V.

De Sponsione, & requisitis ad eius iustitiam.

Sponsio vulgo scommessa est contractus, Definitio
quo duo, vel plures de veritate, aut eventu Sponsio.
rei alicuius contendentes aliquid sibi invicem
spondent, ut id eius sit qui veritatem erit
assecutus. Huiusmodi contractus licitus est
& iustus, quando interveniant requisitæ con-
ditiones, quia nullo iure est prohibitus, &
quia est quidam fortunæ contractus, quo ut-
raque pars contentendium exposta est ia-
sturae, & pari periculo.

Conditiones vero ad iustitiam huiusce contractus requisitæ sunt 1. quod res, de qua agitur, in eodem sensu ab utroque intelligatur, & accipiat, alias non consentirent in idem, si rem diversimode intelligerent, ac proinde nullus esset contractus sponsonis. 2. Ut res de qua est controversia, id est de qua contendunt, sit utrique incerta, alias non esset æqualitas in spe, & in periculo, sicuti ad iustitiam sponsonis requiritur, ut sponso sit contractus onerosus, quo emittur spes lucri periculo perdendi: idcirco teneretur ad restitutionem qui vincendo quia certus derei veritate sponsonem obtinuit, nec ullatenus eximeretur a restitutionis onere, quam

quamvis alterum de sua certitudine adpouisset, & adhuc persistere voluisset in sua opinione, & controverfia, quia hic non vult, nec intendit donare, aut se punire, sed spondere eo quod putet rem incertam esse, & alterum decipi, ac ideo veritatem postea diligenter inquit. Quod si qui a principio certum se tenebat de veritate rei quam sustinet videns alterum pertinaciter persistere in contradictione, incipiat formidare, ac dubitare, cum recordetur alias contigisse, ut in iis etiam, quæ certa sibi videbantur, deceptus fuerit, omnes consentiunt hunc posse licite lucrari ob periculum quod tunc ab eo concipitur. Ita DD. communiter.

§. VI.

De Contractu fortis.

Contractus fortis, cui duplici modo contingere potest.

Contractus fortis, ut in præfenti accipitur, duplici modo contingere, seu perfici potest, ac proinde cum non sit semper eiusdem naturæ, hinc eadem ratione adæquate exponi nequit. Perficitur enim primo contractus fortis cum res in partes varias dividitur ex plurium consensu, inter eos dividi debet, & talis contractus dici potest fors divinatoria, qui si purus sit, & immunis ab omni fraude, & superstitione, iure naturæ licitus est. Videmus iam in quotidianam praxim deduci has divinatorias sortes tum a politicis & iuristis, tum a canonistis, & theologis ad terminandas, sive declinandas lites, ad dividendas hereditates, & spolia, ad decernenda munia, & officia sæcularia. 2. Cum res non dividitur, sed forte mediante ad unum pervenire debet, & hic est ludus, qui italicè dicitur *Lotto*. In hoc enim ludo multi aliquid continent, ut deceribantur inter illos, uni vel aliquibus quorum duntaxat beneficio fortis, seu casus contingere debet, ut res forti, seu calui commissa adveniat.

Varie conditiones concurrere debent, ut huiusmodi fors licita reddatur, 1. nempe ut nulla omnino interveniat fraus, seu ne ita sortes disponantur, ut potius super unum, idest super talem determinate cadat. 2. Contributiones taxandæ sunt cum proportionem ad præmium quod emittit tam quoad numerum contribuentium, tam quoad quantitatem summae contribuentiæ. 3. Ut si requirantur ministri, stipendium pro hisce deductum vel ex rerum prætio vel ex summi contribuentium debet esse proportionatum, eorundem labori, & non amplius. 4.

Antequam contractus ineat promulgandæ sunt leges quæ pro eodem constitutæ sunt ad hoc ut quisque videat an sibi expediat summam requisitam contribuere; imo si aliqua portio ad pias causas, ut persæpe fieri solet exponenda sit, id quoque significari debet. 5. Ut huiusmodi fortis contractus instituat publicæ auctoritate, aut saltem publico assensu, qui taxet prudentum iudicio quid conferendum, seu contribuendum sit, ut meliori modo possibili servetur æqualitas inter datum & accipiendum, quando extractionem fieri contingat, quæ pariter facienda est cum assistentia publicæ auctoritatis. Aliæ conditiones, quæ sunt minoris momenti habentur in Molina disput. 509.

CAPUT XV.

De Tributis, & Vestigalibus.

§. UNICUS.

Tributum, & vestigal late ac generaliter sumpta unum idemque significant, nempe illud omne quod a privatis sive subditis solvitur Principi, aut Republicæ ad communia onera sustinenda. Si tamen stricte & in specie considerentur & accipiantur, tributum est pensio subditis imposta iuxta cuiusque facultates, & præsertim prædicta bona prædialia ad Principis dignitatem sustinendam, & publicæ communia onera ferenda; vestigal vero est pensio solvenda pro rebus quæ in civitatem, vel in provinciam inferuntur, vel pro transvectione mercium per pontes, vel transitus viarum, &c. gabella est idem quod vestigal speciatim acceptum. Quandoque tamen confunditur cum tributo generaliter accepto.

Tributorum solutio obligat in conscientia ex Apostolo qui ait Rom. 13. ideo necessitate subditi estote non solum propter iram, sed etiam propter conscientiam; ideo enim & tributa præstatis. Reddite ergo omnibus debita, cui tributum tributum, cui vestigal vestigal. Tributum obligat etiam ante exactionem, cum non imponatur instar pænæ, sed petatur ut debitum civile nulla præsupposita culpa; idcirco longe erant putantes leges tributarias esse mere pœnales. Quamvis enim lex qua exigitur nulla ab iis, qui vestigalia defraudant, pœnalis sit, nec obliget in conscientia ante exactionem, id tamen dici nequit de lege qua tributa imponuntur. Exactor autem tributorum remittere nequit defraudatori tributorum ipsa tributa, quando multum so-

Definitio. Tributum & Vestigal. Definitio. Tributum & Vestigal. Definitio. Tributum & Vestigal.

Etiam

Ram solvat, dummodo tamen exactor, ut fieri solet aliquibus in locis, non emerit a Principe ius omne tributorum, quia in tali casu auctoritatem habet tributa remittendi, cum cedat iuri suo, quod quique respectu suorum iurum efficere potest.

Qui tributum non solvit quia non exigitur, quando tributum iustum sit, tenetur in conscientia restitutioni. Dixi *quando tributum iustum sit*, quia iniustum non obligat in conscientia.

Requisita
ad iustitiam tributi.

Ad iustitiam vero tributi requiritur 1. ut imponens auctoritatem habeat imponendi. 2. Ut imponatur ex rationabili causa, puta ob necessitatem, utilitatemve Reipublicæ, vel in sustentationem Principis ad salutem publicam vigilantis. 3. Ut in modo ponendi tributa servetur proportio status cuiuscumque, ita ut minus gravetur pauper quam dives, nec sine causa & Principis consensu quique eximatur. 4. Ut quoad fieri potest imponantur in rebus ad vitam humanam, & sustentationem non in toto necessariis, puta in aureis sericis &c. 5. Tributum non maius sit, nec prolixius quam causa expostulet; alias exactor ad restitutionem tenebitur.

Nam vero quando tributa, ac vestigalia, saltem quæ de novo imponuntur, iniusta videntur, licite defraudari queant; tamen consentiant aliqui posse, quia dicunt hi in praxi licitum esse se conformare opinioni probabili, & in dubiis meliorem esse conditionem possidentis; alii tamen econtra, & probabilius sentiunt, & hoc in praxi sequendum sustinent, hanc defraudationem esse illicitam, quia infirma sunt ista, quæ ab aliquibus de opinione probabili & conditione possidentis dicuntur. Hic enim præsumptio stat pro Principis lege, & pro illius iudicio, cum & ipse sit in possessione potestatis legislativæ. Et si valerent probabilitates (quæ frequentius fingi solent ad libitum), timendum esset, ne pene omnis Principis auctoritas in exigendis tributis eluderetur, præsertim ubi subditi ipsi constituentur iudices in causa propria. Unde in tali negotio magna requiritur in Confessariis prudentia in ferendo circa hæc suum iudicium.

Quoad vestigialium vero defraudationem, quam constat passim fieri; circa quæ multum laborant Confessarii, cum inlacet populus certa aliquando onera videri nimis gravia, & fere importabilia, ita ut si admissum, & rigorose essent solvenda in conscientia omnia quæ exiguntur, fere omne periret commercium, nullaque esset amplius

via piis & timoratis illud exercendi; quoad hanc, inquam defraudationem, nimis laxi videntur, qui huiusmodi defraudationibus nimium favent, laxantque habenas, & omne licitum concordant, aut potius autumant; quod arte & industria contingat fieri posse. Certum est enim quod Principibus iusta videtur adesse ratio augendi vestigalia; quia cum multum hæc defraudantur, nisi augeantur, difficiliter ea consequentur, quæ ipsis necessaria sunt, ut rempublicam & maiestatem dignitatis suæ tueantur. In hac igitur tam difficili & salebrosa materia nihil melius videtur expedire, quam ut Confessarius prudenter attendat ad qualitatem personarum, quæ tributa defraudant, cæteraque circumstantias, illudque temperamentum complectatur, quod præcisa omni opinionis vanitate iustum in conscientia sibi videri potest, idest curet, ne ius Principis lædatur, neque onus præcipue timoratorum nimis gravetur.

CAPUT XVI.

De Promissione.

§. 1.

De natura & divisione Promissionis.

Expositis speciebus contractuum, qui onerosi dicuntur, agendum restat de contractibus gratuitis seu lucrativis, & hoc nomine intelliguntur promissiones, donationes, ac ultimæ voluntates. De priori sit igitur.

Promissio est *actus voluntatis exterioris expressus, quo quis alteri ad aliquid se obligat*, seu est *libera & spontanea fidei datio de re licita & possibili*. Dicitur *fidei datio*, & per hoc distinguitur a donatione, in qua intervenit non fidei datio, sed rei. Et hic fides non est simplex voluntas faciendi, sed obligatio ad faciendum ex virtute fidelitatis. Hinc qui dicit promitto ut merum desiderium, seu propositum significare intendat, non censetur stricte promittens, nec ut talis obligatus: hoc enim est potius propositum quam promissio. Dicitur *libera* quia si fraude, vel dolo extorqueatur, nihil aut fere nihil valet, nisi accesserit iuramentum. Dicitur *spontanea*, nempe liberalis & gratuita, quæ onus nullum promissario imponit, & per hoc differt a promissionibus utrinque onerosis, in quibus promittens, & promissarius ad aliquid vicissim obligantur. Dicitur tandem *de re possibili, & licita*: nam ad impossibile nemo tenetur, sicuti nec ad id quod fieri

Definitio promissionis.

fieri nequit sine peccato, nec proinde de his ulla contrahi potest obligatio. Si promissio vero partim esset de re licita, partim de re illicita, implenda esset ex ea parte qua licita est, quia ex reg. 37. *iuris in 6. utile non debet per inutile vitiari*. Et si promissio impeditiva foret maioris boni, cum, ut supponitur, sit de re bona, adhuc obligat, cum quandoquidem minus bonum magis homini placeat quam maius, ad differentiam voti, quod non obligat nisi sit de meliori bono: nam quod est melius bonum, quatenus melius, impediri non potest esse Deo gratum; quocirca illud, cuius omisso Deo placet non est materia voti. Dicitur tandem *alteri facta*, & per hoc intelligi debet, quod ab eo cui facta est promissio, sit vicissim acceptata, ut distinguatur a pollicitatione, quæ est nuda sine acceptance promissio, seu voluntas fidem obligandi.

Divisio
promis-
sionis.

Promissio dividitur 1. in onerosam, scilicet qua unus alteri onus imponit; & hæc perinet ad omnes alios contractus, in quibus contrahentes per promissionem vicissim obligantur: & in gratuitam, in qua nullus onus imponitur, & est ea de qua agimus in præfenti ut est species quædam contractus. Insuper alia est promissio acceptata ab eo, cui aliquid promittitur, & hæc dicitur promissio perfecta, seu consummata: alia est nondum acceptata, & hæc dicitur pollicitatio, quia pollicitatio est solius offerentis promissio, *Leg. 1. §. de pollicitat.* Alia est sub certa formula verborum facta uno interrogante altero respondente, ut si dicas uni, dabis mihi centum, & ille respondeat, dabo, & hæc in iure dicitur stipulatio, & hæc formula adhiberi potest in omni contractu.

Quævis promissio acceptata etiam gratuita in materia gravi obligat ex iustitia, & sub mortali, quando promittens intendat se obligare ad eam præstandam obligatione legali & civili proprie accepta. Ita communius contra aliquos qui volunt non obligari nisi sub veniali, quia interveniunt requisita omnia ad contrahendam gravem obligationem. Omnis enim contractus, & pacta omnia habent ex natura sua parere obligationem ex iustitia, ergo eandem procul dubio obligationem parere debet promissio, tametsi liberalis, & gratuita, quando acceptetur, utpote quæ iure Gentium constituta sit in quadam specie contractus. Promissio enim gratuita, statim ac acceptata sit, dat ac parit ius exigendi aliquid, non secus ac ipsius iustitiæ obligatio: nam promittere est actio qua non solum affirmat quis se aliquid factu-

rum, sed insuper se obligat ad id alteri faciendum; idcirco ei consenti strictum ius exigendi quod ipsi promissum est. Et eundem est mos valde communis hominum conqueri de iniuria ipsis illata, quoties data eis fides, & acceptata non servetur. Quare in tali promissione ius tale acquirit promissarius, ut transeat etiam ad ipsius hæredes. Igitur nemo non videt transgressionem promissionis acceptatæ esse iniuriam gravem, & mortalem æque ac est omnis violatio iuris ad rem graviter obligantis. Promissio quando facta sit per stipulationem coram notario & testibus, dat actionem in foro externo, cuius iudicia in hoc veriantur, ut cuique reddantur sua iura. Hæc formalitas extrinseca non affert novam obligationem, sed obligationem iam contractam supponit, & inservit duntaxat ad maiorem contractus securitatem. Ex promissione igitur oritur obligatio quam qui non servat, fundamenta subvertit iustitiæ, quibus nituntur conventiones; quod plane ex levi est gravis inordinatio.

Verum quidem est, ut ultro communiter fatentur qui ita sentiunt 1. quod gravitas obligationis, quam parit promissio, pendat ab intentione promittentis, cum promissio se habeat ad instar legis privatæ, quævisque voluntarie sibi imponit. Unde sicut obligatio legis pendet a legislatoris voluntate ut graviter, sive leviter obliget quatenus ipsi placuerit, similiter & promissio. 2. Maiorem quantitatem requiri ad mortale in violatione promissionis quam in furto; ita &, ut aliqui volunt, quadruplo eam maiorem esse debere; quia minus invitus censetur promissarius quod res gratis promissa ei non retribuat quam si res propria æqualis valoris ei auferatur.

Promissio igitur ad hoc ut tam graviter obliget, exterius est manifestanda, cum hominibus naturaliter loquendo fides non detur nisi signis exterioribus, eam acceptare possint; & hoc requiritur ut obliget saltem ex iustitia, quia cum, si exterius non manifestetur promissario, nunquam consensu possit acceptata, hinc nequit saltem ex iustitia obligare. Nam promissio cum sit species quædam contractus, qui est duorum saltem consensus in idem, non potest obligare ex iustitia, nisi concurrat alterius consensus per acceptance, quæ profecto unquam supponi nequit in promissario, nisi ipsi promissio innotescat, quod fieri nequit sine exteriori promissionis manifestatione, ideoque promissio donec acceptetur non parit iustitiæ obligationem. Nam obligatio iustitiæ ex parte

Gravitas
obligatio-
nis pendet
ab intentione
promittentis.
Gravitas
obligatio-
nis pendet
ab intentione
promittentis.

te promittentis importat strictum ius ex parte promissarii, quod ius plane habere nequit, nisi consentiat, quia ius illud acquirendo incurrit obligationem grati animi; hæc autem non incurritur nisi a volente, præsertim cum beneficium acceptare sit vendere libertatem iuxta commune adagium. Idcirco superest quod promittens ante acceptationem non teneatur nisi ex sola veracitate, quæ levem parit obligationem, ac ideo non sub gravi, ut communiter docent Doctores.

Ex hac promissionis obligatione colliguntur duæ aliæ conditiones ad hoc ut promissio teneat, quæ iam implicite in definitione continentur, 1. videlicet quod promissio fiat cum plena deliberatione, & advertentia ad id quod agitur, quia onus tantæ obligationis impositus non censetur sine pleno consensu, qui esse nequit sine plena advertentia, quæ satis sit ad incurrendum peccatum mortale. 2. Debet esse immunis a dolo & errore circa substantiam, & causam finalem, ne desit consensus substantialis.

Adverte hic cum Tourneleio, quod licet ad hoc ut promissio strictè obliget, acceptari debeat, sicut iam hæstus probavimus, putant nihilominus quamplurimi quasdam pollicitationes obligare independentes ab acceptatione; cum pollicitationes sint meræ promissiones offerentis, quin acceptationem requirant, & propterea distinguuntur a pactis, & a promissione etiam mere liberali quæ inter pacta numeratur. Huiusmodi pollicitationes sunt eæ quæ fieri solent universitati, vel civitati ad damna reparanda, puta quæ passæ fuerint ab incendio: aut Ecclesiæ vel Hospitali ad pias causas, &c. & obligationem inducunt in pollicitante, ut exequatur quod spondit. Præsupponuntur enim acceptatæ a Communitate, ab Ecclesiâ, & a Deo.

Adverte ultetius acceptationem duplicem esse, unam formalem & expressam per verba, aut signa manifestatam, alteram virtualem, quando silentio promissarii acceptatur, & approbatur. Cum enim sit in sui favorem, hic præcipue valet ex regula 43. *iuris in 6. qui tacet consentire videtur*, quæ cum locum non habeat ubi agitur de præiudicio, tenent Doctores iuxta legem *si filiusfamilias ff. de procurat.* locum habere debere, quando solum agitur de beneficio tacentis. Idcirco regula alia, ubi dicitur *is qui tacet non facitur, sed nec utique negare videtur*, intelligenda est quando taciturnitas ex se indifferens est ad assensum, vel dissensum secundum diversitatem materiæ, vel personæ; ac proinde

prima regula habet locum in favorabilibus. Igitur attendenda est conditio personæ tacentis, & qualitas rei oblatæ, ut, silentium æquivalet acceptationi.

Si autem promittens abfens sit non secus ac donator, significare debet suam promissionem, seu donationem promissario, seu donatario per literas, vel internuncium, nec satis esset quod alter conficius talis promissionis notam faceret promissario; sicuti non sufficeret pro acceptatione quod promissarius eam faceret coram aliis, qui promittentem non repræsentent. Facile igitur colligi potest, mortuo promittente vel promissario promissionem nullam esse, quando prius acceptata non fuerit. Nam certum non est num ab hæredibus fieri possit talis acceptatio, cum circa hoc discrepent Doctores, quia hæredes rigore loquendo succedunt iuribus defuncti qualiter, & realibus. Et eundem quæ gratis ab amico promittuntur, ut plurimum hæredi nec pro pretio dantur. Ita Tourneleius.

Promittentes alicui factum, seu operam alterius obligationem contrahunt ad sincere & bona fide procurandum, ut alter factum præstet promissario: nam promittens alterius factum, eo ipso censetur velle seipsum obligare ad illud enixe procurandum. Talis tamen promissio alterum obligare nequit ut factum ipsum præstet, quia ille, ut supponitur, non est sub promittentis potestate, unde nec ea quæ ipsius sunt. Quare huiusmodi promissio ligat tantummodo promittentem, nec unquam absolute, utpote non valentem de re aliena disponere, sed duntaxat, ad curandum ut alter promissioni suæ concurrere velit factum suo promissario præstando. Ita Sanchez, de Logo cum aliis.

§. II.

De Promissionibus secundum omnes iure positivo irritis.

Unanimitè sentiunt Doctores irritas esse iure positivo promissiones 1. quando dent occasione peccandi, ut si quis spondeat se ei remissurum obligationem ab eodem contractam ob dolum, vim, furtum, iniuriam &c. *Leg. 27. de pactis*, quia hoc cederet in detrimentum boni communis. 2. Quando promissione admittitur potestas disponendi de re sua, v. g. testamenti non condendi, vel conditum revocandi, non instituendi hæredem nisi talem, cum hæc omnia sint circa bonos mores civiles, scilicet contra id quod expe-

Accepta.
pro alio
est forma
lis, alia
virtualis

dit

dit esse in republica bene ordinata. 3. Promissio quovis modo facta Beneficii nondum vacantis, utpote qui illicita sit, & nulla ex Concil. Lateran. 3. cap. 8. tamen nullum beneficium in particulari promittatur cap. de concess. prob. in 6. ne detur occasio optandi mortem possessoris; idcirco eo ipso quod vetitum est illud promittere, sequitur illicitum etiam illud optare. Tandem promissiones factæ ob turpem causam, ut ex Leg. 123. de verb. oblig. ubi sic: *Si flagitii vel facti vel faciendi causa concepta sit stipulatio, ab initio non valet*, ex Leg. 26. ibid. *Generaliter novimus turpes stipulationes nullius esse momenti*. Hinc in controversia utrum tales promissiones teneant saltem post factum, idest post flagitium commissum, puta homicidium, adulterium, stuprum, sentiunt aliqui contra alios, & probabilius ne quidem post factum, idest post flagitium commissum tenere huiuscemodi promissiones, quia si nequeunt ab initio valere, nec in progressu unquam valere poterunt iuxta reg. 18. iuris in 6. ubi sic: *Non firmatur tractu temporis quod de iure ab initio non subsistit*. Et ratio ipsa hoc clare demonstrat, quia cum promissor perpetrata re turpi non eliciat novam promissionem, vel consensum in priorem, & consensus prævius, ac prævia promissio insufficiens fuerit, & invalida, necesse est ut etiam post operis turpis exhibitionem nullus maneat consensus.

§. III.

De cessatione obligationis in promissione,
ac de eiusdem irritatione.

Quamplurimi ex Doctoribus quos citat Lessius, universaliter existimant tunc desinere promissionis obligationem 1. quando personarum & rerum status ita mutetur, ut si promissor hanc mutationem prævidisset, nolisset promittere, quod tamen non valet in promissionibus factis Deo, cum multi vovent castitatem & Religionis ingressum, qui si sensissent difficultates utriusque, nequaquam vovissent, nec tamen a votorum obligatione hi absolventur, utpote qui poterant hæc & debuerant prævidere; & in promissionibus onerosis homini factis, quæ passim conuerterent, si rerum mutatione obligatio tolleretur, cum sæpe alterutri contrahentium aliquid contingat, quod prævium ab initio conventionem impedivisset; imo aliquando in ipsis gratuitis promissionibus, quando homo prudenter agens potuerit ac debuerit prævidere mutationem. Secundum vero D. Thomam 2. 2. quæst. 110. art. 3.

Instit. Theol. Moral. Tom. III.

ad 5. duo præcipui sunt casus, in quibus cessat obligatio promissionis, ut ibi S. Doctor: *uno modo si promissi id quod manifeste est illicitum, quia promittendo peccavit, mutando autem propositum bene facit; alio modo si mutatae sint conditiones personarum, ac negotiorum*. Unde ex his, necnon ex antea dictis inferri potest quod quando res promissa evadit inutilis, aut noxia promissario, aut impossibilis promittenti, cum tunc cesset materia promissioni apta, ipsa quoque promissionis obligatio cessat. 2. Quando deficiat causa finalis, seu præcipuum motivum, ob quod facta fuit promissio, nempe quia talis causa non erat quando facta fuit promissio, vel postea desit, puta si quis promiserit alicui propter beneficium, quod putaverat ab eo accepisse, quod revera non accepit, vel pauperi virgini dotem, cui postea obvenit pinguis hæreditas, quia in primo casu non nisi ex falsa suppositione promiserat, unde est error in causa finali, seu motivo substantiali, & in secundo quia non habuit intentionem se obligandi ad dandam dotem nisi subsistente causa finali tempore executionis. 3. Quando ex duobus sibi invicem promittentibus alteruter deficiat, vel promissarius obligationem remittat, quia tunc cedit iuri suo, ac ideo tollit, seu abrogat obligationem promittentis, vel stare nollit promissum vicissim factis, quia fidem frangenti fides servanda non est; & quia quando iura sunt paria, locum tunc habet compensatio, ex cap. 3. de iureiur. & ex reg. 75. iuris in 6. *Frustra quis sibi fidem postulat ab eo servari, cui fidem a se præstitam servare recusat*. 4. Quando status rerum, & personarum talem mutationem subeat, ut prudenter iudicari possit promittentem nolluisse in tali eventu se obligare, tum quia promissio, non obligat ultra intentionem implicitam vel explicitam promittentis; tum quia sicuti ex reg. 85. iuris in 6. *In generali confessione non veniunt ea quæ quis non esset verisimiliter confessurus, si in specie peterentur*; ita neque in promissione censendi sunt comprehensii ii eventus, qui si menti occurrissent prudentum iudicio excepti fuissent in liberali promissione. Quare si quis promississet mutare pecuniam, qua deinde ob emergentem, & supervenientem casum ipse indigeret, vel si promississet loanzæ se eam durum in matrimonium, quam putabat virginem, cum deinde certo deprehenderit eam non esse, hic profecto promissionem implere non teneret, ut docet S. Thomas 2. 2. quæst. 110. art. 3. ad 5. dum, de similibus

S

pro-

promissionibus ita concludit: *Nec etiam est infidelis non implendo quod promissit, quia eadem conditiones non extant.* Nec obligat quod promissio firmata sit iuramento, quia promissio non firmatur iuramento, nisi secundum intentionem, & consensu, quo promissio facta censetur. Quare si promissio tacitam conditionem contineat, sive ex mente promittentis, sive ex natura rei, sive ex iuris dispositione, aut interpretatione, iuramentum eam conditionem non tollit, sed solum iuxta eam promissionem firmat.

Cum autem strictior sit obligatio & interpretatio promissionis onerosae quam gratuita, hinc in gratuita facilius intelliguntur aliquae tacitae conditiones, quae secundum commune prudentum iudicium in ea inesse putantur, nec promissio gratuita obligat quando sine gravi incommodo exequi nequeat, aut si rationabilis causa non implendi superveniat iuxta S. Antoninum; quia gratuite promittens, ut antea notavimus, se obligat ex sola liberalitate, ideoque pendet sub ipsius arbitrio, & voluntate eas conditiones, limitationesve apponere, quas ipse voluerit, ut est nolle se obligare, si rationabilis causa non implendi superveniat. Quare non tenetur stare promissis 1. ille, qui non putabat rem promissam esse pretii vilioris, & deprehendit postea esse maioris, & multo magis si promissio huiusmodi eius vires excedat. 2. Qui tali die promissit opus aliquod suo proximo, & tali die implicatus sit in cura uxoris, vel filiorum gravi morbo laborantium; hae enim sunt causae rationabiles promissionem non implendi.

Definit insuper obligatio promissionem implendi, quando promissio a iure naturali, vel positivo irrita facta sit. Quando autem huiusmodi promissiones irritantur a iure positivo vel naturali, iam in paragrapho antecedenti latius superque explanavimus.

CAPUT XVII.

De Donatione.

§. I.

De natura & divisione Donationis.

Donationis nomen, si ipsius ethimologia spectetur teste Iuriconsulto in *Leg. senatus 35. §. 1. ff. de mortis causa donationibus*, dicitur a dono quasi doni datio; unde definitur solet *datio mere liberalis*, seu ut apud Olfenlem, *donatio est rei licita (idest donari non prohibita.) nullo iure cogente ex mera*

liberalitate facta collatio, seu datio realis pariens dominium & ius in re. Et haec traditio vel est stricte, idest prorsus liberalis, quae nullum in donante debitum, nec gratitudinis quidem supponit, vel est liberalis late, quae licet omne iustitiae debitum excludat, non excludit tamen debitum gratitudinis; & in hoc casu dicitur antidotalis, seu remuneratoria. Donatio vero quae verbalis appellatur, ut cum quis dicit alteri *do tibi equum meum, quem habeo ruri*, est potius promissio quam donatio. Unde

Donatio dividitur 1. in verbalem; quae dicitur donatio imperfecta, quia quis per verba de praesenti actu rem alteri donat, sed eam actu ipsi non tradit utpote forsan absentem, vel ad tempus adhuc necessaria donanti, & haec parit solum ius ad rem, ut *ex Leg. donare §. 29. de donationibus*; & in realem, quae perfecta dicitur, quia donans rem alteri actu donat, & simul effectivè tradit, ac ideo transfert dominium. 2. Dividitur in donationem remuneratariam, seu antidotalem, & mere gratuitam. Donatio remuneratoria ea est, quae fit ex aliqua obligatione, non quidem iustitiae, sed gratitudinis ex parte donantis ob praecedentia merita donatarii, idest ad remunerandum aliquod beneficium a donatario receptum, & haec improprie est donatio. Docent hic multi relati a Sanchez, quos hic sequitur, quod quando alicui creantur donationes erga aliquos, non intelligitur ei vetita donatio antidotalis seu remuneratoria, proportionata tamen beneficiis, & obsequiis alias non debitis *ex Leg. 1. §. de donat.* Donatio vero mere gratuita seu liberalis, de qua nunc agimus, est ea quae fit seculum omni prorsus obligatione tam iustitiae, quam gratitudinis ex parte donantis, sed tota fundatur in ipsius liberalitate. Dividitur 3. in absolutam, & conditionatam; illa fit sine ulla conditione; haec vero fit sub aliqua certa conditione; & haec pariter non est proprie donatio, cum donatio proprie debeat esse propter solam & meram liberalitatem donantis *Leg. 1. ff. de donat.* Dividitur 4. in donationem inter vivos, & donationem causa mortis. Prima est qua quis sic donat, ut dominium rei se vivente velit in donatarium transferri; secunda vero qua quis actualiter quidem donat, sed non vult dominium rei donatae in alium transferre, nisi se mortuo, *Leg. 1. Senatus §. 2. ff. ut supra.* Utraque donatio in hoc differunt 1. quod donatio inter vivos semel rite facta ex se, & rebus immutatis est irrevocabilis, statimque dominium transfert irrevocabili-

Quid sit
donatio,
& quomodo
plea?

ter.

ter. *Leg. finali cod. de revocat. donat.* Donatio autem causa mortis est revocabilis in aliquibus casibus, seu non est firma, ante mortem donantis *Leg. 4. ff. de adimendis: In supremis enim dispositionibus hæc regula dubio procul obtinet, ut ambulatoria sit omnis voluntas sique ad extremum vitæ.* Hinc donator inter vivos potest etiam cogi ad rei traditionem, non vero donator causa mortis. Quod si donator reservare sibi voluerit facultatem super re donata inter vivos prout nunc disponendi, aut si donationis instrumentum apud se reservaverit, nec transcriptum donatario dederit, donatio invalida est. Differunt 2. quia donatio mortis causa evanescit, & annullatur, si donatarius moriatur ante donantem, nec transmittitur in hoc casu ad hæreses §. 1. *de donat.* secus donatio inter vivos. 3. Quod ad donationem inter vivos quingentos solidos excedentem requiritur inhiuatio apud iudicem §. *aliquatenus* 2. *Instit. de donat.* non sic autem ad donationem mortis causa *Leg. fin. de donat. mortis causa*. An vero donationes causa mortis differant a dispositionibus testamentariis, seu ab ipsis testamentis, graviter controversatur inter Iurisperitos. Afirmant alii differre, alii negare; sed hoc pendet a Legibus municipalibus, sicut etiam a locorum consuetudinibus.

Ad hoc autem ut donatio sive inter vivos, sive causa mortis valida sit, requiritur 1. ex communi quod sit deliberata, & spontanea, scilicet quod donans voluntatem habeat, & animum donandi, quia nec ignorans, nec invitatus quilibet donat *Leg. 10. cod. de donat.* Idcirco qui vi, aut dolo aliquem impulit ad quid sibi donandum, teneatur illud eidem restituere, & tollere, ac rescire iniuriam, alium in priori stato libertatis restituendo. Imo volunt multi donationem factam ex metu etiam levi iniuste inuito tanquam causa finali in foro conscientiarum invalidam esse, & nullam, quia est de essentia donationis, ut fiat sponte & liberaliter. Hanc autem voluntatem & animum donandi necesse est ut donator aliquo modo manifestet sive oretenus, sive in scriptis, sive hat absenti, sive præsenti *Leg. nec ambigi* 6. Sed præter liberam voluntatem, & animum donandi in eo qui donat, requiritur insuper ad validitatem donationis, ut aliae quatuor concurrant conditiones, prima quarum he tenet ex parte ipsius donantis, secunda ex parte donatarii, tertia ex parte rei quæ datur, quarta tandem ex parte formalitatum, quæ nisi accedant, nulla

est donatio. Itaque ad validitatem donationis requiritur ex parte ipsius donantis, ut præter liberam ipsius voluntatem donandi sit etiam habilis ad donandum. Unde generaliter loquendo illi solum donare valent inter vivos, qui contrahere possunt, idest qui liberam habent facultatem, ut domini, de re sua disponendi: & ad hoc necessaria sunt quedam conditiones, quarum alie he habent ex parte corporis, alie ex parte animi, alie tandem ab extrinseco, puta a Legibus requiruntur, quibus deficientibus donatio non est. Idcirco donare nequeunt qui natura sunt muti, & surdi literal, ut nec voce, nec scriptura certo explicare possint suam voluntatem, 2. furiosi, quia mente carent, item prodigus, cui bonorum suorum administratio a iudice interdicta est, *Instit. quibus non est permisum facere testamentum*. Imo ligatur prodigus statim ac parentes eius contra ipsum agere incipiunt. 3. Filiifamilias donec sint sub patria potestate iure communi non possunt disponere inter vivos, nisi de bonis castrensis, aut quasi castrensis, aliisve ita illud pertinentibus, ut pater circa eas non habeat nequidem quoad eorum usum fructum, & hac in re variz sunt locorum consuetudines, ut quis inter vivos disponere possit, nam ubi plus ubi minus requiritur ætatis. Alie enim requirunt 20. alie 25. annos, ut ius commune. Et aliqui in loco ita est obsequendum his consuetudinibus, ut Novitii in Religionibus profectendis non possint prius disponere de bonis, nisi ad talem pervenerint ætatem, quam consuetudo exigit, ut sæpe præcipue in Gallia contra has dispositiones iudicatum est, cum cæteroquin de persona irrevocabiliter disponere possint. 5. Qui similiter mortui sunt sive morte infami, ut trepiti, & exilio damnati in perpetuum, sive morte heroica, ut Religiosi professi; hi enim nec donare, nec quidquam sibi in particulari recipere possunt. Idemque dicendum de Equitibus Melitenibus, quod Ricardus extendit ad Patres Societatis Iesu. Possunt quidem Patres Oratorii & Missionis, quia hi non sunt professi solemniter votum paupertatis, nec tales Congregationes hos extrahunt e Clero sæculari, ac ideo promiscue ipsi parentes, & ipsi parentibus succedunt.

Episcopi, vel Ecclesiarum Prælati sive sæculares, sive Regulares non possunt facere ex mera liberalitate donationes in magna quantitate de redditibus, seu bonis Ecclesiæ, & Monasterii, & si tales donationes faciant revocari possunt, & debent a successore,

fore; ita in *cap. fraternitatem 2. de donat.* Valide tamen & licite facere possunt modicas, seu in parva quantitate donationes mere liberales, præcipue ubi est consuetudo in *cap. Ec. de donat.* Imo possunt facere moderatas donationes ex rebus quoque Ecclesiæ, & Monasterii, ubi etiam non est consuetudo *cap. fraternit. 2. de donat.* ubi graves solummodo prohibentur. De remuneratoriis donationibus etiam magnis nulla est difficultas Prælatos quoscumque eas facere posse in compensationem beneficiorum in Ecclesiâ seu Prælatum, seu etiam in membra ipsius a donatorio collatorum, ut ex *Leg. Aquilius 27. iuncta Gloss. verb. non meram ex Leg. penult. §. si quis ff. de donat.* Non enim est mere liberalis, ut requiritur ad veram donationem, sed fit ex obligatione gratitudinis ex *Leg. sed et si 25. §. consuluit ff. de petiti. heredi.* ubi tales remunerationes si commensurate sint meritis, seu beneficiis ac obsequiis præstitis, dicuntur genus quoddam permutationis, Abbas in *cap. 3. num. 3. de donat.* &c. Barbosa in dist. cap. Et tales donationes possunt facere Prælati sive sæculares, sive Regulares etiam ut moveant donatorium ad faciendam in posterum Ecclesiæ, vel Monasterio beneficia; quia ita donando procurant Ecclesiæ utilitatem. Prælati insuper Ecclesiarum etiam Regulares sine consensu quoque Capituli & iuris solemnitatibus requisitis ex causa pietatis, & misericordiæ, sive titulo elemosynæ facere possunt de redditibus Ecclesiæ, seu Monasterii donationes proportionatas ad bona & facultates quas habet Ecclesia, vel Monasterium, quia hæc non sunt ex mera liberalitate, sed ex quadam iuris obligatione, & necessitate *cap. 1. de donat.*

Et ita Religiosi promotus ad Episcopatum non succedit parentibus in Galliis ipsi quidem succedunt parentibus, nec alias Ordo, in quo professus fuit. Cæterum Religiosi percipere possunt annuas pensiones ad victum ac ad alios usus necessarias. Religiosi qui extra Communitatem habent Beneficia disponere de his possunt absque Superiorum licentia, unde tenet donatio quam ipsi faciunt secularibus, de bonis tamen mobilibus, non de immobilibus. Non possunt vero hi Religiosi beneficiati disponere de supellectilibus quæ sibi reservarunt nequidem de Superiorum licentia, sed fabricæ, vel locorum pauperibus, aut saltem eorum Monasterio, a quo exierunt eundo ad Beneficium, adiudicantur.

Invalida
est iura.

Coniuges nequeunt sibi ad invicem mere

liberaliter aliquid donare, & si talis mere liberalis fiat donatio inter virum, & uxorem durante matrimonio est invalida, & ad arbitrium donantis revocari potest, si ex illa donans fiat pauperior, & donatarius ditior, sic in *cap. donatio 8. de donat. inter virum & uxorem.* Si tamen neque explicite neque implicite (id est per divortium) revocetur, confirmantur, & validantur morte donantis; sic communiter statuunt varia iura, præcipue *lex 3. cod. de donat. §. sciendum 10.* Et e quidem si permitterentur huiusmodi donationes, necessario sequeretur quod aut facillime coniuges depauperarentur, quia nimis, seu prodige donarent, ne minus amare censerentur, aut frequentes lacerent inter illos dissensiones, nisi sibi invicem donarent. Confirmari vero donationem morte donantis, quæ antea non fuit revocata habetur in *Leg. 10. cod. de donat. inter virum & uxorem,* & alibi. Cæterum istandum est consuetudinibus locorum, quæ ut plurimum sunt ut maritus & uxor durante matrimonio quidquam sibi invicem nec directe, nec indirecte, sive inter vivos, sive quovis alio modo donent, excepta ea donationis specie quæ mutua dicitur, & qua ambo paciscuntur, ut qui alteri erit vitæ superfluis usufructum medietatis partis bonorum Communis recipiat. Dantur vero quædam consuetudines permitteutes maritum donare uxori, non vero uxorem marito. Valida tamen est donatio inter maritum, & uxorem rerum exigui pretii, ut Barbosa in *cap. donatio 8. de donat. inter virum & uxorem num. 17.* Hinc Confessarii instructi esse debent legum, & consuetudinum, quas quisque in sua conscientia observare tenetur.

Nota circa modo dicta, quod si res ab uno coniugum alteri donata ante donantis mortem, nondum tradita fuisset coniugi donatario, nec ab hoc possessa, non transiret in illius dominium post mortem donantis. Nam cum invalida fuerit talis donatio ante mortem donantis, nihil maneret confirmandum & convalidandum post eiuſdem donantis mortem, quia, ut docent communiter Doctores, confirmari, & convalidari nequit quod nullo modo est nec in se, nec in aliquo fidi. Nota ulterius, quod si coniux donatarius iam tenens rem sibi ab altero coniuge donatam, ante donatorem e vivis excedat, res donata non spectat ad hæredes coniugis donatarii, sed ad coniugem superflitem, quia cum talis donatio ex iure nulla esset, ius nullum transferre potest in hæredes coniugis donatarii, ita ut si res ad ipsos transisset.

etio inter
conjuges
in vita.

set, coniux donans superfluis eam repetere posset ab heredibus, qui eam restituere tenerentur; imo eo quoque non repetente si censetur eundem rei oblitus, vel putans eam consumptam fuisse. Nota tandem donationem inter coniuges factam mortis causa valere, tamen si res nondum tradita fuerit, cum donatio morte donantis confirmetur. Nam hæc non est magis donatio quam legatum, ut communiter dicitur. Cavendum tamen est ne tales donationes inter coniuges siue factæ inter vivos, siue causa mortis sint præiudicio legitimæ, quæ filius debetur, alias non valeret saltem pro eâ parte, quæ complere debet filiorum legitimam; sic ex *Leg. 1. cod. de inoffic. donat.* Cavendum quoque est ex iure naturali ne sint præiudicio creditoribus donantis, si quos habeat.

Invalide sunt donationes inter coniuges etiam si ante matrimonium duntaxat rato, imo etiam inter ipsos ante matrimonium, si donatio fiat sub conditione pendente a nuptiis, nempe quod res donata non fiat alterius nisi secutus nuptiis. Sic ex cit. ff. de donat. inter virum & uxorem *Leg. cum in statu 32. §. si sponsus 12.* Nam licet donatio fiat personæ tunc habili, sit tamen cum respectu ad tempus, in quo habilis non erit. Valida tamen erit donatio facta sponsæ ante nuptias absolute, & absque ullo respectu ad nuptias, tamen post breve tempus, nempe paucas horas nuptiæ concludantur: sic ex *Leg. inter eos 27.* Pariter invalida est remissio alicuius debiti contracti ab uno conjugum cum altero, quia hæc quoque est vera donatio; sicuti etiam remissio pretii rei alicuius inter ipsos venditæ, cum & hæc sit vera donatio inter vivos, licet quoad pretium iustum, & erogatum valida sit venditio. Sic ex cit. *Leg. si sponsus 5. §. 2.*

Si donatio vero inter coniuges non sit nuda, & simplex, sed iuramento firmata, quando nempe donator iurat se eam non repetiturum, in tali casu tenet donatio, nec donans, ne sit perituros, potest amplius eam licite revocare. Etenim quia actio illa per se mala non est, subiciit iuramento, contra quod leges christianæ desinunt obligare quoad actiones, quæ per se malæ non sunt. Quod si donatio inter coniuges fit antidotalis, seu remuneratoriæ, probabilis censet alias ludatus P. Fulgentius validam esse, quia cum talis donatio debitum involvat gratitudinis, ac proinde non sit mere liberalis, decidit a donatione strictè sumpta, ac ideo eximi videtur a lege; quia cui donare interdicitur, non interdicitur remunerari,

Instit. Theol. Moral. Tom. III.

quod omittere notam affert; secus si omitatur donatio liberalis. Notandum tamen, quod si donatio remuneratoriæ facta fuerit ante matrimonium deducenda sit ex totocumulo hereditatis, cum hæc proprie non sit donatio, sed contractus onerosus innotatus, qui dicitur *do ut facias*, nempe do tibi nobili adolescentulæ, ut mihi ignobili ætate provento nubas. Si autem fiat post matrimonium contractum, quia tunc sistit in mero gradu donationis, tamen remuneratoriæ, quæ nempe non est debita ex iustitia, sicut debita est si fiat ante matrimonium, tunc deduci non debet ex cumulo hereditatis, sed tantummodo ex ea parte, de qua donator disponere potest, ac proinde aliorum legitimam non minuit.

Cæterum in iure varii excipiuntur casus, in quibus donatio inter coniuges statim est per se valida durante matrimonio. 1. Si sint Principes. 2. Si ex ea donatione donator non fiat pauperior, idest si eius substantiæ, & divitiæ non sint diminutæ, ut si maritus hereditatem, vel legatum repudiet, ut uxori substituat, vel ab intestato succedenti obveniat, ut in cit. *Leg. si sponsus 5. si maritus heres ff. de donat. inter vir. & uxor.* 3. Si maritus sit prodigus, & res quas prodigere statuerat uxori donet. 4. Si ex tali donatione coniux donatarius factus non sit locupletior, etiam si coniux donans donando pauperior fiat. Itaq. ex cit. *Leg. si sponsus ff. eodem 5.* Si donatio fiat ex causa exilii, vel alterius poenæ bonorum confiscationem secum trahentis ex *Leg. 43. ff. de donat. inter virum & uxor.* ubi sic: *Inter virum, & uxorem exilii causa donatio fieri potest.* 6. Valida est donatio, si uxor marito donet causa honoris, & dignitatis adipiscendæ, puta ad ipsum nobilitandum, doctorandum, in dignitate, vel qualificato officio constituendum. 7. Si maritus uxori remittat dotem promissam, iuxta Legem *si constante cod. de donat. ad nuptias*, aut si ipsam dotet, vel dotem eius augeat ad compensandam inæqualitatem siue gradus, siue ætatis, alias non est concessum ut vir uxori post nuptias, siue in ipsis nuptiis dotem mere liberaliter constituat, quia hæc dotis constitutio est quædam species donationis *Leg. ult. §. si a socero ff. que in fraudem creditorum.* Potest tamen etiam post nuptias mariti dotem constituere, aut iam constitutam augere, eo quia hoc non sit donatio, cum dominium directum remaneat uxori, & utile tantummodo cedat viro, quod congrue ipsi conceditur ad onera matrimonii sustinenda. Dantur quæ-

Casus in quibus donatio inter coniuges per se est valida.

quædam aliæ donationes, quæ valide sunt inter maritum, & uxorem, live inter vivos, live causa mortis de quibus iam antea actum est.

Quid de
arrha
quæ dan-
tur inter
sponso-
s ante ma-
trimo-
nium.

Occurrere potest questio circa arrhas, quæ vicissim sibi donant sponso, & sponsæ, & alias sponalicias largitates, scilicet dona sponso ante matrimonium, circa anulum quod sponsæ datur a sponso in celebratione matrimonii, circa liberales donationes factas coniugi a viro, nempe quid iuris in coniugem donatarium post mortem viri donantis transeat. Quoad primam, arrha quæ est donatio facta sponsæ a sponso, vel e contra in remunerationem dotis, nobilitatis, &c. hæc sponsæ acquiritur duntaxat secuto matrimonio, ita ut si iniuste a matrimonio sponsa, vel sponso resiliant, huiusmodi arrhæ amittuntur. Secuto autem matrimonio ita arrha ad uxorem spectat, ut tamen nondum fuerit ipsi tradita, eidem tradenda sit. Et si uxor ante virum & vivis decedat, ius habet disponendi de arrha, sicut de dote adventitia, ac illam relinquendi hæredibus ab intestato. Sic Sanchez de matrimonio lib. 6. disp. 27. Quoad secundum vero, nempe circa anulum, quem sponso datur sponsæ in actuali celebratione matrimonii, nisi antea eidem donatus fuerit, non habetur ut donatus. Cum enim dari soleat post matrimonium contractum de præsentibus, cadit sub lege quæ donationes inter viros, & uxorem interdicit. Idemque dicito de vestibus pretiosis, aliisque huiusmodi, quæ a sponsa mitti solent sponsæ ad celebrationem nuptiarum. Nisi enim hæc expresse eidem donentur, donari non censentur, quia non sunt comprehensa inter dona quæ dicuntur sponalicias largitas, de quibus mox, sed ideo dantur, ut sponsa ornatus apparere possit coram sponso, ipsique honorem augeat, ad differentiam vestium non pretiosarum, quæ ad ordinarium eius usum mittuntur, ut continuo usui eas consumet. Quoad tertium, nempe quoad sponalicias largitates consistentes in dono, quod sponso ex propriis bonis sibi mutuo facere solent ante matrimonium in ordine ad futurum matrimonium, præcipue in eo quod sponso sponsæ elargitur, eidem valide donatum censetur, dummodo tamen matrimonium sequatur, quia hæc se habent veluti dona conditionata, idest sub conditione secuturi matrimonii, & hæc dona a iure non irritantur. Hinc si matrimonium non sequatur, restitucenda erunt aut sponso, aut illius hæredibus, si obiiit, dummodo per se non steterit, idest non intercesserit

culpa donantis, quod matrimonium secutum non fuerit, quia in tali casu hæc largitates acquiruntur innocentibus. Ad ultimum tandem, nempe quoad dona quæ maritus liberaliter fecit uxori, si mulier facta vidua transeat ad secundas nuptias, & filios habeat suceptos a viro defuncto, non potest de taliter sibi donatis disponere prout ipsi libuerit, sed ea relinquere debet filiis defuncti. Sic enim statuunt iura, & iure merito, cum talis plane censetur voluntas defuncti donatoris. Notanter dictum fuit de sibiliter donatis, quia de his, quæ data sint titulo aliquo venulo, uxor superflue libere disponere potest, non secus ac de propriis. Et item dicendum esse censet P. Fulgentius etiam de donis antidotalibus, idest de datis in remunerationem. Verum quia hæc sunt dicta sunt de iure communi, seu Casareo quod ubique vel in toto admittitur, vel in aliqua parte, vel prout reus reicitur; hinc standum est ubique iuribus municipalibus, ac propriis loci consuetudinibus, quæ iam invaluerunt.

Pater non potest valide donare filio non emancipato, & potest talis donatio arbitrio patris revocari, nisi fuerit firmata iuramento de ea non revocanda, aut genitoris morte firmetur, dummodo res filio tradita fuerit. Ita a iure statutum est, & præcipue Leg. cum de bonis 10. cod. de donat. quia filius non emancipatus non est quid moraliter distinctum a patre, idest donec filius est sub patria potestate, reputatur velut una persona civilis cum patre. Hinc omne, quod filius a patre acquirit spectat ad bona filii profectionis, quorum pater est dominus, ideoque pater filio non emancipato donando, sibi ipsi donare censetur. Confirmata autem donatione per mortem patris, filius ius habet etiam ad fructus ex ea profectionis a die, qua res ipsi tradita fuit, dummodo tamen donatio ad tantam quantitatem non perveniat, ut requiratur insinuatio, (de qua infra) quia tunc quoad hunc excessum non firmatur morte patris. Confirmatur etiam dicta donatio per emancipationem filii, nisi a patre res tradita ante emancipationem repetatur Leg. donat. 31. §. 1. ff. de donat. Valet tamen donatio patris filio non emancipato, 1. quando pater donat aliquid filio ratione studiorum, vel artis adimplendæ, Leg. 15. de negot. gest. 3. Cum donat remunerationis gratia Leg. cum pater 77. §. 25. ff. de legat. 3. Cum donat ei ratione dotis, vel ad matrimonium. 4. Cum donat eidem bona mobilia ratione militiæ,

Page no.
quit do-
nare fi-
lio non
dum e-
manci-
pato.

Quando
valet
donatio
patris
facto fi-
lio non
emanci-
pato.

ad

ad gradum vel honorem adipiscendum, quia ita donatum evadit filio. bonum castrense, vel quasi castrense, de quo filius liberam habere dispositionem ex Leg. 2. *castrense ff. de peculio castrensi*. §. Cum ei donat usufructum, quem habet in eius bonis adventitiis.

6. In omnibus pene casibus, in quibus donatio valet inter coniuges, valet etiam donatio patris facta filio. Sic Navarrus, Sylvesterus cum aliis.

Nota quod bona, quæ pater donavit filio ad ducendam uxorem, ad sacros Ordines pro patrimonio, ad militiam, ad redemptionem a captivitate, ad Religionis ingressum, & huiusmodi, sunt eorumdem, quandoquidem etiam dominium utile harum rerum ad ipsos pertineat. Sunt tamen istæ res computandæ in portione hæreditatis paternæ cum aliis fratribus. Dixi *iste res*, quia hæc, non fructus ab iisdem perceptis computandi sunt in partitione; ita Leges statuunt, quia quæ pater dat filio ob causam, dando quod debet filio, censetur dare costus. Tenetur enim procurare statum filio, eidemque luminis, quæ ad statum acquirendum necessaria sunt; quoniam nisi contrarium exprimat censetur dare de portione hæreditatis, quam filio negare non potest. Igitur si expresse dixerit se illa donasse, tunc non erunt computanda in portione hæreditatis. Quæ autem pater pro filio expendit in convivio pro nuptiis, in doctoratu, in prima Missa, in ingressu splendidioris Religionis, aliave consimili occasione, non sunt computanda in hæreditate: ita ex iure; quia cum hæc pater filio non debeat, censetur liberaliter donare, tum quia hæc expensæ cedunt etiam in ipsius honorem, aliisque fratribus communes sunt. Deberent autem computari in hæreditate, si fierent pro filio emancipato, vel si pater potens revocare donationem, vellet ut in hæreditatis parte computentur, aut si frater, vel soror pretat ut computentur, eum & ipsi computare debeant sibi a patre data sive liberaliter, sive ob causam, nempe ob dotem, nuptias &c. & hoc ut vitetur inæqualitas inter fratres.

Non sunt vero in parte hæreditatis computanda, quæ pater filio non emancipato dat etiam ob causam, si data spectent ad decentem filii sustentationem, eo quod pater filio sub potestate sua existenti iure naturali providere tenetur de eis, quæ ad ipsius alimenta, & decentem sustentationem pertinent: consideratis circumstantiis familie, opum, &c. & seclusa fraude, & damno aliorum filiorum, tam quoad eorum legitimam,

quam quoad iniustam ipsorum depauperationem: unde non erunt computanda, quæ pater mittit filio, qui aliunde sibi providere non valet, ad studium profectio in aliquo Collegio; quæ dat ad descendam scientiam, vel artem suo gradui, & ingenio correspondentem, ad Doctoratum, & similia, utpote quæ reducuntur ad decentem filii sustentationem. Item computanda non sunt in portione hæreditatis quæ filio dedit pater, vel uti pretium pro obsequiis, laboribus, industriis, curis ab ipso filio extraordinarie impensis pro negotiis, opificiis, aliisque bonis paternis utilius gerendis, quia hæc filio debentur tanquam iusta compensatio suorum laborum, ita ut si ante patris obitum nihil ipsi fuerit erogatum, aliquid ei erogandum sit, si insit pro tali compensatione, dummodo tamen tali intentione laboraverit, ut eius labor, & opera compensaretur: nam si alias laborasset animo donandi patri laborem suum, nihil exigere posset, bene quidem sibi a patre data retinere. Verum hic quoque attendendæ sunt leges consuetudineque regionum. Hæstenus cum P. Fulgentio.

Mater valide donat filio tam emancipato quam non emancipato, sicuti etiam valida est donatio, quæ fit nepoti ab avo materno, & res donata ipso filio, & nepoti acquiritur, quia huiusmodi donationes non impediunt iura, sicuti impediunt illas, quas pater, vel avus paternus faciant filio, vel nepoti. Cessat enim ratio prohibens donationes matris filio, & avi materni nepoti, cum mater filium, avus maternus nepotem non habeant in sua potestate.

Filii illegitimi disponere possunt de bonis suis, ac ideo donare tum inter vivos, tum causa mortis. Item capaces sunt accipiendi donationes, dummodo non sint universales. Quod si ex adulterio, aut incestu nati sint, recipere nequeunt nisi alimenta, & non ultra, dummodo aliqua particularis lex, vel consuetudo aliquid in contrarium non statuerit. Ita Tournelleius.

Secunda conditio ad validitatem donationis est, ut donatarius recipere non prohibeatur. Unde donatarii 1. esse nequeunt ii, qui habent in alios certam auctoritatem; sic nullæ sunt donationes factæ a pupillis in gratiam tutorum, & curatorum, eorumque uxorum, nisi iam tutores, & curatores rationes suas reddiderint. 2. Aliquando precipue in Gallia reprobatur fuerit ut invalidæ donationes factæ tam Confessario, quam Ordini, cuius ille est membrum, ut contigit

Mater
valide
donat fi-
lio sua
emancipa-
to sive
non.

contra quamdam domum Oratorii. Si tamen donatio non excedat limites iustæ gratitudinis censent aliqui non esse a iudice reprobendam. 3. Ex suspitione nimis auctoritatis in animo donatoris provilum fuit a iure, ne medici, chirurgi, & alii id genus, advocati & procuratores quidquam ab eis recipiant ultra sua stipendia, quorum negotia agunt.

Tertia conditio ad donationis validitatem est, ut res, quæ in donum datur dari permittatur eo saltem modo, quo datur. Quare non tenet 1. donatio facta in fraudem creditorum; 2. donatio omnium bonorum inter vivos, quia, ut videbimus, verita est iure communi. Omnium enim donatio excedens trecentum solidos, & non præmissa infirmatione secundum leges erat invalida; deinde concessum fuit ne excederet quingentos solidos, qui ascendunt ad summam septingentorum tredecim solidorum romanorum, ut notant auctores, quam summam hodieum iure Cæsareo excedere non licet in donatione inter vivos absque infirmatione. Ideo iure communi verita est donatio inter vivos bonorum omnium tunc præsentium, quam futurorum, & alicubi hoc interdictum est etiam ex consuetudine; alicubi vero conceditur, dummodo donator prolem non habeat cui debeat. legitima.

Donatio bonorum tantum esse a iure, & ideo invalidam, quia ita donans se expoliatur potestate testandi quod repugnat bono repugnat, Leg. 61. ff. de verb. obligat. Censent tamen validam esse si fiat causa mortis, quia cum semper revocari possit, libertatem testandi non aufert. Quod si donatio bonorum omnium inter vivos firmaretur iuramento, sufficienter aliqui ut probabilis tale iuramentum irritum esse. Nam illud esset de non revocando donationem factam, quod idem esset ac illam continere in sua substantia. Igitur cum huiusmodi donatio sit contra bonos mores, communeque bonum, & ideo verita, eiusdem quoque continuatio immunitas non erit a malitia. Iuramentum vero de actione non de purabili a malitiae deformitate vim non habet ligandi. Dicendum igitur cum communi iuristarum contra plures Theologos tale iuramentum non tenere. Si quis autem diceret dono tibi bona mea omnia, dicunt communiter, quod cum donatio tunc intelligenda sit de bonis præsentibus, esset valida. Idemque dicunt communiter etiam futura simul donare excepto præsentium, &

futurorum usufructu, quia non esset donatio omnium bonorum simpliciter, & absolute, neque ea incommoda afferret, propter quæ donatio bonorum omnium simpliciter & absolute prohibetur, nempe ne donans omni expolieretur potestate disponendi per testamentum.

4. Ad validitatem donationis requiruntur quædam solemnitates, sine quibus ea non subsistit. Prima est acceptatio donatarii, quia ex Leg. Hoc iure ff. de donat. non potest liberaliter notens acquiri, seu ut habetur reg. 69. ff. de diversis iur. iuris, invito beneficiario non datur. Hinc revocari potest v. g. fundario Capellæ, quamdiu ab Episcopo non est acceptata. Acceptatio facta a Notario nomine donatarii non sufficit: valet tamen si coram Notario fiat a procuratore ad id specialiter designato.

Hæc acceptatio volunt aliqui locum habere etiam in donationibus quæ sunt Ecclesiæ, & Minoribus. Minores annorum 25. non valide acceptant sine curatorum consensu, sicut nec uxores absque mariti auctoritate. Valida tamen est donatio facta utrique coniugi, licet a marito solo acceptetur. In donationibus, vel mutuis, vel quæ sunt contractu matrimoniali ob matrimonii favorem non requiritur acceptatio, vel potius ea sufficit acceptatio sine qua tales contractus non subsistunt. Donationes extra contractum matrimonii factæ pueris ex eodem matrimonio procreandis valent, si fiant a patre, vel ab eo acceptentur. De donationibus vero factis Ecclesiæ vel alteri pæ causæ censent alii communiter eas statim obligare, quamvis a Rectore, vel administratore pæ causæ absque non sint acceptatæ, Barthola lib. 2. l. 1. r. Ecclesiast. univers. cap. 13. num. 29. Reiffenstuel, Abbas, alique passim, quia quod donatur vel promittitur Ecclesiæ aut alteri pæ causæ, censetur donatum, & promissum ipsi Deo, cap. Nulli liceat 3. caus. 12. q. 2. Secunda formalitas ad donationis validitatem requisita est traditio. Traditio autem duplex est, realis & ficta. Realis quando donator rei dominium directum & utile actum & absolute in donatarium transfert; ficta vero cum donator ita rei proprietatem in donatarium transfert, ut sibi usufructum retineat, &c. Traditio ficta plerisque in consuetudinibus sufficit, non vero in iis quæ expresse requirunt, ut donator re sua penitus se expoliet, & donatarium ea quasi induat.

Tertia demum formalitas est infirmatio, qua nempe donationes in acta publica referuntur. Quod fit infirmatio.

Solemnitates requiruntur ad validitatem donationis.

runtur, seu reponuntur in manu publica, puta Notarii, Cancellarii, &c. quia omnium interest donationes non esse ignotas, & earum authenticas servari, & custodiri in publicis actis, præsertim creditorum, quibus ex donatiobus præiudicium oriri potest. Insinuatio indulta fuit a Constantino, & in omni Regno ac Republica bene ordinata hæc regula servatur. Insinuari debent tum donatio tum acceptatio, nam insinuatio solius donationis eam irritam faceret. 2. Res insinuationi obnoxie sunt donationes tum factæ inter vivos, tum causæ mortis. 3. Ea insinuatio Minoribus necessaria est, etiamsi curatores eorum, qui eam incuria sua omiserunt, impares sint ad solvendum.

Causa in quibus valet donatio sine insinuazione

Valet tamen donatio sine tali insinuazione 1. quando facta sit alicui pro reparacione litarum ædium, quæ ruina vel incendio consumptæ fuerunt. 2. Donatio summæ pecuniaræ facta de manu ad manum, cum lex nulla vetet eam donationem, quæ ab homine vivente fit brevi manu, sed certis duntaxat personis, puta marito, vel uxori, &c. 3. Valet in utroque foro, conscientie scilicet, & externo donatio sine tali insinuacione facta in quacunque quantitate Ecclesiæ, Monasterio, vel alicui pio loco, vel ad quamlibet piam causam, ut communiter sentiunt Theologi, & Canonici, cum causæ piæ non subiaceant legi civili, ex cap. Ecclesia S. Marie 10. de Constitut. 4. Valet item sine tali formalitate donatio beneficiorum remuneratoria, quia non est vera donatio, Leg. Aquilius 27. l. i. cuncta Glossæ verb. non meram. Ascenditur tamen ne donatio remuneratoria merita donatarii excedat. 5. Valet donatio sine insinuacione rerum mobilium quingentos solidos excedens, quam belli dux facit militibus tum ex eius bonis, quam ex bonis hostium, si ve in ipsa belli occupatione, si ve in quibuscunque aliis locis, & temporibus Leg. si quis 36. §. 1. cod. de donat. 6. Valet ea quam Princeps supremus facit privato, Leg. Sancimus 34. & alibi, aut privatus facit Principi supremo, Authent. Immediat. Lege seq. Leg. 34. cod. de donat.

Donatio etiam tantum verbalis acceptata obligat.

Donatio hunc parit effectum quod licet sit tantum verbalis, quæ sit absque actuali traditione rei donatæ obligat donatorem ad tradendam rem donatam, si donatio acceptata sit a donatario §. alias vero 2. Instit. de donat. ita ut si donans nolit præstare rem donatam conceditur donatario actio contra ipsum ad tradendam rem verbaliter donatam, Leg. si quis argentum. 35. cod. de donat. Donator tamen li actione con-

veniat, potest prius debita solvere aliis creditoribus, & necessarias propriæ sustentationi detrudere, si hæc ibi deficerent solvendo per compromissum, seu verbaliter donatum. Si autem donator sit in mora, non tenetur fructus de re donata interea perceptos donatario restituere, ita ex Leg. In adibus §. 1. ff. de donat. alias donatori sua liberalitas nimis esset ipsi damno, tum quia res suo domino fructificat, & hæc ante traditionem non est donatarii, cum ad ipsum adhuc non sit translatum dominium, quod in hoc contractu traditione, non nudis pactis transferetur, Leg. tradition. 20. cod. de donat.

Donatio, ut dixi, invalida est ex iure civili quoad excessum, si excedat quingentos solidos, nisi insinuatur, sed circa hoc recurrendum est ad leges, & consuetudines locorum; sicuti etiam in aliis similibus casibus, ut in donatione facta omnium bonorum præsentium, & futurorum inter vivos, in donationibus coniugum inter se, patris filio &c. ut iam satis antea diximus.

Quæ donaciones in validas

§. II.

De revocabilitate donationis acceptatæ.

Donatio facta mortis causa in tribus casibus revocari contingit. 1. Si donator implicite, vel explicite illius poeniteat, ut si illam alteri donet, quia ex iuris dispositione huiusmodi donatio includit hanc tacitam conditionem nisi revocetur. 2. Si donatarius e vivis discedat ante donatorem, ex iure ipso est revocata, dummodo donans pponendū se eam non revocaturum, quia in tali casu, ut censent multi, transiret ad hæredes donatarii. 3. Si donator dederit intuitu imminentis periculi mortis, quia sublati periculo censetur tacite revocata, utpote quæ facta putetur sub ea conditione si non evafero, ex tit. de mortis causa de donat.

Quatuor vero sunt causæ, quibus revocatur donatio inter vivos, Leg. ult. de revocat. donat. ubi varii recensentur casus, in quibus donatarius censetur ingrati tudinem sufficientem committere, ut contra ipsum donatio revocetur, & t. li donatarius manus impias, & violentas iniiceret in donatorem suis, armis, lapidibus, aliave simili re, si ve per ipsum si ve per alium, dummodo percussio gravis sit, vel graviter iniuriosa, & non sine culpa mortali: nam si quis pro patriæ, vel propriæ, vel proximi necessaria defensione hoc faceret, dici non posset ingratus, ac ideo locus non esset revocationi donationis, quia

Causa quibus revocatur donatio inter vivos

quia ubi non est culpa, nec poena est inferenda. Idemque dicendum si casu, vel ignorantia hoc faceret, quia tunc deest intentio iniuriandi, seu offendendi donatorem, sine qua iniuria non inferitur, *Leg. 3. §. 1. de anur. 2.* Si donatarius atrocibus iniuriis donatorem offendat, quæ atrocitas iudicanda est iudicis arbitrio ex facto, loco, qualitate personæ tam iniuriantis quam iniuriatæ, ut si vel verbis graviter iniuriolis eum affecerit, vel facto, puta si captivum teneat donatorem, ut Abbas in cap. *propter 10. de donat.* vel si adulterium cum uxore donatoris, vel stuprum cum eius filia committeret, ut cum aliis notat Riffenstuel lib. 3. Decretalium tit. 24. 3. Si donatarius grave inferat dampnum donatori in rebus, seu bonis ipsius externis, ut ex cap. *propter 10. de donat.* Hoc tamen grave dampnum iudicis arbitrio est definiendum, quod tamen non debet esse tantum intentatum, sed revera illatum ad donationis revocationem, quia lex poenalis intelligenda est cum effectu ex cap. *hæc autem verba dist. 1. de penit. 4.* Si donatarius etiam attentaverit contra vitam donatoris, quia iura posito solum quod attentaverit, licet effectus non sit secutus, facultatem revocationis expresse concedunt, ex cit. *Leg. ult. & ibi Glossa verb. periculum. §.* Si donatarius conditiones in donatione impositas, & a te acceptatas implere recuset, nolit v. g. solvere annuum pensionem cui se obligavit, ex cit. *Leg. ult. de revocat. donat.* Alii quoque sunt casus, in quibus volunt auctores ob æqualem, vel etiam maiorem ingratitudinem donationem inter vivos revocari posse, ut si donatarius, qui magnam donationem a donatore accepit, eum non aliat inopia pressum. Verum sententia contraria est iuri conformior, adeoque in praxi tenenda, cum extra casus in iure expressos facultas donationem revocandi non sit extendenda, & ut poenalis stricte est interpretanda, vel saltem ante iudicis sententiam in hisce casibus poena non est infligenda. Alia causa revocandi donationem est, cum filii ante parentum consensum aut obentum, aut saltem requisitum ad nuptias convolant, cum gravior iniuria parentibus inferri nequeat quam si ipsi inconsultis eligatur status tanti momenti. Revocari insuper potest donatio ob prolem susceptam post donationem, & hæc pleno iure revocatur, utpote quæ ex legum dispositione facta censetur sub hac conditione *si proles non nascatur.* Intellige tamen si facta sit donatio magis bonorum partis, ut prudens eam non

facturus fuisset, si prolem se habiturum contempsisset. Habens filios illegitimos, si per subsequentis matrimonium legitimet, comparatur ei, cui proles supervenit, unde potest revocare donationem, si antea hæc fecerit. Potest etiam revocari, si sit inofficiosa, nempe facta sit contra officium pietatis liberis debitum, ut cum per eam filii legitima privantur, idest ea hæreditatis parte, quæ ipsis secundum leges debetur &c. *Leg. 1. cod. de inofficiosa donat.*

Donatio inter vivos acceptata, nisi ob dictas causas, revocari nequit, *Leg. 5. & ult. cod. de revocat. donat.* quia donatarius iure naturali acquisivit dominium rei sibi donatæ, & traditæ, ius vero ad rem si nondum sit tradita, & Leges non dant facultatem seu ius revocandi donationes, nisi ob causas supra expositas.

§. III.

De irrotatione donationis factæ ob certum finem.

Iam alias attigimus quod cessante causa finali, idest tali certo fine ob quem facta fuit donatio, ex se corruit. Si tamen donans intendat solum allicere animum, vel præbere media ad talem finem consequendum, si placuerit, nec intendat ad illum obligare, valida est donatio etiam si finis non sequatur, & est communis ex *Leg. 7. cod. de condit. ob causas*, quia tunc donatio absoluta est, & minime conditionata, & facta solum ex animo alliciendi ad aliquid. Idcirco res donata acceptari potest tuta conscientia a donatario, tamen si non habeat animum præstandi, quod cupit donator. Sic puella acceptare potest legatum sibi factum ut nubat, licet non nubat. Item valet donatio, qua quis aliquid donat alteri, ut sibi saveat in aliqua re, tamen si hic non siverit, quia principaliter facta est ad alliciendum, non ad obligandum; quod valet, licet donator non donasset, si putasset alium non esse alliciendum; nam adhuc subsistit causa finalis, cum donet ut possit allicere, non autem sub conditione, si de facto, & actu alliciat. Peccat tamen graviter sæmina, quæ ab amasio acceptat munera ab eo donata ad alliciendum eius consensum ad libidinem, tamen si ipsa consentire non intendat, quia fovet impurum desiderium amasii, ac illud approbare censetur. Sic P. Antoine.

Si vero donator intendat obligare donatarium ad certum finem, iam vidimus corruere donationem, & rem donatam restitui debere tali

tali fine non posito, cum hic sit finis principalis donationis. Ita communiter ex *Leg. 8. cod. de condit. ob causam*, quia donator neutiquam vult rem alterius esse, nisi politica tali finali causa tanquam conditione sine qua non. Hæc & supradicta de revocatione, & irritatione donationis vera sunt de donationibus mere liberalibus: nam in donationibus factis ob causam, & remuneratoriis, ipsarum revocatio, & irritatio in hisce supradictis casibus locum non haberet; quia donatio ob causam, puta dotis ad filiam nubendam est eidem quodammodo debita, sicuti remuneratoria non est proprie liberalis.

S. IV.

De irritatione donationis gratuite ob errorem, & dolum circa causam finalem.

Si error, & dolus occurrat circa causam finalem promissionis & donationis, utramque irritant, & est communis, cum donatio, & etiam promissio gratuita fiant sub conditione si causa finalis subsistat: unde error, & dolus est in substantia contractus, & est causa motiva impellens ad contractum, quia causa finalis est motivum substantiale. Quare si causa finalis donationis seu promissionis gratuita deficiat, seu non subsistat, sicuti deficit quando ex errore vel dolo falso supponitur causa finalis, deficit seu non subsistit actus donationis, seu promissionis, utpote quæ falsa suppositione innitatur: sublato enim motivo volendi, cessat seu deficiat actus voluntatis, seu voligio, uti contingit interveniente errore circa causam finalem volendi. Idcirco si quis falso putans Ioannam vinculo consanguinitatis sibi esse coniunctam, dotem ei donet, & spondeat, si talis non sit, cum hæc conditio sit ratio, & causa finalis huiusce promissionis, seu donationis, nulla profecto est promissio, vel donatio, quando Ioanna donatoris consanguinea non sit. Unde cum ius nullum acquirat ex huiusmodi promissionibus, vel donationibus, ad quas faciendas falsa suppositio donatorem induxit, fieri debet restitutio. Idcirco huiusmodi donata restituere tenetur: qui aliquam conditionem seu qualitatem habere se fingit, quæ requiritur ut quis gratis admittatur in aliquod Collegium, vel Hospitale, vel ut aliquod pium legatum accipiat. Item qui pauperem se fingit, ut gratis recipiatur in Seminarium fundatum pro alendis pauperibus, quia intervenit error, & dolus circa causam fi-

nalem, & conditionem propter quam, & qua fundata fuit, & dotata talia pia loca, & idcirco decipitur & fraudatur intentio fundatorum, & dotantium, quæ nullatenus fuit hisce talia beneficia elargiendi, ac ideo sine ullo iure, & contra iustitiam ea percipiunt. 2. Qui aliquid recipit ob causam fictam. 3. Qui se simulat pauperem, ut e-leemosynas recipiat, hic procul dubio eas restituere tenetur vel donatori, quia adhuc illius sunt, nam non fuit voluntas dandi, nisi vero pauperi; vel pauperibus, quia dum non constat donantem revocasse voluntatem, censetur perseverare in priori voluntate dandi pauperi, & sic eius voluntas executioni mandatur. Hæftenus P. Antoine.

CAPUT XVIII.

De ultimis Voluntatibus, seu Testamentis.

ULTIMÆ voluntatis nomine non aliud intelligi volunt iuristæ ac Theologi, quam voluntatis actus, quo homines, qui aliquid tenent de bonis fortunæ in abso-luto suo dominio, ac libera dispositione constituunt quid post eorum mortem de iisdem bonis fieri volunt. Inter voluntatis actus huiusce conditionis, ac speciei, seu quæ speciei recententur Testamentum, Codicillum, Legatum, Fideicommissum, Donatio mortis causa. Cum de hac ultima iam antea egerimus, restat ut breviter, prout ad Theologos spectare potest ad hoc ut sciant quomodo se gerere debeant in sacro Tribunali Pœnitentiæ, circa huiusmodi materiis pro conscientiarum directione, de reliquis ultimis voluntatibus aliqua dicamus, relinquendo postea iuristis discutere, ac inquire-re a peritioribus Doctoribus quæ spectant ad plenioris huiusce difficultatis rei intelligentiam.

S. I.

De Testamenti natura & divisione.

Quod præcipuum ac speciale locum obtinet inter ultimas voluntates, & principaliter nomine ultimæ voluntatis intelligitur, est Testamentum, quod si stemus etymologice nominis videtur iuxta litterarum sensum, ac usum exinde deduci quod tali actus sit testatio mentis, non quidem grammatice si significatione, sed iuridica, ac reali desumpta ab eo quod qui testatur, specialiter explicat cuius ipse sit mentis sive intentionis circa res suas post eius mortem. Nam per

locum hæredis, non est tamen vere hæres, neque in omnia universim bona succedit, sed in ea tantum quæ testator dare non prohibetur, cum certa bona hæredibus debeantur, ideoque in alium hæc transferre nequit testator. Unde in Gallia rigorose loquendo testamenta non sunt nisi codicilli, cum in his desit institutio hæredis, ad testamentum ut quid ipsi essentialia requisita, ita ut alibi nullum testamentum tametsi privilegiatum valeat, vel subsistat sine directæ hæredis institutione, & est communis apud Doctores ex §. *antea hæred.* 34. *Instit. de legat.*

Testa-
mentum
triplex
secun-
dum in-
stri-
quum.

Testamentum secundum ius antiquum triplex erat, unum quod Kalatis comitiis conficiebatur, idest coram universo populo in comitia convocato, quæ comitia solum congregabantur pro testamentis conficiendis, & Sacerdotibus creandis, & tunc dicebantur sacra pontificalia. Kalata vero ab antiquo verbo *kalo*, seu *voco* derivantur. Alterum dicebatur in procinctu, idest a viris in prælium iuris. Tertium per æs & libram §. 1. *Instit. b. t.* quod fiebat coram quinque testibus & adhibito libripense sive per æs & libram & familiæ emptore perficiebatur illo nummo æreo, illoque emente hæreditatem hisce verbis: *Hanc ego familiam*, (idest hæreditatem) *quæ mihi emptæ hæc ære, aneque libra iure Quiritum meam esse aio.* Verum hoc triplex testamenti genus in desuetudinem abiit, utpote multis incommodis obnoxium, & aliud celebrabatur imaginariis emptionibus, unde prætor in huius locum alium introducere cepit conditum coram septem testibus, ab iisdemque signatum §. 1. *Instit. b. t.*

Divisio
Testa-
menti
secun-
dum ius
novum.

Secundum vero ius novum Testamentum dividitur in solemne & non solemne, seu privilegiatum. Testamentum solemne est illud, quod habet omnes solemnitates a iure requisitas, de quibus infra: non solemne vero, seu privilegiatum illud est, quod licet careat solemnitatibus alias de iure communi requisitis, valet tamen ex speciali privilegio ac si ipsas haberet, cuiusmodi sunt Testamentum ad pias causas, Testamentum parentum inter liberos conditum, Testamentum militare in expeditione bellica factum, Testamentum factum tempore pestis, Testamentum conditum coram Principe idest quando ultima voluntas inseritur supplicii libello, & Principi offertur, ut eius vide, & auctoritate munatur, *Leg. 19. cod. de testam.* Non est tamen necesse, ut testator voluntatem suam Principi manifestet,

sed satis est ut dicat, in illa scriptura, seu instrumento oblato ultimam suam voluntatem contineri, sicuti etiam non requiritur ut offerat Principi immediate, sed sufficit illud offerre Cancellariæ, seu Principis Secretario, vel Consiliario. Insuper Testamentum ad acta iudicis traditum, quod dicitur iudiciale, quando nempe testator declarat suam ultimam voluntatem vel in scriptura, vel oretenus coram Iudicibus, vel eorum Deputatis, & illud eis offert, ut eorum fide sulciatur, ac valeat, ex *cit. Leg. 19.* Hæc duo postrema Testamentorum genera dicta sunt publica ad differentiam illorum quæ privata vocantur.

Testamentum solemne, quod dicitur etiam privatum, dividitur in scriptum seu clausum, & nuncupativum seu apertum §. *sed hæc 10. Instit. de testam. ordinand.* Testamentum solemne scriptum, (quod ideo etiam clausum vulgo appellatur, quia plerumque testator latere vult Notarium & testes qui in eo continentur) quod fit in scripturam redactum subscriptum, seu signatum notatis loco, & tempore, ac servata forma iuris præscripta, alias nullum esset, *Leg. hac consultissima 21. cod. de testam.* est illud, quod ipse testator coram testibus idoneis declarat suam esse ultimam voluntatem, suumque testamentum; quod, si possit, subscribere tenetur, sin autem ab alia octava persona nomine testatoris subscribi debet, & sic successive eodem tempore subscribere debent dicti testes, ac illud vel proprio, vel alieno sigillo singuli sigillare, sic ex *cit. Leg. 9. sed cum paulatim*, & seqq. Testamentum solemne nuncupativum illud est, quod sine scriptura, ac etiam sine subscriptione, & subsignatione testium fit, cum testator coram requisitis testibus idoneis una simul præsentibus, qui ipsum testatorem videant, & audiant, oretenus voluntatem suam loquendo, vel legendo declarat quid de bonis suis post eius mortem fieri velit, ac hæredem oretenus nominat, seu nuncupat §. *sed hæc Instit. de testam. ordinand.* & tale testamentum dicitur etiam apertum, eo quia in ipso testes occultari nolit, sicuti contingit in testamento scripto, seu clauso. Hodie tamen talis nuncupatio, seu declaratio ultimæ voluntatis in scripturam a Tabellione redigi solet, non quod scriptura requiratur tanquam forma ad substantiam actus, sed ne memoria excidat, ac facilius probari possit voluntas testatoris, si forte testes mori, aut oblivisci contingerit, antequam voluntatem decessus declararent, quorum defectus

ita suppletur per Notarii instrumentum, ut non sit necessaria alia insinuatio apud Iudicem, nec per hoc cessat esse Testamentum nuncupativum; & Canonistæ dicunt communiter cum Doctoribus validum esse testamentum nuncupativum, si tabellione, vel alio quovis interrogante testatorem coram dictis testibus an velit talem personam hæredem instituere, ipse ita affirmet ex *Leg. iubemus cod. testam.* Et Canonistæ qui hoc admittunt agentes super caput cum *tibi de testam.* addunt quod licet non declaret hæredem, neque legata, sed duntaxat coram dictis testibus ostendendo schedam declaret, & protestetur in eadem contineri suum Testamentum, sufficit, imo etiam satis sit quod nec schedam ostendendo se reportet ad schedam determinatæ personæ consignatam, ac coram dictis testibus protestetur eandem suum continere testamentum; sed circa hæc omnia standum est approbatis regionum consuetudinibus.

Condi-
tiones
requiri-
tz ad va-
lorem tes-
tamenti.

Hinc circa solemnitates a iure in testamentis pro eorum validate requisitis consuli debent, & attendi leges, ac consuetudines locorum. Verum ubi viget, seu observatur ius Romanum, idest Cæsareum, ad valorem testamenti sollemnis scripti 1. requiritur, ut iam antea notavimus, quod claris & expressis verbis instituat hæres, eiusdem nomen scribatur propria manu a testatore, quæ institutio necessaria est ad valorem cuiuscunque testamenti, tamen privilegiati. 2. Ut sit in scripturam redactum vel manu ipsius testatoris, vel manu alterius de expresso eius mandato, cui tamen debet testator propria manu subscribere coram testibus, vel octavum testem adhibere, qui loco & nomine ipsius subscribat, *Leg. supra cit. hac cod. eodem.* Non requiritur tamen quod testator scriptum perlegat testamentum, vel tenorem illius manifestet, sed satis est, quod scripturam clausam aut convolutam ostendat testibus dicendo in illa suum testamentum contineri, cit. *Leg. hac.* 3. Requiritur ut adhibeantur septem testes, qui simul sint præsentibus rogati, seu invitati, masculi, puberes, idonei, hoc est non excludantur a iure, ut sunt furiosi, damnati ob aliquod crimen, muti, surdi, ad quos reducuntur etiam cæci, qui, sicut requiritur, testamentum videre non possunt. Hos enim omnes excludit ius a gerenda vice testis testamentarii, cit. *Leg. hac cod. cod. & testes autem.* Item cura testes debeant esse extra omnem suspensionem, non potest esse testis in testamento hæres institutus, *Leg.*

qui testam. 20. ff. qui testamentum facere possunt, neque is qui est in potestate testatoris, vel hæredis, ac ideo nec pater eius qui eum habet in potestate, neque fratres qui in eiusdem patris potestate sunt §. in *testib. 9. & alibi.* Cæteri autem consanguinei, ac affines testatoris, seu hæredes, necnon famuli, officiales, ministri ac domestici, inopliures etiam ex eadem domo licet consanguinei, &c. possunt esse ad id eius testes, imo etiam fratres iam emancipati, & pater in testamento filii emancipati, maritus in testamento uxoris, quia in his omnibus cessat ratio legis, vinculum scilicet unitatis ex patria potestate proveniens: nam lex ex hac parte eos solummodo excludit, qui in eius potestate (idest hæredis) sunt, nempe quos vinculum patriæ potestatis unit cum hærede, vel testatore, & in tali sensu lex excludens intelligenda est.

Tamen de rigore iuris canonici licite non possunt extra calum necessarii esse testes in testamentis, & instrumentis secularibus faciendis, aliisve causis, & contradibus civilibus laicorum Clerici sine Episcopi licentia, Religiosi seu Monachi sine permissione suorum Superiorum, quia clerici sub iure Episcopo, & strictius Religiosi seu Monachi suo Prelato, nihilominus validum est eorum testimonium, etiam sine licentia, & prescripto Superiorum testes in supradictis agant, Abbas in cap. cum *nuncius num. 3. & 4.* alique ut *Farinaccius, Lexxana*, quia licentia Superioris est quid accidentale, non autem de substantia actus testimonii, cap. 1. *de testib.* tum quia multa fieri prohibentur, quæ si facta fuerint rigoris firmitatem obtinent, cap. *ad Apostolicam de Regularibus*, tum quia nullibi reperitur, tale testimonium irritum declarari.

Ad valorem vero testamenti sollemnis nuncupativi requiritur, ut iam antea notavimus, quod testator coram septem testibus rogatis, idoneis, idest cum iisdem requisitis ac in Testamento sollemni scripto, simul uno eodemque tempore ultimam suam voluntatem tam circa hæredis institutionem quam circa legata palam pronunciet, seu sufficienter explicet, ut intelligi possit. Ita communiter ex §. *sed hæc Instit. de testam. ordinand.* Unde constat pauciores solemnitates requiri ad testamentum nuncupativum, quam ad testamentum scriptum: idcirco inter se differunt 1. quod in testamento scripto ut plurimum celatur ultima testatoris voluntas, & hæres institutus, quæ manifestanda sunt in testamento nuncupativo, ut sciant

Clerici
quoque
& Reli-
giosi tes-
tes esse
possunt
testam-
enta.
iii.

estis quisnam sit hæres institutus Authent. hoc inter §. 2. cod. de testam. 2. Quoad testamentum scriptum necessario requiritur scriptura, sine qua testamentum huiusce generis nullum est, non vero ad nuncupativum, nam licet hodie in scripturam redigatur, hoc tamen sit solum pro commodiori, & faciliiori probatione; Leg. in re 4. ff. de fidei instrum. 3. Quia in testamento nuncupativo nec testes, nec testator subscribunt ac signant, sicuti requiritur in testamento scripto, cit. Leg. hac cod. cod. Supradictæ vero solemnitates requiritæ de iure civili ad valorem testamenti, non requiruntur communiter de iure canonico, ut communiter ex cap. cum esset 10. de testam. Nam de iure canonico ad valorem testamenti sive ad causas pias, sive ad prophanas non plus requiritur quam ut adint duo testes idonei, & Parochus loci. Ita communiter ex cit. cap. cum esset. Circa vero testes etiam iure canonico eadem conditiones requiruntur ac in iure civili, idest quod sint rogati, idonei &c. cum dispositio iuris civilis non sit in hoc correctæ per ius canonicum, imo videtur approbata in cap. revelatum 11. de testam. In defectu vero proprii Parochi de iure canonico satis est si addantur duo alii testes, qui cum aliis sunt quatuor, duo quorum æquivalent Parocho, suppleantque vices unius, tamen si maximæ sit auctoritatis, ut patet ex cap. cum a nobis & alibi de testib. & sic docent cum communi Abbas, Covarruvias cum Molina. In ditione Romani Imperii, & ubi servatur ius Romanum tam in foro ecclesiastico quam sæculari testamenta facienda sunt, & iudicanda secundum solemnitates de iure civili præscriptas: in ditionibus vero temporalibus iurisdictioni Pontificis subiectis secundum solemnitates de iure canonico præscriptas, & requisitas, ut in cit. cap. cum esset. Sic Glos. ibid. verb. improbamus, Layman, Alexander, & alii qui testantur hanc esse communem & sequendam iudicando & consulendo, & Reiffenstuel ac Fagnanus asserunt opinionem hanc consuetudine esse receptam, ac ideo tenendam, quia cum Clerici sint cives, & membra reipublicæ ubi degunt æquum est, & rectæ rationi consonum, ut in rebus mere politicis sæcularibus legibus locorum se conforment. Verum quia hæc omnia respiciunt forum externum quoad iudicia in hoc foro proferenda super testamentis, quæ in requisitis solemnitatibus deficiant, in quo, ut notat Card. de Luca discuss. 21. de donat. non est recepta communior Moralistarum

opinio: hinc subiungitur quid supra eorum valorem sentiendum sit quoad forum internum conscientiæ.

§. II.

De valore Testamenti ad causas prophanas, quando ei deficiat aliqua requisita solemnitas in foro interno, idest conscientie.

Circa hoc celebris gravisque versatur controversia, in qua tres sunt Doctorum sententiæ. Prima sententia, & est Fagnani in cap. cum esset 10. de testam. aliorumque, docet testamentum ad causas prophanas carens una, vel pluribus solemnitatibus a iure positivo requisitis, quando aliunde constet hanc fuisse testatoris voluntatem, validum esse in foro interno, seu conscientie, ac proinde hæres, vel legatarius scriptus licite retinere potest hæreditatem, vel legatum ex tali imperfecto testamento acquiritum, nec reddere tenetur hæredi ab intestato, nisi accedente iudicis sententia, quæ decernat ei restituenda esse bona illa; tunc enim etiam in foro conscientie teneretur ad restitutionem; hæc tamen non accedente hæredes ab intestato tenetur ipsi tradere hæreditatem, ac legatum solvere ex tali inofficioso testamento relicto, & ita sustinetur tum ex iure canonico cap. ultim. voluntas 4. caus. 13. quæst. 2. tum ex iure civili Leg. non dubium 16. cod. de testam. tum etiam ex ratione, quia ex testamento minus solemniter oritur obligatio naturalis, & Leges, quæ dictas solemnitates ad testamenta præscribunt, fundantur in præsumptione fraudis, ut omnis fraus evitetur, & voluntas testatoris omnino impleatur, ac proinde omnes conspirant in favorem testatoris Leg. Quæst. 32. cod. de fideicom. Præsumptio autem cedit veritati cap. super hoc 5. de renunciati. Leg. Continuum de verb. significat. Quare cum aliunde constat de vera testatoris voluntate, cessat præsumptio fraudis, & cessant ipsæ leges, nec obligant saltem in conscientia, ac proinde voluntas testatoris esset implenda, licet testamentum dictis solemnitatibus careat, dummodo adint requisitæ conditiones a iure naturali, & Gentium Leg. adigere 6. §. 2. de iurepatr. Id autem quam maxime agendum est, quando solemnitates defuerunt testamento vel ob ignorantiam, vel ob impotentiam testatoris, ita ut constet illas non omnino voluntarie fuisse ab eo prætermittas, quia in tali casu revera ageretur contra testatoris

VO-

voluntatem, quæ est scopus omnium solemnitarum. Et hanc sententiam ut probabilior fecuti sunt S. Antoninus, Sylvester, Bannez, Soto, Lopez, Adrianus, Tabiena, Medina, aliique relati a Lessio. Si autem data opera, & omnino voluntarie testator illas prætermisisset, tunc iuxta quemdam recentiorum probabilior evaderet contraria opinio, quia in poenam suæ inobedientiæ legi adeo iustæ mereretur ne ipsius dispositiones testamentariæ impleantur. Et enim cum legi obedire detrectaverit, iuste puniri meretur, ne & ipsi obediatur in suis dispositionibus contra legem institutis. Diximus nisi accedente iudicis sententia; quia si a iudice rescindatur valor testamenti minus solemnitis etiam ob ignorantiam facti, tunc obediendum est iudici etiam in foro interno conscientie: nam quando in sententia iudicis non apparet manifesta iniustitia, sicuti non apparet in tali iudicio, quippe quod sit secundum leges, in conscientia parandum est. Plurimum enim iuvat bono communi curare, ut in Tribunalibus, ubi receptæ sunt præscriptæ solemnitates serventur, ne auctoritas, & vis legum in re tam gravis momenti paulatim enervetur, & corruat, cuiusmodi est testamentarias dispositiones securas reddere.

Secunda sententia opposita expresse docet tale testamentum in utroque foro invalidum esse, & nullum, adeo ut hæredes & legatarii vi talis testamenti nec aliquid recipere valeant, nec retinere, & receptum restituere teneantur etiam ante iudicis sententiam hæredibus naturalibus, & ab intestato, quantumcumque certo consistat de vera testatoris voluntate. Sic Covarruvias, Card. Petra, Vasquez, Suarez, aliique non pauci; & ad ita sentiendum ducuntur a pluribus legibus, quæ videntur aperte declarare testamentum censendum esse ut non factum, & nullum, cui deest aliqua requisita solemnitas, & præcipue ex Leg. si non speciali 9. cod. de testam. unde aiunt dicti Doctores, si leges positivæ prout ipsæ statuunt, vel declarant, obligant in conscientia, ut patet in donationibus pupillorum, in matrimonio sine præsentia testium, & Parochi, aliiive huiusmodi, manifeste sequitur testamentum, quod ob deficientiam dictæ solemnitatis, nullum ac invalidum declarant, nullum conferre ius ad hæreditatem, vel legata in ipso relicta, ac adeo in conscientia recipi nequeunt, nec retineri, sed iure naturali, & positivo pertinent ad hæredes ab intestato, & eo vel maxime quia quoad valorem cuiuscuque a-

lius præter voluntatem requiritur etiam potestas illum faciendi cap. cum super 23. de offic. & potest. delegat. Potestas autem testandi ligatur a iure civili quibuidam solemnitatibus, quas inviolabiliter servandas statuit ad hoc ut valide quis possit testari, ut in cap. quæ contra 64. de reg. iuris in 6. Quæ contra ius sunt, debent utique pro infestis haberi.

Tertia tandem, & media quæ utramque fere conciliat ut notat Pirhing lib. 3. Decretalium tit. 26. n. 13. in fine, docet, dictum testamentum minus solemne, sive imperfectum non esse ipso iure irritum, & invalidum, sed solummodo non parere obligationem civilem, sed tantum naturalem, quæ per iudicem tolli potest, & ita non esse omnino invalidum in foro conscientie, sed valere ad hoc, ut ante iudicis sententiam hæreditas, vel legatum in conscientia recipi possit, ac retineri, donec a iudice adiudicetur hæredibus ab intestato, quibus ob infirmitatem testamenti post hoc iudicium relicta per huiusmodi testamentum restitenda sunt. Ita enim Sanchez, Laymann, aliique conciliant Leges, quæ dicunt testamentum destitutum solemnitatibus pro infesto habendum, nullumque esse, scilicet post iudicis sententiam, quia ob defectum solemnitatis eius vim solvit, ac tollit.

Verum sanior, ac securior videtur sententia illorum, cui assentitur P. Antoine, qui docent hac in re consulendam esse locorum consuetudinem, & praxim iudiciorum, ac servandum quod æquus iudex perspecta veritate iudicaret, quia idem servandum est in utroque foro, ubi forum externum non innititur falsa præsumptione, nec damnat in poenam quæ iudicis sententiam requirit. Quare si iudex, quamvis certo norit testatoris voluntatem, rescindat testamentum ob defectum solemnitatis, & hæreditatem, ac legata adiudicet hæredi naturali, & ab intestato, ea ipsi reddenda sunt ante iudicis sententiam, quia sicuti privati possunt apponere suis contractibus certas condiciones, quibus omnissis nolunt contractum valere, ita Princeps, vel Respublica, cui subditorum personæ, ac bona subiciuntur in ordine ad bonum commune, potuit propter fraudis periculum, & maiorem dispositionis cautionem facere ut consensus contrahentium, & disponentium sine certa solemnitate esset de facto irritus. Fecisse autem constat ex verbis legis, vel consuetudine, & praxi iudiciorum, quæ est legum interpret. Sic P. Antoine.

Nota,

Nota, teneri testatorem hæredes institue-
re in portione legitima descendentes, & his
doficientibus ascendentes, nisi iustam habeas
causam exheredandi; unde hi dicuntur hæ-
redes necessarii.

§. III.

*De Testamentis validis sine solemnitatibus,
quæ privilegiata dicuntur.*

Hæcenus dicta de nullitate Testamenti ob
defectum solemnitatum, quæ ad illius valo-
rem appolita, & requisita sunt a iure, di-
cta intelliguntur de testamentis non privile-
giatis. Nam Testamenta privilegiata licet
careant solemnitatibus alias de iure commu-
ni requisitis, ex speciali tamen privilegio
valent, ac si easdem haberent, & est com-
munis. Testamenta autem privilegiata iam
antea recensita sunt in Testamentorum di-
visione, idest Testamentum ad pias causas,
inter liberos, nulum in expeditione belli-
ca, rusticorum &c.

*Quid Te-
stamen-
tum ad
pias cau-
sas.*

Testamentum ad pias causas est illud, in
quo pro hærede instituta est pia causa, cu-
ius nomine veniunt omnia pia loca, & in-
stituta, ut Ecclesia, Monasteria, Hospita-
lia, Nofocomia, Confraternitates, ac pau-
peres omnes, qui ex aliquo casu, seu infor-
tunio, incendio, ruina, bello, laceratione,
multitudine prolis, & huiusmodi, saltem care-
rent necessariis ad decentiam proprii status.
Ad hoc enim ut huiusmodi dispositiones cen-
sendæ sine factæ ad pias causas, necesse est
ut hæreditas, seu legata principaliter relin-
quantur ob honorem & amorem Dei, & ap-
pimæ salutem.

*Testa-
mentum
ad pias
causas in
omni fo-
ro piam
legatum*

Testamentum ad pias causas perfecte ut
in utroque foro est privilegiatum, ita etiam
in utroque foro, licet careat solemnitatibus
a iure civili requisitis, ac præscriptis, ut
validum agnoscitur, dummodo aliunde con-
stet de testatoris ultima voluntate. Sic com-
muniter ex cap. *relatum*, quod ubique loco-
rum servari debet, & sic levat praxis, &
consuetudo universalis, quæ est optima le-
gum interpres, Leg. *si de interpret.* 37. &
alibi. In Testamento ad pias causas suffi-
ciunt duo testes, ut communiter; & dicti
duo testes non sunt necessari ad substantiam,
ac valorem huiusce testamenti, sed tantum
ad probationem in foro externo, in casu quo
aliunde non constet, nec probari queat tes-
tatoris voluntas, nisi per testes. Fagnan.
in cap. *cum esset* 10. Covarruvias, aliqui;
ut ut si aliunde talis voluntas constet, tale
testamentum validum est etiam sine testi-

Instit. Theol. Moral. Tom. III.

bus in utroque foro, cum opus non sit alia
probatione, quando constat de veritate. Sic
validum est testamentum ad pias causas si-
ne ullis testibus, si scriptum, & subscriptum
sit manu propria testatoris nota & indubita-
& induit ad id cedula scripta & sub-
scripta ab ipso testatore, quidquid aliqui in
contrarium dicunt. Item valida est disposi-
tio ad pias causas, si ipse hæres ab in-
stituto sine ullo teste audivit defuncti volun-
tatem, qui in hoc casu tale defuncti volun-
tatem in foro interno tenetur adimplere,
imo etiam in foro externo, si fateatur
revera illum audivisse, Leg. *non dubium* 16.
cod. de *testam.* ubi statuitur quod si hæres
comptatam habuit defuncti voluntatem, teneatur
eam adimplere etiam ad causas prophanas.

Testamentum inchoatum, & non absolu-
tum, quia testator morte præveniens perire
non potuit, licet alias invalidum Leg.
si is qui 25. ff. *qui testamentum facere pos-
sumt*, valet tamen quoad pia legata in eo
relieta, & in illa imperfecta dispositione ex-
pressa, eo quia dispositiones ad pias causas
censeantur confirmatæ morte testatoris, qui
illas non retractavit, quandoquidem tales
dispositiones animæ suæ conducant. Covar-
ruvias cap. 21. num. 34. alique. Ad valo-
rem enim huiusmodi dispositionum satis est
constare de voluntate testatoris, ut constat
in hoc casu quoad legata iam expressa in ta-
li testamento. Item quavis testamentum ad
causas prophanas factum nullum sit, ac in-
validum defectu solemnitatis, valet tamen
quoad legata in eo relieta, & est communis
teste Card. Petra, quia in relietis ad causas
pias non attenditur ius civile, ut ex cit. cap.
relatum.

Testamentum sine solemnitatibus con-
ditum ad pias causas valet etiam quoad lega-
ta prophana in eo contenta. Ita Covarru-
vias cit. cap. 21. cum aliis; quia cum tale
testamentum valeat tanquam principale, de-
bet valere etiam legata tanquam accessio-
rium, cap. *Accessorium naturam sequi con-
gruit principalis*. Item testamentum ad alte-
rius interrogationem factum, & etiam solis
nutibus, seu signis factum, & expressum, li-
cet de iure civili non valeat, Leg. *invenimus*
29. cod. de *testam.* cum hoc vetitum non sit
iure naturali, & Gentium, valet ad pias
causas, cum in huius dispositionibus ius ci-
vile non attendatur. Ita ex cit. cap. *rela-
tum*. Item ratiocini non valeat testamentum
sine institutione hæredis, valet tamen le-
gata pia, si eo adiecta sint. Ita Card. de Lu-

*Testa-
mentum
incom-
pletum
valet ad
pias cau-
sas.*

*Testa-
mentum
sine so-
lemnita-
tibus va-
let etiam
quoad
legata
prophana.*

ca de *testam. discuss.* 16. n. 4. & alii. Item quamvis non valeat cum hærede incerto, valet ad pias causas, ut si dicat testator, instituo hæredes pauperes, animas Purgatorii, Ecclesiam &c. Barbol. in cap. cum tibi 13. n. 4. de *testam.* Card. de Luca, Petra, & alii. Similiter etsi non valeat testamentum, quo quis hæreditatem, vel legata alterius arbitrio distribuenda committit, ut in Leg. si quis 68. ff. de *hæredis institut.* ad pias causas valet putasi dicat, instituo hæredes bonorum meorum pauperes, quos Franciscus elegerit, ita Covarruvias, aliique.

Qui te. Cum autem dixerimus in his testamentis ad pias causas pro eorum probatione in foro externo requiri duos testes, qui testentur de voluntate testatoris, quando aliunde constare nequeat, circa hoc advertendum est cum Reiffenstuel, ut fraudes tollantur quæ cum alterius præiudicio occurrere possent, non sufficere ad hanc probationem unum testem, licet esset Parochus, vel Confessarius, qui ultimam voluntatem susciperet testatoris referendam hæredibus ab intestato, quamvis legata in schedula ipse adnotaverit. Quare cauti debent esse Parochi, & Confessarii assistentes quando moriens testatur ad pias causas nuncupative, & oretenus, ut ad hæc dispositiones advocent duos testes sive masculi sint, sive etiam feminae, vel saltem unus cum ipso Parocho, vel Confessario audiat, & testari possit audita a testatore, & confirmare relata a Parocho, vel Confessario. Si autem nullus vocari & haberi possit, & præcipue si legatum non esset in favorem Confessarii, nescio, ait alias laudatus P. Fulgentius, cum Covarruvia, Navarro, aliisque, qua ratione standum non esset iuramento Confessarii, & æquivalente non debeat assertioni testium, præcipue quando testator in defectu testium scribere nequeat, vel communicare ipsi hæredi ab intestato suam voluntatem. Idem si testator duobus, vel tribus affirmet se nonnulla commisisse Confessario executioni mandanda, & velle quæ ipse asseruerit, ut executioni mandentur; in hoc calu Confessario testante talia & talia faciendi, aut eroganda, tenebuntur hæredes indicata exequi. Caute autem agat Confessarius, si aliquas coniecturas adducat, dummodo possit, unde conici queat illam fuisse testatoris mentem. Dixi, *dummodo possit*, quia non rato faciendæ sunt testationes, quarum nulla asserri potest coniectura. Ita Navarrus lib. 3. *consil.* 16. de *testam.*

Caveat etiam Confessarius, ne suas pœni-

tens disponat ad pias causas, quando habet propinquos valde inopes, non sine angustia magna vitam tranligentes, carentes bonis, ut suis puellis docem subministrant, liberique iuxta sui status conditionem provideant, sed curet potius, ut aliquid in suis bonis pro hisce etiam disponat, quantum ipsis iactis esse possit ad eorum indigentiam sublevandam. Audiat circa hoc S. Aug. Serm. 365. *Bonifacii hæreditatem suscipere nolui, non misericordia, sed timore. Quicumque vult exheredato filio* (idem intellige de omni alio latem indigenti consanguineo, seu propinquo testatoris) *hæredem facere Ecclesiam, querat alterum qui suscipiat, non Augustinum, imo Deo propitio neminem invenias.* Et multo magis ab huiusmodi dispositionibus Confessarii temovere debent suos pœniten-tes, quando per hæc filios ex irato animo hæreditate privent; sic enim ait cit. loco laudatus S. August. *Plane quando donavi filio quod iratus pater moriens abstulit, bene feci.*

Testes autem testamenti ad pias causas esse possunt si omnes, qui a iure naturali, & Gentium non excluduntur a ferendo testimonio. Idcirco testes admittuntur in hoc testamento etiam seminae, ac aliz persone, quæ repelluntur a iure civili, dummodo non sint infames, mentis imposter, vel reptobatae ratione alicuius delicti. Fagnanus in cit. cap. *relatum* 14. Card. Petra, Anchatanus, aliique plurimi. Possunt etiam esse testes in testamento ad pias causas Parochus, Beneficiarius, Confessarius, & Religiosus, licet adsint in ipso legata ad favorem propriæ Ecclesiæ, vel Monasterii. Sic Card. de Luca, Farinaccius, & alii ex cap. *Insuper* 6. & cap. *cum nuncius de testib.* Relicta ad pias causas immunia sunt a detractioe Falcidiæ, & Trebellianicæ, quæ est quarta pars hæreditatis bonorum testatoris post eius mortem, deducto ære alieno, & expensis funeralibus, quæ iure Romano ita esse affecta, seu debita hæredibus, ut ea nunquam privari possint, nec teneantur legata particulatis, quibus oneratum esset testamentum, solvere huiusce quartæ partis, quæ a Lege Falcidiæ, & Trebellianicæ hæredibus adiudicatur. Cum enim olim iuxta licentiam Legis XII. Tabularum liberum esset testatoribus totum patrimonium erogare in legata, seu hæreditatem tot, ac tantis gravare legatis, ut hæredibus onera hæreditatis portantibus vel nullum, vel nonnisi modicum luctum remaneret, ac propterea hæreditatem tepserunt, lata est *Lex Spuria* prohibens legari uni le-

gata-

Quid lex
Falcidia

gatario ultra mille aureos, deinde etiam lata est *Lex Vocaria* vetans ne plus quis relinquere alicui quam hæredi. Sed cum neutra adhuc sufficeret, lata est *Lex Falcidia*, sic dicta a Falcidio tribuno plebis, qui illam tulit sub Octaviano Imperatore, Inst. de *Leg. Falcidia*, & cod. ad *Legem Falcidiam*. Hac Lex prohibet ne plus liceat legare quam Dodrantem, seu tres partes omnium bonorum, ita ut hæredi semper remaneat saltem quarta pars bonorum, quæ inveniuntur tempore mortis testatoris post soluta prius debita, expensas funeris, ac mercedem servorum. Hæc quarta pars hæreditatis ita convenit hæredi gravato vi *Legis Falcidiae*, ut si testator excessisset in disponendo eam, tunc detrachere valeat. Similis *Falcidiae* est etiam *Lex Trebellianica*, quæ concedit hæredi gravato in fideicommissaria hereditate, quæ omnia bona gravantur, detrachitionem quartæ partis bonorum defuncti eodem ordine quo *Falcidia*. Hinc *Falcidia* & *Trebellianica* in hoc solum differunt, quod *Falcidia* detrachitur a legatis, ac donationibus mortis causa, *Trebellianica* vero a solo fideicommissio universalis, ut suo loco videbimus; sicuti etiam quod legatum factum hæredibus fideicommissio universalis gratis computatur in *Trebellianica* Leg. 31. ff. ad *Legem Falcidiam*. Potest tamen testator iure novo prohibere detrachitionem *Falcidiae* & *Trebellianicæ*, & iam aliquibus in Provinciis consuetudinariis *Falcidia* non viget. Privilegio tam amplo donatum est testamentum ad pias causas: nam legata ad pias causas non censendæ sunt gratuita donationes, sed remedia ad spirituales testatoris salutem, & nonnullum præscripta sunt a Confessario, aut debita ex iustitia.

Quid
Testamentum
inter
liberos
&
quid ad
eius vali-
ditatem.

Testamentum inter liberos, quod est inter privilegiata, illud est quod aut a patre, aut a matre, aut ab altero ex ascendentibus inter liberos conditum fuit, & ut privilegium validum est, quamvis careat iuris solemnitatibus. Ita Lex consuetissima §. *Et imperfecto* cod. de *testam.* Ad valorem tamen huiusmodi testamenti, si fuerit nuncupativum duo solum requiruntur, 1. ut sufficienter constet de voluntate testatoris per duos testes, vel alio modo. 2. ut singulis liberis relinquatur sua portio legitime & singuli hæredis nomine honorentur. Si autem testamentum hoc fuerit scriptum, Iustinianus novo iure statuit in Authent. de *testam. imperf.* n. 107. cap. 1 ad eius validitatem 1. ut ipse pater, mater, vel avus testamentum scribat, vel subscribat; 2. ut exprimat tem-

pus conditi testamenti, 3. ut scribantur singula liberorum nomina, atque uncie, seu portiones singulis assignatæ, quæ possunt esse inæquales salva tamen portione legitima singulorum; 4. ut tam tempus, quam numeri unciarum non signentur per cifras, sed per verba integra.

Circa validitatem testamenti privilegiati Militum, & quorumcumque qui veniunt sub hoc nomine, dum sunt in conflictu, nulla requiritur solemnitas. Si autem testamentum fiat in castris, & extra conflictum, duo testes etiam non rogati necesse est ut eidem interfuerint qui probare queant. Si autem fiat in hibernis extra expeditionem nullo potitur privilegio. Hoc eodem privilegio militum gaudent etiam medici, chirurgi, & mercatores castrenses, dum in castris morantur.

Testamenta vero rusticorum ruri facta, hæc pariter gaudent aliquo privilegio, scilicet quod in his sitis sint quinque testes, quando septem, ut iura requirunt, haberi nequeunt. Ita communiter ex *Leg. & ab antiquis* 3. de *testam.* Dicti tamen testes pro testamento scribi debent esse literati, si haberi possint, qui scilicet scribere sciat, cum omnes se subscribere debeant, ut ex cit. *Leg. si autem* non omnes, unus tamen vel plures scribere scientes, si facile inveniri possunt, qui debent loco aliorum literas ignorantium ipsis præsentibus subscribere. Quod si nullus haberi possit literatus, potest rusticus etiam oretenus coram quinque testibus, si septem commodè haberi nequeunt, valide testari per verba, ut in cit. *Leg. Testamentum* rusticorum paucioribus quam quinque testibus etiam in loco ubi haberi nequeunt, est prorsus invalidum ex cit. *Leg. Testes* in testamentis rusticorum haberi debent easdem qualitates sicuti in aliis testamentis non privilegiatis, cum lex dispensans in numero testium nullatenus videatur dispensare quoad qualitates requisitas in aliis non privilegiatis. Dispensationes enim cum sint odiosæ, ideo restringendæ sunt, non ampliandæ de uno ad aliud, ut in cap. *Si is* 2. de *phis Presbyterorum* in 6. Cum autem hoc privilegium licet personale sit simul locale, si rusticus conficiat suum testamentum in oppido, vel civitate, ad eius valorem necesse est ut interveniant septem testes; quia cum hoc concessum sit ruri, alibi nullo gaudet privilegio ex cit. *Leg. Et ab antiquis*. Sic etiam civis, & nobilis recreationis gratia ruri commorantes, si ægrotent, & condere velint suum testamentum, secundum

De val.
ditate
testa-
menti
privile-
giati mi-
litum.De privi-
legio Te-
stamenti
rustico-
rum tu-
tis.

communione non gaudet rurali privilegio, quod cum solis rusticis concessum sit, cæteris implicite negatur, licet reperiantur ibi loco, ubi haberi nequeat numerus testium requisitus. Ita Reiffenstuel, Clarus, Bartolus.

De Testamen-
tis rem-
pote pro-
his.

Quoad testamenta vero facta tempore pælis, ad hoc ut valida sint spectato iuris rigore requiruntur septem testes, quamvis non debeant esse specialiter rogati, ut ex Leg. 8. cod. c. b. si tamen pælis atrociter læviat, sufficiunt quinque, vel duo. Huiusmodi enim testamenta spectata & ita exigente æquitate naturali, ut ex quodam recentiori, admittuntur in Camera Imperiali.

§. IV.

De iis, qui possunt testamentum facere.

Qui pos-
sunt tes-
tari, qui
non.

Quilibet potest testari, cui nullo iure nec naturali, nec positivo vetitum est, ac res habeat proprias quarum teneat absolutum dominium. Sic communiter ex Leg. *Habeat unusquisque* 1. cod. de sacros. Ecclesiis. Iure naturæ testamentum facere prohibentur 1. infantes ante septennium, utpote usu rationis carentes, qui usus rationis requiritur, ut actus humanus valeat. Sic communiter ex §. præterea 1. Instit. quibus non est permixtum facere testamentum. Quare ob eandem rationem testari nequeunt 2. iure eodem naturali furiosi, amentes, mente capti, ac omnes usu rationis carentes, donec actualiter usu rationis carent, ex cit. §. præterea. Valet tamen, si illud fecerint, antequam rationis usus per furorē, amentiam &c. eis impediatur, ex cit. §. præterea. Valet etiam si illud fecerint tempore, quo habent lucida intervalla, dummodo durante lucido intervallo totum absolvant; alias si durante actu testandi in furorē, seu usus rationis privationem incidant, totum quoad causas prophanas nullum est, sic ex Leg. *furiosum*: Eodem pariter iure, & ratione testari nequit 3. surdus & mutus simul a nativitate; secus vero si ex accidenti scribere sciat, vel si sit tantum mutus, vel surdus, & scripto declarare valeat suam voluntatem ex §. item surdus 3. Instit. Cæcus pariter nisi nuncupative, & observatis solemnitatibus a lege præscriptis Leg. *Hæc consuetissima* 8. qui testamentum facere possint. Iure autem civili prodigus, cui interdicta est a iudice bonorum administratio ex §. item prodigus 2. Instit. Item 4. servus, mancipium, captivus, vel abiens detentus apud hostes, damnatus ad mortem naturalem, &

civilem, ut in Leg. *cuius qui* 8. §. 1. & 2. 5. Impuberes masculi ante annum 14. læminæ ante 12. Leg. *si frater*. 6. Filiusfamilias non emancipatus, nisi de bonis castrensis, & quasi castrensis servatis tamen requisitis solemnitatibus iuris civili Leg. *nemo* 11. iuncta Glossa ibi. De bonis vero adventitiis non potest testari ne quidem patre consentiente, ut in Leg. *qui in potestate*. 7. Damnati ad libellum famosum Leg. 15. cui 18. §. 1. qui commiserunt aliquod grave crimen, cui adnexa est talis pena; rei, ut rei lætæ maiestatis, hæretici, ipsorum fautores, receptores, defensores Authent. *credentes* cod. eod. Leg. *Manicheos & Ariani* 1. cod. hæretici. 8. Utriusque publici, & manifesti, nisi prius usuras restituerint, aut de restitutione facienda idoneam cautionem præstent in cap. *Quamquam usurarii* 2. de usuris in 6. 9. Hostiliter insequentes, percutientes, aut offensentes, sacra Rituum Congress. Card. in cap. *Felicitas* 5. de panis in 6. 10. Qui ex natura inhabiles sunt ad testandum, nequidem ad pias causas testari possunt. Sic Reiffenstuel. Inhabiles vero ex solo iure civili valide ad pias causas possunt testari de iis bonis, quorum habent plenam dominium; ita Riccius, Bartolus, Engel; quia testamentum ad pias causas nullo modo subiacet dispositioni iuris civilis, sed secundum canones iuraque naturæ & Gentium iudicandum in cap. *relatum* 11. de testam.

Quoad clericos vero advertendum hos considerandos esse quoad bona patrimonialia, vel quasi patrimonialia, seu industrialia, & quoad bona ecclesiastica. Cum enim Clerici etiam Episcopi, aliter beneficiati semper reputati fuerint rangnam simplices rerum ecclesiasticarum dispensatores, ut sumptis ex iis quæ ad propriam sustentationem sufficiant, reliqua in pauperes, aliove pios usus iuxta regulas ecclesiasticas, & offerentium voluntatem, impendant; hinc cum pias dispensator de rebus dispensationi suæ creditis testari nequeat, secundum veterem disciplinam etiam Episcopis, cæterisque Clericis vetitum est de rebus intuitu Ecclesiæ acquisitis testari, ut præcipue habetur in can. 40. *vulgo Apostolorum*, in quo interdicitur testari de rebus ab Ecclesia obtentis, quod tamen conceditur circa res, quæ propriæ eorum essent, & manifeste dominicæ, idest patrimoniales. Item vetitum fuit Episcopis, & Clericis omnibus testari de bonis intuitu Ecclesiæ acquisitis can. 49. Concilii Carthag. III. apud Gratianum *caus.* 12. q. 3. can. 1. Et hoc etiam confirmatum fuit a iure civili.

In quo
Episcopi
& Clerici
disponere
non
possunt.

civili per Iustinianum Imp. in Leg. 42. §. 2. cod. de *Episc. & Cler.* ubi sancivit Iustinianus, ut nullo modo Episcopi, alique ecclesiastici haberent facultatem testandi, vel donandi, vel per aliam quamcumque excogitationem alienandi quid de rebus, quas postquam facti fuerint Episcopi possederint, vel quocumque modo acquisierint intuitu Ecclesie, iis tamen exceptis, quæ ante Episcopatum habuerint ex quacumque causa, vel quæ post Episcopatum a parentibus ad ipsos pervenerint; ita quæcumque post ordinationem ex quacumque causa extra præfatas personas, idest consanguineos, ad ipsos pervenerint, iubet ea ad sanctissimam Ecclesiam, cuius Episcopatum tenuerint, pertinere, & ab ea vindicari, & evinci, nulla alia persona potestatem habente ex eo proprium quid auferre lucrum. Idcirco illistemporibus mos erat in testamentis clericorum inquirendi num bona aliqua habuerint tempore ordinationis, vel post ipsam extra Ecclesiam aliqua ad ipsos pervenerint, ut sciretur quæ bona censi deberent provenisse ad eos ab Ecclesia, quæ consequenter ad Ecclesiam pertinerent, ut per plurimos canones, & Decreta ante statutum fuerat, ut habetur ex ep. 2. lib. 5. S. Gregorii, qui ita egit iuxta sanctionem cit. Iustiniani erga Episcopum quemdam Ravennatem, de quo Clerus Ravennæ apud ipsum Pontificem conqueſtus erat circa testamentum eiusdem Episcopi, quod in eo de bonis Ecclesie disposuisset. Et sic habetur alibi. Unde manifeste colligitur respectu cuiuscunque e Clero, sive Episcopi sint sive inferiores Clerici, vetitum fuisse antiquis canonibus de rebus intuitu Ecclesie acquisitis quocumque modo per testamentum disponere. Hæc disciplina pluribus sæculis perseveravit, eamque retinendam sæculo 12. sancivit Concilium Lateran. sub Alex. III. cap. 7. 6. de *testam.* Hoc Decretum non solum de immobilibus, sed de mobilibus quoque intelligendum esse declarat idem sum. Pontifex adversus pravos illius Decreti interpretes in literis ad Eleſtum & Capitulum Casanenſe cap. 12. de *testam.* & respondet generaliter bona quæque Ecclesie acquisita ei debere iuxta Lateran. Concilium remanere, idest Ecclesie. Hæc generalia Alexandri verba satis indicant iuxta antiquos canones ne quidem ad pias causas de ecclesiastica substantia Episcopis, & Clericis licitum fuisse testari, quasi nefas esset de rebus eorum administrationi dumtaxat concessis disponere in tempus dictæ administrationis. Hæc disciplina paulatim laxata

1911. Theol. Moral. Tom. III.

est, dum facta fuit permissio Clericis disponendi de rebus mobilibus, quas de bonis ecclesiasticis acquisierant, & hæc consuetudo, quam non improbandam dixit Gregorius IX. relata fuit in Decretales eiusdem Pontificis, & quasi iure probata, & firmata, pro iure invaluit: unde in Synodis post hanc Gregorianam compilationem Decretalium passim permittitur Clericis sub moderationibus in cit. Rescripto Alex. III. appositis testari. Moderationes autem Rescripti Pontificis sunt, ut Clerici mobilia disponere possint in favorem locorum pauperum, & Religiosorum, aliorumve qui Clerico viventi intervierint, sive consanguinei sint, sive alii iuxta servitii meritum. Ex tali relaxatione factum fuit, ut ad verbum aliqua paulatim consuetudo disponendi per testamenta de bonis per Ecclesiam acquisitis irrepierit, primo parum aliquid relinquendo, postea largiori manu, donec tandem plena potestas omnibus quibuscumque etiam non pauperibus relinquendorum non solum mobilium, sed etiam immobilium, ut nunc fit, arrepta fuit; ita ut a sæculo 14. ius testandi univerſim, nempe rerum mobilium, & immobilium circa bona ex Beneficiis suis parta apud Clericos investum fuit; alibi tamen tardius, alibi citius. Notat hic Van-Elſpen quod non parum ad firmandam hanc consuetudinem valere potuit difficultas discernendi ea, quæ ex patrimonio, & industria, vel aliunde quam consideratione Ecclesie Clericis obveniant ab iis, quæ ab Ecclesia proveniunt, ita ut singula pene Clericorum testamenta ob hanc bonorum confusionem, & incertitudinem litibus essent obnoxia. Itaque satius visum fuit testamenta illa tolerare, & Clericorum conscientie relinquere quod de acquisitis ab Ecclesia disponant, quam litibus omnia involvere, præsertim cum frequenter non constet num consanguinei sive hæredes, quibus bona per testamentum deferuntur, revera sint divites, aut pauperes, quibus tanquam pauperibus superflua ex proventibus ecclesiasticis communicari possint. Verum, uti recte ibidem monet Fagnanus, neque consuetudo, neque dispensatio Papæ potestatem dare possunt Clericis, ut fructibus Beneficiorum abutantur, sive in profanos usus expendant, vel dispendat. Hinc credit Martinus Navarrus in sua Apologia de redditibus Ecclesie talem dispositionem validam esse in foro conscientie, quando Clericus testetur intuitu pietatis, paupertatis, remunerationis, & debiti solutionis, & nullam esse consuetudinem præscriptam, & validam tes-

T 3 standi

standi pro libitu in prophana sine aliquo meritorio intuitu, sed solummodo toleratur in foro exteriori, & servari iubetur ad obviandas frequentissimas lites, quæ circa Clericorum testamenta in iudicium deducta alias orirentur. Dixi *toleratur in foro exteriori*, cum in foro interiori conscientie consuetudo, aut dispensatio testandi non mutet, vel alteret naturam, & conditionem proventuum ecclesiasticorum, maneatque semper immutatum onus dandi superflua pauperibus. Quare PP. Concilii Trident. licet non ignorent multis in Regnis testamenta Clericorum ex proventibus Ecclesiasticis etiam in favorem parentum tolerari, validaque reputari, nihilominus Episcopis aliisque Clericis interdixit omnino ne ex redditibus Ecclesiæ seu beneficii *consanguineos familiaresque suos augere studeant, sed si pauperes sint, ut pauperibus distribuant*, iuxta debitum proventibus ecclesiasticis adnexum. Hactenus Van-Espen, part. 2. tit. 32. cap. 6. Iuris Canonici.

Secundum igitur præsentem disciplinam Ecclesiæ Clerici sæculares omnes tam maiores quam minores æque ac laici testari possunt non solum ut etiam antiquitus, de bonis suis patrimonialibus, quasi patrimonialibus, industrialibus, sed etiam de bonis ecclesiasticis, id est de bonis acquisitis ex fructibus Beneficii, quæ ex decenti sustentatione ipsis superfluerunt, sed de his testari valent ex iure, & consuetudine valide solummodo quoad forum externum, quod ut diximus, permissum fuit, & permittitur ad lites, controversiasque vitandas; nec licite, nec valide tamen quoad forum conscientie, nisi cum moderationibus expressis in cit. Decretali Gregorii IX. ita ut hæredes, si res secus se habeant ac in dicta Decretali, nequeant tuta conscientia talem hæreditatem recipere, ac retinere, & si iam receperint, ex iustitia restituere teneantur Ecclesiæ, vel pauperibus. Nam iuxta communem tenentur Beneficiati ex iure naturali, & divino impendere omnes fructus superfluos Beneficii in pios usus, ita ut nulla consuetudo, vel potestas humana eos a tali onere eximere possit. Potest tamen Clericus ex consuetudine legitima disponere valide, & licite de fructibus superfluis Beneficii, nempe de bonis Ecclesiæ, ad pias causas.

Religiosi
nequeunt
testari.

Testari nequeunt Religiosi omnes professi sive Superiores, sive subditi, non solum ad prophanas, sed ne quidem ad pias causas, neque de suorum Superiorum licentia, imo nec testari possunt, etiam si ante professio-

nem summam aliquam suorum bonorum sibi reservassent cum facultate de ea postea per testamentum, sive alio simili modo disponendi; & sic etiam nec valent moderare per viam declarationis testamentum a se factum ante professionem. Possunt tamen post professionem declarare interpretando suum testamentum conditum ante professionem, si tamen tali interpretatione, ac declaratione indigeat, quia hoc non est disponere, sicut esse testamentum moderando circa aliqua bona, sed declarare, & explicare dispositionem a se iam factam, quando tale ius possidebant. Ita Navarrus, Portellus, Lezzana, Barbosa ad Concil. Trid. sess. 25. de Regularibus.

Novitius vero potest ante professionem condere, & conditum revocare testamentum factum sive ante, sive post ingressum in Religionem, & durante novitatu. Non potest vero sibi aliquid reservare in testamento ad effectum testandi de illo post professionem, quod iam diximus fieri non posse. Potest tamen præcipere in suo testamento, ut aliquid ex eius bonis post professionem suam expendatur in pios usus, vel ne quid de eis alienetur, & huiusmodi. Si Novitius committat testari ante professionem, succedet in eius bona, actiones, & iura Monasterium, si capax sit bona possidendi, alias succedunt consanguinei. Non potest Religiosus revocare suum testamentum ante professionem conditum, licet possit, ut vidimus, illud declarare. Novitii sive ante ingressum Religionis, sive post tempore Novitatus possunt condere testamentum etiam ante duos menses proxime præcedentes ad professionem, & sine licentia Episcopi, vel eius Vicarii Generalis, non obstante Decreto Concilii Trid. sess. 25. cap. 16. de Regular. quia ibi illis non admittitur potestas testandi, sed solum disponendi inter vivos, non servatis iis, quæ ibi præscribuntur.

Novitius
ante profes-
sionem
testari
potest.

S. V.

De Codicillo,

Codicillus est quasi parvus codex, seu parva scriptura continens ultimæ voluntatis significationem, seu dispositionem circa ea quæ quis vult fieri post eius mortem extra directam hæredis, seu legatarii institutionem, & testamentariam solemnitatem. Dicitur notanter *extra directam hæredis; vel legatarii institutionem*, & per hoc potissimum codicillus differt a testamento, cum testamentum valide confici nequeat sine tali directa institutione, & in codicillo hæreditas

Quid Co-
dicillus?

ac-

nequit directe dari, nec auferri §. *codicillus autem* 2. Instit. de *codicillis*. Dicitur notante sine *directa hæreditas institutione*; quia licet in *codicillis* nequeat hæres institui directe, potest tamen institui indirecte, quatenus nempe in *codicillo* relinquit potest fideicommissum, & sic hæres indirecte constitui, prout etiam contingit; si quis sine testamento decedens faciat *codicillum*; & in eo roget hæredem ab intestato, ut hæreditatem vel in toto, vel in parte restituat alteri, & in hoc casu hæres tenetur parere, licet possit, ubi adhuc mos est, deducere sibi Trebellianicam, seu quartam partem hæreditatis in sui favorem. Differt pariter specificatio *Codicillus* a Testamento per illa verba *citra testamentariam solemnitatem*, quia ubi ad testamentum non privilegium requiruntur, ut antea diximus, septem testes masculi rogati, ad *codicillum* sufficiunt quinque sive masculi, sive feminae, sive rogati, sive non, ex Leg. §. *quis* 8. §. 3. *cod. de codicillis*. Et licet de feminis; quod possint esse testes *codicilli* non habeatur in allata Lege expresse, habetur tamen implicite, quia in requisito numero testium non requiruntur masculi, ut in numero requisito testium ad testamentum, & ubi lex non distinguit, nec nos distinguere debemus, cap. *quia circa* 22. de *privileg.* Ita Glof. in cit. cap. §. *quis* *cod. cod.* Baldus, Reiffenstuel, alique communiter. Quoad vero privilegia, sicuti etiam in testamentis, puta ad pias causas, &c. sufficiunt duo testes. *Codicillum* facere possunt solum omnes ii, qui possunt facere testamentum, & sicut testamentum, ita & *codicillus* fieri potest & scriptis, & oretenus, Leg. §. *quis* 8. §. 3. *cod. cod.*

Codicillus fieri potest & sine testamento, & cum testamento, & ante & post illud iam factum, in Leg. non *ideo* 4. de *codicillis*. Ad hoc tamen ut *codicillus* factus ad testamentum valeat, requiritur quod testator in sequenti suo testamento illum confirmet, ita in §. *non tantum* 1. Instit. de *codicillis*. In hoc differt *codicillus* a testamento, quod duo testamentum simul vim habere non possunt, sed posterius semper derogat priori, illudque invalidat quamvis nullus hæres existat, quia aut nolluit hæreditatem acceptare, aut obiit ante testatorem, & in eo casu succedunt hæres ab intestato, §. *posteriore* 2. Instit. *quibus modis testamentum infirmantur*. Si vero a disponente fiant successiue plures *codicilli*, possunt simul consistere: non enim revocatur prior per posteriorem, nisi quatenus sibi

contrarii sint, in cap. *cum proponatur* 3. *cod. de codicillis*. Ideo enim simul subsistere non possunt duo testamentum, quia in his necessario relinquitur hæreditas, quæ est successio in universum ius defuncti, Leg. *hæreditas* 62. ff. de *reg. iuris*. In *codicillis* vero cum res singulares relinquantur tantum, possunt quædam relinqui in uno *codicillo*, quædam in altero, & sic uterque subsistere potest.

Si testamentum ex defectu solemnitatis non valet, non valebit neque *codicillus* ipsi additus, quamvis habeantur omnes solemnitates ad *codicillum* requisitæ, nisi tamen talis dispositio habeat clausulam *codicillarem* Leg. *supra* ff. de *iure codicillor.* Clausula autem *codicillaris* est quam testator testamento apponit, & per eam expresse, vel tacite declarat quod si ultima sua dispositio ex defectu alicuius solemnitatis non valeret ut testamentum, valet tamen ut *codicillus*.

Et hæc est clausula *codicillaris* expresse; tacita autem, quando testator id non expresse, sed virtualiter innuit dicendo, si hæc mea dispositio non valet ut testamentum, volo ut valeat omni meliori modo quo potest. Ita communiter ex cit. Leg. §. *quis* *cod. cod.* Principi autem effectus clausulæ *codicillaris* sive tacite sive expresse sunt 1. quod in casu quo ex defectu solemnitatum testamentum sit nullum, tunc valet vigore *codicilli*, seu ut *codicillus*. Unde licet institutio hæredis ratione nullitatis testamenti omnino irrita sit, tamen hæres succedens ab intestatoolvere tenetur legata omnia, ac fideicommissa particularia reperta in tali invalido testamento, & hoc propter adiectam illam clausulam *codicillarem*, in cit. Leg. §. *quis* 8. §. 1. de *codicillis*. 2. Effectus est quod si testator carens hæredibus necessariis in hoc irritato testamento instituat hæredem extraneum virtute dictæ clausulæ *codicillaris* institutio directæ vertitur in fideicommissariam, & proximi hæres ab intestato tenentur restituere hæredi extraneo per modum fideicommissi instituto totam hæreditatem sola pro se ubi adhuc mos viget retenta Trebellianica, ita Iason, Reiffenstuel, Laymann ex Leg. ex *scriptur.* 29. ff. *qui testamentum facere possunt*. Item si testator hærede necessario scienter præterito, vel iniuste exheredato in tali invalido testamento hæredem extraneum instituat, virtute talis clausulæ *codicillaris* tenetur hæres necessario restituere dicto instituto hæredi extraneo totam hæreditatem sibi sola retenta legitima, & simul Trebellianica, ita Clar.

Clausula
Codicill.
laris ex-
pressa
vel tacit.
12.

Molin. Laym. Reiffen. communiter ex cit. iuribus. 3. Effectus huius invalidi testamenti est quod hæres in tali testamento institutus pro libitu agere possit vel ex testamento, vel in vi codicilli, idest petere totam hæreditatem sibi in testamento relictam; & si timeat de valore testamenti, vicodicii petere potest, ut hæreditas per modum fideicommissi ei restitatur. Hic tamen advertendum quod si hæres institutus incipiat agere ex testamento non possit amplius variare, & petere hæreditatem in vi codicilli, nisi esset ex agnatis usque ad 4. gradum, vel ex cognatis usque ad tertium. Ita communiter ex *Leg. si quis 8. 1. & 2. cod. cod.*

Testamentum autem imperfectum non potest vi diſtæ clauſulæ codicillaris valere, nisi codicillus habeat requisitas solemnitates ad codicillum, qui live scriptus sit, five nuncupativus requirit quinque testes etiam non rogatos, quamvis sint feminæ, adhibitos uno eodemque tempore, qui debent vel codicillo subscribere, si fuerit scriptus, vel testari voce si fuerit nuncupativus; ita *Lex ult. §. 3. de codicill.* Excipe tamen si codicillus eilet privilegiatus ad pias causas, inter liberos &c. quia tunc sufficerent duo testes.

Hic modus disponendi, & codicilli nomen quod tali rerum dispositioni seu ultimæ voluntati attributum fuit, initium habuere apud Romanos tempore Augusti, nam tunc in ulum induiti fuere a Lucio Lentulo, ut in princip. Instit. de Codicill. & ordinati ad prosequendum testamentum, quod erat veluti balis; processu tamen temporis codicilli ceperunt habere suum effectum, etiam si facti fuissent ante testamentum, dummodo tamen nihil esset in testamento quod opponeretur codicillo. Imo postea permixtum etiam fuit facere codicillos etiam sine testamento. Nunc vero codicilli, ubi ex consuetudine non permittuntur hæredes testamentarii, quia lex ipsa hæredem nominat, ac instituit, testamentum nihil plus est quam codicillus, ut in Gallia; ubi vero viget ius romanum, & testari permittitur hæredem instituendo, interviunt præcipue codicilli, & adhibentur ad legata, & fideicommissa relinquenda, item ad testamentum declarandum, mutandum, minuendum, augendum, ei addendo, vel demendo, & huiusmodi, salva semper hæredis institutione, cum hæreditas per codicillum nec directe dari, ut diximus, nec adiri possit, ut ex cit. §. *codicill. autem 2.* Codicillus igitur est minus sollemnis voluntas morientis a testamento, vel ab intestato sine hæredis institu-

tione; si a testato codicillus semper habet rationem testamenti, five ante five post ipsum fiat codicillus; si ab intestato codicillus tantum relinquat sine testamento, in quo ordinari legata solvenda a legitimo hærede non secus instituto.

Cum vero facta sit sæpe mentio hæredis ab intestato, & aliquando hæredis necessarij, necnon paulo ante de agnatis, & cognatis, hinc nota 1. quod hæres ab intestato est ille, qui ex dispositione legis succedit in universum ius illius, qui intestatus, idest sine testamento, aut sine testamento iuridico, & valido decedit, principio *Instit. de hæredit. quæ ab intestato.* Hæres vero necessarij dicitur, quem testator in portione legitima instituere debet, nisi habeat iustam causam eum exhærendi, & tales hæredes sunt omnes ascendentes & descendentes legitimi. Non necessarij vero, seu voluntarij dicuntur illi, qui quos testator non cogitur hæredes instituere, ut sunt extranei, & etiam consanguinei, seu sanguine iuncti, sed non in linea recta ascendentes vel descendentes.

Nota 2. quod apud Iuristas agnati sunt, ac intelliguntur masculi omnes descendentes ab eadem familia, idest ab eodem stipite, seu omnes consanguinei masculi eiusdem gentis a parte patris: cognati vero descendentes omnes tum masculi tum feminæ ex eodem stipite, idest consanguinei omnes masculi & feminæ eiusdem gentis, seu ut vulgo, familiaris, vel sanguinis coniunctio cum alia gente seu familia ex parte mulierum, quæ ex illa gente, seu familia alteri genti, seu familiæ nuperunt: unde cognatio est nomen naturale, aut derivatum a sanguine, & significat vinculum consanguineitatis comprehendens descendentes omnes ex eodem stipite tam masculos quam feminas, ita ut cognatio includat omnes coniunctos, seu consanguineos tam ex parte patris quam ex parte matris; agnatio vero est ramus particularis cognationis includens dumtaxat descendentes in linea masculina, & agnatio est proprie solummodo nomen civile non secus ac illud gentis, & familiaris. Ita *Card. de Luca tit. 12. in suo Opere*, cui titulus il *Dottor volgare*, ubi de testamentis, & aliis.

S. V.

De Legatis.

Legatum est ultimæ voluntatis dispositio, *Quid 2. garum.* qua testator particulare donum ab hæreditate selectum directis verbis alicui relinquit, eique ab hærede præstandum, & sumitur etiam

iam pro dono ipso sic relicto. Licet autem legatum conveniat cum aliis dispositionibus causa mortis, idest cum donatione, & hæredis institutione, quæ sit in testamento, ab illis tamen differt, quia legatum præstandum est ab hærede, & ab huius institutione differt, quia hæres adit per se ipsum hæreditatem. Differt a donatione causa mortis, quia hæc a testatore immediate præstat. Si vero legatum relictum in testamento præstetur a testatore vivente, non amittit tamen rationem legati, & ultimæ voluntatis natura sua revocabilis, alias esset donatio. Ita Molina cum aliis. Legatum aliud est purum, idest relictum sine temporis determinatione, onere, vel conditione, aliud conditionatum, nempe in diem, determinando tempus ad illud præstandum, vel sub aliquo onere, conditione, causa, ac demonstratione.

Supponendum autem legatum pium a testatore relictum durare prout ipse voluerit, & ordinaverit, & contraria opinio damnata fuit ab Alexandro VII. in proposito. quæ nunc est 43. *Annum legatum pro anima relictum non durat plus quam decem annos.*

Quid de legatis non acceptata hæredi.
Ex iure communi nulla legata valent nec pura, nec conditionata relicta in testamento, in quo hæres non acceptavit hæreditatem, quia nullum censetur Leg. *nemo ff. de testam.* Excipiuntur tamen legata ad pias causas, quæ valida sunt, & sic solvenda ab hærede ab intestato. Item valida sunt quæcumque alia legata, quando in testamento appositæ sunt clausula codicillaris, vel aliquæ æquivalentes, & ab hærede solvenda sunt.

Divisio legati.
Legatum aliud est particulare, aliud universale. Particulare, cum alicui designato aliquid bonum legatur, ut summa pecuniæ, tabella, villa &c. Universalis vero cum aliquis omnia bona sua legat, aut partem, seu quædam, seu quartam omnium bonorum alteri ab hærede tradendam. A bonis autem translatis ad eum, qui non institutus fuerit hæres detrahatur iure romano quarta pars in favorem hæredis gravati, quæ cum agitur de legatis, dicitur Falcidia, quæ non est in usu in Gallia, sed ibi non possunt universa bona legari aut fideicomitti, sed ut plurimum bona mobilia, bona soli parta, & quinta pars patrimoniorum. Ubi vero est in usu detractio Falcidiæ, hæc detractio fieri nequit in legatis ad pias causas, scilicet relictis Ecclesiæ, Hospitali, alterique pio loco. Legata omnia pura, & absoluta solvi debent ex iustitia ab hærede statim post aditam hæreditatem, & ex hoc legatarius acquirit dominium. Unde si executor testamen-

ti negligat ea solvere, tenetur de damnoscuto, & quod sequatur. Peccat enim contra iustitiam, idest contra suum officium in alterius damnum. Executor enim statuitur ad præstandum prompte totum id, quod testator fieri voluit; quod si nullus constitutus sit executor, tenetur hæres, quia hæreditatem acceptando implicite se obligavit ad implenda onera eidem annexa. Legatum transmittitur ad hæredes legatarii, si contingat eum decedere antequam legatum ab executoris, vel hærede receperit. Non transit vero ad hæredes, si legatarius decedat ante testatorem Leg. 1. ff. de condit. &c. Item si testator reliquit alicui legatum, quem putabat esse vivum, dum mortuus erat Leg. *unica §. in princip.* Item si legatum reliquit sub conditione pendente de futuro, vel in diem, seu ad tempus determinatum, & antequam impleatur conditio, seu tempus determinatum moriatur legatarius, ut constat ex cit. iuribus.

Si quis legavit alicui fundum, & in eo erexit domum, vel vineam &c. totum incrementum est legatarii, & e contra si ei reliquit domum, vineam &c. quas postea destruit, vel evellit, totum decrementum erit legatarii. Si vero hæc petant ex aliquo eventu, fundus semper spectat ad legatarium Leg. *si fruge in fine ff. de legatis*. Quod si legat frumentum in horreo inclusum, quem postea consumpsit, si denuo aliud frumentum ibi reponat, spectat ad legatarium. Si quis mandet Petro centum nummos, qui sunt in arca, & non inveniantur nisi 50. hi legatario debentur Leg. *cum ita ff. de legatis*. Quod si plusquam centum in arca inveniantur, non tenetur hæres dare legatario nisi centum, quia mens testatoris fuit ut talis quantitas ei daretur.

Fructus percepti ex re legata ante mortem testatoris debentur hæredi, & non legatario, nisi aliter constet de mente testatoris Leg. *Lucius ff. de legatis 1.* nisi tamen fructus crescant in re legata, ut illi incorporentur, puta si res legata sit grex, capita quæ orta ante mortem testatoris, gregi sunt aggregata, vel de novo empta, & eadem aggregata, debentur legatario, sicuti ipsi decreverunt, si aliqua ex his moriantur, aut a testatore vendantur §. *si grex Instit. de legat.* Si fundus erit res legata, puta vinea, olivetum, fructus pendentes, idest non collecti tempore mortis testatoris, pertinent ad legatarium Leg. *si pendentes 34. ff. de usufructu*. Nam cum legatarius statim post mortem testatoris acquirat ius in re legata, &

&

& sit eius dominus, ipsius sunt etiam fructus non solum venturi, sed si etiam qui ipsi acciderent, eo vel magis quia saltem ut res accessoria tunc censenda sunt; accessorium vero ad eum spectat cui principale, ac ideo legato principali, legatum censetur etiam accessorium quod secum trahitur a principali. Unde legato lecto, dono, legata censentur etiam parantia; legato vindario, & arboris in loco contentæ; legata dono, etiam vindarium ipsi coherentis; legatis bonis omnibus, legata censentur etiam actiones. Covarruvias, Sylvestr, Bonacina. Quare fit quod si alicui legetur usufructus alicuius fundi sinistrique legata erunt instrumenta cuncta ad illum colendum &c. Si legatarius fuerit agricola, domus pariter, & cella vinaria, ac in eis ad effectum rei culturæ contenta, ac triticum iam destinatum ad seminandum. Sic Baldus per Legem item si fundi & Seminarios ff. de usufr. Si testator mandet ut detur Joanni aliqua res sub disjunctione, v. g. vel vestis, vel arma, vel aliqua determinata in specie, ut aliqua ex suis vestibus, non in individuo, tunc electio spectat ad heredem, & satisfaciatur etiam per eam, quæ est minoris pretii, cunctis legatum elicit ad pias causas, quia in alternativa summarum, vel temporum respicitur quod minus est in obligatione leg. si ita relictum fuerit 43. ff. de legat. 2.

Legatarius accipere debet legatum ab herede, non propria auctoritate, nisi hoc fieret sciente, & tacite, vel expresse consentiente disio heredi sub pœna perdendi quod accepit, si hoc faciat postquam hæres hereditatem accepit; si vero antea, non incurrit aliam pœnam, sed ut vult Valquez, interdicitur est Leg. non est dubium cod. de legatis. Legatum relictum pauperi, vel pio loco etiam pereunte loco, vel mortuo paupere, dandum est alieni pio loco, & pauperi, quando hoc reliquit pauperi, ut opus pium. Quod si e contra reliquerit solum in bonum ipsius pauperis, quia fuerit eius amicus, vel consanguineus, mortuo hoc paupere legatum ecclesæ, nec dubitari potest in hoc casu an ut opus pium, vel pauperis bonum legatum reliquerit, cum ratio amicitie, & consanguinitatis fundet præsumptionem, relictum fuisse ut ipsius pauperis bonum, non alias saltem principaliter ut opus pium. Idemque cum proportionem dicendum de pio legatore relictio. Sic Salmas. cum Sanchez. Bonae. qui addunt quod si hæres fuerit in mora solvendi pium legatum, & pauper moriatur, sol-

vendum est eius hæredibus, qui in eius defuncti iura succedunt.

Legatum sub modo factum obligat ad modum illum observandum, si modus cedat in utilitatem tertii, vel legantis, quia testator tunc præsumitur voluisse ad eum obligare: secus videtur, si modus sit in solam utilitatem legatarii, quia obligatio non præsumitur indicta nisi aliunde colligatur, sed solum testatorem motivum explicuisse, quo legavit. Cum tamen testator obligat ad modum implendum, aliquando obligare vult non ita tamen, ut si modus non impleatur, legatum revocetur, ac restitui debeat, sed ut legatarius teneatur sub culpa implere. Aliquando vero vult ita obligare, ut non servato modo legatum sit restituendum. Hæc omnia tamen pendunt ab intentione legantis, quæ iudicio prudentis ex eius verbis, aliisque coniecturis colligi debet. Quando legatum relictum fuit Ecclesie sub modo obligante, quando aliud testator non expresse-rit, non censetur voluisse revocare legatum si modus non servetur.

Legatum relictum ad aliquam piam causam, si applicari nequeat, tenetur hæres illud impendere in alteram piam causam iudicio Episcopi: nam legans in tali casu censetur voluisse, ut applicaretur piz causæ, cum æque gratum sit & utile animæ ipsius testatoris. Episcopus autem ut interpret intentionum defuncti, tunc ius habet legata pia ad alium pium usum designandi, ex cap. 3. & 17. de testam. Legatum vero ad causam prophanam relictum, si nequit impleri, reddit ad heredem.

Iam vidimus testamentum invalidum ob defectum solemnitatis ad causas prophanas, esse tamen validum ad pias causas, idest quoad pia legata. Ita omnes communiter, quia pia legata, ut iam diximus, ad salutem testatoris necessaria semper sunt, & utilia, ac sæpe restitutiones debentur ex iustitia, & a Confessario præscriptæ. Imo etiam legata prophana secundum ius Cæsareum, ubi hoc viget, quando constet de voluntate testatoris, sunt solvenda, ex Insit. de fideicommissis. Ubique tamen quoad legata pia, valet testamentum invalidum, ita ut, sicut communiter sentiunt Doctores, hæres teneatur solvere legata ad pias causas, quando ipsi constet talem esse voluntatem testatoris, licet in foro externo probari nequeat; non enim opus est probatione, quando constat de veritate.

Legare non potest qui nequit testari. Hinc seu testamentum, ita & legatum factum

In testa-
mento
invalido
Legata
ad pias
causas
sunt va-
lida &c.

ab impubere nequidem cum extra pubertatem pervenisset, teneret, quia ex *Leg. 29. ff. de regulis iuris, quod in initio vitium est, tractu temporis non potest convalescere*. Legatum relinquere non potest cui per testamentum accipere vetitum est. Homini tamen civiliter mortuo, non naturaliter legari potest pensio alimentaria. Legata non debentur nisi deducto aere alieno etiam si sint ad pias causas, ita ut si debita totam defuncti facultatem absorberent, legatarius nihil consequitur, *Leg. 66. ad Legem Falcidiam*. Possunt legari ea etiam quae nondum sunt, ut fructus ex horto, vel vinea proventuri, cit. *Leg. 17. ff. cod. Res speciatim*, seu nominatim legata ut hoc horologium, haec vestis, si non reperiuntur, nec dolo haeredis desisse probetur, peti non possunt ex testamento; idcirco nullum esset hoc legatum; sed si res generatim sit legata, & aliqua extet ex eo genere, ut si dicat unum vestem, unum equum &c. *Leg. 32. ff. de legat. Dixi si probari non possit dolo haeredis desisse, peti non posse legatum*, sed hoc valet generatim quoad forum externum: nam quoad forum internum conscientiae licet non posset probari rem legatam dolo haeredis desisse, si revera ex dolo haeredis deficeret, haeres teneretur in conscientia ad eam legatario praestandam.

Quia executio pii legatarii ex iure canon. devolvitur ad Episcopum, & ad Parochum, & aliquibus in locis viget contraria consuetudo, debent tamen haec in locis & Episcopis, & Parochis invigilare, ut ipsa defuncti voluntas executioni mandetur.

Si testator ex duabus rebus quas habet unam leget, haeres quam volet dare potest legatario *Leg. 30. ff. de legat.* Haeres non tenetur de eversione, si rem legatam evinci contingat *Instit. de legat.* Legatarii universales pro rata emolumenti, quod perceperunt tenentur una cum haeredibus debita rellatores solvere; si debita haereditatem exhauriant, nihil exigere potest legatarius ab haerede, & multo minus poterit haeres detraxere quartam Falcidiam, quae non detrahatur nisi ex gravamine legatorum, & fideicommissi.

S. VI.

De Legatis conditionatis.

Supponendum quod si conditio sit impossibilis vel de iure, vel de facto, habetur pro non adiecta, & illa reiecta valet legatum, ac si purum esset, & absolutum. Idemque dicendum de reliquis huiusmodi ultimis vo-

luntatibus. Impossibilis autem de facto dicitur conditio, quando re ipsa impleri nequit, ut v. g. si digito coelum retigeris, si talem montem super humeros transieras. Impossibilis vero de iure talis est, quando opponitur iuri divino, naturali, vel est contra bonos mores, vel opera pietatis *Leg. 1. si quis instituit ff. de conditionibus instituentis*.

Si testator leget centum Caio, ut nubat ipsius filiae, non valet nisi matrimonio secuto; valida enim est haec conditio, quia non impeditur matrimonium, sed tantum determinatur persona. Non amitteret tamen Caius legatum si femina designata a testatore moriatur, vel cum legatario nubere renuat, vel parentes eam de illi nolint, cum non flet per legatarium quo minus conditio impleatur, *Leg. iure civili ff. de condit.*

& demonstrat. Item si matrimonium cum femina designata esset illicitum, & indignum, quia talis conditio habenda esset pro non adiecta, utpote turpis, & impossibilis de iure, *Leg. cum ita ff. de condit. & demonstrat.* ex quo inferunt Doctores, quod legatum religiosum virgini, ut nubat Ioanni, si pater nolit, non amittitur, quia virgo non honeste nubet contra patris voluntatem. Legatum religiosum alicui sub conditione ne nubat, utpote contraria propagationi humani generis reiecta est ab ultimis voluntatibus in favorem nuptiarum iure tum antiquo tum novo, *Leg. si Titius ff. de condit. & demonstrat.*

Novum tamen antiquum sequitur in conditione de nunquam nubendo, & circa viduas dispositum est, ut conditio, quod non nubat valida sit, ut si transeat ad secundas nuptias, amittant legatum, vel haereditatem sub tali conditione relictam, ita ut mortuo testatore non est illis tradenda, nisi praesentent cautionem, hoc est restituendi haereditatem, vel legatum cum fructibus perceptis, si nubant: *Authent. cui relictum cap. de iudic. viduit. tollend. Molin. cum aliis*. Non amittitur autem legatum per fornicationem verborum, quia conditio explicanda est iuxta verborum significationem, quae est tantummodo ne ad secundas nuptias transeat. Legatum religiosum mulieri, ut honeste & caste vivat, ei dandum est, etiam si nubat, quia in matrimonio vitam ducere honeste, est caste vivere. Ita Molin. Sylv. cum aliis. Si vero relinquatur a marito uxori, vel ab alio legatum dandum feminis honestae vitae, idest si caste & honeste vixerint, certum est amitti per copulam illicitam, imo & per oscula, amplexus, aut impudicos tactus, sed non est tamen de-

gan-

Episcopus,
pus, &
Parochus
curare
tenentur
ut Te,
stantes
exequan-
tur.

gandum ei quæ semel, aut iterum deliquit, quia ex communi modo loquendi illa non dicitur inhoneste vivere, quæ semel aut iterum lapsa sit in huiusmodi culpas. Ita Sanch. cui mihi videtur adhærendum præcipue si eius culpa occulta sit, ut iam communiter habeatur pro honesta.

Legatum relictum pro nubendis virginibus, viduis, & orphanis, dandum est ei quoque, quæ ingredi vult religionem, tamen si constaret de mente testatoris nolle legatum relinquere Religionem ingressuris ex Auth. de SS. Episc. §. *¶ hoc præfenti*, ubi casus deciditur ex Glof. in Clement. de Romanis verb. *quovis modo de sent. excomm.* in 6. & Iustinianus cit. Auth. dicit rationem suæ determinationis, quia vitam proficentur religiosam, & conversationem castam; unde ratio illum movens ad ita decidendum est, ne deferatur melior status Religionis ob consecutionem legati in tali forma relictæ, nimirum pro matrimonio carnali. Eadem autem ratio currit siue in particulari, siue in generali relinquatur, quia ubi eadem militat ratio, eadem militare debet iuris dispositio Leg. *illud ff. ad Legem Aquiliam*. Nec ideo concedendum censetur personæ Religionem ingredientis legatum relictum pro nuptiis, quia vel præsumatur, vel præsumi possit testatoris voluntas, vel non præsumatur opposita; sed quia talis conditio reicitur a iure ut impeditiva status Religiosi, ac ideo ut turpis, & inhonesta: unde sicut reicitur a iure conditio si non nupseris, ita hæc si non ingrediatis religionem. Ita Salmat.

Legatum relictum pro naturalibus, idest pro naturalibus alicuius oppidi, potest etiam dari aliis alibi natis, idest ei qui licet non naturalis, ab initio habuit animum ibi perpetuo manendi, non alias, si decem annis ibi commoratus fuerit; secus vero si non habuit animum ibi commorandi, quia sine tali animo non acquirit domicilium, sed semper pro extero habetur, non ei satis est ad acquirendam naturalitatem, seu nationalitatem commoratio ibi decennalis, sed requiritur ut etiam usque ab initio fuerit animum ibi perpetuo commorandi, & tunc etiam ab initio haberi potest ut naturalis, quia ab initio acquisivit domicilium, Leg. 1. cod. de incolis lib. 12. Legatum relictum pro orphanis dari potest ei quæ habet patrem inutilem, vel quia sit pauper, vel quia in nihilo filios iuvare valet, nam tales patres sunt, ac si non essent. In consensu tamen patre carentes orphanæ sunt

præferendæ, quia sic melius salvatur intentio testatoris, cuiusque voluntas impletur.

Legatum relictum maritandis particulariter, idest pro talibus destinatis puellis, dandum est etiam si iam nupserint, quia creditur tale legatum his relictum esse a testatore, quia voluerit eis subvenire ut nubarent, vel ut decentem vitam transigerent. Si vero sit relictum feminis in generali, non potest dari iam nuptis, quia intentio testatoris fuit huiusmodi feminis providere de matrimonio ad plura evitanda, & sic non adimpletur si detur iam maritatis. Aliud esset si legatum relictum fuisset ad dotandas virgines, vel feminas pauperes; hoc enim dari potest etiam nuptis sine dote, vel dote competenti, quia hæc vere pauperes sunt, & indotatæ.

Legatum relictum pro feminis maritandis, si non sint aliæ feminæ ætate nubiles, idest quæ non sint puberes, dari potest viduis transcurrentibus ad secundas nuptias, quia tunc præsumi potest voluisse in tali casu tradi etiam viduis. Hoc tamen fieri nequit, si legatum relictum sit promaritando tali puella; tunc enim expectandum est donec illa matrimonium contrahat; quia talis puella ius habet ut legatum ei solvatur iuxta mentem testatoris, qui eam elegit, & designavit. Si vero legatum relictum sit de feminis pauperibus, tunc comprehenduntur etiam viduæ, quia verbi significatio utrique convenit. Legatum relictum pro virgine potest dari etiam secreto corruptæ, cum sufficiat ut in communi opinione virgo habeatur, quia talis ex communi modo loquendi appellatur, Leg. *Libror. 6. quod autem Cassius*, præcipue si ob denegationem legati infamaretur, quia sic debet præsumi in tali casu de mente testatoris; alias esset inhumana, & sic minime attendenda. Addunt tamen Doctores non posse hanc sollicitare ut legatum sibi detur pro virginibus relictum, licet eius defectus sit occultus, quia quantum fieri potest, standum est menti testatoris.

Legata solvenda sunt eo ordine, ac debita non privilegiata, videlicet si bona defuncti satis non sint pro solvendis omnibus legatis solutio ad ratam facienda est, cum omnium sit æqualis ratio, ac ius unius præ alio privilegium non habet.

Quando circa legata mens testatoris est dubia, non tam est locus mutationi quam interpretationi, quam quilibet videtur facere potest attentis verbis legatis, & aliis circumstantiis occurrentibus. Hic tamen

De Ordine
ac l.
vando
in sol.
vendis
legatis.

Quid
quando
circa l.
gata
mens
Testatoris
est dubia.

men sermo est non præcisè de interpretatione mentis testatoris; sed de commutatione legatorum, quæ tunc solum contingit, quando iuxta formam a testatore præscriptam non implentur.

Commutatio autem dupliciter fieri potest, primo quando non possit mandari executioni voluntas testatoris. 2. Quando tamen possit melius tamen aliud indicatur. In primo casu si fuerit legatum prophanum, & hoc fiat caducum cedit hæredi; non vero ita legata pia, sed convertenda sunt in alium usum similem illi, quem intendebat testator, ut ex Trid. sess. 25. cap. 8. de reform. In tali tamen casu fieri debet auctoritate Episcopi accedente hæredum consensu, si ob id gravantur, & legatiorum, si ipsi quoque ob id graventur, tamen aliqui solum consensum hæredum, & executoris requirant. Episcopus autem debet illud pium legatum in aliud pariter pium legatum commutare, & in similem ei qui a testatore præcipitur, & non potest impleri; ut si Monasterium in tali loco edificari nequeat, ædificetur in alio. Quando vero legatum impleri potest, legatum prophanum in testamento relictum auctoritate Principis in aliud legatum pium, vel prophanum commutari potest; legata vero pia quæ impleri possunt, summus Pontifex ex iusta causa, & non aliter potest in aliud pium opus commutare, & convertere, ut communiter ex Azor. Bonac. Barbos. Lugo. Imo potest etiam Episcopus ob causam, quæ sibi iusta videtur, & contentiente hærede, si ob id gravetur, & loco pio, cui respicit relicta ad certum usum, in alium pium usum convertere, quia nulli fit iniuria, & talis censetur rationalis voluntas testatoris.

§. VII.

De Fideicommissis.

Fideicommissum sic dictum a fidei committendo, quasi illud quod alteri est restituendum, fidei restituentis committitur §. 1. Instit. Et hoc vocabulum si materialiter sumatur, est ipsa hæreditas, quæ verbis precariis relinquitur §. 4. Instit. Si vero formaliter involvit ipsam dispositionem, seu ultimam voluntatem, quæ verbis precariis relinquitur, & in hoc sensu sic definitur: Fideicommissum est ultima voluntatis dispositio, qua testator fidei hæredis committit aliter aliquid tradendum iubendo simul & rogando verbis precariis, ut ille eandem hæreditatem alteri tradat sine restituendo; vel ut

alii: fideicommissum est hæredis in locum alterius per ultimam voluntatem qualificata substitutio, quæ hæres immediatus obligatur ad hæreditatem, vel eius partem suo tempore restituendam alteri. Ita communiter toto tit. cod. de Fideicommissis. & Instit. fideicommissum hæredit. Hæres qui iubetur, vel rogatur restituere hæreditatem, sive partem eius, vocatur hæres fiduciarius, necnon hæres gravatus Leg. Scias 4. ff. S. C. Trebell. Item vocatur hæres fideicommissarius; is vero cui restituenda vel tradenda committitur, vocatur fideicommissarius simpliciter §. sed quia 7. Instit. de fideicommissis hæred. Fideicommissum dicitur ambitiosum hominis placitum ad conservationem bonorum in familia. Fideicommissum ante Legem XII. Tabularum erat ignotum. Illius usus coepit tempore Augusti Cæsaris, qui semel aut iterum gratia perionarum commotos iussit fideicommissa præstari, quorum iustitia cum paulo post appareret, coepit ita verti in assiduum iurisdictionem, & Claudius duos Prætores instituit, qui Fideicommissarii sunt appellati, quibus Titus unum detraxit.

Fideicommissum aliud est universale, quando tota hæreditas, vel certa quota eius debet restitui; aliud particulare, quando non tota hæreditas, vel certa quota, sed solum res aliqua particularis restitui debet §. in primis & Instit. de singulis rebus per fideicom. vel. Fideicommissum particulare sequitur naturam legati, & iure novo reipta non differt a legato Leg. 1. ff. de legat. Item aliud est fideicommissum purum & absolutum, quod fit sine conditione apposta, aliud est conditionale quod fit apposta conditione, ut si testator dicat instituo hæredem Paulum, & volo ut si sine liberis decesserit, hæreditas restituatur Iohanni. Hoc autem fideicommissum conditionale item subdistinguitur in fideicommissum restitutorium, quod simpliciter ordinatur pro casu mortis, ut cum testator hæredem instituit, puta Fortunatum, eique mandat, ut in casu fidei mortis totam vel mediam hæreditatem restituat Cæsari, & conservatorium, quod instituitur cum expressa prohibitione alienationis, seu confiscationis ad hoc ut pro maiori decore familie bona conserventur in agnatione vocata, & ne extra illam exeat, & tunc hæres gravatus non potest illud alienare, vel obligare Leg. Sanctimus cod. de reb. alien. non alienand. Rursus fideicommissum in casu mortis aliud est quod simplex ac ordinarium dicitur non excludens successorum pluralitatem ac simultaneum concursum

Definitio
fideicom
missi.

Ufus
hædi,
commissi
quo
capere.

D'usse
Fidei
commiss.
§.

sum omnium, qui eundem proximitatis gradum, vel æqualem statum habent, & tunc hæres gravatus non potest alterare ordinem a testatore præscriptum uni gratificando, alterum excludendo *Leg. de fideicom. ff. de legat. 2. Card. de Luca, Peregr. de fideicom.* aliud quod pluralitatem successorum, seu plurium simultaneum concursum non admittit, sed uni tantum personæ convenit, & istud duplici vocabulo explicatur primogenituræ scilicet, vel Maioratus, & hoc regulatur eodem fere iure ac feudum. *Card. de Luca de Feudis.*

In testamentaria institutione fideicommissi universalis sicuti si instituitur hæres necessarius, quia tota hereditas gravata est, potest sibi ex tali hereditate detrachere legitimam, ita si instituitur hæres non necessarius, potest hic, ubi locum habet ius Romanum seu Cæsareum sibi detrachere quartam partem totius hereditatis, idest omnium bonorum existentium tempore mortis testatoris, quæ sibi libere remaneat, ut sic onera hereditatis possit sustinere, deducto prius tamen ære alieno, & funerum expensis; sicut detrahitur etiam hæc quarta pars, ut vidimus, de bonis hereditatis, quæ tota legatis gravata sit, quæ dicitur Falcidia. Hæc autem quæ detrahatur ex fideicommissis in favorem hæredis instituti nimis per fideicommissum universale gravati appellatur Trebellianica a Trebellio Consule, a quo prodit Sen. Conf. Trebellianus, quo statuitur, ut hæres fideicommissarius legatus, seu gravatus totam hereditatem restituere, possit quartam partem sibi retinere, ut habetur cit. §. *sed quia*. Idcirco sicut per Falcidiam positum est temperamentum legatis, ita per Trebellianicam, positum est remedium excessivo fideicommissio universali.

Differen-
tia legis
Falcidie
a Trebel-
lianica.

Falcidia igitur in hoc differt a Trebellianica, quod Falcidia detrahatur a legatis, & donationibus mortis causa, ac fideicommissis particularibus; Trebellianica vero a solo fideicommissio universali. Item quia legatum hæredibus fideicommissio universali gravatis factum, computatur in Trebellianica *Leg. 32. ff. ad Legem Falcidiam*, locus autem est de Falcidia, cum hæres non teneatur computare in Falcidiam ea quæ capit iure legati, aut fideicommissi particularis. Liberis casu quo nimis legatis, & fideicommissio universali graventur iuxta Raynuccium, Facchinettum, Reiffensuel detractionem Trebellianicæ, non minus ac Falcidicæ iure novo testator prohibere pot-

est, ut ex Rota part. 6. *decis. 5. n. 10.* quidquid alii dicant in contrarium.

§. VIII.

De Hæredibus, institutis, vel substitutis in Testamentis.

Hæredes, qui in testamento institui possunt, alii sunt necessarii, alii ab intestato, seu naturales, alii instituti, alii substituti, de quibus singillatim successive agemus. Hæredes necessarii non ideo dicuntur, quia necessario acceptare, seu adire debeant hereditatem, sed quia testator eos omittere nequit, seu exheredare, dummodo non adsit iusta causa, sed eos vocare debet ad hereditatem saltem in legitima eis correspondente, quod tamen supponendum est præcipue respectu filiorum non intelligi de illegitimis, sed de legitimis. Præcipui ergo hæredes necessarii respectu patris sunt filii legitimi, ita ut si prætercantur, idest non nominentur in eius testamento saltem quoad legitimam, nisi iusta adsit causa eos exheredandi, testamentum redditur omnino nullum. Et si non adsint filii succedunt necessario nepotes, pronepotes, cæterique descendentes, & etiam ascendentes legitimi, ita ut propinquior in gradu sit præferendus: *cap. si pater de testam. Leg. 7. sicuti ff. unde liberi*. Alii vero consanguinei testatoris, qui non sunt descendentes, & ascendentes in linea recta, etiam fratres, & sorores defuncti sunt hæredes non necessarii, licet naturales in testamentis, ita ut non cogatur eos vocare ad hereditatem, & possit eos excludere, ac præterire in testamento, & extraneo bona sua relinquere, absque eo quod possint eius testamentum infirmare, nisi iniamem institueret, quia in tali casu eis competeret querela inofficiosi testamenti, dummodo tamen & ipsi naturales hæredes, seu non necessarii non essent infames, vel de ingratitude contra testatorem notati *Leg. fratre 27. cod. de inoffic. testam.* Nihilominus tamen si testator caret ascendentibus, vel descendentibus, & habeat fratres aliove consanguineos collaterales agentes, teneatur ex charitate, non ex iustitia bona sua inter illos distribuere, prout expediens fuerit ad subveniendum eorum indigentia servato ordine charitatis, ut proximiores, vel magis indigentes præferantur remotioribus, vel minus indigentibus. Ordo quippe charitatis exigit, ut agentes honestiores, maxime propinquos iuvenus. Si vero fratres, vel consanguinei non egent, dif-

Quatuor
genera
Hære-
dum qui
institui
possunt
in Te-
stamen-
to.

disponere poterit de hereditate vel ad pia opera, vel ad prophana prout libuerit, eo quia bona sua conflagraverunt non sint debita, quandoquidem (ut supponimus) non sunt vinculata.

Nullus de-
betur in
testamentis
eo legiti-
ma se
condum
iura.

Circa vero legitimam, quæ ex communi iure novo Authenticarum filius debetur, est portio hereditaria, quæ in testamento necessario debet relinqui hæredibus necessariis, nempe iis, qui vel iure, vel per legis positivæ dispositionem non possunt omnino excludi ab hereditate, & talis est ordo quoad legitimæ portionem, nempe pater qui habet quatuor filios, vel pauciores, tenetur dividere inter illos tertiam partem suorum bonorum. Si vero habeat plures quam quatuor, debet dividere inter eos medietatem suorum bonorum, & de reliquo pro libitu disponere potest, Authent. de trien. & semiss. §. 1. 2. In hoc tamen attendendæ sunt leges municipales consuetudinesque locorum.

Dista tamen de portione legitima liberis danda locum non habent nisi tantummodo in bonis privatis, non vero in Regnis, Ducatibus, & Comitibus Magnatum quæ in plerisque Provinciis ad primogenitum pertinent, assignata tamen aliis liberis sufficienti sustentatione pro conservanda dignitate statui, & familiæ suæ. Legitima vero, quæ necessario ascendentibus relinqui debet, quando non extant descendentes, iure communi non est determinata. Cæterum secundum Glossam communiter receptam in Authent. noviss. cod. de inoffic. testam. quarta pars bonorum, & postea tertia est assignata. Talis autem legitima portio relinqui debet omnibus supradditis hæredibus necessariis sine ullo onere, & gravamine; alioquin appolita onera, & gravamina habentur pro non appolitis Leg. Quoniam de inoffic. testam.

Testator
ex ista
causa
potest ex
hæredibus
de.

Testator iusta interveniente causa exheredare potest hæreses necessarios tum descendentes tum ascendentes, videlicet ob eorum crimina; & causæ exheredationis habentur in Auth. us cum de appellat. cognoscenda §. causas autem collat. 8. Causæ igitur exheredandi legitimæ descendentes sunt quatuordecim, 1. si descendens manus violentas parenti iniecerit. 2. Si gravem iniuriam ei intulerit. 3. Si criminaliter eum accusaverit, non vero si civiliter. 4. Si cum maleficiis versatur. 5. Si vitæ parentis infidiat. 6. Si novercam suam carnaliter cognovit. 7. Si filius extiterit delator contra patrem cum gravi eiusdem præiudicio. 8. Si pro patre incluso filius recuset fidei iurare. 9. Si patrem testari impediat. 10. Si

Arenariis & Mimis se associavit. 11. Si aliqui ex dictis parentibus volenti suæ filiæ, vel nepoti maritum dare, & dotem secundum vires suæ substantiæ pro ea præstare, illa non consenserit, sed luxuriosam vitam ducere elegerit. 12. Si liberi parentibus in suorum, vel demeritum lapsis obsequium, & curam competentem non præbuerint, a parentibus ad sanitatem redeuntibus exheredari possunt. 13. Si liberi parentes in captivitate hostium detentos non redemerint; imo ipso iure exheredantur, ipsaque hereditas pro redemptione applicanda devolvitur ad Ecclesiam casu quo pater in tali captivitate moriatur sine testamento. 14. Si proles non sit catholica. Præter has causas nulla est alia, ob quam possint parentes filios exheredare Novell. 115. cap. 3. in principio, ubi sic: Nulli liceat ex alia lege ingratitude causas apponere, nisi quæ in huius Constitutionis serie continentur. Ita Molina, Perez alique. Quare si liberi sine expressa parentis dispensatione, permissione, seu consensu, vel contra expressam ipsorum voluntatem matrimonium contrahant cum honesta, non possunt propter hoc exheredari Leg. cum de cod. de inoffic. testam. Concil. Trid. sess. 24. de reform. Matrim. quia nulli facit iniurias, qui utitur iure suo Leg. 115. ff. de reg. iuris. Sic Clarus, Abbas, Covarruvias, alique. Imo exheredari nequeunt etiam si contrahant cum persona inhonestæ & indigna contra voluntatem parentum cit. Novell. 115. cap. 3. in princip. Secundum tamen Edicta aliquorum locorum, ut Bavaricæ & Gallicæ præcipue possunt exheredari filia, si ante 25. annum, & filius si ante 30. nubant contra consensum parentum non tantum inhonestæ persone, sed etiam inæquali. Ita Pontas verb. matrim. casu 10. Causæ vero legitimæ exheredandi parentes alioque ascendentes octo apponuntur in cit. Novell. 115. cap. 4. nempe 1. si parentes liberos suos ad interitum vitæ traderunt. 2. Si venenis, aut maleficiis, aut alio modo vitæ filiorum infidiat. 3. Si pater nuri suæ, aut concubinæ filii se se carnaliter immiscuerit. 4. Si parentes prohibuerunt filios suos condere testamentum de rebus sibi testari permisis. 5. Si pater uxori suæ, hæc illi venenum præbeat, aut illius vitæ infidietur; potest enim filius propter tale flagitium parentem reum exheredare. 6. Si liberos, vel unum ex his in fœmre constitutum, parentes curare neglexerint. 7. Si liberi in captivitate detenti negligerant a parentibus. 8. Si parentes non sint catholici, & filii catholici sint.

Causa
legitima
exheredandi
parentes.

sint. Omnes tamen supra recensitæ causæ ex-
hæredandi cessant si ante conditum testamen-
tum parentes cum liberis, liberi cum parenti-
bus reconciliantur. Ita communiter. Cessant
pariter causæ exhæredationis, si proles, vel
parentes post datam exhæredationis causam
Monasterium ingrediuntur, quamvis recon-
ciliatio secuta non sit. Covarr. de testam.
cap. 16. num. 20. Abbas, Glols. Leg. De
nobis cod. de Episc. & Cleric. & alibi. Causæ
vero ob quas exhæredari potest frater in
casu quo turpis persona constituta est hæ-
res, ut locum non habeant eius querelæ
de ingratitudine contra huiusmodi dispositio-
nem res sunt Novell. 22. cap. 47. ubi il-
lum solum tanquam ingratum circa fratrem
effectum non concedimus: prima si mortem
voluit fratri, secunda si fratrem accusave-
rit in causis gravioribus criminalibus, tertia
si bonis fratris iacturam infestare tentaverit.

§. IX.

De hærede ab intestato.

Qui hæ-
res ab in-
testato,

Hæres ab intestato, seu naturalis est ille,
qui ex legis dispositione succedit in univer-
sum ius illius, qui intestatus decessit, qui
nempe aut non condidit testamentum, aut
non iure condidit, aut illud quod condidit
sacrum est irritum, aut si ex eo nullus ex-
titerit hæres, ut ex Iulianian. principio In-
stit. de hered. qua ab intest. Hæredes vero
huiusmodi ab intestato sunt omnes con-
sanguinei intestatorum, cum hoc ordine,
nempe deficientibus descendantibus, idest fi-
liis, seu nepotibus, &c. succedunt ascen-
dentes, nempe patres &c. exclusis transver-
salibus. Semper tamen succedit gradus pro-
ximior, ut inter descendentes prius filii ve-
niant quam nepotes, & in ascendentibus
prius pater quam avus. Hiis vero deficien-
tibus succedunt collaterales, seu transver-
salibus agnati, idest consanguinei ex parte vi-
zorum, & illis deficientibus cognati, seu
coniuncti ex parte feminarum, & semper
gradus proximior; ita ut si plures in eodem
gradu existant, æqualiter per capita succe-
dunt Auth. de hered. ab intest. §. si dictus
defuncti. Et hæc successio procedit ex iure
communis civilis usque ad decimum gradum;
in feudis vero usque ad septimum, & in
maioratu usque ad quemlibet in infinitum.
Gradus autem in ordine ad hanc successio-
nem non computantur in iure civili sicut
in canonico in ordine ad matrimonium; in
hoc enim attenditur distantia cuiuslibet a
trunco, ita ut duo fratres uno tantum gra-

du distent a trunco; in iure vero civili in
ordine ad successionem computatur gradus
utriusque personæ in ordine ad communem
nepotem; ita cum unus frater, & alius dis-
stet unusquisque in uno gradu a stirpe, cen-
sentur distare duo gradus inter se, cum
ius civile numeret unum gradum ex parte
unius fratris, & alium gradum ex parte al-
terius, & consequenter filii duorum fra-
trum, qui iure canonico sunt in secundo
gradu, in iure civili sunt in quarto, quia
duo gradus sunt cuiuslibet eorum compara-
tione avi; & sic &c. Hinc fit quod in iure
civili nunquam fit primus gradus in linea
transversali. Fratres defuncti succedunt per
capita, non vero per stirpem; sed eorum
filii quia eorum patrem repræsentant, suc-
cedunt per stirpem Auth. post fratrem cap.
2. de legit. hered. Leg. de emancipatis verò
exceptis cod. eod. Quod si nullus sit frater de-
functi, sed solum filii diversorum fratrum
iam defunctorum succedunt in bonis patrum
defuncti, succedunt per capita, non vero per
stirpem, quia succedunt per stirpem, quan-
do succedunt præcise prout repræsentant pa-
trem, quæ repræsentatio fit solum, quando
filii fratris eius, qui modo moritur, succe-
dunt cum fratre, vel fratribus defuncti,
nempe cum patris; at cum filii fratrum inter
se concurrunt, solum attenditur secundum
gradum consanguinitatis quam habent,
in quo omnes sunt æquales: & idem dicen-
dum de aliis consanguineis inter se concu-
rentibus in eodem gradu ex dicta Auth. de
hered. ab intest. §. huiusmodi vero, & §. si
autem fratribus. Sed in his aliquando leges,
& consuetudines locorum ordinem variant.
Hæc autem successio ab intestato concedi-
tur a iure solis legitimis descendantibus,
ascendentibus, & consanguineis: nam natu-
rales & spurii per comparationem ad patrem,
si pater habeat filios legitimos, nec ipse, in-
quam, naturalis, vel spurius, nec eius hæ-
redes, unquam succedere possunt in eius
hereditatem cum legitimis: imo ex iure an-
tiquo etiam si pater filios legitimos non
haberet, Leg. humanitate cod. de naturalib.
liberis; nunc autem de iure novo, & ali-
quibus in locis ex particulari lege, vel con-
suetudine filii naturales succedunt parenti
qui non habeat filios legitimos in duabus un-
ciis, hoc est sexta parte eius bonorum. Cæ-
terum licet doceat Covarruvias filium na-
turalem actionem non habere de inofficiso
testamento, tamen si nihil pater ei reliquat,
certum tamen est, patrem teneri alimenta
præbere filiis omnibus etiam illegitimis cum

Pater re-
natur do-
re ali-
menta fi-
lia ex
ita ut
gria a-

natu-

naturalibus tum spuris etiam ex damnato concubitu natis, etiam pater fit Sacerdos, aut mater Monialis; nam talia alimentalescendum D. Th. in 4. dist. 47. q. unica art. 3. debita sunt iure naturæ, si aliunde filii nequeant sustentari, quia de iure naturæ parentes filios necessaria præbere tenentur; unde merito lites canonicum in cap. cum haberet de eo quid duxit in matrimonium quam polliuit per adulterium, corripit ius civile antiquum negans talia alimenta spuris. Dixi de iure antiquo, cum, ut iam supra notavi, ex iure novo possint parentes filio etiam spurio dare pro alimentis quintam partem suorum bonorum, de qua possunt disponere pro anima sua. Imo docet Covarruvias posse patrem hanc quintam partem legare, donare talii filio, & licet alias diffisimo.

Filii naturales non succedunt ab intestato, sed suat.

Tamen filii naturales non succedant in bona patris ab intestato, succedunt tamen iure communi matris ab intestato, quando etiam sint alii filii legitimi, cum quibus ex æquo succedunt in partem bonorum matris, dummodo, excipiant aliqui, Mater non sit prolapse valde illustris. Imo succedit etiam spuris, & ex damnato concubitu tam ab intestato quam ex testamento cum aliis legitimis, quando mater sine sua culpa ipsum suscepit, quia nimirum vel vi oppressa fuit, vel fraude cognita ab alio, quem putabat suum maritum, quia tunc nulla ex parte matris intervenit culpa, ob quam veluti poenam in odium ad detestationem delicti parentum huiusmodi filius successio materna denegatur. Filii vero spurii, qui non sunt progeniti ex damnato concubitu succedunt tam ab intestato quam ex testamento in bonis matris ex iure communi, si mater filios non habeat legitimos. Filii vero spurii ex damnato concubitu nec succedunt matri ab intestato, nec possunt ab ea relinqui hæredes, vel legatarii, sed potest relinquere eis quintam partem suorum bonorum, quam pro anima sua applicare potest. Salmanticen. cap. V. p. 5. §. 3.

Nota pro clariori intelligentia filios illegitimos alios dici naturales, & sunt ii, qui nati & progeniti sunt a parentibus, qui liberi erant, & inter se contrahere poterant, quia nullum tempore conceptionis habebant impedimentum dirimens. Ita Sanch. Less. alios spurios, & sunt qui progeniti sunt a parentibus aliquo impedimento dirimente interdictis, ut si essent consanguinei in quarto gradu, si alter eorum sit in matrimonio, si in sacris constitutus, si Religiosus professus. Ex spuris vero aliqui dicuntur geniti ex

Infirmit. Theol. Moral. Tom. III.

damnato congressu, idest quando talis culpa puniatur in foro externo, ut quando cum adulterio incestus committatur, quando oriatur ex copula habita a muliere cum ascendentibus, & descendantibus, & cum aliis consanguineis usque ad quartum gradum, nam hodie copula in tali gradu non puniatur, nisi sit cum ascendentibus vel descendantibus: quando oritur filius ex Christiana & Iudæo, ac Mahumetano; & alii ponunt, quando oriatur etiam ex simplici fornicatione inter tulum & filiam consanguineam, vel filiam virginem quam dominus habebat in domo.

Cum autem filii illegitimi non succedant ab intestato in hæreditate parentum, nulli absumunt in duabus uncis, idest in sexta parte bonorum patris; si forte contingat quod omnes legitimi hæredes omnino, desistant, ita ut nullus sit alius hæres ab intestato, succedit Fiscus leg. 1. ff. de iure fisci Leg. 1. Vacantia, cod. de bonis vacantibus ita ut si desintus fuerit laicus, hæres regius succedit, si clericus, hæres ecclesiasticus, si beneficiarius Ecclesiæ, vel altare. Quando vero peregrinus in hospitium moritur, ex iure communi bona mobilia apud ipsum inventa per Episcopum distribuenda sunt in pios usus, ex Auth. Omnes peregrini cod. communis ad success.

S. X.

De hæredibus ex testamento.

Hæres ex testamento, seu institutus, est qui ex speciali dispositione testatoris instituitur in testamento ad succedendum in bonis suis. Ita communiter. Hæres ex testamento alius est universalis sive ex Assu, qui instituitur ad succedendum in omnibus bonis, & iuribus defuncti, & consequenter ad subeunda omnia eius onera, seu ipsius debita realia. Alius est particularis in parte hæreditatis aliquota, v. g. sextantes, quadrante, triente, lemisse, vel particularis in aliqua certa determinata re, puta in tali agro, domo, & huiusmodi, & talis est potius legatarius quam hæres defuncti, adeoque iura, onera, debita defuncti ad eum non pertinent, sed ad hæredem proprie dictum, qui personam defunctam tam quoad iura, & commoda, quam quoad onera, seu debita repræsentare debet Leg. Quoties cod. de hæredit. insti. Si autem solus hæres particularis etiam quoad aliquam partem, ac determinatam rem verbis ad ipsum in testamento directis institutus sit, aux alii hæres

Divisi
Hæres
dicitur
est
T. ita,
meo.

des particulares obissent, reliqua etiam hæreditas illi, accretere debet Leg. 1. §. si ex fundo ff. de hæred. instit.

Hæres testamenti, ut iam dictum est, alius est necessarius quem testator omittit, seu præterire nequit, seu quem testator saltem in portione legitima instituitur cogitur, nisi habeat iustam causam cum exheredandi; cuiusmodi sunt omnes descendentes & ascendentes in linea recta; alius non necessarius, seu voluntarius, quem testator non cogitur hæredem instituit, ut sunt omnes extranei, imo ipsi consanguinei, seu sanguine, vel stirpe coniuncti testatori, sed non in linea recta, ac ideo ipsi fratres etiam, & sorores testatoris defuncti. Hæres insuper Suus ille dicitur, qui est proximus descendens ex tans in potestate testatoris tempore eius mortis, etiam posthumus, etiam naturalis legitimatus per subsecuens matrimonium §. 2. Instit. de hæred. qualitate. Suus quidem hic dicitur hæres, quia est frater domesticus, & quia hæreditatem prius quodammodo iam suam obtinet. Hæres non Suus dicitur omnis alius hæres live ab intestato, live ex testamento constitutus, qui hæreditatis dominium non acquirit, antequam eam adeat, seu voluntarie eam acceptet declarando se hæredem esse velle §. ult. Instit. cit. Huic datur anni spatium postquam sibi collatam hæreditatem cognovit ad deliberandum utrum eam adire velit, necne, & si interea moriatur, transmittit suæ hæredi facultatem adeundi hæreditatem usque ad finem anni.

Ex iure antiquo, statim ac hæreditatem hæres acceptaverat, tenebatur satisfacere omnibus creditoribus defuncti, etiam ex propriis, si bona defuncti satis non fuissent Leg. quæ dot. ff. soluto matrim. Nunc vero ex iure novo indulgetur eis qui hæreditatem beneficio inventarii acceptant, ut non teneantur solvere debita defuncti ultra vires hæreditatis §. si autem ff. de iure deliberandi. Et insuper ipsis conceditur ut intra 30. dies inventarium incipiant (nisi ad sit legitimum impedimentum) & per alios 60. dies illud concludant, & maius etiam spatium temporis, si bona defuncti satis maior illorum pars sit extra locum, in quo habitant hæredes. Inventarium vero fieri debet ante publicum Notarium, & factio inventario conceditur hæredi annus integer a morte testatoris ad deliberandum num adire velit hæreditatem, vel non. Quod si hæres non faciat inventarium intra tale præfinitum tempus a iure, vel completo anno non deliberet, tenetur ad omnia debita & obligationes defuncti

etiam ultra vires hæreditatis Auth. de hæred. & Falcidia §. sanctimus columna. 1.

Hæres defuncti teneturolvere omnia illius debita realia, non personalia; succedit enim in iuribus omnibus realibus defuncti, non personalibus, quia extincta persona hæres pariter extinguuntur. Si plures vero sint hæredes, omnes pro rata hæreditaria ratione eadem realia debita defunctiolvere tenentur. Nec solum debita realia, sed etiam legata omnia & ad pias causas, & prophanas defunctiolvere tenetur hæres, sive hæredes, sed prius tamen solvenda sunt debita, si forte dubitetur hæreditatem satis non esse pro utriusque solutione, cum prius solvenda sint debita coersa ex iustitia quam gratuita; idcirco prius etiam solvenda sunt vota realia facta a testatore quam legata. Quando autem hæreditas sufficiat pro onere supplendo, tenentur hæredes sub mortali statim satisfacere pia legata, præcipue si sint de celebratione Missarum, ut citius quam fieri potest suffragetur anima defuncti, & cauti etiam esse debent sub mortali in Missis distribuendis Sacerdotibus, de quibus sperari potest quod brevi & cito Missas celebrent, ne ex dilatione maiorem penam patiantur defunctus, qui eas celebrandas reliquit.

Hæres ex testamento esse potest quilibet live consanguineus, live extraneus, cui de iure non prohibetur. Ita communiter ex Leg. non iuris 31. ff. de hæred. instit. Prohibentur vero de iure hæredes institui, 1. ludæorum Communitas, Leg. 1. cod. de Iudæis, 2. hæretici, eorumque receptores, & defensores. Excipiuntur tamen Lutherani, & Calvinistæ, qui saltem in Imperio Romano hæredes esse possunt vi Pacis Monasteriensis, 3. apostatæ a Christiana Fide Leg. ii qui 3. cod. de apostat. 4. qui percipiunt, vel persequuntur Cardinalem E. R. Cap. felicitis record. 5. de penis in 6. 5. peregrini, qui ius civitatis Romanæ ex causa poenæ amiserunt, quales sunt deportati cod. de hæred. instit. secus est de peregrinis non causa poenæ, seu alienigenis. Hi enim facere possunt testamentum Auth. Omnes peregrini, Hæredes quoque institui possunt. 6. Dammati ad ultimum supplicium, eo quod statim ac damnantur, eyadunt peregrini Leg. qui ult. 29. ff. de penis 8. & serviti poenæ. 7. Liberi rebellium & perditionem Leg. quisque 5. cod. ad legem sub Maieft. hi enim succedere nequeunt neque ab intestato, nec ex testamento, nec donatione causa mortis. 8. Spuri, & nati ex damnato concubitu Auth.

De deb. is qui Hæres de, fundi re, nera sol, zere.

Hæres esse pot. est qui iure non prohibetur.

Auth. ex complexu. 9. Ex testamento, vel ab intestato hæres esse nequit, qui occidit testatorem Leg. 7. §. penult. ff. de bonis damnatorum. 10. Qui manifeste comprobatus est id egisse, ut per negligentiam vel culpam suam illa persona, a qua institutus est hæres, moreretur Leg. indignum 3. ff. de iis qui ut indignis. 11. ii qui ex delicto facere non possunt testamentum; hi enim nec possunt constitui hæreses. 12. Ordines Minorum de Observantia Reformatorum, Capucinatorum vi suæ strictissimæ paupertatis Clement. Exivi §. quia igitur de verbor. significat. 13. Non solum particulares professi, & coadiutores formata vota habentes, sed nec etiam Collegia ac Domus Societatis Iesu ratione alicuius talis Professi, aut vota formata habentis possunt succedere in hæreditatem siue ex testamento, siue ab intestato part. 6. Constit. cap. 2. §. 12. Possunt tamen Collegia, & Domus Societatis Iesu, dummodo hæreditates non deserviantur contemplatione suorum Professorum part. 6. Constit. cap. 2. §. 5. Sic docet Sanchez. Alii vero Ordines omnes, etiam Mendicantes, quibus concessum est in communi possidere, possunt esse hæreses siue ex testamento, siue ab intestato Leg. ult. §. hoc etiam cod. de Episc. & Cleric. quia licet voto paupertatis privati sint Religiosi iure proprietatis per se & pro se in particulari, manent tamen capaces iurium huiusmodi, quatenus sunt membra Communitatis.

§. XI.

De Substitutione.

Una ex dispositionibus ultimæ voluntatis est substitutio, quæ est secunda hæredis institutio, & definiri potest: unus vel plurius in alterius, vel aliorum loco ad rem aliquam in ultima voluntate tacta vocatio. Dicitur unus, vel plurius, quia non solum unus, sed etiam plures substitui possunt in loco unius, vel plurium, ut si dicatur instituo hæredem Petrum, & si iste non fuerit, Paulum, & Franciscum, & si isti non fuerint, succedat Ecclesia &c. quæ substitutio non solum habet locum in hæreditate, sed etiam in legatis, & donationibus causa mortis.

Substitutiones autem sunt vulgaris, pupillaris, exemplaris, fideicommissaria, reciproca seu brevitatibus, & compendiosa. Substitutio vulgaris, & simplex est directa substitutio, qua quis hæredi substituto quemlibet substituit, & ideo a quolibet fieri potest, cum possit substituere quem voluerit, dum-

modo non sit ex iis, qui non possunt esse hæreses, quia hæc est vera institutio hæredis loco primi instituti, & ideo solet dici secunda institutio hæredis. Et quia in codicillo non potest fieri directa institutio hæredis, ut dictum est, ideoque fieri nequit nec substitutio præter fideicommissariam, nam in omnibus aliis præter illam est directa institutio hæredis in substituto, quia non transfertur hæreditas in substitutum per manus primi hæredis, sed loco illius instituitur alius. Hæc substitutio vulgaris finitur 1. quando hæres primus acceptat hæreditatem, & in illam de facto succedit Leg. post aditam cod. de impub. Nam in hac substitutione semper intelligitur tacita conditio nisi hæres primus hæreditatem adeat. 2. Cessat, & extinguitur statim ac moritur substitutus ante adimpletam conditionem, nempe si moriatur antequam alter recuset hæreditatem, vel probetur ad eam non esse idoneum, ac ab ea excludatur, & tunc non transit dicta substitutio ad hæreses substituti Leg. sed plures §. de vulgar. & pupillar. Succederent vero si ante mortem substituti primus institutus recularet, quia in tali casu ius est iam acquisitum a substituto, quod transire ad eius hæreses.

Substitutio pupillaris a iure concessa fuit fieri a parentibus pro filiis impubibus sub patria potestate degentibus, quia cum hi non possint ante pubertatem quæ completur in feminis anno 12. & in masculis 14. completo testari, concessit ius parentibus, & eorum loco ascendentibus, ut queant testari pro filiis, & hæredem loco pupilli instituere, si forte moriatur in statu pupillari, & in hac substitutione sit velut duplex testamentum, unum quo pater pro se nominat hæredem, aliud quo hæredem nominat pro filio, & sit sub hac forma: instituo meum hæredem Iohannem meum filium, & si hic moriatur in statu pupillari, sit eius hæres Antonius, & sic substituto pervenit mortuo filio in ætate pupillari & bona, quæ filius a patre accepit, & quævis alia apud filium tempore suæ mortis inventa, ac si ipse fecisset testamentum. Ad hoc tamen ut hæc substitutio sit valida, oportet 1. ut is cui datur substitutus, sit filius, nepos, vel alius descendens, cum non debeat substitutio pro transversali. 2. Quod filius, cui datur substitutus sit sub patria potestate illius qui pro eo substituit: unde nec mater potest substituere, cum feminæ non habeant patriam potestatem, nec pater pro filio emancipato, vel illegitimo, etiam naturalis, quia hi non sunt sub patria potestate.

De sub.
stitutio.
ne pupil.
lari.

Condi.
tiones ad
validit.
nem sub.
stitutio.
ne pupil.
lari.

Definitio
substitutio
nis.

Variege
nere sub
stitutio
nem, ac
primam
de substi
tutione
vulgari.

te. 3. Quod filius, pro quo substituitur sit impubes. 4. Quod filius in tali testamento instituitur hæres, vel ponatur causa exheredationis. 5. Quod filius acceptet hereditatem testamenti patris, si capax fuerit eam acceptandi, vel saltem eam non recuset. 6. Quod mortuo testatore filius maneat sui iuris.

Hinc avus non potest substituire pro nepote, cuius pater vivit, nec pater pro filio, quando vivit eius avus, sub cuius potestate mortuo patre reductur. Bonacina, Lugo & alii. Substitutio pupillaris tribus modis cessat, seu finitur, 1. in puncto, quo filius cui substituitur, accedit ad ætatem pupillarem, in qua potest testari. 2. Si substitutus moriatur ante pupillum, quia ius illius non transit ad hæredes. 3. Statim ac filius sit liber a patria potestate.

Modi qui
bus cessat
substitutio
in pupil-
lari.

De substit
tutione ex
emplari.

Substitutio exemplaris inducta est a iure ad imitationem pupillaris, quia sicuti provisum fuit a iure, ut pater testaretur pro filio ob defectum ætatis, ita etiam cavet ut posset testari pro eodem filio ob defectum iuridici, puta quia amens, phreneticus, mente captus, ob quos defectus rationis non secus ac pupillus ob defectum ætatis testari non poterat §. *qua ratione Instit. de pupillari* & alibi, quod extendant Doctores etiam ad alius casus, in quibus filius nequeat testari supra iam allatos. Hanc tamen substitutionem facere nequeunt filii pro parentibus, & aliis ascendentibus furiosis, quia ista substitutio est ad exemplum pupillaris, in qua descendentes non possunt substituere pro ascendentibus.

Differe
ntia substit
utionis ex
emplaris a pu
pillari.

Licet tamen hæc substitutio sit inducta ad exemplum pupillaris, tamen differt, 1. quod mater, quæ ut iam notatum est, non potest in pupillari substituere pro filio, in exemplari tamen potest tam pater quam mater, & uterque parens etiam diversum substituere hæredem, & in tali casu substitutio facta a patre habebit locum in bonis, quæ filius habet ratione patris, & facta a matre in bonis quæ habet ratione matris, & si habeat alia bona dividi debent in partes æquales inter utrumque substitutum, Lugo, Lessius, Molina, alique. Et substitutio matris aliqui volunt quod valida sit, licet mater transeat ad secundas nuptias. 2. Quod in pupillari potest pater substituere quos voluerit; in exemplari vero substituti assignantur a iure. Unde licet in prima posset substitui mater, non tamen in hac secunda, sicuti nec fratres. Lugo, Baldus, &c. Cessat autem, ac expirat hæc substitutio exemplaris

statim ac filius sit mentis compos; sed si tunc non faciat testamentum, & redeat ad infaniam, reviviscit substitutio exemplaris, etiam si pater, & mater mortui sint; qui substitutionem fecerant, antequam filius mentis compos heret; Covarr. cum Molin. & aliis. Cæterum æri nequit substitutio exemplaris, quando qui cecidit in amantiam, testamentum antea valide conceperat, quia sicuti omnes communiter sentiunt, illi standum est.

§. XII.

De substitutione fideicommissaria, reciproca, & compendiosa.

Per fideicommissariam substitutionem hæres directe institutus (qui dicitur Commissarius) gravatur, ut restituat totam hereditatem, vel tertiam, vel quartam partem, vel quid aliud simile alteri tertiarie personæ, quæ dicitur Fideicommissarius, & per directum hæredem succedit indirecte, & oblique fideicommissarius in bonis, iuribus, & actionibus testatoris. Dicitur hæc indirecta, & obliqua substitutio, quia per eam substitutus fideicommissarius a manu alterius, idest committarii hereditatem recipit. Et ita dicitur, *Instituto hæredem Marcum, ut tali tempore reddat hereditatem, vel partem eius Iulio*. Unde sequitur quod antequam hæres hereditatem acceptet, eam non acquirit, nec partem eius substitutus, sed potest hic quidem petere in iudicio, ut iudex cogat illum ut acceptet, & sibi restituat quod ad se spectat. Sic Lugo cum aliis. Si Fideicommissarius moriatur ante testatorem, expirat fideicommissum; non enim transit ad hæredes, ait Covarruvias cum aliis: imo pariter expirat ex iure communi, si hæres gravatus moriatur antequam acceptaverit hereditatem, *Lex. ille a quo §. si testamentum ff. ad S. C. Trebell.* In hoc tamen attendendæ sunt leges, ac consuetudines particularium locorum.

Fideicommissio universalis ordinatæ substitutiones intelliguntur factæ ab ascendente sub tacita conditione si substitutus, vel gravatus sine filio decesserit; ita ut quævis proles sive masculina, sive fæminina præterenda sit extraneo substituto, *Lex. cum a commissarius to. de condit. & demonstrat.* ubi hæc universalis ratio subiungitur, *quia merito presumitur hereditatem suam potius propriis descendentibus quam alienis relinquere voluisse*. Est communis. Si filius gravatus in testamento patris hereditatem alteri restitueret, si sine li-

Quomodo
de intel.
liendæ
substitu
tiones in
Fidel.
commissio
ne?

beris

beris ingrediatur Religionem bonorum capacem, & ibi profiteatur, excluditur substitutus, & succedit Monasterium, quod presumitur testator diligere, sicuti filium instituti, & sicut praeluit substituto filios instituti, ita censetur voluisse praeferri Monasterium. Rota, Covar. Laym. Reiffen. dummodo tamen non voluerit testator veram, naturalemque filiationem, quia in tali casu non succedit Monasterium: sicuti etiam si testator consideraverit tacite, vel expresse conservationem agnationis, ut contingit in primogenituris, ac maioratibus. Si autem haeres gravatus iniquo animo defraudandi substitutum ingrediatur Monasterium, quia fraus & dolus nulli patrocinari debent, quod utique dicendum, si indultus esset ingredi Religionem suasionibus, & blanditiis Monachorum, vel profiteatur in Religione incapaci bonorum communium, ut sunt Monasteria Minorum de Obervantia, Reformatorum, Capucinatorum, in hisce casibus substitutus statim succedit a die professionis, sicuti etiam alia pia causa, si sit substituta, ut Hospitalis, Pauperes, Ecclesia Parochialis &c.

Fideicommissum regulariter loquendo venditur, pignori, vel hypothecari nequit *finali §. sed quia 2. cod. communia de legatis*, dummodo alienatio non sit necessaria ad solvenda debita testatoris, eo quia mobilia non sufficiunt, Card. de Luca de *Fideicommissis*, quia non intendit, nec rationabiliter intendere potest prohibitionem alienationis cum praedictio creditorum, *Leg. creditoris arbitrio ff. ad Legem Falcidiam*, vel pro alimientis haereditis gravari, suorumque descendunt. Card. de Luca: pariter vendi pignori &c. potest, si necessaria sit distractio pro detractioe competentis legitimae, & Trebellianicae, ubi haec postrema est in ulu, quia horum detractio habetur de iure; si distractio sit utilis, ut sit in casu permutationis fideicommissi cum re meliori, quia in tali casu nulli sit iniuria, vel damnum; si alienentur res, quae servando servari nequeunt, dummodo pretium perceptum restituatur substitutis impendendo pro re immobili.

Restituta fideicommissario haereditate statim in eum transferuntur omnia iura, & actiones tam activae quam passivae, quas exercere poterat haeres. Quod si haeres partem haereditatis retinuit, quia non erat gravatus in tota, vel Trebellianicam deduxit, dividuntur inter ipsum & fideicommissarium pro rata secundum portionem, quae cuique eorum contingit, haereditatis, actiones tum

Instit. Theol. Moral. Tom. III.

activae, tum passivae §. *si quis una Instit. de fideicommissis heredes*.

Nota quod sicuti ex iure novo Auth. *sed iam testator cod. ad Legem Falcidiam*, testator, ut iam antea notavimus, verare potest ne haeres gravatus detrahat ex legatis prophanis Falcidiam, cum iam ex legatis ad pias causas detrahere nequeat, ita verare potest ne deducat quartam Trebellianicam ex fideicommissis, cum iam aequiparet Falcidiam cum Trebellianica, & aliquando promiscue hisce utatur. Circa hoc vero alii volunt quod prohibitio talis detractioe esse debeat explicita, alii vero volunt sufficere implicitam, & tacitam, eo quia taciti, & expressi sit eadem virtus.

Fideicommissum factum in favorem eius, qui per Leges non potest institui nec haeres, nec legatarius, est contra conscientiam, & idcirco & peccat testator ita disponens, & is simul qui talis dispositionis executionem promittit, quia violat legem illam id graviter prohibentem. Unde S. P. Hieronymus ad Nepotianum ait: *Per fideicommissa legibus illudimus*. Item peccat qui per fideicommissum etiam occultum haereditatem, aut legatum accepit tradendum personae, quae per leges excluditur ab haereditate, & legato, seu dono, ut filio spurio, vel uxori huius defuncti, ita ut si non accepit nisi sub hac conditione sibi significata, non potest licite tale fideicommissum exequi, sed tenetur accepta restituere legitimis haereditibus ab intestato, quia alioquin ageret contra intentionem legis, legemque ipsam verantem, ne haereditas, vel legatum, aut donum talibus personis tradatur simpliciter sive directe sive indirecte iuxta regulam iuris 88. in 6. ubi sic habetur: *Certum est quod is committit in legem qui legis verba complectens contra legis nittitur voluntatem*, & ex reg. 34. iuris pariter in 6. ubi sic: *Et cum quid una via prohibetur alicui, ad id alia non debet admitti*. Idcirco talis dispositio nulla est ut ex alia regula eiusdem iuris in 6. quae est 64. ubi habetur: *Quae contra ius sunt, debent pro infectis haberi*. Et eundem si tale fideicommissum factum in fraudem legis liceret, aut valeret, elideret efficaciam legis, cum contrarium doceat Concilium Lateran. 4. cap. 46. *at fraus, & dolus alicui patrocinari non debent*. Insuper persona quam lex excludit ab haereditate, vel legato, re ipsa bona acciperet a principali testatore per alium tanquam instrumentum, quod idem est ac si per ipsum reciperet, quia ut ex alia regula iuris in 6. *qui per alium facit per se ipsum*.

ipsum facere videtur. Hoc autem lex vetat eo ipso quod huimodum personas excludit ab ore testatoris. Ita Covar. Azor. & alii communiter. Igitur evidenter sequitur tale fideicommissum debere censi tanquam non factum, ac proinde nullum. Unde bona defuncti pertinent ad hæredes legitimos ab intestato, quia qui aliquid accipit tradendum alteri, non potest illud sibi retinere, cum revera non sit ei donatum, ne tradere potest illis, quibus est relidum, quia sunt incapaces ad illud recipiendum. Hinc docent Doctores insigniores, alique cum comm. filium spurium, qui bona patris per fideicommissum, aliove modo præterquam titulo alimentorum accepisset, teneri etiam ante omnem iudicis sententiam ea legitimis hæredibus, qui successorem habent ab intestato, vel in testamento institutis restituere, cum iuxta leges non sit capax talium bonorum, idcirco nec potest iuridice, seu iuste, & in conscientia etiam ante iudicis sententiam retinere, cum semper verum sit eundem in possessione talium bonorum aliena iniuste retinere, idest cum iniuria eorum, qui ex omni iure ante quamcumque iudicis sententiam sunt legitimi hæredes.

De sub-
stituo. one
rec-proca-
hæredes substitui
sibi invicem substituantur
hac forma: *Instituto Ioannem & Franciscum
meos hæredes, & unum alteri invicem sub-
stituo.*

De sub-
stitutio-
compen-
diosa.
Substitutio tandem compendiosa est ea, quæ includit plures substitutiones diversas quoad tempora; ut si dicat testator: *Instituto filium meum Thomam hæredem, & quandoque migraverit & vita, substituo Mattheum.* Unde si Thomas ante patrem decessat & vita, vel alia ratione non fiat hæres, Mattheus substituitur substitutione vulgaris; si Thomas admissa hæreditate moriatur ante pubertatem, Mattheus succedit substitutione pupillari; si moriatur Thomas post pupillarem ætatem, Mattheus succedit substitutione fideicommissaria; si Thomas moriatur amens, Mattheus succedit substitutione exemplari.

6. XIII.

De Consiliariis Testatoris.

Quid le-
combat
Consilia-
rio Te-
statoris.
Quando quis vocatur ab eo, qui testamento condere vult, ut consiliarius, id præcipue curare debet, ut si testator filios habet, nisi urgens causa interveniat, nullam differentiam, seu discretionem inter il-

los faciat quoad bona illis relinquenda. Urgens autem causa debet esse aliis fratribus manifesta; alias in testamento illam declararet: nam si notabilis discretionem faciat inter eisdem ex levi causa, faciliter peccare potest, & ob longe inæqualem dilectionem, quam sine causa erga filios ostenderet, & ob scandalum litium, invidiæ, odii, rixarum, quæ plerumque propter huiusmodi irrationabiles exceptiones inter eisdem contingere consueverunt. Studeat igitur consiliator inveniens patrem alicui filiorum aversum, animum illius placare, & si aliqua ad sit causa unum ab alio discernendi, discernat salva semper æquitate, & pietate erga benemerentes, relinquendo nihilominus filio, vel filiis male merentibus præter legitimam iure naturali ipsis debitam talem quoque bonorum portionem eis sufficientem, ut vitam secundum eorum statum honesto transigere queant.

Si vero hic sit consiliarius testatoris filius, qui habet genitores superstites non abundantes, suggerat ipsi ut recordetur genitorum, præcipue si senes sint, & ad libi lucrandum impotentes, ita ut vel reliquæ eis quo sustentari possint, aut strictissime committat hæredibus, ut in omnibus provideantur addendo etiam, si opus fuerit, comminatoriam. Quod si testator careat filiis, aut filiabus, sed nimio, ac vesano anore ductus erga uxorem, eandem instituire velit bonorum suorum universalem hæredem, & dum habet genitores adhuc viventes modica auresere nulla sit ipsi eorumdem ratio, curet consiliator omni quo fieri potest conatu a tali scandalosa dispositione illum retrahere, quæ plane immunitis non esset a mortali; neque excusationem admittat, quod commiserit uxori parentum curam, ut illa per omnia illis provideat, quia cum faminae plerumque magis afficiantur erga proprios consanguineos, & parum, ac fere nihil curent de genitoribus mariti, valde durum esset eisdem, ac incertum expectare a nutu suam sustentationem. Instituat igitur proprios genitores hæredes, quibus potius commendet ut superstitis uxoris curam habeant, præcipue si ex bonis dotalibus percipere nequeat decentem sustentationem. Imo convenientissimum est, ac maxime amoris coniugali congruum, ut uxori, si hæredes habeat, si non, legatum pro viribus hæreditatis, & meritis eiundem relinquat, cum id vix sine scandalo prætermitti nequeat. Idemque agat cum fratribus emancipatis, quando hæreditas hoc permittat. Curet in-

Super ut recordetur de spiritali salute suæ ipsius animæ instituendo iuxta vires hæreditatis legatum aliquod ad pias causas. Etenim maxime dedecet, ac scandalosum est, ut fidelis, qui respective bonis abundat, aliqua pia legata non relinquat.

§. XIV.

De Testamenti executoribus qui in iure nuncupantur Testamentarii, vulgo Commissarii.

Qui executor
testamen-
torumque
diviso.

Executores testamentorum illi sunt, ac dicuntur qui vel ex dispositione legis, vel testatoris, vel iudicis defuncti voluntatem exequuntur. Ita comm. Ideo executor testamentorum alii sunt legitimi, alii testamentarii, alii dativi. Executores legitimi sunt illi, qui ab ipsa lege, seu iure statuuntur, idest quibus hoc munus exequendi a lege competit. Testamentarii sunt qui ab ipso testatore in testamento sunt designati. Dativi sunt, qui a iudice, vel Magistratu dantur, casu quo hæres institutus executor esse nequeat, aut designatus in testamento munus exequendi acceptare nolit, vel non possit. Ita comm. Doctores Leg. tot tit. ff. de testam. & ff. de tutoribus & curatoribus, ubi hisce nominibus, ac titulis exprimuntur, idest legitimi, testamentarii, dativi. Executores testamentarii alii sunt universales, alii particulares. Universalis ille est qui eligitur in testamento, in quo non nominatur hæres ad distributionem bonorum testatoris, & illius debita solvenda, & hunc reputat ius vere ut hæredem Leg. si quis ad deliberandum, cod. de epis. & cler. Particularis vero qui communiter nominatur a testatore ad executionem testamenti a se facti, cit. Leg. si quis. Particularis autem vendere non potest bona defuncti, nisi tacite vel explicate ad id facultatem obtineat, quæ communiter conferri solet sub illa clausula, poterit bona mea vendere in publica substatione, vel extra eam, sed hæres impedire poterit hanc venditionem, si se obliget ad debita legata solvenda. Si nullus a testatore sit designatus executor, ipso iure executor est eius hæres, qui de iure debet integram testatoris voluntatem etiam quoad legata exequi, ut commun. ex cap. si heredes 6. de testam. Excipiuntur tamen legata pro redemptione captivorum, vel pauperum alimentis, aut aliis piis causis relicta, quorum executio spectat ad Episcopum loci tanquam patrem pauperum, & miserabilium personarum, ac piorum defuncto-

Quid si
nullus
designa-
tus sit
heres
executori

rum voluntatis executorem, si tamen non sit assignatus, vel designatus alius executor, aut hæres diligens non sint in piorum legatorum defuncti executionem; Abbas in cap. nos quidem num. 4. Covarr. Sylv. cum aliis, commun. & Concil. Trid. sess. 22. cap. 8. de reform. Imo Episcopus potest compellere executorem testamenti ad pias defunctorum voluntates exequendas, licet hoc testator interdixisset, est communis in cap. sat nobis 17. de testam.

Testator siue fuerit Clericus, siue laicus, siue vir, siue femina potest quem voluerit testamentarium eligere, vel plures assignare, & ideo poterit uxor, & quævis alia femina esse testamentaria defuncti cap. 1. de testam. Si quis autem dicat: Sint mei testamentarii mei fratres, & hi plures sint, intelliguntur viri tantum, non feminae; si autem esset unus tantum frater, tunc intelligendæ essent etiam feminae. Potest esse testamentarius etiam minor 25. annorum; item hæres, & solus, & simul cum aliis designari potest.

Testamentarii possunt esse sæculares, sed etiam Clerici, imo & Religiosi de licentia suorum Prælatorum, sine quæ peccarent acceptando tale munus, quia facerent contra Ecclesie voluntatem in materia gravi.

Nemo potest cogi ad acceptandum munus executoris testamentarii, quia non est officium publicum, sed particulare, ad quod nemo tenetur; sed si tacite, aut expresse illud acceptaverit, cogi poterit ad illud exercendum, ex cap. Ioannis de testam. Censetur autem acceptare, quando incipit solvere aliquod debitum vel legatum defuncti. Si autem testator reliquerit aliquod legatum testamentario, hic tenetur vel legatum deferere, vel officium acceptare, quia reliquum censetur cum tali onere. Quando vero executor officium acceptare recusat, devolvitur ad Episcopum, qui potest si cui voluerit committere, imo compelli, ut illud acceptet, sicuti potest in quacunque legatione.

Non debetur testamentariis aliquod salariarium, cum sit officium pietatis, ac voluntarium, quod deferri potest, ut constat ex ipsa consuetudine, & nulla lege caverur. Si tamen eligatur in testamentarium Officialis, vel persona quæ vivit sua industria, ac per hoc quod incurreret implerioni testamenti, damnum aliquod pateretur, aut licrum perderet, huic assignandum esset a iudice ex bonis testatoris aliquod emolumentum conveniens, cum necesse non sit ut quis operam

raro suam impendat in alterius utilitatem sine aliquo suo interesse, imo cum damno; dignus est enim operarius mercede sua. Non potest tamen testamentarius nec per se, nec per interpositam personam aliquid emere de rebus defuncti.

Potest Episcopus, sicuti etiam iudex secularis, cum sit causa mixti fori, cogere Testamentarios ad executionem testamenti etiam ante annum transactum saltem quoad pia legata. Licet testator ordinet, ne testamentarius adstringatur ad rationem reddendam suæ administrationis, tum Episcopus tum iudex secularis hoc non obstante possunt ad id eum cogere: Authent. Licet cap. de Episc. & Cler. cap. Tua nobis de Testam. quia petere horum rationem est officium publicæ potestatis inductum ad bonum commune, quod impedire nequit testator Gloss. Abb. & Covarr. Nam, ut advertunt Theologi, quando testator ordinat in suo testamento, ne ab uxore, aut alio, a testamentario, vel sua negotia agente, vel altera persona exigatur ratio agendorum, non eis ob id conceditur, vel legatur aliquid ex bonis testatoris; sed sensus est quod in hoc committit eorum conscientiam, ut veritatem declarent, & quod alii stent illorum dicto, nec ob id poterit testamentarius cum aliquo debito, vel re defuncti manere, sed teneatur in conscientia restituere hæredibus quicquid testatori debebat.

Nam vero quando relinquuntur testamentarii Religiosi exempti, possint compelli ad reddendam rationem Episcopo loci testamenti executione, controversitur inter theologos. Certum tamen est quod cum Religiosis ut plurimum instituantur testamentarii Clerici, vel laici, potest Episcopus hos compellere censuris ad reddendam rationem executionis testamentariæ, cum hi non sint exempti ab eius iurisdictione.

Quando in testamento conceditur testamentario facultas distribuendi aliquas elemosynas in pauperes, non potest eas uni soli tribuere, quia sensus commissionis ex communi acceptione est, ut in plures pauperes eas distribuatur: poterit tamen præferre quos maluerit intra qualitatem eorum indigentiam. Quando talis distributio committitur eius arbitrio, poterit eas dare etiam suis cognatis, si fuerint pauperes; poterit testamentarius, si sit Prælati Regularis, applicare suo Monasterio; poterit alius executor, si vere sit pauper, etiam sibi secundum suam indigentiam applicare, licet oppositum videatur præcipi in Leg. si mandaverit ff. man-

dati; sed hoc intelligitur pro foro externo, non vero conscientiam. Etenim ex hoc quod sibi tale munus est impositum non fit conditionis aliis derelictioris, ut ait D. Th. 2. 2. q. 32. art. 9. ad 3.

Sicuti hæredes, executores quoque testamentorum tenentur cito testamentum exequi, præcipue quoad legata ad pias causas, ita ut si negligentes sint non secus ac hæredes mortaliter peccent. Er si unus ex executoribus sit mortuus, vel in remoto loco existat, vel exequi noluit, possunt alii, in omnem unicus ex his exequi testamentum. Est communis ex cap. Religiosus executor 2. de testam. in 6. §. sane.

Nemo ex executoribus præter summum Pontificem, nequidem Episcopi ordinarii, sed solum ut delegati S. Sedis possunt commutare relicta ad pias causas in alios usus, ut antea notavimus, quamvis evidentius essent meliores, quando voluntas testatoris commode, ac iuste impleri potest. Ita communiter ex cap. nos quidem 3. de testam. Clementina quia contingit 2. de Religiosis: in prophanis vero possunt commutare in evidentius melius ultimas voluntates solummodo supremi Principes, seu Magistratus, idque non nisi exigente causa necessitatis reipublicæ, quia privato subditorum dominio Princeps præiudicare nequit, nisi sic exigente dominio alto in bonum necessarium reipublicæ.

§. XV.

De renuntiatione, & cessatione hæreditatis.

Renunciare hæreditati futuræ vetitum est ex Leg. qui superstitis 94. ff. de acquir. hæred. hæredi necessario, ita ut si renunciet in toto, vel in parte iuri successionis, seu hæreditatis, quæ ad ipsum perventura est, irrita est omnino. Excipiunt tamen tres casus, in quibus valet huiusmodi renuntiatione: primus, si iuramento firmetur: ex cap. quavis pactum: secundus, si filius adue patre vivente integram portionem, quæ iure sibi competeat, consecutus sit: tertius, si in actu ipso testandi iuri successionis renunciet, aut si in testamento condito præteratur, & suam præteritionem approbet. Sic iura, quæ passim citantur a Doctoribus. Igitur pariter iura quodvis pactum, quæcumque conventionem, aut obligationem, licet iuramento firmatam circa hæreditatem alicuius personæ viventis alteri cedendam Leg. ult. cod. de pactis; quia huiusmodi pactiones (ait Iax) odiosæ esse videntur & ple-

ne tristissimis, & periculosissimis eventibus propter infidias, (ait Glossa) quæ parantur eius viis, super cuius bonis paciscuntur. Excipiuntur vero tres casus, in quibus tenent: primus, si consentiat ille, super cuius hæreditate hunc passionem, ac in eo consensu & voluntate perleveret usque ad mortem: sic ex cit. Lege. Secundus, si talia pacta fiant super hæreditate personæ incertæ, ut ex Leg. 3. §. de illo 2. pro socio, ubi huiusmodi pactio approbatur: si qua iusta hæreditas alterutrius obveniet, communis sit; quia cum in tali casu ignoretur persona, nullum periculum ei imminere potest. Tertius, si cessio, vel renunciatio hæreditatis personæ certæ, vel pactum super hæreditate eadem fiat alicui, Communitati, puta Monasterio, Collegio, &c. donando eidem hæreditatem obventuram genitorum, vel alterius coniuncti, & talis pactio tenet, tametsi non exploretur illius consensus, super cuius hæreditate pactum fit.

Quoad renunciationes vero personarum, quæ Religionem ingrediuntur, habetur regula a Concil. Trid. sess. 23. cap. 16. de Regularibus, ubi loquens de Novitiis declarat nullam quamcumque renunciationem, aut obligationem ab ipsis factam etiam cum iuramento ante expletum annum probationis, etiam in favorem cuiuscumque causæ piæ, sine licentia Episcopi, vel eius Vicarii, intra duos menses solummodo proximos ante professionem, quæ renunciatio non alias intelligatur effectum sortiri nisi secuta professione.

§. XVI.

De revocatione testamenti, ac ipsius annulatione.

Quicumque testamentum, Quilibet revocare potest pro libitu suum testamentum, nisi interveniat pactum utrinque onerosum, quia ut dicitur Leg. 4. §. de adimplendo legato, ambulatoria est voluntas a supremo viæ exitu. Talis mutatio licita est, etiam si intervenierit pactum gratuitum de non revocando, quia huiusmodi passionem a iure civili irritantur, utpote oppositæ libertati naturali in re maximi momenti. Sic ex Leg. 23. ff. de legatis, ubi sic: Nemo potest sibi eam legem dicere, ut ab ea

ei non liceat recedere. Si tamen intervenierit pactum iustum utrinque æque onerosum, atque ex altera parte iam impletum, vel pactum pacificatorum per modum compositionis, non licet variare testamentum, nisi nova sufficiens causa variationis interveniat, quia non repugnat iuri naturali, quando quis in maius bonum proprium se obliget non variare suam testamentariam dispositionem, puta si quis conveniat de instituendo hærede ea conditione, ut in longa ac difficili infirmitate sibi serviat, ut sibi in suis necessitatibus assistat &c. & hæc libertas naturalis ita se obligandi non est manifeste sublata per leges positivas in foro interno. Deinde huiusmodi pactio videtur potius realis quam personalis, quatenus scilicet paciscens compascens adhuc in vivis obligat omnia sua bona tam mobilia quam immobilia.

Testamentum revocari potest & annullari quatuor modis, nempe 1. Irritatione, & tunc dicitur testamentum irritari, quando testator interea redditur incapax ad condendum testamentum ex. gr. per bannitionem, servitutem perpetuam &c. 2. Destitutione, & fit quando interea hæres incapax redditur ad succedendum, puta per mortem, per defectum conditionis in testamento appositæ, vel per repudiationem hæreditatis factam coram iudice. 3. Ruptione, quando testator tacite, vel expresse revocat prius testamentum, v. g. novum testamentum condendo, vel quando ipsi superveniat filius posthumus, vel interea filium adoptat. 4. Relicissione, idest per querelam inofficiosi testamenti, & est actio hæredis necessarii in testamento ommissi, vel exheredati, quæ apud iudicem conqueritur se iniuste fuisse ommissum, vel exheredatum, probatæ causam exheredationis non subsistere. Tribus prioribus modis invalidatur testamentum ipso iure, sed ultimo modo solum irritatur per querelam inofficiosi testamenti.

Circa obligationem vero faciendi testamentum audiatur Laymann. Nemo in foro conscientie per se tenetur ad condendum testamentum; sed interdum per accedens talis adest obligatio, ne aliquin lites, aut alia incommoda oriantur. Sic citatus Doctor lib. 3. tit. 5. cap. 3. num. 20. & alii.

Testamentum quatuor modis annullari potest

T R A C T A T U S

DE PRÆCEPTIS DECALOGI.

Tamet si ea quæ hætenus egimus de Morali Theologia sint præcipue regulæ, ac potius fundamentalia ipsius principia, & documenta; ac proinde quantum requiri posset ad mores, vitamque nostram honeste, ac virtuose componendam, dixerimus: quia tamen prope infinitæ numero, & varietate sunt hominum actiones, & ob originale vulnus nimis mens nostra cæcutiens, non ita facile acquiescere possumus hoc usque dictis, nisi aliqua etiam pro modulo nostro adiungamus. Discussimus equidem quæ naturam humanorum actuum respiciunt, seu ut intrinsicæ eorum principia, sicut est ratio & voluntas, seu ut extrinsecæ, quales sunt divinæ leges, & humanæ, virtutes, vitia, & peccata, quibus dignoscitur num actiones moraliter bonæ sint, & honestæ, vel malæ, & improbæ. Verum, cum per hæc nonnisi generaliter

honestatis ratio proferatur, inter tot difficultates quæ ex pene innumeris ingruentibus casibus, & circumstantiarum, ac negotiorum diversitate sæpe sæpius inter operandum occurrunt, profecto non sufficienter instruxerimus, ne in lubrica vitiorum pericula probamur, nisi aliæ minus universales, ac ideo clariore nobis promantur regulæ, cuiusmodi sunt Decalogi præcepta. Hæc enim tribus præcipue continentur, pietate scilicet, & religione in Deum, iustitia & æquitate erga Proximum, modestia ac temperantia in nos ipsos. Hinc congruum mihi visum est post hoc usque dicta Tractatum instituere super Decalogi præceptis, quæ quidem nobis data sunt ut iis obsequendo debita reddamus officia, pietatis videlicet erga Deum, iustitiæ erga Proximum, temperantiæ in nos ipsos iuxta illud Apostoli. *Ut pie, iuste, ac sobrie vivamus in hoc sæculo.*

DE PRÆCEPTIS DECALOGI

IN GENERE.

Quid nomen Decalogi.

Decalogue est nomen græcum significans decem sermones; unde Hebræis, ac etiam Christianis aptum visum est ad significanda decem præcepta, quæ Deus per Moysen dedit Israelis populo, & est ipsa lex naturalis in cordibus omnium hominum insculpta, & cum natura congenita. Quare D. Aug. quæst. 140. in Exodum notavit Decalogum, in quo divinæ legis præcepta continentur, esse integrum Epitome, idest compendium omnium Legum, seu humanarum in eodem expositarum, ac expressam eorum omnium, quæ homo Christianus agere debet; ut etiam in quodam Concilio Colonienſi declaratum fuit in eiusdem Christianæ Religionis Enchiridio. D. Augustino consonat etiam D. Thomas 1. 2. quæst. 100. art. 1. ubi de Decalogo loquens, ait: *In Decalogi præceptis legem omnem naturalem contineri*; & art. 3. vocat Decalogum catalogum quoddam omnium naturalium præ-

ceptorum, quorumdam formaliter expressorum, quorumdam virtualiter tantum contentorum. Continet enim Decalogus omnia hominis officia sive ad Deum, sive ad homines, ita ut sicuti in Symbolo omnia credenda, in Oratione Dominica omnia petenda, sic in Decalogo comprehenduntur ut in Synopsi, seu Collectione omnia, quæ ad vitæ æternæ consecutionem agenda sunt. Idcirco si præcepta Decalogi bene intelligantur, ac attendantur, sufficienter ad omnes humanos actus tum interiores, tum exteriores ordinandos, perficiendosque, cum præcepta omnia moralia ad Decalogi præcepta reducuntur. Hinc

Decalogus definitur *lex naturalis, & divina decem præceptis comprehensa, digito Dei in duobus tabulis descripta, & per manum Moysi populo Hebræorum delata*. Dicitur *lex naturalis*, quia omnia præcepta naturalia sive ut principia, sive ut conclusiones ad Decalo-

Definitio Decalogi.

In Decalogi tota naturalis lex continetur.

logum reducuntur: unde omnia, quæ in Decalogo continentur, etiam ab ipsa natura sunt præscripta, quæ proinde violati nequeunt quin boni mores violentur. Dicitur *digitus Dei*, unde evidenter patet Deum auctorem fuisse Decalogi præceptorum, quæ sive per seipsum, sive per Angelorum ministerium dedit Moysi in Monte Sina in duabus Tabulis exculpta, ut eadem populo Israelis ab Egyptiaca captivitate deducto indiceret observanda: hinc dicitur *descripta in duabus tabulis, & per manus Moysi populo Hebræorum delata*; non quod tunc solummodo leges hæc dederit Deus humano generi: nam hæc sunt eadem præcepta, quæ supremus Auctor in primi hominis creatione in ipsius corde exaravit, ac impressit; sed quia eorundem hominum malitia oblitterata, exoletæ, atque ex eorum animis fere penitus deletæ, dum sibi elegit in populum filios Israel, ut a tot vitiatorum sæculi corruptelis Gentem hanc expurgaret, priora eis innovavit præcepta, quæ ut etiam eorum sensibus innotescerent, ac ideo firmius vividiusque eis exhiberentur, ac in eorum cordibus viva semper permanerent; imo & Gentibus quoque ferent manifesta, incisa in duabus lapideis Tabulis, opera Moysi indicit, ac promulgavit. Quare Lex, quæ antea naturalis simpliciter dicebatur, scripta vocari coepit; & cum Christus Dominus hanc firmaverit, ac præscripserit fidelibus etiam suæ Ecclesiæ, quæ est status Gratiæ, & Evangelii, ut hac divina regula sibi essent formam illud Christianæ sanctitatis institutum, quo digni redderentur mercede perennis felicitatis, quam proprio sanguine eis comparaverat, *Lex Evangelicæ* nomen accepit. Idcirco cum Decalogi præcepta quæ a Deo indita sunt, & Israelis in duabus Tabulis per Moysen, & populo Christiano in Evangelio per Christum, sint eadem naturalis Lex, quam dedit humano generi in eius creatione, & in eorum animis impressit, sequitur quod obligant pro quocunque statu, & quocunque tempore, idest etiam priusquam in Monte Sina incinerentur, & per Moysen promulgarentur; ita ut si ut Lex vulgata per Moysen non adstringebant nisi Israeliticam Gentem, ut Lex naturalis Gentes omnes obligabant, & nunc quoque omnes obligant univèrsim, ut verum Deum cognoscant, ac colant. Præcepta enim Decalogi utpote naturalia, etiam sine promulgatione, sicuti facile menti occurrunt, ita facile solo rationis lumine cuiuscumque innotescunt, & quique naturaliter

videt, ea quæ hinc adversantur, repugnare rationi, ut Rom. 2. *Gentes, quæ legem non habent, naturaliter quæ legi sunt faciunt. Etiammodi Legem (idest scriptam) non habentes, ipsi sibi sunt lex; qui ostendunt opus legis scriptum in cordibus suis.*

Nomine Decalogi primus omnium ad honoranda speciali titulo Decem præcepta usus est Clemens Alexandrinus lib. 6. Stromatum, quem postea secuti sunt Origenes, S. P. Hieronymus, alique Patres tum græci tum latini: sed alius etiam insignibus vocabulis exprimitur Decalogus in divinis Litteris, quæ collegit Iacobus Baius in suo Catechismo: nam vocatur *Lex* quia omnes ligat, *præceptum* quia Deus hoc per se indicit, *Mandatum*, quia hoc intulit per hominem, *Eloquium*, *Sermo*, *Verbum*, quia per Filium a Patre emanavit, *Iustitia*, *Æquitas*, quia tribuit unicuique quod suum est, *Iustificatio*, quia præcepit ea per quæ homines iustificantur, *Via*, quia est forma bene vivendi, *Semita*, quia recte ad Deum ducit, *Testimonium*, quia testis est tum bonorum, tum malorum operum, vel quia Voluntas Dei nobis testificatur.

Præcepta Decalogi sunt numero decem, ut Exodi 20. & Deuter. 5. ubi decem tantum enumerantur, & sunt sequentia: *Non habebis Deos alienos coram me: Non assumes nomen Dei in vanum: Memento ut dicam Sabbati sanctifices: Honora patrem tuum, & matrem tuam: Non occides: Non machaberis: Non furtum facies: Non loqueris contra proximum tuum falsum testimonium: Non concupisces uxorem proximi tui: Non desiderabis domum proximi tui, non servum, non ancillam, non bovem, non asinum, nec omnia quæ illius sunt. Omnia hæc præcepta cum in naturali ratione & amore charitatis fundentur, ac in ipsis veluti conclusiones in suis principiis continentur, ideo omnia ad ius naturale spectant, licet præceptum Sabbati tale non videatur, cum contra rationem naturalium præceptorum, quæ a nulla creata potestate unquam immutari possunt, a tempore Apostolorum translata fuerit hæc obligatio ex Ecclesiæ præscripto ad diem Dominicum. Sed ex hac imutatione non eruitur quod tale præceptum non spectet ad ius naturale: ratio est, quia tale præceptum, est morale, ac naturale quoad substantiam; est vero cærimoniale quoad accidentalem designationem temporis, quæ Synagogæ solummodo facta fuit, & ex hac parte præceptum hoc est mere positivum, unde Ecclesia hoc immutavit quatenus est*

Leges
Decalogi
obligant
sunt
per se
pro
quocum-
que sta-
tu.

est tantum cærimoniale. Adhuc igitur remanet in esse morali, & naturali quoad substantiam, idest quoad naturalem obligationem, ut homo aliquo tempore vacet rebus factis, & divinis, & proinde æque ac alia præcepta ad legem naturalem pertinet.

Tria Decalogi præcepta priora quæ Deum respiciunt, ad quem nos dirigunt, in prima tabula conscripta fuerunt, & appellantur præcepta primæ tabulæ; septem vero posteriora, quæ erga proximum nos dirigunt ac componunt, fuerunt conscripta in secundæ tabulæ & vocantur præcepta secundæ Tabulæ. Priora nobis exponunt officia, quæ Deo reddere debemus, ipsum solum agnoscendo ut verum Deum, ac adorando, sanctum eius nomen reverendo, ac aliquo statuto die etiam exteriori veneratione colendo. Posteriora vero, officia proximo debita præscribunt, seu aliquo peculiari nomine, & titulo, ut parentibus honorem & benevolentiam deferamus: *Honora parentes*, sive generali quadam ratione ne quid hominibus noceamus neque in his, quæ ad vitam corporalem spectant: *Non occides*, & sic prohibetur homicidium, *non machaberis* & sic prohibetur adulterium; neque in fortunæ bonis: *Non furaberis*; nec ulli fiat iniuria aut verbis, aut falso testimonio: *Falsum non dices testimonium*, aut cogitatione, & affectu: *nec Sponsam nec rem cupiamus alienam*. Hæc igitur præcepta sunt privæ iustitiæ, & æquitatis regulæ, quæ homines aliis hominibus conciliant, & omnes Deo, cui se totos suæque debent, omnino devinciunt. Non potest enim ratio non probare illas æquitatis leges, ac prima innocentie, & benevolentie præcepta.

Sed cum Decalogi præcepta quædam præcipiant faciendâ, quædam vitandâ iuxta illa duo principaliora, ac fundamentalia istarum legum principia: *Bonum prosequendum, malum fugiendum*, idcirco iterum hæc præcepta dividuntur in affirmativa, & in negativa. Priora, seu affirmativa proponunt, ac iubent quid agendum, & violantur per peccatum omissionis; posteriora vero, seu negativa quid vitandum, & fugiendum, & violantur per peccatum commissionis. Negativa obligant semper, & pro semper, v. g. non interficere innocentem, non furari &c. Affirmativa obligant quidem semper, aiunt Theologi, sed non pro semper, cum non in omni loco, & temporis momento parentes honorandi sint. Hic tamen animadvertendum præcepta negativa, quibus malum aliquid vetatur, semper includere præceptum affir-

mativum, idest faciendi bonum huic malo oppositum, & ita in affirmativis includi negativa, idest prohibitionem ne faciamus malum oppositum bono præcepto: unde præceptum honorandi parentes includit etiam præceptum eos non inhonorandi; sic & præceptum non occidendi non modo vetat talem proximi iniuriam, sed iubet simul, ut ei cum possimus beneficiamur.

Ne quis vero miretur quod recensita non videantur inter Decalogi præcepta prima iuris naturalis principia, nempe bonum est faciendum, malum fugiendum, præcepta Fidei, spei, Dilectionis Dei, & proximi, quia prima principia non continentur quidem in Decalogo explicite, bene vero implicite, tanquam principia in conclusionibus: Nam *bonum est faciendum* includitur in præceptis affirmativis, puta *honora parentes*; *malum est fugiendum* in negativis, in quibus mala tanquam naturali rationi opposita prohibentur. Sic pariter præceptum charitatis eodem modo quo prima principia, includitur in Decalogo, cum præcepta omnia Decalogi fundentur in charitate, & ad charitatem tanquam ad principium morale prædictum omnia reducuntur Decalogi præcepta, utpote quæ in omnibus quæ præcipiunt, & prohibent non nisi charitatem spirant, & dicunt. Nam si officium amoris est quæ bona sunt velle erga dilectum exercere, bonum utique exercere vult erga Deum, & Deum amat qui studet eum cognoscere & colere sicut decet, bonum vult exercere erga proximum, & eum diligit, qui fugit illi nocere, ac illum benevolentie officis prosequitur. Quoad præcepta vero fidei, & spei, dicendum cum D. Th. 2. 2. quæst. 16. art. 1. & quæst. 22. art. 1. non esse de substantia legis, sed quædam præambula ad legem, quod sine illis lex consistere nequeat. Lex enim supponit subditos, idest esse nequit lex nisi prius sint subditi, qui eam acceptent, & exequantur. Nemo vero subditus Deo nisi per fidem, ut Hebræor. 10. *Accedentem ad Deum oportet credere quia est*. Itidem quomodo fieret quod homo se subderet Deo, nisi Deum amaret, ac spem haberet præmium suæ obedientiæ a Deo recepturum? Sed ut res clarius, faciliusque innotescat.

Nota præcepta naturalia, sicut ubi de legibus in communi dicitur de lege naturali, quædam esse primaria & notissima, quædam veluti secundaria ex primariis facili illatione deducta, & quædam tertia, quæ operosiori, seu difficiliiori studio ex secundis inferuntur. Primaria nempe *bonum faciendum*,

Diviso
Præcep-
torum
Decalogi
in affir-
mativa,
& negati-
va.

malum fugiendum; quod tibi non vis alteri ne feceris, non sunt quidem formaliter, & expresse in Decalogo, ut ante iam diximus, in ipso tamen continentur virtualiter tanquam principia in conclusionibus immediate illatis, & hæc conclusiones sunt ipsa decem præcepta in Decalogo recensita, utpote quæ facillimo studio inferantur. Idcirco dici possunt præcepta naturalia secundi ordinis: præcepta vero tertii ordinis continentur pariter in præceptis Decalogi tanquam eorum conclusiones in suis principis, quæ deducendæ sunt per doctos peritoloque viros in huiusmodi negotio. Quædam igitur præcepta Decalogi, idest secundaria utpote primis principis proximiores conclusiones facili opera inferuntur; quædam vero utpote remotiores grave exigunt studium ut deducantur, & eo maius, quo magis ab illis, seu a secundis elongantur. Et ecce unde tot derivant disensiones, seu controversiæ inter Doctores circa plurimas illationes, quæ tametsi in Decalogo virtualiter, & implicite continentur, quia tamen remotiores, viam humanæ mentis imbecillitati aperiunt dubitandi an revera præcipiantur, aut vetentur a Decalogo, & exinde tanta sententiarum diversitas. Quare ex hoc facile statimque evincitur circa huiusmodi quod quando veritas non clare effulgeat, ab homine cordato, & sincere veritatem inquirente seligendum est quod magis ad veritatem accedat eo reiecto quod illi videatur minus veritati proximum, ac proinde sequendum esse, quod rationabilius probabiliusve apparet, eo reiecto quod minus probabile sincere censetur, sicuti dictum iam fuit, ubi de conscientia probabilis in probabilioris concursu.

Omnia
Decalogi
Præcepta
obligant
sub mortali
cell.

Omnia Decalogi præcepta obligant sub mortali, ita ut omnis eorum violatio sit ex genere suo mortale peccatum; aliquando tamen excusat levitas ac parvitas materie, ubi dari potest (In omnibus enim hæc lex non habere nequit, ut in blasphemia, falso iuramento, & in aliis nonnullis) tum defectus deliberationis, & plenæ advertentiæ, ut iam suo loco dictum fuit, nam ex tali defectu nulla culpa est, vel solum venialis.

Inter Decalogi præcepta datur notabilis differentia etiam inter negativa ex hoc quod quædam obligant absolute & simpliciter, & in qualibet data circumstantia, ut prohibitio odii Dei, idololatriæ, periurii, mendacii, aliorumque huiusmodi actuum, qui intrinsece mali sunt; quædam vero non simpliciter, & absolute obligant, sed solum sub certis ac determinatis circumstantiis, ut præ-

ceptum non furandi, quod obligat sub circumstantia solum rei alienæ irrationabiliter invito domino acceptæ, vel retentæ; non occidendi, idest indebite, & solo privato commodo & auctoritate, ita ut si circumstantiæ horum immutentur, non amplius obligent. Unde in extrema necessitate licite quis rem proximi surripit, & iudex inculpate punit malefactores morte, & hostes in bello iusto hostes suos occidere possunt. Hinc facile habetur solutio difficultatis de potentia Dei ad dispensandum in præceptis Decalogi etiam negativis, scilicet, & ita cum D. Th. & Scoto, posse Deum dispensare in iis præceptis Decalogi, quæ non sunt de iure naturali stricte, sed solum late sumpto, quia præcepta illa, quorum actus cum non sunt intrinsece per se mali, non obligant simpliciter, & absolute, led in quibuldam tantummodo datis circumstantiis, cuiusmodi sunt præcepta non furandi, non occidendi, quæ eatenus dicuntur de iure naturali, quatenus regulariter loquendo, seclusis specialibus circumstantiis, sunt consona primis principis, & conclusionibus legis naturæ. Non potest vero dispensare in iis quæ sunt de iure naturali stricte sumpto, quorum actus cum intrinsece mali sint, hinc talia præcepta obligant simpliciter, & absolute in omnibus omnino circumstantiis, ut sunt præcepta non blasphemandi, non peierandi &c. In prioribus Deus dispensare potest, quatenus videlicet accedente ipsius auctoritate, in his materiis mutando, sive aliquam ponendo circumstantiam, sub qua leges naturales non amplius obligant, licet tum evadit quod cæteroquin erat illicitum. Sic dispensavit cum Abrahamo, ut potuerit assentiri efficaciter occisioni proprii filii Isaac innocentis; item cum Hebræis eximibus de Ægypto, ut licite potuerint optima quæque vasa Ægyptiorum aurea, & argentea sibi mutuo data auferre. Item dispensavit cum iisdem Iudæis in polygamia, seu pluralitate uxorum, & aliis huiusmodi. Num vero ecclesiastica potestas dispensare queat in legibus de iure naturali, & contra suendo contra ipsas præscribere, iam actum est suo loco, ubi de legibus.

Cum autem omnia naturæ præcepta ad Decalogi præcepta, ut principia, vel conclusiones pertineant, hinc pro faciliiori intelligentia tum Confessariis, tum penitentibus in re tam necessaria ad species peccatorum dignoscendas, restat ostendere quomodo præcepta naturæ, seu naturalia expresse non inclusa in Decalogo, ad Decalo-

Quomo-
do omnia
naturalia
præcepta
ad Deca-
logum præ-
ceptis re-
ducantur

gi præcepta reducuntur. Ad primum igitur præceptum Decalogi, in quo cultus falsorum numinum prohibetur, reducuntur principaliter ut Decalogi principia, & præambula præcepta universaliter iuris naturalis, & præcepta fidei, spei, & charitatis, deinde reducuntur omnia præcepta contra cultum idolorum, ac idololatricam superstitionem. Ad secundum præceptum, in quo prohibetur periurium, reducitur præceptum vetans blasphemiam, & præceptum quod prohibet falsam doctrinam. Ad tertium, in quo iubetur Sabbati sanctificatio, reducuntur omnia præcepta ceremonialia legis. Ad quartum de honorandis parentibus ordinatur præceptum de honoratione senum, & consequenter præcepta omnia de reverentia Maioribus reddenda, ac beneficiis æqualibus, ac minoribus conferendis. Ad quintum, quo homicidium interdictum, reducitur prohibitio cuiuscunque læsionis externæ opere consummate. Ad sextum, quo vetatur adulterium, reducitur omnis actus luxuriæ, sive sit fornicatio simplex, sive crimen nefandum, aut voluntaria pollutio. Ad septimum de non fusando reducitur usus prohibito, & fraudis, & reducuntur omnia alia quæ spectant ad prohibitionem calumnie, & rapinæ. Ad octavum, quo prohibetur falsum testimonium, reducitur prohibitio mendacii, ac detractionis. Ad reliqua vero duo nullum aliud reducitur, quia in his universaliter omnia mala concupiscentia interdicuntur, & omnis sinistra cupiditas prohibetur. Ita D. Thomas citatus ab Abulensi, in cap. 20. Exodi quæst. 33. Sayrus lib. 4. cap. 2. num. 4. & 5.

CAPUT I.

De primo Decalogi præcepto.

§. UNICUS.

De iis quæ spectant ad hoc primum præceptum.

Quidam ex SS. Patribus, inter quos præcipue S. P. Hieronymus, Origenes & D. Th. relati s. a. quæst. 100. art. 8. in præceptis Decalogi distinguendis Deo quatuor attribuunt præcepta, dividendo primum præceptum in duo præcepta, & lex dant proximo, duo ultima præcepta, id est concupiscentiam uxoris, & rei alienæ in unum copulando. Communiter tamen, & magis recepta horum præceptorum divisio, est ea quam tradit D. August. quæst. 71. in Exo-

dum iam antea relatum in præambulis, id est tria præcepta priora Deo attribuendo, ita ut illa duo *Ego sum Dominus Deus tuus: Non habebis Deos alienos coram me*, sint unum præceptum in duas partes distributum, vel præambulum continens, & præceptum; proximo alia septem, quia cum concupiscentia alienæ uxoris spectet ad concupiscentiam carnis, concupiscentia rei alienæ ad concupiscentiam oculorum, sunt duo distincta objecta, ac ideo distincta præcepta, quibus hæc vetantur.

In primo igitur præcepto Decalogi ita habetur: *Ego sum Dominus Deus tuus: Non habebis Deos alienos coram me*. Exodi 20. Duo continentur in hoc præcepto unum affirmativum, quod præcipitur, alterum negativum quod prohibetur. In prima parte, id est prout hoc præceptum affirmativum est, & præcipitur per illa verba: *Ego sum Dominus Deus tuus*, admonetur homo eius cultus, & amoris, quem debet uni vero Deo, ut videlicet ei ac in eum credat, eum timeat, in eum speret, eum diligat, ei que obediatur tanquam supremo suo, & universorum auctori, ac domino. Hoc præceptum potissimum in Deuteronomio, inculcat partim quando frequenter dicitur homini, ut Deum diligat, ei que serviat, partim in præcepto illo dilectionis Dei quod Deuteronomii 6. traditur, & repetitur in Evangelio, ac tanquam maximum, & primum Legis mandatum a Domino commendatur. Hoc generale præceptum est ratio, & causa omnium decem, quæ sigillatim in Decalogo traduntur, quia statim post, primum repetitur Exodi 20. & alibi, tanquam ratio proxima, & in Levit. 20. 17. & 22. fere cuilibet præcepto additur veluti pro ratione hæc clausula: *Ego Dominus. Estis*.

In hac igitur priori parte præcipitur ut Deo adorationem exhibeamus, seu ut per fidem agnoscamus supremum Dei dominum in creaturas omnes, per charitatem nos totos Deo submittamus, ac in eo tanquam omnipotentissimo, ac maxime benefico omnem spem nostram collocemus. Itaque præcipitur in hoc præcepto exercitium trium theologicarum virtutum fidei, spei, & charitatis, quod innuit Christus Dominus per verba illa apud S. Ioann. *Veri adoratores adorabunt Patrem in spiritu & veritate*. Quid vero earundem virtutum actus complectantur, quo tempore specialiter elici debeant, &c. iam explicavimus, cum de Fide ageremus. Verum quia hoc primo præcepto iubemur Deum recognoscere non solum in eum credendo, ipsum-

Duo in
hoc pri-
mo præ-
cepto
conten-
entur.

ipsumque consistendo primum rerum omnium Conditorum, ac supremum earum dominum, sed excellentiori etiam cultu venerari, huc spectant officia omnia Religionis, quæ est virtus obligans, & dirigens ad cultum Deo exhibendum, tum per actus internos, ut sunt devotio, & oratio, quam per actus externos, cuiusmodi sunt adoratio, sacrificium, ac generaliter obsequia omnia, quæ ad divinæ excellentiæ profectionem, sive reverentiam ordinantur.

Qui peccant contra hoc generale præceptum, primo Infideles omnes, sive Athei, qui dicunt in corde suo, *non est Deus*, sub quibus ita etiam comprehenduntur, qui providentiam rerum humanarum Deo denegant; sive apostatæ, idest Christianæ Religionis, quam susceperant, desertores, sive Iudæi, qui nec Christum, nec Trinitatem agnoscunt, sive Turcæ, qui idem sentiunt cum Iudæis, sive qui Christo per catholicam Ecclesiam loquenti non credunt, sed pertinaciter falsis adherent dogmatibus, vel de veritate dubitant. Hisce annumerantur, qui credunt hæreticis, vel propter eorum suasionem sunt nutantes in doctrina Fidei, sine tamen pertinacia. Estius. Peccant pariter quadam infidelitate, qui Sacra Religionis quodam contemptu violant, sive hoc fiat per sacrilegium, quod est personæ, vel rei, vel loci sacri prophanatio, sive per simoniam, qua turpi commercio sacra, & divina humanis confunduntur, scilicet vel emendo, vel vendere, & emere studendo spiritualia, ut sunt Sacramenta, Sacramentalia, alique sacræ res, necnon sacra Ministeria, ac Ecclesiastica Beneficia pro re temporali, tanquam eorum pretio, quod sit pecunia, vel æquivalenti, ut iam suo loco fuisse explicatus; sive per Dei tentationem, hoc est per temerariam expectationem extraordinarii effectus a Deo producendi ex intentione expressa, vel tacita cuiusdam divinæ perfectionis experiendæ procedentem.

2. Cum hoc generali præcepto timor Dei præcipiatur, ut Malachiæ 1. *Si Dominus ego sum, ubi est timor meus?* peccant contra hoc præceptum omnes illi qui, vel quia non statim peccatores puniuntur, Eccles. 8. vel alia quacunque causa, sine ullo timore mala perpetrant, & detestabili securitate perseverantes in sceleribus, confident, seu melius dicam præsumunt se misericordiam consequuturos, aut suæ vitæ correctionem differunt de die in diem, non secus ac si securi essent de dono poenitentiae aliquando conlequendo.

3. Cum hoc generali mandato iubeamur sperare in Deum, ad quod spectat æternæ vitæ per divinam gratiam, & merita expectatio, contra illud peccant qui terrore multitudinis ac gravitatis suarum culgarum pressi cum Cain, & Iuda veniam, ac salutem desperant, quasi gravitas iniquitatum excedere possit magnitudinem immensam divinæ misericordiæ: item qui considerantes virium suarum imbecillitatem, ac pravæ cupiditatis vehementiam diffidunt eam victuros per gratiam, ut Ierem. 8. & Ephes. 4. Item omnes non in Deo confidentes, sed in carne, idest in quavis re carnali seu temporali, ut opibus, amicis, robore, sanitate, & maxime qui liberi sui arbitrii viribus nituntur, ut credant per eas solas legem Dei implere, vel aliquid facere posse, quod spectet ad æternam salutem, vel qui Dei gratiam agnoscunt quidem, sed autumant se bonis operibus eam promeruisse, vel libero suo arbitrio eam subiciunt illius efficaciam non agnoscetes. Verum de his iam fufius suo loco dictum est.

4. Cum universale hoc præceptum præcipue nobis Dei dilectionem imponat, contra idem præceptum 1. peccant generaliter quidem omnes qui divinam legem transgrediuntur, & præsertim qui actu voluntatis elicto se vel aliam creaturam quamcumque æque, ac plus quam Deum, quem super omnia diligere debemus, & omnibus præferre, diligit. De his habetur Matthæi 23. *Qui amat patrem vel matrem plus quam me, non est me dignus*; sed gravissime hoc violant præceptum, qui Deum summum, summeque amabile bonum oderunt, & in hoc enorme facinus prolabantur qui penitus peccatis immergi, atque in his obdurati eo usque procedunt, ut quia sciunt odio esse Deo, ac a Deo puniri peccata quæ amant, vellent vel Deum non esse, vel iniquum esse, seu secum in suis vitiis sentire, ut peccata approbaret, vel impunita relinquere; Psalm. 49. *Existimasti inique quod ero tui similis*. Contra hos autem exclamat D. Aug. tract. 20. in Ioan. *O miserrimos homines qui cum volunt esse mali, nolunt esse veritatem qua damnantur mali &c.* Tandem cum dominii persuasio exagit a lervis, ut Domino obsequantur, huic obstant mandato, qui renuunt Deo subici, seu spernunt iubentem, aut eius præcepta, ut Proverb. 18. *Impius cum in profundum venerit peccatorum, contemnit*. Et exemplum habetur in populo Israelitico Isaïæ cap. 30. Ierem. 44. & alibi. Haftenus Estius.

In posteriori autem parte huius præcepti, idest prout est negativum his verbis: *non habebis Deos alienos coram me*, vetatur ne cuiquam alteri divinum cultum exhibeamus, ut permulti solebant ludæorum, qui sancti verum Deum colere profiterentur, complura tamen falsa numina venerabantur, quique (ut eis exprobravit Elias) in duas partes claudicabant, cui errori adhæserunt etiam Samaritani qui cum Deo ludæorum Deum Gentium colebant. Hinc cultum, qui proprius est solius Dei, ac ideo ei soli convenit, non licet sine gravissima ipsius iniuria, ac horrendo sacrilegio cuiquam alteri præterquam Deo præstare, ut esset Sacrificia offerre, Tempia erigere, & altaria, Sacerdotes constituere, ludos, ac spectacula, aliaque similia instar cuiusdam Sacrificii; aut manifesta oris, vel signi cuiusque professionem, quale olim erat osculum manus, tanquam Deo laudem reddere ac venerationem. His enim modis olim cæca Gentilitas sua Numina venerabatur.

Violant graviter etiam alteram huiusce præcepti partem ii quos priorem transgredi recentissimos, nempe Infideles, seu Ethnicus quicumque, apostatae, hæretici, omnesque alii, qui vanis, superstitiosisque observationibus peccant contra Fidem; sicut etiam qui vel desperando, vel præsumendo nimis de sua salute peccant in spem, necnon qui seipsos, ac creaturas plusquam Deum amando, ac statutus temporibus actus speciales amoris non eliciendo peccant contra charitatem.

Non repugnat autem huic præcepto cultus, qui Angelis, & Sanctis, ac sacris Imaginibus redditur, nec sacri ritus, seu caeremoniae, quibus utitur Ecclesia in Sacramentis conciliendis, ac administrandis, in venerabili Sacrificio, ac aliis ecclesiasticis divinisque officiis peragendis. Nam quoad primum sicut cultus, & honor, qui nobis præcipitur reddendus parentibus, ac aliis Superioribus tum spiritualibus, tum temporalibus, non repugnat, nec opponitur divino cultui; quia est omnium maximus cultus ille quo Deum ut supremum rerum omnium dominum veneramus; imo honor ipse qui Superioribus exhibetur, ad ipsum Deum refertur; ita ut Deum ipsum in Superioribus tanquam ipsius ministris veneremus, utpote qui eius vice nobis præsunt, nosque gubernant; ita nec cultus Sanctis, Angelis, &c. exhibitus, opponitur cultui divino, quia & ipse pariter cultus, qui Angelis, Sanctis, sacrisque tribuitur imaginibus, natus est inferiori divino

cultui: nam Deum colimus ut Dominum, Angelos vero, & Sanctos ut famulos Dei, & amicos, ac proinde intuitu ipsius Dei, & sacras Imagines colimus non cultu absoluto, seu propter seipsas, sed relativo, idest propter personas venerabiles, quas repræsentant; ideoque non ipsas, sed in ipsis sanctas colimus personas, ac res.

Quod alterum vero, idest quoad caeremonias sacras, sacrosque ritus, quibus sancta utitur Ecclesia, minime in hocce præceptum impingunt: nam his utitur Ecclesia, ut maiori veneratione ac sanctitate res sacrae tractentur, ac exerceantur. Imo ita agit Ecclesia instructa ipsius Dei instituto, qui in veteri lege multas, ac varias Moysi præcepit observandas caeremonias in edificatione Tabernaculi, institutione Aaronis in Sacerdotium, Sacrificiorum oblatione, &c.

Sed ne plus quam nunc oportet longius progrediamur hic scire satis sit quod hoc præceptum prout est affirmativum, idest prout aliquid præcipit agendum, versatur circa actus virtutis Religionis, & mandat uni Deo cultum, ac debitam venerationem esse reddendam, ac proinde ad hoc præceptum omnia quoque reducuntur, quæ spectant ad theologicas virtutes fidei, spei, & charitatis. Quatenus vero hoc præceptum est negativum, per istud prohibentur omnia, quæ sunt contraria prædictis virtutibus Religionis, & theologicis, de quibus sicut & de vitiis ac peccatis eisdem virtutibus oppositis iam suo loco actum est. Unde nihil aliud super hoc primo præcepto Decalogi addendum superest, ideoque ad breve secundum examen progrediemur.

CAPUT II.

De secundo Decalogi præcepto.

§. UNICUS.

De his, quæ pertinent ad hoc secundum præceptum.

Secundum Decalogi præceptum Exodi cap. 20. hisce conceptis verbis exponitur: *Non assumes nomen Domini Dei tui in vanum*; istud ex priori sequitur: nam is qui, ut in primo mandato nobis præcipitur, debitum cultum Deo reddere velit, fugit in primis ne quidpiam eidem contrarium agat, ac ideo hoc caute fatagit ne divino ipsius nomine abutendo alicuius irreverentia: reatum contra eundem incurrat. Cæterum videtur neminem suspicari ne quidem posse

Non re
pognat
huic præ
cepto cul
tus exhi
bitus An
gelis &c.

per

per nomen Dei nonnisi nudam vocem hic intelligi, seu syllabas, quibus nomen Dei constat, ut superstitione putabant nonnulli Iudæorum, qui nomen hoc quod scribebant, non audebant ore pronunciare, cum intelligatur res ipsa illis verbis significata, nempe essentia divina, ideoque sub hoc nomine veniant eius attributa, Personæ, omnesque aliz ipsius perfectiones.

Hoc Item Præceptum affirmativum est, ac & negativum.

Multipliciter nomen Dei honoratur, & prophanatur.

Licet vero hoc præceptum verbis negativis impositum sit, æque tamen ac primum, ut omnes agnoscunt, & fatentur est partim affirmativum, idest imperans, partim negativum, seu prohibens. Quatenus vero præceptum hoc est affirmativum, præcipit ut sanctum Dei nomen honoretur. Quatenus vero negativum, vetat ne idem terribile nomen quacumque irreverentia prophanetur. Multipliciter autem nomen Dei honoratur, 1. cum in omnium conspectu Dominum ac Deum nostrum confitemur, & Iesum Christum salutis nostræ auctorem quo modo talem agnoscimus, ita etiam prædicamus. 2. Cum verbo Dei, quo eius enunciat voluntas sanctæ, ac sedulo operam damus, in eius meditatione frequenter versamur, studiose illud addiscimus legendo, aut audiendo, prout statui, ac munericiusque convenit. Unde, ut notat Natalis Alexander *lib. 4. cap. eod. art. 1.* inhonores sanctum Dei nomen non solum Pastores, qui verbi Dei ministerio instare negligunt, qui in verbo Dei annunciando & sacris suggestis cum ipso immiscunt res ineptas, ac ad risum moventes, parum fructuosas, ac Scripturas adulterant, vel in alienum sensum retorquent; sed ii quoque, qui sic vivunt, ut per ipsos nomen Dei blasphemetur. Item ii, qui impietati non obstitunt, cum utiliter possunt, aut saltem non ingemiscunt, non dolent quod Dei nomen indigne perpetuo prophanetur. Nam qui vere fidelis est erga Deum non potest zelo non exardescere, dum videt eum a prophanatoribus contemni, sit habetur de David psalm. 41. de Matathia 1. Machab. 2. de S. Paulo, 5. Theresia, aliique qui summo merore excruciabantur quando Deum offendere videbant. Huc spectant quæ iam diximus de correptione fraterna, ubi de charitate. 3. Divinum nomen veneramus, & colimus cum officii & Religionis causa divinas laudes celebramus, ac de rebus omnibus tum prosperis tum adversus singulares ei gratias agimus, ut psalm. 33. *Benedicam Dominum in omni tempore: semper laus eius in ore meo; & Iob cap. 1. Dominus dedit, Dominus abstulit, sit nomen Domini benedictum.* *Ibid. Moral. Tom. III.*

Sum. 4. Nomen Dei honoramus, si fidei operem eius imploramus, quod scilicet nos ab ærumnis, cæterisque malis liberet, aut ad ea fortiter perseveranda constantiam, roburque largiatur. Denique nomen Dei honore prolequimur, cum fidei faciendæ causâ Deum testamur ope iuramenti, quod necessarias habeat conditiones, aut per adiurationem; vel cum vota sancte emittimus, & emissâ implere conamur.

Prout vero præceptum hoc est negativum, & prohibet sanctum Dei nomen in vanum assumere, 1. vetat iuramentum quodcumque imprudenter, ac temere prolatum, 2. multo magis periurium, 3. votorum legitime emissorum violationem, 4. blasphemiam, aliaque Religionis opposita, 5. indiscrētam, nec satis piâ divini nominis usurpationem, idest si vane, ac inutiliter invocetur, in quo non raro deficiunt etiam personæ timoratae conscientiz. Quod autem dicitur de Dei nomine, idem proportionabiliter intelligendum, ac servandum est de nomine Mariæ, & Sanctorum, ac de verbis divinæ Scripturæ, quibus multi ad vilissimâ, imo etiam ad nugatoria temere, & imprudenter abutuntur.

In primis igitur expressis verbis, & explicitè vetatur hoc secundo Decalogi præcepto ne sanctissimum Dei nomen quoquo modo vane, idest irreverenter sumatur, postea vero iuxta illud, quod præcepti verba implicite continent, præcipitur, ut divinum hoc nomen, sicuti ei convenit, honoretur, ac eum debita invocetur reverentia, necnon ut in isto nomine iuremus in veritate, iustitia, & iudicio, ut Ierem. *Iurabis, vivit Dominus, in veritate, & iudicio, & iustitia.* Hisce autem addenda votorum nuncupatio, ac debita eorum impletio psalm. 75. *Vovete & reddite Domino Deo vestro.* Et hæc satis fit hic dixisse, quia de iuramento, ac Voto, eorumque conditionibus, ac obligationibus, aliisque, quæ ad hæc spectant, iam fule suo loco dictum est. De reliquis vero quæ respiciunt omnem aliam reverentiam, & cultum erga divinum nomen exhibendum, sicut & de horum contrariis, iam abunde actum est, cum de virtute Religionis sermo haberetur.

CAPUT III.

De tertio Decalogi præcepto.

S. UNICUS.

De his quæ spectant ad hoc tertium præceptum.

Tertium Decalogi præceptum, sicut alia duo priora expressum habetur in eodem alias citato cap. Exodi 20. hinc verbis: *Memento ut Sabbatum sanctifices: non facies omne opus in eo &c.* Mandatum hoc est ultimum primæ Tabulæ præceptum non solum numero, sed etiam ordine, in quo cultus exponitur, quem Deo tribuere debemus, quia cum iussa in hoc præcepto sint veluti complementum officiorum, quæ secundum omnem vim nostram Deo reddere debemus, merito subiungitur duobus primis, quorum ductu ad priora officia dirigimur, ac ordinamur. Nam cum ex lege naturæ Deo debeamus fidelitatem, reverentiam, & famulatum, idest venerationem, ac honorem cordis, oris, & operis, primum præceptum edocet nos quoad ad interiore cultum cordis, & fidelitatem Deo reddendam spectat, ipsum ut unum ac verum Deum agnoscendo, & colendo, omniaque falsa Gentilitatis numina exprobrando; secundum vero nos instruit quoad reverentiam, & cultum oris erga ipsum Deum, & sanctissimum eius nomen exhibendum, nunquam venerabile hoc nomen verbis pravus usurpando. Tertio tandem erudimur quoad debitum famulatum, & cultum operis Deo devote tribuendum, dies Sabbati, idest festos dies sanctificando in gratiarum actione pro beneficiis nobis collatis creationis, redemptionis, necnon aliis omnibus, quæ pene innumera & recipimus, & incessanter accipimus.

Præceptum hoc
partim
legis naturalis
partim
positive.

Præceptum hoc prout in Decalogo continetur, partim est Legis naturæ, & ex hoc capite morale, partim legis positivæ, & ex hoc alio capite cæremoniale. Et equidem sicuti lex naturalis postulat, ut deputentur quædam data tempora propriis vitæ humanæ exercitiis, ita præcipit ut designetur tempus aliquod divino cultui, & obsequio, nempe lex naturæ absolute dicitur, ac præcipit quod habeat homo quædam vitæ quæ temporis spatia, seu intervalla, quibus segregata ab omni temporalium rerum cura totum divino cultui, ac Religionis exercitiis animum suum impendat ac occupet. Quare cum huiusmodi cultus

a lege naturæ præcipiatur, evidenter patet, quod hoc præceptum sit legis naturalis quoad substantiam, & morale sit censendum, cum præcipue ex hoc capite præceptum hoc sit homini occasio bonitatis ex ipsius oblatione, & malitiae ex ipsius transgressione. At quia lex naturalis quoad tempus Deum colendi rem statuit solummodo in generali, nihil in particulari determinando, & hoc factum est per legem positivam, qua Deus per Moysen assignavit Hebræis diem septimum hebdomadæ, qui vocabatur Sabbatum; ideo hoc præceptum, quatenus est determinatio talis temporis pro divino cultui, quæ facta est a lege positiva, & respicit accidentalem cæremoniam talis dati diei, est præceptum legis positivæ, & cæremoniale. Præceptum hoc priori modo consideratum, seu prout est morale, semper eodem modo obligavit, & obligat, eo quia ab ipsa lege naturali procedat obligatio, ut Deum ob creationis beneficium, & conservationis, aliaque tot fere innumera aliquando colamus, & veneremur, non solum in ipsum credendo, sperando, eum super omnia diligendo, sed diversis etiam religionis actibus eum humiliter honorando. Sub altero vero, ac posteriori respectu, nempe quatenus est unum ex præceptis cæremonialibus legis Moysayæ, cum omnia iam hæc præcepta, utpote figuræ futurorum, quæ per Christum implendæ erant post eius adventum, ac inducta lege Evangelii, ut inutilia expiraverint, etiam hoc tertium Decalogi præceptum de Sabbati sanctificatione, quatenus cæremoniale obligare cessavit. Sed ne desisset etiam in lege Evangelica statutus dies in Ecclesia pro divino cultu a lege naturali indeterminate præcepto a tempore ipso Apostolorum Ecclesia ex superno sancti Spiritus instinctu loco Sabbati diem primum hebdomadæ in memoriam Dominicæ Resurrectionis, & nostræ, quam per ipsum speramus, instituit, & ab ipso Domino, cui peculiariter hic dies erat dicatus, Dominicus dies appellatus est, ut Apocalypsis cap. 1. *Ibi sui in spiritu die Dominico*. Imo ut notat D. Tb. 1. 2. quæst. 173. art. 3. ad 4. sicuti Hebræi præter Sabbatum alios dies festos, ac solennes habebant, ut ex Libris Esther, Judith, ac Machabæorum eruitur, Ecclesia eorum loco alios solennes, idest festivos dies identidem instituit, ac determinavit, ad hoc ut per sancta Religionis officia hinc diebus debitus cultus Deo impensus redderetur.

Porro similiter ac duo priora, hoc quoque Decalogi tertium præceptum, & adhi-

mat-

mativum est, seu præcipiens, & negativum seu prohibens. Prout enim præceptum hoc affirmativum est & præcipiens, iubet ut fideles diebus festis se exercent in sanctis operibus Religionis, ac pietatis; prout vero vetat servilia, quæ nos graviter distrahere possunt his diebus a divino cultu, & obsequio, ut vacare operibus arium, præcipue mechanicarum, negotiationi, foro, militiæ exercitiis, est negativum, & prohibens. Cum tamen potior locus sit hæc silius pertrahere in explanatione primi Ecclesiæ præcepti, quod præcipue circa negotium hoc versatur; idcirco illuc remittimus de his ex professo disserere, & omnia quæ ad festorum sanctificationem spectant ibi singillatim, & accuratius enucleare.

CAPUT IV.

De quarto Decalogi præcepto.

S. I.

De obligationibus Filiorum erga parentes.

Expecta a tribus prioribus Decalogi præceptis, quæ in prima Tabula nobis exhibentur, & Deum ipsi respiciunt, ac primum, præcipuumve charitatis officium, idest dilectionem, quæ erga Deum principaliter nobis iubetur; statim occurrit, ut septem sequentia Præcepta expendamus. Sicut enim priora ad Deum pertinent, ac ad eius amorem nos provocant, & ordinant; ita hæc posteriora spectant ad Proximum, nempe ad promovendam fovendamque mutuam cum ipso dilectionem. Et cum præcipuus auctor is debeat, qui maiorem nobiscum habent consensionem, quia esse, & vitam nobis communicarunt, ut genitores, & avi, vel quia ipsi sumus strictè coniuncti, vel quia sua nobis contulerunt beneficia ad vitam ipsam conservandam, vel virtutibus ornandam, quæ necessariae sunt ad tranquillam cum aliis hominibus conversationem transigendam, æternamque salutem consequendam: hinc primum præceptum, quod proximum, ac eius dilectionem respicit, principaliter versatur, ut nos instruat circa officia, quæ Superioribus a nobis exhibenda sunt. Imo ut sortius per reciproca officia ad hæc implenda quasi titulo etiam gratitudinis impellamur, revocantur ad hoc præceptum etiam quæ Superiores erga inferiores, & præcipue patres erga filios præstare debent; & ita ex eodem cit. cap. 20. Exodi expositum fuit in secunda Tabula hoc præ-

ceptum: *Honora patrem tuum, & matrem tuam, ut sis longævus super terram.* Nomine vero patris, ac Superioris recensentur non solum genitores, qui vitam nobis generando dederunt, sed Pastores quoque Ecclesiastici, qui vitam spirituales per eorum ministeria nobis contulere, qui Reipublicæ præsunt, suprema auctoritate, ut Reges, seu ii quibus imperium, aut Magistratus, aut Potestas ad publicum regimen commissa est; item qui legitimam habent in aliis iurisdictionem, quæcumque illa sit, ut viri in uxorem, domini in servos, heri in famulos, tutores in pupillos; qui profectioni sunt ætate, præsertim si probatæ sint viræ, cum hi quocumque aliquam superioritatem teneant, ut Leviticus 19. *Coram cano capite surge, & honorâ personam senis.* Sed tamen præceptum Decalogi sub nomine parentum de Superioribus omnibus iuxta doctrinam divinarum Scripturarum intelligendum sit, de illis tamen principaliter lex loquitur, qui naturaliter nos genuerunt, quibus ob vitam, quam ab eis accepimus, ob curam, labores, & sollicitudinem, quam erga nos impenderunt, non solum corporalia alimenta nobis providendo, ac ministrando, sed multo magis animam nobis excolendo religione, pietate, humana ac civili vivendi consuetudine, præcipue pietatis, & gratitudinis debito coniuncti sumus. Etenim propter honestam, piam, ac Christianam institutionem, & morum castigationem, quam a parentibus nostris accepimus, iidem debemus non solum quod homines sumus, sed quod nobilissimos est ac utilissimos, quod etiam sumus Christiani, idest in via æternæ salutis, ut habetur etiam in Catechismo Romano. Sub vocabulo honoris parentibus exhibendi cum eodem Catechismo unanimes consensu Doctores tria præcipue indicari, nempe reverentiam, amorem, & obedientiam, nam hæc tria continent præceptum naturale divinum de honorandis parentibus. Hicce tribus addunt nonnulli, & hoc non incongrue, sustentationem parentibus in eorum egestate reddendam, cum hoc implicite secundum unanimem Doctorem sententiam in ipso honore includatur, vel secundum alios reducit ad amorem, quo eosdem prosequi debemus. Hæc tria dicit ipsa ratio filios debere parentibus ob triplicem respectum ipsorum parentum ad filios, scilicet, causæ, præminentie, & segminis.

Tria vero prædicta, idest reverentia, amor, & obedientia sunt æque proprii virtutis, quæ vocatur pietas, quæ ut ipsius pars potentialis pertinet ad iusticiam, cui proprium

Superioris, qui nomine Patris recensetur.

Tria 6. gna honoris parentibus exhibenda.

prium est disponere animum nostrum, ut cuiusque sibi debita reddamus. Pietas hic non fimitur pro studio internæ devotionis, ac sinceri affectus erga Deum & proximum, ut sæpe sæpius usurpatur in divinis Scripturis, ut 1. Timoth. 4. *Exerce te ipsum ad pietatem*, sed accipitur pro speciali virtute, qua colimus parentes, utpote vitæ, ac educationis nostræ præcipuos post Deum auctores debita eis prosequendo reverentia, amore, & obedientia.

Adiuncta est huic præcepto filiis, ut hoc adimpleant, repromissio vitæ longævæ: *Ut sis longævus super terram*, quæ quidem promissio magnam habet rationem, & congruentiam: nam ita homines recipiunt a Deo quasi vice parentum fructum, & utilitatem, quam ex hoc opere querere possunt, nec valent sperare a parentibus, non solum quia ætate maiores brevi vitam morituri, sed multo magis, quia in Dei solius manu vita stat & mors. Hæc autem vitæ longitudo non promittitur omnibus absolute, & materialiter, idest pro vita præsentis præcise sumpta, cum promittatur iis duntaxat, quibus ad æternam salutem expediat, & iis, & aliis nomine vitæ, non ipsius tantum prolixitatem Deus pollicetur, sed otium simul, quietem, incolumitatem, quibus tranquille vivitur, quæ quidem omnia intermixtam calamitatis prolixioris vitam maxime superant. Est illis, luvinius.

Reverentia quam ex pietatis virtute parentibus vi huius præcepti retribuere debemus, patet ex verbo *Honora* in principio mandati posito, in quo clare ostenditur & quomodo esse debeat, & quæ eius obligatio. Etenim iuxta D. Th. parentes participant ob ratione principii & ob generationem, & ob educationem, disciplinam, omniaque alia, quæ spectant ad vitæ perfectionem; imo repræsentant Dei dignitatem, qui omnium est pater, ac ab ipso participant paternitatem. Hæc autem reverentia, quam mandatum hoc exigit, duplex est, interior scilicet, quæ consistit in positivo actu recognitionis superioritatis, benevolentie, æstimationis, & cuiusdam timoris filialis, ac in fuga vilipensionis, malevolentie, rancoris, contemptus interni, ac huiusmodi pravorum affectuum; & exterior, quæ consistit in signis, & officiis externis, quibus interioris animi sensus exponitur, v. g. ipsis assurgendo, famulando, honorifica de illis loquendo, &c. *Qui timet Dominum*, ait Ecclesiast. cap. 3. vers. 8. *honorat parentes, & quasi dominis serviet his qui se genuerunt*. Hinc lethaliter peccant

liberi qui verbo, gestu, aliove quovis exteriori signo gravem secundum Religionis, aut hominum æstimationem inferunt parentibus irreverentiam, ut si parentibus maledicant, eos spernant, irrideant, contumeliis afficiant, aliis deridendis præbeant, de iisdem detrahant, eorum admonitiones, consilia, minas contemnunt, & multo magis si in eorum conspectu hæc hant, ut eos ad notabilem provocent iracundiam, tanetsi ira non sequatur. Imo notant communiter Doctores quod ea quæ aliis illata levis essent iniuriæ, unde ob levitatem materiæ essent venialia, si parentibus inferantur ob circumstantiam personæ, quia iis post Deum singularis debetur reverentia, gravia evadunt, & fiunt mortalia, ut contigit in Cham filium Noe, qui ob illatam patri iniuriam, in se succque traxit maledictionem. In hoc igitur attente invigilent filii, quibus sint parentes præveniente, aut aliquo caliditate. Advertant denique honorem patri debitum non innici eisdem virtutibus, quas sæpe nullas habet, sed ipsis naturæ legibus, quæ necessario sunt servandæ. Graviter item peccant si eos percutiant etiam leviter, imo etiam si solum manus contra illos elevent, etiam sine animo percutiendi: nam hæc ratione personæ gravis iniuria, & irreverentia censetur, dummodo tamen indeliberatio non excusetur. Item qui in prospera fortunæ elevatione suæ obliiti nativitatis parentes ex contemptu agnoscere dedignantur, qui in foro externo accusant parentes gravi crimine, & contra eos testari vellent, quod vetitum est *Leg. parentibus eod. de testibus*. Excipitur tamen si crimen patris esset hæreses, quam pater esset disseminaturus, coniurationis, prodicionis in Principem, quod aliter impediri nequeat: nam post impensam a filio omnem operam pro malo avertendo ante criminis perpetrationem pater a filio accusandus est: bonum enim commune privato bono etiam patris est præferendum. Licet pariter filio opem iudicis implorare adversus patrem, qui filio alimenta denegat, & vel eundem a catholica Religione avertere conetur.

Præter reverentiam debent filii post Deum præcipuum amorem, & sincerum parentibus, idest eos pliusquam cæteris amare debent. Natura enim exigit, ut sincere, & plus aliis eos diligamus qui plura ac maioris momenti nobis contulere beneficia, vitam nobis impertiendo, ac alimenta ad ipsius conservationem: ex quo fit, ut speciali ratione Deum repræsentent veluti Creatorem, Con-

Reverentia quam ubet hoc præceptum du pice.

Peccata irreverentia filiorum erga Patres.

Præcipuum amorem, & sincerum debet filii Parentibus.

Conservatorem, ac munificum Proviforem. Quare si proximum quemque etiam inimicum amare debemus, quanto magis eos, qui tam propinqui sunt nobis, ut nemo propinquior eile poffit? Tenentur igitur filii velle parentibus fuis spirituale bonum, & temporale, & hoc eis fuppeditare in indigentis etiam communibus. Exigit etiam pietas, ut his impertiantur neceffaria ad vitam fecundum suum ftatum fufientandam, tametsi fua culpa in egestatem inciderint, & bona quæ filii poffident, ab iis non acceperint. Quovis enim modo parentes fubfidio filiorum indigeant, femper filii debitores funt parentibus vitæ, & confervationis, quas ab iisdem recipere *Leg. 1. & 2. cod. de alendis lib. ac parent.* Tenentur itidem fuccurrere parentibus in quavis alia neceffitate quoad honorem, famam, libertatem &c. defectus eorum abicondere, ac patienter ferre, ut Ecclesiasti. 3. *In opere, & sermone, & omni patientia honora patrem tuum.*

Peccata
filiorum
ob defe-
ctum a-
moris ex-
ga Paren-
tes.

Quare graviter peccant liberi etiam quando curam non habent ac folicitudinem de fpirituâli, & temporali parentum falute, ut ægros non invifent, negligant eos in carcere detentos liberare, non provideant eorum faluti, non curando celeriter ut Sacramentis, quando opus eft, muniantur, aliis fpirituâlibus juventur auxiliis, illorum teftamenta, & legata vel omittunt, vel differunt exequi, nihil cogitant ut eis defunctis facrificiis & precibus fubveniant, unde citius a Purgatorii poenis ad cœleſtem gloriam transferantur. Item qui de eorum adverſitatibus lætantur, dolent de eorum proſperis, infortunia eiſdem peroptant, ſeu quod deterius eſt, ipſam quoque mortem, qua ab eorum admonitionibus, vel a longa cura, ac ſolicitudine, quam pro ipſis impendere debent, liberentur, vel demum ut citius eorum fruantur hæreditate. Hæc odioſa circumſtantia aperienda eſt in confeſſione, ut pote quæ peculiarem habeat malitiam pietati oppoſitam: unde proſcripta fuit ab Innocent. XI. propoſitio quæ num. eſt 14. *Licitum eſt abſoluto deſiderio cupere mortem patris non quidem ut malum patris, ſed ut bonum cupientis, quia nimirum ei obvenitura eſt pinguis hæreditas.* Imo omnia alia, quæ facta erga extraneos, eſſent tantummodo contra charitatem, commiſſa contra parentes opponuntur etiam pietati: ex quo capite graviora redduntur, ac proinde cum tali circumſtantia aperienda ſunt in confeſſione, quia tunc peccatum duplicem habet malitiam ſpecie diverſam, contra charitatem nempe, & pietatem.

Inſtit. Theol. Moral. Tom. III.

Cum vero filii ſint ſub dominio, ac tutela patris, tenentur ex hac parte obedientiam præſtare parentibus, in iis omnibus in quibus parentibus ſubiiciuntur, id eſt in iis, quæ ſpectant ad domeſticam gubernationem, ac bonos mores: in iis enim filii ſubiiciuntur parentibus, ad quos pertinet familiam regere, & inſtituere in bonis moribus, & pluribus in locis divinæ Scripturæ hoc filiis præcipitur, & præcipue Coloff. 3. *Filii obedite parentibus per omnia: hoc enim placitum eſt in Domino.* Et Chriſtus Dominus inſigne in hoc præbuit exemplum, qui non ſolum obediens fuit æterno Patri uſque ad mortem, ſed & Mariæ, & Joſephæ tanquam parentibus ſubiectionem præſtitit & obedientiam, Lucæ 2. *Et erat ſubditus illis.* Et revera ſi ubi alter ius habeat imperandi, alium obſequi neceſſe ſit, filii plane debent obſequi parentibus, qui ius habent, ac poteſtatem illis imperandi, cum aliter ipſorum curam gerere nequeant. Dicitur in iis, in quibus parentibus ſubiiciuntur, id eſt i. in omnibus, quæ ſpectant ad bonos mores, ac ſpiritualem ſalutem, v. g. abſtinere a periculofis occaſionibus, & ludis vetitis, a nocturnis curſibus, a tabernis, a contractibus, qui uſuram, vel ſimoniam ſapiant, ab improborum ſocietate, ac familiaritate, a quolibet alio, quod illicitum ſit, vel periculoſum: item catecheſes & conciones ſacras, Eccleſiam, ac Sacramenta frequentare: 2. in iis, quæ ſpectant ad tuendam, conſervandamque pacem, & concordiam, bonam famam, honorem decuſque familiæ: ut eſſet, ſi pater, & eius loco mater, avus &c. præcipiant filiis ut tali hora maneant domi, vel domum ingrediantur, ut ſtudiis vel tali arti vacent, ut alias non addiſcant, ut nihil de familiæ bonis donec ac diſtribuant: & hoc generali præcepto vetitum cenſetur quidquid etiam expreſſe permiſſum non fuerit, niſi eſſet levioris momenti. Item ut filia literulas cuiuſcumque, ac munuſcula ſurtim non recipiat, ut maneat in Monafterio donec nubatur; & ſi domi moretur, ſola e domo non egrediatur, juvenes amaloſ non ſu non alloquatur: in hiſce omnibus eſt præſus obediendum, ita ut graviter peccent filii, ſi graviter in hiſce deſiciant, ſicuti graviter peccant, ſi parentibus inconſultis; vel contra eorum voluntatem uxorem ducant imparis gradus, vel aliqua infamia, ac dedecoris nota affectam, vel ſine iuſta cauſa ducere nolint quam ipſi parentes vellent ob ingens familiæ bonum.

Non ſubſunt tamen filii parentibus, idcir-

Quando
filius non
obedi-
tum Pa-
rentibus.

co inculpate se habent in iis eisdem non obsequendo, quæ adversantur præceptis, & consiliis Evangelicis, & in quibuldam circumstantiis, etiam quoad electionem proprii status, cum hic a divina vocatione pendeat. Unde ex primo capite non debent filii parere parentibus qui aliquid præcipiant, quod adversatur præceptis Dei, & Ecclesiæ, aut Evangelicis consiliis: nam oportet magis obedire Deo, quam hominibus, Actor. 5. v. g. si pater filio præcipiat duellum, vindictam, uturas, illicitos contractus, aliaque eiusdem generis; si prohibeat sine legitima causa ne Missam die festo audiat, ieiunia Ecclesiæ non observet, non frequentet Sacramenta, aliaque pietatis opera &c. ideoque inculpate potest filius patrem non audire, qui eum provocat ad prophana spectacula, ad ludum ac ad alia omnia, quæ possunt esse occasio, & periculum peccati. Et sic etiam filia, si mater ei præcipiat comedias, spectacula, choræas, peñoris nuditatem, vanos amores vel conversationes cum juvenibus, aliaque hominibus, quæ omnia vel culpam habent, vel culpæ sunt proximæ occasiones. Item si ei præciperet nubere cum viro improbo, vel indole parum commoda.

In quo
fili non
subdan-
tar Pa-
rentibus.

Filii non omnimode subduntur patri in ordine ad amplectendum civilem artem, vel professionem secundum propriam indolem, ita ut si pater non indigeat opera filii, potest hic discedere a paterna domo, ut aliunde artem addicat, scientiam, vel professionem, ad quam naturali instinctu inclinetur, & in qua multo magis proficiet quam in aliis quæ ipsi sunt invisæ, dummodo tamen aliud vitæ genus quod eligat sit statui suo, seu nativæ conditioni consentaneum, petita prius quidem a patre licentia, quam ei pater denegare non potest, ut in *Leg. ult. ex us §. de liber.*

Circa vero electionem status sive Clericalis, sive Religiosi, sive Matrimonii, certum est quod cum hic pendeat primario a divina vocatione, licet filii petere debeant a parentibus consilium, & consensum, non vero sequi, nisi divinæ consonet vocationi, parentes nec directe, nec indirecte impedire possunt filiis cuiuslibet horum electionem, & multo minus eos cogere, ut quemvis illorum statum sive Clericatus, sive Religionis, sive Matrimonii contra propriam voluntatem amplectantur, quia non hominis est, sed Dei vocare hominem quocumque voluerit, qui etiam dat gratiam, seu auxilium opportunum ut quisque digne ambulet vo-

catione qua vocatus est: quo dono cum crearet coacta electio, gravia idcirco sequuntur incommoda, ut odia, discordiæ, adulteria in matrimonio, sacrilegia, ac scandala in Clericatu, rædia, furores, desperationes, apostasie in Monasteriis. Hinc pie, ac sapienter sacra Trid. Synodus sess. 25. de Regular. cap. 18. anathemate percussit non solum parentes, verum alios etiam quoscumque, qui quovis modo operam suam dederint ad cogendam virginem, vel viduam, ut in Monasterio monasticum statum proficteatur: & quod dicitur de sœminis, de viris quoque est intelligendum. Verum sicuti non possunt parentes cogere filios ad hunc vel illum statum eligendum, sic nec possunt sine iusta causa eos a statu, quem elegerint, removere. Nam si a statu Religioso, vel Clericali eos retrahant, a meliori proposito eos amoveant, nempe a via quam Deus eis statuit pro æterna illorum salute. Si vero retrahant a matrimonio, eos exponere possunt innumerabili peccatorum periculo, non considerantes illud Apostoli; *Melius est habere quam uri.* Dixi sine causa, quia non solum possunt, imo debent impedire parentes ne filius ineptus Clericali statum amplectatur, vel Religionem ingrediat, in qua collapsa sit regularis disciplina absque eo quod certa spes affulgeat, ut brevi restituatur; sicuti etiam differre possunt consensum, ut filii experiantur vocationem, nempe si ex sincero ac serventi animo Deo in Clericali statu, vel Religioso inserviendi, aut ex juvenili, vel inconstanti voluntate ad huiusmodi eligendam conditionem inducantur.

Cæterum si filius vere constat de divina vocatione, non tenentur, nec possunt obsequi parentibus, qui eos retrahere conentur, cum plus Deus quam parentes amandus sit, & audiendus. Verum quidem est quod si parentes extreme, vel etiam solum graviter indigeant, nec alius addit qui possit ac vellet eis succurrere, tenetur filius committere Religionis ingressum, quia hoc est solummodo consilium, & subvenire parentibus, quia hoc est præceptum naturale, & divinum. Imo tunc Religio respectu huius filii cessat esse opus consilii iuxta illud Matthæi 23. ubi Christus exprobrabat Phariseis quod suaderent impendere in divinum cultum eroganda parentibus: & hoc intelligendum licet parentum necessitas non sit præsens, sed solum probabiliter futura credatur, & talis quam filius prævenire, & avertere possit. Imo si filius non obstante hac parentum ne-

cess-

cessitate Religionem ingrederetur, valide quidem, sed illicite prosteretur, ac teneretur egredi, ac sui voti executionem suspendere, quando egrediendo tali parentis necessitati subvenire posset etiam repugnantibus Superioribus, a quibus licentiam egrediendi petere deberet, quia debitum iuvandi parentes professionem præcessit, & Superior in tali calu esset irrationabiliter invitus, quia Religio non destruit, imo ex se perficere habet pietatem. Ita Sylv.

Quatuor conditiones exigit P. Henno, ut filius pro parentum necessitate a Religionis ingressu abstineat. 1. Ne filius remanens in sæculo sit in proxima peccandi occasione, cum proptia æterna salus præferenda sit corporali parentum salutis, cum aliis spiritualibus modis non valeat filius suam spirituales ruinam avertere. 2. Ut desint alii, qui possint, ac velint subvenire parentibus talis filii, ut ipse Religionem ingrediatur. 3. Ut vere subsit spes reipsa subveniendi parentibus. 4. Ut susceptio Religionis revera hanc subventionem impediat. Nam si etiam in Religione mediante Superiorum licentia, aliorumque piorum, æque ac in sæculo subvenire posset, talis parentum egestas ei non impediret Religionis ingressum.

Talis tamen Religiosus e Religione egredi ad subveniendos parentes coactus habitum suæ Religionis gestare debet, sicuti etiam Regulas quantum circumstantiæ permittunt, observare; cum non desinat esse Religiosus, & ubi primum cesset ratio sui egressus e Religione, ad Monasterium redeat. Si vero talis egestas superveniat parentibus postquam filius professus est Religionem, & sit tantum necessitas gravis, & non extrema; egredi nequit e Religione, ut ipsis subveniat, nisi obtemperat Superiorum licentia, quia Religiosus per professionem traditus est Religionis potestati, & sui Superioris, unde alteri concedi nequit etiam quoad usum citra necessitatem extremam. Sic S. Th. S. Antonin. alique. In extrema vero, etiam non obtemperat Superiorum licentia, ut antea dixi, egredi potest, & debet.

Nec dici potest parentes per suum consensum datum filio ingreduendi Religionem, ac in ea persistendi cessisse iuri suo in filium, ac proinde cessare debitum filii erga illos; nam sicut pater non potest sibi mortem inferre, sic non potest cedere iuri quod habet, ut in extrema necessitate subveniatur a filio, quando a nemine alio subveniri queat.

Denique, quia filii, ut antea notavimus, tenentur obsequi & colere parentes, non tantum ex charitate, qua amor erga ipsos præcipitur, sed etiam ex pietate, quæ est virtus inclinans ad officia, sedulorumque cultum retribuendum sanguine coniunctis, & patriæ iuxta D. Thom. 2. 2. q. 101. art. 1. hinc contra virtutem hanc delinquant etiam graviter filii, quando agunt aliquid, vel omittunt, quo (licet ipsis vetitum illud non fuerit) prævident tamen genitores valde contristandos, vel offendendos, vel provocandos ad iram, ita ut peccaturi sint furoribus, blasphemis, quia sine iusto & gravi motivo eis prævisam occasionem præbent tantorum malorum; idcirco tenentur sub mortali ab huiusmodi actione, vel omissione abstinere; imo satis est si dubitent an actio vel omissio eis allatura sit gravem displicentiam, ut cavere debeant, cum in tali casu dubio plenum ius habeant genitores ne ab illis sine iusta ratione contristentur. Quod si filiis insit rationabile motivum ita se gerendi, vel notabilis damni vitandi, vel magnæ utilitatis arripientiæ gratia, & parentum conturbatio oriatur ex ipsorum asperitate, apprehensione, austeritate, hypocondria, sive alia animi commotione, non peccabunt filii illud agendo, vel omittendo; cum æquum non sit filios grave nocumentum subire, vel notabilis utilitate privari, ut difficili ac imbecilli genitorum animo indulgeant.

Circa dominium vero filiorum in quibusdam bonis castrensibus nempe vel quasi castrensibus, & circa contractus, quos cum genitoribus inire possint iam actum est ubi de Dominio.

Nota 1. quod eadem ferme ratio filiorum erga genitores currit etiam in nepotibus respectu avi, proavi, & cuiuslibet ascendentis, ut non secus ac filii patribus, nepotes quoque avis, proavis, aliisque ascendentibus eadem officia amoris, reverentiæ, obedienciæ, pietatis præstare teneantur; cum hi omnes se habeant respectu nepotum tanquam patres. Sic Antoine cum de Lugo.

Nota 2. quod quæ dicta sunt de filiis legitimis quoad debita officia exercenda erga suos genitores, hoc intelligendum est quoque de filiis illegitimis non solum quoad parentes qui eos genuerunt, sed etiam quoad avos, proavos, cæterosque ascendentes: quia cum illegitimi quoque sint vere filii, idcirco eisdem obligationibus obnoxii sunt æque ac legitimi respectu non solum suorum genitorum, sed horum quoque ascen-

Debitum
nepotum
erga a-
vum &c.

denarium, cum in præfenti vere patres censeantur non ita tantum, a quibus immediate, sed et etiam a quibus mediate duximus originem, ut sunt avi, proavi &c. Sic Tournell. cum de Lugo & alius.

In necessitate Patrum uxoris filiorum cui potest fieri succus, secundum

In hoc proposito vertitur quæstio inter Theologos, dum genitores, filii vel uxorin æquali extrema versantur necessitate, cuiusnam horum teneatur filius potius subvenire, cum satis non sit ut omnibus simul subsidium præstet. Sustinent non pauci in concursu necessitatis genitorum & filii filium anteponendum esse genitoribus. Maior tamen ac sanior pars cum S. Thom. 2. 2. q. 26. art. 9. ad 3. Magistr. Sentent. in 3. dist. 29. & Abulensi probabilis docent ac propugnant potius genitoribus quam filiis in tali necessitate subveniendum esse; & ita sentiunt non pauci Iuristæ. Et ratio est quia antiquius & excellentius est debitum erga parentes, utpote qui post Deum sint nobis causa & principium existendi, cum post Deum, & esse & vitam a genitoribus acceptam agnoscamus; unde æquitas exigit ut in extrema necessitate ab interitu eos ante omnes alios liberando ipsis velut vicem rependamus; ac ideo prius & potius patri quam matri, quia pater priorem & excellentiorem principii locum arque ordinem obtinet quam mater, sicuti notatur S. P. Hieronymus cap. 44. Ezechielis, S. Thomas 2. 2. q. 26. art. 20. Quare filius ob easdem rationes in extrema necessitate tenetur subvenire patri potius & matri quam propriæ uxori. Sic communiter cum S. Thoma loco cit. art. 9. & Magistr. Sentent. in 3. dist. 29. Imo potius quam uxori tenetur in extrema necessitate succurrere propriis filiis, quia porior est coniunctio parentum ad filios tanquam aliquid sui existentes.

Extra vero extremam necessitatem debet filius (dicunt passim DD. contra aliquos, & meo videri probabilius) potius quam parentibus & filiis propriæ uxori subsidium præbere; eo quod manens cum uxore sit una caro, scilicet veluti unum ac idem compositum, ita ut non secus ac quilibet sollicitus esse debet prius ad sui ipsius quam ad aliorum conservationem; ita pro conservatione propriæ uxoris, quæ ratione vinculi matrimonii facta est cum ipso veluti unum & idem corpus, ut Genes. 2. *Relinquet homo patrem suum, & matrem, & adheret uxori suæ, & erunt duo in carne una.* Et Ephesior. 5. *Vir diligat uxorem tanquam corpus suum.* In necessitate tamen communi filius tenetur potius quam parentibus proli suæ

subvenire, quia proles est sub cura parentum, & ab illis etiam extra extremam & gravem necessitatem iure postulat alimentum, non item parentes: 2. enim Corinth. 12. ita habetur: *Non enim debent filii parentibus thesaurizare, sed parentes filiis.*

S. II.

De obligationibus parentum erga filios.

Si unusquisque plura officia ex lege charitatis cuicumque proximo pro incolumitate vitæ illius, fortunarum & famæ, quando necessitas id exigit, præstare tenetur, quanto magis hæc obligatio non urgebit parentes erga proprios filios, quibus, cum per generationem esse dederint, hoc illis iuxta propriam conditionem conservare tenentur, eis providendo non solum necessaria ad vitam corporalem, sed ad civilem etiam & spirituales? Et cum ad hæc exequenda valde conferat amor; hinc ante omnia genitores debent filiis suis dilectionem, alimentum, postea educationem tam civilem quam spirituales; & hæc duo posteriora complectuntur curam, quæ genitoribus erga suum prolem naturaliter incumbit. Et 1. quoad dilectionem, quam filiis suis debent genitores, nihil profecto hac obligatione clarius patet. Nam si ob similitudinem naturæ naturalis insitit inclinamur ad diligendos alios homines, & ob vinculum fraternitatis, quod vicissim habemus ratione finis, ad quem conditi sumus, tenemur ex lege charitatis ad mutuam dilectionem, quanto magis trahi non debent genitores ad amorem suæ prolis, quæ ut ab ipsis procreata, est veluti eorum pars, non secus ac rami arboris, palmæ vitis, ac proinde sicuti multa plus quam quilibet alius, illis est coniuncta ac proximior, sic fortiori ac tenior affectu amabilis? Quare tenentur parentes filiis suis bene velle affectu, & opere, removendo ab eis quantum fieri potest mala animæ & corporis. Hinc graviter delinquent parentes si filios odio prosequantur, si malum illis optent, ac si contra illos ferant imprecationes, maledictiones, si nimis asperere in illos agant, verberent, affligant sine iusta causa, si domi indigent, eis non succurrant, &c. Sed de his specialiter infra. Strictiori enim titulo tenentur genitores filiis quam filii genitoribus, cum ex ipso naturæ instinctu, ut cernitur in brutis ipsis, vi maiori inclinet natura genitores erga filios quam hocce erga genitores. Hinc advertit Recentior quidam non haberi in

in Decalogo speciale præceptum pro genitoribus erga filios.

Verum quia parentum incipiunt obligationes erga filios ab ipsa eorum conceptione, hinc rei fierent gravis culpæ (ut alias melius videbimus) si tempore menstruarum purgationis a coniugali usu non se abstineant ob periculum gravis damni prolis concipiendæ, cum naturam incertæ valetudinis fortiantur ex medicorum iudicio qui tali tempore concipiuntur; item si cum uxoribus prægnantibus molestæ se gerant eas affligendo, contristando, ac peius etiam, si eas percutiant, vel alio gravi modo eas cruciant, non sine gravi conceptæ prolis periculo. Matres pariter graviter delinquant, si dum sunt prægnantes gravia gerant onera, immoderate laborent, currant, saltent, bibant vel comedant nociva non sine gravi temporalis ac perpetuæ infantium salutis periculo. Item peccant parentes, & graviter, qui edita in lucem prole omittunt eius necessariam, sedulamque curam, ita ut si opus sit nutrice, non illam provident sanam, morigeram ac diligentem: nam sæpe contingit quod defectus tam physici quam morales una cum lacte in infantibus transfundantur, physici certius mortalibus, morales plerumque: hinc matres valde reprehensibiles sunt, nec immunes a culpa, quæ dum lacte sunt provisæ, ob quamdam molliem, qua incommoda matrimonii ferre abhorrent, non alunt proprio lacte, sicuti tenentur, suam prolem, sed aliis ablattandam tradunt. Peccant item graviter, si quatenus moraliter fieri potest, non cavent ne quid filijs, præsertim dum parvuli sunt, & quasi lactentes, eveniat mali, puta ne lusi, claudi, vel aliter deformes fiant, ne sibi nimio ploratu noceant, ne cadant in ignem, vel aquam, ne ab aliqua belva, quandoque etiam domesticæ vorentur, vel in membris offendantur. Peccant itidem mortaliter, si teneant secum in lecto ob periculum quod possint eos opprimere, vel alio modo suffocari, sicuti non raro contingit. Hinc tale peccatum in aliquibus Diocesisbus est reservatum, & aliquibus in locis transgressores subiiciuntur etiam publicæ poenitentiae, ut refert hic Tourneleius de Cœnonibus. Quare expectare non debent quod contingat oppressio, ut se in confessione accusent, sed quandoque hoc faciant, debent confiteri, quia ex ratione ipsa facti semper adest grave periculum. Quod si huiusmodi inconvenientiæ causa sit parentum paupertas, ut parare nequeant lectulum parvulis ubi eos extra

proprium lectum reponant, solliciti sint Pafores ut propriis vel aliorum elemosynis huic necessitati provideatur, unde a tanto periculo infantuli subtrahantur.

Præter amorem, cura qua onerantur genitores erga suam prolem, exigit ut alimenta eis præstet, ut convenienter eos alant & sustentent. Huiusmodi debitum incumbit parentibus tum ex iure canonico cap. *Si quis* dist. 30. ubi anathematizantur qui dereliquerint proprios filios, & eos non alnerint, tum ex iure civili l. *Si quis a liberis ff. de agnoscend. & alend. liber.* tum ex iure naturali, quamdiu liberi sibi ipsis res necessarias pro sua sustentatione providere non possunt; quia, ut antea notavi, cum parentes per generationem esse filiis dederint, illud quoque eis convenienter conservare debent, & ad suam perfectionem ac debitum statum vitæ perducere; hinc ut notat P. Antoine cum S. Basilio in psalm. 7. ipsa naturæ ordinata propensio satis indicat parentes ministros esse divinæ providentiæ erga suos liberos. Nomine vero alimentorum & sustentationis intelliguntur necessaria ad vitium, vestitum, habitationem, medicinam, &c. quæ omnia providere tenentur genitores suis filiis eo meliori modo quo moraliter possunt, donec pervenerint ad convenientem ætatem, in qua per lucra convenientia ea sibi comparare seu providere valeant; hæc enim per se debita sunt filiis; per accidens vero usque ad finem vitæ, si aliquo legitimo obice impediti sibi providere non possint; in quo casu & in aliis, quando filii non essent in bonis unde suppleri possit, tenentur genitores pro filiis etiam post mortem ad congruentes funeris expensas & preces defunctorum pro eorum requie. Et circa hoc duo notanda sunt 1. nempe non teneri patrem alimenta dare filio, si huic sufficientia bona suppetant, aut artem teneat non sibi indecoram, aut officio provivus sit, unde congruum sustentationem percipere queat; 2. si filius ab aliquo alio gratis alatur, non tenetur pater in foro conscientie compensare filium pro alimentis ab alio sibi tributis; quia pater debet filio alimenta, non vero pretium alimentorum, quando filius habuit aliunde unde viveret. In foro tamen externo posset filius ad talem compensationem patrem per iudicem compellere, præcipue si qui tribuit alimenta filio, voluit tali medio filium beneficiare, non patrem. Quare statutum fuit iure civili ne patres faciles sint ad relinquendos filios aliorum sustentationi. Cæterum si filius ut vi-

veret, debita contraxerit, hæc solvenda essent a patre, utpote quæ contracta fuerint nomine patris, quem supponimus filio alimentum debere.

Observandum quoad alimenta filiorum, quod primo triennio tenetur mater alere filios. Si mater autem lae nequeat præbere filio, quia careat lacte tenetur pater suis expensis nutricem conducere. Si vero mater possit lactare seu alere per semetipsam, alere tenetur, aut suis expensis nutricem conducere. Sic Azorius cum aliis. Post triennium tenetur pater suam prolem alere, donec ex arte, vel officio acquirere valeat unde sustentetur ex l. 9. cod. de patris potest. Quod si pater ex inopia nequeat, tenetur mater, ut ex l. si quis a liberis ff. de liber. agnoscend. §. Utrum. In defectum patris & matris, si videlicet pauperes sint, aut e vita decesserint, vel mater superster, & eos enutrire sufficiens transierit ad secundas nuptias, licet hic addat Gobat ulum præsentium temporum esse contrarium, tenetur alere filios avus, proavus, vel alii ascendentes l. §. 5. de liber. agnoscend. Deficiente autem & matre & avo, alique ascendentes paternis tenentur filios alere avus, alique ascendentes materni l. penult. ff. de filiis agnoscend. Laym. Alimenta tenetur pater ministrare filio, quem Princeps proferipit, idest in exilium egerit, aut Ecclesia excommunicaverit; quia neutra harum potestatum debitum naturalis iuris perdere seu solvere potest. Imo alimenta ministrare debet pater filio quoque dissipanti, puta in ludis &c. alimenta sibi tradita, etiam si potuerit ea sibi providere, & non fecerit, quia hæc non obstantibus filius non desinit esse filius, ac ideo perdurat in patre iure naturæ onus necessariam sustentationem eidem ministrandi. Hic notandum cum Tourneleio nomine filiorum venire etiam filiorum uxores. Pater enim tenetur non solum alimenta filiis suis præbere, sed eos quoque adjuvare in sustinendis oneribus, quæ ipsis incumbunt, inter quæ illud est quod filius uxorem suam aliat.

Debitum
Parentum
pro
filiorum
educatio-
ne.

Præter ministrationem alimentorum, quæ parentes omni iure filiis suis debent, tenentur insuper sollicitè incumbere eorum educationi tam civili quam spiritali. Unde curare debent penitiores ut filii artem opificumque addiscant, vel officio alicui se applicent proprio cuiusque status congruo, eisque procurare tenentur statum convenientem suæ conditioni, unde honeste vivere possint, vel congruas opes eisdem præpa-

rare: Non debet enim filii parentibus thesaurizare, sed parentes filius. 2. Corinthior. 12. Cavendum his tamen ne hoc faciant cum latione iustitiæ circa alterius bona, vel misericordiæ erga pauperes, sed ad agant cum filiorum utilitate sine præiudicio propriæ conscientie.

Hinc graviter plus minusve delinquant parentes, qui proprios liberos, dum parvuli sunt, quatenus eorum ætas exigit, non custodiant: qui vel ut sumptibus parcant, vel ut maior eis suppetat rerum copia, vel ut suis vitiis magis indulgeant, infantes suos exponunt hospitali, non sine tamen obligatione plium locum compendandi tametsi illegitimi sint qui mittuntur ad occultandum, & ad tollendum scandalum, quia, ut docet S. Antoninus, tenentur si possint, licet cum aliquo gravamine, propriis expensis eorum sustentationi providere. Quare advertit hic Pontalius verb. *Requit*. multo magis teneri ad restitutionem, & gravissimum peccatum committere, si citra extremam aut vere gravem necessitatem hospitali exponant filios legitimos. Verum sive exponatur proles pio loco ad crimen occultandum, sive causa paupertatis, observare debent locum, tempus, ac alias circumstantias, quin & signo aliquo eam notare, ut eam agnosceat possit ut eius institutioni provideat, si pinguior fortuna in posterum eis obtigerit. Graviter item peccant parentes, si rem, bonaque familiaria non curent, si eadem bona in ludis, comessationibus, computationibus, aliisque indignis modis dilapident, si eadem bona dissipent, vel saltem mediocriter solliciti non sint ad acquirenda, & conservanda bona necessaria, ut liberos honeste secundum propriam conditionem collocare valeant, filias dotare, & eis congruam hæreditatem relinquere; quia non tantum præsentibus, sed futuris etiam filiorum necessitatibus providere tenentur. Hinc tenentur insuper pater relinquere filiis portionem legitimam ex hæreditate, quæ iure casareo est tertia seu triens vel semissis bonorum pars dividenda inter filios, & filias, posito quod de reliquo hæreditatis aliter disposuerit, quia alioquin tota hæreditas inter liberos partienda est. Dicta legitima non potest pater filios private, nisi ob causas, quas assignabimus infra. Hinc graviter peccant contra curam propriæ proles, qui orbari prima uxore, dum ad secundas nuptias transeunt, conficiunt falsa inventaria, ut occultatione suæ facultatis filios primi coniugii iusta suæ portionis legitimam defraudent. Item qui bo-

Peccata
parentum
circa cu-
ram fi-
liorum.

na

na sua in pias profundentes fundationes, & legata, suis liberis honeste seu decenter providere non valent.

Non secus ac debitum relinquendi legitimam pueris, incumbit genitoribus ex iure pariter naturali competentem dotem dare filiabus, quando nubere velint, cum dos loco habeat alimentorum, quæ pater iure naturæ debet suæ proli. Et quidquid sit nunc alicubi in foro externo teneatur dotem dare filiae quæ sine suo consensu nupsit minor 25. annis; secundum tamen Bonacinam, cuius sententiæ quæ mihi videtur probabilior ob indulgentiam debitam fragilitati sexus & imperitiæ ætatis puellæ minoris 25. annorum, adherendum ex illo in foro conscientie, tenetur pater dotare filiam, quæ in tali minori ætate nubat ipso invito, aut nubat indigno, ei scilicet, cui ob depravatos eius mores, aut vitiatum generis vel bonorum disparitatem non nisi indecore nubere possit. Quod de dote nuptiali dictum est, intelligendum etiam de dote ad ingressum Religionis. Sic Pontas V. dos cal. 6. citatus hic a Tourneleio.

Cæterum dantur aliqui casus, in quibus iusta adeo ratio, ut parentes iuste exheredare possint filios, filiaque dote privare; quæ iusta causa in testamento a genitore exheredante exprimenda est, nempe ob gravem culpam, ingratitude vel contra ipsos genitores admissam, vel dilapidationem bonorum familiæ, vel vitam luxuriosam filiae, quia tunc huiusmodi poena digni sunt.

Quando autem pater bona dissipavit cum iactura legitimæ filii debita, nisi hoc animo dissipaverit ut illos legitima privaret, non poterit filius integram legitimam petere, quæ sibi contingere deberet. Si filii cedant patri petenti, propriam legitimam, & dotem, & tempore suæ mortis acquirere bona sufficientia, poterunt filii & filiae petere quod cesserunt, quia prudenter censetur cessisse hac conditione, nisi bona existerint. Quando filiae accepta dote Matrimonium ineunt, & cessionem faciunt cuiusque iuris ad bona paterna &c. si hanc cessionem faciunt inductæ fraude, vi, dolo, importunis precibus, poterunt a tali cessionem relaxationem seu rescissionem petere. Imo etiam si talem cessionem libere, & nulla interveniente fraude, vi, dolo, &c. fecerint cum proprio, filiorumque præiudicio, adhuc a iure irrita ac nulla declaratur. Verum super hoc consulendæ, & attendendæ sunt municipales leges, peculiarique con-

suetudines locorum. Hæcenus sic Cuniatus.

Parentes tandem præter sustentationem & educationem civilem, de quibus hæcenus, tenentur educare filios in vita spiritali & Christiana. Et hæc est urgentissima obligatio quæ ipsis incumbit, ut Ephesior. 6. *Educate illos in disciplina & correctione Domini, & Eccles. 7. Filii tibi sunt; erudi illos.* Quod cum tribus modis fieri possit, ut huic gravissimo oneri plene, digneque satisficiant, tria præstare tenentur. 1. nempe eos sollicitè per se vel per alios edocere necessaria ad æternam salutem, vitamque Christianam agendam; 2. non solum verbis, sed etiam exemplo ad morum sanctitatem perducere; 3. delinquentes corrigere obiurgando, & cum oportet, moderate puniendo, Proverb. 23. *Noli subtrahere a pueri disciplinam.* Quoad primum tenentur parentes sedulo curare vel per semetipsos vel per alios idoneos ac probos instructores, ut pueruli statim ac fieri possent, mysteriis Fidei imbuantur, discant Orationem Dominicam, Salutationem Angelicam, Symbolum Apostolorum, præcepta Dei & Ecclesiæ, & sæpe experiri debent an illa didicerint & memoriæ commendent. Item, ut iuxta eorum ætatem, & captum instruantur de necessariis, & requisitis ad Sacramenta digne ac fructuose recipienda; & ubi prior rationis radius eis affluerit, studere ut ad Deum per amorem se convertant, accurate satagendo ut cum Fidei rudimentis instructio adiungatur de æendis, ut sollicitè Ecclesiis frequentent & Sacramenta, ut Catechesibus intersint & concionibus. Invisitare pariter debent ut a vitiis ætati correspondentibus deterreantur; item sollicitè curare ut longe stent a familiaritate ac conversatione cum sodalibus discoloris & scandalosis; nam huiusmodi consortia iuvenum mentes inficiunt & depravant iuxta illud psalm. 17. *Cum sancto sanctus eris, & cum perverso perversus.* Tandem tenentur eos instruere Christianis documentis circa peccata vitanda, eorumque occasiones fugiendas, virtutesque Christianas exercendas, operaque pietatis excolenda; ipsique infundere timorem & amorem erga Deum, devotionem erga Deiparam & Sanctos, ac horrorem peccati lethalis. Tenentur ad specialem erga filias custodiam, & quam maxime invisitare ne in verecunde se ornent, ne vanam pulchritudinem affecerint, ne senectutis exponant, ne amicitias cum personis alterius sexus ineant, ne sine iusta ac urgenti ratione in

De debi.
to facien.
tum pro
Christia.
na filio.
rum edu.
catione.

Causa
exherede.
dandi fi.
lios.

pu-

publicum exeant, sed insistere ut bonestatem, puritatem, modestiam, aliasque virtutes virginitatibus, & virginibus præcipue convenientibus colant. Et si parentes circa hæc omnia notabiliter desint, procul dubio in gravem culpam incidunt, utpote qui deficiant in obligatione, quæ gravissime illos obstringit.

Item:
plum pa-
rentum
in filio.
cum edu-
catione.

Verum nihil proderunt filiis parentum instructiones, monita, documenta, quando hæc non firmentur bono eorum exemplo: nam si filii videant suos parentes aliter agere ac ipsos docent, vitiaque sequi quæ in eis reprehendunt, nemo non videt quod sine magno divinæ providentiæ miraculo, documenta, admonitiones parentum nullius sunt roboris, ut filiorum animos ad vitiorum fugam, ad bonestatem, pietatemque in suis moribus inducant; quia cum longe plusquam verba efficaciora sint opera, ut animos ad obsequendum moveant & trahant, sine ullo profectu evanescunt parentum documenta, quando eorum facta aliter doceant. Hinc S. P. Hieronymus epist. 7. ad Lætam de filiarum institutione ita eam admonet: *Nihil in te, & in patre tuo videat, quod si feceris, peccet. Memento te vos parentes virginis, magis tam exemplo doceri posse quam voce.* Genitores igitur quot gravissimis scandalis onerantur, qui se videri aut audiri a filiis & filiabus non horrent sanctarum legum transgressores.

Quare facile colligi potest quibus quantisque modis graviter delinquant parentes, qui præsentibus suis liberis veneranda nomina Dei, Christi, Crucis, Evangeliorum, Mariæ ac aliorum Sanctorum aut blasphemando contemnunt, aut in iuramentis indigne usurpant; qui obscænis verbis, maledictionibus, oblocutionibus in proximum, aliisque depravatis modis sæpe sæpius abutuntur; qui aut continuis oblectationibus, ludis, ebrietatibus dediti, aut familiaritati seminarum adisti, aut famulatu alius cuius coniugatae mancipati, propriæ uxoris custodia alteri relicta, non sine gravi propriæ conscientie, rei familiaris, & spiritualis ac civilis filiorum disciplinæ ruina tempus turgent; quomodo enim huiusmodi adeo prava vivendi ratione parentum non poterunt quam maxime scandalizari filii, ac ipsi eos non imitari cum gravissima morum suorum corruptela? Nec minus Christianæ filiorum educationi nocent hoc pravo genere agendi illi quoque, qui avaritiæ, vel ambitioni dediti, in omni eorum sermone nil aliud distant nisi quod parat viam ad congeren-

das, augendasque fortunas, & media omnia ut plurimum illicita fingerunt eas acquirendi; qui fere semper non loquuntur nisi de excellentioribus nobilitatis gradibus, de artificibus adhibendis ut ad ipsorum consecutionem perveniant, etiam cum charitatis & æquitatis offensione; quando petrarum, vel fere nunquam sermonem insuntunt de his quæ spectant ad vitam Christianam seu ad divinarum legum observantiam, ad exercitium virtutum, idest de via ac mediis perveniendi ad spirituales animæ salutem, ad æternæ vitæ consecutionem; ita ut live operentur, live loquantur huiusmodi genitores, non præbent filiis nisi scandala, quæ sibi, & filiis ædificant perpetuum ruinam & perditionem. Quid dicam de propriis scandalis matrum respectu filiarum? Heu quot gravissima peccata ab his committuntur, non aliud quædam harum inquirentes inestanter quam solatia, ita ut tota die de uno in aliud transeundo, tempus omne otiose perdunt, colentes amicitias cum extraneis viris, cum quibus familiariter conversantur, solæque ipsi associantur non secus ac cum coniuge, libere quocunque velint proficiscuntur, & posthabita Christiana reverentia, mediis honestati repugnantibus se ornant, velleque componunt, nec aliud cogitant, aut loquuntur, nisi ut amatoribus suis venustiores videantur, novosque sibi cultores attrahant. O sæculi nostri mores corruptissimi! quos filii & filiae didicerunt a suis genitoribus, ut ipsi eosdem traducant in filios & nepotes. Væ huiusmodi genitoribus, sed multo plus (ait P. Fulgentius) væ genitorum Confessoribus, qui si in doctrina morum, & Sacramentorum administratione essent labii unius & sermonum eorumdem, magna profecto ex parte eliminaretur corruptio, & fideiis populi mores componerentur, si quod reprehensum ab uno experiantur, non invenerint dissimulatum ab altero, & dilatum ab uno abolitionem, non reperirent ultionem, & irrationabiliter impertitam ab alio. Sed de his antea iam actum est, & denovo sermo habebitur, ubi ex professo de obligationibus Confessarii suis differetur.

Non solum tamen attendere debent genitores ne malo exemplo suam prolem offendant, sed ne etiam coniugalibus familiaritatibus mutuorum amplexuum, aliisque buisulce generis eos edoceant quæ castæ ipsorum innocentie graviter adversantur. Idcirco cavendum ne pueri in paterno lecto quiescant. Satiis enim est (ait Tournelleus)

ut

ut durius subeant cubile, quam ut a teneris unguis discant quæ ignorare licitum, scire nefas est. Ob eandem rationem nunquam patiendum ut frater cum forore recumbat, cum ex hoc multa, graviaque mala germinetur. Idcirco ubi hoc ob inopiam fieri contingat, curet prudens, liberalique Pastor seu Confessarius hoc malum avertere, dando genitoribus unde lectulum provideant. Verum satis non est quod parentes modo suo agendi morum corruptelas in filios suos non inducant, quando non custodiant eos a scandalis, quæ forinsecus ex pravis aliorum consuetudinibus ipsis præbentur; hinc non solum eis interdicare debent consortia cum parum morigeris sodalibus, sed præcipue propicere debent quando curam, instructionemque suorum filiorum alicui committunt, num pedagogus vir sit qui sciat, & ut par est, assuecat munere suo fungi, & tali præditus sit agendi honestate, ut sperari possit quod non contaminentur ejus moribus, cui instituendi concrediti sunt.

Parentes tandem ut suum officium impleant pro spirituali filiorum educatione, & hæc est tertia eorum obligatio, necesse est ut eorundem filiorum instructioni & monitis opportuna correptionem iungant, qua fatagant ut eorum vitia emendentur, & ad opera virtutum, idest in viam Christianæ disciplinæ perducantur; quæ tamen correptione commensuranda est eorundem ætati, indoli & defectui. Idcirco intra limites harum circumstantiarum continere se debent parentes in filiis corripiendis, ita ut nec per nimiam severitatem in pusillanimitatem, aut in desperationem inducantur, nec per nimiam remissionem potius morbum foveant quam curent. Quod si verba reprehensionum, obiurgationumve nihil proficiant, tunc prout circumstantiæ, præcipue ætatis filiorum permittunt, progrediendum ad punishmentem moderatam, vel verberum, vel subtrahendo eis aliquid ex prandio, vel cœna, vel per dies aliquot in cubiculo recludendo, vel alia huiusmodi poena, eos multando. Meminerint parentes miserandis exempli Sacerdotis Heli, qui licet egregius præditus moribus divinam subiit vindictam ob pravitatem suorum filiorum, non quia eos non corripuerit, cum illos monuerit de scandalis, quæ dabant sacrificia offerentibus, erant enim Sacerdotes; sed quia ipsos non corripuit ea severitate qua debebat: Heli (ait D. Chrysostomus hom. 9. in 1. Timoth.) *propter filios peritis; illos quippe*

cum acrius coercere debuisset, verbis tantum levibus monuit. Semper tamen attendenda est gravitas defectus, & aliorum fratrum & sororum eruditio. Et ad huiusmodi punishmentes tenentur parentes sub gravi, quando alia via obtineri nequeat plena filiorum emendatio, vel gravitas criminis id exigat. Nec prætermittere hoc debent, quando etiam agnoscunt se vitia filios edocere suis pravis exemplis, & dum illos puniunt, debent protellari nolle filios suos eorum corruptelas sequi. Non enim designatur Princeps eo quod depravatus sit moribus a multis malefactoribus; sic nec genitores ob sua scandala a filiis ac filiabus discipulis puniendis eximuntur; tanta de hoc officio est eorum obligatio. Audiant igitur, & horreant (inquit hic Cunitiatus) qui nec verbis nec factis filios corripunt, qui edrum vitia dissimulant ne illos contristent, qui etiam aliquando eorum indigna gesta tanquam effectus vividioris spiritus exculant.

Colliges ex dictis graviter peccare parentes, si sedulo non studeant ut liberi fidei rudimentis, aliisque ad Christianam vitam ducendam necessariis inbuantur, improborum familiaritatem vitent, a vitiis abstinant, mandata Dei & Ecclesiæ fervent; si pravo consilio, & exemplo ad peccata inducant, si de eorum factis, necnon de educatione, quam recipiunt a pedagogis, quorum disciplinæ eos tradiderunt, non inquirant, permittantque eos liberius vivere, ludo & immoderatis oblationibus assuescere, illdemque ad hoc pecuniam suppeditent, si patiantur eos otiosam vitam agere, si delinquentes non reprehendant, ac moderatis punishmentibus non coerceant, &c. 1. Timoth. 3. *Si quis suorum, & maxime domesticorum curam non habet, fidem negavit (scilicet nempe) & est infidelis deterior;* quia pater caput est, ac director familiæ, & ad ipsum cura educationis maxime spectat, licet mater quoque ad eam graviter teneatur.

Parentes tenentur relinquere filiis suis liberam statum electionem, & graviter peccant, si eos invitos cogant ad matrimonium vel Religionis statum amplectendum, vel ab iisdem retrahant. Filii enim ius habent statum vitæ libere sibi eligendi, & eorum status maxime pendet ab electione status, ad quem a Deo vocantur ac designantur. Hinc Concilium Trident. sess. 25. cap. 18. excommunicat eos, qui familiam cogunt ad Religionem, vel professionem Religiosam, aut sine iusta causa impediunt eius ingressum vel

Statum electionem liberam relinquenda

Corre.
ptio ne.
cristiana
ad filio.
rum edu.
cationem.

vel professionem. Et si filii vocati sint ad matrimonium, parentes non debent eos cogere ad ducendam hanc vel illam, si repugnent c. de nuptiis 31. q. 2. quia, ut ibi ait Pontifex, *quorum unus corpus est, unus debet esse & animus*; alias via, & occasio eis aperiretur dissidiorum, iurgiorum, rixarum, adulterii &c. Graviter autem delinquit qui alium iniicit in periculum mortaliter peccandi. Hæc autem omnia, quæ filiorum alimoniam & educationem respiciunt utramque, iuxta communem in defectu patris & matris præstare tenentur iure naturali, ut iam antea diximus, ascendentes in linea paterna, vel materna.

Parentes tenentur pariter ad omnia supradicta, ad alimoniam scilicet, & ad utramque educationem, civilem nempe & Christianam erga illegitimos, sive naturales, ortos scilicet ex concubitu personarum solutarum, quæ Matrimonio copulari possunt, sive spurios, qui nascuntur ex concubitu personarum, quæ matrimonio iungi non possunt, vel quia alteruter vel uterque est coniugatus, vel coniunctus, vel asinus, vel voto solemniter obstrictus, vel a lege prohibitus. Alere tenentur genitores filios illegitimos ulque dum sibi ipsis de necessariis providere possint, cum vere sint eorum parentes ex cap. 5. de eo qui duxit. Clericus potest providere filio spurio etiam ex Ecclesiæ bonis. Navar. Azor. Filiuc. Bonac. Gobat, & alii ex cap. Pasce dist. 86. & cap. cum haberes 5. de eo qui duxit in matrem. Non possunt his tamen parentes aliquid ultra necessariam sustentationem donare causa mortis cum præiudicio legitimorum hæredum, cum leges hoc inste prohibeant; & si hoc fecerint, filii illegitimi quod suam excedit sustentationem legitimis hæredibus restituere tenentur, cum legum auctoritate incapaces sint ad illud retinendum. Quod si sustentatio huiusmodi filiis non assignetur a suis genitoribus, hanc eis præstare tenentur parentum hæredes, donarii, &c. *Authent. licet. cod. de natural. liberis*, aut Filicum, si bona patris ei sint addita ob aliquod crimen, quod tamen non sit hæresis, aut læsæ maiestatis. Gobat in quinario tract. 5. cap. 28. n. 15. &c. Bonac. & alii. Et hoc intelligendum est etiam quoad filios spurios, quia cum præsumi nequeat patrem naturali officio deesse voluisse, æquitati consonum est ut compellantur donarii ad alendos filios spurios sui benefactoris. Unde si pater spurii dederit bona sua Monasterio, in quo ipse profectus fuerit, quod certis in locis licitum

est, Monasterium de alimentis filio providere tenebitur. Ita Tourn. cum Panormitan. aliisque iuris Doctoribus. Æquum enim est ut petissimum naturale patris onus ad eos devolvatur, qui eidem successerunt in bonis.

Nota quod cum tam strictum sit & irrefragabile onus, quod genitoribus incumbit alendi, & civiliter ac Christiane educandi filios, si filii, quando parentes eorum subsidio indigent, ingredi non possunt Religionem, multo longe minus talem statum amplecti poterunt parentes, dum liberi carent necessariis ad sustentationem, vel educationem suo statui convenientem. Porro parentes iure naturali tenentur ea liberis providere, nec licet tentare Deum media ordinaria omittendo sub spe divini auxilii. Possent tamen si sufficienter illis providere valeant de rebus necessariis ad vitam, & statum, & ipsos per alios recte instituire queant.

De mutuis patrinoorum, filiorumque obligationibus.

Solicitude, quæ urget amantissimam Ecclesiæ matrem erga suos Fideles, ut in via salutis nihil eis desit, eidem suggestit statuere ut in Baptismi initiatione, quæ Sacramentum hoc suscipientes Christianæ Religionis aggregantur, & in Sacramenti Confirmationis susceptione, qua in Christianæ fidei professione firmanentur, per tertiam personam iniciandi Ecclesiæ præsentarentur, quæ veluti fideiussor nomine iniciandorum sponderet eos fideliter permanentes in fide, quam in hisce Sacramentis suscipiendis profitentur; hi nunc patrini vocantur, & ii pro quibus spondent, filioli dicuntur eorum. Quare vi suæ fideiussionis seu sponsonis tenentur patrini sub gravi, si parentes naturales ob mortem vel senectutem deficiant, curare ut filioli sui addiscant necessaria ad fidem ac bonos mores, & invigilare debent super eorum vitam, sollicite procurando, ut secundum Christianam instituta illam ducant. Nam, ut docet S. Thom. q. 67. art. 8. *nusquamque obligatur ad exequendum officium, quod accepit; sed qui accipit aliquem de sacro fonte, assumit sibi officium pedagogi*. Et D. August. patrinos alloquens sermone 215. de tempore sic ait: *Quos in Baptismo excepistis, scitote vos fideiussores pro ipsi apud Deum extitisse; & ideo tam illos qui de vobis nati sunt, quam illos quos de fonte excepistis, semper castigate, corrigite, ut castitatem custodiant, iustitiam diligant, caritatem teneant*. Hinc

Hinc non omnes, sed ii tantum, qui apti sunt ad officium hoc explendum, admitti possunt a Parocho, ut puerum de fonte suscipiant, ut dicitur in tract. de Baptismo.

Filioli pariter spirituales reddere debent suis patris amorem reciprocum, reverentiam filialem, & obedientiam quoad instructionem, & morum disciplinam; & si secus fecerint, specialiter peccant contra pietatem: Patris enim sunt ipsi veluti patres, quia locum ac munus patris tenent.

De mutuis obligationibus superiorum & inferiorum, dominorum & famulorum, Principum &c. iam actum est in tractatu de obligationibus statuum quarundam particularium personarum.

§. III.

De mutuis Coniugum officiis.

Multa, varique officia mutuo sibi debent coniuges a coniugali debito distincta, & præcipua sunt, individua vitæ societas, præcipuus charitatis amor, & alimenta. Primo igitur tenentur ad individuum vitæ societatem, idest simul cohabitare & convivere debent quoad domum ac thorum, nisi legitima causa a tali debito eos excuset, ut habetur Genes. 2. & Matth. 19. *Dimittet homo patrem & matrem, & adhaerebit uxori suæ, & erunt duo in carne una*, quod sine cohabitatione fieri non potest. Hinc 1. Corinth. 7. Apostolus præcipit ut matrimonio coniuncti ab invicem non seungantur: *Uxorem a viro non discedere*. 2. *& vir uxorem non dimittat*. Hanc enim cohabitationem non solum quoad rectum, sed etiam in consuetudine & cæteris, exigunt natura contractus matrimonii vinculum ac debitum conjugale, susceptio proles, eiusque conveniens educatio, ac mutua obsequia præstanda. Potest tamen vir licite, si aliqua iusta causa ita exigat, etiam sine uxoris consensu, ad breve tempus ab ipsa discedere; non autem vice versa hoc licet uxori. Iam si domesticæ negotia, vel Principis obsequium hoc exposculet, licet viro etiam diu abesse. His tamen seculis, abesse ad longum tempus ab uxore viro non licet ex cap. 1. de coniuge leproso. Quoad locum vero habitationis unum vel alterum ad matrem utpote caput naturæ eligere spectat, & uxor tenetur eum sequi, nisi obset grave periculum corporis vel animæ, vel speciale pactum antecedens; quia præceptum vitandi peccatum, & vitandi vitæ prævalet.

• Possunt tamen coniuges quibusdam de causis.

plis. & quoad habitationem, & quoad thorum separari per divortium; & præter alias, præcipua causa qua unus coniugum potest ab altero separari, est adulterium, quo alter coniugum fidem maritalem alteri violavit. Sed de his agendum suo loco in tractatu de Sacramento Matrimonii.

Coniuges sibi debent mutuum & specialem charitatis amorem Ephesiot. 5. *Viri diligite uxores vestras sicut & Christus dilexit Ecclesiam*. Et quod viris dicitur, cadit etiam in uxore, quibus pariter Apostolus præcipit ad Titum 2. ut *viros suos ament*. Mutuo enim specialiter sunt coniuncti tum per vinculum indissolubilis contractus, tum per Sacramentum, quod est signum unionis Christi cum Ecclesia, quam coniuges imitari debent se invicem amando, sicuti Christus sancto & speciali amore Ecclesiam dilexit, qui seipsum tradidit pro ea, Ephes. 5. Uxor insuper debet marito honorem, obsequium, & in iis quæ ad domus gubernationem, educationem filiorum, & bonos mores spectant, obedientiam præstare tenetur. Tenetur pariter domus curam habere, ac viro opportuna & sufficienter secundum propria munia necessaria subministrare.

Vir autem tenetur præstare uxori regimen, curam, tutelam, sustentationem, rationabilemque correctionem; quia vir est superior, ac rector uxoris. Et quoad correctionem, potest maritus, quando res ita exigat, illam extendere etiam ad verbera, quando scilicet gravis sit uxoris culpa; & huiusmodi correctio moderata verberum necessaria sit ad illius emendationem. Verum in praxi, ut notat P. Antoine, uxoris verberatio peccato fit cum moderatione, & utilitate. Extra casus talis exigentiæ, certe minime licet uxorem verberare, nec verbis contumeliosis ac maledictis onerare. Cum enim uxor sit viri commensurum, idest cum viro una caro, principium ac concipit familiæ, licet subordinatum, sociæ, atque adiutrix domesticæ administrationis, ipsi honor, amorque debentur. Mutua hæc officia inter coniuges clare ac distincte tradita habentur Ephes. 5. *Mulieris virus suis* (ait ibi Apostolus) *subdita sint sicut Domino; quoniam vir caput est mulieris, sicut Christus Ecclesie*. . . . *Unusquisque uxorem suam sicut seipsum diligit; uxor autem timeat virum suum*. Titi 2. sic uxores alloquitur Apostolus: *Viros suos ament, prout met, castas, sobrias, domus curam habentes, benignas, subditas viris suis*.

Vir tenetur pariter uxorem suam alere, ac

De mu-
tuo con-
iugum
amore.

Quæ præ-
stare de-
bet vir
uxori con-
iugi.

ac secundum proprias facultates cætera, quæ convenienti sui status sustentationi opus sint, eidem subministrare. Et ad hoc tenetur tum ex debito coniugalis coniunctionis, & amoris, tum ex officio, quod incumbit viro ut caput familiæ, cuius primum membrum est uxor; tum ex iustitia, quia dotem accipit ab uxore, ac bonorum administratio ipsi tribuitur, ut onera matrimonii portet, uxorem, familiamque sustentet. l. 30. *cod. de iure dotium*. Si autem dotem non exegit, non eximitur a debito sustentandi uxorem, quia cessit iuri suo, & hoc non obstante est semper eius caput, cuiusque opera sibi habet obnoxia. Hinc vir tenetur sollicitudinem, laboremque saltem mediocrem adhibere ad bona conservanda, & augenda etiam, si fieri potest, ut uxorem, familiamque modo suo statui convenienter sustentare valeat.

Colliges ex dictis graviter peccare contra mutuas charitatis legem utrumque coniugem, si rixas, odium, dissensiones luscitet ac foveat, si pacem ac societatem coniugalem turbet, si alium ad iram gravem vel ad aliud grave peccatum provocet, vel ei occasionem peccandi præbeat; si eum conviciis, contumeliis, maledictionibus afficiat; si vir uxorem, & a fortiori si uxor virum graviter percutiat; si sine sufficientibus indicis male iudicet de alterius continentia seu coniugali fidelitate, & præcipue si se a zelotypiæ vitio rapi permittat, ex quo innumera oriuntur perversa iudicia, perpetuas perturbaciones, maledicta contra innocentes, aliorumque infamaciones; si rem familiarem non curet; si bona dilapidet, si cæco quodam ac animali amore se rapi sinat, qui gravium malorum est scaturigo in coniugali usu.

Præcipue autem graviter peccat uxor, si in re gravi in ordine ad bonos mores vel ad familiæ bonum ac domus gubernationem viro non obsequatur, cum in his mulier sit viro subiecta; si imperium sibi usurpet, quia semper iniquum est alterius ius seu potestatem sibi vindicare; si quid notabile ex communibus bonis impendat seu alienet, marito rationabiliter invito, & contra legem consuetudinem aliarum mulierum eiusdem status, & conditionis; si domus curam negligat; si impediatur maritum a rectæ disciplinæ conservatione, & pravorum morum in liberis castigatione (Idemque dicendum ex opposito de marito, si hic notabiliter impediatur uxorem a bona educatione filiorum, & præsertim puellarum, quarum cura de morte matris est commendata) si viro inopia-

limenta non præstet, quia uxor dives virum inopem sustentare, cuiusque fortuitos calus ferre debet ex l. 22. ff. *solutio matrim.* Hoc enim expostulat specialis amor coniugalis, quem ei debet.

Coniugati tenentur mutuo coniugalem fidem sibi servare quoad copulam coniugalem, actusque omnes qui ad illam ordinati sunt accedunt, ita ut quilibet horum actuum venereorum exercitus cum alia persona vel circa aliam, sive copula, sive tactus, sive oscula, aut horum desiderium, venerea delectatio, voluntaria pollutio, omniique luxuriæ peccata, præter luxuriæ malitiam propriam, continent etiam mortalem iniustitiam ratione coniugii, quo coniuges vicissim dominium super alterius corpus acquirunt, ut 1. Corinth. 7. *Malier sui corporis potestatem non habet, sed vir; similiter autem & vir sui corporis potestatem non habet, sed mulier*. Uterque igitur coniux solus dominium habet alterius corporis quoad copulam, ac proinde ad actus omnes, qui ad illam sunt ordinati. Idcirco ne fidelitati alteri parti debita deficiat, tenetur uterque se abstinere ab omni actu venereo cum alio, eo quod de se ad copulam seu adulterium ordinetur. Unde actus ullus venereus cum aliena persona exerceri nequit, quin fiat alteri coniugi gravis iniuria.

Coniuges tenentur pariter sibi invicem obsequi, nisi legitima causa excuset, in reddendo coniugali debito, id est corpus suum tradere rationabiliter petenti ad usum coniugalis copulæ. Et hoc probatur ex 1. Corinth. 7. *Uxori viro debitum reddat, similiter autem & uxor viro. Nolite fraudare invicem, nisi forte ex consensu ad tempus ut vacetis orationi*. Hæc obligatio est libi mortali, utpote quæ sit obligatio iustitiæ & in re gravi; quia ex vi contractus Matrimonii vir & femina in se mutuo transferunt potestatem corporis quoad usum copulæ. Unde ex vi talis contractus quoad hoc uterque æquale ius habet, ac proinde æqualis est utrique obligatio reddendi alteri parti coniugale debitum, quando, ut dixi supra, nulla legitima causa exculsans interponatur. Obligatio redditionis debiti est sub mortali, non solum quia est obligatio iustitiæ, sed etiam ob periculum incontinentiæ, in quo per debiti denegationem pars petens poneretur. Sed de cæteris omnibus, quæ ad debiti redditionem spectant, differemus intra statum de Sacramento Matrimonii.

De mu-
tuo con-
iugum
obse-
quio.

De culpa
uxoris
in de-
bitu obse-
quio erga
maritum.

§. IV.

De mutuis obligationibus fratrum & sororum.

Si omnes homines uti vicissim proximi ex charitatis lege ad mutuam dilectionem tenentur, multo magis profecto erit talis obligatio inter fratres & sorores, utpote qui sine inter se ratione coniunctionis sanguinis proximiores, ita ut vi talis coniunctionis natui se prosequi debeant nedum communi affectu, ut alii proximi, sed peculiari amore. Unde si verberibus, contumeliis ac conviciis se laudant, nedum charitatem, sed pietatem quoque graviter offendunt, ac proinde est circumstantia necessario aperienda in confessione.

Hinc iuxta mensuram amoris, quæ ob artius sanguinis vinculum in fratribus & sororibus augeatur, magis augeatur obligatio sibi invicem succurrendi in necessitatibus, ita ut iuxta communem DD. sententiam, frater, quatenus rei familiaris seu bonorum fortunæ copia sibi satis sit, & talia bona sint sibi propria, non communia, prout fieri solet apud coniugatos conditionis plebeæ, tenetur prospicere fratri, quem ad suam sustentationem bonorum premit inopia, ut decenter vivat, & multo magis sorori, cui etiam congruentem dotem subministrare debet, ut ex l. cum plures §. cum tutor si. de administratione, & l. non enim cod. de administratione tutor. Et equidem si hæc obligationes urgent Christianos omnes erga quoscumque, ut succurrant non solum in extrema, sed in gravi etiam necessitate; quando tamen non adit periculum quod ipsimet in gravem incident necessitatem; multo magis talis obligatio urgebit erga fratres & sorores præ aliis ad quos non habetur tam stricta obligatio, & eo vel maxime quod frater fratri in hereditatem succedit ab intestato. Huiusmodi autem obligatio intelligitur de fratribus, & sororibus, qui ex eodem patre & matre progeniti sunt. Circa vero fratres & sorores qui uterini sunt, idest orti ex eadem matre, vel ex eodem patre, quoad postremos currit eadem ratio ac de iis qui ex eodem patre & matre geniti sunt, cum in his habeatur idem ius succedendi ad invicem ab intestato. Quoad fratres autem & sorores uterinos ex eadem matre, hi quoque, si non detur alius propinquus strictioris obligationis seu vinculi, qui iuvare possit, ac velit in gravi necessitate, debent se mutuo alere seu subvenire. Verum licet frater teneatur ex charitate a-

lere sororem uterinam, non tamen tenetur dotare, cum huic non competat querela de inofficioso testamento, idest ius non habere successionis in hereditate ab intestato. Si vero frater hæres sit matris, tunc tenetur, quia tunc hereditas descendit cum onere dotandi sororem uterinam. Idemque dicendum quoad alimenta præstanda fratri & sorori in egestate constitutis, & sorori etiam dotem; licet frater & soror egentes a parentibus fuerint exheredati, quia per hanc exheredationem non tollitur ordo charitatis, & ius successionis inter fratres; & talis obligatio currit ac viget, ait P. Henno, erga fratrem & sororem, tametsi facti sint sua culpa indigentes; quia hæc culpa, etsi vituperium mereatur, non tollit tamen vinculum charitatis, & pietatis. Posset tamen, ut impediretur facilitas & cupidio relabendi in excessus, ac ut ad laborem assuefierent, differri his ad tempus subventio, dummodo tamen talis dilatio nihil eorum vitæ vel sanitati noceret. Et id, ait hic Tourneleius, multo verius est, cum rigidior hæc agendi ratio necessaria est, ut parentes dissoluti a lubrico impietatis tramite ad salutis viam revocentur.

«Clericus beneficiatus tenetur sororem pauperem alere, si aliunde habere non possit sustentationem. Ita Sylv. Angel. Azor. Et ratio est, quia inter causas pias, ad quas Clerici tenentur expendere bona ecclesiastica, quæ de suis Beneficiis ipsis supersunt, est pauperum subventio, quibus deest unde suam habeant sustentationem. Igitur tuta conscientia expendere potest de bonis ecclesiasticis sui Beneficii in alenda sorore paupertate laborante; imo iuxta ordinem charitatis, quæ exigit ut prius proximioribus, cuiusmodi sunt sanguine coniuncti, quam aliis, subsidia in suis indigentis præbeamus, potest, imo debet prius sorori pauperi sanguine coniunctissimæ, quam extraneo subvenire, eam alendo, cum ad tale opus a pietate etiam impellatur.

Dixi si non habeat honestam sustentationem, quod intelligendum iuxta conditionem sui status; alias rustici etiam & plebei laboriosis status dicendi essent pauperes. Unde nomine pauperum illi intelliguntur, qui licet inservire possint in servitiis, sunt tamen in periculo, interveniente tandem lenectute vel morbo, sive alio huiusmodi eventu, facile deveniendi in statum, in quo misere vitam transigere cogantur, vel qui etiam per servitia, non facile nisi minus sero perveniant ad congruam suæ conditioni dotem.

Y

Non

Non tenetur tamen Clericus beneficiatus forori pauperi dotem tribuere, si alio modo eam alere possit, & reperiantur aliæ causæ altioris ordinis. Si vero alio modo, nili mediante dote, alere nequeat forem, nec adint aliæ piæ causæ altioris ordinis, ac urgentiores, tenetur eam dotare, cum ordo charitatis ita exigat, ut gravem necessitatem, qualis est defectus dotis, sublevet in persona filii cæteris coniunctiore. Et ratio talis assertionis est, quia Clerici bonorum ecclesiasticorum non sunt nisi administratores; administrator autem tenetur bona sui domini meliori modo quo potest, & in maius eius commodum ministrare. Igitur tenetur Clerici servato charitatis ordine erga Deum ad causas piæ, si quæ occurrunt altioris ordinis, & urgentiores expendere bona Ecclesiæ. Si autem in casu eiusmodi Clericus forem dotaverit, non tenetur patrum apponere, ut soluto Matrimonio sine liberis dos ad Ecclesiam redeat; cum nec aliis pauperibus tales conditiones apponi soleant; & nec ipsa dotata disponere posset per testamentum in favorem mariti, vel alterius piæ causæ; quæ restrictio redderet uxorem odiosam marito. Sic Valq. & Fagund. Verum quidem si dotata forte sine liberis decedat, tenetur ea gratitudine dotem in causas piæ vel legatum convertere, nisi obstit aliæ reciprocæ coniugales conventiones, aut nisi totum vel partem relinquat marito exigat lex charitatis & gratitudo.

§. V.

De mutuis consanguineorum obligationibus.

Consanguinei & affines sive in linea recta strictius obligant, sive in laterali, sibi debent mutuum amorem, honorem, in necessitate subsidium, & id ratione speciali; & inferiores, præcipue filii, si genitoribus careant, debent consanguineis superioribus reverentiam quoque, & obedientiam tanquam genitoribus, in quorum loco succedunt. Quare peccabunt plus minusve pro ratione materiæ contraveniendo dictis obligationibus, sicuti respective dictum est de eorum obligationibus erga genitores. Quod si genitores eorumdem vivant, eisdem obligationibus adhuc urgentur, maxime quoad amorem & reverentiam, non tamen adeo strictè quoad obedientiam, licet hæc maior debeatur maioribus in linea recta quam erga collaterales. Si enim Scriptura præcipit ut Fideles omnes se mutuo diligant, mutuo se præveniant, ut proximus proximo laboranti

DECALOGI CAP. IV. & V.

opem ferat, quanto magis id præceptum erit iis, qui sanguinis aut affinitatis vinculo sibi invicem coherant.

Hinc colligit Henno relatus hic a Tourneio 1. prædictæ cognationis circumstantiam aperiendam esse in confessione, quoties agitur de gravi iniuria, detractioe, convicio, contumelia, odio, percussione, & similibus.

Colligit 2. consanguineos vel affines sibi invicem auxilium debere non solum in necessitate extrema aut gravi, quæ omnes univèrsim obligat, sed etiam in ordinaria; quia vicissim maiori obstringuntur obligationis vinculo, quam quibuscumque extraneis. Et quoad consanguineos ascendentes, sicut iam vidimus, in defectu genitorum, præstare tenentur inferioribus omnia quantum possunt, quæ filiis genitores præstare debent; ita si his delint, peccabunt pro ratione materiæ & omissionis. Quod si genitores horum vivant, ad amorem quidem tenentur ratione coniunctionis, minime ad alia, nisi in casu, quo a genitoribus vel impotentibus, vel non curantibus non præstentur, maxime ascendentes in linea recta, quia in his præcipue adest obligatio; tamen si alii collaterales non absolvantur omnino viventibus avis; quia si hiqueque impotentes sint, vel non curantes, tota obligatio devolvitur ad ipsos collaterales iuxta gradum &c. Hinc prudens Confessarius prius serio perpendat circumstantias omnes rerum, personarum, graduum, ut recte iudicet quando graviter deficient, & possit urgentius debita inculcare, quibus sunt obnoxii.

CAPUT V.

De quinto Decalogi præcepto.

§. I.

De Natura & divisione Homicidii.

Cum nomine proximi non solum intelligantur parentes, & propinqui, sed omnes etiam alii homines, ac ideo charitas, quæ nobis aliquid erga proximum generaliter præcipit, totum respiciat humanum genus; hinc post explicatam dilectionem erga parentes ac propinquos videndum restat, quomodo iubeamus diligere reliquum quoque humanum genus, quod simpliciter nomine proximi exponitur. Hoc fit vitando id omne, quod ipsum lædere possit, quod scilicet quomodolibet ipsius vitæ opponatur, ut denotant illa duo verba huius quinti præcepti:

Non

Non occides. Quare patet ad evidentiam hoc præceptum intelligi de solo homine ad imaginem Dei condito, & neutiquam de plantis, & arboribus, sicuti Manichæi delirando autumabant, cum nullus sit eis sensus, & hominibus data sint inescam herbæ, fructus, atque legumina; nec de brutis animalibus, quæ nulla ratione nobis associantur, quorum vitam & mortem nostris usibus Deus designavit, ut in Genesi legimus: *Omne quod movetur, & vivit, erit vobis incibus, quasi olera virentia tradidi vobis omnia.*

Tamen verba huius præcepti: *Non occides*, breviter sint in specie, plura tamen complectuntur, ut ait S. Th. 2. 2. q. 112. art. 6. ad 2. *Omnia nocumenta, quæ in personam proximi inferuntur, implicite habentur in homicidio, sicuti in principali.* Nomine igitur homicidii veniunt ea omnia quibus contra disciplinæ christianæ ordinem offenditur hominis corpus, scilicet verba contumeliosa, vulnera, mutilatio, iniusta carceratio, aliæque id genus violentiæ, quæ sunt quedam mortis inchoatio. Imo in lege Evangelii, quæ spiritu magis quam opere externo adimpletur, lex non occidendi vetat etiam interiores affectus, qui suapte nata ad inferendam proximo necem, aut vim quamcumque extrenam tenderent, cuiusmodi sunt odium, ira, amor vindictæ, prava alienæ mortis desideria, gaudium ex ea, vel de quibuslibet adversis proximo advenientibus, inhumane perceptum, invidiæ item, contumeliæ, irrisio, obtestatio, aliæque huiusmodi iniuriæ, ut Matth. 5. *Audistis quia dictum est antiquis, Non occides, qui autem occiderit, reus erit iudicio: Ego autem dico vobis quia omnis qui irascitur fratri suo, reus erit iudicio.* Sed de ira, & invidia, iam dictum est, ubi de peccatis capitalibus, de contumelia, & detractio sermo habebitur in octavo præcepto, ubi de falso testimonio. Unde hic agemus de iis, quæ ad homicidium ipsum directe pertinent.

Homicidium dicitur ab homine cædendo eum sit cædes hominis 1. *Si ita vulner.* scilicet ad 1. *Aquil.* Sed quatenus quinto Decalogi præcepto prohibetur, definitur; *violenta ac iniusta hominis occisio, seu iniusta humani animati corporis peremptio.* Dicitur 1. *occisio corporis*, quia occisio animæ, quæ fit per peccatum, aut scandalum, est occisio metaphorica; 2. *humani*, quia, ut diximus, qui bruta occidit, non peccat; 3. *animati*, quia neque vere est, nec censetur homicida, qui corpus mortuum transfodit; 4. *iniusta*, idcirco deliberata, ac ab eo facta, qui

potestatem non habet seu auctoritatem vitam homini tollendi; nam occisio licita non dicitur homicidium, cum homicidæ sumi soleant in deteriorem partem.

Homicidium stricte, & proprie acceptum grave est crimen, cum gravissimo adverteretur præcepto, & charitatis ac iustitiæ legibus, dum privatur hominem bonorum præstantissimo planeque irreparabili. Unde cum se homicidam esse animadvertit Cain, reum se cognovit maximi omnium sceleris: *Maiores autem Genesios 4. est iniquitas mea, quam ut veniam merear.* Cæterum homicidii facinoriam per se enorme gravius fieri potest ex circumstantiis, idest 1. si is, qui occisus est, reipublice necessarius esset, Sacerdos, vel consanguineus, 2. si interfectus esset in loco sacro, 3. si de industria quæsitus esset ad necem, si occisor diu animum enutrierit cum occidendi.

Homicidium septem præcipue modis fieri potest 1. opere, ut cum quis ferro, manibus, lapide, veneno privat vitam, & talis homicida dicitur physice occidere. 2. Præcepto, quando quis præcipit ut aliquis occidatur. Sic David Uriæ vitam eripuit. 3. Consilio, puta cum quis ad vindictam aliquem extimulat eum ignaviæ exprobando; exagertando super dedecore quod accepit. 4. Receptione, cum homicidæ favent, eique asylum præbentur. 5. Permissione, quando qui publice præsumunt reipublicæ regimini, negligunt capere sicarios. 6. Cum adiuvatur homicida seu arma ei præbendo, seu excubias agendo, seu sarcinis invigilando, ut Saulus Stephanum occidit. 7. Negligentia, & aversio, ex qua quintum præceptum violant Medici, qui causa sunt, ut moriatur æger, vel morbus eius ingravescat, vel diu prolongetur; pharmacopolæ, qui in medicamentorum compositione venustas & invalidas species admittunt, quæ nihil, aut parum ægrotis proficiunt, unde aliquid ægris detrimentum inferunt: similitet chirurgi, qui sine debita scientia ac peritia membrum incidunt, vel vulnera, plagas curant, sanguinem eliciunt cum gravi patientis periculo: infirmarii tandem, qui pro nutu suo, & opinione, vel sine, vel contra medici præscriptum ægrotos trahant, & hi dicuntur moraliter occidere, & tamen casualiter homicidæ sint, si stipendium accipiant, vel a Magistratu, ut super vitam subditorum invigilent, vel a familia mercedem pro ægrotorum cura, tenentur restitutioni, necnon si damnum aliquod ex alicuius morte, cui sive positive, sive negative cooperantur.

Homici-
dii præ-
stanti-
bus mo-
di recon-
suetus.

Quid ve-
niat ho-
mici-
dium.

De facili
homici-
dium.

emerferit, illud compensare tenentur.

Sed ad clariorem huius materie secundum se elucidationem notandum, homicidium latius sumptum pro quavis occisione iusta, vel iniusta distingui 1. in homicidium sui, vel alterius, 2. homicidium alterius vel sit publica auctoritate, vel privata, 3. quod sit auctoritate privata, vel sit ob necessarium sui defensionem, vel non, 4. quod sit sine hac necessitate, vel est casuale, vel voluntarium, 5. voluntarium est vel directe volitum, vel indirecte duntaxat, 6. quod est indirecte volitum, vel sit ex condictione, seu cum provocacione, ac deuminatione, ut in duello, vel sine condictione. Quod autem sine condictione, si hoc fiat proditorie cum animo auferendi homini eius bona cum vita, dicitur latrocinium; si vero ex condictione, qua quispiam conducitur ad aliquem occidendum, unde hic pretio conductus aliquem occidit, dicitur assassinium. Conductus ad huiusmodi homicidia incurrit ipso facto excommunicationem; conducenti vero infigitur talis pena incurrenda ita ex cap. 1. de homicid. in 6. Imo assassinus, omneque alii qui cooperantur ad assassinium, inhabiles redduntur, ut gaudent immunitate ecclesiastica ex bulla Gregorii XIV. His aditur homicidium proditorium, quando nempe quis alterum occidit ex insidiis, unde sibi cavere nequeat, cui modo occidendi si præter insidias accedat simul demonstratio facta amicitia, homicida privatur ecclesiastica immunitate, ut ex cit. Bulla: & cum tales modi occidendi specialem in se contineant iniustitiam adinvento viam alteri se defendendi, aperiiri debent in confessione. Ad homicidium proditorium reducitur veneficium tum naturale per veneni propinati, tum, vel alia applicatione, tum magicum, quod exercetur ope expressa vel tacita daemones, necnon abortus foetus animati, ut infra dicitur.

§. II.

De homicidio ex publica auctoritate.

Deus sibi specialiter reservavit dominium in hominum vitam, ut patet ex facultate fuisse Noe, & eius posteris, ut iis omnibus quæ moventur, & vivunt super terram, in cibum uterentur, ubi tacite excipitur homo. Ex quo sequitur generalis regula, nulli hominum in vitam humanam competere posse ius, nisi in casibus a Deo specialiter permixtis; idest non obstante dicto iure in vitam hominum sibi reservato concessit Deus

etiam hominibus, ut aliquando dum ageretur de republica tranquillitate, de hominum vita disponere possent; & hoc concessum fuit iis qui suprema auctoritate publico regimini præerant, cuiusmodi sunt reges, supremi principes, & respublicæ, vel per se, vel per iudices, aut magistratus ab eisdem constitutos. Quare homicidium voluntarium potest committi iuste, seu licite a publica auctoritate, seu potestate, quando publicum bonum id exigit, vel in puniendis malefactoribus, vel ad defensionem patriæ in bello iusto, & iniuste, seu illicite, & hoc sit privata auctoritate.

Supremi Principes ex potestate a Deo ipsis specialiter collata licite multare possunt morte ipsa, vel mutilatione malefactores, & hoc habetur ex pluribus divinæ Scripturæ locis, ut Exodi 22. Et hoc genus homicidii approbat Apostolus Romanor. 13. his verbis: *Vis non timere potestatem, bonum fac, & habebis laudem ex illa: Qui enim est minister tibi in bonum. Si autem malum feceris, time. Non enim sine causa gladium portat: Dei enim minister est, vindex in iram ei qui malum agit.* Manifeste igitur patet ex Apostolo supremos Principes, eorumque Magistratus tanquam Dei ministros posse privare malefactores vita in penam suorum criminum. Principibus enim iuxta D. Th. 2. 2. q. 64. art. 3. habentibus publicam auctoritatem commissa est cura publici boni. *Occidere malefactores, ait S. Doct. licitum est in quantum ordinatur ad salutem totius Communitatis, & ideo ad illum solum pertinet cui committitur cura Communitatis conservandæ. cura autem communis boni commissa est Principibus habentibus publicam auctoritatem, & ideo eis solum licet malefactores occidere.*

Quare præceptum non occidendi non vetat, uti volebant Waldenses, Principibus, & Magistratibus necem facinorosorum hominum, cum a Deo potestatem receperint tales homines eorum sententia morte, aut altera pena propter illorum scelera multare iuxta Legum præscriptum, ad hoc ut innocentes tali modo defendantur. Igitur tantum abest, ut dum supremi Principes munere suo iuste funguntur, mortem sceleratibus statuendo, ei fiat homicidium, quod imo quam maxime obediunt divino præcepto, quo homicidium prohibetur, cuius finis est, ut vitæ hominum, ac saluti consulatur. Ita enim improborum hominum audacia ac improbitas facillime coercitur, ut ex D. Aug. ep. 244. ad Macedonium. Hinc Moyses tametsi iussit populum a Moloch occidi iussit Exodi 32.

Da-

Homicid.
di late
fumpel
vatis ge-
nere.

Etior
Vuldem
sum.

David psalm. 100. ait: *In vatutino interficietiam omnes peccatores terre, ut disperderem de civitate Domini omnes operantes iniquitatem.* Unde Principibus, ac Magistratibus licitum est interficere, & disperdere solos malefactores, qui reipublicæ pacem turbant, nocent publico bono, & quos leges de medio tolli decernunt, minime vero probos, & innocentes: *Infantem & iustum non occides* (ait Dominus Exodi 23). Quocirca reipublica tyranno, aut publico hosti, caput innocentis postulant, illud iure tradere non potest, licet agatur de publico bono, imo nec quemlibet malefactorem, sed eum duntaxat, qui iuris ordine servato reus convincitur; alias si non servato iuris ordine sententiam proferat, aut si legibus ad privatam odium, commodumque abutatur, seu ex alio privato affectu, aut cum acceptione personarum iudicet, aut poenam graviorem infligat quam lex præferibit, agit contra Dei mandatum, & sit reus homicidii, etiamsi reus morte dignus sit. Ita docet S. Th. 2. 2. q. 64. art. 6. ad 3. Idcirco in capitalibus causis Magistratibus summa cum cautela, & accuratissima consideratione agendum est, non solis præsumptionibus, aut indiciiis, quamvis in specie gravissimis fidendum, quia quandoque fallunt; sed plenis probationibus duntaxat, sive legitimis testimoniis, aut propria confessione vius reus morte damnandus est, & sententiam denique proferre debet zelo, & amore iustitiæ, odio criminum, servato in homines amore iuxta illud D. Aug. ep. 153. alias 54. ad Macedonium cap. 1. Quare peccat iudex, qui i. iustificientem, adeoque gravem non adhibet diligentiam in examine rei, circumstantiarum, accusatoris, & testium. 2. Qui contra se testimonium dicentem facile audit, & ex diis eum condemnat, quia tritum est apud tantos iudices axioma: *Nemo auditur perire volens*. 3. Qui eundem reum per se verba facientem perturbat, audire negat, sive advocatum ei denegat. 4. Si eum interroget de rebus, de quibus nulla nec indirecte præcessit accusatio, vel iudicia suspicio. 5. Si eum adiciat torturæ sine semiplena probatione; cuiusmodi est perita a teste de visu, eoque omni exceptione maiori, aut ab indiciiis pluribus, quæ gravia sint, vehementia, & manifesta. 6. Si gravius iusto, vel iniuste torqueri mandat, cum iam satis constet de crimine per testes indubios, nisi tamen legitime præsumatur crimen non ab uno, sed a pluribus commissum fuisse, quos detegi oporteat. Tortura tamen res est fra-

gilis, & periculosa: nam plerique patientia, live duritie tormentorum tormenta continent; alii tanta sunt impatientia, ut potius mentiri, quam pati tormenta velint, Leg. 1. §. de quest. & de hoc quod plurima exempla in Historiis exhibentur. Quod si iudex ex cognitione extorta reum condemnet, peccat graviter, & ad restitutionem tenetur, quia cognitio iniuste extorta nullum ius dat, ideoque ea uti non licet, cum uti non liceat medio iniusto.

Non lecus ac Principibus sæcularibus, Ecclesiasticis quoque, idell. Episcopis, aliisque Superioribus, & Clericis, qui iurisdictionem habent temporalem iure naturali, & divino, a quibus ipsis non est vetitum, possunt malefactores poena etiam sanguinis, & morte mulctare. Indigent tamen dispensatione, quia iure ecclesiastico hoc illis interdicitur. Loquimur de Clericis habentibus iurisdictionem temporalem, ut sunt plures Prælati, qui dominium habent sæculare aliquarum Civitatum, adeoque regendas creant Ministros, qui iustitiam admittunt, non de clericis inferioribus, de quibus certum est eos ferro non posse sententiam mortis. Principes igitur ecclesiastici procul dubio iure naturali poenas huiuscemodi, scilicet sanguinis, sive mortis &c. reus inferre possunt. Et hoc patet ex veteri Testamento in Moyse, quando præcepit Levitis, ut propter vituli adorationem Hebræos interficerent, Exodi 32. Phinees quoque Sacerdos occidit Israelitam cum Madianitide coentem, ut habetur 3. Regum. Item ex novo patet, cum D. Petrus mortem intulerit Ananias, & Saphira, Act. 5. Et hi omnes a Deo ob has occasionem laudantur. Cum autem, ut antea notavi, vetitum sit a sacris Ecclesiæ canonibus, quod Ecclesiastici ferant iudicium mortis contra reos, hinc Prælati, alique Clericali militiæ addicti, qui temporali iurisdictione potiuntur, ad causas sanguinis & mortis, vel impetrare debent a summo Pontifice dispensationem, ut tale ius exercere valeant, vel (& hoc consultius personæ Ecclesiasticæ) committere suam potestatem sanguinis personæ laicæ quæ ferat sententiam mortis contra malefactores. Ita D. Th. 2. 2. q. 64. art. 4. ad 3. & talis est praxis Ecclesiæ: unde per talem delegationem non auferitur lenitas, quam Ecclesiæ ministri ad Christi exemplum habere debent. Sic Salmat. cum aliis.

Iudici non licet damnare ad mortem reum non citatum, nec auditum, ordinarie loquendo, quia defensio est de iure naturali,

De Ecclesiasticis circa poenitionem malefactorum poena sanguinis.

Iudex non potest esse dammare malefactorem nisi servato iuris ordine.

ut in Clement. *Pastoralis de re iudic.* & quia punitio publica ordinatur ad publicam emendationem, requirit publicam citationem, & partis auditionem, ut omnibus constet criminis veritas, & rei allegatio, & quia solus Deus, ut ait D. Th. 2. 2. q. 67. art. 3. ad 3. utpote qui omnia clarissime ab æterno comprehendit, est simul accusator, testis, & iudex, non vero qui procedit ex veritate ab alio accepta. Dixi *ordinate loquendo* quia in nonnullis casibus id fieri potest, puta quando delictum est notorium, ut in eo qui publicum ministrum in foro publico occideret, in milite qui a militari disciplina publice deviare, in grassatoribus viarum, quia tunc delicti notorietas est loco testis. Item quando periculum esset rebellionis, auturbationis reipublicæ, si iuridice in dicta causa procedatur. Denique si delictum facile iuridice probari possit, sed probatio iuridica vergeret in dedecus Regis, ac Reginæ, ut si quis ingressus esset ad Reginam, aut filius Principis commisisset gravissima delicta, puta machinationem contra rempublicam: tunc enim reus puniri potest moris poena, quin iuridice procedatur.

Possunt Principes dispensare in iis, quæ sunt de iure positivo, uti sunt accusatio, oblatio libelli scripti, terminus dierum ad respondendum, & similia. Potest Respublica, aut Princeps supremus dare facultatem filiis, aut fratribus, ut impune per seipsos occidant interfectorem patris, ac fratris, postquam contra talem reum prolatum fuit iudicium. Cum enim respublica ad puniendos reos uti possit ministris quos voluerit, idcirco concedere poterit filiis, aut aliis consanguineis occisi facultatem interficiendi proprii patris, vel filii interfectorem. Hæc tamen concessio rarissime contingit, & non nisi quando interfectores parentum sunt gratulatores viarum, vulgo *assassini*, aut reipublicæ perturbatores, quando timeatur eos adhuc perseverare in animo damnum inferendi etiam aliis ex cognatis defuncti; alias deneganda est talis licentia, quia tunc consanguinei interfectores non ex iustitia, sed ex vindicta atrociter occidere solent. Cætera vero quæ respiciunt iudicis debitum circa reos, iam vidimus ubi egimus de iudicis obligationibus.

Nota in causis sanguinis in mitiorem partem debere iudicem inclinare, & quatenus leges permittant severitatem misericordia temperare, ut S. Aug. ep. 153. alias 54. ad Macedonium cap. 3.

Principes, & Respublicæ ius concessum

sibi habent a Deo non solum ad cædes pro punitioe malefactorum, sed ad eas etiam, quæ fieri contingant in bello iusto, non cupiditate, ac crudelitate, sed solo publicæ utilitatis studio, & provide hæc quoque non prohibentur in hoc præcepto proximum non occidendi. Et hoc constat ex bellis, quæ gessit Abraham, cui revertenti a cæde quatuor regum Sacerdos Melchisedech gratulabundus occurrit, etique panem, ac vinum obtulit, necnon ei benedixit, Genes. 14. Imo passim Deus ipse, ut habetur in veteri Testamento, bellare iussit adversus Amalecitas, Madianitas, aliasque nationes, auxiliumque iuste bellantibus pollicitus est, ac contulit: Apostolus quoque Hebræor. 11. laudat Gedeonem, Iephæ, aliosque, qui per fidem vicerunt regna, fortes facti sunt in bello, castra everterunt exterorum. Et inter cæteros SS. Patres de hoc laudabiliter loquitur S. Aug. ep. 128. ad Macedonium cap. 2. Sed ad hoc ut bellum sit iustum, tres concurrere debent conditiones, scilicet Conditio.
nes ad ius
belli auctoritas legitima, quæ solum in supremo Principe, & republica periclitata reperitur, cum non pertineat ad privatam personam bellum movere, 2. causa iusta, 3. intentio recta. Requiritur causa iusta ad bellum movendum, ut qui impugnantur, ob culpam aliquam impugnentur iuxta S. Aug. q. 10. in solue, ubi ait: *Iusta bella definiuntur, quæ ulciscuntur iniurias, si quægens, vel civitas, quæ bello petenda est, vel vindicare neglexerit quod a suis improbe factum est, vel reddere quod per iniurias ablatum est.* Igitur iustæ causæ belli sunt recuperatio bonorum ac iurium, quæ Principi, aut Respublicæ debentur, ultio gravis ignominie Legatis illatæ, si alter Princeps hostibus ipsius auxilium præbeat, si impios, sediciosos, vel perduelles contra publicum bonum tueatur, violatio pacti, ac foederis, negatio iusti tributi, subditorum seditio, vel rebellio, defensio fœderatorum, qui iniuste opprimuntur, vel causam iustam tueantur, innoxii transitus negatio, de qua S. Aug. q. 144. in Numer. Non est igitur causa iusti belli inferendi ampliatio imperii, & gloriæ cupiditas. Milites vero non tenentur examinare belli iustitiam, sed parere debent Principi, & Ducibus ab ipso constitutis, etiam si dubia sit eiusdem belli iustitia. Ita S. Aug. lib. 22. contra Faustum cap. 75. Hoc autem intelligendum de militibus subditis Principi, qui bellum indicit: nam qui non sunt subditi, non possunt militæ Principis adscribi, quando de iustitia belli, quod ille

gerit, dubium sit, cum nulla ipsis incumbat terrendi necessitas: qui enim parati sunt ad pugnam, & ad eadē hostium, sive bellum sit iustum, sive iniustum, hac animi præparatione tot homicidiorum, ac peccatorum mortalium rei sunt, quot hostes perimunt. Recta tandem ad iustum bellum requiritur intentio. Etenim si hæc in singulis actionibus præcipue requiritur, utpote quæ sit principalis ratio, unde bonæ, vel malæ sint iuxta illud asseritur: *Intentio facit omnia*; quadam potiori ratione requiritur in iis, quæ sunt gravioris momenti: ita docet D. Th. 2. 2. *quæst. 40. art. 1.* in corpore, ubi sic ait: *Tertio requiritur, ut sit intentio vel actio recta, quæ scilicet intenditur, vel ut bonum promoveatur, vel ut malum vitetur. Bellum enim, ut ait S. Aug. ep. 189. geritur ut pax acquiratur, & lib. 22. contra Faustum cap. 141. ait: Nocendi cupiditas, ulciscendi crudelitas, implacabilis animus, servas rebellandis, libido dominandi, & similia; hæc sunt quæ in bellis iure culpantur.* Defectus autem rectæ intentionis cum charitati duntaxat, minime iustitiæ adversetur, suppositis publica auctoritate, & iusta causa bellandi nullam induceret obligationem restituendi, pro incommodis, quæ in bello inferuntur, nisi vindictæ, vel rapacitatis libido traxisset ultra metas.

§. III.

De legibus, quæ permittunt patri, & marito, filiam, aut uxorem in turpi actione inventas occidere, & de occisione proscriptorum a Republica.

Leges, quæ permittunt patri, ac marito, ut filiam, aut uxorem, si eas turpiter agentes inveniant, occidant, iustæ sunt, quatenus hanc patris, aut mariti agendi rationem non puniunt, cum perdifficile sit, ut pater, & maritus altum dolorem, ac iram, quæ ipsi in huiusmodi gravibus circumstantiis excitantur, temperare valeant, & ita ipsa Christi Ecclesia sentit, cum ab excommunicatione eum exemerit, qui in clericum cum uxore, matre, sorore, vel filia propria turpiter inventum manus violentas intulerit cap. 3. *de sent. excomm.* Iniustæ tamen essent si talia homicidia approbarent, 1. quia nullibi data est facultas patribus, aut maritis filias, aut uxores pro libitu occidendi; 2. quia non patitur æquitas, ut quis inauditus, & non condemnatus occidatur; 3. quia etiam si lata esset a iudice sententia, non deceretur ut pateat, vel maritus

eam exequeretur; 4. quia repugnat Christianæ charitati, ut quis occidatur in eo statu, in quo vix, aut ne vix quidem æternam effugere potest damnationem. Hinc Alexander VII. hæc proscriptis propolitionem, quæ num. est 19. *Non peccat maritus occidens propria auctoritate uxorem in adulterio deprehensam.*

Circa proscriptos a Principe, si proscriptus sit extra proferentis ditionem, aut habeat probabilem causam suæ defensionis, non licet eum occidere, sicuti etiam si causa suæ proscriptionis sit tantum politica, nec evidenter iniusta, quia Princeps in huiusmodi causa non potest dare facultatem occidendi; & si eam dare posset, non tamen liceret agere carnificem motu proprio illi, qui proprio iudicio cum iudicat probabiliter innocentem. Si autem proscriptus sit revera evidenter reus, & exilat in territorio alieno, tunc si sine tacito saltem illius territorii Principis consensu occideretur, violaretur Principis illius territorii iurisdiclio in re magni momenti. Imo si sit in alieno territorio, siue proprio proferentis, dummodo reus proscriptus non credatur, vel timeatur etiam in posterum fore nocivus Republicæ, a quovis licite nequit occidi, sicuti etiam si unicuique facta non esset copia illum interficiendi. Si autem facta sit copia unicuique illum interficiendi, & talis reus proscriptus credatur, vel timeatur etiam in posterum noxam allaturus Republicæ, licite a quocumque poterit occidi, dummodo tamen non fiat ex odio privato, sed ex amore boni publici, vel propriæ indemnitate.

§. IV.

De innocentis occisione.

Innocentem nullatenus licet humana auctoritate siue publica siue privata directe, & per se occidere; & constat ex universali præcepto divino, Exodi 23. ubi sic: *Insontem, & iustum non occides, quia aversor impium.* Consone divinæ Scripturæ docet etiam S. Thomas 2. 2. *quæst. 64. art. 6.* ubi sic ait: *Nullo modo licet occidere innocentem.* Diximus auctoritate humana; hoc enim fieri posset quando ita Deus præciperet, cui ut vitæ, & mortis domino esset obsequendum. Quare non peccavit Abraham paratus iussu Dei filium Isaac interficere, nec peccaverunt Israelitæ devastando ob tale præceptum terras Amaleuitarum abique eo quod parcerent nec sexui, nec ætati: unde homicidæ sunt, qui seculo tali præcepto, quod hisce

diebus non contingit, interficiunt bello etiam iusto innocentes, ut sunt parvuli, mulieres, agricolæ, peregrini, Religiosi, Moniales, Clerici; si vero innocentes ita noceantibus sint permixti, ut facile discerninequeant, licet omnes simul involvere, quando tamen nisi ita, bellum iustum expediri non possit. Unde legitur rabiosis non esse suffocandos, ne aliis noceant, sed includi, & alligari. Diximus 2. notanter *directe*, & *per se*, quia indirecte, & per accidens aliquando licet, ut quando in bello iusto, ut iam notavimus, aliter victoria haberi non potest, & quando equo vestus aliter inimicum fugere nequit nisi, ratione viæ angustæ, & arctæ, proculcando innocentem infantem dormientem, claudum &c. vel quando evitari nequeat Urbis excidium, nisi ad tyrannum, vel hostem mittatur innocens. Tunc enim potest respublica talem innocentem cogere, ut tyrannum adeat, cum ex charitate, & iustitia legali teneatur innocens vitam exponere pro republica, nec hoc esset cooperari *directe* eius morti, sed tantum *indirecte*, & per accidens, cum traditio de se sit indifferens, & mors tantum sequatur *indirecte*, & præter intentionem reipublicæ. Nequam tamen possunt concives illum occidere ad petitionem tyranni, neque hic potest seipsum iugulando interficere. Volunt tamen aliqui, quod repugnando pertinaciter suæ traditioni, fieret nocens ratione inobedientiæ in re iusta, & gravissima, & tunc iuste non amplius ut innocens, sed ut nocens, & reus, posset a republica occidi.

Obiici hic posset non licere tradere tyranno mulierem violandam, sive virginem deslorandam, quia hoc esset eas exponere periculo gravissimo peccandi. Sed respondetur hoc non contingere in casu nostro, in quo potius grande meritum resultat innocenti apud Deum, & cives dici nequeunt cooperari illius occisioni eum tradendo, dum eorum intentio veritatur tantummodo, ut excidium civium impediatur: imo & ipsi cives, & innocens supplices sunt tyranno, ut velit non tollere vitam innocentem, & parcere civitati.

Maiores difficultates, quæ circa hoc versari potest, est num iudex quem innocentem scientia privata agnoscit, dum tamen iuxta allegata & probata reus mortis appareat, licite mortis damnare queat; & de hoc sentiunt theologi, quod si iudici nulla alia via illum liberandi aperiatur, debeat eum morti tradere. Dicitur consulto *nisi* nulla alia via illum liberandi aperiatur, quia iudex tene-

tur omnem licitam viam investigare; ut eum tum morti, tum cuiuscumque vexationi subtrahat; ita ut si sit supremus iudex, teneatur in tali casu impedire accusatores, & testes rigorose inquirere, ut eorum testimonia inhiumentur, vel si possit sine scandalo carcerem aperire, vel, ait P. Cuniliatus, dispensare in lege quoad iudicandum iuxta allegata, & probata, & ut in hoc quoque scandalum evitetur, iurare debet coram ipso innocente, & optimatibus se certo scire illum esse innocentem. Si vero iudex non sit supremus, sed delegatus, curare debet ut alter iudex suo loco substituat, & ipse vicem tellis gerere; & si hoc fieri nequeat, teneatur officium dimittere potius quam innocentem condemnare; alias ageret contra conscientiam, & iudicium practicum de vera alterius innocentia, præter quam quod iudicare secundum allegata & probata est de iure positivo, occidere vero innocentem est contra ius naturale.

S. V.

De abortu.

Nemo potest sine culpa lethali *directe* abortum procurare, ne factus humanus concipiatur, aut conceptus animetur, sive animatus efficiatur. Veritas huius propositionis patet tum ex sacris canonibus, tum ex Constitutionibus summorum Pontificum. Etenim in Concilio Eliberitano, Moguntino, Wormacienli, necnon cap. 5. de homicidio districte id prohibetur. Inter summos vero Pontifices, qui super hanc materiam veritati sunt, edidit suam Constitutionem Sixtus V. quæ incipit: *Efractam*, & Gregorius XIV. quæ incipit *Sedes Apostolica*, in quibus excommunicantur excommunicatione specialiter Episcopo reservata ii, qui procurant abortum, effectum tamen securo. Et si procurans sit Clericus, *omni clericali privilegio, officiis, dignitatibus, beneficiis . . . ipso facto privatur, & sit in futurum inhabilis ad ea suscipienda*. Sic habetur in laudatis Constitutionibus, cum Gregorius XIV. nihil in sua circa hoc innovaverit, nisi quod in excommunicatione non comprehendatur procurans abortum factus inanimati, qui in Sixtina comprehendebatur: Innocentius tandem XI. consone sacris canonibus, & laudatis apostolicis suorum præcessorum Constitutionibus proseripit hanc propositionem quæ numero est 34. *Licet procurare abortum ante animationem fetus ne puella deprehensa gravida occidatur, aut infametur.*

Quis

Quis enim non detestetur tam execrandum facinus, per quod nedum corporum, sed quod gravius est, animarum quoque certa iactura sequitur? per quod anima Dei imaginis insignita, pro qua redimenda Christus Dominus noster pretiosum sanguinem fudit, æternæ capax beatitudinis, ac Angelorum consortio destinata, a beata Dei visione excluditur? Gravissimum quidem scelus, utpote quod repugnet quoque bono speciei humanæ, ac naturali fini humani seminis, quod ex se ordinatur ad generationem, ac speciei humanæ conservationem, & propagationem. Et revera si Deus in omni casu hoc non interdixisset, ac proinde aliquo modo licitum esset procurare abortum, valde grave periculum foret, ne homines contenti copulæ delectatione prolem negligerent, sæpeque impedirent aliquo prætextu, ut a tot curis laboribulve eximerentur, pro proli sustentatione, ac educatione subeundis. Hoc plane gravissimum afferret speciei humanæ detrimentum; & quod peius est, tali medio via aperiretur innumeris fornicationibus, aut stupris aperiretur. Hoc tamen scelus, si solum veretur ad impediendum ne fœtus humanus concipiatur, propriæ, ac stricte non est homicidium, ut ex cap. 20. de homicidio, ubi dicitur: *impedire ne factus concipiatur, non inducit irregularitatem* quia cum hominem anima & corpus simul iuncti constituent, fœtus inanimis simpliciter, & complete non est homo.

Puellæ volenti se occidere ad infamiam vitandam quando nihil relictum sit intentatum, ut ab hoc removeatur, adeo ut puella se & fœtum suum sit certo extinctura, aliquo sensu ait Tourneleius posse aliquem ei consulere abortum, ut ipsa saltem in vita servetur, non secus ac volenti occidere duos, suadere licet ut unum tantum interficiat: nam hoc, ait, non est impellere ad malum, sed paratum ad duo mala retrahere ab uno.

Procursans abortum fœtus animati vete, & propriæ homicidium committit. Etenim hic revera hominem iniuste necat; ac ideo *ex cit. cap.* fiet irregularis, & ex Constitutionibus Sixti V. & Gregorii XIV. excommunicationem incurrit, & si parens hoc faciat est parricida. Quare nunquam licet abortum fœtus humani intentare, ne quidem in casu quo periculum sit ne fœtus moriatur cum matre, eo quod semper illicitum sit, & graviter culpabile innocentem ad alterius vitam salvandam interficere. Et idem intelligendum est, si dubitetur num

fœtus animatus sit vel non, quia cum semper præsumendus sit animatus, hoc esset se exponere periculo occidendi innocentem. Quare lethaliter rei sunt medici, qui positionem præbent ad procurandum abortum, sive fœtus animatus sit, sive non, ac mulieres quæ tale pharmacum sumunt. Item qui abortui occasionem præbent etiam præter intentionem dando operam rei illicitæ, vel debitam cautelam non adhibendo, puta si quis percutiat mulierem gravidam, vel si ipsa nimis saltaverit, vel nimis inordinate laboraverit, vel inordinate lasciviis indulserit. Sic P. Antoine. Incertum quidem est tempus animationis fœtus, assignantibus aliis dies 30. vel 40. pro mare, 50. vel 80. pro fœminis. Verum quia secundum recentiores Philosophos, ac Medicos, animalia quæcumque, ac homines quoque nascuntur ex ovo, ac in ipso latent animam velut in germine, probabilis est fœtum animari in ipsa fœtus conceptione. Hinc probabilis est per procuracionem abortus committi homicidium, si non reale, saltem mentale, statim post fœtus conceptionem, ut patet ex doctrina Innocentii XI. qui in tali ex varietate opinionum incertitudine circa fœtus animationem hanc proseripsit propositionem num. 35. *Videtur probabile omnem fœtum, quando in utero est, carere anima rationali, & tunc primum incipere eandem habere cum paritur, ac consequenter dicendum erit in nullo abortu homicidium committi.* Si enim constaret dari tempus, in quo fœtus nondum sit animatus, daretur locus dubitandi an in casu, quo ageretur de servanda puellæ vita aut fama per fœtus concepti eiectionem spectato iure naturali, præferenda esset lex conservandæ vitæ, aut famæ propriæ, vel lex massam necdum animatam promovendi ad vitam, tametsi etiam spectato naturali iure non videatur effugium relinqui eo quod puella huiusmodi assentiendo fornicationi censetur periculum vitæ, & infamæ ultro elegerit.

Quidquid tamen sit sive fœtus animatus sive inanimis censetur, sive veterum sive recentiorum opinio prævalere debeat, ne utique stando sententiæ Ecclesiæ licet præbere matri, nec ei sumere medicinam ex vi sua ordinatam ad eiectionem fœtus, tametsi certa sit utriusque mors, si non adhibeatur, & probabilis sit matrem sumptione talis medicinæ servandam. Sic sentiunt Azorius, de Lugo, Sylvius, alique: nam hoc esset procurare abortum directe, id est ex natura operis, quod semper intrinsece est ma-

malum, utpote oppositum naturæ, & fini generationi, & nihil interest quod foetus sit inanimatus, cum ex natura rei, & ordinatione auctoris naturæ foetus concipiatur pro ipsius animatione, & ut animatus suo tempore in lucem prodcat ad conservationem, propagationemque humanæ speciei, quia, ut antea dictum est, nunquam fas est innocentem occidere, ut alter salvetur. Nec ut contraria sententia obicit, foetus est iniustus vitæ matris aggressor, cum nihil contra eam molitur, nec ut volunt, est membrum, seu pars physica matris, ut in gratiam totius occidi possit, cum sit homo realiter ab ipsa distinctus.

Licet tamen, ut communiter sentiunt Doctores, præbere matri, eidemque sumere medicinam per se directe ipsius matris morbi curativam, nec per se tendentem ad abortum, licet prævideatur periculum quod indirecte, & præter intentionem forte abortus sequatur, dummodo certum sit iuxta veterum sententiam foetum non esse animatum, & matrem, nisi sumat medicinam, certo mortuam esse, quia tunc abortus non censetur procuratus, sed solum permittus, utpote qui præter intentionem eveniret, id est directe non intenditur, sed procuratur vita matris, quæ utitur iure suo: nam in hiis circumstantiis non privatur iure suo utendi remediis ad propriæ vitæ conservationem necessariis, nec per se abortum procurantibus. Idcirco per accidens duntaxat in tali casu, & præter intentionem sequitur forte abortus neminem occidens, cum foetus certe nondum animatus supponatur, & alioquin cum morte matris periclitaretur etiam foetus inanimis. Non licet tamen extra periculum morbi præbere matri, nec ipsi sumere pharmacum, quo excellatur, vel expelli possit foetus etiam inanimatus, tametsi matri immineret infamia, vel mors ab intrinseco ipsi inferenda, quia tunc ab ortus directe intenditur, ad vitandam infamiam, vel mortem, cum pharmacum non alio modo per se directe operetur ad vitandam infamiam, vel mortem, nisi per foetus expulsionem, tanquam medium, nec alia intentione sumatur nisi cavandis abortus ut modis ad mortem, vel infamiam effugendam.

Si foetus vero sit animatus, vel putetur esse animatus, vel solummodo etiam de hoc dubitetur, non licet præbere matri etiam in certo mortis periculo medicinam, quæ detendat ad occisionem foetus, præcipue quando probabile sit eo non sumpto prolem vi-

vam edendam esse, & sic baptizandam. Hæc sententia communiter a Doctores suscipitur, quia alias esset directa cooperatio interfectioni foetus, quod per se malum est. Ita enim docuit S. Ambrosius relatus cap. 10. & 14. quæst. 5. cuius hæc sunt verba: *Si non potest subveniri alteri, nisi alter lædatur, commodius est neutrum tutari, quam gravari alterum;* & eo vel maxime quod agitur de æterna salutis prolis, de qua spes habetur omnia tali medicina, & alias periculo exponeretur, quod nemini unquam licet sine lethali culpa: unde mater ad vitandum tale periculum in re tam gravi, sicuti est prolis æterna salus, tenetur hanc in extrema necessitate propriæ corporali vitæ præferre. Non licet tamen matrem dilcendere, ut extracta proles baptizetur, quia directe occidere innocentem est intrinsece malum, ideoque illicitum ob quemcumque bonum finem, cum non sint facienda mala, ut eveniant bona. Si autem, licet foetus sit animatus, certo constet matrem esse mortuam simul cum foetu sine baptismo, nisi pharmacum sumat, dicit Habertus cum aliis matrem posse inculpate illud sumere, quia desperata salute temporali matris, & æterna infantis, ut supponitur, nihil melius fieri potest quam ut uterque meliori modo quo possit, inveniatur, scilicet medicamine de se salutari matris, ex quo forte sequetur abortus, sed forte etiam sequetur sanitas matris sine abortu, quia nunquam licet se ipsum nequidem indirecte, ut est recusare medicinam, interire. Quod si adsit spes extinctæ matris, proditurum esse infantem; & baptizandum, non licet curare matrem cum vero prolis periculo, quia temporalem vitam suam pro æterna vita proximi non dubitabit Christianus amittere, ut monet S. Aug. Advertit hic P. Caniliatus quoad hanc materiam caute legendos esse Doctores qui scribere ante annum 1679. quod reprobatae fuerunt supradictæ propositiones.

Variæ sunt pœnæ, quibus subiaccunt procurantes abortum quemcumque, etiam inanimatum, ita ut abortus reipia inde secutus sit, ut habetur in supra laudatis Bullis Sixti V. & Gregorii XIV. nempe 1. pœnas incurrant omnes contra eos, qui homicidium voluntarium actum, & reipia patraverint, inflicti. 2. Si Clerici fuerint, omni privilegio clericali, officiis, dignitatibus, & beneficiis ecclesiasticis ipso facto privantur, & in futurum inhabiles redduntur ad ea suscipienda. 3. Ad sacros Ordines promovendi, aut in susceptis Ordinibus ministrare nullo modo

De pœ-
nis con-
tra pro-
curantes
abortum.

modo possunt. 4. Qui clerici non fuerint etiam irregularitatem contrahunt. 5. Extenduntur eadem pœnæ ad eos, qui sterilitatis potionem propinarint, & quominus fœtus conciperetur impedimentum præstiterint, sive quocunque modo in his consuluerint, ac ad mulieres ipsas, quæ eadem pocula scienter ac sponte sumplerint. 6. Excommunicatio ob abortum contracta soli reservatur Romano Pontifici præterquam in articulo mortis. 7. Et quoque reservatur dispensatio ab irregularitate contracta a clericis, qui eiusmodi delicta perpetraverint, etiam si crimen eorum occultum sit.

Duo tamen hic notanda sunt 1. privationem benedictionum a Sixto V. statutam non habere locum nisi post iudicis sententiam, & nisi procuratio abortus sit simul parricidium. 2. Prædictam Sixti V. Decretalem moderatam fuisse ab eius successore Gregorio XIV. in eisdem Bulla, quæ incipit *Sedes*, quatenus qui abortum procuravit, a peccato & excommunicatione contracta absolvi possit a quolibet Confessario tam seculari quam Regulari ad Christianidelum confessiones excipiendas, & ad hos casus specialiter ab Ordinario deputato. Unde tenet Sylvius, habentem generalem facultatem absolvendi a casibus, & censuris Episcopo reservatis non posse ab hoc casu absolvere, cum Pontifex requiratur, ut Confessarius specialiter ad hos casus sit deputatus. Nihilominus tamen consulenda sunt uniuscuiusque Diocesis statuta, & consuetudo. Cum autem Gregorius laudatus requiratur facultatem ab Ordinario concessam ad huiusmodi relaxandum delictum, & censuras, non sufficeret deputatio Provincialis nisi respectu suorum, qui erga hos, non erga seculares est ordinarius. Item limitata est eadem Sixti Constitutio, & ad terminos iuris communis redacta quoad eos, qui fœtus animati abortum procurant, aut mulieribus sterilitatis venena ministrant, aut consilium, vel auxilium ad hoc præbent, unde hi hodie non subiacent excommunicationi, nec etiam iudicandus est irregularis nisi qui iam formato puerperio, seu securo abortum procurat, ait S. Thomas in 4. *distin.* 31.

Supradictas pœnas incurrunt 1. qui abortum directe intendunt, ac ei cooperantur, seu percussoribus, venenis, pharmacis, potionibus, oneribus, laboribusque mulieri prægnanti impolitis, seu opem, consilium, favorem scienter dando, ac etiam scribendo literas, verbis, aut signis, vel alio modo iuvando, vel consulendo. Sic Sylvest. V.

cuius Bullæ nihil derogatum est in hac parte a Gregorio XIV. 2. Et ii, qui abortum volunt solum interpretative, ut si quis acrius prægnantem verberaret, si mulier gravida immoderate salter, si experta le abortum facere, quando fert onus grave, ab illo portando non se abstinere, nisi hoc inadvertenter faciat, quo in casu licet non possit esse libera a culpa, videtur non incurrere pœnam excommunicationis. Ulterius abortus quisvis, si sit præter intentionem, & ex indulgentia quæritur non sit, excusatur a censura, quæ proinde non incurritur, licet ignorantia sit vincibilis, modo non sit crassa, lupina, aut affectata. In his tamen & similibus casibus securus est ut saltem ad cautelam Confessarii currendas personas absolvi a censura, & ab irregularitate dispensari, præsertim cum abortus, de quo loquimur, habeat rationem veri homicidii, & homicidio etiam casuali mixto annexa sit irregularitas.

S. VI.

De homicidio facto privata auctoritate.

Hactenus egimus de homicidio facto publica auctoritate: nunc agendum de homicidio alterius facto auctoritate privata, & cum plures sint causæ homicidii tali modo perpetrati, & ex his aliæ, quæ ipsum corroborare videntur, hinc singulas distincte explicabimus, ut res pro conscientiarum regula eo meliori modo quo fieri potest, elucidetur.

Nota 1. homicidium, quod privata fieri potest auctoritate, idest independentem a legitima iudicis potestate, vel necessarium esse, puta cum quis occidat, ut liberet seipsum, ac Communitatem a gravi noxa, v. g. si occidat tyrannum, vel ne occidatur; vel voluntarium, cum quis occidit, quia occidere vult, seu mortem alterius in seipsa velit, seu eam velit in causa, quæ ab eadem morte sit prout inseparabilis, vel casuale, & hoc duplex est, nempe casuale simplex, quod contingit præter intentionem agentis ex actione, ex qua nec prævidebatur, nec moraliter prævideri poterat futurum, & casuale mixtum, quod quis reipsum non intendit, sed prævidere potuit, ac proinde impedire.

Homicidium simpliciter casuale, utpote involuntarium, communiter iam patet a culpa excusari; unde homicidii reus censendus non est 1. qui inculpabiliter ebrius aliquem occidit, imo ne quidem qui culpabili-

Homici-
dum
simplici-
ter ca-
sale ex-
cusatur
tunc culpa.

ter est ebrius reus homicidii est damnandus, si non potuerit prævidere homicidium quod perpetravit. 2. Qui culpam quidem contraxit, sed inefficacem respectu homicidii, puta si quis aliquem leviter vulneraverit, cui vulnus incuria vel chirurgi, vel propria factum grave mortem intulerit. 3. Qui in ponendo causam mortiferam omnem adhibuit quæ iudicio viri prudentis adhiberi potest, diligentiam; ut si venator explosa fistula, postquam satis circumspexit, num aliquis adesset, hominem occiderit. Num vero qui dat operam rei illicitæ, poenæ homicidii incurrat etiam adhibita quavis diligentia, hoc expenditur, cum de irregularitate; ideoque supervacaneum videtur de tali de hic agere.

Homicidii mixti
qui rei

Patet pariter homicidium mixtum peccatum esse plus minusve grave, quatenus plus aut minus habet voluntarii. Quare homicidii rei sunt 1. qui actum sive licitum, sive illicitum, modo periculofum, faciunt non adhibita sufficienti diligentia, ut si venator fistulam temere explotat, si nutrix infantulum relinquit in loco, ubi decidere potest. 2. Qui actum periculofum ponunt, nec habent in sua potestate, ut sint sufficienter diligentes. Quamobrem graviter peccant parentes, qui dormitionis tempore tenellos infantes secum in lecto derinent, quia cum nec a somno abstinere possint, nec sibi dormiendo invigilare, perpetuo in periculo versantur suffocandæ prolis. 3. Qui aliquid omittere, ad quod tenentur, causa sunt quare alter pereat. Hinc homicidii rei sunt 1. medici, aliique huiusmodi quorum negligentia, vel imperitia ægro mortem affert, nam scire tenentur, aut a medicando abstinere quos curare nesciunt; 2. advocati, qui innocentis causam male tuendo nisi causam quod capite plectatur; 3. Principes, qui cum possint, non perdunt latrones vias cum periculo viatorum infestantes. Licet tamen graviter delinqueret, & reus esset homicidii late sumpti qui quidpiam omisisset, ad quod ex sola charitate tenebatur, non esset tamen obnoxius restitutioni, aut irregularitati.

Homicidii
mixti
qui rei

Nota 2. homicidium generatim aliud esse simplex, aliud qualificatum. Simplex iam per se patet. Qualificatum vero est occisio parentum, aut personarum propinquarum, & vulgo parricidium appellatur. Item homicidium sacrilegum, seu personæ sacræ, proditorium, & si quod est aliud specialem malitiæ qualitatem, sive circumstantiam includens, quæ non reperitur in homicidio simplici.

S. VII.

De homicidio, privata auctoritate Tyranni.

Ut res clarius discutatur circa tyrannum, advertendum est, num Princeps sit tyrannus gubernatione tantum, idest quia nimis aggravat, & tunc cum occidere nemini licet, eo quod verus sit dominus, ac iuste Regnum possideat, ipsoque potiat, vel an sit tyrannus, qui abique ullo titulo Regnum usurpaverit, nec ullus reclamet, idest respública, ac ipsi aperte non adversetur, & possessioni, quam iam acquisivit, ac fidelitatis iuramentum omnes præstiterint, vel si se in possessione sustineat renuente tamen ac adversante respública; ita ut sit iniustus invasor, & iniquus respublicæ oppressor.

Principem, qui tyrannus evaserit quoad regimen, nempe spoliante subditos iniuste eorum bonis, & cuncta in suum privatum commodum ordinantem, ac trahentem, discordias seminantem, rixas promoventem &c. nulli privato occidere licet. Sic communiter sentiunt Doctores, quia licet modis tyrannis ita se gerat, semper est Princeps, caput, & pater, neque per hoc ius domini amittit. Ita docuit S. Thomas, vel qui alius sit scriptor opusculorum, quæ D. Thomæ attribuantur, Opusc. 20. de regimine Principum lib. 1. cap. 6. Effer hoc periculofum multitudini, & eius Reſtoribus, si privata præſumptione aliqui attentarent Præſidentium necem, etiam tyrannorum. Proinde, patienter esse a fidelibus sustinendum tyrannum, & subditis dolendum de peccatis, propter quæ permittit tyrannus illos vexare. Et concludit idem auctor: Tollenda est igitur culpa, ut cesset tyrannorum plaga. Et hæc omnia consona sunt doctrinæ Apostoli 1. ad Timoth. 2. in qua iussit orare pro Imperatoribus, tametsi tribus prioribus sæculis plerique quoad modum regiminis tyrannice se gesserint: Obſecro primum omnium fieri obsecrationes pro omnibus hominibus, pro regibus, & omnibus, qui in sublimitate constituti sunt. Tertullianus in Apologetico cap. 30. testatur ab Ecclesia pro Imperatoribus preces fundi, ut cum sua familia & in suis exercitiis felices sint. Hæc autem non conveniunt cum iure occidendi tyrannum quoad modum regiminis. Hinc Concilium Constantiense hæc propositionem Ioannis Hussi tanquam erroneam damnavit: Quilibet tyrannus licite potest a quocumque subdito interfici.

Quis Ty-
rannus
conſue-
tus?

De occi-
ſione
Principis
legitimi
iudi Ty-
rani.

Error
Ioann. a
Hus ca.
motus
a Conci-
lio Com-
ſtantiensi.

fici; & cum D. Paulo & Patribus concordant celebriores theologi, Caietan. Sotus, Bann. Prado, Tapia, Sylvester, Ioan. a S. Th. Salon, Azorius, Sayrus, & alii communiter.

Quid si Tyrannus sit extraneus, qui abique nullo titulo regnum usurpaverit, idest dominium invaserit tyrannice proprii Principis, in tali casu docent theologi communiter, & Iuristæ, cuiuslibet subdito Principis invasi sicere illum occidere, quia tunc quilibet subditus, qui hoc attentet, evadit miles pugnans in bello iusto ad sui proprii Principis defensionem.

Si autem tyrannus sit in possessione dominii iniuste, ac tyrannice usurpati, atque tyrannice gubernet, ita ut nullo nitatur fundamento probabili, & nullo a multis etiam doctis existimato titulo, & respublica sit coacte illi subiecta, nec possit illum repellere, nec ipsum pacifice admiserit, vel etiam si coacte illum admiserit, ac promiserit tyranno simpliciter illum habiturum pro rege abique eo quod tamen iuramentum ipsi præstiterit fidelitatis, in hoc casu quoque a quolibet privato subdito Principis invasi licite occidi potest: nam promissio vi extorta iure naturæ non parit obligationem. Dixi *abique eo quod iuramentum ipsi præstiterit fidelitatis*; nam si hoc acceperit, servandum est a privato, quia illud Deus in ista materia acceptat, & servari iubet causa boni publici, quod petit tranquillitatem regnorum, & securitatem Principum. Si vero esset ita tyrannus, ut eius oppressio sine gravissimo populorum incommodo sustineri non posset, non adhuc liceret cuique privato illum occidere, sed in tali casu, quod etiam dicendum de legitimo Principe facto ita tyranno, vel recurrendum est ad Principem superiorem tyranni, si extet, sin autem ad iudicium publicum totius Communitatis; & super hoc consulendi sunt Iuristæ fideles in hac materia differentes.

S. VIII.

De occisione facta a semina Principe, aut nobili privata auctoritate concubinae proprii mariti.

Illicitum est seminae Principi, vel etiam valde nobili occidere privata sua auctoritate mariti sui concubinam, quia hic casus nullibi nec in genere, nec in specie est permissus a Deo habente dominium humanæ vitæ, & necis. Etenim nullibi in divinis Scripturis legitur factam fuisse hanc a Deo

potestatem cuivis etiam reo, mortem inferendi, nisi supremæ auctoritatis Principum, qui plenaria potestate regimini præfunt reipublicæ. Si vero prius a Suprema potestate statueretur poena mortis in huiusmodi concubinas adulteras, & facta prævia monitione de fugiendo publico, ac notorio adulterino consortio, non haberetur mandati observantia, posset suprema potestas executionem sententiæ mortis cuique demandare, quando tamen ordinarius legum ritus in puniendo servari non possit. Et sic dicito de quocumque alio peccatore, ita ut nunquam licitum sit alicui privata auctoritate cuivis peccatori, seu malefactori mortem infligere, quia mors est poena, quæ procedere debet a sola publica potestate, & per hanc etiam semper servato iuris ordine. Et ob hanc rationem, ut antea iam vidimus, nec maritus, tametsi Rex, supremusque Princeps, uxorem, filiamque secreto in turpi commercio deprehensas, licite potest occulte privata auctoritate, veneno, aut alia via, occidere, cum semper hoc agendum sit publica auctoritate, & servato iuris ordine.

Nec valet hic dicere, Religiones punire sine talibus formalitatibus occulta Religiosorum crimina, cum hoc fiat solummodo pro levibus culpis, pro quibus non est necessaria stricta accusationis forma, ut deciditur in *Lege levitica 24. de accusatoribus*. Quando enim delicta sunt gravia, ut mereantur carcerem, officii, vocis, aut loci privationem, ad tales condemnationes semper opus est accusatore, & quod iuris forma substantia- liter servetur, licet iuris apices interdum ita aliqua exigente gravi circumstantia prætermittantur.

S. IX.

De suicidio.

Notandum prius occurrit ante rei huius Duplex discussionem duobus modis posse aliquem se modis se occidere, directe ut si gladio se confodiat, vel in flumen se proiciat, & indirecte, vel negative, ut si quibusdam periculis se exponat, aut id omittat quo vitam servare posset.

Occisio quæ hoc præcepto naturali, ac divino est prohibita, quia mala, utpote charitatis, & iustitiæ opposita, si est illicita quando fit in alterum, a fortiori illicita erit, quando fiat in seipsum, eo quod magis charitati propriæ opponatur, & etiam iustitiæ: nemo enim vitæ suæ est dominus; idcirco, seculo Spiritus Sancti instinctu, ut con-

Non licet se ipsum occidere.

contigit in Sampſone, & S. Apollonia, nemo quavis ex cauſa etiam bona ſeipſum directe occidere poſteſt. Et hoc patet tum ex generali præcepto: *non occides*, quo tam noſtra quam proximi occiſio prohibetur, imo noſtra magis quam proximi, tum ex Patribus, ut ex Laſtancio lib. 3. cap. 18. ex S. Aug. lib. de Penitentia cap. 13. ubi Donatiſtarum impudentiam arguit, dum quaſiti a catholicis manus violentas ſibi inferrebant. Et equidem ſi rei ſunt homicidii qui proximum occidunt, multo magis plane qui talem immunitatem in ſeipſos exercent, cum nemo ſit homini propinquior ſeipſo, ac proinde magis ſeipſum diligere debeat quam alterum; in oſi nullus privatus homo, utroque qui non ſit dominus vitæ proximi, alterum occidere poſteſt, cum non maius ius habeat in propriam vitam, quam in vitam proximi, non lecus ac proximum, ſeipſum occidere nequit, quia ſicuti non eſt dominus vitæ proximi, æque dominus non eſt vitæ propriæ, cuius Dominus univerſaliter Deus eſt. Quapropter Deum graviter offenderet qui ſeipſum interficeret, non ſecus ac ſi alterum hominem interficeret. Homo igitur nequit ſine Dei voluntate per internecionem ſeipſum deſtruire, cum illicitum ſit, & iniquum deſtruire rem alienam ſine eius conſenſu, & ideo illius uſurpare. Deſtructio enim rei propriæ auctoritate eſt, exercere in illam actum dominii, ut ait S. Thom. quaſt. 64. art. 3. Hinc Martyres, qui ſe in rogam coniecerunt, hoc ſecerunt ex ſpeciali inſpiratione Dei, ac ideo ipſius Dei auctoritate. Quod autem ſpeſtat ad Eleazari, ac Rhaſæ factum, quorum Patres aliqui improbant, alii commendant conſilium; hi vel a ſeipſis mortem quaſierunt, & eorum mors non eſt laudabilis, vel a Spiritu ſancto impulſi fue- runt, ut dicitur de Sampſone, & ſic laudabiliter ſe geſſerunt. Hinc eadem ratione dominii ſolius Dei in hominum vitam nemini licet ſua privata auctoritate interficere aliquem volentem, ac etiam petentem. Imo nec licet reo mortem ſibi inferre iuſſu humani iudicii, tametiſi obtemperare teneatur actiones eliciendo quæ proxime ad mortem diſponunt, ut ex D. Th. 2. 2. quaſt. 69. art. 4. ad 2. ubi quoad primam partem rem clare exponit, ac demonſtrat. Tenetur quidem, ut diximus, actiones facere ad mortem diſponentes, puta ſcalam aſcendere ad patibulum, collum aptare ad laqueum, vel ad gladii ictum, os aperire, ut venenum aliena manu in os inſundatur, &c. quia hi ſunt actus obedientie debite iudici, qui

iuſte illum condemnavit, in iis quæ ex ſe non ſunt illicita, ſicuti nulla eſt iſtarum actionum, ut clariffime patet, dum neceſſariæ ſunt, ut in eum iuſta impleatur puni- tio. Non licet vero ei qui crudele ignis ſup- plicium, aut inſame luſpendium, quibus dam- natus eſt, veretur, venenum accipere, ne tam dura patiatur, quia illicitum eſt in- famiam ac cruciatum medio vitæ evitare. Pariter illicitum eſt ad ſalvandum infantem iam iam moriturum ſine baptiſmo ſe in ſlu- vium delicere, ut ibi inſans baptizetur, ſi adit evidens periculum mortis in flumine ſubeundæ.

Quare nunquam licitum eſt exequi erga ſeipſum actus per ſe mortiferos, ideſt qui ex ſua natura ducunt ad mortem immedia- te, ut ſunt iugulatio, ſtrangulatio, ſumptio veneni, præcipitatio ſui ex alto loco, pro- iectio in rogam, & alia huiusmodi, quæ hoc eſſet propriæ, directe, & poſitive ſe occidere. Pariter quilibet tenetur conſervare ſibi vitam ordinariis mediis, eo quia qui non utitur mediis quæ auctor naturæ ad ordina- riam vitæ conſervationem providit, cenſetur ſibi mortem inferre: non tenemur tamen iuxta multos adhibere media extraor- dinaria, vel pretioſiſſima cum diſpendio om- nium bonorum, quia hoc non eſt ſe in- terimere, ſed vitæ ſuæ exitium ob iuſtam cauſam permittere.

S. X.

De ſuicidio indirecto.

Communitè ſentiunt Doctores graviffima, ac iuſtiſſima interveniente cauſa licitum eſſe ſeipſum indirectè occidere, cum licitum ſit homini iuſta de cauſa variis ſeſe pericu- lis exponere, ſicuti etiam aliquid facere, vel quædam negligere media, unde præter in- tentionem mors certo ſequatur, vel aſper- num vivendi genus amplecti, quo fieri po- teſt, ut breviori tempore ipſius vita conſumatur. Non enim prohibitum eſt homini, ne unquam vitam ſuam periculis exponat, nec præceptum eſt ut ſemper conetur eam poſitive pro viribus ſervare, ſed tantum ſine iuſta cauſa eam periculo obſciat. Varii autem ſunt caſus, in quibus homines cen- ſentur ſe indirectè occidere, ut quando agitur de bono totius republicæ: quare mi- les poſteſt, & tenetur ſtare in ſtatione ſua, & in hoſtes irruere cum certo mortis pe- riculo, ſi hoc opportunum ſaluti publicæ vi- deat. Ita quis navigando poſteſt ob publi- cam utilitatem vitam exponere. Verum ſi

ageretur de navigatione per mare ita naufragis famolus, ut fere nemo ab eo incolumis evadat, illicitum est ei committere, nisi forsitan sic exigeret publici, vel etiam privati boni necessitas. Item cum agitur de avertendo gravi damno eidem reipublicæ imminenti. Hinc aliqui eos excusant, qui naves suas incendunt iam iam in potestatem inimicorum devenuras, vel ut tollant e medio hostes reipublicæ perniciosos, qui cum ipsis permixti sunt, non alias ac fortissimus Sampson, qui seipsum cum Philistæis interemit. Alii tamen cum exemplo Sampsonis hoc non approbant, nisi hoc fiat ex speciali Spiritus Sancti impulsu, vel sperare possint incensa navi posse natando se salvare, quia tunc se liberant a periculo certo, & incerto, a quo aliqui iam evasere, se committunt. In hisce enim casibus repentinis, ait Tourneleus, plus moveret terminus a quo, quam terminus ad quem. Item si agatur de removendo damno live temporali live spirituali proximi. Hinc non peccat, imo actum magnæ charitatis exercet, qui se occidi permittit ab iniquo aggressore, ne eum interimendo sit causa suæ damnationis, dummodo tamen qui permittit se interiri, non sit persona publica, & reipublicæ necessaria, aut valde utilis, quia salus proximi debet esse suprema lex, nisi possit per fugam aggressoris offensionem evitare. Additur vero ab aliis, nisi tamen ipse sit conficius, se esse in peccato mortali, quia saluti aliorum propria præferenda est. Verum hæc opinio aliquibus videtur male fundata, quia qui ex charitate daret seipsum pro anima proximi, hinc credi nequit non esse contritum, idest non habere testimonium propriæ bonæ conscientiæ. Item femina cui ab aliquo stricto pugione mors comminetur, nisi se violari permittat, tenetur potius mortem suam permittere quam sui violationem. Quamobrem tenetur factio externo, & vi omni resistere, quousque aut repellat aggressorem, aut ab iplo etiam occidatur. Idem quando vita propria nonnulli difficilissimis remediis servari possit: ac proinde non habetur ut sui homicida qui se abstinet a pretiosissimis pharmacis, in quibus facultates suas profundere deberet. Sic nullus Religiosus tenetur petere a suo Superiore potum, victum, aut vestitum diversum ab iis, quæ sunt in eius Conventu, Monasterio, Collegio usitata, upote convenientiora alicui suæ infirmitati, vel sui temperamenti, seu naturæ exilitati, tametsi non peccet etiam si ratione infirmitatis for-

nidatæ peculiarem potum petat rogando, secus vero, si seculi aclusi infirmitate petat flagitando tanquam sibi debitum. Huc facit illud S. Bernardi Serm. 30. in *Cantic.* de Religioso nimis suæ valetudini student, ac ita de communi victu queritanti: *Legumina ventosa sunt, cascus stomachum gravat, lac capiti nocet, potum aque non sufficit pectus, pisces de stagno, aut luto aqua meæ penitus constitutioni non congruunt*, quibus inter alia paulo post subiungit S. Pater: *Putat se, quæso, monachum esse, non medicum, nec de complexionibus indicandum, sed professione.* Item qui non vult gravissimos cruciatus in pedum, vel alterius membri sectione pati, ut vitam diutius protrahat, cum huiusmodi remedia sint moraliter impossibilia, ut ne quidem a Superiore præcipi queant. Ita Sylvius. Docent tamen Theologi, quod si vita huius hominis bono communi esset necessaria, teneretur, & etiam cogi posset ad subeundam membri sectionem, gravissimisque pati huiusce operationis dolores. Quod si homo nolit ne quidem moderatos dolores sustinere, ut vitam servet, poterit quidem cogi ab iis, qui curam ipsius agunt, ut Pater, Tutor, Superior, similesve. Num vero cogi possit ab aliis discrepant Theologi.

Pariter si quis ut Deo, & iustitiæ satisfaciatur, ea non amplectatur media, quibus vitam sibi servare possit, unde ei, qui iussu ad mortem damnatus est, licet exequi præambula ad mortem, ut se offerre iudici, iuxta D. Thom. non egredi e carcere, dum ei opportunitas offertur, & noverit sibi paratam esse mortem, cum Martyres, quibus talis commoditas non desuit, ob banc rationem ut sui homicidæ non reprehendantur. Num vero qui damnatus est, ut venenum hauriat, vel sibi venas aperiat, licite hæc facere possit, vel cogi a iudice, ut ita faciat, convertitur inter Theologos, & circa hoc videri possunt hic Sylvius, ac Tourneleus, qui adiunt quod tametsi conveniant circa hoc Doctores posse damnatum licite actiones facere, quæ per se, & immediate non pariant mortem, sed duntaxat disponunt ad mortem, quæ ex actione ministris immediate consequitur, ut ascendere scalam patibuli, præbere caput ministro &c. non potest tamen facere actiones, quæ per se, & ex natura sua immediate mortem afferunt, ut se præcipitem dare ex scala patibuli, sumere venenum, secare venam &c. Et sic docent etiam actiones prioris generis reo præcipi posse a iudice, utpote quæ nec

naturæ repugnent, nec mortem per se inferant; non vero secundi generis.

Quid de
funam.
bullâ ob
pericu-
lum, cui
se expo-
nunt.

Funambuli, qui in fune excelsius potenter saltant, licet ab aliquibus excusentur a culpa, si experientia moraliter certi sint de sua industria, & agilitate ad evitandos lapsus, sanior tamen sententia affirmat eos lethaliter peccare, quia 1. quantacumque polleant agilitate, semper obnoxii sunt proximo mortis, vel gravis vulneris periculo ob aliquam supervenientem vertiginem, vel aliud accidens, unde tot fortassis ex eo ludendo perire, quot ex torneamentis, quæ idcirco a Later. Concilio III. cap. 2. severe interdicta sunt; 2. quia plura ludis suis miscent obscœna. Sic Pontas, Tourn. cum aliis.

Immunes vero censentur a culpa qui ut theriacæ suæ virtutem commendent, venenum hauriunt, vel permittunt a v. pera mori, si concurrant hæc conditiones, 1. videlicet si theriacæ fabricator sit vir artis suæ peritus, 2. si vim theriacæ in bruto expertus sit, 3. si certo credat nihil subesse periculi, 4. si forte sentiat theriacam suam vim tantam non habere ad propulsandum venenum, cito habeat aliquod aliud infallibile remedium; secus, ob periculum, peccaret.

Qui ieiuniis, vigiliis, aliisque afflictationibus consulto, ac etiam advertenter, sanitatem suam, ac vitam immoderate læderet, graviter peccaret, quia faceret graviter contra charitatem sibi debitam in se gravi, unde *cap. 24. dist. 5. de consecratione* ita habetur. *De rapina holocaustum offert, qui fructus ciborum nimia exesitate, vel somni penuria corpus immoderate affligit.* Qui vero moderate carnem suam mortificat, facit opus pietatis, quia id facit, quod faciebat Apostolus, qui 1. Corinth. 9. aiebat: *Castigo corpus meum, & in servitutem redigo, & simul consilium eius sequitur Coloss. 3. Mortificate membra vestra*, quia viri & poenitentia, & asperitate celebres diu vixerunt: quia tandem tam licet ieiunio, & abstinencia vitam imminuere propter Christum, quam licet ob temporale lucrum artes profiteri, quæ sensim vitam infumant. Non tamen debet esse intentio nostra minuendi quod nostrum non est, ita ut qui diem, aut etiam horam vitæ sibi auferret, esset sui occisos. In his igitur, ut advertit Tournelleius, standum est prudentis consilio.

Cum vero plus insit periculi vitæ in usu liquorum, & crapula, propter quam multi obiere, Ecclesiast. 37. hinc in continuo sui homicidio, ac idcirco in perpetuo statu peccati

ri mortalis versantur qui ita laxè, & enormiter indulgent potionibus, libidimbus, aculive huiusce generis excessibus, ut morbos lethales contrahentes, apoplexia, cachexia, epilepsia &c. tandem intereant, utpote qui poterant, acimo debebant prævidere in causis adeo gravibus, & manifestis, necnon tot exemplis comprobatis, huiusmodi mortem probabiliter se incursumos.

Verum in proposito de homicidio casuali, ut dignoscatur quando ex eo culpa incurri potuit, attendenda est regula, quam tradit Angelicus Doctor 2. 2. q. 64. art. 8. ubi sic: *Ea, quæ casualiter sunt, simpliciter loquendo, non sunt intentia. Contingit autem quod id, quod non est actum per se volitum, vel intentum, sit per accidens volitum vel intentum, secundum quod causa per accidens dicitur removens, prohibens. Unde qui non remouet ea ex quibus sequitur homicidium, si debet removere, erit quodammodo homicidium voluntarium. Hoc autem emergit dupliciter, uno modo quando datus operam rebus illicitis, quas vitare debebat, homicidium incurrit, alio modo quando non adhibet debitam sollicitudinem.* Regulæ Angel. Doctoris advertit P. Fulgentius addendam esse animadversionem Caietani, & Sylvi ibidem, nempe ad hoc ut opus illicitum iudicetur causa indirecta homicidii, seu per accidens, necesse esse, ut habeat aliquem saltem respectum ad homicidium, ita ut, si ex opere illicito aut nunquam, aut rarissime lequatur homicidium, hoc non erit imputandum volenti opus illud illicitum, utpote quod sit opus proprius extraneum homicidio, v. g. si fur dum ascendit scalam ad furandum, ex illa decidat supra puerum casualiter eo momento illic transeuntem, tale homicidium profecto non esset tibi imputandum, quia prævidere non debuit quod illa hora, quæ iam supponitur nocturna, dum versaretur in tali actu, puer illic transiret, ipse rueret, & in tali ruina transeuntem interimeret.

§. XI.

De illicita sui ipsius mutilatione.

Homo sicut non est dominus propriæ vitæ, ita nec est dominus membrorum sui corporis, sed habet duntaxat convenientem eorum usum, & administrationem ad bonum sibi, totius suæ personæ; hinc ipsi non licet saluberrima necessitate ad sui corporis salutem, aliquod corporale membrum sibi mutilare. Unde non licet se castrare ad vitandas tentationes, servandamque castitatem, & hoc

Nemo
licet sine
necessita-
te aliquid
sibi mem-
brum mu-
tilare.

ve-

vetitum fuit a Concilio Nicæno 1. cap. 1. Mutuario enim non est necessaria ad salutem animæ, nec remedium utile ad castitatem, cum non tollat carnis tentationes, imo molestiores huiusmodi, ait Chrysostomus hom. 65. in Matth. Et revera si liceret homini seipsum mutilare, Ecclesia hoc non improbaret, ut ex *dist. 55. cap. 4. desumpt. ex cap. 22. Canonum Apostolicorum*: *Si quis abscidit semetipsum, idest amputavit sibi virilitatem, non fiat clericus, quia est sui homicida.* Præcipit quidem Dominus erueri oculum, si scandalizet. Verum hoc intelligit non realiter, sed metaphorice, & significat eas peccandi occasiones, quæ oculis ipsis cariores sint, procul esse abiciendas. Hinc facile colligi potest peccasse Origenem, cuiusque imitatores, qui lumentes ad litteram illud Matthæi 19. *Sunt cuncti, qui seipso castraverunt*, sibi virilitatem putarunt. Item Ammonicus, necnon Marcus Anicoretæ, quorum unus ne Episcopus crearetur aurem, alter ne Sacerdos ordinaretur, pollicem sibi abscidit.

Peccant
permis-
sentes,
agentes,
consulen-
tes per-
sonam
castra-

Colligitur pariter gravioris criminis reos fieri facientes, iubentes, fundentes, puerorum castrationem (uno & pueros ipsos consentientes si sine doli capaces) ut sonoram vocem habeant, licet hoc heret etiam in Ecclesiæ obsequium. Nam si non licet abscidit membrum alicui propter corporalem sanitatem totius (ait D. Th. 2. 2. q. 65. art. 5.) nisi quando alias toti subveniri nequit; multo igitur minus licitum erit membrum præscindere propter quodcumque lucrum temporale. Dicitur notanter *salva necessitate*, quia ordo postulat in gratiam totius licere partem resecare, cum pars sit propter totum, imo toto pereunte periret etiam pars. Unde licet membrum putridum abscindere; licet manum quando quis ea ligatus aliter incendium effugere non valeat; licet si tyrannus minuitur alicui mortem, nisi aurem, vel aliam corporis partem sibi præscindat.

§. XII

*De occisione inuvasoris propriæ viæ,
& bonorum.*

Antequam nostra sententia exponatur, pro faciliiori elucidatione notandum 1. nos hic loqui de iniusto invalore: nam carni-ces, & lictores cum reum aggrediantur auctoritate publica, & ex iusta causa, idest ob securitatem, & tranquillitatem reipublicæ, licite nequeunt a teo pro sui defensione interim; alias daretur bellum ex utro-
Instit. Theol. Moral. Tom. III.

que iustum. Notandum 2. loqui de iniusto aggressore actuali, quia ante & post actum aggressionis non licet hunc occidere, cum tunc non opus sit defensione, ubi non est aggressio, nec tunc vis est repellenda. Quare ex communi sententia illicitum est occidere, & repercutere eum, qui iam percussus, & fugit, vel a percussione destitit, nec ob vulnus acceptum potest amplius aggressum nocere; tunc enim reperculsi, & occisio non est amplius necessaria ad propulsandam iniuriam iam illatam, quia iam cessavit aggressio, unde esset ultio, quæ nemini privato unquam licet; & ideo eadem ratio non licet prævenire eum, qui nos ad occidendum quærat, quia adhuc non est aggressor, ac proinde non adest vera defensio, nec eum qui animal solvit contra me, a quo dilaniandus sum, quia tunc invalore non perle me aggreditur, idcirco non sum in necessitate, ut eius occisione, aut percussione me defendam. Notandum 3. hic agi de aggressore, a quo quis occidendus sit, nisi hic eum occidat: nam qui fugiendo vitam tueri potest, fugere tenetur. Unde contra Navarum, aliosque exulari nequeunt duces, ac viri nobiles, utpote qui pro-ignominiosa reputant eorum fugam, sicuti hi Doctores a-
sunt, cum nequitiam ignominiosius putare debeat Christianus, quod Deo iudice magnum est, decorum, ac nobile. Idcirco ait S. Antoninus: *Si quis ne repusetur pugillanimitis, vult resistere, non excusatur ab homicidio crimine.* Notandum 4. putantes licitum esse iniustum aggressorem occidere, quasdam conditiones exungunt, prima quarum, & hæc ab omnibus communiter admittitur, est, ut occisio aggressoris fiat cum moderamine inculpatæ tutelæ. Hoc autem moderamen est debitum modum servare, nempe ut qui invaditur, illud duntaxat faciat quod ad sui defensionem necessarium est. Quocirca hoc moderamen non servat, qui non ad iniuriam propulsandam, sed ad vindictam sumendam alium occidit. Item qui enim interfici quem a sui occisione cohibere potest vulnerando tantummodo, aut mutilando; qui mutilat quando satis sit percutere; qui percutit, quando sufficit minitari, clamare, fugam arripere. In aliis vero talibus circumstantiis fundamentum præbunt adiudicandi num fuerit præventio, aut sui necessaria defensio, & in his valde caute procedendum est. Alia item conditio est ut actio iniqui invasoris sit vera per vim aggressio. Hinc manifestissime patet minime licitum esse occidere iniquum iudicem, aut falsos testes, qui

vitz alicuius insidiantur, 1. quia hic non occurrit vis illata, sed solum calumnia, quæ idcirco iuris ordine non violentia repellenda est; 2. quia aliquin via aperiretur homicidiis. Facile enim libi persuaderent homines se iniquè accusari ac mortem nonnisi accusatorum aut iudicis intereccionem vitare posse; 3. quia hæc inimici machinatio multum a morte distat; 4. quia damnata est ab Alexandro VII. propositio num. 18. *Licet interficere falsum accusatorem, falsos testes, ac etiam iudicem, a quo certe iniqua imminet sententia, si alia via non potest innocens damnus evitari.*

Aliam conditionem requirit Angelicus 2. 2. q. 64. art. 7. & cum eo alii plures, scilicet ut qui iniustum aggressorem occidit, non eius mortem, sed tantum sui defensionem intendat, ac propriæ vitæ conservationem. Quæ ratiocinatio in huiusmodi circumstantiis est valde perdifficilis. Ultima conditio est, ut aggressor non sit persona seipublicæ necessaria, vel valde utilis, ut princeps, dux exercitus &c. quia ex ordine charitatis bonum commune utpote multorum bonum, præferri debet privato, quod bonum est unius, vel paucorum, Cæterum occisio, & percussio iniusti aggressoris perraro vacat culpa, cum fere nunquam conditiones supradictæ serventur. Hinc aliqui Patres occisionem iniusti sine publica auctoritate indefinite damnant ob periculum vindictæ, & excessus in modo defensionis.

Hinc notandum g. duplicem esse in re hac Ecclesiæ Patrum sententiam, idcirco Theologi diversimodè opinantur. Etenim alii nolunt unquam licitam esse ad necessariam sui defensionem iniusti aggressoris intereccionem, supposito etiam quocumque moderamine. Alii vero graviores, sanioresque Theologi Estius, Sylvius, Natalis Alexander, & aliique huiusce generis bene multi, sentiunt, dummodo fiat cum conditionibus antea signatis, licitum esse cum aggressoris nece vitam propriam defendere. Quæ sententia nobis magis arridet; unde licet cuicumque, Clerico etiam & Religioso occisione iniusti aggressoris cum vero moderamine inculpatæ tutelæ, propriam vitam defendere, & hæc est doctrina communis cum S. Thoma & Catholico Romano, quando alio modo aliquis defendere vitam non possit, minime quidem unquam occisionem intendendo, sed solum defensionem propriæ vitæ, tametsi hæc defensio ut sufficiens sequatur, necesse sit in valorem occidere: 1. enim Exodi 22. Qui furem nocturnum occidit, dicitur reus non

esse mortis, quia sur ille præsupponitur venisse, non animo tantum furandi, sed etiam occidendi, ut explicat S. Augustinus 2. ex cap. 18. de homicidio, vim vi repellere omnes leges, & omnia iura permittunt. Consonè D. Augustino docet etiam Ang. Doctor, 2. 2. quæst. 64. art. 7. ubi post allatum citatum textum Exodi ita dicitur: *Si effringens sur domum, frue suffodiens inventus fuerit, & accepto vulnere mortuus fuerit, percussor non erit reus sanguinis; sed multo magis licitum est defendere propriam vitam quam propriam domum.* Ergo etiam si aliquis occidat aliquem pro defensione suæ vitæ, non erit reus homicidii... nam secundum iura vim vi repellere licet cum moderamine inculpatæ tutelæ. Nec est necessarium ad salutem, ut hunc actum moderatæ tutelæ prætermittat ad evitandam occisionem alterius, quia plus tenetur homo vitæ suæ providere, quam vitæ alienæ. Et hoc habetur etiam in cap. ius naturale dist. 1. & cap. significasti 18. de homicidio, & cap. si vere 2. de sent. excomm. ubi effectum habetur citatum D. Augustini: *Vim vi repellere omnia iura, omnesque leges permittunt.* Et equidem homo ius habet vitam conservandi iniuste oppugnatam, illamque præferendi vitæ iniusti aggressoris, qui ex malitia sua se conicit in hoc mortis periculum.

Hic obiici solent SS. Patres, qui homicidium etiam necessarium ad vitæ suæ defensionem damnant culpæ. Sed respondetur, iuxta ea quæ dicta fuerunt in notandis, SS. Patres occisionem omnem damnare, ideoque hanc pariter, quæ non fiant publica auctoritate, eo quod perraro contingat in tali occisione facta pro defensione propriæ vitæ, quod necessariæ serventur conditiones, quarum si aliqua negligatur, occisio plane est culpabilis.

Obiicitur pariter nos teneri plus diligere salutem animæ proximi quam vitam nostram corporalem, Resp. Tenemur plus diligere &c. affectivè, & etiam effectivè, quando proximus est in necessitate, non tamen tenemur vitam nostram pro salute proximi profundere, quando ope nostra non egeat. Tunc autem invalor non est in necessitate, sed in voluntaria malitia; nec eget ope nostra, nam facile potest se a periculo liberare desistendo ab iniuria. Verum quidem est quod si aggressus certus esset se esse in statu gratiæ, exerceret actum perfectionis charitatis permitiendo se occidi potius quam occidendo, ob salutem spirituales animæ invaloris. Cæterum fatue alias ageret se exponendo morti corporis, & animæ, cum per

mor-

mortem sibi præcludatur viâ poenitentiae. Ita S. Antoninus part. 4. tit. 1. cap. 3. Quid vero requiratur ut in occisione seruetur moderamen incipitæ tutelæ, iam exposuimus antea in conditionibus postis in prænotandis. Difficultas tamen hic oriri posset, num liceret occidere pro dicta defensione aggressorem, quando inuolus causam dederit aggressioni, puta irridendo, alapa cædendo &c. Affirmant permulti, eo quia qui alapam accepit, ex hoc ius non acquirit alterum occidendi, nec proinde qui eam impinxit, ius amisit tuendæ vitæ, ac servandæ. Si potuit tamen occisus prævidere hoc fecuturum, obnoxius erit irregularitati, dummodo tamen causam non retraxerit oblatione satisfactionis, quia tunc adhuc esset necessarius homicida.

In casu quo quis probabiliter, vel probabilius, aut morali certitudine crederet ab aliquo sibi machinari mortem, certe ex hac mentali mortis machinatione absolute loquendo non ei liceret alium prævenire ipsius interfectione, nisi tamen aggressionem violenta, aut actione aggressionis propinqua, necnon cum gravi periculo coniuncta talis machinatio manifestetur, & periculum præsentissimum mortis evitari nequeat; quia huiusmodi genus homicidii nec in genere, nec in specie habetur a Deo concessum fuisse; imo si hæc præventionis licentia concederetur, via innumeris aperiretur cardibus non sine gravi violatione ac iniuria supremo iuri quod Deus in humanam vitam sibi reservavit, necnon suavi divino regimini circa humanæ reipublicæ incolunitatem. Quare si uxor, vel maritus, sive persona alia afficiatur vehementer, ac violenta præsumptione de alterius machinatione contra propriam vitam, tenetur potius consulere fugam propriæ securitati, aut protectionem iudicis implorare, vel alio modo, quam aliena morte suæ incolunitati securitatem querere. Idemque dicto in casu, quo iniustus aggressor esset in actu suæ remotæ, sive proximo aggressionis, quando fuga ipsius aggressio evitari valeat, ac vita periculo subtrahi. Si actus vero aggressionis ita esset proximus, ut locum non relinquere consulendi fugam propriæ vitæ, puta si dispositum haberet sclopetum, ut contra te explodat, & tu quoque illud paratum habebas, nec aliud sit medium, nisi aut mortem subire, aut sclopetum explodendo aggressorem prævenire ipsius occisione, tunc licitum erit iniustum aggressorem in tali actu opulitum interficere.

Huiusmodi autem necessaria defensio pro-

prie vitæ, idest cum occisione iniusti aggressoris, licita est etiam iniustus aggressor esset princeps, aut minister iustitiæ, ebrius, amens, sive ille etiam qui agnoscatur in mortali peccato constitutus; quia Princeps, aut minister iustitiæ dominum non habent humanæ vitæ, ubi extrajudicialiter de ea disponant, quia tunc non plus quam privatæ personæ vicem gerunt; hinc non secus ac contra privatam personam, licitum est contra ipsos sub tali præcise respectu procedere. Vitæ vero amentis, & ebrioli non est melioris conditionis quam vita hominis sensati, & temperantis. Porro gravatus mortali culpa iniusta sua aggressionem pro huiusmodi suum statum nequit privare alios iure iustæ defensionis, quia talis obligatio ex genere suo manifeste cederet in gravem perturbationem, ac damnificationem proborum omnium, quorum conservatio generatim multo magis necessaria est humanæ reipublicæ, quam improborum. Idcirco in tali casu occidens talem etiam iniustum aggressorem pro huiusmodi sua defensione non ageret ex proprio arbitrio, sed ex Dei ordinatione.

Nun vero quis possit, imo debeat occidere iniustum aggressorem, qui alterum vitam privare conatur, quando isti aliter succurri nequit, affirmant communiter Doctores, qui credunt licitum esse invalorem propriæ vitæ interficere; quia cum unusquisque teneatur diligere proximum sicut seipsum, eum oppugnatum defendere potest etiam occidendo aggressorem, dum in tali casu cooperatur cum proximo in re licita, & præcipue hoc potest, si aggressus sit aliquis ex parentibus, vel ex familia, ut habetur in veteri Poenitentiali citato a Morino, in tractatu de Poenitentia, ubi ita habetur: *Si quis se defendendo vel parentes suos, vel familiam suam, occideret aliquem, non erit reus.*

Non conveniunt tamen Theologi in definiendo circa illum qui alium defendere potest per alterius mortem, an ad hoc necessarium teneatur. Qui hoc affirmant, pro ratione afferunt, quod in periculo melior conditio debet esse innocentis quam iniusti aggressoris, ut Molina, Bonac. de Lugo, & alii. Hi tamen sentiunt etiam quod cum talis defensio proximi innocentis sit debita, solius charitatis, hinc intelligi talem obligationem cum conditione, si hoc exequi possumus sine gravi nostro incommodo vitæ, & temporalium bonorum. Qui vero negant, hæc alia ratione ducuntur, quod quando mala sunt paria, & qui ea subire debent, a-

qualiter sunt proximi, sicuti iam nobis sunt tam invalor quam invaluus, dari nequit obligatio adeo gravis unum perdendi, ut alter servetur. Probabilissimum quidem est, ut teneant non pauci, quod si duo, quorum unus iustus sit, alter impius, ambo in fluvium decedant, impius præ iusto eripi possit ob damnationis periculum. Alii vero, & eorum opinio videtur veritati magis consona, & rationi, putant in aliquibus casibus occidi debere invaluorem, & 1. si ille, qui invaditur, necessarius sit ad commune bonum, 2. si is sit pater tuus, vel mater, coniux, sive aliquis alius, quem aliquo speciali titulo defendere tenearis, & multo magis si aggressus sit in peccato mortali. Sunt etiam alii casus, in quibus iidem Doctores credunt, quod non tenearis, nec teneberi possis servare alteri vitam per mortem alterius, ut si invalor innocens esset pater tuus, imo etiam solummodo filius. Tourneleius. Si autem invaluus nollet defendi, sed exemplo Christi animam suam pro inimici anima exponere vellet, adhuc reus non videretur, qui cum etiam tunc descenderet, quia aliud est impedire actum alienæ virtutis, aliud inique agere. Porro tamen omnes conveniant quemcumque teneri ad alterius defensionem, conveniunt etiam neminem per se loquendo ad id teneri cum suæ vitæ periculo, nam quisque sine charitatis læsione potest vitam suam alienæ vitæ præferre; & hoc in Magistratibus ipsis locum habent: nam tenentur quidem vitam privatorum, fortunasque defendere, vigilando, puniendo &c. non tamen defensione manuali, etiamsi vitæ discrimen imminet. Si vero ageretur de vita Principis, alteriusve personæ publicæ, quo pereunte gravia rei publicæ imminerent incommoda, tunc cum dispendio etiam propriæ vitæ ei succurrendum esset, quia æquum est ut commune bonum privato præferatur.

Nequis
invaluus
se defen-
dere con-
tra inva-
sorem pe-
riculo in-
nocentis.

Porro si invaluus non possit propriam, vel patris vitam tueri nisi periculum innocentis, quo invalor se protegit, contra Lessium alioquin sentit Tourneleius, quod invaluus nequeat se tueri cum tali æde innocentis: licet enim ius naturale sinat ut quisque vitam suam servet, nullibi tamen finit, ut eam innocentis discrimine tueatur. Unde nisi speretur futurum quod intacto, aut saltem non graviter læso innocente percuti possit adversarius, anteposenda est propria mors iniquæ alicuius morti. Num vero in urbis oblatione directæ, & non per accidens solum impeti possint innocentes, aliis definiendum relinquitur Concludendum autem illicitum

esse privato pro defensione sua quod protinus gentis salutem licitum est.

§. XIII.

De occisione facta in defensionem bonorum fortunæ.

Illicitum est occidere aliquem pro defensione bonorum fortunæ tametsi magni momenti, secus si eorum necessitate, non secus ac prorsus illicitum foret occidere alterum in defensionem bonorum levis momenti, idcirco Innocentius XI. reprobavit sequentes propositiones, nempe 31. *Regulariter occidere possum furem pro conservatione unius aurei.* Hic vero, notandum ly regulariter: nam si aureus ille necessarius esset pro reparanda extrema necessitate vel mei ipsius, vel proximi, quando aliter ei subveniri nequit, iam patet tunc occisionem vitæ tam non esse, quia ageretur de ipsamet vitæ tuenda; item 32. *Non solum licitum est defendere defensione occisiva quæ actum possidemus, sed etiam ea, ad quæ ius inchoatum habemus, & quæ nos possessuros speramus;* item 33. *Licitum est tam heredi quam legatario contra iniuste impediendum ne vel hereditas adeatur, vel legata solvantur, se taliter defendere, sicuti & ius habenti in cathedram, vel præbendam contra eorum possessionem iniuste impediendum.* Quod docet Pontifex in huiusmodi thesum proscriptione, ipsa quoque ratio distat, nempe nefas esse præcipue privata auctoritate inferre gravissimum malum proximo ad nostrum leve incommodum vitandum, cuiusmodi esset ipsum vitæ privare pro defensione alicuius boni fortunæ levis momenti. Imo tametsi esset etiam bonum magni momenti, quando aliter, puta in iudicio, recuperari posset, quia tunc sine iusta causa, & necessitate proximæ privata auctoritate interficeretur: punitio enim est solius publicæ potestatis. Quod vero non liceat occidere iniustum invaluorem pro tuendis bonis fortunæ etiam magni momenti seculæ, tamen eorum necessitate ad vitæ & propriæ familiaris sustentationem, patet ex Innocentio IX. in cap. si vero, & ex aliis bene multis, ut Abulenti, Panormitano, Grandin, Fagnano, & est communis Canonistarum. Et equidem nec Scriptura, nec Patres, neque canones, aut summi Pontifices excipiunt hunc casum a communi lege; non occides. Nam licet Exodi 22. dicatur: *si effugerit fur domum fuerit inventus, & accepto vulnere mortuus fuerit, percussor non eris reus sanguinis;* hic tamen intelligebat Deus de fure nocturno, qui

qui præsumitur velle eum occidere; cica furem vero diurnum, de quo non potest efformari talis præsumptio, reum homicidii declarat, qui eum occiderit, ut sequitur in eodem capite: *Quod si orto sole hoc fecerit, homicidium perpetravit, & ipse morietur.* Unde Ius canonicum cap. 3. de homicidio iudicat talem furem non esse necandum: *Poterat discernere quod ad furandum, non occidendum venisset, & ideo non debet occidi.* Ius quoque civile huiusmodi prohibet occisionem foris *Leg. 4. §. ad Legem Aquiliam*, dummodo tamen non setelo defendat, ideoque excipit solum periculum vitæ. Et ratio est quia inique fit, & contra ordinem debitum charitatis, adimendo proximo privata auctoritate bonum superioris ordinis, & irreparabile, nempe vitam pro conservando bono inferioris ordinis, & reparabili, cum ex præcepto charitatis teneamur magis diligere vitam proximi quam bona propria temporalia, & sic pro illa conservanda ea elargiri iubemur quando ad id opus sit: hinc damnatæ fuerunt ab Innocentio XL tres supra allatæ propositiones, quæ contrarium docebant.

Diximus seculsa tamen eorum necessitate ad vitam & propriæ familiæ sustentationem. Etenim si licet defensio propriæ vitæ etiam cum occisione aggressoris nobis eam tollere volentis, æque plane erit licitum tali modo conservationem tueri bonorum fortunæ, quæ nobis proinde necessaria sunt ad ipsius vitæ sustentationem. Inter vitam, & necessariam ad ipsius conservationem datur talis æquipollentia, ut pro eodem habenda sint vita, æque quæ ad illam conservandam necessarii requiruntur. Etenim non minus est necessaria homini anima, ut vivat, quam cibus, aliaque requisita ad ipsam vitam sustentandam. Unde sicuti si anima deficiat corpori humano, moritur homo; ita deficientibus cibo, aliisque necessariis ad vitam, certissime perit homo. Igitur si licite possumus vitam tueri etiam cum occisione ipsius, qui mortem nobis intentat, quando alia via vita defendi nequeat, servato semper moderamine inculpatæ tutelæ; licite defendi possunt etiam cum intereptione rapientis, si alio modo hoc fieri nequeat, id est clamando, percutiendo, vulnerando duntaxat, bona fortunæ maximi momenti nobis necessaria ad vitæ ac familiæ sustentationem. Ita sentiunt S. Antoninus, Caietanus, Soro, Prado, Sayrus, alique cum S. Thoma. Etenim Ang. Doctor in solutione primi argumenti sibi oppositi 1. 2. art. 7.

Instit. Theol. Moral. Tom. III.

ex auctoritate S. August. in libro de *Gratia & libero arbitrio* cap. 3. dicentis: *Quomodo apud divinam Providentiam a peccato liberi sumus, qui pro iis rebus, quas contemni oportet, humana cæde polluti sumus?* explicat hanc auctoritatem D. Aug. de directa occisione aggressoris, non vero de indirecta, & ob defensionem sive vitæ, sive bonorum, quæ necessaria sunt ad vitæ sustentationem.

Ex dictis facile solvi possunt argumenta, quæ a patronis contrariæ sententiæ nobis opponuntur, nempe illicitam esse occisionem raptoris ad defendenda, vel recuperanda bona fortunæ magni momenti, scilicet distinguendo hoc fieri posse, si hæc bona nobis necessaria sunt ad vitæ sustentationem, non vero secus; & semper cum hac conditione, servato nempe moderamine inculpatæ tutelæ, & cum intentione de occisione indirecta pro mera indispensabili defensione, minime vero directa, scilicet invadentem occidendi.

§. XIV.

De occisione iniqui invasoris famæ, honoris, & pudicitie.

Occidere invasorem iniquum famæ, & honoris prorsus illicitum est non solum Clericis, sed etiam secularibus, cum hoc fieri nequeat sine totali subversione ordinis, non secus ac illicitum est occidere alium pro vani honoris iactura. Ordo enim ita subverteretur præponendo nempe minus bonum, quod est fama, ac honor, quæ consistunt in versatili hominum opinione, & non secus ac aura facile mutantur, bono vitæ, quod inter temporalia bona principalem locum obtinet, & est per se irreparabile; ideoque iniquum, & contra charitatis leges esset eam proximo eripere in defensionem honoris, & famæ, quæ sunt inferioris ordinis, & per se reparabilia per mediatores, potentes & iudices, qui famæ alterius ruinam impedire possunt. Hic enim modus agendi repugnat patientiæ, mansuetudini, ac humilitati Christianæ, & occisio in tali casu est vel vindicta, non defensio honoris, & famæ, quæ certe reparari nequit per subsequens homicidium. Insuper secundum leges vim solam repellere licet. Hæc autem regula hic locum non habet; cum contumelia, detractio, & calumnia vis non sint; & dato etiam quod hæc violentiæ rationem haberent, ad summum æquali violentia repellendæ essent; scilicet aliis verbis, non oc-

Caicum.
que illi.
cirum est
occidere
invasor.
rem fa-
ma & ho-
noris.

citione; alias vis vi longe maiori repellere-
tur, nec fieret defensio cum moderamine in-
culpatae tutelæ. Tandem si licita esset oc-
cisio inuaforis famæ, ac honoris, totus mun-
dus cædibus repletur, ut manifestissime
patet, cum pene innumeri sint infamatores,
quod in grave commune damnum reipublicæ
verteretur: idcirco nullatenus huiuscemodi
occisio haberi potest ut licita. Hinc Inno-
centius XI. vœlligia sequendo Alexandri VII.
(qui thesim num. 17. docentem: *Licetum
esse Religioso, vel Clerico calumniatorem gra-
uia crimina de se, vel de sua Religione spar-
gere minantem occidere, quando alius modus
defendendi non suppetit*, ut erroneam repro-
bavit) damnauit uniuersum quoad omnes
propositionem num. 30. quæ parem superiori
damnata ab Alexandro VII. doctrinam conti-
nebat: *Fas est viro honorato occidere inua-
forem, qui nititur calumniam inferre, si ali-
ter hæc ignominia vitari nequeat. Idem quo-
que dicendum si quis impingat alapam, vel
fuste percutiat, & post impactum alapam, vel
istum sustis, fugiat*. Sic sentiunt Sylvester,
Sylvius, Salmanticenses, Antoine, Tour-
nely cum aliis, qui communiter asserunt non
licere quoque alapam pro alapa, fustem pro
fustibus reddere, quando iam percussor de-
stiterit, quia tali casu non defensio, quæ
locum non habet nisi in actuali aggressionem,
sed mera esset vindicta, quæ iuxta Evange-
licum præceptum, quo Christus vindictam
interdixit, omnino illicita est. Illicitum pa-
riter est conviciis, & contumeliis convicia,
contumeliaque repellere, cum hic non sit
modus ordinarius, ac aptus ad honorem
tuendum, sed malum privata potestate pro
malo reddere, quod vetitum est in divinis
Scripturis, ut 1. Petri 3. *non reddentes ma-
lum pro malo, maledictum pro maledicto*, &
Lucæ 6. *Benedicite maledicentibus, & orate
pro calumniantibus vos*. Possunt quidem illa-
tæ contumeliæ verbis repelli non contumpe-
litosi, & aliquando etiam actione, quando
opus esset ad reprimendam alterius auda-
ciam, vel ad dignitatem, auctoritatemque
tuendam, semper tamen sine odio, & animo
ad remittendam hanc iustam satisfactionem
parato, pluresque alias iniurias, si salus
proximi ita exigat, sustinendo, iubente Do-
mino Matthæi 5. ut percipienti maxillam
dexteram sinistra præbeat.

Oblitum tamen honorem & famam esse
quid vita excellens. Resp. hoc verum esse
solum in æstimatione stultorum, & im-
prudens; unde cum sit bonum positum
in alterius iudicio, cuius desiderium vani-

tas, hinc bonum est longe inferius bono
vitæ, quod primum est, ac fundamentum
bonorum omnium temporalium, & per se
irreparabile, ac a solo Dei dominio depen-
dens. Verum quidem est Spiritum sanctum
monere, aut potius præcipere in divinis
Scripturis curam habendam esse de bono no-
mine, sed ibi loquitur de bono nomine, id
est fama, quæ talis est iudicio Dei, ac eo-
rum qui sunt vere Christiani, & nititur sola
vera virtute; ac in hoc consistit quod homo
nihil turpe agat, idest repugnans rationali
creaturæ.

Alia vero, quæ hic obici solent, hic non
asseruntur, cum sint facili solutionis, &
ea præcipue de infamia, quæ incurri possit
calumnias, aliaque offensas non vindican-
do, cum hoc quoque verum sit secundum hu-
manarum mentium opinionem, non pruden-
tiam ac proborum, apud quos iuxta regulas
rationalis, ac christianæ prudentiæ moderatio
contra iniurias acceptas vertitur in glori-
am, & plausum eas sine vindicta fortiter
sustinentis, neutiquam in dedecus, cum hæc
sit virtus excellentissima christianæ perso-
nationis, idcirco summa laude digna: præ-
terquam quod occisio calumniatoris nulla-
tenus operit calumniæ falsitatem, imo ru-
mor talis violentiæ magis illam vulgat.

Hinc colliges 1. teneri virum etiam no-
bilem, aut ducem potius fugere, quam oc-
cidere eum, a quo alapa, vel baculo im-
petitur: hoc est quidem dedecus apud mun-
danos, sed dignum gloria apud Deum, &
Sanctos. Colliges 2. diabolicum esse illud ef-
fatum, nempe uni mentiri sua debetur mer-
ces alapa. Sic Tourneleius cum aliis.

Ad defensionem vero pudicitie non de-
sunt qui sentiant licere occidere eiusdem in-
uaforem; imo Sylvius, & Lessius hanc sen-
tentiam communem prædicant hac ducti ra-
tione, quod in re tam lubrica fit grave pe-
riculum consensus in delectationem, & ex-
inde peccati, in eo & depravationis pudici-
tiæ, ac integritatis, quæ integritas bonum
est maximi momenti superioris ordinis
bonorum fortunæ, imo multorum æstimatione
bono vitæ æquiparandum, cum si amittatur,
fit proptus irreparabile. Hoc docet etiam S.
Antoninus 2. part. tit. 7. cap. 8.

Melius tamen sentire videntur, qui op-
positum tenent, quia hunc casum nec Scrip-
tura, nec SS. Patres, nec Concilia exci-
piunt a generali prohibitione: *non occides*.
Et equidem pudicitia spectari potest, vel
prout est integritas corporis, vel prout est
animi virtus. Si primum, inferioris est or-
di-

dinis quam vita hominis præcipue in æternum periculi, ut contingeret eum in tali peccaminola circumstantia occidendo, eo quia ei tolleretur locus poenitentiae. Si secundum, cum pudicitia sit virtus, ideoque non in corpore, sed in animo residens, non vi externa, sed per solum liberum voluntatis consensum potest corrumpi, ut ex S. Aug. lib. de Civitate Dei cap. 18. & ex S. Hieronymo in cap. de pudicitia 32. quæst. 5. *Corpus mulieris non vis maculat, sed consensus.* Quare cum pudicitia aliter servari possit idest constantet actu turpi dissentiendo, sicut ait tyranno S. Lucia: *Si me invitam iusseris violari, castitas mihi duplicabitur ad coronam:* hinc non est necesse, ut morte invasoris defendatur. Certum tamen est teneri mulierem, seu puellam modis omnibus resistere invasori tum interius per displicentiam, tum exterius fugiendo, clamando, pugnans, pedibus, mortu agendo, aliove possibili modo, ita ut ei non liceat nequidem ad mortem vitandam sistere quieto, ac immobili corpore, cum ipsa non resistencia sit cooperatio, & ea quidem quam mulier præbere solet in tali actu. Unde iure merito notat Lugo, quod si mulier serio velit sui violationem impedire, violari nequeat; imo tantissime etiam fieri, ut vir delectationem turpem a prorsus invita captare velit.

Nec obstat illud Ambrosii lib. 3. Officiorum: *Periculum pudoris bonis fæminis est morte gravius;* ita ut si pro periculo vitæ liceat interficere, licitum sit etiam pro periculo castitatis. Nam ut addunt alii, ibi loquitur S. Doctor de pudoris periculo, quod adnexum habet peccatum, non de pudore simpliciter; alias sicut vir nobilis mallet mori quam honorem perdere, & ad summam redigi paupertatem, posset ad vitandam hæc incommoda alteri mortem inferre.

Quod autem dicitur de defensione proprii honoris, & pudicitiae, id pari mensura dicendum si agatur de defensione alterius honoris, & pudicitiae, nempe non licere cum internectione invasoris, quia si hoc non possumus pro nobis ipsis, non est maior ratio cur possumus pro aliis. Iuxta Salmanticenses tamen alioque potest, imo debet interfici iniustus aggressor alterius honoris, vitæ, vel sustentationis, quando id exigit vel ordo charitatis, vel lex reipublicæ, idque præstari possit sine periculo gravis damnificationis propriæ. Et ordo charitatis erga Deum ita expostulat, quando personæ invasæ conservatio, vel incolumitas afferre notabile

augmentum divinæ gloriæ: Ordo charitatis erga proximum id exquirat, quando persona invasa nobis iuncta est propinquitate in primo gradu, aut specialiter propriæ curæ concredita, uti sunt pupilli, vel minores tutoribus, vel curatoribus, vel nostræ subiecte iurisdictioni. Quare graviter peccant Principes, Magistratus, Iudices &c. si in territorio sibi subdito patiantur grassari latrocinia, stuprationes, aliasve graves damnificationes suorum subditorum in bonis corporis, seu fortunæ & honoris, quando tamen ea impedire valeant sine respective maiori damno proprio. Sic cum laudatis Salmanticensibus, cum Navarro, & aliis Recentioribus.

S. XV.

De occisione iudicis, advocati, accusatoris, falsi testis vitam iniuste oppugnantium.

Non licet occidere iniustum iudicem, advocatum, accusatorem, & testes, quamvis ab eis grave damnum in vita, & bonis fortunæ imminet. Sic enim definitum est ab Alexandro VII. in prescribenda propositione nuni. 18. *Licet interficere falsum calumniatorem, falsos testes, ac etiam iudicem, a quo iniqua certo imminet sententia, si alia via non potest innocens damnum evitare.* Et ratio est, quia hi non censentur vitam agredi, sed committere iniustitiam, quæ puniri potest, & alia vi repelli. Non enim procedunt propria privata auctoritate, sed publica, necnon servato iuris ordine. Hos enim occidere iure naturæ in omni casu prohiberi debuit, quia si hoc liceret, via multis credibus aperiretur non sine gravi reipublicæ detrimento. Homines enim facile tibi persuaderent inique ab iudice, advocate, &c. se opprimi, ac nullam dari aliam viam defensioni quam eorum morte. Unde iure merito laudatus Pontifex favorabilem huic licentiæ proscripsit sententiam.

Nun vero quis possit se defendere a licitoribus, seu satellitibus, etiam eorum internectione ne ab his capiatur: circa hoc tenet Molina, quod si innocens hic sit, & satellites non sint ignari de eius innocentia, possit eos licite occidere. Si vero ignari sint satellites de eius innocentia, ut ordinarie tenebit, eos licite occidere non possit, quia bonum commune postulat, ut non inferatur damnum ministris iustitiæ bona fide officium publicum exercentibus. Imo ego dicerem contra dictum Molinam, quod quando eius innocentia non difficiliter probari queat, ac proinde grave damnum,

Nullatenus licet occidere iniustum iudicem, advocatum &c.

Quid de defensione contra satellites.

nonum, præcipue in vita ei non imminet, eos licite occidere non posse, tametsi ipsi consensu essent de eius innocentia, quia revera in tali casu ipsi nec directe, nec indirecte, sicut iudex, & advocatus, essent aggressores eius vitæ, cui periculum iam supponitur non imminere. Si vero capiendus non est innocens, sed reus, huic proflus illicitum est se defendere ab iisdem ministris eorum occisione, ne ab his capiatur ob supra allatam rationem de exigentia boni communis, ne publicis ministris in exercitio sui officii damnum inferatur. Sic incarceratus etiam innocens, nequit licite occidere custodes carceris, ut effugiat, ut Lugo cum communi, nec ducti ad supplicium carnificem, aut alios ministros, ut evadant.

Satellitibus illorum est occidere malefactorem se defendentem.

Satellites vero, seu lictores iussi comprehendere malefactorem, nequeunt eum se graviter defendentem occidere, nisi concurrant sex circumstantiæ sequentes, nempe 1. debent satellites, seu lictores habere certum, & speciale mandatum a Magistratu de illo capiendo. 2. Debet armata manu capiendus resistere. 3. Debet ab ipso, si evadat, graviora mala timeri. 4. Capiendus debet de crimine esse sufficienter infamatus. 5. Crimen debet esse atrox, & capitale. 6. Capiendus non debet posse ullo alio modo capi. Si autem una ex dictis circumstantiis desit, non possunt satellites licite occidere reum, qui ex eorum manibus fugere velit. Sic Farinacius, Fachin. Clarus, Diana cum aliis.

S. XVI.

De causis moraliter concurrentibus ad homicidium.

Homicidium voluntarium alterius iniuste, & illicite committi potest non solum directe, & physice, sed proprio occidentis facto, sed indirecte etiam, & moraliter, & hoc fieri potest variis modis; præcepto videlicet, consilio, defensione, permissione, & cooperatione. Quæ genera homicidii moralis super hoc quinto præcepto num. 11. ubi sic habetur: *Si autem multiplicem seditionem attendimus, nemo qui excipitur: non solum enim suis quisquæ manibus, aut ferro, aut lapide, aut baculo, aut laqueo, aut veneno vitam homini eripere non licet, sed consilio, ope, auxilio, aut alia quacunque ratione id vitium est. In quo summa tarditas, atqueque Indecorum, qui crederent se hoc præceptum observare, si manu tantum a*

Vasilius de concurrenti moraliter ad homicidium.

cede abstinere. Quare qui expresse, vel tacite mandaverit famulo, vel alicui alio homicidium facere, reus erit gravis peccati homicidii. Nam idem est ac si per ipsum occideret iuxta illud effatum: *Qui per alium facit, per se ipsum facere videtur.* Si vero ante executionem mandatum revocaverit, & talis revocatio innotuerit mandatario, vel inimico occidendo, licet reus sit peccati intentionis homicidii, non tamen executionis, & ideo nec poenarum, quas ob illud incurrit homicidæ. Hinc rei sunt homicidii, qui homicidio consentiunt, ut in illud influant, cuiusmodi sunt Principes, & iudices, qui condemnant morte innocentes, aut minus nocentes, necnon qui laudando, vel vituperando alium ad internecionem incitant, & movent. Pariter reatum ac lethalem culpam homicidii incurrit, qui alios ad id consulunt, inflammant, & incitant, iniuriam aliquam exaggerando, ignominiam exprobrando, honoris iacturam exponendo, & huiusmodi, vel ratum habent homicidium. Et ratio primæ partis est, quia vere influunt in homicidium. Ratio vero secundæ, quia sic de homicidio sibi complacent, & aliquo modo in illud consentiunt. Ita communiter sentiunt Doctores. Homicida fieri quis potest etiam defensione, puta si homicidas sustineat, protegat, apud se recipiat, ipsis faveat, asylum vel auxilium eis præbeat, & huiusmodi; quia hi omnes directe influunt in homicidium. Item reatum gravemque culpam homicidii incurrit, se ideo homicidæ dicuntur hi etiam, qui ad homicidium permissive se habent, seu non impediunt quando commodè impedire possint, & hi vel peccant contra charitatem, si ex officio ad hoc non teneantur, contra vero iustitiam, si ex officio ad hoc obligentur. Quare peccant contra iustitiam Principes, Gubernatores, Ministri publici, Medici, Chirurgi, nautæ, patres, duces, alique huiusce generis, qui ex officio aliorum damna vitare tenentur. Peccant isti, & alii contra charitatem non succurrentes extreme indigentibus illos cibando, potando, vestiendo, &c. qui laborantibus naufragio, incendio, peste, non subveniunt, dummodo tamen lene gravi eorum incommodo hoc præstare possint. Qui innocentem suo testimonio a morte non liberant, cum liberare possint. Scientes alteri mortem machinari, si id non revelent, vel ipsi ut eam evitent, aut alteri, qui eam impedire valet. Pariter homicida quis fieri potest cooperatione, & communiter homicidio coope-

rans.

rans homicida censetur, & tales sunt, qui arma subministrant, qui occidendos capiunt, ligant, detinent, & huiusmodi.

Hinc colligitur ex iam dictis 1. percutientem quovis modo sæminam prægnantem reum esse homicidii, si særus animatus aborret, cum quælibet percussio saltem ob timorem habere possit respectum aliquem ad abortum, quando etiam tantummodo terrore mulierem prægnantem, si forte abortus sequatur, reatum inducit homicidii. 2. Reus sit homicidii. & irregularis efficitur iuxta Bonifacium VIII. in fine cap. de homicidio in 6. qui mandat aliquem verberari, licet expresse inibeat ne occidatur ullatenus, vel membro aliquo mutiletur, si mandatarius fines mandati excedens mutilet, & occidat, cum mandando in culpa fuerit, vel hoc evenire posse debuerit cogitare. 3. Non solum qui offensivæ agit, sed etiam qui committit debitas actiones ad præcavenda homicidia reatum contrahit homicidii, ut iam diximus de Principe, & Magistratu circa homicidia, quæ eveniant, ubi pro debito sui officii non animadvertant in homicidas secundum legum præscripta, vel negligent sollicitudinem in curanda eorum captura. 4. Culpabiles sunt graviter alienæ mortis medici ac chirurgi, qui consilii de propria imperitia, & de propria sufficientia rationabiliter hæsitantes audent idem munus exercere, maxime quando non desint alii qui periti sint, & sufficientes. Hi enim graviter peccant nedum contra charitatem, verum etiam contra iustitiam, ac proinde tenentur de damno. Hinc 5. Medicus tenetur sub mortali uti remediis certioribus, & probabilioribus, quia ex vi proprii muneris tenetur consulere saluti infirmorum eo meliori modo quo potest. Si enim ludex bonorum temporalium tenetur iudicare iuxta probabiliorē opinionem, ut definit Innocentius XI. reprobando thesism 2. id a fortiori servare debet medicus in causa infirmitatis, in qua agitur de summo ex naturalibus bono; ita ut si hoc servare negligat, reus fiat etiam iniustitiæ, ac ideo restitutioni evadat obnoxius. Imo neque si desperata sit infirmitas, licite adhibere potest incertum pharmacum, de quo ignoratur an salutare sit, vel noxium, cum nemini liceat querere experimenta, & scientiam alicuius morte. Videtur tamen Cuniliato probabilior opinio eorum, qui volunt infirmo iam desperato, & naturaliter certe morituro posse medicum dubium remedium applicare, quia ex quo sit dubium, ei potest le-

vamen sanitatemque asferre, & ei mortem accelerare. Comparatis vero hisce extremis ad invicem, videlicet de morte acceleranda alias certe eventura, & dubio sanitatis recuperandæ, prudentia dicitur videtur potius hoc extremum eligendum esse, quam aliud, scilicet relinquendi infirmum viribus iam desperatis naturæ. Et hæc sententia est Sanchezii, Bonacini, aliorumque.

§. XVII.

De patribus verberantibus filios, & dominis servos, ac de aliis incarcerantibus.

Cum Superiores non solum reipublicæ, sed etiam familiarum potestatem acceptam habeant a Deo corripiendi non verbis tantummodo, sed etiam aliqua pœnali afflictione suorum inferiorum morales defectus, hinc fit quod pater qui superioritatem habet super filios, sicut dominus super servos, licite possint, parer filios, & dominus servos causâ disciplinæ verberare non quidem eo usque ut illos occidere, vel mutilare valeant, cum verberare sit longe minus quam occidere, vel mutilare. Verberatio enim neque vitam auferit, neque corpori integritatem, neque pœnam irreparabilem infert, sed sensum tantummodo dolore afficit. Non possunt vero licite mutilare, vulnerare, vel occidere, cum hæc exercere sit perfectæ potestatis coercitivæ, exercentis publicæ potestate iustitiæ vindicativam, quod minime convenire potest patribus, & dominis, cum hi, quatenus præstant domesticæ familiæ regimini non habeant nisi potestatem imperfectam cohibendi videlicet secundum leviores pœnas, quæ non habent inferredamnum irreparabile. Quod vero hi suos luditos verberare valeant, patet ex Scripturæ auctoritate, & præcipue Proverb. 23. *Noli subtrahere a puero disciplinam; si enim percusseris eum virga, non morietur, & cap. 29. Virga atque correctio tribus sapientiam, & iterum servus verbis non potest erudiri.* Hoc idem vero quod competit, & licet patribus in filios, dominis in servos, competit etiam Ludimagistris in discipulos, quia scilicet ad eos spectat disciplina discipulorum, & correctio. Cæterum singulorum attendere debent ad monitum Apostoli Ephel. 6. nempe ne filios famulos ac discipulos provocent ad iracundiam, & ne semper minas exequantur, sed aliquando remittant pœnas quas filii, servi & discipuli promeriti sunt. Unde ex hoc monentur median viam tenere inter rigorem, & conniventiam, id est ne nimis

nimis blande, nec nimis severe erga eos se gerant.

Quid de
Parenti-
bus, qui
verber-
ent fi-
lios in
sacer
consti-
tutis.

Difficulas, quæ hic exurgit, est de verberatione patrum facta filiis in sacris constitutis, num hoc fieri licite possit absque eo quod excommunicationem incurrant canonis: *Si quis suadente &c.* Et circa hoc communior est, quando revera ita res exigeret, id licitum esse; nam si hoc conceditur magistris contra discipulos, multo magis concedendum est patribus in filios, & hoc patet ex cap. cum voluntate tit. de sentent. excom. ubi Gregorius IX. postquam declaravit posse licite eos, qui ratione officii, quod in Ecclesia obtinent, consulere debent Ecclesiæ reverentiæ, pueros vel adulescentes in minoribus constitutos turbantes divinum officium moderate percutere correctionis causa, sicut & idipsum posse Prælatos ac Magistros relate ad subditos & scholares absque eo quod excommunicationem incurrant; subiungit etiam id valere quoad patresfamilias, si hoc faciant ut propinquit graduum inferiorum cohibeantur a suis insolentis, & scientiis bonisque moribus informantur. Et similia habet Alexander III. cap. ex tenore tit. eod. Et sic sentiunt Sylvester, Bannez, Suarez &c. Saloniis vero id limitat ut nec parentibus, nec magistris liceat verberare filios ac discipulos presbyteros ob dignitatem Ordinis, qui filios eximit a patria potestate. Circa vero percutiendi, quænam in hoc proposito censenda sit levis, respondet Sylvius hæc quantitatem non esse absolutam, sed respectivam, nempe proportionatam muneris eius, quicquid sit, ac personæ, quæ castigatur, & fini disciplinæ, seu correctionis paternæ. Quod si pater, vel magister paululum excesserit in castigando etiam usque ad sanguinis effusionem, si hoc contigerit præter suam intentionem, non est censendus incidere in excommunicationem, utpote qui operam daret rei licitæ, nec possit homo esse tam arctus, ut nullo modo excedat limites. Si tamen excessus esset notabilis, iuxta Domin. Sotum, & Salonium incidere in excommunicationem.

Quid de
Marito
uxorem
verberan-
te & fra-
tre ma-
iorem mi-
noris.

Num vero liceat marito verberare uxorem, & fratri natu maiori fratres minores, quoad primum vult Sylvius aliquando licitum esse, si nimirum uxor graviter delinquat, neque aliter corrigi possit, & per mediocrem verberationem emendanda speretur. Vir enim est caput mulieris, & ipsa constituta est sub viri potestate. Cæterum aliter verberare uxorem est grave pecca-

tum, spectansque ad barbariem, cum uxor non data sit viro in famulam, sed in sociam, & maritus cum uxore sit una caro. Ad secundum vero tenet laudatus Sylvius id non posse fratrem maiorem, nisi absente, vel mortuo patre familiam gubernet, in qua degunt fratres minores, vel ipse sit eorum tutor. Nam primogenitura nō dat ius in alios post genitos fratres.

Circa vero incarcerationem, certum est quod cum pœna huiusmodi spectet ad solam publicam potestatem, imo illi tantummodo publicæ potestati, quæ præest perfectæ Communitati ad bonum publicum proquire reipublicæ, & per hanc semper secundum ordinem iustitiæ, aut in pœnam, aut ad cautelam alicuius mali vitandi; hinc nemini privato licet aliquem incarcerare, vel qualitercumque detinere; nam incarceratione, est detinere hominem contra libertatem actionum eius, quorum homo est dominus. Igitur sine ipsius iniuriâ nequit ab illis impedi, nisi ab eo qui habet super eum iurisdictionem, seu publicam potestatem, quæ sola universaliter de actibus, & vita alterius disponere potest. Quod autem potestas publica incarcerationem possit, manifestum est: etenim si per occisionem, vel mutilationem integritati corporis nocere potest; vel per verberationem, delectationem, vel quietem sensus impedire; multo magis impedire valet motum & ulum membrorum per ligationem, vel incarcerationem. Accedit quod punire maleficiores est publicæ potestatis. Ad eos autem puniendos necesse est quod detineantur, & incarcerentur, sive in pœnam, sive expectando dum cognoscitur de causa, ut postea graviore pœna muldentur. Licet insuper secundum ordinem charitatis alium ad cautelam detinere, vel includere, ne sibi, aut alteri noceat, ut si facere vellet malum aliquod iustitiæ repugnans, vel quod verteret in scandalum communitatis, & pusillorum; in quo casu liceret etiam homini privato alium detinere, quamdiu periculum durat, aut saltem donec superiori potestati eum tradat.

Num vero liceat privato aliquem detinere qui patraturus sit peccatum, quod non est contra iustitiam, neque scandalosum, sed vel contra castitatem, vel aliam similem virtutem, non conveniunt theologi; quia etsi quisque interdum possit, & debeat fratrem a peccato cohibere, hoc tamen conceditur privatis per fraternam correctionem, non tamen vim adhibendo. Cæterum secundum

Cui &
quando
licet ali-
quem ut
carcere-
tum de-
tinere.

dum Sylvium si privatus ad modicum detineret eum, qui aliquin esset fornicaturus, vel ebrietatis periculo se expositurus, non peccaret, aut saltem non graviter; secus si invitum ligaret, aut in aliquo loco recluderet. Dixi *privatus*; nam qui aliquam habent superioritatem, licet suos subditos nequeant incarcerare, utpote quod ad solam publicam potestatem pertineat, possunt tamen per aliquod tempus domi suæ recludere, & detinere, ut pater filios, & filias, dominus servos & ancillas, ludimagister discipulos, tum ut corriganter, tum ut a malo quod conceperunt abstineant, maxime si indecenter vivere velint, aut ludis & libidine bona domesticum consument, quia illud est primum medium ad emendationem, quam parentes, & magistri curare debent. Item dum aliquis ab alio affectus est iniuria, & hic adhuc pergeret iniuriam ei inferre percutiendo, ipsolando &c. quando lætus non aliam viam haberet pro sui defensione, posset offensorem detinere, donec vocaret iudicem, vel eius ministros.

§. XVIII.

De Duello.

Definitio Duellum proprie dictum, seu monomachia **duelli.** est pugna inita inter duos, vel plures in pari numero privata auctoritate, & ex condito, statuto loco, & tempore cum periculo occisionis, mutilationis, vel vulneris. Dicitur 1. pugna-inita, ut intelligatur duellum debere esse cum effectu; nam duellantes ad solam apparentiam, ex quo antea convenerint se non vulnerare, sed honoris gratia duellum simulare, non incurant poenas spirituales contra duellantes inflatas. Dicitur 2. inter duos, vel plures in pari numero; quo pacto differt a rixa, in qua plures contra unum, vel e converso certare possunt. Dicitur 3. privata auctoritate ad denotandum quod prohibita non sint illa duella, quæ publica sunt auctoritate inter hostes, inter quæ celebre est illud David cum Goliath 1. Regum cap. 17. ac illud Wenceslai Bohemæ Ducis, qui ut suorum saluti consideret, ad singulare certamen contra Duem Curimensem accessit. Dicitur 4. ex condito, seu pacto, idest ex provocacione unius, & alterius acceptatione. Hinc si in rixa duo ex calore & impetu proruant in arma, & pugnent, si inimici in platea occurrentes exerant enses, & certent, si adversarius suum æmulum quærat, eiusque transitum exploret, ac cum eo dimicet, non erit duellum, quia deficit pa-

ctum, seu conditum. Additur *statuto loco & tempore*, non quia hæc duo sint profus necessaria ad duellum ut sic, sed quia talis designatio requiritur, ut incurrantur poenæ in sacris canonibus constitutæ, ut definit Sac. Congreg. Concilii In nullius 15. Octob. 1644. lib. 17. Decretor. fol. 360. Dicitur tandem cum periculo occisionis, mutilationis, vel vulneris, ut excludantur a ratione duelli contentiones, & exercitationes vulgo dictæ *scherma*, cum istæ fiant sine ullo periculo læsionis, tum etiam pugnae, dictæ ludicrae, quæ exercendi corpus & agilitatis demonstrandæ causâ fieri solent, tum pugnae, quæ sunt armis ad gravem læsionem ineptis, ut pugnis; levi baculo, cænim avulsione. Quia tamen in pugnis ludicris graviter peccari potest ex passione, imo talia certamina aliquando funestum exitum habuere, ut contigit in Henrico II. Galliarum rege percusso a Comite Monomero; hinc merito huiusmodi pugnae, quæ in iure dicuntur *Tornamenta*, proscriptæ fuere, ut in lib. 5. Decretal. tit. 3.

Duellum ita acceptum initium duxit a A qui. Gentilibus, & Longobardis, a quibus fuit inditum in Italiam, ut refertur lib. 9. Histor. Sycin. Celebre apud Romanos fuit nomen Gladiatorum; sed cum eius usus viguerit tam pro rebus seriis, quam pro ludicris, differebat a duello, quod exercetur pro solis rebus seriis, idest pro lite finiendâ, pro veritate capiendâ; & in tali usu invaluit non solum apud Longobardos, sed etiam apud Germanos, Francos, Hispanos, & in tota denique Europa: unde summi Pontifices, & Concilia diversis Decretis pro viribus illud abolere curarunt; & inter alia Conciliorum decreta est illud Trid. Concilii sess. 25. de Reform. cap. 19. in quo insiguntur poenæ excommunicationis non solum contra duellantes, eorumque paternos, sed etiam contra eos qui consilium in causa duelli tam in iure quam in facto dederint, aut alia quacunque ratione ad id quemquam persuaserint, necnon contra spectatores. Et si duellantes in ipso conflictu decesserint, vult Concilium ut perpetuo careant ecclesiastica sepultura. Hoc Decretum a Gregorio XIII. in Bulla Ad tollendam edita 5. Dec. 1582. & a Clemente VIII. in Bulla Illius vicem edita Kal. Sept. 1592. fuit sic explicatum, ut extendatur etiam ad eos, qui sine provocatoriis chartulis & sine patris inierint certamen Gregorius XIII. loco cit. declaravit insuper hoc Decretum Concilii non solum locum habere in duellis so-

laronibus, & publicis, sed etiam in privatis.

Duellum aliter dividitur a theologis, aliter a Legistis. Legistæ sequentes Ioan. de Legn. tract. de duello cap. 2. n. 1. illud dividunt in decretorium in quo statuitur non cessandum a pugna, donec alter occidatur; propugnatorium, quando quis ad designatum locum accedit animo honorem suum conservandi, non adversarium occidendi; & satisfactorium, quando quis ob gravem acceptam iniuriam per mortem ipsam satisfactionem poscit, paratus desistere a provocazione, eo ipso quod adversaria pars dare velit satisfactionem. Theologi vero sequentes Caietanum 2. 2. quæst. 95. art. 8. dividunt duellum in sex species, iuxta sex causas formales, ad quas singulare certamen ordinatur, scilicet in duellum manifestativum veritatis, ostentativum virium, evitativum ignominie, terminativum controversie, defensivum honoris, & evitativum belli. Quinque superiores species duelli sunt illicitæ; sexta licita reddi potest, quando rex, vel princeps iustum bellum gerens, quia non habet sufficientes vires ad resistendum hostibus, vel ad parcendum multitudini, committit rem duello inter duos, vel plures milites utriusque exercitus decidendam; ut pars, quæ vicerit, causam obtineat; vel ipsimet reges, & principes ad bellum se provocant, ut suorum saluti prospiciant, sicuti factum fuit a D. Wenceslao Bohemæ Duce adversus Ducem Cutenensem, ut iam antea notatum fuit.

scribitur
visio duelli.

Principaliter tamen dividitur 1. ab omnibus in solenne & simplex, seu privatum. Solenne illud est, quod fit servata quadam forma, & solemnitate circa tempus, & locum securitatis privilegio præditum (quem campum francum Scriptores appellant) adhibitis etiam testibus, qui patrini, seu secundantes dicuntur, literis item provocatoriis, aut eorum loco nunciis. Simplex, five privatum illud est quod fit quidem ex consensu statutisq; tempore, & loco, sed absque aliis solemnitatibus. Dividitur 2. in illud, quod fit publica auctoritate, & quod fit auctoritate privata. His positis fit.

Duellum
utrumque
vetitum.

Duellum tum solenne, tum privatum, seu simplex vetitum est iure divino, & humano tam civili, quam canonico sub gravissimis poenis. Iure quidem divino interdicitur in præcepto *Non occides*, quo non tantum prohibetur occisio auctoritate privata, sed etiam periculum eiusdem, ut patet in aliis præceptis. In duello vero uterque duel-

lantium ad minimum se exponit evidenti occisionis periculo. Iure humano civili prohibetur Leg. unica cod. de gladiatorib. & sæpe alibi. Iure humano canonico vetitum est cap. *Monomachia* 12. caus. 2. quæst. 4. & tit. 14. de cler. pugnantib. in duello, & tit. 35. de purgat. vulgari lib. 5. *Decretalium*, & in variis Pontificum Constitutionibus, tum eorum, qui præcesserunt, tum eorum qui successerunt Concilio Trid. in quo iam cit. sess. 25. cap. 19. de reform. vetitum fuit sub gravissimis poenis.

Duellum publica auctoritate aliquando, sed tamen perraro iuste, seu licite iniiri potest. Possunt enim occurrere circumstantiæ similes ei, quæ David impulit ad singulare certamen contra Goliath, ideoque licitum est si suscipiatur ad iustum bellum conficiendum, cum paucorum pugna non sit minus licita quam pugna generalis; imo hæc potius quando offeratur, est eligenda, cum agatur de bello faciendo sanguine paucorum, & vitandi causa maiores cædes, gravioraque damna, dummodo tamen per hoc non reddatur victoria magis dubia, aliquin Princeps peccaret contra iustitiam commutando spem victoriæ cum incerto eventu duelli. Item licitum esse posset auctoritate publica, si tempore belli necessarium videatur ad debilitandos hostium animos, suorumque erigendos, & ad victoriam facilius consequendam. Quia sicut in bello iusto ad bonum commune licita est pugna inter multos, a fortiori licita esse debet inter paucos; & eo magis auctoritate publica duellum licitum est, quando Princeps de iustitia suæ causæ certissimus, sed copiis longe inferior certam suorum ruinam in dubiam victoriæ spem commutat duellum acceptando, & etiam offerendo. Hoc enim satius est quam ut pene certo excidio sui exercitus crudelis & infesti belli gravamini, ac provinciarum suarum vastationi se, suosque exponat.

Cæterum extra hos casus, aliove huiusmodi etiam publica auctoritate initium illicitum est, & graviter culpabile, ut si fiat ob delectationem quadam, ad ostentationem virium, aut dexteritatis, ad spectaculum, ad vindictam, ad probandum crimen, quod alteri obicit, seu ad purgandum, quod ab altero obicitur; quia in hisce omnibus vel tenditur ad pravum finem, vel ad bonum, sed medio illegitimo. Unde cum Principe non habeant dominium vitæ suorum subditorum, sed solum convenientem ulum ad bonum commune, non possunt eam exponere ob finem vanum, nec necessariam bo-

Duellum
publica
auctoritate
factum
quando
licitum.

Quando
duellum
illicitum
fit etiam
initium
publica
auctoritate.

bono communi. Sic P. Antoine, & Tour-
nel. Quare duobus ultimo supplicio addictis
non potest iudex præcipere duellum hac lege,
quod vita ei donetur qui victor e pugna e-
vaderit, quia sic facile fieret, ut reus plus
acceptiatur quam meruerit: nam licet (suspendi-
um meruerit, non meruit tamen alium ad
instar tortoris conficere, non meruit lentis
extingui doloribus, quos forsitan præsentiet
ex imperitia alterius manu, & quod peius
est, sic uterque reus proximo exponeretur
periculo peccandi.

Duellum Duellum inquit privata auctoritate est
intrinsece malum, & mortalis culpa, pro-
inde nunquam licet illud offerre, & accepta-
re. Et hoc patet tum ex frequenti totius
Ecclesie iudicio, cum sæpe sæpius, ut iam
vidimus, vetitum sit per Conciliorum de-
creta, & præcipue citati Trid. & plurium
summorum Pontificum Constitutiones, tum
ex variis legum christianorum legibus, qui-
bus vetitum fuit tam immane facinus, ita
ut duellantes habeantur ut rei læsæ divi-
niæ, & humanæ maiestatis. Et revera im-
mane facinus est, cum iuri naturæ adver-
setur, vitam evidenti periculo exponere, ut
sit in duello, nulla eogente rationabili cau-
sa, cum hoc non fiat pro defensione nec vi-
tæ, nec bonorum, sed sola voluntate pro-
vocantis, propter odium, inimicitiam, vin-
dictam, aut virium ostentationem. Insuper
cum solus Deus sit dominus vitæ hominum,
nemo sine maxima eius iniuria illam pe-
riculo exponere potest, nisi in casibus qui-
bus divina auctoritate fuit concessum, sci-
licet publica Principis dispositione ob bo-
num commune, vel propria auctoritate ad
necessariam propriæ vitæ, vel bonorum,
quæ ad ipsius vitæ sustentationem necessa-
ria sunt, defensionem; nec alia omnino
dari potest rationabilis causa sive ad ve-
ritatem inquirendam, sive ad ignominiam &
ignaviam notam vitandam, quæ reddere pos-
sit licitum duellum. Hinc Benedictus XIV.
in sua Bulla *Detestabilem* edita 4. Idus No-
vemb. 1751. damnavit quinque sequentes
propositiones.

I. *Vir militaris, qui nisi offerat, aut ac-
ceptet duellum tanquam formidolosus, timidus,
abiectus, & ad officia militaria ineptus ha-
beretur, indeque officio, quo se, suosque sus-
tentat, privaretur: vel promotionis alias sibi
debitæ, ac promeritæ spe perpetuo carere de-
beret, culpa & pena vacaret, sive offerat,
sive acceptet duellum.*

II. *Excusari possunt etiam honoris tuendi,
vel humane vilipensionis vitandæ gratia duel-*

lum acceptantes, vel ad illud provocantes, quando certo sciunt pugnam non esse secuturam, utpote ab aliis impediendam.

III. *Non incurrit ecclesiasticas penas ab Ecclesia contra duellantes latas Dux, vel Officialis militiæ acceptans duellum ex gravi metu amissionis famæ, & officii.*

IV. *Licitum est in statu hominis naturali acceptare, & offerre duellum ad servandas cum honore fortunas, quando alio remediorum iactura propulsari nequit.*

V. *Afferri licentia pro statu naturali applicari etiam potest statui Civitatis male ordinatæ, in qua nimirum vel negligentia, vel malitia Magistratus iustitia aperte denegatur.*

Has propositiones non solum publice, sed etiam privatim defendere, vel de his disputando, nisi impugnando tradere Pontifici prohibet sub excommunicatione ipso facto incurrenda.

6. XIX.

De Penæ contra duellantes.

Graves penæ statutz habentur a sacris Canonibus contra duellantes, eosque, qui quoquo modo concurrant, & præcipue a Trid. Synodo sess. 25. cap. 19. ubi penam infligit excommunicationis ipso facto incurrendam 1. Principibus, ac dominis temporibus, qui in suis ditionibus locum aliquem ad huiusmodi pugnam concesserint, 2. iustis, & spectantibus duelli, 3. ipsis duellantibus, necnon iis qui patrini, seu secundantes vocantur cum bonorum proscriptio-
ne, perpetua infamia, & penæ homicidarum, & si in conflictu decesserint, privatione ecclesiasticæ sepulturæ. His penæ S. Pius V. in Constitut. quæ incipit *Ea quæ a præcessoribus nostris*, addit etiam erimen læsæ Maiestatis, carceris, inhabilitatis ad con-
dendum testamentum, aliasque confimiles, quas extendit etiam ad subscribentes chartas provocatorias, eadem affigentes, aut publicantes, necnon privationem beneficiorum, atque inhabilitatem ad ea expetenda, vel alia obtinenda, si forte res huiusmodi perpetrantes, sint personæ ecclesiasticæ ordinis. Gregorius pariter XIII. Pii successor in sua Constitutione 78. incipiente. *Ad tollendum* easdem penas a Tridentino inflatas extendit etiam ad duella privata, idest non solemnia, seu in loco non tuto, nec publice commissa, & sine patris, & sociis; imo ad provocantem, & acceptantem, etiam si pugna ob aliquod impedimentum subsequuta non sit, si ad locum accesserint pugnatu-
ri,

ri, ac per eos non fterit quod pugnant. Idemque fecerit Clemens VIII. in Constitutione incipiente *Ultius vires*; hanc excommunicationem Papæ reservando, ac cum aliis pœnis supradictis extendendo adluadentes quoque, vel provocantes, ad spectatores, ad scribentes, mittentes, vulgantes chartas provocatorias, eorumque fautores, ac complices, ad eos qui ad duellum arma, equos, commeatu, vel consilium, auxilium, præbuerint, vel præberi curaverint, quamvis certamen secutum non sit, atque ad eos etiam, qui paciscuntur de regendo certamine, cum primum alteruter vulneratus fuerit, seu sanguinem effuderit, aut certus istum numerus utriusque datus fuerit. Tandem idem Clemens alia Constitutione privative Regulares non obstantibus eorum privilegiis potestatem absolventis a præfata excommunicatione delinquentes, intra Italiam, & extra Urbem.

Qui no.
mine spe.
dissimul.
duellum
intelligat.
tu e.

Observandum 1. quod non sine spectatorum non intelligentium secundum multos qui casu, & obiter aspiciunt duellum, quia illac fortuito transibant, sed qui illud excomposito observant, ut fert Bulla Gregorii, & de industria, ut ait Clemens. 2. Quod etiam si quævis pugna cum vitæ periculo voluntarie suscepta privata potestate iure naturali illicita sit, ut ex antea dictis iam patet, tamen ad contrahendam illam excommunicationem iuxta multos requiritur pugna ex condito, uno scilicet indicente, altero acceptante cum designatione loci, aut temporis, quia Gregorius dicit expresse in sua Bulla *Ex condito statuto tempore, & loco convento*. Quare si duo vel ob iniuriam actualem habita ira exardescerent, vel ob veterem causam commoti, & in occursum exardescerent alio ad pugnam alium provocante armis statim congregiantur, non subsistent dictis pœnis, quia hic modus congregiendi pertinet ad rixam, non ad duellum, quod fieri debet in condito loco, & tempore designatis, unde in præsentem casu locum non habet. Item si quis stantem in certo loco inimicum videns, domum convolet, & accincto ense intimet adversario, ut suo gladio se tueatur, deest vera ratio duelli, tamen si non desit grave periculum.

Quod si duo in Ecclesia, vel in domo Principis cixari ceperint, ac alter alteri dicat, non est hic locus querelas definiendi, ac eum provoget ad foras egrediendum in vicinam plateam, sustinent multi contra alios hoc videri habere veteram rationem duelli, quia est pugna de condito, & in loco suffi-

cienter designato. Pariter si dicant digladiamur, in primo, qui ad pugnam, occurrat locus, seu convenient de prælio ubicunque solus soli occurrerit in eundo, vel si unus dicat alteri, expecta hic, dum afferam armam, vel vade, & gladium accipe, hic te expecto, vel aliis huiusmodi utantur expressionibus.

Notat tamen hic Tourneleius, quod si duo non animo laudendi, sed honoris defendendi gratia sese provocent, & provocati compareant statuto tempore, & loco, certi moraliter neutrum passurum aliquid mali, quia sic inter se conveniunt, in foro exteriori hi habendi quidem essent pro excommunicatis, non autem in foro conscientie, ideoque re ipsa in conscientia immunes essent a pœnis, cum hæc actio non sit duellum, sed duelli simulatio.

Alie pœnæ statutæ fuere contra duellantes a Benedicto XIV. in citata sua Bulla *Detestabilem* decernit, quod si quis in duello sive publice, sive private indito hominem occiderit, sive hic mortuus fuerit in loco constituto, sive extra illum ex vulnere in duello accepto, huiusmodi homicida a cuiuscunque sacri, vel religiosi loci asylo extrahi possit, ac debeat. Denique decernit sepulture privationem morientibus in loco duelli, & conflictus incurrendam perpetuo fore, etiam si vulneratus ante mortem non incerta pœnitentia signa dederit, atque a peccatis, & censuris absolutionem obtinuerit.

S. XX.

De homicidis qui gaudent vel non gaudent ecclesiastica immunitate.

Inter homicidas, qui beneficio immunitatis gaudere nequeant, præcipuum locum tenent rei homicidii proditorii, quando constet homicidium fuisse revera proditorium, quod ut probetur tale, requiritur amicitia præcedens, ut definitur sacra Congregatio Immunitatis in Beneventana 18. Aug. 1637. Non constat vero de qualitate proditorii per hoc quod occisus, & occisus dormierint, vel luserint simul uno, aut altero die ante homicidium, si fateatur reus homicidium secutum fuisse ex inopinata rixa, ut ex eadem sacra Congreg. Immunit. in Orisana 23. Iunii 1695. ac proinde talis reus gaudet privilegio immunitatis. Homicidium proditorium tunc vere committitur, quando quis aliud verbis, & aliud mente gerit, ac sub specie amicitie proximum interficit, prout fecit Ioab duobus principibus militiae Abner, &

Amaz-

Amasæ, quos sub specie oculi præbendi occidit 1. Regum cap. 3. & 20. Unde homicidium proditorum censetur quando vel sub specie amicitie, vel saltem nulla præcedente inimicitia, aut si præcellerit, eadem per reconciliationem sublata secutus; & nihil mali prævidens alter veneno, vel ferro, a tergo, de nocte, vel per insidias occiditur; cum malitia homicidii proditoris in hoc consistat, quod interficiatur compositionis, qui hic & nunc impotens est ad præcavendum, & reus huiusmodi homicidii non gaudet privilegio ecclesiasticæ immunitatis iuxta Bullam Gregorianam, quæ incipit *Cum alias*. Si vero non constat de qualitate proditoris in homicidio, seu sufficienter non probetur, non est exceptum in Bulla, ac proinde gaudet immunitate; sicuti etiam gaudet indiciatus graviter, sed iudicialiter non convictus de homicidio proditoris; ut ex decisione sacre Congregationis immunitatis in Firmana 11. Jan. 1685. Procurans abortum foetus animati etiam secuto effectu secundum probabiliorum, licet videatur homicida proditoris, non privatur immunitate, quia infans non occiditur per insidias, ac dolose, sicuti ad proditorem requiritur, eo quod dolus, qui est machinatio adhibita ad decipiendum, seu fallendum proximum committi nequeat in infantem, utpote rationis impotentem.

Rei assassinii, tum, qui occisorem conducunt promisso pretio, tum qui operas suas ad occidendum locant, secuto effectu, non gaudet immunitate. Assassinii crimen trahit originem ac nomen a quibusdam infidelibus, quæ assassini nuncupabantur, & accepta pecunia occidebant Fideles, quos aliqui occidi volebant, ut notat magna Glossa cap. 1. de homicidio in 6.

Immunitate itidem privantur occidentes, & mutilantes alicuius membra in ipsis Ecclesiis, earumque cœmeteriis; ut patet ex verbis cit. Bullæ Gregorianæ, in qua huius exceptionis ratio redditur illis verbis: *Cum in eo quod delinquit puniri qui debeat, & frustra legis auxilium invocet qui committit in legem*. Censetur autem occisio, vel mutilatio committi in Ecclesia, non solum tunc quando ambo intra fines Ecclesiæ extant; sed quando etiam existent extra Ecclesiam scilicet vel iaculo mutilat, vel occidit in Ecclesia existentem, cum hic revera alterum occidat, aut mutilat in Ecclesia. Quod patet dicendum est de eo qui lethaliter vulneravit existentem in Ecclesia, etiam si vulneratus extra eam obierit, quia tale facinus,

commissum censetur in Ecclesia. Bonacina cum aliis.

Non conveniunt Theologi, an ille qui existens intra Ecclesiam scilicet, vel telo interficiat, vel mutilet existentem extra Ecclesiam, privetur beneficio immunitatis. Novarius cum Bonac. & quibusdam aliis negat eum privari, eo quia hic proprie loquendo non occidat, & mutilat in ipsa Ecclesia; & cum res versetur in materia odiosa, & poenali, faciendum non sit extensio ab inchoatione homicidii ad ipsum homicidium. Sententia tamen affirmans talem privari immunitate, communior est, & hanc tenet Abbas, & Barbosa cum aliis; & quia huiusmodi homicidium licet extra Ecclesiam compleatur, in ipsa tamen inchoatur; & quia talis homicida, seu mutilator iniuria afficit sacrum locum, dum ipso abutitur ad iniustam eodem, aut mutilationem perpetrandam.

Circa vero irregularitatem quæ contrahi potest per homicidium, sermo habebitur ubi de irregularitate.

CAPUT VI.

De sexto Decalogi præcepto.

§. UNICUS.

De his quæ pertinent ad hoc sextum præceptum.

Quamvis sexto hoc Decalogi præcepto ex ipsius verbis: *non machaberis*, vetitum esse videatur solum adulterium, quod proprie *machæa* dicitur; univèrsim tamen prohibetur etiam quilibet illicitus concubitus, actusque inordinatus in materia venerea: ait enim S. Aug. in Exodum: *Furti nomine bene intelligitur omnis illicita usurpatio rei alienæ. . . profecto nomine machæa omnis illicitus concubitus, atque illorum membrorum non legitimus usus prohibitus debet intelligi*. Nec vero membrorum duntaxat, sed oris etiam, & mentis immunditia ibidem vetita censeri debet, ut Matthæi 5. *Audistis quia dictum est antiquis: non machaberis*. Ego autem dico vobis: *Omnis qui viderit mulierem ad concupiscendam eam, iam machatus est eam in corde suo*. Et si aspectus turpis hic vetitus est, a fortiori improbantur impudicæ voces, tactus, oscula, mollieties, fornicatio, & quid deterius fingi potest. Cum enim finis huius præcepti sit castitas, ac media, quæ ad illius conservationem sunt necessaria,

via, hinc omnia prohibentur, quæ tali fini adversantur, sive opera sint, sive verba, sive cogitationes, & desideria. Verum quia de re hæc sufficienter egimus in tractatu de peccatis capitalibus, ubi de peccato luxuriæ, hinc ne inutiliter repetamus iam dicta, illuc remittere censeo studiosum Lectorem, ubi quæ ad luxuriæ materiam pertinent, singillatim exposita habentur.

CAPUT VII.

De septimo Decalogi præcepto.

§. I.

De furti naturâ & divisione.

Suprema Dei bonitas & providentiâ, quæ singulari amore semper humani generis bono, ac felicitati consuluit, hoc præcipue ostendit in suis Decalogi præceptis, quæ cum non contineant nisi amoris officia, sunt tutissimæ regulæ ad fovendum in humana republica illud amoris, ac pacis commercium, ut cuicumque sua iura indemnâ serventur, quod felicem reddit temporalem hominum conversationem in hoc sæculo. Nam leges Decalogi non solum provident ut quisque debita maioribus præstet obsequia, ne vitæ naturalis corporis per homicidium, civilisque famæ per mœchiam nemini lædatur, sed ne quis pariter fortunæ bonis spoliatur, ut habetur in hoc septimo præcepto, cuius hæc sunt verba Exodi 20. *Non furtum facies*; quæ cum generalia sint, ad omnes indiscriminatim diriguntur, idest & ad divites, ne alios inferioris fortunæ opprimant, & ad pauperes, ut ipsis non liceat in suis indigentis bona divitum deprædari, seu imminuere.

Hoc autem præcepto, quod per modum negationis traditur, non tantum prohibetur furtum, sed etiam quæcumque alienæ rei contrahatio, & damnificatio, quæ multipliciter contingere potest. Duplex iuxta Concilium Trid. est huius præcepti pars, una quæ furtum vetat aperte enuntiata; scilicet, & vis alterius, quæ iubetur benigni & liberales esse in proximis, implicite includitur in priori. Unde non solum violant hoc præceptum fures, & raptores rerum alienarum, sed illi quoque, qui iuxta mensuram suarum facultatum negligunt sublevare eleemosynas inopum indigentias, vel si elargiri non valeant indigentibus quo vitam sustentent, remittunt aliquid eis mutuo gratis commodare, ut præscribit Dominus in Evange-

lio: *Mutuum date nihil inde sperantes*. Insuper prima pars huius præcepti licet negative exprimitur: *non furtum facies*, est simul affirmativa, idest eo ipso quod interdictum hoc præcepto, ne quis aliena furetur, & rapiat, simul præcipitur ut iniuste ablata restituantur. Idcirco explicitè hoc præceptum est negativum, & implicite seu virtualiter affirmativum, non secus ac præcepta affirmativa, virtualiter sunt negativa, ut videre est in præcepto dilectionis Dei, & proximi, quo videlicet virtualiter odium Dei, & proximi simul prohibetur.

Fur & latro aliquando sumuntur tanquam synonyma, ut in cap. *Suscipimus* 10. de homicidio, ubi textus quos prius vocat latrones postea fures appellat. Aliquando vero sic sumuntur ut dicatur latro, qui stat in sylvis ut transeuntes spoliaret, qui alias dicitur etiam viaticum grassator; & fur qui spoliatur de nocte in domibus, ut in Authent. *Us nullus indic.* §. penult. collat. 9. & alibi. Aliquando tandem fur appellatur nocturnus, & latro diurnus, ut notat Butrius in c. *Interfeci* n. 6. & Card. in c. *Suscipimus*: In 1. notabil. Hæc tamen differentia confunditur in Leg. itaque §. Lex ff. ad Legem Aquiliam, ubi fur appellatur non tantum nocturnus, sed etiam diurnus. Quare dicendum est, quod fur proprie appellatur qui clam furatur, ut in Leg. 1. ff. de furtis, nec distinguitur an noctu, vel die furetur: Latro vero qui palam furatur, ut per Doct. in Authent. sed novo codice serm. fug. & Fagnanus in cit. cap. *Suscipimus* n. 4.

Furtum dicitur a furvo, idest nigro, eo quod clam & in obscuro fiat, & plerumque de nocte, ut in Leg. in princip. ff. de furtis. Furtum communiter definitur a theologis sic: *furtum est occulta, & iniusta rei alienæ ablatio domino rationabiliter invito*. Et talis definitio concordat cum textu Leg. 1. de furtis, ubi furtum est contrahatio rei alienæ mobilis corporalis fraudulosa invito domino lucri faciendi causa vel ipsius rei, vel etiam usus eius, possessionis. A D. autem Thoma definitur *occulta rei alienæ acceptio*, & hoc nomine, acceptio intelligenda est etiam alienæ rei detentio. Detinere enim id quod alteri debetur, ait S. Doctor 2. 2. q. 66. art. 3. ad 2. eandem rationem nocuenti habet cum acceptione iniusta; & ideo sub iniusta acceptio intelligitur etiam iniusta detentio. Imo pro furto, cum hoc diversimode sumi possit, venit quæcumque proximi iniuria damnificatio. Furtum enim lumitur cum

Definitio furti.

tum latissime pro quacumque iniuria, unde damnum sequatur proximo in bonis fortunæ, sive per commisionem, sive per omissionem, puta usurpando, detinendo, destruendo, deteriorando, exigendo quod sibi non debetur, vel quod alteri ex iustitia debetur non solvehdo, sive alio huiusmodi modo; tem late pro omni iniusta rei alienæ acceptione, sive fraudulenta, ut in contractu iniquo, sive occulte, ut in furto stricte sumpto, sive violenter, ut sit per rapinam; tandem stricte, & in hoc sensu, est illud fur-tum de quo hic agitur. Culciscumque autem sit huius triplicis generis damnificatio, æque sub nomine furci comprehenditur, & prohibetur præcepto *non furum facies*, ut ex Concil. Colonien. Catechismo Romano, ac S. Aug. *ip. cap. pœnale* 24. q. 5. Nam quocumque modo damnum alteri inferatur, idem est virtualiter ac si aliquid ab ipso auferatur. Etenim per quodcumque damnum quis in suis fortunæ bonis accipiat, efficitur ut ipse minus habeat, quam habere debuit.

Verum cum hic agatur de solo furto stricto sumpto stando supra allatis definitionibus, ad naturam furci tria præcipue concurrere debent, 1. quod sit contra iustitiam, & fraudolose non enim committitur fur-tum, nisi alienum accipitur domino propter ius & rationem invito. Hinc qui iudicis auctoritate rem alienam accipit, ab omni furci labe immunis est. Et hæc eadem ratio libera-vit a furto Israelitas, dum iussu Dei, sub cuius potestate omnia universum sunt posita, abstulerunt Ægyptiorum spolia in compensationem suorum laborum. Nec furci pa-riter reus est, qui bona fide, ac non temere, ideo iusta de causa præsumpto Domini consensu rem alienam accipit, vel ea utitur, vel loci gratia rem celat alienam, ut cau-tius dominus eius conservationi invigilet. Hic tamen locus non est inculpabilis, si det occasionem blasphemii, imprecationibus, vel temerariis iudiciis. Dicitur autem *fraudulose*; nam si quis putabat, ac credebatur, vel etiam sciebat rem esse suam, & credebatur sibi licere rem suam furripere, non est reus furci, tametsi ad rem suam recuperandam aliter se gerere teneatur. 2. Ad fur-tum requiritur, quod aliquis *rem ab altero possesam auferat*, vel *contrectet*, quia fur-tum est proprie rerum mobilium, non vero immobilium, vel incorporearum, quæ contrectari, ideo ab uno in alium locum transferri nequeunt; & ita ad rationem furci necessaria est corre-ctio, licet interveniat voluntas, verbum, & scriptura. Unde qui sine contrectatione

Instit. Theol. Moral. Tom. III.

rem alienam solum concupiscit, non est reus huius præcepti, sed alterius *non concupisces*. Externa enim duntaxat furandi actio veti-ta est in hoc præcepto. Hinc fur-tum differt quoque ab iniusta damnificatione, in qua res aliena destruitur, nec aliquid per ipsam aufer-tur lucrificandi gratia. Differt tandem per hoc fur-tum ab adulterio, & homicidio, quia hæc sunt peccata contra personam; item a plagio, sive crimine plagiatus, quo quis hominem liberum, seu uxorem, vel filios auferat ad vendendum vel retinendum in mancipium. 3. Ad fur-tum requiritur, ut res aliena occulte auferatur. Per hoc enim fur-tum differt a rapina, quæ est occupatio rei alienæ cum violentia; cum nimirum scilicet domino quod suum est ipsi invito auferatur.

Dicitur vero in definitione *domino ratio-nabiliter invito*: qui enim ab amone, ebrio, vel furioso gladium auferit, ne aliquem ille percutiat, fur-tum non committit, tametsi alter sit invitatus, quia non est invitatus ratio-nabiliter. Idem qui in extrema necessitate constitutus auferit ab alio quantum libopus sit ad vitæ sustentationem, non est reus fur-ti, tum quia non auferit rem alienam cum in extrema necessitate iure nature omnia sint communia, tum quia hæc de causa domi-nus tunc non est rationabiliter invitatus.

Dicitur insuper in conclusione citatæ *Legis de furtis ipfius rei, vel usus eius, posses-sionisve*, quia non ille solum fur-tum com-mittit, qui furtive vult rei alienæ dominium lucrificare, sed qui vult etiam rei alienæ usum, aut possessionem, ut in *ff. Leg. qui iumenta lib. 11. tit. de furtis*. *Qui iumenta sibi commodata longius duxerit, alienaverit re invito domino usus sit, fur-tum facit*.

Varie sunt furci species pro rerum diver-sitate, quæ incisi & invitati dominis aufer-runtur; & ordinariæ quinque recensentur, videlicet fur-tum simplex, sacrilegium, pla-giatus, peculatus, & abigeatus. Fur-tum simplex id est quod in solo furandi actu sine concursu aliorum delicti consistit, ideo qui privatus quid privato iniuste, & clau-cule auferit. Sacrilegium illud est, quo res sacra furripitur, vel etiam persona a loco sacro iniuste rapitur, vel bona quæ sacro-sancti cultui, aut ministris, vel pauperibus pie, ac sapienter deputata sunt, in privatas cu-piditates, detestabilesque ac damnosas libi-dines ab ipsis Ecclesiæ ministris convertun-tur, ut habetur in Catechismo Conc. Trid. & S. Aug. *tract. 50. in Ioan.* Item rei sunt huius criminis viri Religiosi, ac Moni-les, si contra sanctitatem sui voti, quo

A a

pau-

Varie
Species.

Ad natu-
ram fur-
ci tria
concur-
rere de-
beant.

paupertatem Deo voverunt, aliquid furantur, & tibi collata celant sine Superioris licentia & facultate, ut ex regula dicta S. Aug. quæ ait: *Qui rem sibi collatam celaverit, furti iudicio condemnatur*. Triplex autem est sacrilegium, ut tuo loco diximus, nempe quando sacrum de sacro, vel sacrum de non sacro, vel non sacrum de sacro furtim surripitur, ut in *cap. Quisquis 21. caus. 17. q. 4.* Plagiatus, seu piagiatus est quo quis dolose hominem liberum, vel servum alienum vendat, donet, aut permutet, vel alio contractu, quo dominium verum transferretur, aliis tradat, *Leg. 1. & seqq. ff. ad Legem Flixiam de Plagiariis*. Hoc crimen, si homo qui surripitur, est sui iuris, non est proprie furtum, quia libera persona sub nullius est dominio §. *item iuris Instit. de iniur. stipul.* Si vero homo, qui surripitur, est sub alterius potestate, vel dominio, tunc est proprie furtum §. *interdum Instit. de obl. quæ ex delicto*. Peculatus dicitur, quo publice pecunie intercitur. Huiusmodi crimen perpetratur ab iis, qui pecuniam ad ærarium publicum, aut hinc Principis pertinentem, seu bona publica Communitatis in suos privatos usus convertunt. Abigeatus est fraudulenta ovium, boum, equorum, aliorumve id genus pecudum ex pascuis, aut armentis iniusta, & dolosa substractio, quæ est quodammodo deprædatio in proprium usum *Leg. 1. §. 1. ff. de abigeis*. Crimen hoc a Legibus civilibus peculiari pœna multatur, quia huiusmodi pecudes, quæ per præta, agrosque ut plurimum divagantur, non ita facile sicut aliæ res custodiri possunt. Dicitur autem notanter *ex pascuis, & armentis*, quia abducens oves errantes, vel equos in solitudine relictos non est abigeus, sed fur, *citi. Leg. de abigeis*. Sic etiam notanter dicitur *substractio & quodammodo deprædatio*, quia ad hoc ut quis dicatur abigeus, non sufficit ut unam ovem, equum, & bovem surripiat, sed requiritur ut plures, nimirum saltem decem de græcæ pecudis abducatur, alias esset simplex fur, ut in *Leg. finali ff. de furtis*. Addunt aliqui in hac divisione etiam rapinam, sed iuxta D. Th. 2. 2. q. 66. art. 4. furtum & rapina specie differant: igitur non recte hæc constituitur sub specie furti, Ratio autem specificæ distinctionis inter furtum, & rapinam, est, quod fur rem aufert domino nescienti, raptor vero scienti, & repugnanti. Raptor enim obtinere vult per propriam potestatem; ideoque aliam rationem peccati habet rapina, aliam furtum. Rapina est ea quæ præ-

ter malitiam furti, scilicet iniustam usurpationem rei alienæ continet aliam speciem malitiæ & iniustitiæ contra personam, & honorem proximi. Vix enim alicui interre est species contumeliæ lædentes honorem proximi. Ita notat S. Th. loco cit. art. 9. & cum ipso alii passim Doctores. Unde rapina dehniri potest quod sit iniusta ablatio, seu contractatio rei alienæ externæ cum vi facta domino, vel legitimo detentori. Quam multiplex sit rapina, & quot modis exequatur, lob *cap. 24.* breviter enumerat dicens: *Alii terminos transulerunt, diriperunt greges, asinum pupillorum abegerunt, abstulerunt pro pignore bovem viduæ, subverterunt pauperum viam, oppresserunt manusque terræ: agrum non suum demetunt, & vineam eius, quem vi oppresserint, vindemiant. Nudi dimittunt homines indumenta tollentes, quibus non est operimentum in frigore*. De raptoribus ait D. Paulus: *Neque rapaces regnum Dei possidebunt*. Et revera cum ut plurimum raptores sint ex numero eorum, qui etiam si pœnitere velint, res tamen reddere nollunt, nec remittatur peccatum, ut ait S. Aug. nisi restituatur ablatum, hinc nisi cum pœnitentia raptores animus & effectum restitutionis coniungant, plane, ut minatur Apostolus, regnum Dei non possidebunt.

§. II.

De gravitate peccati furti.

Furtum, & rapina ex genere suo sunt peccatum mortale, licet quandoque, ob parvitatem rei, seu materiæ, ut dicunt Theologi, rei ablatæ (excluta tamen voluntate gravis damni inferendi) excusetur a mortali, & sit tantummodo veniale: ita communiter Theologi; & patet ex cap. 20. Exodus, ubi exprimitur præceptum furtum vetans: *Non furtum facies*. Nec valet obicere illud Proverbior. 6. *Non gravis est culpa cum quis furatus fuerit*. Nam ut recte exponit venerabilis Beda, *furtum non ex sui æstimatione, sed comparatione peccati maioris, idest adulterii, non grandis esse culpa perhibetur*. Revera enim furtum ex genere & obiecto tuo aliis peccatis omnibus in Decalogo prohibitis, cæteris paribus, levius est. Et hoc iam manifestissime patet, quia peccata contra primæ Tabulæ præcepta, utpote veritas circa ipsum Deum, eiusque cultum, plane graviora sunt furto, quod versatur circa homines tanquam. Alia vero peccata contra præcepta secundæ Tabulæ, ut veritas aut circa proximi personam, aut bonum

sum vitæ, famæ, honoris &c. graviora sunt furto, cæteris paribus, dum furum verlatum circa bona externa fortunæ proximi, quæ sunt longe inferioris ordinis.

Cæterum furum grave profectio peccatum est, utpote repugnans non tantum iustitiæ, sed etiam charitati; utraque quarum verat ne alteri faciamus, quod nobis fieri non placeat, ut Tobiz: 4. *Quod ab alio oderis fieri tibi, vide ne tu aliquando alteri facias*, unde huic uni ex primis legis naturalis principis repugnat furum, idcirco illicitum est, & ad menturam rei ablatæ culpabile. Hinc S. Aug. l. 11. *Confess. cap. 4. ait: Furtum certe punit lex tua, Domine: Quis enim fur æquo animo furem patitur?*

Primitiva Ecclesiæ disciplina fures a Communione excludebat, & publicæ subiciebat penitentiz. Et S. Th. 2. 2. *quæst. 66. art. 6. propositionem de furti gravitate confirmat: Peccatum (inquit) mortale est quod contrariatur charitati. . . . unde furum tantum contrariatur charitati, esse peccatum mortale*. Materiz temen levitas efficit ut furum sit duntaxat veniale, dummodo tamen non addit graviter nocendi voluntas; & hæc est altera pars propositionis, quam pariter confirmat laudatus Doctor Angel. loco cit. ad 3. *Si quis furtive res minimas accipiat, potest excusari a peccato mortali: si tamen habet animum furandi, & inferendi nocumtum proximo; etiam in talibus minimis potest esse peccatum mortale, sicut & sunt solo cogitatu per consensum*.

Quenam vero quantitas materiz furtivæ requiratur, & satis sit, ut furum sit mortale peccatum, cum variz circa hoc sint Doctorum sententiz, non potest una certa & determinata taxari, sed taxanda est arbitrio prudentum tum ex quantitate rei ablatæ, tum ex circumstantiis personæ per furum læsæ, temporis, loci, & huiusmodi. Quocirca certum est furti gravitatem attendendam esse ex pretio rei, vel pecuniæ quæ surripitur, ex circumstantiis personarum, & locorum. Nam malitia, & gravitas furei provenit ex damno quod iniussu proximo infertur. Damnum autem non est æquale respectu omnium ex iactura eiusdem quantitatæ, & rei; ita ut aliquando maior quantitas requiratur, aliquando minor sufficiat ad constituendum peccatum mortale. Videtur esse mortale peccatum, si quod surripitur sufficiat ad diurnum unius hominis victum, sive diviti, siquæ pauperi fubraliatur. Quod si circumstantiæ personarum, locorumque inspiciantur, maior plane quantitas requiri-

tur in una quam in alia ad constituendum peccatum mortale. Siquidem maior certe summa desideratur ut peccatum mortale committat filius furripiens patri, uxor marito, quam si extraneo furripere, quia plus iuris habent filius ad bona patris, & uxor ad bona communia, quæ maritus administrat, quam ad bona extraneorum; ideoque minor summa, si extraneo furetur, est sufficiens ad mortale, quæ tamen iudicio prudentum æstimanda erit, num notabilis sit, vel non, habita semper ratione; ut antea diximus, personarum, locorumque, & etiam, aliquando necessitatis rei, quæ surripitur, necnon damni, quod ex tali surreptione subsequitur. Etenim ob huiusmodi inspectiones etiam leviss quantitas sufficiens esse potest ad mortale, ut si quis furetur pauperi assiem ipsi necessarium ad panem comparandum, procul dubio reus erit mortalis peccati, non minus ac si decem aises furatus esset diviti. Sic minus sufficit si auferatur pecunia in loco ubi modica reperitur, quam si ubi argentum, & aurum est in abundantia. Unde regula facilius & securius ad-dignoscendum num furum sit grave, vel leve, mortale, vel veniale, est, ut non solum attendatur ad quantitatem rei ablatæ, sed etiam ad circumstantias personarum, locorum, temporum &c. cum, ut iam vidimus, plus in uno calu ratione circumstantiarum requiratur, ac minus sufficiat in alio ad mortale constituendum, & incurrendum onus restitutionis. Præcisus circumstantiis, & rei sola quantitate attenda Doctores alii plus, alii minus ad mortale constituunt. Navarrus enim pro materia furti mortalis, nimis tamen stricte, statuit dimidium Regale, vel Iulium, vel paulo plus. Alii cum Corduba unum Regale, seu Iulium. Alii cum Mblina, Rebello, Lessio duos Regales, alii medium florenum, alii cum Soto, Sylvestro, Angelo &c. unum vel duos aureos, seu dincatos; alii tandem, nimis late, centum aureos. Igitur, in tanta opinionum varietate probabilior & communior Doctorum sententia est, ut iam supra notavimus, (cum non possit pro regula universalistatui una certa quantitas pecuniæ, quæ sit materia absolute gravis, & sufficiat respectu omnium) quantitatem taxandam esse iudicio prudentum, attentam non solum quantitate rei ablatæ, sed etiam circumstantiis personæ, cui res auferatur, temporis, loci, & huiusmodi. Sic Reiffenst. cum aliis.

¶ Initia
va Eccle-
sia sub-
mirebat
fures pu-
blice po-
nitentia

De quan-
titate ma-
teriz ut
furtum
sit morte-
tale.

§. III.

De culpa, quæ committitur in furtis levioribus.

Materia
furti per
se levis
gravia
fieri pos-
set per
occisionem.

Surruptio levis rei alienæ, licet per se levis sit, & venialem culpam non excedat, ut iam diximus, tamen ex variis rationibus fieri potest materia gravis per accidens, & reddere furtum graviter culpabile, cum gravitas materiæ, ut iam vidimus, a diversa ratione procedat; & cum præcipue materia gravis fiat per accidens ratione gravis damnificationis respectivæ, vel contristationis exinde subsecutæ; hinc si quis artificii auferret instrumentum aliquod necessarium suæ artis, v. g. acum factori, tubulas futori, quia ruri comparari nequeant intra triduum, vel quadriduum, ita ut interim talis artifex operi suæ incumbere non valeat ad panem lucrandum, materia huiusmodi furti, licet absolute levis, tamen respectivæ est gravis, ac proinde tale furtum est lethale peccatum. Pariter si quis opulento surripiat surculum tenellum arboris, quem ipse plantaverat, quando prævideat illum graviter contristandum, vel ex ablatione illius rei, temetipso levis, blasphematum, peccabit tali suo furto mortaliter, licet in tali casu malitia peccati non versetur in genere furti, sed in alio genere peccati connexæ cum furto, quod est de se levis, puta contristationis, cooperationis ad blasphemiam. Unde manifeste patet furtum rei levis absolute consideratæ fieri posse furtum rei gravis per accidens, ideoque ex veniali fieri mortale, nempe 1. ratione damni inde secuti, aut lucri cessantis, quod quidem peccatum non erit furtum strictè dictum, cum non surripiatur aliquid notabile, sed peccatum iniustæ damnificationis, quæ proprio nomine caret. Nam surripient instrumentum necessarium artifici, dum aliud non ita cito habere potest, est iniusta causa cur artifex grave damnum patiatur. Delinquitur autem mortaliter contra iustitiam, quando alteri sine iusta causa grave damnum inferitur. 2. Ratione scandali, scilicet si sciat fur ideo alterum erupturnum in blasphemias ex tali furto, temetipso levi: etenim mortale est præbere alteri sine iusta causa occasionem peccandi mortaliter. 3. Ratione gravis mœroris, quem concipit dominus ex furto rei levis propter præcipuam affectionem ad illam. Nam graviter tunc talis fur peccat saltem contra charitatem, ex qua tenemur impedire grave damnum proximi,

quando sine nostro gravi incommodo, idem facile possumus, licet irrationabiliter su eventurum. Duo alia etiam addi possunt, unde in furto materia levis fit graviter culpabilis, nempe ex parte finis, quo furata fuerit, si sit mortaliter peccaminosus, vel ex modo rem auferendi, idest si tale furtum fiat cum notabili violentia.

§. IV.

De furtis levioribus, quæ ad notabilem quantitatem aliquando perveniunt.

Qui ab uno, vel a pluribus pauca surripit animo tamen prosequendi usque ad magnam quantitatem, vel etiam hilce modicis furtis discescere intendens, procul dubio mortaliter peccat ob pravam illam intentionem seu voluntatem gravem materiam auferendi, quæ sola sufficit apud Deum pro constituendo gravi peccato. Ita communiter Doctores. Et ratio est manifesta, quia talis fur intendit rem alienam magni momenti invito domino accipere, & singula externa furta procedunt ex mortifera intentione furandi scorsim notabilem quantitatem. Hinc de huius generis furibus habetur in Deuter. 23. *Non habebis in sacculo diversa pondera, maius, & minus . . . abominatur enim Dominus cum qui facis hoc.* Et ita habetur etiam tum ex can. *fur autem caus.* 14. q. 6. qui sumptus est a S. P. Hieronymo in cap. 11. epist. D. Pauli ad Titum, & ex D. Th. 2. 2. q. 66. art. 6. ad 3. *Si tamen, ait S. Doctor, habet animum furandi, & inferendi nocumentum proximo, etiam in talibus minimis potest esse peccatum mortale, & solo cogitatu per consensum.* Quod si intentum habeat, nempe rem gravem revera surripiat, tenetur ad restitutionem suis dominis, sive uni, sive pluribus furatus sit, quando noti sint, vel illi Communitati, cui abstulerit, & si hoc fieri nequeat, pauperibus, vel piis operibus, ut in simili dicitur cap. cum tu de usuris. Et merito Innocentius XI. damnavit propositionem num. 38. *Non tenetur quis sub pena peccati mortalis restituere quod ablatum est per parva furta quantumcumque sit magna summa totalis.* Quare Confessarii examinare debent illos penitentes, qui continentur modicum quid esse furatos, an voluntatem habuerint, & affectum plura furandi, si oblata eis fuisset copia, & commoditas. Notat tamen hic Lessius cum aliis, talem furem non committere tot mortalia furta quot sunt furta minuta ab ipso facta, sed continuari solum iam co-

Quid de
his qui a
pluribus
pauca
furtis
piant.

ptum,

ptum, idest unum solum esse mortale peccatum moraliter continuatum, non secus ac si uno actu quantitatem illam furatus esset, quia omnia furtiva minuta ex detractione acceptorum censentur una continua executio illius moralis intentionis, quod etiam in furtis gravibus repetitis, & sub una intentione coniunctis contingit.

Qui furatur quid modicum animo tamen, & voluntate furandi plura, si posset, docent communiter Doctores hunc peccare mortaliter; nam talis quantum est ex se, si adesset copia, & commoditas, pravam habet voluntatem, & affectum quantitatem notabilem furandi. Idcirco ratione huiusmodi pravæ, & mortiferæ voluntatis, & affectus graviter peccat.

Si quis autem sine industria, & animo detestandi multa minuta pluribus surriperet, maior quantitas requireretur, ut esset grave peccatum, quam si ab uno duntaxat ea auferret, quia illi parum huiusmodi furtis minutis læduntur, nec ita facile sunt inviti illis furtis interpolatis, & fortuitis, quam si talis quantitas tota simul eis auferatur, ac ideo non ita facile curant restitutionem rerum minutarum, quæ sine voluntate ascendendi ad magnam quantitatem eripiuntur. Si enim ab uno, ita Lessius, Sanchez, Bonac. & alii, auferantur illa pauca, maior quantitas, aiunt citati Doctores, requiritur, si repetitis vicibus auferantur, quam si uno actu surripiantur, quia tunc non ita damniificantur, idcirco si mortifere peccat, & ad restitutionem tenetur, qui ab eodem homine auferit decem simul; quindecim, & sexdecim requiruntur, ut quis sub mortali teneatur restituere ablatum per furtiva minuta, præsertim si longis intervallis parata sint. Ille autem, qui a diversis personis, & in diversis negotiis modica sarripet, quæ tamen licet magno temporis intervallo ad magnam quantitatem accederent, sed hoc faceret sine animo magnam quantitatem auferendi, graveque damnum proximo inferendi calu, & accidentaliter, secundum Natalem Alexandrum, Antoine, & Tourneleum, & est communis, mortaliter peccat, non quidem singulis furtis levioribus, sed eo demum quo summa notabilis complectur, quia secundum horum sententiam furtum postremum morale habet cum præcedentibus connexionem, quo sit ut furtivam quantitatem rei alienæ detraheat, ac proinde sufficientem ad constituendum peccatum mortale. Hinc aiunt peccare mortaliter famulos, & ancillas, idcirco ad resti-

tutionem teneri, quando per plura modica furtiva, etiam circa esculenta, & poculenta quantitatem sufficientem ad mortale compleant, licet secundum multos maior quantitas requiratur in esculentis, & poculentis, quæ ipsi consumunt, quam in iis, quæ aliis donant. Idemque dicito de liberis, quamvis circa hos maiorem requirunt quantitatem, quam circa famulos, eo quia (inquiunt) parentes circa eos sunt minus inviti. Eiusdem sententiæ ac Natalis, alique supra citati sunt pariter Rebel. Sanch. de Lug. aliive, hac ducti ratione quod toties adesse voluntas saltem implicita augendi præcedens grave damnum, quod revera augetur, ac toties completur voluntas habendi gravem materiam, partim retinendo, partim novam addendo; ac ideo subsequens furtum est executio huiusmodi pravæ voluntatis. P. Antoine. Permulti vero contrarium sentiunt, (supponendo illa modica ablata cum magno unius ab alio temporis intervallo, & semper sine animo aliud modicum furandi, & usque ad notabilem quantitatem) scilicet in hisce levibus furtis non fieri ex his moralem unionem; quia cum unio (aiunt ipsi) moralis longe digregatorum debeat in aliquo fundari, & tunc fundari non possit, nisi in animo, idest in voluntate, quæ post ablatum unicum modicum semper protrahatur, & perseveret in deliberatione aliud modicum successive cum aliqua tamen temporis distantia furandi usque ad notabilem quantitatem; cum talis animus non supponatur, certe unio moralis horum modicorum in nullo fundatur, ac ideo iure merito censeri potest hic non adesse notabilem quantitatem, & sic non adesse materiam pro mortali peccato, & pro debito restitutionis.

Nec ullaatenus obesse ipsi videntur paritates, quas contraria sententia obicit, nempe de eo, qui die festo vacando pluribus vicibus per breve tempus operibus servilibus, si vacet his operibus simul iunctis pluriusquam duabus horis, violat graviter præceptum diei festi; vel si pluribus vicibus comedat in die ieiunii, notabilem quantitatem, graviter violat præceptum de ieiunio, ac proinde in casu utroque peccat mortaliter; nam inter hos & nostrum calum, dicunt ipsi, lata est disparitas, quia cum essentia præceptorum diei festi, & ieiunii consistat in abstinentia ab operibus servilibus, & in unica comestione, & utrumque intra breve spatium unius diei; hinc plura opera servilia levia, plures modicæ comestiones interrupte factæ, quæ simul iunctæ gravem quantitatem consti-

Quid de
mortalis
furtis i.
berorum.

opponuntur essentiae utriusque præcepti. Ex opposito vero præceptum de non furando non respicit principaliter quantitatem rei ablatæ, sed violentiam, ac ideo iniuriam, quæ furando fit domino rei, ita ut tunc furtum grave censetur, & lethaliter culpabile, quando huic furto dominus graviter est iniurius, idest gravis violentia ei infertur, & iniuria. Unde cum ex pluribus modis longo temporis spatio ablati, si singula semper auferantur sine animo ulterius progrediendi, ita ut progressio talium furtorum sit casu, & accidentaliter, sive fiat diversis, sive etiam uni tantum, licet tandem ad magnam quantitatem perveniat, non patiantur domini certam iniuriam, ac violentiam, ideo non supponuntur graviter iniuri, eo quia homines minus ægre ferant (ut patet ex communi eorumdem consensu) minima casu sibi auferri, & longo intervallo, quam simul, & semel magna quantitate privari. Hæc igitur magna quantitas facta tali modo, & tali animo non fit materia sufficiens ad culpam lethalem.

Qui post levia furta, quæ non potest restituere, aliud leve addit quo gravis quantitas completur, peccat graviter. Lugo cum aliis contra Lessium & Granado; quia, ut recte dicit Lugo, malitia furti non oritur ex commodo, quod furi ex detentione provenit, sed ex damno quod proximus ex obligatione patitur. In hoc autem casu sive fur possit, sive non, priora furta compensare, eodem modo per ultimum furtum facit quod proximus grave detrimentum patiatur, quando ante postremum hoc furtum nonnisi leve detrimentum patiebatur. Idcirco tametsi nequeat fur præterita restituere, curare tenetur ne ex illis & hoc ultimo proximus grave detrimentum sentiat, quod facere potest hoc postremum furtum vitando. Si tamen voluntatem haberet efficacem restituendi priora, excusaretur a mortali, uti notant Molina, Rebellus, Sanchez, alique cum Lugo.

§. V.

De dominio furti in re furata.

Inquiri solet a Doctoribus num fur rei furatæ dominium acquirat, & respondent cum distinctione, nempe quod si res furatas discernere possit a rebus propriis, super eas dominium non acquirit, cum ad transferendum dominium iustus titulus requiratur ex Leg. 31. §. de acquir. rerum dominio. Nullus tamen in hoc casu adest furi titulus. Idemque dicito de usuris, quia ex hac lege

nunquam traditio transfert dominium, nisi præcedente venditione, seu donatione, aut altera iusta causa. Nam cum Infit. de rer. divis. dicitur dominium rei transferri traditione, hoc semper intelligitur de traditione rei cum iusto titulo, quem leges alibi requirunt. Nullus autem iustus titulus, seu iusta causa intervenit in usurarum traditione, & sic in re alienæ surreptione. Nam & ratione mutui illicitum est aliquid accipere, nec liberaliter, ac sponte illud donatur, sed est bonum alienum invito domino, & si ne ullo iusto titulo acceptum, ac detentum; & nemo rem alienam surripere potest, ita ut furata sint semper violenter domino ablata & extorta. Quare accipientes etiam bona fide res alienas a fure, vel usurario, eas vero domino restituere tenentur, ubi primum hoc deprehenderint, quia iuxta Legem 34. §. de regulis iuris, nemo plus iuris ad alium transferre potest quam ipse habet. Quod si fur, vel usurarius res furto acceptas seu usurarias rebus suis immiscuerit, ita ut discerni nequeant, & ipse animus habeat totum cumulum sibi acquirendi, sive adipiscendi, secundum multos dominium earumdem acquirit, ex Infit. de rerum divis. & Leg. 78. §. de solut. Verum hæc lex non loquitur de mixtione mala fide facta, & Infit. loco cit. hoc iudicii arbitrio relinquunt. Quod tamen hic certum est in tali casu non tolli, sed semper remanere obligationem restituendi earum rerum valorem, necnon compensandi damna omnia, quæ ob talem iniuriam illata fuere. Communiter tamen sentiunt Doctores furem, & usurarium fieri dominos pretii quod acceperunt ab eo, qui rem alienam bona fide emit, salvo semper prædicto onere restituendi valorem rei furatæ, vel usurariæ, & damna ex tali iniuria secuta resarciendi, ex Leg. 49. §. de furtis, ubi sic: Quod enim ex re furtiva redigitur, furtivum non esse nemini dubium est. Nummus autem, qui est redactus ex pretio rei furtivæ, non est furtivus. Unde si fur aliquid, hac pecunia comparet, puta pannum, venditor fit dominus talis pecuniæ, nec illam restituere tenetur, cum sit furis. Fur vero obnoxius manet restitutioni. Iam si fur aliquid furtiva pecunia emat, rei emptæ dominium acquirit, ex Leg. penult. cod. si quis alteri vel sibi &c. Venditor autem non fit dominus pecuniæ furtivæ, nisi quando illam cum propria miscuerit, ita ut ab illa nequeat amplius discerni Leg. 78. §. solut. Et ratio est quia fur non habet dominium rei furtivæ,

væ, sicuti venditor rei suæ. Igitur dominium æque ex utraque parte transferri nequit. Insuper Leges ita statuerunt, nec iniquum est, quia pro eo quod rei alienæ venditor sit dominus pretii, ipse vicissim obligatus manet emptori de evicitione.

§. VI.

De occulta receptione rei propriæ apud alium inuenta.

Licet res semper clamet ad dominum, & qui eam inique, seu iniuste possidet, teneatur ex iustitia eam suo domino restituere; nihilominus non potest dominus rem illam, licet suam, apud alium existentem, licet sine iusto titulo, occulte accipere, dum potest alia ratione, puta per iudicem eam recuperare, quia violat iuris ordinem, ac proinde peccat contra iustitiam legalem. Quia tamen res illa sua est, & alter ius nullum in illam habet, non est debitor restitutionis. Sic Doctor Ang. 2. 2. art. 5. ad 3. ubi sic ait: *Qui furtim accipit rem suam apud alium iniuste detentam, peccat quidem, non quia gravet eum qui detinet, (& ideo non tenetur ad restituendum aliquid, & compensandum) sed peccat contra communem iustitiam, quia ipse sibi usurpat rei suæ iudicium iuris ordine prætermisso, & ideo tenetur de eo satisfacere, & dare operam, ut scandalum proximi, si inde ortum fuerit, sedetur.* Hic autem non peccaret si alia ratione, nempe petitione, vel iudicis auctoritate, vel sine magnis sumptibus rem suam recuperare non posset, modo hoc non cedat in scandalum, ac moneat ipsum detentorem (si sine incommodo hoc fieri potest) ipsum iam nihil eidem debere. Idemque dicito de eo qui habet aliquid in manibus pertinens ad debitorem, nec alias, nempe publica auctoritate, & nisi cum gravi sumptu rem suam obtinere valens, æquivalens debito sibi retinet, dummodo tamen suum creditum liquidum sit, & certum, cum hic pariter non rem alienam rapiat, nisi forsan rem illam ab altero iusto titulo, puta commodati, pignoris, locationis retineret, quia tunc peccaret contra iustitiam, & rem illam restituere teneretur, & damnum compensare, si quid inde emerferit. Etenim alium iniuste exspoliaret usu iuris, quod in rem habebat, scilicet iuris securitatem ex ea percipiendi, vel eadem utendi. Peccat pariter qui habens rem suam apud alium depositam, furtim accipit, quia iuxta D. Th. cit. *quest. art. 5. ad 3. gravat depositarium, &*

sic tenetur ad relevandum hoc gravamen ipsum monendo, vel depositum reddendo. Antoine cum aliis.

6. VII.

De occulta compensatione contra debitorem.

Nota occultæ compensationis nomine intelligi, quando infcio debitore quis accipit, vel retinet propria privata auctoritate ex bonis eiusdem debitoris quantum hic certo ex iustitia ei debet.

Spoliare debitorem propria auctoritate ad iustam compensationem crediti, quod quis tenet apud debitorem, quando aliter creditum nequeat obtinere, secundum S. Aug. lib. 22. *contra Faustum*, illicitum videtur. Communior tamen sententia tenet, quando concurrant quedam circumstantiæ, & conditiones, hoc licitum esse, ut colligitur ex *cap. finali, bona fides Extrav. de depof.* Quia detrimentum nullum assertur nec debitori, cum hic ex iustitia id quod aufertur ei, aut æquivalens, restituere debeat, nec iudici, utpote qui supponatur vel nolle, vel non posse iudicare rem vero domino. Ita S. Antoninus. Conditiones autem sunt 1. ut creditor non possit per iudicem rem suam obtinere, alias iniuriam ipsi faceret, & ita se gerens peccaret contra iuris ordinem iuxta Legem unicam cod. *ne quid in sua causa.* 2. Ut debitum sit certum, & liquidum ob supra allatas rationes, nam in dubio melior est conditio possidentis, sicuti etiam si res esset tunc debita ex gratitudine, non ex iustitia. 3. Ut curetur ne is a quo ablatum est, debitum iterum solvat, vel eius hæredes. Unde debet creditor, qui se compensavit, aliquo modo se explicare. 4. Ut hoc non pariat scandalum, ut se compensans tanquam fur habeatur. Item ne fiat cum damno tertii, ut si acciperetur ante statutum tempus res oppignorata, locata, commodata, quia ille ius habet rem illam ad suum usum, vel securitatem detinendi, seu custodiendi. Item si bona omnia essent alteri hypothecata, cum hic ius nullum teneat solutionem ex his accipiendi cum alterius detrimento, vel si non hypothecata, non esset satis aliis debitis solvendis, quia in tali casu unus creditor non potest integram solutionem recipere cum eorum damno, qui æque ius habent ad bona debitoris.

Cum hæ conditiones difficile concurrant, ideoque vix hoc fieri possit sine periculo scandali, vel infamiæ, raro admodum datur locus huic occultæ compensationi; ideoque

in praxi Confessarius nunquam hanc suadebit, & si queratur num sit licita, affirmabit utique licitam esse in allatis circumstantiis, sed periculosissimam, idcirco se non posse eam consulere, & si forsitan penitens ea usus sit, examinabit an concurrerint prædictæ conditiones, quibus impletis eum peccati non arguet, sed monebit periculi, cui se exposuit. Ita Habertus, Antoine, & alii.

s. VIII.

De necessitate, quæ licitum reddit aliena surripere.

Necessitas
surgit
tempore
& loco.

Triplex genus necessitatis distinguunt theologii, videlicet extremam, gravem, & communem. Necessitas extrema ea iuxta omnes intelligitur, in qua vita posita est in gravi discrimine, & iuxta Bannelium 2. 2. art. 6. dub. 2. quando ex prudentem iudicio agatur de subeundo malo morti æquivalenti, ac ideo quidam cum dicto Bannelio ad hanc reducant malum grave, periculosum, diuturnum, vel incurabile, amissionem alicuius membri principalis, puta brachii dexteri, amborum oculorum, libertatis in perpetuum, quibus censet quidam recentior addendam iniustam famæ amissionem in ingenua persona non amplius recuperandæ. Gravis necessitas illa dicitur, in qua homo vitam cum magna difficultate transigere cogitur, ac ex proprio statu iuste acquisito decidere, quando diuturno morbo, vel fæne diu laborare compellitur, quando tandem, nisi ipsi subveniatur, cogitur malum ita grave subire, talemque gravem miseriam, a quibus reddatur vita admodum molesta. Necessitas communis illa est, quæ aliquod incommodum infert quoad necessaria ad vitam, & statum personæ, ita ut tamen vitam nimis molestim, aut miseram respectivæ personæ non reddat: idcirco a statu suo notabiliter non decadat, ita ut laborando, nec non cum alia sollicitudine, & anxietate modo ordinario necessitatibus suis sufficienter consulere possit. Et huiusmodi est necessitas pauperum, qui communiter mendicare solent, ac illorum pariter, qui ut se, suosque sustentent, graviter laborare confringuntur.

Labo-
rans ex-
trema ne-
cessitate
licite ali-
quid surri-
pere pot-
est.

Qui laborat extrema necessitate licite auferre potest ex re aliena quatenus ei opus sit ad sublevandam suam necessitatem ita tamen ut teneatur illud potius surripere diviti quam pauperi, & hic per talem summptionem nec furtum committit, nec ideo peccat, unde nec obnoxius sit restitutioni. Sic

communiter cum S. Th. 2. 2. q. 66. art. 7. & habetur ex cap. Exitus 9. nequidquam de verbor. significat. in 6. Et ratio est, quia in extrema necessitate omnia sunt communia, quod secundum quid, quoad usum limitatum, non quoad dominium rerum simpliciter intelligendum est. In tali enim necessitate quisque ius habet naturale, imo & obligationem vitam conservandi, & exinde media quoque sibi applicandi necessaria, & dominus rei in tali casu ex communi sapientum iudicio non potest esse rationabiliter invitatus, ut communiter notant Doctores cum S. Th. loco cit. art. 7.

Si quis autem in extrema necessitate nequeat per se ipsum aliena auferre ad sibi subveniendum, quisvis alius non potens ex proprio ei subvenire, potest eius loco aliena surripere, ut habet communis cum D. Th. loco cit. art. 7. ad 5. Tunc enim surripiens est veluti instrumentum indigentis.

Si autem dominus, seu detinens bona in extrema necessitate versetur, extreme indigens, neque alius pro se auferre potest domino, aut detinenti, quia in tali casu res illa duplici iure domino, aut detinenti est debita, primo propter parem necessitatis extremæ conditionem, secundo propter dominium, & possessionem, quam habet rei. In pari enim causa melior est conditio possidentis, & in hoc communiter conveniunt Doctores.

In casu vero quo quis versetur in necessitate duntaxat gravi, tunc illicitum est ad hanc sublevandam aliena surripere. Sic ex cap. Si quis 3. de furtis, ubi sic habetur: Si quis propter necessitatem famis, aut nuditatis furatus fuerit cibaria, vestem, vel pecus, poeniteat hebdomadas tres. Fames igitur, (ut clare ex hoc patet) & nuditas supponunt suscipiens necessitatem, & quidem valde gravem. Unde si hac necessitate non obstante talis surripiens dignus censetur poenitentia, cum poenitentia supponat peccatum, creditur non excusare a furto peccaminoso. Et eadem si in tali necessitate licitum foret aliena auferre, quia totus mundus plenus est ubique gentium hominibus, qui gravi necessitate premuntur, partim a nativitate, partim ex infortunio, partim ex oppressione divitum, partim ex culpa, vel imperitia, totus mundus perturbaretur. Itaque cum huiusmodi vias generalis perturbationis prohibeat Deus, & iura omnia humana vetent, domini rerum possunt, & solent circa huiusmodi furta esse rationabiliter inviti. igitur necessitas tantummodo gravis surri-

surri-

furtionem rei alienæ ad hanc sublevandam non excusat a furto, ac ideo nec a culpa, nec a debito restitutionis. Hinc Innocentius XI. damnavit propositionem ordine 36. ubi sic: *Permissum est furari non solum in extrema necessitate, sed etiam in gravi*. Si tamen necessitas gravis sit adeo urgens, ut simul adsit periculum labendi in necessitatem extremam, ut si morbus gravis probabiliter sit futurus lethalis, & perpetuus, nisi tempestivo remedio ei occurratur; si quis sit in probabili periculo incidendi in captivitatem, vel gravissimam infamiam, nisi equo alieno adiutus fugiat, & alia huiusce generis, tunc licitum est ad huiusmodi necessitatem sublevandam rem alienam surripere, quia tunc extrema moraliter censetur esse præsens, cum sit proxima, siue hæc sit extremæ æquivalens. Nam pari modo inditum est a natura, ut gravem necessitatem, quæ facile ad extremam vertit, æque ac ipsam extremam quisque a se, quoquo modo potest, avertat: Ita Lugo, Lessius, &c. cum aliis.

Si tota respublica in gravi necessitate versetur, licite divitibus auferri possunt superflua, quæ necessaria sunt ad reipublicæ sustentationem. Nam gravis necessitas reipublicæ æquivalat, in o valde superat necessitatem, quæ gravari posset aliquis privatus, sicuti cum D. Th. docent Doctores.

Qui in extrema necessitate rem alienam abstulit, & per suam indigentiam absumpsit, si postea ad meliorem, & pinguiorem fortunam deveniat, an teneatur ad restitutionem, non conveniunt Doctores. Alii enim absolute negant unquam teneri dominum compensare pro re ablata in sua necessitate. Alii vero, & meo videri melius, ac probabilius distinguunt inter exiguam quantitatem rei, & rem alicuius notabilis pretii, ut inter alios Amort recentior theologus: nam si res ablata respectu exigua sit, non tenetur ad restitutionem, bene quidem tenetur, si res illa sit alicuius notabilis momenti, aut pretii. Et ratio est quia in priori casu dominus rationabiliter alligare nequit suum consensum conditioni restitutionis: e contra in posteriori casu rationabiliter apponere potest suo consensui onus restitutionis. Et ita intelligendus est cum aliis Doctoribus D. Thomas loco cit. art. 7. Item restituitur tenetur si res accepta in extrema necessitate consumpta non sit, sed adhuc maneat: nam extrema necessitas concedit solum tantum iuris in rem alterius, quantum opus sit ad eam sublevandam; unde in

proposito res adhuc existens non erat necessaria, sed solum eius usus, ac proinde extreme indigens illam occupando dominum tantummodo utile sibi acquisivit circa illam rem, dominio directo adhuc penes pristinum dominum remanente; idcirco res existens post superatam necessitatem suo domino erit restituenda.

Qui rem accepit antequam ei superveniret extrema necessitas, siue ex delicto, siue ex contractu, v. g. deposito, commodato, locato, siue quovis alio titulo, & in extrema necessitate consumpsit, si superata necessitate ad meliorem fortunam redeat, tenetur restituere in æquivalenti. Ita Scotus, Adrianus, Navarrus, Covarruvias, & alii; quia tunc indigens huiusmodi rem seclusa necessitate alio titulo debet suo domino, quod debitum ex superveniente extrema necessitate suspenditur, non prorsus extinguitur, ita ut transacta necessitate, non secus ac antea compensare debuisset, æque in tali casu est compensanda, & præcipue si res antea furto ablata fuerit: alios, si res furto ablata ante necessitatem, & postea necessitate absumpta non esset restituenda superata necessitate ab eo qui ante dictam necessitatem eam suratus fuerat; sequeretur commodum reportari posse ex propria malitia, cum malitia & iniquitas nulli debeat prodesset cap. sedes 15. & cap. Ex tenore 16. de re scriptis.

§. IX.

De furtis filiorumfamilias & uxorum.

Certum est domesticos, idest filiosfamilias, uxores, famulos peccare posse mortaliter, nempe peccato gravis furti, si rationabiliter, & graviter invito patrefamilias aliquid notabile surripiant, ut patet ex generali præcepto Decalogi: *non furtum facies*; quia omnes isti vere usurpant rem alienam invito rationabiliter domino. Ita communiter Doctores. Talia tamen domesticorum furta ut mortalia sint, regulariter loquendo requiritur maior materię quantitas, quam in furtis extraneorum; quia paterfamilias v. g. non est ordinarie ita invitatus quod res sua a domesticis surripiatur, quam si surriperetur ab extraneis. Ita communiter. Quare contra huiusmodi domesticas personas, filios videlicet, uxores, famulos, &c. in foro externo non conceditur actio pœnalis & famosa furti, sed tantum alia minor actio rerum amotarum, & præcipue inter coniuges propter reverentiam, & honorem

rem matrimonii. Ita in *Leg. 1. & seqq. ff. de act. rer. amotar.* Item talis actio rigorosa furti non datur in foro externo contra tamulos, & mercenarios, scilicet artifices apud dominum degentes, si leviora, & modica furti commuerint *Leg. respiciendum ff. de panis.* Secus autem si furti eorumdem gravia sint, vel nimis multiplicata, quia in tali calu etiam corporali poena puniri solent, ut ex communi Doctorum iuxta *Legem Respicendum §. de panis.* Verum si satisfaciunt famuli domestici, & mercenarii, ablata restituendo, non amplius habet locum in foro contentioso quævis actio poenalis, ac famola.

Et loquendo de furtis filiorumfamilias, cum rei heri queant surripiendo, vel impendendo aliquid notabile ex bonis domesticis, antequam quidquam particulariter circa furti filiorumfamilias statuatur, advertendum, non omnia bona domestica respectu eorum esse eiusdem rationis, cum aliquando ipsi quoque dominum habeant non solum proprietatis, sed etiam usufructus, seu utilitatis circa quædam bona, quæ a iuristis appellantur bona castrensia, & quasi castrensia, ut iam vidimus in Tractatu de dominio: circa alia dominum tantum proprietatis, ut in adventitia, quæ a filijs acquiruntur, non a patre, nec a bonis parentis. Circa bona castrensia, vel quasi castrensia, si ex his quidpiam accipiant filii, nullum profecto furtum committunt, cum eiusmodi bona ad ipsos spectent non solum quoad dominium proprietatis, sed etiam quoad usufructum, & liberam administrationem; ut docent Grassus, Reginald. Navar. Less. cum aliis. Si vero aliquid surripiant de bonis adventitiis in tali quantitate, ut pater censeri possit rationabiliter invitus, furtum plane committunt, & incidunt in grave furti peccatum; quia licet filii, aut filiae habeant dominium bonorum adventitiorum, illorum tamen usufructus pertinet ad patrem, pro ut spectata naturali æquitate disponitur in *Leg. cum non solum cod. de bonis quæ liberis.* Circa vero bona profectitia, spectant ad patrem non solum quoad usufructum, sed etiam quoad dominium; ita ut si ex his notabilem filii auferant quantitatem, rei sunt furti, ac ideo gravis culpæ, & tam in his, quam in furtis bonorum adventitiorum obnoxii sunt debito restitutionis parentibus, vel cohæredibus; & hoc multo magis fit in furtis fidei in bonis, supra quæ nullum habent titulum, utpote quæ sint bona domestica communia, & prorsus sub dominio pa-

trisfamilias. Sic communiter sentiunt Doctores. Et clare patet ex illo Proverb. 28. *Qui subtrahit aliquid a patre suo, aut a matre, & dicit hoc non esse peccatum: particeps homicidæ est.* Ex doctrina igitur Scripturarum graviter peccant filii surripientes aliquid notabile ex bonis domesticis. Ratio est manifesta, quia hi rem alienam in notabili quantitate invito domino accipiunt; neque enim ius ullum habent disponendi de bonis parentum, dum adhuc vivunt. Nam ut ait D. Th. in 4. dist. 13. quæst. 2. art. 5. ad 2. *Quamvis filiusfamilias sit hæres, non tamen est adhuc dominus rerum, & ideo dare non potest.* Hoc idem dicitur si filius contra parentis voluntatem impendat in usus vanos, & illicitos, ut in comperationes, comestationes, ludos, &c. notabilem sumam ex iis pecuniis, quæ a suis parentibus ad usus honestos tantum præfinitos illi tribuuntur, puta ad emendos libros, vestes &c. quia parentes non censentur transulisse dominium absolute, sed conditionaliter, seu modaliter, vel in diem, idest occurrente casu emptionis, ideoque cum restrictione ad usus tantum a se determinatos; idcirco filius ius non habet de illis disponendi, nam pater non plus iuris in eum transfert, quam transferre intendit. Unde si aliter filius de illis disponat, intellige semper in usus vanos, & illicitos, & habeat bona castrensia, vel quasi castrensia, tenetur ex illis restituere; si vero non habeat, computare debet in suam partem in dividenda hæreditate cum cohæredibus, quantum surripuit, nisi forte ei constet illos quoque tantundem surripuisse, vel nisi expresse, vel tacite ablata ei pater condonavert.

Nec postea iustificari filius in suis furtis in casu, quo pater, & filius ex æquo fiant hæredes alicuius extranei, quia etiam circa hæc bona dominium totum utile, hæreditatis, seu usufructus spectat ad patrem, quia vere, & proprie respectu filii hoc bonum est adventitium. Aliiter tamen fieret si adveniant hæc bona filio cum expressa conditione, ut filius gaudeat dominio tam directo quam indirecto. Item si pater, & filius succedant alteri filio, & suarum in bonis adventitiis, quia tunc portio bonorum adventitiorum filii demortui, quæ filio superviventi obvenit, ex privilegio legis est filii superstitis etiam quoad dominium utile. Ita ex *Auth. item hæreditas.* Non peccaret vero filius, nec teneretur ad restitutionem, si ex fructibus bonorum adventitiorum non privilegiatorum patre talem perceptionem dissimu-

lan-

lante scriperet, quia dissimulando tacite consentire videtur.

Filius surripiens a patre avaro, & avaro quantum subministrare solent, ac indulgent patres eiusdem conditionis suis filiis, num peccet reatu furti, videndum an revera surripiat quæ ipsi necessaria sint ad honestam sustentationem quoad victum, & vestitum, ad honestam educationem, artem, vel scientiam addendam necessariam suæ futuræ vocationi, aut sustentationi; quia in tali casu filius furtum non committit, ac proinde nullam culpam incurrit: quia cum pater iure naturæ teneatur hæc filio subministrare, circa huiusmodi surreptiones non potest esse rationabiliter invitus. Quoad alias vero surreptiones, ut provideantur etiam quoad usus licitos, & honestos, sicuti ab eorum parentibus provideri solent filii eiusdem conditionis, v. g. pro recreationibus honestis suo statui convenientibus, elemosynis, & ludis licitis, tamen alii sentiant, ut Turianus, Sayrus, & Bonacina, filium licite ad hos usus ex bonis paternis accipere posse, videtur tamen melius & probabilius resolvere hunc casum quemdam recentiorum, non ita facile hoc filiis concedendum esse, cum probabilius sit filiis illicitum esse hæc inscio patre ex domesticis bonis accipere, quia in tali casu pater potest esse rationabiliter invitus, non solum quoad modum, sicuti ut plurimum quoad furtum filiorum inviti esse solent patres, ne ita facile culpam in huiusmodi surreptionibus incurrant filii, sed etiam quoad substantiam, cum pater sit rerum suarum dominus, & cuiusvis parenti liberum sit educare suos liberos conformiter ad consuetudinem aliorum parentum, seu mores huius mundi, vel non ita educare. Plerumque enim mores huius mundi, etiam si sint, & credantur contineri intra limites honestatis, frequenter tamen pro inventute sunt periculosi, uti choreæ, ludi, conversationes, aut comportationes cum suis aequalibus, inter quos perrarum est nullum reperiri locum dissolutum. Quod si mores huiusmodi huiusce mundi non fuerint periculosi, sunt tamen ordinarie minus utiles ad salutem; aut si neque fuerint minus utiles ad salutem, ordinarie tamen ita comparati sunt, ut iuventus sine quovis detrimento salutis, seu alicuius corporalis, vel spiritualis emolumento his facile carere possit. Patet igitur parentes quoad usus quoque honestos non necessarios ad sustentationem, vel convenientem statum educationem posse rationa-

biliter esse invitos non solum quoad modum, sed etiam quoad substantiam circa huiusmodi liberorum furtis; & talis avaricia, & austeritas parentum nihil obest ad filiorum salutem, imo plurimum prodest.

Num vero filiusfamilias plus cæteris fratribus pro patre laborans, ac aliquid ex labore suo, & industria lucrans, possit inscio patre ex tali lucro subtrahere suarum operarum pretium; iam satis superque diximus ubi de Restitutione egimus; ad quem locum remittimus lectorem.

Parentes qui notabilem quantitatem surripiunt ex bonis, quorum filii habent dominium, & administrationem, ut sunt bona castrensis, & quasi castrensis, peccant graviter, & tenentur ad illorum restitutionem, sicut extranei, cap. Qui abhulerit 6. caus. 12. quest. 1. Et Leg. 2. Castrense ff. de peculio castrensi. In dicto enim casu rem alienam vere accipiunt domino rationabiliter invito; ideoque non secus ac extranei, sunt graviter culpabiles, & simul obnoxii restitutioni; & ob hanc eandem rationem peccant parentes, si consumunt substantiam bonorum adventitiorum filii, & hic impediatur metu gravi a reclamando, & obstando; unde tenetur pater filium reintegrare, & si hoc ante mortem pater non exequatur, tenentur hæredes, quia filius non tacuit nisi moraliter coactus. Si vero filius non tacuit hoc metu gravi, sed ex circumstantiis prudenter iudicetur filium non fuisse ob moralem coactionem, cessat onus restituendi. Et hanc quidam recentior censet probabiliorum, hæc ductus ratione quia si- lendo tacite annuit, ut ex reg. iuris: Qui tacet consentire videtur.

Circa ea, quæ ab uxoribus auferri possunt ex bonis domesticis attendendum est num accipiant ex bonis paraphernalibus, vel ex bonis communibus patrimonialibus, aut industrialibus, vel dotalibus. Nam si loquamur de bonis paraphernalibus (quorum uxores non solum habent plenum dominium, sed etiam liberam absolutamque administrationem), ac proinde licite de his disponere possunt) certum est quod de his accipiendo nullatenus peccant, nec ulli restitutioni sunt obnoxie, quia rem omnino suam accipiunt. Circa bona vero domestica mariti, vel communia, licite ex his suscipere possunt quæ sibi sunt necessaria ad suam honestam sustentationem quoad victum, & vestitum. Nam hoc ex omni iure tum naturali, tum civili, & gentium debetur uxori. Quoad vestitum autem honestas non est

Quid de Parentibus furtis peccantibus bonis filiorum.

Quid si filius fur exipiat. Pater avaro quæ ipsi filio opus sint.

est regulanda iudicio uxoris, sed iudicio prudentium; nam in hoc genere iudicium mulierum ut plurimum corruptum est. Item licite accipiunt ea quæ necessaria sunt ad honestam sustentationem rei domesticæ, vel æconomiz sibi conceditæ. Nam cui committitur finis eo ipso media quoque tacite committuntur. Idecirco si maritus in uno vel in altero huiusmodi usu bonorum fuerit invitus, non erit invitus rationabiliter qua prudens maritus, vel solum censetur velle præcavere periculum excessus. Item licite accipiunt ex bonis communibus parafimoniales, aut industrialibus, quæ satis sunt ad subventionem gravis indigentiz matris, patris, necnon sororis, & fratris, dummodo summa illa non sit magna, ac respective ad annuos redditus notabilis. Notabilis autem ea summa esse videtur, si tertiam partem uxorii aquæstus annui deductis expensis residui superet. Dixi *ex bonis communibus*: nam quod uxor possit subvenire parentibus ex bonis mariti non videtur quomodo hoc locum habere possit, dum mariti se obligant quidem ad sustentationem uxoris, minime vero earundem uxorum parentum, idecirco uxores ius non habent sumendi ex bonis mariti, nisi suos parentes sustentent. Dixi etiam *tertiam partem uxorii aquæstus*, sive lucri: nam si lucrum totius anni commune deductis expensis, puta apud cauponem, ascendat ad sexcentos florenos, dimidium huius aquæstus, seu lucri solet deberi, ac correspondere laboribus uxoris. Igitur si uxor ex hoc suo lucro suis laboribus parto, quod ex contractu societatis in communem massam repoendendum esset, notabilem partem detrahit, violat societatis contractum, ac rem alienam sibi vindicat. Pars autem notabilis summe ea videtur, quæ tertiam partem summe excedat. Tandem licitum est uxoris ex bonis communibus expendere annuatim circa vigesimam partem in donationes rationales, in elemosynas, aut causas pias. Et ratio est, quia cum uxor ex iure naturali habeat partiale dominium bonorum communium, ac eodem iure spectato disponere valeat per testamentum, vel legatum de parte sibi correspondente, maritus titulum administrationis eidem conceditæ nequit esse rationabiliter invitus, si uxor partem bonorum illorum respective levem, cuiusmodi est pars vigesima, ipso inscio, nec consensum præbente, applicet in honestos usus rationabiles. Verum in hoc attendendæ sunt leges, consuetudinesque municipales locorum, quæ ius naturale ita late favens uxori-

bus limitantur. In casu vero, ^{1.º} maritus bona communia, vel dotalia ludendo, comotando, aliisve illicitis expensis notabiliter dilapidet, licitum est uxori tantum bonorum clam surripere quantum sufficiat ad dotem suam, aut portionem bonorum communium suo labori correspondentem in tuto collocandam, dummodo tamen ex tali occulta surreptione non patiatur damnum æconomia, mercatura, vel negotium, & ea bona clam accepta aut reserventur, aut expendantur in commodum rei familiaris; ita ut semper extant æquivalenter, vel virtualiter ad communes usus. Et ratio est, quia in contractu societatis, cuiusmodi est inter maritum & coniugem, si unus contractum violet, alteri iure naturali ius competit ad sui indemnitationem. Licitum est tandem uxori donare aliis ea, quæ sibi donata sunt a consanguineis mariti intuitu mariti, dummodo tamen tacite non convenierint ea pro bono quoque mariti impendendi. Huiusmodi tamen donationes ad extraneos consultius est quantum fieri potest eas vitare, cum per illas frequenter charitas, & amor pacis lædatur.

Uxoribus illicitum est 1. occulte surripere ex bonis dotalibus absque consensu saltem præsumpto mariti. 2. Ex bonis communibus notabilem partem surripere, quando specialis causa non excolet. 3. Disponere ex bonis mariti in ludum, specialem recreationem, seu elemosynas, aliasque pias causas, quia maritus non plus debet suæ uxori quam honestam sustentationem, ad quam non spectat ludus, sive extraordinaria recreatio, sive dispositio ad pias causas. Exenim ludus, recreationesve extraordinariæ plerumque non profunt, sed potius obstant uxoris. Quamobrem in hisce, aliisve huiusmodi casibus, quando non accedat præsumpta pariti licentia, incidunt uxores in crimen furti.

Maritus pariter fit reus gravis furti cum onere restitutionis, si dissipet, & dilapidet bona uxoris paraphernalia, dotalia, imo & communia sine eius licentia *Leg. Hac lege cod. de pactis conventis*. Et quoad paraphernalia iam per se patet, cum omnino ea ad uxorem spectent, utpote quæ super hæc bona plenam habeat proprietatem, administrationem, & usufructum, ita ut maritus sine eius consensu nequaquam huiusmodi bonis se immisceri possit. Quoad dotalia vero ratio pariter est evidens, quia uxor dominium habet super capitale dotis, & usufructus non est in dominio mariti nisi sub

con-

conditione sustentandi onera matrimonii, ac præcipue uxoris quoad omnia quæ propriæ conditioni conveniunt, sustentandæ. Quoad bona vero communia, in locis ubi bona mariti, & uxoris sunt communia, ac ideo ipsorum medietas spectat ad uxorem, dubium non est maritum mortaliter peccare contra iustitiam, necnon teneri ad restitutionem, si invita uxore quid notabile dissipet in excessivis comestationibus, & potationibus, in largis donationibus, & huiusmodi. Laym. Petrus Nav. Lessius, Molin. & alii. Et ratio est quia tunc vera iniuria, ac iniusto damno uxorem afficit, utpote quæ in prædictis locis habet cum marito contractum societatis iuxta communem luriconsultorum sententiam, apud cit. Navarrum.

S. X.

De furtis famulorum, operariorum, artificum, ac de occulta eorum compensatione.

Famuli, ancillæ, necnon operarii apud dominum degentes ordinarie graviter non peccant furripiendo elculenta, & poculenta in usus proprios: secus vero in aliis materiis. Et hæc est communis Doctorum quoad utramque partem. Et quod primam res se patet, quia domini respectu illorum non solent esse inviti quoad substantiam, sed tantum quoad modum, quandoquidem si illa peterent, non denegarentur, dummodo tamen hæc elculenta, & poculenta sint communia, nempe famulantibus ordinaria, non autem extraordinaria, tiora, & delicatiora, & dummodo etiam in proprios usus furripiant, quia si ea furripiant, ut dent parentibus, amicis, ad vendendum, ad ludos, & comotationes, meretricia, & alia huiusce generis, graviter peccant peccato furti, & si quantitas notabilis sit, tenentur ad restitutionem, etiam si notabilis quantitas per furtum minuta ablata sit. Quoad secundam partem etiam patet, quia in aliis materiis v. g. pecunia, vestibus, linteis, & huiusmodi non secus peccant ac extranei, imo gravius etiam, cum illarum rerum cura, & custodia eorum fidelitati commissa sit, & ideo longe gravius puniuntur furta domestica quam alia, quia huiusmodi furta, quæ a famulis committuntur, appellari solent a Doctoribus proditoria, ut Raynaldus, Farinacius, & alii cum his. Peccant item famuli, operarii, artifices, qui dum totam, integramque mercedem a dominis exigunt, non præstant famulis debitum servitium, nec

integram debitamque operam artifices, quia lædunt iustitiam, quæ exigit æqualitatem inter datum, & acceptum, dum uni non reddunt dominis conventam servitium, alii partem operam, pro qua talis, & tanta merces sicuti constituta fuit, a domino fideliter retribuitur: quare tales violent illud Apostoli ad Titum 2. ubi præcipit ne domini, famuli, & operarii se invicem fraudent: *Non fraudantes invicem, sed in omnibus fidem bonam ostendentes.*

Circa famulos, famulas, sartores, & alios artifices, an possint facere compensationem occultam retinendo, aut furripiendo de bonis eorumdem quibus vel famulatum, vel operam præstant pro suo labore quem æstimant maiorem salario, videantur quædiximus de restitutione. Quibus nunc addimus, quod si evidens sit spectatis laboribus extraordinariis, qui prudenter prævideri non poterant, salarium esse iniustum, aut evidens sit pactum de recipiendo salario disproportionatum infra pretium infimum vi, & metu iniusto fuisse extortum, & ipsis sit nimis incommodum recurrere ad iudicem, licite possunt famuli, & operarii reculare huiusmodi labores extraordinarios, aut a servitio recedere, recepto pro rata temporis pacto salario. Uti autem non licet occulta compensatione, nisi herus, & metu iniuste incusso, v. g. non solvendi salarium compens pro rata temporis, compellat ad renovandum, vel de novo ineundum pactum deservendi absque iusto salario etiam spectato pretio operarum infimo, quia in priori circumstantia famulus ob auctiores ad breve tempus labores ius non habet ad compensationem iuxta communem Doctorum & indoctorum sensum, a quo regulatur mens contrahentium in contractibus bonæ fidei. Si autem gravatus libere in servitio perseveret, non petito augmento salarii, ipse sibi imputet quod pactum sibi onerosum ineat. In posteriori autem circumstantia vi, aut metu iniusto compulsus consentit in pactum iniquum, quod consequenter non ligat in conscientia privatam personam. Si autem juvenis, aut puella pauper versans in mendicitate quaerat servitium, & a nemine suscipiatur, nisi inerea donec fidelitatem probeat, & modum laborandi discat, serviat pro solo victu, & vestitu sine salario, tenetur stare huic contractui, & ratio est quia huiusmodi pactum eo usque iustum est, donec modum laborandi didicerit. Si autem probata sufficienter fidelitate, & modo laborandi sufficienter apprehenso compellatur aut denuo

men-

mendicare, aut gratis continuare servitium, hic contractus iam est metu iniuste incussus extortus; idcirco nisi eius opera solvantur, saltem pretio infimo pro servitio fideliter præstito, potest se compensare, nisi expresse de novo conventa fuerit pro gratuito servitio: ratio manifesta est quia in priori circumstantia ex nullo titulo obstringitur ad gratuitum servitium; utpote nec ex contractu ac promissione recipere ex parte sua, nec ex natura locationis. In posteriori circumstantia tenetur stare contractui, quia licet metus fuerit iniuste incussus accipiendo ly iniustum in latiori significatione, conducens tamen non tenebatur ex iustitia illam personam conducere, utpote habens potestatem aliam conducendi, sed tantum ex misericordia, & charitate, quæ si a quopiam violetur, non datur ius compensationis contra lesem misericordiæ vel charitatis violentam. Idcirco cum metus incussus in posito casu non tendat ad violationem iustitiæ proximo debita, promissio præstandi gratis servitium sine salario, iusta censetur, adeoque obligatoria.

S. XI.

De furtis Religiosorum.

Religiosi furripientes de bonis Monasterii quantitatem notabilem, duplex peccatum mortale incurrunt, unum furti contra iustitiam, & alterum proprietatis contra votum paupertatis. Ita communiter, quia tamen Religiosi sint in Monasterio tanquam filiofamilias, imo & illius membra, quia tamen ratione voti paupertatis sunt omnis proprietatis incapaces, idcirco quicquid surripiunt invito rationabiliter Præfato furtum est, & actus propnetatis. Eadem autem quantitas requiritur, & sufficit in Religio ad furtum mortale, & ad mortalem transgressionem voti paupertatis, quæ sufficit ad furtum mortale sæcularium, exceptis tamen eluculentis & poculentis, in quibus quia ordinarius Superior magis invitatus est quoad modum quam quoad substantiam, maior requiritur quantitas ad mortale. Ita Doctores communiter apud Molinam, & Sporer subiungit quod in hac communi sententia damnatur Religiosus, si de bonis Monasterii tenuis surripiat unum florenum, & de bonis Monasterii opulenti surripiat ducatum.

S. XII.

De aliis personis, quæ furtum committunt.

Concilium Trid. & Catechismus Romanus damnant ut reos furti etiam gravioris, eos qui timulatis verbis, ac e mentia mendicitate pecuniam extorquent, utpote qui pecuniam accipiant cum iniuria dantis, & ipso invito, cum hic nonnisi per involuntarium errorem ipsam tribuat; & ministros, ac officiales, qui electi, ac mercede conducti ad aliquod publicum, vel privatum officium, dum mercede, ac pretio fruuntur, suum negligunt munus, & sere semper non sine publico, vel privato damno. Hos enim culpa damnant Patres Trid. & Catechismus inhærentes naturali æquitati, ac illi regulæ iuris, in qua habetur quod *qui sentis onus, sentire debet & commedum*, & e contra; & cod. tit. si de caducis tollendis, & alibi: hinc damna si quæ revera sequantur compensare tenentur.

Rei sunt furti qui res inventas, quarum dominus per diligentem inquisitionem inveniri potest, sibi retinent, vel renuunt eas gratis reddere. Et hoc patet tum ex cap. Deuter. 22. tum ex S. Aug. serm. 178. alias 19. de verbis Apostoli; & D. Thoma 2. 2. q. 66. art. 5. ad 2. Ait enim S. Aug. *Nam quod inventi, & non reddis, rapisti. Et enim qui alienum negat, tollit*, ait idem S. Doctor. Et equidem talis inventor rei alienæ eam sibi retinens est iniustus ac iniquus detentor rei alienæ, ac proinde fur, cum nullum ius habeat eam sibi retinendi, & res ubicumque & apud quemcumque sit, semper ad dominum suum spectat, ad ipsumque clamat. Hinc ne talis reus fiat furti, tenetur diligenter inquirere verum dominum, & eo diligentior faciendi est inquisitio, quo maior vel gravior sit rei pretiositas, & valor. Unde si res inventa sit v. g. bursa cum centum aureis, faciendi est inquisitio non solum in loco, ubi reperta est, sed in pagis, & civitatibus vicinis, imo etiam in remotis, in quibus adest probabilitas eum rependi, faciendi quod aliquoties promulgetur e cathedra, quod affigatur schedæ ad locorum compita id notificans, aut imprimatur in novellis publicis. Si autem res inventa sit parvi valoris, ut anulus ordinarius, bursa cum paucis nummis, sufficit quod promulgetur in Ecclesiis, & vicis loci rei inventæ. Sic Doctores communiter. Quod si pro tali inquisitione faciendæ essent ad inventorem aliquæ expensæ, deservendæ essent ex bo-

ex bonis ipsis domini ignoti, quia ius tum civile, tum canonicum possessori bonæ fidei nullum gravamen imponit. Si autem non inveniat suum dominum quid de tali re agere debeat inventor, de hoc alius agitur.

Rustici ligna cædentes in sylvis tum Reipublicæ, tum privatorum sive virentia, sive mortua, an & quando rei sint furti, vidimus in tractatu de restitutione, ubi pariter quantum par est differuimus de piscantibus in alieno vivario, de habentibus columbas & columbaria, & de aliis id genus; unde ne actum agere videamur, ibidem remittimus lectorem.

Furti culpam committit qui utitur iumento commodato plusquam petiit, ut ex *Leg. qui iumento tit. de furtis*, & lib. 46. *Digestorum*. Item creditor qui utitur rem quam habet in pignus pro suo credito, omnino qui illud quod utendum acceperunt, alteri commodent, ut ex *Leg. si pignore sub eod. tit.* Nec ullatenus excusari valent quod hoc non faciant fidei lucra gratia, quia species quædam est lucra ex alieno largiri, & beneficii debitorem sibi aliquem facere. Ita eadem *Lex*. Item qui uti lucrifaciant, alienum contrestant, licet postea mutato consilio illud tum domino reddant, quia nemo posito tali peccato pœnitentia sua nocens esse desit, ut ait *lex qui ea habente tit. de furtis*. Deus enim non manum tantum, sed & cor respicit.

§. XIII.

De rapina.

Defini. Rapina est violenta & iniusta alieni usurpatio, seu facta presente, & invito domino, vel iusto eius detentore. Rapina specie differt a furto, utpote quæ iniuriæ furti aliam iniuriæ speciem superaddat contrâ honorem proximi. Etenim vim alicui in suis bonis coram asserere, est quædam species contemptus, ac contumeliæ, unde cæteris paribus rapina est peccatum furto gravius; quinimo fieri potest mortaliter delinqui in genere contumeliæ, tamen si ob levitatem rei ablata usurpatio sit tantum venialis, puta si quid exiguum illustri viro, vel Superiori ipso præsentem, vel scientem per vim surripias. Hinc rapinæ reus est, qui per metum iniuste incussum aliquid ab altero extorquet, ut si publici ministri, vel potentes viri aliquid indebitum ab aliis possint, quod rogati ob metum recusare non audent, & est crimen concussionis.

Rapinam committunt non persolventes

debitam operatoriū mercedem, autem longum eam differentes tribuere; crimen quod sapie in divinis Scripturis Deus detestatur, ut in *Levitico Deuter. & Tobia*.

Rapinæ rei sunt qui Ecclesiæ Præfidiis, Principibusque vectigalia, tributa, decimas, ac reliqua huiusce generis debita non solvunt, vel intervertunt, ac ad se transferunt, ut ex *Concil. Trid. & confirmat can. decimæ caus. 16. quæst. 1.* multo etiam magis talis reatus culpabiles sunt Matricularii, seu *Æditi*, alive temporalium bonorum Ecclesiæ administratores, qui pecunias obventionesque sive fabricæ oblationes divino cultui, & decori destinatas intervertunt, sive ad alios Ecclesiæ usus minus necessarios, vel inutiles infumunt, aut ipsi invadunt, usurpantque: Scelus quod damnatur in *canone in legibus caus. 12. quæst. 11.* & can. *qui absterit caus. ead.* Quoad tributa vero, & vectigalia, ac alia Principibus debita patet ex *Evangelio*, ubi Christus iubet Cæsari reddenda quæ Cæsaris sunt; & proprio exemplo confirmavit; & ex *D. Paulo Romano. 13.* constat reos esse rapinæ etiam mortalis, nisi levitas materiæ excuset, qui hæc non solvunt, vel intervertunt, sive pœna statuta sit vel non, detraudentibus; nam lex tributorum non est mere pœnalis, sed verè proprieque præcipiens ut iustum necessariumque subsidium Principibus, seu Reipublicæ debitum solvatur. Quinimo eo maior censenda est obligatio, quo maior pœna imposita est transgressoribus. Iusta autem vectigalia solvenda sunt sive exigantur, sive non. Etenim non ideo sunt debita, quia exiguntur, sed ideo exiguntur, quia sunt debita. Iusta vero tributa dicimus quæ ad publicum bonum imponuntur, nec spectat ad subditos examinare edicta Principum, sed parere tenentur; & in dubio præsumptio stat pro Principe. Hanc doctrinam confirmat *S. Aug. ep. 96. alias 114. ad Olympium Magistrum Officiorum*.

Item sunt culpabiles rapinæ creditorum fraudatores, & qui fraudulentè bonis & foro cedunt, sive aliquid subrahunt, aut abscondunt de bonis suis, cum proximè ex iudicio sententia sequestranda sunt, vel quovis alio modo dolose agunt, ut subtrahant, quod inservire deberet creditorum solutioni, ut ex *Catechismo Rom. & ex D. Ambros. lib. de Tobia cap. 21.*

Similiter rei sunt rapinæ qui prodigalitate, luxuria, comestationibus, ludis, luxu decoquant creditoribus, sicuti etiam qui debita contrahunt dum sciunt non esse solvendo.

Recebat
scilicet
capitulum
committit
rapinam

Defini.
Rapina
est violenta
& iniusta
alieni usurpatio,
seu facta
presente,
& invito
domino,
vel iusto
eius detentore.

do. Casus tamen fortuiti, improvisi, & repentini, puta naufragium, incursum latrocinium, &c. quæ impotentes reddunt ad solvendum, a tali culpa excusant, dummodo debita fateamur, omniaque bona nostra usque ad ultimum quadrantem indicemus, & indicata servemus ad creditorum securitatem; nam aliquid subtrahens ex bonis, similis est neganti. Raptores suot pariter omnes qui fraude cedunt bonis, etiam secundum leges civiles quæ a cessionis beneficio illos excludunt, quia fraus, & dolus nemini patrocinatur.

Notandum vero quoad bonis cedentes absque fraude, a debitis propterea & obligatione solvendi non liberari, si ad meliorem fortunam pervenerint *Leg. qui bonis tit. 71. qui bonis cedere possunt* &c. Et ita decrevit Gregorius IX. in *Extravag. cap. Odoardus de solutionibus*. Nam hi eximuntur duntaxat donec sunt impotentes ad solvendum, ab omni poena utriusque fori contra debitores; non vero eximuntur ab onere solvendi, si aliquando potentes fiant; & de hoc meliori modo quo potest talis dare debet cautionem saltem iureiurando, nempe se soluturum si impotenter ad hoc potens fiat.

Raptores sunt itidem qui dolo impetrant remissionem partis debiti a creditoribus simulando se non habere unde integrum solvant, & partem soluturos si partem creditores remittant, dum satis sint ad totum æs alienum solvendum. Etenim tali artificio vis inferitur creditori, quia aliter creditor esset facturus, & nullatenus remisurus: unde in foro conscientie tenentur ad integrum debitum solvendum. Imo si eorum fraus detegatur, etiam in foro civili cogi possunt ad integre solvendum, nihil ei suffragante conventionem factam cum creditore, utpote quæ dolo fuit extorta. Alias vero dicendum si creditor miseretur debitoris partem debiti accipiendo aliam partem sponte remiserit, ut ex *Leg. intra illum diem ff. 11. tit. de passis*.

Rapinam committunt non tantum privati homines, verum etiam Principes, qui contra ius aliquid auferunt a subditis, sive clientibus, vel ab extraneis. Ita docet *D. Th. 2. 2. quæst. 66. art. 8.* nam quoad privatos nulla datur coactio contra aliquem nisi per publicam potestatem, ait S. Doctor; ideoque ubicumque privatus aliquid alteri auferit per violentiam, etiam si illud ei debitum sit, agit illicite, & rapinam committit non secus ac p. publicis prædo. Principibus

vero, subdit S. Doctor, potestas publica committitur ad hoc ut sint iustitiae custodes, ideoque eis violentia non licet nisi secundum iustitiam tenorem. Idcirco ait in responsis ad 3. si aliquid indebite extorquetur per violentiam, rapina est, & latrocinium.

Præda facta in bello iniusto, non vero in bello iusto, rapina est; ita S. Doctor 2. 2. quæst. 66. art. 8. ad 1. Insuper rei rapinæ sunt milites, qui sine Principis iussu etiam in bello iusto domos incendunt; prædas agunt, agros populantur. Quod si rustici unius partis belligerantis in hostilem modum rusticos alterius partis damoificent, pars offensa similibus offensis, aliam offendere potest, scilicet spoliando eorum arva, &c. usque ad damnorum compensationem; nam fervente bello pars utraque præsumitur consensum habere sui Principis ad ita sua repetenda, quæ alio modo vindicari, ac recuperari nequeunt; unde ius repræfaliæ inductum est; quæ tunc solum iustæ sunt, ac licitæ, quando auctoritate Principis ob iustam causam, recteque intentione exercentur, ut ex *can. Dominus caus. 33. quæst. 2.*

Ad hoc vero, ut repræfaliæ iustæ sint, alie quoque conditiones concurrere debent, videlicet ne læviatur in personas innocentium, cum repugnet naturali æquitati alium pro alio in persona pergraviari; ne extendantur ad clericos, & ecclesiasticas personas quascumque, vel eorum bona; nam hoc vetitum est sub poena excommunicationis cap. *Et si oppignorationes tit. de iniuriis, & de mand.*

Item rei rapinæ censentur milites, qui rusticos, aut cives, apud quos commorantur, sive in itinere, sive in hyemalibus stationibus, aut prædiis hostiliter vexant, eos spoliando eorum bonis, puta pecunia &c. vel præter ipsos constitutum extorquendo, nam per vim auferunt, vel exigunt quod ipsis est indebitum, divinumque violant præceptum, quod *Lucæ 3.* legimus significatum militibus a S. Ioan. Bapt. Rei sunt etiam rapinæ culpæ Duces qui hoc dissimulant, ac sicuti etiam milites ad restitutionem tenentur.

Rapinæ culpabiles sunt Duces legionum & cohortium, quando milites, rusticos, cives, Principem, aut Republicam defraudant, & restitutioni sunt obnoxii etiam dampnorum consequentium sive militibus ipsis, sive rusticis, aut civibus, qui milite suis defraudato stipendiis spoliantur, & opprimuntur. Item rapinam committunt, qui cum

completas non habeant legiones, & cohortes pro militum numero, quo constare debent, stipendia de iisdem militibus non exantibus excipiunt, ac exigunt. Et hi non solum restituere tenentur stipendia iniuste exacta, & accepta, verum etiam damna compensare, quæ ex tali militum diminutione sublecuta sunt Principi, vel reipublicæ. Nec minus rapinæ rei sunt qui in recensendis legionibus aliquos ad explendum eorum numerum in habitu præstantant militari, qui militiæ non sunt adscripti, necnon eandem reitatem incurrunt, nec debito restitutionis eximuntur, qui a certis pagis, villis, &c. pecunias extorquent, ut mittant seu ad alia hospitia milites traducant de Principis mandato, cum ea solum percipere possint vi sua, quæ ex consuetudine, vel ipso Principi, sive eius Ministrorum mandato indicuntur, nec ius ullum habent aliquid exigendi ab his, ad quos non diversantur, nec unum locum præ aliis gravare ipsis licet.

Tandem rei sunt rapinæ, qui in naufragiis, vel incendiis aliquid lurrupunt, & copius h tali infortunio cooperentur, ut rapinæ locus eis aperiatur. Imo Concil. Romanum sub Gregorio VII. & Lateranense III. sub Alexandro III. can. 24. anathemate talia agentes percutiunt, & hæc pœna innovata fuit a Concil. Trid. cum repugnet pietati, & iuri naturali, ac civili, ait Trid. locupletari cum alterius iactura.

CAPUT VIII.

De octavo Decalogi præcepto.

Cum non minus ac alia crimina per superiora præcepta vetita falsum testimonium proximum lædat, ac ideo charitatem, quæ a lege naturali erga ipsum nobis præcipitur; hinc illud quoque prohibetur octavo præcepto hisce verbis expresso: *Non loqueris contra proximum tuum falsum testimonium*. Et nomine proximi omnis quicumque intelligitur sive propinquus ille sit, sive alienus, sive civis, sive advena, sive amicus, sive inimicus, quia cum inimicos non secus ac alios ex Christi mandato diligere debeamus, hinc nec contra illos licet loqui falsum testimonium: imo quia nomine proximi quisque respectu sui intelligitur, licet illicitum est dicere falsum testimonium contra alios, ita non licet contra nos ipsos esse mendaces.

Theologi communiter intelligunt vetari hoc præcepto quancumque iniuriam, ac ini-

Instit. Theol. Moral. Tom. III.

iustitiam, quæ verbis proximo inferri queant. Et cum hoc fieri possit non solum in iudicio falsum contra ipsum testimonium ferendo, sed etiam extra iudicium eum diffamando mendacio, iudicio temerario, detractione, contumelia, calumnia, convicio, irrisuque, & iururatione; antequam loquamur de iniuriis in iudicio, de iis pertractabimus, quæ extra iudicium ei inferri possunt. Verum. non secus ac aliorum, huius quoque præcepti duæ sunt partes, negativa una, scilicet quæ vetat ne falsum dicamus testimonium nec in iudicio, nec extra, & ulterius ne sinistre de proximo cogitemus; vel loquamur; affirmativa altera quæ præcipit ut simulationibus, fallaciisque amoris dissimulationibus nostris simplicia sint, & sincera, ut præcipit Apost. Ephesior. 4. *Deponentes mendacium loquimini veritatem unusquisque cum proximo suo*. Quare in explanatione huius præcepti pertractabimus 1. de mendacio, 2. de proximi diffamatione sive interius apud nos per iudicia falsa, sive exterius apud alios detractione, contumelia, & similibus.

§. I.

De Mendacio.

Mendacium, quod est vitium veritati oppositum, utpote quod diversa per verba significet quam mendax in mente intendat, ad audientem decipiendum, communiter definitur *locutio, seu significatio contra mentem cum intentione fallendi*, nempe aliud loquimur, & signamus exterius, aliud interius sentimus. Hinc ab aliis etiam exponitur pro affirmatione, vel negatione rei in mente loquentis scienter falsæ animo fallendi auditorem. Dicitur autem *locutio vel significatio*, cum mentiri possimus non verbis tantum, sed scripto quoque, nutu, gestu, aliisque similibus signis, ut notat S. Ang. lib. de *ment. cap. 3*. Unde patet mendacium contineri in restrictione mentali, quia tunc verba non significant prout exterius sonant, sed prout sunt in mente dicentis, quia intra se aliud intelligit, vel diverso modo ab eo quod dicit, & e contra non contineri mendacium in æquivocatione, quia eadem verba utpote instituta ad significationes diversas, vere significant id quod exterius sonant, quamvis ab audiente accipiantur in sensu diverso. Per significationem falsam illa intelligitur quæ est contra mentem dicentis; unde patet mendacium esse, etiam si verum dicatur, quando

Quid Do.
cuerit.
gane no-
mine fal-
si testi-
monii?

Definitio
menda-
cii, &
multipli-
ces modi
mentis.
ui.

B b do

do hoc a dicente falsum reputatur; & e contra nullum esse mendacium, etiam si dicatur falsum, quando dicens, verum hoc reputet. Per intentionem vero fallendi non intelligitur intentio actualis, cum in mendacio iocoso, aut simili, cui supponitur non adhiberi fides, talis intentio adesse non possit, sed intelligitur intentio virtualis, quatenus per significationem falsam moraliter censetur ex se ordinari ad fallendum.

Divisio
mendacii.

Mendacium tripliciter distinguitur, videlicet 1. in mendacium perniciosum, quod alteri nocet, puta cum quis alicui falsum criminis imputat, vel eum decipit in commercio; 2. in iocolum, quod dicitur solius oblationis propriæ gratia, puta si quis mentiatur se vidisse hominem sine capite; 3. in officiosum, quo bonum alicui curatur, vel nobis sine alterius iniuria, ut mentitur sunt Ægyptiorum obstetrices, ut infantulos Hebræorum servarent, & Raab ut salvaret exploratores.

Mendacium semper est peccatum.

Mendacium quodcumque sit, utpote intrinsece malum, semper est peccatum, veniale quidem, si sit simpliciter iocolum, vel officiosum, nec scandalum pariat, mortale vero si perniciosum, dummodo tamen damnum sit grave, vel occasio gravis scandalii. Ita communiter contra Platonem, Origenem, & Cassianum, aliove, qui putarunt mendacium saltem iocolum liberum esse ab omni culpa, & Aristoteles *lib. 4. Ethicor.* cap. 7. dicit mendacium per se esse malum vituperabile. Et revera mendacium continet in se deordinationem, pervertendo naturale institutum, finemque locutionis ad hoc intellectualibus creaturis concessum, ut ad invicem suos conceptus communicare valeant; idcirco per se subvertit mutuum cum hominibus communicationem, & humanæ societatis commercium, proximumque decipit. Quare quodcumque mendacium vitium est in divinis Scripturis, ut Ecclesiastici 7. Proverb. 13. necnon Colossens. 3. Dixi mendacium perniciosum esse lethale culpam, quia bonum proximi, vel honorem Dei graviter lædit, aut grave scandalum parit. Idcirco charitatis Dei, aut proximi, vel etiam iustitiæ, & Religioni graviter repugnat: huiusmodi sunt mendacia omnia, quæ adversantur Fidei, Religioni, vel bonis moribus, in iudicio, testimonio, iuramentis, contrahiibus, detractione gravi, &c. Habetur enim Sap. 1. *Os quod mentitur occidit animam*, & Psalm. 5. *Perdes omnes qui loquuntur mendacium*.

Num.
quæ sit

Cum vero etiam mendacium pure ioco-

sum, & officiosum, dum fit sine gravi scandalo, sit peccatum saltem veniale; hinc nunquam, seu in nulla occasione, ac circumstantia licitum esse potest mentiri, nequidem ad Religionem, vitam, honorem, aliudque quodcumque bonum fit sive proprium, sive alterius servandum. Ita S. Aug. *lib. contra mend.* cap. 13. quia iuxta tritum axioma, *non sunt facienda mala, ut veniant bona*. Unde graviter peccant theologii, casuisti, legisperiti, medici, similesve qui in materia fidei, vel morum, item concionatores, qui in suis concionibus falsa annuntiant miracula, fidas indulgentias, aut reliquias, nam ita ludibrio exponunt Religionem, eiusque sancta; & indecens est præconem veritatis, qui gerit vices Christi, qui est summa veritas, fieri ministrum falsitatis: scelus damnatum a S. Aug. *lib. de mend.* cap. 32. ut omni alio detestabilius. Tourneleus, Antoine cum aliis.

Porro non locus dicendum de simulatione, hypocrisis, adulatione, & iactantia, utpote quæ veræ, & propriæ mendacia sint in facto. Nam mendacium est locutio contra mentem, id est expressio repræsentans aliquid diversimode, ac in animo de ipso sentimus. Per locutionem vero intelligitur actuum interiorum significatio, seu manifestatio per quævis signa illorum significativa, sive sint verba, sive facta nutu, gestu, vel scripto: ait enim S. August. *lib. de mend.* cap. 3. *Ille mentitur qui aliud habet in animo, aliud in verbis*.

Unde simulatio iure merito recensetur inter mendacia, cum per ipsam facto mentiamur contrarium exprimendo & significando ac habemus in mente, puta cum quis amicitiam erga alterum exterius exhibet, dum contra illum odio intus ardet; & simulatio ita sumpta est semper peccatum, morale quidem, quando proximus decipitur in re gravi; potest autem immuni esse ab omni culpa etiam veniali, quando hæc fiat exercendo quod proprium importat officium, vel aliqua circumstantia, sicuti cum Iosue dux Israel in bello ad militarem profectum comparandum decipit habitatores urbis Hai simulando merum, & fugam. Ita vere mendacium est hypocrisis, qua verbis, vel factis, seu utriusque simul quis exterius sanctitatem fingit, quam reipsa non habet. Et hæc gravis est culpa, quando quis sanctitatem simulat, ut falsam doctrinam disseminet, aut adipiscatur ecclesiasticam dignitatem indignus, aut quæcumque alia temporalia bona, in quibus finem statuit. Ita S. Tho.

Idem dicendum de simulatione, hypocrisis, adulatione, & iactantia.

Thomas art. 4. Unde Ecclesiastici 1. dicitur: *Ne fueris hypocrita in conspectu hominum.* Cum autem loquar hypocrita sit dicendus, qui ad hoc sanctitatem simulat, ut quam non habet, videatur habere, ideo non est censendus hypocrita, qui sanctitate carens, alios de peccatis reprehendit, qui sua peccata occultat ne aliis scandali occasionem præbeat, vel si est pastor, concionator, &c. euret tali externa compositione virtutis, ut fides suis instructionibus præstetur.

Adulatio rationem habet mendacii, & tripliciter opponitur charitati.

Adulatio pariter rationem habet mendacii, cum per ipsam excedamus in laude, vel complacentia erga proximum, & hæc etiam est semper culpabilis, utpote quæ sit occasio damni spiritualis proximi, puta vanæ gloriæ &c. Etenim verba adulatorum, licet mollia, feriant tamen interiora. Unde de hoc vicio loquens Dominus per Prophetam, ait: *Popule meus, qui beatificatus es, seducunt vos, & semitas pedum vestrorum.* Non omnis tamen adulatio est mortale peccatum, sed solum, ait D. Th. 2. 2. quæst. 115. art. 2. quando charitati graviter adversatur, quod tripliciter fieri potest, ut idem docet, r. ratione ipsius materię, ut dum quis laudat aliquem mortale peccatum, 2. ratione intentionis, dum quis alicui adulatur ut fraudulenter ei noceat vel corporaliter, vel spiritualiter, 3. per occasionem, puta quando laus adulatinnis fit aliter occasio peccandi etiam præter adulatoris intentionem. In hoc tamen considerandum hum occasio data sit, vel accepta, & qualis ruina subsequatur, vel securura prævideri poterit. Si vero aliquis ex sola aviditate alios delectant, seu ad malum aliquod evitandum, vel bonum consequendum in necessitate alicui adulatus fuerit, non est contra charitatem, ideoque est culpa solum venialis. Imo si quis aliquem delectare velit laudando, ut ex hoc eum consoletur ne in tribulationibus deficiat, vel ut in bono proficere studeat, aliis debitis circumstantiis servatis, hoc pertinebit ad officium amicitię. Ita laudatus S. Th. ibi art. 1.

Instantia item continetur in specie mendacii, quo quis exterius se exhibet supra quod est interius, & hæc peccatum est, licet non semper lethale.

Ad simulationem pertinet ironia, quæ hic non accipitur pro figurata locutione, qua aliquid irrisorie exprimitur per contrarium, sed prout est species mendacii, qua quis de se affirmat aliquid mali, cuius sibi conscius non est, vel aliquid magni, quod in se non recognoscit.

Quæri hic posset an veritatis amor velit, ut quidquid quisque habet in animo, aut cognoscit veri, aliis manifestet, & resp. quod licet veritatis sit habitus, quo aliquis in vita, & sermone talem se demonstrat qualis est, non tenetur tamen ad talem manifestationem, ut mendacium effugiat, quia aliud est mentiri, (ait S. Aug. in psalm. 5.) aliud verum occultare. Siquidem aliud est fallum dicere; aliud verum tacere. Præceptum enim de veritate patefacienda affirmativum est, ideoque non obligans semper, & pro semper, sed tunc solum quando id exigit ordo virtutis. Et actus veritatis ad hoc ut sit virtus, requirit solum, quod ex tunc & sic manifestetur veritas quando, & quomodo recte rationi est consentaneum. Quare homo non tantum potest, imo debet occultare veritatem sibi notam, quoties ex eius manifestatione gravior quam ex eius reticentia Dei, vel proximi injuria sequatur. Naturalis enim æquitas exigit, ut homo nec Deo, nec proximo, nec sibi graviter noceat, vel saltem, ut malum quod prævidet ex actione sua per accidens secuturum, bono maiori compenletur.

Colliges igitur 1. occultandum esse cœlestem veritatem, cum prævidetur ab auditoribus deridenda, ut Matthæi 7. *Nolite dare sanctum canibus &c.* & S. Th. 2. 2. quæst. 3. art. 2. ad 3. ait: *Si turbatio infidelium oriatur de confessione fidei manifesta absque aliqua utilitate fidei, vel fidelium, non est laudabile in tali casu fidem publice confiteri.*

Colliges 2. occultandum esse veritatem, quando ea nobis gratis noceret; idcirco potuit Samuel occultare Beelzebubis suum adventum pro inungendo David in regem, quia evulgatio huius veritatis nihil boni, imo plurimum mali peperisset. Si autem non agatur de iniuria proprię dictæ, sed tantum de damno, quod quis pati posset sine cuiusque præiudicio, tunc potest, sed tamen non debetur veritas detegi. Sic mercator, qui novit brevi futuram mercium copiam, aut penuriam, sibi suum potest servare secretum. Sic medicus, cui notum est aliquod speciale occultum medicamentum ad morbum aliquod expellendum, sive alius arcanus modus rei faciendæ, non tenetur aliis patefacere, nisi quando agatur de bono publico.

Colliges 3. veritatem esse supprimendam, quando sine tertii damno illa pandi nequeat, ut Proverb. 4. *Remove a se os pravum, & detrahentia labia sint procul a te.* Idemque dicito de eo, qui loquendo poterat

prodere secretum, quod sine cuiusquam præiudicio servare valet, contra illud Proverb. *Secretum extraneo ne reveles &c.*

Veritas
quando
revelan-
da.

Quando igitur rectus ordo id exigit, patet scienda est veritas: 1. scilicet quando veritatis revelatione virtus crescit, & roboratur, sive ex eisdem occultatione minuitur. 2. Quando iubent eam manifestare Superiores live ecclesiastici, live politici sine abusu ullo suæ potestatis. 3. Quando agitur de publico bono reipublicæ sive ecclesiasticæ, live secularis, puta si periculum immineret hæresis, occultæ conditionis non solum Principis, sed etiam cuiuscunque privati innocentis, quos commune bonum a nefariis iniquorum insidiis servare exigit. 4. Quando quis iudices interrogatur live intra, live extra forum conscientie, remoto quocunque usu æquivocationum, ac restrictionum mentalium, de quibus iam alibi egimus.

§. II.

De proximi diffamatione.

Duplex
modus
diffamandi
est proximi.

Nota duplici modo proximum diffamari posse, externe, sinistra de eo loquendo, & interne, sinistra de eo cogitando, de utroque quorum, cum iuxta communem inter vetita ab octavo præcepto continetur, hic pertractandum, & 1. de diffamatione interna agemus, nempe de sinistra contra proximum cogitatione, quæ sit per dubium, suspitionem, opinionem, & iudicium temerarium, quæ sigillatim breviter explicabimus.

Quid du-
bitatio.

Dubitatio est animi suspensio intra assensum & dissentium, seu intellectus hæsitatio, qua non magis in unam quam in alteram partem propendit.

Quid su-
spicio &
quomodo
picea.

Suspicio est assensus debilis iunctus cum formidine de opposito. Hæc suspicio alia est levis, alia gravis, alia violenta. Suspicio levis est, quæ assensum valde debilem, multum vero dubitationis, vel formidinis de opposito habet. Suspicio gravis, vel vehemens est, quæ plus assensus habet & minus formidinis, vel dubitationis de opposito. Suspicio violenta est quæ plurimum assensus, & valde parum vel vix aliquid dubitationis vel formidinis de opposito continet, adeoque pertingit ad integram persuasionem, seu credulitatem ex consuetudine seu indicio perceptam, ut in cap. ex litteris 12. de præscript. ubi hæc suspicio appellatur violenta & certa suspicio.

Quid opi-
nio.

Opinio est verus assensus, sed non ita fir-

mus, ut excludat omnem errandi formidinem: idell est iudicium determinatum de veritate unius partis cum formidine de contrario.

Iudicium est plenus & firmus animi assensus fixus ac constans, ut omnem excludat errandi formidinem; & melius ac clarius hæc manifesta fient ex exemplo. Videt quis invenem cum muliere secreto loquentem, nec magis iudicat cum ea loqui honesta, aut inhonestam; postea propendit ad credendum quod loquatur inhonestam, non tamen adhuc hic iudicat, & hæc est suspicio. Deinde iudicat eum loqui inhonestam, tunc tamen se posse falli, & hæc est opinio. Tandem certo intra se pronunciat revera inhonestam loqui, & hoc est iudicium. Hæc omnia respective temeraria erunt, si innituntur indicibus quæ non sufficiunt ad fundandum dubium, suspitionem, &c. Quare temere dubitat qui voluntarie assensum suspendit de actione bona proximi, cum habeat argumenta satis graviora ut positive consentiat; & ita temerarie suspicatur aut iudicat qui ultra progreditur quam permittat gravitas motivorum, quibus determinatur ad iudicandum, & suspicandum.

Circa vero indicia, nempe quænam censenda sint graviora, quænam leviora, Sylvius inter alios 2. 2. q. 60. art. 3. quæst. 3. notat leviora esse indicia quæ habita ratione facti, personæ, loci, temporis, aliarumque circumstantiarum, satis non sunt ut vir prudens moveatur ad ita dubitandum, suspicandum, opinandum, ac iudicandum de proximo; e contra vero graviora censenda esse quæ moverent virum prudentem ad sic suspicandum, dubitandum &c. Unde si videas hominem qui nocte & clanculum alienam domum perforet, vimque ianue faciat, vel fenestras asceudat, habes quantum sufficit, ut iudices eum furtum vel aliud malum moliris alias si clara luce & publice hoc fieri conspicias: minoræ vero sufficiunt indicia, ut malum puta ebrietatem ei attribuas, quia assuetus est se inebriare. Item si persona, quæ malum aliquid de alia refert, proba sit, nec assueta detrahare de aliis, aut incerta pro certis disseminare, nihique inter utramque sit odii ac iurgii, grave est indicium commissum esse quod refertur, præcipue si referatur de quopiam vulgari, qui similis aptus sit perpetrare. Quod si alter de quo delictum exponitur sit persona probitate integrisque moribus commendata, tunc satis non est testimonium virietiam honesti, non solum ut iudices, sed ne quidem ut opineris, sed tantum sufficere poterit ut dubites

aut

aut suspiceris, ac intra te dicas, forsan hoc fecit, alias hic talis non assereret; forte non fecit, quia vir probus est, & alter falli potest. Nam indicia quæ satis non sunt ad iudicium, sufficere possunt ad opinionem, licet uti quæ non sufficiunt ad opinionem, aut suspicionem, satis esse possunt ad dubitationem: unde maiora indicia desiderantur ad prudens iudicium quam ad suspensionem, vel dubitationem, quia plus est iudicare quam suspicari ac dubitare.

Hinc colligitur cum dicto Sylvio famam de peccato alterius quandoque excusare a temeritate suspensionis, seu iudicii, quandoque non excusare; excusare quidem, si huius famæ habeatur auctor certus fide dignus qui nihil nisi undequaque probabile retulerit; non excusare vero si nullus certus habeatur auctor, aut certus quidem, sed levis, & sit qui idem non mereatur. Quare

Iudicium aliud est prudens quando scilicet nititur sufficientibus indiciis seu coniecturis ad generandum firmum assensum de alterius probitate vel improbitate; aliud vero est imprudens seu temerarium iudicium, quando scilicet sufficientibus indiciis seu coniecturis non innititur. Idemque dicito de dubitatione, & suspitione, nempe prudentes esse si innitantur sufficientibus coniecturis ad rationabiliter dubitandum, vel suspicandum; temerarias vero si talibus indiciis non innitantur.

Cæterum prudenter in hac materia notandum, aliud esse iudicium de persona, aliud de opere; puta, audit quis aliquem loquentem, & ex imperitia credens talem actum esse secundum se mortale peccatum, iudicat eum, qui ita locutus est, peccasse mortaliter: non incurrit is (inquit Caietanus) peccatum iudicii temerarii, de quo est communis sermo, quoniam non iudicat personam, sed opus, non errat iudicio personali, sed iudicio rerum. Tunc autem temerarie iudicare quando esset iudicium personale, ita quod ex parte intentionis seu animi loquentium iudicaret eos peccare mortaliter audens definire in actibus dubiis aut venialibus intentionem mortalem. Hæc doctrina Caietani relata hic a Tourneleio placuit Comitolo, & Natali Alexandro. His præmissis sit.

§. III.

De iudicio temerario, opinione, suspitione, & dubitatione.

Iudicium temerarium solum opinativum cum plena advertentia & deliberatione consistit Theol. Moral. Tom. III.

tra proximi famam in re gravi, est peccatum mortale ex genere suo contra iustitiam. Hæc sententia communis est inter theologos iuxta Scripturarum doctrinam, & præcipue Matthæi 7. Lucæ 6. ubi Christus Dominus ita præcipit: *Nolite iudicare, & non iudicabimini; nolite condemnare, & non condemnabimini*. Hic Christum loqui de iudicio temerario dubium esse non potest, ut patet ex contextu: *Quid autem vider festucam in oculo fratris tui; trabem autem quæ in oculo tuo est; (idest peccatum grave) non consideras?* Et S. Iacobus Ap. in sua Canon. epist. cap. 4. simul coniungit iudicium temerarium cum detractione: *Qui detrahit fratri, aut iudicat fratrem suum, detrahit legi, & iudicat legem*. Idemque docent SS. Patres, & præcipue D. Th. 2. 2. q. 60. art. 3. ad 2. *Ex hoc ipso* (ait S. Doctor) *quod aliquis malam opinionem habet de alio sine causa sufficienti, indebite contemnit ipsum, & ideo iniuriatur ei*. Quod iudicium temerarium grave sit scelus manifestissime patet etiam ex ipsa ratione. Nam per tale iudicium fit gravis iniuria proximo, cum graviter lædatur ius quod quisque habet ad famam, seu bonam estimationem sui apud quemcumque hominem, donec per sufficientia signa innosceat, seu probetur malus, iuxta illud: *quisque præsumendus est bonus, donec probetur malus*, cap. in cunctis 12. caus. 11. q. 3. & cap. Iudum 17. de præsumpt. Et equidem si graviter noxii sumus proximo quando apud alium eum infamamus, ita plane graviter ei nocemus, cum eundem apud nos ipsos per talia imprudentia indicia infamamus.

Dicitur notanter iudicium temerarium; idest quando motiva quibus innititur, sint notabiliter distantia ab iis, quæ necessario favent viro prudenti, ut tale ferat iudicium. Quod si motiva parum distent a sufficientibus, peccatum erit veniale, quatenus levis erit temeritas: imo iudicium de personis potest quandoque esse salum, non temerarium, & culpabile, ut ex S. Th. quodlib. 12. art. 34. nam proximus ius non habet ut bonus teneatur apud eum, cui eius crimina satis innoscescunt. Dicitur cum plena advertentia idest voluntarium seu deliberatum, & perfectum. Potest enim esse veniale non solum quia levis sit materia, & temeritas, sed quia etiam non adit plena advertentia: quinimo nulla erit culpa, si hoc ex sola mentis promptitudine contingat, ita ut iudicium concipiatur sine ullo deliberato voluntatis consensu: ubi tamen primum qui

ita iudicat, advertit de male iudicare, statim retrahere debet tale iudicium; alias si in eo perseveret, cum nunc habeat plenam advertentiam, iudicium erit temerarium, & iuxta gravitatem, vel levitatem materiam mortaliter, vel venialiter culpabile.

Ad temeritatem vero mortalem non requiritur actualis advertentia, ad indicium seu motivorum insufficientiam, si ob malam præoccupationem, voluntariam passionem odii, vel invidiæ præcipitur iudicium, & actualis advertentia deficiat, quia tunc temeritas est sufficienter voluntaria in causa, idest in mala affectione, & in advertentia insufficienti indiciorum, est proinde vincibilis & culpabilis. Sic Antoine, Tournelleus.

Co-ditio.
nec ut
le iudi-
cium sit
mortale.

Vetum ut tale iudicium sit peccatum mortale, tres requiruntur conditiones. 1. Quod iudicium sit in materia gravi, quæ materiam gravitatis, vel levitatis attendenda est vel ex ipsa substantia materiam, vel ex qualitate personæ, alias erit tantummodo veniale. 2. Quod iudicium sit firmum, & plene deliberatum, quia si iudicium non sit firmum, & quasi pro moraliter certo conceptum, erit levis suspicio, vel dubitatio, & si non sit deliberatum cum pleno voluntatis consensu, erit vel sola prima apprehensio de improbitate proximi, vel solus actus iudicii imperfecti non sufficiens ad mortale; 3. quod iudicium sit ex levibus & insufficientibus indicii seu coniecturis; quia si iudicium sit ex gravibus & sufficientibus indicii, seu coniecturis, non erit temerarium, sed prudens, ut patet ex dictis.

Opinio temeraria nempe formata sine sufficienti fundamento de proximo in re gravi secundum probabiliorum, est mortalis; & hoc clare denotat D. Th. 2. 2. q. 60. art. 3. ad 2. ubi sic habet: *Ex hoc ipso, quod aliquis malam opinionem habet de alio sine causa sufficienti, indebite condemnat ipsum, & iniuriatur ei.* Ex hoc loquendi modo satis explicatur læsio gravis. Et revera etiam mala opinio, & temeraria de re gravi, ac famæ proximi derogans de se gravem iniuriam affert proximo. Nam non levi afflictione afficit honestam personam haberi apud alios in opinione mala sibi infamatoria. Igitur si opinio contra famam alicuius notabiliter deficiat in fundamento, plane erit mortalis culpa, quæ eo gravior redditur quo persona de qua opinatur dignior est, & quo crimen est atrocius; si vero fundamentum deficiat in modico levi respectu personæ, ac criminis, nonnulli venialis censenda est.

Suspicio temeraria de proximo vitio seu crimine, licet velint aliqui esse ex genere suo peccatum tantummodo veniale, cum non sit nisi propensio quædam ad assensendum, minime vero plenus, & absolutus assensus; nihilo tamen minus quando hæc procedat sine ullo, aut solum levi fundamento de re gravi infamatoria, videntur probabilius sentio qui hanc mortalem statuunt, saltem si ex pavo oriatur affectus, & malevolentia. Nam ab Apostolo suspiciones malæ recentur inter gravia peccata, ut 1. Corinth. 13. *Charitas non cogitat malum.* Suspiciones enim gravem iniuriam afferunt proximo, cum unusquisque ius habeat, ne quisque sine sufficienti causa male de ipso, idest de sua probitate suspicetur, & ius illud per suspiciones in re nimis gravi violatur, & quisque vir prudens censet gravem sibi fieri iniuriam, & valde ægre fert aliquem male de seipso suspicari. Et eo vel maxime tales suspiciones iniuriæ sunt proximo, & culpabiles, quia in iisdem iudicium virtualiter continetur; nam suspiciens cum plena deliberatione non solum suspendit assensum, sed ambiguit esse iudicat proximi probitatem, nec prudenter eundem ut probum iudicari posse.

Ad obiectionem vero quam afferre solent ex S. Aug. tract. 90. in Ioan. contra allatam sententiam, nempe suspiciones temeraria pertinere ad humanas tentationes, sine quibus præsens vita duci nequit, idcirco in hisce rerum humanarum tenebris suspiciones vitari non posse, ac proinde huiusmodi suspiciones, quando tamen non oriuntur ex aliqua passione odii, vel invidiæ, esse tantummodo veniales; resp. intelligendum esse S. Doctorem de suspicionibus repentinis & indeliberatis, vel leviter temerariis, ac ex humano errore, non ex malitia apprehensis. Unde censent multi solum venialiter peccare qui de gravi malo proximi suspicatur, vel dubitat ex solo mentis errore, quo concipit indicia, propter quæ suspicatur, tanquam sufficientia ad suspicandum, promptus ad deponendam suspensionem ubi melius advertat, & eo magis quod temeritas illa non est prius voluntaria utpote quæ ex solo humano errore & fragilitate, non ex malitia oriatur, & indicia quæ movent ad suspicandum, non careant omni veri similitudine. Nam suspicio orta ex solo humano errore, non ex malevolentia aliquam habet probabilitatem.

Dubitatio tandem temeraria idest ex indicii levibus formata qua quis positive bati-

eat de vitio, vel crimine alterius cum animo deliberato, censenda est potius mortalis quam venialis, præcipue si sit de persona valde digna, aut de crimine valde turpi, aut de crimine respectu cuiuscumque inusitato, & valde inordinario. Verum quidem est Angel. Doctorem 2. 2. q. 60. art. 3. docere dubium de proximi bonitate esse veniale; ait enim ibi: *Primus gradus est ut homo ex levisus indicibus de bonitate alius dubitare incipiat, & hoc est veniale & leve peccatum*. Sed verba S. Doctoris intelligenda videntur de dubio negativo, idest quod suspendit omnem actum, ac bonam opinionem quam de quocumque habitualiter retinet. Nam dubitare positive de proximo in re gravi sine ullo prolus fundamento, nempe habere in animo quod revera probitas, integritas, pudicitia &c. personæ dubia sit, aut tale dubium formatum sit ex levissimis motivis, si hoc deliberato animo fiat, ob rationes antea allatas agendo de suspitione, non videtur eximi posse a mortali. Si autem contingat motiva esse utrinque circiter æqualia pro & contra, cum res tunc in dubio versetur, stando regulæ iuris dubitatio in meliorem partem interpretanda est, vel saltem propensio ad partem deteriorem suspendenda, quia inclinatio in hanc læderetur ius personæ, quæ pergravanda non est ultra quod motiva perpensa exigunt.

Regula pro Confessoribus circa suspitiones, & dubitationes. Circa tales suspiciones, aut dubitationes dat regulam P. Antoine Confessarius pro timoratis & scrupulosi, qui eas patiuntur nescientes num lethaliter peccaverint, vel non, scilicet interrogandos esse an si adverterint lethale peccatum, voluissent voluntarie consentire: nam si negative respondeant, iudicandi sunt sicut etiam in aliis casibus lethaliter non peccasse, quia vel nullus adfuit voluntatis consensus, vel non fuit deliberatus.

Nota 1. materiam sufficientem in detractione ad mortale, ad hoc sufficere etiam in suspitione.

Nota 2. quod licet certo appareat opus ab aliquo factum esse ex genere suo lethale, non ideo tamen iudicare fas est cum qui ita operatus est, certo reum esse mortalis culpæ: nam potest esse excusabilis apud Deum ob ignorantiam invincibilem, inconsiderationem, ac ideo imperfectam deliberationem. Item nulla fides habenda incertis rumoribus de malo opere alicuius eum infamante. Tandem extra necessitatem mens semper coercenda est a suspitione, dubitatione, ac iudicio de alterius peccatis, ut

omne vitetur periculum temere iudicandi, vel suspicandi cum iniuria proximi, ut advertit S. Bernardus sermone 40. in Cantico.

Ad difficultatem vero, quæ hic oriri posset de dubiis, num in meliorem partem sint semper interpretanda, pro facilliori intelligentia notandum, factum aliquid dupliciter in meliorem partem interpretari posse: 1. positive, practice, hoc est, ut in praxi, & vitæ civilis usu, ubi de cautela non agatur, affectu interno & modo externo agendi tractetur proximus tanquam si revera esset probus, & exhibendo consueta honoris, & urbanitatis officia, ac si nullum de eius probitate esset dubium. Iniuriosum est enim proximo, & contra regulas charitatis ob exortam dubitationem, quæ insufficiens est causa, illis officiis eum privare. 2. Negative, ita ut in dubio etiam positive non iudicetur, dubitetur, aut suspicetur proximum improbum esse, vel graviter peccasse. Nam qui alias se gereret, reus foret iniustitiæ malum proximo inferendo sine iusta sufficienti causa. Quisque enim strictum ius habet ne malum sine iusta causa ei inferatur, & grave malum est proximo, & gravissimolestiæ teneri ut improbum; & incertum crimen, idest dubium, non est iusta causa eum privandi bonæ estimatione quam apud nos possidet. His præmissis, sequentes traduntur regulæ, nempe.

Primo si dubia bona respiciant a nobis possessa, nec in meliorem, nec in deteriorem partem interpretanda sunt, sed bona æqualiter sunt dividenda, puta si dubitem an talis pecuniæ summa mea sit, cum altero dividenda est. Si quis autem dubitet ratione impedimenti dirimentis an coniux quam duxit sit eius vera coniux, idest si sua sit, reddere potest, & tenetur debitum parti non dubitanti, sed dubitans tenetur se ab exigendo cavere. 2. Dubia, quæ respiciunt actus nostros relative ad conscientiam in deteriorem partem interpretanda sunt, alias necesse non foret peccata dubia confitendi, quod ne quidem laxiores dicere audent. Non sunt tamen explicanda ut certa quæ dubia sunt. 3. Dubia de rebus ut in se sint, puta num contractus sit licitus, non sunt inflectenda in meliorem partem, sed ponderibus suis & momentis æstimanda, quia tunc id unum agit ut cognoscatur veritas, & videtur illicitum, necnon timeendum est ne alicui inferatur iniuria. 4. Quando agitur de præcavendo nostro, vel alterius malo, vel remedio adhibendo, dum non constat de bonitate proximi, licitum est dubia in peiori-

As du
ba sem.
per in
melio.
rem par
tem in
terpre
tanda
sunt.

Regula
quandam
circa du
bia.

partem interpretari, non iudicando quidem, aut positive suspicando, sed per quamdam suppositionem, ait D. Th. idest exterius nos ita gerendo non secus ac ipse cum quo agimus, improbus esset, tamen non credatur talis: nam tunc nemini fit iniuria, vel damnum. Licetum est enim sibi, & proximo sine cuiusquam iniuria providere. Quare non peccat qui ignotum, vel talem cuius exterior compositio indicet esse furem, recuset in domum suam recipere, vel si recipiat, ita caveat rebus suis, ac si dubia esset huius hominis improbitas. Quando vero non agitur de præcavendo damno nostri, ac eorum qui quoquo modo ad nos pertinent, dubia de proximis in meliorem partem sunt interpretanda. Ita enim docuerunt SS. Patres, præcipue S. Aug. lib. 2. de *Serm. Domini in monte cap. 13. & in psalm. 147.* & sic docent etiam regulæ iuris in 6. *Dubia in meliorem partem sunt interpretanda: Cum iura partium sunt obscura, favendum est potius reo quam actori: In dubio nullus præsumitur reus.* 5. Non semper necesse est dubia de proximo suborta meliorem in partem interpretare positive, bene quidem in hypotheli quod suspensio iudicii nostri proximo fit nocitura, quia respectu primæ partis eum præceptum iudicandi sit affirmativum, non obligat semper ac pro semper; respectu vero secundæ partis, proximus, donec non constet de eius malitia, ius habet ut de ipso bene iudicetur, nec malitia constet, donec est dubia. Hæc P. Antoine, & Tornæ.

S. IV.

De externa proximi diffamatione, idest de detractioe, contumelia, calumnia, &c.

Proximus ut iam notavimus in proœmio huius præcepti dupliciter potest a nobis diffamari: interius, nempe in iudicio per eos omnes qui malo iudicio cooperantur, & extra iudicium. Expletis igitur, quæ respiciunt iudicium, suspitionem, dubitationem &c. quæ circa famam proximi versantur, nunc disserendum restat de iis quæ ipsi proximi famam per exterioriorem diffamationem, idest per detractationem, contumeliam, & calumniam lædere possunt. Verum ut maiori qua fieri potest claritate procedatur, advertendum est circa famam honoremque contra quos detractio cum aliis versatur, quod quamvis honor & fama quandoque sumantur pro eodem, reapse tamen inter se diffe-

runt: nam fama est bona æstimatione de aliquo, qua bonus putatur, & creditur, necnon aptus ad aliquem bonum usum, seu est communis opinio, vel æstimatione virtutis, sapientiæ, pulchritudinis, nobilitatis, favoris Principum, divitiarum, aliorumve huiusmodi quæ hominem commendant, ac bonam de ipso æstimationem pariunt. Honor autem est testificatio quædam excellentiæ alterius, idest exhibitio rei alicuius veluti in testimonium & quamdam recognitionem excellentiæ quam habet ille qui honoratur. Quare ex his habetur quod fama consistat in interiori bona exsistimatione seu opinione, & dnm exit in opus externum, dicitur *laus*; sicut si loquamur de mala fama, dicitur *vituperium*. Honor vero consistit in externa significatione nostræ æstimationis de excellentia alterius, ideoque supponit opinionem ipsius excellentiæ, & intentionem eam per aliquod signum exterius testificantis: alias si opinio eiusdem excellentiæ atque intentio eam exterius testificandi desisset, foret potius illusio, quam honor. Excellentia autem quam spectat fama & honor primario consistit in virtute ac sapientia, carumque functionibus, quæ reddunt homines vere laudabiles, secundario autem in aliis perfectionibus, ut sunt ingenium, doctrina, nobilitas: item quoad honorem potestas sive ecclesiastica, sive secularis, dignitas principii, seu originis quæ est in parentibus. Hinc si honor sumatur prout includit famam, eique superaddit testificationem, non immerito dicitur Lessius honorem maius bonum esse quam famam; & e contra si fama sumatur prout contradistincta ab honore, recte dicit de Lugo famam prævalere honori, quia melius est interne haberi pro bono, quam externe tantum diei bonum, & interne haberi pro malo, iuxta illud Evangelii: *Populus hic labris me honorat, cor autem eorum longe est a me.* His præhabitis sit.

Detractio est iniusta & occulta alienæ famæ lesio, & denigratio, vel imminutio. Ita communiter. Ad detractationem duo quippe requiruntur, 1. ut aliquid dicatur quod alterius famam & æstimationem, quam in mente aliorum possidet, extinguere vel saltem imminuere valeat. 2. Ut fiat occulte saltem iuxta intentionem dicentis; quia si quis alicui in ipsius præsentia famam denigraret, hoc non esset amplius simplex detractio, quæ directe lædit famam, sed etiam contumelia qua coram alterius honor violatur.

Detractio duplex est; una enim directa

In quo consistit excellentia.

Definitio detractationis.

Detractio duplex est &

Varii
modi de-
trahendi.

est & formalis, indirecta altera & materialis. Detrahitur indirecta & formalis ea est, quæ sit cum mala intentione, & directa alteri nocendi, seu eius famam denigrandi. Detrahitur materialis est quæ sit quidem abique directa & mala intentione & voluntate alteri nocendi, vel eius famam denigrandi, sed tamen cum prævisio vel debito prævideendi periculo detrimenti seu infamiae alterius, ideoque non sine indirecto voluntario, & intentione nocendi. Detrahitur iuxta D. Th. 2. 2. q. 72. art. 1. ad 3. fieri potest octo modis, nempe 1. imponendo alicui crimen factum, 2. amplificando seu exaggerando crimen verum, 3. manifestando crimen occultum, 4. opus recte factum sinistra interpretando, seu temere exterius indicando, ut illud Lucæ 11. *In Beelzebub principe demoniorum eicitis demonia*. Et hæc est directa, & positiva detrahitio, qua directe, & positive laeditur fama proximi, ut in hoc verbu continetur: *Imponens, augens, manifestans, in mala vertens*; indirecte, & quasi negative fit aliis quatuor modis; 1. negando recte facta, vel eius dotes, 2. bonum vel dotes alterius extenuando, 3. tacendo malitiose bonum, vel dotes alterius eo loco, vel tempore, quo tace silentium interpretatur ab aliis per tacita vituperatione, 4. ita frigide & simulate loquendo, ut talis laus potius cedat in diminutionem famæ alterius, seu in eius vituperium; & hi quatuor modi quoque in hoc alio verbu continentur: *Qui negat, aut minuit, facit, laudatque remittit*.

Diffusio
detra-
ctionis.

Detrahitio dividitur 2. ex parte circumstantiarum in contumelliam, diffamationem, & sulurationem. *Contumelia est iniuria, qua alteri crimen factum, vel verum occultum palam in eius præsentia quasi in faciem obicitur, & est gravior detractione, quia detrahit lædit proximum in absentia, contumelia in præsentia, atque adeo illa lædit locum famam, ista lædit famam & honorem*.

Contumelia fit convictio, improprio, maledicto, suluratione, puta, scripto vel libello famoso, sicuti in iure appellatur, factio, nempe honoratum virum verberando, domi includendo, lubannando, irridendo. *Convictio est species contumelie, quo alicui exprobrantur defectus pæne, vel naturæ; ut si quis alicui obiciat eum esse cæcum, claudum &c. & in hoc differt a pura contumelia, per quam alicui repræsentatur aut exprobratur defectus culpæ, ut si quis dicat alicui esse furem, adulterum &c. Non raro vero convictio, & contumelia pro eodem sumuntur.*

*Improprium est exprobrare alicui defectum minorationis, seu indigentia, & hoc proprie fit, quando aliquis iniuriolè alteri memorie reducit auxilium ipsi præstitum in suis indigentis. Maledictum seu maledictio hic sumitur non pro ditione cuiuslibet convicii, & mali in proximum, sed pro imprecatione quæ fit alicui mali pæne, puta si quis alicui imprecetur diabolum, fulminia, aliave huiusmodi mala, & malitia huiusce vitii dimetienda est ex advertentia & deliberatione proferentis: nam si ex inconsideratione, repentino iræ impetu contingat, censenda non est lethale peccatum. Irrisio seu derisio significat risum cum alterius contemptu; unde irridens intendit erubescientiam seu confusionem derisi. Hoc vitium ut plurimum est veniale, aliquando vero mortale pro contemptu & diemitate personæ cui irridetur, & magnitudine turpitudinis ad iocum arreptæ, & semper si fiat cum intentione graviter proximum confundendi, vel sine iusta causa exprobratur alicui eius gravis defectus, vel culpa, vel derisus graviter contristetur, quia tunc ei sine iusta causa grave malum infertur. Huc pertinet *subfannatio*, quæ fit gestibus derisorii, ut nato contracto, vel rugato, sicuti contigit in Christi passione, & præcipue in coronatione.*

*Diffamatio est detrahitio famæ alterius publica seu coram multis facta, & cum directa vel indirecta intentione alterius infamiam in publicum propagandi. Sufurratio est crimen lingue, dum quis malum de proximo occulte loquendo odium eius ac diffensionem animorum molitur. Nam susurro prave obloquitur de proximo, ut ipsius amicitiam cum aliis iniuste tollat, & discordias disseminet, iuxta illud Ecclesiastici 28. *Susurro & bilinguis maledictus*. Intentio enim & finis sulurationis est suscitare discordias ac odium inter amicos. Gravitas huius vitii iuxta D. Th. 2. 2. q. 74. commensuratur ab eo quod amicitia præstat famæ, ita ut tanto ex genere suo cæteris paribus gravior sit sulurratio quanto amicitia famæ est favorabilis: nam peccata in proximum eo sunt graviora, quanto per ipsa nocumentum maius proximo infertur.*

Libellus famosus est scriptum quod alicuius infamiam continet nondum publicam, ut publice nota fiat. Crimen hoc cæteris paribus peior est detractione quæ fit voce, quia infamia ad plurimos fusus ita diffunditur, & vix aboliri potest. Quare mortis poena statuitur in iure ei qui talem libellum spargit, & ei

& ei qui inventum vulgavit *Leg. unica cod. de famoso libello*, & in iure canonico gravissime prohibetur, & in *caus. 5. quæst. unica & Bullis Pii V. & Gregorii XIII.* Et peius est si tales libelli infamatorii fiant contra aliquam Communitatem, vel Capitulum, vel Ordinem Religiosum, quia tunc plures læduntur ac infamantur, & sic maius est damnum.

Calumnia spec-
cies est
detractionis
nisi.

Inter ea quæ sunt proximi diffamativa, idest læsiva eius famæ recensetur etiam calumnia, quæ consistit in falsi criminis vel defectus impositione. Quare calumnia est species detractionis, utpote quæ superaddat detractioni genericæ sumptis mendacium peticiosum, & divina Scriptura quando loquitur de detractione, videtur attribuere hoc nomen præcipuo modo calumniæ, imo tum in Scriptura tum in Patribus sumitur ferme constanter pro falsa imputatione criminis, vitii aut intentionis malignæ, quod est calumnia, non autem pro manifestatione criminis occulti, prout nunc theologi morales præcipue sumunt. Et hoc patet ex variis divinarum Scripturarum locis, ut r. Numer. ubi dicitur: *Locuta est Maria & Aaron contra Moysen propter uxorem eius Aethiopiissam.* Et locutus est Dominus ad Aaron & Mariam: *Quare non timuistis detrahere servo meo Moysen.* Hi enim imputantur Moysi vitium imprudentiæ, vel inordinati amoris ad uxorem suam alienigenam: Deuter. 31. Dixit Dominus: *Acvertentur ad Deos alienos, detrahentque mihi, idest affigendo mihi impotentiam vel involuntatem salvandi.* Et psalm. 37. *Qui retribuunt mala pro bonis, detrahebant mihi quoniam sequebar bonitatem.* In hisce aliisque huiusce generis quamplurimis divinarum Scripturarum textibus pro imputatione criminis falsi, aut pro maligna interpretatione alienæ mentis vel intentionis, detractio sumitur, nempe pro calumnia. Detractio, calumnia, & contumelia, nisi exculat materia levis sunt semper peccatum mortale contra iustitiam, quoties iniusta causa graviter læditur fama, vel honor proximi læta communiter. Et Roman. 1. detrahentes & contumeliosi dicuntur rei esse mortis, quia mortale est inferre proximo notabile damnum sine iusta causa, ut fit per detractionem, & calumniam, quibus proximus iniuste læditur in fama, & per contumeliam in honore, utrumque quorum est multo divitiis omnibus præstantius, & proximus ad illa ius habet, unde hæc tria crimina sunt graviora furto, quod ex genere suo est mortale, ut habetur ex D. Th. 2. 2. q. 73.

ar. 3. Et hoc comprobatur ex variis locis divinarum Scripturarum, psalm. 100. *Detrahentem secreto proximo suo hunc persequerbar*, & Proverb. 24. *Cum detractionibus ne commiscearis, quoniam repente consurges perditio eorum.* Dicitur ex genere suo, cum fieri possit ut sint solum venialia, vel obinadvertentiam, vel ob materiæ levitatem, puta si enarretur alterius aliqua levis imperfectio, nisi tamen hoc fiat cum intentione graviter nocendi, vel prævideatur gravem dolorem manifestatio huiusce levis defectus conciliatura proximo, quia sine iusta causa & auctoritate velle ei nocere graviter, vel gravem morem eidem asserere, est mortalis culpa. Item plures eiuſdem defectus quamvis leves, esset morale manifestare, si simul collecti bonam illius exultationem graviter læderent, & hoc currit etiam de convicio, ut ex D. Th. 2. q. 72. art. 2. ad 3. Cæteroque ait D. Th. loco cit. ad 2. quod sicut licitum est aliquem verberare, vel in rebus damnificare causa disciplinæ ad correptionem, ita quis eadem disciplinæ causa reprehendere aliquem potest, & debet ei verbum conviciosum dicere, & hoc modo Christus Dominus discipulos *stultos* appellavit, & Apostolus Galatas *insensatos*, unde in tali sensu sunt exculabilia verba contumeliosa parentum in filios, magistrorum in discipulos, dominorum in servos. Nihilominus tamen verba contumeliosa perraro sunt adhibenda in corrigendo, cum sæpe potius exacerbent quam emendent, & subditi facile sibi persuadent ea provenire ex pravo potius animi affectu quam ex charitatis zelo.

Detractiones omnes sunt eiuſdem speciei, licet detur quedam diversitas obiectiva inter detractiones, v. g. si quis denigretur falso tanquam hæreticus, aut tanquam fur. Illa tamen diversitas non substat attentioni humanæ, vel divinæ in ordine ad diversos effectus morales, nisi ex detractione sequatur, vel subsequi soleat damnum reale & distinctum a mala existimatione interna. In tali enim casu ratione diversorum effectuum si hi differant specie, detractiones quoque specie differunt. Idem dicendum si detractioni iungatur circumstantia continens malitiam diversæ rationis, v. g. si detraharur Sacerdoti, in quo casu detractio opponitur reverentiæ Sacerdoti debitæ, aut si detraharur parentibus, in quo casu detractio opponitur amoris & gratitudini eiuſdem debitæ, vel si detractio procedat ex odio, vel vindicta, in quo casu circumstantia odii vel vindictæ necessario explicanda est.

Detractiones sunt o-
mnes ei-
iuisdem
speciei.

est in confessione. Ita etiam quando ex detractioe respectu unius consequitur amissio officii, relegatio, inquisitio, incarceration, mors, varii generis scandala ad varias species peccatorum inductiva: huiusmodi effectus, aut periculum probabile ad huiusmodi effectus specie diversos in æstimatione morali aperienda sunt in confessione.

Quæcumque detractio tamen sit tantummodo ex quadam animi levitate, aut loquacitate, & sine ullo animo lædendi proximum, ex genere suo est mortale peccatum contra iustitiam. Et hoc patet ex Apost. 1. Corinth. 6. & ex epist. Iacob. cap. 4. ubi sic: *Qui detrabit fratri detrabit legi, & iudicat legem*. Talis enim detractio licet sine animo lædendi graviter, tamen proximi famam iniuste lædit, cum proximus ius habeat ne quocumque modo, & sine eius famæ lædatur; & si talis detractio non est detrahenti voluntaria in se & directe, est tamen voluntaria indirecte saltem, implicite, & in causa, cum velit illud ex quo læsio sequitur, & ad mortale voluntarium etiam indirectum sufficere: cum aliis D. Th. 2.2.4.73. art. 3. Et hac eadem ratione contumelia quoque eodem modo facta, idest sine animo lædendi, utpote quæ sit indirecte voluntaria & in causa, si graviter lædat, est mortalis. Erenim semper mortaliter delinquitur, quando aliquid profertur quod præviderur, vel prævideri potest aptum esse ad notabiliter lædendum alterius honorem, proximumque graviter contristandum. Ita Reiffenst. P. Antoine.

Unde Graviter autem & notabiliter aut leviter læditur fama, vel honor pro gravitate vel levitate materiam, spectatis omnibus circumstantiis, præsertim personæ læsæ, quia gravitas vel levitas materię hic præcipue spectanda est relate ad personam læsam, & eius famam: nam fieri potest quod id quod respectu unius est leve, fiat grave respectu alterius, puta si sit persona magnæ auctoritatis, & famæ valde incommuniatæ, seu quæ obligetur ad maiorem sanctitatem, ita ut si leve censetur dicere de puero, quod sæpe mentiatur, grave erit si hoc dicatur de Episcopo, Sacerdote, Religioso bonæ famæ, Laico honorato. Erenim graviter per hoc læditur eorum fama, cum hi qui mentiiri consueverunt reprobi fiant, præcipue si ex statu, munere, officio caritatis virtute excellere debeant. Unde gravitas detractiois semper desumenda est ex circumstantiis personæ, defectus qui manifestatur, æstimatione quam de illa persona tenent homines, &c. ex quibus si pruden-

tum iudicio grave detrimentum famæ inferatur, detractio gravis erit, & mortalis, si leve, levis erit & venialis. Et quod dicitur de detractioe, intelligendum est quoque de contumelia. Utraque vero est mortale peccatum, licet levis, si fiat animo graviter dedecorandi vel contristandi proximum, cum sola voluntas gravis mali proximo inferendi sine iusta causa sit mortalis. Convicium tamen e contra, tamen si grave, propter vilitatem personarum aut morem patrium loquendi grave esse non censetur, ideoque est veniale: nam permulti damnare non audent mortales mulieres, viros infimæ noræ & fortis, puerosque quos sæd invicem perant convicii, ac contumeliis, quibus communiter utuntur plebei, cum honor huiusmodi vilium personarum non censetur hisce iniuriis graviter lædi, nec his fides præbeatur. Antoine cum aliis. Sicut autem semper mortaliter peccat qui animo graviter lædendi famæ alterius detrabit etiam leviter; sic etiam e contra qui graviter detrabit sine animo lædendi notabiliter, aut dæd causam talis læsionis, advertens aut advertere debens ex tali suo dicto, vel facto nocumentum probabiliter afferri.

Manifestatio defectus venialis ut plurimum est tantum venialis, cum hoc non solet graviter famam proximi lædere, eo quia iusti quoque vitam sine venialibus non ducant, ut Iacobi 3. *In multis enim offendimus omnes*. Non est tamen sic si dicantur hæc de personis, quarum munus vel status maiorem exigunt perfectionem, puta dicere de Episcopo, Religioso &c. quod consuetudinem habeant peccati venialis, v. g. quod plus iusto bibant, sint vani &c. hæc enim in his censentur magni momenti, & ex hoc eorum fama minuitur, & ideo vilescunt.

Tamen obicere naturales defectus & involuntarios, puta ingenii, corporis, fortunæ, possit esse solum veniale, cum huiusmodi defectus sint inculpabiles, erit tamen mortale si fama & honor graviter ex hoc lædatur, & proximus graviter spernendus sit, ac viliter apud alios fiat, ut si dicas de honorato viro, qui ut nobilis reputatur, esse ignobilem, eius parentes infamem potnam subisse. Item si exinde gravi damno alter succumbat, ut si impropere coram etiam vili persona conviciandi causa, quæ gravem illi conferat tristitiam, puta defectum legitimitatis natalium, quod cum vulgum hominem vilescat, molestius ferri solet quam si grave crimen obiciatur. Erenim mortale est proximum sine iusta causa graviter

Manifestatio defectus venialis ut plurimum est venialis.

Unde gravitas vel levitas detractiois cognoscenda possit.

viter contristare, vel grave damnum ei inferre. Antoine cum aliis.

Detrahent generalibus victorum nominibus culpam significantibus potest esse tam mortale quam veniale, puta si dicatur aliquem esse avarum, iracundum &c. hoc enim fieri potest cum notabili damno, vel magno gravi damni periculo, quia fama gravem pateretur læsionem, nisi tamen audientes admonerentur hæc dici de solis venialibus, vel de sola naturæ inclinatione.

Item rei sunt mortalis detractionis, qui licet nullum explicant defectum in particulari de proximo, dicunt tamen in genere de illo se talia scire, quæ nemo facile de ipso suspicaretur, vel quæ si coram ipso exponerentur, valde erubesceret, vel dicunt, eum talem non esse, sicuti communiter existimatur, nam gravius etiam, quam si aliquod grave malum particulariter de ipso pateheret, lædatur eius fama. Ex tali enim modo loquendi sæpe audientes concipiunt, vel suspicantur etiam peiora quam reipsa sint.

Referre vitia alicuius integræ urbis, aut Nationis in aliis regionibus non est peccatum, quia fieri nequit ut vitia grassentia in urbe, vel Natione adeo sint occulta, ut conservari possit fama boni nominis respectu peregrinorum ex aliis regionibus. Aliud tamen interdum præcipit caritas, si vitia sint emendata, & manifestatio noceret urbi apud externos.

Historici publicantes gravia crimina notoria Principum in scriptis non peccant. Sic P. Natalis Alexander, quia interest boni publici ut Principum aliarumque personarum crimina publica, quæ cum scandalo committuntur, tetro stygmate perpetuo siurentur, & ita metu infamiae ab huiusmodi vitiis posterius absterreantur. Non licet tamen Historicis revelare posteritati occulta vitia Principum, aliarumque illustrium personarum, nisi bone earundem personarum fama pergat etiam post mortem esse posteris nociva, aut periculosa, quia in materia detractionis licet vel non licet erga mortuos, quod licet erga vivos vel non licet. Circa mortuos tamen regulariter loquendo cessat gravitas infamiae proveniens ex contristatione, damnificatione aut præiudicio, cuius mortui non sunt capaces. At vero ex alio capite circa mortuos regulariter non amplius extat causa infamandi, cum nec eorum personæ, nec vitia nec habitus relictæ pergant nocere bono communi aut privato.

Circa vero peccata defunctorum privatorum notoria dum erant inter vivos, de his

licitum est loqui dummodo saltem concenrat utilitas pro instructione audientium, & absit periculum scandalum, quia talia peccata notoria licite manifestantur posteritati ab Historicis in scripto. Igitur multo magis id licebit fieri verbo. Illicitum est tamen referre vitia defunctorum occulta, nisi honorata fama defuncti credatur nociva esse bono communi aut privato, & manifestatio criminis fieri queat sine scandalo, quia iuris naturalis est illa obligatio a Christo inculcata ut quisque faciat alteri sive in vita sive in morte quod sibi rationabiliter fieri voluerit.

Illicitum est pariter patefacere crimina seu vitia occulta personarum, quæ auditori ignotæ sunt, quando moraliter adit periculum ut aliquando audientes deveniant in cognitionem illius personæ. Cessante autem huiusmodi periculo nulla est culpa talia peccata ex rationabili causa referre, quia ubi non habet locum fama personarum, ibi locum non habet detrahtio.

Manifestantes delicta vetera olim quidem notoria, sed iam oblivione apud plerumque deleta, aut iam punita, & emendata, quando illa peccata sint eius naturæ ut longiori tractu temporis delinquant esse nociva, nec habitum bono communi vel privatorum novum soleant relinquere, gravem committunt culpam, quia talis manifestatio est causa notabilis infamiae ex reminiscencia talium delictorum apud eos qui vel illa ignorabant, vel eorum non amplius recordabantur, præcipue quando postea honeste vivendo fama sit recuperata; nam sine ista causa grave damnum proximo inferitur, quod certe est gravis lætio charitatis, & manifestans noller hoc in simili casu sibi inferri; imo talis manifestatio est etiam contra iustitiam, si crimen factum non fuerit publicum per sententiam iudicis: nam sicut male agendo infamia conerabitur facti, ita bene agendo fama recuperatur & ius ad illam; & a fortiori graviter iniustum esset, si per talem infamationem daretur ei occasio, ut denuo in improbitatem rueret. Et hoc dicendum etiam, si ageretur de eo qui per iudicis sententiam olim iuste infamatus fuit, quia posterioribus suis bonis moribus sibi comparavit ius ad bonam famam, iustique illud possidet. Hic tamen casus excipitur a Cl. de Lugo: nam cum facultas, ait ipse, crimen illius evulgandi orta sit ex sententia publica, donec publica auctoritate infamia eiusdem tollatur, huiusmodi facultas irrevocata perdurat. Sed talis manifestatio

crimini De-
fundo-
sum?

Quid de
manife-
statione
crimi-
num ve-
terum.

Quid de
Histori-
cis nar-
ransibus
vitia
Princi-
pum no-
toria.

Quid de
manife-
statione

festatio in persona huiusmodi correcta & emendata erit semper contra charitatem.

Si vero delicta illius sint eius naturæ, de quibus merito dubitari possit an sint iustitienter emendata quoad pravos habitus intellectus aut voluntatis nocivos bono communi ac privato, recurrente periculo nocu-menti licet patefaceret eiusmodi crimina pro morali securitate boni communis vel privati saltem iis, quorum est damnum impedire. Et ratio est quia in casu quo licet agere vel excipere in iudicio contra aggressorem boni publici vel privati ratione delicti, licet etiam extrajudicialiter manifestare tale delictum quousque fama est probabiliter impeditiva boni publici vel privati. Eiusmodi exceptio admitteretur saltem in iudicio ecclesiastico, ubi ageretur v. g. de promotione ad dignitatem ecclesiasticam.

Decidendum pariter est mortaliter peccare, gravius & gravissime qui sine iusta causa prædunt alicui grave crimen occultum non explicando personam, sed tantum Communitatem, ex qua illa sit, dum Communitati, puta Monasterio, vel Capitulo gravis infamia ac dedecus sequatur, ut si dicas de tali Communitate v. g. quod in ea male vivatur, non servetur disciplina Regularis, & eiusmodi (dummodo tamen hoc non sit plane notorium) vel de Civitate aliqua aut loco quod plena sint adulterii: tunc enim iniuste gravis infamia gravissimumque damnum inferitur tali Communitati. Etenim licet apud graves viros ex nequitia unius non maculetur eius fama, sicut Apostolorum Collegium non maculatus est ex Iudæ facinore; maculatur tamen apud simplices, & imperfectos.

Detrahens graviter de altero apud unam personam, & per secretum, tamen si sibi persuadeat hanc id quod ei patefacit, alteri non revelaturam, non excusatur a culpa detractionis, nisi concurrant aliæ circumstantiæ exculantes, & præcipue ut fama alterius efficaciter obset bono procurando, & bonum hoc sit iure debitum. Ita Natalis Alexander in sua morali Theologia. Etenim cum ei bona æstimatio apud alium auferatur, iniuste ei damnum inferitur, non secus ac sit in iudicio temerario quo quis apud se unum privat alterum bona æstimatione. Equaliter enim proximus damnum patitur si in propria, si in alterius mente, si quis malam de eo opinionem insinuet; & tam quisque ægre fert ut eius decor etiam in unius mente offendatur, ut summam difficultatem, patitur in revelatione li-

cet salutari suorum criminum ipsi Confessario.

Immunes item non sunt a mortali culpa, imo gravissima qui famosis libellis aliorum delicta, præsertim Parochorum, Concionatorum, Episcoporum, aut Principum iniuste traducunt. Hoc genus detractionis esse gravissimum peccatum patet ex ipsius rei natura, quia per libellos famosis fit, ut aliorum crimina, quæ paucis nota & excusabilia erant, non solum in publicam omnium notitiam veniant, sed etiam perpetuo perleveret infamia. Hoc probant quoque gravissimæ pænæ quas Ecclesia auctoribus huiusmodi libellorum infligit, & severissimæ leges Regum ac Imperatorum latæ in auctores, & cooperatores talium famosorum libellorum. Pænæ insiditæ contra auctores libellorum famosorum habentur in pluribus locis iuris canonici, præcipue in Decreto Gratiani *caus. 5. q. 1. cap. Si quis ex Concilio Iliberitano*, & aliis in locis quæ sigillatim afferre brevitatibus gratia supersedeo, cum facile videri possint in morali Theologia Nat. Alex.

Contumelia & detractio specie differunt; nam per hæc diversimode, & in diversis speciebus boni proximus offenditur; quinimo peccata ipsa contumeliæ possunt inter se specie differre, non secus ac peccata detractionis, prout obiecta illorum specie differunt, ut antea iam diximus, ita ut iniusta revelatio adulterii specie differt ab iniusta revelatio furti, & sic manifestans de aliquo furtum, adulterium, homicidium, committit triplex specie peccatum detractionis. Sic qui eundem contumeliose de his exprobrat, tria specie peccata contumeliæ committit. Peccata enim speciem suam ab obiecto desumunt; quare specificè sunt diversa, si eorumdem obiecta moraliter specie differant.

§. V.

De culpa detractionem audientium.

Quicumque alium excitat ac inducit siue hortando siue interrogando de alicuius delictis ad inchoandam vel proseguendam detractionem, aut ad eam allicit offendendo gestu, plausu, verbis eam sibi gratam esse, lethaler peccat contra charitatem, ut communitur, contra detractionem, eum ad malum inducens, & occasionem scandalii præbens, & contra iustitiam erga eum de quo detrahitur, quia est causa moralis iniustæ detractionis, scilicet damni alterius, vel saltem ad illud moraliter cooperatur, & con-

De excu-
sante a-
liorum
criminum
per li-
bellum
famom-
sum.

De culpa
revelan-
ti in cri-
men oc-
cultum
quando
revelatur
commu-
nitati.

Quid de-
trahere
de altero
apud un-
am per-
sonam &
per secre-
tum.

currit. Ita D. Th. 2. 2. q. 73. art. 4. Potest tamen a gravi peccato excusari si inevitabiliter ignoraret detractionem futuram fuisse gravem.

Item reus fit gravis culpæ qui licet nec inducat ad murmurationem, nec augeat animum detrahentis, pudeat tamen, & se complacere in detractione gravi & contra charitatem, quia lædatur de gravi damno proximi, & affectu contra iustitiam, quo gaudet de adu iniusto, ut ex Apost. Roman. 1. *Digni sunt morte non solum qui talia agunt, sed etiam qui consentiunt facientibus.* Magistratus, Superior, & Prælati tam illius qui detrahit, tam illius cui detrahitur, audiendo detractionem, & eam non removendo cum possint, peccant lethalius etiam contra iustitiam, quæ obligat ad restitutionem etiam moraliter cooperantem: nam his incumbit ex officio, idest speciali obligatione iustitiæ peccatum sui subditi detrahentis cum corrigendo repellere, & impedire ne alius ab eo lædatur iniuste: unde si dum potest non impedit, merito censetur causa iniusti damni. Si veto subditus detrahat absente Superiore, tunc superior tenetur subditum cogere, ut famam restituat, cum ex officio ipsi incumbat cum coercere ne perleveret in alterius iniuria inferenda, sicuti fieret si subditus famam lætam dum potest non redderet. Licet autem Superiori Regulari incumbat præcipue promoveri spiritualia bona subditorum, ut caput spirituale, quia tamen est etiam caput politicum eorundem, ideoque tenetur eos regere etiam relative ad commune bonum aliorum civium, sicuti incumbit domino suos gubernare famulos & attendere ne aliis damna inferant, & sic ei qui caput est politicum imputantur damna omnia a suis subditis illata. Multoque magis tenetur Prælati ex iustitia impedire subditum alteri suo subdito detrahentem, cum vi ipsius officii teneatur ex iustitia suos subditos compellere, ab omni damno tueri, cum non solum sit rector, sed etiam index, ac custos suorum subditorum.

Verum non solum Superiores, sed quicunque etiam particularis audiens murmurationem, si cum commode possit non curet eam impedire, dummodo spem haberet quod contradicendo impediretur, tali silentio non minus ac qui ad eam provocat, ac de ea gaudet, & lædatur, peccat mortaliter tum contra præceptum correctionis fraternæ erga detrahentem, tum contra charitatem quævisque, dum commode potest, tenetur grave proxi-

mi malum impedire, non secus ac peccaret qui videns vicini domum comburi, non impeditur, dum de facili posset; imo docet Lugo quod si damnum proximi sit gravissimum, tenetur illud impedire etiam cum gravissimo nostro incommodo. Excusaretur vero a mortali culpa, si audiens esset persona inferior detrahenti, vel parvæ auctoritatis ad hunc effectum, vel si ignoret num malum, quod audit de proximo, sit publicum vel non, vel quia talis detractio facile possit postea reparari ab ipso audiente, offendendo falsitatem, vel si non impedit detractionem inceptam, ut melius consulat proximo, cum aliquando detractio plus noceat interrupta quam completa, eo quia auditores remanendo cum consueta noticia de gravitate rei forte concipiunt in genere aliquid gravius. Tandem si detrahens iustam habeat causam rem manifestandi, puta si id faciat vel ut consilium petat, vel ut se utiliter muniat, vel ut dolorem suum ex iniuria illata iuste leniat. Item privata persona quæ nec tibi complacet de detractione ut malum proximi, nec excitat sine adeam inchoandam, sive ad proseguendam, peccat solum venialiter, si ex verecundia, negligentia, vel timore non curet eam impedire resistendo detrahenti, si aliud damnum præter infamiam proximo non sequatur. Ita D. Th. 2. 2. q. 73. art. 4.

Tenetur tamen auditor, quamvis detractioni resistere non valeat, saltem si commode potest, vel sermonem alio avertere, vel faciem tristiorum offendere, quia ita agendo suspenditur continuatio detractionis, aut saltem terror detractionis imminuitur, ut Proverb. 25. *Ventus aquilo dissipat pluviam, & facies tristes linguam detrahentem.* Hoc enim est saltem tacita detractionis improbatio, & virtualis reprehensio. Salmat. & P. Antoine.

Si proximo inferatur calumpnia, quam scimus falsam esse, tenetur falsitatem eius patefacere, ac pro viribus improbare: nam premit nos debitum charitatis, ut cum possumus sine gravi nostro incommodo, malum proximi impediamus. At si silentium in huiusmodi circumstantiis æquivaleret tacite confessioni delicti, idest defectus falso imputati proximo, peccat tacens etiam contra iustitiam, quia cum tunc censetur consentire, ac fateri rem ita esse ut narratur, agimus contra ius quod habet proximus ne ullo modo, idest nequidem tacite, approbatur calumpnia sibi illata, ac confirmetur, ac proinde gravamur debito restitutionis.

Illici-

libel.
rum est
legere li-
brum
narram.
rem oc-
cultam
cuius cri-
mina.

Illicitum est iure naturali librum famam proximi lædentes, & crimina vera sed occulta sine iusta causa narrare legere, aut hunc legentem, seu illa crimina occulta narrantem audire: nam lector quodammodo consentit & cooperatur culpæ auctoris libri, & auditor detractioni. Quisque enim vellet rationabiliter ut liber contra propriam famam iniuste scriptus a nemine legeretur, & sua crimina licet vera a nullo panderentur & audirentur.

Peccat mortaliter contra iustitiam audita vel lecta mala referens, eo modo vel auctores eos nominando, ut auditores merito duci possint ad grave malum opinandum de proximo vel suspicandum. Talis enim est iniusta causa quare grave malum seu damnum proximo inferatur, cum præbeat aliis sufficientem causam male de eo opinandi audita de eo vel lecta ita exponendo. Posset tamen talia referens excusari a mortali si res narrata sit iam notoria inter plures, ita ut credat ea fore manifesta magnæ parti Communitatis, & referat certa ut certa, dubia ut dubia, præsertim concurrente motivo procurandi bonum commune vel privatum necessarium v. g. avertendi furta, scandala, seductiones, a sua Communitate, & præbens per autionem famæ publicæ occasionem ad inquisitionem publicam, & tunc immunis est relator a culpa tum mortali tum veniali, quia huiusmodi obiectum in assumptione morali iam censeri potest notorium utpote iam constitutum in actu primo proximo notorietatis, quæ fere semper consequi solet ad huiusmodi actum primo proximum. Si vero narret rem certam auditam ab uno solum vel altero, ac necdum pluribus notoriam, ita ut dubitet an sit divulganda in vulgus, peccat ac si ipse primus referret nili concurrant circumstantiæ excusantes a detractione antea relatæ. Si vero narret rem ab aliis auditam adhuc inter paucos occultam, eam referendo ut certam, vel ut probabilis veram, vel saltem ut stricte dubiam, cum tamen sit præcise late dubia, ac probabilis falsa, talis referens peccat mortaliter, quia in re gravi notabiliter famam proximi lædit adiciendo gradum certitudinis, vel probabilitatis in re dubia vel probabilis falsa. Item mortaliter peccat si rem ab aliis auditam adhuc occultam, & probabilis falsam narret etiam solum ut late dubiam cum addito prout ab hac vel illa persona auditum, quia narrando rem ut late dubiam certus esse potest rem proxime ituram in vulgus ut stricte dubiam seu

tanquam probabiliorē vel omnino certam: nam certum est famam crescere cundo prout experientia ipsa demonstrat. Huic rationi accedit quod sæpe fama sic caulata præbeat iudicibus aulam inquisitionis, etiamsi primi auctores ignorentur, qua inquisitione facta tamen inquisiti absolvantur, nihilominus his illa macula perpetua remanet. Ex his omnibus sequitur graviter eos peccare qui delicta probabilis falsa, etiamsi ea solum ut audita & valde dubia narrent, mediate vel immediate in vulgus spargunt: nec excusari possunt a gravi peccato, etiamsi concurrant circumstantiæ aliquin excusantes a manifestatione peccati occulti, quia in tali casu non præcise hi manifestant delictum occultum certo commissum, sed gradum probabilitatis & credibilitatis augent circa delictum probabilis falsum, utpote qui sint proximi auctores famæ. Idemque dicto de evulgante in plures rem stricte dubiam, necdum pluribus notoriam, tamen dicat rem dubiam esse, quia certum est ad famam rei dubiæ addendum fore gradum probabilitatis, aut credibilitatis, quod incrementum graviter præiudicat famæ alienæ. Hinc plebi vehementer inculcandum ne res incertas nondum notorias dissemment, sed eas si bono communi aut privato præiudicent denunciet iudici vel altero superiori immediato, ut inquiri, & ubi opus fuerit, emendari valeant: si secus fecerint, Confessarius eos tanquam detractores tractare debet.

Narrans audita sine causa hisce quos probabilis est ex sola levitate vel malitia credituros, tamen non referat eo modo, ut sperito fides illi haberi possit, peccat non solum contra charitatem, quia quisque malum proximi impedire debet, maxime quando facile potest, sed etiam contra iustitiam, cum proximus ius habeat ne sine iusta causa cum periculo suæ infamiae audita referantur, ne ipsius fama præiudicetur. Quod si quis audita manifestet eo modo, & in his circumstantiis, ubi patet audientes non esse credituros, nec ullum adesse infamiae periculum, nec suspicionis aut dubitationis de proximi bonitate (quod perraro contingit) non peccat nec mortaliter nec venialiter, si iusta interveioiat ratio ea enarrandi, cum hoc nullum damnum aut periculum damni producat.

§. VI.

De manifestatione criminis publici.

Crimen
publicum
tripliciter
pot.
est esse
notorium.

Nota crimen publicum sive notorium tripliciter notorium esse posse, scilicet 1. notorietate seu publicitate iuris, & hoc dicitur quando delictum cognoscitur per confessionem rei in publico iudicio, vel per sententiam iudicis iam publicatam. 2. Notorium notorietate facti, & hoc dicitur quando per ipsam facti evidentiam apud tot est ita notum, ut nulla tergiversatione celari possit. Glossi. cap. *vestra de cohabitatio clericorum. & mulier.* 3. Notorium notorietate famæ, & hoc dicitur quando fama criminis ex sufficientibus orta indicis ad maiorem partem vel ad tot personas Communitatis pervenit, ut sit moraliter impossibile quod non innotescat maiori parti Communitatis, idest Pagi, Parochiæ, Collegii, vel Monasterii.

Delictum quod diffusum est in maiorem partem Communitatis, puta Collegii, vel Monasterii, non censetur publicum seu notorium absolute, idest respectu omnium, sed tantum quoad illam particularem Communitatem, Collegii scilicet vel Monasterii. Idcirco extra talem Communitatem non reputandum est ut publicum, nec manifestandum. Nam publicitas non est absoluta, sed restricta ad illos cum quibus Monasterium vel Collegium communicat in regula ac regimine. Sic peccata notoria inter domesticos unius familiæ dici non possunt aliis qui non sunt de corpore eiusdem familiæ. Quapropter crimina publica in tali Religione non possunt aliis qui sunt extra corpus huius Religionis revelari, cum Religiosus infamis apud suos tantum, ius retineat suæ famæ apud alios, seu externos. Et ita dicendum de crimine publico in una parte Civitatis respectu aliarum Civitatis partium, ubi reus suam integram famam adhuc possidet.

Crimen notorium notorietate iuris, postquam per condemnatoriam sententiam iudicis, in qua reus nominetur, divulgatum seu denunciatum est, non est contra iustitiam in quovis loco illud divulgare, quia sicut Magistratus in criminis vindictam ius habet privandi reum bonis fortunæ, & vitæ ipsius, ita ius quoque habet eum privandi bonis famæ, & re ipsa privare vult, quando cum publica sententia coram populo condemnat, ut ubique sit in exemplum & terrorum. Idcirco dat omnibus facultatem illud divulgandi. Hinc malefactores publice coram uni-

verso spectante populo puniuntur. Crimina tamen publica in una Religione per iudicis regularis sententiam iniuste extra eam revelantur. Nam ex iudicis intentione lata fuit non nisi pro privata suorum subditorum notitia, & ad eorum exemplum, non pro publica aliorum, nam secus noxia esset Religioni. Quamvis non peccet contra iustitiam qui crimen alicubi publicum per sententiam iudicis publice denunciatur, in qua reus nominatur, in quovis alio loco divulgaret, non eximitur tamen a gravi culpa contra charitatem illud sine iusta causa detegendo iis in locis quo fama non erat perventura, quando reus bonam famam ibi possidebat, quidquid alii dicant in contrarium; nam tunc sine iusta causa grave malum graviterque contritiuum iniertur, ut est illius infamia, quod ipse publicans in pari causa rationabiliter nollet sibi fieri; & licet ius amiserit ad bonam famam, illam tamen eo loco sine iniuria & fraude possidebat, & possessurus erat. Quod si fama criminis sic publici brevi perventura erat in locum, ubi quis illud revelavit, non peccat nequidem contra charitatem illud ibi antea manifestando: fama enim brevi non iniuste destruenda parvi reputatur. Dixi non iniuste, quia crimen iniuste divulgando prior manifestans peccat mortaliter etiam contra iustitiam, & damna compensare tenetur, non secus ac is qui prior ignem domus apposuit brevi iniuste ab aliis incendendæ; nam prior in iniuria prior etiam obligationem incurrit quæ necessario coniuncta est noxiæ iniuriæ.

Crimen tametsi publicum dum falsum est non sine mortali culpa contra iustitiam illud nescienti detegitur: nam innocens per infamationem iniustam, licet publicam, non amittit ius ad famam, utpote quæ fundetur in carentia criminis, vel ignorantia publica veri criminis, ac ideo nequit sine iniuria apud unum vel plures infamari; ita etiam, imo multo magis mortale scelus committitur contra iustitiam crimen verum, fed solum notum per confessionem rei, vel attestationem testium in iudicio, divulgando in loco ubi nondum de eo reus est publice infamatus; & ita communiter sentiunt theologii: nam cum reus non adhuc spoliatus sit per publicam auctoritatem bona fama, ac crimen non adhuc factum sit publicum respectu populi, ius adhuc ad illam retinet; nam criminis notitia per confessionem rei, vel testium attentionem est solum apud iudicem, ut ab eo possit iuridice condemnari.

§. VII.

S. VII.

*De culpa revelantis crimen notorium
notorietate tantum facti.*

Sentiunt multi peccatum esse mortale contra iustitiam verum crimen publicum in uno loco publicitate facti divulgare in alio, quo fama non erat perventura, quia reus per notitiam publicam publicitate facti, vel famæ sui criminis in uno loco, ius non amittit ad famam in aliis locis, neque censendus est famam quoad illa loca reiecit, eo vel maxime si nondum per publicam auctoritatem in penam sui criminis esset fama spoliatus. Concedunt tamen non illicitum esse ad commune bonum crimina publica defunctorum in historiis enarrare, licet infamia ad alia loca deferatur, & ut habeatur notitia rerum publice gestarum, & ut timor infamiæ perpetuo duraturæ homines a criminibus avertat.

Notavi in alio loco non esse contra iustitiam manifestare nescientibus crimen alterius in eo loco, ubi iam infamatus est: nam crimen in plurim conspectu committendo vel pluribus talia indicia præbendo, ius ad famam, sive secreti in loco illo amittit. Imo addit de Lugo expedire bono publico ut unusquisque qualis est cognoscatur, & talis revelatio non est nec etiam contra charitatem, eo quod grave damnum ex ipsa proximus non patiatur, utpote qui ibi iam famam perdidit, & nonnulli irrationabiliter de hoc conqueri possit, quia iure merito æstimari potest suo crimine publice commissio famam in tali loco abiecit. Si tamen crimen verum iniuste factum sit publicum, puta si dum erat secretum, aliqui multis illud revelassent, si audiat de Lugo, non peccaret contra iustitiam ille qui idem detegeret aliis eiusdem loci nescientibus. Tunc enim solummodo manifestatio alterius criminis est iniusta, quando ille ius habet ne infametur, quod tamen non habet ille de quo loquimur in casu nostro. Totum enim ius proximi fundatur in duplici titulo, vel quia innocens sit a tali crimine, vel quia crimen ab ipso commissum sit occultum. Prior dar ius absolute, & universaliter, alter vero ut sine necessitate salutem non manifestetur. Si uterque titulus cesset, nullam manet ius: unde quando crimen verum siue iuste siue iniuste factum est publicum, deficit omne fundamentum iuris impediens ne fufius reveletur, undecumque proveniret quod publicum factum

Instit. Theol. Moral. Tom. III.

fit, dummodo tamen, ait P. Antoine, eius publicitas non proveniat a sacramentali confessione.

Licet quis uno vel altero crimine sit infamatus, illicitum est eum ulterius infamare de aliis criminibus, nisi illa ordinariè coniuncta sint cum graviore quod iam publicum est, cum non censetur infamia graviter augeri, præcipue si hæc alia fiant ei manifestata, qui iam conficius est de principali, veluti si dicas de ebriolo publico eum non recte curare rem familiarem, rixari cum uxore, scandalum propriis filiis aliisque domesticis præbere. Secus vero esset mortale & contra iustitiam, si videlicet alia crimina non essent ordinariè coniuncta cum principali, vel si reveletur principale cui solum nota sunt minus gravia etiam eiusdem speciei, ut si dicas Caium furtivum mille, cum alter sciat solum tres furatum esse, quia tunc graviter & iniuste augetur eius infamia. Totum tamen hoc, notat de Lugo, deducendum esse ex novo damno quod sit circa famam, ut iudicio prudentum grave sit, vel leve. Imo potest esse gravis iniuria revelare crimina multiplicata eiusdem speciei, puta si publicum sit talem seminem patrasse adulterium, non ideo licitum erit si in aliud adulterium incidit, & hoc occultum sit, istud revelare, cum reincidentia in idem crimen valde infamiam augeat.

S. VIII.

*De casibus in quibus licitum est crimina
alterius revelare.*

Notandum hic nunquam licere alterius crimina revelare, si crimina per ipsam sacramentalem confessionem innotescant, vel si ex tali revelatione publicum sequatur detrimentum. Hinc autem casibus exceptis communiter sentiunt theologi manifestari posse & debere occultum crimen, quando hoc necessarium sit ad removendum grave damnum etiam temporale iniustum communitati, aut privato innocenti imminens. Etenim nocens ius non habet ne eius fama lædatur quando salvari nequit sine gravi alterius damno, quod inde procederet, cum commune bonum, & privatum innocentis sit præferendum bono privato nocentis; & eo vel maxime quod charitas obligat, quando fieri potest, impedire damnum publicum & privatum innocentis, nec tunc alter censetur rationabiliter invitus, cum iusta adit causa unde pati debeat famæ iacturam.

Revelatio alterius criminis oculi non est

Cc

de-

detractio nisi quando sit inordinata; secus vero si ordinata sit, idest ob rationabilem iustamque causam, & absque animo nocendi. Detractio enim formalis semper per se intrinsece mala solum contingit quando revelatur occultum crimen proximi, vel cum intentione infamiam eidem asserendi; alias vero D. Thom. quæst. 70. art. 2. ad 2. vult nos teneri ea manifestare etiam quæ nobis sub secreto sunt commissa, si, ait S. Doctor, pertinent ad corruptionem multitudinis spirituales, vel corporales, vel in grave damnum alicuius personæ. Hinc quidam recentior tres in re hac præscribit regulas, nempe observandum in revelatione criminis veri & occulti, 1. si fama delinquentis impedit bonum commune, vel privatum, Communitati aut sibi iure debium, non committitur peccatum in tali casu contra iustitiam manifestatione criminis occulti, si manifestatio præcisè fiat illis, quibus incumbit prohibere nocuum. 2. Si fama delinquentis nulli sit nociva, nisi sibi, & uni vel alteri complici, tunc committitur peccatum contra iustitiam crimen occultum manifestando. 3. Si fama delinquentis partim impedit, partim promovel magna bona privata vel communia iure debita, committitur peccatum contra charitatem, criminis manifestatione, nisi maius bonum minori præferatur.

Ex hoc colligitur in hac materia attendendas esse sequentes circumstantias 1. an crimen sit certum, an dubium, an nocivum pluribus, vel nulli; an sit transiens, & privata monitione corrigibile, an vero habituum, ac privata monitione & poenitentia transeunte difficulter corrigibile sine metu relapsus. 2. An crimen dubium fuerit affirmatum tanquam certum vel dubium. 3. Quæ fuerit causa huius manifestationis, an primario odium, inimicitia, vindicta, an loquacitas, an utilitas propria vel aliena, an privata vel publica, v. g. Ecclesiæ, Reipublicæ, Communitatis, an præsens, an certa, an vero solum futura, ac præcisè probabilis. 4. Quænam ex illa infamiatione iei quæ possint mala, an videlicet ex parte denigrati facile consequatur perditio famæ illi necessarii ad sua officia rite obeunda, ac sustentationem quærendam, vel ad salutem animarum, & reipublicæ vel Communitatis bonum promovendum; an exinde denigrato sequantur alia gravia præiudicia, an exinde nascentur gravia scandala. Si omnibus hisce bene perpenlis appareat bonum illud utilitatis, quod ex manifestatione criminis oritur, esse certo maius lua extensione quam

mala opposita, ac illud ex obligatione latioris legis magis necessarium esse quam sit lex charitatis erga privatam personam, ac insuper illud bonum aliis mediis præ prudenti probabilibus obtineri nequeat, licita erit manifestatio, alioquin erit illicita leviter vel graviter prout levitas vel gravitas opponitur iustitiæ, vel charitati. Et totum hoc ex solutione variorum casuum fiet manifestum.

Quare dum agitur de officio, vel beneficio ecclesiastico conferendo, de matrimonio contrahendo, de Religione suscipienda, non solum possumus, quinimo debemus impedimenta occulta, incapacitatem vel vitium alterius, unde aliquod grave damnum iuste timetur, iis revelare, ac patelacere, ad quos id spectat, non vero aliis; & illi sic audita aliis referre seu manifestare non possunt. Ita advertere possumus amicum ne Umbertum in famulum accipiat, non plus initio allegans, nisi quod ei non convenit. Quod si amicus persistat velle eum accipere nisi causam norit repellendi, explicare postea licet eius desectum, puta si talis esset fur. Similiter licet monere alterum ut fugiat consortium hominis quem certo scias esse corruptis moribus, ne ex tali consortio ipse pervertatur, vel se abstineat ad hominem rixolo vel iurgis dedito, &c.

Talis revelatio pariter fieri debet cum necessaria sit ad bonum spirituale delinquentis, ut si fiat Superiori, parentibus, servato tamen quantum opus sit ordine fraternæ correctionis, cum spirituale bonum animæ præterendum sit famæ.

Non illicitum est iniuriam sibi ab altero illatam referre ad petendum consilium non nominando personam, nisi ita opus sit ad consilium, modo tamen non pluribus quam oporteat referatur: nam tunc iniurias non est rationabiliter invitus, & latus ius habet necessarium consilium in acceptis iniuriis querendi. Non licet tamen præcisè ad animi solamen seu ad dolorem leniendum referre amico iniuriam sibi illatam personam nominando. Etenim iniquum est gravem infamiam proximo inferre siue iusta gravi causa, quæ solatium illud censeferi nequit, eo quia non sit bonum tanti momenti, nec necessarium, cum verum solatium sine proximi infamiatione obtineri valeat, ad Deum scilicet patrem misericordiarum recurriendo. Et equidem sicuti illicitum est furari pro suæ gravis miseræ solatio, ita detrudere non licet pro solatio doloris. Sic P. Ant. cum aliis.

Si quis falsis virtutibus, vel simulata pe-

ri-

ritia famam sibi comparavit, non illicitum est detegere hanc simulationem, si cedat in grave alicuius damnum, puta si quis se effingeret periculum advocatum, medicum &c. Is enim ius non habet ad retinendam famam in errore fundatam cum alterius damno vel periculo. Si autem imitatio virtutis vel doctrinæ nemini noxia esse possit, peccatur contra iustitiam eam revelando: nam hypocrita quandiu sua malitia sit occulta, & nemini noxia, ius habet ne positive a quovis malus aestimetur.

Seipsum infamare positive semper illicitum est sub gravi, permissive vero, per se loquendo si id fiat sine speciali instinctu divino, eoque certo ex intentione procurandi maius incrementum gloriæ divinæ, esset pariter mortaliter illicitum. Et hoc patet ex capite 41. Ecclesiastici, ubi dicitur: *Curam habe de bono nomine: hoc enim magis tibi permanebit quam mille thesauri.* Idemque constat ex auctoritate S. Aug. qui lib. de bono viduitatis cap. 22. sic scribit: *Nec audiendi sunt five viri sancti five femine, quando reprehensa in aliquo negligentia sua, per quam fit ut in malam veniant suspicionem, unde vitam suam longe abesse sciunt, dicunt sibi coram Deo sufficere conscientiam, estimationem hominum non imprudenter solum, verum etiam crudeliter contemnentes, cum occidunt animas aliorum, five blasphemantium vitam Dei, quibus secundum suam suspicionem quasi turpis, quæ casta est, displicet vita Sanctorum, five etiam cum excusatione imitantium non quod vident sed quod putant; proinde quisquis a criminibus flagitiorum ac facinorum vitam suam custodit, sibi bene facit; quisquis autem etiam famam, & in alios misericors est: nobis enim necessaria est vita nostra, & aliis famam nostram.... unde non frustra Apostolus: Providemus (inquit) bona non solum coram Deo, verum etiam coram hominibus. Item dicit: Placete omnibus per omnia, sicut & ego omnibus per omnia placeo, non querens quod mihi utile est, sed quod multorum, ut salvi fiant. Et idem Apostolus scribens ad discipulum suum Timotheum, dicit: Circa omnes te ipsum bonorum operum præbens exemplum. Cæteroque te ipsum infamare laudabile censeatur ex communi, aperiendo veritatem sine scandalo, vitæ periculo, aliorumque iniuria, vel damno ad cohibendam superbiam, vanam gloriam, humilitatemque acquirendam, ad Christi opprobria imitanda, iuxta quamplurimum Sanctorum exempla. Nam homo dominus est suæ famæ, &*

honeste bono maiori eam postponit. Erit tamen per se loquendo, veniale, si hoc fiat sine iusta causa, cum sit quædam inordinatio, & prodigalitas. Dico veniale; nam cum homo dominus sit suæ famæ, non potest esse mortale contra iustitiam; nec pariter contra charitatem, quia charitas non obligat ad temporalia bona externa comparanda, & conservanda nisi quatenus sunt necessaria ad spiritualia bona, seu ad vitam temporalem nostram, & proximi conservandam.

Mortaliter tamen peccaret contra charitatem qui seipsum infamaret vel cum scandalo proximi, vel proprio, puta si effrenatior inde fiat ad peccandum, aut cum periculo vitæ propriæ, ut si dicas se alterius thorum violasse. Etenim mortale est præbere alteri occasionem graviter peccandi, & id cuius non est dominus prodigere. Item si tua infamia impediatur ne proximo prodesse valeas, cui ex sola charitate prodesse teneris. Sed peccatum grave etiam contra iustitiam esse potest seipsum infamare, quando propria infamia ad alios redundet, ut ad Ordinem Religiosum, si se infamans Religiosus sit, quia cum illius fama coniuncta sit cum fama aliorum, non potest fama illius lædi, quin simul fama aliorum lædatur. Idem si illius fama necessaria sit ad bene & utiliter alios gubernandos, puta si sit Episcopus, Parochus, Prælator, quia tenetur quique ex iustitia nihil facere quod impediatur ne recte & utiliter munus suum aliis ministrare, dum ex iustitia recte & utiliter illud obire debeat.

§. IX.

De iniuria detractionis, aut calumnie alia detractione & calumnia non repellenda.

Illicitum est iniuriam acceptam repellere ut inter alios iuxta sanctarum Scripturarum monita docet D. Th. 2. 2. q. 72. art. 3. Dicendum est, (ait ibi S. Doctor) quod sicut patientia necessaria est in iis, quæ contra nos sunt, ita in iis etiam quæ contra nos dicuntur &c. Et revera non licet facere malum seu peccatum, ut veniat bonum. Hinc ab Innocentio XI. damnatæ sunt duæ frequentes propositiones num. 43. & 44. Quid nisi nonnisi veniale sit, detrahentis auctoritatem magnam sibi noxiam falso crimine elidere: & Probabile est non peccare mortaliter qui imponit falsum crimen alicui, ut suam iustitiam & bonorem defendat, & si hoc non sit probabile, vix ulla erit opinio probabilis in Theologia. His tamen non obstantibus licet

propalare crimen occultum detractoris, si ea propalatio ferviat ad sui defensionem, ut calumniatavis deprimitur auctoritas, sicque detrahatur fides calumniæ. Si autem ea propalatio non interserviat, nec fiat ad sui defensionem, sed tantum ex motivo vindictæ, erit illicita, quia propalatio oculi criminis, ut colligitur ex dictis, naturam detractoris non anituit, nec excusat, nisi facta sit ex motivo alicuius necessarii boni, ac proinde ex iusta & rationabili causa.

§. X.

De naturali secreto non revelando.

Cum hactenus egerimus de criminibus occultis non revelandis & de eorum notitia aliarumque rerum sæpe commissis naturali secreto, non inconnertum duximus de eodem quoque hic agere, idest de secreto extra confessionem accepto, quia de sigillo confessionis ad proprium locum agere remittimus, quando scilicet pertractabimus de Pœnitentiæ Sacramento, ad quod spectat confessio, & huius secretum sive sigillum, ut solet appellari.

Præter secretum quod habetur sub sigillo confessionis aliud triplex secretum considerari solet. Primum quando ex natura rei sequitur, puta ut si quis casu vel industria cognovit alterius delictum, vel accepit ex relatione sine debito illud servandi, vel quando alius ex animi levitate illud revelavit. 2. Quando res ex natura sua non inducebat debitum servandi secretum, vel nullum damnum ex eius revelatione sequatur, nec mihi ab alio commissum est, sed sponte ego imponendi illud servare, & hoc dicitur secretum promissum, non commissum. 3. Quando secretum mihi commissum est ab alio tacite vel expresse, & ego tacite vel expresse servare promisi, quod omnibus strictius est, ac rigorosius. Et hoc quidem expresse dicitur secretum commissum & promissum, quando alter verbis secretum mihi commendat, & ego quoque expressis verbis illud servaturum promitto. Tacite vero quando ex circumstantiis constat alium rem mihi sub secreto committere, licet verbis se non exprimat, & ego eodem modo illud accepto. Sic Medici, Chirurgi, advocati, obfetrices, alique, ad quos pro remedio vel consilio recurritur sub rigorofo secreto (hoc est promisso & commissio) tenentur rem omnino celare. Idem theologi, alique docti viri consulti circa casus conscientiarum, licet expresse eis non committatur secretum, ex vi sui muneris seu officii ad illud servandum sunt obnoxii, & sub tali onere alterius secretum recipiunt. Sic communiter Doctores.

Secretum igitur quod ex natura rei sequitur, observandum est sub mortali, & ex iustitia, quoties ex illius revelatione is graviter lædatur cuius est secretum, vel damnum aliquod in fama vel in fortunis ipsi imminet. Notandum tamen nec hoc secretum frangere, nec alia duo, de quibus dicitur, esse peccatum, quando quis vi tormentorum vel mortis compellitur ut illud revelet, cum tunc iustam causam habeat revelandi, nec reneatur cum tanto suo incommodo illud celare, dummodo non cedat in publicum damnum, ad quod vitandum quilibet tenetur etiam subire mortem. Idcirco miles tenetur servare secretum, cuius revelatio cederet in damnum exercitus vel ducis, licet cruciatus necaretur. Ita qui officium publicum exercent etiam cum vitæ discrimine sub silentio retinere debent ea quæ in consilio aguntur ad commune bonum spectantia, nisi parvi essent momenti, vel talis revelatio cederet in leve commune damnum, quia non censetur in re levi obligationem talis secreti servandi cum tanto incommodo lubire, quamvis observaveros iuraverint, quia non iudicantur se velle iuramenti vinculo attingere cum tanto incommodo in re parvi momenti.

Quoad secreta vero, quæ respiciunt bonum particulare privatum, secluso gravi incommodo subeundo tormentorum vel mortis, ut supra diximus, alteriusque huiusce generis pro eius revelatione, servanda sunt sub gravi, si materia gravis sit. Sic communiter; quia ex revelatione talis secreti in materia gravi causatur. proximo grave notabile in bonis vitæ vel fortunæ detrimentum. Cum proximus vero ius habeat ad omnia dicta bona, revelare tale secretum ratione cuius revelationis iactura eorumdem bonorum proximo imminet, est gravis iniustitia; idcirco grave peccatum. Si secretum vero sit secundi generis, scilicet quod promissum, non autem ab eo acceptum talem commissionem, quod secretum dicitur promissum, non commissum, & ex eius revelatione aliunde damnum non sequatur in fortunis, vita vel fama, sique rerum illarum quæ præcisa promissione licite poteras manifestare, obligabit vel non illud servare secundum regulas generales de modo quo promissio libera & acceptata obligat, ut dicitur in tractatu de contractibus. Nunc ra-

Quando secretum ex natura rei sub mortali servandum.

men tenenda sit regula illa, quam tradunt
Sant hez & de Lugo, nempe quod si in promissione servandi secretum fuerit nostra intentio graviter nos obligare, tunc graviter obligati censendi sumus; si vero intenderimus nos obligare ex sola urbanitate, fidelitate, non ex iustitia, soluti sumus a gravi obligatione, & ita proprio testimonio standum in foro conscientie. In solutio vero de ratione nostre obligationis, scilicet num intentio nostra fuerit contrahendi obligationem silentii ex iustitia, vel solum ex urbanitate & fidelitate, tunc ex circumstantiis loci, temporis, boni persone &c. res pensanda est. Et equidem si quando promittimus peteretur a nobis, num velimus sub gravi peccato nos obligare, & ita sentiremus, iudicandum esset nos obligatos manere ex iustitia. Si vero teneremus nos ita obligare, censendum esset ex urbanitate & fidelitate, minime vero ex iustitia velle nos obligare, ac proinde in tali casu non teneremur ex iustitia sub mortali, etiam in re gravi, ad servandum secretum. Peccari tamen posset contra charitatem, qua semper grave damnum proximi sine nostro gravi incommodo vitare tenemur. Advertendum tamen quod qui etiam per promissionem vellet se obligare ex iustitia ad servandum secretum, minorem haberet obligationem quam si secretum fuisset simul eidem commissum. Etenim mera promissio secreti non obligat in casibus in quibus alias tenebaris revelare, etiamsi spondidisses cum iuramento illud servare, quia promissio erat de re iniusta & illicita, dum supponitur de re, quam tenebaris revelare, & iuramentum cum non sit vinculum iniquitatis, ligare non potest ad id, quod est iniustum. Quare si a iudice vel Superiore iudice de illo interrogaris, veritatem manifestare debes non obstante iuramento, quo promiseris secretum servare; unde per talem promissionem te solummodo obligasti ad non loquendum quoties hoc licite servare possis. Quod si secretum sit tibi commissum, nec alias fit publice manifestum, illud servare teneris etiam quando esses a iudice interrogatus, & asserere posses te nihil scire, & te habere non secus ac si nihil scires, nec ullatenus faceres contra censuram Innoc. XI. qua damnavit propositionem faventem restrictioni pure mentali, quia illa notitia ita limitata est, & sigillata ad unam personam ex ipso iure nature, ut sit prorsus illicitum eam alteri communicare. Etenim iudex & Superior interrogans ius nature abrocare nequit;
Inst. Theol. Moral. Tom. III.

idcirco ius non habet iuridice interrogandi, ut ei revelandum sit secretum, quod ex iure nature inviolabiliter servandum est, nisi vel alia via sit cognitum, ut postea dicitur, vel iusta interit causa illud manifestandi.

Secretum vero rigorosum & strictum, quod absolute dicitur secretum naturale, nimirum quod commissum est ac promissum implicite vel explicito, obligat sub gravi ad illud servandum etiam ex iustitia commutativa. Etenim tunc non datur nuda promissio, sed quidam quasi contractus onerosus initus inter secretum suum commendantem, ac illud servare promittentem: unus enim secretum committit sub conditione quod alter observet. Cum autem committens rem sub conditione quod alter observet, onus subeat revelandi alteri suum secretum, hic alter tenetur, ponere ex parte sua secreti observantiam; ita ut grave damnum committenti faciat promittens (præciso alio extrinseco documento) non servando secretum sub tali onere vel conditione acceptum & promissum; & si promissio fuerit iurata, violatio secreti præter malitiam iniustitiae inducet etiam malitiam sacrilegii in Confectione aperiendam. Cæterum voluntas præsumpta & interpretativa secretum committentis locum habet sicut in aliis materiis iustitiæ, ut a gravi peccato violatorem liberet. Præsumitur autem talis voluntas saltem conditionata, quando si nos tali casu a committente peteremus licentiam secretum revelandi, concederetur, ut docet de Lugo, Azor. Bonac. & alij.

Ex triplici autem capite excusatur a mortali culpa qui secretum sibi commissum infringit. 1. Ex levitate materie, cum sapere res quæ sub secreto committitur, non sit magni momenti, ut gravem inducere valeat obligationem. Num vero rem gravem sub secreto commissam uni vel alteri revelare sub eodem pariter secreto sit culpa mortalis, supposito quod aliunde nec infamia nec damnum aliquod sequatur; Lugo, Azorius, alijque satis probabiliter affirmant revelationem tali modo factam censendam esse parvam materiam, idcirco non sufficientem ad mortale: supposito enim quod non cedat in alienius infamiam vel detrimentum, parum refert eam unum vel alterum virum prudentem scire, cum ipsi quoque sub secreto scientiam talis rei servare teneantur. Hoc tamen notant suprad. si intelligendum, dummodo secretum non reveleetur ei, cui certo vel probabiliter creditur, quod ille qui tæ-

De obligatione Secreti commissi de promissu.

De excusatione a mortali secretum sibi commissum infringenti.

cretum commisit, veluisset particulariter celare: nam tunc gravis iniuria ei videtur inferri qui secretum commisit. Quod si secretum factum iam sit aliunde publicum, tunc sine ulla culpa illud etiam nescientibus poterit revelari. Cum enim non amplius ei aperitur quod secretum est, sed de re facta iam publica fiat locutio, nulla vel parva iniuria illud committenti irrogatur. Idem si qui secretum promissit, notitiam rei sub secreto commendatæ aliunde accipiat, licite hac notitia uti potest, idest vi illius loqui cum aliis de re sub secreto sibi commissa, sine culpa, dummodo tamen aliud damnum non sequatur, ut in secreto confessionis quod strictius obligat.

Excusatur a. a mortali revelatio secreti, si hoc contingat ex inadvertentia; vel ex imperfecta deliberatione, puta si non advertat ad gravitatem materiæ, seu non recordetur eam sibi commissam esse sub secreto: idcirco ille etiam, qui revelavit secretum magni momenti, illud existimans parvi momenti, si ad hoc dignoscendum sufficientem diligentiam adhibuerit, non censetur reus gravis culpæ, quia bona fides & inadvertentia eum excusat; secus vero si negligens fuerit negligentia lata vel gravi in gravitate vel levitate secreti investiganda, quia tunc adest gravitas materiæ, & sufficiens deliberatio ad mortale. Bon. Anor. & alii communiter; quia ad hoc ut in dicto casu revelatio non esset mortalis, debebat certo moraliter credere rem esse parvi momenti. Si autem in dubio esset, ratione periculi cui se exponeret gravem iniuriam proximo irrogandi, mortaliter delinqueret.

3. Instat causa quæ excusare possit a culpa mortali revelationem secreti commissi & promissi, est, quando revelatio necessaria est ad impediendum aliquod grave iniustum damnum spirituale vel temporale tertii vel Communitatis, quod inferendum, aut conseruandum esset ab illo a quo secretum fuit ereditum: nam tunc non spectato Superioris præcepto quisque tenetur secretum sibi commissum & ab eo promissum iis patefacere, quorum interest, absque eo quod nominetur persona, nisi hoc necessarium esset ad tale malum impediendum. Ita communiter sentiunt Doctores. Etenim charitas obligat ad damnum commune & privatum innocentis impediendum etiam cum damno nocentis: bonum enim publicum, vel illius innocentis, pro cuius defensione revelatur secretum, prævalet iuri quod nocens habebat ad illud secretum, & eius damno. Sic

D. Th. 2. 2. q. 70. art. 1. ad 1. Hinc tenemur manifestare eos qui falsa & prava dogmata occulte disseminant, vel aliquid moluntur contra Principem, Patriam, vel vitam, famam, bonaque alicuius privati, his tamen exceptis, qui hoc ex sacramentali confessione deprebenderint; & ad hoc tenemur, tamen nostra promissio de non revelando secreto ipso iuramento firmata fuisset; quia cum ad hoc obligati simus ex charitatis naturali præcepto, iuramentum quod non est vinculum iniquitatis, non potest obligare ad oppositum, idcirco in his casibus esset invalidum & illicitum.

Pariter iuxta multos non tenemur servare secretum iuste cognitum cum certo periculo propriæ vitæ vel gravissimi damni, dummodo acceptum non sit ex confessione, vel sit secretum Principis vel Reipublicæ, vel nisi eius revelatio cederet in grave reipublicæ, sive Communitatis damnum, vel accipiens secretum non promiserit etiam cum quovis suo incommodo illud servaturum: nam sociis hinc casibus & cæteris paribus ius habemus consulendi nobis potius quam alteri privato, qui in hoc non potest esse rationabiliter invitatus, nec potest censeri nos ligare voluisse cum tanto onere ad illud servandum.

Ille, cui alter iniussit secretum tertii aperire, nullatenus illud detegere potest, quia talis notitia ad eum pervenit a prima manifestatione data sub secreto, & manifestatio ulterior data sub secreto, si ulterius transiret, cederet in iniuriam illius qui secretum commisit, & esset extensio ac ampliatio iniuriæ factæ a primo iniquo proditore.

Addunt aliqui alios duos modos quibus aliquid dici potest secretum, nempe quando res aliqua occulte cognoscitur per iniuriam, & quando res aliqua cognoscitur casu seu fortuito sine ulla iniuria. In primo casu seu modo revelare secretum est peccatum mortale contra iustitiam in materia gravi, & est communis. Si quis enim per iniuriam iniussit literas alicuius aperiri, ex quibus cognoscit aliquem pingue aliquid Beneficium certo medio consecuturum, certa negotiatione multum lucraturum, & huiusmodi, & hoc postea revelat amico qui præveniens impedit, & sibi tali medio negotiationem acquirit, peccat revelans tale secretum iniussit cognitum contra iustitiam, & tenetur ad restitutionem iuxta proportionem certitudinis, probabilitatis, vel spei habitæ illud bonum consequendi, quia talis iniusta aperi-

De re-
velatione
secreti
habiti
fortuito

to ac lectio literarum & revelatio secreti
fuit impediitiva ipsius boni, & causa mali.

Revelare secretum in altero casu seu
modo est culpa gravis contra iustitiam in
materia gravi, licet non tam gravis, cum
hoc cognitum sit sine iniuria, ut elset re-
velare secretum cum iniuria ut in superiori
casu. Est communis. Si quis enim cogno-
scens casu fortuito sine iniuria ubi alter
thesaurum habet occultum, illum revelet,
& interim a latronibus surripiatur, pec-
cat mortaliter, & tenetur ad restitutionem
damnorum, utpote qui sit iniusta eorum
causa.

Ex supradictis colliges 1. per revelationem
secreti aliquando fieri posse iniuriam gra-
vem, aliquando levem, aliquando nullam.
Gravis iniuria fit per revelationem secreti,
& mortaliter delinquitur, quando quis in
materia gravi secretum sub expressa vel ta-
cita conditione illud servandi acceptum re-
velat, quia servare fidem sibi commissam est
de iure naturali, ut communiter tradunt
Doctores cum S. Th. 2. 2. q. 70. art. 1. ad
2. Unde Proverb. 11. sic habetur: *Qui am-
bulas fraudulenter revelat artem, qui autem
fidelis est animi, celat amici commissum.* Et
quoad conventionem expressam res iam de
se patet: quoad tacitam vero manifeste ap-
paret in multis, & præcipue in Consiliariis,
belli Officialibus, advocatis, theologis; me-
dicis, chirurgis, obstetricibus, imo pro-
babiliter etiam in amicis, propinquis, qui-
bus, auxilii, consilii, remedii capiendi cau-
sa certa secreta revelantur, quia supradicti
omnes eo ipso quod talia secreta suscipiunt
sine expressa conventionem tacendi, tacito
consentunt ratione officii, aut meritis, aut
rei ex natura sua secretum postulantis ad
silentium se obligare, & multo gravio-
rem iniuriam inferunt, & gravius peccant cum
onere restitutionis qui secreta revelant per
iniustitiam detecta, ut antea iam diximus
de iniuste & fraudulentè aliorum literas
aperientibus, & secreta inde cognita cum
notabili eorum damno revelantibus, & sic
de aliis huiusmodi.

Levis iniuria fit revelando secretum, &
culpa est solum venialis, quando quis in
materia levi modicum inde duntaxat da-
norum inferente, aut ex imperfectione adus
sine expressa gravi obligatione tacendi se-
cretum revelat, quia res levis momenti obligat
solum leviter ad secretum, quando, ut
notanter diximus, acceptum fit sine expres-
sa gravi obligatione tacendi: nam si hæc
præcedat revelando secretum in aliqua spe-

ciali materia etiam levi, gravis iniuria in-
fertur, & gravis culpa committitur non ra-
tione materiæ, quæ de se supponitur levis,
sed ob violatam fidem contra obligationem
expresse impositam & voluntarie assumptam
tacendi & fidem servandi etiam in dicta spe-
ciali materia levi.

Nulla fit iniuria, & nulla incurritur cul-
pa quando revelatur secretum ex iusta, &
rationabili causa, sicuti antea iam dixi-
mus, nempe quando res secretum non me-
reatur, eo quia talis revelatio nulli prodesse
vel nocere possit, quando res tradita sub se-
creto aliunde facta est iam publica, quando
secretum cedit in damnum reipublicæ, vel
alicuius innocentis, vel cessurum esset in
grave nocumentum ipsiusmet secretum com-
mittentis, vel illius cui commissum est, qui
tunc solum non eximeretur a tali onere et-
iam cum suo gravi damno, quando ad illud
servandum ita se obligasset.

Episcopi, Generales Ordinum, Provincia-
les, Visitatores, alique Religiosorum, &
Religiosarum Superiores graviter peccant con-
tra iustitiam si manifestent personas, a qui-
bus aliorum defectuum noticiam ad illos cor-
rigendos susceperint, & est communis; quia
certum est ex conventionem saltem tacita id
sub secreto strictissimo sibi esse commissum,
quia talis revelatio aperte ac manifeste retrahit a de-
clarandis defectibus necessario corrigendis;
quod cedit in maximum & gravissimum de-
trimentum discipline Cleri tum secularis
tum Regularis. Similiter graviter peccant
iuxta gravitatem materiæ & circumstantia-
rum Generales, Provinciales, Definidores,
alique Vocales & Secretarii, qui acta & di-
cta in Capitulis Definitoriis aliisque Con-
gressibus revelant seu significant amicis cum
magno Religionis aut Religiosorum dispen-
dio, sicuti & ii graviter peccant qui perso-
nis particularibus significant quot favorabiles
aut quot adversarios habuerint in ordine ad
dignitates, gradus & officia ad quæ fuerint
propositæ. Est communis; & ratio est, quia
similia sunt apertissima semina discordiarum
& divisionum. Item graviter peccant Regu-
lares omnes utriusque sexus quidquam in
Religionis detrimentum seu in præiudicium
famæ Religionis seu particularis Religiosi
vel Religiosæ manifestantes. Hinc huius-
modi manifestationes in pluribus Ordinibus
Religiosis ponuntur inter casus reservatos.

Quando
levis cul-
pa in re-
velando
secretum
vel au. 12.

§. XI.

De culpa inquiringis secreta alterius, & literas ad alios missas aperientis.

Hactenus egimus de secreto, quod vel fortuito ad alicuius notitiam pervenit, vel ab altero ei fuit commendatum: nunc agimus de eo quod quicumque sibi innotescere curavit per curiosam inquisitionem. Et circa hoc statuitur quod exquirere alterius secretum in re gravi, ex genere suo sit mortale peccatum, sive fiat hoc sine causa scrutando, vel interrogando de occultis ab illis qui norunt ea quæ sub secreto ab aliis servari velent, vel etiam facto insidiando per simulas vel fenestras eis qui in abscondito operantur: nam unusquisque ius habet ad suum secretum, ut ipse solus sciat, vel ille cui voluerit aperire; unde delinquitur contra iustitiam communitativam inquirendo & explorando secretum invito illius domino, & semper graviter delinquitur si materia sit gravis. Licite tamen alterius secretum inquiritur, quando occurrat calus gravis necessitatis, scilicet ad conferendum beneficium, eligendum Prælatum, Parochum, Gubernatorem, matrimonium contrahendum, & similia: tunc enim licitum est eis, quorum interest, inquirere mores etiam secretos, quantum opus sit ad cognoscendam personæ eligendæ dignitatem. Tenentur tamen inquirentes sub secreto ea servare, quorum notitiam percipiunt.

*Quid de
aperiente
& legente
secreta
aliorum
literarum.*

Cum vero unusquisque ius idem teneat ad suum secretum scriptis mandatum, ac verbis prolatum vel factis executum, cum semper gravem patitur iniuriam, si contra eius voluntatem sciatur, quod sibi soli, vel cui voluerit communicare, ius habet servandi; hinc ex communi est mortalis culpa literas clausas & signatas aperire, vel etiam apertas legere, si in loco secreto reperiantur, ut in scrinio, vel mensa cubiculi, & quæcumque alia scripta secreta. Excipiuntur tamen aliqui casus in quibus literas clausas aperire & legere non est mortale; 1. si sit Prælatum qui legere potest literas suorum subditorum, sive hoc ius teneat ex statuto sive non, sive expediens iudicaverit ad suorum subditorum utilitatem; quia utitur iure suo, imo onus suum implet, cavendo ne quid damni subditis suis eveniat. Excipiuntur tamen literæ a Superiore Prælate ad subditum missæ, quas Prælatum inferior aperire & legere nequit, & multo minus quilibet alius. 2. Quando habeatur consensus

saltem implicitus & præsumptus mittentis literas, vel eius ad quem mittuntur, quia dominus secreti cui voluerit potest illud communicare. Quare si ratione amicitie, vel alterius convenientie credo, alterum non ægre laturum, quod ego illius literas aperiam, possum eas aperire & legere sine ulla culpa. 3. Ob parvitatem materie, ut si in literis credam non contineri quod grave secretum exigit, vel quia est de re alias iam publica, & notoria, vel quia parvi momenti, vel alter parvipendat quod talis res pateat, quia solum est mortale exquirere grave secretum eo invito, ad quem spectat. Similiter si ob curiositatem, sine periculo notabilis damni, vel gravis iniuriæ literæ aperiantur nova sciendi gratia vel ridendi ob inelegantem & barbaram compositionem, non erit mortale, quia nulli gravis infertur iniuria. 4. Quando quis credat contineri in literis quod in eius damnum cedat, quia tunc iure suo utitur se indemnem servandi. Ita excusatur qui literas sui capitalis inimici interceptit ad suum damnum præcavendum: sic in bello iusto licite literæ hostium interceptiuntur ad eorum bellica secreta detegenda. Item Gubernatores licite aperire possunt literas civium, quando ex gravi causa iudicaverint expedire reipublicæ, & bono communi. Circa hoc tamen notant Doctores communiter in hisce casibus, in quibus licet aperire & legere secretas literas, eas res solum legi posse, quæ finem respiciunt ob quem licitum sit indagare secretum, reliqua contenta transilendo, & lecta non posse aliis revelari præter necessaria ad præcavendum damnum quod timetur.

Circa literas autem apertas in loco etiam publico, quæ præter intentionem ibi e manu habentis ceciderunt, mortale est eas legere, cum adhuc maneant sub secreto, secus vero si eas prolicere vidisti, vel semilaceratas invenisti. Quod si minutatim laceratæ sint antequam prolicerentur, tunc si adhuc possunt uniri ut legi valeant, mortale est eas legere, quia eas ita minute lacerando censetur dominus vultisse chartam prorsus destrui, & ideo suum servare secretum, & multum ei displiceret si sciret quod collectæ lectæ fuissent, quod si prævidisset, eas non proiecisset.

Explicatio huius præcepti importat etiam utpote ad ipsum spectans ea quoque perpendere, ac elucidare quæ versantur circa iudicia forensia, præcipue criminalia, ac eorum obligationes qui ad ipsa cooperantur, ut sunt iudices, accusatores, & denunciatio-

tes,

tes, rei, testes, advocati, cæterique ministri. Verum cum de his omnibus satis actum sit in tractatu de obligationibus particularibus ac propriis certo hominum statui, hinc illuc lectorem remittimus, ut ea quæ ad talem instructionem pertinent, percipere possit.

CAPUT IX.

De nono Decalogi Præcepto.

S. UNICUS.

De iis quæ spectant ad hoc nonum præceptum.

TAmethi in superioribus præceptis sexto & septimo, vetando in uno ne quis aliena quovis modo surripiat, & in altero ne quavis inhonestate aliena muliere abuteretur, non solum prohibeantur exteriores actus, seu furti, rapinæ in uno, ac quæcumque aliæ actiones, quibus damnum in bonis fortunæ proximus pati possit, seu adulterii in altero, & quicumque alii actus inhonesti cum aliena muliere, verum etiam actus interni, nempe quæcumque mala voluntas huiusmodi facinora perpetrandi: tamen propolita sunt etiam hæc duo posteriora præcepta, ut clarius ac explicitè dignoscatur vitatum esse quamlibet malam affectionem lædendi proximum in bonis sive fortunæ, sive honestatis. Idcirco Exodi 20. dicitur: *Non concupisces uxorem proximi tui.* Et rursum: *Non desiderabis domum proximi tui, non agrum, non servum &c.* Non supervacaneæ igitur propolita sunt hæc duo præcepta, cum per hæc distinctè & explicitè vitata sint quæ sexto & septimo solum implicite prohibebantur. Vetando igitur Deus per hæc duo præcepta desiderium alienæ uxoris & rei, cum per hoc intelligatur peccatum omne quod cogitatione perpetratur, cuiusmodi est consensus internus, delictio morosa, desiderium mali, displicentia boni, hinc significare voluit, graviter malum esse & culpabile non solum id, quod effectivè proximum offendit in quocumque suo bono, quod aliis præceptis iam interdixit, sed id etiam quod solum offendit affectivè per concupiscentiam seu desiderium, quod contra quodcumque eius bonum versetur.

Concupiscentia generaliter sumpta definitur solet, & præcipue in Catechismo Romano, hic n. 20. commotio quædam aut vis animi, qua impulsus homines, quas non habent res incundas appetunt.

Concupiscentia alia est recta, alia inordinata. Concupiscentia recta vel spiritualia appetit, ut cum spiritus contra carnem concupiscit, vel sensibilia, ut cum ea intra rationis leges quæ corpori necessaria sunt peroptat, ut cibum, somnum, dum his indigemus. Concupiscentia vero inordinata ea est quæ in appetitu a modo rationis recedit, & exit extra regulas quas Deus ipsi præscripsit. Cæterum non omnis sensibilis concupiscentia hisce duobus præceptis vetita censetur: non enim vetant optare puta quæ ad naturalis vitæ sustentationem nobis opus sunt, puta cibum in fame, potum in siti, aliæque huiusce generis, & multo minus spiritualia bona, vel saltem indifferencia, sed solum quod malum est. Similiter hisce mandatis non prohibetur ut peccata proprie dicta, motus involuntarii concupiscentiæ, quibus caro concupiscit adversus spiritum, cum doceat Tridentinum concupiscentiam non nocere iis qui eidem non consentiant, cum nequeat dari peccatum nisi procedat a deliberato voluntarii consensu, tanquam a sua causa: unde proscripta sunt propositio 30. Baii, in qua sic habetur: *Prava desideria, quibus ratio non consentit, & quæ homo invidiosus patitur, sunt prohibita a præcepto non concupisces.* In hoc igitur præcepto damnatur concupiscentia mala cui homo libere consentit, & simul reprobat omnis liber carnalis affectus, quod ut clarius elucidetur.

Nota 1. duplicem esse carnalem affectum, efficacem scilicet, & inefficacem. Affectus efficax ille est qui efficaciter tendit ad executionem operis. Affectus vero inefficax, qui alio modo dicitur morosa delectatio, est affectus, quo quis voluntarie sibi complacet in malo sine voluntate tamen mali exequendi. Ille inefficax affectus differt a concupiscentia sumpta pro appetitu, idest desiderio: sub ea tamen intelligi solet ut effectus sub sua causa.

Nota 2. internum consensum, qui est actus deliberatus voluntatis si habeat pro obiecto opus malum quoad simplicem cogitationem, seu speculationem, non esse peccatum, utpote qui tendat in malum non sub ratione mali, sed sub ratione intelligibilis. Si autem obiectum consensus sit opus malum quoad ipsius executionem, seu exercitium, tunc consensus est peccaminosus, utpote qui feratur in malum quatenus nulum, idest sub ratione mali, atque contrahit culpam eiusdem speciei ac est affectus externus, a quo malitiam desumit, sive opus sit in-

Duplices
carnales
affectus.

Internus
consen-
sus quoad
de pecca-
minosus

fit intrinsece seu ex obiecto, sive extrinsece, ex fine nempe malo in quem tendit, vel ex circumstantiis pravis, in quibus executio contingit. Talis autem consensus cum peccatum sit, non solum quando est expresse seu formalis, sed etiam quando est tacitus & virtualis, quod tamen ex implicita voluntate in qua continetur, difficaliter conicitur, videlicet si nunc, dum quis non expresse consensit malæ cogitationi, censetur et tacite consentire: hinc ad eiusmodi difficultatem, quæ non levis est momenti, resolvendam, his notatis sit.

Non solum pravæ cogitationi tacite suum consensum quis præbere censetur, quando ultro eius causam non removet, sed quando etiam causam removeat, si malæ cogitationi positive non obstat. Et quoad primum iam patet, quia eo ipso quod causam quis vult, eius quoque effectum sane vult. Quoad secundum vero nemo non videt quod pravæ cogitationi tacite quis assentiatur etiam causa ipsius reiecta, si post advertentiam ad periculum, idest cognito periculo assentiendi, per positionem actus oppositi non obstat. Verum exemplo melius res innotescet. Respicit quis v. g. sine ulla necessitate puellam, & ex tali aspectu excitatur in eius animo turpis cogitatio: tacite ei consentire videtur, si statim a tali conspectu non se retrahat, supposito etiam quod ab hac cogitatione abhorreat; quia dum vult puellæ aspectum, sponte eius causam fovet; & hoc inde contingeret etiam si contrarium actum disensus eliceret, quia adhuc in causa pravæ cogitationis voluntarie permaneret, dum semper verum est velle effectum, qui causam vult huius effectus. Qui autem ex necessario puellæ aspectu involuntarie venerem cogitationem patitur, licet a tali aspectu statim recedat, si tamen negative se contineat, idest oppositum actum disensus non eliciat, hic quoque tacite ac interpretative assentiri videtur, utpote qui tametsi sponte a tali causa se removeat, eidem tamen cogitationi positive non adversatur. Et hoc verum est etiam si ex multiplici experientia pro certo sibi persuadeat non fore consensurum, quia semper ob naturalem infirmitatem, quam quisque in hisce patitur, expositus remanet peccandi periculo, ac proinde non indemnus a culpa, iuxta illud qui amat periculum, peribit in isto. Sic docent cum D. Th. 2. 2. q. 74. art. 6. D. Antoninus, Sayrus, Lessius & alii.

Prohibetur pariter hoc præcepto morosa delectatio, quæ est consensus in complacen-

tiam rei cogitatæ sine animo eam exequendi. Quare non solum lethaliter peccat qui alterius uxorem vel ipsam, vel voto sive solemniter sive simplici Deo dicatam ad eis carnaliter abusendum concupiscit, tametsi etiam mediante matrimonio hoc exoptaret, cum semper huiusmodi obicæm delirium veretur circa mulierem non suam; & quæ hic & nunc sua fieri non potest: sed etiam ille qui assentitur veneræ morosæ delectationi circa quamvis harum mulierum, quæ suæ non sunt, nec in præsuppositis circumstantiis suæ hic & nunc ullatenus esse possunt. Huiusmodi delectatio, ut suo loco antea iam vidimus, a theologis morosa dicitur, non iam a mora, idest ratione temporis, quo quis in eiusmodi prava seu illicita cogitatione immoratur (cum brevissimo temporis momento, dummodo adsit perfecta advertentia & consensus voluntatis per morosam delectationem peccari queat) sed morosa dicitur ratione negligentiae, ignaviae, ac moræ ipsius voluntatis, quæ ad malitiam advertens suæ cogitationis, nihilominus morose in ea persistit, ac in ipsa se complacet, dum statim eam recitare tenetur.

Delectationes porro veneræ illæ sunt quæ ex rebus obicænis cogitatione vel imaginatione apprehensis cum pleno ac deliberato consensu voluntatis acceptantur, seu non reiiciuntur, tametsi nulla subest voluntas rem illa turpem v. g. actum fornicationis, seu mollicitis, vel talis impudici opere complendi. In hoc igitur differunt delirium & morosa delectatio circa venerem, quod mera delectatio morosa licet feratur in obiectum aliquo modo præsens, per se tamen sistit in pura complacentia cogitationis sive imaginationis venerorum sine ulla veneri operis consummandi intentione. Delirium vero illicitum quamvis feratur in obiectum seu in rem desideratam ut absentem, anhelat tamen turpis operis consummationem, ut puta dum quis virginem delectare cupit, sive deinde media ad id perficiendum opportuna inquirat, sive non, dummodo deliberate id facere desideret, si facultas adesset. Sic communiter Doctores. Notandum hic tamen pro faciliiori intelligentia, delectationem, ut iam alias diximus, aliam esse spirituales, aliam mere sensibilem, aliam venerem. Delectatio spiritualis est ea quæ residet in sola voluntate sine ullo sensibili motu in corpore, idest independentem ab omni sensibili corporali motu; & hæc delectatio si sit de actu mortali, mortalis est, & ab illo actu tanquam obiecto speciem suam sumit.

Differen-
tia de li-
deliis, &
delecta-
tionis
morosa.

snite. Delectatio mere sensibilis est ea quæ oritur ex proportionate ac conformitate rei sensibilis cum organo sensus sine ulla spirituum genitalium circa partes venereas commotione, & est delectatio quæ percipitur ex tactu rei blandæ, ex gustu, ex musica, &c. Delectatio venerea est ea quæ sentitur in partibus venereis ex commotione spirituum genitalium, seu generationis inservientium. Omnis delectatio venerea deliberata etiam minima extra coniugium quesita & acceptata, est mortale peccatum, nec lex levitate materie potest esse veniale. Ita communiter Doctores: nam omnis delectatio venerea ex natura sua ordinatur ad seminis effusionem, ac est quædam illius dispositio, imo etiam inchoatio, cum in omni venerea delectatione fiat quædam seminis resolutio, ac eius deductio ad partes venereas, iuxta testimonium Aristotelis, Galeni, ac Hippocratis medicorum; & hæc voluntaria seminis effusio extra coniugalem actum est mortalis, sicut etiam omnis ad illam dispositio, cuiusmodi est morosa delectatio. Dispositio enim sumit malitiam suam a forma ad quam disponit: præterquamquod constat apud omnes moraliter loquendo & præctice etiam, minimam delectationem veneream deliberatè quesitam & acceptam extra coniugium, propter nimiam proclivitatem naturæ corruptæ ad carnalia habere annexum periculum proximum peccati mortalis, cum difficillimum sit in re tam lubrica, quod animus illeclus a delectatione leviori se contineat a graviori non appenda & admittenda; idcirco difficillimum est iudicare ac determinare in his levem materiam, ideoque non solum præctice, sed etiam speculative pro certo tenendum est, delectationem veneream etiam minimam esse mortalem, cum indubitatum sit etiam speculative quamlibet actionem, quæ ex natura sua secum affert morale periculum culpæ mortalis, malam esse mortaliter iuxta illud Ecclesiastici *qui amat periculum in illo peribit*, & qui vult morale periculum peccati, saltem interpretative vult ipsum peccatum. Sic P. Antoine.

Qui post sufficientem advertentiam negative se habet ad delectationem veneream, idest eam non approbando nec improbando, peccat mortaliter ut ex S. Antonino, Azorio, Lessio & aliis communiter cum D. Th. 1. 2. q. 74. art. 6. quia voluntas (saltem per actum duplicitatis tenetur reprimere positive illicitos motus delectationis & sensualitatis, & hoc patet etiam ex Concilio Tri-

dentino, quod docet, quod ad hoc ne concupiscentia noceat, non satis est mera negatio, sed repugnantia ac positiva displicentia requiritur. Et equidem huiuscemodi motus, qui sunt ex obiecto graviter inordinati, & ex natura sua dispositiones proximæ ad opus mortale, scilicet seminis effusionem, & per se vehementer alliciunt ac veluti trahunt voluntatem ad consensum per sympathiam per intrinsecam communicationem appetitus sensitivi cum rationali, afferunt intrinsecum periculum consensui rei, idest impudicitie mortaliter malæ: unde voluntas cuius est regere passiones secundum rectam rationem ac divinam legem, tam longe abest ut possit se indifferenter habere circa motus venereæ delectationis, ut imo teneatur sub mortali eos expresse & positive per formalem displicentiam reprobare. Sed cum non ita facile reddatur discernere, an displicentia sit satis sincera, vel an sit voluntatis fraus, mihi videtur quod non sufficiat sola displicentia motus venereæ delectationis, sed potius esse expellendus hocce motus, præsertim actionem deferendo si qua sit ex qua motus isti oriantur, nisi obestet iusta causa, quia homo tenetur expellere motus per se graviter inordinatos, saltem quando abest iusta causa; unde tenetur sub mortali actiones etiam leviter turpes dimittere, ut sunt visio, lectio, locutio rerum leviter obscenarum ex sola curiositate, statim ac in ipso excitent sive pollutionem, sive delectationem veneream vehementem. Quod si probabiliter timeatur, ne ex maiori resistentia magis augeantur, aut illis expulsi fortiores exurgant, vel ad illos motus expellendos dimittenda sit actio honesta, necessaria, vel utilis, puta auditio confessionum, studium calum conscientie, non sic expellendi sunt, ut supra dicebam, sed tunc satis est sola displicentia; alias homines anxi semper esse deberent, & multa bona opera dimittere; sed de his iam satis suo loco, ubi de peccato capitali luxuriæ, dictum est.

CAPUT X.

De decimo & ultimo Decalogi Præcepto.

§. I.

De iis qui peccant contra hoc præceptum.

DEUS huiusce præcepti verbi: *Non concupisces domum proximi tui, non servum, non ancillam, vetat, ne aliena bona appetamus ut iniuste possidenda, idest cum damno*

danno proximi. Cum enim Deus non vetet ne aliena cum nobis necessaria sunt appetamus, ut possidenda iusto titulo emptionis, donationis, restat, ne ea cupiamus ut possidenda iniuste. Quare toties reprobatur in Scripturis boni alieni cupiditas, ut 1. Petri cap. 4. Thesalon. 1. cap. 4. Philippensium cap. 2. Unde rei sunt contra hunc decimum præceptum 1. qui ita parati sunt, ut in venditionibus, emptionibus, permutationibus ætate vel simplicitate abuti vellint. 2. Qui debita sua ad rigorem iuris exigunt, vel exigere differunt, donec ita creverint, ut solvi nequeant nisi cum venditione vel agri aut vineæ, cui creditor inhiabat. 3. Qui inhonestis sationibus delectantur, vel qui ludis etiam licitis immoderate abutuntur lucrari gratia. 4. Qui rerum penuriam, annonæ caritatem exoptant, aut qui ægre ferunt ut alii sint præter ipsos qui vendant, vel emant quo carius vendere aut vilius emere ipsi possint. 5. Qui alios egere cupiunt, ut aut vendendo aut emendo ipsi lucrentur. 6. Qui bellum cupiunt ut ipsis furari liceat. 7. Qui morbos optant ut medendo lucrentur. 8. Qui caussarum, litiumque vim, copiamque desiderant. 9. In hoc genere pariter si graviter peccant qui alienæ laudis gloriæque avidi sunt non sine aliqua famæ alterius detractioe. 10. Qui servos, ancillas, mercenarios, qui mercede conducti, vel amore observantiæ impulsu aliis operam præstant, verbis, promissionibus, præmiis corrumpunt, ut eos deserant quibus se addixerunt. Hæcenus Catechismus Romanus, n. 37. in quo n. 25. habetur, quod si ante id tempus, quo se in illorum famulatu fore promiserant, ab illis recesserint, huius præcepti auctoritate monendi sunt, ut ad eos ipsos omnino revertantur.

Notandum hic 1. quod exoptans tantum aliis auferre quantum de facto surreptum sufficeret ad mortale, reus esset mortalis culpæ, quod idem intelligendum est de eo etiam, qui in dono, agro, aliæ proximi re auferre velle. 2. Præter huius intentionis aperiendum est in confessione obiectum & motivum. Obiectum, quia si cuperet bona Ecclesiæ, reus esset sacrilegii; motivum vero; nam qui ex odio vel invidia noxia alterius peroptat, peccatum peccato superaddit.

§. II.

De desiderio mali, & displicentia boni proximi.

Speñant pariter ad hoc præceptum omne desiderium alterius mali, ac displicentia de alterius bono. Desiderium quod est affectus in rem cogitatum, duplex est, aliud efficax, quando est cum intentione exequendi, & explicatur per verbum *velo*; aliud inefficax, & exprimitur per verbum *vellem*. Desiderium de re mala, si sit absolutum, idest si voluntas in eam seratur simpliciter, siue efficax sit siue inefficax, semper est peccatum eiusdem speciei ac res quam desideratur, a qua tanquam ab obiecto simpliciter. Si vero desiderium de re in le mala sit conditionatum, & voluntas seratur sub conditione in rem, quæ intrinsece mala sit, est semper peccatum, cum res illa per appositam conditionem si non esset vetita, non possit delinere esse mala, utpote quæ in sua malitia non pendeat a conditione, ac proinde voluntas in ipsam tendere nequit nisi tanquam in rem malam. Si autem desiderium versetur circa rem extrinsece malam, potest esse peccatum, & non esse peccatum. Non est peccatum, quando versetur circa rem sub conditione de non prohibitione eiusdem rei, idest sub conditione quæ constituat desiderium in circumstantia non vetita. Res melius elucidabitur exemplo. Si quis v. g. eliceret hunc actum, vellem comedere carnes diebus vetitis, nisi timerem incurere inferni damnationem; vellem fornicari si non esset vetitum; in utroque casu peccaret, quia cum prioris desiderii conditio respiciens solummodo poenæ evitacionem, stet cum affectu ad culpam, non tollit eius malitiam; ideoque licet desiderium sit de re extrinsece mala in tali circumstantia non obstante conditione est peccatum. Peccaret in altero casu, quia cum fornicatio sit prohibita quia intrinsece mala, conditio de non prohibitione non potest tollere eius malitiam, nec proinde tale desiderium indemne reddere a culpa. Ex opposito vero si quis eliceret hunc actum, vellem furari si essem in extrema necessitate, seu vellem comedere carnes die Veneris (sumpta confessione materialiter) nisi timerem Deum offendere, in neutro casu desiderium esset culpabile, quia licet furtum sit vetitum, quia malum, in circumstantia tamen extremæ necessitatis, in qua omnia sunt communia, alienæ rei ablatio non est factum,

tum, nec ideo peccatum; in altero item casu cum conditio utpote respiciens evitacionem culpæ, non stet cum affectu ad peccatum, tollit eius malitiam, & sic ab eiusmodi desiderio culpam. Sic Bonac. Sanchez.

De di.
splicen-
tia alte-
rius bo-
ni.

Similiter ac desiderium mali, displicentia alterius boni, quæ est *aversio voluntatis cum tristitia cordis*, subiacet huic præcepto postremo Decalogi *Rem alienam non concupisces*. Displicentia vero de bono alieno provenire potest vel ex invidia, quia scilicet tale bonum apprehenditur ut diminutivum propriæ excellentiæ, vel ex odio, quia possidetur ab inimico, vel a noxio; vel ex zelo quia possidetur ab iniquo; vel ex æmulatione, non quia possidetur ab alio, sed quia non possidetur etiam ab ipso. Si displicentia sit indeliberata, & præter intentionem, ex quocumque motivo proveniat, non est peccatum saltem grave, cum tunc sit animi passio procedens ex infirmitate naturæ. Si autem est deliberata & ex intentione, tunc utpote voluntaria est peccatum grave vel leve iuxta gravitatem vel levitatem materiæ. Verum quando etiam sit

deliberata, adhuc sicuti suam speciem sumit a motivo, non semper est culpabilis. Quare ad dignoscendum an displicentia alterius boni peccatum sit vel non, recurrendum est ad motivum, ex quo oritur talis displicentia, idest num ex invidia, vel odio, & tunc plane erit peccatum, aut ex indignatione vel timore, & tunc solum peccatum quando non sit ex iusto motivo. Si vero procedat ex zelo aut æmulatione, tunc solummodo erit peccaminosa quando debita moderatio non servetur. Opponitur in primo casu charitati, in secundo ordinationi Dei disponentis in altero illum bonum. Si vero motivum in hoc casu sit iustum, displicentia ex indignatione conformatur iustitiæ distributiæ, & displicentia ex timore consonat charitati propriæ. In tertio vero si in zelo & æmulatione desit moderatio, displicentia deviat a recta ratione, & si concurrat moderatio, displicentia ex zelo conformatur charitati alienæ, & si nascatur ex æmulatione, charitati propriæ conformatur. Vide quæ iam diximus de filiabus iræ & invidiæ suo loco.

TRACTATUS DE PRÆCEPTIS ECCLESIAE.

TAmetsi Decalogi præcepta utpote quæ tanquam a suo fonte ab infinita Dei sapientia iuxta æternam iustissimamque eius legem emanarint, ira satis superque sint apta ad moralem Christianam disciplinam moderandam, instituendamque, ut si humanæ actiones secundum illorum principium dirigantur, nihil amplius optari queat ad integram, completamque earundem honestatem, ac pietatem; Ecclesia tamen suprema quæ ex Christi institutione pollet auctoritate, ut populum fidelem suis quoque legibus & mandatis regeret, ac facilius perduceret in divinorum mandatorum observantiam, ac in æternæ salutis viam, ipsa quoque aliqua edidit præcepta, quibus divinus cultus eo magis augeretur, fidelium sanctitas perfectior, necnon æterna eorumdem salus securior redderetur. Unde non secus ac Decalogi mandata, hæc quoque ad fideles omnes universim pertinent: & præcipiunt primo dierum festorum observantiam; secundo ut in his diebus præcipue Sacrificium

Missæ audiatur; tertio ieiunii observantiam; quarto annuam Sacramentalem communionem, ac eucharisticam communionem tempore Paschæ; quinto decimarum Ecclesiæ Pastoribus solutionem; quæ omnia infra sigillatim discutientur.

CAPUT I.

De Festorum Observantia.

§. I.

De dierum festorum institutione ac divisione.

Inter præcipua, quæ Hebræorum synagoga, in qua futura Christi Ecclesia figurabatur, præcepit Deus, ut haberetur in præceptis Decalogi primæ Tabulæ, fuit dierum festorum cultus & observantia, nempe ut populus certos dies quodam religioso ritu veneraretur per abstinentiam ab omni servili opere, ut inde se totum divino cultui

tui hisce diebus manciparet. Ita enim iussit celebrari diem postremum hebdomadae, qui Sabatum vocabatur, idest requies Domini, in memoriam beneficii creationis, ut Deutor. 5. ver. 12. *Observa diem sabati, ut sanctifices eum, sicut præcepit tibi Dominus Deus tuus: Sex diebus operaberis, & facies omnia opera tua: septimus dies sabati est, idest requies Domini Dei tui. Non facies in eo quidquam operis tui, filius tuus, &c.* Sic Exodi 20. v. 8. *Memento ut diem sabati sanctifices.... Sex enim diebus fecit Dominus cælum & terram, mare, & omnia quæ in eis sunt, & requievit in die septimo: idcirco benedixit Dominus diei Sabati, & sanctificavit eum.* In memoriam igitur creationis Universi voluit Deus diem septimum idest sabati religiose observari, quia completo iam die sexto creaturarum omnium numero, quas efformare statuerat, die septimo ab huiusmodi operatione requievit, ut est. cap. 20. Exodi: *Et requievit die septimo.* Verum cum Hebræorum populum deduxerit Deus in signis, & potentis ab Ægyptiorum servitute ad possessionem regnorum Chanaan, sicut eorum parenti Abrahamo multo ante promiserat, voluit ut in memoriam tanti beneficii quoddam alios festivos dies infra annum celebrarent, ut inter alios Pascha, in quo agnus immolabatur, & interdicto fermento solis azimis panibus vesci licebat, quæ solemnitas celebrabatur septem diebus primo Hebræorum mense Nissan, nostro Martio in plenilunio correspondente in gratiarum actionem liberationis ab Ægypti captivitate, Levit. 23. v. 6. Pariter celebrare ex divino præcepto debebant festivitatem Pentecosten Hebraice nuncupatam etiam sabanoth, (idest festivas post septem hebdomadas solemnizata, quinquaginta diebus post Pascha) mense Sivan nostro Maio correspondente in memoriam Legis a Deo traditæ Moysi in duabus lapideis tabulis. Item celebrare debebant diem festum Scenopeiæ, idest festivitatem Tabernaculorum vulgo *Frescate* & Hebraice Sukot septem diebus, mense Thirsi correspondente nostro Septembri ad commemorandum beneficium divinæ protectionis, & deductionis per desertum, ubi sub tentoriis seu tabernaculis ipsi Hebræi habitaverunt passi manna eis de cælo præstita, Levit. 23. v. 34. In hisce tribus assignatis solemnitatibus tenebantur Hebræi quotannis Hierosolymitanum Templum invisere, ut eis præceperat Deus, Deuteron. 16. Item festivitas Nehemeniæ, idest Novilunium, quæ festivitas dicta est

Tubarum celebrabatur prima die mensis septimi, idest Septembris in memoriam liberationis Isaac, quando Abraham invenit arietem inter vepres hærentem cornibus, quibus buccinabant, & hæc festivitas eis indicta erat Levit. 23. Item solemnitas expiationis nuncupata a Iudæis Iomphiphurim, celebrabatur decima die mensis septimi, idest Septembris, in memoriam illius beneficii, quo Deus ad preces Moysis propitiatus est peccato idololatriæ populi de adoratione vituli in deserto, & tenebantur tali die ad strictum ieiunium in signum veridicæ poenitentiae, ut eis iussum erat Levitici 23. Item festivitatem celebrare debebant Collectæ seu cœtus die 22. mensis septimi, idest Septembris, in octava solemnitatis Tabernaculorum, ut sicut illa erat in memoriam divinæ protectionis, & deductionis per desertum, sic hæc ultima in eius octava commemoraret singulare divinum beneficium, quo omnes in unum collecti, & simul introducti fuerant in terram promissionis. Et hæc festivitas legitur eis indicta eodem Levit. cap. 23.

Præter dies, quos ex divino præcepto colere tenebatur Synagoga, alios ipsa quoque instituit per annos omnes quibuscum statutis temporibus celebrandas in gratiam prout commemorationem beneficiorum, quæ Deus eidem populo contulerat, ut festum sortitium, sicut ob liberationem populi ab Assyriorum excidio, festum ludith in memoriam debellati Holophernis cum suo exercitu, festum encænniorum, idest novæ purificationis seu dedicationis Templi factæ sub Iuda Machabæo, ut 1. Machab. cap. 4. quod etiam a Christo Domino fuit celebratum.

Cum autem in adventu Christi Domini, expiraverit lex vetus seu Moysæ ac Synagoga, utpote eius figura ac symbolum novæ legis gratiæ, seu Evangelii per ipsum Christum Dominum excitandæ; & cum ab eodem Christo Domino fundata sit Ecclesia nova eius Sponsa, quæ in hac nova lege usque ad finem mundi est permansura, S. Spiritus, a quo regitur, astitit, ipsa quoque non solum ut præcipitur in Decalogo, quem ut totius sanctitatis regulam ac firmamentum custodit ac servat, voluit quod sui Fideles in qualibet hebdomada diem festum celebrarent, loco sabati diem Dominicum substituendo, sed ut alia quoque novæ Religionis solenni cultu celebrarentur mysteria, suprema auctoritate, qua a Christo Domino eius sponsa donata est, alias quoque solemnitates celebrandas instituit, live incul-

cultum divinorum mysteriorum, siue Sanctorum, quorum laudabilem memoriam Christiana Religio veneratur, ut infra recensetur: Nec mirum videri potest Ecclesiam dies festos instituisse, ac quandoquidem novas etiam, quando ita pietas exigit instituere. Nam si hac facultate pollebat Synagoga, quæ diu etiam post legis Moysæ promulgationem præter festiuitates in lege præscriptas, alias quoque, ut iam vidimus, instituere potuit, potiori sane ratione hoc ab Ecclesia fieri posse sine ulla hæsitacione concedendum est.

§. II.

De præcipuis festiuitatibus quæ in Ecclesia catholica celebrantur.

Notandum festiuitates, quas catholica celebrat Ecclesia, alias in honorem Dei & Christi institutas fuisse, alias in honorem Deiparæ Virginis, alias tandem in honorem Sanctorum, qui Deiparæ inferioris sunt ordinis. Quamvis festiuitates omnes quas etiam in honorem Sanctorum universalis celebrat Ecclesia, sicuti cæteræ quibus ipsos Sanctos colit, institutæ sint in Dei honorem, ad quem propter eius supremum dominium ac dignitatem, & ut ad ultimum ac principalem rerum omnium finem referenda sunt; tamen in Ecclesia catholica quædam festiuitates ita specialiter Deo dicatæ sunt, ut præcipua ratione Dei festa appellari queant. Et quia nimis longum esset omnes exquirere, de iis quæ solemniores sunt pertrahabimus. Hæ autem sunt dies Dominica loco Sabati, Natale Domini quod præcedit Adventus, Pascha quod præcedit Quadragesima, Pentecostes, Festa SS. Trinitatis, & Corporis Christi, & de his circa eorum institutionem ac dignitatem breuiter aliquid dicemus.

Cum Deus in lege Moyſis præcepisset populo ut eius cultui diem Sabati dicaret, ne fideles Ecclesiæ viderentur conuenire legi Moysæ, quæ per legem gratiæ, & Evangelii erat iam abrogata, ab ipsius Ecclesiæ exordio, idest ab ipso tempore Apostolorum, loco Sabati qui postremus erat hebdomadæ dies, substitutus est Christiano cultui primus dies hebdomadæ, qui idcirco vocabatur una Sabati, ut Act. 20. *Una Sabati cum conuenissemus*, & 1. Corinth. 16. *Per unam Sabati unusquisque apud se seponat* &c. & Marci 16. dicitur Christus resurrexisse una laborum, idest primo hebdomadæ die. Hic autem primus dies hebdomadæ, quem

loco postremi celebrari ab Ecclesiæ populo instituerunt Apostoli ob multa & miranda mysteria quæ hac die operatus est Christus Dominus, ab ipso Domino dies Dominicus appellatus est. Hæc enim ipsa die cæpit Deus mundi creationem, hac die pluit manna in deserto, quæ erat figura sacre Eucharistiæ; led præcipue appellari voluere Apostoli *Dominicam* hunc diem, quia hoc eodem die Christus Dominus resurrexit, misit Spiritum Sanctum super Apostolos, quo mysterio Ecclesiam suam efformare cæpit, cum ab hac die cessauit Synagoga, idest lex Moysis, & vigere ac obligare cæperit lex gratiæ, & Evangelii, quam hac ipsa die exeuntes Apostoli e cœnaculo pleni Spiritu Sancto evulgare cæperunt. Unde patet quod dies quæ ita erat sacra ob tam insignia beneficia, quæ hac die contulit Dominus, peculiari cultu Dei honorem celebranda esset a fidei populo, & Dominica, quod idem est ac dies Domini, foret nuncupanda.

In ipsis Ecclesiæ primordiis secundum quadruplicem ritum die Dominico se exercebant fideles illorum temporum. Nam 1. vacabant ab omni opere lervili; 2. conueniebant in Ecclesiam ad lectionem, concionem, sacrificium, & sacram Synaxim; 3. non ieiunabant; 4. orabant stantes, non flexis genibus, ut habemus ex Tertulliano lib. *de corona militis*. Posterior ritus desitit sex circiter ab hinc sæculis, prioribus in usu remanentibus. Ita illi priores fideles intenci erant his Dominicæ diei exercitiis, & assidui, ut ne quidem mortis minæ ab ethnicis Imperatoribus ipsis indistincte ab istis deterre valuerint. Notandum hic breuiter est, quod in pluribus Orientalis Ecclesiæ locis pari fere cultu quo dies dominicus, sabatum quoque celebratur, veluti sollemnis quædam diei dominicæ vigilia. Sanctificatio igitur unius diei in hebdomada quoad substantiam est iuris divini, sed quoad modum, seu determinationem temporis est iuris positivi apostolici. Priusquam vero de aliis Dominicis festiuitatibus loquamur, advertendum est annum ecclesiasticum dividi in quatuor partes, prima quarum continet Adventum cum subsequenibus solemnitatibus Christi Domini; secunda Quadragesimam; tertia tempus Paschale quod incipit ab ipso Paschatis festo usque ad totam Pentecostes octavam; quarta tandem tempus quod sequitur ab octava Pentecostes usque ad Adventum.

In quatuor partibus anni dicitur Ecclesia.

§. III.

*De Adventu, & Nativitate Domini,
Circumfione, Epiphania, aliisque
similibus festivitatibus.*

Adventus institutio non noviter inventa est in Ecclesia, cum plura Concilia sæculi septimi de hoc mentionem faciant. Unde ex his colligi potest Adventum habitum fuisse ut Quadragesimam præcedentem Christi Nativitatem. Et revera non multum olim distabat a Quadragesima Paschali: nam tunc temporis saltem in locis non paucis incipiebat post diem S. Martini, sicut nunc etiam hic mos perdurat Mediolani, unde ait Amalarius lib. 4. de officiis cap. 37. *Nos observamus tres Quadragesimas, ante Pascha Domini, ante Festum Nativitatis S. Ioannis, & ante Nativitatem Domini.* De Quadragesima Natalis Domini cum Amalario concordat Nicolaus I. in sua Instructione ad Bulgaros, & in Officiis Ecclesiæ iidem ritus pariter servantur in Adventu ac Quadragesima. Nam Clerici flexis genibus fundunt preces in Adventu, sicuti in Feriis ieiunii, vestibus utuntur lugubribus, idest violaceis, non recitantur hymni lætitiæ, idest *Gloria in Excelsis Deo* in Missa, & *Te Deum* in Officio. Servatur quidem Alleluia, eo quia si luceat Ecclesia pro peccatis, lætatur simul de futuro reparatore. Non invaluit unquam tamen universim consuetudo ieiunandi in Adventu.

De Festi-
vitate
Natalis
Domini.

Natalis Domini festum, licet inter Criticos verteretur quæstio circa tempus eius institutionis, certum tamen est quod in Ecclesia Occidentali ab exordio Ecclesiæ initium traxerit, serius vero in Ecclesia Orientali celebrari cœpit, ut patet ex S. Chrysostomo Serm. 57. *Hic dies Natalis Domini ab exordio iis qui in Occidente habitant, cognitus fuit, nunc ad nos Orientales non ante multos annos transmissus est, &c.* Non sine tamen aliquo honore transigebatur ante apud Græcos hoc mysterium: sed huius memoria celebrabatur simul cum mysteriis Epiphaniæ & Baptismi Christi. Solemnitas Natalis Christi hoc habet speciale, quod non incipit sicut aliæ Solemnitates solum a primis Vesperis, sed a Laudibus Vigilæ, quæ dupliciter perfolvuntur; quod Christiana plebs maximam partem noctis transigit divinis incubendo Officiis; & Ministri sacri altaris ter celebrant Missarum solemnia ad indicandam triplicem Christi nativitatem, nempe ex sinu Patris ab æterno, ex utero Matris in plenitudine temporum, & per gratiam &

pacem in hominibus bonæ voluntatis. Hic mos celebrandi plures Missas antiquitus non fuit tantum in solemnitate Natalis Domini, sed in aliqua alia, nam notat S. Augustinus in Feria 5. in Cœna Domini duas Missas fuisse celebratas, semel mane a ieiuniis, & semel sero a refectis. Verum iuxta codices Rbemenses S. Rhemigii, Noviomensis S. Mariz, Gellonenfem, & Gellafiani Monasterii tres in hac Feria celebrabantur Missæ, prima pro reconciliatione poenitentium, secunda dicta *Christmatis* pro *Christmatis* consecratione, tertia ad Vesperum de ipsa diei solemnitate. Item die Circumcisionis Domini, idest Kalendis Ianuarii tres celebrabantur Missæ, ut habetur in vetustissimo Gellonenfem Sacramentorum libro, nempe prima & secunda de Circumfione, sed verius secunda erat de B. Virgine, ut indicat Oratio, & habetur in Calendario Frontonii ante annum 900. tertia vero ad præferendum ab idolis, idest ad reprimendas Paganorum hac die substitutiones, ut fuit S. Aug. Serm. 129. Item in Paschatis festo iuxta Calendarium citatum Ioannis Frontonii duæ saltem celebrabantur Missæ: prima Sabathina de nocte, secunda de die, imo ut habetur ex veteri Missali Gallicano in lucem edito a Card. Thomasio etiam per totam Octavam Paschatis celebrabantur duæ Missæ, una Matutinalis pro Neophytis, altera de die. Similiter ex P. Martene, iuxta librum Sacramentorum Ecclesiæ Turonensis ante annos 800. exaratum, in vigilia Ascensionis Domini tres describuntur Missæ præter eam quæ est de Litanis maioribus, idest in Rogationibus. Et in ordine Gellafiano assignantur duæ Missæ in Ascensione Domini. Et sic legitur factum fuisse in quibusdam etiam solemnitatibus Sanctorum. Unde constat olim præter diem Natalis Domini in aliis etiam festivitatibus privatas & solemnes celebrari consuevisse plures Missas, ut habetur ab eruditissimis tractationibus P. Edmundi Martene lib. 1. de antiquis Ecclesiæ ritibus, & a Card. Bona lib. 1. cap. 28. n. 5. & seqq. qui ibi dies, in quibus plures Missæ celebrabantur, vocat *Politurgicos*, & *Aliturgicos* in quibus nulla celebrabatur, *Liturgicos* vero in quibus unica tantum celebratur ab omni Sacerdote.

Notandum restat circa Missas, quæ Natali festo celebrantur, quod licet optandum, ut fideles qui possunt, tres audiant, præcepto tamen satisfaciunt etiam unam tantum audiendo, sicuti etiam Sacerdotes non tenentur omnes tres Missas celebrare; sed si unam

unam tantum recitent, illam de de recitabant, quia hæc magis consonat mysterio.

De Fello Circumcisionis Domini. Festum Circumcisionis Domini, quod est etiam Octava dies ipsius Natalis, quando celebrari cœperit in Ecclesia incertum est: nam Concilium Toletanum habitum anno 633. præscribit quidem ieiunium hac die servandum, sed nihil loquitur de officio Circumcisionis. Et ita D. Isidorus lib. 2. de divinis Officiis cap. 40. dicit ieiunium institutum fuisse ab Ecclesia Kalendis Ianuarii propter errores Ethnorum, nihil vero mœninit de Fello, & Officio Circumcisionis. In Gallia e contra festum hoc Circumcisionis nomine appellatur, & Concilium Turonense habuit anno 567. iubet hac die ieiunari, sicut ieiunatur in aliis Ecclesiis, & Missam Circumcisionis præscribit, & in præfationibus Sacramentæ Gellianæ & Gregorianæ mentio fit Octavæ Nativitatis, & finalis Circumcisionis, & Puerperii Virginis. Quare in Ordinario Nannerensi, quem refert citatus P. Martene in tractatu de antiqua Ecclesiæ disciplina cap. 13. n. 15. ita habetur: Quidam dicunt quod in die Circumcisionis tria festa concurrunt B. M. Virginis, Circumcisionis, & Octavæ Domini, & ideo ex duabus Missis, quæ hodie celebrabantur, idest de B. Virgine, & Circumcisione, una tantum facta est quæ dicitur Circumcisionis, in qua Oratio est de B. Virgine. Quod de tali festo certum est, ut habetur apud Historicos, & Ecclesiasticos, in septimo sæculo receptum erat & celebrabatur. Tomassinus lib. 2. de Festis cap. 6.

De Fello Epiphaniæ. Festum Epiphaniæ seu Theophaniæ sequitur, quod idem sonat ac apparitio Domini, seu manifestatio, sive quia hodie celebratur etiam Christi baptisus, & manifestatio facta est divinæ suæ gloriæ verbis illis Patris: *Hic est Filius meus dilectus*; sive quia in hac die adoratus fuit a Magis, & Gentibus manifestatus est. Tria in hoc festo coluntur mysteria, videlicet Baptismus Christi, ipsius miraculum in nuptiis Canæ Galilææ aquam in vinum convertendo, & adoratio quam ipsa die a Magis accepit. Celebratio huius festi non immerito creditur initium habuisse ab ipsis Apostolis, cum de hoc meminere Clemens Romanus lib. 5. Constit. Apostol. c. 12. & lib. 8. cap. 103. Et revera etiam Ecclesia Orientalis primitus hanc celebrabat, & una hac ipsa colebat Christi nativitatem, & Circumcisionem, ut ait Aporius lib. 2. tom. 1.

Secunda pars anni ecclesiastici est Palchæ Infit. Theol. Moral. Tom. III.

lis solemnitas, & huius præambula in tres partes dividi possit videntur, prima quarum præcedit Quadragesimam, secunda est ipsa Quadragesima, tertia maiorem complectitur hebdomadam, vel potius dicerem totum tempus quod appellatur Passionis. Prima pars temporis prævi Palchæ, & quod Quadragesimam præcedit constat tribus Dominicis Quadragesimam præcedentibus, quæ sunt Septuagesima, Sexagesima, Quinquagesima. Quare has Dominicas instituerit Ecclesia, incertum est apud Eruditos: Carolus Magnus & Alcuinus voluit a Septuagesima inchoasse ieiunium eos qui Fera 5. & Sabato non ieiunabant, ut ita cum aliis diebus completos haberent quadraginta dies ieiunii: alios vero qui per singulas hebdomadas unum tantum ieiunii diem omitebant, a Dominica sequente ieiunii initium duxisse, quæ idcirco Dominica Sexagesima fuit appellata. Bellaminus vero qui lib. 3. cap. 14. hanc reprobatur opinionem, censet cum Alcuino ac Ruperto, nomen Septuagesimæ, Sexagesimæ, & Quinquagesimæ ortum fuisse non a dierum numero, sed a numero Dominicarum. Vult enim Ecclesia ante Dominicam Passionis præmittere celebres septem Dominicas, quibus revocaret nobis in memoriam spirituale nostram captivitatem, sicut per Dominicam Passionis sublequentem commemoratur redemptio a captivitate. Alii vero simpliciter volunt Ecclesiam tales Dominicas instituisse, ut Bacchanalia quæ iam incalcescero cœperant, cohiberet, aut saltem publice detestaretur, incipiendo tribus septimanis ante Quadragesimam poenitentiarum ritum: tunc enim lugubres sumit velles, suppressit Alleluia, & in sacris Officiis fideles revocat ad memoriam eorum quæ Deus contra Adamum, contra terræ incolas temporibus Noe, ac demum contra Sodomitas gessit. Unde cum hæc Officiorum immutatio extraordinariam celebritatem huius Dominicis tribuat, potuit etiam eisdem nomina tribuere, quæ Quadragesimam prænunciarent.

Secunda pars temporis, quod Palcha præcedit, nuncupatur Quadragesima; & hæc vel est traditionis apostolicæ, ut habetur ex D. P. Hieronymo epist. 54. ad Marcellum, vel a tempore valde proximo Apostolis. Ratio talis institutionis accepta est a veteri Testamento, sed præcipue a novo. Nam Moyles Exodi 34. Elias 3. Regum 19. & Christus Matthæi 4. quadraginta dies ieiunavit. Et equidem decebat ut fideles in terrenis rebus sere semper implicati saltem

bus, quæ
pæcc.
dunt
Palcha.

D. d. de-

De Sole. Infit. Theol. Moral. Tom. III.

decima anni parte Deo se in poenitentiam dicerent. Et hoc congruentius fieri non posse videtur quam cum Ecclesia se parat ad colendam anniversariam commemorationem Passionis & Mortis, quam Christus eius sponsus pro communi salute subire voluit.

Demum tertia pars eiusdem temporis quod Pascha antecedit, maiorem complectitur hebdomadam, quæ etiam sancta & pœnosa vocatur, ut his etiam nominibus moneantur fideles ut sollicitè curent se munire Christo, ac sancta eius cogitatione.

Solemnitas
Paschalis.

Solemne Paschatis festum ab ipsis Ecclesiarum primordiis, idest a tempore ipso Apostolorum ab universa Ecclesia tum Orientis tum Occidentis celebratum fuit, imo cum maximo lætitiæ sensu, quia tunc completum, consummatumque fuit opus tam mirandum, tamque necessarium humano generi, nostræ scilicet cum Deo reconciliationis. Traditus enim est Christus propter delicta nostra, & resurrexit propter iustificationem nostram; & quia Christi resurrectio fuit futuræ nostræ resurrectionis argumentum. Unde merito Pascha Christianis est festivitas festivitatum, solemnitas solemnitatum: hæc vere dies est quam, ut ait S. Psalmista, fecit Dominus, in qua exultare debent omnes, & lætari. Hinc olim per totam octavam ab omni opere servili Christiani cessabant, & suspensa erant ieiunia, precesque flexis genibus, quæ tristitiam spirant. Hinc toties repetitur iustitiæ vox *Alleluia*, quæ olim apud Latinos post tempus paschale non erat in usu, donec a S. Gregorio extensa fuit ad Dominicas omnes, utpote quæ in honorem Dominicæ Resurrectionis celebrantur. Quibusdam veteribus Christianis, præcipue Asiaticis placuit celebrare Pascha die decima-quarta Lunæ mensis Martii, qua die a Iudeis celebrabatur, quocumque die, sive in Dominica, sive non, hoc incideret. Verum hunc morem veluti errorem protulit Nicæna Synodus habita anno 325. statuitque, Pascha deinceps celebrandum Dominica proxima post lunam 14. Mensis Martii, quæ succedit æquinoctio verno. Hinc fit quod festum Paschatis & reliqua quæ ab ipso pendunt, dicantur mobilia, cum tunc prius, tunc posterius celebrantur, prout Luna 14. Martii, & Dominica quæ eam subsequitur, plus vel minus ab æquinoctio distant vernali: & in hac voluit Ecclesia Pascha celebrari a suis fidelibus, & ut Christiani distinguere etiam hoc ritu ab Hebræis, & quia, ut iam supra dictum est, de commutatione celebrationis sabati in diem Domini-

nica, multa & insignia mysteria ac beneficia in hac eadem die pro humano genere Deus operatus est.

Inter solemnes Ecclesiæ institutiones, quæ celebrantur tempore Paschatis, numerantur Litanie maiores, quæ occurrunt die 25. Aprilis, nunc D. Marcæ sacra, & minores, quæ celebrantur in tribus diebus proxime festum Ascensionis præcedentibus. Licet tamen dies, in quibus celebrantur Litanie ex Ecclesiæ instituto non sint universaliter festivi, nihilominus (tamen si de his solis festis mens sit hic agere,) visum fuit ob solemnitatem, qua celebrantur, hæc sub silentio non prætermittere. Litanie quæ occurrunt die 25. Aprilis, vocantur maiores, & quæ celebrantur triduo ante Ascensionem, vocantur minores, non quia inter se differant, cum eiusdem sint rationis idest ritus, sed quarum celebratio est antiquior, maiores dicuntur forsitan quia a principio maiori solemnitate fuerunt institutæ, & celebratæ maiori concursu, & Ecclesiasticorum cum præsentia ipsius Pontificis & sæcularium, & cum maiori apparatu, vel ob longitudinem itineris. Nam etiam minores, quando post earum institutionem communiter ab Ecclesiis receptæ fuere, relate ad alias Litanias, quæ minori celebrabantur concursu, cœperunt nuncupari maiores. Litanie enim significat processionem, & concursum populi ad aliquam Ecclesiam procedentis.

Instituto ac compositio Litaniarum maiorum quæ celebrantur die 25. Aprilis falso a pluribus tribuitur D. Gregorio qui floruit sub fine sæculi 5. & initio 6. cum reperiantur ex pluribus monumentis multo ipso antiquiores, ut patet ex pluribus Conciliis, quæ multo ante S. Gregorium præcesserunt, & harum Litaniarum mentionem faciunt, ut videre est in Suarezio lib. 3. de oratione vocali cap. 9. n. 26. quod comprobat auctoritate SS. Augustini & Basilii, aliorumque D. Gregorii antiquiorum: imo ipse S. Gregorius de his meminit, ut multo ante institutis, ut colligitur ex Sacramentario eiusdem Gregorii a Passuelo edito, ubi talis Litanie maior notatur 7. Kal. Maii, idest 25. die Mensis Aprilis: *Litanie maior ad S. Laurentium in Lucina*. Multo igitur ante D. Gregorium Magnum composita fuit, & instituta Litanie maior, & ab ipso aucta est & indicta, ut solemnius, & per totam Ecclesiam celebraretur, ita ut post S. Gregorium recepta fuerit præcipue sæculo 7. a maiori parte Ecclesiarum Occidentis, & tantum

De aliis
solemnit.
tribus
celebra-
tia rem-
pore Pa-
schatis.

Quid Li-
tanie ce-
lebrantur
de ea-
um.

De 7.
schm ce-
lebratio-
ne statu-
ta a Con-
cil. Nicæ-
no 1.

tum sæculo 9. universaliter; imo ad Orientales etiam transferit.

Litanie vero, quæ triduo ante Ascensionis diem celebrantur, & dicuntur Rogationes, institutæ fuere a S. Mamerto Episcopo Viennensi in Gallia, qui floruit sæculo 5. tempore Valentiniani Imperatoris, & sæculo 7. receptæ fuere a maiori parte Ecclesiarum Occidentis. Tandem sæculo 8. in Ecclesiis omnibus Occidentalibus universales fuere: nam Ecclesiæ Orientali ut habetur ex Gratiano in Codice lib. 3. cap. 9. semper ignotæ fuere. Verum quidem est quod ex SS. Avito Viennensi & Cæsario Arelateni videntur Rogationes in ipso sæculo 5. universales fuisse toti Ecclesiæ, cum dicant ubique terrarum fuisse eorum tempore receptas, nempe sub fine sæculi 5. hi tamen intelligendi sunt de Galliarum tantum Ecclesiis, & finitimarum Provinciarum. Et eundem Concilium Arelatense celebratum anno 524. declaravit celebrandas esse cum ieiunio, & ita nunc celebrantur Mediolani; imo in Gallia dies Rogationum erant etiam dies festi; unde his diebus Ecclesiæ Galliarum & ieiunium observabant, & festum. In Ecclesia vero Romana nunquam hi dies fuere festivi, nec cum lege ieiunii, nec abstinentiæ a carnibus. Rogationes Ascensionis præviæ ante sæculum 8. non erant certe toti Ecclesiæ universales, cum tempore Leonis III. qui floruit sub fine sæculi 8. minime Romæ receptæ fuerant, & huic Pontifici tribuitur constituisse, ut tribus diebus ante Ascensionem Domini Litanie celebrarentur. Sic Merati in suis Observationibus super Gavantium tom. 1. pag. 831.

Festum Ascensionis Domini recensendum est inter solemnitates, quæ ab Apostolis institutæ fuere, ut docet S. Aug. ep. 34. novæ edit. & huius festivitatis mentio fit in Constitutionibus Apostolicis lib. 5. cap. 18. Non habebatur tamen ista festivitas inter solemniores, quæ ubique ritu conformi celebrantur, sicuti Nativitas Domini, Pascha, & Pentecostes, quibus Concilium Agathense anno 506. can. 63. & Aurelianense anno 521. can. 25. sed inter minus præcipuas secundum ordinem, in qua classe numerabantur Epiphania, Festum S. Ioan. Bapt. & de hoc agunt P. Edmundus Martene de antiqua Ecclesiæ disciplina cap. 28. alique.

Pentecostes, quod idem sonat ac dies Quinquagesima quæ numeratur à die Paschæ, hæc est inter præcipuas festivitates, quas magna cum solemnitate, ac latius sacrosancta celebrat Ecclesiæ, quia in

hac die omnia consummata sunt Christi mysteria, absolutumque opus ad quod ille missus erat, per missionem Spiritus S. super Apostolos ad inflammanda ac firmanda eorum corda, ut fortes & impavidi ministerium implerent, quod ante suam ascensionem in cælum ipse Dominus eis commiserat, scilicet annunciandi universo orbi legem gratiæ, & Evangelii; idcirco figura fuit celeberrimi huius diei Iudæorum Pentecostes, idest illa dies quinquagesima, in qua post eorum exitum ab Ægypti captivitate legem Domini receperunt ad radicem montis Sinai, & hac die ipsis quoque ob tam insignem memoriam legis acceptæ valde sollemnis offerebant Domino panes ex primitiis novæ messis, ut Levit. 23. Nam & in nostra Pentecoste mundo data est lex nova, & in hac ipsa S. Apostoli statim post eorum exitum a Cænaculo Spiritu S. repleti primitiis suæ messis Domino consecrarunt, cum ad primum Petri nuncium de Christo rediivo tria millia Iudæorum Evangelium amplexi sunt.

Festum Pentecostes, quidquid dicant aliqui institutum fuisse non primo Apostolorum sæculo, sed post ab Ecclesiæ: primis tamen post Apostolorum sæculum temporibus certum est antiquissimos Ecclesiæ Scriptores meminisse huius diei festi apud Christianos, ut Irenæus in Oratione de Pascha cit. a Iuliano Martyre quæstion. 115. Tertullianus, Origenes, Epiphanius, & ante eos omnes Clemens Romanus lib. 5. Constitut. Apostolic. cap. 18. lib. 8. cap. 33. Immo communiter sentiunt Doctores, Pentecosten institutam fuisse ab Apostolis: nam 1. Corinth. 16. att. D. Paulus: *Manebo Ephesi usque ad Pentecosten*, & Actor. 20. de eodem Paulo scribit Lucas: *Festinabat si possibile sibi esset, ut diem Pentecostes faceret Hierosolymis*. Et huic accedit auctoritas S. Augustini in ep. 108. ad Ianuarium, qui hoc idem sentire demonstrat; & ex pluribus momentis iuris canonici colligitur, quod hæc solemnitas celebrata semper fuerit cum duobus sequentibus diebus. Sic Azorius, & Merati loc. cit.

Sequentia tamen quæ in Missa recitatur non est ita antiqua, sicut illa quæ recitatur in Missa Paschæ, cum hæc aliqui adscribendam credant Roberto Gallie regi, qui regnabat sæculo undecimo, alii eam tribuunt Ermanno Contraſto Germaniz Monacho, qui obiit anno 1054. Credibilius tamen est compositam fuisse ab Innocentio III. ac ab eodem insertam Missali, cum inter eius opera inveniantur. Merati loco cit.

D d 2

SS. Trè

De Fe-
sta Ascen-
sionis Do-
mini

Pentecostes so-
lemnitas præcipua
inter so-
lemnitates
est.

Sequentia
Missæ
non est
tam an-
tiqua.

De Sole.
mitate
SS. Tri-
nitatis
ac eius
infirmit.
tione.

SS. Trinitatis solemnitas, quæ in aliis Ecclesiis est vetustissima, in Ecclesia Romana non est admodum antiqua. Alcuino tempore Caroli Magni, & Ludovici Pii Imperatorum adscribitur compositio Missæ & Officii festi SS. Trinitatis. Ita Durandus in Rationali. *divinor. Officior.* lib. 6. cap. 4. In Romana Ecclesia ante tempora Alexandri III. dies hic non celebratur ut festus. Et enim Ecclesia Romana putabat huic cultui satisfacere festum hoc celebrando singulis diebus Dominicis, quæ dicatæ sunt Trinitati, in quibus canebatur Præfatium Trinitatis. In Ecclesiis, ubi in usu erat talis festivitas, quæ celebratur a quibusdam in Octava Pentecostes, ab aliis Dominica immediate ante Adventum. Tandem etiam in Ecclesia Romana introductus est mos aliarum Ecclesiarum celebrandi hanc festivitatem in Dominica prima post Pentecosten, quæ est etiam ipsius Pentecostes Octava. Auctor Summæ Palanellæ in verbo *Feria 5.* 3. vult festum hoc nunc celebrari per universam Ecclesiam ex mandato Ioannis XXII. Ita etiam habetur in Gerlonio & Tomassino lib. 2. de Festis cap. 18. n. 13.

De Festo
SS. Corporis
Christi
eius infir-
mitate.

Festum SS. Corporis Christi, quod celebrabatur ab aliqua Ecclesia ab anno 1246. extensum fuit ab Urbano IV. ad totam Ecclesiam: nam quævis quotidie in S. Missæ Sacrificio Augustissimum Eucharistiæ Sacramentum veneremur, *conveniens tamen*, (ait Summus Pontifex In sua Constit. incipiente *Transiturus*, quæ hoc festum universim ampliavit) *arbitramur & dignum ut de ipso semel saltem in anno ad confundendam spectatiter hereticorum perfidiam, & infantiam memoria solemnior, & celebrior habeatur.* Nam etli in Feria 5. sanctioris Hebdomadæ id specialius ab Ecclesia præstetur; tamen ut subdit idem Pontifex in die Cænz Domini, quo Christus hoc instituit Sacramentum, universalis Ecclesia pro penitentium reconciliatione, sacri confessione Chrismatismis, executione mandati circa lotionem pedum; & aliis plurimis occupata, plene vacare non potest celebrationi huius maximi Sacramenti: hinc ut tanto Sacramento debitus pro humanis viribus cultus exhiberetur, eius specialis festivitatem pro Feria 5. post Octavam Pentecostes laudatus Urbanus IV. instituit. Hanc solemniratem maxime commendavit Concil. Trid. sess. 13. cap. 5. de *Sacramento Eucharistiæ.* Officium huius Festi & Octavæ compositum fuit cum Missa a D. Thoma, ac idem Pontifex in sua Bulla universalis institutionis huius festi designavit

plures Indulgentias & iis, qui processioni huius diei interint, & Horas divinas in Choro publice recitantibus. An vero idem Pontifex simul cum Festo solemnem decreverit processionem, quæ hodie peragitur, incertum est. Aliqui ducti verbis ipsius Urbani in Bulla huius festi ita esse affirmant: negant vero alii ex testimonio Genebrardi, qui postquam festi huius institutionem descripsisset, ita habet: *Centum annis post Papiæ capis illustratio Sacramenti, quæ corpus Christi in seculum fertur, atque hinc ad cæteras Occidentis partes manavit.* Sed hoc ad summum demonstrat universim ceptum non fuisse ritum processionis, minime vero Pontificem eam non ordinasse, cum ex verbis ipsius Bullæ aliter deprehendatur.

Nota quod quinque præcipue solemnitates quæ celebrari solent, Paschæ scilicet resurrectionis Domini, Ascensionis, Pentecostes, SS. Trinitatis, & Corporis Christi dicuntur Festa mobilia, quia cum quatuor posteriores institutione sint cum quodam ordine dierum ad Pascha Resurrectionis; & cum hoc ratione Lunæ Martii, post cuius plenilunium, quod contingit plus vel minus post æquinoctium vernum iuxta decretum Concilii Nicæni I. celebrandum stabile non sit, sed cum ordine eisdem plenilunii Martii citius vel serius habeatur, aliæ quoque quatuor posteriores solemnitates, citius, vel serius adveniunt. Hæc Festa mobilia publicantur in Festo Epiphaniæ inter Missarum solemnia a Diacono præcipue in Cathedralibus, vel per Parochos in Ecclesiis minoribus ubi Parochus solus sine ministris Missam canit.

S. IV.

De Festis in honorem Virginis Deiparæ.

Præter festivitates, quæ directe Deo sunt addictæ, quarum principales hætenus memoravimus, aliæ etiam, sicut iam ante notatum fuit, institutæ fuere in honorem M. V. Deiparæ, & aliorum SS. inferioris Virgini Deiparæ ordinis. Et ut res clarius elucidetur.

Supponendum in primis merito festa institui in honorem Mariæ Virginis, & Sanctorum, 1. quia tale institutum habemus a primitiva Ecclesia, ut patet ex epist. Ecclesiæ Smyrnenis scripta secundo sæculo relata ab Eusebio lib. 4. Historiarum cap. 15. tum a S. Cypriani verbis epist. 5. *Martyrum passiones & dies anniversaria commemoratio celebramus;* tum a prioris temporis Concilii laudatis a Bellarm. cap. 16. 2. Quia festi

De Festi-
celebrati-
dis in ho-
norem S.
M. V.

festi dies recte instituuntur ad recolenda beneficia Dei, ut constat ex festo Sortium apud Iudæos; laudanturque a S. August. lib. 10. de Civit. Dei cap. 4. *Magnum quidem est Dei beneficium, quod quidam Christiani consumentur præsertim per Martyrium. Hinc exultat triumphans Ecclesia novum croem adipisci; hinc gaudet Ecclesia militans novum sibi augeri intercessorem in caelis apud Deum, unde nova utrique ratio magni gaudii, & triumphi de reata in diabolum victoria.*

Nec hic cultus, ut autumant Etherodoxi, idololatram redolet, nec falso nixitur fundamento, ut hac falsa suppositione debachantur præcipue contra Immaculatæ Conceptionis Virginis festum, nec a seculari potestate instituuntur. Nulla enim occurrere potest nec quidem suspicio idololatriæ in cultu qui Sanctis post mortem exhibetur, quia Sanctos non colimus cultu latriæ veluti Deitatis, sed solum ut amicos Dei, quos ipse Deus vult ut tales honorari, unde nec vota, nec altaria Sanctis dicamus, sed soli Deo in Sanctorum honorem, & ut gratias Deo reddamus ob beneficia, quibus Sanctos cumulavit, & ut ad eorum preces, nisi paria, sufficientia saltem nobis quoque conferat.

Beatam Virginem immunem fuisse ab omni labe etiam originali non solum ita sentiunt Catholici, sed inter ipsos hæresiarchas Lutherus, ac Erasmus, qui non male audit apud Protestantæ; & festum Conceptionis Virginis Mariæ celebratur non solum ab iis fidelibus qui sentiant immaculatam fuisse eius conceptionem, sed etiam ab iis, qui eandem Virginem opinantur in peccato fuisse conceptam; quia in tali festivo cultu ipsius sanctificationem honorare intendunt. Potestas tandem secularis Principum fecit quidem, & facit ut festa ab Ecclesia instituta observentur debita veneratione, non vero annuas nequam festivitates instituit, quia hoc ad solam spectat ecclesiasticam auctoritatem. Sed de his superius habetur hic in Bel-larmino.

Præcipuæ Mariæ Virginis festivitates sunt eius Conceptio die octava Decembris, Nativitas die octava Septembris, Præsentatio in Templo die 21. Novembris, Annuntiatio die 25. Martii, Visitatio die 2. Iulii, Purificatio die 2. Februarii, Compassio feria 6. post Dominicam Passionis, & Assumptio die 15. Augusti.

Festum Conceptionis B. Virginis apud Græcos cœpit celebrari multo tempore ante quam a Latinis, ut patet ex Constitutione

Instit. Theol. Moral. Tom. III.

bus Emmanuelis Imperatoris Constantinopolitani, quem habet Theodorus Balsamo in Nomocanone Photii, & ex Sermone Leonis Imperatoris item Constantinopolitani de S. Mariæ Conceptione. Apud Latinos vero tempore S. Bernardi anno Domini 1146. celebrari cœpit Galliæ in Ecclesia Lugdunensi, ut constat ex epist. eiusdem S. Bernardi ad Canonicos Lugdunenses, quæ est 174. in qua eos subarguit, quod abique auctoritate Romanæ Ecclesiæ festum induxerint Conceptionis B. Virginis prætextu cuiusdam revelationis. Crescente tamen in Deiparam fidei-lum affectu invaluit tandem huius solemnitate consuetudo, & a Synodo Basilienensi anno 1439. confirmata est, eique Indulgentias affixit Xistus IV. Idcirco invaluit festum hoc consuetudine potius quam præcepto.

Nativitatis festum B. M. Virginis notat Baronius ad annum circiter 800. quæ epocha ab omnibus tamen non probatur, cum Fulbertus Carnotensis, qui floruit circa annum mille, hanc exhibeat festivitatem quasi novæ pietatis partum; sed hanc recentet S. Bonifacius Moguntinus iam ab octavo sæculo inter magnas illius ævi celebritates, forte quia prius quam ab aliis in Gallia celebrari cœpit. Quidquid tamen sit, S. Bernardus, qui repugnabat celebrationi Conceptionis, totus fuit pro festo Nativitatis, ut in cit. eius epist. 174. Innocentius IV. adiunxit huic festo suam Octavam, ut voto satisfacere sui præcessoris.

Festum Purificationis græcis *Hippopante* seu *Obratio*, quia Christo cum delatus esset ad Templum, ei occurrerunt Simeon, Anna, alique (ut credibile est, plures iusti) promulgatum est a Iustiniano anno 542. licet putet Baronius hanc solemnitatem a Gelasio institutam fuisse, dum Romæ suppressit Lupercalia, in quibus aræ Saturni quas credit Thomassinus fuisse idolum Moloch, non iam viros machando ut ante, sed accensis luminibus excolebantur 2. Macrobi. 1. Saturn. cap. 7.

Festum Annuntiationis cum idem sit ac festum Conceptionis Verbi, hinc antiquitus uno eodemque die cum Christi Nativitate celebrabatur, ut patet ex Homiliis, quas eodem die habuerunt Patres antiqui ad populum pro Natale Domini. Sensim tamen habuit Annuntiationis suam specialem solennitatem, & de hac meminerunt Concilium Toletanum habitum anno 653. & aliud item Toletanum anno 656. in quo Annuntiationis, festivitas gloriæ Matris, festum S. Virginis, festivitas Matris nuncupatur: nam quod

Dd 3 festum

Error
dolorum
circa San-
ctum
Festivitatis

De Im-
maculatæ
Virginis
concep-
tione.

De Festo
Concep-
tionis B.
M. V. &
eius insti-
tutione.

De festo
Nativitatis
B. M. V.
ac eius
instituti-
one.

De festo
Purifica-
tionis B.
M. V. &
de eius
instituti-
one.

De Festo
Annun-
tiationis
B. M. V.
ac de eius
instituti-
one.

festum est Matris, merito aiunt Toletani Patres, nisi Incarnatio est Verbi? Assignata fuit passim Annunciationis festivitas die 25. Martii, quia ut ait S. Aug. lib. 4. de Trinit. cap. 3. *Sicut a maioribus traditum, suscipiens, Ecclesie custoditis auctoritas: Octavo Kalend. Aprilis conceptus creditur (Christus) quo & passus.* Quia tamen constitutum erat a Laodiceana Synodo anno 320. ut nullæ per Quadragesimam celebrarentur festivitates, hinc Annunciationis festum a Synodo Toletana translatum fuit ad octavam diem ante Natalem Domini, quod etiam nunc ex parte servat Ecclesia Mediolanensis, ubi Annunciat in Dominica ante Nativitatem Domini solemnissime agitur.

De festo
Assump-
tionis B.
V. & eius
insti-
tutione.

Festum Assumptionis, quod servatur iure communi cap. pronunt. de consecrat. dist. 3. & iuxta Doctores omnes in cap. *conquestus de feriis*, quidam putant a Apostolis institutum. Alii vero probabilius opinantur, ut habetur ex D. Bernard. in epist. 174. Ecclesiam post Apostolorum tempora celebrationem huius festi instituisse. Controvertitur tamen quo tempore hanc Ecclesia instituerit; & verisimilior est eorum sententia qui dicunt, quod statim post Ephesinum Generale Concilium festivitas hæc celebrari coepit, & fuit tempore Cyrilli Alexandrini Episcopi studiosissimi honoris, & cultus Deiparæ. Eo enim tempore, cum damnata fuisset ab hoc Concilio Nestorii hæresis, qui negabat B. Virginem fuisse Dei Genitricem, amplior cultus, & honor eidem Virgini deferri coepit.

Error Col-
lyridiano-
rum.

Cæterum patet falsum esse illud Collyridianorum, qui asserabant Deiparam divinæ fuisse naturæ, ac ideo mortis expertem. Nilominus olim in dubium fuit eius obitus: Non dico (ait S. Epiphanius hæresi 78.) *quod immortalis mansit, sed nec affirmo an mortua sit.* Utrumque hodie tota rejicit Ecclesia, quæ Mariam ex hoc sæculo sive Hierosolymis, sive potius Ephesi pro conditione carnis migrasse prophetat. Antiqua tamen Martyrologia transicum Mariæ alia dormitionem vocant, alia pausationem seu requiem: mors enim Sanctorum designatur nominibus transitus, depositionis, somni, & etiam assumptionis. Constat igitur quod Assumptionis nomine, quo hodie communiter exprimitur transitus B. Virginis, intelligatur, ut pie credunt fideles, animam simul cum corpore caelum conscendisse, quæ controversia perdifficilis est, quia rationibus parum firmis impugnatur & defenditur.

De aliis
festis B.
M. V.

Præter hos dies sacros Mariæ Virgini, qui

festive celebrantur, alii quoque coluntur cum solemnitate Musæ, & Officii, sed non tamen communiter cum festi diei observantia, uti sunt eius Præsentatio in Templo, quæ prius in Orientali, quam in Latina Ecclesia celebrata est, & primo in Gallia, ubi intrudenda fuit a pietate Caroli V. regis, & celebratur die 21. Novembris: Visitationis, quæ instituta fuit ab Urbano VI. ad implorandam opem B. Virginis ob schisma, quod tunc temporis Ecclesiam vexabat, & assignata fuit hæc celebritas diei 2. Iulii: Compassionis, quæ instituta fuit in memoriam profundi doloris quem sensit B. Virgo ob poenas doloresque sui Filii, dum eum vidit de cruce pendentem. Festum hoc instituit Synodus Colonienfis anno 1423. ut meliori quia poterat via facinora ab Usistis contra S. Virginem commissa repararet. Azorius, Tourneleus cum aliis,

§. V.

De Festis Sanctorum.

Consuevit Ecclesia in suis primordiis celebrare dies festos etiam in honorem Sanctorum; & hos tunc temporis fuisse tantum Apostolos & Martyres, habetur in Constitutionibus apostolicis quæ putantur produsse sæculo 4. de festivo cultu in honorem SS. Apostolorum, & S. Stephani. *In diebus* (aiunt lib. 8. cap. 35.) *Apostolorum vacent ab operibus servilibus fideles, in die festi Stephani Protomartyris iterum vacent, ac reliquis diebus SS. Martyrum, qui Christum vite suæ anteposuerunt.* Et S. Cyprianus ait: *Martyrum passionis & dies anniversaria commemoratione celebramus.* Pro Martyre vero venit *Quisque babeatur qui in carne & vinculis mortuus esset pro Christo, ut ex epist. eiusdem 6. lib. 3.*

De festis
in hono-
rem San-
ctorum.

De Confessoribus vero difficile potest ostendi solemnem cultum ante sæculum quartum & quintum isdem tributum fuisse, ut habetur ex *Collect. Lucienæ. tom. 3. pag. 262.* & forsan ante S. Martinum Turonensem Episcopum, de nullo alio invenitur saltem in Occidente, quod huiusmodi veneratione cum Ecclesia coluerit. S. Martini cultui non multo post sublecutus est cultus S. Hilarii Prædicti Episcopi.

Circa vero SS. Martyrum festivitates nemini mirum censeri debet notari in Ecclesiastica Historia, colli coepisse festivo ritu Martyrum memorias ante Virginem Deiparam, quia iam putabat Ecclesia Matrem quoque una cum filio colere, ut patet in Homiliis, quas

quas Patres habere in solemnī Myſterio-
rum Nativitatis & Paſſionis Chriſti celebra-
tione, in quibus prodiit totus illorum affe-
ctus erga Dei Matrem, cui magna in iſdem
myſteris fuit pars. Item quia non leve erat
periculum, ne Gentiles Deorum matrem co-
lentes, eandem reprehensionem in Chriſtiani-
cos retorquerent, quia ipſi ob talem erro-
rem redarguebantur, vel converſi ad fidem
eundem haberent conceptum de Chriſto,
eiufdem Matre ac de falſis numinibus, &
de fiſta eorum Genitrice Cybele, ideoque
idololatriam eum idololatria committant.
Unde ſtatim ac quievit in Orbe Gentilita-
tis furor, & Neſtoriani impugnaverunt Vir-
gini Deiparæ titulum, ut impietatem pieta-
te velarent, cœpit effloſcere Virginis ho-
nor & cultus præcipuis feſtivitatuſ, quæ
in ipſius quoque reverentiam Eccleſia idem-
tēdum inſtituit. Inter ſolemnitates Sancto-
rum, quæ feſtivo ritu obſervantur, eſt
feſtivitas, quæ in omnium eorundem ho-
norem Sanctorum celebratur, & hæc Ro-
mæ primum aſi cepit tempore Bonifacii
IV. electi in Pontificem anno 607. Cum
enim hic Pontifex impetraſſet a Phoca Im-
peratore nobile Delubrum forma rotunda a
Marco Agrippa Conſule extructum, & di-
catum Iovi, Diſſolve omnibus, quod Pan-
theon nuncupatur, & hoc a'prophanatio-
nibus Gentilitatis expurgaſſet, plurimique
SS. Reliquiſ ornaſſet, die 13. Maii illud
conſecravit, & dicavit Deo Opt. Max. in
honorem B. Mariæ Virginis omniumque
Sanctorum, ut omnes uno die generali ce-
lebratione colerentur, & feſtum ſimul in-
ſtituit. Gregorius vero IV. anno 827. ele-
ctus, poſtmodum decrevit eandem feſtivity-
tem, quæ variis modis in diverſis Eccle-
ſiis iam celebrabatur in honorem omnium
Sanctorum, & præcipue in Gallia, ſole-
mniter prima Novembris die ab univerſali
Eccleſia perpetuo obſervari. Ita habetur in
Martyrologio Romano. Huic feſtivityti an-
no 1480. a Sixto IV. addita fuit Octava.

Poſt feſtum omnium Sanctorum, nempe
die 2. eiufdem menſis Novembris fit Com-
memoratio omnium Fidelium deſunctorum;
& hæc ſub tali ritu initium habuit a S. Odilo-
ne Abbate Cluniacenſi, qui eam in omnibus
Ordinis ſui Monafteriis peragi voluit anno
988. Pontifices poſtea Romani hac pietate in-
cenſi eandem celebratam ad univerſam
extenderunt Eccleſiam. Hic ritus iuvandi
deſunctos proprius eſt non ſolum Latine,
ſed communis etiam Græcorum Eccleſiæ,
ut habetur ex Gennadio. Cum vero noſtra

mens fuerit ſola indigitare præcipua feſta,
quæ Eccleſia obſervanda propoſuit ſuis fide-
libus, ac eorum inſtitutionem, hinc quoad mi-
nus principalia vel Sanctorum vel Angelo-
rum, vel quoad ea quæ aliquibus tantum
ſunt particulariſ locis, vel in quibus ad ſum-
mum ſola ſolemnitas recitationis Officii ac
Miſſæ, univerſali præcipitur Eccleſiæ, qui
maiſora de his exoptat, adeat P. Tomaſſi-
num in ſuo Opere de Eccleſiaſtica diſciplina,
ubi ſuſius hæc ille pertraſtat. Ne aliquid
tamen deſit quod exquirat ſuper hæc ſuffi-
ciens eruditio, notandum quod dies Roga-
tionum celebrati triduo ante Domini Alcer-
ſionem, licet videatur quod ex iure anti-
quiore olim feſtivo ritu cum abſtinentia a
ſervilibus ſervarentur, ut in cap. *pronunciandum de conſecrat. diſt. 3.* ſi communiter fue-
rit tale ius univerſum ab Eccleſia receptum,
cum oppoſitum videatur colligi ex Hiſtoria
eccleſiaſtica; certum tamen eſt quod recentiori
iure, ut habetur cap. *conqueſtus de feriis*
ubi hæc omittuntur, conſuetudine univer-
ſim non ſervantur. Item quidquid ſit an
antiquitus ut feſti obſervari fuerint dies Heb-
domadæ ſanctæ, cum numerari videantur
inter dies feſtos, in iure communi cap. *conqueſtus*
non autem in iure antiquiore cap. *pronunciandum de conſecrat. diſt. 3.* conſue-
tudine tamen ſublata cernitur talis obliga-
tio quoad omnes dies etiam poſtremos lu-
pradiſtæ Hebdomadæ. Item lex dies proxi-
mi Paſchæ ſequentes inter dies feſtos com-
putantur in iure communi in cap. cit. pro-
nunt. diſt. 3. & in cap. *conqueſtus de feriis*;
conſuetudine tamen nunc duo tantum qui
proximi Paſcha ſequantur ut feſti ſervan-
tur, & reliqui inter profeſtos habentur.
Silet tamen forum uſque ad ſeriam 2. poſt
Octavam Paſcharis.

Dies pariter Dedicationis cuiuſlibet Ec-
cleſiæ ex iure antiquo cit. cap. *pronunt.* in-
ter dies feſtos numerabatur; ex iure vero
recentiori cap. *conqueſtus de feriis* talis De-
dicatio non colitur, ſicut nec conſuetudine
ſervatur.

S. VI.

De iis qui feſta inſtituere poſſunt.

Feſtos dies per univerſam Eccleſiam in-
ſtitui poſſe a ſolo Summo Pontifice certum
eſt. Epitocopi etſi de iure communi in cap.
1. diſt. 3. de conſecrat. & in cap. *conqueſtus*
de feriis valeant in propria Daceſi vocato
Clero & Populo dies feſtos indicare, Barboſ.
de offic. & poteſt. Epifc. part. 3. allegat. 105.

Dd 4

n. 36.

De Feſti-
va ſole-
mnitate
omnium
Sancto-
rum.

De com-
memora-
tione om-
nium
deſunctorum
ſolemniter.

De diebus
Rogatio-
num, &
Hebdo-
madæ ſanctæ.

De Feſto
Dedica-
tionis
Eccleſiæ.

Quinam
poſſint
dies Fe-
ſtos in-
ſtituere.

n. 36. cum aliis, quos ibi citat; hodie tamen licet huiusmodi potestas non sit ablata, ab indictione novorum festorum sub præcepto abstinere debent iuxta monitum Urbani VIII. in sua Constit. quæ incipit *Universa* §. 3. ubi sic *Ordinarii in Domino moneantur, ut ad servandum utique aequalitatem de cetero futuris temporibus ab indictione sub præcepto novorum festorum student abstinere*. Hinc promissiones & vota quæ frequenter fieri solent ab Universitatibus, seu locis servandi sub præcepto festum alicuius Sancti, ac ieiunandi in vigilia non obligant populum, si tamen sponte velit, potest promissa servare, nemo tamen pœna cogendus est, ut illa die abstineat ab operibus servilibus, Barb. in Collect. Constit. Apostol. verb. *festum in comm.* n. 8. ubi assert Decretum Congregationis Rituum in Brundulina Missag. 21. Aug. 1604. Monnacelli part. 2. tit. 13. formul. 1. n. 15. ubi testatur se vidisse pluries supplices libellos hac in re sacre Congregationi Rituum porrectos pro confirmatione huiusmodi promissionum, & votorum fuisse reiectos. Communitates enim, Oppidi, Pagi, Civitates &c. non possunt obviare in conscientia Successores, aut alios non contentientes voto de observatione festorum, & ratio est, quia nec a Deo, nec ab Ecclesia iurisdictionem habent circa res immediate pertinentes ad divinum cultum.

Si Episcopi in sua Diœcesi dies festos observandos præceperint, tenentur omnes Exempti etiam Regulares eos observare, ut statuit Trid. Synodus sess. 25. cap. 12. de Regularibus, ubi sic: *Dies etiam festi, quos in Diœcesi sua servandos Episcopus præceperit, ab Exemptis omnibus etiam Regularibus serventur.*

§. VII.

De Festorum observantia.

Præceptum de
Festorum
observantia
est ceremoniale.

Notavimus iam antea breviter in explicando tertio Decalogi præcepto de festorum sanctificatione, hoc præceptum partim esse morale, quatenus homo tenetur iure naturali aliquod vitæ suæ tempus divino cultui, ac divinis rebus impendere, & partim ceremoniale, quantum licet ad temporis destinationem, ut docet D. Th. 2. 2. quæst. 222. art. 4. ad 1. Unde hoc præceptum propriè est ceremoniale, ut iam vidimus, respectu diei sabati mutatum fuit ab Apostolis, qui diei Sabati diem Dominicum substituerunt; necnon alia festa, ut iam vidimus,

in memoriam aliorum divinatorum Mysteriorum, vel B. Mariæ Virginis, vel Sanctorum instituerunt.

Festa de præcepto inviolabiliter a Fidelibus omnibus observanda sunt ac sanctificanda sub mortali, ut sentiunt communiter Doctores, cum sit materia gravis spectans ad divinum cultum, ut præcipitur in Deuteronomio cap. 5. *Sex diebus operaberis & facies omnia opera tua, septima autem dies Sabbatum Domini tui est, non facies omne opus in eo &c.* Et hoc præcipitur etiam in iure canonico cap. *Licet de feriis*, & cap. *unic. de Reliq. & venerat.* in 6. Et hoc idem Concilium Trid. sess. 25. de reform. renovat. Idcirco Innocentius Papa XI. propositionem damnavit num. 52. *Præceptum servandi festi non obligat sub mortali seposito scandalo & si alit contemptus*. Imo adeo stricte obligat festorum observantia, ut nulla quævis opposita consuetudo ab eius violatione excusare possit, quia consuetudo mala inveterata quanto diuturnior est, tanto est periculior cap. *quanto in de consuetud.* & patet ex Decreto sacre Congregationis Concilii, quæ contrarium definit contra Mercatores Barcinonenses die 11. Maii 1679. & iterum 20. Martii anni 1692. qui hoc titulo inveteratæ consuetudinis prætendebant retinere suas officinas apertas diebus festis.

Nota, quod festi sanctificare est illa die non laborare, sed hymnis & canticis vacare. Sic Concilium Colonienſe II. part. 9. cap. 9. Præceptum igitur sanctificationis festorum partim est negativum, quo labores corporis, seu opera servilia interducuntur, partim affirmativum, quo operibus, seu occupationibus spiritualibus pietatis dies festos sanctificare inebmur, ut constat ex supracitato textu Deuteronom. 5. *Observa diem Sabati ut sanctifices eum: sex diebus operaberis.... septimus dies Sabati est, idest requies Domini.*

Nota opera nostra alia esse corporis seu corporalia, quæ licet coniunctam habeant animi seu mentis cooperationem, a qua diriguntur, multo magis tamen corporis exercitatione & labore, quam animi peraguntur; alia opera animi seu mentis, quæ quavis etiam per aliquam potentiam corporis exequamur, multo plus tamen aliqua animi facultate, studio ac defatigatione, quam corporis exercentur, ut est docere, disputare, legere, scribere, consulere, concionari, opera artis pictoriæ, musicæ, & similia exercere, quæ ideo dicuntur animi, quia ab animo seu a mente præcipue procedunt, ac ad

Quomodo
die festi
sanctifican-
di.

Opera
nostra
alia cor-
poris
alia men-
tis.

EXCO-

excolendam mentem interviunt, & hæc liberalia vocantur. Cæterum an plus in opere reperitur laboris manuum seu corporis, quam laboris mentis, ex communi æstimatione hominum ac natura operis colligendum est. Item opera corporis alia sunt servilia, alia non servilia. Servilia sunt, quæ ex se habent famulatum, & sunt ea quæ communiter a servis & infima plebe seu a mercenariis hominibus, qui aliis interserviunt, exercentur & exerceri solent, & principaliter perficiuntur labore manuum pro servitio corporis, cuiusmodi sunt omnia opera mechanica, ita dicta quia per artes mechanicas dirigitur, & distinguuntur ab operibus liberalibus, quia hæc non habeant effectum materialem vel corporeum, aut si habeant, principaliter ordinantur ad animum excitandum, vel instruendum, cum e contra opera mechanica post se relinquunt effectus corporeos, ac in commodum corporis proxime tendant, & servis proprie convenient, tametsi quandoque per liberos exercentur, ut sunt fodere, arare, luere, aliaque id genus. Hæc vero opera licet gratis herent, seu recreationis, vel pia intentionis causa, non autem intuitu mercedis, aut ad vitæ sustentationem, non delinunt esse servilia. Nam intentio naturalem rationem operis immutare nequit: unde non minus ingenuis quam plebeis interdicta sunt die Dominico. Opera vero ex genere suo non servilia illa sunt, quæ e contra proprie non conveniunt servis, sed omnibus communia sunt tum dominis tum servis, & communia appellantur, puta iter facere, piscari, venari, ludere, & similia. Item ea quæ liberalia vocantur.

Opera dominis non interdicta die festo.

Nota pariter non omnia opera, quæ die Sabati interdicta erant hebræo populo ex lege Moysis, interdici nobis quoque die Dominico: nam apud nos conceditur die Dominico parare cibum, & coquere, colligere fructus mensæ apponendos, occidere minora animalia, puta pullos, lepores, similiaque, non autem maiora ut boves, oves, nisi a nimio caloris æstu anticipata eorum occisio impediatur. Immo tolerantur ea quæ ad nitorem domus spectant, aut ad decorem hominis compositionem, ut sternere lectum, quædam ædium loca mundare, leviter vasa nonnulla lavare, catinos, cochlearia, vestium sordes abstergere, in iisdem vestibus aliquid parvum reicere non antea prævisum. Non licet tamen ad diem festum differre quæ ex istis pridie peragi poterunt.

Diebus Dominicis, aliisque festis de præcepto non sunt prohibita opera animæ, &

liberalia, nec pietatis, ac necessitatis. Communis est apud Doctores, & constat ex cap. 1. & ult. de feriis num. 3. supra allegat. Imo ex Navarro cap. 14. Manual. n. 5. aliisque, quidquid in contrarium alii sentiant, opera huiusmodi, quæ diebus festis fieri conceduntur, non solum gratis, sed etiam ob mercedem, & animo lucrandi licite peragi posse, quia propositum, seu intentio lucrandi non facit servile, & illicitum opus quod ex se non est tale, sicut licitum non facit animus non lucrandi quod est illicitum, ut antea dicebam. Hinc transcribere diebus festis lucri seu mercedis gratia, non est opus servile, nec ideo vetitum, quia hic labor est potius mentis quam corporis. Si quis autem velit esse contentiosus, respondeo hunc laborem ex sensu omnium Doctorum, qui scripserunt sæculo præterito, ac nostro, non æstimari servilem. Cum ergo sensus communis Doctorum praxim formet, ex consuetudine maioris partis Ecclesiæ, & ea consuetudo non vergat in corruptelam morum, aut abusum, aut scandalum, huic consuetudini Ecclesiæ insitendum est. Huicque sententiæ fuere Lopez, Suarez, Fagundez, Bonacina, Palau, & alii communiter. Item pingere, quando tamen pictura sit magni studii, quæ indiget perpetua inventione, intentione, attentione, non pertinet ad opera servilia, ac proinde licite exerceri potest talis pictura in die festo. Quod si pictura sit nullius ferme studii, idest eorum sit quæ facile conficiuntur ex habitu artis sine magna intentione, & attentione pro pretio, vel ad vendendum, talis pictio referenda est ad opera servilia, ac ideo vetita est ac illicita die festo.

Delineatio ædificiorum vero, quando concurrat perpetua inventio ac intentio, vel magna attentio ad combinationem plurimarum notabilium partium, manifeste pertinet ad laborem potius mentis quam corporis. Immo licentiam huius laboris nec vergentis ad abusum, aut scandalum aut corruptelam morum, demonstrat praxis timoratorum pluribus in locis. Nec exinde sequitur quod licitum foret sculptio imaginis, aut conflatio ex ære: manifestum est enim in conflatione statuarum ex ære, & in sculptione imaginis parum artificiosæ, plus respici in æstimatione communis laborem corporalem quam mentalem.

Venatio autem, aucupatio, & piscatio quatenus a plebeis hunt lucri causa pertinent in æstimatione morali ad opera servilia die festo prohibita. Ita communiter Doctores,

Quid de venatione piscatione die festo dicatur.

Doctores. Imo venationes, aucupationes & piscationes, quæ fieri nequeunt sine magno labore ministerialium, & præsertim venationes strepitosæ referendæ sunt in classem operum servilium, etiam si fiant solius recreationis gratia: nam quamvis in classem operum servilium forte non sint referendæ ob identitatem naturæ, ad eam tamen classem revocandæ sunt ob paritatem rationis, cum in æstimatione morali consimiles operentur effectus, quos opera servilia operantur, & ratione quorum opera illa servilia vetita sunt. Etenim primo reddunt ex genere suo hominem ad cultum divinum pro die festo indispotum; secundo positive avocant mentem a vero cultu divino tam interno quam externo, saltem ex suo genere respectu posterioris partis hominum; tertio ex suo genere vergunt in corruptelam morum quoad punctum reverentiæ diebus festis debita; denique etiam pariunt scandalum in populo rebus divinis intento. Sic sentiunt Bagundez, Toletus, Paulus, & alii. Venationes vero, aucupationes & piscationes, quæ solius recreationis causa sine magno labore ac numero ministerialium, sine neglectu divinatorum, sine scandalo, ac exiguo tempore peraguntur, culpam venialem non excedunt. Et ratio est, quia licet huiusmodi actiones quamdam impertent deordinationem, Ecclesia tamen non censetur graviter invita, dummodo raro contingant, & tempore matutino non omittatur auditio Sacri & verbi divini. Si tamen cum venatione, piscatione, & aucupatione etiam strepitosa concurrat motivum necessitatis, aut pietatis, in casu extraordinario permitti possunt. Monet tamen Alexander III. in cap. *licet de feriis*, ut hæc fiant saltem cum notoria commutatione in aliud opus pium. Quænam autem causæ referendæ sint ad motivum pietatis, cuiuslibet considerationi relinquuntur. Hærens Amore ex recreationibus.

Exercitationes militares publicæ pertinent ad opera servilia die festo vetita, cum ob rationis paritatem, tum ob identitatem naturæ, ut volunt supra laudati Doctores; quia pertinent principaliter ad exercitacionem potius corporis quam mentis saltem ex parte gregariorum; eademque nec referunt, nec ex genere suo facile compatiuntur animi ad cultum divinum tempore postmeridiano dispositum. Possunt tamen coletari concurrente motivo necessitatis, v. g. tempore ingruentis belli, vel pietatis, puta ut huiusmodi homines retrahantur a compotationibus, ebriis, lasciviis, & aliis vitiis

die festo usitationibus, vel ut juventur aliis diebus impedita exerceatur in armis pro defensione patriæ.

Opera non servilia alia diebus festis concessa sunt, alia non, ut cit. cap. 2. *de feriis*, in quo hinc diebus vetitum est fieri mercatum seu mercaturam, placitum, cuius nomine intelligi debet quælibet lis, iurgium seu causa forensis, præstatio sacramenti, idest iuramenti iudicialis, idcirco alios actus forenses, ut recipere testes, examinare, &c. cum prius iurare debeant, nisi aliter suadeat pietas, vel urgat necessitas, tametsi hæc opera servilia non sint, quinimo a dominis, ingenuisque peragantur.

Opera vero servilia vetita sunt diebus festis, peccantque graviter qui hinc diebus in illis se exercent, nisi pietas, necessitas, vel levitas materiz exulet. Et hoc patet ex præxi, tum ex sensu timoratorum omnium, tum ex consuetudine in Ecclesiis omnibus recepta, sed præcipue ex iplo divino præcepto: *Omne opus servile non facies in eo*. Quod præceptum ut morale etiam ad Christianos spectat; & ita docet perpetua Patrum traditio: *Vacatio a servilibus operibus imperatur*, (ait S. Aug. ep. 66. alias 86.) unde illud est quod lapidare Deus hominem iussit, qui ligna collegerat. Idipsum ait & S. Leo lib. 11. epist. 3. Idemque plura iubent Concilia; idcirco non licet utpote vetita diebus festis non solum opera gravioris laboris, ut seminare, mœcere, fœnum siccare vertendo, cædere arbores, similiaque, quibus agricolæ arva colunt, opera artis lignariæ, ferrariæ, futuriæ, textoriæ, fabrilis quoque, cuiuscumque sit generis; ut sculpsere sigillum, cælare in auro, horologium facere, &c. sed prohibentur etiam opera, quæ a nobilibus sæminis fieri solent, ut accipingere, versare fulum, similiaque, quæ immerito a quibusdam Confessariis permittuntur prætextu quod melius sit his vacare quam ludo, & aliunde quia humana mens non valeat sustinere tota die; quia reputat legi Ecclesiæ, quæ generalis est, imoque expresse vetat ac pictiles in Concilio Aquilgranensi can. 22. Item quia sine fundamento petitur servilitas operis ex intentione lucri, ut iam dictum est, alias Princeps, qui sciret artem aliquam mechanicam, puta colendi plantas, viridaria, vel vineas, vel artem fabrillem auriificii, posset sine culpa eidem vacare per longum diem festi intervallo. Quod si alicui ludus deterior videatur opera servili, ab utroque se abstineat, ut faciant non pauci.

Quæ opera non servilia vetita die festo.

Opera servilia vetita die festo.

Peccant typographi, qui characteres ordi-
nant, seu actu folia sub prælo imprimunt
die festo: nam quicquid sentiant aliqui de
characterum dispositione, hæc sunt opera
vere mechanica, & sæpe tam mechanice fa-
cta, ut plures nequidem intelligant quod ty-
pis lingua vernacula exprimentur.

Peccant pariter contra obliuisciam dici
festi, qui hisce diebus se implicent in operi-
bus iudicialibus, quæ peraguntur cum ali-
quo strepitu, ut sunt decisiones causarum,
citationes reorum, testium examen, effor-
matio processus, exigere iudiciale iuramen-
tum; exhibere instrumenta, proferre aut
exequi sententiam, ita ut si hæc fiant iuri-
dice tali tempore, seclusa tamen gravi ne-
cessitate ob publicum bonum, ipso facto ir-
rita sunt. Hæc enim omnia strepitum con-
tinent iudicalem, & licet non servilia, ut
antea dixi, verita tamen sunt die festo.
Datur tamen aliquis casus, & præcipue cir-
ca aliquos actus, ut aliquando licita sint so-
rensis, ut dicitur ubi de causis excusan-
tibus.

Quæ vo-
rentibus
licita sunt
die festo

Non tamen vetitum est advocatis quin
possint die festo vacare studio causa litium,
informare iudicem scripto, agere privatim
cum procuratore, referre causam apud iu-
dicem, ut ea cognita commodius ferat sen-
tentiam. Item licitum est Doctori conficere
consilia, ac cum civibus ad consilia conve-
nire, vel eligere ad officia. Insuper confici
possunt die festo testamenta, scripturæ,
donationes, & alia id genus, quia huiusce-
modi sunt opera animæ, non servilia, nec
comprehenduntur in processu iudiciario.

Cum die festo vetiti sint mercatus, nun-
dinae, &c. contractuumque celebrationes,
peccant qui in hisce occupantur, ita ut illic-
itum sit die festo negotiari etiam priva-
tim, contractus facere permutationis, em-
ptionis, locationis, &c. nisi tamen tales con-
trahentes ex consuetudine approbata aut ex
iusta causa excusentur, vel saltem non ni-
mis longe occupentur, ut retrahantur a di-
vino cultu, aut occasione præbeant morali-
bus corruptelæ, vel scandali: nam ideo hæc
opera vetita sunt diebus festis, quia retra-
hant de advocat a rebus divinis, ad quas se-
ssa ordinantur, videlicet ut fideles liberius
piis operibus vacare possint, & Dei cultui
ac obsequio.

De his
qui se
quant
die festo
saltem.
res. Cho-
ras &c.

Quare cum fini diei festi valde adversen-
tur choreæ, saltationes, ac ludi theatrales,
tabernarum festationario, præcipue tempore
divinorum Officiorum, convivia publica, co-
mestationes, & multo peius quam omnis

alia civilis occupatio, puta fori, negotiatio-
nis, &c. animum a divino retrahant obse-
quio, imo sint etiam præcipue juvenibus oc-
casio Deum graviter offendendi; hinc spe-
ciali modo a Patribus, & a Conciliis prohi-
bentur die festo, ideoque peccant qui inter
hæc diebus festis se occupant. Natalis Alex-
ander, Antoine, Tournely cum aliis.

Quia vero rei sunt non solum qui cul-
pam committunt, sed illi quoque qui cum
possint & debeant impedire malum, non im-
pediunt, ideo peccant graviter domini, ma-
gistratus, alique locorum Rectores, qui neci-
tatus, nundinas, choreas, aditus concivi-
bus ad tabernas tempore divinorum officio-
rum, ac similia, quibus sanctitas festi viola-
tur, haberi permittunt. Item patres fami-
lias, qui omni meliori modo quo possint,
non obstant ne filii sui aliive domestici ser-
viliter laborent, & multo magis qui ipsis
committunt, ut oves, boves ad pascua
perducant, maxime si hæc sint illis occa-
sio, ut cum magno spiritali eorum animæ
detrimento non interveniant instructioni Do-
ctrinæ Christianæ, unde crassa laborente
ignorantia eorum quæ scitu necessaria sunt
cuique fideli ad æternam salutem.

Pulsare instrumenta musica, ac scribere,
non sunt servilia, ac proinde non vetita ut
antea notavimus diebus festis, quia scriptio
ordinatur ad animum instruendum, cum sit
quædam permanens locutio ex se ordinata
ad mentis conceptus explicandos, seu ad
proprium vel alterius mentem instruendam;
& hac ratione dicitur etiam transcribere non
esse servile, ac proinde non vetitum diebus
festis, cum transcribere nihil aliud sit quam
scribere: pulsatio autem instrumenti ordina-
tur ad animi relaxationem.

Quotvis vero itineratio si præcise confi-
deretur ut est de uno ad alium locum pro-
gressio, sive pedibus, sive equo, sive rheda,
non sit opus servile, cum hoc naturale sit,
& omnibus commune; servile tamen est du-
cere equum, currum, navigium mercibus o-
nustum, item imponere onera, ea tollere,
aliaque huiusmodi; unde non licet vehori-
bus iter die festo inchoare, tametsi his per-
mittatur continuatio itineris ante festum su-
scepti, vel ob publicam necessitatem, vel
ob damnum quod patenteretur in mora. P. An-
toine cum aliis. Unde mortaliter peccat qui
in operibus servilibus, die Dominico, aut
aliis festis de præcepto vetitis sine legitima
causa excusante se exercent per notabilem
diei festi partem, quam censent aliqui esse
spatium unius horæ, alii trium, & com-
muni-

De culpa
Superio-
rum non
impedi-
entium
contra-
ria fan-
tastica
Festis.

Quæ rei
necesse
vetita
die Fe.
No 1

multi-

monior ac probabilior est duarum plus minue, siue continue, siue interrupte in his laboretur. Imo censent, ac docent non pauci laborem unius tantum horæ sufficere ad mortale, quando opus sit valde servile & defatigans. Ita Azo. Rhag. Bon. Grand. Reiffensl. Quare apposite notant aliqui præter quantitatem temporis simul considerandam esse qualitatem operis, ac laboris, & an ulla concurrat necessitas. Sic brevis agitatiō liti in re magni momenti, & prolatio sententiæ, dum nulla urget necessitas, est grave peccatum. Ex opposito vero si labor sit levior, aut aliqua concurrat necessitas, facile quis etiam diutius laborans excusabitur a culpa saltem mortali, quod quidem iudicio prudentis viri est dimittendum. Idcirco non ita facile damnandæ sunt mortales culpæ pauperes mulieres, vel famulæ, quæ diebus festis aliquas horas insumunt nando, vel proprias vestes, vel filiorum, aut mariti refaciendo, vel si artifices, v. g. lutores, sartores, &c. in similibus laboribus unam, vel alteram horam insumant gratis sine mercede pro pauperibus ancillis, famulis, viduis, familiis, quia Ecclesia non prohibet obsequia charitatis, quatenus hæc nihil detrahunt cultui divino, nempe officio divino publico, & auditioni verbi divini, & honestati solemnitatis publicæ, nec vergunt in corruptelam morum vel scandalum, unde cavendum est ne fiat cum scandalo, vel etiam ad otium fugandum, vel ad vana colloquia.

§. VIII.

De causis excusantibus ab obligatione omittendi opus servile, vel forense, vel mercatorium.

Quæ ex-
citant a
festorum
observan-
tia.

Iamdudum est antea incidenter pietatem, necessitatemque, necnon levitatem materiæ excusare a culpa exercentes die festo opera iisdem diebus verita. Excusat quidem pietas in Deum, per quam licitum est in die festo se occupare in operibus proxime ad Dei cultum spectantibus, ut esset altare instromere, templum ornare &c. Sic Catechismus Romanus. Hinc sic Christus Matthæi 12. Sacerdotes in templo violare sabbatum, sed sine culpa. Illicitum est tamen templum scopis mundare die festo, necnon eorum parietes tapetibus ornare, quando pridie hoc commodè fieri queat; nam fecus volunt Doctores esse saltem veniale.

Illicita
die festo,
quæ re-

Item minime licent diebus festis ea opera, quæ tantum remore ad Dei cultum or-

dinantur, ut conficere ornamenta etiam ecclæ; templa construere; unde peccant Moniales, quæ die festo cereos, aut ex alio SS. imagines effingunt, quæ scapularia, chordulas, Rosaria conficiunt &c. eodem ferme pacto quo peccaret artifex, qui Christi, aut Virginis imaginem etiam ex pia intentione die festo fabricaret. Item qui pannes faceret consecrandos, qui mappas, corporalia lavaret, nisi gravis urgeat necessitas; nam huiusmodi opera remote solum, & dispositive se habent ad diem festum. Excusat pariter pietas, seu charitas erga proximum, dummodo tamen opera sint per se pia, non autem ex se servilia, & solum per accidens pia. Opera per se seu ex se pia vocantur quæ ex genere suo fieri non solent nisi ex motivo virtutis, licet materialiter spectata videantur opera servilia. Talia enim sunt parare medicamenta infirmis tunc egentibus, non tamen danda pauperibus per anni cursum, ultro servire infirmis, gratis sepelire mortuos; quia sicut Matthæi 12. licitum est die sabbati succurrere proximo indigenti, cum charitas finis sit præceptorum, hinc nihil impedire debet eius exercitium, imo cum teneamur diligere proximos sicut nos ipsos, dubium non est nos posse pro eodem quod possumus pro nobis ipsis. Opera autem servilia pia per accidens dicuntur, quæ ordinarie non solent fieri ob motivum virtutis: huiusmodi sunt congerere lapides ac ligna ad ædificandum pium locum, pontes sternere aut vias pro bono viatorum, &c. Si enim istalicerent, etiam licite quis operaretur unde possit elargire elemosynam. Quare in rebus huiusmodi observandus est ordo charitatis erga Deum, seipsum & proximum a Deo præscriptus.

Excusat necessitas siue propria, siue aliena, siue corporalis, siue spiritualis, quæ vitari non potuit, v. g. cum sine gravi damno opus aliquod prætermitti aut differri nequit; Matthæi 12. & cap. ult. de feriis. Idcirco excusantur 1. pauperes, cum die festo sine scandalo laborant audito officio, quando aliter se & familiam sustentare nequeunt. 2. Famuli & ancillæ iussu domini laborantes, si omittere non valeant sine gravi damno, nec ad id cogantur in contemptum legis: si tamen frequenter hoc contingat, a talibus dominis discedere debent iuxta Suarezium. 3. Instauratores pontium, fontium, varum publicarum, & aliarum id genus, dummodo tamen sine gravi communi damno opus differri non possit. 4. Rustici delatigantes ad imminens

more se
habent
ad divi-
num cul-
tum.

Excusat
pietas,
seu Cha-
ritas erga
proximum.

Necessi-
tas quan-
do excu-
set a Fe-
storum
obser-
vantia.

damnum effugiendum, puta si ob imminentem hostilem incursum, ob aeris intemperiem, idest ob proximam pluviam scœnum vel segetes colligant, vehant &c. In hisce tamen casibus petere debent ab Episcopo, vel Parocho licentiam secundum consuetudinem, quando adiri possit, ne quis in re tam gravi decipiatur, & necessitas ubi non est effingatur, præcipue ad scandalum vitandum, si res publice fiat. Tametsi vero a multis excusentur factores, qui vestes quas elapsis diebus complere non potuerunt, perficiunt die festo, dum earum usus urget ob exequiarum, aut nuptiarum celebritatem; indubitanter tamen peccant, si, ut non raro contingit, sua culpa in talem necessitatem inciderint. P. Antoine, Reinfelt. cum aliis. Ob tale titulum necessitatis iuxta aliquos fieri possunt, & exequi iudicia forensia præcipue in criminalibus, quando timeatur quod sententia dilata non amplius exequi possit, vel quia ad aliorum peritorem opus sit, ut reus sine processu statim apprehensus est in delicto, statim suspendatur, ut sit in castris. Item recipi iudicia iuramentum, & etiam extraiudicialia ad contrahendum firmandum, & hoc fieri potest non solum ob urgentem necessitatem, sed etiam si ita exigat gravis utilitas, vel pia quedam cœremonia, aut fidei professio. Sic Tourneleus & alii.

Consuetudo pariter permixta ab Episcopis scientibus & tolerantibus live generalis live specialis locorum excusare valet, unde inculpabilis est venatio & piscatio moderata recreationis causa extra divina Officia. Sic Pistores, minutarum mercium venditores, alique diebus festis, eas vendere possunt; in quo tamen videndum est an & quale incommodum passuri sint, vel aliis producturi, si ab exercicio suæ artis abstineant: nam si se abstinendo tantum damni sentiant, ut se suosque sustentare nequeant, sine dubio laborare possunt. Item si ex labore profecti temporis tantum lucrentur ut ad vitium sufficiat, sed grave incommodum aliis parituri sint non elaborando, reprehendi debent nisi laborent ut vendant: nam in tali casu valet ad eos excusandos non solum titulus necessitatis, si non suæ, aliorum saltem, sed etiam consuetudo, circa eas merces, quibus providetur incommodis temporariis operantium quam aliorum, quibus noceret abstinentia a tali operatione; unde urbium mercatores, rustici calceos, vestimenta, alique huiusce generis, modo absque scandalum, & cum officina saltem semiclaus-

sa, vendere possunt, cum illi sine molendi incommodo aliis diebus ad urbem accedere nequeant. Sic excusantur barbitonfores, qui seientie nec repugnante Episcopo artem suam exercent erga rusticos & opifices, qui alia die eos adire non possunt nec volunt, aliquin se suamque familiam sustentare non valent. Observatio sabbati, (ait Gerson in regulis moralibus) quoad circumstantias temporis, modi & loci pro maxima parte relicta est determinationi Prælatorum, quæ cognoscitur tum ex eorum institutis, tum ex consuetudinibus per eosdem legitime toleratis. Ita docent Iuvenius, Ioan. Pontas, P. Antoine & alii. Item titulus eisdem intervenientibus necessitatis, aut consuetudinis, docent Batusus, Bonac. Rodriguez licere die festo molere triticum, quando molendinum agitur aqua, aut vento, quia tunc non intervenit gravis labor; seculi tamen necessitate, quæ est præcipue, quando talis sit concursus, ut diebus festatis fatiscere nequeat, aut speciei alicuius loci consuetudine, hoc non est passim admittendum, tum quia scandalum parit, tum quia in molendinis aliquis labor simul intervenit.

Excusat tandem legitima dispensatio Papæ vel Episcopi, vel etiam Parochi ex consuetudine ob gravem, vel iustam causam, quando non datur facilis accessus ad Episcopum; quam dispensationem conferre possunt etiam diebus Dominicis, licet hi iure divino sint festi, quia a supremo divino auctore sabbatum datum est homini, non homo sabbato: alias si Ecclesie Prælati non possent dispensare super opera servilia in die Dominico, iusta tamen interveniente causa, non excusaret ne quidem consuetudo, quæ permulta servilia absque eo quod culpa ulla imputetur, licet agere, hisce diebus. Et equidem sicuti alia festa, diem quoque Dominicum festivum instituit Ecclesia non præcisè ut hunc diem sabbato substitueret in memoriam Resurrectionis Domini, sed præsertim ne Iudaicum morem Christiani sequerentur, qui ut cœremoniale abrogatus est, ideoque multa Christianis permixta sunt die Dominico, quæ Iudeis sabbato interdicta erant: & cum Ecclesia potestate a Christo sibi donata explicandi ipsius præcepta & naturæ aliquid statuerit circa opera servilia, idest circa ea a quibus die Dominico aliisque festis quæ ipsa Ecclesia instituit, abstinere debent fideles: hinc fit quod circa talia opera servilia, quæ Ecclesiastico iure sunt vetita, stet in Ecclesie potestate & dispensandi ex iusta causa, & permittendi ac toleran-

Excusat
dispensatio
Papæ vel
Episcopi
aut
Parochi
ex
causa
gravem
vel
iustam

Quid consuetudo
tolerata
circa festum
villæ
die
Festo.

lerandi, ut invalere contraria consuetudo contra eorum abſtinentiam. Ita Claudius Fleury in ſua Canon.

§. IX.

De violatione quæ fieri poſſit diebus feſtis per mortalia peccata.

Num per graviora peccata violati queat diei feſti obſervantia permulti negant, eo quia, dicunt ipſi, peccata mortalia non ſunt opera ſexualia, ſed tantum metaphorice, cum peccata non ſint fervorum propria, ſed communia omnibus, etiam nobilibus, & verba præcepti ſunt proprie accipienda. Insuper hoc opponitur praxi, & perſuaſioni fidelium & Confeſſariorum, cum nec poenitentes accuſent, nec Confeſſarii petant hanc circumſtantiam. Concedunt quidem plus repugnare fini præcepti, iſteſt divino cultui peccatum quæ opus ſervile, & in talenſu ſolvunt auctoritates quæ ſolent obici Sanctorum Patrum: negant tamen peccatum adverſari ſubſtantie præcepti vetantis opera ſervilia, & contra illum ſpecialem cultum, qui tunc præcipitur per abſtinentiam ab opere ſervili. Finis præcepti, aiunt, non ſemper eſt præceptus: ſatentur tandem circumſtantiam illam diei ſacri addere maliſtim venialem. Affirmant veto alii, ac ſuſtinent auctoritate SS. Patrum, & primo S. Aug. ſerm. 22. ubi ait: *Ille vere obſervat ſabbatum, qui non peccat; ita enim præcipitur: omne opus ſervile non facietis; omnis qui facit peccatum, ſervus eſt peccati.* Eodem conſonat S. Greg. Niſſen. hom. 6. in Eccleſ. Item S. Thomas 2. 2. q. 122. art. 4. ad 3. S. pariter Antoninus part. 1. tit. 14. cap. 4. §. 4. Et equidem dies feſti, aiunt huius ſententiæ patroni, ſunt tempus determinatum ut divinum ac naturale præceptum impleatur præſcribendo ut fideles ſemper Deum colant, diviniſque rebus vacent, ea omnia vitando quæ a divino ſervitio removere valent, cuiusmodi ſunt opera omnia ſervilia, & præcipue peccatum, quo multo magis a divino ſervitio homines retrahuntur quam per opera manualia ſeu ſervilia. Nec officiit, dicunt ipſi, poenitentes hanc circumſtantiam non conſteri, quia hoc, ſubiungunt, contingit ex deſectu inſtructionis. Alii tamen, quibus aſſentitur P. Antoine, diſtinguunt, ac docent peccata quæ includunt ſpecialem oppoſitionem, vel aſſerunt impedimentum ſanctificationi diei feſti, ut reddant hominem incapacem applicationis ad divina, cuiusmodi eſt ebrietas, quæ

diu privat hominem proxima facultate vacandi divinis rebus; item ſeditio &c. hæc prohiberi hoc præcepto, & contrahere ſanctitiam mortalem contra Religionem.

§. X.

De operibus quæ diebus feſtis exercere debent fideles.

Diebus feſtis generatim præcepta ſunt fidelibus opera Religionis, pietatis & charitatis, qualia ſunt intereſſe divinis Officiis, S. Miſſæ Sacrificio, & Veſperis, Concionibus, Catecheſibus, orare, pie meditari, libros ſpirituales legere, Sacramenta ſuſcipere, viſitare Eccleſias, infirmos, & in carcere detentos &c. Et hoc patet ex Deuter. cap. 5. *Obſerva diem Sabbati, ut ſanctifices eum*, ubi explicat Catechiſmus Romanus, Sabbati diem conſecrari ſeu ſanctificari divinis actionibus, ac ſanctis rerum officiis: SS. enim Apoſtoli inſtituerunt Dominicam pro die feſto non ſolum ad celebrandam Chriſti Domini Reſurrectionem, ſed etiam quia iure naturali tenentur homines colere diem aliquem in Dei honorem: hinc multa Concilia præcipiunt, ut diebus feſtis fideles doceantur quod Dei cultui dicati ſunt, ideoque vacandum eſſe divinis Officiis, Concioni, piis operibus. Et cum totus dies ſanctificandus ſit, Deoque conſecrandus, non ſolum matutinis, verum etiam poſtmeridianis horis divinis rebus incumbendum. Intes opera tamen ſupradicta, quibus vacare debent fideles in die feſto, auditio Miſſæ ea eſt cui fideles omnes uſu rationis præditi tenentur, & hoc certum eſt apud omnes ſine ulla controverſia, nam ita docet communis ſenſus, & praxis Eccleſiæ, & plura præſcribunt Concilia, ſed de hoc dicemus ſuo loco, nempe in explicando ſecundo Eccleſiæ præcepto.

Controvertitur inter Doctores num ad diei ſanctificationem quæ in Dominicis, & feſtis Dei & Eccleſiæ mandato præcipitur, præter Miſſæ auditionem, quæ ſpecialiter iubetur, teneantur Chriſtiſideles ad alia religionis pietatiſve opera, puta an convenire ita debeant in ſuis Parochiis Miſſæ Parochiali, concioni, catecheſibus, veſperis &c. ut hæc omittendo culpam incurrant. Et circa hæc omnia iam conveniunt, quod dum nulla legitima cauſa excuſat, non ſine culpa ſaltem veniali ſas ſit. Ita inter alios S. Th. S. Antonin. citati a Pontasio verbo *Dies Domini ac feſti caſu 2.*

Exponitur opera præcepta fidelibus feſtis.

Unde

Unde adhuc remanet quæstio num qui sollemnmodo, ut otio secularibusque solatiis indulgeat, alia pietatis virtutisque opera die festo prætermittit, graviter, seu cum reatu mortalis culpæ violat præceptum de diei dominici, & festi sanctificatione. Et quidquid sit de sententia tam illustrium virorum supradicta, qui in tali defectu solam venialem culpam agnoscunt, non immerito asseri potest ac sustineri cum Caietano, graviter peccare qui otioso integros, cultui divino, ac fidelium sanctificationi dicatos dies festos transigit; & hæc sunt verba Caietani in Summa. verb. festum: *Licet cum abstinentia a servilibus solus Missæ cultus sufficiat in festo ad evitandum peccatum mortale; tenentur tamen fideles diem expendere in divinis laudibus, saltem eundo ad prædicationem & ad Vesperas: unde qui post Missam festos dies vane consumunt ludendo, iocando, venando, aus spectaculis intendendo, licet ex ipsis operibus, utpote non servilibus mortale peccatum non incurrat; ex omissione tamen divini cultus, ad quem festa instituta sunt, graviter peccant, quia non reddunt quæ sunt Dei, Deo, & quantum in se est, ridiculo exponunt Christiana festa, iuxta illud: Viderunt eam hostes, & deriserunt sabbata. Et hoc præcipue tangit viros graves, & maiores & dominos; cæteri namque eos imitantur.* Et hoc constat ex mente & sensu totius Ecclesiæ, quæ in multis Conciliis statuit fideles occupari in assiduâ pietatis operibus, & præsertim divinis Officiis ac Pastorum concionibus & instructionibus interesse debere, ut habetur in Concil. Turonensi habito anno 813. sub Leone III. Pontifice, & Carolo Magno Imperatore, quod de die Dominico sic habet: *Oportet Christianos a servili opere in laude Dei & gratiarum actione usque ad Vesperam perseverare.* Ita in Meclinenf. anno 8170. Rhemenf. ann. 8564. in primo Aquileiensis sub Clemente VIII. & primo Mediolanensi, aliis quamplurimis omisfis, quorum aliqua videri possunt in Natali Alexand. quibus iubentur fideles ut Dominicos festosque dies sancte & pie exigant, & omnibus divinis Officiis intersint, atque concionibus seu instructionibus, ac per reliquum tempus ad pia religionis opera specialiter sint intenti.

Nec absolute dici potest de omnibus his operibus, quod ea non præcepit Ecclesia fidei Missam præcepit; quia concessio etiam quod attentis variis humanæ vitæ circumstantiis distributive hanc & illam ex eis non præcepit, pro certo tamen tenendum est

eandem collectivè præcepisse, prout circumstantiæ permittant, ut semper sanctificatio diei festi modo moraliter possibili habeatur; nec ullatenus est censendum quod Ecclesia, quæ tota est ut retrahendo populum die festo ab operibus servilibus, ad Deum operibus pietatis hæc diebus colendum totum convertat, solam Missæ auditionem, quæ brevi temporis intervallo absolvitur, ita fidelibus præscribat, ut ad nullum pietatis officium teneantur pro diei Dominici & festi sanctificatione; alias sequeretur quod revocando populum die festo a servilibus, sine obligatione pietatis opera peragendi constitueret dies festus in otiositate, ac ideo in multorum malorum periculo, ad quæ otium inducere solet. Sic Pontas cum aliis.

CAPUT II.

De Præcepto audiendi Missam.

§. I.

De obligatione audiendi Sacrum diebus Dominicis & aliis festis de præcepto.

Supposita sacrosancti Sacrificii Missæ institutione docent Theologi, omnes fideles teneri ex iure naturali & divino eisdem sæpe in vita interesse, cum iure naturali nobis incumbat sæpe internum ac externum cultum Dei maiestati exhibere per Sacrificium ab ipso Deo institutum: idcirco potiori iure tenemur eum tali cultu honorare, & venerari diebus festis, in quibus specialiter nobis præcipitur Deum colere, ac ideo Ecclesia ipsa hoc tempus ad huiusmodi cultum Deo exhibendum speciali præcepto suis fidelibus designavit. Omnes igitur baptizati nulum rationis habentes culticumque sint status & conditionis, non legitime impediti singulis diebus Dominicis, aliisque festis de præcepto tenentur sub mortali integram Missam audire cap. *Missæ* 64. de consecrat. dist. 2. & sic alibi in iure canon. ita ut nec hæretici formales a tali debito eximantur: nam licet ratione excommunicationis cui subiiciuntur non teneantur Missam audire si ab eis non dependeret absolutio, tenentur tamen huiusmodi excommunicati, quia ipsi non solum talis excommunicatio est libera, quam forte ignorant, sed etiam generatim ommissio omnium Ecclesiæ præceptorum, idcirco ommissio Sacri est ipsis libera in sua causa. Item Missam audire tenetur Sacerdos, si per se ipsum eam non celebrat; ita ut iuxta probabilior

rem

tem contra Fagundez, si non adesset alius Sacerdos, a quo Missam audire posset, teneretur ipsemet celebrare, ut præcepto de Sacro audiendo satisfaceret, & præcipue ait quidam Recentior, teneretur si hoc ei contingeret die Dominico, quia iure naturali & divino tenetur homo omni hebdomada semel offerre per se vel per alium Deo Sacrificium in contestationem supremi domini, si id congrue fieri possit. Item obligantur Regulares exempti audire Sacrum in festo Diocesano per Episcopum præscripto, quia tenentur servare festa Diocesana, prout declarat Concilium Trid. sess. 25. de Regular. cap. 12. Non tenetur tamen ad audiendum Sacrum qui sit simul cæcus, surdus & mutus a nativitate, quia non potest moraliter modo humano Missæ assistere. Hinc Gobat censet contra Fagundez, Diana &c. idem dicendum fore si quis non a nativitate, sed ex morbo simul cæcus, surdus & mutus redditus sit: nam eadem est ratio, cui etiam favet praxis fidelium, qui huiusmodi hominem domi relinquunt. Aliiter tamen dicendum foret, si non sit perfecte surdus, ita ut domi instrui possit de certis signis per attactum in Ecclesia dandis de initio, Offertorio, Consecratione & Communionem Missæ, quamvis nec ad istam extraordinariam viam obligare videatur lex positiva, sed lex tantum naturalis & divina, ut modo meliori quo commode fieri potest, qualibet hebdomada Sacrificium per Sacerdotem Deo offeratur. Dixi *alisque festis de præcepto*; etenim non datur obligatio audiendi Sacrum in die Cinerum, in festo S. Marci, in die Animarum, scilicet omnium Defunctorum, Feria 5. 6. & Sabbato maioris Hebdomadæ, in diebus Rogationum, in festo ex mandato solius secularis Principis, item in festo solum observato ex consuetudine populi sine Episcopi approbatione, in festo quod solus Episcopus indicit reclamante Clero, & populo, ita Barbosa, Gavantus, Lordanus & Gobatus. Hisce enim festis non datur in conscientia obligatio audiendi Missam, & abstinendi a labore; & ratio pro prioribus est quia potestas secularis non potest instituere dies festos, nec per votum obligare in conscientia successores, aliove incolas locorum non consentientes voto ad observantiam festorum, cum potestas secularis nec a Deo, nec ab Ecclesia, ut antea vidimus, iurisdictionem acceperit circa res immediate pertinentes ad divinum cultum. Ratio posterioris est quia Concilium Trid. facultatem concedit Episcopis, & ita Pon-

tifex Urbanus VIII. ita ipsis permittit festa instituere, dummodo id faciant cum Clero & populo, qui si rationabiliter se opponerent Episcopo, consulendus esset Pontifex. Si autem Episcopus instruat festum tantum dimidiæ diei, vel tantum pro dimidia die approbetur, currit obligatio pro illa die Sacrum audiendi, & abstinendi etiam a labore servili, nisi Episcopus velit tali die solam auditionem Sacri & verbi divini. Idem dicendum si Episcopus festa transferat, quæ potestas transferendi festa Episcopo competit etiam sine Clero & populo, saltem si translatio non sit perpetua.

In dubio an festum sit de præcepto, si dubium post prudentem inquisitionem adhuc insolutum remaneat, potest formari dictamen reflexum, aut concomitans non dari præceptum, quia alioquin cum sufficiente promulgatione saltem verosimilius, ac credibilius factum fuisset.

Mos assistendi Sacro diebus Dominicis non solum semper viguit in Ecclesia, sed etiam obligationem huiusmodi agnovere fideles, ut constat ex lib. 2. *Constitutionum apostolicarum*, ex can. 21. Concilii Milevitani celebrati anno 300. ita ut sicoti habetur ex can. 14. Concilii Sardicenis, & can. 18. Synodi Sextæ, in quo innovata fuit poena separationis a Communione Ecclesiæ contra eum qui per tres dies Sacro non interfuisset, semper in Ecclesia iudicium fuerit de mortali in eo qui Sacrum in die festo de præcepto non audisset.

Ad hoc vero ut tale præceptum, idest obligatio auditionis Missæ legitime adimpleatur, necesse est ut cum circumstantiis personæ, cuius Missa audiat, loci, temporis, quædam pariter dispositiones observentur in eo qui Missam audit, ut nempe præsens sit saltem moraliter, integre, ac religiose, seu cum debita intentione & attentione eam audiat.

Et quoad primum, scilicet quoad Ministerium cuius Missa est audienda, certum est debere esse Sacerdotem, qui non cognoscatur nominatim denunciatus, excommunicatus, suspensus, interdictus non toleratus, vel realiter aut verbaliter degradatus, infidelis, hæreticus, schismaticus, quia cum Ecclesia reiiciat istorum celebrationem, satisfieri nequit eiudem præcepto Missam audiendo quam ipsa reprobatur. Impletur quidem si audiatur a Sacerdote excommunicato, suspensus, five interdicto, tamen tolerato, vel a publico concubinario; nam licet audiat Missa indigni, non auditur tamen Missa

Quid te-
quiratur
ad im-
pleendam
obligationem
auditionis
Missæ facti.

non tolerati, depositi vel infidelis. Satisfit pariter eam audiendo celebratam de Requiem pro defuncto in ritu græco, syriaco, aut alio diverso, dummodo catholico, quia diversitas ritus non impedit esse veram Missam, & ab Ecclesia acceptam: idemque dicendum de eo qui in Nativitate Domini unam audit ex tribus, etiamsi audiat in Vespere Vigilæ, ut nunc pluribus in locis est privilegio in Vespere Vigilæ celebratur, (dummodo eam non computet pro die præcedenti, qui incidit in Dominicam) quia diversitas ordinis non tollit quin Missa censeatur esse intra diem huiusce festi, cum festum incipiat a primis Vesperis, alias Missa celebrata tali hora non suppleret primam Missam solemnem iuxta ritum ab Ecclesia præscriptum tali die in eius media nocte celebrandam. Sic Lugo.

Quid circa locum audiendi Sacrum die festo.

Quoad locum Missam audiendi pro adimplendo præcepto licet videatur Concilii Trid. intentio, ut saltem Dominicis diebus & maioribus festis ad Sacrum audiendum in suis Parochiis fideles accedant, sicuti habetur in eius Decreto de servandis, & vitandis in celebratione Missæ festi. 22. quia tamen Concilium ibi hortatur solummodo, & non præcipit, sicut declaravit sacra Congregatio dicti Concilii interpres, sic non tenetur in sua Parochia Sacrum audire, sed satis est ut in quavis alia Ecclesia sive Sæcularium sive Regularium eam audiant, sive in aliquo Oratorio, cui concessum fuit privilegium Missam in eo celebrandi, circa quod tamen videndum num Oratorium sit publicum vel privatum, & quantum scilicet, ad quos dies & personas se extendat, nam etiam in Oratoriis publicis, si aliqui dies festi excipiantur, ut heri solet quoad solemnitates principales Paschatis, Pentecostes, Natalis Domini, alteriusve huiusmodi festi, qui Missam in illis hiis diebus audiret non satisfaceret præcepto, sicuti etiam si in privatis excipiantur qui non sunt ex familia, hic profecto non implent obligationem ibi Sacrum die festo audiendo. Attendendus est igitur in Oratoriis sive publicis sive privatis tenor privilegii. Nomine vero familiarium seu eorum qui sunt de familia, intelliguntur habitantes in eadem domo cum quadam habitudine subordinationis ad caput principale familie domesticæ. Tales sunt pater & mater, avus, & gener, uxor, filii, filiz, nepotes, pronepotes, servi, ancillæ, ministrantes infirmis, convalescentes, ac alii aliquandiu hospitalitatis vel amicitiz causa utentes iisdem mensa & lecto.

Instit. Theol. Moral. Tom. III.

Per epikeiam autem huc referri possunt iniquitii, & alii familiaritatis causa invisentes, vel negotii causa conferentes, si vetosimile fuerit auctorem privilegii in casu extraordinario eos honestatis causa noluisse excludere a privilegio.

Concessionem Oratorii privati, in quo per Cappellanum domesticum solet haberi Missa ordinaria in diebus Dominicis & festis, sunt strictæ interpretationis; quia Episcopi, & Summus Pontifex nolunt præiudicare obligationi antiquissimæ apostolicæ audiendi verbum divinum in Ecclesiis publicis, ac in iis contestandi communionem fidelium in Liturgia solemnii supremæ maiestati debita: imo Episcopi peccarent mortaliter, si ultra terminos necessitatis ac manifestæ honestatis pro ordinario per annum Sacrificio, aut nimis large intelligi vellent suas concessionem in præiudicium Liturgiæ solemnii in Ecclesia, & auditionis verbi divini.

S. II.

De tempore seu horis in quibus audiendum est Sacrum.

Missæ audienda est in horis quibus licitum est Missam celebrare. Missæ autem celebratio stando iuri communi contingere non debet ante Horas matutinas, nec post prandium, ita ut saltem compleri nequeat ante horam matutinam, nec inchoari post meridiem, ut ex Missali Romano, & generali praxi ac consuetudine, nisi ritus Ecclesiæ, ut Missa in nocte Nativitatis Domini, vel necessitas, vel privilegium aliter exigant. Etenim ex privilegio, vel gravi causa licet horam matutinam & pomeridianam invertere seu variare, nempe celebrando excedere aliquantulum ante horam matutinam, vel post meridianam, quæ non puncto mathematico, sed moraliter accipienda sunt. Porro per auroram matutinam intelligitur prima lucis irradiatio quæ excepto tempore utriusque æquinoctii durat per horam cum dimidio, & aliquando per duas horas in diversis mensibus. Unde hora dimidia ante Solis ortum sacrificare licet, ac ideo Missæ auditione præcepto de Sacro festis audiendo satisfacere; & non multi concedunt posse Missam inchoari uno aut altero quadrante post meridiem ex rationabili causa, puta ob supplicationem, concionem publicam protractam ultra meridiem. Addit hic quidam recentior consuetudinem patriæ toleratam a superioribus in favorem arithum & rusticorum multum valere posse; & sic multis

Quid circa horas audiendi Sacrum die festo.

E c in

434
in locis præcipue tempore hyemali Missa
pro operatorum commodo celebratur tri-
bus horis ante ortum Solis.

TRACT. DE PRÆCEPTIS ECCLESIAE CAP. II.

S. III.

*De præsentia & adfidentia Sacrificio Missæ
ad implendum præceptum.*

Præsentiam audientis Missam ad imple-
dum hoc præceptum absolute requiri patet
manifeste ex verbo *audiendum*, necnon ex
ipsius Ecclesiæ usu, & sensu: unde eviden-
ter demonstratur necesse esse ut Missa vere
audiatur, adire locum, in quo Missa celebra-
tur: etenim plane eam audire nequit nisi
qui humano modo eiusmodi actioni præsens
invenitur. Sufficit tamen quod audiens sit
præsens moraliter, idest ut ex signis quibus-
dam colligere possit quid sacrificans agat, &
spectata loci natura sit per moralem con-
iunctionem pars illius multitudinis quæ præ-
sens dicitur, & est coram altare: unde sa-
tis est ut Missa audiatur e quovis templi
loco seu parte, ex quo saltem mediantibus
aliis deprehendere valeat actiones Sacrifican-
tis. Idcirco si propinquius accedere non pos-
sit præ multitudinem, Missa audiri potest ex
gradibus ipsis vestibuli, imo etiam extra Ec-
clesiam multitudinis congregatæ incipiente,
dummodo tamen ad multitudinem adfidentium
moraliter pertinere censetur, ac proinde
nimio intervallo a celebrante non distet;
unde colligit de Lugo disp. 22. de Eucharis-
tia sect. 2. n. 20, fieri posse ut existens in
Basilica S. Petri Romæ in loco multum re-
moto ab altari, in quo celebratur Missa pri-
vata, nec impeditus a multitudine propius
accedere, eam de facto non audiat, licet
sciat ibi eam tunc dici, eamque audire in-
tendat, cum nec actionem Sacerdotis per-
cipere valeat, nec moraliter sit iis coniun-
ctus qui percipiunt. Ex opposito vero cen-
set idem Cardinalis quod quia a multitudine
seivntus per exiguum viæ publicæ distan-
tiam plene per se ipsum, independenterque
a multitudine adfidentium actionem Sacer-
dotis perciperet, hic Missam sufficienter au-
diret: secus vero, ait P. Henno, si so-
lum perciperet actionem Sacerdotis a mul-
titudine, a qua disiungitur, quia nempe eam
videat genuflectere, surgere, pectus tundere
&c. Hinc Missam legitime audiant & et-
iam audire tenentur cæci, ac surdi, quia
eo ipso quod pie sunt in loco unde restitu-
tis sensibus audire & videre possent sicut
alii, merito censentur præsentem. Item cen-
sentur moraliter præsentem, & præcepto sa-

tisfaciant qui licet nec audiant nec videant
celebrantem, sunt tamen in loco communi-
cante cum Ecclesia, puta in choro, alia Ca-
pella, in superiore Oratorio, retro altare,
post columnam templi, e domo sæculari ad-
mittente per fenestram prospectum in Eccle-
siam, eidemque coniuncta, dummodo ex aliis
personis Sacro præsentibus percipere possint
quid agatur in Missa, & precipuis partibus
Missæ more aliorum se conforment; nam hi
omnes habentur moraliter præsentem. Non
satisfacerent tamen si domus sit omnino se-
iuncta ab Ecclesia, ut inter fenestram &
Ecclesiam intercedat via seu platea, licet
videant altare in quo Missa celebratur, &
celebrantem, quia hi non essent in Ecclesia
nec physice nec moraliter, cum per talem
interpositionem viæ, vel plateæ secundum
hominum æstimationem non habeantur ut
existentes in Ecclesia.

Adfidentia in auditione Missæ præstantia
requiritur quod sit libera, religiosa, mora-
lis. Quare qui vi aut metu compulsus cum
animi repugnantia Missæ intersit, Missam
revera non audit, ac ideo præceptum Eccle-
siæ non implet, sicuti nec ebrius, nec dor-
miens per maiorem partem Missæ. Qui ve-
ro tempore Missæ, in altam contemplatio-
nem vel extasim a sensibus abriperetur,
censetur adhuc satisfacere præcepto, maxi-
me si pergat contemplari mysteria quæ in
Missa peraguntur, quia manet moralis ad-
fidentia per præcedentem voluntatem non-
dum revocatam; imo ex speciali gratia cen-
setur excellentiorem præ aliis moralem ad-
fidentiam habere tali Sacrificio, ad cuius
mysteria contemplanda sic mirabiliter ele-
vatur.

S. IV.

*De integritate auditionis Missæ necessaria
ad satisfaciendum præcepto.*

Ad hoc ut satisfiat Ecclesiæ præcepto de
sacri auditione integra Missa est audienda,
& hoc comprobatur tum sensus & praxis Ec-
clesiæ, tum Concilium Agathense celebra-
tum anno 506. can. 47. qui canon inclusus
est in iure commun. canonico cap. 62. de
consecrat. dist. 1. Idcirco facta est lex uni-
versalis toti Ecclesiæ, a qua iam fuit re-
ceptus, imo ipsius Ecclesiæ consuetudinem
antiquissimam, idest priorum temporum con-
tinet. Missas die Dominico [sæcularibus] totis
audire speciali ordine præcepimus, ita ut an-
te benedictionem Sacerdotis populus egredi
non presumat. Idemque alia probant Con-
cilia.

cilia. Ad hoc autem tenentur fideles omnes sub mortali iuxta communem fidelium ac totius Ecclesiae consensum, cum eius materia sit ex genere suo gravis, ac ad virtutem religionis & ad Dei cultum pertinens. Cum enim quisque fidelis teneatur unam Missam audire, tenetur totam & ab eodem audire, ita ut si integre eam non audiat, nec ab eodem, unam Missam non audit, sicuti vult Ecclesia, & tantummodo partem unius, vel plurium partem. Et licet hoc præceptum parvitatem seu levitatem materiae admittat, non tamen adimpletur, si defectus integritatis sit gravis, quæ quando talis sit, iusta videbitur. Notandum hic occurrit circa allatum canonem, quod licet hic canon loquatur de solo die Dominico, cæteri tamen dies festi pari ratione comprehenduntur, cum æque divino cultui sint addicti; & mentio quam facit de solis sæcularibus, est ampliatiua, non vero exclusiva, unde ad omnes extenditur, idest etiam ad Clericos & Religiosos, ex cap. Omnes eadem dist.

Quæ par. Quare, ut communiter sentiunt auctores, non satisfacere præcepto, & mortaliter peccare, qui tertiam partem Missæ sine causa omittit. Et enim præcepta est auditio Missæ non tantum quoad Sacrificium, sed quoad totam Liturgiam, idest preces, lectiones, actiones, factas caeremonias, quæ in ea peragi solent; idcirco cap. omnis de consecrat. dist. 1. habetur: Qui autem non perseverat in oratione usque dum Missa peragatur. . . . convenit communionem privari. Ita Natalis Alex. S. Antonin. P. Antoine, Tournely cum aliis communiter. Hinc iuxta multos, præcipue Cabassutium hic num. 7. ubi notat hanc sententiam ut communionem, probabiliorumque, est solummodo veniale peccatum omisso auditionis Missæ ab initio usque ad Epistolam exclusivæ, sed & si ipsa Epistola relinquatur sine iusta causa, hoc damnatur ut materia mortalis. Ita censet Tabiena, Navarrus, Suarez, &c. Alii vero notant materiam gravem esse tantum ab initio Evangelii. Sic Pontas & alii. Cum tamen, ait Tournely, hæc opiniones incertæ sint, ne conscientia remordeat sagrandum est ut Missa integra, & tota audiat.

Certum est peccare venialiter qui culpabiliter, seu sine iusta causa non audiat initium Missæ ante Epistolam, sicuti illi etiam qui peracta communione egrediuntur. Mortaliter tamen peccaret qui solo tempore consecrationis abisset, cum hæc pars sit maxime notabilis, & principalis, & quia essentiam contineat Sacrificii, & Ecclesia Missam præcipit principaliter ut Sacrificium: Tunc sunt Missæ quando munera offeruntur, & corpus ac sanguis Domini consecratur, ait S. Cæsarius. Idemque dicendum, sufficienter aliqui, de eo qui præsens non esset tempore quo Sacerdos se communicat, quia sive sit essentialis, sive saltem de eius integritate & complemento communio, integralis pars est, ac ideo pars notabilis, quæ æstimanda est non tantum ex diuturnitate, sed etiam ex dignitate operis, nec leve censendum est abesse ab essentia vel integritate Sacrificii, cui toti interesse tenetur. Unde qui potest saltem interesse consecrationi, & reliquæ Missæ parti, ad id tenetur, cum illa sit pars principalis continens essentiam Sacrificii, nec principale accessorium sequatur; imo qui accedit iam peracta consecratione, nec ad aliam potest Missam adire, tenetur reliquum Missæ audire, quia in tali casu se habet sicuti ille cui deest Breviarium, qui tenetur etiam ad quartam partem Officii, quam scit memoriter. Nec ex eo quod, ut ait de Lugo, nemo teneatur adesse Missæ de præsanctificatis in festo Parasceves, quia in ea non fit consecratio, sequitur, non teneri huic adesse, in qua iam facta est consecratio: ratio enim disparitatis est, quia in Missa de præsanctificatis non adest rigorosum præceptum interveniendi. Cæterum nemo negabit posse si vellet Ecclesia, hoc rigorose, & sub mortali præcipere.

Missæ quoque tota audienda est ab uno eodemque Sacerdote contra Navarrum & Cabassutium hic num. 5. iuxta sensum, & praxim Ecclesiæ. Hinc non implet præceptum qui plures partes sive simul sive a diversis audit, nec qui successive, puta audita ab uno a consecratione usque in finem, audita ab alio ab initio usque ad consecrationem, quia cum Missa sit unum totum ex oblatione, consecratione & communione tanquam ex partibus coniunctis successivis coalescens, partes diversarum Missarum, cum ad se invicem non ordinantur, nec inter se communicant, sed disiunctæ manent, & sint partes diversarum Missarum non constituentes unam Missam in ratione Sacrificii seu sacræ actionis, nullatenus sunt una integra Missa quam audire Ecclesia præcipit, sicuti nec esset si Sacerdos hostiam sumeret, quam non hodie, sed heri consecravit, nam consecratio unius hostiæ, & consumptio alterius Missam non constituunt, sicuti mater. Et. s. statio.

Missæ tota audienda est ab uno eodemque Sacerdote contra Navarrum & Cabassutium hic num. 5. iuxta sensum, & praxim Ecclesiæ. Hinc non implet præceptum qui plures partes sive simul sive a diversis audit, nec qui successive, puta audita ab uno a consecratione usque in finem, audita ab alio ab initio usque ad consecrationem, quia cum Missa sit unum totum ex oblatione, consecratione & communione tanquam ex partibus coniunctis successivis coalescens, partes diversarum Missarum, cum ad se invicem non ordinantur, nec inter se communicant, sed disiunctæ manent, & sint partes diversarum Missarum non constituentes unam Missam in ratione Sacrificii seu sacræ actionis, nullatenus sunt una integra Missa quam audire Ecclesia præcipit, sicuti nec esset si Sacerdos hostiam sumeret, quam non hodie, sed heri consecravit, nam consecratio unius hostiæ, & consumptio alterius Missam non constituunt, sicuti mater. Et. s. statio.

Ratio ovis unius, & consultius ovis alterius non faciunt holocaustum, ut notat de Lugo, hic n. 8. Hinc damnata fuit ab Innocen. XI. prop. n. 13. *Satisfacit præcepto Ecclesiae de audiendo sacro, qui duas eius partes, imo quatuor simul a diversis celebrantibus audit.*

Obligatus ad tres Missas audiendas, puta vi voti, præcepti, ac penitentiae, ne utriusquam satisfaceret triplici debito eas simul audiendo a tribus Sacerdotibus, quia est obligatus ad tres Missas successivas. Aliud enim Confessarius, & aliud vovens sibi præcepisse censetur, quam quod iam ab Ecclesia præceptum erat. Præterquamquod Missa auditur per modum actionis unius, & mens ipsa non potest simul attendere pluribus actionibus numero distinctis, licet eiusdem rationis.

§. V.

*De intentione & attentione in audiendo
Sacro necessaria ut præcepto
satisfacit.*

Cum Missæ auditio præcipiatur ut actus humanus, idest a nostra deliberatione seu voluntate dependens, hinc plane ut præcepto satisfiat, requiritur quod talis auditio procedat a nostræ voluntatis deliberatione, idest ab intentione audiendi Missam tanquam rem sacram, qua Deo supremus cultus defertur, & quæ sit saltem implicita intentio, ait P. Antoine, offerendi Deo per Sacerdotem & cum Sacerdote Sacrificium, seu communicandi propria adstantia oblationi Sacrificii, precibus, & aliis, quæ in tali actione peraguntur. Per huiusmodi enim intentionem determinanda est auditio Missæ ex parte ipsius audientis ad actum religionis & cultum supremum erga Deum; alias talis auditio non esset religiosa sicuti præcipitur, ita ut si quis adhaereret sacro ex mera curiositate inspicendi quæ in Missa aguntur, non faceret actum religiosum, nec præcepti obligationem impleteret, sicuti etiam non satisfaciunt qui ob alium huiusmodi finem ad sacri auditionem conveniant, cuiusmodi sunt qui præfite conveniunt ut videant, & videantur, ut dominas comitentur, ut funebrem pompam honorent &c.

Porro evidenter ex his sequitur ad hoc implendum præceptum necessario requiri tertiam apostolicam conditionem, idest religiosam attentionem, seu piam, devotamque moralem præsentiam, qua ad actionem hanc interveniens non solum corpore, sed etiam spiritu & mente intensus sit in res divinas

seu in Deum ipsum per preces, oblationes Sacrificii, laudem, affectum, &c. quia cum Ecclesia præcipiat auditionem Missæ ut actum humanum, & hunc præstantissimum religionis, quo Deus supremo honore colitur, idcirco ut actum religiosum, nemo certe non videt auditionem Missæ actum huiusmodi esse non posse, nec prorsus per eum Deum coli, si perticiatur sine interni & exteriori attentione, aliaque pia affectione ad divina, idest sine interni & exteriori reverentia, quam intendit ac exquirat religio erga Deum in tali actu, cum ad hunc finem principaliter eundem fidelibus præcipiat; idcirco alterutra deficientie præceptum non impleri, dummodo distractio, quæ in tali actione admittit parvitatem materiam, sit per notabile tempus. Attentio porro interna requisita in Missæ auditione est pia ac devota advertentia seu applicatio animi ad ministerium & actiones, quæ in Missæ celebratione peraguntur. Externa attentio est ommissio alterius exterioris actionis incompossibilis cum interna attentione, ut scribere, confabulari &c. Et ratio est quia Ecclesia præcipiendo auditionem sacri, præcipit actionem humanam, religiosam, qualis non est auditio sacri sine ulla prorsus attentione interna, & sine attentione externa, se occupando tempore Missæ in actionibus externis moraliter incompossibilibus cum tali auditione. Unde non satisfaciunt præcepto qui tempore notabili Missæ negotia pertrahant, de re sive leria sive ludica, confabulantur, vel res alias fixe aspiciunt & considerant, cum hæ actiones ita occupent ut cum illis attentio interna nullatenus sit compossibilis, & moraliter loquendo ad ea attendere nequeant, quæ a Sacerdote geruntur; sicuti pariter non satisfaciunt qui per notabilem partem Missæ legunt attente librum prophanum, v. g. Philosophicum, Rethoricum, Poetam, literas, historias, & similia; quia lectiones istæ prophanæ ex natura sua avertunt animum ab attentione debita ad Missæ Sacrificium, ut communiter docent Doctores. Idemque dicito de iis qui per notabilem partem Missæ dormiunt, corrient, oculos quoque versum in exeuntes & introeuntes, in epitaphia vel scripturas, ac in alia huiusce generis convertunt, qui se exercent in mutuis officiis urbanitatis, unum vel alium salutando & resalutando; qui toto tempore Sacrificii sine necessitate stant vel sedent, vix cum elevatur Hostia genua flectendo, mente interiminus quam corpore compoliti, qui denique voluntarie

Quoniam
sit atten-
tio requi-
sita ad
Missæ
auditionem.

d. Bra-

distrahuntur. Voluntarie vero distrahi censentur qui conveniunt ad Missam cum mente negotiis prophane cogitationibus repleta, nec ut par est, nituntur corda sursum sublevare. Item qui tametsi pie devotioque advenerint, mentem quam alio conversam sentiunt, retrahere non satagunt. Etenim Deum, ut habetur Joannis 4. in spiritu & veritate oportet adorare. Unde Concilium Trid. sess. 22. non permittit sacrum fieri in privatis domibus, nisi prius qui interfuit decenter composito corporis habita demonstrarint se mente etiam ac devoto cordis affectu, non solum corpore adesse. Sic P. Antoine, Tournel. cum aliis communiter.

Circa vero quantitate temporis internæ ac externæ distractionis, qua mortale contrahatur, dicit P. Henno cum Collat. Andegav. citatis a Tourneleio satis esse tempus æquivalens omissioni notabilis partis Missæ, cum indeveat Missam audire idem prorsus sit ac eam omittere.

Satisfaciunt qui quoque modo sacro administrant, licet occupentur in tollendis necessariis a Sacristia, puta vino, thure &c. Etenim hæc ad Missam ordinantur, ac fiunt in loco qui templo communicat, ideo non moraliter abesse censentur. Si adimplet occupatus pulsandis organis, attollendis solibus, nam hæc sunt ordinata ad Sacrificii solemnitate, nec impediunt ad ea simul advertere quæ aguntur in altari. Non satisfaciunt vero qui notabile Missæ tempus puta velique ad Præfationem transigunt in contemendis suis peccatis, vel in consulendo Patre spirituali aut Theologo circa casus suæ conscientie, quia cum attentio ad Missæ auditionem sit ad modum orationis, & ad Deum divinaque Mysteria, est prorsus averfa ab ea peculiari qua unusquisque studere debet ut animum suum confessione expurgat. Quia licet Confessio sacramentalis sit actus religionis, talis tamen actus cum colloquiis quæ fiunt inter Sacerdotem & poenitentem in narrandis, exquirendisve peccatis, ac eorumdem circumstantiis, aliam exigit attentionem quam quæ in Missa requiritur, quæ debet esse ad Deum & ad divina mysteria, necnon debet esse per modum orationis. Sic Pontasius verb. Miss. cas. 48. Cabassut. Antoine & alii.

Satisfaciunt quidem præcepto qui dum Missam audiat, legit eodem tempore horas Canonicas, quibus tenetur, recitat preces sibi pro poenitentia impositas, vel ex voto sibi debitas, quia & auditio Missæ, & recita-

tio sive Horarum canonicarum sive aliarum precum, quibus recitans tenetur, utrumque ordinantur ad unum finem; & præceptum audiendi Missam non est verbis intendere, sed Sacrificio adesse etiam verbis non auditis, licet quidam aliqui contrarium sustineant, verum sine probabili ratione, ait Toletus, cui concordat Sylvius dicens: *Satisfaciunt qui audiunt Missam ex præcepto, legibus Horas canonicas*. Hic enim reperitur corporis, & animi præsentia, quæ ad Missam exigitur, quoties per devotas preces mens ad Deum erigitur, ut sit in recitatione satisfactoria poenitentiae, vel divini Officii, cum ad utramque obligationem una eademque attentio sufficere possit. Ita cit. Pontasius loco eod. cas. 24.

Nec ullatenus officit obicere, recitationem Officii canonici vel poenitentiae peculiarem exigere attentionem, quia ut iam dictum est, illa attentio convenit cum attentione ad Missam requisita. Et si nemo negat pias preces per Missam recitari posse, cur non poterunt preces debitas, ut sunt Horæ canonicæ, cum utraque, ut & ipsum sanctum Sacrificium ad finem eundem referatur? Satis quidem est si separati hinc duobus præceptis satisfiat, præcipue dum legitimæ causæ non impediunt. Pontasius v. Officium cas. 24.

Num vero qui Missam audit in statu mortalis peccati novo illaqueetur peccato, ita erronee censuit Quænellus ex illatione male deducta a praxi primævæ Ecclesiæ disciplinæ eiendi cum Cathecumenis etiam poenitentes ab ea parte Sacrificii, in qua consecratio peragitur: ideoque Quænellus sententia proscripta fuit, & est ex ipsius thesibus num. 89. ubi sic habetur: *Quartusdecimus gradus conversionis peccatoris est, quod cum sit iam reconciliatus, habet ius assistendi Sacrificio Ecclesiæ*; quia non omnes peccatores tunc arcebantur a Missa (cum omnes nec cognoscerentur, nec agnosci possent) sed si solummodo arcebantur, qui graviorum criminum publice reissent. Et arcebantur non præcisè ut peccatores, sed potius ut poenitentes multandi ad tempus certis statutis poenis, eo ferme pacto, quo nunc Sacerdos etiam emendatus removeri potest in perpetuum ab altaris ministerio. Quis enim potest sibi effingere Ecclesiam credidisse ex tot poenitentibus neminem per veram contritionem esse Deo reconciliatum? Idcirco quoddam excluderat non propter culpam præcisè, sed in poenam, & eo vel maxime quia status poenitentiae aliquam includebat ex-

Quid de
Missam
audientem
se pecca-
to mortali.

Quid de
rec tante
Loraca.
nonicas
vel alias
preces
temore
Missæ.

Instit. Theol. Moral. Tom. III.

Et 3 com-

communicationis speciem, quæ privat iure quod antea habebatur, divino intereundi Missæ Sacrificio, cum per censuram a tali iure fideles excident. Dicendum igitur, peccatorem, qui Missam audit pie, & attente sicuti potest mediante actualis gratiæ auxilio, in novum peccatum non incidere, ut docet Trid. sess. 22. cap. 2.

Quid de
peccato
re Missam
aud. enre
cum affe
ctione. an
Audi ad
peccatum

Fieret quidem peccator novi criminis reus Missam in tali statu audiendo, si obfirmam in malo voluntatem, & cum actuali affectu peccati sine debita reverentia, sine ullo de peccatis dolore, vel saltem aliquo desiderio resistentiæ ac divinæ gratiæ obtinendæ, Mysteriis nostris intemerit. Ita Tourneleus ubi de Eucharistia, quia fideles Missæ adstantes Sacrificio, & in Sacrificio quodammodo cooperantur sacro Ministro, Sacrificium cum ipso Deo offerunt, & ipsi in Sacrificium spirituale offeruntur. Unde utraque oblatio ingrata esset Deo & iniuriosa, si fieret a peccatore qui nec ullum dolorem habet de suis peccatis, nec ullum desiderium se ab iis convertendi, ut docet S. Aug. lib. 10. de Civit. Dei cap. 6. Hic enim videtur habere locum illud Scripturæ: *Populus hic labitis me honorat, cor autem eorum longe est a me.* Cæterum peccatores etiam obdurati deterrendi non sunt a Missa audienda, sed enixe curandum, ut meliorem spiritum induant, & hanc sanctissimam actionem ea, qua par est pietate exercent. Sic Pontal. loco cit. cas. 45.

S. VI.

De causis excusantibus a Missæ auditione.

Tres a theologis recensentur legitimæ causæ, quæ exculare valent a sacri auditione de seipso, impotentia nempe, officium, & caritas; & incertum est num aliæ etiam sint, quæ iustæ sint, adungi possint. Ex de impotentia loquendo, quæ prior est, alia est physica, quæ absolute vinci nequit; alia moralis, quæ vinci quidem potest, sed non sine gravi & periculo difficultate. Utraque excusat. Excusat prima quidem iuxta illud rritum axioma, *ad impossibile nemo tenetur.* Excusat secunda, cum Ecclesia pia mater non obliget in suis præceptis cum graviore incommodo. Cum autem Ecclesiastico præcepto annexum sit etiam naturale Deum honorandi huic sancto assistendo Sacrificio, hinc qui interire non valet, oratione & pia lætione, internis animi affectibus, aliisque huiusmodi Missæ defectum compensare debet. Ita S. Aug. *serm.* 367. alias 25.

de tempore. Unde excusantur incarcerati, detenti in loco ab infirmitate, aut domi si ve iuste si ve iniuste, navigantes in mari, qui Sacerdotem non habent, (ut si qui morantur in quibuldam terris infidelium) vel si habent, est interdixit, vel ipsi sunt interdixit, quia illud non possumus quod non possumus sine peccato; pariter qui sacro interesse nequeunt sine vero realique vitæ, honoris, bonorumque gravi periculo, ut si quis convalescens ex morbo timeat recidivam, vel pestem vel mortem a sicario; si puella boni nominis, occultare nequeat si adeat templum, se esse gravidam, vel si raprum timeat. Addunt aliqui si personis nobilibus vestes desint proprio statui decentes, aut comitatus a splendore personæ requisitus. Sed hic bene notat P. Henno præcipuam nobilitatem esse vitam Christianam. Item si domus, vel armenta ob turum vel hostium incursum deseri nequeant; si a sociis qui Missam audire nolunt, discedere quis non possit ob ignorantiam vel periculum viarum. Tenetur vero sacrum audire infirmi & interdicti qui ex privilegio Missam habere possunt, puta alii domi, hic vel alio alteri, quia cessante impedimento valet præceptum. Item si detentis in carcere concederetur libertas adeundi ad sacrum audiendum, teneretur. Degentes sine causa in terris infidelium ubi nulla celebratur Missa, tenentur quam primum remeare ad terras catholicas, alias versantur in habitu peccati mortalis. Iusta vero causa est sola animarum necessitas vel Reipublicæ, aut magna utilitas. Item mercatoris indigentia cui provideri nequit nisi ad terras infidelium identidem diverrat.

Verum hæc omnia ex circumstantiis ut plurimum sunt merienda. Sic viæ magna difficultas, copia imbrum & nivium, quæ exculat sæminam tria miliaria ab Ecclesia distantem, non exculat rusticum robustum, & inclementiæ aeris assuetum.

Ex his colligitur non posse assumi actionem, puta iter, aut aliquid aliud, a quo impedienda sit auditio Missæ, & multo minus hoc fieri potest, si ex genio aut recreationis gratia & proxime ad diem festum iter aut aliquid aliud exercitium assumatur impeditivum tempore quo urget præceptum audiendi sacrum, quod currit a primis diei crepusculis usque ad aliquod breve tempus post meridiem, & sic tale impeditivum cum prævisione fore ut non possit Missam tali tempore audiri, aggressi non potest sine iusta causa & necessitate ne quidem Vespere ante

ante festum, & multo minus ipso die festi tempore congruo implendi præceptum. Unde qui prævidet quod agere debeat negotium aliquod, puta sub medium huius temporis, debet prævenire, sacrum audiendo. Quod si actio etiam honestæ recreationis gratia assumatur aliquot diebus remota a die festo, cum tale præceptum actu non obliget, nec sit proxime obligatum, tunc vere homo utitur iure suo, & ne in hoc contingat deceptio penitentiae sunt circumstantiæ personarum, rerum, locorum ac temporum.

Susceptio actionis alienius impeditivæ auditionis sacri, ex necessitate etiam morali, excusat a culpa. Ad necessitatem vero moralem reducit debitum proprii oneris ex officio præstandi. Hinc miles stationem, dux milites, tempore prælii deserere non possunt pro Missa audienda, ob grave damnum quod inde oriri posset. Idem dicitur de nutricibus quas sæpe non decet infantes ad Ecclesiam deferre: idem de palloribus qui nihil sæpe pecudes deserere possunt; & de opificibus qui in furoris ferrariis aut vitariis agunt ab incepto opere, si sine gravitum sui tum dominorum factura discedere nequeant. Hæ tamen regulæ exigunt prudentem advertentiam ad circumstantias, quæ casuum omnium præcipuæ securioresque sunt regulæ; quia certum est, quod qui sine incommodo seu detrimento realiter non sistit gravi Missam audire potest, tenetur, ita ut non excusetur ob maioris lucri omissionem ille qui aliunde habet unde vivat. Item artifices qui elaborant in officinis vitriciis, dum satis sint ut alii aliis succedere possint, Missam audire debent. Ita intervenientes dominis impiis, qui eis denegant tempus ad Christiana exercitia, tenentur illos deserere, & religiosiores sibi providere, qui eis tempus concedat exercendi officia pietatis.

Charitas tandem est postrema conditio seu causa excusans ab audienda Missa, quia, ut ait S. Bernardus, *convenienter omittitur propter charitatem quod propter charitatem institutum est*, & quia in concursu legis naturalis & positivæ illa huic ut minus gravi debet prævalere, ideoque inculpabiliter, imo meritorie Missa omittitur, dum subveniendum est proximo graviter indigenti, qui ahiu a quo adiuverit, habere nequeat; & sic decumbens solus relinqui non debet, si ex alterius absentia grave illi imminet periculum; nec grave periculum hic accipitur pro morte vel notabili morbi augmento,

sed sufficit etiam periculum gravis incommodi; & in dubio de periculo in deserendo infirmo, censet Tourneleius non deserendum, sicuti in dubio an convalescens capax sit officii recitandi, satis est illud omittere. Item si incendium extinguendum occurrat, vel aliud grave malum impediendum; imo etiam grave peccatum proximi; & ita discurrendum in aliis similibus casibus, puta succurrendi proximo in periculo vitæ, bonorum &c. Idcirco puella, vel alia venusta mulier, quæ scit a iuvene deperditæ se amari, seque ei indubie futuram peccandi occasionem, potest ad aliquod tempus Missam non adire. His causis ab auditione Missæ excusantibus accedere potest consuetudo aliquarum regionum; sicuti consuetudo, quæ quibuldam in locis viget, ut famina per aliquot post partum dies, etiamsi omnino convalescerint, ab ingressu Ecclesiæ abstant, ut viduæ quoque statim post mariti obitum non exeant ex domo. Non pauci graves Doctores huiusmodi consuetudines non damnant, ut Caietanus, Sylvester, Navarrus, Suarez &c. Et primis quidem favent tum Innocentius III. cap. unic. de purificat. ubi sic legitur: *Si tamen semina a partu recentes ex vera ratione voluerint aliquamdiu ab Ecclesiarum aditu abstinere, devotionem earum non credimus improbandam*; tum Episcopi qui non reclamando videntur assentiri. Aliarum pariter, nempe viduarum, non improbat consuetudo ab iis Episcopis, qui huic consuetudini non adversantur, & inter hos aliqui, ut S. Carolus Mediolanensis Episcopus, approbat ut viduæ per mensem, non tamen amplius, domi sistant sine Missæ auditione, & usus etiam hoc exigit, a quo quæ recedere vellent, plus darent scandali, suspitionis, & murmurationis, quam boni facerent. Missam audiendo. Contrarium vero sentit Pontasius v. *Missæ* casu 46. suam stabilis sententiam auctoritate Concilii Mexicani habiti anno 1685. quod hanc improbat consuetudinem, & ex oppositione quam habet huiusmodi mos antiquis Ecclesiæ legibus. Nichilominus non ita facile improbandum quod & summus Pontifex Innocentius III. & S. Præsul Borromæus approbarunt, & quam plurimi insignes theologi tamquam legitimum usum agnovērunt. Et eo vel maxime cum hoc sit ad breve tempus, nec opponatur nisi præcepto positivo ecclesiastico, contra quod induci potest contraria legitima consuetudo, & præceptum naturale non exigat ut hoc vel altero tempore, nec ita

frequenter, scilicet in singulis festis honoratur Deus ad sacrum Missæ Sacrificium accedendo: alias supervacaneum fuisset quod Ecclesia fidelem populum ad hanc actionem ipsi præcepto adstringeret.

Debent tamen Parochi monitos facere eos, qui ex causa aliqua a Sacri auditione in die festo impediuntur, teneri sub mortali per aliquam aliam pietatis opera, precum nempe, & præcipue actuum fidei, ipsi, contritionis aut iulium, tali defectui Missæ omissionis supplere. Non quidem ex vi præcepti ecclesiastici tale debitum eis imponitur, utpote quod obliget ad Missam, nec aliud ulterius præcipiat: sed ex vi præcepti naturalis colendi Deum diebus festis. Sic Sporer, Marchantius & alii.

CAPUT III.

De Ieiunio ab Ecclesia præcepto.

§. I.

De divisione Ieiunii.

Non incongrue Ecclesiastico præcepto de festorum sanctificatione & sacro in ipsis audiendo, substituitur ieiunii observantia, quæ multum cum festis, ac Missæ Sacrificio convenientiam habet: ac relationem, utpote quæ præponatur ab Ecclesia non solum sancto Sacrificio celebrando, sed etiam sollemnioribus festis, ut fideles hac corporis afflictione alacriores fiant ad celebranda devotione & affectu ferventiori divina Mystéria, vel memoriam Sanctorum, quibus invitantur & excitantur ad imitandas eorum virtutes, æmulanda eorum merita, ut eandem consequantur mercedis & præmii coronam.

Hoc Ecclesiæ præceptum iuxta canonem apostolicum 68. ita communiter exponitur: *Ieiunia certis diebus temporibusque indita servato.* Ieiunium secundum ætymologiam nominis dictum est a *ieiuno* intestino quocumque animalis, quod semper vacuum & inutile est, quod nimirum ieiunium hominem cibo vacuum, & consequenter non pinguem, sed macrum & subilem reddat. Ieiunium generatim sumptum quadrupliciter distingui solet a Doctoribus, scilicet in metaphorico, seu spirituale, naturale, morale & ecclesiasticum. Ieiunium spirituale est abstinentia a vitiis & illicitis voluptatibus ut ex cap. ieiunium 24. dist. 5. de consecrat. ubi ex verbis S. Aug. sic habetur: *Ieiunium autem magnum & generale est abstinere ab ini-*

quitatibus & ab illicitis voluptatibus seculi, quod est perfectum ieiunium. Ieiunium naturale est abstinentia ab omni prius cibo & potu in stomachum transmissio etiam per modum medicinæ, quale ieiunium de Ecclesiæ præcepto requiritur a tempore mediæ noctis usque ad summationem Eucharistiæ, ut ait S. Aug. ep. 118. ad Ianuarium: *Placuit Spiritui sancto ut in honorem tanti Sacramenti prius in os Christiani corpus Dominicum intraret, quam reliqui cibi: nam ideo per universum orbem mos ille servatur.* Ieiunium morale ac philothropicum seu virtutis est actus temperantiæ moderantis appetitum, ac usum cibi ac potus secundum regulam rectæ rationis, cuius veluti partes sunt abstinentia & sobrietas. Abstinentia enim moderatur affectum & usum ciborum; sobrietas vero moderatur affectum, & utrum potus valentis inebriare. Ieiunium vero ecclesiasticum, & de hoc communiter accipitur vox ieiunii, illud est de quo pertractare nunc aggredimur, ac consistit in abstinentia a carnibus, & quibuscumque aliis cibis ab Ecclesia præcepta cum unica refectione statuto tempore ieiunandi. Unde hoc ieiunium duo excludit, qualiterque scilicet & quantitate alimentorum, ita ut ieiunans uti nequeat nec talibus cibis, nec in eadem quantitate quæ sunt in usu extra tempus ieiunii. Quicquid ad ieiunium ecclesiasticum tria requiruntur, nempe abstinentia ciborum certi generis, abstinentia plurium refectionum, & certa hora refectionis. Sic communiter.

Et ut evitentur omnes ambages circa ieiunium ecclesiasticum, prænotandum censeo, Ecclesiam potestate a Christo sibi donata intrinsece posse ieiunia, quæ in conscientia tuos fideles obligent ad eorum observantiam contra pseudo-Reformatorem errorem, præcipue Confessionis Augustanæ, quæ ut prius inuito ad spirituales profectum improbat ieiunium; quod tamen e contra sicut olim Aetius, ex recentioribus Calvinus lib. 4. *Instit.* §. 4. approbat ut honestum ac utile, necnon ab Apostolis institutum, & in lege ac per Prophetas fulcratum; & solum improbat ieiunium quadragesimale cum prohibitione eius carni, ut nimis durum, sustinendo quod satis esset ut parcius ac levius villioribus cibis vesceremur. Potuit Ecclesia ac potest ieiunium instituire eo ordine ac tempore, quo instituit, & patet exemplo Synagogæ, quæ potuit instituire ieiunia a Deo non præcepta, nec antea a Moysæ ordinata, ut habetur lib. Isth. 4. Zachar. cap. 8. & alibi, cum non minus

In quo
confistat
ieiunium
Ecclesiæ
dicum.

Ieiunium
quadragesimale
distingui
rura a Do-
ctoribus.

fix

fit Ecclesiae potestas in lege nova erga universos fideles, quam Synagoga in lege veteri erga totam Iudaeorum gentem; & ita etiam SS. Patres sentire, ut Tertullianus, qui lib. de ieiunio ait: *Bene est quod Episcopi universae plebi mandare ieiunia solent.* Sic S. P. Hieronymus ep. ad Marcellam contra errores Montani ieiunium quadragesimale necessarium vocat, & a voluntariis Novatorum ieiuniis discernit, & sic alii Patres. Et equidem si Ecclesia præcipere potest quæ bona sunt ad salutem, & utilia, ac homini aliunde possibilia, quod nemo negare potest, plane præcipere potest ieiunium, quod ex Novatoribus iple Calvinus fatetur bonum esse ac utile, & in utraque lege usitatum.

§. II.

De essentia, & obligatione præcepti ieiunii.

Ieiunium prout specialiter ac proprie sumitur est abstinentia a cibo & potu, & ut iam vidimus, aliud est naturale, de quo hic non loquimur, & aliud ecclesiasticum, quod est voluntaria abstinentia a cibo iuxta Ecclesiae præscriptum. Ita communiter. Dicitur *voluntaria abstinentia*, quia cum ieiunium sit actus virtutis temperantiae, consequenter debet esse actus liber, & voluntarius, licet ab Ecclesia præcipiatur: unde qui invite die ieiunii abstinet se a cibo, quia eo caret, hoc est potius elurire quam ieiunare. Ieiunium ecclesiasticum est actus virtutis temperantiae, idcirco quid honestum & magni meriti apud Deum, quiddam contra oblatent Iovinianus, Waldenses, Wiclefistæ, Lutherani, alique hæretici. Abstinentia enim ponit medium, quod est officium virtutis in materia ciborum, circa quam ieiunium versatur. Quod autem sit magni meriti apud Deum evidentè ostendunt exempla trium puerorum, qui ob abstinentiam de igne fornacis, & Daniel de ore leonis triumpharunt. Elias ob ieiunium evectus est in caelum, & docet Christus Matth. 23. genus quoddam dæmoniorum non eiici nisi in ieiunio, & oratione. Ieiunium, ut ait D. Th. 2. 2. q. 147. art. 1. reprimat concupiscentiam carnis, evehit ad divinarum rerum contemplationem, quod peccatorum veniam consequendam disponit, & ad poenas proliedem satisfaciendas, ut Joel 2. *Convertimini ad me in toto corde vestro, in ieiunio & in fletu.*

Nec obstant textus Scripturarum, quos Ereticodoxi opponere solent vel ex Apost. 1.

Timoth. 4. *Corporalis exercitatio ad modicum utilis est*, vel ex Evangel. Matth. 15. vel ex 1. Corinth. 10. *Omne quod vobis apponitur, manducate nihil interrogantes propter conscientiam.* Nam loquendo de ieiunio ibi dicere vult Apostolus hoc ad modicum utile esse, cum pietas deficit; & in D. Matth. Christus reprobat Phariseorum stultitiam qui putabant aliquos cibos, ex natura sua immundos, animam inquinare, si non lotis manibus manducarentur; & Apost. Corinthiis ita præcipit ut fideles sine scrupulo carnesque in macello promiscue omnibus venduntur, licet sint de iis quæ idolis fuerunt sacratae, comedant. Et ita huicemodi testimonia semper aliquem impugnant ac exprobrant errorem, minime vero laudabilem abstinentiae virtutem.

Præceptum ecclesiasticum de ieiunio (sicuti alia præcepta,) quia præcipit primo & per se victus paritatem, unicam commelionem & ciborum delectum, quæ omnia positiva sunt, idcirco est præceptum affirmativum: sed cum vetet simul cibos contrarios cibis ieiunii, & plures refectiones, & hæc in aliis horis ab hora præscripta, est etiam negativum. Imo dicerem quod cum potius veretur circa hæc vitanda, sit potius & principaliter negativum quam affirmativum. Præceptum de ieiunio ecclesiastico servando obligat graviter, licet non frangatur ex motivo inobedientiae, quia est unum ex præceptis Ecclesiae graviter obligans, & materia illius ex se gravis est, & valde ad spirituales profectum conducent; & Concilium Gangrense ante annum 1200. can. 19. ita habet: *Si quis ieiunia, quæ communiter ab Ecclesia custodiuntur, dissolvat, anathema sit.* Imo Alexand. VII. hoc detinuit in proscriptioe propositionis n. 23. in qua sic habetur: *Frangens ieiunium Ecclesiae, ad quod tenetur, non peccat mortaliter, nisi ex contemptu, vel inobedientia hoc faciat, puta quia non vult se subicere præcepto; & ita etiam communiter sentiunt Doctores.*

Ad ieiunium igitur ecclesiasticum tria requiruntur, videlicet 1. abstinentia ciborum certi generis, idest a carnibus, ovib, caseo & lacte iuxta Concil. Trid. sess. 25. Idcirco damnata fuit ab Alex. VII. prop. num. 32. *Non est evidens quod consuetudo non comedendi ova & lacticia Quadragesima obliget.* Nihilominus tamen quantum ad lacticiam, attendenda est consuetudo tum generalis tum particularis locorum, quæ est optima legum interpretes, & sicuti hæc inducere potest novam legem, sic inductam potest abrogare.

Hinc

Hinc in feria 6. & Sabbato, quando non occurrat aliud ieiunium de præcepto ubique locorum permittuntur ova & lacticia, in quibusdam vero locis lacticia non sunt vetita nisi tempore Quadragesimæ, in aliquibus vero etiam extra Quadragesimam diebus omnibus ieiunii sunt prohibita. In Germania vero, & alibi in ieiuniis omnibus totius anni lacticia permixta sunt, creditur ob defectum ciborum Quadragesimalium, qui alibi solent abundare. 2. Ad ieiunium ecclesiasticum requiritur abstinentia plurimum refectionum, id est ut intra spatium unius naturalis diei, qui comprehenditur inter mediam noctem diei antecedentis, & mediam diei sequentis, fiat unica relectio, licet ob naturarum debilitatem, & ob longævam consuetudinem nunc præmittatur etiam relectiuncula. Requiritur tandem ad ieiunium ecclesiasticum certa refectionis hora, ut relectio rationem haberet cœnæ, non prandii, idcirco in benedictione mensæ posita in Breviario pro diebus ieiunii præscribuntur orationes omnes ut in cœna; & revera prioribus sæculis hæc relectio tempore Quadragesimæ proroganda erat usque ad Vesperas, ut ex *can. solet de consecrat. dist. 1.* aliis vero diebus differebatur usque ad horam novam, quæ ad horologia Germaniæ est tertia post meridiem, ut ex D. Bernard. *serm. 4. de Quadragesima*: nunc vero quando iam Vespere permixta est relectiuncula etiam tempore Quadragesimali illa unica relectio fit circa meridiem, & tunc temporis decantantur Vesperæ in choro ante meridiem, ut mos primævæ Ecclesiæ aliquo modo retineatur.

S. III.

De abstinentia a carnibus.

Cum abstinentia a carnibus sit primum ex requisitis ad essentiam ecclesiastici ieiunii, sciendum, nomine carnum, quæ die ieiunii interduntur, res illas omnes comprehendendi, quæ secundum Ecclesiæ usum, iudiciumque medicorum contradistinguntur a piscibus, ut si de illis dubium exurgat, recurrendum sit ad consilium medicorum. Circa hoc tamen notant Doctores quod in dubio signum evidentius ad discernendas veras carnes a piscibus videtur, exquirere si animalia diu vivere possint extra aquam, quia in tali casu carnes censendæ sunt, non pisces, idcirco ab eis in die ieiunii abstinendum. Ita Bonac. Azor. & alii. Sunt quædam tamen, quæ licet vivant extra aquam

ea a veris carnibus medici excludunt, & inter pisces recensent, unde sequitur 1. ranas, testudines, conchas, locustas, sicut etiam limacas quæ sunt testudines terrenas, licite comedi posse in die ieiunii, quia communiter habentur ut pisces. De lutra vero vulgo *lutra* aiunt Salmanticenses apud neminem disputatum vidisse, an vere sit piscis, vel animal terrestre, idcirco cum stet semper in aquis, verosimilius credunt inter pisces recensendam. Ex opposito vero licet corvi marini, fulicæ, lontræ, aliæque huiusce generis aves cibum in aquis quaerant, & ibi forte prorsus nutriantur, & in sapore multum piscibus communicent, quia veræ sunt carnes, vetitæ sunt diebus ieiunii, idemque dicendum de camaleonte.

Sub nomine porro carnum comprehenduntur olera cum carnibus cocta, ac ius ipsius carnis; nam tamen hæc vere non sunt carnes, imbibunt tamen substantiam carnis, & hoc clare habetur in *cap. si quis Presbyter*. Hinc potiori ratione vetantur die ieiunii lardum, sanguis & iagimen, utpote quæ veram carnis naturam, id est substantiam participant. Ex his tamen inferri nequit simul vetita esse ova & lacticia. Nam tamen si a carnibus naturam suam initiumque trahant, in sola tamen Quadragesima usus eorum interdicitur, ita ut ubi non viget contraria laudabilis consuetudo, in aliis ieiuniis sine ullo scrupulo hæc comeduntur, cum in iure Canon. nullibi extra Quadragesimale ieiunium inveniantur expresse interdicta. Hinc qui carnibus vesceretur diebus ieiunii, ubi vel ex iure Canon. vel ex consuetudine vetitus est illorum usus, peccaret mortaliter, nisi parvitas materiarum excusaret. Et circa hanc materiarum parvitatē certe melius, sanius probabilisque sentire videntur illi qui volunt quantitatem carnis sumptæ ita exiguam esse debere, ut non excedat octavam uncie partem, quam hi qui quantitatem usque ad unciam extendunt, cum non currat paritas carnis, quæ magnam affert nutritionem cum pane, fructibus, aliisque huiusce generis melioribus ac tenuioris nutritionis cibis, quorum statuitur parvitas materiarum usque ad unam unciam a rigidis, & plus etiam a laxioribus. Hinc

Inferunt 2. Doctores posse coquos, pincernas, item qui sunt ad curam infirmorum ex necessitate servitii gustare tempore ieiunii cibos vetitos, quia hoc licite fit officii causa, & pro dominorum salute, & pro infirmorum cura, uti exigit charitas, quæ prior est omni Ecclesiæ præcepto, cum pro his

Quæ sit parvitas materiarum excusatores.

præ-

præcipue attendendum sit ne a cibis lædantur, puta quia nimis sale abundant, vel nauseam ipsis pariant, quia non sint iuxta eorum indigentiam conditi. Verum quidem est, quod si sæpe in die hoc fieri eveniret, expere deberent quantum fieri potest quod lumperunt ad deglutendum, quia cum degustatio fiat in ore, fieri posset ut plura pauca, sine necessitate deglutendo tantum lumerent de cibis vetitis, ut gravem incurrerent transgressionem contra ieiunium, & graviter contra idem peccarent.

De licet
come
stione
extremum
die ieiun.
Bii.

Inierunt 2. carnes comedere posse in die ieiunii qui præter panem nullum alium habet cibum, dummodo tamen per plures dies perderet media, cum pia mater Ecclesia non intendat obligare suis legibus in extrema necessitate, & cum magno corporalis salutis detrimento, idest cum nimis gravi oneroso incommodo, cuiusmodi esset per plures dies in solo pane ieiunare: nam dum Ecclesia imponit ieiunia, intendit solum moderatam abstinentiam, unde ob eandem rationem intererunt, transeuntes per loca infidelium vel hæreticorum vesci posse carnibus diebus vetitis, si ex harum abstinentia eis grave imminet vitæ periculum, & etio carniū non esset ibi proclisio infidelitatis vel hæresis, quia in tali casu eos obligaret abstinentia etiam cum ipsius vitæ discernimus; seculo tamen periculo, & si cibi suppetant quadragésimales, abstinentum est diebus vetitis a carnibus. Et hanc regulam extendunt Doctores, semper tamen cum iisdem conditionibus ut supra, ad remigantes in tririmibus infidelium & hæreticorum, quando aliis cibis careant, vel non possint aliis cibis debitum præstare, aut sustinere labores, cum damnum grave vitæ, aut saltem salutis imminet. Addunt ulterius Salmaticenses cum Panormitano, Sanchez, Bonac. aliiſve, carnes ministrari posse perpetuo amentibus & pueris ante septennium, quia ob defectum usus rationis incapaces sunt obligationis legis, & reatus peccati, quod rationis usum requirit. Quod si ante septennium rationis usus fulgeat, tenentur abstinere a carnibus, ac ideo licite ipsis ministrari nequeunt, quia pueri post usum rationis tenentur ad lezes ecclesiasticas, quæ non determinant ætatem; ideoque communiter non censentur pueri, nisi post septennium teneri legibus ecclesiasticis, ut notat Suarez, quia hoc expleto creditur usus rationis adventisse. Imo & si de hoc dubitetur, indicandum est iam adventisse, idcirco ligari legibus Ecclesiæ, ac proinde abstinentiæ a carnibus. Certe, cum

si talis usus rationis ante septennium ipsis non elucescat, licite ipsis sicuti perpetuo amentibus carnes ministrari possunt. Hæc regula tamen non valet pro ebriis, licet ulu rationis in ebrietate careant; & quia ebrietas, aiunt cit. Salmaticenses, non est morbus, indigens illis cibis, sicut amentia, & quia carentia usus rationis in ebriis brevis est, ac proinde non extrahens a legis obligatione; idcirco nequeunt illis carnes ministrari sine gravi culpa.

Controversitur inter Doctores num dispensatus a carnibus vesci possit quæcumque carne etiam suina & salita, tamen illi hæc nocerent, quia, dicunt, omnes sunt carnes, & si dispensatus illis utatur, nempe suina & salita cum detrimento salutis, peccaret contra temperantiam: de piscibus vero multi sustinuerunt dispensatum a carnibus, die ieiunii cum carne vesci possit etiam piscibus, quia, dicebant ipsi, dispensatio ad carnes non vetat ulum piscium, & hic licitus est quocumque die. Verum ego dicere quod sicut diversæ possunt esse rationes quibus dispensatur super usum carniū die ieiunii, hinc cum distinctione resolvendam esse difficultatem, videlicet vel dispensatio conceditur infirmo in sua convalescentia, & tunc dispensatus uti potest promiscue & carne & piscibus, cum convalescentes indigeant cibis qui appetitum excitent; vel dispensatio conceditur alicui loco ratione inopiar, & tunc pariter dispensati uti possunt carne, & etiam piscibus (semper tamen cum moderatione quoad multiplicatam ne fraudetur mens Ecclesiæ, quæ nequitiam censeri potest velle dispensare ab illa corporis mortificatione, quam peroptat ad spirituales profectum in suis fidelibus tempore, quo ieiunium præcipit) quia dispensati ob inopiam generaliter dispensati censentur ut licite omni carne vesci possint & etiam piscibus, ut meliori modo quo possunt necessitatibus suis sustentationi provideant; vel dispensatio ad carnes die ieiunii conceditur petenti ob aliquam corporalis salutis indispotionem quam patitur, ut sine maiori salutis dispendio secundum medicorum consilium uti nequeat cibis ieiunii, & tunc non potest sine ieiunii violatione vesci nisi carnibus, quæ sunt indispotioni sint consonæ, non aliis carnibus, & piscibus, a quibus petit dispensari, quia cum tali restrictione censetur tali tempore dispensari ad carnes. Et quoad hunc ultimum casum, fuit etiam sententia Navarra lib. 1. Consilior. quia vel pisces, dicit Navarrus, ei nocent vel non: si non, nulla est

Quid de
dispensatione
circa
carnes.

est dispensatio, cum iusta causa deficiat; si nocent, talis comestio est peccaminosa, & contra ieiunium, quia tunc dispensatus querit effugere gulæ mortificationem, quam vult Ecclesia in diebus ieiunii. Et nunc magis, in o unico tenet hæc resolutio, dum a paterna sollicitudine Benedicti Papæ XIV. iam decem & definitum habemus sua Bulla sub die 22. mensis Augusti 1741. quæ incipit *In suprema*, dispensatum ad carnes die ieiunii, uti non posse promiscue cum cibus vetitis, idest piscibus, ne sanctæ ac salubri mortificationi se subrahatur.

De dispensatione ab unica comestione
 Controvertitur ulterius utrum dispensatus ad carnes die ieiunii intelligatur dispensatus etiam ad duas comestiones, idest ad non ieiunandum. Sed super hoc pariter dictum fuit a laud. summo Pontifice, nempe cum dispensatione ad carnes servandum esse ieiunium, nempe quoque teneri ad unicam comestionem, & ad horam ieiunii, ut in Bulla cit.

Dispensatus ad carnes licite ova etiam & lactinia comedere potest, quia cui maiora conceduntur, a fortiori minora censentur concessa. Item dispensati ad ova & lactinia possunt simul comedere pisces, licet cit. Bulla Benedicti XIV. vetet ne misceantur ab iis qui dispensati sunt ad carnes cibi vetiti cum non vetitis; quia cum ibi loquatur Summus Pontifex de dispensatis ad carnem, loquitur solum de cibo principaliter & universaliter interdicto, cuiusmodi est caro, quæ præcipue & universaliter vetita est die ieiunii. Imo dici potest Pontificem interdixisse misceri cibum ita vetitum ut sunt carnes, cum piscibus cæteroque non vetitis, quia cum talis dispensatio exigitur ob piscium nocumentum, curavit Pontifex impedire fraudem quæ occurrere potest in petitione dispensationis ad carnes, idest ne exigatur non ut provideatur saluti, sed ut gulæ satisfiat, idest comedendi cum piscibus etiam carnes. Quare habita dispensatione ad ova & lactinia tempore Quadragesimæ, aliisve diebus ieiunii ob piscium inopiam, cum hæc non sint res ita vetitæ sicuti carnes, non immerito censeri potest talem licentiam concedi non secus ac in locis ubi liber horum usus habetur ex consuetudine, quæ ob eandem rationem, idest ob piscium inopiam ibi inolevit; necnon uti solet communiter feria 6. & Sabbato, in quibus cum ovis & lactiniis quæ hisce diebus conceduntur, licite conceduntur etiam pisces.

Toties peccatum grave committeret quoties in die ieiunii quis carnes aliisve cibos

vetitos comederet, quia præceptum abstinentiæ a cibus vetitis est negativum, idcirco obligans pro semper, & tota die. Ita Caietanus, Suarez, aliisve communiter. Imo notant aliqui comedentem die ieiunii cum carnibus etiam ova novum committere peccatum, & toties peccare quoties ova comederet, quia præceptum non comedendi ova est distinctum a præcepto abstinentiæ a carnibus, & uterque negativum: unde distinctum committeret peccatum illud frangens, & quia præceptum est, negativum peccata multiplicantur quoties ova comeduntur. Idem dicendum de eo qui vovisset tali determinata die se abstinere a carnibus & ovis; hic enim toties peccaret sicuti supra, quoties eodem die carnes & ova comederet, quia tale votum se habet ad modum præcepti negativi, eidemque æquivalet, quidquid in contrarium alii dicant. Ita Azor. Navar. aliiq. citati a Salmanticens.

In Regnis, quæ oleo carent, uti licet sagimine in diebus quando vetitæ sunt carnes, præcipue si ibi præter olera & legumina alii cibi non suppetant, quia penuria olei licet dict. bus ieiunii sagimine. In tali olei inopia, ubi ovorum usus conceditur, si butirum quoque deficeret, etiam in tali casu licitum esset uti sagimine, sicuti sentiunt quamplurimi gravissimi Doctores, quos notant Salmanticenses in tali sensu intelligendos esse dum dicunt licite sagimine ac lardo eos velci posse quibus ovorum usus concessus sit.

§. IV.

De abstinentia a lactiniis.

Præter carnem generaliter prohibentur tempore Quadragesimæ ova etiam & lactinia; in aliis vero diebus ieiunii variæ sunt locorum consuetudines; nam in quibusdam locis aliis ieiunii diebus per annum sunt in usu, & in Germania ob inopiam ciborum ieiunii, etiam tempore Quadragesimæ. Quod vero generaliter loquendo, præcipue in Quadragesima, vetita sint ova & lactinia, patet ex cap. Denique dist. 4. ubi in Gloss. sic habetur: *Par autem est, ut quibus diebus a carne animalium abstinemus, ab omnibus quoque quæ sententiam a carne trahunt originem, ieiunemus, a caseo videlicet, lacte, & ovis.* Idemque clarius tradit sexta Synodus Constantinopolitana sub Iustiniano Imperatore celebrata in Trullo can. 56. qui vetat sub pœna anathematis velci lacte, ovis, ca-

nii quo-
tles qui
vescent
cibus ve-
titis.

In Re-
gais, qui
carent
oleo uti
licet dic-
bus ieiun-
nii sago-
mine.

Toties
peccat
de reu.

item re-
plect in
hac uni-
ca co-
mestio.
ne t

seo tempore Quadragesimæ, ne quidem Sab-
bato & Dominica exceptis, in quibus quia
celebrabantur dies felli, quidam volebant li-
cere talium ciborum usum. Quidquid autem
circa hunc canonem dicant aliqui, nempe non
esse textæ Synodi, sed aliquorum particula-
rium Episcoporum, certum est Covaruviam,
Azorium alioque insignis notæ theologos
probare, imo potius supponere hunc revera
esse canonem textæ Synodi, & ideo ex eo
inferitur iam ab illis temporibus lac, caseum,
ova in ieiuniis Quadragesimæ prohibita fuisse
ne quidem diebus festis exceptis, licet in
hisce ieiunium non ageretur. Et huiusmodi
prohibitionem tempore Quadragesimali pro
omnibus assert, ac sustinet D. Thomas 2. 2.
q. 147. art. 8, in quo sic habet: *In ieiunio
autem quadragesimali interdiciuntur univer-
saliter etiam ova & lacticia, circa quorum
abstinentiam in aliis ieiuniis diversæ consue-
tudines existunt apud diversos, quas quisque
servare debet secundum morem eorum, inter
quos conveniatur.* Ex quibus omnibus con-
stat datu in Ecclesia præceptum abstinendi in
Quadragesima ab ovis, & lacticiis; in aliis
vero diebus ieiunii non dari: observandæ
tamen sunt laudabiles locorum consuetu-
dines.

§. V.

*De unica refectioe quæ est secundum
requisitum ad ieiunium.*

Alterum substantiale requisitum ad essen-
tiam ieiunii est unica refectio facienda in
die ieiunii, & in hoc Doctores conveniunt.
Controvertitur tamen quo iure hoc præci-
piatur. Caietanus & Panormitanus hic in
Rubr. de observant. ieiunii docent hoc cau-
tum fuisse iure ecclesiastico in cap. *Quadragesima*
de consecrat. dist. 5. D. autem Th. 2. 2.
q. 147. art. 6. in argum. sed contra,
docet hoc statutum esse ex communi populi
Christiani consuetudine, quæ vim habet leg-
is. D. Thomæ concordat Innocentius in
cap. 1. de observantia ieiuniorum. Nullus
enim allegari potest textus iuris canonici,
in quo expresse & clare id præcipiatur. Hinc
postquam D. Th. in art. 6. cit. explicavit
rationes quare ieiunium sit ab Ecclesia in-
stitutum, nempe ad fræmandam concupiscen-
tiam, in hac laudabili consuetudine ad cum
finem ab Ecclesia inducta, & ideo concludit
Ecclesiæ moderatione statutum est ut semel
in die a ieiunantibus comedatur.

Hic autem inquirunt theologi, num qui
in hac unica comestione tot cibis & condi-

mentis ventrem repleat, & se ingurgitet,
ut nullam corporis afflictionem sentiat, quin-
imo gulæ indulgeat, ieiunium violet eccle-
siasticum? Sustinent multi hunc non viola-
re ieiunii præceptum, cum servet unicam
comestione præceptam, licet tamen perdat
ieiunii meritum, & secundum qualitatem
excessus peccet contra temperantiæ virtu-
tem etiam mortaliter, si excessus sit ita gra-
vis, ut etiam extra ieiunii diem in morta-
lem culpam incideret. Probabilior tamen,
ac multo verior censenda est sententia alio-
rum, qui statuunt illum tali ingurgitatione
violare præceptum ieiunii, quia licet non
directe, saltem indirecte & interpretative
hoc fieret in fraudem ieiunii ecclesiastici;
cum gulæ expletio tollat ac impediatur ab-
stinentiam lege ieiunii præceptam, ut per
hanc corpora castigentur, inordinati seu il-
liciti carnis motus reprimantur, ac ideo
mens aptior fiat ad divina contemplanda;
præterquam quod refectio licet unica, si im-
moderata sit & interperata, adversatur fi-
ni legis ieiunii, non secus ac plures refectio-
nes, quibus talis refectio æquivalet. Unde
sicuti plures refectioes die ieiunii, ut omnes
concordant, violant ieiunium, idest ieiunii
præceptum, ita comestio, immoderata licet
unica, quia pluribus est æquivalens, seu vir-
tualiter multiplex, legem frangit ieiunii.

Hæc autem refectio debet esse continua-
ta, alias non esset una, sed repetita. Si
quis tamen ob urgens negotium, idest ex ius-
ta causa, nondum sufficienter refectioe
completa discedendo a mensa eam interrump-
peret, confecto negotio redire potest ad eam
perticiendam, quia ipsæ circumstantiis &
intentione censetur unica moraliter refe-
ctio. Aliter tamen esset dicendum, si suffi-
cienter refectus discederet cum animo non
amplius redeundi; nam si tunc comedat,
frangit ieiunium, quia esset nova comestio
cum prima non moraliter coniuncta, nisi ta-
men intervallo nimis breve abuisset a men-
sa. Ita Navarrus cum aliis. Probabilius ta-
men non frangit ieiunium qui putans pran-
dium finitum esse mappulam involvit, sed
appositæ postea alio terculo, eo vescitur,
quia unicum est prandium, & ex ignorantia
quali statuerat non amplius edere; & eo vel
maxime quod etiam in hoc casu hæc nova
comestio ita parum ab alia distabit, ut una
& eadem moraliter censeri possit, & hæc
postrema comestio est potius prioris comple-
mentum, quam nova comestio. Non licet
tamen diu protrahere prandium cunctando,
quia hoc esset sumere refectioem æquiva-
lent-

Unica
hæc refe-
ctio de-
bet esse
conti-
nua.

Quid de
enqui ni
in hac uni-
ca co-

lenter multiplicem, idest novam fumere, aut diu eandem continuare refectioem, quæ reipſa realiter & virtualiter erit multiplex: nec intereſt quod ſemper non comedatur, ſed fiat contabuiatio, quia cibos ſumptos interim concoquit ſtomachus qui ſufficiebat pro unica refectioe, & alii ſubſtituuntur. Sic P. Antoine.

Qui plures in die ieiunii comedit cibos licet non vetitos, pluries graviter peccat, quia præceptum ieiunii, etſi quoad verborum formam affirmativum videatur, in ſe tamen continet hanc negationem, *non plures comedas, aut non plures ſumes refectioes*. Idcirco negat & prohibet omnem pluralitatem refectioem; nam licet ſuppoſita prima coſtione poſt ordinariam refectioem non poſſit amplius ieiunium ſervari perfecte, poteſt tamen ſervari imperſecte, non ſecus ac dicitur de illo, qui carnem ſemel ac iterum tali die comederit, cum non minus ac prohibito carniū pluriū etiam refectioem poſita ſit pro tota die, quia pro tota die impoſita eſt lex ieiunandi; abſtinendo tum a carniſus, tum a repetitis coſtitionibus. Idcirco ſicuti peccat qui ſemel & iterum comedit carnes die ieiunii, ita etiam qui ſemel & iterum comedit; ſicuti peccat non ſolum qui primum furtum aut fornicationem contra votum committit, ſed etiam qui ſecundo, tertio & quarto in eadem tranſgreſſiones relabitur. Ita Sylviuſ cum aliis.

Non volat tamen ieiunium Leſtores, Miniſtri menſæ in Monafteriis aliquid cibi ſumentes, tum quia id faciunt ne vires notabiliter debilitentur, tum quia eſt quædam grandis inchoatio, & temporis interruptio ſit iuſta cauſa. S. Benediſtus in Reg. cap. 38. Abul. in cap. 6. Matth. 9. 145. Caiet. v. ieiunium cap. 1. imo addit Navarrus cum aliis, quod ſi prandium tibi differendum ſit ultra communem horam, potes aliquid cibi ſumere ne vires deficiant, & ne ſtomachi dolore premaris, quia tunc ſumitur per modum medicinae. Item non infringit ieiunium qui ſumit electuaria, ut ægritudini medeatur, ſive ut probabiliter neceſſario præceatur, quia tunc medicamina ſunt non alimenta, niſi ſorte aliquis (notat D. Th.) electuaria in fraudem in magna quantitate attumeret per modum cibi, quia electuaria ut talia & per modum medicinae in parva quantitate ſumi debent. Unde ſi ſumantur in magna quantitate, iam non eſt electuarium & medicina ad ciborum digeſtionem, ſed ita eſt cibus ordinatus ad nutriendum, idcirco tunc dicitur fraudulentè electuarium. Sic

cum D. Th. ſentiunt etiam Navarrus, Caiet. Innoc. in Rubr. de obſerv. ieiunii. Hinc electuaria ſumpta ob ſolam delectationem, niſi eſſent in parva quantitate, ut cenſeri poſſit materia levis, frangunt ieiunium, cum præter vim medendi habeant etiam naturam cibi nutritivi.

Item ieiunium frangeret qui rogatus ab amico extra refectioem aliquid cibi ſumeret ne videretur inurbanus, quia peticio illa iniqua eſt, cum vera urbanitas nequeat adverſari legibus eccleſiaſticis, & potius Deoparendum eſt quam amico. Ita D. Antonin. Caiet. Azor.

S. VI.

De cœnula, ſeu collatiuncula ſeroſina.

Prioribus ſæculis, idest ab initio Eccleſiæ uſque ad ſæculum octavum in die ieiunii unica tantummodo fiebat coſtione, & hæc hora nona, ſeu poſt meridiem, hora vero tertia in ieiuniis minoribus, & ad Veſperam in Quadrageſima, ut patet ex vita Caroli Magni, qui reprehendiſ ſuit a quodam Epſcopo, quod diebus Quadrageſimæ cibum ſumeret octava hora diei, idest ſecunda poſt meridiem, peracta tamen Miſſarum celeberrate, & velpertinis horis: neceſſitatem pro ſua deſenſione allegavit, nempe ſibi cœnanti miniſtrare reges & duces, hiſ poſſet miniſtrare Comites, quibus poſtea ex ordine alii inſervirent, ita ut ultimi non ante noſtis medium manducarent. Hæc diſciplina perdurabat etiam tempore D. Bernardi, ut habetur in eius ſerm. 3. in Quadrag. cui conſonat Petrus Bieſenſis ſerm. 11. unde etiam ſæculo duodecimo perſeverabat unica coſtione, ſine reſectiuncula ſeu cœnula. Cauſa vero ſeu occaſio induſionis huius cœnulae in die ieiunii, quæ poſtea univerſaliter invaluit, communiter tribuitur licentia quorundam Religioſorum. ineunte ſæculo 8. qui ſtatim ante Completorium, ſeu ante ſua ſpiritualia colloquia diebus ieiunii a ſua Regula tantum indiſtis, quæ hora nona ſolvebantur, non vero in Quadrageſima, aquam bibebant, & poſtea uti ceperunt in tali portione vino aqua diluto, & hæc facultas tali hora bibendi poſtea iſdem Religioſis conceſſa ſuit etiam tempore Quadrageſimæ, cum hoc illis neceſſe eſſet ob laboris deſatigationem, vel cantus, officii divini diuturnitatem. Verum quia talis portio ſacta ſtomacho ſere ieiunio aliquantulum iplum ſtomachum illis offendeſat, ad hoc præcavendum eis tandem conceſſum fuit fru-

Olim unica tantum fiebat reſectio die ieiunii.

Unde induſio ſit ultra cœnulae.

fructum etiam panis comedere. Pontas v. *ieiunij cas.* 19. & alii. Hæc tandem licentia transiit ad sæculares; & quæ ab initio posita erat in solo potu aquæ, vel vini aqua diluti, & postea in aliquo frustulo panis, vel in aliquo fructu, temporum successione ita crevit, ut redacta sit ad formam veluti cœnulae. Unde hæc cœnula seu refectiuncula inducta est a consuetudine fidelium, præcipue ut necessarium formam capi posset, & ne vires ieiunantium nimis deficerent. Et hæc fuit etiam ratio, quare pia mater Ecclesia ex commiseratione debilitatis complexionum, quæ mundo senescente eo semper magis augetur, toleravit eandem refectiunculam ac tolerat. Idcirco extra omne dubium nunc refectiuncula ex probata timoratorum & piorum consuetudine, consentiente Ecclesia, quæ est legislatrix, idest scientibus & annuentibus Ecclesiae Prælati, in qualibet Regione die ieiunij licita est. Sic Covarr. Navar. Caiet. D. Antonin. Azor. aliique. Sola igitur difficultas verlatur circa quantitatem cibi in hac licite sumendi, ne violeat ieiunium, & hæc determinanda est secundum quantitatem ciborum, & qualitatem, ut cum aliis notat P. Antoine.

Quantitatem cœnulae universum dici potest debere esse valde modicam, ne cœnula convertatur in cœnam. Hæc tamen (quid sit de iis qui statuere conantur quamdam generalem mensuram aliquarum unciarum, pugnantibus aliis pro quantitate quatuor unciarum, aliis pro quinque, aliis septem, aliisque octo) probabilior, sanius ac magis rationi Ecclesiaeque menti consonum videtur quod permulti iustinent, non debere esse eandem mensuram pro omnibus & ubique, sed diversam pro diversitate complexionum, laborum, regionumque, quarum aliae aliis sunt calidiores, aliae frigidiores, unde fit ut alii minori cibo quam alii indigeant. Aliquibus in locis consuetudo plus permittit in Vigilia Nativitatis Domini, & in Cœna Domini quam aliis diebus. Quoad qualitatem vero ciborum prohibentur cibi qui valde nutriunt, cuiusmodi sunt ova, pisces, legumina cocta, nam coctio reddit materiam nutritioni aptiorem, ita ut corruptela sit, ait Azorius, si sumantur legumina & pisces; unde communius censetur cum pane in cœnula utendum esse arborum fructibus, puta pomis, amygdalis, uvis recentibus & ficcis, oleis, nucibus, pyris &c. Item herbis crudis vel coctis immixtis aliquo oleo, insalatis, dulciariis, aliisque belariis. Tum quia prædicti cibi non sunt ex

iis qui ordinantur ad sustentandam naturam & nutriendum; tum quia sic communis invaluit consuetudo; ita ut cum sit etiam consuetudo utendi in cœna pane cocto cum aqua, sale & oleo, (vulgo *panata*) & hæc est in usu præcipue in multis Religiosorum Monasteriis, hinc admittitur ab aliquibus theologis, ut licita materia collatiunculae, & hæc tamen in modica quantitate, sicuti iam ministrari solet in Monasteriis. Et equidem cum cœnula consuetudine inducta sit in die ieiunij contra legem & praxim Ecclesiae, quæ unicam concedit refectiunculam, in hac uti licet hisce taneum cibis qui ipsa consuetudine sunt approbati, quales sunt leviores ut fructus, & pro regionis more parum casei. Licet tamen sumere iusculum ex leguminibus coctis ab necessitate, ut habeat potius rationem medicinae quam cibi, cum ex D. Th. iam antea cit. sumptio medicinae ieiunium non frangat. Sic multi ex theologis.

Non licet collationem sumere summo mane aut meridie, & refectiunculam prandium nocte sine iusta causa, puta negotio urgenti sermonis, itineris, studii, hospitii, debilitatis &c. aut si quis alias non posset nocte dormire, quia respectu primi temporis Ecclesia præcipit, & canones præscribunt, ut nihil cibi sumatur ante horam consuetam; quæ est circa meridiem. Ita Navar. Azor. alii; & respectu secundi temporis patet ex ipsa consuetudine, quæ induxit cœnulam sero idest nocte. Idcirco si ob primam rationem ea non potest fieri mane, ita ratione consuetudinis ne quidem meridie, intellige semper nisi adsit iusta causa, ut cœnulae suum ordinem inverti opus sit; quæ causa dum absit iuxta multos, erit solum veniale, cum ita ieiunium non violeat quoad substantiam, sed tantum quoad circumstantiam non substantialem. P. Antoine cum aliis.

Notandum tamen quod si aliquis nihil cibi tota die sumeret, idest omnem refectiunculam omitteret, & noctu pranderet, nullatenus peccaret, imo melius mortificationem sentiret, ac ieiunij pensum solveret. Ita si quis non posset ieiunare nisi summo mane cœnulam sumendo, deberet hoc modo ieiunare; quia præcepta moralia morali modo sunt interpretanda, & congruentiori modo œquenda. Sic Salmanticenses cum aliis quos citant.

§. VII.

De violatione ieiunii aliquid sumendo vel bibendo extra consuetam refectiōem, & cœnulam.

Sumens sæpius eodem die quid nutritivum, licet exiguum, & sine animo notabile sumendi, peccat mortaliter, quando ad notabilem quantitatem scienter pervenerit, & constat ex proposito. damnata ab Alex. VII. n. 29. quæ contrarium ita docebat: *In die ieiunii qui sæpius modicum quid comedit, etsi notabilem quantitatem in fine comederit, non frangit ieiunium*: nam illa plura modica constituunt magnam quantitatem, & effectum notabilem producent, seu notabilem nutritionem in eo; nutriunt enim non secus ac si magna illa quantitas continue lumeretur, cum singulæ partes cibi sive discontinue sive simul lumentur, addant robur & substantiam manentem simul post sumptas omnes partes. Quare non licet pro arbitrio libere, & ne potius noceat, toties aliquid exiguum comedere, quia hoc modicum sæpius sumptum deveniret tandem ad quantitatem sufficientem notabilem, ob quam frangitur ieiunium. Quantitas autem notabilis censetur, si perveniat ad unam unciam cum dimidio, vel duas uncias ad summum excedat. Item non licet sine ieiunii violatione comedere in hac notabili quantitate poma, pyra, uvas recentes, omnesque alios fructus, cum hæc talia suntere, & comedere, ut communiter omnes sentiunt, sit vere comedere, non alias bibere, & ex se sint nutritiva. Non est tamen illicitum sumere aliquid per modum medicinæ, ut alias diximus, quamvis nutriat. Sic licite sumere potest pusillum idest frustulum panis cum haustu vini, qui aliter sine gravi incommodo ieiunare nequit, vel functiones animi, & alia sua munera implere, quia hoc tunc se habet per modum medicinæ, quæ non interdicitur die ieiunii, ut docet D. Thomas.

Sentiunt Doctores communiter frangi ieiunium, si extra prandium & cœnulam sumatur iusculum, lac, aliaque huiusmodi portio, quæ principaliter ad nutriendum sit ordinata, quia ea omnia interdiciuntur de ieiunii, quæ per se, & principaliter ordinata sunt ad nutriendum, live ea comedendo, sive bibendo, aut sorbendo accipiantur, cum hæc veniant nomine cibi, ut notat Bellar-

minus lib. 2. de bonis operibus cap. 1. Non frangit vero ieiunium potus cervisiæ, aloxi, aquæ saccharo mixtæ, aliarumque aquarum, quæ ex cinamomo, cerasiis, acribus, hordeo componuntur; nam licet saccharum, cinamomum, aliave, quæ aquis miscentur, secundum le rationem habeant cibi, infunduntur tamen in modica quantitate, & adeo liquantur, ut propriam naturam amittant. Nam si ex opposito parum aquæ cum magna eorum quantitate misceretur, naturam cibi servarent & alerent, ac proinde frangerent ieiunium.

Verfatur vero inter theologos gravis controversia circa potum vini, quem sustinent aliqui ieiunium violare haustum infra diem, concedentes solummodo potum necessarium ad sedandam sitim, qui nihil aut parum nutriat, & ita de electuariis sumptis in paucissima quantitate & cum necessitate: alii vero communius contrarium sentiunt, & maiori ratione propugnant potum vini (dummodo non sumatur in ea quantitate, quæ censetur esse in fraudem ieiunii) nam hoc concedit immemorabilis consuetudo: etenim cum potus ordinetur potius ad cibi distributionem pro corpus, & ad sanguinis refrigerium, quam ad alendum, ideo Ecclesia eum non vetuit, cum in suo præcepto loquatur clare, expresse, & aperte de comestionibus, & nullatenus de potu. Idemque dicito de electuariis, quæ parum nutriunt, ut thea; & quod longe probabiliorem & securiorem sententia oppolita reddit sententiam nostram est auctoritas Angel. Doctoris, qui ob clarissimam, profundissimam ac incunctam eius doctrinam fulget inter Patres & Doctores Ecclesiæ, ideoque tanti meriti & credibilitatis, ut cuicumque theologo sit præferendus, maxime in doctrina morum, quorum integritas Sanctorum quoque cultum ei promeruit. Hic enim S. Doctor 2. 2. q. 147. art. 6. ad 2. ait: *Ieiunium Ecclesiæ non solvitur nisi per ea quæ Ecclesiæ interdiceret intendit instituendo ieiunium: Non autem intendit Ecclesiæ præcipere abstinence potus, qui magis sumitur ad alterationem, licet aliquo modo nutriat, & ideo licet pluries ieiunantibus bibere. Si autem quis immoderate potu utatur, potest peccare, & meritum ieiunii perdere, sicuti etiam si immoderate in illa comestione cibum sumat.* Et ad 3. *Electuaria etiam si aliquo modo nutriant, non autem principaliter sumuntur ad nutriendum, sed ad digestionem ciborum, unde non solvunt ieiunium, sicuti nec aliarum medicinarum assumptio, nisi forte aliquis in fraudem* etc.

Quid de potu vi. al meti.

electuaria in magna quantitate assumat per modum cibi.

Quid cir-
ca po-
tum cho-
colatæ.

Maiores tamen gravioresque difficultates versatur supra potum chocolatae, idest an hic ieiunium violat, & acriter pro utraque parte certant theologi. Certum quidem est, si res sincere, & ex animo inspicere velit, chocolata non solum esse magnæ nutritionis, & alimenti, imo multo maioris, ut constat ex ipsa experientia, quæ est rerum magistra, quam ius & lac, sed etiam ex se esse quid solidum, comestibile, non secus ac panis, ova, pisces, ac caseum, aliaque comestibilia. Et licet sumatur aqua diluta per modum potus, non est tamen ita diluta ut propriam substantiam amittat, sicuti potus qui sunt ex & saccharo, malo citrino, mele, ac speciebus aromaticis, quæ ita aqua sunt diluta, ut propriam amittant cibativam substantiam, ac proinde revera rationem habeant potus: sed ad horum differentiam chocolata sumitur satis condensata, ut sit peisanna, unde propriam non amittit cibativam substantiam, nec dici potest sumi ad sedandam siem, sed ad famem expellendam, nec ut diluens ad corpus & languinem refrigerandum, cum hunc potius calefaciat; ideoque si ius ac lac quæ sunt magis potabiles quam potus chocolatae, non possunt sumi die ieiunii abique eo quod ieiunium frangatur; multo minus saltem pro libitu pluries in die, vel si semel in abundanti quantitate, sumi potest potus chocolatae sine fractione ieiunii, nisi adesset legitima causa, puta infirmitatis, laboris &c. & in tali casu standum est iudicio medicorum & prudentum.

Dixi pluries in die, vel si semel in abundanti quantitate: nam sicut nimium sapit laxitudinis contra legem ieiunii licitum tueri quemcumque usum pro libitu potus chocolatae die ieiunii, sic sapit importunum rigoris excessum improbare ut incompatibilem cum ieiunii observantia quemcumque moderatum chocolatae potum in die ieiunii, dum iam invaluit communis consuetudo apud pios timoratosque fumendi, moderate tamen, potum chocolatae die ieiunii scientibus Ecclesiae Prælati, & præcipue Summo Pontifici, qui est principalis ieiunii legislator & moderator. Et revera si summus Pontifex qui universalis est pater omnium Ecclesiarum fidelium, ac pro eorum salute vigilantissimus pastor, ieiunii legislator, totius sacrae doctrinae primus Doctor & magister, non incipit communis usus potus chocolatae in die ieiunii, ex eo tempore quo induci co-

Instit. Theol. Moral. Tom. III.

pit chocolatae potus, ad hæc usque nihil unquam statuit contra chocolatum, usum talis potionis in die ieiunii verando, utpote ieiunii observantiae oppositum, mihi videtur quod non sine aliqua iniuria supremæ Pontificum auctoritatis & vigilantiae possit ita facile improbari ut illicitum moderatus usus potus chocolatae in die ieiunii, quia nemo summorum Pontificum adhuc utpote talent eum interdixit. Unde saltem, imo præcipue ex hoc capite mihi videtur colligi posse moderatum usum potus chocolatae die ieiunii non frangere ieiunium, ac ideo cumcumque licitum esse sine peccato. Et hoc confirmat auctoritas supra allata D. Thomæ art. 6. *quæst.* 174. de electuariis, nempe quod eorum sumptio die ieiunii extra refectioem, & cœnulam, non frangat ieiunii observantiam, nisi in fraudem ieiunii in magna quantitate sumantur.

Dixi moderatum usum, idest quod semel in die sumatur, & in modica quantitate, nempe ad summum unica uncia cum dimidia partibus chocolatae, quam tamen quantitate, nempe ultra unciam plus minuse sumere non consulerem sine rationabili causa, puta studii, vel stomachi debilitati; ita ut sumens sine causa, unica uncia plus minuse esset contentus. Ita etiam Doctores.

§. VIII.

De hora refectiois die ieiunii.

Tertium requisitum ad ieiunium ecclesiasticum est tempus seu hora fixa & determinata, in qua unica refectio est facienda. Primævi Christiani æmulantes Iudeos, qui solebant protrahere sua ieiunia usque ad initium noctis, live post Solis occasum, ut passim habetur in Scripturis, eundem morem servare consueverunt, idest in suis ieiuniis non se reficiebant nisi post Solis occasum, ut in vita S. Antonii notat Athanasius, & in vita Hilarionis D. Hieronymus. Sed cum tepelceret precibus ille servor, solvi coepit ieiunium, 1. quidem. antequam Sol occideret, deinde paucis horis ante ipsius Solis occasum, quia refectio sumi coepit ad horam nonam, idest tribus horis exactis post meridiem. Hic autem usus refectiois hora nona invaluit in ieiuniis extra Quadragesimam: nam in ieiunio Quadragesimæ, quod proxime ante Pascha observatur, diu retenta est lex & consuetudo apud Ecclesiam fideles suscipiendi unicam refectioem ad Vesperas, nempe Vespertinis precibus expletis, quod fieri solebat post Solis occasum,

Ff

ut

ut ex Concil. Cabilonensi, a quo reprehenduntur qui ad nonam ieiunium solvebant non expectata hora vespertina, ut docet Azo-rius. Nunc autem ex consuetudine ab Ecclesia recepta tempus seu hora refectionis est circa meridiem; quæ potest quidem differri pro libitu usque ad horam tertiam pomeridianam, & usque ad Solis occalum, non autem sine iusta causa notabiliter anticipari sine culpa, quam spectata etiam hodierna Ecclesiae consuetudine censent esse mortalem Covarruvias, Navarrus, Comitolus, alii, non sicut ac olim, contra Laymannum, qui vult non esse nisi venialem, & patet eorumdem Doctorum sententia tum ex sensu fidelium & sine ieiunii, tum ex cap. *Solent de consecrat. dist. 1.* ubi sic habetur: *Nullatenus ieiunare credendi sunt, si ante manducaverint, quam Vespertinum celebretur officium.* Unde ex mente Ecclesiae, lege, vel consuetudine universalis tempus refectionis statutum est, ut nunc sit, hora meridiana, & est conditio spectans ad substantiam præcepti & ad modum substantialem illius: quia licet in horæ anticipatione recesserimus a veteri Ecclesiae instituto, non recessimus tamen ab eo quod certa hora servetur, quam prævenire nec debemus nec possumus refectionem sine iusta causa exigente anticipando. Ita docet etiam D. Th. in 4. d. 15. quæst. 3. art. 4. *Ieiunium solvit*, ait S. Doctor, *qui Ecclesiae determinationem non servat.* Unde cum Ecclesia statuerit certum tempus comedendi ieiunantibus, qui nimis notabiliter anticipat, ieiunium solvit. Et hoc constat ex ipsa ratione, quia, ait Sylvius, tunc violatur præceptum in renobili, & quæ multum pertinet ad rationem ieiunii ecclesiastici. *Dixi sine iusta causa*, quæ, ut multi censent, interveniente nulla esset culpa, puta si ob iter necessario faciendum hora comestionis notabiliter immutetur, cum id sit usu receptum apud doctos & probos; & huic facilius potest esse locus exculpationi quam in aliis requisitis ad ieiunium, eo quod refectionis tempus minus conferat ad finem naturamque ieiunii. P. Antoine cum aliis.

§. IX.

De præcipuis Ecclesiae ieiuniis.

Non est hic sermo de ieiuniis privatis & particularibus, quæ observari solent pro libitu & secundum spiritum propriæ pietatis ab aliquibus devotis fidelibus; sed de ieiuniis quæ a tota Ecclesia sunt observanda,

& quæ nunc omnes obligant, inter quæ præcipuum locum obtinent ieiunium Quadragesimale, Quatuor Temporum, & postea quæ in pervigiis maiorum Solemnitatum iussa sunt observari.

Ieiunium Quadragesimale licet ab ipsis Ecclesiae primordiis observetur, nihil tamen habemus in divinis Scripturis ostendens illud institutum fuisse a Christo Domino, sed indubie constat ex Traditione institutum fuisse ab Apostolis ad Christi imitationem, ut patet ex Tertull. in l. de ieiunio, & ex S. P. Hier. in ep. 54. ad Marcellam, ubi sic legitur: *Nos unam Quadragesimam ex Apostolorum traditione congruo tempore ieiunamus.* Et hoc pium ac salubre institutum in diversis iuris canonici decretis identidem insinuavit, indixit ac inculcavit Ecclesia suis fidelibus inviolabiliter observandum, ut habetur præcipue in cap. *non licet de consecr. dist. 3.* & eod. tit. dist. cap. *non oportet*, & cap. *placuit*; præcipue vero cap. *Quadragesima de consecrat. dist. 1.* cuius aliqua verba hic afferam ex S. Greg. Magno delumpta: *Quadragesima summa observatione est observanda, ut ieiunium in ea (præter dies Dominicos) qui de abstinentia subtrahunt, nisi quem infirmitas impedit nullatenus solvatur*; & in progressu huius capituli habetur: *substitutio dierum Cinerum, ut hi loco Dominicarum quibus eximuntur fideles a ieiunio suppleant ad constituendos 40. integros dies ieiunii.*

Licet hoc ieiunium tali modo sit toti Ecclesiae universale, Ecclesia tamen Mediolanensis ex antiqua consuetudine non observat ieiunium in diebus Cinerum, qui primam Quadragesimæ Dominicam præcedunt.

Ieiunium Quadragesimale pluribus rationibus a SS. Apostolis fuit institutum, & successive in Ecclesia religiose servatum. Et præcipue sunt 1. ut Christum, qui nostrum est caput, pro modulo imitemur tum in ieiunio, tum in passione quam pro nobis subit, ut omnes pro culpis reliquo anno commissis quali publicam, communemque poenitentiam agamus, ut religiosius præparemur ad celebrandam Christi passionem & resurrectionem, necnon præparemur ad sacram Communionem, quæ in Paschate a nullo fidei ex Ecclesiae præcepto est prætermittenda; & tandem ut quasi decimas vitæ nostræ per Quadragesimalem abstinentiam consecremus.

Post ieiunium Quadragesimale præcipitur ieiunium quatuor anni Temporum, & hoc pariter traditur institutum fuisse ab Apo-

Quadragesima ieiunium est ex instituto Apostolorum.

De ieiunio quatuor Temporum.

1815

folis ad Iudæorum imitationem, qui quatuor anni temporibus ieiunabant, ne Christiani minus perfecti essent, quam Iudæi, ait Bel-larm. & S. Leo Serm. 2. de Pentec. & Serm. 8. de ieiunio; & hoc habetur etiam ex lute canon. in cap. Ieiunium dist. 76. ubi Cal-listus I. proximus temporibus Apostolorum, etiam lege ecclesiastica, idest ecclesiastico præcepto hoc ieiunium firmavit, quod postea innovatum fuit & in Concilio Moguntino primo cap. 34. & ab Urbano II. relato in cap. statim dist. 36. Hæc autem quatuor anni Temporum ieiunia variis rationibus instituta fuere, nempe ut unumquodque anni tempus per specialia pœnitentiæ exercitia Deo consecraretur; ut a Deo petatur frugum terræ conservatio, ut pro eis col-latis Deo gratiæ agantur; ut Deûs sanctos Ecclesiæ suæ pastores providere dignetur, tamen primis Ecclesiæ temporibus Ordina-tiones non fierent nisi mense Decembris: sed postea crescente Ministrorum necessitate ac numero institutum fuit ut quater in anno haberentur Ordinationes sacrorum Ministrorum. Hæc autem ieiunia celebrantur 1. in initio Quadragesimæ, 2. in hebdomada Pen-tecostes, 3. in Septembri, 4. in Decembri.

Insuper alia primævis temporibus instituta fuere ieiunia in Ecclesia, quorum aliqua fuerunt communia universali Ecclesiæ, alia vero non communia: nam sancitum est in lib. 6. Capitularium cap. 184. ut legitima tria ieiunia in anno agantur, idest quadra-ginta dies ante Nativitatem Domini, 40. ante pascha, & post Pentecosten 40. idest ante Nativitatem S. Ioan. Bapt. ut habe-tur etiam ex Amalario lib. 4. de divinis Of-ficiis cap. 37. & lib. 1. cap. 36. Hæc tamen quadragenaria ieiunia, præter ieiunium an-te Pascha, non erant toti Ecclesiæ univer-salia, sed particula quorundem Ecclesia-rum; ita ut aliæ Quadragesimæ præter Pa-schalem erant solius consilii ac devotionis, non præcepti, ut patet ex responsione Innoc. III. consulti ab Episcopo Bracharensi num in Adventu sit ieiunandum, cum Innocen-tius simpliciter respondet: Ieiunium apud nos in adventu agitur, ubi formam propo-nit potius quam legem indicet. Fuit etiam alia Romæ Quadragesima ante Assumptio-nem B. Virginis, quam suadet, non vero iubet Nicolaus I. in epist. ad Bulgáros.

Item triduanum ieiunium in aliqua Ec-clesia servabatur, in triduo Litaniarum seu Rogationum ante diem Ascensionis Domini; quod ieiunium ex veteri instituto Ecclesiæ Mediolanensis innovavit S. Carolus Borrho-

mæus, ut constat ex Actis Ecclesiæ Medio-lanensis pag. 12. Dixi hoc ieiunium serva-tum in aliqua Ecclesia, cum non ita fa-cile probari possit an ubique & quando vi-guerit.

Alia pariter observabantur pluribus in lo-cis ieiunia non solum ante præcipuas festi-vitates anni, sed & ante quamplurium Ap-ostolorum festa, quorum aliqua ex Eccle-siæ præcepto, aliqua ex consuetudine nunc Ec-clesiæ facta sunt communia, & obli-gant sub mortali, ut ieiunium in Vigilia Pentecostes, S. Ioan. Bapt. S. Laurentii, & Festivitatibus omnium Sanctorum, quorum in-stitutio colligi nequit ex ullo textu cano-nico, idcirco ex sola consuetudine inductum. Imo ieiunium in vigilia Pentecostes videtur opponi stylo Ecclesiæ, quæ non solet præ-cipere ieiunium intra tempus paschale, in quo hæc vigilia includitur.

Notandum tamen circa ieiunium in per-vigilio S. Ioan. Bapt. quod si incidat in festo Corporis Christi, anticipandum est feria 4. ut præcipit Leo X. & ita etiam declaratum fuit a sacra Congregat. quod approbatum fuit ab Urbano VIII. in Bulla, quæ incipit: *Cum evenire*, edita 12. Octob. 1638.

Ieiunia vero, quæ semel introducta a parti-culari Ecclesiæ consuetudine, nunc per totam Ecclesiam observantur ex ipsius Ec-clesiæ præcepto, sunt ieiunium in vigiliis Apostolorum, præter vigiliam SS. Philippi & Iacobi, & S. Ioan. Evang. quarum una incidit intra tempus paschale, alia in cele-britate Natalis Domini. Aliarum vigilia-rum, quæ in Dominicis incidunt, ieiunium anticipatur in Sabbato, & de his omnibus habetur ex Innoc. III. qui ita præcipit in cap. *Concilium de observat. ieiuniorum*. Circa vero ieiunium S. Matthiæ, quando eius vi-gilia occurrat feria tertia post Dominicam Quinquagesimæ, iam declaratum est a sacra Congreg. die 23. Ian. anno 1694. eadem fe-ria esse celebrandum. Similiter præcipitur ieiunium Vigiliæ Nativitatis Domini, & As-sumptionis B. Virginis, ut patet ex cap. *Ex parte*, ubi tanquam certum supponitur de-ctum ieiunium iure communi inductum fuisse; in aliis vero pervigiliis B. Mariæ Virg. ieiunant fideles ex devotione, non ex præcepto.

Porro hæc sunt ieiunia, quæ aut ex præ-cepto Ecclesiæ, aut ex consuetudine legiti-ma fideiium sub culpa mortali ab omnibus observanda sunt. Si quæ tamen aliqua an-tiquitus observabantur feria 4. & 6. ex cap. *Ieiunia* dist. de consecrat. & Sabbato cap.

Salbat. ead. dist. & in Adventu ut ex cap. *Concil. de observ. ieiunior.* cum hæc omnia per contrarium usum in desuetudinem abiierint, non amplius universam obligant Ecclesiam; & ita communiter docent Doctores, ut videri potest in Azorio, Covaruv. Barbol. aliisque.

Quandam
seu vitas
res præ
venire
bantur
sim ieiunio,
Vigilia, &
Statione.

Cæterum certæ quædam festivitates præveniebantur non solum ieiunio, sed vigilia etiam & statione. *Ieiunium*, ait Bellarm. cap. 22. *feri poterat noctu & interdum vigilia solum de nocte, statio solum de die*; unde statio proprie nihil aliud erat quam vigilia diurna tempore solemnitis ieiunii. Eo enim tempore stabant fideles, & perseverabant in orationibus a summo mane usque ad Nonam aut ad Vesperas. Hodie pariter sunt stationes, sed a ieiunio plurimum disiunctæ. S. Greg. Magnus attribuit Romæ certa quædam loca Stationibus, & hæc dicuntur Ecclesiæ Stationales, sicuti & stationarii Ministri, qui iisdem Ecclesiis stabiles inferiunt, ut notat Iacobus de Evillon in lib. *de Processionib. eccles.* cap. 19. Sic in Tourneleio, & aliis.

§. X.

De tempore quo sola præcipitur abstinentia a carnibus.

Præter abstinentiam ieiunii vel ex præcepto vel ex legitima consuetudine observandam quibundam temporibus ab universis Ecclesiæ fidelibus, ut hætenus vidimus, adest quoque obligatio abstinenti quibundam aliis diebus a solis carnibus sine ullo præcepto ieiunandi, ita ut his diebus licitum sit velci ovis, ac lactiniis. Inter dies, quibus olim vetitum erat velci carnibus, fuerunt dies Litaniarum maiorum, & minorum, idest dies S. Marci, & tres dies Rogationum ante Ascensionem Domini, ut constat ex Concil. Aurelianensi primo can. 29. relato in cap. *Rogationes*. Sed hoc non ubique servabatur; & licet verba canonis videantur indicare ieiunium sub præcepto, ut tamen notat Glossa, non præcipitur sed suadetur; & eo vel maxime quod tempore Patchatis in quo incidunt dies Rogationum, Ecclesia ieiunium non præcipit. Ex iure igitur communi nulla est obligatio circa Rogationum dies, unde standum est Provocationum consuetudini, quæ pro earum diversitate diversæ sunt. Nam in aliquibus hisce tribus diebus a carnibus abstinetur, in aliis feri 2. & 4. ieiunatur, in aliis non ieiunatur nisi in vigilia Ascensionis, in aliis

tandem omnibus tribus hisce diebus carnes comeduntur; de qua diversitate in Provinciis Galliæ, Hispaniæ, Germaniæ loquitur Azorius in suis Institut. moral. p. 1. l. 7. c. 15. q. 4.

Uterius antiquitas mos erat ieiunandi & abstinenti ab elu carnium feria 4. 6. & Sabbato, & toto Adventu; nunc tamen nullibi observatur, imo nec feria 4. nec in Adventu a carnibus abstinetur. Feria vero 6. adhuc communiter a carnibus abstinere debent fideles, quia ita servat universalis Ecclesiæ consuetudo, quæ ieiunium antiquitus observatum in solam abstinentiam a carnibus commutavit. In Sabbato vero licet ubi non est consuetudo, non adit obligatio abstinenti a carnibus, tamen tamen a carnibus abstinere sub mortali ubi consuetudo viget, & sic etiam Belgii & Galli, qui habent consuetudinem velcendi carnibus a Natali Domini usque ad Purificationem, alius anni Sabbatis abstinentiam a carnibus ipsi quoque servare debent, cum in aliis Sabbatis (præter dictos a Natali ad Purificationem & Virginis) ne quidem apud eos vigeat contraria consuetudo, sicuti apud Hispanos, qui exceptis Sabbatis Quadragesimæ (una vel altera excepta Provincia) perantiquam habent consuetudinem velcendi in aliis Sabbatis per annum animalium extremitatibus, intestinis, ac visceribus.

Licet vero abstinentium sit a carnibus feria 6. & Sabbato ubi viget talis consuetudo, si tamen occurrat hisce diebus festum Natalis Domini, in tali casu concessum est ab Ecclesia propter festi excellentiam iuxta generalem Ecclesiæ consuetudinem velci carnibus, his exceptis qui sunt adstricti voto, vel Regulari observantia. Non essent tamen reprehendendi qui ex devotione a tali concessione vellent abstinere. Ita Honorius III. in cap. *Explicari de observ. ieiunior.*

Circa vero cum qui hisce diebus vovisset ieiunare, ac proinde a carnibus abstinere, certant Doctores cum teneretur ad talem abstinentiam & ad ieiunium in occursum Natalis Domini tali feria 6. vel Sabbato. Facillime solvitur difficultas si attendatur ad modum quo votum emisit, videlicet si expresse exclusit diem Natalis, vel expresse inclusit, vel absolute vovit; nam quoad expressam exclusionem aut inclusionem, tunc votum obligat aut deobligat; intentio quippe ipsa vovens omnem solvit difficultatem, ita ut si inclusit etiam diem Natalis, iam votum tenet, quia Ecclesia concedit, non præcipit concessionem carnis die Natali inciden-

clidente in feriam 6. vel in Sabbatum. Si vero absolute vovit, quidquid aliqui in contrarium dicant, certum est teneri eo die, licet occurrat Natalis Domini, ad ieiunium & carnis abstinentiam quam vovit, quia primo concessio iuris canonici ab Honorio III. comedendi carnes feria 6. vel Sabbato, si occurrat Nativitas Domini, excipit eos qui obstricti sunt voto vel Religionis observantia. Unde si tenentur Religiosi ad abstinendum, quia a concessione excipiuntur, ergo a pari & voventes, qui in concessione eandem patiuntur exceptionem. 2. Ad eximendum voventem ab obligatione non est attendendum ad id quod ipse promississet si menisisset, sed ad id quod promissit. Quare quia absolute promissit se a carnibus abstinere omni feria 6. vel Sabbato, tenetur se abstinere. 3. Tenetur quia in hoc voto non est error in substantia rei promissæ, sed in circumstantia etiam extrinseca occursus Natalis Domini; unde valet votum, nec voventem ullatenus deobligat error in hac extrinseca circumstantia & accidentaria; cum ad deobligandum requiratur error in aliquo substantiali & intrinseco ipsi voto. Ita Sylvestre, Suarez, Sayrus, & cum ipsis Salmanticensis.

§. XI.

De hora qua incipit, & completur ieiunii obligatio.

Iam transeunter antea attigimus ieiunii ecclesiastici obligationem incipere a puncto mediæ noctis diei antecedentis, & finire eodem puncto mediæ noctis sequentis, quia iubemur observare ieiunium ecclesiasticum pro integro die, qui incipit ab una mediâ nocte, & terminat ad aliam mediam noctem sequentem.

Notandum tamen quod ubi non habetur horologium mediæ noctis initium & finis diei ieiunii non potest computari mathematicè, sed moraliter iuxta communem estimationem habitantium in loco, ne detur occasio innumeris scrupulis, cum mathematica computatio mediæ noctis a paucis vel a nullo sine horologio artificiali, vel cognitione stellarum, quæ polum gyrant interspatium 24. horarum, haberi nequeat. Ubi vero habetur horologium ibi mathematicè standum est: In hoc tamen variz solent agitari difficultates inter Doctores, videlicet an dubitans num hora mediæ noctis audita sit, vel sit media nox, possit comedere, ut cenare; & an in locis, ubi unicum est ho-

rologium quis audiens dum cenat pulsus designantes mediam noctem, debeat cenam suspendere, si die sequenti ieiunare teneatur &c. Diversimode huiusmodi casus secundum opinantium diversitatem theologorum resolvuntur. Nihilominus quidquid in contrarium aliqui sentiant, certum est quod dubitans an sit media nox (& hoc etiam per se patet, quando non habetur grave, & rationale fundamentum resolvendi adhuc non esse mediam noctem) cessare debeat a cibo & potu, si die sequenti ieiunare teneatur, vel se communicare velit; alias ageret contra dubium etiam practicum secundum adversariorum sensum, & manifesto se exponeret periculo peccandi, ac ideo cibum sumendo vel potum peccaret respectu ieiunii, vel sequenti die se communicando. Item ubi unicum est horologium, audiens dum cenat pulsus horologii designantes mediam noctem, quando forsan in Solis occasu non viderit horologium multum anticipare, puta unam vel mediam horam, tenetur statim a cibo & potu desistere, si dies crastina sit ieiunii, vel se communicare velit; alias cum ieiunium incipiat a puncto mediæ noctis, & regula ac signum huius puncti sint horologia, ubi hæc habentur, si post datum hoc signum ab horologio mediæ noctis licite comedi posset, inceptam cenam continuando, liceret duplex comestio, & comestio carnis die ieiunii, si dies præcedens ieiunium esset etiam dies carnis, sine culpa; sed hoc falsum est; igitur dato signo per horologium mediæ noctis, quando non habetur certa cognitio hoc signum errare anticipando indicationem mediæ noctis, non licet progredi comestionem, cenam perficiendo, sine culpa contra ieiunium, & sine impedimento ad crastinam communionem; ideoque similiter dicendum ubi dentur plura horologia, quorum unum prius altero designet suis pulsibus mediam noctem, quando scilicet non suppetat gravis ratio iudicandi probabilis hoc errare per anticipationem, ipsi standum est cessando a comestione, si agatur de ieiunio, & etiam a potu, si in crastinum facienda sit communicatio; alias non sine gravi dubio quis in tali casu concederet, ac proinde non sine culpa, & impedimento crastinæ communionis.

Nec ullatenus suffragatur regula iuris de meliori conditione possidentis, ut ex ea cernans sit in possessione comedendi in incertitudine, idest in dubio de perfecta media nocte, & iuxta eandem regulam licite cenam perficere posset, quia regula iuris mel-

Varia est
gula abli-
gationis
pro me-
dia nocte
digno-
scenda in
casu se-
nuit.

hior est conditio possidentis, locum habet in rebus ad iustitiam pertinentibus, non in materia morali, idcirco nihil intersit in distis casibus, ut licitam reddat comestionem cum dubio de completa media nocte antecedente ad diem ieiunii, & eo minus dicta regula hic intersit; quia cum solummodo vera sit & valeat, quando iura, vel consuetudo causæ prosecutionem concedunt, seu non datur lex, seu præceptum in contrarium; hinc non valet in distis casibus de dubio mediæ noctis completæ, eo quod habeatur in contrarium præceptum ieiunii, quod incipit media nocte prohibere ne bis & carnes in dicto die comedantur; idcirco nequit ius requiri ad inceptam cœnam prosequendam, ac carnes comedendas. Sic Salmanticenses, cum aliis quos citant.

6. XII.

De iis, qui ad ieiunium tenentur.

Tametsi aliqua versetur controversia inter theologos, in qua ætate incipiat obligatio ieiunii ecclesiastici, ad quos omnes fideles utriusque sexus teneri concors simulque omnium catholicorum est sensus, ut ex D. Th. 2. 2. q. 147. art. 4. in corpore, communior tamen, imo nunc una omnium est sententia quod ieiunium ecclesiasticum non obliget omnes fideles utriusque sexus, nisi expleto anno 21. Et hoc constat ex generali & a Doctoribus omnibus recepta Ecclesiæ consuetudine quæ ita tenet; & hoc iam etiam ratione comprobatur D. Thomas loco cit. nempe quando pueri ac adolescentes sunt in statu augmenti quod in permultis perdurat usque ad finem triplicis septennii, fit ut intra tale tempus ipsis satis esse nequeat unica resctio cum parva collatiuncula; idcirco non sunt obstricti ad ecclesiastica ieiunia servanda.

Notandum vero cum Doctoribus quod licet adolescentes non teneantur ad ieiunium ecclesiasticum ante annum 21. completum, possunt tamen maxime anno 14. ad illud obligari ex voto, & pœnitentia, & quando Ecclesiæ Prælati ob maximam publicam necessitatem ieiunia indicunt, ut docet D. Th. loco cit. *Quandoque tamen* (ait S. Doctor) *magna tribulatione imminente in signum pœnitentiæ arctioris etiam pueris ieiunia indicuntur, sicut etiam de iumentis legitur Ionæ 3.*

Notandum 2. aliquando etiam iure naturali teneri homines ad aliquam abstinenciam, ut si per alia media tentationibus resistere nequeant.

Notandum 3. quod licet pueri ante 21. annum ad ieiunium non teneantur, sunt tamen obstricti ad abstinenciam a carnibus, aliisque cibis vetitis, ut antea iam dictum est, statim ac sunt doli capaces, quod communiter evenit anno septimo expleto, ac proinde peccant mortaliter qui illas eisdem ministrant in diebus ieiunii. Azorius, Sanchez, P. Antoine cum aliis. Addunt vero Doctores adolescentes usque ad 21. ætatis annum nequaquam obstrictos esse ad ieiunia votiva Communitatis vel Reipublicæ, aut Synodi, quia si ob defectum ætatis non ligantur generali Ecclesiæ præcepto, potiori titulo censendi sunt exempti a præcepto seu particulari voto.

Completo igitur 21. ætatis anno statim iuvenes tenentur ad ieiunium, & idcirco die immediate sequenti si dies esset ieiunii, illud servare debent. Imo si v. g. die ieiunii compleret quis ætatem anni 21. & compleret mane, hora pura nona vel alia post meridiem, in reliquo die tenetur ad ieiunandum, quia non alias ac tempus requisitum ad Ordinem, Novitiatum, professionem Religiosam, computatur a momento ad momentum a natiuitatis puncto, ita initium obligationis ieiunii.

Discedens a loco ubi non est ieiunium, si perveniat ad locum ubi ieiunium obligat, si ibi moraturus non sit nisi transeuntem, vel breviter, nempe una vel altera die, seculo scandalo, non tenetur servare ieiunium, nec abstinenciam, quidquid dicant in contrarium Salmanticenses, quia particularia ieiunia respiciunt locum, & personas ibi morantes ac subiectas potestati spirituali eisdem loci. Aliud tamen dicendum, si ibi per aliquot dies esset moraturus, sed de his ex professio iam pertractatur, ubi de legibus.

Religiosi professi ante 21. ætatis annum completum, quamvis non teneantur ad ieiunia Ecclesiæ, ut unanimes sentiunt Doctores, quia in hoc eadem est ratio Religiosorum & secularium, est tamen communis sententia teneri sub mortali ad ieiunia regulæ Ordinis, in quod sunt professi, si Regula præcipiat sua ieiunia sub mortali, ut Regula S. Francisci, quæ cum tali onere iubet ieiunium, a sessivitate omnium Sanctorum usque ad Christi Natiuitatem, & in omnibus feriis sextis totius anni; nam quilibet potest ante 21. ætatis annum se obligare ex voto ad cætera ieiunia observanda; idcirco qui processus est aliquam Regulam, quæ statutis diebus ieiunium præcipiat, se obli-

ebbligavit ad illud servandum eo modo quo præcipitur, ideoque eodem modo illud servare tenetur. Ita Sanchez, Laymannus, P. Antoine cum aliis.

Non tenentur tamen Religiosi quicumque secundum Salmanticenses ad ieiunia particularia locorum ubi morantur, imo communiter ita sentiunt Doctores, utpote qui exempti sint ab Episcoporum iurisdictione.

Hæretici quoque cum sint Christiani, & velint nolint Ecclesiæ subditi ad ieiunium tenentur; & ideo cum hæresi abiurata confessionem instituunt, debent omnes ieiuniorum violationes aperire. Ita P. Henno, & alii passim. Non tamen tenentur infideles, quia cum baptismum non receperint, nunquam ingressi sunt in Ecclesiam, idcirco non sunt Ecclesiæ subditi, ac ideo nec præceptis Ecclesiæ ligari possunt.

Circa vero peregrinos & vagos quomodo ad locorum ieiunia teneantur, iam dictum est, ubi de legibus, ubi agitur de obligatione legum proprii vel alterius territorii per quæ divagantur.

S. XIII.

De causis a ieiunio excusantibus.

Impotentia. Quia nulla lex impossibilia præcipit, idcirco omnino pro certo habendum omnem impotentiam sine physico sine morali, seu quando sine gravi incommodo ac notabili detrimento fieri nequit, a debito ieiunii eximere. Unde excusantur 1. infirmi non solum infirmitate casuali, sed etiam propter culpam contracta, quia vera est impotentia; convalescentes, valetudinarii quos infirmitas valde extenuavit, excusantur & eximuntur a ieiunio non solum quoad plures refectioes, sed etiam quoad abstinentiam a carnibus, quia utraque abstinentia exigit sufficientes robustasque vires, quibus infirmi carent; unde his non sufficit unica refectio, sed modica & crebrior indigent. De gravitate tamen infirmitatis consulendus est prudens medicus, cui ratione officii & peritæ spectat iudicium, imo si incerta sit & dubia opus est auctoritate Superioris, quia tunc necessaria est inris relaxatio, ad quam nec medicus nec Confessarius ius habent. Covar. Navar. Azor. & alii. 2. Excusantur a ieiunio qui vacuo stomacho vertiginem capitis patiuntur, cum Ecclesia non intendat obligare ad ieiunium cum tanto incommodo. Ita Sanchez, aliique. Verum hi ac alii, qui ob huiusmodi infirmitates, quæ cæteroquin graves non

sunt, non valent quotidie ieiunare in Quadragesima, sed possunt aliquot diebus in hebdomada, puta alternis vel duobus &c. in his diebus ieiunare tenentur, cum illis diebus non habeant iustam causam eos excusantem a ieiunio, & singulis diebus affixa est nova obligatio ieiunandi, & urget quando per iustam causam non tollatur. Qui vero nequeunt dormire non sumpta cæna, non ideo eximuntur, cum illud servare valeant sine gravi incommodo, puta collationem sumendo circa meridiem, & integram cænam sero, quia præceptum ad aliquod obligans obligat simul ad media non multum difficilia, tamen non ordinaria.

Item excusantur gravidæ ac lactantes etiam robustæ, quia indigent plurimo ac frequenti alimento, sibi necessario & infanti, licet unica refectioe sufficienter sumere queant cibum, quia lex attendit ad id quod communiter accidit. Quare cum prægnantes ac lactantes communiter ieiunare non possint, omnes eo favore uti debent, tum etiam quia moraliter loquendo ieiunium servando, imminet grave periculum foetui, & lactantis salutis. Ita communiter Doctores. Immo addunt aliqui ob tale periculum mortaliter peccare prægnantes ieiunando, tamen si robustæ sint, si pluries hoc fiat, quia nunquam securæ esse possunt quod foetus id nocere non valeat. Tenentur tamen abstinere a carnibus, ut communiter sentiunt theologi, maxime cum hoc servare valeant. Quod si, notat Azorius, prægnantes vehementer appetant carnes, possunt eis vesci, quia aliquando appetitus potest esse ita vehemens, ut si non expleatur, periculum sit abortus, sicut etiam mulieres lactantes possunt vesci carnibus, si ipsæ debiles sint, aut infantulus infirmus, quia ex abstinentia a carnibus posset infantulus periculum subire salutis. In hoc tamen consulendi sunt medici & Confessarii, qui facile cum eis dispensare valent ac carnes comedendas ob periculum quod subtrahendo infantulo bonam nutritionem, detrimentum patiantur.

Circa vero coniugatos, tamen obligatio debiti reddendi sit ex iustitia, idcirco fortior nam præceptum Ecclesiæ, non debent tamen Confessarii esse ita faciles ad eos excimendos ab onere ieiunii, ut debitum sibi ad invicem reddere valeant, quia tempus ieiunii est etiam tempus se continendi quantum fieri potest, & patitur humana fragilitas, a coniugalibus illecebris. Ad summum ne nimis debilitentur, ob periculum incontinentiæ in comparte in debiti denegatione, meo vide-

Excusantur gravidæ & lactantes.

Quid de Coniugatis.

ri, concedi potest liberior collatiuncula. Quod si alteruter esset ita effræus, ut sine gravi periculo incontinentiæ, nec ulli consilio acquiescere vellet, imo rixæ porerentur & odia ex inobedientia comparsis, & hæc simul cum ieiunio moraliter sustinere non valeret tale onus, crederem quod in tali casu consultius esset huic indulgere, idest iudicare hanc non teneri ad ieiunium cum tanto incommodo; & quia tunc urgeret debitum iustitiæ, ac simul etiam charitatis ob periculum detrimenti alterius spiritualis salutis, quæ neppure de iure divino prævalent præcepto de ieiunio ecclesiastico, quod est de iure positivo humano.

Quid de pauperibus. Excusantur pauperes qui non habent quod uni iustæ refectioni sufficiat; alias si habere possunt quod eis sufficiat ad unam comestionem, docet S. Th. q. 147. art. 4. ad 4. *non excusari propter pauperiam a ieiunio Ecclesiæ.* Ad his tamen, ibid. ait S. Doctor, excusari illos qui frustratim elemosynas mendicant, qui non possunt simul habere quod eis ad victum sufficiat.

Eximuntur. Eximuntur pueri ante annum 21. completum ex generali Ecclesiæ consuetudine ita communiter accepta & intellecta, sicuti communiter sentiunt Doctores, tum, ait S. Thom. ar. 4. ad 2. *propter debilitatem naturæ, tum propter necessitatem augmenti quod fit de residuo alimentis.* Nec obstat quod aliqui ante hoc tempus non indigeant ob adductas rationes frequenti cibo, quia Legislator, ait cit. D. Th. attendit id quod communiter, & in pluribus accidit. Monet tamen S. Doctor, ut iuvenes ante hoc tempus plus manusve secundum suæ ætatis modum ieiunent, ut cum tempus obligationis eis advenerit, facilius eam exequantur, & præcipue ut carnis concupiscentiam, quibus tunc natura corrupta exæstuat, ieiunio coercuant. Antequam cum aliis.

Quid de senibus. Circa vete senes, tamenque existiment alii eximi a ieiunio septuagenarios, communis tamen, imo communior sententia est, nullum esse pro his constitutum tempus quo liberi sint a lege ieiunii; eo quia alii citius, senius alii viribus decedant, ac infirmetur, ita ut pluribus modis refectionibus indigeant, alias passuri grave nocumentum. Senes, si multum sint debiles, eo modo possunt excusari, sicuti dictum est de infirmis; ratione autem senectutis tantum, non excusantur si sint fortes ad ferendum ieiunium, nec est determinata ætas ab aliquo, usque ad quos annos quis teneatur ad ieiunium. Ita S. Antonin. 2. p. tit. 6. c. 2. §. 5.

Excusantur quidem a ieiunio operarii, opifices, omnesque ii qui ex officio vel propria arte se exercent in laboriosis operibus, ob quæ sine gravi incommodo ieiunare non valent. Huiusmodi sunt agricolæ, fossores, vinitores, fabri lignarii, & ferrarii, pistores, baiuli, similesque alii, quorum labor gravis est, & valde corpus defatigans. Et hoc iuxta multos intelligendum est, tamen pauperes non sint, modo tamen huiusmodi opera exerceant ex officio, seu propria arte. Et hoc testatur Sylvester his concessum fuisse ab Eugenio IV. ita ut non teneantur cessare ab exercitio suæ artis seu professionis ad ieiunandum. Verum eo die quo non laborant, puta si dies festus occurrat in Quadragesima, teneantur eo die ieiunare, dummodo alias grave incommodum non paterentur ob laborem diei præteriti, aut iudicio prudentium inhabiles redderentur ad laborem diei sequentis.

Non excusantur tamen ex communi Doctorum Norarii, Scribæ, Pistores, Barbitonifores, Sartores, Typographi qui non tæstant torcula, sed characteres solummodo componunt, Sutores, ii præsertim qui non sunt, sed solum scindunt corium, matetiamque præparant, famuli & ancillæ, quæ non exerceant in magnis laboribus, omnesque alii, quorum labor gravis non est, nec sit cum magna agitatione, quando nam iustum refectionem habere valeant; nam sine gravi incommodo possunt isti ieiunare. Quare Alexand. VII. propositionem præscripsit quæ numero est trigesima: *Omnes Officiales qui in Republica corporaliter laborant, sunt excusati ab obligatione ieiunii, nec debent se certificare an labor sit compatibilis cum ieiunio.*

Professores veto, idest Lectores ac Cathedralici Theologæ aliarumque scientiarum, quando ad lectiones discipulis distandas explicandasque magno indigent studio improboque labore, excusantur a ieiunio, nam si magnus labor corporalis ab onere ieiunii excusatur, quia ieiunium debilitat vires, eo magis excusabit labor ingenii, qui dum continuus est, salutem penitus destruit. Et eo vel maxime quod studium nobilioris spiritus insinuat, naturalenque calorem immutat. Unde qui ingenio valde laborant, cum ex una parte potius leviter se reficere debeant, ne spiritus & calor naturalis studio debilitati a cibo suffocentur, & fiat impetfecta digestio & noxia saluti, & ex alia egeant etiam alimento, ut laborem sustinere valeant, necesse habent ut modice, sed pluries reficiantur; idcirco censendi sunt exem-

Quid de operariis in laboriosis operibus.

Non excusantur Norarii Scribæ Pistores, &c.

Quid de Lectores, bus ac Cathedralicis Theologis.

pti ab obligatione unicæ refectionis, quia in sufficienti copia ad ieiunium servandum sine salutis discrimine hanc sumere nequeunt, nec unica tantum modica refectione ipsis satis esse potest ad studiū laborem perseverandum. Secus vero dicendum si Lectores distent lectiones prius ordinatas, sæpiusque repetitas, quia tunc certe eorum labor levis est, idcirco non incompatibilis cum ieiunio. Non excusantur vero Magistri inferiorum artium, ut Gramaticæ &c. licet mane & sero doceant, quia huiuscemodi labor non est propriæ ingenii, sed potius materialis, ideoque non est ita ingens, sicut in scientiarum lectionibus, & constat experientia posse eos ieiunare sine gravi incommodo, quod solum potest eos excusare, nam lex attendit ad id quod communiter accidit. Sic hæcenus P. Antoine, Salmanticenses, & alii.

Quid de pedibus itinerantibus. Pedibus itinerantes, quando iter in aliud tempus liberum a ieiunio commode differri nequeat, modo spectatis omnibus, ut itineris longitudine, laboris gravitate, itinerantis viribus, &c. sine notabili incommodo ieiunare nequeant, a ieiunio excusantur. Unde circa hoc determinari nequit numerus milliarius, qui generatim excusat a ieiunio, cum alii plus, alii minus laboris patiantur in via, & viæ viis aliis sint difficiliores, imo ipsa aeris intemperies augere potest & minuire incommoda, puta si iter fiat cum nive, pluvia, &c. Antoine.

De ieiunio curru, & equo. Qui vero iter faciunt curru & equo, regulariter & ordinarie loquendo videntur non excusari a ieiunio. Excusarentur tamen ob extraordinariam concussionem, vel defatigationem, ut contingit in curioribus (vulgo *corrieri*) sive ex officio sive alio importanti negotio conductis. Hi enim etiam prima die a ieiunio exempti censentur; etenim in his attendendus est non solum præsens status, sed etiam futurus; alii vero si iter nimis longum puta plurium dierum, quod non levem defatigationem importaret, aggredi debeant. Dixi *secundum se*, quia ratione debilis complexionis, deficientiæ congrui alimentis, vel difficilis itineris, seu nivis, frigoris &c. possent quies etiam in itinere unus diei licet fasto curru vel equo, legitime excusari a ieiunio. Cæteroque, iustis his exceptis, communiter loquendo contrariam propositionem quæ n. est 31. proscriptæ Alexander VII. in qua ita habetur: *Excusantur absolute a præcepto ieiunii qui iter agunt, equitando, utcumque iter agant, etiam si iter necessarium non sit, & etiam si iter unus diei consistat.* Circa milites vero quos Salmanticenses

absolute sine ulla exceptione excusant a ieiunio, credere, eos non frui exemptione ab hoc præcepto, dum tempore pacis morantur in castris & hospitibus, quia nec sunt in gravi labore, nec gravi labori proximi, sicut tempore belli, nec quies tunc ipsis inservit sicut tempore belli ad vires reficiendas, quas in belli defatigationibus perdiderunt. Quare ob hæc rationes dispensantur sive sint in castris, sive in munitionibus sive in hospitibus, quia tunc variis incommodis subiiciuntur, & continue versantur in proxima occasione ad bellum.

Inter causas quæ a ieiunio excusare possunt, non immerito multi recentent opera pietatis, sive opus præstantius Deo gratius naturaliter impossibile cum ieiunio, cuiusmodi sunt opera misericordiæ, tum corporalia, tum spiritalia, & etiam religionis, quæ quis non posset ieiunando exercere, nec in aliud tempus differre, si exercerentur in officio, vel obedientia, vel ob necessitatem proximæ, quia præceptum ieiunii & abstinentiæ nequit obligare quando est impeditivum maioris boni, sicuti est exercere opera misericordiæ ac charitatis: idcirco, ait D. Th. 2. 2. q. 174. art. 4. ad 5. non videtur fuisse intentio Ecclesiæ statuensis ieiunia, ut per hoc impediatur alias pias, & magis necessariae causas. Ex equidem quis crederet, quod Ecclesiæ ieiunium præcipiendo ut promotivum ad bonum, ad illud obligare intenderet etiam quando, & quatenus impeditivum est maioris boni; si prohibendo iudiciale strepitum diebus festis, excipit nisi in contrarium exigat necessitas, & pietas suadeat, ut ait Gregor. IX. in cap. ult. de feriis? Hinc melius, probabiliusque sentiunt Sanchez, Gabriel, Armilla cum aliis contra aliquos, dum sustinent hoc intelligendum esse etiam opera charitatis fiant ex propria voluntate, non ex officio, & obedientia, & hæc videtur etiam esse sententia D. Th. in 4. dist. 15. q. 3. art. 1. q. 2. ad 3. ubi sic ait: *Si enim sit tanta abstinentia, quod homo ab operibus utilioribus impediatur, quando ad ea de necessitate non teneatur, indiscretum est ieiunium, etsi non sit illicitum.* Licite igitur voluntaria opera charitatis quis exequi valet, tametsi ob ea commode ieiunare nequeat. Excusantur igitur a ieiunio, qui pluribus infirmis inserviunt in hospitalibus & Monasteriis, quia hæc non parum laboris secum afferunt. Item excusantur voluntarii peregrini, quando commode ieiunare non valent, nec peregrinato differri potest, ne lo-

Opera etiam pietatis excusare possunt a ieiunio.

ciat

Quid de militibus.

cios itineris amittant, & alias peregrinationis est animæ valde utilis, quia sit ad Ecclesiam, ubi plures conceduntur Indulgentiæ: & hoc comprobatur ratio supra allata D. Th. 2. 2. q. 174. art. 4. ad 5. nempe non fuisse intentionem Ecclesiæ in præcipiendo ieiunio maius bonum per ipsum impedire. Cum D. Th. ita sentiant Medina *cod. de ieiunio* quæst. de *us qui ad ieiunium non tenentur*, Sylvest. Abulen. q. 140. in cap. 6. Matth. Caiet. Sanch. alique. Hæc omnia tamen intelligenda sunt, dummodo sulcipientes voluntarie opera pietatis, & misericordiæ impossibilia cum ieiunio, ex vero sinceroque spiritus pietatis & charitatis ea sulciant, non vero in fraudem ieiunii, ut per hæc exculpationem habeat a ieiunando, quia hi in tali casu ab onere ieiunii per similia opera non exculantur, iuxta regulam enim iuris in 6. *fraus & dolus alicui patrocinari non debent.*

Unde si quis de loco ubi viget præceptum ieiunii, vel abstinentiæ a cibis vetitis in die ieiunii, in fraudem ieiunii se transferret ad locum ubi non ieiunatur, vel non observatur abstinentia a cibis vetitis, ut si die Cinerum de locis ubi ad morem Ecclesiæ Romanæ incipit ieiunium Quadragesimale malitiose in fraudem ieiunii se transferret ad Diocesim Mediolanensem, ubi more Ambrosiano incipit Quadragesima solum prima Dominica, ieiunium ibi frangendo, & abstinentiam a cibis vetitis in die ieiunii, peccaret graviter, ut constat ex cap. Sedes 15. & cap. ex tenore 16. de *Rescript.* & ex Constitut. Clementis X. quæ incipit *Superna*, ubi in §. 6. decernitur potest Condiarum Regularem absolovere penitentes confluentes ex alia Diocesi a peccatis in ipsa reservatis, *nisi eisdem penitentes noverint in fraudem reservationis ad alienam Diocesim pro obtinenda absolutioe migrasse.* Unde ut vides ratione transiis nequeunt absolvi a reservatis confluentes ad alienam Diocesim in fraudem reservationis: sic a pari in casu nostro se transferens in fraudem ieiunii in alium locum ubi non ieiunatur, ratione fraudis peccat graviter non ieiunando. Et ratio intrinseca est quia licet onantum esset ex se quis possit uti iure suo, & sic de loco ubi ieiunatur, transire ad locum ubi non ieiunatur, nemo tamen potest uti tali iure in fraudem legis, quia ius nostrum est legi subordinatum; ut ex Anst. Rom. 13. Sciencien Natalis Alex. Reiffenstuel, Sylvius cum Pontasio, Sa, Fernandez, & alii plures contra Dianam.

Quod si de loco ubi ieiunatur, non in fraudem ieiunii, sed bona fide, puta negotiorum

aut peregrinationis causa quis transeat ad loca ubi non ieiunatur, non tenetur ieiunare, quia lex ieiunii est loco affixa. Sic Suarez, Navar. Fagnanus cum aliis passim. Ita qui non in fraudem ieiunii, sed negotiorum causa, aut alio rationabili motivo de loco proprii domicili, ubi obi discrepantiam novi & veteris Calendarii nondum est incæpta Quadragesima, pergit ad locum ubi per hebdomadam Quadragesima est iam incæpta, & observatum ieiunium, non tenetur illo anno ieiunare illic per adhuc alios octo dies Paschæ ad complendam integram Quadragesimam, sed potest licite se accommodare moribus eorum, apud quos est iuxta illud Glossæ v. *societatem: si fueris Romæ, Romano vivito more, & si sis alibi, vivito sicut ibi.* Ita Lessius, Reiffen. Fagn. & alii passim. Contra vero si talis in loco sui domicili compleret Quadragesimam, non teneretur postea alibi observare illos octo dies, quia præceptum illud iam implevit, & Ecclesia ad unam tantum obligat Quadragesimam, dummodo tamen caveat ne alii scandalizentur. Ita Lessius, Reiffen. citati, alique passim.

Excusantur Prædicatores eo die quo concionantur, si ter aut quater in hebdomada concionentur, quia culibet constat actionem toties concionandi esse valde laboriosam, tum ob vehementem animi attentionem corporisve agitationem, tum & maxime ob studium ad id necessarium. Ita Tollet. Nav. Caiet. Sed in hoc standum est prudentum indicio an commodè prædicare valeant absque eo quod a ieiunio dispensentur die concionis & antecedentis: & ad tollendos omnes scrupulos consultius est recurrere ad Superiorem, ut dispensatio obtineatur etiam pro singulis diebus Quadragesimæ, præcipue si ob debilitatem complexionis & stomachi prosequi nequeat sine periculo salutis, vel desistendi ab officio cum spirituali detrimento populi, cui sit concio.

Excusant aliqui cantores, sed credendum est summum excusari posse cantores, qui interveniunt quotidiano cantui divinæ psalmodiæ in choris Cathedralium & Collegiarum, si vocem viresque conservare non possent cum ieiunio, & necessarij sint ad decorem divini officij, minime vero quorum cantus interservit tantum ad pompam; nam respectu priorum cum eorum cantus ad Dei decantandas laudes conducatur, respicit virtutem Religionis, quæ potior est abstinentia, quod tamen non ita facile dici potest de posterioribus, qui eorum seculari conceptu contaminantur potius quam politorem reddant canticum divina-

Quid de
Prædicatoribus.

Quid de
cantoribus.

rum laudum ac audientium devotionem. Verum hi quoque exulari possent, si cantus sit eorum professio, ex qua necessaria ad decentem vitam sustentationem percipiunt.

Nemo ex-
cusatur a
ieiunio
ratione
stolipitis.

Neutiquam exculantur a lege ieiunii ob hospitium, etiam si Princeps sit, casu advenientem si qui prius collatiunculam sumpleant, quia hoc cogere nequit nec pietas nec charitas, cum satisfieri queat necessitati hospitis sine fractione ieiunii, & cum religiosiori exemplo: nam si aliqua habentur exempla ex antiquis Patribus, ut ex Nicephoro & Isidoro, tunc agebatur, ut notat Azorius, de ieiuniis non necessariis ex præcepto, sed tantum voluntariis, & consilio.

Nota neminem liberari a carnium abstinence præcæ ob ætatem & laborem gravem; sed ad hoc requiritur morbus, vel infirmitas maior & specialis, quia abstinencia a carnibus rarius potest grave nocumentum inferre quam abstinencia ab altera refectione. Et si adit gravis infirmitas vel morbus, semper petenda est licentia a Superiore, nisi forte in certis casibus ex consuetudine non petatur. Ita S. Th. 2. 2. q. 147. art. 4. & Concil. Toletanum c. 14. cap. 9. id exigit, quia rectus ordo disciplinae id postulat, ut Ecclesiae auctoritas agnoscatur, maxime ut vitetur periculum seipsum decipiendi & legem violandi, cum facile quisque sibi effingere valeat causam exemptionis. P. Antoine.

Verfatur questio inter Doctores num qui animo non ieiunandi ponit media licita vel illicita incompatibilia cum ieiunio, peccet contra ieiunii legem in illo pravo animo, & ieiuniorum omissionibus. Ut facilius aperatur via resolutioni notandum censeo, vim legis naturalis in ordine ad obligationem pro ipsius observantia non parum differre a legis positivæ: nam cum lex naturalis exterum naturæ proveniat, omni tempore & loco obligat, ut *honora parentes, non machaberis, non occides*, &c. Ideo nullum apponi potest impedimentum, per quod extrahamus ab eius obligatione; ita ut semper peccet qui impedimentum illarum observantiarum addicit, nisi ex ignorantia, vel impotentia, aliave ratione exculatur. Lex vero quæ iuris est positivæ & humani non obligat cum tanto rigore, cum eius obligatio pendeat a sola Legislatoris voluntate, cuius est limitare illam ad hoc tempus, & non ad aliud, ad unum locum, & non ad alium, respectu unius personæ, & non alterius, & licet ad omnes extendatur, non semper tamen obligat absolute, sed sub quadam rati-

ta conditione, si quis non impediatur, si non sit inimicus, si viribus non deficiat, si non sit defessus; idcirco plura apponi possunt impedimenta, ratione quorum ponatur in loco, tempore, vel statu, in quibus extrahatur sit a legis obligatione. Dico itaque quod apponens media siue licita siue illicita incompatibilia cum observantia præcepti ieiunii animo non ieiunandi; quando tempus ieiunii advenit, ob pravam intentionem ac voluntatem non servandi præceptum ieiunii, peccaret mortaliter inchoative dum apponit impedimentum, & complete postea in omissione ieiunii, quando nempe tempus advenit implendi præceptum, dummodo tamen antequam tempus adveniat, in quo ieiunii præceptum obligat, scilicet non se pœniteat de impediendi appositione, quia in tali casu cum suspendatur, imo penitus removeatur prava voluntas contra præcepti observantiam, & impedimentum utpote impossibile cum eadem observantia præcepti cum eum extrahat a præcepti obligatione, eximitur a culpa in præcepti omissione, donec tale impedimentum perleveret, ac proinde talis peccaret inchoative ob pravam intentionem in apponendo impedimento, non vero in quavis omissione ieiunii, usque dum oppositum ipsius ieiunii impedimentum perleveret. Ita Sylvius. Peccaret quoque meo videri qui sine iusta causa, sed solummodo supervacanei solatii gratia se ita defatigaret, ut ex tali defatigatione et occurreret aliquod incommodum impedivum ieiunii, id est immoderate indulgendo venationi, saltationi tempore Bacchanaliorum, quando prævidere potuerit, aut saltem suspicari probabiliter se acquisivisse aliquod tale detrimentum salutis, quod eum impediret in proxima Quadragesima a ieiunio; quia tenemur, quando aliter non exigat honesta & iusta causa, evitare quicquid possit esse nobis impedimento leges etiam positivæ ecclesiasticas observandi.

Ultimum tandem quod exipit fideles a ieiunii præcepto est dispensatio, quæ ut communiter definitur, est *iuris alicuius relaxatio ab habente potestatem facta*. Ab huiusmodi lege per totam Ecclesiam dispensare potest Summus Pontifex, Episcopus vero in suo Episcopatu cum secularibus. Potest dispensare summus Pontifex universaliter, utpote qui sit summus & universalis Ecclesiæ Legislator, a quo lex etiam ieiunii processit, non secus ac quælibet alia lex a suo legislatore. Potest dispensare etiam Episcopus, quia in casibus communiter occurren-

Dispensatio est
iuris alicuius
relaxatio
ab habente potestatem
facta.

Quid de
ponente
impedi-
menta
ieiunio.

rentibus, ut sunt de ieiuniis, carnum abstinentia, festorum observantia, in spiritualibus recta regiminis ratio exigit, ut inferior in Superioris lege ex tacita Superioris licentia possit dispensare. Ita tenet Caiet. Nav. Azor. Sanch. alique bene multi. Potest etiam Parochus cum suis Parochianis iuxta cuiusque Diocesis consuetudinem: etenim facultas dispensandi in hac lege saepe occurrente potest esse Parocho conceita, cum bonum animarum id postulet, ut constat ex cap. *contingat de foro competentij* cap. *duo simul de off. Ord.* & hoc non solum quando non est facilis aditus ad Episcopum, sed etiam quando facile haberi potest, ut tenent Innoc. *objer. 5. de ieiun. cap. 1. n. 2.* & cum Theologis pluribus & Canonistis D. Th. in 4. *dist. 15. q. 3. art. 2. quæstionculæ 4. ad 3.* In eo aliqui extendunt etiam ad Vicarium Parochi, cum exerceat alios actus parochialem iurisdictionem exigentes. Negant tamen Azor. Navar. & alii Confessario, & Medico, quia prædicti possunt tantum declarare an sit iusta causa vel non ad non ieiunandum, & nulla legitima consuetudo huiusque eis potestatem concessit dispensandi in ieiuniis. Sic etiam Salmanticenses.

Cum Regularibus vero dispensare potest Superior localis, & in sua absentia eius Vicarius, quia Superiores Regulares sunt vere Prælati iurisdictionem ordinariam spirituales in subditos habentes, alias non possent suis subditis in necessitate providere, cum Regulares ab Episcopi potestate sint exempti. Quod vero possunt Superiores locales in suo Monasterio, hoc etiam potest Generalis in toto Ordine, Provincialis in tota Provincia. Sic Caiet. Navar. Salmant. P. Antoine.

Hæc autem dispensatio in dubio de sufficientia causæ ad non ieiunandum, semper peti debet, quia possessio & præsumptio stat pro lege, & in dubio tunc pars est eligenda. Sic P. Antoine.

CAPUT IV.

De annua Paschali confessione & communione facienda.

§. I.

De annua Confessione.

EXtra omne dubium pro certo habendum est, omnes Christianos utriusque sexus, cum ad annos discretionis pervenerint,

semel in anno ad confessionem Sacramentalem omnium suorum peccatorum proprio Sacerdoti teneri, non solum per accedens ratione communionis, sed per se vi præcepti ecclesiastici, quod extat in Concil. Lateran. 4. sub Innoc. III. celebrato in cap. *Omnes utriusque sexus de penit. & remiss.* illis verbis: *Omnes utriusque sexus Christiani fideles postquam ad annos discretionis pervenerint, omnia sua peccata semel saltem in anno confiteantur proprio Sacerdoti.* Et hoc aperte constat etiam ex Concil. Trid. sess. 14. can. 8. in quo anathema dicitur contra quemcumque qui contrarium sentiat; & ibi citatur Canon Concilii Lateranensis, qui est etiam sensus communis omnium fidelium. Hoc præceptum divinum est quoad substantiam, ecclesiasticum vero quoad determinationem temporis. Ita sentiunt Doctores, & probat Concilium Trid. Sess. cit. ubi ait, Ecclesiam tantum statuere ut divinum præceptum confessionis singulis annis impleatur. Illi autem censentur pervenisse ad annos discretionis qui sunt capaces culpæ mortalis, sed & multo plus id iam debet ex gradu ingenii, educatione, discretionem boni & mali, quæ in aliis maior est anno 6. quam in quibusdam anno 8. Spiritus quidem discretionis communiter censetur his inesse, qui apprehendunt v. g. quid sit mendacium, qui de impuris huiusce tenere ætatis operationibus erubescunt, &c.

Omnes igitur baptizati etiam hæretici, qui iudicii discretionem pollent, quando conscientiam habeant peccati mortalis, comprehenduntur hoc præcepto annuæ confessionis, & in hoc omnes conveniunt Doctores: nam cum comprehendantur in hoc præcepto omnes baptizati, qui mortali culpa sunt innotati, non excluduntur hæretici valide baptizati, cum & ipsi per baptismum Ecclesiæ subditi facti sint, ideoque suis legibus tenentur, nisi Ecclesia eos dispense. Nec offit quod Concilium dicat fideles, quia sæpe fidelis nomine intelligit Ecclesia baptizatum, & plerumque dicitur infidelis qui nequidem ratione baptismi pertinet ad Ecclesiam. Annuæ confessionis præcepto tenentur etiam qui habent peccata mere interna, ut colligitur ex cap. *Omnes utriusque sexus de penit. & remiss.* & ex Concil. Trid. sess. 14. cap. 5.

Num vero habens sola peccata venialia teneatur præcepto annuæ confessionis, non conveniunt theologi. Alii negant, quia, dicunt, Ecclesia præcipiende in decreto Concilii Later. ut peccata omnia quotannis confiteamur, loquitur de mortalibus tantum, non

De debi-
to con-
fessio-
is
quod
venia-
lia.

non de venialibus; & eo vel maxime, quod ut habet Trid. præceptum ecclesiasticum est determinatio præcepti divini quod non obligat confiteri venialia. Alii vero fanius, tutius ac probabilius volunt ecclesiasticum præceptum obligare ad annum confessionem etiam habentem pura venialia, ut Halensis, S. Bonavent., Fagn. & alii etiam recentiores: alias minæ interditi per canonem contra transgressores vanæ forent, quia fideles possent semper se excusare, concios non esse reatus peccati mortalis; unde ut religiose præceptum hoc ab omnibus servetur, præcipit Ecclesia ut omnes & singuli licet solum venialium concilii semel in anno confiteantur. S. Th. hanc secundam ita amplexus est sententiam, ut oppositam non reiiciat, sicut habet in 4. dist. 27. q. 3. art. 1.

Hinc affirmant alii, & communior est, & tutior, ac in praxi consulenda, etiam ad lucrandum lubilæum necessariam esse venialium confessionem, quia in Bulla lubilæi confessio requiritur. Communiter enim dicere solent Doctores, *Indulgentiæ tantum valent, quantum sonant.* Sic Caiet. Azor. Saneh. Tournel. alique. Hinc sequitur probabiliorum esse sententiam illorum, qui sustinent, quod qui per annum confessus est venialia, si circa anni finem in mortale incidat, non teneatur antequam annus expiret confiteri, ut per confessionem satisfaciatur præcepto ecclesiastico, quia Christus præcipit quidem ut habens mortalia, clavibus Ecclesiæ se subiciat, non præcipit vero, nec per seipsum, nec per Ecclesiam, ut qui hoc animo iam confessus est, statim ante finem anni mortale confiteatur, ut alioquin reus fiat legis ecclesiasticæ. Item qui post confessionem recordatur peccatum mortale, quod alias confitentis memoria exciderat, ad implendum hoc præceptum non tenetur anno ipso confiteri, quia iam satisfecit præcepto Christi, & Ecclesiæ. Alio tamen dicendum si ex negligentia graviter culpabili illius peccati esset oblitus, vel contritione caruisset; quia per confessionem voluntarie invalidam non satisfacit obligationi ecclesiastici præcepti, ut melius videbimus.

Non valens nunc declarare peccatum, puta quia declarando frangeret sigillum confessionis, vel se aut proximum gravi damno exponeret, adimplendo præceptum, debet declarare alia peccata, quæ potest, licet essent etiam sola venialia, nec differre potest confessionem post annum ad opportuniorem circumstantiam, in qua etiam illius confiteri valeret, ex præsumptione quod Ec-

clesia hanc dilationem propter omnimodam confessionis integritatem concederet, quia lex Ecclesiæ confessionem præcipientis certissima est, certa vero dilatio non est, uti supponunt qui contrarium sentiunt. Ita cit. Tournel.

Qui intra annum confessus non est, tenetur sub initio anni quamprimum potest confiteri, quia annus non signatur ut terminus, quo elapso cesset obligatio legis; sed ut spatium ultra quod eadem obligatio differenda non sit: non est enim eadem ratio de præcepto confessionis, ac de præcepto ieiunii vel recitationis Horarum, quæ ita certis diebus est affixa, ut cum ipsis extinguatur obligatio, sed eadem hic currit ratio ac de debitis pecuniariis, quæ si non exolvantur intra præscriptum tempus, adhuc remanet obligatio ad ipsa quamprimum solvenda; & per hanc confessionem satisfaceret etiam obligationi anni incepti, quia quoties eadem materia eodem tempore duplici præcepto imposita est, toties usrumque præceptum unico actu impletur, ut si in diebus Temporum incideret vigilia S. Matthiæ, idest aliud ieiunium ex præcepto, utrumque ieiunium unico actu impletur. Et hæc est etiam praxis totius Ecclesiæ. Sylvius tamen contrarium sentit, nempe sub initium anni faciendam esse unam confessionem pro anno elapso, & alteram pro anno currenti.

Hoc ecclesiasticum præceptum annuæ confessionis secundum Salmaticenses, per se & ratione sui non obligat determinate in Quadragesima, vel in Paschate, licet communiter servetur pius ac laudabilis mos, (quem commendat & approbat Concilium Trid.) confitendi vel in quindennio, vel prope quindennium Paschatis ratione communionis eo tempore ex præcepto pariter Ecclesiæ faciendæ qui mos est non est ex debito hec quidem consuetudinis, quæ non est inducta animo se obligandi, sed ex devotione, vel obligatione per accidens, & ideo satisfieri potest confessione facta quolibet anni tempore: nam in cap. *Omnes utriusque sexus de poenit. & remiss.* non limitatur tempus confessionis determinate ad aliquam anni partem, sed dicitur solummodo, *quemcumque semel in anno peccata sua confiteri debere*; ad differentiam communionis, quæ explicite & determinate præcipitur in Paschate. Ita inter alios Sylvius.

Annus per impletionem huiusce præcepti computari potest a Ianuario in Ianuarium, quia annus absolute dictus ita computatur. Verum ex communi Doctorem receptus est

usus

utius illud computandi ab uno tempore Paschatis resurrectionis Domini in aliud Pascha Resurrectionis, quia ex pio communi usu fidelium se hoc tempore confitendi ob factam Synaxim, hic conformiter ad Ecclesiae consuetudinem censetur annus ecclesiasticus. Ita communiter Doctores.

Qui anno inique praevidet se non habiturum copiam Confessarii, vel alia via in toto reliquo anni tempore a confessione impediendum, ex communi Doctorum tenetur ante finem anni confessionem anticipare, quia iam in praesenti anno incipit obligari praecepto confessionis intra latitudinem illius. Unde si sequenti tempore non potest, & potest in praesenti, tenetur implere; non alias ac is, qui cum mane hora matutina, puta diei Dominici Missam audire possit, & praevidet fore ut postea ei non suppetat copia Missae audiendae, statim eam audire debet.

Cum habeatur in cit. can. Lateranensis Concilii, confessionem faciendam esse proprio Sacerdoti, operae pretium erit ad solvendas difficultates, quae circa hoc oriri possent, advertere, quod licet nomine proprii Sacerdotis proprius Parochus intelligatur, hic tamen non intelligitur cum exclusione. Episcoporum, aut Sacerdotum ab his delegatorum, sive secularium sive Regularium, quia Episcopi eandem longaque maiorem habent iurisdictionem in Parochianos, imo etiam ipsorum Parochorum sunt Pastores, unde hic canon intelligendus est salvo iure Episcoporum, qui cum alios delegare possint ad suas vices gerendas, hinc quicumque Confessarius ab Episcopo approbatus sive secularis sive Regularis censendus est proprius Sacerdos, apud quem fieri possit annua confessio.

Ad implendum praeceptum ecclesiasticum de annua confessione non quilibet confessio satis est, sed requiritur confessio valida & sacramentalis, id est quae talis sit, ut accedente absolutione poenitentiae Sacramentum subsistat, seu apta sit ad reconciliationem cum Deo, quia ex Concil. Trid. Ecclesia confessionem praecipit, quam praecipit Deus, scilicet dolorosam & validam quam absolutio sequatur, ac proinde Sacramentum conficatur. Unde sicut hac sola satisficit praecepto divino, ita per hanc solam impletur praeceptum ecclesiasticum, & neutiquam per confessionem voluntarie imperfectam, vel quoad dolorem, vel quoad integritatem, id est informem & sacrilegam. Hinc Alexander VII. hanc damnavit propositionem.

quae num. est 14. *Qui facit confessionem voluntarie nullam, satisfacit praecepto.* Sylvius.

Pœna interdicti statuta a Concil. Later. contra omittentes annuam confessionem vel Paschalem communionem, est solus sententiae ferendae, ut indicant ipsa verba Concilii. Unde ad eam imponendam requiritur auctoritas Ordinarii, eo quia Parochi in foro externo iurisdictionem non habeant.

§. II.

De annua Communione Paschali.

Circa sacram Synaxim seu Eucharisticam Communionem, de qua hic agere suscipimus, certum est extare divinum praeceptum spectans indiscriminatim ad omnes fideles, postquam ad annos discretionis pervenerint, eam aliquando sumendi, & hoc patet ex cap. 6. Ioan. *Nisi manducaveritis carnem filii hominis, &c. non habebitis vitam in vobis;* & ex Concil. Trid. sess. 13. c. 2. quod sumi voluit Sacramentum hoc tanquam spirituale animarum cibum. Et hoc praeceptum ex communi obligat adultos 1. in quovis periculo mortis, quia Sacramentum hoc institutum est in vaticum salutis. Et revera cum hic cibus praecipue institutus sit ad conservandam roborandamque vitam spirituales contra tentationes & difficultates, nunquam potest esse magis necessarius quam in mortis periculo, in quo tentationes solent esse graviores, & ex quo pendet ultimum aeternitas. Hinc semper mos fuit in Ecclesia iuxta apostolicam traditionem a Christo Domino acceptam ministrandi sacram Eucharisticam omnibus versantibus in periculo mortis, & in hunc finem eam studiose servandi, ut semper ubique observatum est. In eadem innumerate pluries dari potest Viaticum, dummodo ab altera sumptione saltem intervallum decem dierum sit interpositum. Ita Ritualia, praecipue Parisiense cit. a P. Antoine. 2. Divinum praeceptum obligat eisdem adultis, ut etiam extra hoc periculum, id est in decursu vitae, non semel tantum, sed saepe sumant sanctam Eucharistiam. Quia tamen reliqua extra periculum mortis tempora quibus scilicet per se viuris divini quibus obligatur ad Communionem, non sunt determinata, nec determinate designari possunt, existimandum est cum iuri divino satisfacere qui eam ultra annum non differt, cum Ecclesia non plus exigit. Qui vero ad plures annos differret, peccaret etiam contra ius divinum. Quando autem

Quia de
sacris
confessio
ne pro
implendo
praecepto.

quis

quis teneatur per accidens se communicare, puta ad vincendas tentationes, prudentis iudicio est relinquendum. Sylvius cum aliis.

Præter vero divinum præceptum de sacra Eucharistia sumenda, & in mortis periculo, & pluries in vitæ decursu, extat etiam præceptum ecclesiasticum, quo tenemur ad sacram Synaxim. Et circa hoc notandum semper fuisse eundem morem in Ecclesia pto. sacra Communione. Nam primis temporibus fideles quotidie communicabant, ut Aſtor. 2. perdurantes unanimiter in templo, & perseverantes in communicatione fractionis panis & orationibus. Non constat tamen hanc consuetudinem, post priora tempora aliqua lege ecclesiastica saltem universali ter statutam fuisse. Nam etſi Anacletus dicat in sua Epist. *Peracta conſecratione omnes communicant*; loquitur tamen de solis Ministris, ut ex Hincmaro tradit Turrianus lib. 2. *pro can. Apost. cap. 22.* Huiusmodi mos perduravit Romæ usque ad tempora D. P. Hieronymi, ut patet ex eius epist. 57. sicuti etiam in Hispania, ut in eisdem ep. 28. Sylvius.

Fervore autem paulatim immينو commueverunt fideles communicare singulis Dominicis usque ad ætatem S. Augustini, ut patet ex Gennadii libro de *eccles. dogmat.* cap. 53. Non constat tamen num hæc communicio in singulis Dominicis fieret universali ter, & ex præcepto, cum multo ante a Fabiano Pontifice, qui regnavit ante medium tertium sæculum statutum fuerit de *consecr. d. 2. c. 178*, ut si non frequentius, ter saltem in anno laici homines communicarent in Paschate, Pentecoste, & Nativitate Domini, nisi forte quis maioribus criminibus esset impeditus. Et ita etiam statutum fuit in Concilio Arelatenſi celebrato anno 506.

Tandem vero cum nec illud servaretur, in Concilio Lateran. quarto sub Innoc. III. præceptum fuit sub pœna anathematis ferendæ, ut omnes utriusque sexus fideles, qui ad annos discretionis pervenerint, ad minus in Pascha reverenter suscipiant Sacramentum Eucharistiae. Et hoc confirmatum fuit etiam in Concil. Trid. *sess. 13.* Tempore autem illo Paschæ iuxta declarationem Eugenii IV. in Bulla *Fide digna* a Navarro telata, & usum Ecclesiæ, intelligitur tota quindenna a Dominica Palmarum usque ad Dominicam in Albis inclusive, & in uno horum dierum unusquisque debet se communicare in propria Parochia, alioquin si aliunde se communicaret non solum in Ecclesia Regularium, sed etiam in ipsa Cathedrali sine licentia Parochi, vel Episcopi,

qui est Parochus totius Diocesis, non satisfaceret præcepto, ut patet ex dicto cap. Concil. Later. *Omnes utriusque sexus*. Et ita declaravit sacra Cardinalium Congregatio anno 1683. Satisfaceret quidem in omni alia Ecclesia, puta etiam Regularium de licentia non solum expressa, sed etiam certo præsumpta Episcopi, vel Parochi, quia habens talem certitudinem moralem de Parochi voluntate, & de eius licentia id facere censetur. Ita Suar. de Lugo cum aliis. Quare qui hebdomada sancta communicavit in Ecclesia Regularium, debet nihilominus intra quindennium Paschale communicare in propria Parochia per manus sui Parochi, vel eius delegati. Fasſa tamen intra dies hebdomadæ sanctæ Communione in sua Parochia, potest alius quindem diebus huiusce quindennæ, etiam die ipsa Resurrectionis Domini communicare in Ecclesia Regularium. Ita Navarrus, & ita declaravit sacra Cardinalium Congregatio, quidquid alii in contrarium sentiant. Sylvius. Sacerdotes vero celebrantes extra propriam Parochiam satisfaciunt præcepto ecclesiastico annuæ Communionis. Ita enim uis obtinuisse videtur. Sic laudatus Sylvius.

Qui ante quindennam in sua Parochia communicavit, tenetur iterum sub mortali ibi communicare intra quindennam, quia quando per præceptum determinatur tempus, præceptum integre saltem non impletur, nisi eo tempore statuto, non secus ac qui die Sabbati sacro interfuit, non est liber ab obligatione ipſo intereſſendi crastino die Dominico, ut ex Rituali Rom. ubi de infirmis, qui ante tempus Paschale communicarunt. Sic P. Antoine cum aliis.

Circa vero annos discretionis ad quos cum pervenerint fideles omnes obnoxii sunt debito Paschalis Communionis, ea est ætas, in qua habetur sufficiens usus rationis, ut discerni queat corpus Christi ab aliis cibis, & cum debita reverentia, ac devotione percipi, quod in aliis citius, nempe circa annum 10. & 12. in aliis serius circa 14. contingit, licet prius pueri censentur obligari ad Confessionem, quia ad Communionem plus requiritur discretio, devotio ac reverentia. Ita enim pro subiecta materia Ecclesia interpretatur præcepta Confessionis & Communionis, & Eucharistiae dignitas maturationem ætatem, & maiorem exigit discretionem, ut convenienti dispositione ac devotione sumi queat. Cum igitur a fidelibus intra 10. annum ac 14. communiter hoc sacramentum suscipiatur ob plenam

Qui censendi sunt annis discretionis, nis ad communionem.

rationis usum requisitum ad sacram Synaxim, qui infra hos annos iam supponitur, hinc intra eisdem annos orietur obligatio Communionis, ita ut nemo ultra 14. annum differre debeat. In periculo tamen mortis puto iam capaci confessionis, & satis instructo dari debet Eucharistia Viaticum, quia in eo periculo versatur, in quo attendi non debet tempus opportunius ad Eucharistiam cum potiori dispositione sumendam, ut præcepto divino satisficiat; & aliunde potest cum debita reverentia fumere, & probare se sufficienter per confessionem, ut indigneumat. Sic cum aliis cit. P. Antoine.

Quid de
vagabundis
circa
Pasccha.
lem com-
munio-
nem.

Vagabundi tenentur se communicare in ea Parochia, in qua tempore Paschatis versantur, quia cum non habeant proprium domicilium, ac certum Parochum, censentur ibi habere domicilium eo modo, quo hi sunt capaces, idcirco ibi vere esse subditi. Ita Suarez lib. 9. *Institution.* qui idem censet currere quoad peregrinos, qui ad proprios Parochos commode accedere nequeunt, nam in tali casu hi reputantur tanquam incolæ illius loci, in quo tempore Paschali inveniuntur; idcirco Parochus illius loci censetur proprius eorum Sacerdos, & ita sentit cit. Antoine. Verum de his alter alii sentiunt, nempe ex tacita Parochorum suorum licentia iuxta declarationem Eugenii IV. posse istos a Religiosis, aliisve Sacerdotibus Sacram Eucharistiam pro communione Paschali accipere, & ecclesiastico præcepto satisfacere. Ita Caiet. Nav. Sotus, Azor. quia cum Ecclesia Parochialis, in qua tunc transseunt versantur, non sit propria ipsorum Parochia ex obligatione, sed solum ex voluntate per accidens, non tenentur ad eam accedere. Qui vero non ex peregrinatione, sed fortuito, puta ob negotia tempore Paschatis, in alia Parochia degit, non regressurus ad propriam intra hoc tempus, communicando in ea Parochia, ubi invenitur, satisfacit præcepto communicandi iuxta declarationem Eugenii IV. in quo casu ego dicerem ferendam esse ab ipso attestationem ad proprium Parochum de communione accepta ubi debebat tempore Paschatis. Caiet. de Lugo & alii, quicquid in contrarium alii dicant.

Quid de
moratore
infra an-
num in
duplici
Parochia.

Ille vero qui media anni parte in una Parochia moratur, media in alia, eligere potest quem vult, ad annum communionem, ut patet ex lege 6. *§. Cum municipalibus cap. 3. de sepult.* in 6. quia cum quisque possit ubicumque domicilium habere Paschalibus of-

ficiis fungi, ibi communionem quoque accipere potest. Videtur tamen consultius quod ibi, ubi plus habitat, possit communicare in Paschate. Sic Pontas v. *Communio casu 25. Tourneleius, & alii.*

Laici Religiosorum ac familiares eorum commorantes in Monasteriis, aliisve locis a cura Parochorum exemptis, licite possunt communionem accipere in huiusmodi locis, in quibus commorantur, tum quia exempti videntur a Parochis, tum quia sicuti ibi possunt sepeliri inconsulto Parocho, ita etiam videntur ibi Sacramenta suscipere posse. Sic Sanch. Bonac. & alii communiter.

Qui tempore Paschatis, idest intra quinquennam sive consilio Confessarii, sive ob aliam causam, seu etiam ex negligentia non communicavit, tenetur postea se communicare, ut Ecclesiae præcepto satisficiat: ille quidem qui Confessarius iuxta facultatem, quæ ab Ecclesia ei conceditur in cit. cap. *Omnes utriusque sexus*, Paschalem communionem prorogavit, tenetur eam facere tempore a Confessario ei designato. Sic Doctores. Alter item qui sive ex rationabili causa, sive ex negligentia, & malitia statuto Paschæ tempore non communicavit, secundum communem probabiliorumque tenetur intra eundem annum quamprimum possit communicare. Etenim in hac lege duo virtualiter sunt præcepta, alterum semel saltem communicandi in anno, ut divinum impleatur præceptum, sæpe in vita communicandi, alterum communicandi in Paschate. Quare tempus illud Paschatis non assignatur ut terminus obligationis, nempe ut in illo fieri debeat, sicut dies ieiunii, & dies festus pro auditione lacri, sed ut ultra illud non debeat communio differri. Quando autem terminus non assignatur ad finiendam obligationem, sed ne ultra illud opus præscriptum debeat protrahi, qui tunc illud omittit, obnoxius remanet ut quamprimum potest illud impleat. Sic in Leg. *Celsus §. sed ipse §. de recept. arbit.* Similiter igitur dicendum in lege annuæ communionis, ut satis indicant verba Concilii Later. *ad minus in Pascha*, & ista Concilii Trident. *singulis annis saltem in Pascha*; & ex his soluta manent quæcumque a patronis oppositæ sententiæ in contrarium afferri possunt. Ita Nav. Az. Suarez, Laym. Bonac. Sylvius, P. Antoine. Et eundem Ecclesia debuit exigente fidelium negligentia determinare ad divinum implendum præceptum pluries in vita, ac proinde & obligare post Pascha eos qui in Pascha neglexissent. Igitur

Quid de
La cis
commo-
nibus
in Mo-
nasteriis

tur dum adhuc servari potest Ecclesiae præceptum quantum ad id quod est magis principale, cum per totum annum servari possit, obligatio toto anno perdurat donec impleatur. Et ideo iuxta multos est obligatio continua communicandi quamprimum possit post Pascha, ita ut toties nova culpa admittatur, iuxta multos, quoties data opportunitate non impletur: nam præceptum communionis in Paschate affirmativum est quatenus præcipit communionem, & simul implicite negativum, quatenus prohibet dilationem ultra Pascha: & probant Doctores etiam ex usu Ecclesiae quæ minis ac censuris compellit ad communicandum quam primum eos, qui communionem omiserunt. Hinc qui toto anno non communicavit, dicere tenetur in confessione quoties moraliter id est commode potens per annum communionem omisit, quia toties peccavit. Docet tamen de Lugo remanere obligationem communicandi non quidem statim post Pascha, sed solum ante finem anni, quia, inquit, cum præceptum Paschæ iam nequeat amplius observari, nec proinde obligat, sed solum remanet obligatio alterius præcepti communicandi saltem semel in anno. Hoc autem non obligat ad communicandum hoc potius mense quam illo, sed communicandum semel in anno. Additque censuram infligi solum ob transgressionem præteritam præcepti, quod obligat sub censura a Prælato infligenda in eos, qui statim non communicaverint.

Prævidens impedimentum, ob quod in Paschate non poterit forsan se communicare, sed quidem non multo post Pascha, probabile est, ait Sylvius, non teneri ad præveniendum quia ob rationabilem causam distulisse potest ad tempus de consilio proprii Sacerdotis, si is consuli queat. Quod si prævideat forsan non posse communicare nisi multo tempore post Pascha, & multo magis si nec in toto anno, debet hic prævenire; alias se exponeret periculo violandi usque divinum, quia tenetur communicare singulis annis, & si fieri nequeat in Pascha, saltem non multo post. Obligatio enim, quæ cadit in totum tempus, implenda est initio, in decursu vel in fine impleri non valet; etenim urget in ea temporis parte, in qua impleri potest, ut patet in præcepto de audiendo Sacro, quod primo mane audire tenetur qui postea non poterit, quia præceptum obligat pro illo die prout impleri potuerit. Qui vero tempus prævenit ob hoc impedimentum quod ipsi adventum prout

Instit. Theol. Moral. Tom. III.

bat tempore Paschatis, ipso non adveniente tenetur denuo communicare dum postea potest in Pascha, quia non satisfecit huic alteri obligationi communicandi in Pascha, & iam implere potest.

Licet infirmi communicaverint prope ante quinquennium Paschæ, debet Parochus iterum intra ipsum quinquennium ad eos Communionem deferre. Si tamen moribundus qui paulo ante Dominicam Palmarum Viaticum recepit, non possit hac die, nec proximis sequentibus diebus ieiunus communicare, nec tenetur iisdem diebus communicare, imo nec id posset sine Episcopi licentia, quia secunda Viatici receptio debet saltem diebus decem ab altera distare, ut habetur ex Rituali Parisiensi. Quare nisi accedat constans locorum praxis, satius erit ad Episcopum recurrere, præsertim cum inter unam & alteram Viatici sumptionem assignent communiter Summistæ unius mensis, aut trium hebdomadarum intervallum, ut quis pluries in eodem lecto detentus communicet non ieiunus, ut observatum fuit a Cabassutio lib. 3. c. 5. n. 10.

Qui mane Eucharistiam suscepit ut Paschali debito satisficeret, si forte vergat eodem die ad interitum, quaeritur, num Viaticum accipere debeat, cum illicitum sit generatim loquendo pluries eodem die accedere ad Eucharistiam? Sed quia hoc intelligitur de sanis, hinc remanet locus Doctores varie super hoc opinandi. Alii enim censent in hoc casu posse, imo debere denuo suscipi, & hi nituntur praxi timoratorum, & quod fortius est, divino præcepto, quo iubemur in mortis periculo sumere sacram Eucharistiam, quod præceptum non implevit, qui ante hoc periculum corpus Domini suscepit, cum præceptum illud alligatum sit ipsi articulo mortis. Unde sicut is qui mane actum amoris Dei elicit, morte eodem die imminente novum actum in illo extremo elicere debet; sic a pari dicendum est de Eucharistia. Lambertus, Hurtadus, & Ritualis Metensis. Alii vero censent nec debere nec posse eodem die etiam imminente mortis periculo sumere Viaticum qui mane communicavit, & asserit Lugo nullum legisse auctorem qui contrarium doceat; & solus Vasquez, notat Tourn. docet quod iam omnes concedunt, eum scilicet qui pridie bene valens communicavit ieiunus, iuste post se die sequenti urgente periculo morbo communicare. Et hæc altera opinio, ait Tourn. in praxi tenenda est, donec nova consuetudo contrarium doceat, quia theologi

Quid de infirmo qui com. manica. vit per viaticum paulo ante Dominicam Palmarum.

G g logi

logi pene omnes contrariam sententiam tenent, vel in specie cum casum hunc expendunt, vel saltem generaliter cum indistincte pronunciant illicitum esse bis in die communicare; alias fieri posset, ut quis bis intra mediam horam communicare teneretur, puta si paulo post communionem vulnere, vel morbo percussus incurreret proximum mortis periculum, quod consequens in praxi nunquam vitium est.

Si quis poenitens proprio nutu, & se humiliandi causa peteret annuam Communionem sibi differt, certe non esset audiendus, quia sicut Gregorius dicit in Pastoralis illa *vere est humilitas, quæ ad respondendum quod utiliter præcipitur, pertinax non est*. Et certe nemo potest excusare de pertinacia eos, qui contra sanctissimas leges centies repetitas ab Ecclesia pro phantasia sua a Communione recedant. Et hæc est etiam mens D. Th. 3. p. 2. q. 80. art. 1. ad 1.

Non peccaret contra præceptum de annua Communione Paschali, qui ob censuram quæ est innodatus, non communicaret tempore Paschæ, nisi quando hoc fieret quia non curaret abolitionem. Sic reus sit qui hanc communionem omittit ex odio, aut voluntate non ignoscendi, aut non restituendi; vel proximam peccati occasionem non detinendi, sive non facienda aliud quidpiam, ad quod sub mortali tenetur. Is enim noviter peccat, quia nemini malitia sua prædesse debet. Ita Navarrus hic citatus a Tourmeleio. Præcepto de annua Paschali Communione non satisfiit per Communionem voluntarie indignam ac sacrilegam. Nam caput *Omnes* præcipit, ut omnes recipiant *revere*, quo verbo indicatur reverentia spiritualis dignæ sumptionis. Præceptum autem non servatur nisi simul præcepti modus fervetur in ipso expressus, cum & ipse præcipiatur. Insuper hoc præceptum ecclesiasticum est determinativum præcepti divini de susceptione Eucharistiæ pia ac fructuosa, quo anima alatur, ac eius vita confortetur & augeatur, cum ita præceptum iubet Communionem, & ad hunc finem Ecclesia quoque eam præcipit, idest ut fideles Christo per hanc coniuncti in Christo vivant, ne habetur ex Concil. Trid. sess. 13. c. 2. Ibi enim sic ait Sancta Synodus: Sumi voluit Sacramentum hoc tanquam animarum spirituales cibum, quo alantur & confortentur viventes vita illius qui dixit: Qui manducat me, & ipse vivit propter me. Hinc Innocentius XI. damnavit propositionem num. 45. huius tenoris: *Præcepto commu-*

nionis ananæ satisfiit per sacrilegam Domini manducationem.

§. III.

De poenis omittentis communionem Paschalem.

Pœna non communicantium in Paschate ex ipso Decreto Concilii Lateran. in quo communicatio præcipitur, est ut vivens ab Ecclesiæ ingressu arceatur, & mortuus ecclesiastica sepultura careat. Ex tenore verborum quibus pœna exprimitur, non obicere constat, hanc pœnam non esse latæ sententiæ, sed ferendæ; & ita etiam declaratur a Concilio 1. Mechileni & 2. Cameracensi tit. 9. c. 6. Contrarium sentiunt aliqui Doctores: unde ex declaratione duorum Conciliorum allatorum, imo ex praxi communiori Ecclesiæ constat, nequaquam esse pœnes Parochiam auctoritatem aliquam arcendi ab Ecclesia, & privandi ecclesiastica sepultura ob omissionem communionis Paschalis: sed post paternas exhortationes factas contumacibus ad Episcopum recurrere, qui maturius re considerata vel absolvat vel ad pœnam canonice decretam condemnet. Verum in hac denunciatione defectuosorum magna prudentia, & moderatione Parochi uti debent, quia coactio illa iudicialis per censuras canonicas aliasve pœnas, quibus defectuosi ad sacram Synaxim compellantur, plus subinde nocet quam prodest eorum salutem, & magis in scandalum quam in edificationem aliorum cedere potest, dum ex modo vivendi & ex aliis circumstantiis videntur adigi ad communionem, qui nulla antea vitæ emendationis signa præbuerunt, nec de suis criminibus ullam publicam exhibent poenitentiam. Van-Elsen.

Ad veram Communionem necessario requiritur, ut Eucharistia in stomachum per os traiciatur, ac in eo recipiatur, etenim hoc requiritur ad veram manducationem, & sumptionem alimentum; ita ut si quis sacram particulam tantum teneret in ore, idest ad ipsius dissolutionem, aut si moretur antequam in stomachum descendisset, reapse non communicasset, nec gratiam reciperet. Ita communiter Doctores.

CAPUT V.

De Decimis Ecclesiae solvendis.

§. I.

De Institutione & natura Decimarum.

Cum nulla universitas sine communibus bonis subsistere valeat, cum aliquid in singulis conventus, & in stipendia ministrorum publicorum sit impendendum; hinc ab apostolis Ecclesiae primordiis symbolam contulerunt Fideles; noctu quippe convenientes opus erat subsidio ad luminaria, ad Vasa Sacra, panem, vinum pro sancto Sacrificio toties oblato, & a fidelibus communicato, ad Agapas, ad Libros, aliaque utensilia comparanda. Alendi erant praeterea Episcopi, Presbyteri, Diaconi, qui ut liberius Ecclesiae intervirent plerique ad voluntariam pauperum redacti erant. Curanda erant funera, hospitalitas exercenda in omnes Christianos viatores, providendum erat Virginibus Deo consecratis, Viduis, Infirmis, Pauperibus omnibus fidelibus, praesertim Martyribus, & Confessoribus, vel in carceris squallore degentibus, vel ad metalla, aliaque opera publica damnatis. Ab hoc primario fine in quem oblationes fiebant, diste sunt bona Ecclesiastica, Patrimonium pauperum, ut Thomassinus de veteri, & nova Ecclesiae disciplina. Bona Ecclesiae ob persecutionum æstus erant solum mobilia, quae facile asportari, abscondi, vel distribui possent, veluti pecunia, aut res ad victum, & amicum necessaria, ut frumentum, vinum, oleum, vestes pro pauperibus. Iudæi, qui iam assueti erant offerre Deo primitias frugum, necnon varia subsidia ad vota, & Sacrificia, cum Christiani fierent, idem institutum sub Evangelio urgere censuerunt: Pagani item ad Christum-conversi maximos sumptus, quos antea in Sacrificia idololorum, & prophana spectacula facere consueverunt, converterunt in oblationes Ecclesiae ad eodem usum Christianae pietatis. Oblationes istae voluntariae fuerunt quas Antistites populum iudicem hortabantur, quod, quale, quando, ac quantum vellent, vel in hebdomadas; ut Paulus suadet, vel in menses, vel aliter offerebant. Hæ delatae erant ad Episcopum, vel incertum locum, relatae, ubi Diaconi oblationes acceptas reservabant, & ex nutu Episcopi secundum occurrentes indigentias dispensabant iuxta exemplum Christi Domini, qui ad hunc finem oculos habebat. Episcopus

nullam de his rationem reddebat, utpote non suspectus, nam electus non fuisset nisi de animabus multo sane praetiosioribus Deo rationem, eum reddere posse certum fuisset.

Pace post persecutiones reddita cum Imperatores, & Principes Christiani fierent, libere pingua dona fieri cœperunt Ecclesiis. Nec ulli nimis donationes videbantur, quæ tanta cura, & pietate erant distributa. Habuere quidem iam antea Ecclesiae immobilia bona, quod ex edicto Constantini & Licini manifestum est, quo anno 313. eorum restitutio urgebatur; sed post pacem numero creverunt. Nam & in civitatibus, Domus, & Ruri prædia, hoc est Pagos cum habitatoribus, qui servi erant donabantur tanta munificentia, ut Ecclesia Romanæ terras haberet prope Eufratem, e quibus Thus, ac salsitum colligebat ad quorum ministrationem Subdiaconi, vel Clerici mittebantur. His igitur temporibus duplicis generis bona habuere Ecclesiae, fundos nempe, e quibus certi redditus, & oblationes quotidianas, quæ parcius quidem quam antea, tamen fiebant. Sanctissimi Episcopi fundos exoli maluissent fortuitas oblationes, si satis fuissent, quam Satraporum more rationes a conductoribus exigere, aliove suscipere labores, sine quibus annui redditus colli nequeunt. Hinc tale onus transfugerunt in Archidiaconos, vel oconomos, qui in Ecclesiis omnibus instituti sunt, & ex corpore Cleri electi, rationem tamen Episcopo reddituri. Optimi Episcopi, qui omnia sua bona in pauperes erogabant, bona suæ Ecclesiae omnino agere curabant.

Bona illa erant omnia communia, & ex Episcopi nutu distribuiebantur inter Clericos, & pauperes. Mos generatim fuit, ut quatuor partes fierent, quarum una Episcopo, & eius Familiae propter hospitalitatem exercendam, altera Clero, tertia pauperibus, quarta Ecclesiis reparandis cessit, & hæc divisio non fuit fundorum, sed mera reddituum assignatio; clericis non communiter viventibus, vel quia Uxores sortiti essent, vel aliis de causis, stipendia, vel hebdomadaria, vel mensura, vel in pecunia numerata, vel in certa cibariorum portione, quæ proinde præbendæ nomen sumplit, suppeditabantur, quæ pro opere præstito augeri vel minui poterant. Sed hi Ecclesiae Ministri, qui ab Ecclesia alendi erant, ut populo exemplum perfectionis Christianae exhiberent, sæpe iure suo neglecto omnia pauperibus relinquendo Pauli exemplo, & Canonum præcepto ex propriis la-

Ecclesiae habuerunt immobilia etiam ante pacem.

Bona Ecclesiae initio erant communia. & in quatuor partes distribuebantur.

bonibus vitam sustentarunt. Qui vero in communi vivebant, quos posterior ætas vocavit *Canonicos* omni rerum humanarum cura soluti paupertatem veluti Monachi coluere. Hæc est prioribus octo sæculis bonorum Ecclesiasticorum ratio, hæc distributio.

Talium
Decimarum a sa-
culo 6. 7.
8. & 9.

A sæculo 9. præter oblationes voluntarias, & patrimonium Ecclesiarum occurrit nova species bonorum Ecclesiasticorum, decimæ videlicet, quæ ex eo tempore insit tributi exigi cœperunt; nam antea sive oblationes, sive primitiæ, aliæve elemosinæ, & decimæ ipsæ, quæ iam a sæculo 6. 7. 8. invalescere cœperunt pendebant a solo dantis arbitrio; id est si vellent dare vel non. Exeunte vero Sæculo 6. Episcopi contra negligentes penam excommunicationis sanxerunt. Quæ tamen exactiones in Oriente inde a Iuliano prohibita leguntur. Sed sæculo 10. frigescente charitate pristinum censurarum rigorem auxerunt, quibus penæ etiam a Principibus sunt adiectæ, & hoc est decimarum Ecclesiasticarum initium, ut Thomaſinus, Van-Elpen, & Claudius de Fleury docent, iuxta documenta Scripturæ singulorum temporum, quos secundum opportunitatem citant suis locis.

Decimæ
non idem
sunt ac
primitiæ.

Decimæ, de quibus in præſenti est sermo, non sunt idem ac primitiæ, quæ sunt primi fructus terræ, quos Deo tanquam bonorum omnium largitori, & Creatori offeruntur in gratiarum actionem pro acceptis beneficiis, & solum per accidens in Ministrorum Ecclesiæ sustentationem; decimæ vero sunt decima pars fructuum, quæ immediate in Ministrorum Ecclesiæ sustentationem impartiantur. Decimæ igitur notantur a Canonistis præcipue Sæculo 9. & 10. quia his temporibus imperatæ fuerunt a decretis Summorum Pontificum, & Conciliorum populis, ut tanquam tributa Ecclesiæ debita ad ministrorum sustentationem solverentur, cum antea petitiæ essent, & a Patribus commendatæ, ac voluntariæ oblationes, quæ idcirco a sola fidelium pia liberalitate pendebant. Van-Elpen.

Nullum est dubium, in Lege Veteri extitisse Divinum Præceptum solvendi primitias, ut ex Deuterio. cap. 12. v. 6. *Et offeretis in loco illo holocausta, & victimas vestras decimas, & primitias manuum vestrarum*, & sic rap. 26. & alibi. Sola difficultas est, an in Lege nova extet Divinum Præceptum de Decimis, nempe an sint de iure Divino. Sustinet aliqui ita esse, sed Doctor Angelicus, alique eravissimi Theologi asserunt probanteque, Decimas in Lege

Evangelica non esse de iure Divino, & naturali, nisi quatenus ad sustentationem Ministrorum Ecclesiæ necessariae sunt, id est quoad substantiam. Cæterum esse de iure humano Ecclesiastico quoad determinationem, id est quoad quantitatem, & prima pars iam patet ex ipsis verbis Christi Domini Matth. 10. *Dignus est enim Operarius cibo suo*. Altera vero pars quod Decimæ spectatæ quoad quantitatem in Lege Evangelica debeantur iure Ecclesiastico, constat tum ex tellibus iuris Canonici, & præcipue ex capite toto titulo de *Decimis*, qui etiam in 6. Clementina, & in extravaganti reperitur; tum ex eo quia si Decimæ simpliciter essent iuris Divini eorum obligatio tolli non posset per privilegium Summi Pontificis nec per oppositam consuetudinem, sicuti fit ut videbimus. Porrit quidem Ecclesia ad imitationem Legis Moisaicæ, per quam figurabatur præcipere solutionem Decimarum eo fine, quo Deus eas Iudeis indixit, nempe ad sacrorum Ministrorum sustentationem, in quo solo sensu Decimæ ab Ecclesia præceptæ dici possunt de iure Divino, nempe quoad substantiam, ut antea notavi remota, & occasionaliter; nam licet lex vetus quoad caeremonialia evacuata sit, adhiuctamen perseverat in Lege nova quoad moralia, ad quæ præceptum de Decimis spectabat, ac proinde perseverat in Ecclesia ius Divinum de Decimis ad Sacrorum Ministrorum sustentationem solvendas, quas eadem Ecclesia per suas constitutiones earum quantitatem determinando denuo constituit.

Decimæ iuxta vim nominis est portio ex decem una & iuxta commune nominis usum, & ius commune definiri solet *decima pars omnium fructuum, & proventus iuste acquisitorum Deo, cuiusque Ministris quotannis solvenda*. Dicitur *omnium fructuum, & proventus*, quia ex capite 23. de Decimis 5. *Fidelis homo de omnibus, quæ licite postulat acquirere Decimas erogare tenetur*, quæ an, & quomodo hodiernæ disciplinæ congruent expendemus: dicitur *iuste acquisitorum* iuxta illud cap. 27. 1. q. 1. *Hostiæ impiorum abominabiles quas offerunt ex scelere; quidquid enim in Dei sacrificio ex scelere offertur, Omnipotentis Dei non placat iracundiam*. Quare de acquisitis per furta, Simoniam, usuras, Opus meretricium, ac huiusmodi Decimæ non debentur, nec Clerici recipere valent, ne censentur. approbare alterius peccatum Glossa ibidem versu *licite*. Hinc cap. non est putanda 1. q. 1. notanter dicitur: *bonora Deum de tuis iustis laboribus*. Multipli-

Quid de
climæ?

placiter tamen hoc limitant Canonistæ, nam
1. aiunt ipsi Decimæ prædiales ex rebus in-
valide, & illicite acquisitis debentur, quia
sunt onus ipsi terræ inherens, & transiens
ad quemvis possessorem, ut etiam ex D.
Thoma parte 2. q. 87. art. 2. ad 2. Limitant
etiam in Decimis personalibus, quæ
tamen ex rebus illicite, & invalide acqui-
sitis non debeantur, ex his tamen debentur
quæ illicite acquisita sunt, & nihilominus
valide retinentur, qualia sunt bona adepta
ex meretricio, Histrionatu, & aliis huius-
modi. Additum fuit ante definitionem, & *Ius
Commune*, quia variis ex causis hæc obliga-
tio solvendi decimas, utpote ex iure Eccle-
siasticæ proveniens tolli potest, & aliquis
ab his eximi vel ex parte, vel etiam in to-
tum, dummodo Ministri Ecclesiæ aliunde
habeant sustentationem, puta ex sufficien-
tibus redditibus fundationis Ecclesiæ, obla-
tionibus, & Legatis piis.

De mul-
tiplici
genere
decima-
rum.

Decimarum multiplex est genus, nempe
ecclesiasticæ, Laicales, Reales, Personales,
& Mixtæ, maiores, & Minores, No-
valium, & antiquæ. Decimæ strictæ Eccle-
siasticæ hæc sunt, quæ ex primæva sua in-
stitutione Clericis sicuti olim, hodieque in-
ritu spiritualis seu sacri eorum Ministerii
solvuntur pro eorum necessaria sustentatione;
Laicales vero, seu temporales, quæ etiam
Feudales, vel Infeudatæ dicuntur, sunt
eæ, quæ ex sua quidem primæva institu-
tione ad dictum finem institutæ fuerunt,
nempe pendendæ Clericis intuitu Sacri Mi-
nisterii ad eorum sustentationem, sed iniuria
temporum venerunt in manus Laico-
rum, vel quia ab ipsis Laicis usurpatæ fue-
runt, vel quia in eos ab Ecclesia iusti de
causis translata, nimirum ut Ecclesiam
tuerentur. Dicuntur Feudales, quia ius utile
decimandi datum est in Feudum Laicis, re-
manente iure directo, & quasi radicali penes
Ecclesiam. Quod si spiritualis titulus
prorsus extinctus sit ut ius proprietatis transla-
tum fuerit in Laicos, quod quidem a solo
Papa fieri potest dicuntur decimæ Seculari-
zatæ seu mere Laicales, ad differentiam earum,
quarum dominium directum adhuc
remanet apud Ecclesiam, seu Personas Eccle-
siasticas, quæ vocantur tantum simpliciter
Laicales. Decimæ Reales, quæ etiam
Prædiales dicuntur sunt hæc, quæ solvun-
tur ex fructibus omnibus terræ, puta agro-
rum, Pratorum, vinearum, arborum, bor-
torum, Sylvarum; item de proventus percip-
tis ex Prædio rustico, vel urbano, ut
Domus elocatione, molendino, piscina,

Instit. Theol. Moral. Tom. III.

agro, siue tales fructus natura, vel sua sponte,
vel per humanam industriam aditura proferantur.

Hic addunt multi, decimas, quæ percipiuntur ex fructibus, seu fructibus animalium, puta ex Agnis, ex Butyro, Caseo, Melle; ii tamen decimas mixtas reiciunt. Decimæ Personales dicuntur quæ solvi debent ex lucro personali, eius nimirum, quod provenit ex negotiatione, artificio, militia, scientia, mercatura iuxta illud cap. 66. 16. q. 1. Item ex lucro delumpto ex officio, artificio, stipendio &c. Sed hæc contributiones merentur potius nomen pensionis, collationis, aut decimæ similitudinariæ. Item ex his, quæ pendunt ex lucro animalium, aut fructuum principaliter humana industria parto, quales sunt decimæ animalium captorum ex venatione, aucupio, piscatione, & hæc revera habent rationem decimarum; in hoc tamen differunt, quod reales, & personales, debentur deductis expensis, reales vero expensis non deductis. Decimæ mixtæ illæ vocantur, quæ proveniunt partim naturæ beneficio, partim humana industria: tales sunt decimæ, quæ proveniunt ex animalibus brutis, v. g. ex eorum fructibus, lacte, lana &c. in quibus æquale ius natura, & humana industria sibi vendicant, cum partim oriuntur ex prædiis, in quibus pecudes pascuntur, & partim ex industria humana: tamen a pluribus canonistis hoc reicitur, alias omnes prædiales habendæ forent pro mixtis, cum in omnibus, puta in vino, frumento &c. humana industria se exerceat, sed nemo hæcenus prædiales decimas appellavit mixtas.

Decimæ prædiales subdividuntur in Maiores, seu Grossas, & in Minores, seu Minutas, quæ etiam Virides dicuntur. Maiores sunt hæc, quæ ex maioribus fructibus percipiuntur, ut frumento, siligine, hordeo, avena, vino, & oleo; dicuntur autem Maiores, quia proveniunt ex fructibus qui communiter præcio ac dignitate sunt potiores. Decimæ vero minores, seu Minutæ illæ dicuntur, quæ ex rebus præcio, & dignitate vilioribus præstantur, & huiusmodi sunt decimæ ex fructibus hortorum leguminum, arborum, ex lino, lino, cannabe, rapis, cæpis, milio, lupinis, pis, ciceribus, lana, caseo, & Butyro. Item decimæ carnaticæ puta ex agnis, vitulis, pullis gallinarum &c. Decimæ eadem Prædiales subdividuntur in veteres, seu antiquas, quæ petuntur ex terris, quæ iam antiquitus colli cæperunt, & Novales, quæ ita dicuntur, quia percipiuntur

De Decl.
nis ex
fructibus
anima-
lium, &
Personas
libus.

tur de fructibus ex terris, quæ noviter colicæperunt iuxta illud Innocentii III. cap. 21. de Verborum significatione; *eam credimus Prædecessorum nostrorum intentionem fuisse, ut Novale intellexerint agrum de novo ad cultum redactum, de quo non extat memoria, quod aliquando cultus fuisset.* Dividunt aliterum decimas in ordinarias, de quibus hætenus dictum est, & extraordinarias, quæ de Pontificum consensu beneficiis pro quantitate reddituum impositæ sunt in gratiam Principum ad determinatum tempus. Dividunt ulterius decimas in solitas, quæ in loco retribui consueverunt, & insolitas, quæ solvi non solent. Decimatores solitas exigere possunt, non vero insolitas, ita ut si in aliquo loco probetur nunquam morem fuisse solvendi decimas ex tali data re, puta ex lino, cannabe, Agnis &c. adstringi non possunt Incolæ ad huiusmodi decimarum insolitarum solutionem. Aliquando vero concessæ sunt Decimæ frugum quorundam, de quibus decimæ antea perceptæ non fuerant. Ad id vero duo requiri videntur, 1. uti iidem fructus percipi non potuerint, sive quia ignoti erant, sive quia erant rariores quam ut decenter exigi possent; 2. ut iidem fructus decimis decimalibus substituantur in tanta quantitate, ut si a decimatore non percipiantur, is passivus non sit grave damnum; sic pars decima Sefame Vulgo (Sorgo Turco) olim aliquibus in locis prorsus inutilitata, & nunc in his redacta in communem usum cum diminutione culturæ aliarum segetum, quæ antea copiosius in agris seminari consueverant, addicta est pluribus decimatoribus.

Hæc decimarum speciebus una altera additur, quæ sequelæ dicitur ut ait Tournelleius, & ea locum habet quando Parochus unus in alterius Parochi territorio decimas capit, quia pars huius Territorii a suo Parochiano incolitur, præsertim animalium, quæ in Parochia non culturæ, sed domicilii pascunt, & pernoctant.

§. II.

De eo, cui solvenda sunt Decimæ.

Cum revera clare non consistet quo tempore facta sit bonorum Ecclesiasticorum divisio, ac institutæ sint Præbendæ, & Beneficia, & eo ordine, quo nunc cernuntur, tamen hoc aliqui attribuant sæculo 5. aut 6. ineunte, ideoque ignoretur quamdiu Episcopi præcipui administratores fuerint, & distributores; hinc incertum est, num sæ-

culis 7. vel 8. quando cœpit decimarum contributio fierent in manu Episcopi, qui est principalis, ac Generalis Parochus totius Diocesis, vel in manu particularium Parochorum cuiuscumque Ecclesiæ; nam ex Gregorio VII. qui regnavit post medium undecimi sæculi, cum electus sit in Pontificem anno 1073. videtur, quod etiam illis temporibus decimæ fuerint in manu Episcopi: ait enim idem Pontifex Canone 1. 16. q. 7. *decimas sub manu Episcopi esse censemus, ut ipse, qui cæteris præest omnibus, iuste distribuat.* Ex opposito vero ex Ioanne Papa VIII. qui regnavit Sæculo 9. idest multo ante Gregorium videtur quod particularibus Parochis cuiusque Ecclesiæ concedendæ essent, cum hoc ipse præceperit, ut habetur in eius vita, quæ (scilicet Decimas), ait hic Pontifex, *unumquemque fidelem illi Sacerdoti dare censuimus, in cuius Parochia proculdubio constat sub proprii Episcopi ditione, quia ad hoc recipiendum ab Episcopo suo est constitutus; imo plura eiusdem ætatis habentur decreta relata ad rationem Consilio 16. q. 1. caus. 42. & seq. quæ Parochialibus Ecclesiis vindicant decimas.* Et Concilium Cabilonense anni 813. asserit Parochis sua iura contra Episcopos, & Abbates quoddam, qui non sinebant dari decimas Ecclesiis ubi Colonna eorum audiebant Missam, & contra hos decrevit, ut Episcopi ipsi, & Abbates de Agris, & Vineis, quæ ad tuum, & per alterum stipendium habent, decimas ad Ecclesias de Agris deferri faciant, & ut familie ibi dent decimas, ubi Infantes eorum baptizantur, & ubi per totum anni circulum Missam audiunt, ita Van-Elpen. Quidquid tamen sit hodie quando iam honorum Ecclesiasticorum divisio iam a multis Sæculis consummata, & firmata est, certum est extra omnem controversiam, decimas licet olim solutas Episcopo loci, ab eo cæteris Ministris pro merito, & exigentia distribuendas, sua ex his detracta sustentatione; nunc de iure novo communi Parochis solvi, & ut ipsi debitas, nec ullam portionem habere Episcopum in Decimis Parochialibus Ecclesiarum, nisi forsan ex particulari conventionem, vel titulo aliqua earum pars ipsi reservata sit. Van-Elpen, & alii Canonistæ communiter, ut probat Fagnanus, qui ad capit. 29. de Decimis 21. ita ait: *Ecclesia Parochialis de iure communis fundat intentionem in perceptione decimarum prædialium ex fructibus, qui colliguntur intra limites Parochiæ sue, additque, eamque passim servat. Rota ut in pluribus decisionibus.* Nam Deci-

næ se habent ad infirmitatem quarundam obligationem, quæ primitus Parochis, seu Ecclesiis Parochialibus oblatæ fuere, ut evincitur ex pluribus decretis recentiorum Canonum; unde tamen antiquitus, idest secundum ius commune antiquum, ut habetur in Iure Canonico & ex pluribus documentis relatis ab iis, qui agunt de veteri Ecclesiæ disciplina, ut Morinus, Thomassinus, & alii, spectarent ad Episcopum in sua respectiva Diocesi propria ad suæ Familiz sustentationem quo ad quartam nempe portionem omnium Ecclesiasticorum proventuum, hodie in decimis Parochialium Ecclesiarum non debet Episcopus nec de Iure communi novo, nec de consuetudine aliquam habere portionem, nisi forsitan ut antea iam notavi cum Canonistis ex particulari conventionem, vel titulo portio aliqua ipsi esset reservata, de quo casu accipiendum est cap. 13. *de Decimis*, ubi alicuius portionis Episcopo competentis mentio occurrit, ut notat Glossa ad dictum Capitulum.

Hinc operæ præstium est advertere pro clariori intelligentia, quod decimæ in Decretalibus dicuntur pertinere principaliter, & dicam immediate ad Ecclesias Parochiales, non simpliciter ad Parochum. Nam Innocentius III. consultus de novialibus Decimis, & minutis, num deberentur Ecclesiis Parochialibus, vel alicui personæ aut Religiosæ Communitati, cui ab antiquo sit Ius decimarum; circa novales respondit, has pertinere de Iure communi ad Ecclesias Parochiales, ita enim sequitur; *Decimæ novialium, quæ sunt in Parochiis eorundem* (idest decimarum veterum) *ad ipsas* (idest Parochias) *proculdubio pertinere noscuntur*. Van-Eslen Can. 3. n. 8. De aliis vero idest de Minutis respondit, quod sibi fructus proveniunt ex iis fundis, in quibus Monasteria, & Ecclesiæ Conventuales ab antiquo decimas maiores percipiebant, etiam decimas horum fructuum ipsæ debentur, cum Terra illa ab antiquo ipsis fuerit decimallis, & non debeat una, eademque Ecclesia diverso Iure censeri: *Alioquin, ait, Parochialibus Ecclesiis exolvantur, ad quas de Iure communi spectat decimarum perceptio* cap. 30. *de Decimis*. En ergo quod Ecclesiæ Parochiales in hac duplici decretali nominantur, non Parochi. Idcirco Parochus nullum Ius habet ad decimas infra districtum Parochiz excrecentes, nisi in quantum ipse Ecclesiam Parochialem in titulum possidet, vi cuius tituli Ius habet ad omnia alia, quæ Ecclesiæ Parochiali sunt annexa;

quare cum Decimæ præcipue ad Parochialem Ecclesiam pertineant, & antiquitus ii Parochiarum redditus essent penes Episcopum per ipsum distribuendi Parochis, aliisque Clericis, præcipue Canonici, qui non secus ac Parochi iuxta eorum officium operam Ecclesiæ navabant; hinc sine ulla Parochorum iniuria in bonorum Ecclesiasticorum divisione Episcopi reservarunt partem quartam maiorem pro sua, & Ecclesiæ Cathedralis sustentatione. Idque citra iniustitiæ labem facere potuere, tum quoad se ipsos, quorum aliquando redditus leves erant, & onera gravia, tum quoad Canonicos, qui genuini sunt, ut aiunt, nati Antistitum consiliarii.

Aliquando ad erigenda, & dotanda Monasteria, vel capitula Clericorum concessæ sunt decimæ Parochiales Monachis, vel Canonici ac ideo capitulo, vel Monasterio fuerunt incorporatæ Ecclesiæ Parochiales, quæ propterea vigore similis incorporationis quoad ipsum titulum censentur quodammodo extinctæ. Unde Presbyter, seu Vicarius curam spirituales sustinens huius Ecclesiæ incorporatæ, non censetur Ecclesiam hanc proprie in titulum possidere, ac proinde prætere nequit vi tituli, seu Ecclesiæ Parochialis Ius ad omnes decimas intra fines Parochiæ excrecentes, quia vi incorporationis, sive appropriationis una cum titulo censetur incorporata Capitulo vel Monasterio, seu translata in Capitulum, & Monasterium iura omnia, ac ideo omnia, quæ de Iure spectant ad Ecclesiam Parochialem Capitulo debentur, seu Monasterio, servato tantummodo Presbytero in huiusmodi Ecclesiis curam Animarum sustinente Iure competentis, seu congruæ portionis; & tamen si per erectionem *Vicariæ perpetuæ*, *Vicarius*, qui illam assequitur censetur verum Beneficium Parochiale etiam in titulum affectus, nihilominus propter incorporationem illius Ecclesiæ non assequitur quoad temporalia vigore huius Vicariæ perpetuæ, sive novi erecti Tituli Ius ad temporales proventus illius Parochialis Ecclesiæ incorporatæ, qui ante incorporationem ad eandem Ecclesiam Parochialem spectabant, & per incorporationem sunt translati ad Capitulum, seu Monasterium, sed dumtaxat Ius perpetuum ad congruam portionem, seu competentiam in ipsa incorporatione Ecclesiæ Vicario servatam. Unde clare patet, quod antea notatum fuit, in decretalibus dici decimas ex Iure communi proprie ad Parochialem, non simpliciter ad Parochum

perioere : hinc factum fuit , ut decimæ Parochialium Ecclesiarum Laicis etiam concessæ fuerint , & tunc appellantur decimæ infundatæ , quæ vel penes eos hæcenus remanserunt , vel ab his translatæ sunt ad alias Ecclesias potius quam ad Ecclesias Parochiales , in quorum Territorio percipiuntur .

Decimæ cuiuscumque generis Compertum est apud omnes , Decimas cuiuscumque generis de iure semper adjudicandas esse Parochiis intra limites suæ Parochiæ , quando non probantur ad alios spectare , & si circa probationes vel titulum dubium aliquod remaneat , Parocho , cui semper ius commune favet , adjudicandæ erunt , seu potius offerendæ ut aliquando in casu admodum dubio iudicatum esse , cum aliis Canonistis testatur Van-Elpen .

Decimæ Personales ut Glossa in cap. 18. *de Decimis* verbo *diversa* , debentur ibi ubi Sacramenta quis recipit ; & si hic prædia habeat in alia Parochia , ibi dare debet decimas eorumdem prædiorum , & hæc distinctio Glossæ communiter recepta est , & iure , ac consuetudine probata , præsertim quoad prædiales , ut etiam aperte declaravit Bonifacius VIII. in cap. 2. *de Restitut. Spoliat.*

Circa vero Decimas mixtas idest proveניות ex Lana , Cæso , ex Synodo Wigornienfi statutum fuit , quod si ovile ovium per totum annum fuerit in una Parochia , licet oves limites vicinæ Parochiæ transeant ad paucos quærenda , illi Parochiæ decimæ tribuantur , in qua cubaverint , & si semper cubent in una Parochia , & pascant semper in alia , tunc decimæ inter Ecclesias dividantur . & idem declaratum fuit de Vacatis . Et hæc decisio circa animalia est valde conformis iuri , & consuetudini , & tenenda est quando etiam per medietatem anni animalia pascant in una Parochia per aliam medietatem in aliam , idest decimæ inter harum Parochiarum Ecclesias dividendæ sunt . Van-Elpen hic cap. 3. n. 14. & sequentibus .

Compertum est itaque apud omnes , decimas quascumque inspecta primæva eorum origine , & ipsa fidelium offerentium prima intentione spectare ad Parochialem Ecclesiam ut ex ipsis Parochiis suam recipiat sustentationem , non minus quam oblationes , quæ hodie dum ad hunc finem in Sacramentorum administratione , & sepulturis tribuuntur ; præcipue ubi ex consuetudine non adest ius decimarum , vel Ecclesia aliunde non habeat , ut Parocho de sufficientibus redditibus provideat , vel decimæ illius Ecclesiæ variis mo-

dis a Parochiali , & Parocho ablatae ad Capitula Canonicorum , vel ad Monachorum Monasteria devolutæ iacere . Et quia ubi hoc factum fuit , & oblationes a populo fieri debere ; quodammodo a Vicariis exigere ceperunt . Notat Christianus Lupus ad Tom. 3. Scholiorum in *Canon. cap. 7.* plura decreta , præcipue Sæculo 11. 12. edita fuisse contra exactiones in Sacramentorum administratione , quæ tamen nihil proferunt , quia Episcopi , qui vel ipsi , vel ipsorum Cathedralia , aut Collegiata Capitula possidebant Parochialium Ecclesiarum Decimas ea recipere noluerunt , ita ut Vicarii ne misere essent coacti sunt vivere de solis oblationibus , aut Sacramentorum exactionibus . Hinc adiungit Episcopos , alioque Prælatos dictas decimas possidentes , eorum Capitula , & Monasteria rigidum coram Deo omnes portant damna Parochiis integræ sustentationis , & miseræ plebes a variis exactionibus liberandi , ad quas isti a paupertate coguntur . Van-Elpen .

Decimæ solvendæ sunt Clericis titulo Religionis , & Iustitiæ : patet prima pars ex eo , quod docet Innocentius III. cap. 26. ubi ait : *Deus , decimas in signum universalis Domini sui reddit præcepit , suas esse decimas , & primitias assignari* . Debentur decimæ titulo Iustitiæ quæ debentur ut pars stipendii , quo Clerici se ipsos ac egenos sustentare debent ; decimæ namque tributa sunt egentium animarum , ita *Can. 66. 16. p. q. 1.* Debitum vero est ex Iustitia quod debitum est titulo Iustitiæ , unde graviter peccant qui decimas subtrahunt , vel ex his componunt quæ in ara , vel torculari deteriora sunt , aut non solvunt , ubi iuxta locorum consuetudinem solvi debent , ut citato capite : *si tardius dare (decimas) peccatum est , quanto peius non dedisse ?* Circa decimas autem Laicales , ubi de iniqua usurpatione non constat , præsumendum est eas fundari in reservatione , vel in contractu , in quo casu peccatur saltem contra Iustitiam si non contra Religionem sicut eam defraudando Clericis deraudatione decimarum .

Nec ullatenus excusat , nec dispensat a decimarum solutione Clericis faciendæ , quibus debentur , quod iam aliunde redditibus abundant , & proinde illis non egent , imo supervacaneæ sunt ; nam decimæ solvendæ sunt Clericis decimatoribus etiam divitibus , cum decimæ non tribuantur Clericis præcise ut egenis , sed primo quia præcipit hoc Deus , saltem mediane Ecclesia , ut eius in terra supremum Dominium homines agnos-

Decimæ debentur sunt Clericis titulo Religionis , & Iustitiæ .

fiant .

scant, ut ait Innocentius III. *cap. 26. h. 4.* Item quia qui decimas præcipiunt ministrant Spirituales; nemo autem licet dives militat propriis stipendis; nec debet quis quia pauper non sit in iuri suo privari. Et equidem Ecclesia præcipue reddita ei pace, semper habuit in Sedibus Episcopaliis, nec non in aliis Ecclesiasticis gradibus, & officiis Ministros, nobilitate non minus quam domesticis facultatibus præditos, qui licet pietate integres non se abstinere a portione Ecclesiasticarum oblationum, ac decimarum, quæ pro sui suorumque familiarium sustentatione ipsis debebatur, nec unquam ex hoc exprobratos fuisse legimus. Quidquid tamen e decimis aliisque Ecclesiarum proventus a decenti eorum sustentatione superfluo erogare debent Clerici in pauperum subsidium.

Nec dispensat a debita decimarum solutione quod Clerici in malos usus eas impendant, ut patet ex citato Innocentio III. in sua decretali *cap. 26. h. 1.* ubi docet, quod *Fideles prætextu nequitie Clericorum nequeunt decimas aliis, quam quibus ex mandato Divino debentur, pro suo arbitrio erogare, cum nulli sit licitum aliena cuiquam concedere præter Domini voluntatem, & a Concilio Constantiensi damnata est hæc assertio: decimæ sunt puræ elemosinæ, & Parochiani possunt propter peccata suorum prælatorum ad libitum auferre eas.*

Parochus non potest sine gravi culpa omittere exactiorem decimarum, cum dives sit & eis non indigeat, nam hac sua agendi ratione, causa esse potest, ut contra decimarum debitam retributionem præscribatur, ac subiunde grave detrimentum subiret sua Parochialis Ecclesia, cuius bono, utpote non suo, sed Dei, consuleri tenetur. Insuper Beneficiarii, ut alias dicitur, non sunt Domini suorum reddituum, sed dispensatores vinculati, ut eos non nisi in pias causas erogare possint; unde qui decimas non solum egenis, sed etiam divitibus dimitteret, Ecclesie bonis pessime, & cum magno Ecclesie suæ præiudicio abuteretur. Et si solum in favorem egenorum relaxaret, id est solos egenos eximeret onere decimarum, necesse foret, ut ab eis rescriptum exigeret, quo se ipsum suorumque successores adversus præscriptionem tueri posset.

Parochus non potest sine culpa vim per se, id est privata auctoritate, inferre deneganti decimas, & eo magis esset culpabilis si hoc faceret Sacramenta absolute ei denegando, quia Parochus non habet contra suum gregem iurisdictionem Fori externi, & si et-

iam haberet non posset uti eo, quia nemo valet esse iudex in propria causa *L. 10. ff. de iurisdic. tione*. Multo minus hoc posset per absolutam Sacramentorum denegationem, quia forte qui decimas ei negat sic credit se iusta de causa ab eis esse immunem; quare res deferenda est ad legitimum iudicem, cui si non obsequatur debitor, poterit aliquando arceri a Sacramentorum participatione tanquam iniquus & notorius alterius boni detentor.

S. III.

De rebus ex quibus decimæ sunt solvenda.

Circa res, e quibus decimæ sunt præstandæ stando in iure communi, ut habetur *cap. 3. §. 22. 23. 26. h. 1. cap. 16. q. 1. de vino, Grano, Fructibus arborum, Pecoriibus, Negotiatione, de ipsa etiam Militia, de venatione, de Negotio, & Artificio, de universis Leguminibus, de proventus Molendinorum, Piscinarum, Forno, uno verbo de omnibus Proventus decimæ sunt Ministris tribuendæ. Dixi stando iuri communi, quia eius dispositio nec quoad decimas personales ubique leitur, nec quoad universalitatem prædialium, cum in quibusdam locis, etiam eisdem Diocesis alii percipiant decimas locum maiores, alii etiam minutas, alii hanc vel illam minutarum partem, ita ut secundum quod ait D. Thomas 2. 2. q. 87. art. 2. de Decimis personalibus, scilicet populum cogi ad has solvendas secundum consuetudinem Patriæ, & indigentiam Ministrorum, & de Minutis pariter ibi in respon. ad 3. non deberi nisi forte propter consuetudinem Patriæ; ex his, inquam, aliisque, quæ ibidem habet S. Thomas, & ex variis Summorum Pontificum responsis relatis in decretalibus Gregorii IX. & ex Concilio Lateranensi sub Innocentio III. in *cap. 32.* ubi quoad modum solvendi decimas multum tribuitur etiam consuetudini locorum, ait enim ibidem Innocentius III. *illa decimæ necessario solvenda sunt, quæ debentur ex Lege Divina, vel Eccl. consuetudine approbata; concludunt Canonistæ, consuetudinem in solutione decimarum esse præcipue attendendam, & non nisi hac deficiente recurrendum ad ius commune sive de quota, sive de qualitate decimarum, sive de solutionis modo; & si in Parochia oritur controversia circa aliquod in hac materia, puta si de tali Segete danda sit decima, & nihil haberi queat, recurrendum est ad loca vicina: sic Van-Elpen.* Hoc si accurate servetur, ait hic Doctor, plures d. di-*

difficultates evitabuntur, & minus odiosa reddetur decimarum exactio, dum facile quod solitum est a populo obtinetur, & ad insolita ægre, ac nonnulli magnis, & nocivis contentionibus induci legetur.

Gravis difficultas circa decimarum perceptionem oriri potest quando essent percipiendæ ex fructibus, qui nascuntur in Parochia aliena, puta num dum quis habet domicilium in una Parochia, de prædiis quæ in alia Parochia possidet decimas dare debeat Parochiæ sui Domicilii, a qua recipit Sacramenta; cuius intuitu instituta est decimarum retributio, vel num Parochia subdivisa in Plures, Ecclesia Matrix adhuc ius habeat percipiendi solitas decimas; aut ius percipiendi adiudicandum sit novis Ecclesiis constructis, & ab ipsa in varia membra se-
junctis.

Quod attinet ad primam difficultatem, Decimæ prædiales solvi debent Parochiæ intra cuius limites prædia sita sunt, nisi in contrarium sit loci consuetudo, & hoc patet ex cap. 13. h. t. ubi *universaliter, & indistincte* statuitur, *ut si terra intra certam alicuius Ecclesiæ Parochiam fuerint, decimas earum eidem Ecclesiæ assignari faciat Episcopus*; ita in L. 4. ff. de capibus. Insuper habetur cap. 18. eodem titulo; *difficile nimis videtur ut una Ecclesia in Territorio, imo in Episcopatu alterius recipiat Decimas, cum ex hoc locorum & Episcopatum fines confundi non immerito videantur.* Dixi, *nisi sit in contrarium loci consuetudo*; huic enim urpote quæ in decimarum materia sicuti in aliis pluribus vim habet legis, incunctanter ad hærendum est, prout statuitur eodem cap. 18. cui consonat illud cap. 20. *Æquum est ut illi Ecclesiæ* (decimæ personales reddantur) *a Fidelibus, in qua Ecclesiastica recipiunt Sacramenta. Decimas vero messium, vel fructuum arborum si coluerint alia Parochia quam in ea, in qua Tu eligas, in hoc casu per consuetudinem diu obtentam ibi noviter observare.*

Quod si Terra, quæ horrida dumis coli cæperit, fructus pariat decimis obnoxios, & ignoretur qui Parochialis Ecclesiæ debeantur, in hoc casu putant aliqui decimas loci huius ab Episcopo ut universalis Diocesis Parocho percipi. Alii eisdem ab ipso assignari volunt, cui Parochiæ volent, & utrumque permittit Alexander III. cap. 13. h. t. Alii deum censent dividendas esse in Parochos vicinos, & unaquæque earum opinionum inservire potest. Sive ut ab Episcopo, si pauper sit hæc, decimæ retineantur, sive si vi-

cinorum Parochorum alter dives sit, alteri inopi integras relinquatur, sive si Episcopus dives sit, & Parochi in bonis æquales, decimæ ex æquo inter utrumque dividantur.

Quoad alteram vero difficultatem Layman aliquæ sentiunt, erecta noviter per divisionem Parochiæ ius decimas percipiendi transire ad novam Ecclesiam, & Parochum intra limites sibi assignatos. Licet hæc opinio rationi admodum consentanea videatur, ab aliis rescitur, ut parvum congrua Tridentino quod in sess. 21. cap. 4. statuit ut Sacerdotibus, qui de novo erunt Ecclesiis noviter erectis præficiendi competens assignetur portio arbitrio Episcopi ex fructibus ad Matricem quomodocumque pertinentibus; igitur ex Tridentino Ecclesiæ Parochiali noviter erectæ non acquiritur ius percipiendi decimas intra suos limites, eas tegregando ab Ecclesia Matrice, sed a Parocho Matricis portionem recipere debet ex iisdem decimis iudicio Episcopi ipsis assignati; unde Sacra Cardinalium Congregatio Concilii interpres declaravit anno 1617. decimas intra limites Parochiæ de novæ erectæ remanere ut antea penes Ecclesiam Matricem, nisi Episcopus certos assignando limites earundem decimas simul assignaverit: ita refert Fagnanus in caput *Cum contingat* 29. h. t. n. 43. & sequentibus. Dismembratio igitur decimarum in Ecclesia noviter in Parochiam erecta fieri nequit ab Ecclesia Matrice, nisi hoc fiat iudicio Episcopi, vel ex conventionem Parochi Matricis cum Parocho novæ Ecclesiæ, ut forsitan ita liberetur ab onere quoræ ex decimis novo Parocho solvendæ.

Num vero Novalia, idest decimas ex fructibus qui ex nova Terra noviter culta oriuntur, Parochi de iure percipere debeant; ad clariorem intelligentiam notandum, novalia dupliciter sumi posse, proprie, & improprie. Proprie sunt Fundi, qui cum nunquam, vel saltem ultra omnem memoriam exculti fuerint, nunc noviter coli cæperunt, ut cum Paludes in Vineas, aut loca vepribus conspersa in agros fructiferos vertuntur, & novalia hoc sensu sumuntur cap. 1. & 21. de Verb. significat. Novalia improprie sumpta, sunt Fundi, quorum cum olim fructus immunes a decimis forent, nunc per novam culturæ speciem fructus decimales generant. Circa hanc quæstionem certum est, non solum Parochos, qui cæteras decimas loci percipiunt, percipere debere decimas novalium, sed etiam Parochos non decimatores eisdem novales decimas percipere debere; quia Innocentius III. cit. cap. 29. h. t. ait
Cum

Quæ de Novali-
bus circa
soluto
nem de-
cima-
rum.

Cum perceptio decimarum ad Parochiales Ecclesias de iure communi pertineat, decimæ novæ, quæ sunt in Parochiis eorundem, ad ipsas procul dubio pertinere noscuntur, nisi ab iis, qui alias percipiunt decimas, rationalibus causis ostendatur, per quam appareat, decimas novæ ad eos pertinere. Idemque decernit Alexander IV. cap. 2. ibidem, unde clare colligitur, novalia dimissa à Parochiis, qui congruam portionem optaverunt, ab iisdem iam repeti non posse, sed ea tantum, quæ à prædictæ opelsonis temporibus surrexerunt; imo nec inefficaciter peterent contra decimatores, qui privilegium habent fruendi novalibus quibuscumque, ut habent quædam Monasteria, quibus incorporatæ fuerunt Ecclesiæ Parochiales cum suis decimis cum tali simul privilegio, quod inter alios obtinuerunt Cluniacenses.

Primitivi Parochi ius non habent ad novales decimas in concursu Vicarii perpetui, seu ad exclusionem Vicarii perpetui, ut vult Hericourt citatus à Tournelleio; & quia stat aliquem gaudere titulo Parochi primitivi, nec tamen decimis ullis frui, unde ex sola Parochi primitivi conditione nullum exurgit ius ad decimas, ita & ad novalum perceptionem, & quia Episcopi, qui Monachis concessere Parochiarum redditus, non alios quam qui tunc temporis perciperentur proventus concessisse censendi sunt; cum donatio bonorum omnium præsentia solum complectatur, non futura. Aliud tamen dicendum esset, si Parochus primitivus privilegium haberet ad omnes prorsus etiam futurarum novalium decimas, ut habent Cluniacenses. Huic autem privilegio æquivalet vel titulus, vel memorialis possessio, & quæ idem titulus legitime prælumeretur.

Si Fundus rei decimabilis ferax versus sit in fundum non decimabilem, v. g. Ager frumentarius in Sylvam, idem dominus, qui fundum suum non colit, non tenetur ad decimas in specie: notanter dixi in specie, quia si mutua inter proprietarium fundi, & decimatores fundi facta sit conventio de tali summa singulis annis solvenda, teneretur proprietarius sive agrum coleret, sive non, nisi ager aquarum alluvione perisset; ita Tournelleius cum Canonistis.

Unusquisque potest agri sui culturam immutare, quia rei suæ quietus est moderator, & arbiter; si autem fiat fructuum Fundi conversio, iuxta multos debentur decimæ ex fructibus novis, qui in loco non sunt decimæ subiecti, .i. quia decimæ sunt onus rei seu fundi, porro onus transit cum ipsa re; &

quia alias esset penes Proprietarium fraudare Decimatores iure suo, cum ad id satis esset superficiem immutare. Verum opposita sententia in praxi tuta est, nisi subit dolus. Quia sicuti vertens fundum in decimabilem, eo ipso debet decimas quas antea non debebat, sic a contrario in proposito casu; neque enim æquum est, ut decimator in oppositis hypothesebus commodum semper sentiat, & nunquam onus. Ita si proprietarius non debet decimas quando Fundum suum negligit, non est maior ratio cur debeat, quando superficiem sui Fundi immutat. Tandem cum decimæ sint quarta pars fructuum, debentur ratione fructuum, non ratione Fundi: excipiendi tamen essent ab hac regula casus doli, & excessus, ne scilicet tot iugera verterentur in culturam à decimis immunem, ut inde notabile damnum perciperet decimator.

Debentur ex opposito decimæ, ut iam notatum est, ex Fundo, qui olim vel nullum ferebat fructum, vel fructus ferebat à decimis liberos, & nunc conversus est ad producendos fructus decimis obnoxios. Nec opus est probari ulla ratione, quod iam per se est manifestum. Sola difficultas est, an iure communi decimæ horum fructuum ad Parochum Vicarium pertineant, & affirmandum videtur cum concurrat eadem ratio novalium, quorum fructus Parochus debentur eo modo quo supra dictum est, id est ex quo etiam congruam portionem elegit, dummodo Parochus primitivus non habeat privilegium, quo Parochorum iuri derogatur.

Quod si vel ex Sulchis, vel ex titulis, aut seniorum testimonio constet Terram aliquam, quæ nunc noviter colitur, etiam olim cultam fuisse, fructus ex ea prodeuntes ad decimatores, non ad Vicarium, etsi perpetuum, pertinere debent, quia ex quo probetur, Terram illam olim cultam fuisse, non habet veram rationem novalium. Item quia cum olim Terra illa culta fuerit, decimator in ea habet ius suum, quod quidem ius defectu culturæ potuit suspendi, non tamen penitus extinguui. Quod si probabile foret terram quæ excolta est nunc temporis, novalem fuisse, aut versam esse aratro, non ad culturam, sed ad venustatem loci, eius decimæ Parochus, non alter decimatori adiudicandæ sunt. Interim hinc colligent Parochi sibi invigilandum esse circa terras, quæ aliquando versantur aratro absque eo quod his mandentur semina; nam decursu temporis ex ipsis sulchis in sui præiudicio præsumuntur novalia non esse, quæ repta erant novalia.

De.

Cui soli
vendit
sint De-
cimæ la-
icæ &c.

Decimæ Lanæ, Agnorum &c. solvendæ sunt ei in cuius Territorio talia animalia pernoctant, potissimum tempore hyemali non ei intra cuius limites pascuntur, nisi consuetudine aliter receptum sit; in dubio autem difficultatis huiusmodi, resolvatur, ac definiatur ex usu vicinarum Parochiarum. Quod si animalia ex æquo in duobus locis morentur, æquum est, ut decimæ eorum dividantur: si plus in uno morentur, quam in alio loco, adhuc fiat divisio inter Parochos, servata temperis proportionem, qua animalia in Parochia manserint, ac pabula receperint; tametsi ut notat Rebusius q. 6. n. 27. sæpius observetur, ut ille capiat decimas intra cuius limites animalia frequentius pascuntur. Quare standum est consuetudini, quæ fere sola legem statuit circa minores decimas.

Decimæ non solvuntur ex horris communibus, nisi quibusdam in locis: si tamen fundus arabilis, aut vinea muro sit circumscripta, ex utroque decimas solvi necesse est, imo ex septo leguminum feraci, dumtaxat deberentur decimæ, si in eo inclusa esset magna pars terrarum, quæ antea decimis erant obnoxie. Cæterum si in frumentaria terra extent arbores frugiferæ, moris est, ut decimator ex his decimas non percipiat, licet aliunde decimas capiat ex arboribus. Alicubi tamen contraria invaluit consuetudo.

Circa vero decimas sequelas sequendum est illud Lucii III. c. 20. de decimis; Decimæ messium, vel fructuum, arborum, si qui coluerint in alia Parochia quam in ea in qua habitant, quoniam a diversis diversa consuetudo tenetur, tu eligas in hoc casu, quod per consuetudinem diu obtentam ibidem noveris observatum. De insolita decimarum specie animadvertere eas non debere, cum alterius Parochiæ incola, licet terram bobus suis exerceat, non tamen pro se, sed pro alio laboret. Van-Espen, & Tournelæus.

§. IV.

De iis, qui ad decimas tenentur.

Unanimis est consensus Canonistarum, decimas iure communi ab omnibus Christianis debere, neminemque quacumque etiam dignitate prævenientem ab his exemptionem esse, nisi speciali privilegio, ac titulo exemptionis probet; ita in cap. 3. 4. 5. De Decimis. Hæc tamen obligatio præsertim Laicos respicit, utpote qui a Parochis, & Cle-

ricis spiritualia recipere debeant, eoque titulo iure quodam quasi naturali decimas ad Sacerdotum sustentationem retribuere debent; unde Laicus valde difficiliter eximi potest a decimarum solutione; & in pluribus iudiciis Laici obstricti fuere ad solutionem decimarum e suis terris tametsi a tempore immemoriali non solvisent, nisi tamen ostendat decimas istius terræ titulo infeudationis sibi competere; alias possessionem immemorialem, aut centorum annorum non solvendi decimas non esse sufficientem ad acquirendam exemptionem, aut immunitatem. Nullaque Laica potest acquirere immunitatem, libertatem, aut exemptionem a decimis, neque eam præscribere ob negligentiam, aut collusionem Parochi, aut alterius Ecclesiasticæ personæ, aut celebris Canonistæ, ius decimarum alienare non valentis. Van-Espen hic cap. 6.

Quod si exemptio a decimis (notat Bordenus) concessa esset alicui Laico per Parochum ad aliquot annos, puta decem mediante aliqua compensatione, & indemnitate facta Ecclesiæ, conventio huiusmodi esset valida, quia nimirum tangit fructus annuos, non autem ius decimandi in se. Ita videntur Capitula, & Monasteria passim remittere decimas ad aliquot annos, aut in multa minori quantitate earum solutiones reducere, ut facilius Laicos ad terras alluvionibus inundatas, steriles, & infructuosas reducendas ad culturam, & terras arabiles. Van-Espen hic c. 7.

Ab onere Laicorum solvendi Decimas saltem ex quibusdam Feudis non eximunt Canonistæ toparchas idest iurisdicentes Parochiarum; tametsi probata esset immemorialis exemptio nisi speciali privilegio exemptionem probaverint, cuius defectu notat hic Van-Espen sæpe in Tribunalibus Galliæ ac Flandriæ contra eorum suppositam exemptionem iudicatum fuisse: imo attentio iure communi etiam Principes, & Reges e suis Terris Decimas debere unanimi consensu ex citato Van-Espen tradunt Canonistæ, plures quorum ait citari ab Antonio Anselmo in suo Tribuniano Belgio.

Item ne pauperes quidem a decimarum solutione liberi censentur, quia decimæ quocumque tandem titulo debeantur, vere debite sunt, & pauperes item sua debita solvere tenentur, nisi vel in extrema necessitate sint, vel eandem sint experturi si debita sua solvant.

Item non solum Hæretici, &rumetiam & Infideles, ac Iudæi compellendi sunt ad dan-

das

das Decimas de domibus aliive possessionibus, de quibus antequam ad Iudæos quocumque titulo pervenissent Christiani dare consueverant, ut sic Ecclesie conseruentur indemnes: ita Innocentius III. Cap. *de usuris*. Num vero Iudæi Decimas dare debeant de bonis, quæ penes ipsos semper fuerint, supervacanea est talis controversia, quia Iudæi temporalia bona tenere prohibentur.

Quoad Clericos vero certum est, nec Episcopum, nec Parochum, imo iuxta communem Canonistarum, nec simplices Clericos teneri solvere decimas ex terris quæ sunt beneficium, quod possident; tamen bona Episcopatus essent in Parochia alterius Episcopatus, & bona Parochi in aliena Parochia, nisi in casu postea assignando, & talis assertio desumitur ex cap. 2. *de Decimis*, ubi sic: novum genus exactionis est, ut Clerici a Clericis decimas exigant, cum nulum in Lege Domini legamus: non enim Levitæ a Levitis decimas accepisse leguntur, & in hoc sensu intelligitur hic textus a Barbosa, Rebuffo, aliive communiter post Glossam. Quoad alia vero bona idest Sæcularia quæcumque illa sint, quæ a Clericis possidentur, tenentur illi, quicumque sint, etiam Episcopi, decimas solvere, tum quia quoad hæc sunt eiusdem conditionis, tum quia res transiit cum onere suo.

Quod si Parochus acquirat bona suæ Ecclesie uniendo, quæ antea obnoxia erant decimis, licet si bona Beneficii, quod possidet simplex Clericus, antequam in dotem ad idem Beneficium constituendum assignarentur decimas solvant; & Parochus, & Clericus de iisdem bonis licet nunc facta sint Ecclesiastica; decimas suo respectu Parochus solvere tenentur. Ita Fagnanus in Cap. Nuper 34. b. t. n. 10. Barbosa, & alii communiter contra Pirhing hic n. 42. quia prædia hæc non secus ac aliae res transeunt cum onere suo, alioquin privaretur Ecclesia priore iure suo iam acquisito, quod admitti nequit: quandoquidem uni consulendum non est cum iactura alterius ex cap. 23. 1. q. 3. nam citatum caput Nuper statuitur, ut Cistercienses, aliique Regulares de prædiis ad fundanda nova Monasteria acquisitis, etiam si ea propriis manibus, ac sumptibus excolant, decimas persolvant Ecclesiis, quibus ratione prædiorum antea persolvebantur; idque ne occasione privilegiorum Ecclesie, seu Parochie ulterius pergraventur. Quare Religiosi omnes tam exempti, quam non exempti de terris, & possessionibus acquisitis decimas integre solvere tenentur illis Ecclesiis,

quibus eadem possessiones, & terra prius fuerant decimales, nisi super hoc speciali iure, sive privilegio sint muniti. Ita statuit anno 1238. Alexander IV. cap. 2. *de Decimis* in 6. Tum quia redeunt rationes mox allatae de Clericis, tum quia abstrahendo a privilegiis, & inspecto iure communi Regulares Parochis erant subiecti, & ab iis percipiebant Sacramenta, ut patet ex Canone 6. 7. 40. 46. XVI. q. 1. Nunc vero ut advertit Reithenstuel ex Ordine Minorum b. t. n. 53. Religiosi omnes aliquo saltem modo a solvendis decimis immunes sunt per privilegia partim communi iuri inserta, partim specialiter concessa. Sed circa hæc privilegia multa docent ceteri Canonistæ, & primo quod nullius sint momenti nisi dentur cum clausula derogatoria Concilio Lateranensi ex quo desumptum est c. Nuper iam citatum. Unde ut privilegium valeat in hac parte, debet habere hanc, aut parem clausulam non obstante aliqua constitutione etiam in Concilio generali habita. 2. Quia in generali concessione quantumvis ampla privilegiorum non communicatur privilegium immunitatis a decimis, licet fiat expressa mentio de Decimis, alioquin immunitas concessa ad Decimas extraordinarias restringeretur, neque de solitis prædialibus intelligenda erit: nam Communicatio privilegiorum non se extendit ad ea, quæ nonnisi cum magna difficultate conceduntur; difficillime autem conceditur immunitas a decimis, & pluries ita definierunt Sacra Congregatio, & Rota, teste Fagnano n. 33.

Notandum ulterius circa privilegia Pontificia pro immunitate a decimis concessa Regularibus non ubique esse recepta; item hæc privilegia ad ea tantum prædia extendi, quæ propriis manibus, vel sumptibus colunt Regulares, non ad ea quæ locant; item Regulares etiam exemptos a decimis decimas debere ex prædiis, quæ ipsi conducunt, ac recipiunt ad firmam c. 8. b. t. Si quæ conventio inita sit inter Monachos decimatores, debere eam servari, licet deinceps obtentum sit immunitatis privilegium cap. 3. *cod. 1.* Item cessare privilegium censetur, cum eo non obstante decimas per 40. annos continuas, & sine lite solverunt Regulares, quia cum tanto tempore contra indulta privilegia decimas solverint, eis renuntiale tacite præsumuntur. Liberum porro est unicuique iuri suo renuntiare c. 6. & 15. *de Privile.* & *excep.* Privilegia quibuscumque concessa personis inhærere, non rebus, unde qui fundos decimarum immunes acqui-

acquirunt a privilegiatis, ad decimas tenentur, quas quidem quandoque solvere debent Parocho, quandoque universaliter decimatori. Parocho quidem si prædium a privilegiatis conditum antea a decimis liberum fuerit quam decimandi ius concessum fuisset decimatori: eidem vero decimatori, si ante privilegium decimas percepit ex prædicto prædio, quia postulat aequitas ut cessante causa per quam quis a iure suo excidit, is idem ius suum recuperet.

S. V.

De tempore, & modo, quo decimæ præstandæ sunt.

Nulla occurrere potest gravis difficultas circa tempus, quo decimæ sunt solvendæ: nam decimæ fructuum debentur eodem tempore, quo idem fructus colliguntur. Solum hic præcipue notandum est quod si præmonito suo tempore, idest Messis, & Vindemiæ, decimatore pro decimis colligendis, ex eius negligentia, quia nimiam moram faciat in colligendo patiantur, & pereant ipsi decimatori patiuntur, & pereunt, & ex opposito idem etiam dicendum de solvente decimas si eius incuria hoc eveniat, teneri scilicet compensare decimatorem de damno, quod in eisdem ei obveniret.

Non licet pecudes ad pasqua ducere in agros, nisi inde sublata sint decimæ, sed debitor qui non debet ultra suum onus pergravari is liber erit a detrimento per gregem suum decimis illato, nisi intra triduum a sublatis fructibus ex agro illinc a decimatore decimæ ibi reliquæ non eferantur.

Si plures ius habeant dividuum decimas percipiendi ex eodem fundo, penes Parochum erit electio.

Circa decimas pecorum servandum est consuetudo locorum.

Quod pertinet ad decimas pecorum servanda est cuiusque loci consuetudo quoad tempus, quoad numerum, & quoad lanas, quæ aliquando etiam ex ovibus otiosis solvantur, aliquando solummodo ex iis, quæ facturi ferendo sunt apræ. Item definiendum est consuetudine quo tempore solvendæ sint decimæ eadem Carnariæ, nam alicubi statutum est, ut intra Paschalem quindenam solvantur, alibi ut die prima Iunii, alibi ut feria quinta in Cæna Domini, alioquin iam sumptibus Parochi animalia enutrientur. Non tenetur tamen Parochus Pullos adhuc lactentes recipere, alias sibi inutilis forent, potro ut pingiores gregis agnos, aut vitulos exigere non debet decimator, sic nec macilentiores, offerre debet Col-

lonus; unde media via ab utroque incedendum.

Si vero ut alicubi observatur moris sit, seu præsentis, seu si adeste recuset absente Parocho agnos decimales signare, iam si si pereant peribunt decimatori, & de sola pelle tenebitur Collonus præstito tamen iuramento, decimale animal sua culpa non perisse; ita Van-Espen hic. c. 8.

Si Dominus Gregis gregem sine dolo, & sine odio in suum Pastorem innocenter vendiderit ante tempus tonsificationis, & factum, de nulla reitate est redarguendus, nec ullo conscientie debito gravandus.

Quoad modum vero solvendi decimas observandum primo, eas extrahi debere ante omnem fructuum perfectionem, idest priusquam gravamina quæcumque, quibus subiecta sunt prædia, solvantur iuxta decretum Concilii Lateranensis habiti anno 1215. *Statuimus . . . exactionem tributorum, & censuum præcedat solutio decimarum*, vel saltem hi ad quos census, vel tributa indebita pervenerint, quia res cum onere suo transit, ea per censuras Ecclesiasticas decimare cogantur Ecclesiis, quibus de iure debentur. c. 33. de Decimis, & iure merito hoc statutum fuit, quia decimæ antiquiores sunt quæcumque censuali iure, & nobiliore titulo præstantur. Pontas hic cum aliis cas. 8.

Item decimæ prædiales debentur ante deductionem cuiuscumque expensæ ut cum cæteris notat Cabassutius L. 2. c. 29. n. 3. Unde fit ut ne feminis quidem iam decimati ratio habeatur. Notat tamen Van-Espen cum aliis, casu quo prædia redimi debeant magnis expensis a damnificatione præcipue aquarum, vocari posse decimatores, & æquum est etiam, ut concurrant aliqua parte ad dictas expensas, qui ideo in Flandria ut ament Agricolas ad reparandas excolendaque terras pro gravamine sumptuum, tribuere solent ex toto, vel in parte ad aliquot annos immunitatem decimarum.

In materia decimarum valere potest transactio, seu conventio, facta tamen cum suis formalitatibus ad alienationem Ecclesiastici boni necessarias, vi cuius decimæ non in specie, sed in certa granorum vel pecuniarum Summa solvantur, de qua conventum sit, & huiusmodi passionibus nihil habent mali si fiant servatis servandis; imo aliquando prodesse possunt cum de minutis decimis agitur, hæc enim propter rei exilitatem, & incertitudinem plerumque pariunt dubia, & difficultates, quæ semel determinata Summa redimantur.

Decimæ prædiales debentur ante deductionem cuiuscumque expensæ.

diminutor; ita Fagnanus n. 24. Valida videtur consuetudo, quod loco animalium solvatur certa pecuniarum Summa nomine decimæ, & hoc ad sensum Alexandri III. c. 2. de transactione; sed circa transactiones attendendæ sunt locorum consuetudines, quæ locum habent etiam circa formam decimarum; alicubi enim decimas rerum, alicubi undecimas, aut minus tribuunt decimatori, & hoc idem est de Decimis pecudum.

§. VI.

De Præscriptione Decimali.

Præscriptio in hac re dupliciter haberi potest; activa, nempe quæ tribuit ius ad decimas non prius præceptas, & passiva, quæ eximit a decimis, quæ prius habebantur, & hic perpendendum non solum quod attinet ad decimarum præscriptionem, sed etiam quod spectat ad alios iuris modos, unde decimæ obtineri queant. Dubium nullum extare potest, quin præscriptione acquiri possit ius decimas percipiendi, cum hoc definitur tum a praxi universalis, tum auctoritate Alexandri III. c. 6. de Præscriptione. Personæ vero quæ hoc ius acquirere possunt præscriptione decimas præciipiendi, quoad decimas Laicales, seu infeudatas sunt tam Ecclesiastici, quam laici; quoad Ecclesiasticas vero solum Ecclesiastici, idest Ecclesia præscribere potest contra Ecclesiam, neutiquam laici, licet longissima sit eorum possessio. Et quoad primum, idest quoad ius quod præscriptione acquirere possunt etiam Ecclesiastici ad decimas laicales seu infeudatas, res etiam patet per se, quia si laici quoad huiusmodi decimas præscribere possunt, multo magis Ecclesiastici, seu Ecclesia, ad quam decimæ nativo iure debentur idest in ipsa sua origine pertinent, quod satis communiter docent Iuristæ; nam & hoc passim receptum est, ut quæ sunt quælibet privilegia, sunt quælibet præscriptione data capacitate personæ, & cum decimæ laicales naruram habeant, & conditionem boni Patrimonialis, & æque cadant sub civile commercio, hinc non secus ac cætera bona civilibus legibus subiciuntur, ac sicuti donari possunt, ac vendi, ita etiam præscribi; imo si Ecclesiastici contra Ecclesiasticas decimas præscribere possunt, hoc plane poterunt Laici quoque contra Laicos. Sic post Felinum & Pontasium, alii docent. Verum quidem est, utrasque sententias ab omnibus Tribunalibus admitti. Quoad alteram vero partem, videlicet decimas Ecclesiasticas præscribi posse ab Ecclesia contra Ecclesiam,

non vero a Laicis contra Ecclesiam, constat ex cap. 6. de Præscriptionibus, ubi Alexander III. ita loquitur: *Ad aures nostras pervenit, duas Ecclesias litigasse super decimas, quas una earum in alterius Parochia æ annis quadraginta possidet: tue Fraternitati in tenore presentium innotescat, quod de iure divino, & humano melior est conditio possidentis, quia quadragenarii præscriptio omnem præiurisdictionem excludit.* Quoad tertiam vero partem, idest non posse Laicum præscribere decimas contra Ecclesiam, non obstante quantumvis antiquissima possessione, ex ipsa ratione hoc patet, quia cum non sit capax præscribendi, nisi qui capax sit possidendi; hinc Laici quia nullatenus sunt capaces possidendi decimas Ecclesiasticas, sicuti nec Beneficia Ecclesiastica, nec capaces erunt præscribendi easdem decimas, quæ iam Beneficiorum Ecclesiasticorum sunt Appendices: ita c. 7. de Præscrip.

Ad præscriptionem vero activam decimarum, seu ad hoc ut Ecclesia non Parochialis contra aliam Parochialem præscribat, necesse est, ut cum possessione continua, & pacifica 40. annorum concurret titulus, vel hoc deficiente suppleat immemorialis possessio; ita Bonifacius VIII. c. 1. in 6. ratio est, quia licet ei, qui rem præscribit Ecclesiasticam si sibi contrarium non est ius commune, vel contra eum præsumptio non habeatur, sufficiat bona fides, ubi tamen est ei ius commune contrarium, vel habetur præsumptio contra ipsum, bona fides non sufficit, sed est necessarius titulus, qui possessori causam tribuat præscribendi, nisi tanti temporis allegetur præscriptio, cuius contrarii memoria non extet, quare cum ius commune contrarium sit ei, qui contra Ecclesiam Parochialem, cui primario in favorem sui Pastoris decimæ institutæ sunt decimas præscribere contendit, possessio 40. annorum cum bona fide ei non sufficit ad talem præscriptionem, sed debet habere titulum, & in huius defectu immemorialem possessionem.

Circa vero præscriptionem Parochiæ contra Parochiam non una est Canonistarum sententia; nam alii volunt sufficere decennium possessionis inter præsentia, alii vicennium inter abentes, ita Covaruvias, & alii, quia dicunt isti ius in tali casu non resistit, sed potius assiluit, cum expressè declararet in controversia num decimæ ad hanc vel ad illam Parochiam pertineant standum esse consuetudini diu obtentæ; tempus aurem 10. annorum habetur pro diuturno ex Leg. 1. Cod. de Præscrip. longi temporis.

Alii

Alii tamen & probabilius, in hoc casu requirunt 40. annos cum bona fide, licet non sit cum titulo, quia licet non restat ius præscribendi in hoc casu, unde fit ut sola cum annis 40. sufficiat bona fides sine titulo, non tamen cessat alia iuris dispositio, quæ generaliter requirit ut immobilia Ecclesiæ bona nonnisi 40. annorum spatio præscribantur. Et revera Ecclesia Parochialis non est in decimarum materia peioris conditionis, quam alia quæcumque Ecclesia non Parochialis, vel pia causa ut Monasterium, Capitulum, Hospitale, & similia, unde si quisvis Clericus privatus nec Parochus, Capitulum, aut alia pia causa præscribere nequeunt contra Ecclesiam non Parochialem &c. quoad bona immobilia nisi spatio annorum 40. cum bona fide iuxta illud Alexandri III. c. 7. de Præscrip. sequitur quod nec Ecclesia Parochialis possit præscribere contra aliam Ecclesiam Parochialem nisi præscriptione annorum 40. cum bona fide. Ut tandem Ecclesia decimas infensatas præscribat, sufficit, & requiritur possessio 30. annorum sine titulo, cum titulo vero possessio annorum 20. inter absentes, & annorum 10. inter præsentés. Ius decimandi aliis etiam viis comparari potest quam per præscriptionem, ut tradunt Decretales, & primo privilegio Summi Pontificis Romani, quo fit ut multi Regulares, ac multi Beneficarii simplices pluribus in locis decimas percipiant. Secundo per transactionem, ut cum exorta lite, an Parocho, an Regularibus, aliisque Clericis debeantur huius, vel illius loci decimæ, convenitur inter litigantes, ut una pars Parocho, alia alius puta Regularibus, vel Clericis cedat; hic tamen caute procedendum est ad cavendam simoniæ labem, quæ facile in his transactionibus incurritur. Cæterum iuxta Fagnanum in caput *Veniens* 8. de transactione aliove complures, nisi omnes; et si transactiones huiusmodi etiam privata auctoritate factæ ipsos transactiones licet, non ligant tamen eorum successores si factæ sint sine legitima auctoritate Superioris, quia tunc inter personas factæ potius, quam inter Ecclesias videntur eodem cap. 8. de Trans. unde tantum suos auctores obligant, non etiam successores prout in simili ait Tridentinum sess. 6. c. 4. de Resor. Tercio commissio in unum, vel plures arbitros quorum sententiæ standum, iis, qui de decimis litigantes suam eis causam remiserunt ex cap. 1. de arbitris. Quia tamen non decet, ut Laicus in talibus arbitretur cap. 2. eod. & Decretum est ut Laici negotia Ec-

clesiastica tractare non presumant; cap. 2. de iudiciis compromissariis; idcirco consensum requiritur Superioris Ecclesiastici; quia ex huiusmodi compromissis sequi debet, quædam boni Ecclesiastici alienatio; quæ nec indirecte quidem fieri potest sine Ecclesiastici superioris consilio, ut in Regula 39. iuris in 6. Cum quid prohibetur, prohibetur omnia quæ ex illo sequuntur. 4. Permutatione qua Ecclesia hæc cum illa decimas commutat Arg. cap. 6. & cap. Finali de rerum permutatione. Hic quoque requirantur ordinariæ solemnitates ad alienationem rerum Ecclesiasticarum necessariæ quia permutatio expresse recenletur inter alienationis species? Cap. Nulli 5. de rebus Ecclæ. non alienandis.

S. V & I.

De præscriptione pagus Decimarum.

Hic tria potissimum occurrunt discutienda; videlicet 1. an, & quousque decimis obnoxii contra retributionem decimarum ecclesiasticæ præscribere queant. 2. Utrum idem valeat etiam contra decimas infensatas quod potest aduersus Decimas Ecclesiasticas. 3. Tandem, quo tempore præscribatur immunitas a decimarum gravamine, postea quod hæc præscriptio fieri queat.

Decimæ si materialiter spectentur præscribi nequeunt; quia cum decimæ materialiter sumptæ ex dictis sint stipendium debitum Ecclesiasticis, idest Ecclesiæ ministris ad legitimam eorum sustentationem, plane præscribi nequit contra debitum huius stipendii, cum præscribi non possit contra onus iure naturali debitum, quale est hoc decimarum. Possunt quidem præscribi decimæ sumptæ formaliter; quia cum in tali sensu sint certa talium fructuum portio, stando in iure naturali præscribi potest contra solutionem huius portionis. Nam ad hoc satis est, ut talis portio præcepta non sit a lege naturali, nec divina. Et est probabilior opinio multorum contra paucos, rem ita se habere. Unde nec prioribus sæculis decimæ formales solvebantur, nec hodie dum solvuntur in Orientali Ecclesia. Certe durum esset dicere quod omnes homines Italicæ, & Orientalis plagæ dammentur, quia decimas non solvant, ait S. Thomas Quodlib. 2. art. 2. Concordat Lateranense Concil. cap. 32. de Decimis. In aliquibus regionibus quædam permixtæ sunt Gentes, quæ secundum suos ritus Decimas de more non solvant, quamvis censentur nomine Christiano. Et infra, ille decimæ danda sunt, quæ debebantur lege divina,

Decimæ
sumptæ
materialiter
debitum
sunt
Ecclesiæ
ministris
ad legitimam
eorum
sustentationem

vina, vel loci consuetudine approbata. Igitur ubi consuetudo viget ut decimæ non solvantur, nulla erit obligatio eas solvendi nisi ex tali defectu ministri Ecclesiæ necessaria careant sustentatione; quia in tali casu deberentur ex lege divina. Si igitur consuetudo eximere valeat ad decimarum solutionem; poterit a fortiori præscriptio, si lex positiva non opponatur; cum consuetudo locum totum eximat, præscriptio vero, non nisi certas personas.

Nec ex eo quod Laici active præscribere nequeant, debet inferri, nec posse passive, id est non posse præscribere immunitatem a decimis, quasi præscribendo immunitatem a decimis solvendis, certo modo decimas percipiant ex propriis agris; quia non solvere Decimas, & eas retinere sit idem ac eas percipere ex suis prædiis. Etenim sicuti ex eo quod Parochus ex agris suis decimas non solvit, non dicitur ex agris suis Decimas percipere; ita nec Colonius liber a Decimis dici potest decimas e fundo suo percipere; quia fructus quicumque non habent rationem Decimarum, donec Decima eorum pars non sit pro decimis designata.

Nec obest quod si præscriptione præscribi potest immunitas a Decimis, dicendum esset, hanc immunitatem nihil habere spiritualis, quod dici nequit; alias immunitas a decimis vendi, & emi posset, quod nequit admitti. Nam responderetur, non dessee, qui concedunt, seu credunt immunitatem a decimis emi posse, & vendi, inter quos Moneta celebris in re Decimali; quia, ait ipse, exemptio a decimis est mera recuperatio libertatis a natura concessæ, vel potius fructuum futurorum emptio, quos ex fundo suo præstare tenetur: non est autem illicitum prætio recuperare libertatem suam, & fructus emere. Verum quamplurimi hoc non admittunt, contenduntque, quod nisi in hac venditione per Pontificis auctoritatem spirituale a temporali separaretur, hic venditionis contractus labe infectus simoniaci, quia venditor iuri spirituali cedit pro temporali prætio; unde reus sit simoniae, non secus ac qui venderet ius patronatum. Idcirco secundum hanc tuiorem sententiam dicendum est ad objectionem adductam, 1. immunitatem a decimis legitima præscriptione acquisitam, nihil in se vel in causa habere spiritualis; quia ex parte præsentis est mera recuperatio pristinae libertatis; ex parte vero Parochi merus est non usus, hicque prorsus gratuitus iuris activi ad Decimas. Ex opposito autem, si immunitas prætio compa-

Instit. Theol. Moral. Tom. III.

retur pendeta causa spirituali; quia ceditur per positivam renuntiationem, nec gratuita iuris spiritualis: unde cum emptio sit simoniaci, quoties est simoniaci venditio, neutra hic potest esse immunitas a culpa. Secus vero ubi sola sit præscriptio, utpote quæ fiat sine ullo prætio, & contractu, quæ sunt Simoniacæ radices. Dicendum a. quod si res in se spectentur, statuendum sit valere præscriptionem etiam ex parte Laicorum contra Decimas Laicales. Et hoc certum esse debet in locis ubi valet eadem præscriptio contra Decimas Ecclesiasticas; imo id ubique admittendum videtur: quia cum omnes eiusmodi Decimæ secularium bonorum qualitates habeant; ita ut etiam vendi possint, subire debent eorumdem secularium bonorum onera, ac proinde sicuti illa præscribi posse. Ubi vero mos est ut Decimæ contra Ecclesiam præscribantur ex toto, vel quoad partem a Laicis, opus est possessione immemoriali, ut docet S. Dunas pag. 125. ubi putat requiri ut in utroque præsumi possit titulus.

Si loquamur tamen de Clericis contra Clericos, & neutri sit Parochiale officium, extra dubium videtur (dummodo aliter lege locali constitutum non sit) ab iis præscribi posse decimarum immunitatem. Et revera si possunt præscribere ius decimarum activum, æque saltem præscribere possent etiam exemptionem a decimis. Tunc vero videtur necesse esse eodem temporis intervallo ad utramque præscriptionis speciem.

S. VIII.

De Decimis Infeudatis.

Circa primævam decimarum infeudatarum originem nihil est certi; idcirco discrepant inter se eruditi. Alii enim censent decimas infeudatas esse iura regia his concessa, quorum obsequia remunerare volebant. Alii & verius putant fuisse primo Ecclesiæ bona, quæ vel a Principibus parum scrupulosis usurpata, vel iis ad tempus ut Ecclesiam tuerentur concessa, ac ab iisdem aliquandiu servata, tandem donata fuere secularibus, ut sub initium sæculi octavi hoc legimus factum in Gallia a Carolo Martello. Et hoc patet, quia decimæ ex primæva sua institutione sunt retributiones quædam inductæ & quæsitæ solummodo Ecclesiæ ad ministrorum sustentationem, ut clare colligitur ex SS. Patribus aliisque Ecclesiasticis scriptoribus; & ante Carolum Martellum, qui cœpit in Gallia distringere ab

Dofia-
rum sen-
tentia
circa De-
cimas in-
feudatas.

Hh

Ec-

Ecclesia decimas ut Laici eas traderet, Clericis tantum tribuebantur. Imo factio fundio Carolo Martello, Concilia Turonensia, ac alia coegerunt Laicos ut decimarum possessores decimas Clericis redderent. Et revera statim ac compertum est dispoſui de decimis non secus ac de bonis laicalibus, seu ut ait Paulus Emilius, sacrum ius Decimale viris militaribus tradi a Carolo Martello, undique reclamant omnium ordinum Ecclesiastici furtum, & iniustitiam reprehendentes. Neutiquam plane si res aliter esset de Decimis, animos totius Ecclesiae invasisset stupor ut dicere auderet sumum esse, quod constanti usu suum non esset, sed de regio iure.

Cæterum cum Decimæ iustis de causis alienari possint, & olim potuerint; hinc sequitur quod Decimæ, quæ ante Concilium Lateranense 3. habitum sub Alexandro III. anno 1179. Laici in feudum perpetuum concessæ fuere, eas tuta conscientia retinere valent. Ita Alexander IV. cap. 2. de Decimis in 6. ait: *Ullas Decimas intelligimus posse a Religiosis de manibus Laicorum recipi, quæ ante Lateranense Concilium ipsis Laici in feudum concessæ non fuere.*

Decimarum infeudatio probatur vel ex ipso fundationis titulo qui Concilium Lateranense præcesserit, vel qui ob veterum titularum excidia merito admittitur ex immemoriali possessione, non tamen quacumque, sed quæ nec vi, nec clam, nec præcario, nec quopiam contradicente habita sit, & constat ex veteribus investituris esse feudalem.

Si Decimæ sive per venditionem, sive per donationem revertantur ad Ecclesiam pure,

& simpliciter sine alio adiuncto titulo, redeunt ad primogeniam suam institutionem; nam tunc non minus, ac initio suæ institutionis censentur res mere Ecclesiasticæ, tamen certo consistit eas iure infeudationis ad laicos pertinere: Decima enim huiusmodi iam immunis est a sæculari iurisdictione, sive remittatur Ecclesiae Parochiali adquam de iure communi spectat, sive alteri Ecclesiae; sive Collegio Ecclesiastico. Neque tunc ubi mos est requiritur Principis licentia. Ita Molinæus, Van-Eſpen cap. 4. n. 44. Si Laicus autem tradat Decimam suam Ecclesiae in feudum, & cum onere feudali, aut Decimale feudum transeat ad Ecclesiam sive per se, sive cum universitate prædii amortizata, semper remanet feudalis, & profana; quia non possideretur Ecclesiasticæ sed sæculariter, id est titulo sæculari, non ecclesiastico.

Circa vero iudicem rerum decimalium, De la. hodie ut plurimum mos est ut de petitorio lus dicat Ecclesiasticus, Sæcularis vero de possessorio. Sic Druetus cit. hic a rum de cimus. Tourneio: & ratio quare cognitio possessorii spectet ad iudicem sæcularem assertur a quodam iurisperſulto; nempe, quia possessio est quid facti, ad ea eamque, quæ sunt facti (ait idem auctor) non extenditur potestas fori Ecclesiastici; cum ad Principem spectet eos restituere, qui suis bonis sint expropriati. Insuper, quia Ecclesia nec indirekte quidem ad damna & interesse dammare potest. Licet tamen iudicium de petitorio, ut plurimum absorbeat a possessorio; nihilominus iudicium de petitorio non ubique vana est & chimerica idea, ut videre est in iurisperſultis. Tournel. cumquo hic frequentius.

TRACTATUS DE SEPULTURIS.

CAPUT UNICUM.

§. 1.

De natura sepulture, & facultate eas construendi.

Nomen sepulture tripliciter usurpatur: 1. materialiter, seu pro loco ubi cadavera mortuorum sepeliuntur & communiter vocati solet sepulcrum Cap. Aurum 69. caus. 12. q. 2. Sopolcra a sepelien-

do ut communiter DD. 2. Formaliter pro actione, ritu, seu officio, quod in sepeliendis mortuorum cadaveribus impenditur, & pertinet ad Charitatem, pietatem, misericordiamque erga Defunctos, ut habetur dum agitur de Charitatis officiis. 3. Pro iure sepeliendi mortuorum cadavera clement. cap. dudum 2. de sepulturis. Et de hac, & de prima sepulture acceptione fermo hic habendus est.

Hinc facile colligi potest, quo pacto differat sepultura a mortuariis, & funeralibus. Nam

Nam sepultura sumpta materialiter accipitur pro loco in quo mortuorum cadavera permanentur humantur; Mortuaria fumuntur pro officiis mortuorum, quæ ablente cadavere celebrantur, ut sunt anniversaria, & familia; Funeralia vero dicuntur officia, quæ præsentem cadavere in actu sepulturæ fiunt. Vocantur autem funera a funibus, eo quia, cadaver olim funibus constringeretur, donec sepulturæ daretur. Observa tamen mortuorum nomen, & funerum sæpe confundi, ac unum pro alio accipi. Ita Bonac. Sylv. cum aliis.

Quod se-
pultura.

Sepultura primo modo accepta est locus auctoritate Episcopi benedictus, in quo cadavera Catholicorum pie decedentium sepeliuntur. Locus sepulture postquam concessum fuit sepeliri cadavera in urbibus, erat atrium, seu porticus, vel aliud terræ spatium prope Ecclesiam qui hodie communiter *Cemeterium* appellatur. Cap. *Præcipiend. tit. 5. causa 13. q. 2. Cemeterium* est nomen Græcum, quod Latine significat *Dormitorium* eo quia ibi requiescunt Cadavera Catholicorum, qui ratione fidei infallibilis finaliter resurrecturi non tam mortui ibi facere dicuntur, quam dormire. Ioan. cap. II. *Lazarus amicus noster dormit.*

Quid ce-
meti-
rium.

Ulus humani cadavera mortuorum prope Ecclesiam non invaluit iam prioribus Ecclesiæ sæculis, quando reddita pace Ecclesiæ publica templa erigi cœperunt, sed iuxta ritum Gentilium Romanorum quibus vetitum erat sepeliri in Civitatibus ex lege duodecim Tabularum, extra civitates sepeliebantur in agris, & ad vias publicas. Et hanc legem innovavit Theodosius l. 6. Cod. *Theodos. de sepulcro violato*: Ibi sepulcra ponebantur, ut & humanitatis insular exhibeant (sunt verba Theodosii) id est exhibeant hominibus fragilitatis, & mortalitatis exemplar sive speciem, vel effigiem. Et cum Theodosio, alii etiam Imperatores Christiani sepulcra in civitatibus prohibuerunt, ne nimio sectore Civitates indigerentur. Van-Elpen. P. 2. Tit. 38. Hæc lex verbatum etiam circa ipsa corpora Apostolorum, & Martyrum, ut eorum reliquie sepulcrum in Civitatibus non haberent. Verum Christiana Religione invalescente permixta tandem fuere sepulcra Apostolorum, & Martyrum corporibus in Civitatibus. Imo ea, quæ durante persecutione extra urbes tumulata fuerant, in urbes postea fuere translata, & honorifice condita. Sicuti vero primitus dum persecutio sæviebat Christiani loca suorum Ecclesiasticorum conventuum habebant ad martyrum sepul-

cra, ut propterea martyria fuerint appellata; sic post persecutionem, non solum templa in civitatibus erigere cœperunt, ubi reponerentur publicæ fidelium venerationi SS. Apostolorum, ac Martyrum corpora, verum etiam religiose servatum fuit, nullam consecrari Ecclesiam sine martyrum reliquiis, ut hoc pacto ipsæ Ecclesiæ ad martyrum sepulcra quodammodo extrui ritu veteri conferrentur, seu potius ut Sedes aut dormitorium martyrum haberentur.

Postquam vero deportata fuere ad Ecclesias in civitatibus Martyrum corpora, ut ibi suam Sedem, requiemque haberent, privati quoque cœperunt desiderare sepulcrum in Civitatibus: partium ex pietate, partim æmulatione & ambitione petierunt apud Martyrum loca sepeliri. Unde sensim sepulcra urbana invaluerunt, donec tandem Leonis Imperatoris Constitutione in Novella 53. data fuit plena libertas vel intra, vel extra urbem sepulcrum eligendi, abrogata contraria lege Civili. Confidentes igitur Christiani se magnum reportaturos spirituales profectum, si apud Martyrum sedes seu sepulcra eorum corpora tumularentur, ut videlicet per coniunctionem cum sanctis etiam sua corpora quodammodo sanctificarentur, ac eorum intercessione iuvarentur, expetere cœperunt eodem spiritu, & desiderare apud Basilicas seu Ecclesias sepeliri, contenti si tantum ad limina eorumdem locorum sacrorum tumularentur. Hoc primorum Christianorum exemplo factum fuit, ut Christianorum sepulcra, non ipsæ Ecclesiæ, sed apud ipsas vestibulum scilicet, seu atrium prope ipsas Ecclesias quæ nunc dicuntur cœmeteria designantur, & concessa fuerint, idque tam intra, quam extra urbes, ubicumque Ecclesiæ Parochiales sive publicæ essent extruuntur.

Apud Romanos quilibet locum suum proprium religiosum reddebat si in eo mortuum sepeliebat aut saltem partem eius principalem puta caput &c. ut ait Iuriconsultus in l. 44. ff. *de Religiosis, & sumptis funerum*. Verum apud Catholicos, qui veram tenent Religionem, quæ nihil sanctum sacrumque cognoscit, nisi divina accedat auctoritas, & dispositio, locus non efficitur religiosus per ipsam humani corporis humationem, sed per Sacerdotales Episcopi præces, & benedictiones prius religiosus redditur, & benedicitur, ut in illum Catholicorum corpora inferantur.

Quandonam cœperit ritus consecrandi, seu benedicendi cœmeteria incertum est. Interim videtur S. Gregorius Turonensis de Gloria sum.

De initiis
consecra-
tionis ca-
metio-
rum.

H h 2

Con-

Confessorum cap. 106. istius meminisse. Credunt aliqui, inter quos Van-Elpen p. 2. tit. 38. c. 2. n. 2. cæmeterii consecrationem cœpisse, sed potius cæmeterium tanquam partem & appendicem, aut verius aream vel porticum ipsius, una quasi consecratione cum ipsa Ecclesia consecratum fuisse; quod innuere videtur Innocentius III. in cap. 7. de consecrat. eccle. Ita enim ibi ait: *Cæmeteria vero in quibus excommunicatorum corpora sepeliuntur per suorum violentiam propinquorum, reconcilianda erunt aspergione aquæ solemniter benedictæ, sicut in Ecclesiarum consecrationibus consueverat.*

Sicut igitur antiquitus Christiani non in Martyrum sepulchris, sed ad limina sepulchrorum martyrum sepeliebantur; imo ut ibidem sepeliri possent loco privilegii habebant, ut antea notavimus: ita quoque non in Ecclesiis, in quibus martyrum corpora requiescunt, sed in cæmeteriis sepeliri corpora mortuorum visum fuit. Van-Elpen n. 26. ib. Sic habetur can. 18. Concil. I. Bracarenensis. Et apud Gratianum *caus. 13. q. 2. can. 55.* ubi hæc leguntur: *Prohibendum est etiam secundum Maiorum instituta, ut in Ecclesia nullatenus sepeliuntur, sed in atrio, aut in porticu, aut in exedris Ecclesiæ. In Ecclesia vero, aut prope altare, ubi corpus, & Sanguis Domini conficitur nullatenus sepeliuntur.* Hoc decretum Gratiani quod refertur nomine Synodi Varenensis, iuxta correctores Romanos non invenitur in Concilio huiusmodi, sed in Concil. Nannatensi anno 850. Ex hoc igitur Canone colligitur tria fuisse loca sepulchris destinata, sed tamen extra Ecclesiam, nempe atrium quod proprie est spatium vacuum, quod remansit ex area sive solo ubi ædificata est Ecclesia, atque ita atrium omnem circumambit Ecclesiam. Hic tamen accipitur pro ea parte, quæ proxima est ianuis, in qua vestibulum est. Porticus, qui est locus deambulandi aptus, ut sunt Claustra Ecclesiarum, & Monasteriorum. Exedrae significatio obtineat est, & verisimile apparet exedras constituisse partem murorum Ecclesiæ, atque fuisse loca circa Ecclesiam constructa in muris Ecclesiarum, in quibus sedere liceat, ut nunc quoque aliquibus in locis cernitur. In muro igitur illo prominenti cum nonnulli deinde sepeliri cœpissent, cameras quoque & fornices constituiebant in exedra, in quibus eorum corpora conderentur, quæ cameræ teste Baluzio etiamnum plures videntur in circuitu Ecclesiæ Tutelenfis. Van-Elpen tit. cit. cap. 2. n. 29.

In his igitur tribus locis concessum fuit

a cit. Nannatensi, ut Christianorum corpora sepelirentur, & neutquam in Ecclesia, sicuti etiam ab aliis Conciliis statutum fuit, & præcipue ab Arelatensi 6. anno 813. can. 31. & in Capitularibus Caroli Magni, ut in primo eorumdem lib. cap. 158. legitur. Sub idem tamen tempus habetur cœpisse non tantum Episcopis & Presbyteris sed & quibusdam Laicis honoris causa ob merita ipsorum piæ vitæ concedi in Ecclesiis sepultura, quæ exceptio habetur in pluribus illius ætatis Decretis. Verum cum vitæ merita ob quæ hæc prærogativa esset indulgenda determinata non essent, hæc exceptio latam aperuit viam Laicis ambiendi sepulchram in Ecclesiis, & Sacerdotibus plenam eis annuendi libertatem. In eo cum ex sepulchris intra Ecclesiam frequenter notabile emolumentum recunderet in Sacerdotibus, cum vel Laici honorationem dom locum sepulchrae recipere, in faciendis oblationibus erant liberaliores, vel etiam ipsi Sacerdotes pro locis honorabilioribus prærium exigere non erubescerent, ut ex Decretis contra hanc Sacerdotum exactionem editis abunde constat; hinc eo magis usus invaluit, ut Laici sepulchras haberent in Ecclesiis. Ex hac Sacerdotum cupiditate, & Laicorum ambitione disciplina antiquitus tam religiose servata de non sepeliendis mortuis in Ecclesiis incredibili velocitate prorsus interiit, ipsaque Ecclesiæ facta sunt cæmeteria quorumcumque divitum, relictis cæmeteriis ad solam pauperum humationem. Van-Elpen tit. codem n. 32. & seqq. & quod lacrimabilius est, adeo excrevit divitum Nobilium ambitio, ut generosis oblationibus Clericorum Religiosorumque cupiditatem induxerit ad eis concedenda ipsa Altarium Suppedanea, cuius abusus nunc quoque cernuntur vestigia. Hunc abusum curavit tollere Sacra Congregatio Episcoporum & Regularium præcipiendo pluribus suis decretis ut in Intramensi 14. Septembris. 1593. In Trebulan. 8. Februarii 1694. In Meslaniensi 2. Maii 1601. ne cadavera sub gradibus, & Bradeliis Altarium sepeliuntur, declarando simul quod si constructa reperiantur, suspensa Altaria sint, ut ibi divinum Sacrificium celebrari nequeat, ut in Intramensi 10. Novembris 1599. donec ammotis offibus sepulchrae terra repleantur, & muro obstruantur. Insuper S. Pius V. ad tollendam omnem indecentiam venerabili Ecclesiarum religiositati cum sua constitutione s. iussit, cadaverum capite deposita, seu conditoria in Ecclesiis super terram exi-

Quando
cœperunt
sepeliri
laicos omnes
in Ecclesiis.

existentia omnino esse removenda, & cadavera defunctorum in tumbis profundis intra terram collocari debere: nam solis Summis Pontificibus competit prerogativa, ut eorum corpora sepeliantur in conditoriis elevatis a terra, ut videre est in Basilica Vaticana, ut ne quidem Personae Regales, hac gaudeant prerogativa sicuti novissime visum fuit in Christina Regina Suecorum sepulta in eadem Basilica subter terram. In dista tamen S. Pii V. dispositione non comprehenduntur monumenta muris, seu columnis adhaerentia praeterim anoticis cadaveribus, quia haec nullam indecentiam, imo magnum ornamentum Ecclesiis afferunt. Sic Sacra Congregatio in Mantuana 13. Octobris 1599.

Nec tantummodo sollicita fuit Ecclesia, ut huiusmodi tolleretur abusus, sed insuper enixe studuit etiam, ut in his temporibus per Canones Conciliorum, quae identidem fuerint celebrata, suam veterem maxime laudabilem restitueret disciplinam, & non nisi necessitate temporum quodammodo cogente factum fuit, ut aliquando recederet, ac de ea remitteret; & revera anno 1593. inculcavit veterem disciplinam de non sepeliendis cadaveribus in Ecclesiis cap. *Sepultura*, idemque decrevit eodem anno in Concilio Burdigalensi cap. 30. ubi inter gravissimos abusus circa sepulturas recensuit hanc promiscuam sepeliendi in Ecclesiis timentiam, ac statuit, ut in Ecclesiis nulli deinceps sepeliantur, nisi fuerint Sacerdotes, prout iura praescribunt, vel sacris initiati, & Religiosi, nec non Ecclesiarum Patroni. Alii autem qui Nobilitate & meritis in Deum Religionemque commendabiles fuerint ad id cum licentia Episcopi admittantur. Ceteri vero in Cimiteriis, quae olim etiam illustriores non aspernabantur sepeliri mandantur, & ut his conlucant quae S. Carolus habet in Concilio Mediolanensi 1. p. 2. cap. 61. & in Mediolanensi 4. p. 1. cap. 13. in quo vetat, ut praecipue in Choro, & prope Altaria non habeantur Sepulcra, nisi saltem distent ab Altari, ut Bradela Altaris distet ab ore sepulcri spatium ad minus trium cubitorum.

Porro inspecta hodierna Ecclesiae disciplina locum eligere Sepulturae propria auctoritate ab Ecclesia non competit nisi solis Fundatoribus, & Patronis, quod computatur inter iura honorifica; aliis vero designandus est ab iis qui Ecclesiis praesident, earumque curam habent: verum circa hoc attendenda

Instit. Theol. Moral. Tom. III.

est Ecclesiarum consuetudo; non facile tamen in simili negotio Parochus negligendus est, cum ipsi Gentiles Romani curam Funeralium Pontificibus tanquam rerum sacrarum Ministris detulerint. Van-Elpen.

Sepulturae constructi possunt in quovis loco Religioso, idest ubi Divina Officia celebrantur, & est communis ut in cap. *Fraternitatem* 3. de *Sepulturis* cap. *Animarum* 1. imo in loco etiam minus Religioso, idest ubi Divina Officia minus frequenter celebrantur, & haec pariter est communis cap. *Cum quis* 2. ff. *Si quis de Sepulturis* in 6.

Pro iure Sepulturae, seu pro loco, aut fundo constituendae Sepulturae, idest pro iure ut aliquis certo loco Ecclesiae, vel cimiterii sepeliatur, Clericis etiam atque etiam vetitum fuit per Sacros Canones terram pro sepulcro vendere, ita ut citra simoniae vitium nihil hoc titulo seu nomine tanquam praetium peti, seu percipi potest, nec quoquo modo pro Fidelibus sepeliendis munera exigere, cum hoc maxime repugnet Religioni, cuius est praecipuum officium cura Defunctorum, & cum magna religione illud servatum fuit, non solum a Iudeis, sed ab ipsis Gentilibus Romanis: possunt tamen Ecclesiastici recipere si quid sponte libere, aut ab ipsis defunctis dum viverent, vel ab eorum haeredibus post mortem pro elemosyna, vel luminaribus oblatum fuerit. Ceterum peti aut exigi omnino est vetitum, ne aut venalis dicatur sepultura, aut Clerici de hominum interitu gaudere videantur, si ex illorum cadaveribus studeant habere compendium. Et revera spirituale, quale est sepultura, in tali casu pro temporali venderetur; nec obtentu cuiusque consuetudinis reatum quis excusare poterit; ita canon. 22. 13. q. 2.

Apud Romanos moris fuit, ut quis non tantum sibi, sed etiam familiaribus, & haeredibus sepulcrum construeret; & dicebantur familiaria Sepulcra, quae Familiae suae quis constituit, haereditaria autem quae sibi, & suis haeredibus. Hic mos transiit ad Christianos, & hodie frequentia sunt familiaria Sepulcra. Ius autem Sepulcri acquiritur vel ex constructione sepulturae in Fundo alicui a Clericis, vel ab altero cui haec spectat, vel ipsius Ecclesiae in propriis fundis aedificatione donato, & tunc Sepulcrum dicitur iuris Patronatus: quod ius Sepulcri cum iure Patronatus transit ad haeredes, & successores, sicuti etiam si Fundus in quo Ius Patronatus vendatur alicui siye donetur, transit cum iure

Hh 3

Fun-

Fundi ius etiam Patronatus, & cum hoc ius Sepulcri in aliam familiam, ita ut hæredibus venditoris, seu donatoris Ius Sepulcræ ulterius non competat. Nec hoc repugnat Religioni, quia licet proprietates & dominium Sepulcræ a nemine acquiri possit, eo quia Sepultura sit quid religiosum, & in nullius boni sit, & extra commercium hominum dicatur, & ob id acquiri, nec possideri valeat lege *Quamquam ff. de aqua pluviali arcenda l. Si Sepulcrum Cod. de Relig. & Sumpt. Funer.* & ita communiter Doctores; Ius tamen, & ulus Sepulcræ, si ve sepeliendi acquisibile est, ita ut qui acquisivit, ideo sepelli possit, ac ne cæteri illic sepeliantur prohibere *l. 2. ff. Usufructu legem familiariam C. & est communis apud Doctores*. Ad hoc autem uti ius Sepulcræ acquiratur privative quoad alios, secundo iure Patronatus, requiritur licentia ædificandi ab initio Sepulcrum una cum ipsa ædificatione subsecuta: ita Barbofa *de Off. & Potest. Parochi p. 3. cap. 26.* & alibi cum aliis; nec censetur ius sepulcræ acquisitum ex solo cursu decenalium ex cadaverum illatione, ut Sacra Congregatio in Burgenfi ac Calaguritana Sepultura 21. Maii 1626. Barbofa *loc. cit. & alii*; nec pariter Ius Sepulcræ acquisitum censetur privative quoad alios, iure Patronatus quod quis habet in Ecclesia, ut Barbofa *loc. cit.* Concessa enim simpliciter Capella non dicitur concessum ius Sepulcræ, prout fuit resolutum in Avinionensi concessionis Capellarum 23. Ianuarii 1587. Sed si Patronus in loco patenti dicitur Capellæ pœneret Sepulcrum Episcopo, seu Rectore Ecclesiæ non contradicente præsumeretur licentia tacita. Sic Rigatus in *praxi part. 1. de Sol. 39. n. 6.* qui ad tollendas differentias dat cautelam Notariis, ut in huiusmodi contractibus apponant clausulam cum iure funerandi. Censetur tamen ius quæsitum, & pro tali probatur esse commune familie ex impositione Litterarum, & stematicum inscriptione, quæ demonstrant, rem esse de pertinentia eius, cuius sunt stematica, cum imprimi non potuerint, nisi de voluntate Prælati Ecclesiæ, qui spectat cura rerum huiusmodi. Ita Mascard. *de probationib. Concl. 1297.* Barbofa.

Quamvis autem nihil exigi possit, tamen premium pro iure sepulcræ, si ve ut aliquis in certo loco Ecclesiæ vel cœmeterii sepeliri possit, cum hoc sit simoniacum; usus tamen vendendi Capellas pro inibi construenda sepultura non est simoniacum, quia tunc id, quod retribuitur est per modum

elemosynæ ad reparationem Ecclesiæ, vel ad sustentationem ministrorum illius, & non pro prætio, sicuti datur præmium pro divinis officiis, & missis celebrandis: Barbofa *de offic. & de potest. Parochi*, Portellus, Suarez, & alii. Sic pro oblatione maioris, vel minoris summæ pecuniæ concedi solet honoratior locus digniorque situs, & amplioris momenti sepulcrum construendi licentia; cum hoc non videatur respicere spiritualia, sed tantum honorem, & præminetiam, quæ potest prætio æstimari, & vendi. Situs enim honorabilior, & amplior, non est necessarius ad sepulcrum, ac proinde non venditur sepultura, nec sacrum; & Ecclesia habet Cœmeterium ubi gratis fideles sepeliuntur. Sic Barbofa *loc. cit.* cum plurimis, quos ibi citat, & est communissima.

Porro concedi potest situs recepta aliqua contributione donationis titulo sine beneplacito Apostolico pro construenda Capella vel sepultura, non obstante dispositione Concilii Tridentini & Sacrorum Canonum & præcise *Extravagantis ambrosiæ* prohibentis alienationes bonorum, & iurium Ecclesiasticorum. Si vero concedatur usus privativus Capellæ seu Sepulcræ iam constructæ, cum sit vera alienatio, requiritur beneplacitum Apostolicum. Hinc Regulares recurrere solent ad S. Sedem pro cuiusmodi concessionibus. Ita tenet Card. Petra t. 5. Commentar. ad Constit. Pauli II. sec. 2. n. 19. Navarr. Donatus, Mattheucci officialis Curie cap. 45. *Quoad res Ecclesiarum, & Monasteriorum non alienandas n. 23.* & alii plures.

Qui habet sepulcrum pro se & suis successoribus constructum, sine labe simoniæ eam vendere potest quoad materiale fundi; & habito respectu ad solas expensas factas in illa ædificanda: non enim ibi venditur aliquid spirituale, cum non vendatur benedictio; consecratio sepulcræ, sed solum illud materiale fundi, ad quod alia sequuntur; quia loca similia iure hæreditario de parentibus in filios transferuntur ratione temporalitatis in eis remanentis & existentis. Ita Barbofa, Lamberti, Suarez, Sanchez, alique.

Si Sepultura vel Capella alieni sit concessa pro se, & suis descendentibus, Conventus, seu Monasterium, ac aliquibus tale ius competere in Ecclesia ubi extat Capella, & sepultura sic concessa, illam eis auferre nequit, cum talis sepultura reputetur ut domicilium, cap. *Ebron 2. caus. 12.*

sa 13. q. 2. Quare non secus ac domicilium proprium habens in politicis ius tenet, ut nisi ipso consentiente suum domicilium alius ingrediat: sic habens sepulturam pro se, ius habet quod nullus alius, qui non sit saltem ex sua cognatione sine suo assensu in propria sua sepultura humetur; & hoc legitime impedire potest l. 2. *¶ usumfructum ff. de Religio. & sumpt. funer.* quia utitur iure suo. Episcopus tamen, ut in Rector Ecclesie dispensare potest, ut in casu necessitatis quis in alterius sepultura sepeliatur, etiam patrono ipso dissentiente: & ratio est, quia Patronus in tali eventu censetur irrationabiliter invitus. Ita Sylv. Bonacina & alii. Si vero non addit dispensatio, & Patronus sit rationabiliter invitus sepeliri nequit; imo qui cadaver ex uno loco in locum alterius transtulit invito Patrono, cogi potest illud auferre, aut loci prærium solvere ut ex l. *quis intulit ff. cit. de Religio. &c.* Extinctis vero Domino, & illius descendentes extinguunt tale ius; nam extincto usufructuario usus ille reddit ad proprietarium libere, l. *penult. Cod. de usufruct. & l. si habitatio §. fin. de usu, & habitus.* Unde Conventus, vel alii, ad quos spectat ius Ecclesie, sepulturam alteri concedere potest.

Arma seu insignia in Ecclesia, vel Capella aut sepultura posita a Fundatore primario, nullo modo amoveri possunt, aut mutari, ne quidem ab eius hæredibus, sed eandem ibi perpetuo remanere debent in eius memoriam. Potest etiam novus hæres alterius familie suæ etiam arma, & insignia ibi reponere simul cum illis primi fundatoris, cuius quoque inscriptio permanere debet perpetuo. L. *qui liberabit §. nec eius nomine ff. de operibus publicis.*

Ius Sepulturæ amittitur per simoniam, per Rectoris occisionem, per crimina hæresis, & læsæ maiestatis, aut si vivus in ea sepeliatur, & aliis eiusmodi viis, de quibus Lambertin. de iurepatron. l. 3. q. 8. art. 2. Barbosa loco cit. n. 39.

Violatores Sepulturæ, pro quibus veniunt, qui Sepulcrum non tantum violant, sed inde etiam monumenta, vel alia auferunt, vel Cadavera effodit, & spoliat, l. *si Sepulcrum 2. l. Præter, cit. de Sepulcro violato, præter infamiam, quam incurrunt l. 1. ff. ea cod. puniuntur, poena multantur.*

Ex iam dictis facile colligi potest quibus competat ius concedendi situm, seu locum pro construenda sepultura, nempe his qui ius habent in Ecclesia, vel cimiterio, ubi

quis cupit construere sibi sepulcrum, & posteris suæ familie. Ius vero construendi sepulturam conferri debet ab Episcopo, ut ex Bulla S. Pii V. quæ incipit *Cum pridem* edita anno 1566. Habetur enim in dicta Bulla, quod corpora supra terram existentia in profundis infra terram collocanda sunt, & funerandi ius, ac construendi sepulturas ad Episcopos pertinere; ideoque sequitur, Canonicos hanc facultatem non posse concedere; quamquam alicubi Canonici, ac etiam Parochi in sua Parochiali concedere soleant, ac concedant, & hoc iam in usu receptum est. Cum enim Parochus ius habeat sepeliendi in sua Ecclesia; ideoque videtur habere etiam ius concedendæ sepulturæ. Sic Bonacina cum aliis. Habens Ecclesiam in commendam temporalem non potest concedere in dicta Ecclesia facultatem construendæ sepulturæ, eo quia sit potius procurator, & custos illius Ecclesie, quam Prælati. Ita DD. cit.

Provinciales Regularium concedere possunt in sua Ecclesia facultatem construendæ sepulturæ: hi enim sunt Prælati habentes iurisdictionem quasi Episcopalem intra limites suorum privilegiorum; ut hic notat cit. Bonacina.

§. II.

De his qui sepeliendi sunt in loco sacro.

In loco sacro sepeliendi sunt Catholici omnes, nisi iusta de causa prohibeantur, quia sepultura Ecclesiastica instituta est pro Christi fidelibus. Et sic habetur in *cap. de Eccle. consecr.* Christi enim fideles sepeliendi sunt in loco sacro, quia magnum ex hoc percipiunt emolumentum, & non leve damnum existimatur fidelibus resultare ex privatione beneficii ecclesiasticæ sepulturæ. Nam primo magnam effugiunt infamiam, qua gravantur exclusi ab Ecclesiastica sepultura. 2. Non vexantur a malignis spiritibus. 3. Participes sunt suffragiorum, ac orationum, quæ eo in loco fiunt pro defunctis ibi existentibus. 4. Iuvantur intercessione Sanctorum, in quorum honorem Deo ille sacer locus dicatus est, & quorum reliquie ibi quiescunt. Ita S. August. l. *de cura pro mortuis*; & habetur cap. 13. q. 2. aliisque in locis.

Dixi omnes Catholici, ad exclusionem eorum, qui sunt extra Ecclesiam cum hi per sacros canones ab ecclesiastica sepultura excludantur; quia cui non communicavimus vivo, nec communicare debemus mortuo.

H h 4

Verum

Propter
violato
rum Se.
pulcri.

Verum cum excludantur ab ecclesiastica sepultura ii tantum, qui sunt extra Ecclesiam, privandi non videntur ecclesiasticæ sepulture honore Catechumeni, utpote qui cum fieri velint Christiani, non censendi sunt Infideles. Nam etli baptismum adhuc non susceperint actum, mortui tamen sunt, ut supponitur cum voto Baptismi, & iam habentur pro fidelibus: & ita sentit Samuel cum Gobat contra Laymannum, aliosve. Sine ulla tamen controversia privandi sunt ecclesiastica sepultura omnes ex hac vita decedentes sine baptismisive in re, sive in voto, ut sunt Iudæi, Turcæ, & Pagani cap. Eccles. 26. Item Infantes etiam Catholicorum certo decedentes sine baptismis. Si vero dubium sit, an valide, vel non sint baptizati, non privandi sunt Ecclesiastica sepultura. Sic Engel, Reiffenst.

Dixi, nisi iusta de causa prohibeantur: cum aliqui sint baptizatorum, qui privari possunt; imo secundum præscriptum sacrorum Canonum privandi sunt Ecclesiastica sepultura. Et primo Hæretici, & Apostatæ si in hæresis, & Apostasiam contumaciae vivis decedant, necnon eorum receptores, fautores, defensores, &c. cap. excommunicamus 13. §. credentes de Hæreticis, licet eorum hæresis solum post mortem sit detecta cap. sane 6. caus. 24. q. 2. Item notorie excommunicati; cap. de communione 1. caus. 24. q. 2. Cap. Sacris 12. de Sepulturis; nisi in articulo mortis signa dederint poenitentiae, ac per eos non steterit quominus non fuerint absoluti. In tali enim casu etiam post mortem ritu Ecclesiastico sunt absolventi, & sic possunt ac debent sepeliri in loco sacro; cap. a nobis 28. de sentent. excommunic. in 6. Item interditi notorii, & denunciati Clement. 1. de sepultur. Et hoc generaliter intelligitur de omni interdito live locali, sive personali; ut ex cap. Cum & plantare 6. Quod si Templarii de privileg. & alibi.

Publici, & manifesti usurarii, nisi alie num restituerint, vel dederint idoneam de restitutione cautionem cap. quia 4. de usuris cap. quamquam 2. cod. in 6. Manifesti raptores, ac Ecclesiarum violatores; cap. super eo 2. de Raptorib. Secus vero dicendum si sint occulti, & confessi, ac per se, vel per alium restitutionem fecerint, ut ex cit. cap. Decedentes in Torneamentis cap. Felices 1. & cap. ad Audientiam 2. de Torneamentis, vel in Duello, ut habetur in Rituali Romano edito iussu Pauli V. etiam si dederint signa poenitentiae. Secus si post in-

tervallum unius, vel alterius diei, cum poenitentia talis moriatur. Ita quamplurimi DD. Qui per annum integrum confiteri, & sacram synaxim tempore Paschatis suscipere neglexerint, sine iusta causa; si non fuerit prorogatio de consilio Confessarii cap. Omnis utriusque sexus 12. de poenitent. & remissio. Publice blasphemantes Deum, & sanctos, præcipue B. V. Morientes impenitentes, vel si poenitentiam eis iniunctam non impleverint cap. statumimus 2. de maledictis. Decimarum Ultraportes si Ecclesiae eas non restituerint cap. Prohibem. 19. de Decimis. Afflicti extremo supplicio pro patris scelerebus, si signa non dederint poenitentiae. Cap. placuit 2. 3. qu. 3. Secus si dederint; ut colligitur etiam cap. Fures 13. q. 2. ubi sermo est de furibus, & latronibus in flagranti delicto occisis, quibus conceditur communio, si per confessionem signa dederint contritionis. Ita Menochius, Laymannus, Bonacina cum aliis.

Meretricibus publicis, quæ ad meliorem frugem non redire communiter datur sepultura asinina, ait Bonac. vel ob consuetudinem locorum, vel ob interdictionem, quo multari solent, qui semel in anno tempore Paschali sacramenta poenitentiae, & Eucharistiae non susceperunt iuxta cit. caput Omnis utriusque sexus. Et ita Sylvest. Barbosa in collect. cap. ex parte num. 5. de sepult. & alii, qui idem statuunt quoad omnes alios, qui impenitentes decedunt, ut in peccato fure, fornicationis, adulterii, & huiusmodi notoria, ut ita communiter DD. ex cap. quibus peccata 16. caus. 13. q. 2. cap. Non æstimemus. Verum standum esse quoad hæc peccata, ac alia eiusmodi notoria consuetudini locorum, notat Bonacina.

Tandem carere debent Ecclesiastica sepultura senectipus impatientia, ira, desperatione & alia simili causa voluntarie occedentes: cap. Placuit 12. caus. 23. q. 3. Indubio vero an se ipsum occidit scienter occiderit, scienter præsumit seipsum occidisse, nisi constet ante amentem fuisse, aut furore tantum: dura enim constat de iniussu in se ipsum lethifero actu, & dubitatur de excitatione; nec constat post lethiferum actum dedisse signa contritionis, præsumendum est de iniussu actu. Sic habetur in cit. cap. Placuit 73. q. 3. ubi expressè habetur, eos, qui seipsum ferro, veneno, laqueo, aut alio modo violenti occidunt donando non esse Ecclesiastica sepultura, nec pro ipsis publice orandum, cuiusmodi esset ille, qui inveniretur laqueo suspensus in cubiculo ianuis intus clausis, cum quo nemo morabatur; quia tunc mas-

est

est præsumptio & vehemens coniectura, non ab alio occisum fuisse, ut non pauci cum Bonacina: ex opposito vero si quis invenitur in puteo immeritus, aut laqueo suspensus, veneno aut ferro interfectus, advertunt Navarrus, Bonac., Reiffenstuel, Socinus, & alii non privandum sepultura Ecclesiastica; nisi aliunde constet seipsum voluntarie & sui, seu rationis compotem occidisse. Hoc enim in dubio non est præsumendum; cum in dubio delictum, tam grave præsertim, non præsumatur l. Merito 32. pro socio. Tum quia per insidias ab alio potuerit in puteum, vel flumen proici, ferro, aut veneno interfici, ut bene notant cum aliis cit. DD. Signum vero sufficiens suspicandi, quod in tali casu, si per se ipsum mortem belli intulerit, id fecerit ex alienatione mentis, est, si antea animadversus sit degenisse in Melancolia. Item si mane confessus sit, communicaverit, & postea violenta morte inveniatur interfectus. Verum advertunt aliqui ut in tali dubio, si commode fieri possit expectetur Episcopi iudicium.

Idenque dicendum de reo non confesso, nec legitime convicto, qui mortuus reperitur in carcere, scilicet non statim censendum esse indignum Ecclesiastica sepultura; cum talis non sufficienter probetur, quod sit malus, aut a se ipso, aut a Dæmone occisus, quia semper præsumendum est pro reo, & pro innocentia. Multa enim sunt mortis naturalis argumenta, ut tortura, carcer, vincula, tristitia & huiusmodi; quia dicit S. Augustinus de Civit. Dei l. 19. cap. 6. *et si non morte puniantur in ipsis, etiam ex ipsis tormentis moriuntur*. Quocirca in hisce casibus attendendæ sunt omnes circumstantiæ talis mortis, personæ videlicet, loci, & temporis ad dignoscendum, an quis a se ipso rationis compotem, vel ex amentia, seu mentis alienatione, aut ab alio, seu a Dæmone sit interfectus, & sic an Ecclesiastica sepultura sit privandus?

Item ecclesiastica privandi sunt sepultura, & dandi asinum Regulares omnes utriusque sexus proprietarii, si moniti a Superiore absque emendatione, & poenitentia decesserint cap. Monachi 2. cap. super quodam 4. & alibi.

§. III.

De culpa, & pœna sepelientium in loco sacro eos qui prohibiti sunt ab Ecclesiastica sepultura.

Omnes quamvis exempti, & privilegiati, qui scienter sepeliunt aliquem tempore

interdicti, vel aliquem nominatim excommunicatum, vel manifestum usurarium aut Hæreticum, vel Apostatam, ac Hæretici defensores, fautores, receptores, peccant mortaliter, & eo ipso maiorem incurrun excommunicationem; Clemens 1. de sepulturis; & cap. Quicumque. Sepelientes autem alios sepultura indignos, quos antea notavimus, ut Suicidas, decedentes in mortali, infantes non baptizatos, Paganos, Iudæos, ac impenitentes in peccato notorio, Religiosos proprietarios &c. peccant quidem mortaliter, utpote in gravi re agentes contra Ecclesiæ prohibitionem, & possunt ab Episcopo pœna arbitraria puniri, utpote qui legum Ecclesiasticarum transgressores multare possunt; non tamen pœnam excommunicationis incurrun; cum talis lex ut pœnalis non sit extendenda ultra casus, & personas expresse l. interpretatione 42. ff. de pœnis.

A tali tamen pœna etiam ex prædictis aliquem sepelientes excusantur, si ex ignorantia, vel gravi metu coacti id faciunt; Clement. 1. de sepulturis; sicuti etiam a tali pœna eximuntur, qui tempore interdicti sepeliunt in casibus a iure, vel ab Apostolicis privilegiis concessis. Sic Glossa in dicta Clement. Verbo a tunc Reiffenst. alique. Nomine sepelientium veniunt terram aperientes, in sepulturam mittentes, aut concedentes, vel procurantes, Anchoran. in cit. Clement. 1. 1. de sepulturis cum plurius aliis. Item cooperantes, associantes, seu Crucem portantes, & luminaria. Sic idem Anchor. quia omnes isti participant in crimine gravi. Cap. Nuper & alibi.

Cadavera excommunicatorum, denuntiatorum, Infidelium, Iudæorum scilicet, & Paganorum sepulta in loco sacro, etiam si in ossa resoluta, dummodo secerni possint, debent iterum exhumari; & Ecclesia ob talem sepulturam polluta reconciliari. Est communis apud DD. ex cap. Sacris 12. de Sepulturis & cap. consultis de Consecra. Ecclesiæ. Donec autem prædicta excommunicatorum, vel Infidelium Cadavera exhumantur, & Ecclesia seu Cœ. eterum reconciliatur, nemo ibi sepeliri potest, ut communiter ex cap. Unico de consec. Ecclie. in 6.

Excommunicati absoluti in articulo mortis quia dederunt signa poenitentiae & præstita sit etiam cautio per hæredes de restituendis damnis, quatenus resecta non fuerint, datur facultas ab Episcopo, ut tradatur Ecclesiasticæ Sepulture per eius Consecratum. Sacra Congreg. immunit. in S. genti.

geni. 5. Aprilis an. 1661. Cadaver vero excommunicati, qui non solum dedit signa Patientie, sed etiam decessit munus Sacramenti, Episcopus tradat Ecclesiastica Sepultura ad normam Cap. A nobis de sentent. Excommunicat. Sacra Congregatio immunitatis in Catae. 19. Novembris 1647.

§. IV.

De non impedienda Sepultura.

Size Sepultura nisi iusta habeatur causa impediri nequit, quia impediri nequit opus Charitatis, & Misericordiae, ut est actio sepeliendi mortuos, & quia pluribus in locis hoc vetitum est, & in iure civili, a quo contra impediendum sepulcrum latae sunt multae poenae l. fin. cap. de Sepulcro violato, ubi contra creditorem impediendum Sepulturam sui debitoris praetextu crediti exigendi imponitur poena privationis crediti: idcirco aliquibus in locis statuto cautum est, ut agnati, vel cognati debitoris mortui non conveniant infra novem dies ad solvendum debitum, ne hoc passio protrahatur, & impediat debitoris Sepultura, ita Covarruvias cap. ult. de Testamentis Farinacius, Gratianus, & alii.

Dixi nisi habeatur iusta causa; nam iusta causa extante, patet manifeste impediri posse, ne cadaver in loco sacro sepeliatur, quod enim ex iusta sit causa, rationaliter, & prudenter sine culpa fieri censetur. Iusta autem causa extat impediendi, aut denegandi sepulturam non solum in casibus antea expressis, sed etiam 1. quando Princeps iusta de causa ad terrorem aliorum vult corpus delinquentis suspensum remanere in patibulum, modo re ipsa gravis subest causa id faciendi: ita Clarus cum aliis, quos hic citat Bonacina. 2. Quando quis furripuit, aut usurpavit decimas Ecclesiae, nec eas restituit, ut patet ex cap. Prohibemus de decimis. Secus vero dicendum si quas solvere tenebatur non solvit; huic enim Parochus Ecclesiasticam sepulturam denegare non potest, nisi aliud ferat loci consuetudo, cum poena huc non sit in iure expressa. in cap. Prohibemus, ubi sermo habetur de Laicis, qui sibi vindicant decimas Ecclesiasticas, non vero de non solventibus; ita Bonac. cum Navar. & aliis ab eo citatis. Ad illud vero quod hic queri possit, an in dubio impediri queat Ecclesiastica Sepultura, respondetur non posse, quia sepultura obineommoda, quae communicati oriri possunt ex corporis insepulti corruptione

non admittit dilationem; imo si mora lite dissentio esset inter partes, an mortuus sit sepeliendus ob allatam rationem, censet Bonac. esse sepeliendum, etiam si pars adversaria appellaverit a sententia, & ita Glossa, Ancharanus, & alii asserentes sententiam non suspendi per appellacionem quoties res tempore perit.

§. V.

De loco in quo quisque sepeliendus sit, an scilicet in Parochia, an alibi.

Corpora fidelium, ut vidimus, sepelienda sunt in loco sacro; verum non satis est ut in quolibet loco Sacro sepeliantur, sed quisque regulariter loquendo sepeliendus est in sua Parochiali, nisi sepulturam alibi elegerit, aut aliud ferat locorum consuetudo.

Dixi nisi Sepulturam alibi elegerit, ut distinguatur Eideles alibi sepeliri posse, si alibi sepulturam sibi elegerint; nam licet olim de iure communi Sepulturae construi, & eligi potuissent tantummodo in Ecclesiis Parochialibus, eorumque Cæmeteriis, utpote solis habentibus fundatam pro se intentionem, sic Parochiani omnes ibidem sepeliri debebant ut in cap. Nos instituta 1. Cap. in Nostre 10. de Sepulturis & alibi in iure Canonico. Hodie etiam in Ecclesiis Regularium ex speciali privilegio iuri communi inserto Fratibus Prædicatoribus, & Minoribus concessa in Clement. Dudum Huiusmodi; & extravag. super Cathedrali 2. B. Huiusmodi de Sepulturis, quo privilegio gaudet omnes Regulares tum per communicationem privilegiorum, tum per speciales concessionem, quas a S. Sede obtinere, ut videri potest in privilegiis Regularium. Excipiuntur tamen Ecclesiae Monialium, in quibus cæterquin facile concedit Sacra Congregatio licentiam Sepulturam construendi, & sepeliendi, sine qua etiam Sepultura constructa esset, non posset tamen in ea Persona, ulla Sæcularis tumulari, & in casu quo ex tali obtenta facultate quis Sæcularis ibi sepeliatur, Parochus comitatus debet funus usque ad Portam Ecclesiae, in qua complendus est funus a Confessario. In casu vero quod quis ob defectum licentiae sepeliri non posset in Ecclesia Monialium iuxta suam voluntatem, & electionem, & non haberet Sepulcrum Maiorum, sepeliendus esset in Parochiali, ut ex l. si se non obis 5. §. 6. ff. de re iudiciaria, cap. Illud 8. de Iure Patronatus.

Unde

Unde quisque usū sufficienti pollens rationis Sepulturam sibi eligere potest in Ecclesia, Claustro, Capitulo, Sacrilia Regularium, vel in Cimiterio, aut Ecclesia Sæculari (modo iure non prohibeatur, ut sit in Religiosis, in puberibus &c.) aut etiam in Ecclesia Monialium cum debita licentia, non tamen in ipsarum clauistro. Ita communiter Doctores, & sic colligitur ex cap. *Uxore*, & ex Cap. 15. *Qui de Sepulturis in 6.* & alibi. Quæ sequitur

1. Habentem domicilium in aliquo loco ibi sepeliendum esse, nisi alibi sepulturam elegerit; si vero habeat duo domicilia sepeliendum est in loco domicilii, in quo ex hac vita decessit, nisi alibi sepulturam elegerit; tunc enim prævalet illud domicilium, & sicuti ibi degens, Sacramenta ibi reciperet, ita ibi moriens ibi sepeliendus est. Sic qui habet domicilium hyemale in civitate, & æstivum ruri, ut æquali tempore vel in uno, vel in alio habitet, sepeliendum est in Parochia, in qua decessit, quia hic est in eodem casu cum eo, qui in duobus locis æque principale domicilium habet, & sic efficitur utriusque Parochianus, ideoque sepeliri debet in ea, in qua decessit, cum ea sit ei pro tunc vera Parochia cap. *ex Parte cap. in Nostra* 10. *de Sepulturis*.

2. qui revocavit Sepulturam, quam semel elegit sepeliendus est in Sepulcro suorum Maiorum, vel in Ecclesia Parochiali, quia tunc perinde se habet ac si antea sepulturam non elegeret. Electio enim Sepulturæ revocari potest, cum redeat naturam ultimæ voluntatis, quæ ambulatoria est usque ad mortem: sic Sylvester, Bonac. & alii. Nomine Maiorum ad hunc effectum veniunt Pater, Avus, Protavus, & alii ascendentes in linea recta l. *Iuris consultus* 10. §. *de Gradibus*, Barbofa de officio, & *Potestate Parochi*. Si vero Maiores non omnes in uno, eodemque sepulcro sepulti fuerint, sed in diversis, puta Avus, Protavus, Abavus in uno, Pater in alio tunc iuxta Glossam in cap. *is qui in 3.* Antiquus de *Sepulturis quis est*, vult Sylvester cum aliis tum Theologie, tum Canonis, quod Filius decedens non electa sepultura sepeliendus sit in Sepulcro Maiorum, nec alias Patris, nisi Pater pro se & posteris aliam elegeret Sepulturam, & ita tenent ex eo quia in iure semper locutio fiat in plurali, ut in cap. *Nos instituta de Sepulturis*, ubi sic: in *Maiorum suorum Sepulcris*, cap. *Fraternitatem* 3. eodem, ubi habetur, *Patrum, aliorum-*

que Parentum Sepulcris, quo nomine veniunt etiam Maiores l. *Iuris Consultus* 10. §. *de Gradibus affinitatis*, ubi Patres usque ad Triticum nominantur, & cap. *cum quis 2. de Sepulturis in 6.*

Alii tamen permulti contrarium sentiunt, ac sistent, nempe quod si Pater ex propria electione, vel casu, vel aliquo accidenti sepultus fuerit sepulcro diverso ab antiquo Maiorum, Filius decedens non electa sepultura in eodem Patris sepulcro, non in illo maiorum tumulandus est; sic Abb. in citat. cap. *Nos instituta n. 5. de Sepulturis*, Barbofa de officio ac *Potestate Parochi*; Mattheucci vero, & alii cum Cardinali Petra hoc solum affirmant, quando Proavus, Abavus, & alii ascendentes Maiores sepulti sunt in uno Sepulcro, & Avus, & Pater in alio, & sic non videntur dissentire a prima sententia; Sepultura enim inter mortuos comparatur domicilio inter vivos. Filius vero sequitur originem, & domicilium proximorum Parentum, seu Maiorum, Patris scilicet, & Avi, & non remotiorum l. *Assumptio* 6. §. *Filius ff. de municipium*. cap. *Fraternitatis* cit. Quod autem electa expresse a Patre pro se, & posteris alia Sepultura Filius & Posteris, qui sepulturam non elegerint sint sepeliendi in ea, patet ex eo, quia tunc in patris electionem consentire, & sic sibi ipsi sepulturam racte elegisse censentur. Sic Reiffesnel lib. 3. *Decretalium Tit.* 28. n. 10.

Existente sepulcro Gentilitio idest familiare, & hæreditario primum altero præferendum est, cum etiam hoc dicatur sepulcrum maiorum aliquo modo, ut Card. Petra T. 2. commentar. in Constit. 2. Honorii III. sect. unic. Mattheus. alique.

Infantes licet dicat Ritale Romanum *tit. de exeq.* sepeliendus esse in sepulcro separato, nihilominus humari possunt in sepulcro Maiorum, ut expresse S. Congre. Episcoporum & Regular. in Auleulana 22. Octobris 1636. apud Barbofam de officio & potestate *Parochi* cap. 26. n. 28. Card. Petra, & novissime S. Congrega. Concilii in *Novariensi*, *Funerum* 15. Martii 1704.

Filiifamilias sepeliendi sunt in Parochiali, si non adsit sepulcrum Maiorum suorum ex parte Patris vel forte sepulturam sibi elegerint; quia filiusfamilias puer, idest maior quatuordecim annis, si sit masculus potest sibi sepulturam eligere, utpote qui ex iuris concessione hoc ei permittente, in hac parte non subicit patris potestati, Bonacina cum aliis. Dixi *maiorum suorum*, ex parte

Sepulcrum Gentilitium præferendum hæreditario. Infantes sepeliri possunt in sepulcro maiorum.

parte patris; quia si illud habeat solum ex parte matris, non videtur in hac sepultura sepeliendus, nisi forte ex illa linea nulli essent agnati; quia Maiores vocari solent qui sunt in linea, ex qua pater descendit, non vero Mater. Sic Petrus Ubalus, Anchara. Bonac.

Filii illegitimi, & naturales sepeliendi sunt in sepulcro Patris, nisi sit hic in dignitate; non tamen filii spurii; quia isti humani sunt in sepulcro Matris, dummodo non sit sœmina illustri; sic Sylves. v. *Sepultura* dist. 4. cum aliis.

Filii adoptivi, si moriantur vivente patre, in cuius potestate erant, sepeliri debent in eiusdem Sepulcro. Secus vero eo mortuo; quia tunc sepeliri debent in sepulcro patris naturalis, cum adoptio in tali casu iam expiraverit, Sylv. loco cit. cum aliis.

Infantes expositi sepeliendi sunt in sepultura Hospitalis, in quo fuerint expositi, non Patris, seu Maiorum cap. si a *patre unic. de Infantib. & languid. l. fin. Cod. de Infantib. exposit.* Quod si infantes expositi non sint in Hospitali, nec Hospitalis expensis alevantur, tumulandi sunt in Parochia, in qua contingeret eos decedere; cum decedentes non electa sepultura sepulturam habere debeant in sua respectiva Parochiali Ecclesia Cap. *ex parte 3. cap. cum sit liberum 6. & alibi in iure.*

Nota quod Regula supradicta, quod decedens sine electione sepulturæ tumulandus sit in sepulcris Maiorum non procedit e converso, ut si moriatur Pater, vel Avus, sepeliendus sit in sepulcro Filii vel Nepotis; quia ascendentes non sequuntur sepulcrum descendentium, nec transversales transversalium, nisi sint hæredes, & sepultura sit hæreditaria, nec facta sit electio. Lavorius & alii.

Qui vero nullam habet Maiorum sepulturam, nec aliquam sibi elegit, sine ulla controversia humandus est in propria Parochia in qua sacramenta recepit. Sic communiter, ut in cap. *ex parte 3. & cap. Nova 10. de sepulcris*. Nullam pariter censetur habere Maiorum sepulturam ille, cuius Maiores singuli in diversis sepulcris sepulti sint; scilicet Pater in una, Avus in alia; sic &c. cum ad hunc effectum requiratur plurium concursus, qui ab antiquo in eodem sepulcro sepulti sint; ab uno enim solo denominari nequit sepulcrum maiorum, & hoc cessante filius humandus erit in sua Parochia; quando tamen nequidem sepul-

crum elegerit. Sic Ancharan. in cap. *Is qui sub n. 4. de Sepulch. in 6. Sylv. & alii cum Barbosa*. Contrarium tamen sentire videtur Abbas in cap. *1. n. 3. extravag. de Sepulchris*; videlicet, quod in hoc casu attendenda sit sepultura Patris, & ita Engel, Reiffenst. & Lavorius testatur ita servari de consuetudine. Verum isti intelligendi sunt, quando Pater pro se, & posteris sepulturam elegerit, ut supra dictum fuit; alias non, quia non haberet sepulcrum Maiorum, dum quilibet Patrem suum habet in aliquo sepulcro tumulatum, loquendo de Patribus (cuius filii præmortuis).

Vagabundi, qui proprie tales, sunt sepeliendi in Ecclesia Parochiali, in qua decedunt, quia vagus sibi subditus loci pro tempore, in quo ibi reperitur, ibique Sacramenta recipere potest; cum nullum habeat domicilium, vel habitationem. Quisque autem sepeliendus est in loco habitationis pro ut illam habere potuit. Peregrini vero transeuntes, aut viatores, nisi sepulturam elegerint sepeliendi sunt in Cathedrali, si decedant in Civitate, vel prope Civitatem; alias in Ecclesia parochiali in qua decedunt. Advenæ autem, seu exteri, & Peregrini habentes per aliquod tempus habitationem in aliqua Parochia, in ipsa tumulandi sunt. Ita S. Congreg. Episcoporum. & Regular. in Fulginatens. 3. Iulii an. 1592. referens Episcopo ait etiam circumscripta consuetudine Advenas, & pertranseuntes, in Cathedralibus, & reliquos in Parochia intra cuius fines obierint, si per aliquod tempus habitaverint, esse sepeliendos; Lavorius loco cit. Card. Petra, Mattheucci, & alii. Quod si alicubi esset aliqua legitima consuetudo, esset servanda: & DD. concordant apud Sporell. Card. Petra, lib. cit. Cap. *cum dilectus 8. &c.*

Studiofi, famuli conductitii, milites, Officiales ac alii huiusmodi domos ad aliquod tempus conducentes, seu alicubi habitantes ad aliquod tempus, si forte sepulcrum sibi non elegerint, sepeliri debent in Parochiali, ubi sic habitabant, & decesserunt, & est communis, ac servat recepta consuetudo, quæ non solum in dubiis est optima legum interpretes, cap. *sic de interpreta. 37. ff. de legibus*; cap. *cum dilectus 8.* sed etiam latæ legi derogat; Cap. *cum tanto 11. de consuetudine*. Miles ramen prædicius sepeliendus est in Ecclesia Parochiali Arcis; ubi actualiter moritur, non autem in alia Parochia, ubi resinet domum apertam cum uxore, & filiis. S. Congreg. Concil. in Romana 27. Au-

Augul. 1597. Qui vero domicilium haberet in Civitate vel Castro, & ad villam se transferret solatii causa, vel ad ruralia negotia agenda, ac ibi nulla sibi electa sepultura decederet, nec habens sepulcrum Maiorum, sepeliendus esset in sua propria Parochia Civitatis, vel Castri, quando sine ullo periculo ad eum deferri possit; ut ex Cap. *Is qui de Sepultura. in 6.*

Si Advena, vel hospes, ac alius casu decedat in Regularium Conventu, nec ibi sepulturam sibi elegerit, de iure communi spectat ad sepulcrum Parochialem; Cap. *In Nostra 10. de sepulturis*, ubi expresse statuitur, non posse Regulares sepelire in sua Ecclesia, nisi eos, qui ibi sepeliri elegerint; & sic adiudicavit S. Congreg. Conc. in Ripan. 3. Februarii 1632. videlicet non posse Regulares commemorari per aliquot dies in eorum conventu, ibique defuncto ministrare ei sacramenta, ac in eorum Ecclesia, sine licentia Parochi tumulare, cui quarta Funeris debetur. Sic Pignatell. Card. Petra: & sic adiudicavit S. Congreg. Concil. in Ravennaten. 20. Ianuarii 1674. & alias.

Oblati vero seu donati Tertiarii, necnon saeculares Regularibus deservientes ac intra eorum Conventuum septa, ac domus commemorantes, & sub eorum obedientia, licet non ratione voti, sed servitutis viventes, si inibi e vivis decesserint, irrequisito Parocho inibi sacramenta, & sepulturam recipere debent. Nam isti non secus, ac Regulares eximuntur a subiectione ordinariorum, & Parochorum, utpote qui iidem privilegiis potantur Regularium, quibus, licet salariis conducti, inserviunt. Ita Card. Petra, Card. de Luca, Mattheucius cum aliis communiter. Secus vero dicendum si illi saeculares deservientes Monasteriis non sint de eorum familia, nec continui commensales, sed cum aliis saecularibus extra Monasteria habitent, & vivant. Ira ut si illi non habeant sepulturam maiorum, nec hanc sibi elegerint, in propria Parochia humandi sunt. Sic communiter.

Monialium tamen Famuli, & Famulae tametsi habitantes in Mansionibus intra atria Monasteriorum, subiecti remanent Parochiae intra cuius fines morantur, ac ideo ab eiusdem Parocho recipere debent sacramenta, & sepulturam in ipsa Parochia, nisi aliunde eam habeant Maiorum, vel sibi elegerint. Puellae educandae, nec non saeculares mulieres in Monialium Monasteriis legitima facultate morantes, non conveniunt DD. in definiendo quoad eorum sepulturam. Stant

enim alii pro Monasterio, ut Bordonus, Pellizzarius, Sanchez. Alii pro Parochia eorum domicilii, ut Pignatell. & huic opinioni favet resolutio S. Congreg. Concil. in Ferrarien. 21. April. 1742. a qua definitum fuit, sepeliendas esse in sua Parochia, nisi sepulturam in Monasterio suae educationis elegerint, in quo casu respondenda est Parocho quarta funerum.

Novitii tamen & Novitiae decedentes sine electione sepulturae sepeliri debent in Monasterio ubi decedunt sine ulla obligatione quartae Funeris Parocho loci retribuendae: ita Card. Petra cum aliis communiter, quia in favorabilibus Novitiis, & Novitiae veniunt nomine Religiosorum, & Religiosarum cap. *Religioso 5. quamvis 21. de sent. excommunicationis*. Accedunt quoque specialia Privilegia Religionis circa hoc concessa, de quibus testatur Donatus, & universalis consuetudo Religionum, quae derogaret legi opposita, si aliqua exaret; cap. *cum tanto 11. de consuetudine*, & hoc valet licet Novitii, & Novitiae animum habuissent determinatum exeundi e Religione: sic Card. Petra, Sylvest. Reiffelst. cum aliis, quia non voluntatis affectus attendendus, sed factum mutat statum & domicilium, & hoc intellige de Pueris quoque, & Puellis saecularibus in Monasterio existentibus non habitu indutis, sed proximis induendis, & iam ad Novitiatum admissis, ut sic incipiant experiri per aliquot dies austeritates Ordinis.

Regulares si extra Conventum decedant, & commode ad ipsum deferri possint, in eo sepeliri debent, ut ex cap. *Relig. 5. de Sepult. in 6.* & in tali casu non tenentur Regulares Canonicam portionem Parocho solvere; in cuius Parochia decessit, quamvis Religioso infirmo Sacramenta, Viaticum scilicet, ac Extremam Unctionem ministraverit: sic decrevit S. Congregatio Episcoporum, & Regularium in Puteola. 22. Maii anno 1615. apud Barbasam de Offic. & Potest. Parochi Sacra Congregatio Concilii in Bononien. 2. Iulii 1620. in responsione ad decimum. Haec autem dilatio inconsulto Parocho faciendi est privato modo sine pompa, idest sine Cruce, & Processione, ut Cardin. Petra, Mattheucius referens sic fuisse observatum Romae. In casu vero quod circumstantia ita exigerent, ut talis dilatio faciendi foret publice cum Cruce, & Processione ad Monasterium, fieri deberet cum interventu vel saltem de consensu Parochi loci; cum ratio, ac consuetudo non patiatu Regulares, aut eius delegatus, qui possit

De Regularibus decedentibus extra conventum.

Quid de Advenis decedentibus in Conventu Regularium.

posset in casu esse etiam aliquis Regularis, causa exequiarum procedat extra Monasterium processionaliter. Ita Card. Petra, Matthæus, Pignatell. Verum in hoc casu, ut aiunt Doctores, servanda est locorum consuetudo, quæ est optima legum interpretis: in casu tamen, quod Regularis non moriatur in loco, ita a suo Monasterio remoto, puta per iter unius diei, idest ad quod per unicum diem commodè deferri nequeat, ne forte putrescat, & inhiat aerem, ut vult Bordo. Pellizza. aliive, quod tamen aliqui relinquentum censent iudicio prudentis, ut Card. Petra, Matthæus. tunc enim sepeliendus esset in Ecclesia ab ipso electa, cum tunc talis electio a iure ei concedatur, ut habetur in cap. Religiosi 5. de Sepult. in 6. & sic sentiunt Glossa, Donatus, Engel, Reiffenstuel cum aliis passim; si autem Ecclesiam non elegerit sepeliendus erit in Ecclesia Parochiali, in qua decesserit expensis proprii Monasterii; sic Glossa in cap. Religiosi, ubi citat communem Doctorem. Quod dictum est de Professis ita decedentibus, idem valet de Novitiis, præsertim quando extra Claustra decedant, si exierint ad exequendam Superiorum voluntatem, vel de Consilio Medici, cum licentia Superioris, puta ad domum Parentum pro ibi recuperanda sanitate, tunc enim sepeliri debent in Monasterio siue obligatione retribuerendi Parocho canonicam portionem, quia in favorabilibus fruuntur iisdem privilegiis ac Professis, eorumque nomine veniunt. Donat. cum Sanchez. & aliis pluribus.

Regularis Confessarius Monialium habitans in domo prope Monasterium pro Spirituali earum cura ad præscriptum Alexand. VII. quod incipit *Felici* 5. 17. si ad mortem infirmetur, recipit Sacramenta, Viaticum scilicet, & extremam Unctionem non a Parocho, sed a suis Religiosis, licet alias Regulares, qui in domibus Sæcularium infirmantur talia Sacramenta a Parocho recipere debeant, iuxta declarationem S. Congregationis anno 1620. apud Donatum, quia hic Confessarius propriè non infirmatur in domo sæculari, sed potius quasi religiosus, ac ad hunc effectum exempta a Summo Pontifice, qui statuendo talem mansionem huic Confessario Regulari non censendus est voluisse ipsum reddere inferioris conditionis, quam sint alii Religiosi commorantes in Monasterio, adeoque exempti, dum ipse ibi manendo quoad hunc effectum censetur manere in Conventu, utpote qui maneat sub obedientia sui Superioris.

Regularis viator, & Hospes in Monasterio alterius Ordinis puta Benedictinus in Conventu Carthusianorum si ibi decedat, & valde remotus sit a suo Monasterio, nec sepulturam sibi elegerit, tumultuosus est in Ecclesia Parochiali intra cuius fines sit Monasterium, in quo decedit. Militat enim tunc eadem ratio, ac decedenti in domo Sæcularium, ita remota a loco Monasterii ipsius Ordinis, ut ad illud commodè deferri nequeat, de quo ante dictum est, & hicetiam sepeliendus est expensis Monasterii; ita Card. Petra. Quod hæcenus dictum est de Regularibus idem dicendum de Monialibus dum currit eadem ratio, & iuris dispositio in cap. Religiosi 9. de Sepulturis in 6.

Regularis expulsus, seu eiectus, nisi sepulturam elegerit, ad quod habet iam facultatem, cum in eius eiectioe derelinqui censetur, ac si non esset Religiosus, sepeliendus in Parochia in qua decedit cap. Nos instituta 1. cap. ex parte 5. & cap. iam citato in nostra; & sepeliendus est propriis expensis, si habeat peculium, vel Parentum, & in casu omnimodæ paupertatis debet Parochus non secus ac cadavera pauperum eum gratis sepelire; sic statuit S. Congregatio Episcoporum, & Regularium in Casanen. 5. Maii 1617.

Tertiarius, ac Tertiaria, qui habent requisita in constitutione Leonis X. quæ incipit *dum intra*, ac in alia quæ incipit *Nuper*, ac in Decreto S. Congregationis sub die 20. Decembris 1616. si decedant non sibi electa Sepultura, & in Ecclesiis Ordinum cuius habitum sumplerunt, non exeat pro ipsius sepulcrum, sepeliendi sunt in Parochiali: sic declaravit S. Congregatio Concilii, ut ex Novarrio refert Card. Petra. Eorum tamen cadavera casu, quo habeant in Ecclesia Ordinis sui habitus commune Sepulcrum deferri nequeunt ex eorum domibus sine Parochi præsentia, vel hoc requisito, ut citat S. Congregatio in Mutinensi 17. Iunii 1636. apud Dianam, & Passarium de *Statu hominis* d. 2. n. 146. & sequentibus, sic etiam Card. Petra, Barbosa, Matthæus.

Circa Cordigeros utriusque sexus quoad eorum Sepulturam S. Congregatio Episcoporum, & Regularium in una Sinogall. 22. Novembris 1580. ita observari mandavit, quod ubi adest Sepultura communis pro Cordigeris in Ecclesia Fratrum Minorum, ubi est erecta confraternitas, sepeliantur in ea, ubi vero non est talis Sepultura, sicuti cæteri sæculares sepeliuntur in sæculari Ecclesia, si non sibi elegerint aliunde sepulturam.

Quid circa Regularium expulsum.

Quod circa Separationem Tertiarii, ac Tertiariae.

Quod circa Cordigeros.

ram : in hoc tamen attendenda est consuetudo, dum circa hoc habentur posteriora decreta contraria. Cæterum confratres contrahentium electorum in Ecclesiis Regularium, si alibi sibi sepulcrum non elegerint, humandi sunt in Parochia, ita S. Congregatio Concilii, prout in constitutione Innocentii X. incipiente, *In unum* §. 6. & hoc procedit, etiam si in Ecclesiis Regularium adesset commune sepulcrum pro dictis confratribus, ut respondet S. Congregatio Concilii in Neapolitana die 13. Februarii 1666. ad hoc autem ut Confratres possint sibi eligere sepulcrum in Oratorio Confraternitatis habente ius sepeliendi, requiritur quod per sex menses ante obitum fuerint adscripti, sic caveatur in Conc. 5. Mediolanensi relato a Gavanto.

Qui vult tumulari in habitu Religioso, non est necesse quod tumuletur in Ecclesia Ordinis illius habitus, quo mortuus vestiri disposuit, sed sepelli potest, ubi sepulcrum elegerit, prout eius relinquatur arbitrio a Leone X. in Constitut. incipiente *dum intra* : & ita etiam statuit Sacra Congregatio Episcoporum, & Regularium in Novariensi 23. Novembris 1582. apud Pignatell. Verum exant quædam decreta S. Congregationis, & Bulla etiam Sixti IV. ut refert Barbosa l. 2. *inris Ecclesiæ. universi*. cap. 10. nempe quod si cupientes sepeliri ob devotionem erga aliquem Religiosum Ordinem cum habitu illius ordinis, illum receperint ante mortem per Priorem Guardianum domus Ordinis loci, vel per Superiorem Prælatum ipsius Ordinis, vel ab eo cui illi duxerint committendum dumtaxat, & non per alium, quavis auctoritate, vel Prælatum fulgente, ac ipsi admoneatur per eisdem Superiores sicuti tenentur, quod suscepto habitu illius Ordinis in Ecclesia eiusdem Ordinis sepeliri debeant, in iisdem Ecclesiis sint sepeliendi, & illorum cadavera deferri possint discooperata, idest nullo superposito pallio, seu tegumento. Insuper ex vi pariter Decreti Congregationis. cadavera hæc deferenda sunt recto tramite ad Ecclesiam Regularium cum Parocho, quo requisito si expresse venire recusaverit, licet tunc eisdem Regularibus etiam ipso invito portare ad suas Ecclesias. Sic P. Ferrari in sua Bibliot. morali lib. n. 55. & seq.

Papa Romæ e vivis decedens, nulla electa sepultura sepeliendus est in Basilica Vaticana ubi sepeliri nequeunt nisi Pontifices, & Regiæ personæ, ut nequidem Cardinalibus concessum sit ibi posse habere suam tumulationem. Ita Card. Petra cum aliis, qui notat illam Basilicam amisisse legatum cuiusdam,

qui mandaverat ibi sepeliri. Si vero forte contingeret Papam accedere extra Urbem, nec commode ad illam deferri posset, si non elegerit sepulcrum tumulandum est in Cathedrali loci ubi decederit. Cap. 65. *qui 3. de sepult.* in 6. Quia Papa potest sibi sepulcrum eligere in quacunque Ecclesia : ideo dixi, non elegerit sepulcrum, ut patet ex ipso facto; cum aliqui aliam Ecclesiam a Vaticana pro sua tumulatione elegerint. In hoc tamen casu semper Cadaver ad eandem D. Petri Basilicam deferendum est pro functionibus exequiarum explendis quibus peractis transfertur ad Ecclesiam, in qua sibi sepulcrum elegit. Sic Card. Petra.

Cardinales si in Urbe decedant, nec habeant sepulcrum Maiorum, nec sepulcrum sibi elegerint, humandi sunt non in propria Parochia, sed in Ecclesia sui tituli, quod firmavit in agitatione huius puncti Rota in Romana, *inris tumulandi* 20. Februarii 1702. in causa Sepulture Eminent. Pallavicini, quam decisionem citant cum aliis Card. Petra, Mattheus. officialis Curie quoad sepulcrum cap. 48. n. 9. & hoc currit etiam in Cardinalibus Regularibus qui minime sepeliendi sunt in Ecclesia sui Ordinis, nisi eam elegerint : quia cum assumpti ad Cardinalatum eximantur ab obedientia; sic strictior est vinculum quod habent cum titulo Cathedralitatis, quam cum generale Religionis : ita cit. Card. Petra l. cit. n. 33. & alibi. Cardinales vero decedentes extra Urbem nulla sibi electa sepultura tumulandi sunt in principaliori Ecclesia loci; quia ratione dignitatis illa censetur Ecclesia Parochialis Cardinalis defuncti, non secus, ac in simili casu censetur respectu summi Pontificis. Cardinalis Petra cum aliis l. cit. n. 34. qui simul notat, quod semper tamen debetur portio canonica Funeris Parocho, ratione administrationis sacramentorum, non secus ac debetur si sine electione sepulture, quis tumuletur in Sepulcro Maiorum, vel in Cathedrali. Sic Rota in cit. dec. n. 34. Card. Petra n. 35. Mattheus aliove.

Episcopi si decedant in sua Diocesi, nec ibi sepulcrum habeant Maiorum, nec eam sibi elegerint, sepeliendi sunt in sua Cathedrali, tamquam sua sponsa. Si vero extra Diocesim decedant, nec ad suam Cathedrali commode deferri queant sepeliendi sunt in Ecclesia digniori loci, in quo decedunt, quia de ea ratione dignitatis eorum præsumitur voluntas. Sic Card. Petra l. cit. & 36. cum Mattheus. & aliis.

Canonici Cathedralis si non habent Sepulcrum Maiorum, & Sepulcrum non tibi elegerint

Quid cit.
ca sepul-
turiam
Cardina-
lium.

Quid cit.
ca sepul-
turiam
Episcoporum.

Quid de
sepul-
turiam
ca. Ca-

Quid de
sepul-
turiam

gerint tumulandi sunt in Cathedrali tanquam in sua Parochiali, dummodo tamen in Cathedrali extet sepulcrum Canonico-
rum: quod si tale sepulcrum non adit sepeliendi sunt in Sepulcro Maiorum, sic decrevit S. Congregatio Concilii 12. Maii 1685. in Tiburtina: & hoc procedit etiam quoad alios Presbyteros, & Clericos, qui Sepulcrum non elegerint iuxta Rituale Romanum editum a Paulo V. scilicet quod si extet in Cathedrali proprium pro ipsa sepulcrum, ibi sepeliendi sunt, alias tunc locum habet Sepulcrum suorum Maiorum; si vero Canonici aliqui, vel Clerici in illo loco ubi decessit non habeat ne quidem Sepulcrum Maiorum, tunc sepeliri debet in sua Ecclesia Parochiali: est communis cap. Nos instituta cap. In nostra de Sepulcris, cum enim iura circa hoc nihil specialiter statuunt, discurrendum est de istis in dictis casibus, non secus ac de Personis Sæcularibus quia ubi ius non distinguit, nec nos distinguere debemus leg. de prælio 8. ff. de Publicana in rem actione: & Sacra ipsa Congregatio quæstia, num scilicet liceret Cathedralis Capitulo privative quoad omnes Ecclesias tumulare Cadavera Personarum Sacris, vel Minoribus Ordinibus, aut etiam solis Tonfuris initiatorum decedentium sine electione Sepulcræ, nolluit decidere, sed causam ad suos Iudices remisit, quia cum ageretur de consuetudine probanda, si hæc non probetur, bonum eius favet Parochiis, dum isti ius habent in humatione decedentium intra fines suæ Parochiæ, qui nec habent Sepulcrum Maiorum, nec Sepulcrum sibi elegerint, ut Card. de Luca, de Parocho, discus. 27. n. 2. Cæterum si haberetur consuetudo quadragenalis cum suo titulo, tunc hæc esset attendenda. Quando tamen in Cathedrali adit proprium Canonico-
rum, & Clericorum Sepulcrum, ut ibi tumulandi sint, debetur domicilii Parocho Canonica portio Funeris; sic adiudicavit S. Congregatio in Tiburtina 12. Maii 1685. Verum in hoc quoque attendi debet consuetudo, quæ non solum valet respectu Personarum Ecclesiasticarum, quæ sepulcrum sibi elegerint, ut declaravit S. Congregatio in Mantuana die 31. Iulii 1694. ac confirmavit die 30. Aprilis 1695. & ita si sibi reservatum fuisset tale ius ipsius Superioritatis quando distincte institutæ sunt Parochiæ, ut ex sæpe citato Card. Petri; imo satis est memorialis consuetudo sine titulo, quia ista facit præsumere quencumque titulum. Clerici vero Beneficia si cum onere residendi,

sive cum cura, sive sine cura animarum, idest sive simplices, sive curati, qui nec habent Sepulcrum Maiorum, nec sepulcrum sibi elegerint, tumulandi sunt in locum Beneficii, & Residentiæ, non in Parochiali sui Domicilii, sic Barbosa in cap. Nos instituit. 1. n. 4. de Sepulcris, & alii, quia Clericus beneficiatus cum onere residendi est potius Parochianus Ecclesiæ sui Beneficii, quam Domicilii, quia alias non in illis, sed in istis deberet temporibus a iure statutis Sacramenta percipere, ac Divina audire.

Nec valet dicere, quod Clerici Beneficiatis Viaticum, & extrema Unctio administratur a Parocho domicilii non Beneficii, ac proinde potius ille, quam iste censendus sit proprius eorum Parochus cum iure sepeliendi, quia in ordine ad Sepulcrum attendunt S. Canones non locum, ubi quis in extremis Sacramenta recipit, sed locum, ubi in vivis sanus Sacramenta recipere consuevit, ut patet ex cap. Nos instituta 1. de Sepulcris, & cap. de his 4. ubi habetur, a quibus receperunt salutis pabula, & cap. cum quis 2. eodem in 6. ubi sic, in qua ille officia consuevit audire Divina, & Ecclesiastica recipere Sacramenta. Isti enim se habent non secus ac illi, qui recreationis, vel negotii causa in Villam extra suam Parochiam positam pergerint, ibique morarentur, qui si non habent sepulcrum Maiorum, nec sepulcrum sibi elegerint, sepeliendi essent in propria Parochia non obstante quod in aliena Viaticum, & Extremam Unctionem receperint, ut in cap. Is qui 3. de Sepulcris in 6. cum hoc contingat, quia sicut Parochi domicilii nequeunt intrare in fines, & Territorium Parochi loci, ubi decessere, & suis Parochianis, invito rurali Parocho dare Sacramenta; ita Parochi Beneficii non possunt intrare fines ac terminos Parochorum sui domicilii, ipsique invitatis, eisdem Beneficiatis Sacramenta ministrare, ut in cap. Ecclesias 1. caus. 13. q. 1.

Uxor, quæ sepulcrum sibi non elegit, si decessat ante Maritum sepeliri debet in sepulcrum Mariti, si hic aliquam sibi elegerit, vel sibi determinaverit sepeliri in Sepulcro Maiorum, sic Abbas in cap. de Uxore n. 6. Barbosa, Sylvest. & sic adiudicavit S. Congregatio in Senogallien. 15. Ianuarii 1633. quod si Maritus nullam sibi statuerit sepulcrum, nec adhuc voluntatem suam circa hoc declaraverit, Uxor sepelienda est in sepulcro suorum Maiorum, si habeat, & secus in Parochia, ubi decessit cap. Nos instituta, & cap. In Nostra de Sepulcris 10.

Quid eis-
ca sepul-
torem
Uxor.

Si vero Uxor vidua remaneat, & Vidua decedat nulla sibi electa Sepultura, licet habeat Sepulcrum Maiorum, tumulanda est in Sepulcro Mariti: est communis *ex cap. Ebron Caus. 13. q. 2.* & si talis Mulier Vidua plures habuerit Maritos, humanda est in sepulcro posterioris Mariti, ut in *Cap. Is, qui 3. de Sepulturis in ff. Mulier, si Mulier*; & Uxor sepelienda est in Sepulcro Mariti, tametsi locum mutet habitationis, vel ad domum paternam redeat, vel aliorum se transferat, ut in citato *cap. Ebron*, quia in tali Vidua aliorum se conferente militat ratio ubi allegata, nempe ut quos coniunxit unum coniugium, coniungat unum Sepulcrum; nam hoc est privilegium datum Personæ, non loco, unde manendo in sua Viduitate, in viri coniugio reputatur perseverare; sic Sylvest. cum aliis. Quod si Mulier moreretur nondum tradita ad domum Mariti, nec ab ipso cognita, cum in tali calu nondum acquisivisset eius domicilium, nec facta fuisset una caro, non est ideoque sepelienda in sepulcro Mariti, quia illa fuerunt motiva quare in citato *cap. Is qui 3. de Sepulturis in 6. & in cit. cap. Ebron* Uxor tumulanda sit in sepulcro Mariti; sic Doctores communius. Similiter non debet Uxor habere Sepulcrum Mariti, quando ob ipsius adulterium factum sit divortium, & totalis separatio, quia tunc non est amplius de domo Mariti, cum iuridice eius domicilium deperiderit.

Si contingat Uxorem prægnantem decedere, fœtus in eius utero existens non est extrahendus, sed una cum Matre tanquam pars ipsius ventris in Ecclesia sepeliatur. Quod si extrahatur, cum careat Baptismo humandus est in loco non Sacro, ita communiter Doctores. Num vero regula eadem Uxoris quoad ipsius humationem in Marti Sepulcro valeat etiam in Marito, ut si post Uxorem moriatur sit tumulandus in eadem Uxoris sepultura discrepant Doctores. Abbas cum Reiffenstuel vult valere, & prædicant hanc sententiam ut probabilior; quia ut aiunt ipsi eadem militat omnino inris ratio in marito, ac in uxore cit. *cap. Ebron*, scilicet ut quod coniunxit unum coniugium, coniungat unum sepulcrum; quia una caro sunt: ubi igitur una est ratio, eadem est iuris dispositio, ut *ex cap. inter corporalia 2. de transla. Episcopi l. ideo de legib. Alii vero*, ut Sylvest.

Instit. Theol. Moral. Tom. III.

ster, Donatus, Riccius contrariam tenent, ex cap. Unaquæque 3. caus. 13. q. 2. ubi dicitur, quod unaquæque Mulier sequatur virum suum sive in vita, sive in morte, quod non dicitur e contra de viro: & absurdum est insuper, quod Maritus sequatur uxoris dispositionem. His tamen respondet Patroni primæ sententiæ huic oppositæ, quod licet Maritus non teneatur sequi uxorem in vita, & in morte, sicuti ipsa Uxor Maritum; tenetur tamen eam sequi post mortem, si non rigore canonis cit. *Unaquæque Mulier*, vigore saltem cit. Canonis *Ebron* ob rationem iuris, omnimodamque identitatem, ut quos coniunxit &c. Ex canon *Ebron* inquit, videtur vim maiorem habere, quia depromptus a Gelasio, quam canon *Unaquæque mulier*, acceptus a S. Augustino; nec absurdum est virum uxoris dispositionem sequi, quando iura ita exigunt, aut uxor rationabiliter disponat.

Habens domicilium in confinio duarum Parochiarum, scilicet in domo, quæ secundum unam sui partem posita sit intra fines unius Parochiæ, secundum aliam intra fines alterius, si decedat non electa sibi sepultura, nec sepulcrum habeatur Maiorum, sepeliendus est in illa Parochia, in qua domum habet ingressum. Quod si domus habeat ingressus, seu duas portas, est sepeliendus in illa Parochia, in qua est ingressus seu porta principalis sive anterior facies domus; quia hæc censetur nobilior. Sic Pignatellus t. 8. consult. 5. n. 7. Barbosa de officio, & potest. Parochi 2. cap. 21. n. 43. & alibi cum aliis.

Qui ordinavit in suo testamento ut sepeliatur in Parochia, in qua ipsum mori contigerit, si casu moriatur extra Parochiam sui domicilii, non est alias tumulandus in hac aliena Parochia, sed in Parochia proprii domicilii, cum per istum accidentalem egressum, vel brevem absentiam, non amiserit propriam Parochiam, aliamque acquisierit.

§. VI.

De iis, qui sepulturam eligere possunt.

Quilibet sive masculus, sive femina ad debitam perventus ætatem potest sibi sepul-

sepulturam eligere, dummodo ei iure non interdicatur. Sic communiter DD. ex cap. *Nos inquit*. 1. cap. *Fraternitatem* 3. cap. *In nostra* 10. de *sepulturis*. Et potest eam sibi eligere extra propriam Patriam in diversa, & remota Provincia, & etiam sepulturam alienam, ut communiter ex citatis iuribus. Verum si quis eligat sepeliri in alieno sepulcro, non potest ibi sepeliri nisi ex Patronorum consensu; quia quod nostrum est, sine nobis id est sine nostro libero concursu non potest nobis auferri, l. *id quod nostrum*, 11. ff. de *Regulis iuris*. Et ad hunc effectum non dicuntur Patroni Rectores Ecclesiarum, Superiores Monasteriorum, sed illi, quibus per dictos Rectores, seu Superiores Regulares concessa est sepultura, ita ut in tali casu petenda sit licentia a Patronis vel eorum successoribus; & si plures sint Patroni, a singulis licentia petenda est, sine qua licentia Rectores, aut superiores neminem tumulare possunt in iisdem sepulturis; quia de iure quo quis in fundo habet usum, non potest dominus inhabitare invito usufruario. L. *Heres ff. de usu, & usufructu*. Patroni autem prohibere, & negare possunt quod aliqui speliuntur in suo sepulcro l. *locum l. si plures* 41. ff. de *Religiosis, & sumptibus Funer.* Sic Barbosa, & alii. Extinctis autem Patronis omnibus tum Rectores Ecclesiarum, seu Regulares possunt, non solum alios mortuos ibi sepelire; imo etiam sepulturam alteri concedere; quia mortuo usufructuario ille usus reddit ad proprietarium libere l. *Correctionem usufructus* 16. Cod. de *usufructu, & habitatione*. Item Rectores Ecclesiarum seu Regulares causa necessitatis interveniente in sepulcris patronatus aliquem sepelire possunt. Ita Lavorius, & Abbas cum aliis. Necessitas enim licitum facit quod ceteroquin in lege non est licitum.

Quod si Patroni recusent recipere in suo sepulcro eum, qui illud in sepulturam sibi elegerat, censetur decedere non facta electione; cum idem sit non aliquod esse factum, ac nulliter factum l. *Si se non obtulit* 5. §. 6. ff. de *re iudicaria*.

Filii Familias quando sunt sui iuris, etiam sine patris consensu sepulturam sibi eligere possunt & est communis ex cap. *unaqueque* 3. §. 3. exemplo *caus.* 13. cap. *dos inquit*. 1. de *sepulturis*. Nam quo-

ad iura spiritualia, quale est ius sepulture Filiosfamilias non est subiectus patris potestati; cap. *quæst.* 12. *caus.* 13. *quæst.* 2. Et quod de filio, ob eandem rationem dicitur de servo; nempe quia servitus non se extendit ad spiritualia, sic Card. Petra, & alii. Sepulturam libere sibi eligere possunt Novicii, etiam in alia Ecclesia extra Monasterium, cum discedere possint a Religione, & in sæculo se restituere. Sic cap. *statuimus de Regularib.* idcirco hoc non potest illi denegari in morte. Religiosi tamen professi non possunt, dum in Claustro decedunt sibi sepulturam eligere; quod amplius non habeant velle, & nolle, quod valet etiam respectu eorumdem Superiorum; quia per Prælatum non desinunt esse Regulares, ac ideo in ipsis perseverat dispositio iuris Canonici, ut in cap. *Si Religiosi*. Nam quamquam respectu suorum subditorum habeant velle, & nolle, secus tamen est respectu suorum Superiorum, ut Superior localis respectu Provincialis, Provincialis respectu Generalis, Generalis respectu Papæ. Ita Donatus, Bordon alique contra aliquos.

Uxor licet sit sub potestate viri, sine eius licentia potest sibi eligere sepulcrum, quia in hoc libera est, ac sui iuris, ut communiter DD. cap. de *Uxore* 7. de *sepulcris*.

Impuberes vero nequeunt sibi sepulturam eligere. Ita communiter DD. ex cap. *licet* 4. de *sepulturis* in 6. nisi tamen malitia suppleat ætatem; quia in tali casu posset ut Lavorius, Barbosa l. 2. iuris Ecclesiastici *universi* cap. 10. n. 27. Pro impubere autem, qui nequit sibi sepulturam eligere, potest Pater illam ei eligere, dummodo tamen talis adsit consuetudo ut ex cit. *Cap. licet*. Nam ubi talis non viget consuetudo nequit Pater pro filio suo impubere sepulturam eligere, ut ex eodem cit. cap. in quo sic: *Hoc tamen non potest ubi consuetudo huiusmodi non habetur*; & sic tenet Barbosa in dicto cap. *licet* 4. de *sepulturis* n. 5. & sic etiam declaravit S. Congregatio Concil. in Placent. 27. Nov. 1646. Verum non desunt DD. insignis notæ sufficientes hodie generaliter, & nulla attenta consuetudine permitti Patribus suo filio impuberti sepulturam eligere in quavis Ecclesia, nulla excepta etiam Regularium, Sic Barbosa

bosa in summa Apostolic. Verbo *sepultura* n. 14. Peyrinus, & alii, cui sententia videtur favere Rota decis. 16. n. 8. post Antonelli. de iuribus Clericor. in Calalen. *quarta Funeral. super bono iure* 16. Ian. 1697. coram Emm. Caprara, ubi non requirit licentiam Parochi, aut Capituli; & alii etiam, qui omnes nituntur resolutioni S. Congregat. Episcoporum. & Regular. die 20. Ian. 1640. relatæ hic a Peyrino, & Barbosa. Si vero adit sepulcrum Maiorum in Ecclesia Regularium, præfisa consuetudine debent impuberes ibi sepeliri, ut declaravit S. Congreg. Concilii in Firmana *Iurium Parochialium* ad 3. & in Novariens. 15. Martii 1704. ad 1. teste Card. Petra l. cit. n. 9. in fine. Hæc tamen facultas concessa Patri eligendi sepulturam filio impuberi exerceri nequit post mortem filii, sed solum pendente eius vita, ut cum aliis Barbosa; & sic etiam declaravit S. Congreg. Episcoporum. & Regular. in Fulgin. 27. Octobr. 1587. nempe *sepulturam pro filio minori, in vita, non post eius mortem eligere potest*. Deficiente Patre, si talis adit legitima consuetudo, Mater quoque filio impuberi eligere potest sepulturam; non vero secus, ut Card. Petra, Barbosa cum aliis, & ita declaravit S. Congreg. Concilii in Maioricensi, quæ declaratio refertur in Constit. 7. Innocentii XI. §. 6. t. 5. Bullarii. Hæc tamen consuetudo debet esse generalis in loco, vel Civitate, alias consuetudo particularis alicuius Ecclesiæ cæteris eiusdem Civitatis Ecclesiis præiudicium afferret, ut ex cap. cit. *licet de Sepultur. in 6.* & talis consuetudo debet esse legitime præscripta, quæ præscriptio quoad Patrem sufficit decennalis, dum ipsi ius faver in cit. cap. *licet*; Card. Petra, Barbosa, Mattheuc. ac alii. Quoad matrem vero, cui ius resistit, requiritur consuetudo quadragenaria, nec sufficit decennalis, ut volunt Card. Petra, Mattheuc. & alii. Et hæc quadragenalis consuetudo induci potest, etiam in favorem Avorum, Fratrum, Consanguineorum, Affiniorum, Administratorum, Tutorum, Maritorum, Uxororum, Dominorum, Amicorum, cum in istis addit ratio etiam consuetudinis, quæ in Patre, & Matre ut per Glossam in dict. cap. *Licet*. Sic tenet cum aliis Card. Petra, cui tamen sententiæ adversatur Barbosa in collect. ad cap. 2. n. 6. de Se-

pulturis, & alii; quod si decedant impuberes antequam pro eis facta sit Sepultura electio ab his, qui ad id facultatem habent ratione legitimæ consuetudinis, sepeliendi sunt in Sepulcro suorum Maiorum si habeant, & secus in Parochiali; ita communiter sentiunt Doctores ex cit. cap. *Licet* ubi sic legitur, *sed sunt cum suis Maioribus, vel in Parochiali Ecclesia tumulandi*.

Electio Sepulturæ cum sit quid facti probanda est, & sufficit probatio non solum per Testamentum, & Codicillum validum, sed etiam invalidum, per Scripturam manu propria subscriptam per duos Testes, etiam si sint singulares, & per solum dictum Confessarii, & sic pluries declaravit S. Congregatio Concilii, & signanter 13. Februarii 1666. & Benedictus XIII. constituto incipiente *pretiosus* §. 69.

Electio Sepulturæ usque ad vitæ terminum variari potest toties quoties eligenti videbitur, cum electio Sepulturæ sit pars ultimæ voluntatis, quæ omnes ad placitum usque ad mortem sunt revocabiles; sic communiter Doctores. Et hæc revocatio fieri potest non solum expresse, sed etiam tacite per secundam electionem, etenim regulare est in actibus causa mortis, ut secunda voluntas secundum communem Doctorem primam revocet.

Electio Sepulturæ semel facta si non revocetur perleverat usque ad mortem. Quare si infirmus, qui sepulcrum sibi elegit ex sua infirmitate convalescat, etiam per longissimum tempus perdurare censetur illius electio, ita ut quodcumque moriatur mortuus censetur cum electione sepulturæ, ac proinde tumulandus in ea sepultura, quam sibi semel elegit, cum revocata, nec infirmata censetur, ex quo infirmus quando eam electionem fecit, non decesserit, non secus ac Testamentum, quod ex infirmi convalescentia non invalidatur Lege finali, & S. Congregatio Concilii hoc in terminis confirmavit 13. Februarii 1666.

Electio sepulturæ est probanda.

Electio sepulturæ variari potest usque ad terminum vitæ.

S. VII.

De Prohibitione facta Clericis omnibus tam Sæcularibus, quam Regularibus inducendi aliquem in voto, vel iuramento ad eligendam sepulturam in propria respectiva Ecclesia.

Graviter vetitum est in virtute S. Obedientiæ & sub interminatione æternæ maledictionis, & sub excommunicationis pœna Clericis omnibus tum Sæcularibus, quam Regularibus, ne aliquem medio voto, vel iuramento, aut pæcto, seu promissione inducant ad eligendam in eorum Ecclesiis sepulturam, aut iam electam non ulterius immutandam, ut in cap. *Animarum* 1. de *Sepulturis* in 6. & in Clementina *cupientes* 3. ff. Sane de pœnis, ubi indicitur violatoribus excommunicationis pœna ipso facto incurrenda, Sedi Apostolicæ reservata. Incurrunt Clerici utrique ipsam pœnam subsecuto effectu inductionis, idest electione facta sepulturæ per iuramentum, votum, vel pactum; etiamsi non habuerit suum effectum. Hinc satis non est promissio de eligendo, ut dici queat inductio facta, ita Bonifacius in dicta Clementina, Sylvester, Mattheus cum aliis. Quare ut incurratur Excommunicatio non satis est, quod Clericus, vel Regularis induxerit aliquem ad eligendam sepulturam in aliena Ecclesia, sed necesse est, ut inducat ad faciendam ealem electionem in Ecclesia propria ad ipsos pertinente, ut colligitur ex verbis citatis cap. *Animarum*, ubi sic habetur; *ut apud eorum Ecclesias sepulturam eligant.* Insuper requiritur ut inductio fiat scienter, idest a clerico, ac Religioso scienter huiusmodi pœnas indictas esse; cum ignorantes non incurrant, nisi ignorantia esset affectata; sicuti etiam quod induxerint ad eandem electionem medio voto, iuramento, vel pacto, aut promissione irrevocabili, ut patet ex verbis citatis cap. *Animarum*. Num vero Parochi inducentes iisdem modis alienos Parochianos ad eligendam sepulturam in sua Ecclesia, vel ad non mutandam electionem, seu proprios tali via impediendes, ne eligant, pœnas illas incurrant, contrahitur inter Doctores, & negativam

partem tenet Bonacina, eo quia, dicit ille, hoc factum fuerit in favorem Parochorum, ac proinde in eorum odium converti nequeat; verius tamen docetur, ac sustinent alii, etiam Parochos tales pœnas incurrere, ac ideo advertunt audiendum non esse Bonacinam, quem falli dicunt in sua suppositione; nam revera hoc factum fuit non in favorem Parochorum, sed decedendum, ut indemnitas ipsis libertas servetur a sepulturæ electione, ut quodcumque, & ubicumque ei placuisset liberum fuisset sibi sepulturam eligere; & ita fuerit constitutio tam Bonifacii VIII. in dict. cap. *Animarum*, quam Clementi V. in Clementina *cupientes* 3. de *Pœnis*.

Cum autem in dictis Constitutionibus fiat sermo generaliter, & indefinite non distinguendo inter Fratres, & Moniales, Præter Clericos, aut Conversos pœnas huiusmodi constitutionum incurrunt æque Fratres, & Moniales, & Fratres Conversi vere Professi, qui iisdem modis aliquem ad electionem sepulturæ in sua Ecclesia inducerent, vel ad electionem non mutandam impedirent. Verum quidem est, quod cum citatæ constitutiones non loquantur nisi de Clericis, & Religiosis non incurrerent eas pœnas Laici etiam si voto, vel iuramento, seu pacto, aut omissione aliquem induxerint ad eligendam sepulturam in aliqua determinata Ecclesia; nam a diversis non fit illatio l. *Papinianus* 20. ff. de *Minoribus* cap. ad *audientiam* 12. de *Decimis*.

Clerici insuper, & Religiosi inducentes voto, vel iuramento, aut irrevocabili pacto, vel promissione ad eligendam sepulturam in suis Ecclesiis, aut electam, non immutandam, præter supradictas alias etiam pœnis subiacent, nempe tenentur intra decennium ad restitutionem tam corporum sepulchrorum, quam eorum omnium quæ occasione sepulturæ receperunt quodcumque, & si talem restitutionem non impleverint eorum Ecclesia, & cœmeteria subiacent interdicto donec satisfecerint, ut habetur in cit. cap. *Animarum* 1. de *Sepulturis* in 6. §. si vero. Statuitur insuper dicto cap. *Animarum* 3. *Hos enim*, quod electio facta huiusmodi inductione ipso iure nulla sit; & ita eligentes sine sepeliendi, ubi nulla electione facta sepeliiri debuissent.

S. VIII.

§. VIII.

De Exactionibus, quæ sunt a Clericis apud hæredes Defunctorum occasione Funeris ab utroque iure vetitis & de iuribus Funerariis.

Quia forsitan etiam a prioribus Ecclesiæ Sæculis invaluit abusus, ut Clerici defunctorum hæredibus in illorum Funere rigoroſe ac aliquando ſupra vires hæredum exactiones extorquerent; hinc tanto malo firmiter ponere volens pietas Imperatorum conſtituti fuerunt magnæ Ecclesiæ Conſtantinopolitanæ quidam reditus, ut ſcilicet exequiæ in Urbe Conſtantinopolitana, & ulque ad novos muros, & Blacernas ferrent ſine ſumptu, & gratis, & hoc firmarunt ſua particulari conſtitutione, quæ extat in Cod. Iuſtiniano, ubi de *Sanctis Ecclesiis*, & hæc lex licet communiter attribuitur Imperatori Anaſtaſio, Iuſtinianus tamen credit primævum eius auctorem Conſtantinum Magnum, ut tradit in Novell. 59. Et reditus pro re hac assignati fuerunt ſeptuaginta librarum auri, qui reditus ex Imperiali deſtinatione percipiebantur ex mille & centum Tabernis, ſeu Officiis ſicis in præcipuis Civitatis ſcribis liberis ab omni legis exactione cum publico onere. Verum cum tempore Iuſtiniani hoc Principis donum iam in alienos uſus converti videretur, vel certe contra intentionem donantis funeris impenſa non e publico erogabatur, ſed ab hæredibus exigebatur defunctorum, Iuſtinianus novella ſua conſtitutione ſtauit, ut Eccleſia Conſtantinopolitana ex iam assignatis per ſuos Prædeceſſores Conſtantinum & Anaſtaſium mille & centum Officiis liberis ab omni onere uteretur, & reditus adiectus ab Anaſtaſio impenſas funerum ſuppeditaret, & nihil cauſa funeris ab hæredibus exigetur: & ut ſirmior redderetur huius legis obſervantia, modus etiam hæc Novella ſumptibus funerum præſcribitur, quantumque per ſingula ſonettia oporteat æconomus Ecclesiæ Conſtantinopolitanæ taxas dare his, qui funeribus operam impendunt.

Inter eos, qui funeribus aſſiſtebant erant hi, qui dicebantur Decani, ſeu Leſticarii, Copiate, vel etiam Veſpilliones, *Iuſt. Theol. Moral. Tom. III.*

& Foſſarii, ad quos ſpectabat lectum, ſeu ſeretrum in quo cadaver erat inpoſitum eſſe, & corpus inhumare, de quibus fit mentio l. 4. Cod. de *SS. Ecclesiis*. Tales Decani de grege plebis aſſumebantur ſine aliquo Eccleſiaſtico titulo, ut ex Goario. Hi inſuper, ut ex eodem Goario advocebant Sacerdotes ad iura ſua, & oblationum partem accipiendam.

Inter miniſtros quibus e publico honorarium conſtituit Iuſtinianus erant Acolyti & Alſceteriæ. Acolyti erant quaſi aſſectæ, quorum officium erat funeri ſervitia, ſive faces præſtere, & ſtatuit ut ſingulis funeribus tres eſſent Acolyti aſſiſtentes, qui nihil penitus acciperent ab hæredibus defuncti. Alſceteriæ, ſive Canonice erant mulieres quæ præcedendo, & præſallendo ſonus præcedebant, quas oſto ad minus ſingulis funeribus adeſſe voluit.

Cæterum ut Simoniacum ſemper vetitum fuit Clericis petere, ſeu aliquid exigere in cauſa funerum ab hæredibus Defuncti pro luminariis, ſive eleemoſyna, ut eis tolleretur occaſio quaſi mercandi de hoc pietatis, & Religionis opere, & de luctu alieno lucrum captandi, ne venalis videatur Eccleſia, aut Clerici de hominum interitu gaudere, ſi ex cadaveribus defunctorum ſtudent habere compendium, ſcilicet lucri ſummam. Nec hoc prætextu cuiuſque conſuetudinis, niſi pia, & laudabilis fuerit reatum ſuum poterit quis exulare. Et præter S. Gregorium, qui ſuo tempore magno exarſit zelo contra hoc vitium, quod valde acriter damnavit, ut habetur in eius *Epist. 56. lib. 1. indiſt. 2. ad Ianuarium Caleritanum Episcopum*, & in *Epist. 4. l. 7. indiſt. 1. ſcripta Dono Episcopo Meſſano*, ubi vocat illicitam aliquam conſuetudinem exigendi pro ſepultura; S. quoque Leo IV. ſæculo 9. in ſua *Epistola de cura Paſtorali ad omnes Sacerdotes curam animarum habentes*, ait: *Nullus veſtrum pro mortuis ſepeliendis præmium, aut munus exigat*. Sic etiam habetur in pluribus decretis aliorum ſummorum Pontificum, & Conciliorum, & præcipue Lateranenſis ſub Alexandro III. cuius conſtit. in cap. 9. eodem, ubi in primis dicitur: *horribile nimis eſt quod in quibuſdam Ecclesiis locum venaliter perhibetur habere, ita ut & pro ſepulturis*, & *exc.*

exequiis mortuorum aliquid requiratur. Verum licet Concilia, & Pontifices damnant ut simoniacum aliquid exigere pro sepultura, & exequiis defunctorum, & ut illicitum reiciant, quamvis consuetudinem, quæ circa hoc invaluerit reproberunt minime tamen improbant in suis decretis consuetudines laudabiles, & a primis sæculis receptas faciendo oblationes pro mortuis in funeribus, nec eas recipiendi libertas Clericis adempta est: & equidem Gregorius in cit. epist. 36. postquam exactiones pro sepultura improbat, addit. *Sed si quando aliquem in Ecclesia sepeliri conceditur, siquidem parentes ipsius proximi, vel hæredes pro luminariis sponte offerre quid voluerint accipere non vetamus.* Sic habetur in Conciliis Meldensi, Triburiensi, Nannatensi, quæ citantur a Gratiano *causs. 13. q. 2. Can. 14. & 15.* & Concilia quæ posterioribus sæculis usque ad hæc tempora celebrata fuere eodem tenore semper loquuntur, ut nimium exactiones, & passionis interdican- tur; Oblationes vero & dari, ac accipi a Parochis aliisque quibus de iure, vel consuetudine, aut aliquo alio titulo competunt, probentur. Nomine vero oblationum non veniunt hic tantum, quæ in missis exequiarum, aut anniversiariorum ad Altare offeruntur, sed & luminaria, ac alia, quæ circa funus, sive occasione funeris a consanguineis, hæredibus in funeris pompam impenduntur. Ita explicavit S. Carolus in suo Concilio Mediolanensi l. tit. de *Funerib. & exequiis.* Excipiuntur tamen Candelæ, ac intorticiæ Confraternitatum, quæ in deducendo Confratris cadavere Confratres pertulerunt, quæ per ipsorum administratos reposcuntur. Similiter inter oblationes comprehendenda sunt, quæ etiam Clericis funus comitantibus & exequias, aliaque officia funeralia agentibus dari solent.

Iussit S. Carolus ut darent Episcopi operam diligenti choortatione, ut in singulis Parochiis communibus eorum sumptibus, qui sunt in Parochia comparatur palium, quod mortuis imponi solet, & si hoc facere recusaverint Parochiani, singuli Parochi, Ecclesiarumque Rectores palium ad huiusmodi usum emant, pro quo mortuorum hæredes illis minimum aliquid Episcopi arbitrio largiantur. Et quia in ple- rique Ecclesiis habetur hoc palium com-

paratum plerumque sumptibus Ecclesiæ, vel fabricæ, pro quo aliquid solvi solet; Superiorum est attendere, ne eius occasione nimis petatur. Van-Elpen. Quod si viri nobiles (addit S. Carolus) aureo; vel serico, vel omnino præzioso palio uti voluerint, pecunia sua faciendum curent, quod ad huiusmodi cadaverum usum, nullo modo impostum adhibeatur, sed illi Ecclesiæ in qua mortuus sepultus fuerit illico post funus acquisitum sit, & in eius ornamenta convertatur. Consequerunt olim hæc & similia ad pompam fere- tro, vel Altaribus, vel etiam templi, aut Chori parietibus appendere, quæ cum pariter sint in specie oblatorum, redimi solebant certa pecunia, quæ iuxta variam locorum consuetudinem, cedebant Fabri- cæ, vel Canonici, aut Parocho. Et hoc innuit D. Carolus in suo Concil. Medio- lanen. II. exponens hæc in parte suum De- cretum primi Concilii, quo significabatur hæc cedere Sacrificiæ.

Hinc ne tali redemptione pompa fune- ris nimis excreceret, & hæc redemptiones, præsertim quando hæntum consuetu- dine, aut superiorum lege non sunt deter- minatæ mercimoniam quamdam redole- rent, dum solent Laici cum Parochis, & Clericis quasi mercari, hinc S. Carolus ut huic etiam malo consulere in suo Concil. Mediola. IV. Tit. de *Funeribus & exequiis*, quascunque passionis pro exequiis cele- brandis cum hæredibus defuncti interdixit: Van-Elpen.

Cæterum sicuti vetitum fuit Clericis ne super sepulturis aut exequiis aliivæ huius- modi Religionis operibus pacificetur, vel hæc occasione extorsiones faciant; ita quo- que Laicis inculcatum fuit, ne plas, ac laudabiles offerendi consuetudines facile obliviscantur infringantque. Testatur Con- cil. Lateranense in cap. 42. §. De *Simonia: ad Apostolicam audientiam frequenti relatio- ne pervenisse*, quod quidam Clerici pro ex- equiis mortuorum, & benedictionibus subven- tum, & similibus pecuniæ exigunt, & exorquent, & si forte eorum cupiditati non fuerit satisfactum, impedimenta fictitia frau- dulenter opponunt. Econtra vero quidam Laici laudabilem consuetudinem erga san- ctam Ecclesiam, pia devotione fidelium in- troductam sermone hæretica pravitate in- fringere nituntur sub prætextu canonica pi- tatis; occurrens illæ quoque quæritoniis

Con-

Quæ sint
oblationes
in fu-
neribus



Concil. ait: *Quapropter super his pravæ exactiones fieri prohibemus, & pias consuetudines præcipimus observari, statuentes, ut libere conferantur ecclesiastica Sacramenta. Sed per Episcopum loci veritate cognita compescantur, qui malitiose nituntur laudabilem consuetudinem immutare.* Hoc igitur Decreto concluditur vetitas quidem esse exactiones in mortuorum exequiis, sed laudabiles consuetudines a Laicis hac occasione Ecclesiæ Ministris observandas esse, & implendas. Imo etiam per Episcopum ad eam observantiam urgeri posse reluctantes, quod non solum praxis, sed & Synodi posteriores comprobant, ut præcipue in Concil. Mediolan. I. de Funeribus, & exequiis ordinatum fuit, ac statutum: & cum reprehendisset S. Præsul Borromæus, quod plerique recipientes decretum suæ Synodi in eam partem ubi vetat Ecclesiarum Rectoribus pactiones in exequiis & exactiones, occasione inde sumpta, neglecto pio usu defraudarent Ecclesiæ debitas elemosynas, rem. iterum in Concil. Mediolan. II. p. 3. Decre. 17. inculcavit, Decretum prioris Concilii explicando, ubi præcipit, Episcopis, ut habita personarum locorumque ratione, curent omnino, ut in funeribus, & exequiis quæ pie instituta, & laudabiles consuetudines ipsis videbuntur arbitrato suo servari iubeant, & sacrorum canonum contumaces omni iuris remedio compellantur.

Non minus igitur sollicita fuit Ecclesiæ, ut sordidæ pactiones, & exactiones a Clericorum animo in Funeribus, & exequiis tollerentur, quam ut laudabiles consuetudines oblationum tali occasione pia institutione inducæ servarentur. Imo cum decimæ personales & rurales, ac mixtæ sensim ad monasteria, & Capitula Cathedralium devolutæ fuerint, necessitas quodammodo coegit hæc consuetudines stabilire, ut necessitatibus Parochorum, & Parochialium Ecclesiarum provideretur. Et ne circa has laudabiles piasque consuetudines a Clericis per excessum, a Laicis per defectum aberraretur, ac contentiones omnes sordidæque aut suspectæ conventiones evitentur, caverunt Synodi, ut modus, & mensura superiorum auctoritate ponatur, ac determinetur, quod iuxta piam laudabilemque consuetudinem a laicis solvi, & a Clericis prætendi queat, ut inter alios mandavit D. Carolus, ut supra vidimus.

Imo ut omnis avaritiæ labes circa negotium hoc a Clero deturbetur, provium fuit, ne differant Defuncto sepulturam prætextu, quod non sufficienter de iuribus solvendis cautum fuerit, sic nec pro iisdem iuribus pignora capiant, quibus sibi caveant de funeralis elemosyna, aut mercede eorum operæ in funere præstitæ; quando hæredes sine gravi incommodo rei familiaris, seu detrimento hic, & nunc solvere non valeant iura funeralia, vel defuncti hæreditas huiusmodi iurum solutionem ferre nequeat, ut inter alios D. Carolus Borromæus in suo Concil. Mediolanen. IV. Parochi igitur in similibus circumstantiis, notat hic Van-Espen, ostendere debent se iuribus illis non tam avidè inhære, ut propterea velint Parochianos alias benemeritos sepultura privari, neque nimis duri esse debent in eorundem iurium exactione, quando revera sciunt familiam defuncti cæteroquin honestam in re familiari minus abundantem; & cum aliquando ab ipso proorsus non dependeat horum iurium remissio; imo frequenter minor pars ad ipsum spectet, satis tamen erit, & optimum ut etiam cum apud Parochianos benevolum reddat, si ipse se paratum præbeat Parochianis pauperibus iuxta ipsorum conditionem iusta persolvere etiam sine eorundem iurium consecutione. Van-Espen p. 2. tit. 38. cap. 4. circa finem.

§. IX.

De iuribus Ecclesiæ Parochialis, ad exequias & oblationes dum alibi sepultura electa est seu de portione canonica quæ, dicitur, quarta funeris.

Tamet si de iure parochialis sit ut Parochiani ex hac via migrantes in ipsa Parochia, vel in eius cœmeterio sepeliuntur; ita ut nullus alius locus inspecto iure communi inhumationi fidelium defunctorum datus sit, ac proinde de iure pariter communi Ecclesiæ Parochialis sit locus ubi exequiæ, aliæque iusta defuncto persolvenda sunt, & Parochus est ordinarius exequiarum aliorumque officiorum defunctis impendendorum minister; nihilominus successu temporis ius sepulturæ, sive inhumationis aliis passim locis Religiosis ex privilegio

gio iam constat communicatum fuisse, & concessum, ac ideo simul fidelibus ipsis salutem fuisse facultatem, ut eis liberum esset sepulcrum eligere in quocunque loco Religioso, qui iure sepulturæ potatur. Verum cum hæc inhumandi facultas aliis Ecclesiis competat iure speciali seu privilegio, sequitur manifeste quod illa ultra privilegii tenorem contra Ecclesiam Parochialem extendi nequeat.

Quare cum sepultura, seu inhumatio defunctorum, & exequiæ seu officium Ecclesiasticum pro defuncto perfolvendum inter se omnino disparata sint, exinde sequitur, quod uno concessio non aliud quoque sit simul indultum; videlicet dum alicui Ecclesiæ five loco Religioso indulta est sepultura vel licentia dandi his sepulcrum, qui in illis inhumari elegerint, nequaquam propterea ipsis datum censetur ius, ut ibidem in prædicium Ecclesiæ Parochialis celebretur exequiæ, aliæ funeralia officia Ecclesiastica pro Defunctis perfolvantur. Iure igitur sepulturæ indulto alicui Ecclesiæ, seu Religioso loco, salva nihilominus remanent Ecclesiæ Parochialis reliqua iura. Et equidem Romani Pontifices hoc ipsum significare intendunt privilegii illis, quibus ius sepulturæ conceditur, clausulam inferendo; *salva iustitia Ecclesiarum, a quibus corpora assumuntur*. Huius Clausulæ mentio fit in cap. 6. §. de sepulturis; & in Bulla Honorii III. quæ incipit, *Religiosam Ordinis Predicatorum confirmatoriam*, in qua conceditur ipsorum Ecclesiis ius sepulturæ, seu inhumationis cum dicta clausula reservativa; & sic habetur in Bullis omnibus, in quibus alicui sacro, seu Religioso loco ius sepulturæ conceditur. Per illa autem verba Clausulæ Ecclesiarum a quibus corpora assumuntur, intelligi Ecclesias Parochiales evidens est; cum enim Ecclesia de iure fundatam habeat intentionem ad sepulcrum suorum Parochianorum, censetur corpora alibi sepelienda ab ipsa assumi, eo quod iure communi iam celsent ipsi Ecclesiæ Parochiali addicta. Per alia autem verba Clausulæ idest, *iustitia Ecclesiarum* hic significari iura Ecclesiarum non minus manifestum est, eo quod ex iustitia eis competant, in qua significatione, etiam in antiquis monumentis iustitia & iura sæpius occurrunt, ut ostendit Du-Cange in suo Glossario verbo *iustitia*. Unde clausula

salva iustitia synonyma est huic alteri *salvo iure*.

Unde cum inter iura parochialia sine exequiæ, aliæque officia funeralia pro defunctis solvenda, exque a sepultura plane distincta; hinc hæc sunt iura, quæ Ecclesiæ Parochialis remanent, licet concessum sit ut alibi quis sepeliri queat. Et cum iuxta Ecclesiæ ritum conveniat ut Missa funeralis celebretur præsentem corpore, & huiusce Missæ celebratio fit de iure parochiali, etiam de iure Ecclesiæ parochialis competit ut corpus sibi præsentetur, atque eo præsentem Missa celebretur. Quod licet non universaliter observetur, cum contraria aliquibus in locis invaluerit consuetudo, in aliquibus tamen servatur; & inter alia Italici loca Venetiis, ubi corpora Defunctorum ad Ecclesiam Parochialem deferuntur, & ibi conclusæ perfolvantur exequiæ, ac canitur Missa præsentem corpore, quibus omnibus perlolutis deferretur ad Ecclesiam sepulturæ si alibi sepeliendus sit, & hoc notat etiam Barbosa de offic. & potest. Parochi p. 3. cap. 26. m. 70. videlicet, ubi defunctorum Cadavera in alterius Parochia essent, & in Ecclesiis Fratrum sepeliri debent, prius in Ecclesiam Parochialem ad benedictionem, & ultimum vale a Parocho recipiendum deferenda esse. Hinc in Belgio vi talis iuris quod ibi habent Parochiæ in suis Parochianis, plura a Parlamento, & Magistratibus super hoc in favorem Parochiæ edita sunt Decreta.

S. X.

De portione Canonica, seu quarta funeris debita Parocho, quando quis extra Ecclesiam Parochialem sepeliatur.

Quia de iure ipsa corporis inhumatio five sepultura cum omnibus oblationibus competit Ecclesiæ Parochiali, tanquam Matri, quæ Defunctum Christo peperit, ac vita durante nutrit, iulum quoque visum fuit, ut dum inhumatio cum oblationibus ad aliquam Ecclesiam transferri permittitur, Ecclesia Mater non in totum ab illis oblationibus excludatur, exemplo Matris carnalis, quæ saltem in patrem hæreditatis liberorum vocatur, si hæc transeat ex dispositione suorum liberorum ad extra.

extraneos. Et quidem in cap. 1. §. de sepulturis postquam Pontifex declaravit unumquemque exemplo Veterum Patriarcharum in sepulcro suorum Maiorum sepeliendum esse, & ad Christi exemplum nulli sepulturæ deprecandam esse electionem, subiungit; Sed quia dignus est operarius mercede sua, tertiam partem sui iudicii dari censimus Ecclesiæ, in qua coelesti pabulo refecti consueveris; ut iuxta Apostolum sint consolationum socii, ut fuerunt passionum. Et hæc est portio Canonica funeralium quæ spectat ad Parochum Defuncti, ut discrete habetur in iure Canonico.

Quare portio canonica, quæ vulgo quarta funerum appellatur est pars quedam oblationum, quæ in funere seu occasione funeris alicuius defuncti, præbere solent hæredes, & summi Pontifices adiudicarunt, ac statuerunt quod cedere debeat Ecclesiæ Parochiali, seu ipsius Parochianis administratæ, quæ suis Parochianis administrat quando aliquis defunctus parochianus sepeliendus est in aliqua Ecclesia extra Parochialem, vel quia suam sepulturam elegit, vel quia ibi sunt ipsius Maiorum sepulcra. Hæc autem Canonica portio communiter dici solet quarta funerum, non quia ubique fuerit huiusce portionis eadem taxatio, cum alibi sit medietas, alibi tertia pars, sed quia ut plurimum, & communius portio canonica est pars quarta funeralium, & quia licet alibi sit maior, quam quarta pars, nihilominus, sicuti portio fructuum, quæ Ecclesiæ penditur dicitur semper decima, tametsi non semper decimam portionem fructuum conficiat; ita quoque portio, quæ datur Ecclesiæ Parochiali ratione sepulturæ in alia Ecclesia licet non sit semper quarta portio funeralium, retinet hoc non obstante nomen quartæ funeris, tamquam succedens in locum quartæ, quæ ad instar quartæ legitime debetur Ecclesiæ Parochiali, tamquam matri respectu defuncti. Van-Elpen.

Quare autem, dum in clausula solita apponi in privilegiis, quibus facultas conceditur alicui Ecclesiæ sepeliendi eos, qui ibi sepulturam elegerint, quæ ait, *salva iustitia earum Ecclesiarum, a quibus mortuorum corpora assumuntur*, nulla statuatur inæqualitas portionis debita Parochiali, & talis differentia in Ecclesiis habeatur, ut in aliquibus sit medietas, in aliquibus tertia pars, & in aliquibus quar-

ta, nulla alia assignari potest ratio nisi locorum variaz inductæ consuetudines, ut huiusmodi difficultati sibi respondit Clemens III. Ut sentit B. Hieronymus inquit, unaquæque Provincia in suo sensu abundat secundum rationabilem consuetudinem regionis illa iustitia circa medietatem, vel tertiam, vel quartam partem pro locorum diversitate attendatur. Cap. 9. §. de Sepulturis. Dicitur etiam Portio Canonica in cap. 2. de sepultur. in 6. & alibi eo quod a canonibus sit inducta, ut habetur in cap. Nos instituta 1. Cap. Relatum 2. Cap. de his 4. Cap. cum super 8. de sepulturis. Præcipue agitur de hac canonica portione in Clement. dudum de sepultur. c. 1. & Van-Elpen p. 2. tit. 38. cap. 5. n. 3. ubi dicitur qui cupit, videre potest varias consuetudines & dubia Fratres Minorum & Predicantes inter & Parochos, & consueverunt habentur resolutiones auctoritatis Apostolicæ explanatas ac firmatas nonnullis constitutionibus ac ordinationibus Pontificum, præca obventiones omnes tam funeribus, quam quibuscumque & in quocumque loco, & loco (ait eadem Constitutio) distincte ad quoscumque certos, & ad quoscumque natos usus, sive canonica portio, & sive exigi non consueverit, vel de iure, nec non de datis, vel qualitercumque donatis in morte seu mortis articulo, in infirmitate donantis, vel dantis, de qua decesserit, quomodocumque directe, vel indirecte Fratribus ipsi vel aliis pro eiusdem quarta parte (quam auctoritate Apostolica taxamus, & etiam limitamus) parochialibus Sacerdotibus, & Ecclesiarum Rectioribus, seu curatis largiri integre teneantur. Igitur iuxta hanc decisionem quarta debetur non tantum ex funeralibus proprio dictis idest, quæ cum funere deferuntur, sed generaliter ex omnibus quibuscumque, & quoruncumque in quoscumque usus obventionibus Fratribus illis, a defuncto, qui apud illos sepulturam elegerit relinqui, tametsi etiam de iure portio illa Canonica de illis dari non deberet, quia licet funeri non applicentur, videntur tamen intuitu electæ sepulturæ a defuncto esse relicta, ideoque æquum videtur Ecclesiæ Parochiali ex his quartam deberi; quia simul cum ipsa sepultura ab Ecclesia Parochiali videantur quodammodo abstracta.

Observandum tamen obventiones, & quibus quarta detrahenda, dici de solis obven-

tionibus quæ obveniunt Ecclesiæ in qua electa est sepultura; factas autem in Ecclesiâ Parochiali hic nullatenus considerandas esse, nempe has integras cedere Ecclesiæ Parochiali, ac præter has deberi quartam ex obventionibus relictis Ecclesiæ dictorum Fratrum, in qua electa fuit sepultura. Quia sicuti notant DD. inter quos Ioannes Monachus, & Ioannes de Imola ad cit. Clementinam Pontifex loquitur de his tantum quæ relictæ sunt Fratribus, de relictis autem Ecclesiæ Parochiali nihil dicit. De hac quarta funerum extat Decretum Concilii Trident. sess. 25. cap. 13. de Reform. *Decernit S. Synodus ut quibuscumque in locis iam ante annos 40. quæque funeralium dicitur Cathedrali aut Parochiali Ecclesiæ solita esset persolveri, ac postea fuerit ex quocumque privilegio alius Monasteriis, Hospitalibus, aut quibuscumque, cuius prius concessa, eadem posthac integre ture, & eadem portione, quæ antea solebat, Cathedrali seu Parochiali Ecclesiæ persolvatur: non obstantibus, concessionibus, gratiis, privilegiis etiam Mari magno nuncupatis, aut aliis quibuscumque.* Ex hoc Concilii Decreto, & textibus iuris præallegatis colligitur Ecclesiæ cura ac sollicitudo ut Parochialibus Ecclesiis providere- tur, quodque creditum fuerit obventiones & funeralia, quæ locis electæ sepulturæ relinquantur quali violententer Ecclesiis Parochialibus absumi, & propterea merito Ecclesiis Parochialibus quartam adici exempli Matris, cui hæreditas filii admittitur, & ad extraneos deferatur ut supra diximus. 2. Hanc quartam consuetudine regi, eamque pro varietate Provinciarum locorumque variam esse, quæ varietas non tantum circa quantitatem, sed circa etiam quoque de quibus debetur, verisat. Unde in hoc negotio multum valent & attendendæ legitimæ & rationales consuetudines locorum & Ecclesiarum, & præcipue longi temporis, ut in cap. *Explicari*, & cap. *cum tanto* 11. de consuetud. Et sic expresse decrevit sacra Congregatio in Embredun. 25. Iulii 1649. Quod si usus ipse dubius sit, interpretatio ex iure communi, vel interdum ex usu vicinorum locorum desumenda est, ita tamen ut in dubio pro Ecclesiâ Parochiali quoad sepulchras & oblationes interpretatio fiat, utpote cui communis ius assiluit, quod saluum manet, do-

nec aliud ostendatur. Similiter etiam attendenda sunt Concordata, ac conventiones inter Prælatos, Parochos cum Mendicantibus aliisve, de quibus Concordatis agitur in cap. *Finali de pactis* in 6. ubi decernit Bonifacius VIII. ut huiusmodi compactiones & pacta cum Prælati, Capitulis, & Rectoribus, & personis prædictis ab ipsorum P. F. Conventualium Superioribus de suorum Conventuum consilio, & assensu (dummodo alias licita sint & honesta) inviolabiliter sint observanda. Van. Elphen part. 2. tit. 38. cap. 5. Cum autem hæc canonica funeraria portio induci possit consuetudine vel Concordatis, ut sit medietas vel tertia pars spatio decem annorum, ulque ad quartam exclusive præscribi possit. Ad hoc autem ut præscribat infra quartam, ut nihil solvatur, requiritur consuetudo 40. annorum cum titulo, aut consuetudo immemorabili. Sic Barbosa de offic. & potest. Paroch. part. 3. cap. 25. n. 16. & alii passim.

Cum funeralia de iure communi dicantur ea quæ ratione sepulturæ obveniunt, & quacumque occasione funerum ad Ecclesiam perveniunt cum defuncti corpore, cap. *liberum* 6. & cap. *in nostra de sepultis*; hinc de omnibus intortitiis & candelis, quæ cadaver defuncti comitantur incinerare ad Ecclesiam, hoc intelligendum est necnon de omnibus intortitiis & candelis, quæ in eadem Ecclesia circa cadaver, vel etiam in altaribus die funeris accenduntur, iuxta decisionem factam per suam Constitutionem a Benedicto Papa XIII. quæ incipit *Romanus Pontifex*; & hoc intellige, licet finis non fiat die tumulationis, sed ad aliud tempus differatur. Verum circa altarium candelas adhuc alicubi servatur consuetudo ut non subiaceant quartæ funerariæ, sed Ecclesiæ sepulturæ remaneant. Non datur tamen quarta funerum de intortitiis & candelis, quas Sacerdotes etiam Regulares, vel priam Societatum Confratres funus associantes manualiter per viam deferunt. Sic in citata sua Constitutione Benedictus XIII. & pluries declaratum fuit a sacra Congregat. Episcoporum & Regularium, & præcipue 29. Novemb. 1588. & etiam multo ante in Firmana, idest 5. Martii 1516. Item ex vi eiusdem Constitutionis quarta funeraria non debetur de Missis, legatis, anniversariis.

fa.

Taliis, iisque similibus piis, quæ relicta sint a defuncto in favorem Ecclesiæ, in qua sepulturam elegit. Vela tamen, sudario-la nec petere, nec a sponte dantibus accipere potest Parochus, ut definitur sacra Congregatio Concilii 13. Augusti 1618. in una Terræ Massæ Tuderitiæ Diocesis.

Olim Regulares quartam funerum solvere tenebantur in iis solum Conventibus seu Monasteriis, quæ eam solvere consueverant 40. annis ante Concilium Trid. servus vero in aliis ex post ædificatis, & quæ in diem ædificabantur, ut ex ipso Concilio test. 25. cap. 13. *de reformat.* & ex declaratione S. Pii V. quæ incipit *Esse mendicantium*, necnon ex pluribus sacre Congregationis Concilii Decretis: sed novissime contrarium statuit ac determinavit Benedictus XIII. Constitutione quæ incipit *Romanus Pontifex*, qua præcipitur ut in Italia eique adiacentibus Insulis Parochis defunctorum, qui in Ecclesiis Regularium quorundamque tumulabuntur quarta funeralis persolvatur præservando in favorem Parochorum consuetudines legitimas pro illis locis, in quibus vigeant percipiendi portionem maiorem quartæ cum aliis ordinationibus & derogationibus opportunis; & in Concilio Romano præcipit Episcopis tit. 8. in *Officio iudicis ordinatio*, ut ipsam publicare curent, atque pro illius observantia invigilent etiam tanquam Sedis Apostolicæ delegati.

Quarta funeralis debetur Parochiæ ubi quis habet domicilium, licet propter bellum & pestem, seu animum recreandi gratia in villam seu in alium locum se contulerit animo redeundi, & ibi obierit: de iure enim debetur proprio Parocho seu Vicario vel Sacerdoti, habenti curam Parochianorum cap. *Requisitis de testament.* cap. *Cum ex eo de elect.* Clement. *Dudum* 9. *Verum de sepult.* Barbof. loco cit. cap. 24. & 26. Abbas in cap. *de iis de sepulturis*. Hæc quarta portio debetur Parochiali Ecclesiæ, etiamsi quis ægrotus ad aliam Parochiam defuncti se fecerit, & ibi obierit, cum ob domicilii mutationem in tali casu Ecclesia sua Parochialis non perdat ius quartæ funeralis ex Clementina *dudum de sepult.* Barb. loc. cit. n. 27. Item debetur Ecclesiæ Parochiali hæc canonica portio, etiam quando quis in ægritudine constitutus se cum bonis suis ad Religionem seu in aliam

Ecclesiam transtulerit. Secus vero dicendum si sanus bona sua Monasterio, aut alteri Ecclesiæ dederit cap. *de iis* 4. *de sepult.* Barbof. loco cit. n. 28.

Sepultura electa ab aliquo apud Ecclesiam, ubi Maiores defuncti solent ab antiquo sepeliri, quarta funeris non debetur ei, sed Ecclesiæ suæ Parochiali, in qua consuevit audire verbum Dei, & recipere Sacramenta cap. *cum quis* 2. *de sepult.* in 6. Barbof. loco cit. n. 29. cum aliis communiter.

In casu sepulture alicuius Canonici Cathedralis quarta funeris debetur loco domicilii, non tunc Parocho Cathedralis, nec Parocho Parochiæ, ubi adesset sepulchrum suorum Maiorum. Sic declaravit sacra Congregatio in Tiburtina 12. Maii 1685. in respons. ad 3. & in Narniensi 26. Sept. 1689.

Si adit consuetudo quod intorticia seu candleæ quæ accense fuere in cadaveris allocatione, deserviant seu reaccendantur circa pheretrum in Ecclesia ubi cadaver tumulandum est, consuetudo servetur. Ita expresse declaravit sacra Congregatio in Tiburtina 12. Maii 1685. in respons. ad 4.

Si contingat viororem retentum pro delicto, & habitatum cum cautione decedere, quarta funeris non debetur Parocho Ecclesiæ, intra cuius fines fuit ille retentus ac decessit, stante consuetudine in civitate quod ius sepeliendi peregrinos & viatores spectet ad Cathedralē, sacra Congreg. in Pilana 22. Ianuar. 1638.

Quarta Parochialis vel vi præscriptionis, vel ex eo quod in erectione Parochiarum in signum superioritatis hanc sibi reservarunt Cathedrales, huic debetur, idest ad easdem Cathedrales spectat iuxta recentiorē Rotæ decisionem, 376. n. 2. & 3. Barbof. loco cit. n. 22. cum aliis passim.

Curatus unius Diocesis (quæcumque sit) in transitu cadaveris dum pro sepultura processionaliter deferretur ad Ecclesiam, Regularium ab altera Diocesi vi transitus per propriam Parochiam & iurisdictionem præterdere nequit partem ullam cereæ vel pecuniarum, quæ pro tali funere præbuerunt hæredes defuncti. Sic statuit sacra Congregatio Episcoporum & Regularium 15. Novemb. 1613. in Piacentina pro terra Grassidi in respons. ad 2.

§. XL

De ritibus sepulturæ, & Exequiis.

Ecclesia etiam a suis primordiis docuit pia ipsius praxi corpora Christianorum ut fidelium animarum domicilia & templa Spiritus sancti certis & statutis ritibus sepeliri, eorumque sepulchrum congruis honoribus ornare. Ita de hoc habet Origenes lib. 8. contra Celsum, & S. P. Hieronymus in epist. 25. lib. 1. scribens ad Paulam de obitu Blahilæ advertit, non tantum sub veteri, sed & sub novo Testamento honorem sepulturæ laudari. His consonat S. Aug. lib. 1. de *Civitate Dei* cap. 13. & hoc admonet factum fuisse a Maioribus, non quia inest sensus ullus cadaveribus, sed quia id ad Dei providentiam, cui placent etiam talia pietatis officia, ad corpora quoque mortuorum pertinet propter fidem resurrectionis adstruendam. Plura de hoc pietatis officio mortuis impendendo habet idem S. Doctor lib. de *cura pro mortuis*; item serm. 32. de *verbis Apostoli*, qui in editione novissima est 182.

Et hæc pietatis officia erga defunctos ita hominum animis a natura inspirantur, ut Gentiles ipsi sine ullo veræ Religionis lumine præcipuam habuerint sollicitudinem & curam erga defunctos, ut quodam particulari & religioso honore ac ritu eorum corpora tumularentur, sicuti in alios videre est apud Romanos ex iis quæ sub tit. *Digestorum & sumptibus funerum*, & ut funus ducere liceat, ita de mortuo inferendo, de sepulcro violato in iuris responsis reterunt Iurisconsulti, & ex his in primis habetur apud Romanos prodixisse actionem, quæ *funeraria* dicitur, qua is qui in funus alicuius lumpus fecit, eos repetere potest & exigere ab eo ad quem res illa pertinet L. 2. ff. de *Religijs & sumptibus funerum*, puta hæredem, patrem in cuius potestate erat defunctus, dominum L. 24. §. fin. L. 21. & 31. ff. *cod.* Imo talem prærogativam dederunt Romani his lumptribus, ut qui eos fecerit, præferatur credioribus omnibus, ita ut ante legata, & omne aliud creditum deducerentur L. *penult.* ff. *cod.* Nec hæc tantum probant luculenter causam funeris & se-

pulturæ favorabilem fuisse Romanis & piam, sed etiam ritus plurimi quibus suis defunctis parentabant, aliquibus quorum uti sunt, & hodieum utuntur etiam Christiani, iis nempe qui sine superstitione ad religiosum cultum adhiberi possunt, ut mox ipsis corporibus mortuis os & oculos occludere, quem morem ait eruditus Auctor Romæ subterraneæ lib. 1. cap. 27. n. 13. quasi natura ipsa dante adhibitum fuisse ad propulsandum horrorem illum qui ex aperti patentibusque mortuorum oculis repente animis adstantium refunditur.

Mos pariter deferendi cadavera defunctorum patenter exposita receptus fuit a Gentilibus. Ex huiusmodi more alium invaluisse, lavandi scilicet defunctorum corpora, sicut non obscure habetur in Actibus Apostolorum cap. 9. ubi de Tabitha loppensii mortua, & a S. Petro resuscitata dicitur, *quam cum lavissent, posuerunt eam in cenaculo*; de tali cadaverum ablutione alibi etiam habetur mentio, ut apud Eusebium lib. 7. Histor. Eccles. cap. 22. relatum a Dionysio Alexandrino, apud Gregorium Turonensem de vitis Patrum cap. 32. & in Sacramentorum manuscripto Rothaldi Abbatis, ex quo officium sepulturæ edidit Hugo Menardus in Notis ad Sacramentarium S. Gregorii pag. 262. Extat Oratio post lotionem corporis dicenda, antequam de domo efferatur. Van Espen. Ex tali ratione credit cit. Canonista hic morem olim indultum induendi corpus defuncti pretiosis vestibus unumquodque secundum illius qualitatem & conditionem, idest pro qualitate & conditione personarum, quæ exponebantur, & sepeliebantur. Hinc indubie mos invaluit ut personæ de Clero quæque induerentur supra vestem talem sacra veste congrua ministerio Ordinis cui erant initiatæ, videlicet Episcopus indueretur Pontificalibus, Sacerdotes Sacerdotalibus, scilicet super vestem talem amictu, alba, cingulo, manipulo, stola & capula seu planeta violacea: Diaconus vero amictu, alba, cingulo, stola super humerum sinistrum, quæ sub axilla dextera neclatur, & Dalmatica violacea: Subdiaconus omnino ut Diaconus, præter stolam, & loco Dalmaticæ tunicella pariter violacea. Alii vero inferiorum Ordinum Clerici superpelliceo super vestem talem & singuli cum contu-

De Mo.
le dese.
rendi ca.
davera
Defun.
ctorum
exposita.

Mos olim
ut ponere
di supra
pectus
defuncti
Eucharisti-
am.

ra, & Episcopus cum mitra, alii cum bireto; Regulare vero etiam laici cum habitu proprii Ordinis; & hic ritus habetur descriptus a Gulielmo Durando in Rituali divinatorum officiorum lib. 7. cap. 159. & præscriptus in Rituali Romano edito a Paulo V. Mos olim fuit insuper saltem in aliquibus Ecclesiis tum Orientalibus, tum Occidentalibus ut sacra Eucharistia, siue corpus Christi Domini imponeretur pectori ipsius defuncti, & cum ipso sepeliretur ut constat ex Amalario Fortunaro lib. 4. cap. 41. ubi refertur ex Beda ritum observatum in sepultura S. Gotheberti inter alia dicit, oblata super pectus sanctum posita fuisse; & in vita S. Basilii sic scribit Amphilozius: *Dividens panem in tres portiones, unam quidem suscepit cum timore multo, aliam servavit ad conspiciendum sibi, tertiam vero super columbam argentam suspendit super altare*; & sic de hoc ritu etiam alibi.

Hodie pluribus in locis invaluit mos deferendi cadavera secularium personarum clausa in loculo seu in capsula. Quando vero hic mos coeperit notat Van-Elphen incognitum esse. Et putat invaluisse quando non amplius sub vespertas & noctu, sicut solebant Gentiles, ut notat Servius ad 11. *Aeneidos*, sed pleno die ad Ecclesiam portari coeperunt, ne scilicet per publicam & conspicuam cadaverum frequentem delationem per eorum conspectum nimius terror hominibus incuteretur. Van-Elphen par. 2. tit. 38. cap. 1. de sepulturis.

Certum est præcipue durante persecutione Christianos corpora noctu ad cryptas & loca subterranea sepelienda detulisse. Cessante tamen persecutione, & ac pace Ecclesie reddita per Constantinum claro die coeperunt corpora deferri ad Ecclesiam, qui mos mutatus fuit sub Iuliano apostata, qui in odium Christianorum, ut credit Gothofredus, legem edidit ut noctu deferri deberent, quam legem Theodosius confirmavit, dum in suum codicem eam retulit. Ab hac consuetudine noctu corpora effereendi primitus morem habuisse faces seu phanalia incendiendi, & corporibus mortuorum præferendi notat Auctor Romæ subterraneæ lib. 1. cap. 27. n. 29. & cap. 28. n. 1. Et hic mos facies in effereendis cadaveribus præferendi fuit etiam apud Gentiles; imo solebant etiam lucernas ceræ temporibus ad sepulchra mortuorum ac-

cendere, iuxta cit. auctorem Romæ subterraneæ lib. 1. cap. 28. n. 2. Hic autem usus luminum cereorum in funeribus Christianorum receptus fuit in Ecclesia non solum ad tenebras noctis effugandas quando noctu ad Ecclesiam fidelium cadavera deferrebantur, sed etiam in signum lætitiæ & triumphi ob peractum viriliter agonis cursum, ait S. Chrysostomus, & ad ampliorem Religionis cultum approbavit S. P. Hieronymus adversus Vigilantium, & in Epitaphio Paulæ de usu cereorum ad eundem finem lætitiæ ait idem S. P. lampadas Sacerdotes, cereosque prætulerunt funeri. Hinc factum fuit quod luminaria in funeribus adhibere perseverarunt Christiani etiam quando invaluit consuetudo ut horis diurnis funera defunctorum celebrarentur.

Ad hunc finem quoque, ut ex S. Dionysio Areopagita, & ex cir. Chrysostomo, decantari coeperunt in funeribus Hymni ac Psalmi; quem morem canendi in funeribus observarunt etiam Gentiles, tunc tamen lugubri, quo de mortui suum declararent moerorem, & luctum, cui plura addebant fanatica & infana externi luctus indicia ut ex S. Chrysost. hom. 61.

Planctu insuper immoderato & fanatico utebantur Gentiles in funeribus; imo planctu utebantur etiam Iudei, ut constat ex Evangelio, in quo habetur quod cum Christus accessisset ad domum cuiusdam Principis, ut a mortuis excitaret filiam eius, quæ paulo ante e vivis decesserat, invenit tibiçines, & turbam flentem ac eulantem. Hoc immodicos Gentilium luctus improbat Ecclesia, ne secus occasio daretur Gentilibus Christianos irridendi, quasi aliud factis probarent ab eo quod dictis prædicant, nempe optandam esse a Christianis mortem, eo quia eorum mors sit transitus a mortali & misera vita ad æternam felicitatem, omnique miseriæ expertem: ac proinde Ecclesia convertit immoderatos Gentilium luctus, quos vetuit, in manifesta lætitiæ signa absque eo quod tamen aliquem moderatum luctum vetaret, qui pietatis officia erga defunctos benemeritos, & præcipue erga parentes explicaret. Et immodicum luctum Gentilium Clericis præsertim prohibuit Ecclesia, ut suo exemplo ostenderet non dolendum esse in morte parentum Ethnicorum more, qui spes non

non habent, sed potius his congratulandum de triumpho. Unde Clericis vetitum quoque fuit uti veste lugubri in morte suorum parentum, quem morem non lugendi parentes, nec signum ullum in vestibus assumendi hodie Regulares servant. Non licet tamen ex his concludere luctum omnem in Christianorum morte improbari, cum ut ante notavi, aliquem permittat Ecclesia, sed tantum immoderatum Gentilium Christianis interdixit, ut monet S. Aug. serm. 32. *de verbis Domini, f. 172. Ideo non admonuit Apostolus ut non contristemur, sed non sicut ceteri qui spem non habent. Contristamur ergo in nostrorum morte necessitate amittendi, sed cum spe recipiendi; inde augmur, hinc consolamur; inde infirmitas afficit, hinc fides reficit; inde dolet humana conditio. Et revera habemus in Actibus Apostolorum planxisse Ecclesiam in sepultura S. Stephani; Et fecerunt planctum magnum super eum.*

Circa nocturnam seu vespertinam antiquam defunctorum delationem ad Ecclesiam non ita intelligenda est, ut statim seu ipsa nocte vel Vespere sepelirentur, sed ibi remanebant exposita tota nocte in crastinum sepelienda: Imo etiam aliquando altera die, & toto eo tempore recitabantur, aut etiam canebantur hymni & psalmi præsentis corpore, ut testatur Gregorius Turonensis in vitis Patrum cap. 30. de S. Gallo. Hinc certe originem habuere vigilæ defunctorum, quia scilicet excubarent fideles orando in Ecclesiis apud corpora defunctorum, ut narrat S. Gregorius Nissenus contigisse morte Macrinæ sororis suæ: *Antequam, ait, corpus eius sepulchro inferretur, per totam noctem prodeam fuisse psalmodiam, & deinde perfectam esse nocturnam pervigilationem canendis psalmis, ut in Martyrum celebrata.*

Unde, subiungit hic Van-Espen, hodiernum defunctorum Officium huius vigiliis respondere vix dubitari potest. Constat hodiernum officium defunctorum primis Vesperis & officio nocturno, quod non obsecrum indicium est ex pristinis illis vigiliis descendere, seu potius illis successisse. Cum enim corpora sub Vesperam ad Ecclesiam delata tota nocte ibi quiescerent, preces & vigilæ quæ vespere coram corpore agebantur, primis Vesperis, (quæ

iuxta Ecclesie ritum ad Vesperam sequentis diei fieri debent) plane correspondent; reliqua vero quæ de nocte agebantur, officio nocturno.

Quando vero compositum fuerit Officium defunctorum incertum est. Unum quidem refert Menardus in Codice Sacramentario S. Rhemigii, quem scriptum credit circa annum mille, sed plane diversum a hodierno Romano, utpote quod non constat nisi aliquibus commendationibus animæ, & collectis, & hoc speciale observat ipse Menardus in hoc officio, quod in principio officii cantatur Psalmus *In exitu Israel* cum Antiphona *Alleluia*; ex quibus constat, ait Menardus, olim hanc lætitiæ vocem non fuisse prætermisam in officio Defunctorum ob lætitiā, quæ ob mortem iustorum toti obvenit Ecclesie, ut apud S. P. Hieronymum in Epitaphio Fabiolæ, & hæc lætitiæ vox canitur a Græcis in Liturgia de Defunctis finita Epistolæ lectione. Refert postea idem Auctor pag. 262. aliud officium Defunctorum ex Codice manuscripto Rothaldi Abbatis, quod exaratum credit circa finem sæculi decimi, sed eiusdem tenoris ac prius sine Vespere & Officio Nocturno.

Mos celebrandi Missam pro defunctis præsentis corpore, ac mos offerendi, sæculis etiam prioribus viguit, ut ex multis testimoniis ostendit Onuphrius cap. 9. & 10. etiam elemosynas pro mortuis condito & completo funere datas fuisse probat ex Origene, & ex S. P. Hieronymo. Et hunc antiquissimum ritum Missam celebrandi pro defunctis præscribit quantum fieri potest, videlicet ut Missa pro defuncto, præsentis eius corpore celebratur.

Nota Missam pro defunctis expressam in cit. Codice Rothaldi in multis hodiernæ Romanæ consonare; excepta præfatione, quæ hic specialis est, & Oratione dicenda infra actionem, in qua specialis exprimitur Orationem hanc fieri pro hoc Defuncto. Orationes & Responsoria, quæ tunc dicenda præscribuntur ad corpus defuncti post Missam, antequam terræ mandaretur, multum cum hodiernis conveniunt. Item in dæto occurrit ritus dicendi ter *Kyrie eleison* post Collectam, non secus ac in hodiernis Ritualibus præscribitur: nulla tamen sit mentio trinæ churificationis & aquæ asperisionis super corpus defun-

De anti-
quitate
Ritus
cele-
brandi
Missam
pro De-
functis.

defuncti, quæ nunc sunt in usu : ex quo colligitur hunc ritum esse recentiorum, vel saltem quando scriptum fuit illud Sacramentarium non fuisse in Ecclesia universaliter receptum. Observat hic Van-Espen nil adeo varium olim pro varietate Ecclesiarum, quam familiam precum ac rituum ulum. Guilielmus Durandus qui vixit sub finem sæculi tertidecimi describens Officium Defunctorum sui temporis testatur quod in quibusdam Ecclesiis legebantur novem Lectiones, de Job primo, in aliis similiter totidem de Libro Sapientiæ, & incipiunt hoc pacto : *Melius est ire ad domum luctus quam ad domum convivii.* Aliæ vero has novem Lectiones petunt ex Sermone quodam D. Augustini, quem ille composuit de mortuis, & quem scripsit in hunc modum : *Beati mortui, qui in Domino moriuntur*, quod in aliqua Ecclesia dicitur sub finem Lectionum. Sic Durandus in Rationali divinarum Officiorum lib. 7. cap. 161. In hac igitur rituum varietate concludit tenendum esse a Parochiis aliisque inferioribus Ecclesiis usum suarum Ecclesiarum præsertim in ipsis Ritualibus seu manualibus vel Pastoralibus præscriptum. Ad Episcopos autem spectat omnia vetare, ac cavere quæ vel avaritia vel irreverentia, aut superstitione veræ pietatis falsa imitatio inducere potuisset, ac sollicitè attendere ne quæ similia irrepant, puta determinato numero Missarum vel precum certam animarum a Purgatorio liberationem adicere, quæ superstitio ab Ecclesia damnatur.

Quæ hodie pro defuncto aguntur in die eius sepulturæ Exequiæ vocari solent, quæ ab hæredibus defuncti sunt perfolvendæ, ut supra notavimus iuxta plurium Synodorum, & præcipue Mediolanensis sub S. Carolo tit. de funeribus & exequiis statuta, circa quæ admonentur Parochi, imo ipsis præcipitur ne in iis prudenter se gerant, ac vident omnino sordidum quæstum, & labem avaritiæ, in quæ facile incurrent, si in iuribus suis exigendis duri sint ac difficiles ; si iam vetustas passionibus & conventiones super his cum hæredibus ineant, si suos Parochianos ad fastuosas & non raro cum summo filiorum aliorumve hæredum incommodò exequias aut anniversariorum foundationes, vel multorum sacrorum celebrationem hortentur. Licet enim probeat, imo præcipiat Eccle-

sia ut corpora fidelium Defunctorum honorifice, & religioso cultu tumulentur, exigat tamen in his moderationem, ut nec despecta sit, nec superba eorum sepultura, uti monent ac præscribunt plura Concilia, & præcipue Rhemense anno 1583. tit. de sepult. n. 1. & alicubi etiam per sæculares magistratus cautum fuit ne nimis superbæ ac vanæ celebrentur exequiæ, de quibus pomposis fustibusque tumeribus ait D. Aug. serm. 32. de verbis Apostoli, qui hodie est 172. *Pompe funerum agmina exequiarum, sumptuosa diligentia sepultura, monumentorum opulenta constructio vivorum sunt qualiacumque solatia, non adiutoria mortuorum.* Et circa hoc populus pariter monendus est a Pastoribus quod licet indubitatum sit Orationibus S. Ecclesiæ, & Sacrificio salutari & elemosynis quæ pro eorum spiritibus erogantur, mortuos adjuvari, ut cum eis misericordius agatur a Domino, quam meruerint, ut ait S. August. cit. serm. advertendum tamen cum eodem S. Doctore prodesset illa defunctis, sed talibus qui ita vixerunt ante mortem, ut possint eis hæc utilia esse post mortem. Idem pariter monet libro de cura pro mortuis cap. 18.

Verum ut populus fidelis facile excitetur ad moderate iuxta piam laudabilemque Ecclesiæ consuetudinem exequias pro defunctis perfolendas, securissimum ac maxime validum præsidium erit, ut in his præstandis modestia, ac quæ par est devotione ita se habeant Parochi alique ministri, ut ad defunctorum salutem simulque vivorum pietatem, quemadmodum vere sunt, non ad quæstum eiusmodi ritus instituti esse videantur, ut habetur in Rituali Romano de Exequiis.

Non minus laudabilis & pius est quam utilis mos antiquitus valde usitatus, nunc tamen rarior, Orationum funebrium, quæ recitabantur in ipsis Defunctorum exequiis, dum ipsa recens defuncti memoria & præsentia nata est conciliare attentionem maiorem, & vivaciorem de morte, iudicio extremo, aliisque novissimis ideam imprimere. Hinc Synodus Cameracensis habitæ anno 1604. tit. 13. cap. 2. statuit ut Parochi semper habeant exhortationem in sepultura, & exequiis Defunctorum, antequam populum a loco sepulcræ dimittant, in eaque ad orandum pro defunctis omnibus hortentur ; & cap. 3. monet ut quando

De usu
Oratio-
num fu-
nebrum.

ota-

orationes habentur fimbres, ita se gerant Concionatores, ut assentationem omnem fugiant, & nonnisi veras & compertas virtutes defuncti laudent. Et Syro-
 dus Namurcenſis anno 1639. tit. 16. cap. 5. monuit eas ſobrie ut habeant, auditores confideratione mortis, & iudicii, ad peccatorum fugam potius excitando, quam immodice laudes defuncti propalando. Hadenus Van-Elpen.

FINIS TOMI TERTII.

Q25677301

